







Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.573



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.573




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.573

2. 6. 573.

256

XL
IANS. m
Pfalz. et. Cant.



IACOBI IANSSONII

AMSTELEDAMENSIS, S. THEOLOGICÆ

LOVANII PROFESSORIS,

IN PSALTERIVM, ET CANTICA

quibus per horas Canonicas Romana vtitur Ecclesia,

EXPOSITIO.

Cum Scripturarum & rerum Indice.

1. Corinth. 14.

Orabo spiritu, orabo & mente; Psallam spiritu,
psallam & mente.



LOVANII,


Apud Io. Masium, & Philip. Zangrium, Typog. Iur.

ANNO M. D. XCVII.

CVM PRIVILEGIO REGIS CATHOLICI.

11/

2-11



R E V E R E N D I S S I M O
ET ILLVSTRISSIMO DOMINO
D. MATTHIÆ HOVIO, ARCHIEPISCOPO
MECHLINIENSI MERITISSIMO, DOMINO SVO.



Quod olim, Reuerendissime & illustrissime Domine, B. Bernardus cum Euangelicum Diuæ Virginis & Angeli Dialogum in lucem emitteret, id ego quoque modò hanc Psalterij expositionem omnibus exponens, non omnino sine causa forsitan vereri debere videar, ne scilicet (vt Sancti illius verbis vtar) iudicer superfluous aut præsumptor, qui post Patres qui Psalterium varijs sæculis exposuerunt, in id nouus expositor ausus fuerim mittere manum. Rem tamen bene consideranti, videbor expositor magis oportunus quàm superfluous: Et, de veterum lacinijs nouum potius centonem, quàm nouam in medium proferre expositionem. Quæ enim Patres in Psalterium eiusque declarationem sparsim scripserunt, hæc ego, vt lectoribus obuia essent & oportuna, suis, vt potui, locis disposui, fecique in seriem sparsa redire nouam. Sed etsi expositio nostra quibusdam in locis noua esset, non foret id piaculum: Nouas enim, si ita appellare libet, in sacras scripturas expositiones, nouæ nos cudere cogunt hæreses. Cùm enim impij (quo nomine hæreticos intelligendos esse suo loco ostendimus) in circuitu ambulantes, prioribus expugnatis, nouas semper hæreses excogitent, & inauditis expositionibus scripturarum sanctarum sensus peruertant, oportet nos ex aduerso, ad eorum confutationem de-

★ ij Scri.

EPISTOLA

Scripturis sacris fidei, nouis argumentis impugnatae, veritatem,
 & sacrorum sensuum sinceritatem eruere, & in medium adferre.
 Nec hunc nobis laborem Patres praeipuerunt, sed reliquerunt.
 Cum enim ipsi de sacrarum scripturarum reconditis illa eruis-
 sent, quae sui temporis haeresibus conterendis plurimum adferrent
 ponderis; reliqua quae aduersus oborituras haereses in Scripturis
 sacris adhuc manebant recondita, posteris accuratius enucleanda
 reliquerunt, ut aduersus peruersa haereticorum dogmata, Eccle-
 siae sapientia quouis tempore exerceretur & exacueretur: Des-
 cenderetque quouis tempore Israel ad Philisthim ut exacuat vo-
 nusquisque vomerem suum & ligonem, & securim & sarculum.
 Nec tamen ob id noua religionis dogmata in medium adfert Do-
 ctorum Neotericorum cathedra, sed supercertat traditae semel
 sanctis fidei atque doctrinae, neruosis deductionibus produciens do-
 ctrinam veterum, usque ad confutationem nouorum. Verum-
 enimvero expositionem hanc non solum aduersus haereses direxi,
 sed magis ad Catholicorum edificationem, ut, ad incrementum
 deuotionis, ostenderem Catholicae Religionis medullam Psalte-
 rio comprehensam esse atque contentam. Psalmorum enim ma-
 teria, tametsi sub varijs verborum metaphoris & inuolucris ab-
 strusa sit & recondita, passim tamen spiritualis est, Christum,
 Ecclesiam, Christi gratiam, iustitiam, conuersationem rectam,
 & caetera quae huc pertinent immediatè ac principaliter continens
 atque parturiens. Non tamen ob id censerì debeo, Psalmorum
 sensum mysticum proferre: Profero enim literalem, eò quod
 sensus sacrarum Scripturarum literalis ab authoris intentione
 petendus sit: Quia is inter caeteros sensus literalis est, qui est
 ab au-

DEDICATORIA.

ad auctorem principaliter intentus. Proinde non fuit mihi curæ
 Psalmos prius de rebus Veteri testamento gestis exponere, arbi-
 trabar enim præter paucos Psalmos qui allegorici sunt, reliquos
 sensum spirituales immediate postulare, id enim mihi persuade-
 bat tum ratio prophetiæ, tum usus Ecclesiæ, tum dignitas scri-
 pturæ, tum etiam verborum amplitudo, versuumque connexio.
 His accedebat D. Hilarij authoritas, qui dicit: Psalmi non sui
 tantum temporis res enunciant, neque in eas solum ætates conue-
 niunt quibus scripti sunt, sed vniuersis, qui in vitam venerunt,
 Dei sermo consulit, vniuersæ ætati ipse aptissimus est ad profe-
 ctum. Si vniuersæ ætati, oportet ergo Psalmos ea quæ Christia-
 næ fidei, religionis & conuersationis sunt describere, per hæc
 enim omnis ætas saluatur, & ad vitam æternam perducitur.
 Cum itaque, Optime PRÆSVL, ipse, bono à iuuentute spiritu
 delibutus, per interioris hominis profectum, ea quæ Spiritus Dei
 sunt (vt cum voluptate subinde obseruari) sapias: Et, à Spiri-
 tu sancto Clero præpositus sis, vt per eum, orationes, obsecratio-
 nes, postulationes, gratiarum actiones, eâ, quæ Deo placeat, re-
 ligione, fieri, gratiâ & authoritate procures; non potui præter-
 ire quin hanc meam expositionem, tuæ, ante omnia, pietati de-
 stinarem, vt & meæ erga eandem dilectionis & obseruantie
 argumentum, & eius in Religionem, officiaque diuina studijs
 suppeditarem, quod possem, adminiculum: Id meis, (præsertim
 quatenus Scripturarum sacrarum, & Patrum verbis & allega-
 tionibus constant) quod quondam D. Ambrosius suis ad Gratia-
 num Imperatorem lucubrationibus implorabat in hæc verba:
 Confer te Domine ad nos, & sanctifica mihi aures Principis

✱ iij Gra

EPIST. DEDICATORIA.

Gratiani; Omniumque præterea, quorum in manus hic libellus venerit, vacuas mihi præsta; easque emunda, non fontanis poculis, non fluuiali haustu, sed sermonibus ad vicem aquarum operantibus. Est enim tibi poculum quo secreta mentis mundare consuesti, quod letificat cor hominis, sobrietatem inebriat, crapulam fidei & veræ religionis exhalat. Hoc tu munusculum PRÆSVL Amplissime benignè suscipe, & ad profectum Ecclesie, diuinæ bonitati semper commendatus existe, vt integer spiritus tuus, anima & corpus, in aduentu Domini nostri IESV CHRISTI in nostram pariter salutem diu seruetur.

Louanij, è Collegio solitudinis nostræ, materno gremio eruditionis tuæ, quod sanctæ memoriæ ADRIANVS VI. Romanus Pontifex de bonis suis belgicis Belgio feliciter erexit & donauit, 29 Iunij, Anno 1597.

Reuerendissimæ & Illustrissimæ gratiæ
tuæ in Domino addictissimus,

Iacobus Ianßonius.

C E N S U R A.

Dauidicorum Psalmorum ab eximio M. N. Iacobo Ianssonio in
scholis Academiae Louaniensis praelectam, & à me vt Cen-
fore antea probatam; nunc vero ab eodem authore sub prae-
lo recognitam enarrationem; iterum probò, & praelo di-
gnam censeo

HENRICVS CVYCKIUS
Ruræmundensis Ecclesiae indignus
EPISCOPVS.

*Hanc Psalmodiae expositionem diligenti eruditionis praestantia è varijs
antiquorum patrum flosculis confectam, ego infra scriptus, vidi,
legi & probaui, cumque nil habeat quod cum eximia pietate sincere
fidem non teneat: editione in publicum ad communem adifica-
tionem dignissimam existimaui. 30 Iunij, 1597.*

EMBERTVS EVERAERTS
Ecclesiae D. Petri Pastor, & S. Theolo-
giae Louanij Professor.

Commentarius hic in Psalmos Dauideos & in Cantica quae
in officio Ecclesiastico vsurpantur, eruditus est, vitaeque ad
normam Christianae veraeque pietatis instituendae appri-
me utilis: Ita sentio

IOANNES CLARIUS *Scholasticae Theo-
logiae in Academia Louanensi Regius ac
primarius Professor.*

SVMMA PRIVILEGII.

REgia Catholicae Maieſtatis literis conceſſum eſt D. Iacobo Ianſſonio Amſteledamenſi, S. Theologiae in Academia Louaniendi Profeſſori, vt commentaria ſua in *Cantica Canticorum*: eiudemque in omnes *Pſalmos Davidicos*, & *Cantica ferialia*: ſimiliter in ſacrum *Miſſae Canonem*, & *Dominicam Paſſionem*, cui velit Typographo Iurato in Brabantia tradat imprimenda ac diſtrahenda; alijs omnibus Typographis & Bibliopolis interdicens, ne quis ſupradictos libros infra ſexennium imprimat, aut alibi impreſſos diuendat, ſub poena conſiſcationis librorum & quinquaginta florenorum, vt latius patet in dictis literis, Datis Bruxella, 24 Iulij 1596.

Signat.

I. De Buſchere.

Prædictum Priuilegium conceſſi Ioanni Maſio & Philippo Zangrio, Typographis Iuratis.

Iacobus Ianſſonius.

ARGUMENTVM


PSALMI PRIMI.



Describitur hoc Psalmo, in quo posita sit innocentia atque rectitudo hominis iusti, quæque eius sit exercitatio, quis fructus, quis rerum eius successus, quis euentus. qui ordinatissime primo loco ponitur. Quicquid enim inuocationis, comminationis, prædictionis, promissionis, & id genus rerum in Psalmorum libro describitur; omne id ad iustitiam hominis ædificandam, tuendam, perficiendam ac remunerandam refertur. Est itaque hic Psalmus omnium Psalmorum quidam scopus, qui ut intentione, ita conuenit, ut hic & loco sit primus. In tota autem Psalmorum nostra explicatione obseruandum, nos quidem eum sensum dare qui authoris proposito, textusque coherentiæ atque deductioni maxime conuenire videtur. Fatemur tamen nihil retare quominus iidem Psalmi, aut aliqui eorum versus ad alios sensus, materias, intentionesque extendantur. Nulla enim enuntiatio Spiritus sancti, inquit Tertullianus, ad præsentem tantum materiam, & non ad omnem utilitatis occasionem dirigi & suscipi potest. Et; Latè Scriptura diuiditur, ubicunque secundum præsentis rei sensum disciplina munitur.

Cap. 2. de cultu foc-
minarū.
Cap. 3. de Spectac.

PSALMVS PRIMVS.



Beatus vir. Dicitur iustus in hac vita beatus, ab inhabitantis Dei, (qui omnis beatitudinis fons est) nonnulla felici tamen participatione, & plene beatitudinis certissima expectatione. *Qui non abiit.* Iuxta primum iustitiæ præceptum, quod est declinare à malo, prius describit Psalter, quid iusto cauendum sit, nempe, ne abeat *in consilio impiorum*, id est, ne malo alicui consilio consentiendo in transuersum actus à iustitia declinet. Quamuis autem impietas propriè peccatum sit quod in Deum immediatè committitur; omnis tamen iniquitas impietatis nomine hoc loco denotatur, eo quòd omne peccatum diuinorum existens inobedientia mandatorum, impietatis quandam rationem sibi habeat annexam, Sicut & diuinorum mandatorum obedientia, annexam sibi habet rationem pietatis. *Et in via peccatorum non stetit*, id est, in iniqua & iniusta conuersatione non perdurauit aut non perseuerauit. *Et in cathedra pestilentiae non sedit*, id est, mortifera non decuit. Cathedra enim docendi authoritatem munusque hoc loco

1.

a signi-

significat sicut & Matth. 23. Super cathedram Moysi sederunt, &c. Dicitur autem cathedra pestilentiae à falsa doctrina, quæ ad instar pestis mortifera est & contagiosa, serpens ut cancer. dum in audientium sensus (inquit Hilarius) prædicantium morbus infunditur. Tribus itaque huius versiculi membris designantur tres gradus, per quos peccatores paulatim, ut notat Basilus, in peius proficiunt. Primus de quo dicitur, *qui non abiit*, eum peccati lapsum designat, qui tantum recessus quidam esse videtur: quia enim dicitur, qui non abiit, eum discessum designat, à quo euestigio ad iustitiam redeatur, ut notat Hilar. Secundus peiorem designat peccati lapsum, in quo nimirum statur seu permanetur. Tertius pessimum significat peccati lapsum, in quo per doctrinam falsam aliis scandalum ponitur. Post quæ iuxta alterum iustitiæ præceptum, quod est: fac bonum: beatum virum describere Psalter incipit. In cuius descriptionis primo membro describitur iustæ voluntatis tanquam primariæ iustitiæ partis propensio, de qua dicit:

2. *Sed, q. d. tantum abest, ut is quem beatum prædico, quid malorum prædictorum faciat, quin potius: In lege Domini voluntas eius. i. tota deuotione propensa est voluntas eius & parata, ut per omnia faciat quæ legis sunt, & diuinæ voluntatis. Cuiusmodi erant illi de quibus dicitur: Vide ut facias mandata eius corde perfecto & animo volenti. Et; Elegit Iudas sacerdotes voluntatē habentes in lege Dei. Et in lege eius meditabitur.* Hic significatur effectus propensæ voluntatis. *Meditabitur. i. sagaciter & instanter scrutabitur, In primis diuinæ legis abdita; Ex quibus erat August. dicens: Largire spatium meditationibus nostris in abdita legis tuæ. Scrutabitur deinde legis ipsius magnalia, ut proficienter intelligat quàm sint magna & ardua quæ mandatū charitatis in se complectitur, quamque omnium præceptorum moralium æquitatem longe excedant, de qua re Tertull. In modico consistet Domini Dei ingenium de disciplina qua nos aduersus diaboli altitudines munit, si in his tantum delictis iudicemur, aut bonis operibus muneremur, quæ nationes etiam decreuerint iudicanda aut muneranda. Meditabitur etiam, quia in omnem occasionem bene & secundum legem Dei operandi intentus erit, ut eam bono opere vacuam præterire non sinat. Perfectæ enim animæ non sufficit, inquit Ambrosius, peccati iudicium declinare, sed per omnem bene operandi occasionem regni cælestis meritum acquirere. Meditabitur denique, ut omnia sua studia dicta ac facta diuinæ legi reddat consentanea, & quæ dissidentanea fuerint, ea ad legis normam reformet. Sic Hilarius & Hieron. *Die ac nocte. i. tanta instantia & animi intentione, ut cum hisce meditationibus dies non sufficiat, bona noctis pars, studio somnolentiam expellente, in his meditationibus transigatur.**

3. *Et erit tanquā lignum quod plantatum est secus decursus aquarum. Duo sunt*

sunt in quibus consistit hæc comparatio. Alterum est ex parte hominis, alterum vero ex parte gratiæ, vel aquæ decurrentis. Prius membrum explicat Ierem. dicens; Erit tanquam lignum quod transplantatur super aquas, quod ad humorem mittit radices suas. Radix autem iusti fides est: humor verò vndæ sunt diuinæ gratiæ. Mittit itaque iustus tanquam lignum radicem suam ad humorem, cum credens se proprijs viribus, nec ad iustitiæ initium, nec ad eius incrementum aut exercitium peruenire posse, & Deum benignum esse, vt det gratiam in tempore oportuno confugientibus ad se, in omni negotio & tentatione ex hac fide ad auxilium diuinæ gratiæ tota mentis deuotione, & bonæ spei alacritate se conuertit. Quo facto vicissim efficitur similis ligno, *quod plantatum est iuxta decursus aquarum*, quia pro fidei & spei magnitudine, in promptu adest ei affluētia diuinæ gratiæ, sicut bene dicit Cyprianus, Manat iugiter spiritus, exuberat affluenter, nostrum tantum sitiāt pectus & pateat, quantum illuc fidei capacis adferimus, tantum gratiæ inundantis haurimus. *Quod fructum.* Iustitiæ scilicet, qui sunt bona opera, de quo fructu Apostolus: Repleti fructu iustitiæ per IESUM Christum. *Suum*, quem in primis ad suam salutem sibi acquisiuit. *dabit.* i. in aliorum salutem deriuabit, sicut Apostolus, dicens; vt possimus & ipsi consolari eos qui in omni pressura sunt, per exhortationem qua exhortamur & ipsi à Deo. Et notandum quod dicit *fructum suum*, quia, vt docet Bernardus; quidam nullum dant hominibus fructum, vt arbores infructuosæ; Alij dant fructum non suum, qui dicunt quod ipsi non faciunt. Alij dant fructum suum, qui docent quod faciunt. *In tempore suo:* id est, postquam iustitia & fructus eius eo maturitatis atque excellentiæ increuerint, vt in alios agendi, cooperante Dei gratia, vim & efficaciam habeant. non enim omnis actus, quo aliquid est actū, inquit diuus Thomas, est etiam in alios agendi principium; Oportet enim, vt agens in alia, virtutis habeat excellentiam. Ideo illis qui ante tempus maturitatis fructum dare præsumūt, conuenit illud Isaïæ: Venerunt filij vsque ad partum, & non est eis virtus pariendi, quia præ imbecillitate virium suarum eniti non possunt quod parturiunt. Quare bene monet Bernardus, Vt quisque in sacræ disciplinæ primordiis cogitet tunc esse tempus colligendi, sibi scilicet suæque salutis: vbi autem ætate & gratia adoleuerit, tum fore tempus spargendi, quia & Christus ipse, fructum suum non dedit, nisi in tempore suo; postquam nimirum ætatis maturitatem, & à Patre prædicandi authoritatem accepisset. de qua re Bernardus alibi: Vel, *in tempore suo.* i. tempore opportuno, vt hoc verbo insinuetur prudentia iustorum in agendo, Ipsa enim est optima gubernatio, vt omnia suis temporibus distributa, ex ordine gerantur, inquit beatus Augustinus.

Cap. 17.

Epist. 2.

Philip. 1.

2. Corint. 1.

Serm. de S. Bened. 110.

3. quest. 8. art. 3.

Serm. 18. in Cant.

Serm. 1. de Stephanis. De opere monachorum. cap. 18.

a ij

Et fo-

4. *Et folium eius non defluet.* Folii arbores veniuntur: & vt bene notat diuus Hilarius, fructus arborum fouentur & proteguntur, cum ipsa per se fructuum rationem & vtilitatem vt plurimum non habeant; per quæ significatur eloquentia, potestas, regendi authoritas, & similes gratiæ gratis datæ. Hæc defluent istis, qui in lege Domini bonam voluntatem non habuerunt, nec suæ salutis fructum fecerunt, licet alienæ salutis fuerint studio si, quia cum dixerint; Domine, nonne in nomine tuo prophetauimus? dicitur illis; Nunquā noui vos. Et de authoritate prælaturæ dicitur: Auferte ab eo mnām, quia nullus transactæ prædicationis aut dignitatis honor illis in futura vita adhærebit. Iustis autem hæc folia nō defluent, quia peculiaris quædam gloria in æternum adhærebit iis, qui præter semetipsos etiam alios ad iustitiam erudierint. Fulgebunt enim, inquit Daniel, sicut stellæ in perpetuas æternitates. Habēt autem & priuati homines etiam sua folia, vt honorem Christiani nominis, & similia. hæc eis defluēt, quia omnis decor & gloria quam impij hic ex Ecclesiæ communione habere potuerunt, ab eis auferetur. *Et omnia quæcunque faciet, prosperabuntur.* i. felicem habebunt successum, sicut scriptum est: Benedictio Domini in mercedē iusti festinat, & in honore veloci processus eorū fructificat. Nec id mirandum. In omnibus enim mittit radicem suam ad humorem, & pro fidei ratione accipit gratiam; gratia autem Dei vacua non est, quia quemadmodum descendit imber & nix super terram, & inebriat eam; sic erit verbum quod egredietur de ore meo, non reuertetur ad me vacuum, inquit Dominus, sed faciet quæcunque volui, & prosperabitur in his, ad quæ misi illud.
5. *Non sic impij, non sic.* Impij non sic vt beati, quia non sunt vt lignum plantatum secus decursus aquarum; nullo enim bono fundamento nituntur, qui Deo non credunt, & Christum per fidem in fundamento non habent. Ideo de iis dicitur: Equidem neque plantatus, neque satus, neque radicatus in terra truncus eorum: *Sed sunt sicut puluis disseparati*, nulloque charitatis vinculo coniuncti, steriles, leues, nulliusque pretij, *quem proijcit ventus a facie terræ*, Eodem enim modo turbo diuinæ indignationis infructuosam impiorum sterilitatem de terra in infernū trajiciet. quod etiam Iob vaticinatus est, cum dixit; Erunt sicut paleæ ante faciem venti, & sicut fauilla quam turbo dispergit.
6. *Ideo*, i. quia vt lignum, de quo dictum est, in Christo plantati & radicati non sunt, *non resurgunt impij in iudicio.* Hic locum habere debet distinctio quam ponit Hieron. inter impios & peccatores, dicens: Impios eos esse qui nō credunt. Peccatores verò eos qui nō faciunt quod credunt. Impij igitur hic sunt infideles, quos Psaltes non dicit simpliciter non resurrecturos, sed nō resurrecturos in iudicio, quia impij à morte corporali ad vitā corpo-

corporalem resurgent, sicut testatur Apocalyp. Infernus & mors dederunt mortuos suos: Qui enim ante iudicium in inferno secundum animam & secundum corpus in morte erunt, tempore extremi iudicii vitæ corporali reddendi sunt, teste Augustino. Quocirca & 2 Machab. 7. dicit vnus septem fratrum cuidam impio, Tibi resurrectio ad vitam non erit, oblique significans, quod erit ei resurrectio ad mortem secundam. Resurgent autem impij, tum quia oportet Deum immortalia omnia genera seruare, inquit Epiph. Creauit enim Deus hominem inextinguibilem. non ergo perit corpus, homo enim est ex anima & corpore; Tum etiã quia verbum Dei humanam naturam in Christo inhabitans eam totam viuificauit, & ob id mors corporalis, quæ, vt quidam arbitrantur, alioqui perpetua hominibus fuisset, nunc tantum sit temporalis, vt dicit Athanasius, & B. Leo: Leges, inquit, inferni Christus resurgendo dissoluit, & ita perpetuitatē mortis incidit, vt eam de æterna faceret temporalem. Huius resurrectionis causa finalis est, vt vnusquisque propria corporis recipiat in suo corpore. *Non resurgent autem impij in iudicio.* quia cū, teste D. Thoma, ad iudicium ex vna parte pertineat discussio, qua ambigua definientur, occulta manifestabuntur, de qua Apostolus; Veniet Dominus & illuminabit abscondita tenebrarū, & manifestabit consilia cordium, non est quod impij discussionis suscipiendæ causa in iudicium resurgant. peccatum enim impietatis propriè dictæ, ob quod cuncta reliqua peccata tenentur, seu irremissibilia sunt, etiam ante extremi iudicii declarationem, damnationi manifestè obnoxium est, quia dicit Dominus: Qui non credit, iam iudicatus est, id est, inquit Hieronymus, in perditionem iam præiudicatus est. Si autem est præiudicatus, non est quod iterum iudicetur. Quia tamen ex altera parte ad iudicium pertinet, vnumquemque præmiis vel suppliciis, quibus per discussionem dignus declaratus fuerit, adiudicare; resurgent impij in iudicio vt in eo condemnentur, quàm etiam ob causam dicit Dominus; Qui malè egerunt, procedent in resurrectionem iudicii. Veruntamen tametsi fidelium quoque quorundam peccata sint manifesta, præcedentia ad iudicium, vt loquitur Apost. Sunt enim quædam peccata ante iudicium etiam populari iudicio, inquit Augustinus, damnatione digna: tamen peccatores Christiani etiam in iudicio resurrecturi sunt, vt in eo iudicentur. etsi enim ipsi fecerint, quæ qui agunt, regnum Dei non consequentur; dubia tamen apud nos eorum causa manet vsque ad supremi iudicii declarationem, ob hoc, quod ante hanc sciri non possit, quid indulgentiæ veniæque ex fide Christi, vel in vltimo vitæ suæ momento obtinuisse potuerint. *Neque peccatores.* i. fideles in peccatis tamen mortalibus mortui, *in concilio iustorum.* i. congregatione societate ac sorte iustorum.

Cap. 20.

Lib 20 de
Ciuil. c. 15

Hæres. 64.

Tractat. de
corporali
aduentu
verbi.Serm. 8. de
pass. Domini.
Compend.
Theol. par.
2. cap. 59.

Ioan. 3.

1. Tim. 5.

5 cōs. Do-
nat. ca. 27.

7. *Quoniam nouit, id est, probat, Dominus viam iustorum, Et iter impiorum peribit. id est, in æternam desinet perditionem.*

PSALMVS II.

Quoniam primo ordine, Psalmo primo, in quo hominis iusti beatitudo descripta est, subiicitur Psalmus sequens, iustorum quas perpetiuntur persecutiones enarrans: quia ut à principio vna & eadem fuit iustitiæ ratio, ita etiam iustitiæ ab initio eadem adhæsit fors, quæ est persecutio. A primordio enim (inquit Tertull.) iustitia vim patitur, statim ut coli cœpit Deus, inuidiâ Religio sortita est. Et Cyprian. Ab initio mundi sic institutū est, ut laboret istic in sæculari cōgressione iustitia, quomodo in origine statim prima Abel iustus occiditur, &c. Hoc interim hic obseruandū est, quod præsentī Psal. præcipuè describantur persecutiones quas Christus & ecclesia ob Christi nomē perpeffa est, ab initio prædicationis euangelicæ, vsq; ad Regū & Principū sæculariū conuersionē. Persecutiones enim quas ecclesia sustinuit ab hæreticis & falsis fratribus, alijs Psalmis deplorantur.

Scorpiaci
cap. 8.
Epist. 81.

1. *Quare, id est, quo proventu? nunquid expectato? quasi dicat, non, sed frustra, quia spectatum euentum sui fremitus minimè assecuti sunt, fremuerunt. i. præ ira & indignatione minas & cædes in Christum eiusque discipulos spirauerunt. quam expositionem confirmant Apostoli, qui cum auditis minis dixissent. Quare fremuerunt gentes? subiiciunt, Respice in minas eorum. Gentes. i. gentilium natio, & populi. i. tribus Israëlīs. sic enim hæc membra bene distinguit Tertull. Meditati sunt inania, Inania scilicet quoad intētum meditantium: quoad rem ipsam autem quam facere meditabantur, meditati sunt sæua & atrocia.*

Actor. 4.

4. contra
Marcio.
cap. 42.

2. *Astiterunt. i. populis coniuncti sunt & adminiculo fuerunt. Reges terra, videlicet gentium; inter quos primi fuerunt, Herodes, Pontius Pilatus; quibus successerunt gentilium Imperatores. Et Principes Sacerdotum, scilicet Annas & Caiphas, & cæteri de ordine sacerdotali. conuenerunt in unum, ut patet Actor. 4. In quibus verbis obseruandum est, prius gentium & populorum mentionem fieri, quam Principum. quia persecutiones complures magis à furore populi, quam à populorum principibus leguntur esse concitatæ. quapropter etiam Tertullianus dicit; nulli magis depostulatores sunt Christianorum, quam vulgus, Aduersus Dominum, Deum Patrem videlicet, nam & in eum hoc odium fertur, quod & Christus indicat, cum suæ persecutionis causam explicans subdit; Oderunt me & Patrem meum, Cuius odij prima origo est amorum & morum dissimilitudo. Cum enim terreni homines sint iniusti, cupidi, superbi; Deus autē charitatis, iustitiæ & humilitatis fons & vindex, necessario hæc dissi-*

Apolog.
cap. 85.

disimilitudo in hominibus Dei fastidium operatur. Cum verò homines insuper cupiditatis ac iniquitatis à Deo arguantur, imò & promissis, contestationibus, exhortationibus, minis, exemplis urgeantur, ut relictà impietate, Dei similitudinem induant, incipiunt hominibus suas tenebras amantibus huiusmodi diuinæ bonitatis stimuli molestiam inferre, molestia autem tum iustitiæ, tum Dei tanquam iustitiæ fontis odium suscitare, odium denique commouere persecutionem. *Et aduersus Christum eius,* tanquam inuisæ sibi iustitiæ præconem, cultorem, sacerdotem, & vindicem, quem eo acerbius oderunt quod in medio eorum, tanquam quidam Iustitiæ Sol effulgens, ineuitabili splendore conscientias eorum tenebrosas argueret, & ad emendationem extimularet, sicut fatentur Sap. 2. Improperat nobis peccata legis, &c. Porro Christum eandem ob causam in omnibus discipulis suis & Christianis persecuti sunt, qui ut fuerunt eiusdem cum Christo iustitiæ consortes, ita & persecutionis eius facti sunt participes. Verba autem frementium & conuenientium in vnum erant hæc.

Dirumpamus vincula eorum. Id est illata violentia, à religione, qua Deo & Christo per fidem & obseruantiam alligatur, eos auellamus. Quod enim dirumpitur, violenter discerpitur. Potest tamē vinculorum nomine mutua Christianorum charitas mutuusque ad patiendum pro Christo cōsensus intelligi, ut sit sensus. Illata violentia, eos à concordia, charitateq; mutua diuidamus. Hoc enim studium esse diaboli & hostium fidei, docet *Epist. 57.* Cyprianus dicēs de Diabolo, quod cum non sit ei aduersus omnes satis virium, circumuenire nitatur solitudinē singulorum. *Et projiciamus à nobis Sap. 2.* iugum ipsorum. Dicunt, iugū, quia sancti, teste Sapiente, graues sunt eis ad videndū, quoniam dissimiles sunt moribus eorum. meditatur ergo iugum hoc à suis ceruicibus iustorū internecone excutere. Sed quid ad hæc Deus!

Qui habitat in cælis, quo sermone Deum verum designari, non solum oratio Dominica testatur, sed etiam natura, quæ ut Deum verum quantum est ex reliquijs primæ integritatis nosse potest, ita etiam nouit eundem in cælis habitare, teste Tertull. Cum enim gentilis Deum contestatur aut nominat, non ad Capitolium respicit, inquit, vbi sedes erat inanum Deorum, sed ad cælum. *irridebit eos.* Deus irridere dicitur metaphoricè, quia conatum infidelium ut inanem & stultū, virtutis & sapientiæ suæ maiestate spernit & despicit. Nihilominus, sicut per scripturas sacras Deus loqui dicitur, & similiter in Sanctis suis, præcipuè autē martyribus, quibus dicit; Nō vos estis qui loquimini, sed spiritus Patris vestri qui loquitur in vobis; ita in scripturarum sanctarū aut martyrum suorū sarcasms seu irrisiōibus, ipse Deus dici potest irridere. Itaque sicut Deus irrisit Adā, cum irridentis sermone iuxta D. Prosperum, dixit; Ecce Adam quasi vnus ex nobis factus est, ita

3.

Epist. 57.

Sap. 2.

4.

Apolog. cap. 17.

Cap. 21. cō-
tra Collas.

est; ita quoque irrisit Antiochum, cum matrem Machabæorum spiritus sui virtute tanto fortiolem Rege fecit, ut ipsa, sicut Scriptura testatur, irriserit crudelem tyrannum. *Et Dominus subsannabit eos.* Irridere & subsannare D. Augustino pro iisdem habentur. Et hæc quidem sunt quæ Deus in hac vita contra persecutores & in semetipso tacite, & per sanctos suos operatur manifestè. Sequens autem versus explicat, quid eis euenturum sit in fine, qui sic habet:

5. *Tunc*, ubi scilicet tempus diuinæ patientiæ erga eos, & permissionis transferit, in die videlicet iudicii qui hic designatur per vocem. *Tunc*, & in Isaia vocatur dies illa, per emphasim, quia maximè notabilis est, *loquetur*, scilicet Christus ipse, *ad eos in ira sua*, increpando, sicut dicit psalmus nonus, Increpasti gentes; arguendo & confundendo ut psal. 49. arguam te & statuam contra faciem tuam: condemnando, cum dicet: Discedite à me maledicti, & *in furore suo*, .i. graui admodum ira, *conturbabit eos*, id est omni requie & pace eis ablata, plenos relinquet inquietudine & miseria; de quo Sap. 5. turbabuntur timore horribili. Quæ cum ita sint *quare ergo* id est quo prouentu fremuerunt gentes aduersus dominum? Transit autem post hæc psalter ad enarrandum quod gentes fremitu suo, non solum prædicta mala sibi pepererint, sed ne in hac quidem vita Christi prædicationem aut gratiam potuerint ab hominibus, ut volebant, prohibere, introducitque Christum loquentem in hæc verba:

6. *Ego autem constitutus sum*, quasi dicat. Tametsi Herodes, vitæ meæ temporariæ insidiando, prædicationem meam ante tempus abrumpere voluerit, ut testatur qui dicebat; Exi hinc, quia Herodes vult te occidere. Idipsum etiam voluerint Pharisei, qui miserunt ministros, ut me apprehenderent: *Ego autem constitutus sum Rex ab eo*, Deo scilicet patre meo, *Super Sion montem sanctum eius, prædicans præceptum eius*. .i. ut prædicarem præceptum eius in Iudæa quæ appellatur Sion, quia eius metropolis est Ierusalem, quæ nomine montis Sion appellatur, quia in ea est mons Sion; Montisque sancti, quia in eum sanctificatio Spiritus sancti primum effusa est, indeque in alias mundi partes per euangelij prædicationem propagata. Et quia à Deo ad id *constitutus sum*, ideo nullo astu aut insidijs id poterit impediri. Si enim à Deo est consilium, inquit Gamaliel, (loquens de prædicatione Apostolorum) non poteritis id dissolvere. Frustra ergo etiam hac in parte fremuerunt gentes, & principes conuenerunt in vnum aduersus Christum Domini. Ad regium autem Christi munus pertinuisse, ut præcepta quæ à Patre acceperat, in Iudæa sua auctoritate promulgaret, ipse testatur, cum Pilato interroganti; Ergo Rex es tu? Respondit, Rex sum ego; Ego in hoc natus sum, ut testimonium perhibeam veritati. Ideo & Atha-

& Athanasius hoc quod hic dicitur: *Ego constitutus sum rex*: impletum esse dicit, cum Christus corporaliter lumen suum affudit monti Sion. Eodem etiam pertinuisse ut Christus hoc faceret sic, ut à circumfremantibus hostibus impediri non posset, indicat responsio eius, qua dixit: Oportet me hodie & cras ambulare. Oportet enim, est verbum authoritatis & inexpugnabilis decreti.

Ser. 3. c. 1.
Arrianos.

Luce 13.

Dominus dixit ad me. Perseuerat sermo in persona Christi, ac si dicat: 7.
Sed etsi impleto praedicationis tempore, permissum sit hostibus me occidere, non tamen occidendo me, mihi per omnia (ut arbitrabantur) praua-
luerunt. *Dominus enim, Deus Pater scilicet, dixit ad me,* iam secundum carnem mortuum, *Filius meus es tu,* naturalis & verus: Ideo, impossibile est te in morte aut inferorum doloribus detineri. Quapropter, *Ego hodie.* i. die resurrectionis: *genui te.* i. secundum carnem genui te ad immortalitatem, aut quod idem est, resuscitavi te. Resuscitationem enim à mortuis generationem appellari manifestum est Matth. 19. vbi dicitur; In regeneratione, id est, in resurrectione vniuersali, cum sederit filius hominis, &c. Ratio vero huius appellationis est, quia per resurrectionem Christi à mortuis effectum est, ut reunita anima cum corpore, resultaret ille homo, qui erat filius Dei naturalis. Cui huius loci intellectui attestatur Apostolus *apertè hunc locum de Christi resurrectione intelligens in hac verba:* Deus resuscitauit Iesum à mortuis, sicut in Psal. 2. scriptum est; Filius meus es tu, ego hodie genui te. Quia itaque Deus Christum filium suum à mortuis resuscitauit, frustra Principes aduersus eum conuenerunt in unum, ut cum morti traderent. Sed fortasse non siement frustra aduersus Christianos: fremitu enim suo & crudelitate fortè efficiant, ut nemo audeat in Christum credere eiusque religionem profiteri: Sed ne id quidem. Subiicit enim Christus, *Dominus dixit ad me, postula à me.* Quibus verbis significatur allocutio Dei Patris ad Christum inquit Ieron. Pater enim cum Christum, depositis per resurrectionem suae mortalitatis vestibus ut est Zachariae 3. immortalitatis aeternae splendore indutus, tanquam Pontificem sancta sanctorum in sua ascensione subeuntem susciperet, eum ad dextram suam, non solum gloriae confortem, sed etiam nostrae salutis Pontificem constituit, ut in throno illius gloriae appareret vultui Dei pro nobis, inquit Apostolus. Qui itaque in die resurrectionis dixit ad Filium suum, secundum carnem mortuum, Ego hodie genui te, idem in die ascensionis eius dixit ad eundem iam immortalitate indutum, Sede à dextris meis, constituens eum iudicem. Dixit quoque ad eundem: 8.

Apost. 13.

Cap. 6. ad-
uersus Lu-
ciferi.

Ad Heb. 9.

Postula à me, constituens eum Pontificem, ut pro conuersione, fortitudine, & perseuerantia hominum interpellaret siue postularet. Hae enim pro iisdem habet D. August. Dixit ergo: *Postula à me, & dabo tibi.* Pro-

8.
Eps. 59.
quaest. 5.

b

missio

missio est absoluta, pollicens ijs pro quibus Christus interpellauerit, auxilium tanti vigoris & roboris, vt nulla illud persecutorum immanitate frustrandum aut superandum sit. Quod non ignorans Apostolus, interpellatione Christi commemorata, tantam ex ea electis virtutem dandam agnouit, vt exclamaret; Quis nos ergo separabit à Christi charitate? Frustra igitur etiam contra Christianos Gentes fremuerunt. *Et dabo tibi gentes.* Etiam ex Iudeis multos Christus accepit; sed quia hoc Deo parum erat, sicut dicit Isaias, ideo gentium nomen exprimit, vt longe maximum numerum eorum qui per interpellationem Christi saluantur, designaret. *hæreditatem tuam.* dicuntur gentes hæreditas Christi, imprimis ratione creationis, ob quam omnis creatura iure ad Deum Patrem pertinens, etiam ad genuinum eius filium pertinet, vt docet diuus Ambrosius. De qua re Apostolus ad Hebræos cap. 1. Quem constituit hæredem vniuersorum: Deinde peculiariter dicuntur gentes hæreditas Christi, quia Christus per mortem suam eas in perpetuæ salutis possessionem recepit. Vnde Ambrosius: Hæres est Christus, quia morti propriæ superuiuit, & testamentorum, quæ ipse condidit, & sua morte signauit, tanquam hæreditaria in nostris prosectibus emolumenta consequitur. *Et possessionem tuam terminos terræ,* id est, dabo tibi, vt vsque ad terminos terræ per gratiam spiritus tui homines possideas. Hanc autem possessionem spiritualiter intelligi debere, eo quod nec in Salomone, nec in vlllo alio homine temporaliter dominante, huius loci prophetia impleta sit, sed in solo Christo spiritualiter regnante, docet post Tertullianum Augustinus. Porro vt Christi fides per vniuersos angulos, & vsque ad vniuersos terminos terræ propagaretur, id plane conueniens erat. Decebat enim, vt qui patiendo, manus & pedes suos pro inimicorum salute ad extrema crucis extenderat, is regnando virtutem suæ passionis ad extremum vsque orbis terrarum exeret, vt trophæa crucis, inquit Hieronymus, ad angulos vniuersæ terræ collata sint. In qua terminorum terræ possessione, luculentum veræ fidei, veræque Ecclesiæ internoscendæ argumentum Deus nobis preparauit. Si enim Christus iam ab ascensione sua vsque ad terminos terræ possessionem habet, quod autem possidet, id possidet per veram fidem; & fides iuxta Apostolum vna est; ergo ea demum fides vera est, quæ ab initio prædictæ fidei, per orbem fuit credita & recepta. Cuius argumenti vim bene perspicientes veteres, eo præcipuè apud hebetiores & contentiosiores tanquàm peremptorio vsi sunt. Similiter de Ecclesia argumentamur: Si Christus extremos terræ terminos possidet: Qui autem à Christo possidentur vnum sunt, seu vna Ecclesia; ergo illa vera est Ecclesia, quæ totius orbis communionem coalescit, & per consequens nō est ecclesia, quæ à totius orbis communionem

Rom. 8.

cap. 49.

Ambros. 1.

Hexa. c. 5.

Athan. ser.

4. cōs. Ari.

Lib. 9. in c.

20. Luca.

Cōs. Iudeos

et 5. cōs.

Marcionē

cap. 20.

Cap. 6. ad

uers. Lucif.

munione se diuidit. Quo argumento ex hac scriptura de sumpto, diuus Augustinus contra Donatistas à communione totius orbis se diuidentes, frequentissimè vsus est.

Reges eos in virga ferrea. i. per iustitia semitas eos deduces infallibili & insuperabili gratie tue virtute. *Et tanquam vas figuli confringes eos.* q. d. Ex vasis contumeliæ in vasa gloria eos transferes, ea facilitate qua figulus sedens ad rotam, vas adhuc molle ad ignobilitatem formatum in glebam contundit, atque ex eadem massa vas in honorè efficit, sicut ostendit Dominus Ieremiæ capite 18. qui cùm videret figulum facientem opus super rotam, dissipatumque esse vas quod è luto faciebat, ipsumque figulum conuersum fecisse illud vas alterum, sicut placuerat oculis eius vt faceret; dixit Dominus ad eum, Nunquid sicut figulus iste, non potero vobis facere domus Israel, dicit Dominus? Ecce sicut lutum in manu figuli, sic vos in manu mea domus Israel: videlicet vt quemadmodum figulus vas à se factum è luto, cùm dissipatum fuerit, conuersus fecit illud vas alterum, sicut ei placuit. sic Christus ex homine qui dissipauit primæ suæ creationis, quam Dominus suis manibus è luto fecit, integritatem, cùm conuersus fuerit ab ira ad benignitatem, facit ex eodem homine, qui diuinis manibus tam est reformabilis, quàm lutum manibus humanis. facit dico ex eodem homine vas sicut placuit oculis eius, quia iustificat talem hominem, secundum beneplacitum voluntatis suæ. Diuus Cyprianus tamen per virgam ferream potestatem Christi vindicatiua intelligit, per quam impios in die iudicii irreparabiliter confringet. Hæc ergo frustra circumfremantibus regibus terræ & populis effecturus est Christus. Quare ergo siue quo fructu fremuerunt gentes? Nec id solum, sed & ipsos Reges atque Principes ad eandem quam prius oppugnaverant Religionem conuertet, ex quo manifestum euadet, multo magis frustra fremuisse gentes & Reges terræ, ac principes astitisse aduersus Dominum & aduersus Christum eius, eo quod Principes ne semetipsos quidem subduxerint religioni, quam totis prius viribus oppugnabant. De qua admirabili & iucundissima metamorphosi Isaïas, Erunt capientes, retibus scilicet fidei & religionis, eos, qui se cœperant vinculis & compedibus ferreis. & subijcient exactores suos. Subiungit itaque Psaltes:

Et nunc. videlicet post collectam martyrum messem. Si autem rogaue-
rit quis, quare *nunc*, & non ex tunc. i. quare non ab initio conuerterit Deus
Reges? Respondetur, ad diuinam providentiam hoc pertinuisse. Odium
enim Regum in Christianam Religionem ob id à Deo ad tempus tolerari
deciuit, vt seruiret in primis fidei propagandæ. Odium enim hoc Regum
Martyres fecit: Sanguis autem Martyrum semen est Christianorum, quia
b ij grana,

9.

Epi. 31.

Cap. 14.

10.

In fin li de
Idolorum
vanitate.

10. de ciui.
cap 32.

Scorpiaci
cap 8.

Epist. 50.

cap 51.

grana, inquit Leo, quæ singula cadunt, multiplicata resurgunt. Quod ipsum probant multæ Martyrum probatæ historiæ, in quibus narratur, ex constātia Martyrum multa millia spectatorum conuersa fuisse. Profuit idipsum fidei contestandæ & stabiliendæ. Dicit enim Cyprianus: Ne esset fidei Christianæ probatio minus solida, & de Christo delicata confessio, per tormenta & cruces, per multa pœnarum genera Christi testes tentantur. Et Augustinus; Non intelligebat Porphyrius, persecutionem infidelium, ad fidei Christianæ confirmationem robustioremque commendationem potius pertinere. Denique id profuit Martyribus glorificandis, ut ipsi magno beneficio Dei, mortē quæ cum ex necessitate sustinetur, pertinet ad ignominiam, per passionem, sacram sibi redderent & pretiosam, ut docet Tertullianus, & animi sui robur diuina charitate subnixum, multiplici ac longanimi patientia exercerent. Ideo diuus Augustinus: Sic volebatur ordo temporum, ut & Iudei occiderent prædicatores Christi, & gentes fremere aduersus Christianos, ut omnis Martyrum patientia vinceret. Pertinuit itaque ad diuinam prouidentiam, tam bonorum prouentuum prospectu, persecutorum sæuitiam ad tempus permittere: ad cuius æquissimum iudicium pertinet, potius ex malis bona facere, quam nulla mala esse sinere. *Reges intelligite*, Introducit Propheta sermonem, quo allocuturi sunt Reges infideles, illi, quorum opera suo tempore Reges erant conuertendi. dicent enim; *Nunc Reges intelligite*, quasi dicant, iam tandem obseruantes, omnes prædecessorum vestrorum conatus fidei Christianæ propagationem plus promouisse quam impediuisse, intelligite argumento è factis vestris deducto, religionem eandem esse inuictam, & proinde veram. Cui exhortationi in tempore factæ, Reges acquieuerunt, Domino eidem intus cooperante. Quum enim prædicatores dicerent: Intelligite, dabat Dominus Regibus intellectum, sicut & dabat Timotheo: cui cum diceret Apostolus: Intellige quæ dico, subiecit, dabit tibi Dominus intellectum. *Erudimini.* seu, ut legit Cyprianus, emendamini, *Qui indicatis terram.* i. vos Præsides & Iudices Prouinciarum, qui vna cum Imperatoribus & Regibus persecutionibus incubuistis, idque subinde maiore cum sæuitia, quam erat ab Imperio præscriptum, sicut manifestum est ex Tertulliano ad Scapulam, Cypriano ad Demetrianum. Quinimo, non solum frustra astiterunt Reges terræ & Principes conuenerunt in vnum aduersus Dominum & Christum eius, quia nec alios nec insuper semetipsos Religioni sibi prius inuise subdixerunt, aut subducere potuerūt, sed multo magis, quia potestate sua qua prius religionem oppugnabant, eandem postmodum propugnare ac colere debuerunt. de qua tanta rerum commutatione, dixit Isaias; Stabunt alieni, id est, qui prius alieno & inimico in te animo

animo fuerūt, & pascunt. i. regent pecora tua. Superaddit proinde Psalter:

Seruite Domino. Bene dicit, seruite Domino. Principes enim seculares ministri Dei sunt, inquit Apostolus, in hoc ipsum seruientes. Aliter autem quis seruit Domino, quia homo est, aliter quia Rex est, inquit August. Quia homo est, seruit ei fideliter viuendo; quia vero etiam Rex est, seruit leges iusta præcipientes, & contraria prohibentes, conuenienti rigore sanciendo. Hoc autem loco Principes admonentur, Domino seruire tanquam Reges. Quando enim Regibus dicitur, *Seruite Domino in timore*, inquit idem, sentiunt suam potestatem ita Domino seruire debere, vt à potestate plectantur, qui nolunt eius voluntati seruire. Ideo præclare Leo his verbis Imperatorem sui officij admonet. Cùm Dominus clementiam tuam tanta sacramenti sui illuminatione ditauerit, debes incunctanter aduertere, regiam potestatem tibi non solum ad mundi regimen, sed maximè ad Ecclesie præsidium esse collatum, vt ausus nefarios comprimendo, & quæ bene statuta sunt defendas, & veram pacem his quæ sunt turbata restituas. *In timore, & exultate ei cum tremore.* Hic tremor & timor pro terrore ponuntur, effectusque loco suæ causæ. Seruiunt itaque Principes in timore, cùm per terribiles suas constitutiones salutarem timorem incutiunt ijs, qui non nisi malo aliquo adacti, sapere nouerunt. cuius ingenij secundum Augustinum maior pars est hominum. Exultant autem Principes sibi, non domino, cum tremore, quando sibi gratulantur seseque iactant atque dilatant de terribili sua potestate. Domino vero exultant cum tremore, cum gratias ei agunt, gaudentque seueras suas constitutiones earumque executiones multos ad æternam salutem per Dei gratiam extimulasse; Quæ exultatio eis geminatur, cum eos ipsos qui terroribus correcti sunt, audiunt Deo gratias agere, quorum voces & exultationes latè describit Augustinus in hæc verba. Iam sciebamur in ecclesia catholica esse veritatem, nec discere volebamus, sed nos ad eam cognoscendam metus fecit intentos, gratias domino qui negligentiam nostram stimulo terroris excussit. Alij dicunt, Nos falsis rumoribus terrebamur intrare, gratias Domino qui trepidationem nostram flagello abstulit, &c.

Apprehendite disciplinam. Disciplina à discendo nomen accepit, inquit Augustinus. Idcirco methodus tradendæ scientiæ, quia percipiendæ scientiæ accommoda est, disciplina dicitur. Et quia scientiæ perceptionem frequenter impedit pertinaciâ discantis, aliquando eiusdem ignauia, ideo terror quo peruicacia confringitur, & negligentia excutitur, disciplina nomen accepit, quia discendæ scientiæ impedimenta remouet. dicitur itaque Regibus, *Apprehendite disciplinam*, id est, incipite exercere seueritatem, quæ addiscendæ atq; amplectendæ iustitiæ deseruiat. Omnis enim

b iij princi-

11.
Rom. 13.
Epiſt. 90.
& 2. cōtra
lit. petil.
cap. 92.

2. cōtra
Gau-
dent. c. 26.

Epiſt. 75.

Epiſt. 50.

Epiſt. 45.

12.
14. de Tri-
nit.

principum seueritas, eo ordine & ea moderatione exercenda est, vt ad discendam faciendamq; iustitiam, vel illis in quos disciplina exercetur, vel saltem Reipub. profit. Quapropter si Principes inferendis supplicijs & terroribus sic incumbant, vt non detur locus suasioni & instructioni, tum non

Epist. 48. disciplina exercetur, sed improba quardam, inquit Augustinus, dominatio; Onerosior enim ad cogendum quam utilior ad docendum est diligentia,

Epist. 127. cogi tantum homines non doceri, inquit idem. Porro exhortatione quam hic Spiritus sanctus Principibus praescribit, Diuus Cyprianus ad omnes Praepositos ecclesiarum extendit, exhortans eos vt disciplinam, id est, vigilantem quandam seueritatem exerceant, quam appellat retinaculum fidei, custodem spei, fomitem bonae indolis, magistram virtutum omnium, &c.

*Epist. 61. et
initio libri
de discip. et
habitu vir-
ginum.*

Nequando irascatur Dominus & pereatis de via iusta, id est, ne ob peccatum neglectae à vobis disciplinae Deus iratus, vos tanquam gratia sua indignos deserat, à qua deserti vestra sponte à via iusta excidatis. de qua Dei ira Augustinus: Ad iram Dei iustam pertinet, quicquid homines caeca & indomita concupiscentia faciunt libenter mali. Quae quidem Dei ira à carnalibus minus curatur, ab ijs vero qui iustitiae suauitatem in vera Dei dilectione gustauerunt, praeter omnibus supplicijs quam maximè formidatur. Dicit autem Psalter *Nequando*, quia hoc interminantis est.

Ench. c. 27

13. *Cum exarserit in breui ira eius.* In die videlicet Domini, qui in igne reuelabitur, dicitque *in breui*, quia repente & inexpectato ille dies aderit. *Beati omnes qui confidunt in eo*, id est, qui conscientia ipsis in Spiritu sancto testimonium perhibente, digni habebuntur fugere (inquit Dominus) mala illius diei & stare ante filium hominis. vbi stare idem est quod confidere, quia stare confidentium est.

Luc. 21.

PSALMVS III.

Psalmus Dauid cum fugeret à facie filij sui Absolon.

EX tituli verbis quia additur, cum fugeret, non autem in fugam Absolon; intelligendum est, Dauidem Psalmum hunc tempore fugae, non autem de fuga sua praecipue cecinisse; atque adeo indicat hic titulus non Psalmi argumentum, sed vsum, quia in Psalmo hoc & plerisque alijs, inquit Tertullianus, per os Dauid Christus loquitur & orat, suamque quam in passione sustinuit ac superauit tribulationem ac tentationem Deo patri enarrando offert, simul implorans humano generi auxilium & protectionem in tribulationibus atque tentationibus suis; Idque admodum appositè. Ad hoc enim Christus tentationes nostras & tribulationes in se secundum humanam naturam suscepit, vt eas in eadem humana natura virtute suae diuinitatis vinceret, & virtutem victoriae suae in nos qui membra eius,

*Aduersus
praxeas. c. 32*

*Cyrril. 10.
1. the. cap. 3.*

bra eius sumus per spiritum gratiæ deriuaret; Ideo dicit, Confidite, ego vici mundum. Cùm itaque Dauid in persecutione quam à filio suo sustinebat, tribulationibus multis se pressum esse sentiret, & ex ijs, quas Ecclesia Christi tribulationes esset passura, præfagiret; irruente in se Spiritu Domini, hunc Psalmum cecinit, vt Ecclesia ad instar ipsius in pressuris suis hunc Psalmum caneret & per clāgorem pressuræ atque victoriæ sui Regis, quæ in hoc Psalmo panditur, sibimetipsi victoriam acquireret, Quam rem videtur Balaam prophetasse cùm dixit: Clangor victoriæ regis in Israël *Num. 23.* est; Quis enim clangor victoriæ Regis, nisi cum pfallitur cantilena Dominicæ virtutis, omnes sæculi procellas in se vt capite, & in Ecclesia vt suo corpore superantis?

Domine quid multiplicati sunt. Augustinus accepit hæc verba, vt sint exaggerantis, q. d. Quid seu quantopere multiplicati sunt? cùm etiā discipulus meus Iudas, in me insurrexit. Possunt tamen ea sic intelligi, vt habeant vim orationis, instar verborū Christi, vt quid dereliquisti me? *Quæ* verba Cyrillo hunc habent sensum: Memento quæso, ob quid dereliquisti me, ob id nempe, ne homines tuo auxilio destitueres. His itaque verbis in talem sensum acceptis, hic erit sensus; Domine quid, &c. q. d. Memento quæso ob quid permiseris, vt adeo incretceret numerus eorum, qui mihi tribulationem inferebant? ad hoc enim permisisti, vt ego humanarum passionum gurgitem in me excipiens, illum sic absorberem, vt propter me à nimis pressuris amici infirmi redderentur liberi, & non tentarentur supræ quàm possent ferre. Alij vero in pressuris nimis redderētur alacres & fortes. Huius expositionis prior pars significatur Apocal. 12. vbi dicitur quod terra, quæ est humanitas Christi, absorbuit, patiēdo scilicet pro nobis, flumen persecutionum, quas in mulierem, id est, Ecclesiam emisit draco ex ore suo, eoque modo terra hæc mulierem adiuuit. *multi insurgunt.* hoc vbiq; apparet. cùm enim iudicaretur Christus, omnes eum condemnarūt: Totius penē populi vocibus ad mortem est depostulatus: milites eum illufuri congregauerunt ad eum vniuersam cohortem. voluit enim Christus pœnarum ac persecutionum vniuersitatē quādam pati, vt omnia pœnarum genera, & persecutionū multitudinem pro nobis vinceret; & idipsum quod humano generi propter peccata sua debebatur, suppliciorum, quātum fieri potuit ac decuit, ac ratio redemptionis permisit eorundē perpefsione, Deo Patri nō solum in pretio, verū etiam quasi in specie solueret, exēpli gratia, Multa flagella peccatorū, ideo & Christus flagellatus est. Iustē iugo diabolico eramus subiecti: Christus iugū crucis portauit: Mortis æternæ eramus rei, Christus mortuus est, vt enim scribit D. Thomas, conueniens satisfaciendi pro alio modus est, cum aliquis se subijcit pœnæ quam alius meruit. *Multi*

*Libr. 2. ad
Reginas.*

*p. 3. q. 50.
art. 1.*

2. *Multri dicunt animæ meæ, non est salus ipsi in Deo eius.* Hoc ad literam impletum est, cum Christo crucifixo dicerent: Confidit in Deo, liberet eum nunc si vult. Quibus verbis, ob id quod Deus Christum visibiliter non liberabat, velut ad oculum ei demonstrare nitebantur, quod esset à Deo derelictus, & proinde vane de Dei protectione sperasset. Sensus itaque est, Memento quaso ad quid permiseris eos dicere mihi, Non est salus illi in Deo eius; nempe, vt ob id quod ego tam graui tentatione sim pulsatus, alij in pressuris suis à desperatione & pusillanimitate protegantur. *Briff. 95.* Innocentius tamen inter epistolas Augustini vtitur hoc versu in persona ecclesiæ conquerentis de Pelagianis, quod ipsi hominibus dicerent; Non est salus illi in Deo eius. i. salus hominum nō est in manu diuinæ gratiæ posita, sed liberi eorum arbitrij.
3. *Tu autem. q. d. tam multi quidem in meam perniciem conspirauerunt, tu autem susceptor meus es. i. Tu me ab utero matris meæ secundum humanam naturam in vnitatem personalem æterni filij tui suscepisti, gloria mea. i. & propterea à te glorificari habeo. & exaltans caput meum. i. & ob hoc exaltabis me in dextræ ac sedis tuæ consortium ibi constitues me in caput gentium.*
4. *Voce mea,* prius dixit Deum susceptorem suum, & proinde gloriam suā esse, nunc enarrat se pro glorificatione sua orasse, quia ad gloriam Christus peruenit natiuo iure, erat enim à conceptione sua Dei Filius, Paternæque gloriæ hæres: venit etiam ad eandem merito orationis & humilitatis suæ. de qua nunc dicit; *Voce mea ad Dominum clamaui:* Apud Deum vox orationis nostræ est desiderium subnixum fide, spe, charitate, & in eum qui oratur, & in id quod petitur, & in eos pro quibus oratur; simul & dignitas orantis, *ad Dominum clamaui,* Ioannis 17, cum dixit; Clarifica me Pater claritate quam habui, &c. *& exaudivit me de monte sancto suo. i. exaudivit me iustitia eius,* de qua dicitur: Iustitia tua sicut montes Dei. Iustum enim erat apud Deum, vt Filius Dei in omnibus suis precibus exaudiretur. Potest tamen hic versiculus accommodari humilibus, qui cum se in aliquo exauditos esse perceperunt, dicunt, *voce mea,* scilicet infirma & exilis meriti ac dignitatis, *ad Dominum clamaui, & exaudivit me de monte sancto suo. i. non obstante exiguitate & indignitate orationis meæ,* ipse de altitudine pietatis, benignitatis & misericordiæ suæ preces tam exiles exaudivit.
5. *Ego dormiui.* In hoc versu manifestè esse vocem Christi, notat August. *17 de ciu. cap. 18.* Itaque dormiui, cum scilicet in cruce mortuus sum, & soporatus sum. q. d. non raptim mortuus sum, nec mortuus in momento reuixi, vt illi qui in raptu morituri sunt, & reuiuiscunt; sed soporatus sum, quia in dormitione mortis triduo perseveras, velut altiore somnum, qui sopor dicitur, cœpi, & exur-

Exurrexi à mortuis, quia Dominus suscepit me, id est, Resuscitauit me. *Exurrexi* etiam quia suscepta est oratio mea; Cùm lachrymis enim & clamore valido ad Deum qui eum saluum faceret à morte orans, exauditus est pro sua reuerentia. Dicit autem, *Dominus suscepit me*, cùm tamen ipse secundum suam diuinitatē in resurrectione corpus suum suscepit, quia solet opera diuinitatis tribuere personæ Dei Patris, vt docet Cyrillus.

9. in Ioan-
nem c. 38.

6.

Non timebo millia populi circumdantis me. Dicit hoc Christus, primò ratione sui ipsius, qui per resurrectionem suam vicit mortem, ceteraque supplicia sibi illata, sic vt aduersarij eius vltra non haberent, quod ei facerent. Quò pertinet & illud Iob in persona Christi, Libera me Domine, & pone me iuxta te, & cuiusuis manus pugnet contra me, nullius enim oppugnantis me manus poterit mihi vllam molestiam inferre, vel in vllò me lædere. Deinde dicit hoc ratione membrorum suorum fidelium, enarrans quātum roboris post mortem & resurrectionē Christi populo Christiano donandum sit. Ab eo enim tēpore non timuerunt Christiani millia populi circumdantis eos, quia coram tanta multitudine Christi nomen substantante, Christum confiteri non erubuerunt. Natura enim omne malum timore aut pudore perfudit, inquit Tertull. Sciebant autem Christiani Religionem suam nihil habere mali, eamq; propterea erubescendam non esse; Quin potius gestiebant, se constantia animi sui posse Christianæ Religionis gloriā in lucem proferre. Deinde non timuerunt millia populi, quia supplicij noxiorum in conspectu magnæ multitudinis pro nomine Christi subijci non reformidauerunt. Sciebant enim sicut crucem, ita quauis suppliciorum genera pro Christo tolerata, decorem de membris Domini pro veritate patientis induisse, eaque martyribus non turpitudinem, sed decorem afferre. Ideo præclare Tertullianus infideles his verbis alloquitur. Licet nos per contemptum cam irrisione sarmentitios & semaxios appelletis, quia ad stipitem dimidij axis reuincti, sarmentorum ambitu exurimur, id tamen non erubescimus. Hic enim est habitus victoriæ nostræ; hæc palmata vestis, tali curru triumphamus; Denique non timuerunt millia populi ad necem Christianos postulantis, didicerunt enim exemplo & virtute multifarij passionis & mortis Christi, quoduis supplicij genus patienter, imo libenter sufferre. *Exurge Domine*, q. d. vt hoc fiat quod fideles mei non timeant millia populi circūdantis se, *exurge Domine*. i. auxilium quod hætenus continuisti, in plurimorum virtutem exerce. Antè mortem enim Christi paucis huiusmodi fortitudo donata fuit. *Saluum me fac*, Sicut dicebat Christus, Quid me persequeris? cùm Paulus eum in Christianis persequeretur; ita hic dicit, *Saluum me fac*, postulans nobis suis membris gratiam, per quam omnes pressuræ atque tentationes ad æternam sa-

Job 17.

Apol. c. 10.

Apol. c. 10.

c litem

lutem proficiant, *Deus meus*. Qua ratione Christus, cum ipse Deus sit, Deum, suum Deum appellet, dicturi sumus in Psalmum 88.

7. *Quoniam tu percussisti omnes aduersantes mihi sine causa*. q. d. Quandoquidem me omnibus superiorem fecisti, descendat illa tua virtus à me capite, in mea membra. Percutit autem Deus aduersantes Christo multis modis: Inter quos vnus est, de quo hic sermo, cum conatus eorum, quoad expugnationem nominis Christi irritos facit. Qua re animaduersa, ipsi seipsos magnæ indignationis plaga percutiunt. *Dentes peccatorum contriuiisti*. Conterit & dentes eorum, cum omnia eorum impropria & argumenta contra Christum eiusque Religionem, Deo propugnante nil obtinent, & per hoc nil dentis habere reputantur.

8. *Domini est salus*. Loquitur Psaltes in sua persona. q. d. Nemo in tribulationibus de sua virtute confidat, quia Domini est, siue diuinæ gratiæ est, è tribulationibus saluare, & per eas æternam hominum salutem promouere. Circa quæ verba notat August. quod sicut cum hic dicitur, *Domini est salus*, hoc intelligendum sit de salute, non qua Deus est saluus, sed de salute quam in nobis operatur, ita cum dicitur Deus nobis factus iustitia, intelligendum sit de iustitia, non qua ipse iustus est, sed qua nos iustos facit. *Super populum tuum benedictio tua*. Oratio est Prophetæ suo hoc facto docentis, quod cum prædicatur, Domini est salus, tum ab audientibus salus illa non sit desperanda tanquam longè posita, nec negligenda tanquam quæ esset alterius alicuius ope præstanda, sed quod sit à Deo imploranda: Ad hoc enim salus in manu Domini esse dicitur, vt ab eo cum fiducia & constantia petatur.

Epist. 120.
Cap. 30.

PSALMVS IIII.

In finem in Carminibus, Psalmus David.

Rom. 10.

Describitur hoc Psalmo per modum carminis. i. exultationis seu gratiarum actionis, affectus, spes, officium & auxilium Christiani hominis tribulationem suam hilari animo & cum salutis suæ prouentu sufferentis. Porro cum in titulis Psalmorum, in finem scribitur, significatur, Psalmum de Christo vt Ecclesiæ capite, aut de Ecclesia vt Christi corpore intelligendum esse. Finis enim legis Christus, inquit Apostolus, ad iustitiam omni credenti. Aptissimè autem hic Psalmus quarto loco ponitur, quia in eo describitur iustorum, de quibus in primo Psalmo, in suis persecutionibus secundo Psalmo descriptis, exultatio & gaudiū, tanquam fructus orationis Christi, quæ Psalmo tertio exposita est. David itaque in persona hominis Christiani, qui in tribulationibus suis ante omnia ad ora-

ad orationem se conuertit, sicut Iacobus monuit; Tristatur quis in vobis, *Luce, vii.*
oret, hunc Psalmum sic incipit.

Cum inuocarem. i. cum patientiam, robur, & animi gaudium in tribulatione à Deo peterem, *exaudiuit me.* Quod non est mirandum. Dicit enim *Epist. 77.*
Cyprianus, quod ad impetrandum in pressuris facilius sit oratio. *Deus iustitiae meae.* i. Iustitiae auctor, & iustitiae exauditor, quia orationibus multum efficaciam conciliat iustitiae supplicantis. His autem dictis Psalter sermonem repente ad Deum conuertit, suaeque inuocationis prouentum exponens, dicit Deo; *In tribulatione dilatasti mihi.* i. amplificasti mihi vires sustententiae, faciens cum tribulatione hunc prouentum, ut tribulatio patientiam in me operata sit, ipsaque tribulatio quae est patientiae exercitatio, patientiae disciplina euaserit. Saluberrimè autem animus in tribulatione positi dilatatur, cum Dei dilectione usque ad inimicorum dilectionem dilatata distenditur. *1. Cor. 10.*

Miserere mei. Postquam in tribulatione dilatatum se dixit, ilico misericordiam implorat, quia necessitatem diuinæ gratiae omni ex parte probe intelligens, nouit se adhuc egere multiplici gratiae auxilio, spontanea Dei miseratione praestando. *Et exaudi orationem meam,* quam pro conseruatione, perseverantia & reliquo gratiae auxilio mihi necessario, tibi offero. Quod autem paulo ante dixit se fuisse in tribulatione dilatatum charitate, ut diximus, id nunc reipsa declarat quoad dilectionem proximi: Dicit enim:

Filij hominum, quæ vox iustorum est volentium infirmos in fide, ut monuit Apostolus, assumere. i. sibi similes facere: Hac enim voce increpant *Rom 14.*
carnaliter infirmos homines, qui pro amore salutis temporariae, rerumque temporalium, in tribulationibus trepide succumbunt, & per eum salutis detrimentum sibi veriùs quam prouentum conquirunt, dicuntque, *Filij hominum,* plus videlicet in vobis habentes, quod carnalis in vos generatio deriuauit, quam quod spiritualis regeneratio reformauit. *Vsquequo graui corde?* i. quamdiu habebitis cor in amorem rerum temporalium deorsum, grauium rerum more propensum? *Ut quid.* i. quo fructu, quâue vtilitate, *diligitis,* praepotero amore. *vanitatem.* i. transitoriam & ob id vanam felicitatem. *Et queritis.* i. anxia sollicitudine acquirere, conseruare, augere contenditis, *mendacium.* i. ea, quæ veram felicitatem mentiuntur. Quæ correctio tametsi conueniat iis, qui in temporali prosperitate positi, amoris nimium incumbunt; propriè tamen dirigitur ad eos, qui ob aduersitatem temporalem immoderata se tristitia cruciant, & cura bene vtendi tribulationibus neglecta, peccatis se maledictionum & murmurationum onerant. Rectè enim iis dicitur, *ut quid diligitis vanitatem;* nisi enim vanitatem diligerent, non semetipsos eius amissione cruciarent.

c ij

Et, ut

4. *Et*, vt scilicet desinatis vanitatem diligere, & mendacium quærere, *Scitote*, aduertite, perpendite, *Quoniam mirificauit Dominus*, id est, via & ordine carnalibus oculis admirabili, nempe per temporariæ salutis iacturam, ad summâ gloriam perduxit *Dominus sanctum suum*. i. Christum sanctum sanctorum, idque vt sciatis, sequenda vobis esse eius vestigia, vt sicut oportebat Christum pati, & ita intrare in gloriam suam; ita & vos oporteat per multas tribulationes introire in regnum Dei. Illa ergo mirabili glorificatione commendatur atque proponitur vobis noui testamenti gratia, quæ prædicit in mundo pressuram, in pressura victoriam, per victoriam autem perducit ad coronam. de qua re late Augustinus epistola 120. cap. 5. & sequentibus. Cùm ergo per sanctum suum Christus intelligatur, recte August. increpatione quæ dicit: *Filij hominum vsquequo graui corde?* &c. tempore Christi vim suam & locum habere cœpisse animaduertit; hoc modo: *Vsquequo graui corde?* ac si diceret Psalter, Si quinque ætatibus quæ Christum præcesserunt fuit vobis aliqua excusatio sequendæ vanitatis, vel sexta ætate in qua vixit Christus comprehendite veritatē de contemnenda vanitate, quæ per Dominum Iesum prædicata est, & eius exemplo demonstrata. *Dominus exaudiet me*, verba hæc intelligi debent ab iisdem dici à quibus superiora dicta sunt, hoc sensu. Si vos ô infirmi Christiani, vbi audieritis supradictam exhortationem, pusillanimitas inuasit, videritisque id animi robur, quod in Christo excellenter ad omnium informationem præcessit, à vobis procul abesse, nec posse vos de damnis rerū, fauorum, incolumitatis corporeæ, regni cælestis beatitudinem vobis comparare, non tamen ob hoc hastam abijcite, animumque despondete, sed potius pia spe vobis persuadete, dicatque vnusquisque sibi, *Dominus exaudiet me, cum clamaui ad eum*. i. Christianæ militiæ virtutem, quam mihi deesse sentio, Dominus mihi dabit, cùm eum rogauero. Monuit enim Cyprianus, In persecutionibus (sub quibus omnes aduersitates intellige) nemo cogitet, quid periculi diabolus importet, sed imò consideret quid auxilij Deus præstet, nec mentem labefactet humana infestatio, sed corroboret fidem diuina protectio, quando vnusquisque secundum dominica promissa & fidei suæ merita, tantum accipiat de Dei opere, quantum se credit accipere, nec sit quod omnipotens præstare non possit, nisi accipientis fides caduca defecerit.

1. quæst. c.
14. q. 41.

Cap. 10. de
exhortat.
martyrij.

1. officior.
Cap. 11.

5. *Iraſcimini*, q. d. Si tam estis infirmi, vt contra eos qui vos persequuntur & affligunt, subita aliqua animi indignatione aut offensione moueamini, *Et nolite peccare*. i. nolite commotam iracundiam vestram vultu, verbo, aut opere in aduersarium effundere, sed commotam mox comprimite. hic sensus qui est Ambrosij, textui quàm maximè congruit. Præter hunc tamen

tamen idem ibidem dat & hunc sensum, *Iraſcimini & nolite peccare*. i. si ira moueamini, irascamini eidem infirmitati vestræ, & non peccabitis, vel, *Iraſcimini*, vbi scilicet oportet, nempe iniquitati alterius, cum tali seueritate opus fuerit, & non peccabitis. *Quæ dicitis in cordibus vestris, & in cubilibus vestris compungimini*. hoc additur, quia infirmi in afflictione positi, in cubili seu secreto cordis sui multas malas suggestiones sentiunt, nempe blasphemiarum aut murmuris in Deum, quam in persona infirmorum describit Iob: Si flagellat, occidat semel, & non de pœnis innocentum rideat: Aut prauorum consiliorum, Suggestuntur enim ipsis aut à diabolo, sicut testatur Ambrosius factum esse Isaïæ, cui in carcere constituto diabolus liberationem promisit, modo dicere vellet prophetiam suam non esse profectam à Deo; Aut à proprijs eorum cordibus suggeruntur, dico, impia & illicita consilia ad euadendam vel vindicandam aduersitatis molestiam. Pro his itaque & similibus prauis suggestionibus, præsertim quæ ex propria eorum oriuntur infirmitate, dicitur illis, *compungimini*, quasi dicatur, nolite suggestionibus illis locum dare, easve opere perficere, sed potius ob hoc quod talia patimini, dolore pœnitentiæ (quoniam raro sine omni peccato in homine sunt) aut saltem odij ac displicentiæ, quoniam à malo sunt, vosmet ipsos configite, vt sitis ex illis de quibus Leo, Iusti cogitationum suarum arcana castigent, vt nunquam possint in cordibus suis non inuenire quod reprobent. Ambrosius tamen hunc versum ad literam intelligit, dicens fieri solere vt ipse lectus ad communem quietem nobis datus, ærumnosus fiat; Tunc enim, inquit solemus, quæ fecimus recordari, & factorum suorum stimulis compungitur interior conscientia. vnde Scriptura ait: *Quæ dicitis in cordibus vestris & in cubilibus vestris compungimini*. Hæc Ambr. Exposita autem ratione comprimendæ impatientiæ, nunc exponunt rationem exercendæ in tribulatione iustitiæ, dicuntque:

Sacrificate sacrificium iustitiæ. i. Satagite, vt tribulatione, tanquam materia & occasione multorum bonorum operum, legitimè vtentes, bona opera mansuetudinis, patientiæ & charitatis in aduersarios exerceatis, easque Deo tanquam spiritualia quædam pacificorum sacrificia offeratis, *Et sperate in Domino*. i. amore rerum temporalium mortificato, æterna bona à Deo expectate, & pro ijs ei seruire discite, eiusque disciplinam in præsentī vita tolerare, sicut Tobias qui vxori, calamitatem sui temporis ei improperanti respondit: Filij sanctorum sumus, & illam vitam expectamus quam dabit Deus ijs, qui fidem suam nunquam mutant ab eo. *Multi*. ex ijs qui graui sunt corde, amoreque in terrena pendulo, Qui cum se audiunt ad contemptum præsentium, & spem futurorum admoneri, dicunt: *Quis ostendet nobis bona?* vsque adeo enim per sæculi dulcedinem & amo-

c iij rem

cap 9.

Ser. 12 in
psal 118.
versu 4.

Serm 6 de
Quadrag.

1 de interp
Iob c. 3.

6.

rem mente incrassati sunt, vt non possint in animos suos inducere esse inuisibilia bona quæ expectanda sint, aut saltem non valent ad ea speranda animos suos erigere. Cuiusmodi erant qui dicebant: Manducemus & bibamus, cras enim moriemur. Et alij, qui desperantes potiora bona acquirere, tradiderunt se impuditiæ in avaritiâ, ideo interrogant, *quis ostendit nobis bona*, q.d. nemo, non sunt enim. Sed illis cum desperatione quærentibus: *Quis ostendet nobis bona?* Respondent Christiani & à quo & quo modo ostendantur hæc bona, dicuntque:

7. *Signatum est super nos lumen vultus tui Domine*, Vultus Dei, inquit Cyrillus, Ambrosius & Tertull. filius eius est, Lumen vero vultus eius gratia est Spiritus sancti. Sensus itaque est, Filius tuus Domine qui est æternæ beatitudinis fons, per gratiam Spiritus sancti cognitionem inuisibilium bonorum mentibus nostris impressit, & ob id non dicimus vna cum illis, *quis ostendet nobis bona?* sed mente per fidem illustrata iam præuidemus futura bona. Nobis enim reuelauit ea Deus per Spiritum suum. Porro bene dicunt: *Signatum est*, Lux enim huius notitiæ ab æterno illo diuini vultus lumine in mentes eorum qui illuminantur transfertur, non emigrando, inquit Augustinus, sed imprimendo, sicut imago ex annulo & in ceram transit, & annulum non relinquit. *Dedisti lætitiâ in corde meo*, quia lumen hoc non aridam rerum futurarum notitiâ affert, sed etiam suo splendore mentes exhilarat, & quodam anticipato rei futuræ gaudio demulcet, vt etiam in præsentî vita temporalium bonorum suauitatem, tanquam longe inferiorem, fastidire nouerit, Quia Spiritus sanctus, inquit Didymus, consolatur eos, quos se dignos reperit, & incredibile quoddam gaudium & hilaritatem eis tribuit, vt possint gratias agentes dicere, *Dedisti lætitiâ in corde meo*. Ad quam lætitiâ exhortatur Apostolus, cum dicit: Spe gaudentes. Cum itaque contextus huius loci requirat, vt eum intelligamus de illo lumine diuini vultus, quo per gratiam Spiritus sancti inuisibilia bona nobis reuelantur, de quo etiam Augustinus eum intelligit, minus aptè quidam Doctores intelligunt hic sermonem esse de naturali lumine mentis humanæ quo legitimum aliquid, Augustini verbis vtor, anima rationalis naturaliter & sentit & facit, Quamquam interim, teste Augustino, verum sit lumen illud à vultu Dei nobis imprimi vel super nos signari. Pergit autem Psaltes sequentibus versiculis dare differentiam inter veræ beatitudinis, quam expectant super quos signatum est lumen diuini vultus, & falsæ quam spectant qui graui sunt corde, obiecta, sensa & tempora; & incipiens ab ijs, qui falsam beatitudinem in præsentî diligunt, dicit:

8. *A fructu .i. vberis prouentu, frumenti vini, & olei sui*, sub quibus nomi-

nominibus comprehenduntur omnes res terrenæ, quibus carnales tanquam terrenæ suæ beatitudinis obiectis fruuntur. Ideo & adiungitur vœcula [*sui*] frumentum enim, vinum & oleum spirituale, domini propriè dicitur, sicut Sponsus Cant. 5. Bibi vinum meum, & Psal. 88. Deus de gratia Spiritus sancti dicit, oleo sancto meo, *multiplicati sunt*. i. in diuersarum rerum, quibus simul frui non possunt, amores & appetitus sunt distracti, & pro multiplicitate earundem rerum, varijs quoque cupiditatibus æstua-uerunt.

In pace in idipsum dormiam & requiescam. vnus loquitur in persona omnium eorum qui veram beatitudinem sectantur, quia vbi hoc quod hic dicitur impleri cœperit, tum omnes, sicut Christus orauerat, vnum erunt. Dicit itaque, *In pace*, &c. q. d. In hoc ego ab eis differo, quod illi in præsentī vita præproperè bonis temporalibus se ingurgitent, ego autem *dormiam*, i. vbi dormiero mortemque obiero, de qua dormitione Psalmus sequens, Cùm dederit dilectis suum somnum, &c. *& requiescam*. i. tranquillissima fruitione donabor, cùm illi in hac vita inquietis & intemperatis delectationibus, quæ optimè perturbationes dicuntur, exagitentur. Idque *in pace*. i. participatione eius pacis, de qua Apostolus, Pax Dei, quæ scilicet ipse Deus est sibi, quæ exuperat omnem sensum, vel, *in Pace*. i. cum plena securitate & satietate. *In idipsum*. i. participatione illius quod immutabile est & omnia simul est. Dicitur enim Deus, Idipsum, propter suam simplicitatem, quia quicquid in eo esse intelligitur, vt bonitas, iustitia, potentia, notitia, & reliqua omnia simul, licet ratione vt à nobis apprehenduntur sint distincta, vna tamen & simplex Dei sunt substantia, Ideo dicit Augustinus: Legitur quidem Sapient. 7. Spiritus sapientiæ multiplex, sed rectè etiam dicitur simplex (siue vt noster textus ibidem legit, vnicus.) Multiplex enim est quia multa sunt quæ habet. Simplex autem vel vnicus, quia non aliud habet quam quod est. Et Bernard. Multa dicuntur esse in Deo & quidem sanctè catholiceque, sed multa vnum sunt. Dicitur etiam Deus Idipsum, propter immutabilitatem æterna stabilitate eodem modo semper se habentem, ita vt in illo nullum sit vel momentum præteriti aut futuri. Ex his itaque patet, prædicta inter carnales & spirituales differentia. Illi enim multiplicati sunt, quia cum vnum illud quod est necessarium non consequantur, pluribus inhiantes, in plura distrahuntur. Hi vero Idipsum amantes, in vnus illius omnia in se complectentis simplici amore omnes vires suas colligunt: vbi patet differentia obiectorum. Illi cupiditatum suarum quodā æstro percelluntur: hi in tranquillitate sancti amoris requiescunt. Ibi est differentia sensuum siue affectionum. Illi rebus præsentibus fruuntur dum viuunt, hi desideria sua impleri expectant vbi dormierint. Ibi est diffe-

9.

Ioan. 17.

Epist. 102
Or 11. de
Cris 6. 10.

de cons.

Lucæ 19.

differentia temporum. Sed vnde hæc inter utrosque differentia? Id docet versus qui sequitur, hoc sensu: Ego ab illis in his quæ dicta sunt differo,

10.

Quoniam tu Domine singulariter. i. singulari tua gratia & ope, quam mihi præ illis dedisti, in spe constituisti me. i. fecisti me præsentium amore contempto, futura per spem concipere, & per patientiam expectare, atque in ea inter omnia præsentis vitæ prospera & aduersa inuicto animo perseverare.

PSALMVS V.

In finem pro ea quæ hæreditatem consequitur, Psalmus David.

Hebr. 12.

EA quæ hæreditatem consequetur, est Ecclesia quam Apostolus appellat primitiuorum, qui conscripti sunt in cælis; His enim psalmus iste per omnia omnesque sui partes propriè competit. Prima quidem Psalmi pars orationem continet pro æternæ vitæ hæreditate adipiscenda: pars sequens recenset ea, quæ vitanda sunt illi, qui ad hæreditatem peruenire intendit. Post quæ contra talia mala protectio petitur: At in gratiarum actione pro adeptæ hæreditate Psalmus finitur; quæ gratiarum actio competere non potest, nisi illis, quorum nomina scripta sunt in cælis. ergo propriè pro illis scribitur, illisque competit Psalmus.

1.

Verba mea auribus percipe Domine, intellige clamorem meum. In hoc versiculo per dictiones, *Verba* & *Clamorem* oratio designatur, differenter tamen: nam per *verba*, intelligitur oratio, quæ cum pia precandi intentione, & debita ad ea quæ recitantur attentione, verbotenus fere absq; magna pij sensus aut affectus viuacitate profertur; Per clamorem vero ea oratio significatur, quam pij pectoris spiritualis affectus multis virtutibus imbutus, sine verborum strepitu diuinis oculis insert, vt docet Ambrosius in Psalmos 40 & 118. Serm. 19. versu 10. Basilii in Psalm. 114. Augustinus in Psalm. 148. Hieronymus in Cap. 4. ad Gal. Hanc distinctionem confirmat diuersitas adiunctorum verborum *Auribus percipe, & intellige*. Indicant enim ea, Orationum quæ Deo offeruntur, aliam esse ferè verbalem, quæ auribus, aliam spirituales, quæ intellectu hauriri solet; vtramque tamen, inæquali licet gradu, Deus acceptam habet.

2.

Intende voci orationis meæ. dicit Intende; In hoc enim quod præcipue isto Psalmo petit, magis cupit pro hoc tempore audiri, quam exaudiri. Auditur autem à Deo oratio, cum ab eo suscipitur tanquam ad impetrandum sufficiens, aut saltem momenti aliquid adferens. Exauditur vero, cum oranti res postulata à Deo conceditur; Quam distinctionem nouisse videtur Raguel, qui cum sciret se id quod postulauerat nondum accepisse, & proinde nondum esse exauditum. cum tamen diceret, non dubito quin Deus preces

preces meas in conspectu suo admiserit, confidebat se esse auditum. Et certe magna cum prudentia & animi æquitate hanc precem suam hac vice solum audiri petit Psalter. Postulat enim aduenire sibi regnum Dei, hoc autem ex ijs est de quibus Augustinus in Ioannem, quæ orantibus non negantur, sed differuntur ut dentur congruo tempore. Similiter sunt & alia quæ orantibus non statim conceduntur, non ob importunitatem temporis, sed ob immaturitatem orationis, aut nondum satis bonam orantis dispositionem. Cum ergo quis ea quæ à Deo petit, è vestigio non accipit, ne putet orationem suam à Deo neglectam aut repulsam esse, sed credens se, ut docet Ambrosius, remissius quam oportet supplicasse, speret eam à Deo saltem auditam esse, ut postquam fuerit pietate maiore instructa & frequenter iterata, tandem exaudiat; Ideo bene monet Bernardus, Nemo vestrum fratres parui pendat orationem suam, dico enim vobis, quia ipse ad quem oramus, eam non parui pendit. Priusquam egressa sit ab ore nostro, ipse eam scribi iubet in libro suo; & orationem benigne suscipiens, quod nobis aut omnino non est utile, aut non tam cito dari necesse est, minime tribuit, oratio tamen instructuosa non erit. Quæ omnia probè intelligens Christi Ecclesia, ratione eorum quæ suo tēpore sunt concedenda, dicit in Litanij, Christe audi nos; Ratione verò eorum, quæ statim concedi poterunt, dicit Christe exaudi nos. *Rex meus & Deus meus*. Sicut verba Apostoli, Dominus meus & Deus meus, ita & verba hæc fidei confessionem continent. Confitetur enim Deo Psalter his verbis, se Deum pro Rege suo & Deo suo habere, idque quia in posterioribus huius fidei suæ effectum obtinere petit, nempe ut Deus ei sit Rex, præstando directionem, Deus, impartiendo beatitudinem. Cum ergo hæc duo petere intendat, orationi præmittit congruentis fidei confessionem, quia confessio fidei fidem roborat & renouat; fides autem orantis, orationem eius quam plurimum commendat. Ob quam causam Symbolū fidei à fidelibus orationi sæpe præmittitur.

1. de parit.
cap. 16.

Serm. 5. de
Quadrage.

1. cor. 10.

Quoniam ad te orabo Domine in hoc tempore pro æterna hereditate obtinenda, *mane exaudies vocem meam*, q. d. nunc quidem eam audies, *mane* autem .i. in exortu primoque diluculo æternæ diei & corporum resurrectione, exaudies eam, præstando rem postulatam, quæ est regnum tuum. Ad quod cum peruenero,

3.

Mane astabo tibi. i. ab omni lapsu & labendi periculo immunis, præsens tibi adero in illa turba magna, quam Ioannes vidit stantem ante thronum, & videbo scilicet te facie ad faciem, sed non nisi *manè*; Idque, *Quoniam non Deus volens iniquitatem tu es*. i. quoniam nullam in conspectu tuo admittis iniquitatis vel rugam, quæ est concupiscentia, vel maculam, quæ est peccatum. Iniquitas autem futuræ diei diluculum plenè non expiabitur.

4.

d Diuus

Ad Mar-
cell.
Cyp. de o-
ra. Domin.

Diuus Athanasius tamen, & Cyprianus, ex hoc quod dicitur: Ad te orabo, mane exaudies vocem meam, colligunt nobis in ortu cuiusque diei ante diluculum orandum esse in memoriam Dominicæ resurrectionis, precesq; eo tempore fufas à Deo facilius exaudiri, tum ob ipsius temporis quandam importunitatem, quæ magnam orantis vigilantiam atque instantiam testatur; tum ob Dominicæ resurrectionis memoriam. Orationes enim nostræ inter cetera etiam hoc nomine Deo commendantur, quod ex fide deferuntur illis temporibus, vel saltem in illorum temporum memoriam, quibus res aliquæ pro salute nostra à Christo gestæ sunt, vt docet Ambrosius Cyprianus, Basilus. Ob quam rem Ecclesia publicas preces quotidie recitat media nocte qua natus est Christus. Ad Primam qua resurrexit. Ad Tertiam qua venit Spiritus sanctus. Ad Sextam circa quam crucifixus est Christus. Ad Nonam circa quam mortuus est.

Amb. epist.
21.
Cyp. de o-
ra. Domin.
Basi in reg
bre. reg. 37

5.

Epist. 81.

Neque habitabit. Recensere incipit quædam peccata quæ homines à regno cælorum excludunt, Inter quæ primum est quod dicit: *neque habitabit iuxta te malignus.* Malignus autem vt interpretatur Ambrosius, nec puram simplicitatem habet, nec apertam malitiam, sed absconditam maleuolentiam, hic itaque non erit ex ijs, qui in domo tua cum tuæ præsentiaë fruitione habitabunt; *Neque permanebunt iniusti ante oculos tuos.* .i. qui iniuriam inferunt, tamen in die iudicij comparebunt ante oculos tuos, ab ijs tamen in tenebras exteriores repulsi in conspectu tuo non permanebunt.

6.

Tract. 110
in Ioan.

Odisti omnes qui operantur iniquitatem. Explicuit quo bono impij priuandi, nunc explicat cui malo sint subijciendi, dicitque *odisti*, Odisse Dei formaliter est auersari; Improbatur enim Deus vitium, inquit D. Augustinus, velut à regula suæ artis alienum; causaliter autem est punire. Hic autem de formali odio interpretamur, quod merito inter mala quibus iniqui afficiendi sunt, primo loco ponitur; Quia sicut diligere à Deo amore amicitiaë magnum in beatitudine est bonum, ita in odio seu auersatione Dei esse, malum est maximum. *Perdes omnes.* .i. æternis supplicijs dignos habebis, & suo tempore addices, *qui loquuntur.* .i. qui docent contra suam conscientiam, *mendacium*, aut contra eandem docent esse mentiendum. Addo contra conscientiam, quia *mendacium*, inquit Augustinus, est falsa significatio cum voluntate fallendi; non est autem voluntas verbo fallendi, nisi in eo, qui contra quàm dicit sentit. Si autem quod dicitur, *loquuntur mendacium*, pro quauis enunciatione mendacij acceperis, oportebit tunc *mendacium* restringere, ad mendacium perniciosum, vt notat Augustinus. Præsertim quia si præsens locus de quouis mendacio esset intelligendus, vtique hic diceretur; *Perdes omnes qui loquuntur omne vel quoduis mendaciū*, sicut cū scriptura nos ab omni *mendacio* dehortatur, dicit: *Noli velle mētiri omne mendaciū.*

Cap. 12. 6. 1.
mendaciū.

Eccli 7.

Virum

Virum sanguinum & dolosum. i. homicidam, & fraudibus deditum & intentum, quales sunt hypocritæ & impostores, *Abominabitur Dominus.* Ego autem in multitudine misericordiæ tuæ. videlicet multa peccata mihi ignoscentis, multiplici gratia me donantis, multaque ope protegentis me. Dicit autem in prima persona Ego, idque ex spe. Beatitudinem enim pro qua prius orauerat, nunc sibi affuturam pia spe præsumit, hoc versuum ordine docens, orationi spem semper esse adiungendam; qui enim orationi spem impetrandi non adiungit, per defectum ipsius, orationis suæ prouentum sibi quasi abiudicat;

Introibo in domum tuam æternæ beatitudinis. Adorabo ad templum sanctum tuum. i. sanctum cælum tuum. Adorat autem ad illud, qui absens eò reuerentiam Deo debitam mittit: Quod facit Ecclesia, cum mente atque corporis inclinatione, genuumque inflexione adorans patrem suum qui est in cælis, dicit: Adoramus te, cum Angelis, sanctus, sanctus, proclamans. Hæc enim adoratio nostra & in cælum à nobis dirigitur, & ante oculos diuinæ maiestatis ingreditur. *In timore tuo,* verecundiæ scilicet, quæ huiusmodi adorationi semper iungenda est ex conscientia multiplicis infirmitatis & indignitatis nostræ, sicut illi qui Deum in cælo præsentem adorant, id faciunt ex timore reuerentiæ.

Domine deduc me. Qui superius sperauit, hic resumit orationem, quia oratio tempore huius vitæ voto semper continuanda, actu frequenter reiteranda est, dicitque: *deduc me in iustitiam.* i. gratia tua continua cœpta in me sua prosequente, iter iustitiæ seu conuersationem rectam tua ope cœptā, fac me in finem vsque ordinatè decurrere, idque *propter inimicos meos,* Infidiæ enim ac tentationes inimicorum, illorum scilicet, qui à iustitia nos impedire aut ab ea ad iniustitiam auertere moluntur, peculiaris gratiæ ac protectionis diuinæ nobis necessitatem adducunt, vt docet Augustinus: *Dirige in conspectu tuo viam meam.* i. præueniente gratia tua fac me indefinenter cognoscere, ac facere toto decursu vitæ meæ, quod placitū sit ante te.

De correp.
& gratia,
6. 11 & 12

Quoniam non est in ore eorum, inimicorum meorum, *veritas,* vt ipsi sua doctrina aut commonitione possint dirigere in conspectu tuo viam meam, *cor eorum vanum est,* q. d. Ideo non est in ore eorum veritas, quia cor eorum vanum est, nullum salutiferæ veritatis in se habens depositum, Ex abundantia autem cordis os loquitur, propterea, vt dixi, non est in ore eorum veritas.

Sepulchrum patens est guttur eorum. q. d. non solum non est in ore eorum veritas, insuper os eorum nihil exhalat aliud, quam tetrum putorem mortiferæ iniquitatis corda eorum obsidentis, ex ore enim eorum nihil auditur nisi blasphemia, clamor, impudicitia, & similia. *Linguis suis dolose*
d ij agebant,

agebant, quia venenum mortiferarum linguarum suarum ratione defendere & excusare laborabant, Vel, verbis fratres circumuenire & fallere. Et hactenus quidem iniquorum facta ac studia recensuit, nunc exitum & finem eorum commemorans dicit, *Iudica illos Deus*. prædictio est per modum precatationis, q.d. iudicabis illos extremo tuo iudicio Deus.

12. *Decidant a cogitationibus suis*. i. spem quam illi cogitatio præsumpserant, non assequuntur; *secundum multitudinem impietatum eorum*. i. pro ratione impietatis quam commiserunt, *expelle illos*, id est, è societate sanctorum, cui nunc sunt permixti, in tenebras exteriores ejice. *quoniam irritauerunt te Domine*, i. præsumendo, tuaque bonitate abutendo, te ad iracundiam prouocauerunt. Enarrato autem sine impiorum reuertitur Psalteres ad enarrandum finem iustorum, dicitque:

13. *Latentur omnes qui sperant in te*, de rei speratae prouentu, *in aeternum exultabunt*, lætitia sempiterna, & *habitabis in eis*, erunt siquidem in beatitudine sancti, non solum Deo præsentēs, sed admirabili felicitate Deo

14. *pleni*, sicut Christus dixit, Spiritus S. apud vos manebit, & in vobis erit.

14. *Et gloriabuntur in te*, Gloriari in Domino aliquando est, nil gloria dignum ducere, nisi quod apud Deum est gloriosum, quæ gloria opponitur gloriæ inani huius sæculi, quæ est de stemmate, &c. Aliquando vero, nullam celebritatem aut laudem gloriæ loco reputare, nisi quæ à Deo sanoque laudantis iudicio prouenerit, quæ gloria opponitur gloriæ quam facit adulatio. Tertio idem est quod omnē gloriam in Deum ut gloriæ authorē referre, quod gloriari opponitur gloriæ quam facit superbia. hoc autem loco *gloriari*, est pro vberiore quàm speraueras diuinæ largitionis prouectu, de tam opima diuinæ bonitatis dote, cum inenarrabili diuinæ magnificentia exaggeratione sibi gratulari. *Gloriabuntur igitur in te*, i. cum magnificentia tuæ prædicatione sibi in te & de te complacebunt, sibi que gratulabuntur. *Qui diligunt nomen tuum*. i. te propter temetipsum. Per nomen enim Dei aliquando ipsam Dei substantiā significari manifestū est, Deut. 28. Si timueris terribile nomen Dei. i. ipsum Dominū Deum tuum. Huius gloriationis ratio est, *quoniam tu benedices*. i. vberem & supereffluentem benedictionem adicies, *iusto*, i. eis de quibus mox dixit, qui diligunt nomen tuum. Hos enim nunc iustos vocat. Si enim, ut docuit Augustinus, charitas iustitia est, ergo qui charitate diligunt Deum, iusti sunt. Gloriantur autem iusti in Domino, sicut diximus, cum in hac vita accipiunt superabundanter quàm petunt aut intelligunt, magis autem gloriabuntur in eo in futura vita, cum accipient quod oculus non vidit, nec auris audiuit, & in cor hominis non ascendit. Tunc enim magnificentia gloriæ regni Dei loquentur, accipientes mensuram bonā & refertam & coagitatam & supereffluentem, in-

Ephef. 3.

1/aie 64.

Psal. 144.

Luca 6.

tem, ingeminantes illud Isaia: Confitemini Domino, quoniam magnificè fecit. *Isaia 12.*

Domine vt scuto bonæ voluntatis tuæ. Commodius ex Græco hoc modo vertitur, Domine vt scuto bona voluntate tua (vt illud in Euangelio, *Luce 2. Cap 51.* Pax hominibus bona voluntas) Dicit quidem Isaia, quod in ciuitate celesti inuenietur gratiarum actio, & vox laudis: Quæ autem illa vox futura sit, non ipse, sed hic versus explicat, dicens in nomine omnium Sanctorum, qui hæreditatem iam consecuti erunt. *Domine coronasti nos.* i. ad coronam perduxisti nos. Quæ verba etsi quidam hoc modo interpretentur, *Coronasti nos.* i. misericordia tua vt corona cinxisti nos vndique, tamē nostram interpretationem genuinam esse titulus testatur (nam vt Augustinus dicit: *August. ser. 20 de ver. Apostol.* Sicut clauis ostium aperit, ita titulus Psalmum) qui Psalmum scriptū esse dixit illi qui consequetur hæreditatem. Quid autem in toto Psalmi decursu proprium est hæreditatem consecutis, nisi quod dicit; *Coronasti nos,* Si intelligamus id idem esse cum eo quod diximus, ad coronam perduxisti nos? *Bona voluntate tua.* i. per bonam voluntatem tuam, cui coronā hanc præcipuè acceptam ferimus, quia ipsa præcipuas in iustificatione nostra & perseuerantia partes habuit. Quæ quidem bona voluntate tua vsus es, vt scuto, primo, quia benigna tua in nostram salutem voluntas, iræ tuæ quam peccando frequenter merebamur, quasi scutum se opposuit, ne ipsa pro nostris meritis frequenter contra nos exardesceret; Continuisti enim iram tuam in misericordia tua, per quam factum est, vt nihil te auertere potuerit, quo minus nobis & peccantibus, & à te auersis beneuolus perseuerares, vt loquitur Bernardus. Deinde fuit voluntas tua nobis scutum; Per eam enim protexisti nos, non tantū ab hostibus foris nos oppugnantibus, sed & intus à defectu, negligentia, tergiuersatione propriæ nostræ voluntatis. Cū itaque hæc gratiarum actio omnibus sanctis communis sit, recte Ecclesia in officio suo diuino laudibus supernæ ciuitatis suas laudes adiungens, per festa plurimorum sanctorum hunc psalmum frequentat. *Serm. de Natiuit. B. Maria.*

PSALMVS VI.

In finem in Carminibus Psalmus Dauid pro octaua.

Psalms hic pœnitentis orationem & lamenta continet; Inscribitur tamē in Carminibus siue vt legit August. in Hymnis, quia Carmen siue Hymnum. i. festiuum canticum lætitiæ, aut gratiarum actionis, vt suum finem spectat, quia planctui & gemitibus pœnitentis, gratiarum actio & laus succedet absoluti atq; iustificati, sicut docet Christus: Spiritus Domini super me, eo quod vnixerit Dominus me, vt ponere lugētibus Sion (inter quos sunt pœnitentes) & darem eis coronam pro cinere, *Isaia 6. & Luca 4.*

d iij

oleum

Lib. 2. de
cōpū. cord.

Gr̃g hom.
10 in Ezē.
3. Reg. 21.

oleum gaudij pro luctu, pallium laudis pro spiritu mœroris. *Psalmus Dauid pro octaua.* Quæ autem est octaua, inquit Chrysostomus, nisi dies illa Domini, dies illa magna, nempe dies iudicij? Quam Dauid octauam appellauit, propter commutationem huius seculi, Cum enim omnis volubilitas temporis, quod per septem dies voluitur atque reuoluitur, cessauerit, tunc *ὁγδοὰς*. i. octauæ numeri cursus producet in medium; erit enim tum perpetua rerum tam bonarum quàm malarum stabilitas, Itaque psalmus hic non conuenit eis qui pœnitentiam prę se ferunt causâ solum rerum temporalium acquirendarum vel non amittendarum: qualis D. Gregorio fuit pœnitentia Achab: De quo sic dicit Deus. Quia humiliatus est Achab mei causa, non inducam malum in diebus eius. In quibus verbis pensandum est (inquit Greg.) quomodo in electis mœror amaritudinis placeat qui amittere timent Dominũ, si sic ei & reprobi pœnitentia placuit, qui timebat perdere præsens seculum. Pro his ergo atque huiusmodi pœnitentibus non scribitur præsens Psalmus. Hi enim non lugent pro octaua. i. causa eorum malorum quæ obuentura sunt peccatoribus in sæculo futuro; sed his solummodo qui metu malorum, & amore bonorum futuri sæculi ad pœnitentiam se conuertunt. Quorum vox est:

1. *Domine ne in furore*. i. animi tui indignatione quæ sit absque misericordia, de qua scriptum est: Iudicium absque misericordia illi qui nō fecit misericordiam. *Arguas me*, in die videlicet Iudicij; In quo verba, discedite à me, Esuriui enim, &c. præter condemnationem, continebunt etiam reprehensionem seu redargutionem, quod peccatores peccata sua eleemosynis siletem non redemerint. Quæ negligentia, quandoquidem nullam poterit prætexere excusationem, acerbissimam accipiet Iudicis increpationem, & reo summam adducet confusionem; *neque in ira tua corripas me*. Diuus Augustinus, quem multi sequuntur, [*ira*] nomine intelligit, mitiorem quandam Dei indignationem, cui temporali supplicio satisfacit, & nomine correptionis temporale Dei flagellum, idēque hęc postericrem versiculi partem intelligit esse iustorum orationem, supplicantium pœnas temporales, quibus per rigorem iustitiæ diuinæ quomodolibet sint obnoxij, sibi per Iudicis clementiam mitigari; Attento tamen, quod à principio Psalmi vsque ad medium eius, decurrat oratio pœnitentis necdum iustificati, neque incommodo careat, si in vno orationis decursu interferi intelligatur oratio iusti pœnitentis, ideo commodior erit hic sentus, *neque in ira tua* i. vindicatiua iustitia, *corripas*. i. punias me. Vt intelligatur pœnitens iste priore versiculi parte Iudicis sententiam, hac vero parte vindictam consecuturam deprecari. Dies siquidem diuini Iudicij ab Isaia vocatur crudelis, propter acerbiteratē suppliciorum, & indignationis plenus, propter Dei

pter Dei increpationem. Optimo autem ordine pœnitentis oratio ab hac deprecatione exordium sumit, Pœnitentiæ enim initium à timore diuini iudicij fere concipitur.

Miserere mihi Domine. .i. misericorditer peccata mihi indulge, *quoniam* 2.

infirmus sum ab origine. Bene itaque dicit, *quoniam infirmus sum*, quia huiusmodi infirmitas Deo nonnulla ratio est misericordiæ impendendæ, quia prouidetur ut ei subueniat misericordia diuina, quem ab origine infirmum fecit culpa aliena: Ob id suauiter Bernardus, Ita Domine obsecro complacet tibi, ut eruas me, quoniam ego infirmus sum: quoniam de terra mea furtim sublatus sum, & hic innocens in lacum missus sum. Non penitus quidem innocens, sed quantum ad eum qui me seduxit, innocens aliquatenus. Hec Bern. Imò præter hoc omnis qui ex infirmitate peccat, dicere potest, Miserere mei, quoniam infirmus sum, quia peccata ex infirmitate commissa, remissione minus sunt indigna. *Sana me Domine.* Sicut anima hominis agra est per cupiditatem, quæ morbus est animæ: Febris enim nostra, inquit Ambrosius, ambitio est, auaritia est, & similia: ita sana efficitur, iustitia sibi diuinitus refusa. Itaque post deprecata Dei indignationem, & misericordiam imploratam, nunc sanitatem postulat; ipso ordine insinuans, quod iustificandus ut docet Concil. Tridentinum postquam timore concussus est, incipit amare Deum tanquam iustitiæ fontem; dicendo enim: Sana me, nil aliud quam Deum iustitiæ fontem inuocans, iustitiam salutarem sibi impartiri desiderat, *quoniam conturbata sunt omnia ossa mea.*

q. d. Ideo sanari egeo, quoniam peccandi usus & consuetudo ipfas animæ medullas (quæ per ossa significantur, quia ossibus medullæ continentur) turbidæ concupiscentiæ æstu infecit. Peccatum enim, ut Ambrosius loquitur, ignem cupiditatis ossibus implicat, mentem, animam sensusque pertentat.

Et anima mea turbata est valde, conscientia ipsius testimonio, pudore & pauore animam quietam non esse permittente. additque, *Valde*, magna enim vis est, inquit Ambrosius, conscientia obnoxia. *Sed tu Domine usquequo?* vox est ad veniam, quæ differri videtur, anhelantis. Veniam enim Deus ad primam pœnitentis orationem non semper tribuit. Putasne enim inquit Cyprianus, Dominum cito placari posse? Igitur dum Deus veniam differt, hoc ipso admonet & requirit, pœnitentem orare impensius & rogare, diem luctu transigere, vigilijs noctes & fletibus ducere, tempus omne lachrymosis lamentationibus occupare. Quæ tarditas veniæ etiam hanc adfert utilitatem, ut per moram temporis, rudis in principio ad pœnitendum animus, in pœnitentia vera sensim proficiat. Quod pertinet illud Cypriani, Fouendi sane sunt animi pœnitentium, & ad maturitatis suæ tempus nutriendi. Munit præterea tarditas veniæ pœnitentes contra reciduum.

Subdit

Serm. 1. de
Aduentu.

5. in Lucā.

seß. 6. c. 6.

Amb. ubi
supra.

3.
Cap. 9. de
Apol. Dan.

De lapsis,
Epist. 8.

Epist. 16.

Subdit enim paulo post Cyprianus. Ad quemlibet casum medela rescinditur, si non fideliter de ipsa tarditate remedia præstentur, quia infidelis est cicatrix quam festinans medela induxit. Hæc ille. Cui accedit Ambros. cum dicit, vsus doloris ablegat luxuriam criminis, erroris delitias, vt dum dolemus admissa, admittenda excludamus, & fiat quædam de condemnatione culpæ, disciplina innocentia. Verum quidem est scriptum esse Isaia 30. secundum 70. Cum conuersus ingemueris, saluus eris. quo verbo promitti videtur venia ad primum pœnitentis gemitum fore parata; Sed illa Scriptura locum habet cum pœnitentia ab initio sui est perfecta; qualis erat pœnitentia Dauid & Diui Petri, vt notat Augustinus in hunc locum; aut intelligenda est de pœnitentia quæ homini oboritur in extremis, In illa enim necessitate ad pœnitentiam modò vera sit, nulla temporis mora necessaria est, prout illum locum Isaia intellexit Concilium Carthaginense.

Cōcil Carth.
7 Cap. v. s.
Leo ep 91.

4.

Conuertere Domine. i. patere te conuerti ab indignatione ad benignitatem. Hunc enim sensum hoc loco importat verbum *Conuertere*. Quod enim conuertitur, oportet vt ab aliquo conuertatur. A quo autem alio ad pœnitentes conuertitur Deus, nisi à gemitu & supplicatione eorundem, sicut à quadam causa veniæ & reconciliationis? Pœnitentiam enim remissionis veram causam esse, præter hoc quod scriptura testetur cum dicit, Vidit Deus opera Niniuitarum. & alibi: Debitum dimisi tibi, quoniam rogasti me, paucis docet Tertullianus, Pœnitentia, inquit, temporali afflictione æterna supplicia non solum frustratur, sed, inquit, etiam expungit. Quod verbum actiuitatem aut causalitatem in pœnitentia esse designat. Quia tamen pœnitentia non est causa emerendæ iustificationis de condigno vt loquimur, ideo pœnitens suppliciter orat vt ab hac causa conuerti se patiatur, aut conuerti dignetur Deus. Pœnitentia enim veniæ talis est causa, quæ effectum suum non consequitur nisi accedente diuinæ gratiæ beneuolentia. *Et eripe animam meam* à reatu damnationis, Et insuper, *Saluum me fac*. i. iustitiam mihi restitue, & vsque in æternam salutem me dirige. *propter misericordiam tuam*. Offert Domino præstantissimam & efficacissimam miserendi causam, nempe suam ipsius misericordiam; ea enim nil est præstantius, eò quod Deus ipse sua misericordia sit, nihil efficacius, eò quod misereri Deo proprium sit.

Iona 3.
Matth. 18.
Cap. 9. de
pœnit.

5.

Quoniam non est in morte qui memor sit tui. q. d. Saluum me fac propter gloriam nominis tui, quoniam in morte secunda, quam meretur peccatum non est qui memor sit tui, vel laudet te. Hoc ergo superioribus addit, ad insinuandum quod pœnitens in pœnitentia hunc progressum facere debeat, vt qui à principio pœnitentiam agere cœpit ex timore, deinde, ex amore iustitiæ vt declarauimus, huc tandem proficiat, vt Deo reconciliari desideret,

deret, ex germano amore ipsius Dei, qui inter cetera est amor diuinæ gloriæ diuinique honoris. Cuius amore se concitari non obscure indicat qui dicit: Quoniam non est in morte qui memor sit tui, significat enim, statum æternæ damnationis sibi hoc nomine inuisum esse, quia qui in illo statu sunt, non dant Deo gloriam aut honorem. *In inferno autem* .i. damnatione, *quis confitebitur tibi?* Confessione laudis? Quæ verba cum superioribus eodem pertinent. Cypr. autē & Leo versiculum hunc exponunt & accipiunt in hunc sensum. *Quonia non est in morte qui memor sit tui, in inferno autē,* &c. q. d. Ideo ante mortem, vt monuit sapiens, confiteor, & adhuc viuus veniam deprecor, quoniam in inferno ad quem à morte peccator pergit, nulla est pœnitentiæ, (Leonis verbis vtor) confessio, quia nulla correctio, nec datur remedium satisfactionis, vbi iam non superest actio voluntatis dicente propheta: In inferno quis confitebitur tibi. Hæc Leo.

Cypr. lib. 3.
ad Quir.
Leo serm.
5. de Epip.

Laboraui in gemitu meo. Prima quidem pœnitentiæ pars quæ dicitur contritio, in animi dolore essentialiter consistit, sed in eo concludi non debet, Oportet enim inquit Tertullianus, vt pœnitentia non sola conscientia preferatur, sed etiam aliquo actu administretur. Actus autem pœnitentiæ laboriosi sunt, quos Tertullianus ibidem prosequitur. Dicit itaque, laboraui in gemitu meo .i. ad testandum & exercendum intīmū cordis mei dolorem, gemitum luctumque non perfunctorium habui, sed cum multis laboriosis pœnitentiæ operibus coniunctum. Quem gemitum luctumque ad contestandum & exercendum cordis dolorem, plurimum valere, Concilium Trident. testatur cum dicit: Qui illos sanctorum clamores, 'Tibi soli peccaui, & Laboraui in gemitu meo &c. consideraauerit, facile intelliget, eos ex vehementi quodam antea actæ vitæ odio, & ingenti peccatorum detestatione manasse. *Lauabo.* Prius in præterito dixit laboraui, nunc dicit *Lauabo*, indicans se transactis pœnitentiæ operibus futura accumulare velle, vt pœnitentia sic, quod docuit Cyprianus, diu trahatur, & dolenter paterna Dei clementia longo tempore rogetur. *Per singulas noctes lectum meum, lachrymis meis stratum meum rigabo.* Hæc ad literam intelligenda sunt, tantamque animi pœnitundinem esse decere demonstrant, quæ nec noctis silentio sopiri, non tenebris obscurari, non lectorum mollitie resolui possit. hoc ipsum etiam pœnitentibus præscribit Ambrosius:

6.
Cap. 9 de
penitenti.

Ser. 14. c. 4

Epist. 52.

2. de Paen.
cap. 1. o
7.

Turbatus est. Propheta hoc Psalmo pœnitendi formam præscribens, in medio eius decursu præteritorum peccatorū recordatus, enarrat quid mali peccata in eo pepererint. Dicitque: *Turbatus est à furore* .i. peccandi rabie atque insania, *Oculus meus* .i. oculus mentis meæ, vt non viderem nec iudicarem quod rectum est. Quod autem peccata pristina furoris nomine appellet, oritur ex eorundem detestatione, & per hoc docet, vt quando-

c

cunque

cunque peccatorum præteritorum recordatio hominis etiam conuersi memoriam subit, hoc ei agendum sit, vt illam recordationem non peccati delectatio aut complacentia, sed odium, detestatio ac iterata tristitia commitetur; sic enim recordatio peccatorum non solum non oberit, verum-
Cap. 23 de etiam præderit plurimū, vt docet Bernardus: *Inueteraui inter omnes ini-*
conuers. *micos meos .i. veterem hominem magis magisque indui, ex vsu & peccandi*
consuetudine, & malorum hominum societate.

8. *Discedite à me omnes qui operamini iniquitatem.* Renunciat pœnitens his verbis pristinæ conuersationi ac peccatis, proposito, quod omnibus qui
Epistola 8. pœnitent necessarium esse fatemur vitæ melioris, Oportet enim nos, dicit Cyprianus, confitentes atque intelligentes delicta nostra quibus Deum offendimus, de cætero ambulare in vijs eius vt præcepta eius metuere spondeamus. Renuncians autem peccatis pristinis, iubet à se discedere eos qui operantur iniquitatem, eo mandato indicans se non solum peccatis, verum etiam peccatorum causis & occasionibus sollicita cautione valedicere. Consortium enim iniquorum à lapsu recenter erectos facile scandalizat, & in recidiua compellit. *Quoniam exaudiuit Dominus.* Bene hoc addit pro ratione, quia propositum post pœnitentiam non relabendi, quam maximè oriri debet ex gratitudine, & pia obseruantia pœnitentis erga Deū cuius expertus est indulgentiā. Decet enim eos diuinæ bonitati hanc vicē rependere, vt quia peccatis cōmissis ipse benignè indulget, ipsi sibi imposterum nullum lapsum nullamque ad relabendum libertatem aut occasionem indulgeant. Quod faciendum esse, pulchra similitudine docet Tertullianus. *Plerique inquit naufragio liberati, exinde repudium & naui & mari indicunt, & Dei beneficium periculi memoria honorant. Laudo timorem, diligo verecundiam, nolunt iterum diuinæ misericordiæ oneri esse; formidant videri inculcare (.i. non sine importunitate secundo petere,) quod consequuti sunt, &c. Vocem fletus mei.* Dicit fletus mei, quia lachrymæ propriam suam ad Deum vocem habent; Tacitè enim, inquit Ambrosius, preces sunt. Imo vtiliores sunt preces lachrymarum quam sermonum, quia sermo in precando fortè fallit, lachryma omnino non fallit.

9. *Exaudiuit Dominus deprecationem meam: Dominus orationem meam suscepit.* Præ gaudio gratulabundus idem sæpius ingeminat.

10. *Erubescant & conturbentur vehementer omnes inimici mei.* hic præ oculis ponitur sollicitudo, quæ pœnitenti gerenda est pro conuersione inimicorum suorum, vt charitas hæc operiat multitudinem peccatorum. Quæ sollicitudo præcipuè assumenda est pro conuersione illorum inimicorum, qui causa supradictæ pœnitentiæ inimicum vel alienum erga resipiscentem animum induerunt. Horum enim cura pœnitenti etiam hoc nomine incumbit, vt

bit, vt sua oratione in eis repararet, quod consensione instigatione, exemplo, vel cooperatione eos perperam agere fecit. dicit itaque, *Erubescant*. i. manifestata eis per Dei adiutorium peccatorum suorum turpitudine, suffundantur pudore, Et hoc eis beneficij loco optat, vt ex eo pudore pœnitentiam saltem imperfectam, quæ, vt docet Concil. Trident. oritur ex peccati turpitudine, concipiant, quandoquidem rari sunt peccatores, qui ab initio suæ conuersionis ad perfectam pœnitentiam, quæ oritur ex dilectione Dei, pertingant; & *conturbentur vehementer inimici mei*, stimulis peccatricis suæ conscientie. Huiusmodi enim stimuli hoc agunt, vt vel amore internæ quietis peccator pœnitentiam cœcipiat. *Conuertantur*, ad implorandam Dei misericordiam & iustitiæ dona, sine qua conuersio ne pœnitentia vtilitatem non adfert. Quod autem dicit, *Conuertantur*, mouet nos, vt totum hunc versiculum qui Augustino teste & aliū sensum admittit, hoc modo interpretemur, quandoquidem verbum *conuertantur*, cum simpliciter ponitur, in bonam partem rectius accipiatur. & *erubescant valde velociter*. Dicit *velociter*, donum enim remissionis dum in promptu offertur, propter suam præstatiā auidissimè & celerrimè est amplectendum. Si enim inquit Ambrosius, aurum tibi offeram, non dicis, Cras veni, sed iam exis: redemptio animæ promittitur, & nemo festinat! Deinde, pœnitentia Dei donum est, itaque prima oportunitate est arripienda, ne fortè merito negligentie postmodum non detur. verendum quoque est, ne hora mortis pœnitentiam dilatam præoccupet, vt dicit Ambrosius. Postremo pœnitentia velociter est suscipienda, eo quod in finem vsque dilata, rarò sit vera. Qui enim tunc demum pœnitet, magis videtur à peccatis deserui, quam ea deferere, inquit Ambrosius. Propter hæc itaque & similia hic dicitur, velociter. & Ecclesiast. 5. Ne tardes conuerti ad Dominum.

885 14.
Cap. 4.

Cap. vii. de
Helia &
ieiunio.

2. de pœnit.
Cap. vlt.

Ambros. in
exhort. ad
pœnitent.

PSALMVSVII.

Psalmus David quem cantauit Domino.

Sensus est, Quem composuit in Christi obsequium. Hoc enim Psalmus per modum cantilenæ descripsit David orationem Christi pro protectione & nostra è faucibus diaboli ereptione, vt ecclesia eandem cognitam haberet, eamque in officio diuino frequentaret. Fit enim mihi omnino verisimile in Psalmis describi & enarrari orationes quas Christus in oratione pernoctans spiritu & mente Deo patri obtulit; videturque Christus Davidem ad hoc suo spiritu impleuisse, vt eius opera Christi orationes, conuenienti carmine descriptæ, in nostrum vsum transirent, *Pro verbis Chusi*. Chusi Diuo Augustino est Semei, maledicens David maledictione pessima cum fugeret Absolon, qua maledictione per calumniam

2. Reg. 16.

e ij impro-

improperauit Dauidi, quod tanquam vir sanguinum & ob occisam domum Saul calamitatem illam pateretur, cum interim Dauid præ mansuetudine sua, ob quam Diuo Hilario dictus est esse vir secundum cor Christi, non solum non occidi permiserit maledicum, sed ne quidem à maledicendo prohiberi. In quo suo facto, quia Dauid præuidebat mansuetudinem Christi, **1. Petri 2.** qui cum malediceretur, non maledicebat; cum pateretur, non comminabatur: & quia simul intelligebat quid meriti apud Deum haberet illa Christi clementia & inulta patientia; introducit in hoc psalmo Christum iniurias tam clementi mansuetudine à se toleratas Deo patri offerentem, ut ipse eas per suam iustitiam eo ultionis genere vindicet, quod humano generi, cuius causa Christus iniurias pertulerat, cedat in salutem. Interim non diffiteor plerosque huius psalmi versus multis iustis competere, sed tamen ipse totius psalmi contextus, non nisi Christo, unde & Philippus presbyter eum intelligit in persona Christi. Porro nomen *Chusi* hoc loco tribuitur Semei, non tanquam nomen proprium, sed per modum agnominis, cuiusmodi nomen hominibus tribui solet ab euentu, aut re aliqua gesta. Cum enim Chusi, teste Hieron. idem sit quod humilitas, rectè Semei hoc loco Chusi vocatur, quia præter hoc quod ipse abiectissimus esset, improprie suis maledicis Dauidis humilitatem insigniter exercuit. Dicit itaque Christus, suis membris iustificatis perpetuam protectionem implorans:

1. *Domine Deus meus in te speraui*, Id est protectionem acceptæ iustitiæ cum fiducia accipiendi à te expectaui. *Saluum me fac ex omnibus persequentibus me*. i. tribue ut persecutiones hostium saluus pertransierim, sic ut persecutiones aduersitatesque nullum meæ saluti nocumentum adducant. *Et libera me*. i. fac ut à persecutionibus aliquando immunis euadam. Hoc enim ordine ab inimicis liberamur, ut prius persecutiones, colluctando, per Dei gratiam vincamus, in futura vita verò euadendo, eis omnino careamus.
2. *Nequando*. i. ne tandem aliquando, *rapiat ut leo animam meam*, Diabolus scilicet, qui ut Leo rugiens circuit querens quem deuoret. Et bene orat, **1. Petri 5.** *Nequando*, eo quod is cui Diabolus inhiat, tametsi frequenter diabolicam ingluuiem, Deo iuuante, frustretur: non tamen ob frequentes euasiones aut victorias debet esse securus, sed cum beato Antonio, semper sollicitus, memor quod sint Diabolo mille nocendi artes, quodque resumto animo superantem semper superare conetur, *dum non est qui redimat*, q. d. facile esset diabolo iugiter inhiando, tandem animam etiam iustificati rapere, dum, vel, si non est aliquis eo fortior qui *redimat*. i. mediante iustitia diabolicum sceptrum eiusque insultus, quibus humanum genus per peccatum Deo id iuste permittente obnoxium est, ab eodem humano genere cohibeat, superetque. *neque qui saluum faciat*. i. si non sit aliquis qui in æternam usque

vsq; salutem protegat & adiuuet. Et vt Christus declaret se illū esse qui genus humanū à diaboli iugo iusto pretio redemit, allegat post hæc Christus sua merita, per quæ libertatem à diabolico iugo nobis comparauit, dicitque:

Domine Deus meus si feci istud, quod nimirum Iudæi de me credebant, putantes me, teste Isaia, leprosum & percussum à te & ob peccata mea humiliatum. *Si est iniquitas in manibus meis*. i. si iniquitatem aut peccatum commisi.

Si reddidi retribuentibus mihi mala. i. si ijs qui mihi pro bonis mala reddebant, reddidi mala. i. ultionem aliquam optaui vel intuli. *Decidam merito ab inimicis meis*. i. non iniuria redderem eo casu ad ferendam contra diabolum opem ijs quos ipse persequitur, *Inanis*. i. sine meritis.

Persequatur. i. non iniuria eo casu persequi à te sineretur, *inimicus*, i. diabolus, *animam meam*. i. membrorum meorum iustificatorum, & comprehendat. i. non iniuria sineretur tamdiu eam persequi donec comprehenderit, & *conculcet in terra vitam meam*. i. non iniuria sineretur vitam quæ est iustitia quam ex me acceperūt, & per quam ego in illis uiuo, per excitationem in illis terrenum amorem indignis modis conculcare. Vitam enim Christi in terra conculcare, quid aliud est, quam vt de lapsis dicit Apostolus, Filium Dei conculcare, & spiritui gratiæ, contumeliam facere? & gloriam meam, quæ mihi ex hominum salute tanquam redemptori competit, *impuluerem*. i. ad nihilum, *deducat*, i. deducere permetteretur: Quod certe fieret si diabolus omnes per Christum iustificatos cribraret sicut triticum; eo enim casu nulla Christo tanquam hominum saluatori ab ipsis saluatis gloria superesset. Dicit autem Christus id sibi non immerito obuenturum, si ipse pro suis peccatis passus est, quia eo casu diabolus Christum, persequendo, tam insigni iniuria non affecisset; Et si Christus, vt rei veritas habet, innocens diabolo instigante passus est, iniuriam tamen sibi illatam vindicauit, per istam igitur vindictā iniuriæ quam à Diabolo sustinuit, satisfactum erit, & propterea nihil ei restabit, quod vindictæ nomine contra diabolum iure exigere possit. Verum quia nec peccatum fecit, nec se vindicari expetiuit, restat innocentia & mansuetudini eius iusta ultio expetenda ab eo, qui dixit, Mihi vindictam & ego retribuam. Hanc itaque inuocans Christus dicit quod sequitur,

Exurge Domine in ira tua. q.d. Quando quidem ego diabolo instigante, absque iniquitate manus meæ passus sum, & in passione mea summam mansuetudinem exercui, tu *exurge in ira tua*, i. studium ac zelum innocentiam meam vindicandi arripe; Cura enim vindicandi, quæ mansuetudinis amore à patiente negligitur, à te suscipitur; zelo ideo acriore, quia mansuetus cum pateretur se noluit vindicare. Sed ne aliquis occasione huius

e iij

orationis

orationis Christi cogitet, vindictam Deo propterea dimittere, vt inimici eius per Deum grauius quam per ipsum punirentur, audiamus quam sibi vindictam Christus rependi petat; *Et exaltare* inquit, *in finibus inimicorum meorum.* q. d. hoc modo iniuriam meam vindica, vt ob hoc quod Rex omnium peccantium, ipsumque peccati regnum in me insurrexit, tu vicissim potentiam tuam super regnum peccati exalta & extolle, illudque & regis eius qui est diabolus sceptrum per gratiam tuam contere; virisque huius tuæ potentia extende, non solum in protectionem illorum qui iam mihi per spiritum gratia propinqui facti sunt, sed etiam in fines inimicorum meorum. i. etiam in eos qui ad penè extremum vitæ in impietate permanferunt; Vel, ad impietatis extremum peruenerunt, Vel, eos qui extremos mundi cardines incolunt; his enim modis verè exaltaberis in finibus inimicorum meorum. Nec mirandum est, Dei virtutem, qua diabolicum regnum per gratiam euertit vindictæ nomine intelligi; habet enim rationem mali peccatæ, non tam rei veritate, quam diaboli & malorum hominum sensu & opinione. habet & rationem retributionis, quia diaboli regnum, ob hoc quod ipse in Christum nihil sibi debet manus extendit, iure illi vicissim eripitur. Sed nec insolitū est aut à scripturis alienū, conuersionem peccatorum nomine vindictæ intelligere, Martyres enim à Christo procul dubio edocti eandem vindictæ nomine expetunt, clamantes, vsquequo non vindicas sanguinem nostrū? Quo clamore si Augustino credimus, petunt vindictā exerceri in regnū peccati, illudque euerti, vna ex parte per correctionem iniquorum. Sed qua via aut ordine exaltabitur Deus in finibus inimicorū Christi?

7. *Et exurge Domine Deus meus*, ad vindicandum modo iam dicto, *in præcepto quod mandasti.* i. vt interpretatur Augustinus, merito obedientia quam præstiti præcepto tuo, quo mihi mortem tolerare mandasti; Vel, *in præcepto quod mandasti.* i. in virtute Spiritus sancti, quam ad conuersionem hominum emisisti. Mittere enim Spiritum sanctum esse quoddam mandare, satis manifestum euadit ex verbis Psal. 68. vbi Dauid missionem Spiritus sancti inuocans dicit: Manda Deus virtuti tuæ. Sicut enim filius, teste Basilio & Cyrillo, ita & Spiritus sanctus cum mittitur, recte dicitur mādātum accipere. vterque enim voluntati Dei patris tanquam principij, non per degenerem seruitutem, sed per naturalem voluntatis vnitatem & consensionem astringitur. Posterior sensus contextui magis conuenit, quia mox ad designandum effectum huius præcepti, subiungitur. *Et synagoga populorum* i. Iudæorum qui ex Synagoga ad Ecclesiam transferendi sunt, *circundabit te.* i. per fidem & charitatem tibi vndique adhærebit, atque hac ratione princeps huius mundi in vindictam mortis meæ incipiet eijci foras, & destrui regnum peccati.

Et pro-

Et propter hanc, quia Synagoga Apostolos persequendo & Euangelium repellendo peccatura est, sic ut faciat se Euangelica gratia indignam, *in altum regredere*. i. in altum regredieris, quia relinques domum Iudæorum desertam & sic cæcitas ex parte continget in Israël. Neque tamen istud solum per modum prædictionis sed etiam per modum consensionis intelligendum est, præsertim quia Psalter hic in persona Christi loquitur. Sicut enim licet vni Iudicum alteri dicere Iustitiam exerce, sic hic intelligendus est Christus dicere, *In altum regredere*. Deus autem Iudææ pro suis meritis deferens, non tamen propterea desijt vindicare mortem Christi in diabolum eiusque regnum, Sequitur enim, *Dominus iudicat populos*. i. relictis Iudæis, iudicium vindictæ huius Deus exercere cœpit in gentes, atque per gratiam Spiritus sancti regnum peccati in eis euertere.

8.

Matth. 23
Rom. 11.

Iudica me Deus. Oratio est Christi, & sensus est, Iusto tuo retributionis iudicio, mihi in hominibus membris meis tribue *secundum iustitiam meam*, & *secundum innocentiam meam super me*. i. quod iustitia & innocentia mea in passione mea obtinere meruerunt. Et quidem per hoc tuum iudicium, quod nunc imploraui,

9.

Consumetur nequitia peccatorum. i. Charitas quam per hoc tuum præceptum daturus es, velut ignis consumet in eis nequitiam cupiditatis. & *diriges iustum*. i. directione eiusdem spiritus tui, iustum in bona opera, & per ea in finem vsque ad salutem perduces. *scrutans corda*. i. mentes, & *renes*. i. cupiditates intimas, q. d. consumes o Deus nequitiam peccatorum, operationem gratiæ tuæ in intima humanæ voluntatis sensa & consilia, intimasque hominum cupiditates sensim immittendo, idque tanta acrimonia, ut nil vitij vel in occultissimis humanæ animæ fibris lateat, ad quod detegendum & curandum vel cohibendum virtus gratiæ tuæ paulatim peruadendo non penetret. Itaque si ad Psalteris propositum loquimur, Deus hoc loco dicitur scrutari corda & renes, quia gratiam suam in illa penetralia sensim immittendo, paulatim eadem magis magisque illuminat & sanat.

10.

Iustum adiutorium meum à Domino, qui saluos facit rectos corde, Vox est eius, cuius iniquitas consumpta est per Dei gratiam, scrutantem corda & renes, Is enim cui id donatum est, perfectissimè rectus est corde, quia ipsæ malarum cogitationum & affectionum scatebræ (quæ D. Ambros. cordis nomine intelliguntur) in eo quatenus in hac vita fieri potest sanctificatæ sunt. Hic itaque quâdoquidem intelligit se præter cordis rectitudinem adhuc egere adiutorio dirigentis, restaurantis, atque protegentis Dei, sciens illud sibi à Deo sine magna difficultate affuturum, bono ob hoc animo dicit; *Iustum adiutorium meum à Domino*. i. iustum est ut sperem auxilium diuinæ directionis & protectionis quo indefinenter egeo, à Domino mihi donan-

11.

Serm. 10.
in psal. 118
versu 8.

- donandum iri, idque quia Dominus saluos facit. i. bonitatis diuine est, auxilium ad consummationem necessarium facile præbere *rectis corde*. dicit enim Apostolus Philippensibus, qui iam cœperant esse recti corde: Confido, quod qui cœpit in vobis opus bonum, perficiet vsque in diem Christi, sicut mihi id iustum est sentire pro vobis. Et cur quæso id iustum est? nisi quia id à Deo sperandi iusta ratio & causa est: Si enim cum inimici essemus, reconciliati sumus Deo per sanguinem filij eius, multo magis nunc reconciliati, salui erimus ab ira per ipsum. Sed postquam enarrata sunt Dei beneficia, quibus electa Christi membra conuertuntur, proteguntur, & saluantur, aggreditur Propheta declarare quod etiam illi qui pereunt, diuinorum beneficiorum per omnia nō sint extorres, quodque benignitas Dei eos ad pœnitentiam prouocet, ipsi vero secundum duritiam cordis sui & impœnitens cor, thesaurisent sibi iram in die iudicij: dicitque:
12. *Deus iudex iustus*, cuius est peccatis iusta supplicia rependere, *fortis*, cuius vindicantis manum nemo potest euadere, *putiens*, qui solet peccantes longanimitèr tolerare, *nunquid irascitur per singulos dies?* i. nunquid sicut singulis diebus grauiter peccatur, ita per singulos dies, vbi peccatum admissum fuerit, pœnitentiæ tempore abrupto, euectigio extremam illam iræ suæ vindictam peccantibus infligit? Respondendum, non: patienter enim Deus expectat, inquit Petrus: nolens aliquem perire. Et Sapient. 12. Partibus iudicans dabis locum pœnitentiæ. Imo non solum Deus vindictam differt, sed insuper *Gladium suum* æternam mortem intentatam, minitendo *vibrauit*. *Arcum suum terendit*, vt horrenda illa æternæ mortis spicula, quæ vt dicitur Sap. 5. in die iudicij in impios tanquã à bene curuato arcu insilient, ante illum diem minitendo ostendet, *et parauit illum*, quia declarat peccatoribus æterna supplicia, licet differantur, parata esse, *Et in eo*, arcu videlicet suo, *parauit vasa mortis*. Vasa mortis Potentiæ sunt inter necioni tradentes inimicos Dei, inquit D. Basilus. Hæc parauit in arcu, quia iam per Euangelium comminatur Deus peccatoribus ignem, qui paratus est diabolo & angelis eius; *Sagittas suas*. i. extremam ultionem, de quibus scriptum est: Sagittas meas complebo in illis, *ardentibus*. i. studio male faciendi flagrantibus, & in opera mala exardescantibus, *effecit*, vt ijs suo tempore quæ digna sunt retribuatur. Porro minax hic Dei gladius arcusque conspicitur, primum quidẽ in scripturis sacris, vtpote Isaia 24. Inebriatus est in cælo gladius meus. Et Ezech. 21. Gladius Domini exacutus est, Et quandocunque Deus minatur mala quæ superueniunt vniuerso Orbi, tum tendit arcum suum: sicut & cum in præsentī vita punit peccatores, vt his malis edocti, discant fugere à facie arcus. i. mala imminētia, quæ erunt atrociora, cauere. Minitatur autem Deus hæc in eū finem, quem præcedentibus

tibus verbis Psalter expressit. *Nisi conuersi fueritis*. q.d. vibrans gladius & intus arcus tacitis suis interminationibus dicit peccatoribus, Nisi conuersi fueritis, supple, hæc imminet vobis. Ergo Deus non solum peccatoribus patientiam, sed & beneficentiam exhibet, verbo enim minatur, & opere corripit, vt emendat. Blasphemus igitur ille Ethnicus fuit, qui vt refert Hieron. occiso Iuliano apostata dicebat, Quomodo Christiani dicunt Deum suum esse patientem, nihil iracundius, nihil hoc furore presentius, ne modico quidem spatio indignationem suam differre potuit; blasphemus inquam fuit, quia Deus multis diebus & annis Iuliani impietatem patienter non sine multis correptionibus tulit, priusquam fabri filius ei, vt quidam Christianorum eleganter lusit, loculum pararet. Quin nec verba illa Ethnici confirmantur per hoc quod Moyses dicit, Deus fortis & fidelis reddens odientibus se statim, ita vt disperdat eos, & ultra non differat protinus eis restituens quod merentur. hæc enim tam presentis diuinæ retributionis vindicta, non ex indignatione animi in quosuis peccatores, sed ex misericordia in incorrigibiles profertur, vt hac vindictæ maturitate, peccatorum incorrigibilium multiplicationi obstaculum misericorditer adferatur. Postquam autem Psalter explicuit sustinentiam & benignitatem Dei, per quas peccatores ad conuersionem prouocat, nunc sermonem suum conuertit ad explicandum, vnde proueniat quod illa Dei beneficia non prosint peccatoribus dicens, *Ecce*, ac si diceret, O rem admiratione & commiseratione dignam, Dei benignitas peccatores ad pœnitentiam adducit, quantum videlicet ad illum, qui in comminatione, correptione & id genus auxilijs consistit, iuuandi modum, vt loquitur Prosper, sufficit: Ipse autem *parturit iniustitiam*. i. nequissimi sui cordis propensione & malæ voluntatis consensione æstuat operari vbicunque potest iniustitiam: Iniustitia enim cupiditate concipitur, propensione animi parturitur, consensione & magis opere paritur. *Concepit dolorem, peperit iniquitatem*. i. simul eodem que actu quo parturit iniustitiam, concipit dolorem tanquam iniustitiæ pœnam, parturiendo enim iniustitiam, eo ipso se multis miserijs reddit obnoxium inferitque se doloribus multis. Itaque in his verbis, *parturit iniustitiam, concipit dolorem*, non est ordo, vt quibusdam apparet, inuersus; licet enim conceptus parturitionem eiusdem rei naturaliter præcedat, conceptus tamen doloris siue pœnæ, parturitionem iniustitiæ, iustitiæ ordine consequitur.

Lacum. i. infernum, qui frequenter in Scripturis Laci nomine intelligitur, *aperuit*, i. sua sponte peccando, ostium inferni sibi reserauit, & *effodit eum*, quia frequentius peccando profundior sibi in inferno locum præparauit; & supple nō pœnitendo, *incidit in foueam*. i. ipsa peruenit in infernum,

In Cap. 3.
Abacuc.

Deuter. 7.

15.

2. De volunt. gen. 8.
Cap. 13.

16.

fernum, ex quo velut ex fouea se extricare non poterit, *quam fecit*, quia suo opere eam sibi comparauit.

17. *Conuertetur dolor eius in caput eius*. i. ab omnibus bene iudicantibus, dolor in quem deuenit, ipsi imputabitur, & *in verticem ipsius iniquitas eius descendet*. q. d. Ideo dolor supplicij ipsi imputabitur, quia iniquitas quæ meretur dolorem, in verticem ipsius descendet. i. conscientia eius tēste ac seipsum accusante, *super eum*, vt iniquitatis auctorem deuoluctur. Sed quid ad hæc iusti?

18. *Confitebor Domino*, Iusti enim qui cum in hac vita Deum iustum confiteantur, idque magis ex fide quam perspicua iustitiæ diuinæ cognitione, plenam iustitiæ diuinæ confessionem in illum diem referuantes, vbi erit & clara eiusdem cognitio, dicūt: Confitebor Domino, in futura vita scilicet, secundum iustitiam eius. i. tali confessione ac tam deuota iustitiæ eius approbatione, qualem iustitia tam sancta ac tam luculenter cognita meretur. *Et Psallam nomini Domini altissimi*. Hoc additur, inquit Augustinus, ne confessio mox dicta credatur esse confessio pœnitentis, est enim confessio approbantis & laudantis.

PSALMVS VIII.

In finem pro torcularibus Psalmus David.

Hiero. in c.
10 Isaie.
Ambr. in c.
20 Luc.

Diuus Hieronymus & Ambrosius dicunt Psalmos qui inscribuntur pro torcularibus, Christi passionem describere; Quæ eorum sententia etiam in hoc Psalmo locum habet. Quod enim hic dicitur, *minuisti eum paulo minus ab angelis*, ratione passionis Christi dicitur. Augustinus vero sicut per Aream, ita & per torcularia arbitratur ecclesias esse intelligendas, Quia sicut in area & in torculari nihil aliud agitur nisi vt fructus ab integumentis (quæ necessaria erāt vt fructus nascerentur & maturefcerent) separentur; sic in ecclesiis agitur, inquit August. vt hoc tempore boni à malis spiritali amore, post hanc vitam verò separentur loco & societate. Quæ Augustini intelligentia huic loco magis conuenit, quia Psalmus hic, si Athanasio credimus, tum dicendus est, cum quis considerat Ecclesiam per totum mundum diffusam esse, & gentes per vniuersum orbem terrarum, in confessione diuini nominis adunatas. Hoc ergo quis intuens, exclamet cū Psalte & dicat:

Ad Mar-
cellinum.

1. *Domine Dominus noster*. Prius vocat Deum absolutè Dominum, Est enim Deus per herilem dignitatē à natura sibi competētem ante omnē creaturam sempiternus, teste Isaia, Dominus; Naturæ enim est eius, nulli posse subesse, omniumque quæ futura sunt dominium habere debere. Imo sempiternus Dominus, quia ab æterno habet potestatem liberæ suæ voluntatis, vt ad

ut ad quæ bona voluerit determinet eam. Cum ergo Deus sempiternus sit Dominus, addit tamen Psalter: *Dominus noster*. Quod enim Deus dicatur, *Dominus noster*, id competit ei ab auro atque ex tempore, ex quo cœpit esse creatura rationalis voluntati diuinæ per pietatem subiecta. Quamuis enim Deus totius creaturæ Dominus sit, non tamen conuenit ut appelletur Deus *Dominus noster*, nisi ab illis, qui eius imperio per piæ voluntatis obedientiam se subiecerunt. Sicut teste Ambrosio, Deus meus nemo recte dixerit, nisi qui defert Deo plenum reuerentiæ & pietatis affectum. Iusto enim dicitur, inquit Ambrosius. Ego sum Deus tuus, *Quoniam admirabile est nomen tuum*. i. quam sunt mirabilia, incomprehensibilia, stupenda quæ de te prædicantur, creduntur, laudantur, *in vniuersa terra*? Quæ admirabilia sigillatim enumerando subiungit.

Quoniam, q. d. Admirabiliū primū est quod *Elevata est magnificentia tua super cælos*. Magnificētia Domini Christus est secundū humanam naturā. In primis, quia nihil vnquā magnificētius aut præstantius fecit Deus Christi incarnatione, hæc enim processit ex magnificentissima Dei gratia, gratiaq; plenitudine, quæ sic humanam Christi naturam præuenit, ut & ipsa plena gratia esset, & de plenitudine eius omnes acciperent. Ideo dicit Augustinus. *Enchirid. cap. 36.* In Dominicæ incarnationis mysterio Dei gratia nobis granditer & evidenter commendatur. Et de Prædest. Sanctorum, Apparuit inquit nobis in nostro capite fons gratiæ, unde secundum vniuscuiusq; mensuram se per cuncta eius membra diffundit. Deinde ipsa Christi humanitas magnificentissimum Dei opus fuit: Quamuis enim Christus secundum corpus angelis fuit inferior; secundum mentem tamen, si Augustino credimus, solus Deus eo fuit maior. Tercio quia magnificentissimū & supra modum admirabile Dei opus est, unio humanæ Christi naturæ in persona diuina. Quæ cum admirabilia sint, his tamen accedit quod hæc, *magnificentia tua elevata est super cælos*, quia summopere admirandum est quod illa natura, cui prius dictum erat, Pulvis es & in puluerem reuerteris, in Christi ascensione omnes Angelorum Choros supergressa, nullis sublimitatibus, profectionis suæ posuerit modum, nisi a terni patris recepta confessu, illius gloriæ sociaretur in throno, cuius naturæ copulabatur in filio. Sed cum præter Christi conceptionem & ascensionem etiam eius natiuitas, vita, doctrina, mors, & resurrectio admiranda fuerint, cum dicit Psalter, *quoniam elevata est magnificentia tua*, nomine [magnificentia] Christi incarnationem, & nomine [elevationis] eiusdem ascensionem designans, credo eum sub duobus illis dispensationis Christi extremis, etiam cætera quæ inter illa duo intercurrunt comprehendere voluisse, ut hoc versu fideles Deū mirabilem prædicent in omnibus quæ per Christū in sua humanitate perfecit, quia solet Scriptura

f ij

sacra

13. 99. 9. 8

3.

matth. 21.

Tract. in
Ioannem.

4. de doct.

Christi.

cap. 14.

Episto. 56.

sacra inter duo extrema, & media complecti, teste diuo Augustino. Sed præter hæc est & aliud admirabile, quia *Ex ore infantium & lactentium perfecisti laudem.* per infantes & lactentes iuxta Christi citationē ante omnia intelligendi veniunt, qui ætate & mente paruuli sunt, & ob id res spirituales spiritualiter sapere non valent. Hoc itaque hic secūdo loco mirabile esse proponitur, quod Deus se per Christi incarnationē sic ad omnium hominū captum accommodauerit, & gratiā suam tam latē diffuderit, vt ea quæ perfectione summa sunt, licet paruulis non sint perspecta, non sint tamen eis omnino incognita. Quis enim Christianorum, In principio erat verbum & verbum erit apud Deum, intelligit? & tamen quis ignorat? inquit Augustinus. Quæ mysteria cum paruuli per Symbolum aut verba sacrorum cantorum, non sine quodam deuotionis affectu consitentur atque extollunt, tum perfecta Dei laus ex ore infantium atque lactentium resonat. Possunt etiam per, *Infantes*, prædicatores intelligi, qui infantes dicuntur cum sint eloquentissimi, quia sublimitatem sermonis & spumei eloquij iactantiam aut non nouerunt, aut etiam cognita vt noluerunt, quemadmodum de Cypriano testatur Augustinus, qui cum admirabiliter præditus esset affluentissima facundiæ fecunditate, eam tamen ab ista redundantia reuocauit, & ad eloquentiam grauiorem modestioremque restrinxit. Per, *Lactentes*, vero intelligendi sunt, qui fidei lacticiuijs absque intelligentiæ soliditate vescuntur atque nutriuntur. Sensus itaque est. *Ex ore.* .i. in eo mirabilis prædicaris, quod *ex ore*, siue sermone eorum, qui nullam sæcularem sapientiam præ se ferebant, & simplici sermone fidem annunciabant, tam multos, *lactentes.* .i. absque rei creditæ, non autem absque fidei suæ ratione credentes fecisti, & in ore horum lactentium perfectam tibi laudem posuisti, vt ex fide laudent tuam excellentiam, ex pietate tuam gratiam, tam in aduersis quam prosperis laudent tuam prouidentiam, idque *propter inimicos tuos*, id est, in gratiam inimicorum tuorum, vt, nimirum ex eo miraculo aliam rem non minus mirabilem faceres, atque per prædicationem infantium & fidem lactentium, *destruas inimicum & vltorem.* Inimicus hoc loco dicitur, qui credere non vult, & docet non esse credendum; nihil enim tam inimicum Christianæ veritati percipiendæ. Huiusmodi erant de quibus Apostolus, Græci sapientiam quærunt .i. priusquam velint adhibere fidem, rerum credendarum intelligere volunt rationem. Quæ temeritas, inquit Augustinus, omnibus hæreticis quasi regularis est. Vltor autem vel vt alij legunt, defensor est, qui de Christianis ob susceptam ab eis fidem Christianam, vltionem sumere, aut infidelitatis autem consuetudinem terribiliter defendere conantur. Inimici destruuntur, cum ex conspecta fide, quam prædicarunt ora infantium, & confitetur lingua & vita lactentium, relicta suæ sapien-

fapientie temeraria præfumptione, fidei iugo erecta atque excelsa prius colla subiiciunt. Vltiores vero seu defensores destruuntur, cum Principes, Iudices, Carnifices, martyrum deposulatores, audientes quod lactentes etiam in tormentis Dei laudes cantent, & Christum cuius occasione in illa tormenta deuenerunt laudare non cessent, inutato repente proposito ad fidem conuertuntur. Subiungit autem Psaltes admirabilium horum tertium membrum dicitque:

Quoniam videbo celos tuos. q.d. præter lactentes videbo etiam per vniuersam terram tuo munere cælestes homines in terris cælestia penetrantes, & è cælis in terram cælestem conuersationem deducentes, ex quibus dicebat vnus, Nostra conuersatio in cælis est, aut è cælis. *Opera digitorum tuorum.* Digni ab vna manu dependentes inter se sunt discreti, ideoque per digitos discretionem significari docet Gregor. hoc ergo loco per digitos Dei donorum Spiritus sancti qui digitus Dei in sacris dicitur, diuersitatem, operationum varietatem, gratiarum distinctionem intelligimus. vt sit sensus: *Videbo celos tuos,* quos vno quidem tuo spiritu fecisti, diuersis tamen eiusdem spiritus charismatibus dotasti: alijs enim dedisti sermonem sapientie, alijs scientie & sic de cæteris. *Lunam & Stellam.* i. vna cum his cælis videbo etiam quosdam qui cælestis gratie splendore vt lumina fulgent, inter quæ ipsa, totius Ecclesie authoritas tanquam luminare maius splendet, vt luna; Doctores vero singuli vt stellæ, quia qui ad iustitiam erudiunt plurimos, fulgebunt sicut stellæ in perpetuas æternitates. *Quæ omnia iam dicta videbunt magnificentiam tuam,* Infantes, lactentes, cælos, Lunam, & Stellam *fecidisti.* i. in tua sapientia vt sic fierent adinuenisti & disposuisti, sicut scriptum est: Dominus sapientia fundauit terram, & stabiluit cælos prudentia, Atque in beneplacito voluntatis tue, vt sic fierent, essent, operarentur & permanerent, præordinaisti: Ob quam fundamenti rationem, Deus cælorum, Lunæ, atque stellarum etiam corporalium fundamentum dicitur ab Ambrosio. Singulari tamen ratione dicitur Deus fundamentum Ecclesie & sanctorum, eo quod per prædestinationem secundum eorum atque propositum suum, horum salutem misericordissima charitate præuiso lapsu, in semetipso fundauerit, de qua Charitate Apostolus, In Charitate radicati & fundati, quia vt dicit August. Charitas ubi fundati & radicati sumus in occulto existit, ubi causæ voluntatis Dei non inuestigantur, cuius gratia salui facti sumus. Sed præter hoc salutis nostræ fundamentum, Deus qui diues est in misericordia, atque in salutis nostræ causis instituendis magnificus, aliud constituit nostræ salutis fundamentum quod iuxta nos esset, quod est Christus Iesus. Qui vt Athan. verbis vtat, quantum ad humanitatem, fundatur, vt & nos super eum velut pretiosi lapides inædificemur, efficiamur.

4.

15. moral.
cap. 19.

Pron. 3.

1. Hexa.
cap. 6.Ephes. 3.
Ephes. 120.
cap. 25.
26.Orat. 3. cō-
tra Arrian.

Cap. 1. de
incarn. vnig.

Orat. 4. cō.
Arrian.

Leo ser. 2.
de Natini.

que templum inhabitantis in nobis spiritus sancti. Ob hoc enim quod humana Christi natura in filium Dei coaptata est, nos etiam ob cognationem carnis Christi, inquit idem, à carne in libertatem vindicati sumus atque coaptati aeterno verbo. Christo enim primitias diuinæ gratiæ, per gratiæ excellentiam obtinente, in ea quam assumpsit carne, bono consequio & ordine fit, ut post eum populus ille futurus creetur, de quo Psalmus, Populus qui creabitur, laudabit Dominum. Hoc est cornu salutis quod erexit nobis Dominus in domo. i. è semine David pueri sui per Christum. Cum enim Christus secundum humanam naturam cooperante Spiritu sancto in unitatem personæ à Verbo susciperetur, tum humana natura ratione cognationis Verbo & Spiritui sancto initiabatur ac dedicabatur, ut in Christo veritas fundata, Verbi & Spiritus sancti incolatum contuberniumq; acciperet. Quocirca D. Cyrillus. Transiit ad nos quoque gratia correpta à Christo, qui est nobis primogenitus. Vinctus est exemplo nostro, ut in ipso natura humana illustrata digna iam fieret sortiri Spiritum sanctum, à quo Spiritus sanctus ob peccatum primi hominis discesserat. Similiter ob id quod Verbum in nostri gratiam caro factum est, etiam caro nostra, ut sic dicam, veribificata est, inquit Athanasius, ut videlicet secundum verbum viuere atque intelligere incipiat, quæ antè secundum carnem solum viuere nouerat & sapere. Postremo, resurgit Christus virtute verbi inhabitantis, ut etiam hanc ob causam tota humana natura à mortuis aliquando resurgat. Ob hæc ergo atque huiusmodi sumus atq; dicimur nos in Christo esse fundati. Fundamenti autem quod Christus est admiratione permotus, incipit Psalterius vltius inquirere, qua ratione aut aequitate Deus filium suum ut in eo ad salutem fundaretur, atque ab eo redimeretur humana natura, in terram demiserit, cum prima facie cōtra rationem esse appareat, ut seruum redimas, filium & præsertim Deum filium, in mortem tradere. Quam rem admirabilem examinat Psalter in hæc verba:

Quid est homo, quod memor es eius, aut filius hominis quod visitas eum?

D. Augustinus notat per hominem protoplastos, qui sic homines sunt, ut non sint hominum filij, per filios vero hominum protoplastorum posteros intelligendos esse. Ideoque his duobus nominibus vniuersum genus humanum rectè designatur: omnes enim homines aut homines sunt, aut hominū filij. Sensus itaque est. Cuius meriti aut pretij erat primus homo, ut iam statim à lapsu priusquam protoplastus illos adhuc filios genuisset memor eius esse cœperis, & redemptorem ei promittere? statim enim (D. Leonis verbis vtor) ut nos diabolica malignitas veneno suæ mortificauit inuidiæ, prædestinata renouandis mortalibus remedia, inter ipsa mundi primordia præsignasti, denunciasti serpenti futurum semen mulieris, quod noxij capitis elatio.

elationem sua virtute contereret. Similiter quid est *filius hominis* quoniam visitas eum? Posteros enim primi hominis qui sunt filij hominum, dignatus es per incarnationem filij tui coram & visibiliter visitare? An illa fuit iustæ rerum æstimatio vt inimicum redimeres, dilectum filium in seruitutem & mortem tradere? Præmissa autem admiratione, explicat Psalter admirabilis illius consilij æquitatem & dicit.

Minuisti eum, Quem Adæ statim à lapsu promisisti, & per quæ corpora-
liter eius posteros visitasti, paulo minus ab Angelis. q.d. non penitus eum
abiecisti, sed solummodo ab angelis malis, secundum Augustinum, eum
minuisti, quia eorum crudelitati in passione sua eum cedere atque subie-
ctum esse voluisti, Idque paulo minus. i. (vt interpretatur Apostolus) in
modico, quia tantum secundum carnem. Vel si angelos, quod admodum
probabile est, hic in bono accipimus, ab ijs Christus imminutus est. secun-
dum Tertullianum & complures alios ob humanam naturam, quæ cum ex
carne constet & anima rationali, angelica natura quæ spiritualis est, paulo
est inferior. Quia tamen superius diximus Augustinum arbitratum fuisse,
quod animâ Christi solus Deus superior sit, ideo omnem euademus cōtro-
uersiam si Apostolum sequuti, intellexerimus Christum paulo minus ab an-
gelis bonis imminutum fuisse propter passionem & mortem secundum car-
nem, quia Angeli boni supplicia peccatorum perpessi non sunt. *Gloria &
honore coronasti eum*. q.d. sed nec modicum illud in quo minuisti eum, per-
petuum esse voluisti, imo magno illud sublimitatis & gloriæ fœnore abun-
de compensasti: Paulo enim post, videlicet in eius resurrectione, *gloria im-
mortalitatis*, & tam ingenti, quam in suo corpore habere decebat filium Dei
Et honore. i. consortio dextere tuæ, vt omnes honorificent filium sicut
honorificant patrem. *Coronasti eum*. i. dedisti ei hæc non solum hoc titu-
lo, quia filius tuus erat, sed etiam dedisti illa ei pro suis meritis per modum
coronæ, quam certamine in sua humilitate tolerato atque deuicto à te pro-
meruerat. *Et constituisti eum super opera manuum tuarum*, dans ei omnem
potestatem in cælo & in terra, & potestatem omnis carnis, vt omne quod
dedisti ei, det eis vitam æternam. Itaque prima quidem facie admirabiliter;
re tamen bene expensa sapienter *minuisti eum paulo minus ab Angelis*. Sa-
pienter enim à Deo iudicatum fuit salutem, humani generis sanguine Christi
vt loquitur Bernard. pretiosorem esse. i. pro salute humani generis, san-
guine vnigeniti sui sibi parcendum non esse, Idque in primis pro parte no-
stra. Considerabat enim quod vnica Christi mors temporalis duplicem vt
declarat August. nostram, animæ videlicet & corporis, & priorem æternam
aboleret. Sapienter etiam pro parte Christi, quia occidi eum permisit Deus,
sed in nobiliorem vitam: Humiliari, vt Tertull. verbis utar, sed in gloriam.

6.

4 de Trin.
cap. 16.

ad Hebr. 2

cap. 14 de
carne Chri.Vide Cyrill.
epist. epist.
ad Success.serm. 3. de
aduentu.4. de Trin.
cap. 3.Vide Tert.
scorp. ca. 7.

Omnia

Hebr. 2.

1. Cor. 15.

Omnia subiecisti sub pedibus eius, hic designatur effectus potestatis per quam Christus constitutus est super opera manuum Domini, qui tamen in hac vita plenè non impletur: Nondum enim, inquit Apostolus, videmus ei omnia subiecta. Implebitur autè cum inimica destruetur mors. Subijcit autem Deus Christo omnia, aut vt Saluatori, aut vt Iudici, videlicet *oues & laues vniuersas*, quibus nominibus non bestia, sed homines per bestias allegoricè significari intelligendi sunt. Christus enim Dominum in irracionales creaturas non iure redemptionis accepit sed illud habet ratione creationis. Per diuersas autem bestiarum species diuersæ conditionis homines accipiuntur, *oues & Boes*, boni sunt in Ecclesia, quorum aliqui sua non quærentes per vigilantiam alijs laborant vt boues: Aliqui vero velut oues directioni superiorum obsequuntur per obedientiam de quibus Psal. 79. Qui deducis velut ouem Ioseph. Hi subijciuntur Christo vt Saluatori. De quibus autem sequitur, illi subijcientur ei vt Iudici, videlicet, *insuper & pecora campi*. qui peruagantur tritas & planas sæculi vias, *Volucres celi*, superbi, *pisces maris* qui perambulant *semitas maris*, qui in profundo sæculo contenebrantur, volutatur atque iactatur. Qui tamen intelligi possunt Christo subijci per conuersionem. Quia vero admirabilium quæ de Deo ab Ecclesia creduntur, prædicantur & in ore fidelium versantur non est numerus, repetit post hæc Psalter primam admirationem & dicit, *Domine Dominus noster quam admirabile est nomen tuum in vniuersa terra* hac repetitione psalmique coronide significans, quod quamuis multa admirabilia enumerarit; admirandorum tamen Dei operum nullus sit finis, vsque adeo, vt is qui tam multa obseruauit & recensuit, videatur sibi adhuc in principijs hære, & ad reliqua enumeranda iterum quasi à capite ordiri debere, sicut scriptum est, Non est inuenire magnalia Dei; cum consummauerit homo, tunc incipiet. D. Augustinus vero dicit, quod decenter post textum totius Psalmi ad caput redeatur, quia eo totus Psalmus est referendus.

Esai. 18.

P S A L M V S IX.

In finem pro occultis filij, Psalmus Dauid.

Præfat. in
Psal. 45.

Sensum huius tituli explicat Ambrosius, ac si diceretur. Psalmus loquutus est de occultis domini sacramentis seu sacris secretis, quæ sunt conuersio peccatorum, vocatio gentium, Dei regnum, præparatio cordis, iudicium pauperum, refectio inopum. In hoc enim Psalmi Occulta diuinæ sapientiæ reuelantur, estque *Psalmus Dauid*, quia Christus in eo dicit & loquitur.

I.

Confitebor tibi Domine, confessione laudis & gratiarum actionis. *In toto corde meo*. i. omni deuotione, *narrato omnia mirabilia tua*, ea videlicet quæ

cet quæ non tamen operibus tuis, quæ admiratus est Psalmus præcedens, quam in iudicijs tuis, siue in salutem, siue in iustam damnationem hominum tendentibus admiranda sunt. Et bene dicitur in persona Christi, *narratio*, occulta siquidem Dei solus vnigenitus qui est in sinu patris enarrauit.

Lacator & exiliato in te, psallam nomini tuo altissime, Gaudium enim 2.
mihi facient iudicia tua, idque ob causas quæ sequuntur, quarum prima est:
In conuertendo. i. vbi tibi conuertere placuerit, *inimicum meum*. i. diabo- 3.
lum, caput omnium aliorum inimicorum meorum, *retrosum* à tyrannide
cui vsque ad id tempus intentus fuerit, *Infirmatus* est, diabolus cum angelis & ministris suis: Infirmitas inquam omnis maleficij potestate ab eis ablata; *Peribunt in æternum*. i. æternæ perditioni mancipandi sunt. à
facie tua, virtute præsentia tua quam in eos exercebis;

Quoniam fecisti. i. ad effectum perduxisti, verbum est præteriti tem- 4.
poris pro futuro, sicut & in consequentibus aliquot versibus; *iudiciū meum*,
quo tibi iudicandum erat pro me vt principem huius mundi tandem per
omnia expelleres foras, quod facturus es in die iudicij. *& causam meam*, quæ
contra diabolum & eius regnum hucusque nõ plenè, neque per omnia exe-
cutioni mandata erat. *Sedisti super thronum*. i. iudicium exercuisti, *qui iu-*
dicas iustitiam, cuius est vnicuique quod iustum est suo tandem tempore
adiudicare. Sed hic oritur difficultas, qua ratione hic Christus dicat Deo
Patri suo. *Sedisti super thronum qui iudicas iustitiam*, cū scriptum sit,
Pater non iudicat quemquam, sed omne iudicium dedit Filio? quæ sic ex-
peditur, quod Pater non iudicat quemquam præsentia suæ manifestatione,
vt dicit Augustinus: Iudicat autē principali & originali autoritate. Cū 20 de cin.
enim Pater Filio dedit potestatem iudicium facere, officium & formam iu-
dicis Filio tribuit, autoritatem verò iudicis etiam ipse in Filio, & Filius e-
tiam in nomine Patris exhibiturus est, propter quod etiam Epiphanius dicit: 69.
In eo quod Pater Filio iudicandi potestatem dedit, ipse iudicauit. Itaque
Christus dicit hic Patrem super thronum sedisse, per autoritatem, non iu-
dicis formam. Illa autem quæ in hoc iudicio Deus facturus est, ordine enar-
rans, dicit in primis.

Increpasti gentes ob iniquitatem admissam, de qua increpatione supra 5.
ad primum versum Psalmi 6. & etiam Psal. 2. diximus, *& perijt*. i. post
auditam increpationem, in æternam perditionem missus est. *Impius*. i. to-
tum corpus impiorum. *nomen eorum*. i. gloriam & nominis celebritatem
quam impij in sæculo habebant: Vocauerunt enim nomina sua in terris, *de-*
lesti in æternum & in sæculum sæculi, In futura enim retributione ne va-
nam quidem aut falsam gloriam iniquitas habebit, sed iustum supplicium.

Inimici. i. diaboli, *defecerunt frameæ*. i. gladij in finem, quia vbi finis 6.
aduenerit

g

aduenerit non poterit vlla ratione fideles vltra debellare. *& ciuitates eorum.* i. societas malorum hominū, eorumque pacta, & conspirationes, consuetudines & leges, munitiones atque habitacula, siue ad promouendam mundi gloriam, siue ad iustitiam si fieri potest expugnandam. *destruxisti.*

cap. 25. i. ad nihilum redeigisti. Quam rem latius exequitur Isaïas: Domine confitebor nomini tuo, qui posuisti ciuitatem in tumulum, urbem fortem in ruinam, domum alienorum vt non sit ciuitas & in sempiternum non ædificetur. Et paulo post. Munimenta sublimium murorum tuorum concident, & detrahentur in terram vsque ad puluerem.

7. *Perijt.* i. abolita est simul, *memoria eorum*, quam in sæculo antecessores habere solent apud posteros gloriosam & honorificam, atque magnificis monumentis ædificiorum, nummorum, statuarum, & similium rerum posteris consecratam. *cum sonitu.* i. strepitu, qui proprius est omnibus negotijs secularium, vt manifestum est in eorum triumphis, ostentationibus sollicitationibus & similibus, quia tranquillitatem quieti & modesti spiritus qui est in Deum & per Deum locuples & fortis, non nouerunt, imo cum contemnunt, sicut dixit Isaïas: Abiecit populus iste, carnalis scilicet, aquas Siloe. i. Christum populumque Christianum qui vadunt cum silentio, quia omnia sua sine strepitu peragunt. *Et Dominus in æternum permanet*, quia ipsis pereuntibus, Dei regnum non perit, Sequitur enim:

8. *Parauit.* A quo loco, explicato prius iudicio & fine impiorum, conuertitur Psalter ad enarrandum iudicium, quod Deus in hac vita exercet in conuersionem & salutem sanctorum suorum, quos sibi in regnum adsciscit, dicitque: *Parauit in iudicio thronum suum.* Iudicium in Scriptura sacra sumitur pro iudicio discretionis, aut retributionis, & potest hic utroque modo intelligi. Quia tamen superius dicens, fecisti iudicium meum, intellexit de iudicio retributionis, quo Deus mala pro malis in extremo iudicio retribuit, congruentius hoc loco iudicium pro iudicio retributionis accipiemus, quo Deus Christo in suis electis adiudicat bona pro malis. Sensus itaque est, adiudicans mihi id pro quo obtinendo ego passus sum, *parauit.* i. per gratiam omne meritum præuenientem disposuit ac præparauit animas electorum vt fierent thronus siue sedes Dei, *& ipse iudicabit orbem terræ.* i. hanc præuenientem gratiam non ad paucos, sed ad Ecclesiam per vniuersum orbem diffusam extendet, idque iudicando. i. iusto iudicio mihi tam amplam salutem in meis electis adiudicando, *iudicabit populos*, vniuersæ terræ, *in iustitia.* i. iusto erga me iudicio; vel iudicabit in iustitia. i. censebit iustitiam eis esse gratis donandam. Sed post hæc exponit psalter ordinem, quo Deus parat & sensim perficit thronum suum, dicitque:

9. *Et factus est Dominus refugium pauperum.* i. fecit pauperes & omni salutis auxilio

auxilio destitutos, ad se pro auxilio confugere. Hoc autē ad primam cordis pertinet præparationem, quam operatur Deus, impartito hominibus, ut Augustini verbis utar, salubriter orationis affectu ac faciens eos ad se pro auxilio suspicere. Quæ diuinæ misericordiæ præparatio ad salutem planè est necessaria. Dicit enim Hieremias: Applicabo eum, & accedet ad me; Cap. 30. Et ne forte aliquis arbitretur quosdam per seipsos ad Deum accedere posse, subiicit. Quis est iste qui applicet cor suum, ut appropinquet mihi? Porro dicitur Deus factus refugium, non sui ad nos, sed nostri ad eum mutatione. Imò propriè dicitur refugium factus, quia per gratiam eius factū est, ut pauperes ad eum refugiant. *Adiutor in opportunitatibus in tribulatione.* Dicit in oportunitatibus in tribulatione, quia tribulatio misericordiæ oportuna est prouocatio, propter quod scriptum est, iuxta est Dominus illis qui tribulato sunt corde. Et Deut. 4. Si quæ fueritis Dominum, inuenietis, si tamen quæ fueris tota tribulatione animæ tuæ. Est etiam tribulatio ad suscipiendam Dei misericordiam oportuna dispositio. Misericordia enim Dei in tribulatione dulcissimè auidissimèque suscipitur, sicut scriptū est. Speciosa misericordia Dei in tēpore tribulationis, quasi nubes pluuiæ in tēpore siccitatis. Eccl. 35.

Et sperent in te q. d. Illi qui te adiutore ad te refugium, non sint pusillanimes, quasi sint difficultatem aut repulsam passuri, sed *sperent in te*, i. in tua bonitate. Et id quidem omnes qui sanam de te fidem habent, tuisq; promissis fidem adhibent, Præcipuè vero illi, *qui nouerunt nomen tuum*. i. sciūt ea quæ de te prædicantur atque memoriæ prodita sunt. hætenus enim semper reipsa comprobatum est, *Quoniam non dereliquisti quærentes te Domine.* Ex eius autem rei obseruatione tanquam theologicæ spei confirmatione fiduciam concipiant se etiam à te non esse derelinquendos. Hac ratione Matathias filios suos ad sperandum de Domino cohortatus est. Pro- 10.
positis enim quamplurimis eorum, qui de Domino non frustra sperauerant, exemplis, insert tandem: Et ita cogitate, inquit, per generationem & generationem, quia omnes qui sperant in Deum non infirmantur. Vos ergo filij confortamini. 1 Mach. 2.

Psallete Domino. i. cū gaudio animi & festiuitate laudate Deum, *qui habitat in Sion.* i. specula; quia è sublimitate suæ diuinitatis, omnia omnino bona & mala prospicit, idque non tantum cognoscendi gratia, ut gentilium aliqui opinati sunt, arbitantes Deum (ut refert Tertullianus) humanarum rerum solummodo despectorem, non autem arbitrum aut Iudicem, putantes se Deo aut Dijs suis honorem dare, si cognoscendi quadam curiositate ei attributa, à prouidentie administrationisque mordaci ut arbitrabantur cura eum absoluerent. Nos autem credimus Deum habitare in Sion non solum speculandi, verumetiam subueniendi causa, vnde sequitur. *Annun-*
gij 11. ciare. Cap. 2. de test. annu.

ciate. i. cum fiducia & solemnitate prædicate, *inter gentes*, dicit inter gentes, quia hoc quod prædicari vult, Deus præcipuè in gentibus erat facturus, *studia eius.* i. id cui deditus est, quodque ei vnicè cordi est. Quid autem illud est.

12. *Quoniam requirens sanguinem eorum recorditus est.* Dicitur Deus sanguinem requirere dupliciter, Primo cum condignam vindictam rependit ijs, qui sanguinem hominis iniuste effundunt, sicut dicitur Genesis 9. sanguinem animarum vestrarum requiram de manu hominis qui effudit eum. A quo crimine alieni non videntur qui proximos suos nimium affligendo, velut sanguinem de illis eliciunt. Alio modo dicitur requirere sanguinem, cum homines mortalium peccatorum vulneribus mortiferè saucios atque cruentatos, omniq[ue] interna spe atque cura recuperandæ salutis destitutos, ipse Dominus per se suosq[ue] præueniendo quærit, atque ad iustitiam accipiendam disponit. Quod se facere Dominus ipse per Ezechielē profitetur: Transiens inquit, per te, vidi te cōculcari in sanguine tuo, & dixi tibi cūm esses in sanguine tuo, viue, dixi, inquā, tibi in sanguine tuo, viue. Deum enim pertransientem dicere alicui in sanguine suo, Viue, quid aliud est quā sanguinem eius, siue illum sanguine suo tabefactum ad iustitiam quærere? Itaque quod hīc dicitur, *requirens sanguinem*, de hoc posteriore requirendi sanguinis modo, intelligēdum esse nobis habemus persuasum; Idq[ue] in primis, quia requirere sanguinem, hīc dicitur ad studia Domini pertinere. Non conuenit ergo vt id intelligamus de vindicta, quasi Deus clementissimus dicatur vindictæ studiosus: Quamuis enim vindicare sit opus Dei, dicit tamen
- Ezech. 16. Esaias quod opus illud sit alienum à Domino, & peregrinum coram illo. Id enim Deus sua sponte seu antecedente voluntate non facit, sed aliena iniquitate ad id adactus: Deinde quia in hoc Psalmo panduntur occulta diuinæ misericordiæ per Christum dominum nostrum, ad illa autem præcipuè pertinet Dei misericordia hominem è suo sanguine ad salutem quærentis. Sensus itaque est, Laudate Dominum, & de eo prædicate, quod cum in altitudine scientiæ suæ perspiciat inextricabilem miseriam atque deformitatem, cui gentiles ad Christum nondum conuersi implicati sunt; recordetur misericordiæ suæ, illiq[ue] curæ sit peccatores sanguine suo horridos, antequam ab eis quærat, quærere, atque ad salutem recipiendam prouocare ac præparare, cuius rei exemplum habemus in Samaritano. *Non est oblitus, clamorem pauperum.* Pauperes hīc sunt, qui ad Deum suspicere, aut illum inuocare nondū valent aut sufficiunt, qui tamen clamare dicuntur ad Deum sed sine sermone aut pia inuocatione sicut sanguis Abel ad Deum clamasse dicitur, sicut enim sanguis Abel clamabat ad Deū quia ipsi homicidij, quod in sanguine apparebat, nefanda atrocitas à Deo iusto vindictam exposculabat

labat, ita & pauperes hic dicuntur ad Deum clamare quia aures diuinæ misericordiæ pulsant atque adeo misericordiam implorat indignitas rei, qua homo ad imaginem Dei conditus & ad æternam beatitudinem à Deo ordinatus, horribili specie æternæ damnationi videatur iacere obnoxius. De quo clamore Cyrillus in illud Isaï; Clamabunt Ægyptij ad Dominum, Insultauit inquit, pater peccati Sathanas vniuersæ terræ incolis, & nequitie suæ iugo omnibus imposito à septis diuinæ charitatis abduxit, atque apud se violenter detinuit. Cæterum rei natura grauem & non ferendam habens in se violentiam, contra tyrannidem eius vociferata est; Quem clamorem audit Deus, quia ipsam rei indignitatē persequitur. Hæc Cyrillus. Nō est ergo oblitus clamorē pauperum quia ploratu quem eorum edebat miseria, miseratus est. Quemadmodū etiam audiuisse dicitur vocem Ismaël pueri cū à matre sua abiectus, præ siti ploratum ederet.

Isai. 19 in
quem locū
Cyrill.

Miserere mei Domine. Oratio est iustorum prædictam Dei miserationem pro ijs qui adhuc in sanguine suo sunt, tanquā in sua persona inuocantium. Diligunt enim proximos suos, etiam illos qui in latrones inciderunt, plagisq; se ab illis impositis derelicti sunt sicut seiplos, dicuntq; : *Miserere mei Domine, vide humilitatem meam de inimicis meis.* i. misericorditer attende quam abiectum me reddiderint inimici, quibus ego ad mala assentiendo obsecutus sum. Humilitas enim licet subinde virtutem, hīc tamen vt & alibi frequenter, abiectiōem significat. Potest interim hic versus intelligi in persona eorum, qui adhuc in sanguine suo existentes, primitias spiritus donumq; Deum inuocandi acceperunt, Vt per impertitum sibi confessionis & orationis affectum dicant pro semetipsis : *Miserere mihi Domine vide humilitatem meam de inimicis meis.*

Qui exaltas me de portis mortis. q. d. Tu hanc meam abiectiōem attende, cuius est, & in cuius solius manu est, hominem ad portas seu introitum inferni vsque detrusum inde subleuare, & ad portas iustitiæ atque celorum sustollere. Pro hac autem misericordia mihi retribuendum erit tibi, vt annunciem omnes laudationes tuas in portis filiae Sion. i. congregationibus (quæ solitæ erant in portis fieri) spiritualium tuorum, qui ex laudatione mea ædificari, & ad laudandum te poterunt commoueri.

Et exultabo. Internum gaudium significat, annunciatio vero importat gaudij istius prædicationem, in salutari tuo. i. salute quam cū è sanguine meo eriperer, à te simul gratis accepi; *Infixæ sunt gētes.* Explicato iudicio diuinarum miserationum transit rursus ad enarrandum iudicium diuinæ iustitiæ atque seueritatis, cuius causas vt in homine positas esse ostendat, ante omnia exponit, homines suo opere atque voluntate peccare, & per hoc diuini iudicij seueritatem incurere, dicitq; : *Infixæ.* i. implicatæ, inuolutæ, sunt

g iij gentes

gentes à Deo è sanguine suo nō liberatæ, in interitū animæ suæ quem fecerunt. i. quem proprijs suis operibus sibi acquisierunt. Dicuntur autem in hoc interitū infixæ, eo quod sese per semetipsos ex eo educere aut extricare non valeant. Vel quia peccata frequentando, ijsdem sese profundius & arctius inseruerunt.

16. *In laqueo isto quem absconderunt cōprehensus est pes eorum.* Pes hominis affectio eius est. ut enim corpus pedibus, ita animus affectibus mouetur atque progreditur. laqueus huius pedis est cupiditas, detinet enim affectū hominis malo irretitum atque implicatum; quod tum maxime contingit, cum laqueus iste. i. cupiditas ipsa absconditur. Absconditur autem, cum cupiditas quæ hominem in occulto mouet, à propria conscientia dissimulatur, aut etiam iustitiæ pallio velatur, & subtilissimarum rationum atque excusationum prætextu sic obtegatur, ut hominem etiam oculatum fallat. Tanta enim, inquit Tertullianus, vis est voluptatum, ut ignoratiam protelet in occasionem, conscientiam corrumpat in dissimulationem. Denique absconditur laqueus iste, cum cupiditatis opus studiose celatur eos qui illud arguere aut corrigere possunt: Quæ cum peccatores faciunt, pes eorum verè cōprehenditur, quia per has occultationes redduntur à peccatis suis penè inextricabiles.

1. Lib. de
flect.

17. *Cognoscetur Dominus,* i. ab omnibus iustus iudicabitur Dominus, *iudicia faciens,* i. spontaneas has eorum iniquitates æternis supplicijs adiudicans, inquit Bernardus. Ideo autem iustum iudicabitur Dei iudicium, quia *in operibus manuum suarum cōprehensus est peccator.* i. vinculis peccatorum suo se opere innodauit.

18. *Conuertantur peccatores in infernum.* Prædictio est allusionem continens ad aues, quæ in altum suis pennis sublata, cum propter corporis leuitatem in quamvis se possent partem conuertere, in vnā tandem quò libuerit se partem conuertunt. Sic enim anima hominis, cum vinculis laxata corporeis, inquit Hieronymus, volandi quo velit propter tenuitatem substantiæ habuerit libertatem, & in extremo iudicio ad Iudicis sententiam ambigua pependerit, nesciens in quam partem dexteramne an sinistram impellenda sit, accepta Iudicis sententia, peccatis suis eam propellentibus, conuertetur in infernum, sicut *omnes gentes quæ obliuiscuntur Dominum.* i. & gentes ad fidem Christi conuersæ, cum non sunt memores mandatorum Dei, ut faciant ea; & gentes nondum conuersæ, quas cum Deus non sine sui testimonio relinquat, ipsæ tamen Dei obliuiscuntur, quia ad eum colendum se non conuertunt. Ideo autem peccatores in infernum sunt conuertendi.

In Cap. 9.
Ames.

19. *Quoniam non in finem obliuio erit pauperis.* i. quia non iniustus est Deus, ut ob-

vt obliuiscatur humilitatis atque laborum, in quibus pauperes spiritu tempore suæ mortalitatis vixerunt. Si autem iustum est Deo pauperibus suo tempore præmia iustitiæ reddere, iustum quoque est ei, reddere peccatoribus inferni supplicia. Ideo in sacra Scriptura pariter serè dicitur, quod Deus redditurus sit bonis præmia, impijs supplicia. vt 2. Thessal. 1. Si tamen iustum est apud Deum retribuere tribulationem ijs qui vos tribulant, & vobis quia tribulamini, requiem nobiscum. *patientia pauperum non peribit in finem.* Non quod ipsa patientia ibi sit permansura, inquit Augustinus, vbi nulla erunt mala, sed quod id, quo patientia perducit, æternum erit. Dicitur tamen Tertulliano patientia pauperum non perire in finem, quia patientiæ pauperum est, aduersa longanimitè sustinere vsque ad mortem. Quod cum verum sit, non tædio patiendi, sed odio inualeſcentis iniquitatis pauperes commoti orant,

Exurge Domine. i. potentiam tuam exere, non confortetur homo. i. prouide ne in suis consilijs, iniquitatibus, conſpirationibus, contentionibus, & similibus inualeſcat homo; Qui multum inualuerat cùm diceret Matathias: Nunc confortata est Superbia & castigatio & tempus euerſionis & ira indignationis. Continetur itaque in hoc versu pulchra oratio à Deo implorans, ne iniquitas, siue audacia vnus, siue multorū conſpiratione conflata, viresumat aut inualeſcat. Quam orationem latius explicat Augustinus. *Iudicentur gentes in conspectu tuo*, hic exere iudicium tuæ prouidentiae, conatus eorum ac studia compeſcendo.

Conſtitue Domine legiſlatorem ſuper eos. i. ſuscita principes & alios Christianæ Reipub. præpoſitos, vt legibus & diſciplina cōſlatam iniquitatem impiorum cohibeant; aut tu per tuam gratiam legem illis impone, vt ſciant gentes quoniam homines ſunt. alioqui enim ſuperbientes arbitrantur ſe ſimiles dijs, & dicunt, quis noſter Dominus eſt?

Vt quid Domine. Proſpiciens propheta tempus, quo iuxta ſermonem Chriſti abundabit iniquitas, quodque eo tempore ipſa iniquitas homines diuina ope & propugnatione efficiet indignos exclamat, *vt quid receſſiſti longè ita vt auxilium quod in promptu adeſſe ſolet, longo interuallo à nobis abeſſe videatur.* *Deſpicias in oportunitatibus, in tribulatione?* quia cum nos à malis, quæ ab impijs contra te committuntur, aut nobis inferuntur, tribulationem patimur, à te deſpici videmur etiam tunc cum auxilij tui bona oportunitas adeſſe videtur? Huic autem querelæ reſpondendum eſt, non tam Deum à nobis, quàm nos ab eo longè receſſiſſe, eiſque gubernatione & ope nos indignos reddidiſſe ſicut ſcriptum eſt: *Vaſtitas & contritio in vijs eorum, propter hoc elongatum eſt iudicium à vobis, & iuſtitia non apprehendet vos.*

Dum

23. *Dum superbit impius.* i. magna mala inferre præsumit, atque præsumptione eius pro voto succedente, maiores inde spiritus induit, *incenditur.* vritur atque affligitur *pauper*, tacito apud se dolore tabescens, *comprehenduntur in consilijs quibus cogitant* q. d. non tam propter hæc irascendum est eis, quam condolendum; Illa enim eorum superbia non felicitas, sed misera captiuitas est, quia per sua consilia peccatis se irretiunt & innodant. Et eo magis:
24. *Quoniam laudatur peccator in desiderijs animæ suæ.* Ea enim laude in desiderijs suis peccator quasi lacte nutritur & educatur, quod ipsum postea deplorabit cum dicet, Cur lactatus vberibus. i. adulantium laudibus in meis cupiditatibus suauiter nutritus sum? *& iniquus benedicitur.* i. beatus prædicatur. Sed dixit Isaias: Popule meus qui te beatū prædicant, ipsi te decipiūt.
25. *Exacerbauit,* i. ad iracundiam prouocauit *Dominum*, quamuis propriè loquendo, Dominus ad iracundiam non prouocetur, sed peccator semetipsum iræ diuinæ, qua semper peccato & peccatoribus indignatur, obnoxium reddat. Ideo dicit Dominus: Libant diis alienis, vt me ad iracundiam prouocent; nunquid me ad iracundiam prouocant? dicit Dominus, nonne semetipsos in confusionem vultus sui? *Peccator*, peccator hic per antonomasiam intelligi debet notabilis aliquis princeps, velut Antichristus, aut quispian eius similis. *secundum multitudinem iræ suæ*, Diuinę scilicet quam peccator iste peccando prouocauit, *non quaeret Deus*, videlicet inquit Bernardus, quia Deus tales misericorditer non arguit, non flagellat, non vlciscitur, vt per tales stimulos redeant præuicacatores ad cor; De qua ira & Cyprianus: Ira Dei est nō intelligere delicta, ne sequatur pœnitentia, vt scriptū est, dedit illis Deus spiritum transpunctionis, ne reuertantur scilicet & curētur.
26. *Non est Deus in conspectu eius.* i. non habet Deum præ oculis, vt aut amore eius faciat, quæ placita sunt coram eo, aut timore eius vitet, quæ illi displicent, *inquinata sunt viæ illius in omni tempore*, quia postquam se à Deo auertit, malum fere finem ac scopum sibi proponit atque ad malum se conuertit. Proposito autem malo sine omnia quæ ad eum diriguntur, mala & inquinata sunt, & fere fit vt hominis à Deo auersi penè omnia studia ad propositum sibi malum scopum dirigantur, Ideo hic dicitur: *Inquinatae sunt viæ illius in omni tempore.*
27. *Auferentur iudicia tua à facie eius,* idque suo ipsius opere; A iudicio enim tuorum consideratione oculos suos semper auertit, cuius auersionis exemplum habemus, in Senioribus illis qui Susannam calumniati sunt, hi enim declinauerunt oculos suos vt non viderent cælum, neque recordarentur iudiciorum iustorum. *omnium inimicorum suorum dominabitur.* i. omnia quæ sibi inimica habebat, aut imaginabatur, superabit, suarūque volun-

voluntati subijciat. Significatur prosperitas Antichristi atque membrorum eius. Ob hanc autem prosperitatem, atque hunc dominatum,

Dixit in corde suo non moueor à generatione in generationem. i. hæc prosperitas atque dominatus meus transibit ad posteros meos in filios filiorum, *sine malo.* i. sine aduersitate perseverabo. 28.

Cuius maledictione os plenus est, maledicit enim omnibus quæ bona sunt, *et amaritudine,* saeva enim & atrocia in Deum & sanctos eius euomit, *et dolo,* quia per dulces sermones & benedictiones nititur seducere corda innocentum, *sub lingua eius labor et dolor.* i. sicut sub lingua Sponsæ est mel & lac, quia id quod in pectore eius latet, cum fuerit intellectum, nutrit & fouet, ita quod in pectore peccatoris latet, ubi eruperit, laborem tantum adducit, quia impietatem; & dolorem, quia ad æternos cruciatus ducit. 29.

Sedet in insidijs cum diuitibus in occultis, ut interficiat innocentem. i. intentus est tam ipse quam diabolus qui eum regit (quædam enim quæ sequuntur non nisi diabolo conueniunt) astute & sub pietatis aut veritatis dolosa specie, pauperum animas ad peccatum inducere, eosq; de innocentia sua præcipitare in noxam, sicut & Apostolus dicit: Seducunt corda innocentium. Ad hoc autem faciendum, *sedet in insidijs cum diuitibus in occultis ut interficiat innocentem,* quia ad seducendum pauperes vitur opera, autoritate, splendore diuitum atque muneribus; Quod hæreticis semper familiare fuisse, testatur Hieronymus. 30.

Oculi eius in pauperem respiciunt, quia ut idem docet Hieronymus inhiat maxime ijs, qui simplici contenti fide, non valent respondere argutijs hæreticorum, aut præ animi infirmitate non possunt sustinere eorum comminationes, vel promissa præmia cōtemnere. *Insidiatur in abscondito quasi Leo in spelunca sua,* quia extrinsecus blandus, & præ se ferens amicitiam, intus in corde, atque reipsa est crudelis. Circa quæ verba notat Augustinus, quod Gentilium persecutio in Ecclesiam fuerit crudelis; hæreticorum decipere conantium, est blanda: Antichristi verò erit ex utroque mixta. *In cap. 64. Iſaia.*

Insidiatur ut rapiat pauperem. i. ut pauperem diaboli prædam faciat, *raperet pauperem, dum attrahit eum.* i. dum videri vult pauperem blandè & amicè pellicere, reipsa tamen nil aliud quam crudelem rapinam exercet. 31.

In laqueo suo humiliabit eum. i. multis modis pauperibus insidiando, tandem quibusdam præualebit. Nunquid autem in perpetuum? aut non exurgat aliquis qui pauperem hunc è tyrannide eius recuperabit? Absit. Sequitur enim, *inclinabit se peccator* scilicet ille vel diabolus, qui sicut occupando pauperem se erexerat, ita eundem per Christum amittendo, humiliabitur. *et cadet.* i. à suo dominio excidet, *cum dominatus fuerit pauperum.* i. postquam pauperem suæ voluntati ac tyrannidi mancipauerit siue subiecerit. 32. 33.

h

cerit.

cerit. quia superueniet Dominus eo fortior, qui spolia eius diripiet. Itaque sicut prius proposita est nobis misericordia Dei hominem è primo suo lapsu quærentis, ita hic proponitur nobis misericordia eiusdem; hominem relapsum è manibus diaboli recuperantis.

34. *Dixit enim in corde suo*, cum scilicet pauperum dominaretur, *oblitus est Deus*. eorum scilicet qui post semel acceptam Dei miseratione iustitiam, ab eo iterum recesserunt, nec erit Deo curæ eos sibi iterum recuperare. *auertit faciem suam ne videat in finem*. i. rationem eorum quæ sic aguntur habere differet in finem. Tunc enim relapsum illum acerrimè vindicabit. Et non sine causa postquam dixit Psalter peccatorem siue diabolum sese inclinaturum atque casurum cum dominatus fuerit pauperum, pro ratione addit, *dixit enim oblitus est Deus*, per hoc enim insinuat quod Deus inter cætera etiam huius impiæ temeritatis confundendæ causa, eos quos diabolus Christo abstulerat è manibus eius satagat recuperare. Pro qua re nunc Psalter inuocat Deum & dicit:
35. *Exurge Domine Deus, & exaltetur manus tua*. i. virtus tua, quæ iacuisse visa est cùm permitteres fideles laqueis impiorum comprehendi. Et bene dicit *Exaltetur*, quia maiore virtute opus est, vt fidelis quis è tyrannide diaboli recuperetur, quam vt iustus contra diaboli insidias ac tentationes protegatur. *ne obliuiscaris pauperum*. i. ne derelinquas pauperes, qui Diabolica fraude decepti, in potestatem impiorum iterum deuenerunt; Sicut & orat Ecclesia in die Parasceues pro hæreticis, Respice ad animas diabolica fraude deceptas. Et quia Psalter id futurum credit, insultat nunc temeritati diaboli & impiorum dicitque:
36. *Propter quid*. i. quo fructu, *irritauit impius Deum*. i. virtute ac sollicitudine seu prouidentia eum vacuum iactando, iram Dei magis prouocauit? Dico autem impium irritasse Deum, *Dixit enim in corde suo non requiret*. i. non erit ei curæ inopem, de manibus meis iteratò eripere. Cuius sententiæ temeritate Deus iure irritatur, quia per eam in hominū opinione ac sensu misericordissima prouidentia circa lapsos ei detrahitur. Illis autem dicentibus *non requiret*: Tu tamen Domine
37. *Vides, quoniam tu laborem & dolorem consideras*. i. cum miseratione consideras, expendis, intueris laborem qui est in iniquitate, (ambulant enim impij vias difficiles) & dolorem qui iniquitatem manet. Qui enim parturit iniquitatem concipit dolorem. Hæc autem consideras ad hoc vt tradas eos, qui in iniquitatem denuò sunt seducti, *in manus tuas*. i. tuæ protectionis atque gratiæ salutiferæ, vbi ab omni labore atque dolore reficies eos. Dixisti enim: Venite qui laboratis, & ego reficiam vos.
38. *Tibi derelictus est pauper*. i. tu adhuc residuus es ei, qui omni spe salutis desti-

destitutus habetur; *orphano tu eris adiutor*. i. sicut tu solus illi residuus es, ita quoque tuum esse atque ad te pertinere iudicabis, talibus subuenire, quod & facies.

Contrere brachium peccatoris & maligni. i. ad nihilum redige omnem eorum potentiam; Quod fiet tempore futuræ vitæ. Et notandum, quod dicit *brachium*, per quod potestas malefaciendi intelligitur, non autem dicitur Cor, per quod intelligitur voluntas, quia ablata potestate, voluntas malefaciendi cum damnatis permanebit. *quæretur peccatum illius, & non inuenietur*, quia quoad actum transibunt peccata de quibus hic fuit sermo: Peccata scilicet, per quæ Sathanas per se suosque ministros seduxit Christianos. manebunt verò hæc & alia quoad voluntatem & supplicium.

Dominus regnabit in æternum & in sæculum sæculi, quia cōtrito brachio impiorum, plenè orietur regnum Dei pacificum, de quo Ioannes: Nunc facta est salus & virtus, & regnum Dei nostri & potestas Christi eius, *peribitis gentes*. i. gentiliter viuentes. *de terra illius*, quia in terram viuentium non ingrediemini, vt tempore huius vitæ in Ecclesia Dei bonis fuistis permixti.

Desiderium pauperum exaudiuit Dominus, eo scilicet tempore, cum separatio facta fuerit bonorum à malis, quam sancti vt suo tempore fieret hic sæpe desiderarunt, *præparationem cordis eorum*. i. orationem eorum *audiuit auris tua*, maluit autem Psaltes dicere: *Præparationem cordis eorum* quam Orationem eorum *audiuit auris tua*, vt insinuaret quod oporteat orationem quam exaudiat Deus, ex præparato corde procedere; ideo etiam scriptum est: Ante orationē præpara animam tuam & noli esse quasi homo qui tentat Deum. Desiderium autem pauperum est,

Iudicare. i. vt iudicium exerceat Deus, *pupillo*. i. humana opæ & fauore destituto, & *humili*. i. à sæcularibus despecto. Tum autem eis Deus iudicium faciet, cum eis id, quod in oculis eius merebantur, coram omnibus adiudicabit, *vt non apponat ultra magnificare se homo super terram*. i. ab eo tempore nemo hominum peccatorum se amplius superbè extollere, aut humiles Christi despiciere poterit, & sic destruetur regnum peccati de terra.

PSALMV S X.

In finem. Psalmus David.

Scribitur hic Psalmus ad instructionem eorum, qui ab hæreticis vel Schismaticis inuitantur, vt relicta fide Catholica & societate ecclesiæ ad aduersas partes transeant; vt nouerit vnusquisque fidelium quid sibi respondendum sit hæretico aut Schismatico ad suas eum partes pellicienti. Dicendum autem ei est:

h ij

In Do-

1. *In Domino confido.* i. Christo firmiter & confidenter adhæreo: Ipse enim est infallibile fundamentum veritatis. Est quidem obiectum fidei, veritas prima; vt autem homo fidentius ambularet ad fidei veritatem, inquit Augustinus, Ipsa veritas Dei filius homine assumpto constituit atque fundauit fidem, vt ad Deum iter esset homini per hominem Deum. Itaque etiam hoc tempore vnusquisque fidelium Christum fidei suæ firmamētum habet, non quia fideles huius temporis Christum docētem audierunt aut viderunt, nec quasi singuli Christiani eorum quæ sibi credenda sunt reuelationem à Christo seorsim vel immediatè accipiant, sed quia ea quæ credenda sunt, ab ipso Christo per continuam & infallibilem traditionē didicerunt & acceperūt. Cuius traditionis originem & continuam seriem verbo Dei promissam, & historica testificatione comprobata apud semetipsos considerantes & expendentes, dicunt sibi metipsis cum Apostolo: Quomodo nos effugiemus, si tantam neglexerimus salutem, quæ cum initium accepisset enarrari per Dominum, ab ijs qui audierunt, in nos confirmata est? &c. Merito itaque hæreticis atque Schismaticis præscribens Catholicus, dicit: *In Domino confido.* Quia vt præclarè dicit Tertull. expedite præscribimus adulteris nostris illam esse regulam veritatis, quæ veniat à Christo, transmissa per comites eius. Contrà vero, cum fideles, sicut conquerebatur Dominus, Derelinquunt Dominum fontem aquæ viuæ, & ad Christum tanquam originem veritatis, per continuam traditionem ad nos vsque deductam non respiciunt, tum facillimè apprehendunt noctem pro die, interitum pro salute, *quomodo dicitis animæ meæ, transmigra?* i. cum ego Domino, ea vt dixi ratione, adhæream, qua quæso ratione, vt Hieron. verbis vtar, mihi datis consilium, vt Domino deserto, transmigrem *in montem.* i. in doctrinam superba præsumptione adinuentam, eamque non vniuersalem, sed in singulari (dicit enim in montem) parte repositam! *sicut passer,* Talis enim transitus fieri non potest, nisi insipienter & leuiter; non enim nisi per summam leuitatem fieri potest, deserto fonte ad cisternas dissipatas trāsire, quæ non possunt continere aquas, quia in illis vt docuit Athanasius, nulla est doctrinæ stabilitas. Verbum autem hoc: *In Domino confido* est Catholicis frequenter sibi occinendum alijsque opponendum,
2. *Quoniam ecce peccatores intenderunt arcū,* i. vigilanter intenti sunt, *parauerunt sagittas suas.* i. commenti sunt fallacium verborum & argumentorum prætigias *in pharetra* q. d. eaque sibi in promptu ad omnem occasionem reposita habent, *vt sagittent.* i. hæc iacula persuadendo infigant *in obscuro,* Aut vt apertius secundum translationem 70, libertate prophetica sensum magis quam verba transferentium, legit Augustinus, *in obscura luna,* id est, ea tempestate aut in eos præcipuè, apud quos Ecclesiæ, per Lunam signifi-

significata, authoritas obscurata & imminuta est. Eo enim tempore, hæreticorum aut Schismaticorum fraudibus homines quam maxime expositi sunt, quia Ecclesiæ authoritas, qua tanquam vnico scuto poterant omnia tela nequissimi ignea extinguere, ab eis abiecta est aut saltem in animis eorum multum labefactata. Quod autem Ecclesiæ authoritas omnibus tam obuium, generale atque inuictum scutum sit, ipso facto suo atque responso docet Apostolus, cum illi qui videtur contentiosus esse non aliud respondet quàm, Nos talem consuetudinem non habemus neque Ecclesia Dei. Cuiusmodi responso nos etiam Catholici omnia hæreticorum iacula elidimus, inquit Hieron. omnesque propositionum riuiolos vno Ecclesiæ sole siccamus. De qua re etiam August. & Cyrillus. *Abfconderunt ergo sagittas suas in phæ-*

1. Cor. 11.

cap 6 cōt.

Lucifer.

Aug. 1. cō.

Dond. c. 2

or 6 cōtr.

Iul'ia ca. 2.

Cyril epist.

16.

retra, ut sagittæ in obscuro, siue obscura luna rectos corde. i. eos qui sincero iustitiæ & veritatis amore adhuc præditi sunt, sed ob quædam scandala quæ in regno Dei, quod est Ecclesia, viderunt, ab Ecclesiæ authoritate alieniores sunt effecti. Sagittant quidem & alios, sed rectos corde seducere præ cæteris laborant & gaudent. Et quare hoc? *Quoniam quæ perfecisti.* i. quos tu ad catholicæ fidei quandam perfectionem in fide & moribus perduxisti, destruxerunt. i. à fide & societate pristina, quantum in ipsis est, auerterunt. Hæreticis enim, inquit Tertull. negotium est, non Ethnicos conuertendi, sed nostros euertendi; hanc magis gloriam captant, si stantibus ruinam, quàm si iacentibus eleuationem operentur, quoniam & ipsorum opus, (siue doctrina) non de suo proprio ædificio venit, sed de destructione veritatis; Quæ postrema Tertulliani verba cum vera sint, ideo hic versiculus & hunc habere potest sensum, *quæ perfecisti destruxerunt.* i. quicquid in rebus fidei perfectissimum aut summum est, atque adeo, ut Cyrilli verbis utar, Ipsum veritatis decus, ipsi, reliquijs quibusdam conseruatis, demoliti sunt & destruxerunt; Quod his declaratur exemplis. Arrius cum non omnino negarit Deum filium habere, id solum quod ad perfectam filij rationem pertinet, consubstantialitatem nimirum, destruxit. Nestorius cum non omnino negauerit filium Dei in humanitate Christi habitasse, id solummodo quod ad perfectissimam inhabitandi rationem pertinet, nempe per vnitatem personalem inhabitare, destruxit. Caluinus cum non neget nos per Eucharistiæ sacramentum participes fieri energię Dominici corporis, id tamen quod ad Sacramenti illius dignitatē perfectissimam pertinet, ipsam nempe realem Dominici corporis & sanguinis præsentiam negauit. Et sic in reliquis destruunt hæretici quæ perfecit Deus, dum rectitudini interioris hominis detrahunt veritatem, aut veræ iustitiæ rationem, bonis operibus meriti dignitatem, sacramentis omnibus causandæ gratiæ instrumentalem virtutem, & sic de reliquis. *Iustus autem.* i. Chri-

3.

De præscr.

hæret. c. 42

De incarn.

vñig c. 16.

h iij

stus quem

stus quem deseruerunt & cuius perfecta opera destruunt, *quid fecit?* i. quid in eos commisit, vt hæc facerent ei, & membris eius? Qui sensus ex Augustino desumptus, genuinus ex eo apparet, quod Dominus simili sententia eos redarguat, qui eum deseruerant fontem aquæ viuæ, in hæc verba; *Quid inuenerunt in me Patres vestri iniquitatis, quia elongauerunt à me, & vani facti sunt?* &c. Enarrat autem post hæc Propheta, quod etiam eo tempore quo hæretici pelliciendo aut peruertendo grassantur, Dominus curam tam suorum quam ipsorum hæreticorum agere non desistat, dicitque:

4. *Dominus in templo sancto suo, dominus in cælo sedes eius.* In cælo enim tanquam in beato templo suo sedens, iudicium suæ prouidentiae exercere non desinit, quia:

5. *Oculi eius in pauperem.* i. in eos, qui simplici fide solummodo præditi sunt, magnæque animi infirmitate, *respiciunt*, vt eos in abscondito faciei suæ multiformi suæ misericordiae ope à sagittis malignantium protegat. Atque adeo hic vnus effectus est diuinæ prouidentiae, cui & alter subiungitur, nempe: *Palpebra eius interrogant.* Palpebris pupillæ oculorum aperiuntur & clauduntur; Per quarum interrogationes metaphoricè significantur, rapidæ quædam diuinarum illustrationum coruscationes, quæ sic raptim transeunt, sicut transit intuitus oculorum cum palpebræ raptim diductæ mox denuo clauduntur. Quæ illustrationes non tam veritatis contemplandæ copiam suppeditant, quàm eius inquirendæ semitam pandunt. Hæreticis itaque quæ Dominus perfecit destruentibus, Dominus in cælo rerum humanarum curam non deserens, *Filios hominum.* i. cordatiores, & ad quos pertinet veritatem sapientia & ratione defendere, *palpebris suis interrogat.* i. rapidis quibusdam illustrationibus mentes eorum illustrat, eisquæ quasdam veritatis scintillas immittit. Quæ scintillæ eis interrogationem commouent, vt apud semetipsos fidei suæ intelligentiam inuestigantes, querant, nunquid non ille verus intellectus, atque adeo quædam visio est veritatis quam credimus? aut nunquid non ea ratione veritas defendenda est? Ea autem interrogatio vltiorem veritatis raptim visæ parturit inquisitionem; Inquisitio verò veritatis parit inuentionem. Itaque quod Psalter dicit: *Palpebra eius interrogant filios hominum*, alio non tendit, quàm vt declaret, quod Dominus hæreseon tempore per suam prouidentiam in quibusdam suscitaret veritatis inquisitionem, vt quod rapida quadam illustratione fecit inquiri, manifestiore ac vberiore reuelatione faciat inueniri, vt pulchrè declarat August. Hic autem solummodo interrogationis primitiua Psalter facit mentionem, vt sciamus non tantum veritatis inuentionem à Deo tribui, sed ipsam eius inquisitionem à diuina prouidentia & directione præueniri ac preparari. Exposita autem prouidentia, quam Dominus grassantibus hæreticis,

De vera
relig. ca. 8.

reticis, tam circa infirmos quam cordatiores, qui in Ecclesia sunt, exercet, adiungit Psaltes, quod Dominus etiam impios, inter quos primi sunt hæretici, à suæ prouidentiae cura non excludat. dicit enim:

Dominus interrogat iustum & impium, quia etiam impios in suæ ignorantiae profundo penitus demersos non relinquit, quin potius ut iustis, ita & illis illustrationes quasdam immittit, per quas semetipsos subinde interrogant. nunquid res sic se habet ut sentio aut doceo? nunquid licitum est quod facio? De quibus interrogationibus scriptum est: In cogitationibus impij interrogatio erit. Quam interrogationem Dominus impijs, praesertim priusquam sua nequitia non planè obscurauerunt, tanta euidentia ingerit, ut labor potius sit aurem obturare, quam vocem audire, inquit Bernardus: Idque procurat Dominus hoc consilio, ut interrogatio in eis operetur erroris in quo sunt, scrupulum: scrupulus autem erroris confidentiam ac securitatem auferat, & ad inquirendam veritatem stimulum admoueat, Inquisitio verò, veritatis obtineat agnitionem. Sed quid causæ est ob quam huiusmodi interrogationes impijs fere non prosunt? *Qui autem diligit iniquitatem*, q. d. propterea non recipiunt impij Domini interrogationem, quia diligunt iniquitatem. Qui enim hanc diligit, odit veritatem se vel interrogantem: *qui autem diligit iniquitatem odit animam suam*, i. animæ suæ salutem, non tam affectu quam effectu, inquit Bernardus, & Augustinus. Quid autem eis propter hanc impietatem cum rebellionē aduersus diuinas illustrationes coniunctam talionis obuenerit?

Pluet super peccatores laqueos. Quibus verbis principaliter prædicitur id quod diligentibus iniquitatem obuenturum est, adueniente die iudicij. Tunc enim *pluet super peccatores* illo tempore manducantes & bibentes, uxores ducentes, & similia agentes, *laqueos*, quia vno tempore singulis desuper superueniet dies ille ut laqueus, eos ad poenitendum imparatos, in peccatis suis strangulans, de qua re Isaias: Formido & fouea & laqueus super te, qui habitator es terræ, Et erit qui fugerit à facie formidinis cadet in foueam, & qui se explicauerit de fouea tenebitur laqueo, quia cataractæ de excelsis apertæ sunt. Dicendo autem cataractæ apertæ sunt, quid aliud insinuat, quam quod hic dicit Psalmus: *Pluet super peccatores laqueos*. Tempore enim diluuij Dominus cataractas cæli in abundantiorē pluuiam aperuit. Hoc tamen de die iudicij sic scriptum est: ut idipsum ad exemplum præscriptum sit illis qui quouis tempore diligunt iniquitatem, nam & super eos Dominus *pluet laqueos*, quando dies mortis eis imparatis & ex improviso superueniens, eos in peccatis suis suffocabit. Interim laqueorum nomine, non malè intelliguntur occasiones, per quas illi qui diligunt iniquitatem se peccatis magis ac

6.

Sapient. 1.

De conuer.
ad Cler. c. 2.Bern. cap. 4
de conuerf.
ad clericos.
Aug. tract.
87. in Ioā.
7.

Cap. 24.

Isai. 28.

magis à magis intricant atque irretiunt, quo pertinet illud: Erit eis verbum Domini manda remanda, vt vadant & cadant retrorsum & illaqueantur & capiantur. Pluit ergò super peccatores laqueos, quia multæ peccandi occasiones quibus illaqueantur in eos vndique irruunt. Et hæc quidem mala, eis qui diligunt iniquitatem in hac vita euenient, In futura verò, ignis infernalis scilicet & sulphur, quod ibidem per proprium suum effectum qui est sceleris erit, & spiritus procellarum. Metaphora est, significans ignem infernalem esse inextinguibilem atque perpetuo arsurum. Ignis enim apud nos accensus, vt perpetuo ardeat, flatu opus habet. Huiusmodi etiam metaphora Isaias Infernum describens, vsus est: Præparata est, inquit, ab heri Tophet, præparata à rege, &c. nutrimenta eius ignis & ligna multa, flatus Domini sicut torrens fulguris succedens eam. *Pars calicis eorum*, i. debita est portio meritis eorum reposita. Additur autem vox [calicis] quia calicis nomine solet frequenter retributio tam bonorum quàm malorum significari, vt Calix in manu Domini vini meri plenus mixto, &c. Dominus pars hereditatis meæ & calicis mei. & in Apocal. Ipsi bibent calicem furoris vini iræ omnipotentis. idque quia in supplicijs (vt hic docet Augustinus) modus ac meritorum mensura à Deo non exceditur. Porro, circa hoc quod hic dicitur, in inferno futurum spiritum aut Domini flatum, obseruandum est, quod iam ab initio ecclesia Christi in exorcismis vsa sit exufflationibus ad pellendos dæmones, per illas repræsentans diabolo illum flatum qui in scripturis dicitur esse in gehenna, quæ ei ineuitaliter est præparata, vt quandoquidem infernus dicitur flatu Domini velut torrente sulphuris succendi, dæmon ex flatu nostro recordetur incendij infernalis, & per eam recordationem corripiatur metu ac timore futuri supplicij, istæque horrore concussus, ferociam deponat, & à facie terroris huius effugiat. Quam exufflationum rationem Tertull. breuiter explicat in hæc verba. Dæmones de contactu & afflatu nostro, contemplatione & repræsentatione ignis illius correpti, etiam de corporibus nostro imperio excedunt inuiti. Impiis autem hæc quæ dicta sunt, obuenient, non quia crudelis aut sauus, sed:

Apoc. 13

8.

Quoniam iustus Dominus & iustitias dilexit, i. dilexit iustitiam exercere, sed & æquitatem vidit vultus eius, q. d. non solum iustum sed etiam æquum & rationi consonum ei visum est deformitatem culpæ non sine decore condignæ vindictæ relinquere. Quod membrum priori bene additur, ne Deus iustitias amando rigorosus videretur, non autem cenferi debet rigorosus qui amat iustitiam æquitate temperatam.

PSAL.

PSALMVS XI.

In finem pro octaua Psalmus David.

IN hoc Psalmo est Oratio iusti qui inter scandala impiorum & hæreticorum periclitatur, qui Psalmus ideo priori subiungitur, vt nō rit quisque hæreticis non tantum resistendum esse ratione, quod docuit Psalmus præcedens, sed & oratione. Protectio enim quam Deus infirmis & cordatioribus præstare superiore Psalmo dictus est, non supinam nobis securitatem adferre debet, sed inuocandi instantiam. Dicit itaque Psaltes,

Saluum me fac Deus. .i. salutem meam protege & promoue, & inter scandala periclitantem in æternā salutem dirige, *quoniam* q.d. Id impensius rogo quoniam hoc tēpore *defecit sanctus*. .i. iustus. Iam enim adsunt illa tempora periculosa, quæ vaticinatus erat Apostolus prædicēs fore homines cupidos elatos superbos, &c. Sumitur itaque hīc sanctitas non pro iustitiæ excellentia, vt sæpenumero, sed pro ipsa iustitia, à qua omnes boni Ecclesiæ filij dicuntur vocati sancti. Deficit autem iustus, tum quia plurimi comparisonē bonorum à iustitia simpliciter excidunt & ad sæculum conuersi gentiliter viuunt; tum etiam quia in illis qui adhuc in iustorum ordine reputantur, pristina pietas, charitas, & disciplina multum elanguit: Quod vtrumque deficientis sanctitatis membrum prolixè & pulchrè describit Cyprianus, Studebant augendo patrimonio singuli, & obliui quid credentes sub Apostolis fecissent aut semper facere deberent, ampliādis facultatibus incubabant. Non in sacerdotibus religio deuota, non in ministris fides integra, non in operibus misericordia, non in moribus disciplina, &c. Porro sanctum defecisse intelligere debemus, sicut diximus, quoad magnum numerum, non autem simpliciter. Hic enim intellectus est impius euacuans crucem Christi, vt ostendit Hieronymus. Si enim Sanctus in Ecclesia simpliciter defecisset, facta esset Ecclesia, tametsi in fide perseverans, cœtus lapsorū, quod, vt docet Cyprianus, nec Domini misericordia, nec potestas eius inuicta patietur; *Quoniā diminutæ sunt veritates*. Prius saluari petijt à scādalis operantium iniquitatem. .i. eorum qui impiè viuunt; nunc vero saluari orat à scandalis hæreticorum, idque optimo ordine, quia sicut ex impia vita Christianorum oriuntur hæreses, dicente B. Apostolo, Bonam conscientiam quidam repellentes circa fidem naufragauerunt, ita etiam scādalis operantium iniquitatem iunguntur scandala docentium mendacium, & augentur pericula Christianorum. Quod itaque dicit *diminutæ sunt veritates*, in hæreticis proprie locum habet, eo quod hæretici veritatem de Christo aut à Christo annunciatam non prorsus vt Apostatæ abijciant, sed

I.

De lapsis
circa inuicemCōt. Lucif.
cap. 6.

Epist. 27.

i ex par-

ex parte diminuant, falsis vera quædam semper permiscentes. *à filiis hominum.* i. illis qui prioribus Catholicis vt filij patribus in eandem fidem & religionem primitus successerant. veritatem enim quam à Patribus suis integram acceperant, ipsi vt degeneres filij multis in partibus in sua professione diminuire cœperunt.

2. *Vana locuti sunt vnusquisque ad proximum suum.* Hoc intelligimus de vnoquoque eorum qui à sanctitate defecerunt, nondum tamen cò deuenerunt vt diminuerent veritatem. Nullus enim in ijs est sermo ad ædificationem proficiens, & præter hoc, vanam spem ad salutem perueniendi inuicem obtrudunt & promittunt, decipientes inuicem inanibus verbis. Cuiusmodi verba, exēpli gratia, describit Isaias, *Pepigimus scdus cum morte, cum inferno fecimus pacem.* flagellum inundans cum transierit, non transibit fines nostros. *Labia dolosa in corde & corde locuti sunt,* hæretici scilicet, qui diminuerunt veritatem, qui per dulces sermones & benedictiones seducunt corda innocentum. dicuntur autem labia dolosa in corde & corde loqui, quia duplici sunt corde. videri enim volunt sincerè & ex animo id quod loquuntur sentire, & plerique eorū consciij sibi sunt se fallere. Ideo de illis bene Athanasius. Hæretici non recto animo loquuntur, sed velut indumenta ouium, verba Sacræ Scripturæ præferunt: Et post pauca, Occultant siquidem animos, & deinde scripturarum verbis pro esca vtuntur, vt latenter in suam malitiam pertrahant ignaros.
3. *Disperdat Dominus vniuersa labia dolosa,* Prædictio est, præsignans quod æterna perditio maneat doctrinā doloſam, *Et linguam magniloquam.* i. hæreticorum grandiloquentiam, siue vt Apostolus vocauit, sublimitatem sermonis.
4. *Qui dixerunt linguam nostram magnificabimus.* In sermone enim suo adornando & concinnando, omnis hæreticorum consumitur labor & industria, vt testatur Hieronymus & Athanasius loco mox citato. Hæresis enim teste Cyrillo, est illa mulier quæ verba sua dulcia facit, irretiens vecordem iuuenem multis sermonibus & blanditijs labiorum in errorem pertrahens, *Iuuenem inquam,* qui enim eò peruenit quo Augustinus anno ætatis suæ vndetrigesimo se peruenisse narrat vt intueatur non quali vasculo sermonis, sed quid scientiæ ab illis comedendum proponitur, is à blanda lingua non facile seducetur. *Labia nostra à nobis sunt quis noster Dominus est?* hic hæreticorum superbia & præsumptio indicatur, Et sensus est: *Quis noster Dominus est?* i. à quo vt sermo nobis affluat dependere debemus, aut à quo impediri possumus quo minus sermo noster id quod volumus efficiat? Sed quid ad hoc Dominus?
5. *Propter miseriam inopiam,* in quam incidunt homines simplices, si fuerint ab

rint ab hæreticis seducti. vbi denuo obseruandum est quod etiam ipsa miseria pauperum Dominum ad opem ferendam prouocet & commoueat, vt in Psalmum 9. diximus. *gemitum pauperum*, qui gemitus intelligi potest esse tacita quædam miseriæ vox; Vel gemitus pietatis quem pauperes spiritu ad Deum indefinenter emittunt, ad obtinendam ab eo opem & protectionem contra fraudem hæreticorum. *nunc exurgam*. i. virtutem meam exeram. *Dicit Dominus*, Id autem qua ratione?

Ponam in salutari, Salutaris aut salutare id dicitur, vnde salutem accipimus, inquit Augustinus, Quocirca *Salutaris* nomine Christus intelligitur, De quo Simeon, viderunt oculi mei Salutare tuum. Quia tamen Ecclesia agnoscit, Deum dedisse quosdam populo suo æternæ salutis ministros, nihil vetat dicere Christum esse Salutare Ecclesiæ in se & in illis, quorum opera & obsequio hominū salutem procurat & operatur. Sensus igitur est. *In salutari*. i. in illis per quos eo tēpore quo defecerit sanctus & diminutæ erūt veritates à filiis hominum, hominū saluti inuigilabo, *Ponam* quicquid ad consolationem protectionemq; inopum & pauperum pertinebit, inquit Augustinus, sapientiam videlicet, fidem, integritatem, diligentiam & reliqua, quæ conseruandæ fidei & vindicandæ religioni erunt necessaria, *Fiducialiter agam in eo*. Salutari videlicet, quia faciam salutis ministros ob fiduciam consciæ veritatis (sciunt enim à quo & per quos eam didicerint) magna virtute & intrepidè linguis vanis & dolosis resistere ac præuallere. Quam promissionem impletam inuenimus in Apostolo Paulo, per quem Dominus magnam salutem fecit in Israël, qui iam mox à sua conuersione fiducialiter agere cœpit in Domino, quod & fecit cum Iconij adiuncto sibi Barnaba demoraretur. His autem propositis, adiungit Psaltes quædam quibus exponit integritatem eloquiorum Domini, vt per hæc valeant eloquia Domini ab eloquijs quæ dixit vana esse & dolosa discriminari, dicitque:

Eloquia Domini eloquia casta, i. ab omni dolo prauitate atque mendacio pura & aliena. *Argentum igne examinatum*. i. similia sunt argento quod per ignem examinatum est. *Quæris in quo?* *Prolatum terræ*. i. à terra. Genitiuus enim hic pro ablatiuo ponitur more græco, q. d. vt argentum igne examinatum ab omni concretionē terrenæ secis expeditum est & defecatum, ita eloquia Domini ab omni labe terrenæ vanitatis & fraudis libera sunt, & segregata: atque illa soliditate prædita, quæ possit vim & acrimoniam ignis illa sustinere. Et vnde hoc illis? *Purgatum septuplum*. q. d. eloquia Domini purgatissima facta sunt, ad instar illius argenti quod septies igne examinatum est, idque per spiritum sanctum qui septiformis est in donis suis. Defecata autem hæc integritas atq; soliditas competit eloquijs

i ij

Domi-

6.

Ques. 35.
in Leuit.

Act. 9

14.

7.

Dominicis & quoad rem & quoad sermonem, Nam præter rem ipsam, etiã sermo diuinorum eloquiorum qui apud nos in scripturis sacris adhuc superest, ab omni labe terrenæ sēcis atque vanitatis & incongruitatis est immunis. quia & ipse purgatus est septuplū. i. purgatissimus effectus per dictatorem suum spiritum sanctum. Dignum enim erat inquit Ambrosius, vt castimonie veritatis etiam sermonis puritas consentiret, vt in sermone pudico mysteriorum celestium immaculata & pudica sinceritas spirituali interpretatione resplendeat. Quæ cum ita sint, hæc quæ explicuimus huic Psalmo, ob id, vt dicere cepimus, inserta sunt, vt sicut Ieremias considerata leuitate ac vanitate quæ erat in somniis falsorum & soliditate quæ erat in reuelationibus verorum prophetarum, teste Augustino, exclamabat: Quid paleis ad triticum? ita Christiani catholici consideratis hinc inde iis quæ in hoc Psalmo ex vna parte tribuuntur Sermonibus vanorum hominum atque hæreticorum, ex alia vero parte eloquiis diuinis, eorum inter se facta collatione, in hanc tandem vocem erumpant. Quid scoriæ ad argentum! vt cum animaduernerint vaniloquia impiorum quamuis in faciem amœna & speciosa ab eloquiis Dominicis tanto interuållo distare, ad ea detrectent accedere. Cùm ergo *propter miseriam inopum & gemitum pauperū, Nunc exurgam, dicit Dominus*, addideritque: *Ponam in salutari*, promittens sua se prouidentia præparaturum eos qui contra hæreticos ex aduerso ascendentes, se muros opponant pro domo Dei, idque à generatione in generationem, merito in persona eorum qui in fide & integritate continuò perseuerant, subiicitur à Psalte.

8. *Tu Domine*, qui dixisti quod ædificata Ecclesia super petrá, portæ inferi, i. nec infidelitas nec impietas præualerent aduersus eam. *Seruabis nos & custodies nos* in fide & sanctitate veritatis à *generatione hac*. i. ab hoc tēpore. Vel, à contagio generationis huius nequam & hæreticæ. In quem sensum dicit D. Petrus; Saluamini à generatione ista praua. *In æternum*. i. vsque in æternitatem, ita vt nunquam defuturi sint qui fidem & sanctimoniam illibatè conseruent. Ideo bene scribit Cyprianus de Ecclesia suo tempore inter multos seductores militante. Non sic, quamuis nouissimis temporibus in Ecclesia Dei aut euangelicus vigor cecidit, aut Christianæ virtutis aut fidei vigor elanguit, vt non supersit portio sacerdotum, quæ minimè ad has ruinas & fidei naufragia succumbat, sed fortis ac stabilis honorem diuinæ maiestatis & sacerdotalem dignitatem plena timoris obseruatione tueatur; Et post pauca de integritate populi iugiter in timore Domini permanentis subiicit. Permanet apud plurimos sincera mens & religio integra, & non nisi Domino & Deo suo anima deuota, nec Christianam fidem aliena perfidia deprimit ad ruinam, sed magis excitat & exaltat ad gloriam,

In cir-

In circuitu impij ambulant, quia hæretici aut de ijsdem rebus non easdem
semper sententias habent, vt testatur Irenæus, Aut quia singulos Christianæ Libro 5.
fidei & doctrinæ articulos successiue vnum post alterum donec nullum, vt
videmus, intactum relinquunt adulterando vel negando; & ea quæ olim con-
futata sunt, atque ab ecclesia vel ipsis hæreticis damnata, reuocando, in or-
bem aberrant, rotati sicut anima inimicorum Dauid, in circulo fundæ. Por-
test tamen & hic esse sensus. *In circuitu impij ambulant.* i. in omni loco &
in omni parte ecclesia circumdata est impijs & oppugnata ab hæreticis, eo
præsertim tempore quo Sathana soluto de carcere suo congregabit gentes, Apocal. 10
sua opera seductas, in prælium qui & circuibunt castra sanctorum & Ciuita-
tem dilectam. Quid verò eo aut omni hoc tempore Dominus? *secundum*
altitudinem tuam. i. pro ratione sublimitatis & amplitudinis tuæ. *multipli-*
casti filios hominum. id est, multa cura & sollicitudine, inquit Hieronymus, in cap 25
dignos & prosequendos iudicasti filios hominum, vt quantumcunque pe- Ijaia.
riculi eis imminet à malis, multo plus præsidij & adiutorij eis sit à te. Hie-
ronymus itaque intelligit filios hominum esse multiplicatos, non numero,
sed multiplici Dei adiutorio. Proinde non inconueniens erit hic sensus. Se-
cundum altitudinem tuam multiplicasti filios hominum. q. d. tametsi impij
multi sint, tu tamē pro ratione altitudinis & amplitudinis tuæ etiam magno
numero esse fecisti filios hominum. i. eos qui ab auita fide & religione in
nullo degenerantes, genuini filij antiquorum fidelium atque iustorum pos-
sunt reputari. Qui sensus hanc habebit vtilitatem, vt ex hac scriptura simul
intelligamus, id quod Dei vel diuinarum partium est, nō solum efficaciter,
sed etiam circa quam plurimos abundanter prouenire, atque adeo circa tam
multos, quam multos esse consentaneum est altitudini & amplitudini diui-
næ bonitatis. Metuunt enim aliqui, quod si secundum absolutum Dei pro-
positum saluarentur homines, pauci essent saluandi, imò pauciores quam
si secundum propositum conditionatum, scilicet, si velint homines; cum ta-
men si secundum altitudinem suam multiplicet Deus filios hominum, ma-
ior debeat esse numerus ea certitudine saluandorum, quàm futurus esset nu-
merus saluandorum, si bonarum operationum & perseverantiæ causa ex-
trema dependeret ab hominum libero arbitrio, quia vna voluntas Dei am-
plior, magnificentior & maior est, humanarum voluntatum multitudine.
D. vero Augustinus, disputans contra eos, qui vt Deum ab omni recenti 12. de tri-
aut nouo consilio seu voluntate vindicarent, confinxerant creaturam ei es- uii cap. 14.
se coæternam & perpetuis reuolutionibus in pristina semper redeuntem,
præmissa huius Psalmi verba, *Seruis bis nos in æternum.* intelligit vt sit sen-
sus, Æternam & nunquam abrumpendam vel in aliam commutandam no-
bis dabis beatitudinem; Ex qua Scriptura error eorum quos diximus effi-
i iij caciter

caciter confutatur. Si enim creatura æternam beatitudinem accipit ex tempore, ergo in ea oritur noui aliquid quod ab initio in ea non fuit, Et quod sequitur, *In circuitu impij ambulant*, interpretatur, vt sit sensus. Impij sunt qui reuolutionem omnium creaturarum statuunt; Et si quærat quomodo possibile est, vt Deus noui quid condiderit, sine nouo consilio, dicit ad illam interrogationem respondendum esse versu qui sequitur *secundum altitudinem tuam multiplicasti filios hominum*. q.d. quod homines multos feceris qui nunquam antea fuerunt, idq; sine tuo nouo consilio aut voluntate, id fecisti secundum incomprehensibilem altitudinem sapientiæ & voluntatis tuæ.

PSALMVS XII.

In finem Psalmus David.

IN hoc Psalmo describitur gemitus Ecclesiæ sub tyrannide aut potestate Impiorum, circa finem sæculi militantis: Quæ quidem suspirat, vt iugum illud impium à suis humeris auferatur, si tamē Deo aliter visum fuerit, orat ne per iugum illud in peccatū precipitetur ac dicit.

1. *Vsq; quo Domine obliuisceris me*. i. oppressiōem meam quam ab impijs patior, *in finem*? videtur enim hæc tua obliuio id permittere velle, vt mea quam patior oppressio perduret in huius sæculi finem. *Vsq; quo aueris faciem tuam à me*, vt non videaris attendere quantopere opprimor?
2. *Quamdiu ponam consilia in anima mea*, vndique apud me rationem iniciens euadendæ huius tyrannidis, *dolorem supple* quamdiu ponam in corde *meo per diem*. i. continuo, idq; ex eo quod videam omnia consilia mea & instituta nullum serè successum felicem accipere?
3. *Vsq; quo exaltabitur*. i. paulatim magis magisque eleuabitur, *inimicus meus*. i. impius cui non ego sed qui mihi inimicus est, eo quod ipsi mihi, non ego illi malè velim. Is autem hoc loco exaltatur super iustum, cum ei dominatur imperio, potestate, prosperitate, victoria temporali, opibus, fauore, atque in istiusmodi rebus potiores partes obtinet. *Respice*. i. misericordiam impende mihi, & *exaudi me Domine Deus meus*, saltem in hoc, quod sequitur,
4. *Illumina oculos meos*. q.d. Si in eo à te exaudiendus non sum, vt à tyrannide impiorum liberer; saltem hoc mihi præsta vt illumines oculos meos, tribuendo illis donum vigilantis perspicaciæ, *ne vnquam*. i. vllō tandem tempore, vllāve occasione, *obdormiam in morte*. i. contra impiorum technas ac decipulas minus oculatus, aut mihi minus inuigilans in peccatum aliquod ab eis seducar. Ideo autem peculiariter illuminari petit, quia cum impij & in primis hæretici rerum potiuntur, timentibus Deum maximum pericu-

periculum est, ne fortè omni ex parte non satis perspicaces & sibi metipsis attendentes, ab hæreticorum fraudibus capiantur incauti. Quos enim per manifestam iniquitatem expugnare nequeunt, eos nituntur fraudibus capere, quorum conatus exponit nobis Sapiens, introducens eos sibi mutuo in hæc verba colloquētes, Venite abscondamus tendiculas contra insontem. Quas tetenderūt Vrsatius & Valens quorum astutiā damnatio fidei Nyce- ne in Concilio Arimin. teste Hieronymo, conclamata est. Ideo vt docet Cyrillus, operæpretium est, vt illi qui cum hæreticis belligerantur, coram Deo procumbentes dicant, *Illumini oculos meos ne inquam obdormiam in morte.* Quos quia illuminatos non habebant qui apud Cyprianum Libellatici dicuntur, insciji penè & ignari in peccatum seducti sunt. nequando dicat inimicus meus, *prævalui adversus eum.* i. iustitiam & innocentiam eius expugnaui. Tum enim impius verè prævalet iusto, cum eum ad peccandū inducit; Ideo superius, cum de sublimitate Tyrannidis impiorum conquereretur dixit, viquequo exaltabitur, non autem viquequo prævalet? Etsi enim impius iustis superior sit potestate, non tamen ijs prævalet, nisi eorum iustitiam expugnaverit.

Proverb. 1.

Hieron cōt.
Lucifer.
In exposit.
Nica. fidei.

Qui tribulant me. i. temporali oppressione continuam mihi tristitiam adierunt. *Exultabunt si motus fuero.* i. à fide aut iustitia defecero, plus aliorum æterna pernicie, quam sua temporali prosperitate gaudentes; Qui tamen affectus non est hominum, nisi quatenus homines in dæmones transierant, inquit Bernardus, *Ego autem in misericordia tua speravi,* vt per opem misericordiæ me ab impiorum expectatione præserues.

5.

Serm. 7. in
Psalm. 90.

Exultabit cor meum in salutari tuo, sicut enim in misericordia tua speravi, ita & secundum spem meam in eadem misericordia salutem mihi operaberis & tueberis. Quo loco rursus insinuat Scriptura, quod nemo speravit in Deo & confusus est. *Cantabo Domino.* i. cum gaudio Domino gratias agam, *qui bona mihi tribuit.* i. inter tot aduersa virtutem meam & iustitiam protexit. *Et psallam nomini Domini altissimi.* i. psallendo & gratias agendo nomen Domini sanctificabo. q. d. hac ratione Deo bonum nomen inter homines conciliabo, vt de eo honorifice & cum gratiarū actione ob ea quæ mihi fecit sentiant atque loquantur.

6.

PSALMVS XIII.

In finem Psalmus David.



Postolus probat ex hoc Psalmo tam Iudæos quàm Græcos omnes sub peccato fuisse, antequam gratiam Euangelij acciperent, ac proinde nihil eos ad accipiendam Dei gratiam præuij habuisse meriti. Ex quo testimonio manifestum euadit in hoc Psalmo describi peccata quibus tam

Rom. 3.

bus tam Iudæi quam gentiles dediti fuerint, priusquam donum iustificationis à Deo gratis acciperent. A culmine autem peccatorum exordium sumens dicit Psalter.

1. *Dixit insipiens in corde suo non est Deus.* Dicit in corde suo, non enim auderet id profiteri in publico ut testatur Augustinus. Sed cum etiam per corruptelam originalem aut ratione aut testimonio conscientie sue nosse possit homo, quod vnus sit Deus habitans in cælis, per quid ad hanc tantam insipientiam devenit homo, ut diceret in corde suo non est Deus!
2. *Corrupti sunt.* Quia enim nō probauerunt habere Deum in notitia, i. secundum quod exigebat Dei quam habebant notitia, Deum verum non coluerunt nec timuerunt, facti sunt homines corrupti mente, circa fidem & ea quæ fidei sunt, reprobi. Et præter hoc, *abominabiles facti sunt in studiis suis*, quia propter impietatem qua Deum cognitum non coluerunt, nefandis, ut declarat Apostolus, sceleribus sese dediderunt & corruerunt. Quod enim dicit Psalter, *Abominabiles facti sunt*, hoc diuus Basiliius intelligi vult, de malitia quæ tangi, inquit, oculis potest, & in actum erumpit, hanc enim dicit esse signum eius impietatis quæ in animo eius, qui mente corruptus est, delitescit. *Non est qui faciat bonum, non est usque ad vnum.* i. Nemo inter illos est qui quippiam faciat quod sibi in ordine ad salutem æternam profit. Si enim Tertulliano credimus, non omne quod malum non est, bonum est, quia dicitur aliquid non esse malum ex eo quod nihil ob sit, bonum autem non est, inquit, nisi quod insuper profit.
3. *Dominus de cælo prospexit super filios hominum.* Accommodat Psalter sermonem suum hominū sensui. Imaginantur enim homines Deum eo quod in cælis esse dicitur, desuper omnia intueri & observare. *Ut videat si est intelligens aut requirens Deum.* Studio enim hominibus benefaciendi, intensissimè observat sitne inter homines aliquis intelligens aut requirens Deum, siue à Deo opem requirens, ut possit illi benefacere. Deus enim apud seipsum semper est paratus ad offerendum se illi, si quem inueniat requirentem se. Et quia D. August. dicit Deum dei de cælo prospicere si est intelligens aut requirens Deū, quia id facit per animas suas sanctas; Videtur certè huius diuini prospectus luculentum exemplum extare, apud Ieremiam, per quem dixit Dominus; Circuite vias Ierusalem, & aspiciate, & considerate, & quærite in plateis eius, si inueniatis virum facientem iudicium & quærentem fidem, & propitius ero ei. Hoc enim per Ieremiam mandare, quid aliud erat quam per animas suas sanctas prospicere, si foret aliquis intelligens aut requirens Deum, ut Deus pro meritis ipsius eidem posset esse propitius? Quis autem huius diuini prospectus, quem aut per semetipsum, aut animas suas sanctas facit, fuit euentus?

Omnes

Omnes declinauerunt, non dicitur, omnes ignorauerunt. quia quidam fuerunt inter gentes qui Deum verum cognouerunt. sed & Iudæi cognitionem Dei & legis habuerunt, dicitur proinde *omnes declinauerunt*, quia qui Deum non cognouerunt, illi declinauerunt à præscripto legis naturæ; qui autem Deum inter gentes cognouerunt, illi insuper declinauerunt à cultu Dei sibi cogniti. Non enim coluerunt eum aut ei gratias egerunt, inquit *Roman. 1.* Apostolus. Iudæi autem declinauerunt à præscripto legis suæ. *simul. i. tam* Iudæi quàm gentiles, *inutiles facti sunt, non est, qui faciat bonum, non est* usque ad vnum, quia nec veræ iustitiæ, nec vitæ æternæ emerendæ vllum meritum, vllis quantumuis speciosis suis operibus potuerunt sibi cōparare.

Sepulchrum patens est guttur eorum, linguis suis dolose agebant, venenum aspidum sub labijs eorum. 5.

Quorum os maledictione & amaritudine plenum est: veloces pedes eorum ad effundendum sanguinem. 6.

Contritio & infelicitas in vijs eorum, & viam pacis non cognouerunt: non est timor Domini ante oculos eorum. 7.
Latius per tres hos versus declaratur in quot & quanta peccata suo vitio deuenerint homines, sola lege naturæ vel etiam Mosaicæ legis formula instructi. A quorum veri suum explicatione hîc superfedemus, quia partim 5. partim 9. Psalmo explicati suisque proprijs locis explicandi sunt. Quibus accedit quod versus isti contextui huius Psalmi non sint ab auctore inserti, sed teste D. Hieronymo, occasione Apostoli hos versus isto quo hic habentur modo cap. 3. ad Rom. coniungentis, in contextum huius Psalmi conscripti sunt, ab illis, inquit Hier. qui artem contendingarum scripturarum qua vsus hac in re erat Apostolus, ignorauerunt. Arbitrati enim sunt Apostolum versus istos, non ex varijs scripturæ locis contexuisse, sed ex vno aliquo scripturæ loco citasse, & ob id putauerunt versus hos, in huius Psalmi seriem sibi esse redigendos, vt exstaret in sacra scriptura locus ex quo Apostolus suum illud testimonium de verbo ad verbum desumisset.

Nōne cognoscent omnes qui operantur iniquitatem. i. nōne ex supplicij tandem discent omnes quid sit iniqua agere? dicit enim Isaïas, Agnitio vultus eorum respondit illis. Et causam huius agnitionis subdens, addit, *Væ animæ eorum, quia reddita sunt illis mala.* Inter iniquos autem & illi reponendi sunt, qui cum superiorem locum obtineant vt populi vtilitatibus deseruiant, tamen *deuorant. i. diripiendo, emungendo, extorquendo, aut alio quouis modo affligendo, consumunt plebem meam sicut escam penis,* quia impij isti de consumptione aliorum semetipsos exsaturant. Hanc iniquitatem impegit Dominus Pharisæis, cū diceret, *Deuorant domos viduarum simulantes longam orationem.* Quæ tamen non solum præpositis, 8.
Isaia 3.

k

sed e-

Zach. 11. sed etiam vulgaribus communis est, cum vnusquisque suum tantum commodum ex alijs aucupatur. De qua iniquitate Zacharias; Reliqui deuorent vnusquisque carnem proximi sui.

9. *Dominum non inuocauerunt.* i. Deum non coluerunt. Inuocare enim Dominum pro eo quod est Dominum colere in Genesi ponitur, cum de Enos dicitur, Iste cepit inuocare nomen Domini. *Illic.* i. circa ea quæ ad Dei cultum pertinent, *trepidauerunt timore.* i. multa incommoda & inconuenientia confinxerunt aut allegarunt, propter quæ recusauerunt se ad veram religionem conuertere. Cuius rei exempla habemus in Herode nato Christo, & in trepidatione Phariseorum, timentium quod venturi essent Romani & tollerent eorum locum & gentem. Et etiam hoc tempore semper circa veram conuersionem & religionis reformationem multa excogitantur inconuenientia, ob quæ trepidant homines ad veritatem vitæ se conuertere. *ubi non erat timor,* quia aut inconuenientia quæ obiectant falsa sunt vel vana, aut saltem non sunt refugienda, quia salutis & Dei timori oportet quæuis incommoda postponere. His tamen non obstantibus, Dominus ex gentibus præcipue multos per spiritum gratiæ sibi in templum consecrauit. De qua re sequitur:

10. *Quoniam Dominus in generatione iusta est.* Si autem quærant Iudæi, cur præcipue ex gentibus? respondet eis Psalter, *Consilium inopis.* i. Christi, *confudistis.* i. spreuistis ô Iudæi, contumelia affecistis, opprobrio onerastis. Et qua de causa? *Quoniam Dominus spes eius est.* i. quia docebat Christus à Domino iustitiam sperare: sicut & Apostolus huius inopis discipulus dicebat Galatis iudaizantibus: Nos spiritu ex fide spem iustitiæ expectamus. *Galat. 3.* Illi autem pro inolita sibi præsumptione quæ ex lege (quæ non erat ex fide) malè conceperant, volentes à semetipsis, iustificari consilium hoc inopis quod homines inopes spiritu, & de suis viribus diffidere facit, spreuerunt. Deinde docebat Christus Deo seruiendum esse in spe retributionis futuræ. Hoc autem consilium, etiam Iudæi præsentium auidi spreuerunt, sicut manifestum est Lucæ 16. Vbi Domino dicente, Non potestis Deo seruire & mammonæ, quod erat, inordinatum præsentium amorem dedocere, Pharisei qui erant auari id audientes deridebant eum. At quia Propheta in spiritu præuidebat, quod etiam Iudæi aliquando ad Christum quem spreuerant essent conuertendi, in id gestiens, exclamat:

11. *Quis dabit ex Sion salutare Israel.* q. d. Quis dabit, vt veniat ex Sion. i. oriatur ex ipsa plebe populi Israelitici, qui salutem adferat Israël secundum carnem? id est, ipsam gentem Iudaicam saluam faciat? Quod futurum est, *Cum conuerterit Dominus captiuitatem plebis suæ.* i. cum conuerterit Dominus Iudæos (qui sunt plebs Domini propter Patres, & quia ex eis

ex eis est Christus secundum carnem) ab incredulitate in qua nunc per vniuersum orbem terrarum captiui detinentur, quod fiet in nouissimo tēpore. Ante hoc enim tempus multi quidem ex Iudæis ad Christum conuertendi sunt, sed non gens ipsa, propter quod & Apostolus amulabatur carnem suam vt saluos faceret aliquos ex eis, & etiamnum hodie aliqui ex Iudæis ad salutem perducuntur ministerio Ecclesię. Gente autē ad Christum conuersa. *Exultabit Iacob & letabitur Israel.* quia de libertate hac sibi per Christum insperatō cōcessa, Israel secundum carnem iam factus Israel Dei, & filius Iacob secundum electionem, inenarrabiliter gaudebit. Ad quod gaudium iam vaticinādo eum adhortatur Ecclesia cū canit; Gaude Iacob quia de medio gentium saluator tuus adueniet. Quandoquidem ergo Ecclesia dicit saluatorem aduenturum Iudæis siue nationi illi de medio gentium, non videtur futura inconueniens interpretatio, si dixerimus hoc loco per *Sion* intelligi Ecclesiam quæ egressa primum est de *Sion* & de Ierusalem, præfertim cum D. Thom. eo modo intelligat verba Isaia; Vniet ex *Sion* qui auferat iniquitatem à Iacob. vt sit sensus. *Quis dabit ex Sion salutare Israel.* i. quis dabit vt ab Ecclesia quæ cepit & egressa est ex *Sion*, estque per gentium populos diffusa, veniat qui salutem adferat Israeli? Itaque Psaltes à versu, *Quoniam Dominus in generatione iusta est*, intendebat prædicere Iudæos & gētiles à peccatis prius enarratis ad iustitiam conuertendos esse, id verò sic præstitit, vt simul edocuerit quo ordine res illa foret consummanda.

Rom. 11.

In 3 resp. 2
nost. Dom.
2. Aduent.D. Thom.
in cap. 11.
ad Rom. 11.

PSALMVS XIII.

Domine quis habitabit in tabernaculo tuo? Interrogatio est inquit. 1.
rens qua qualitate præditum esse oporteat eum qui saluus futurus sit, quæ tamen simul innuit quod talis rarus sit, sicut Dominus testatur: Angusta est via quæ ducit ad vitam, & pauci inveniunt eam. notant enim Basilus & Hieronymus, obseruandum esse in Scriptura, quod interrogatio per *Quis*, paucitatem insinuet, sicut *Quis* putas est fidelis seruus? & similia. *Habitabit.* i. perpetuam mansionem habebit, in tabernaculo tuo. Tabernaculum subinde habitationem transitoriam significat. Ideo Patres qui non habuerunt hic manentem ciuitatem, scribuntur mansisse in tabernaculis. Sæpe tamen significat mansionem æternam & cælestem, vt Psal. 41. Transibo in locum tabernaculi admirabilis. & Isai. Oculi tui videbunt Hierusalem habitationem opulentam, tabernaculum quod nequaquam transferri poterit. Hoc loco cōuenientius accipitur in significatione posteriore, aut quis requiescet. i. plenam requiem accipiet, timore malorum atque inquietudine laborum sublato, in monte sancto tuo? i. in cælesti regno tuo.

Matth. 7.

Basil in l. 1.
Hieron. in.

ca 4. Zach.

Cap. 33.

k ij Quod

Quod mons dicitur ob bonorum, in quibus incolæ illius erunt, sublimitatem. de qua Apostolus: Id quod in præfenti momentaneum est & leue tribulationis nostræ, supra modum in sublimitate æternæ gloriæ pōdus operabitur in nobis. Et Isaia 33. vbi Propheta idem cum Psalte argumentum tractans, Qui proijcit, inquit, auaritiā ex calumnia, iste in excelsis habitabit, munimenta saxorum sublimitas eius. Singula itaque huius versiculi verba, aliquid seorsim important, vt ex illis simul collectis plena quædā regni cælestis cognitio constari possit. *habitare* enim significat mansionem illius regni fore perpetuam. *Requiesce*, significat fore ibi requiem opulentam. *Mons* significat futuram ibi bonorum sublimitatem, & sic de reliquis. Ad interrogationem autem suam, Domini, cui interrogationem proposuerat, spiritu edoctus, Psaltes ipse respondet & dicit:

2. *Qui ingreditur sine macula.* i. qui abstinet à criminibus damnabilibus, & ipsa peccata, vt Augustini verbis utar, venialia non negligit mundare elemosynis, & *operatur iustitiam.* i. qui inhærentem sibi iustitiam per bona opera ostendit & exercet. Ad ingressum enim regni cælestis necessarium est adultis, non solum sine macula ingredi aut iustitiam habere, sed eam tempore & loco per bona opera exercere; ita vt sola omisio eius boni, quod ex circumstantia loci & temporis contingit esse in præcepto, ingressu regni cælestis, ipsoque regno hominem faciat indignum. Probat id D. Basilus ex eo quod à iudice dicendum erit: Esuriui & non dedistis mihi manducare. Per hoc enim quod ibidem ob solam omisionem bonorum, hi qui à sinistris erunt condemnantur, docetur vel solam omisionem bonorum operum æternum desidi præcludere regnum.

3. *Qui loquitur veritatem in corde suo.* i. qui veritati credit & consentit. Quæ particula priori bene subiicitur, vt hic expressè doceatur etiam fidem ad introitum regni cælestis esse necessariam. Per hanc itaque particulam confutantur illi, qui putant ad requiē Dominici montis peruenire per exercitiam moralem iustitiam, nihilque ijs obesse, quod fidei non habuerint aut perdiderint veritatem. Et si enim aliquis secūdum Hieronymum haberi possit & esse moraliter iustus absque fide, ea tamen iustitia ei non proderit ad salutem, quia non loquitur in corde suo veritatem. Peculiariter autem hic dicitur *in corde suo*, quia fieri potest (inquit Augustinus) vt quisque loquatur ore veritatem, quæ nihil ei profit, si eam in corde non teneat. i. si quod loquitur ipse non credat, sicut hæretici, maximè verò Priscillianistæ, qui catholicam fidem non credunt, sed tamen eam loquuntur, vt nostri esse credantur. *Qui non egit dolum in lingua sua.* Subiicitur hoc superiori contra hæreticos, qui putant nullū committi peccatum si quis fidem corde seruata ore negauerit. Qui autem id fecerit, nō habitabit in tabernaculo Domini,

mini, vel hoc nomine, quia dolum facit in lingua sua. Aliud enim cōtestatur ore quā fouet mente, quod absq; omni controuersia est dolum committere.

Nec fecit proximo suo malum. Hic proximi nomē non strictē accipiendū est, pro ijs qui fide aut sanguine, vel alia necessitudine peculiariter nobis cōiuncti sunt, sed generaliter, vt sub eo intelligatur quiuis homo, sicut & [proximi] nomē accipitur apud Lucam, vbi Dominus explicat quis sit vniciue proximus, vt notat Basilius & Augustinus. *Opprobrium non accepit*, scilicet in ore suo, *aduersus proximum suum*, vt ei aliquid opprobaret vel improperaret. Quæ particula huic Psalmo rectē inferitur, quia opprobrio in faciem intorquetur homini defectus aliquis corporis aut mentalium. Id tamen, inquit Basilius, hominis est rationis gratia abutentis, & à virtutis studio longissimē abhorrentis; quia tales defectus cum sint necessarij, magis sunt miserandi quā exprobandi. Improperatur etiam aliquando alteri defectus aliquis peccati, idque ad confundendum proximum, ob quem finem opprobrium est ex genere suo peccatum mortale, charitati contrarium. D. tamen Augustinus & Hieronymus hunc dant sensum, *Opprobrium non accepit*. id est, non libenter aut temerē credidit criminatori. Vel, si coram eo opprobrium alicui obiectum sit, illud *non accepit*. i. non acceptauit, nec exprobranti consensit vel arrisit, sed declarauit vel saltem insinuauit id sibi displicere.

4.

Lucæ 10.
Basil. in hūc
locum.
August. lo-
co citato.

Basil. in hūc
locum.

Hier. epist.
16. cap. 1.

Ad nihilum deductus est in conspectu eius malignus. i. nullius apud eum existimationis aut auctoritatis est malignus, in eo quod malignus est, vel malignē agit. Nec enim suspicit superbiam eius, nec pompam eius admiratur, nec fauoribus ab eo etiam delatis vitur, nec indignationem eius veretur. Sicut scriptum est; A verbis viri peccatoris ne timueritis, quia gloria eius stercus & vermis est, Hodie extollitur & cras nō inuenietur, quia conuersus est in terram suam, & cogitatio eius periit. Imo vsque adeo *in conspectu eius adnihilum deductus est malignus*, vt etiam potestas publica, opes iustē acquisitæ, & similia præsens vitæ præsidia & ornamenta, quæ tametsi in malignis omninō contemni non possint, tamen & illa ad nihilum penē in conspectu iusti deducuntur, eo quod eius ordinis bona sint quæ possint esse iustis & malignis communia. Illa enim bona sola iustus, vt docet August. admiranda sibi & amanda ducit quæ iustos faciunt, solisque iustis possunt competere. *timentes autem Dominum glorificat*. i. honore afficit, laudat & celebrat. Ex quo datur intelligi, non sufficere ad ingressum regni cælorum, iustos non contemnere, odio inuidiæ non lacerare, sed oportere eos debita laude & veneratione suo loco & tempore prosequi. Hoc autem insitæ iustitiæ tam præsens est indicium, vt D. Leo inter signa per quæ quis explorare potest, num habeat sibi Spiritum sanctum inhabitatē,

5.

1. Macch. 2.

20 de cim.
cap. 2.

Serm. 5. de
Epiph.

k iij reposue-

Serm. 49.
in Cant.

reposuerit, num delectetur bonis alienis, considerandis scilicet referendis, vel audiendis. Quod ut demus non esse rarum, admodum tamen rarum est, teste D. Bernard. alienæ excellentiæ tanto plus adgaudere quam propriæ, quanto quis se perpenderit ab alio in virtute superari.

Serm. 6. de
ieiunio 10.
mensi.

Qui iurat proximo suo & non decipit. Bene additur *non decipit*, quia iurare per se à regno cælorum, ut quidam voluerunt, non excludit, sed iurare & fallere siue peierare, vel iuramentum in periurium conuertere. *qui pecuniam suam non dedit ad vsuram*, Fœnus enim pecuniæ, inquit Leo, funus est animæ. dicit autem Psalter, *non dedit ad vsuram*, non autem, non accepit ad vsuram, quia ab eo qui paratus est dare ad vsuram, licet in iusta necessitate ad vsuram accipere, eo quod peccatum dantis iam ante præcesserit in proposito aut præparatione voluntatis. *& munera super innocentem non accepit*, ut muneribus corruptus aut occæcatus, innocentem iniquo condemnet iudicio. De qua re & Isaias: *Qui proijcit auaritiam ex calumnia, & excutit manus suas ab omni munere, iste in excelsis habitabit.*

Qui facit hæc, quæ vi delictet hic expressa, & sub generalibus his verbis atque terminis comprehensa sunt, *non commouebitur in æternum*, i. ad eum beatitudinis statum peruenturus est, à quo dimoueri non poterit.

PSALMVS XV.

Tituli inscriptio ipsi David.

BEatus Augustinus quod hic dicitur de titulo, refert ad Titulū crucis Christi. Et recte. In huius enim Psalmi priore parte describitur regnum Christi super Iudæos, per ipsum non autem per sanguinem hircorum aut vitulorū iustificatos, idque postquam experti sunt peccata sua occasione legis multiplicata fuisse. quamquam fatendum sit quædam huius Psalmi etiam ad eos qui ex gētibz iustificati sunt, extendi posse. Posteriore vero psalmi parte facta mētiōe corū Iudæorum qui Christo vsq; ad mortē sunt aduersati, describitur descensus eius ad inferos vna cum eius gloriosa resurrectione & ascensione; ita ut quidam non male psalmum ipsum dicant Christo loco tituli esse. Ut enim Titulus cuiuspiam erigitur in parti decoris atq; victoriæ triumphum, ita psalmo hoc tanquā quodam titulo celebratur triumphus victoriæ Christi & manubiarū quas reportauit à mortuis. Itaque in persona Iudæorum à se iusticatorū orditur Psalmū & loquitur Christus;

Conserua me Domine: in iustitia accepta, quoniam speravi in te. Dicendo, *Quoniam*, insinuat causam accipiendæ à Deo protectionis spem esse, Et iusto ut perseveret, in Domini auxilio confidendum esse. *Qui enim in accepta iustitia eiusque viribus solummodo confidit, deficiet ab ea, sicut dicit Isaias, Deficient pueri, & iuuenes in infirmitate cadent, eo quod in viribus*

ribus iuuentæ suæ spiritualis confisi sint, contra quàm docet Hieronymus, *3. cōt. Pel. cap. 3.*
 Qui autem conseruari sperat à Domino, protegetur ab eo: subiicit enim
 Isaias, Qui autem sperant in Domino mutabunt fortitudinem. i. fortitudine
 sua quam à Domino acceperant per humanam fragilitatem collabascēte,
 aliam Domino restaurante induēt. *Dixi Domino Deus meus es tu, quoniam
 bonorum meorum non eges.* q. d. non imploro tuam opem ac iustitiæ meæ
 conseruationem tui gratia, quasi tu hominum egeas iustitia ac perseueran-
 tia. Deus enim verus ob id etiam solus Dominus est, quia non illi ad suam,
 sed ad nostram vtilitatem salutemque seruimus, inquit Augustinus. Simili-
 ter ad hoc Deus à nobis vult amari, quia id nobis bonum est, vt declarat
 Irenæus. Ad hoc etiam sibi vult sacrificari, vt sacrificij acceptatione homini
 consulat, inquit Augustinus, & occasionem habeat præstandæ homini re-
 muneracionis, ipsumque offerentem honorandi; Quoniam is honoratur,
 cuius munus suscipitur, sicut hæc latius explicat Irenæus: Si autem Deus
 sanctorum iustitia non eger, quid causæ est ergo quod eos sanctificauit?
 Bona voluntas eius, quia voluit eis bene esse, quapropter sequitur:

Sanctis qui sunt in terra eius. i. Iudæa quæ erat terra eius, quia ei vt
 vero Deo debitus cultus in ea à tota gente deferrebat *mirificauit.* i. miras
 fecit, *omnes voluntates meas in eis,* impleuit enim in eis quicquid ego in eis
 impleri volui, idque secundum voluntatē non egestatem meam; nec secun-
 dum merita eorum, inquit Augustinus; ita vt tam beneficæ & gratuitæ Dei
 erga eos voluntatis non mediocri admiratione fuerint commoti: Præsertim
 cum has Christi voluntates viderunt etiam in gentilibus impleri, quos per
 has Christi voluntates Deus ex desperatione, inquit Augustinus, mirabili-
 ter liberauit, concludens omnia in incredulitate, vt omnium misereatur.
 Legunt quidem aliqui codices, *voluntates suas,* sed codices emendatiores.
 & electioris authoritatis (inquit Augustinus) legūt, *voluntates meas,* quod
 tantundem valet, quia ex persona filij dicitur. Eadem enim sunt munera
 Patris, Filij, & Spiritus sancti. Hæc Augustinus.

Multiplata sunt infirmitates eorum. i. peccata eorum. Quæ expositio
 conformis est Apostolo, qui postquā dixisset: Si cū infirmi essemus Chri-
 stus secundum tempus pro nobis mortuus est, postmodum exponens quid
 nomine infirmitatis vellet intelligi, subiunxit. Si cū peccatores essemus &c.
 Cū autē peccata infirmitates appellantur, & peccatores nomine infirmo-
 rum, tum mitissimo vocabulo, sicut contrā, cum peccatores appellantur
 impij & similibus nominibus, tum atrocissimo vocabulo nominantur, vt
 inquit Augustinus, Vel, *Multiplata sunt infirmitates eorum.* i. depre-
 henderunt tandem se ad iusticiam apprehendendam exercendamque omni
 ex parte esse infirmos, & ne quidē sufficientes aliquid cogitare ex ipsis quasi
 ex ipsis.

21. de Tri.
cap. 10.

ex ipsis. *Postea*. i. hæc experti, *accelerauerunt*. i. maiore cum alacritate medicum & adiutorem quæsierunt, inquit Augustinus, vt ubi abundarat delictum, superabundaret & gratia. Itaq; nomine eorum quorum infirmitates hic multiplicatæ dicuntur, conuenientissimè intelligimus Iudæos denotari, ad illos enim subintravit lex vt abundaret delictum; & vt per eam Iudæi de infirmitate propriarum virium conuincerentur. de quibus etiam exponitur versus sequens in hunc modum.

4. *Non congregato conuenticula eorum de sanguinibus*. i. Synagogam quæ comparatione totius orbis exigua erat populi in vnâ formam religionis collectio, & ob id conuenticulum dicitur: hanc inquam, non congregabo in numerum iustorum Ecclesiæ meæ, *de sanguinibus*, illorum sacrificiorum inquit Augustinus, quæ immolabantur in figuram sanguinis Christi. i. de virtute sacrificiorum quæ ab illis carnaliter, siue opinione carnali immolabantur. *neque memor ero nominum eorum per labia mea*. i. postquam erunt in numerum iustorum congregati, non amplius vocabuntur fornicatores, idolis seruientes, molles, adulteri, fures, &c. quæ omnia nomina illis competeabant, cum adhuc multiplicarentur infirmitates eorum. Iam enim de his dicetur, & hæc quidem fuistis, sed abluti estis, sanctificati estis, iustificati estis, in nomine Domini nostri. Rectè autem dicuntur ad hanc gratiam *non congregandi de sanguinibus*, quia sacrificia illa sanguinolenta ex semetipsis, vt tamen arbitrabantur carnales, nunquam poterāt auferre, teste Apostolo, peccata, sed præsignabāt Christum, per quem & per cuius fidē peccata erant auferenda. Secundum hanc ergo expositionem, nemo, ne quidem tempore veteris legis, ad iustorum numerum collectus est *de sanguinibus*. Nemo enim vnquam ea mente cæremonialibus legis vtens, potuit illis adhibitis iustificari. Videtur autem Psalter plus aliquid insinuare, nempe, quod illi qui à Christo eiúsque discipulis forēt è synagoga ad Ecclesiam in iustificationem conuocandi, ad eam conuenturi essent non *de sanguinibus*. i. non mediantibus sacrificijs aut sacramentis veteris legis etiā legitimè siue ex fide vsurpatis, sed quod vsus legalium etiam is qui vsque ad tempus correctionis fuerat legitimus, per Christum esset abolendus, & in vsum nouorum Sacramentorum, per quæ in vnâ Religionis formam colligarētur tam Iudæi quàm Gentiles, commutandus. Sed nec prætereundum est, quod de his dicitur *non congregabo*, quia cum congregari pecudum sit, qui in numerum iustorum ingrediuntur non dicuntur in eum congregandi, quia per iustificationem desinunt esse pecora, & ex numero illorum de quibus dictum est, vt iumentum factus sum apud te. Et quia pecora solummodo appetunt terrena, & Iudæi per iustificationē desinent terrena inordinatè appetere, ideo etiam subiicit Christus qui in hoc Psalmo loquitur:

Domini-

Dominus pars hereditatis meae. quasi in illorum persona diceret. Cum adhuc seruiremus Deo de sanguinibus. i. essemus filij synagogæ, pars nostra pecudum more erant bona temporalia, propter quæ assequenda vel non amittenda vni vero Deo cultum illum sanguinolentum prius deferebamus, at nunc, ad Ecclesiam conuocati, & spirituales hominem induti dicimus, *Dominus pars hereditatis meae & calicis mei.* i. Dominus est pars hereditaria mea, (sic enim legit Athanasius) & calicis. i. retributionis, (per [calicē] enim retributionem significari iam ante diximus) Vel, Dominus est calix meus, vt idem legit, seu retributio mea quam specto, ita vt iam mihi voto, iure, atque spe dicendum sit cum Ieremia, Pars mea Dominus dixit anima mea propterea expectabo eum, nec aliam laboribus meis mercedem expectam quam Dominum. In quibus verbis cum dicitur *Dominus* iustis esse *pars hereditatis*, & *calix* seu merces eorum, quid aliud insinuat, quam quod Dominus à sanctis expectatur, & vt hereditas à Christo omnibus suis membris gratis comparata, & tanquam merces bonis eorū in Spiritu sancto operibus debita? vt docuit Concil. Trident. Quam hereditatem & calicem secundum spem sibi partam, (sunt enim iusti in hac vita secundum spem heredes vitæ æternæ) quandoquidem reipsa nondum adierunt, ideo in persona eorum per spe plenam vocem subiungit Christus, *Tu es qui restitues hereditatem meam mihi*, i. tu Domine per tuam opem atque protectionem hanc hereditatem mihi in membris meis perseverantia donatis reipsa aliquando exhibebis atque trades. Scio enim cui credidi & certus sum quia potens es depositum meum seruare in illum diem. Quia tamen hoc dicendo Christus utitur verbo [*restitues*,] per id oblique insinuat hereditatem hanc seu potius rem hereditariam hanc, ab ipsis aliquando, in primo parente, perditam fuisse, sed à Christo illis fuisse recuperatam. Hæc ergo sunt, quæ Deus secundum voluntatē suam & Christi sui mirificauit in sanctis qui sunt in terra eius. Sed ne quis arbitraretur harum mirificarum voluntatum effectus initium aliquod ex homine habuisse, subiungit Christus in persona eorum & dicit:

Funes ceciderunt mihi in præclaris. Terra promissionis populo Israelitico & funiculis dimēsa & sorte distributa est; facta enim regionū mensuratione, sors missa est, quænam regio cui tribui cederet. Ideo dicitur Psalmo 77. Sorte diuisit eis terram in funiculo distributionis. Qua vtraque re significabatur quod in nouo testamento Spiritus sanctus mēsuras donorum suorum varias ac definitas institueret, easque pro sua voluntate in quos vellet quasi occulta sorte diffunderet. Quia itaque in Palæstina fortitione etiam funiculi in vsu fuerunt, ideo per funes ipsæ sortes in Scripturis sanctis iuxta Gregorium significantur, dicit itaq; Christus, *Funes ceciderunt mihi*

in præ-

Ser. de pas.
et glos. ord.

Ibren. 3.

seß 6. cap.
16.
Tium 3.

6.

31. Moral.
cap. 12.

in præclaris, q. d. vt istæ voluntates meæ in hominibus implerentur, præclara gratiæ vnctio in eos cælitus quasi sortito delapsa est, nec habuit id initiū ab eorum merito aut præuia voluntate; Et ob id dicuntur in scripturis sacris forte vocati, dignique à Deo facti in partem fortis sanctorum in lumine. Quod autem illapsus diuinæ gratiæ per sortem significetur, paucis docet Ambrosius, Sicut, inquit, fortis euentus non est in nostra potestate, sed quem casus attulerit, sit gratia Domini, non ex mercedis merito, sed Domini voluntate defertur. Hæc tamen verba Christo etiam pro sua persona secundum humanam naturam competunt, cui *funes ceciderunt in præclaris*, imò præclarissimis, (nam pro eo quod nos legimus *in præclaris*, quidam legunt *in optimis*,) quando humana natura de Spiritu sancto in ipsa conceptione sine vllo præuio humanæ voluntatis voto conatu vel opere in filium Dei à Verbo assumpta est. & per id omni ac perpetua gratiæ plenitudine delibuta. *Etenim hæreditas mea præclara est mihi*, q. d. Res hæc hæreditaria atque adeò hæreditas ipsa semper quidem præclara est, nunc autem & mihi præclara facta est, quia cum eam prius, quando vt iumentum factus eram apud Deum, fastidirem, nunc eius præstantiam intelligere cœpi, eamque pro dignitate colere ac æstimare. Quod certè Christiani ex Iudæis re ipsa declarauerunt, qui cum prius Palæstinam ipsam hæreditatis loco dicerent, postquam Dominum in partem hæreditariam receperunt, tanti hanc fecerunt, vt omnem priorem hæreditatem contemnentes, eam ad pedes Apostolorum proiecerint. Et quia hoc de hac hæreditate iudicium, & hunc affectum à semetipsis non habuerunt, sed diuino munere, ideo subiiciunt.

De exhort.
virg.

8. *Benedicam Dominum qui tribuit mihi intellectum*, i. qui fecit me tam bonam intelligentiam cum pari amore coniunctam de hæreditate mea habere. Et hæcenus quidē de his. In sequentibus verò huius Psalmi loquitur Christus in persona propria, & exordium sumens ab illis qui in Iudæa Christo aduersati sunt, dicit *Insuper*, q. d. nihil obstante eo quod tam multi ex Iudæa ad me conuersi sunt. *Vsq̃ ad noctem increpauerunt me renes mei*, i. Iudæi qui dicuntur *Renes mei*, quia sunt cognati mei secundum carnem ex iisdem renibus seu lumbis proauorum Abraham, Isaac & Iacob mecum progeniti. Hi *increpauerunt me*, i. iurgati sunt, vt ait Ieremias, seu asperè oblocuti sunt, in faciem mihi restiterunt, *vsque ad noctem*, i. mortem meam. Quod satis manifestum est ex Euangelio, Idque prædixit Isaias; Faciem meam non auerti ab increpantibus in me. Et Apostolus, Recogitate illum qui talem sustinuit aduersus semetipsum contradictionem. Quid verò ad hæc Christus?

Ihren. 4

9. *Prouidebam Dominum in conspectu meo semper*, i. inter increpantium maledicta Deum patrem eiusque æternam veritatem & iustitiam mihi iugiter præ

ter præ oculis habebam, quia Christus oculos humanæ suæ mentis in diuinitatem immobiliter defixos habens, in ea *semper*, i. sine vlla intermissione prouidebat omnia quæ sibi erga contradictores ac vim inferentes agenda erant eisq; dicenda. Hoc autē sic fuit Christo propriū, vt tamē nobis proponatur in exemplum: vt & nos ante omne verbum, ante omnē actum, quantum fieri potest, oculos attollamus ad Deum aut Dei verbum. De qua re pulchrè Ambrosius: Præfer tibi lucernam verbum Dei, nulli credas tuum nisi præeunte lucernæ istius luce processum. Sed si lucerna tibi longius sit, sit ergo fides tibi itineris tui præuia, &c. *Quoniam à dextris est mihi.* Hoc intelligi debet dici de Christo secundum humanam naturam. Cui Dominus est *à dextris* quasi ad manum, eandem humanitatem, tanquam templum & instrumentum coniunctum, bonis quæ in dextera eius esse dicuntur, i. optimis & spiritualibus ordinaria suppositi lege indefinenter replens ac dirigens. Qui enim à Deo dirigitur potest dicere, *A dextris est mihi*, inquit Ambros. Lex autem vniuscuiusque suppositi est, vt omnium eorum quæ in vnum cōueniunt suppositum, ei quod principalius est cetera, inquit D. Tho. instrumentaliter deferuiant. Vt autem instrumentaliter deferuiant opus habēt virtute principalis, lege ergo suppositi participauit Christus influxum suæ diuinitatis. Addit autem Christus. *ne commouear.* Si enim Deus humanam Christi naturam à supposito Verbi (quod per rerum naturam non erat impossibile) separasset, ipsamque humanam naturam, sibi reliquisset, fuisset humanitas illa infirma & mobilis more ceterarum: Deo autem humanam naturam in diuino supposito conseruāte, impossibile erat Christum, vt loquuntur Patres, per peccatum commoueri. Impossibile dico, & per conuenientiam, & per suppositi illius legem, quia cum tam mens Christi quam eius corpus fuerit non nisi instrumentum Verbi, necesse fuit & mentem Christi influxu suæ diuinitatis repleri, & ob id non posse peccare. Ex eo autem quod dicit: *Ne commouear.* satis manifestum euadit quod verba, *A dextris est mihi* intelligenda sint de Christo secundum humanitatem. Tamen si enim, secundum Athanasium, Pater rectè dicatur esse à dextris Filij secundum diuinitatem, secundum eandem tamen non rectè dicetur filio à dextris esse ne commoueat, quia natura diuina mobilis aut fragilis non est.

Orat. 2. cō.
Arrianos.

Propter hoc quia scilicet prouidebam Dominum in conspectu meo semper, *latatum est cor meum*, etiam in passione cum summam sustinerem contradictionem, *exultauit lingua mea*, in gratiarum actione, quam exponit Psalmus 21. vniuersum semen Iacob glorificate eum, quia non auertit faciem suam à me. *Insuper*, i. præter hanc cordis mei & linguæ meæ exultationem, quia Dominus est à dextris mihi, *caro mea requiescet* in sepulchro. *vbi bene requiescere* dicitur, quia ab omni exagitatione atque contumelia,

l ij

quam

quam corpora aliorum martyrum etiam post mortem sustinuerunt, caro Christi immunis fuit, honestissimo sepulchro tumulata. *in spe* citò affuturæ resurrectionis. Quam spem caro Christi dicitur habuisse, cum tamen sperandi sensum non habuerit, quia velox resurrectio Dei proposito decreta eam manebat. Causam verò huius celeriter affuturæ resurrectionis subdens ait:

10. *Quoniam non derelinques animam meam in inferno, nec dabis sanctum tuum videre corruptionem.* Cuius versiculi prius membrum de anima Christi intelligendum est, quæ tametsi secundum Apostolicæ doctrinæ prædicationem ad inferos descenderit, non est tamen ibi derelicta, inquit Augu-

Epist. 57. stinus, vnde tam cito remeavit. Posterius vero membrum de corpore Christi intelligitur, quod in sepulchro corrumpi, inquit idem, celeri resurrectione non potuit. Dat tamē Athanasius huius versiculi alium sensum virtute Do-

Tract. de salut. adu. verb. minicæ incarnationis magis dignum, qui est iste. *Caro mea requiescet in spe*, resurrectionis sibi necessariò obuenturæ. Idque quoniam *non derelinques animam meam in inferno*. i. diuinitatem meam non separabis ab anima mea, etiam vbi illa à corpore per mortem separata descenderit in infernum.

nec dabis sanctum tuum. i. filium tuum per vnionem hypostaticam carnem suam quantumuis mortuam inhabitantem, secundum eandem *videre corruptionem*. i. nō permittes, vt caro illa mortua corrumpatur vel putrescat, vitæ enim est sacrariū. Quæ Athanasij expositio coincidit cum eo quod Petrus in Actis dicit, Impossibile erat Christum in inferni doloribus seu morte detineri. Ob hoc enim quod in anima & carne Christi singulariter erat verbū

Ath. 2. de cælo descendens, sub imperio mortis detineri nequiuit, inquit Athanas. Serm. 2. cō. Arrian. 11.

Notas mihi fecisti vias vitæ, Quia Christus primitiæ dormientium, primus per experientiam cognouit resurrectionem ex mortuis ad immortalitatem, Via enim à mortuis redeundi ad immortalitatē quæ est resurrectio, ante Christum nullius adhuc resurgentis erat temerata vestigio, inquit Ambrosius: At postquam à mortuis Christus resurrexit, solo est attrita plurimorum. Et vtique quod dicit *notas fecisti*, de notitia experientiæ interpretamur. De qua notitia Apostolus dicit Christum non nouisse peccatum. Et ad Hebræos dicit Christum didicisse obedientiā, vt testantur Augu-

Serm. 74. 2. Cor. 5. Aug. 1. cōt. aduer. legis et Pr. c. 14. Cyrill. libr. post. de re. fide ad Reginas. stinus, & Cyrillus. Sicut enim Christus peccatum & obedientiam semper nouerat per sapientiam: ita per eandem nouerat vias vitæ resurrectionisque rationem, Resurgenti autem Christo eadem notæ factæ sunt per experientiam. *adimplebis me lætitia cum vultu tuo*. i. superabundanti gaudio me replebis, vbi post resurrectionem corpus meum prius mortuum ad conspectum vultus tui introduxero, & in gloriæ tuæ dextera collocauero. De quo gaudio bene dicitur *adimplebis*, hoc enim verbum plenitudinis quandam superabundantiam importat, quam Christus, Dei essentiam cum sum-

ma me-

ma mentis suæ lætitia ab initio suæ conceptionis contemplatus, in ascensione sua demum est assecutus, quia in ea gloriam quæ debebatur humanæ naturæ ratione diuinæ personæ, & ex meritis, in corpus suum atque ad eam totam humanitatem deriuauit, cum quadam beatitudinis extensione & plenitudine lætitiæ, qua gaudet anima de sui corporis & nominis glorificatione. In hac significatione vocabulum *adimplebis* pulchrè vrget Bernardus: *Ser. de obe. pat. & sap. qui est inter varios.* Quod enim de corporum, inquit, reformatione, & conformatione corporis claritatis Christi expectamus, ex abundanti quodammodo & mensuræ supereffluentia erit, vt in corporis glorificatione feliciter quidem, sed non principaliter gaudeamus. Potest tamen & hic esse sensus, *adimplebis me lætitia cum vultu tuo*, in die videlicet ascensionis meæ, quando animas Sanctorum ex inferno superiore à me educas, ad præsentiam tui vultus perduxero. Tum enim Christus gaudio adimpletur, qui, vt inquit Apostolus, *Ephes. 1.* Omnia in omnibus adimpletur, quia gaudium sponsi ex beatitudine suæ sponsæ, lætitia filij ex salute suæ hæreditatis, cumulatur: De qua re Isaias; Gaudebit sponsus super sponsam, & gaudebit super te Deus tuus. *Delectationes in dextera tua.* q. d. Tametsi gaudium nemini hominum plenum sit nisi in præsentia vultus tui, non tamen sine delectatione sunt, qui per fidem & pietatem ad vultus tui præsentiam tendunt, quia *delectationes sunt in dextera tua usque in finem.* i. in manu tua habes munera ac Spiritus sancti charismata, per quæ interfusa iucunditate recreas & solaris huius vitæ labores & ærumnas, idque *usque in finem*, ita vt nulla ætate, nulla rerum mutatione aut tentationum mole delectationes dextere tuæ dolores nostros mitigantes, desint. Inter quas delectationes recenset Augustinus, fauorem & beneuolentiæ Dei erga electos. Incredibili enim voluptate perfunditur, qui diuinæ beneuolentiæ circa se studia experitur. Sunt & aliæ *delectationes* ex Dei dextera promanantes, Inter quas non minima est, quæ oritur ex contemplatione verbi incarnati, in quo sunt thesauri sapientiæ & scientiæ absconditi. Hoc enim Verbum cum anima duabus hauserit affectionibus, inquit Ambrosius, incredibiliter exæstuat, exclamans, Suauis es Domine. *Epist. 11.* Denique cum anima Spiritu Domini adiuta, sapore bonæ conscientiæ, charitatis, humilitatis aut cuiusvis castæ virtutis delectatur, tum vt docet Bern. *Serm. 5. de Quadrag.* delectatur in Domino, & percipit delectationes quæ sunt in dextera Dei.

Aug in bñc locum.

Epist. 11.

Serm. 5. de Quadrag.

PSALMV S. XVI.

Oratio David.



IC Psalmus orationem continet, estque quædam exemplaris forma omnium orationum, quia ex hoc Psalmo colligere possumus quæ animi sinceritate orandum sit, qua voce, qua instantia, denique

l iij quid

quid orandum sit & similia. Dicit itaque Psaltes,

1. *Exaudi Domine iustitiam meam.* Vox qua deus inuocatur, triplex est prima est vox Christianæ iustitiæ, bonorumque operum, de qua dicebat Dominus ad Moysen, nullum in oratione oris sonum edentem, quid clamas ad me? clamabat enim iustitiæ & operum bonorum meritis, diuinæque dilectionis magnitudine, iuxta Ambrosium. Hunc clamorem exaudiri petit Psaltes, cum dicit: *Exaudi Domine iustitiam meam.* Iustitia enim orantis, ut oratio sit fructuosa, tantum ad eam momenti adfert, ut dicat Cyprianus, deprecationes solas ad impetrandum parum valere, nisi factorum & operum accessione farciantur. Et de oratione Dominica. Cito ad Deum orationes ascendunt, quas ad Deum merita nostri operis imponunt. De qua re & Tertullianus; Hæc vox orationem impinguat atque perficit. Alia orationis vox est feruor desiderij; cum nimirum in oratione feruens orantis votum aures diuinæ pulsat benignitatis. De qua voce Psal. 9. Desiderium pauperum exaudiuit Dominus. Hæc vox orationi propria est, & quasi essentialis. Orare enim est votum atque desiderium suum Deo exponere; Quæ si oranti sola adfuerit, ad impetrandum non est omnino inutilis, sed, ut mox ex Cypriano dictum est, parum valet. De hac voce dicit particula sequens, *intende deprecationem meam*, pio videlicet desiderio flagrantem. Tertia orantis vox est, prolatio verborum in oratione, cum videlicet aures Dei pulsat oratio vocalis, non tam orantis iustitia, aut desiderio suffulta, quam cum bona, quamuis arida, precandi intentione oretenus prolata. In qua orationis voce, intentio orandi est orationi intrinseca, ipsa vero orationis formula eidem adhibetur ad hoc, ut verborum & externæ vocis adminiculo, internum orantis desiderium accendatur & excitetur, vel saltem id quod mente non valeamus, pia verborum formula Deo exponamus. De hac ergo voce dicit Psaltes consequenter:
2. *Auribus percipe orationem meam.* Quod enim auribus percipi orationi vocali congruat in Psalmum 5. diximus. Itaque hoc loco Psaltes tria hæc membra coniungens, triplici voce in unica oratione Dominum orandum esse, vel inuocari posse, significat. *non in labijs dolosis.* i. auribus percipe illam orationem, quæ etsi labijs potius, quam affectione cordis profertur, non tamen profertur labijs dolosis. i. fallacibus. Tum autem labijs dolosis oratur cum oratur sine intentionis aut desiderij sinceritate. Quod in primis illi faciunt, qui in oratione multiloquio utuntur, putantes se iuxta verbum Christi, ob multiloquium exaudiendos esse; cum Dominus in Oratione, non verborum tumultum, sed orantis instantiam, votum, aut saltem intentionem scrutetur. De qualibus labijs dicit Dominus per Esaiam, Populus hic labijs me honorat, cor autem eorum longe est à me. Qua Domini
- senten-

sententia illi feriuntur, qui cum multas præclaras orationum formulas crepant, non curant tamen iniquitates suas, aut odisse, aut corrigere, vel veram iustitiam apprehendere, sed omnia orationum cetera id videntur intendere, ut Deus, (quemadmodum de quorundam elemosynis notat Augustinus) in orationum earum gratiam, permittat eos peccare impunè, velitque Deus in iniquitatibus eorum, atque pietatis, quo laborant, fastidio iustitiæque languore quodammodo dispensare. Orant quoque labijs doloſis hypocritæ, qui orationū suarū ostentatione pietatis & innocentie existimationē aucupantur, cum tamen pietate & innocentia nihil minus studeant habere. Denique & illi, qui orationes publicas celebrant solius lucri causa; impetrare autē iustitiam ijs pro quibus orant, ne semel quidem cogitant, de quolibet dicit Dominus: Qui deuorant domos viduarū, simulantes longas orationes. fallunt enim hi & semetipsos, & fraudant eos quibus sunt à precibus.

Ench. ca. 7.

Et 21. de

Ciu. ca. 27

De vultu tuo iudicium meum prodeat, i. iudicium quod ego de me habeo, cum probabili arbitrio iudicans me iustum esse, dixi: *exaudi iustitiā meam*, tu calculo tuo iudicioque aliquo à te prodeunte approba. Approbabis autem, si orantem exaudieris, sic enim declarabis me gratum esse in conspectu tuo, aures enim tuæ in preces timentium te, atque voluntatem timentium te facies. Huius orationis exemplum habemus in Elia, qui petiuit exauditione precum suarum declarari populo, se esse seruum Dei, quod cum fieret, prodiiuit tum iudicium Eliæ de vultu Domini. *Oculi tui videant æquitates*. i. exaudiant, adiuuent preces in æquitatē fundatas. Post hoc exponit Psalter Deo argumenta, ex quibus supra dictum de se suaque iustitia iudicium conceperit & dicit.

3.

3. Reg. 18.

Probasti. i. explorasti tentatione, *cor meum*, tentat enim Deus, ut probet. *Et visitasti nocte*. i. noctis silentio, cum ob quietem interiorū & exteriorum sensuum tranquilla sunt omnia, & à perturbationibus libera, quasi visitationem circa me instituiſti implēs erga me illud Eliu, Per somnium in visione nocturna, quando irruit sopor super homines & dormiunt in lectulo, tunc aperit aures virorum & erudiēs eos instruit disciplina, ut auertat hominem ab his quæ fecit, & liberet eum à superbia, & quæ sequuntur. Significat ergo his verbis quod Dominus cor eius frequenter & præsertim in noctis silentio, de quo ex Ambrosio in psal. 4. diximus, arguendo emendauerit. *Ignem*, i. tribulationem, quæ ut ignis afflixit & pluribus, inter quos primus est D. Laurētius, igne iniusta est. *me examinasti*, ut tribulatio infallibiliter exploraret, nū rectitudo cordis mei, quā in me operatus esse credebaris, solida esset ac sincera. Et rectè: Sicut enim vasa figuli probat fornax, ita homines iustos tentatio tribulationis, inquit Sapiēs: Idque, quia, ut docet Augustinus, nunquā efficacius discitur utrū homo rem aliquam diligat, nisi cum ea carēdum est.

4.

Iob 33.

Eccles. 27.

Lib. 11. cōf.

Et quia

Et quia tribulatio, opes, honores, corporis incolumitatem, animique quietem aufert vel auferre conatur, ideo in tribulatione certissimè discitur, quo affectu homo erga ea quæ tribulatio abripit, prius tenebatur, quantumque in eo præstet amor Dei amore sui aut sæculi. *Non est inuenta in me iniquitas.* i. tribulatione exploratus, non sum inuentus, aut id quod amandum non est, diligere, aut ei quod moderatè & ordinatè diligi potest, amore immodico vel præpostero inhærere.

2. *Vt non loquatur.* q. d. hoc fructu probasti, visitaſti cor meum, igneque me examinaſti. *Vt non loquatur os meum opera hominum.* i. vt conſilia, mandata, iudicia quæ proſero, non proficiſcantur ex adinuentio nibus, quas in officina humani cordis fabricant humanæ cupiditates, ſed ſint ſincera & à falſitate libera. vt enim talia ſint, opus eſt cordis ſinceritate, quia niſi cor hominis à cupiditatibus fuerit emundatum, non facile poterit os eius ea loqui, quæ ad veram prudentiam pertinent. Eo enim caſu loquetur ea quæ pertinent ad prudentiam carnis. Amor enim ſui iudicium rectum in particulari peruertit, vt bene docet D. Thomas, Quod non ignorâtes Philoſophi, docuerunt prudentiam ſine virtutibus moralibus, per quas affectus hominum mundantur, haberi non poſſe. Vel ſic, *vt non loquatur os meum opera hominum.* i. hoc fructu cor meum probaſti. vt os meum non approbet laudando vel diſſimulando aut aſſentando, opera hominum, quæ homines comminiſcuntur, ſed non vt lex tua. Quin potius. *Propter verba labiorum tuorum.* i. vt defenderem, docerem, atque hominum conuerſationem præcipiendo vel præeundo dirigerem, aut corripiendo reuocarem ad verba labiorum tuorum. i. ad tenendam obſeruandamque veritatem, quam tu ipſe labijs filij tui in Euangelio, labijsque ſanctorum tuorum per ſcripturas ſacras prædicaſti; *ego cuſtodiui vias duras.* i. aſpera multa, atque ardua cum longanimitate toleraui. Ob quæ arbitror etiam Eliæo duplicem ſpiritum poſtulantem Eliâ dixiſſe: Rem difficilem poſtulaſti, quia ſi ſecundum legem & ſinceritatē ſpiritus prout oportebat ambulare vellet, multa dura difficilia & aſpera erant ei à carnalibus hominibus toleranda. Non ignorans autem Pſaltes, non eſſe in ſolius hominis quantumuis fortis poteſtate, in vijs Domini præſertim duris illis perſeuerare, orationem ſubiicit dicens,

3. *Perſice grefſus meos in ſemitis tuis.* i. perſeuerare me fac in ceptis iuſtitie & fortitudinis operibus. Licet enim perfeccio ſummum ſubinde iuſtitie gradum ſignificet, ſicut ad Philipp. non quod iam acceperim aut iam perfectus ſim. i. non quod iam ad ſummum gradum iuſtitie peruenerim: & licet alias ſignificet ſummū gradum innocentie ſicuti Iaco. 2. Qui in verbo non offendit, hic perfectus eſt vir. i. ſummo innocentie gradu præditus: Hoc tamen loco Pſaltes orans, *Perſice grefſus meos*, perpetuitatem ceptæ virtutis

virtutis implorat. Sicut etiam quod dicitur, patientia opus perfectum habere, non de virtutis summa excellentia, sed de virtutis perseverantia intelligit Cyprianus, eo quod sine praesidijs patientiae, nulla virtus perficiatur, siue, in virtute non perseveretur, Tolle enim, inquit, charitati patientiam, & desolata non durat. Et hunc loci huius sensum esse, confirmat quod sequitur, *ut non moueantur vestigia mea*. q. d. perfectionem illam tribue, quae faciat ut non mouear a cepto virtutis itinere. hoc autem facit donum perseverantiae. Quo tamē munere Psaltes, praesens insatiabili iustitiae fame, non contentus, pro iustitiae incremento orationem subiungit, ad quam se praeparans dicit,

Lib. de bono patient.

Ego clamaui. i. ulterius ad te clamandi fiduciam concepi, *quoniam exaudisti me Deus*. i. quoniam prius aliquando à te, inquit Gregorius, me exauditum esse percepi. Augustinus autem hunc dat sensum, *Ego clamaui quoniam exaudisti me*. i. quod exaudisti me, id signū est atq; indicium, me clamasse ad te. Sed expositio Gregorij magis cōuenit proposito, sequitur enim, *inclina aurem tuam mihi & exaudi verba mea*. q. d. ex eo quod à te subinde exauditus sum, fiduciam iterū orandi cōcepi, Inclina itaq; ad me aurē tuam. Quae oratio humilitatis est. Timēs enim iustus ne oratio eius non tantū habeat virtutis & meriti, ut possit ad diuinā maiestatis aures penetrare, orat, ut *Deus aurem suam inclinet*. i. inquit Ambrosius, ut Deus benignē condescendat infirmitati orantis, quo eius oratio ad Deum possit ascendere.

De obitu Theodo.

Mirifica misericordias tuas qui saluos facis sperantes in te. i. manifesta te in misericordia non solum suauem, sed etiam mirabilem esse, & supra consuetum miserendi modum, quēdā mirabiliter praestare. Cuiusmodi misericordiam etiam Daniel petebat cū diceret, Erue nos in mirabilibus tuis.

A resistentibus dexterae tuae. i. inimicis fidei atque iustitiae, quas operatur dextera tua. *custodi me ut pupillam oculi*. i. tam sollicita & tuta custodia protectionis tuae, inquit Ambrosius, quam pupillam oculi tutissimo quodam naturae vallo munire dignatus es. Quod ob hanc causam fecisti, quia si pupilla oculi laeditur, unico illo vulnere totius corporis lumen amittitur. Ob eandem itaque causam, *custodi me ut pupillam oculi*. i. ab omni peccati mortalis vulnere, quia vel vno lathali vulnere ab inimicis accepto, vita animae & totius vitae innocentia & integritas occiditur. Qui enim semel sic lapsus est, etsi post lapsum iustitiam denuo acquisierit, totius tamen vitae innocentiam & integritatem irreparabiliter perdidit. ita ut hac de re scriptum esse videatur, Deus mundans non faciet innocentem, qui enim à lapsu indulgentiam consecutus est, reus est propriae conscientiae, inquit Hieronymus, quia conscius sibi manet transacti peccati.

Nabum r.
Hic. 1. adu.
Pelag. c. 11

Sub umbra alarum tuarum. i. occulta virtute aut prouidentia protectionis tuae,

nis tue, *protege me à facie impiorum, qui me afflixerunt*, ne ad impietatem eorum importunitate seducar.

11. *Inimici mei.* Quæ ab hoc loco vsque in finem à Psalte dicuntur, videntur præcipue personæ Christi competere, Qui dicit, *Inimici mei animam meam circumdederunt*, vndique quærentes occasionem auferendæ mihi vitæ, *adipem suum concluderunt*. Sicut Adeps cum in bonum sumitur abundantiam iustitiæ, ita cum in malum sumitur animæ vberem malignitatem importat. hunc itaque *adipem concluderunt*, quia à cordibus omnem repellere student admonitionem vel correptionem, quæ iniquitatem illam corrigat vel diminuat. *Os eorum locutum est superbiam*, quia cum irrisione spreuerunt consilium Dei & iustitiam eius.

12. *Projicientes me* extra vineam seu extra ciuitatem Ierusalem, *nunc circumdederunt me*, cum circa crucem Domini sedentes seruabant Christum, *oculos suos statuerunt declinare in terram*, quia cum Senioribus, qui Susannam violare & occidere cogitabant, ex proposito auerterunt oculos suos, ne viderent cælum, neque recordarentur iudiciorum iustorum.

13. *Susceperunt me*, cum à Pilato voluntati eorum traderer, *sicut leo paratus ad prædā*. i. sauo & feroci animo quem iamdiu ante conceperant & aluerant, & *sicut catulus Leonis habitans in abditis*, quia Iudæi à minimo, qui per Catulos Leonum significatur, vsque ad maximum crudeli animo ad deuorandum Christum parati fuerunt.

14. *Exurge Domine præueni eum.* populum scilicet ferocem morti meæ inhiantem. hoc autē fecit Deus, cum Christum adhuc paruulum in Ægyptum deferri mandauit, tum enim Herodis gladium ne Christum interimere præuenit, & *supplanta eum*. i. decipe eum. quod fecit Deus, cum permissa Iudæis potestate occidendi Christum, eos tali permissione decepit, quia per mortem Christi, gloriam eius quam sic extinctam iri cogitabant, magis illustrauit. *Eripe animam meam*. i. vitam meam corporalem, *ab impio*, vt non diu permaneant in morte, quam ei impij intulerunt. *frameam tuam*. i. animam meam, quæ framea tua tuusve gladius est, cuius ministerio (posuisti enim os meum vt gladium acutum) multos salubri compunctionis vulnerare sauciasti, *ab inimicis manus tuæ*, supple eripe, vt per eos, qui operibus iustificationum tuarum aduersantur, framea tua hæc ab officio suo non impediatur. Quæ oratio etiam conuenienter funditur pro liberatione eorum, qui cum saluti hominum procurandæ sint idonei, ab inimicis iustitiæ in vinculis, aut latebris, aut silentio detinentur, ne ministeria salutis exerceant.

15. *Domine à paucis*. i. electorum, qui pauci sunt, numero, *de terra*, viuentium scilicet, quæ in hoc sæculo est Ecclesia Dei viui, *diuide eos*. i. separa Iudæos, *in vita eorum*, vt pro meritis suis, etiam dum hic viuunt, videantur à te

à te esse deserti & abiecti. Prædicat enim his verbis Christus iustum Dei iudicium, quod Iudæis ob Christum occisum obuenit, *de absconditis tuis iudicijs* scilicet, *adimpletus est venter eorum*, quia occulto Dei iudicio traditi sunt in desideria cordis eorum, ut sicut desiderauerāt, impleant inquit Apostolus, peccata sua semper, & nescierunt illam peccandi libertatem ex 1. Thess. 2. occulta Dei ira, quæ peruenit super eos, iuxta eundem Apostolum, prouenire, & ad magnam eorum miseriam pertinere.

Saturati sunt filijs. i. inquit Augustinus, malis operibus pro suis desiderijs ad satietatem usque operam dederunt, & *dimiserunt reliquias suas paruulis suis*, quia nequitiam, quam ipsi morte superueniente relinquere coacti sunt, paruulis suis qui à teneris annis nequitiam patrum imbiberunt, velut hæreditaria traditione proseguenda dimiserunt. Aut *reliquias suas* i. pœnas & supplicia sua in posteros transmiserunt, dixerunt enim: Sanguis eius super nos & super filios nostros.

Ego autem. Competit hæc vox Christo in persona fidelium suorum, qui dicunt: *Ego autem in iustitia apparebo conspectui tuo.* q. d. hoc mihi curæ est & solatio inter omnes præsentis vitæ aduersitates & contradictiones, ut coram oculis tuis aliquando in iustitia apparere, atque ab ipsdem iustus iudicari valeam, qui in oculis aduersariorum meorum in hac vita reprobos esse videor. *satiabor.* i. saturitatem animæ, quam impij in hac vita præproperè præripiunt, ego in illud tempus cum patientia differo, *cum apparuerit gloria tua.* i. manifestata mihi fuerit essentia tua. Eius enim manifestatio, & indefessum sui desiderium, & ipsius desiderij plenissimā adfert saturitatem.

PSALMVS XVII.

In finem puero Domini Dauid, qui locutus est Domino verba cantici huius, in die qua eripuit eum Dominus de manu omnium inimicorum eius & de manu Saul, & dixit.

Scribitur hic Psalmus, ut testatur Hieronymus, Christo, qui est de semine Dauid, qui propter animi innocentiam, humilitatem, atque obediendi promptitudinē puer frequētius dicitur, ut apud Esaiam: Ecce puer meus suscipiam eum. *In die qua liberauit eum Dominus de manu omnium inimicorum suorum*, clamantium inquit Hieronymus, crucifige, crucifige, & *de manu Saul.* i. Mortis inquit Augustinus, quæ reliquis omnibus inimicis postponitur, quia nouissima omnium inimica destruetur mors, Vel, *de manu Saul.* i. inferni inquit Hieron. quando videlicet Christi anima ex morte & inferis resurrexit. Ut ut est, in hoc Psalmo Christus loquens introducit & gratias agit Deo Patri, subinde in persona capitis, pro gratia vnionis qua verbum caro factum est, & deuicta morte glorificatum, &

m ij pro

Præfat. in
li 17. tom.
in Esaiam.

cap 44.

Præfat. in
psal. 52.

pro victoria quam ipse consecutus est, subiectis sibi per veram religionem multis infidelibus, idque non obstantibus Iudæorum contradictionibus. Subinde vero transfigurat Christus in se personam sui corporis, quod est Ecclesia, atque in se præscribens Ecclesiæ, quæ gratiarum actiones pro sui sanctificatione Deo sibi offerendæ sint, in ecclesiæ nomine gratias agit pro beneficijs, per quæ ipsa à morte peccati & faucibus inferni erepta est, dicitq;.

1. *Diligam te Domine.* i. diligendus mihi es Domine. Dilectio enim est, quam Dominus pro suis vniuersis beneficijs à nobis requirit, Ideo enumeratis quã plurimis beneficijs populo Israelitico à Deo exhibitis, dicit Moyses: Et nunc Israel quid Dominus Deus tuus petit à te, nisi vt timeas Dominum Deum tuum, & diligas eum? *Fortitudo mea.* i. cuius gratia & adiutorio fortis sum & ad virtutum opera validus. Causam vero huius vicissitudinis, qua Deo dilectionem retribuit, subiiciens, enumerat in principio primaria & generalia Dei erga humani generis salutem beneficia dicens, *Dominus firmamentum meum*, quia per prædestinationem secundum suum propositum firmissimum iustificationis atque perseverantiæ nostræ fundamentum, seipsum præbuit, & *refugium meum*, quia facit me ad se confugere. Bene autem tum hîc tum Psal. 70. refugium firmamento postponitur, nisi enim in Deo præcederet. propositum hominem vocandi atque ad se cõuertendi, & nisi Deus hominem per gratiam secundum propositum præueniret, nunquam homo à lapsu ad Deum refugeret vel se conuerteret, & *liberator meus* à malis paulo post enumerandis.
2. *Deus meus adiutor meus*, adiuuans me in bonis, & *sperabo in eum*. Experientia enim accepti auxilij spem hominis corroborat, & excitat ad maiora & vltiora auxilia speranda.
3. *Protektor meus* contra mala, & *cornu salutis meæ.* i. propugnator, multos inimicorum insultus priusquam me impetant, à me auertens. Significatur enim his duobus membris, duplex diuinæ protectionis genus. Alterum, dum Deus auxilio suæ gratiæ protegendo eos corroborat qui oppugnantur, ne superentur. Alterum, cum auertit seu prohibet inimicorû conatus, ne ab ijs infirmi tangantur, vel ne impetantur supra quàm possunt sustinere. De quo *cap. 16.* utroque protectionis genere Esaias: Vrbs fortitudinis nostræ Sion, saluator ponetur in ea murus, faciens Sion impetum insuperabiliter sustinere, & Antemurale, impetû ne accedat, à Sion auertens & prohibens, & *susceptor meus*, qui me gratia sua præuentum ad se confugientem, pro voto suscipit, sic vt nunquam ad eum confugiam, quin gratiam inueniam in auxilio oportuno. Addo autem per gratiam suam, vt vitem expositionem Cassiani, qui, vt testatur Prosper, docebat Deum susceptorem dici, eo quod eos qui opem diuini auxilij spontanei cursus seruore præuenirent, in gratiam susceperet.

*Con. cella,
cap 38.*

peret. Hanc enim Cæsiani expositionem, discipuli Euangelicæ Apostolicæq; doctrinæ, inquit Prosper, horrescunt. contrariatur enim scripturæ quæ dicit; Nemo potest venire ad me, nisi Pater, qui misit me, traxerit eum. Et: *Ioan. 6.* Quis est iste qui applicet cor suum ut appropinquet mihi? Magni autem beneficii loco ducendum est, quod Deus hominem per gratiam ad se confugientem pro voto suscipiat, & ob id inter cætera Dei beneficia etiam susceptoris nomen Deo tribuitur. *lerem. 30.*

Laudans inuocabo Dominum. Inuocatio enim ut ordinata sit, à laudibus Dei debet inchoari, ut docet Ambrosius, ab exemplo orationis Dominicæ, cuius initium, *Pater noster*, ad Dei laudem pertinet. Qui enim orationem suam absolute à petitione orditur, is declarat se necessitate urgeri ad orandum, inquit Basilii: Qui verò ante orationem diuinis laudibus incumbit, Deum se amare testatur. Itaque ad suscipiendam istiusmodi orationem Deus propensior est, ut docet Augustinus, Deus enim diligentes se diligit, & ab *In psal. 104* inimicis meis animam meam persequentibus, *Saluus ero.* Et quidem quæ hactenus explicata sunt, unicuique iustorum sunt dicenda, eique ratione personæ ipsius competunt. Quæ vero sequuntur, conuenienter à pœnitentibus aut à iustis per compassionem in persona pœnitentum, & omnium qui adhuc in captiuitate sunt, deplorantur in hæc verba,

Circumdederunt me dolores mortis. Significatur hic captiuitas generis humani in vinculis mortalitatis. q. d. stimuli, labores, atque dolores mortalitatis, qui frequentes gemitus excitant, genus nostrum undique circumsteterunt, & *torrentes iniquitatis*, id est, peccata in modum torrentis magno impetu atque abundantia undique vitio hominum irruentia, de quibus torrentibus Ozeas, Maledictum, mendacium, homicidium, furtum & adulterium inundauerunt. *conturbauerunt me*, pacem præsentis vitæ atque futuræ pacis expectationem à me exterminauerunt. Et hæc est captiuitas generis nostri sub peccato. *Cap. 4.*

Dolores inferni circumdederunt me, quia genus humanum torrente iniquitatis obrutum, doloribus inferni certissime, & quantum ex ipso est inuitabiliter est obnoxium, quæ est captiuitas generis humani sub lege & obligatione æterni supplicij, *præoccupauerunt me laquei mortis*, id est, furtiua vincula mortis vtriusque, videlicet tam temporalis quàm æternæ, per peccatum originale me præoccupauerunt, quia ante omnem actum proprii arbitrij me sub peccato illo & morte, quæ cum peccato in omnes homines vna pertransijt, captiuum detinuerunt. Quæ vincula voco furtiua, quia Bernardus supra citatus, ratione peccati originalis dixit, furtim sublati sum. *In psal. 6.*

Et in tribulatione mea inuocaui Dominum, & ad Deum meum clamaui. *7.*

Et exaudiuit de templo sancto suo vocem meam: & clamor meus in conspectu *8.*

m iij spectu

spectu eius: introuit in aures eius. Hic vox est Christi Mediatoris, qui considerata prædicta sui generis captiuitate, eidem magna sui spiritus tribulatione condoluit, & ex tribulatione illa, Deum Patrem pro eiusdem generis liberatione atque salute inuocauit. Qui vocem filij sui de tam sancto humanitatis suæ templo magnis meritis ad se clamantem non repellens, è cælesti sede sua ac beato suo tēplo benignè exaudiuit. Quid autem exaudiendo præstiterit ei, describit in sua persona loquens Psaltes per verba sequentia in hunc modum:

9. *Commota est & contremuit terra.* In quibus verbis cum dicitur terram, propter inuocationem immediatè præcedentem esse commotam, & terræ nomine intelligendus sit iustificandorum numerus per orbem terrarum diffusus, merito interpretati sumus præcedentem inuocationem Christi esse, quia pro toto terrarum orbe exorare, solius Christi est & diuinæ personæ. Nihil enim est, inquit Ambrosius, quod magis vltra humana esse videatur, quam toto vnum se obtulisse pro mundo. Itaque *commota est & contremuit terra.* quia postquam Christus pro genere humano exorauit, electi per orbem terrarum dispersi, per spiritum timoris, horrore imminentis sibi damnationis tremefacti, ad accipiendam iustificationis gratiam ceperunt commoueri. *fundamenta montium.* i. dæmones quorum adminiculis atque patientiæ altitudo sæculi atque sæcularium innitebatur, *conturbata sunt & commota sunt,* quia dæmones Christo orationis suæ effectum pro nobis consequente, pristina possessione atque tyrannide amoti sunt. *quoniam iratus est eis.* i. indignè tulit Deus, genus humanum à se conditum à dæmone possideri.

10. *Ascendit fumus in ira eius.* i. datus est hominibus pœnitentiæ planctus inquit Bern. Isque designatur per *fumum* in ira Dei ascendentem, tanquam effectus per causam, quia planctus pœnitentiæ Deo adiuuante concipitur ex contemplatione æternorum suppliciorum, quorū fumus, secundum Isaiam, ascendit in sæcula sæculorum, & scilicet post pœnitentiā ex timore gehennæ conceptam, *ignis.* i. Charitas, *à facie eius exarsit.* i. à præsentia Dei succensa est in eis, non enim diffunditur Charitas in cordibus nostris, nisi per inhabitantem spiritum Dei in nobis, *carbones succensi sunt ab eo.* Carbones, lignæ aut terræ glebæ sunt, in quibus ignis quo arserant extinctus est, sic tamen vt habiles sint & idonei denuo igniri; Per quos significatur genus humanum, quod in prima sua integritate fuit charitatis igne succensum, sed per superflusam iniquitatē ardore ille restincto, est ad amissum ardorem, diuini spiritus afflatu denuo recipiendum, habile atq; idoneum, *Carbones itaque succensi sunt ab eo,* quia per Dei spiritum, extinctam ab origine charitatē genus humanū in multis iterū accepit. Quod vt conuenienter fieret.

Inclina-

Inclinuit, scilicet Dei filius, *cælos*. i. cælestem suam sublimitatem, & *descendit*. i. humanam naturam assumpsit; ita ut his verbis idem dicatur quod Christus in Euangelio: Ignem veni mittere in terram. Quod enim hîc dicitur, Ignis à facie eius exarsit, *Inclinavit cælos*, & *descendit*, quo pertinet nisi ad insinuandum idem: quasi diceret Christus; Descendi in terram, ut in ea ignem charitatis accenderem? *Et*, supple, per hanc Dei descensionem *caligo*. i. obscura eius facta est cognitio *sub pedibus eius*. i. in hominibus terræ incolis. Quæ terra dicitur esse sub pedibus eius, quia Esaiæ 66. terra dicitur esse scabellū pedum Domini. Infima enim est inter elementa, ad quam tamen diuinæ præsentiae virtus se extendit. In his ergo hominibus facta est caligo, quia per Christi incarnationem cognouerunt Deum in carne latentem, ac si quis videret solem in nube, inquit Bernard.

Et ascendit super Cherubim, id est, expleto tempore dispensationis suæ, quam eum facere conueniebat in sua humilitate, super omnes choros angelorum se secundum suam humanam naturam exaltauit. *Et volauit*, quia non curru igneo ut Elias, i. non Angelico remigio quasi sibi ad ascendendum necessario, sed propria sua virtute ardua illa conscendit & penetravit. *Volauit super pennas ventorum*. i. alas Angelorum. Qui venti dicuntur, aut ob nominis communionem (Vt enim Angeli ita & venti spiritus dicuntur) aut ob tenuitatem ac velocitatem quam habent Angeli cum ventis communem, aut alia quapiam de causa. Per alas autem Angelorum, si Dionysio Areopagitæ credimus, significatur potens Angelorum virtus, qua omnibus modis ad id quod verè est, feruntur. Super has autem Angelorum alas is qui prius descenderat volauit: Sua enim se virtute ad dexteram Dei Patris, siue ad consortium gloriæ suæ diuinitatis se secundum suam humanitatem subuexit. Quæ diuinitas eius sublimitatis est, ut ad eam compræhendam Angeli per alas suas siue volatum suum pertingere non possint. Propter quod describuntur Seraphim habuisse sex alas, & duabus velasse facies suas, & duabus pedes, ut intelligamus, sacratum hunc ordinem, inquit Dionysius, ea quæ in Deo celsiora, & intelligentijs suis profundiora sunt reuereri. Medijs verò alis modicè ad Dei speculationem ferri, diuinis lancibus propriam subiiciendo vitam, à quibus ad sui notionem promouetur.

Et posuit tenebras latibulum suum. Quicquid in tenebris est, inuisibile est. Dicitur itaque Christus tenebras posuisse latibulum suum, quia se recepit ad gloriam suæ diuinitatis, cuius naturæ est non videri, inquit Ambr. & August. & tamen quia, teste Ambrosio, voluntatis diuinæ est videri, addit Psaltes, *in circuitu eius tabernaculum eius*. i. ordo angelorū, qui tabernaculum eius montemque sanctum inhabitant. Idque ut ipso, tametsi natura sua inuisibili, per voluntatem tamen suam semetipsum manifestante, con-

11.

Serm. 10.
in Cant.

12.

De Ecclæs.
Hierar. ca.
4. part. 3.

Isaia 6.

13.

Libr. 1. in
Lucam.
Epiſt. 112.

templa-

templatione diuinitatis eius omnes pariformiter & concorditer fruuntur. Quia tametsi posuerit tenebras latibulum suum, non tamē hominibus prorsus incognitus mansit. Vt enim homines etiam tempore huius mortalitatis nonnullam inuisibilis Dei cognitionem acciperent, prouidit Deus, vt sit *tenebrosa aqua in nubibus aeris*. i. vt sint prædicatores veritatis (passim in Scripturis sacris nubibus comparati) qui comparatione angelicę cognitionis, obscuram diuinitatis in se notitiam & doctrinam habeant, eamque in mentes hominum ad concipiendam diuinitatis cognitionem tanquam salutarem quandam pluuiam effundant. Ea tamen doctrinæ ratio ad tempus tantum concessa est, quia

14. *Præfulgore in conspectu eius*. i. cum ex hac obscura nube peruentum fuerit ad claram cognitionem conspectus atque diuini vultus eius, tum *nubes transierunt*, quia officium obscurę prædicationis quam fecerint nubes in hac vita, tum transierit, nec vsum suum amplius habebit, quia iuxta Ieremiam & expositionem Augustini, tempore illius manifestationis non docebit vnusquisque proximum suum, Cognosce Dominum, quia opus non erit, Omnes enim à maiore ad minimū immediatē cognoscent Dominum, *grando*. i. increpatio, quæ prædicationi veritatis subinde iungitur, supple, transibit etiam tempore illius manifestationis, quia in illo beatitudinis loco, vbi obedientia est summa, locus non erit increpationis, Et bene increpatio grandini comparatur, quia vt lapilli grandinis, ita grauiā & dura audientibus efficiuntur verba increpationis, & *carbones ignis*, supple transierunt, cum peruentum fuerit ad fulgorem vultus eius, quia vt ibi nō docebit vnusquisque proximum suum, cognosce Dominum; ita etiam vnusquisque ibi per suam charitatē atque feruorem, vt in hac vita fieri solet, non accendit principaliter proximum suum in amorem Dei, quia charitatem illius vitæ in singulis, æternus ignis conspectæ Diuinitatis immediatē accendit inflammabitque. Dixi, vt in hac vita fieri solet. Nescio enim, inquit Augustinus, quomodo amplius in ipsius formæ charitatem excitamur, per fidem qua credimus vixisse sic aliquem: & spem, qua nos quoque ita posse viuere, ex eo quod aliqui ita vixerunt, minimē desperamus: Vita enim iustorū in paris iustitiæ formam flagrantiorē excitat charitatem. Itaq; quia ob id quod iusti in hac vita per charitatem qua feruent frigida aliorum corda Deo cooperante succendunt, rectē dicuntur carbones ignis hīc in vsu esse, ita quandoquidem in illa vita omnes immediatē ad dilectionem inflammandi sunt ab igne Spiritus sancti, ideo rectē ibi dicuntur carbones ignis, quoad vsum videlicet pristinum transaturi. Cæterum postquam obiter declaratum est, quo tempore ministerium prædicatorum veritatis cessaturum sit, redit Psaltes ad prosequendum quod ceperat, pergitque explicare quod etiam aliis

Cap. 32.
De Spiritu
et lit. 6. 24

8. De Trin.
cap 9.

alijs modis, quam per tenebrosam aquam in nubibus aëris, Deus naturâ licet inuisibilis semetipsum in hoc mundo manifestum fecerit, dicitque;

Et. i. præter hoc, quod Deus tenebrosam aquam in nubibus aëris ad 15.
communicandam hominibus suæ diuinitatis notitiam dederit, insuper into-
nuit de cælo Dominus, & altissimus dedit vocem suam. Hoc in primis factum
 est in mōte Sina cū lex daretur, Tum enim, vt testatur Exod. Deus toni- *cap. 19 &*
 trua audiri fecit, & ipse decem præcepta articulata voce, non quam de suis *20.*
 visceribus eduxit, sed quam sua virtute in aëre formauit, locutus est. Factū
 est hoc & in nouo testamento, cū baptizato Christo, de cælo vox Patris
 fieret: Hic est filius meus dilectus. Et apud Ioannem, cū diceret Pater
 Christo, Et clarificaui, & iterum clarificabo; tum enim verè Dominus in-
 tonuit, quia populus circumstans hac voce audita, dicebat, Tonitruum
 esse factum: Intonuit quoque de cælo Dominus, & dedit vocem suam in
 die Pentecostes, cū factus est repente de cælo sonus, factaque ea voce
 conuenit multitudo. Item cū Paulum de cælo vocauit. Quæ duæ postre-
 mæ intonationes, hîc propriè denotantur. *grando & carbones ignis.* q. d.
 vna cum grandine & carbōnibus ignis de cælo intonuit Dominus, quia in
 die Pentecostes factus est repente de cælo sonus tanquam aduenientis spi-
 ritus vehementis, apparuerūtque Apostolis dispersitæ linguæ tanquā ignis.

Et. i. postquam baptizato Christo, & in die Pentecostes de cælo into-
nuit Dominus, & vocem suam dedit, misit sagittas suas. i. Christum, in *18.*
 cuius persona dicit Esaias, Posuit me quasi sagittam electam; misit inquam *cap. 49.*
 cum voce delapsa de cælo post eius baptismū, ad prædicandum. Præcepit
 enim hominibus Ipsum audire. Misit & Apostolos eius, de quibus Psalm.
 Sicut sagittæ in manu potentis, quorum prædicationibus velut quibusdam
 ignitis iaculis corda hominum salubriter compuncta atque transfixa sunt,
 verbaque Dei homines in cordibus suis gerere ceperunt, quasi sagittas acu-
 tas. *Et dissipauit eos,* quia sagittis suis nunc hunc nunc illum ad veram reli-
 gionem conuertendo, colligationem impiorum distraxit multumque dis-
 soluit. *Fulgura.* i. miracula *multiplicauit, & conturbauit eos,* infideles sci-
 licet: visis enim tot miraculis, etiam illi qui credere noluerunt, conturbati
 sunt, timentes miraculorum multitudine euenturum esse, vt veritas fidei
 principatum vbique obtineret. Huius turbationis exemplū habemus Ioan-
 nis 11. vbi Pontifices & Pharisei multitudine miraculorum Christi con-
 turbati, collegerunt Concilium & dixerunt, Quid facimus? quia hic homo
 multa signa facit, &c.

Et q. d. per vocem Dei de cælo intonantis adhuc aliud quid euenit, quia 17.
 per eam *apparuerunt fontes aquarum,* i. Ecclesie apparuerunt atque inno-
 tuerunt aliqui, è quibus tanquam quibusdam fontibus doctrina euangelica
 n
 primum

cap 12. primum scaturiuit; De quibus fontibus Esaias: Haurietis aquas in gaudio de fontibus Saluatoris. & in Psal. 67. In Ecclesijs benedicite Deo Domino de fontibus Israel, ibi Benjamin adolescentulus. i. inter eos Paulus Apostolus, de quo hic Psalmi locus peculiariter est intelligendus. *Reuelata sunt fundamenta orbis terrarum.* i. fundamenta Ecclesiæ per orbem terrarum diffusæ, quæ fundamenta Apostoli sunt, eo quod eorum auctoritati & prædicationi fides Ecclesiæ incumbat & roboretur, vt docet Cyrillus, hunc Psalmi locum explicans.

In cap. 12.
Isaia

18.

Ab increpatione tua Domine, quam de cælo audiri fecisti, supple *apparuerunt fontes aquarum.* quod manifestè factum esse scimus in conuersione Pauli, quem Dominus de cælo intonans, voce sua increpauit, dicens: Quid me persequeris? & in fontem aquarum conuertit. Similiter Dominus voce sua cælitus emissa, Paulum reuelauit futurum fundamentum orbis terrarum, cum dixit, Vas electionis mihi est iste, vt portet nomen meum coram regibus & filiis Israel. Sed ne increpatio hæc conuersione & abundantia Paulini pectoris sola operata esse videretur, subiicitur *ab inspiratione spiritus iræ tuæ*, quem vt eum in nouum hominem transformares, vna cum externa increpatione, interius abunde ei inspirasti. dicitur autem *spiritus iræ diuinæ*, quia per donum Spiritus sui Deus notitiam iræ suæ ei inspirauit, & inspirato simul eiusdem iræ suæ timore, spiritum salutis eum concipere & parturire fecit. vnde etiam Paulus tremens & stupens dixit, Domine quid me vis facere. His ergo modis Deus naturam inuisibilis semetipsum Angelis tum hominibus manifestauit. Inter quos vocatio Apostoli Pauli peculiariter recensetur, quia in ea Deus peculiari modo se reuelauit & manifestauit. Post hæc verò in persona Christi sermonem repetens Psalter, fuscè satis cum gratiarum actione enarrat gratiam, per quam Ecclesia sanctorum ex mortuis ad vitam assumpta est. De qua gratia B. Apostolus; Quæ assumptio nisi vita ex mortuis? inter quæ licet quædam sint quæ Christo vt Ecclesiæ capiti conueniant, quia & ipse assumptus est, sicut testatur Psal. 88. Domini est assumptio nostra & sancti Israel Regis nostri; complura tamen conueniunt Christo ratione Ecclesiæ seu corporis sui, dicit itaque:

19.

Misit, supple Deus pater, *de summo.* i. de summæ misericordiæ & charitatis suæ in genus humanum proposito, misit autem filium suum secundum diuinitatem: Vel, *de summo*, quia à summo cælo egressio eius. *Et accepit me* secundum humanam naturam ad personæ diuinæ dignitatem. *Et assumpsit me* ad prædictam dignitatem, *de aquis multis.* i. ex alijs hominibus me eò dignitatis singulariter euexit. Ideo dicit Sapiens; virum ex mille vnum reperi, mulierem ex omnibus non inueni, quia ex sexu virili, vnus ille homo qui dicitur Iesus secundum humanam naturam in filium Dei incomprehensibili

Ecclesi. 7.

bili modo, quem intelligere adhuc querebat Sapiens, assumptus fuit, & nulla omnino mulier. Hic tamen versiculus etiam à singulis electis veraciter dici potest, ad singulos enim electos misit Deus spontanea sua bonitate, de summa bonæ voluntatis suæ arce gratiam Spiritus sancti, per quam eos ad vitæ initium vitæque complementum assumpsit, idque de aquis multis, quia ex multis, quos ingredi dimisit vias suas, electos suos selegit atque singulari virtute vocavit.

Eripuit me. i. ecclesiam meam de inimicis meis fortissimis. i. diabolo & angelis eius, & ab his qui oderunt me. Sunt enim daemones etiam in peccatores, inimico animo, quia damnationi eorum inhiant. *quoniam confortat i sunt super me,* potentiores me erant. Ideo etiam dicit Apostolus, *Qui eripuit nos de potestate tenebrarum, & transtulit in regnū dilectionis filij sui.*

Præuenerunt me, scilicet inimici mei, *in die afflictionis meæ* qui est dies natiuitatis vniuscuiusque: Ille enim dies ad afflictiones varias introitum nobis præbet, quod tacita quadam naturæ providentiâ, inquit Cyprianus, & approbat Augustinus, ploratus infantis recenter nati futurorum incommodorum augur testatur. Præueniunt itaque nos inimici in die afflictionis, quia antequam in lucem edimur, iamdudum ab ipsa videlicet animæ rationalis infusione sub diaboli redigimur potestatem. *& factus est Dominus protector meus. i. Dominus,* re quātum in me erat desperata, sponte sua curam mei suscepit.

Et eduxit me de angustijs captiuitatis sub peccato & scuitutis sub diabolo. *in latitudinem* per quam Charitas in Scripturis sacris communiter designatur, eo quod ipsa, ut docet Augustinus, per bona opera quaque verum potest se exerceat. *Saluum me fecit. i. in salutis statum me constituit,* atque postmodum ad æternam salutem me perduxit. *quoniam voluit me. i. quoniam ita facere ipse proposuit.* Quibus verbis voluntas Dei exprimitur non ut vnica, nam & nos saluos fecit quia eius ope & nos salui fieri volumus, sed ut primaria & potissima nostræ iustificationis & salutis causa. Dicit proinde Augustinus, Ideo sancti bene agere possunt, quia sic volunt, ideo autem volunt, quia Deus in ijs operatur ut velint.

Et q.d. tametsi Deus saluum me fecit quia voluit me, nihilominus tamen retribuet mihi Dominus. q.d. tam augustæ bonitatis est Dominus, ut sua in me munera insuper adhuc præmio afficere proposuerit. de qua diuinæ bonitatis amplitudine Augustinus: Misit Saluatorem, misit qui gratis sanaret, parū est qui gratis sanaret, misit qui sanatis etiam mercedem daret. Nihil addi ad istam beneuolentiam potest. Quis est qui dicat, Sanem te & do tibi mercedem? optimè facit. Hæc Augustinus. Secundum iustitiam meam & secundum puritatem manuum mearum. Iungit iustitiæ manuum puritatem,

n ij i. exer-

De bono pa
tient.

Aug 21 de
Ciu. ca. 14.

Ter. de a-
nim. ca. 19

Epist. 120.
cap. 25.

Cap. 12. de
cer. & 37.

23

Ser. 13 de
ver. Apul.

- i. exercitationem operum immaculatum, quia nec sola iustitia quæ est habitus mentis ab inhabitante Spiritu sancto in homine diffusus, meretur mercedem quæ stipendium est operis, nec opera ab omni etiam peccati labe libera merentur æternam mercedem absque iustitia, è qua educantur; sine iustitia enim non habent opera æternæ vitæ competentē & condignum valorem. Dicebat proindè Apostolus, Bonum certamen certavi, cursum consummaui, fidem seruauì, in reliquo reposita est mihi corona iustitiæ. In quibus verbis quia & operum mentionem facit & iustitiæ, non obscure indicat Coronam non deberi nisi exercitiæ iustitiæ. Quæ Corona non solum dici debet dari operibus, sed etiam bene operanti. dicit namque Psalter, *Retribuet mihi.* & Apostolus, Reposita est mihi corona iustitiæ. Idque quia homo ad bene operandum non sine diuino adiutorio aliquid etiam de suo adfert exercitio iustitiæ, ipsos inquam actus liberi sui arbitrij. Propter quod Apostolus, Plus omnibus laboraui, non ego, sed gratia Dei mecum. Et etiam Diuus Augustinus, ob hanc causam admittit opera virtutum dici posse aliquantum, siue aliquatenus esse ex homine, nullo tamen modo dici debere non esse nisi ex homine. Vt itaque Psalter rationem redderet, ob quam dixit sibi retribuendum esse à Domino secundum iustitiam suam, &c. enarrat in persona iustorum consequenter quot modis ipse per liberum arbitrium gratiæ Dei sit cooperatus. Dicitque:
24. *Quia custodiui vias Domini.* q. d. Dico quia retribuet mihi Dominus, *quia custodiui.* i. quia ego mea voluntate vna cum diuinæ gratiæ ope mandata eius obseruaui, *nec impiè gessi à Deo meo.* i. deserto Deo aut repudiata Dei gratia, ad iniquitatem etiam mea sollicitudine me non conuertì.
25. *Quoniam.* i. ideo autè impiè non egi à Deo. *quoniam omnia iudicia eius,* quibus & bonis præmia, & malis supplicia decreuit, *in conspectu meo.* i. ob oculos mihi mea etiam vigilantia versantur, *& iustitias eius.* i. iustas retributiones eius, *non repuli à me,* vt aut iniquitatem impunitam, aut iustitiam irremuneratam opinatus, ad libitum viuerem, futuræ retributionis incurius.
26. *Et ero.* i. quia iustitias eius non repuli à me, hanc mihi vtilitatem futuræ retributionis consideratio adferet, vt esse studeam *immaculatus cum eo,* idque tum per bonorum operum munditiem, tum per sedulam quotidianorum peccatorum emundationem, *& obseruabo me ab iniquitate mea.* i. vigilantem curam & obseruantiam adhibebo, ne ad iniquitatem seducar.
27. *Et retribuet mihi Dominus.* q. d. quia hæc omnia sic per Dei adiutorium egi, vt eadem etiam mea volūtate egerim, ob hoc *retribuet mihi Dominus.* i. retributio quam ei facere placet muneribus suis, etiam mihi obueniet. *Secundum iustitiam meam.* & secundum puritatem manuum mearum in conspectu oculorum eius. Hinc manifestum euadit falsum esse quod hæretici dicunt,

dicunt, Opera nostra bona iudicium Dei sustinere non posse; Quid enim per conspectum oculorum Dei aliud quàm Dei iudicium significatur? Si ergo retribuit secundum nostram iustitiam ante conspectum oculorum eius, igitur opera nostra iudicio Dei iusta sunt & immaculata.

Cum sancto sanctus eris, & cum viro innocente innocens eris. Tametsi 28.
Tertull. intelligat his versibus moneri vnumquemque nostrum bonorum 5. aduers.
hominum consuetudinem sectari, malorum verò fugere, eò quod bonorum Marc 6. 18
consuetudo probitatis prouentum operetur, malorum verò scandalum: tamen Diuus Bernardus, & Augustinus, & alibi ipse Tertullianus intelligunt
hinc sermonem ad Deum fieri, vt sit sensus, *Cum sancto sanctus eris*, id est, in Cant.
qualem se quisque tibi præparabit (Bernardi verbis vtor) talis tu ei appa- Aug. in hunc
parebis, sanctis sanctus, innocentibus innocens, amantibus amans, vacans, locum.
cantibus vacans, & sic de reliquis. Id autem vsque adeo verum est, vt etiam Tert in ex-
Philosophus dixerit, Qualis quisque est, talis & finis illi videtur. hort. ad ca-
Quamquam igitur Diui Bernardi expositionem in eo probemus, quod in- sitatem.
tellexerit hic sermonem ad Deum dirigi, tamen quod dicitur Deo, sanctus, innocens, electus eris, propriè intelligendum esse videtur, non de eo quod Deus talis appareat, sed quod se sanctis sanctum, innocentibus innocentem siue innocuum exhibeat; idque quia hætenus de Retributione fuit sermo, vt intelligatur Deum non solum pro meritis mercedem, sed etiam pro dispositione hominis gratiam in pluribus dispensare. Est itaque Deus cum Sanctis sanctus, cum Innocentibus innocens, cum Electis electus, in primis per Prouidentiam, quia cum Deus vnicuique rei prouideat pro ratione naturæ, dignitatis, & conditionis suæ, cum sancto sanctus est, &c. quia de alijs donis, occasionibus & æternæ salutis præsidijs prouidet sanctis, de alijs electis, vnicuique pro ratione dignitatis, vocationis, sui que muneris. Deinde est Deus cum sanctis sanctus, &c. per gratiam cooperantem & prouidentem, quia pro mensura dispositionis quæ est in homine, Deus gratiam cooperantem & prouidentem dispertitur, eumque, per gratiam suam excitantem visitat & adiuuat. Tertiò cum sanctis sanctus est Deus, quia vnicuique eorum pro ratione dispositionis & vocationis suæ cooperatur, vt in alijs fructum faciant suis viribus & muneribus congruentem. Quæ cum ita sint, docemur ex his, opus esse, vt illi qui præclara Dei munera ambiunt, prius ad ea se per gratiam præuenientem dispositos, & aptos illis exhibeant: Non enim consuevit Deus per gratiam cooperantem adesse homini, nisi secundum proportionem gratiæ præcedentis, eosque disponentis. Porro in his verbis *Sanctus* propriè esse videtur idem, quod religiosus: estque Deus cum sancto sanctus, quia viro religioso & diuino cultui dedito, seipsum ostendit & exhibet, & de ijs quæ ad Deum pertinent pro ratione deu-

a iij uotio-

uotionis suæ instruit. Innocens est, qui quam paucissima habet peccata. Cum innocente itaque innocens siue innocuus est Deus, quia ut dicebat Abraham, non perdet iustum cum impio: cum enim qui non debet puniri, condemnare, inquit Sapiens, exterum iudicat à sua virtute.

Sapient. 12

29.

Roman. 11

1. Reg. 9.

Isaia 55.

30.

Et cum electo electus eris. Electi appellantur, quia eis aliquid præ reliquis conceditur. Quæ autem quidam præ reliquis habent varia sunt, sed ferè ad tres rerum ordines reduci possunt ac reuocari. Primi itaque ordinis electi sunt, qui ad gratiam & gloriam præ reliquis specialiter sunt prædestinati. de quibus scriptum est: Quod sectabatur Israël, non est consecutus: Electio autem consecuta est. Secundi ordinis sunt, qui in virtute excellunt, inter quos videtur Saul fuisse, cum de eo diceret Sacra scriptura, Erat Cis filius nomine Saul Electus & bonus. Tertij ordinis sunt, qui assumpti sunt præ reliquis ad munus Apostolatus & dignitatis consimilis, de quibus Dominus, Nónne ego vos duodecim elegi? Cum his ergo electis est Dominus Electus, quia electis ad gratiam præ reliquis assistit. Excellentiores excellentius diligit. In sublimitate constitutis, non solum ad salutem eorum propriam, sed etiam ut fructum adferant copiosè cooperatur. *Cum peruerso peruerteris.* non dicit peruersus eris, quia rectus Dominus Deus noster, & non est iniquitas in eo, sed *peruerteris*. Quia sicut Deo vnusquisque bonorū talis apparet, qualem is se Deo exhibet, ut ex Bernardo diximus, ita etiā peruersi ex semetipsis de Deo conijciunt, & Deum de suo æstimant ingenio, & arbitrantur Deum de peccatis & actibus hominum consimiliter, ut ipsi, iudicare. Quod vitium hominibus oculos diuinæ maiestatis parum trepidatibus valde familiare, incusat Dominus, cum dicit, Existimasti iniquè, quod ero tui similis. Et apud Isaïam, Non enim cogitationes meæ, cogitationes vestræ, neq; viæ meæ viæ vestræ; quia sicut exaltatur cæli à terra, sic exaltatæ sunt viæ meæ à vijs vestris, & cogitationes meæ à cogitationibus vestris. deinde cū peruersis siue à peruersis peruertitur Deus, quia peruersi recta & iusta iudicia Dei sinistra interpretatione peruertunt, ut apparet in illo, qui dicebat: Sciebam quod homo austerus es, tollens quod non posuisti. Et in illis qui, cū Deo obtemperarent eius circa se experirentur suauitatem, postea in peccata lapsi Dei circa se experti iustitiam, interpretantur id indigna Dei mutatione fieri, quorum voces in se transfigurabat Iob, cum diceret Deo; Mutatus es mihi in crudelem, & in duritia manus tuæ aduersaris mihi.

Quoniam tu populum humilem saluum facies Domine. Nomine humilis populi, sanctos, innocentes, electos intelligit, quia tres illi, sicut & omnium iustorum ordines, licet peculiaribus Dei donis differant, in vna tamen humilitatis virtute conueniunt. Dicit itaque, *tu populum humilem saluum*

saluum facies. q. d. ideo cum sancto sanctus eris, quoniam tuum esse iudicas, humilem ad salutem vsque perducere, & *oculos superbiorum.* i. eorum qui, vt dicit Iob de diabolo, omne sublime vident, quia quicquid sublime est id appetunt, & quicquid in semetipsis aut circa semetipsos vident, id eis magnum & grande esse videtur, hos *humiliabis*, in æterna præsertim retributione, quia qui se exaltat humiliabitur.

Quoniam tu illuminas lucernam meam Domine. i. oculos mentis meæ, quæ lucernæ cōparatur, quia pro vt lucerna, sic mens humana lumine aliunde accepto lucere debet, vt explicat Cyrillus. Hoc autem animæ rationalis lumen solus Deus est, vt docet Augustinus. Adhibetur quidem sermo veritatis extrinsecus, veruntamen, vt qui audit sentiat & cognoscat verum esse quod dicitur, illo lumine mens eius intus aspergitur, quod æternum manet; quo lumine nisi illustretur, nihil proficit auditor, etiam si contingat eum non solum magnum hominem, aut Angelum, sed & ipsum Christum vt docet idem, extrinsecus solummodo habere doctorem. Ideo etiam dicit Christus, Venit hora quando mortui audient vocem, non dicit filij hominis, sed filij Dei, quia sola vox Christi corporea non exuscitat quēquam, sed oportet vt æternum verbum voce sua interius simul loquatur. *Deus meus illuminat tenebras meas.* i. tenebrarum reliquias; qui enim nouit se diuina illustratione egere, non per omnia in tenebris est.

Quoniam in te. i. tuo adiutorio, *eripiar à tentatione,* & *in Deo meo.* i. Dei adiutorio. *transgrediar murum.* i. obstaculum, quod humana cupiditas, infirmitas & humana sapientia interposuit inter Deum & hominem, quod tantum est, vt homini impossibile sit, suis viribus Dei participationem atque consortium acquirere.

Deus meus impolluit viam eius. quia non nisi per iustificationis aut iustitiæ opera ad eum tenditur, cum beneuolentia falsorum deorum, per turpissima flagitia gentilibus fuerit ambienda. *Eloquia Domini,* quæ viam ad eum veniendi præscribunt, *igne examinata.* i. ab omni falsitatis corruptione sunt vindicata. Quod hoc loco commemoratur ad distinctionem doctrinarum, quibus gentiles viam beatificandæ animæ tradebant. Omnes enim illæ fabulis imò & turpiloquio erant refertæ. Quod obseruans Porphyrius omnium illarū doctrinarum studio sisimus, confitebatur, vt refert August. vniuersalem liberandæ animæ viam nondum sibi esse reuelatam, illamque à summa quadam autoritate esse accipiendam. *Prote. Non est omnium sperantium in se.* via enim qua à lapsu ad Deū perrupto muro iuxta eloquij diuini præscriptum reditur, est cura cælestis Imperatoris munita, inquit August.

Quoniam quis Deus præter Dominum? aut quis Deus præter Deum nostrum? q. d. multi diuinitatem euenti sunt, & viam ad beatitudinem redeun-

31.

1. in Ioan.
cap. 8.
1 de pecca.
merit. c. 2515. de Ci-
cap. 16.
Ioan. 5.

32.

33.

10. de Cō.
cap. 23.7. Confess.
cap. vlt.

34.

redeundi docuerunt. Sola autem via Domini & eloquia eius id præstant, quia sicut nemo præter eum verus est Deus, ita nemo præter eum viam Dei in veritate docet.

34. *Deus qui præcinxit.* Ab hoc loco vsque ad finem Psalmus in persona Christi decurrit. Dicit itaque Psalter, *Deus qui præcinxit me.* i. strennum, promptum, expeditum me secundum humanitatem reddidit. In quem sensum Christus nomine præcinctionis vsus est cum diceret: Sint lumbi vestri præcincti. Adhortabatur enim nos, vt essemus ad omne Dei obsequium expediti, teste Tert. *Virtute.* i. misericordia, humanitate, sermonis gratia, & similibus, quibus Christus munus sibi à patre commissum impleuit. *Et posuit immaculatam viam meam,* quia nullum Christus nouerat peccatum.
35. *Qui perfecit pedes meos tanquam ceruorum.* quia celeriter ob temporis breuitatem, & alacriter ob animi sui promptitudinem & charitatis ardorem, viam suæ mortalitatis & officium sui Apostolatus decurrit, & aspera quæque animi sui virtutisque sublimitate, velut transiliens, illæsus pertransiuit. *Et super excelsa statuens me,* Christus enim mentem suam ab intentissima diuinitatis suæ contemplatione & fruitione, quæ valde excelsæ sunt animæ humanæ operationes, nunquam relaxauit. Nos autem si spiritu Dei subinde adiuti, mentes nostras ad ardua virtutis considerata vel exercenda eleuamus, tamen super excelsa illa non statuimus seu stabilimur, reperiunt enim à nostra infirmitate citò reddimur solitis, quia necesse est (inquit Hieronymus) sanctos ad virtutis perpetuitatem lassescere.
36. *Qui docet manus meas ad prælium.* Si per manus opera intelliguntur, docet Deus manus Christi & cuiusque fidelis ad prælium, cum docet eum facere ea bona opera, per quæ Diabolus expugnari, aut homo quispiam ex inimico amicus fieri possit. De quibus Christi operibus Ambrosius in Lucâ. Christus memor gratiæ, immemor iniuriæ, nunc obiurgando, nunc benefaciendo infidæ plebis corda demulcet. Similiter docentur manus nostræ ad prælium, cum dicitur; Si sitit inimicus tuus, potum da illi. Et: Qui te percussit ad maxillam vnam, præbe illi & alteram, & similia. Hæc enim omnia suauium armorum genera ad expugnandas inimicitias ordinantur. *Et posuisti vt arcum æreum brachia mea.* His verbis idem significatur quod factum est vt illæ non lassarentur vsque ad vespem. Quid enim per brachia æreo arcui (qui ob robur metalli indefinenter tendi potest) assimilata aliud significatur, quam quod Christus in cruce extensionem illam brachiorum suorum licet laboriosissimam, infatigabilis patientiæ virtute perseveranter pertulerit, eo quæ armorum genere potestatem diaboli, qui, vt docet Cyprianus, non nisi perseverantia superatur, eliserit? Et certè ostendit Christus brachia ærea se habere,

4. cō. Mar.
cap. 29.

2. cō. Pela.
cap. 8.

Exod. 17.

cap. 8. de
exbor. mar

bere, cum dicentibus Phariseis: Descendat à cruce, morem gerere noluit, ut perseverantia daret exemplum, inquit Leo.

Marc. 15.
Serm. 1. de
Pasch.

Et dedisti mihi protectionem salutis tuæ, quia Deus saluum fecit Christum à morte, & *dextera tua suscepit me*, quia homo ille crucifixus per ascensionem suam ad æterni Patris receptus est confessum in dextera eius.

37.

Col. 3.

Et q. d. quia ego per passionem perueni ad tuam dexteram, voluisti ut etiam Ecclesia mea per multas tribulationes erudiretur, exerceretur, & dedolaretur, aptaque fieret, & tandem iisdem mecum vestigijs perueniret ad gloriam. Ob id *disciplina tua*. i. temporalis vitæ incommoda ad erudiendum in iustitia à te ordinata. *correxit me*. i. meliorem fecit & purgavit Ecclesiam meam. *in finem*. dicit in finem, quia, ut dicit Apostolus, Disciplina quæ in præsentia non videtur esse gaudij, sed mœroris, postea demum fructum pacatissimæ exercitatis per eam reddet iustitiæ, *Et disciplina tua ipsa me docebit*, patientiam videlicet, longanimitatem, præsentia despiciere, inimicos diligere, & similia. Ideo Esaïas, Domine in angustia requisierunt te, in tribulatione murmuris doctrina tua eis.

38.

Hebr. 11.

Cap 16.

Dilatasti gressus meos subtrus me. Quandoquidem hîc in via sumus & per bona opera ad finem tendimus, ideo singula bona opera vitæ nostræ quidam gressus dicuntur, quia per ea fini nostro propinquiore & digniores reddimur. Et quia per latitudinē superius charitatem intelleximus, dicuntur gressus isti sub nobis dilatari, cum omnia opera nostra, ut monuit Apostolus, in charitate fiunt, & præcipuè in tali charitate, cuius ardor & promptitudo bonis operibus non potest expleri, eo quod ipsa in maiora opera atque ampliora ardeat. Quale quid observare licet in Apostolo Paulo dicente: Ita cupide volebamus tradere vobis non solum Euangelium Christi, sed & animas nostras, quoniam charissimi facti estis nobis. Et in Galathis erga Apostolum, de quibus tanquam dilectionem suam nullis consuetis officijs pro voto explere valentibus, dicebat Apostolus; Etiam oculos vestros cruiissetis, & dedissetis mihi. Alij autem à quibus bona opera ægrè & cum tristitia proueniunt, non habent gressus dilatatos, sed de ijs verum est quod dicit Apostolus, Angustiamini in visceribus vestris. Intus enim viscera eorum quodam bene operandi tædio contrahebantur, ut ex affectus ac dilectionis amplitudine sua opera producere non possent. Ad dilatatos autem hos gressus adhortatur nos Apostolus cum dicit, Eandem habentes remunerationem tanquam filijs dico, Dilatamini & vos. *Et non sunt infirmata vestigia mea*, nullo enim tempore Christus remissius quid egit quam par erat aut ratio virtutis exigebat, quia ad bene agendum quouis tempore æque fuit strennuus, secus quam illi, quibus tunc quā prius remissius agentibus dicebat Apostolus, Remissas manus & soluta genua erigite.

39.

1. Cor. 13.

1. Thess. 5.

Galat. 4.

2. Cor. 6.

Ephes. 5.

Hebr. 12.

o

Perse-

40. *Persequar inimicos meos.* Ex hoc loco sicut & ex Psalmo 100. confutat Augustinus Donatistas, dicentes nullam persecutionem esse iustam. Nescis enim, inquit Augustinus, quam iusta voce dictum sit. detrahentem secretò proximo suo, hunc persequerbar? Et ab ipso Domino Iesu Christo in excellentissima Prophetia, *Persequar inimicos meos?* Ex quibus Augustini verbis euidenter constat, in hoc versu vocē Christi esse agnoscendam, qui victoriam, quam per arcum suum aureum cōtra principem mundi, atque peccatum ipsum consecutus erat, prosequi & ad effectum volens perducere dicit. *Persequar inimicos meos:* vbi inimicorum nomine omnes sibi aduersantes siue illi Iudæi sint, siue gentiles intelligit. Hos persequitur, cum eis fidem ac iustificationis gratiam auersantibus & refugientibus, instare non cessat, vt fidem & iustitiam apprehendant: de qua re pulchre Augustinus cum veritatem refugeret: O tu bone omnipotens, imminens dorso fugitiuorum tuorum. *& comprehendam eos.* i. gratiæ meæ vinculis eos illigando eos mihi reddam captiuos. *Et non conuertar à persequendo, donec deficiant* ab oblectamine & rebellionē suā.
41. *Confringam illos,* qua parte rebelles & iniqui sunt, *nec poterunt stare.* i. veritati resistere, animositatē illorū confracta. *cadent subtus pedes meos.* i. subiecti mihi per deuotionem efficiuntur.
42. *Et præcinxisti me virtute ad bellum.* q. d. Tibi pater tanquam auctori ascribere debeo, hanc quam commemoravi virtutem, *& supplantasti insurgentes in me subtus me.* i. tandem pedibus meis subiecisti eos qui se prius contra me superbi erexerant. Postquam autem Christus de inimicorum suorum conuersione verba fecit, nunc sermonem infert de supplicio eorum qui in inimicitia perseueraturi erant, inter quos primi sunt Iudæi, dicitque:
43. *Et inimicos meos dedisti mihi dorsum.* i. à me multis tandem victorijs glorioso fugere fecisti, & præ gloriæ meæ celebritate ad latebras conuenticulorum suorum se recipere. Quod Augustinus suo tempore euenisse testatur, dicens tunc tam claram fuisse famam Christi, vt infideles eam timendo, tepidas & trepidas suas contraditiunculas in sinu suo roderent, velut metuentes audiri. Quod etiam hæretici faciunt in locis vbi claret fides & vrget disciplina catholica. Vel *dedisti mihi dorsum,* quia eos ad me, pro suis demeritis non conuertendo permisti mihi pertinaciter dorsum obuertere, meque auersari sicut scriptum est. Pones eos dorsum. Qui sensus videtur contextui magis proprius. *& odientes me,* Iudæos præcipue, *disperdidisti.* i. varijs modis atque cladibus in perniciem tradidisti.
44. *Clamauerunt.* Semper enim hostes Christi & Ecclesiæ, factionibus suis, ac si à Deo essent, diuinæ protectionis & auxiliij gratiam implorare ac sperare præsumperunt. *nec erat qui saluos faceret.* præcipue à malis futuræ vitæ

vita. Et si malis huius vita. In eo exauditi erunt à Deo, qui subinde exaud-
dit iratus. Iudæos autem, tametsi in obsecrationibus legis perseverantes
Deus ne quidem saluos fecit à malis huius vita.

Et comminuam eos ut puluerem ante faciem venti. Hoc eundem habet
sensum cū eo quod dicit Psal. Tanquam puluis quem proijcit ventus à facie
terra. *Ut lutum platearum deleto eos.* i. tanquam peripsēma conculcabun-
tur pedibus, De qua re & Esaias; Pedibus conculcabitur corona superbiæ
ebriorum Ephraim.

Eripies me de contradictionibus populi, quia Euangelij prædicationem
à gente Iudaica auferes, ut Euangelij præcones non extendant ultra manus
suas ad populum non credentem, sed contradicentē sibi vel *Eripies me &c.*
ne contradictiones Iudaici populi præualeant mihi, efficiesque ne in me
locum habeat quod scriptum est, Facta est contradictio potentior. quod
tum sit, cum contradictores plus fidei & fauoris obtinent, quam præcones
veritatis, *constitues me in caput gentium.* i. in locum Iudæorum facies gen-
tilitatem mihi obsequentem, meique spiritus in se defluxione viuētem.

Populus gentilis, quem non cognoui, quia gentibus dictum est, non popu-
lus meus vos, vel, *Quemadmodum cognoui,* præsentia corporali, inquit Au-
gustinus. *seruiuit mihi,* cultum enim patriæ & obedientiam mihi præstitit.
in auditu auris obediuit mihi. quia promptē, inquit Cyrill. ad primam præ-
dicationem credidit. Vel quia illi sunt qui non viderunt Christum mira-
cula facientem, sed crediderunt auditui Apostolico.

Filij alieni. Israel secundum carnem ob gratiā quam à Deo consecutus
est, tum ut præ reliquis nationibus Deum verum coleret, tum ut ad Dei
providentiam singulariter pertineret, ut docet Augustinus, filius Dei di-
ctus est, ut Exodi 4. Filius meus primogenitus Israel; sed dicitur alienus,
quia alieno à Deo fuit animo, Deum enim nec filiali affectu, nec ut iustitiæ
fontem dilexit, Sicut scriptum est, Dilexerunt eum ore suo, & lingua sua
mentiti sunt ei, cor autem eorum non erat rectum cum eo, nec fideles ha-
biti sunt in testamento eius. *mentiti sunt mihi,* quia iam ab initio fidem Do-
mino datam & pacta cum eo inita non seruauerunt. Frequenter enim dixe-
runt, omnia quæcunque nobis dixerit Dominus faciemus, & nihil minus
præstiterunt. vel *mentiti sunt mihi.* i. expectationem meam sefellerunt. ex-
pectabatur enim ut secus quā fecerunt Christum reciperent. *Filij alieni*
inueterati sunt, quia paulatim in peius profecerunt. Peccatum enim acce-
pto mandato, operatum est in illis omnem concupiscentiam. *et claudica-*
uerunt à semitis suis. Lex & Prophetæ semitæ fuerunt ducentes ad Chri-
stum, ut docet Cyrillus. Ab his filij Israel claudicauerunt, quia cum multo
tempore per eas ad Christum cucurissent, Christo qui finis legis erat iam

n ij

præsen-

3. Reg. 13 præſente, non ſemitas deſerere, ſed in ſemitis ſolitſ claudicare, ſiue non rectè ambulare ceperunt. Lege enim abuſi ſunt, & ex ea argumenta contra
- Ioan. 9. Chriſtum duxerunt, dicentes: non poteſt hic homo eſſe à Deo, qui ſabbathum non cuſtodit, & ſimilia. Quam claudicationem, teſte Cyril. præfigurabat Iacob, qui cum luctatus eſſet cum Angelo, claudicabat altero pede.
- Genef. 32. In expoſit. ſymb. Nic.
49. *Viuit Dominus.* q. d. Illis licet me negâtibus adhuc tamè viuit Dominus, viuit & virtus eius. & *benedictus Deus meus*, qui propoſuit gloriam meam in alia gente implere. & *exaltetur* in multorum conuerſione, *Deus ſalutis meæ*, qui ſaluti quæ per me eſt promouendæ intendit.
50. *Deus qui das vindictas mihi*, de populo Iudaico, & *ſubdis populos gentiliū ſub me: liberator meus de inimicis meis iracundis.* Iudæis videlicet: ab his autè liberauit Chriſtum Deus, tum quia eum à mortuis ſuſcitatu per reſurrectionem impaſſibilem fecit, tum etiam quia non eſt paſſus nomē Chriſti Iudæorum contradictionibus obſcurari, aut perſecutionibus opprimi.
51. *Et ab inſurgentibus in me exaltabis me*, ſicut dicit Apoſtolus, Factus obediens vſque ad mortem, propter quod & Deus exaltauit eum. Proſecit proinde Iudæorum ſtudium ad exaltandum Chriſtum.
- Philipp. 2.
52. *Propterea quia videlicet illi me negauerunt, & eo non obſtante placuit Deo ſalutis meæ, exaltare me, confitebor tibi in gentibus Domine*, quia faciam, gentes per me æternæ ſaluti reſtitutas, tibi in gratiarum actione confiteri, & ego cum illis *nomini tuo Pſalmum dicam*, quia tu es,
- ROMAN. 15
53. *Magnificans ſalutes Regis eius.* i. donans Chriſtum Regem gentium magnifica ſalute. In primis in ſemetipſo ſecundum humanam naturam, quam vſque ad dexteram tuam exaltaſti. Et in corpore ſuo quod eſt Eccleſia, idque & ob magnum numerum eorum quos per eum ſalu-aſti. Et quia multos eorum ad magnificam ſalutem in Regis ipſius gloriam perduxiſti, In quorum numero excellunt martyres, aliique glorioſiſſimi ſancti. E quibus vnus dicebat, Magnificabitur Chriſtus in corpore meo, ſiue per vitam ſiue per mortem. & *faciens.* i. quia tu facis. *miſericordiam tuam Chriſto tuo*
- Philipp. 1.
- DAUID. i. Chriſto è ſemine Dauid. Qui ſibi quidem ſecundum humanam naturam conſecutus eſt gratiam. Et in humano genere tanquam caput in ſuis membris conſequitur miſericordiam. Idque eo magis, quia in humani generis ſalutem cor miſerum. i. triſtitia affectum atque compunctum habuit. Cùm enim alicui id cuius gratia ſe afflixit conceditur, illi, quantumuis tranſacta iam triſtitia, miſericordia concedi rectè perhibetur. & *ſemini eius.* i. filiis promiſſionis, qui iuxta Apoſtolum æſtimantur in ſemine. Idque non modico tempore, ſed *vſque in ſæculum.* i. quamdiu procurret hoc ſæculum.
- ROMAN. 9.

PSAL-

In finem Psalmus David.

Eli enarrant gloriam Dei. Quamuis iuxta Ambros. Cælorum & firmamenti nomine visibilis mundi machina hoc loco intelligi possit, quæ enarrat gloriam Dei, quia mundi opus, inquit, cum videtur suum laudat authorem: Inuisibilis enim maiestas eius per ea quæ videntur agnoscitur, tamen secundum eundem (cælorum) nomine sancti Dei homines & præcipuè Apostoli, intelligendi sunt, tum quia Apostolus quantum huius Psalmi versiculum de prædicatoribus Euangelij interpretatur, tum quia illi soli, non autem cælestia corpora linguis omnium loquuntur. Dicuntur autem Apostoli & reliqui Sancti *Cæli*, quia eorum conuersatio in cælis est, & quia Dominus, cui cælum sedes est in eis præsidet inquit August. Hi enarrant gloriam Dei quia postquam ad prædicationem gloriæ Dei, quam sine verborum strepitu mundi machina facit, genus humanum ferè obscuruit, isti tanquam alij cæli verbo atque sermone enarrant gloriam Dei: In primis illam, quam species vniuersæ creaturæ etiamnum prædicare non desinit, nempe quod vnus sit Deus qui fecit cælum & terram. Deinde illam Dei gloriam, quam nulla creatura sua specie eloquitur, quod videlicet Deus sit trinus, quod filium suum miserit in terras cumque post passionem resurrectione & sedis suæ consortio glorificauerit. Postremo illam gloriam, de qua Apostolus; Omnes peccauerunt & egent gloria Dei, quæ est gratia noui testamenti. *Opera manuum eius*, illa præcipuè quæ egit & agere constituit, vt hominem è damnatione ad salutem reformaret, hæc dico opera, *annuntiat firmamentum*. Quo nomine ijdem intelliguntur qui antea cæli dicti sunt. Idque quia opera & gloriam Dei tanta animi immobilitate crediderunt, vt fides eorum nullo potuerit errore corrumpi, nullis viribus expugnari: Et, quia ipsi Ecclesiæ catholicæ & fidei quæ in ea est, fuerint fundamentum. Hæc enim ab eorum autoritate portatur & firmatur, vt docet Augustinus.

Dies diei. q. d. Inter hos qui vna cum Apostolis atque post eos enarrant gloriam Dei, quidam sunt vt dies, qui clara rerum quas annunciant intelligentia præditi sunt, ac pia erga eas affectione imbuti. Affectio enim rei experimentalis eiusdem est cognitio, hi *eructant verbum*, quia, inquit Ambrosius, non perfunctorio sermone, sed de intimo corde suo verbum prædicationis proferunt. planeque loquitur os eorum de plenitudine cordis. eructant autem *dies*, quia etiamsi sonitum verborum quæ prædicant pariter omnes audiant, sensum tamen sermonis sic eructati, & medullam rei prædicatæ illi soli percipiunt, qui lumine intellectus à Deo accepto, etiam

o iij ipsi

1.
12. H. 24.
cap 4.
Roman. 1.
Epi 85.
Rom. 10.
A. 2.
1. Cor. 14.
Philip. 3.
Isaia 66.
1. de consi.
enag. 30.
Gen. 1.
Galat. 4.
Roman. 3.
Apocal. 21
In Psal 86
2.
Epi 1. mon.
citata.
Et lib. 3. de
virg.
Luc. 6.
1. Tim. 2.

Euli. 15. ipsi dies & filij diei censeri possunt. Huc spectabat Sapiens, cum diceret. Beatus qui enarrat iustitiam auri audienti. i. intus sensum dicentis percipienti. *Et nox.* q. d. inter eosdem quidam sunt nocti similes, non quasi in densissimis tenebris versentur, sed quia rerum quas annunciant intus claram & luculentam cognitionem non habent, Et præcipue, quia non diligunt ea quæ prædicat, Qui enim non faciunt veritatē, ambulāt in tenebris: Hæc nox *indicat scientiam*, quia ex sanis verbis hominis perspicuum veritatis intellectum aut eiusdem amorem non habentis, emicant quædam scintillæ veritatis, quæ tenui quodam indicio insinuant notitiam veritatis, *nocti.* i. ijs quorum mentes crassa quædam & pigra hebetudo absque intelligentiæ lumine aut veritatis amore possidet.

3. *Non sunt loquela neque sermones eorum, quorum non audiantur voces eorum.* i. quorum voces siue sermones non audiantur etiam esse voces istorum. Vel, non audiuntur ex ore eorum. Locuti sunt enim Apostoli linguis omnium nationum, Et, si Cypr. credimus, vna lingua, operante Spiritu sancto, intellectum omnium erudiebat. Quapropter D. Augustinus videtur Apostolis utrumque tribuisse, cum dixit: Omnium linguis locuti sunt, ab omnibus intellecti sunt.

*Cypr. ser.
de spiritus
in psal. 54*

4. *In omnem terram exiuit sonus eorum.* i. Sermo Apostolorum, & *in fines orbis terræ verba eorum.* i. sensa eorum. verbum enim propriè non est sermo, sed sensus & conceptus mentis. Et notandum quod dicatur *Sonus & verba* eorum exiuisse in omnem terram, non autem ipsi, quia Apostoli, quamuis multas terræ regiones peragrauerint, non tamen simpliciter omnes; nihilominus ad omnes terræ partes suo tempore sonus Apostolorum eorumque verbum peruenit, quia Apostolici viri, qui primordia Apostolica profecuti sunt, nō suam, sed Apostolorum doctrinam atque sermonem ad fines vsque orbis protulerunt. Et ideo Ecclesiæ etiam illæ quæ ab Apostolis immediatè conuersæ non sunt, Apostolicæ dicuntur, propter consanguinitatem Apostolicæ, inquit Tertull. doctrinæ. Dicuntur præterea

*De præscr.
cōs. haer.
cap. 31.*

2. Tim. 1.

*10 de cin.
cap. 23.*

sonus & verba Apostolorum in omnem terram exisse, quia ecclesijs traditum & in ecclesijs auditum est, non solum quid Apostoli credendum aut sentiendum esse docuerunt, quod significatur per *verba*; sed etiam quomodo censuerint de rebus fidei & religionis esse loquendum, quod significatur per *sonum eorum*. Dicebat ob id Apostolus Timotheo. formam habes sanorum verborum, quæ à me audisti in fide. Quæ autem erat illa sanorum verborum forma, nisi vna cum fidei integritate, certa & præfinita de iisdem rebus loquendi regula? Quocirca dicit Augustinus, Nobis ad certam regulam loqui fas est, ne verborum licentia, etiam de rebus quæ his significantur impiam gignat opinionē. Denique etiamnum hodie cum per omnes

Ecclesias

Ecclesias Apostolorum acti & Epistolæ leguntur, quid aliud, inquit Ambro. quam in omnem terram exit sonus eorum?

Serm. 68.

In sole posuit tabernaculum suum. i. Ecclesiam militantem ex prædicatione Apostolica collectam, in manifestatione posuit, inquit Augustinus, ergo & visibilem fecit, idque ut cessante prædicatione Apostolorum, doctrina, observatio, consuetudo & conuersatio Ecclesiæ ab Apostolis immobiliter fundatæ, perpetua quædam esset diuinæ gloriæ prædicatione. Quæ omnia ut irrefragabilem auctoritatem consequerentur, & ab ipso Christo fundarentur, *Ipse tanquam sponsus procedens de thalamo suo.* i. coniugatum carni verbum processit de vtero virginali, inquit Augustinus. Sicut enim in thalamo duo efficiuntur in carne vna, ita in virginali vtero duo. i. verbum & humana natura in vnâ coaluerunt personam, ut explicat Ambrosius. Atque adeo istud est coniugium, quo verbum Dei Ecclesiæ in suo capite, Christo videlicet secundum humanam naturam iunctum fuit per incarnationem. In quo coniugio verbum sponsi, humanitas eius sponsæ, personalis vero vnio copulæ habet rationem. Huic autem coniugio alterum quoddam per modum appendicis annectitur, in quo Christus totus sponsus est, Ecclesia sponsa, copula charitas mutua. Quod coniugium in Christi incarnatione desponsatum fuit. Processit namque Christus de virginali vtero, si Lirano credimus, ad desponsandam sibi Ecclesiam. Ob hoc enim quod verbum Dei humanam naturam gratuita Dei voluntate sibi personaliter copulauit, ipse Christus humanum genus, sicut Moyses Æthiopissam sibi desponsauit, ut illud Æthiopissæ deformitate abstergeret, sibi per charitatem in sponsam assumeret. Cum autem hominum aliquis accepta peccatorum remissione Christo per charitatem copulatur, tunc desponsatio prædicta in spirituale coniugium transit.

5.
1. de consp.
cap. 30.De incarnatione.
Dim. script.
cap. 5.

Nume. 12.

Exultauit ut gigas, maximus enim fuit diuinitate, & secundum humanam naturam fuit maximus, quia illa in Verbo subsistebat. Ob quæ duo Ambrosius loco citato & in Hymno vocat eum gigantem gemine substantiæ. Huic autem magnitudini par virtus & fortitudo aderat. Cuius virtutis sibi probè conscius iam statim à natiuitate *exultauit adcurrentem viam,* quia magna charitate alacris, ac magna virtute bene animatus, gestiebat instantis sibi laboris & certaminis stadium decurrere, à summo caelo egressio eius, quia in sinu patris existens & ab eo non recedens, hominis formam accipit, & in ea similis nobis foris apparuit.

6.

Et occursum eius usque ad summum eius: quia serui formam per quam egressus erat, ad summum cælorum reduxit, quando eam in patris dextra collocauit. Qui eius ad patrem regressus hoc loco occursum dicitur, quia ei ascendenti honoris ac celebritatis causa Angeli à summo cælorum, seu à summo

7.

- summo ordine Angelorum in montem Oliueti vsque occurrerunt. *Nec est qui se abscondat à calore. i. igne eius.* Quibus verbis futurum Christi iudicium designatur quod futurū dicit Apostolus in die Domini, qui in igne reuelabitur, in quo die ipse Dominus erit quasi ignis conflans, à cuius calore se nemo abscondet, quia vniuscuiusq; opus quale sit, ignis probabit, vt latius declarat Ambrosius. Hunc huius loci sensum indicat Augustinus dicens; Quod cum nemo se abscondat à calore eius, infideles malint ab eo vt stipula consumi, quā vt aurum purgari & probari. Qui præter hoc etiam proposito satis conuenit. Decebat namque, vt sicut in Actis Apostolorum in Ascensione Domini à viris qui astabant in vestibis albis futurum eius iudicium annuntiabatur, ita in prophetia vna cum Domini ascensione idem iudicium prænuntiaretur, vt postmodum animaduerneretur prophetia cum Euangelio eodem spectasse. Sed his explicatis transit Psalter ad explicandam præstantiam legis quam adduxit Christus, idque per collationem & rursus distinctionem legis nouæ à lege veteri. Id autem admodum opportunè. Sicut enim conueniebat, vt quanto maior Moyse erat Christus, tanto excellentiorem & efficaciorē legem Christus proferret: Dignitas siquidem Christi probatur & illustratur ex legis & ministerij eius efficacia, inquit Cyrillus; ita cōueniebat vt enarrata dignitate Christi & Euangelistarū eius, simul explicaretur quānam esset illa lex à Christo prolata, & prædicata ab Apostolis, & ex his intelligeretur, quod si ministratio damnationis fuit in gloria, multo magis ministerium iustitiæ abundet in gloria. Quidam tamen per id quod dicitur: *Nec est qui se abscondat à calore eius*; intelligunt descensum Spiritus S. qui in igne in die Pentecostes apparuit, à quo se nemo abscondit, quia non est in potestate hominis prohibere Spiritum, Vbi enim vult spirat; Vnde & Apostolus Petrus de eo dixit: Ego quis erā qui poteram prohibere Deum? Quamquam ego priorem expositionē præferam, eò quod cum dicitur: *Nec est qui se abscondat*; significetur quosdam inueniendos qui conabuntur, & tamen non poterunt se abscondere à calore eius. Id autem iuxta testimonia scripturarum aduētante die iudicij præcipuè futurum est. Nihilominus si quis per calorem hunc Spiritum S. eiúsque gratiam intellexerit, ea quæ sequuntur huic intelligentiæ non incongruè cohærebunt quia Spiritui viuificanti conueniēter subiungitur lex Spiritus vitæ viuificans nos in Christo Iesu. De quo sequitur:
8. *Lex Domini immaculata.* q. d. per legem veterem solummodo præstatur cognitio non abolitio peccati, nunc autem lex Domini est immaculata, quia facit immaculatos, præstās purgationem peccatorum. *conuertens animas ad sui obedientiam, cū lex vetus operata sit præuaricationem. testimonium Domini.* quo Dominus noui testamenti prædicationem testatam
1. Cor. 3.
Malach. 3.
Jer. 10. in
Psal 118.
De consen.
Euang su-
pra alleg.
A. 1.
Hebr. 3.
1 Iob. 6. 2.
2. Cor. 3.
A. 2.
Iob. 3.
A. 11.
Roman. 3.
1. Cor. 15.
8.
Roman. 3.

statam facit: De quo testimonio Apostolus, testante Deo signis & prodigijs & varijs Spiritus sancti distributionibus. Hoc dico testimonium Domini *Fidele*. i. fideles faciens, cum è contrario testimonia Domini, quibus semetipsum suamque voluntatē & promissa in veteri testamento comprobauit, fidem in incredulo populo non effecerint. Ideo dicit Dominus; Quousque non credent mihi in omnibus signis quæ feci coram eis? Et iterum: Dominus portauit te sicut solet mater gestare paruulum, & nec sic quidem credidistis Domino. *Sapientiam præstans paruulis*. q. d. Ideo uoco testimonium hoc Domini fidele, quia per occultam cooperationem Spiritus sancti facit paruulos credere, & per fidem quæ in se magna sapientia est, ad sapientiæ perspicuitatem peruenire: Cum è contrario vna cum veteris testamenti testimonijs signisque illis magnis & portentis ingentibus, Dominus, vt ipsemet profitetur, non dederit illi populo cor intelligens, & oculos videntes, & aures quæ possent audire.

Ad Hebr. 1

Numer. 14

Deuter. 10.

Deut. 29.

Iustitiæ Domini. i. quas Dominus iustificans operatur, *rectæ*, quia rectos faciunt. Spiritum enim rectum in viscera iustificatorum insundunt, cum iustitiæ legis, aut quæ ex lege sunt, eos qui in lege iustificantur per speciem recti operis foris rectos facerent, uo intus. *Lætificantur corda*. quia ob hoc quod cor intus iustitiæ rectitudine, atque ipsa charitate afficiunt, faciunt cor in iustitiæ exercitatione gaudere, atque iustitiæ opera hilariter exercere: Cum è contrario illi qui iustitiam, quæ ex lege est, faciunt, illam inuiti faciunt, timore pœnæ aut rerum temporalium cupiditate. *præceptum Domini lucidum illuminans oculos*. Quod hic additur *illuminans*, exponit id quod præcessit nempe lucidum, q. d. ideo lucidum quia illuminans. Atque adeo probat hæc particula, omnia adiectiua superius posita videlicet *immaculata*, *fidele*, *rectæ*, effectiuè (sicut secinus) exponenda esse. Illuminant autem oculos præcepta noui testamenti, quia occulta quædam diuine gratiæ operatio ipsa præcepta comitatur. voces enim docentium & literarum paginarum, inquit Prosper, quæ ad eruditionem audientium Deo seruiunt, non carent virtute eius cui seruiunt.

9.

Epiſt. ad Demetria.

Timor Domini sanctus permanens in sæculum sæculi. q. d. Est in nouo testamento etiam timor, sed à timore veteris testamenti multum distinctus. Hic enim timor Domini est sanctus, quia oritur ex charitate, atque paribus cum ea progressibus increſcit, vt docet D. Augustinus, cuius metus est Dominum offendere: Ille vero veteris testamenti timor ex sui amore oritur, metuens subire supplicia. hic permanet in sæculum sæculi, quoad auersationem, non autem quoad metum peccandi, propter perseuerandi securitatem, quæ in futura vita est. Aut quia fructum suum habet, atque mercedem accipit in æternitate, vt sentit Augustinus. Meritorius enim

10.

Epiſt. 110
cap. 21.14. de Ciui
late cap. 9.

p

est quia

est quia ex charitate oritur. Ille vero veteris testamenti timor nec in hoc saeculo in iustificatis permanet, quia succedens charitas eum foras mittit, & in futuro, quia ibi, eo quod meritorius non fuerit, mercedem non accipit. *Iudicia*. hæc vox variam sortitur à varijs interpretationem, omnibus tamen & quæ præcedunt & quæ sequuntur bene attentis, videtur verissimus hic esse sensus. *Iudicia Domini vera*. q. d. Sicut in veteri testamento fuit lex, testimonium, iustitia legis, timor, & eadem sunt in nouo testamento, sed præstantia atque virtute distincta, vt declaratum est; ita etiam, vt in veteri testamento fuerunt iudicia seu præcepta iudicialia, quæ ad constituendum Reipublicæ statum iustitiamque rite administrandam plurimum valebant, sic & nouum testamentum quædam præcepta habet quæ iudicia dici possunt, quia quædam veteris testamēti iudicialia, in hæc præcepta commutata sunt atque transierunt, quæ profectò ad pacem & charitatem in Republica Christiana conseruandam & redintegrandam sunt efficacissima. Horum iudiciorum aut quasi iudicialium præceptorum exemplum clarissimum habemus Matth. 5. vbi cum Dominus commemorasset iudiciale præceptum veteris testamenti, oculum pro oculo, dentem pro dente; in locum illius præcepti aliud præceptum iudicali simile instituens nouo testamento magis consentaneum, subdit: Ego dico vobis, non resistere malo, sed si quis te percusserit in maxillam vnā, præbe illi & alteram. Et qui vult tecum in iudicio contendere, & tunicam tuam tollere, dimitte ei & pallium. Quo verbo significatur consultissima & præstantissima iudicia noui testamenti esse, vt non contendatur iudicio, nec expetat quis talionem, nisi id fiat in gratiam eius qui iniuriam intulit, vt is qui nulla patientia aut dissimulatione fratris sui potuit ab iniuria conuerti, acrimonia ac rigore iuris ad deferendam aut reparandam iniuriam vrgeatur, vt docent

Basili. reg.
fus. disp.
cap. 9.
Aug. lib. 2.
de ser. Do.
mini in mō
te.

Basilius, & Augustinus. Hæc ergo iudicia Domini sunt vera. i. in numero iudicialium præceptorum præstantissima. Iudicialia enim veteris testamenti cohibebant iniuriam, aut temperabant, vt docet Augustinus, talionem: Hæc autem prouocant & ædificant charitatem. Insuper sunt *iustificata in semetipsa*. quia omnia hæc quæ prædicta sunt, sunt pariter notoriè iusta, ita vt non egeant operosa defensione si eorum æquitas vel iustitia in dubium vocetur. Debent propterea vnicuique esse,

11. *Desiderabilia*, iudicia scilicet hæc Domini, *super aurum & lapidem pretiosum multum*, quia magis desiderabile vnicuique esse debet, ob lucrum, præsertim mutue charitatis iudicio non contendere, nullamque talionem expetere, quam contendendo aurum & lapides pretiosos sibi acquirere aut recuperare, Vel, *Desiderabilia* debent vnicuique, esse lex, iustitia, timor, iudicia noui testamenti, *super aurum & lapidem &c.* quia quouis terreno pretio iu-

1. Cor. 6.

tio iustitia melior est atque præstantior, Sicut scriptum est, Salus animæ in Eccles. 30.
sanctitate iustitiæ, & melior est omni auro atque argento. & dulciora iu-
dicia scilicet prædicta *super mel & fauum*, quia obdulcant cor iniurias infe-
rentis, & cor, cum inimici conuersione eadem exercētis, Vel *dulciora*, Om-
nia scilicet hæc prædicta. *super mel & fauum*, quia, ut inquit Eccles. Religio- Cap. 1.
sitas custodiet & iustificabit cor, & iucunditatem atque gaudium dabit. non
est autem gaudium super gaudium cordis, mel autem & fauum dulcia so- Cap. 30.
lummodo sunt ori & gutturi.

Etenim seruus tuus custodit ea. Loquitur Psalter in persona propria, 12.
nam & ipse quæ diximus noui testamenti iudicia tempore veteris legis ob-
seruauit, cum noluit Semei maledicum occidi, nec filium paricidam inter- 2. Reg. 16.
fici & similia. *In custodendis illis retributio multa*, Illa scilicet de qua 2. Reg. 18.
Christus, Merces vestra multa est in cælis. Quod reliquis conuenienter ad-
ditur, ut insinuetur quod sicut lex noui testamenti cum reliquis antedictis,
distet à veteri lege præstantiâ, ita & fructu ac retributione, quam hæc ha-
buit temporalem, illa æternam. Quia tamen etiam ijs qui iudicia Dei cu-
stodiunt, non adeo de conscientie integritate est fidendum, inquit Leo, ut *serm. 6. de*
humanam suam fragilitatem inter scandala tentationesque degentem, nihil *Quadr.*
potuisse arbitrentur quod eam laederet incidere, ideo subiicit Psalter:

Delicta quis intelligit. Circa quæ verba notandum, quod etiam si tam 13.
delictum quam peccatum aliquando indifferenter sumatur, subinde verò
differenter, ut peccatum sit perpetratio mali, delictum vero desertio seu
omissio boni, inquit Augustinus: hoc tamen loco delicta dicuntur illa pec- 9. 10. su-
cata, siue sint omissionis siue commissionis, quæ imprudenter aut ignorā- per Leuit.
ter admittuntur: Quod præter D. Augustinum etiam Hieronymus testatur *Epist. 39.*
dicens id quod Dauid dicit, *Delicta quis intelligit*, de erroribus seu igno-
rantijs accipiendū esse. Sensus itaque est. Et si aliquis legem & iudicia Dei
tam accuratè custodiat, ut nullius peccati sibi conscius sit, non tamen de
innocentia potest esse securus, *Delicta enim quis intelligit?* i. quis sibi po-
test esse conscius peccatorū quæ ignoranter admittit? Ob quam causam D.
Basilius bene monet vnūquemque, ut in orationum suarum exordio confi- *Cōst. mon.*
teatur Deo, & dicat: Non sum Domine dignus qui coram te verba faciam, *cap. 2.*
quoniam vehementer peccator sum. Et licet nullius, inquit, tibi culpæ con-
scijs sis, nihilominus tamē ita te oportet dicere. Etenim cum multis in re- *Iacobi 3.*
bus offendamus omnes, maiorē tamen offensarum partem ne intelligimus
quidem. Propter quam causam ait Apostolus, Nihil mihi conscius sum, sed
nō in hoc iustificatus sum, & Psalter, *delicta quis intelligit?* Hæc Basilius.
Ab occultis meis munda me. i. remitte mihi ea peccata quæ conscientiam
meam fugiunt. Ex qua oratione intelligitur quam vere dixerit Leo, quod *Epist. 91.*

p ij multi-

multiple sit misericordia diuina quæ lapsibus subueniat humanis, Non solum enim Deus illa peccata dimittit, de quibus tristi dolore sigillatim cōterimur, verumetiam ignorata, quæ confusa solummodo animi pœnitundine deploramus. *Et ab alienis.* i. à peccatis quæ aliorum quidem sunt opere, nostra autem efficiuntur comunione, eo quod ratione scandalum aut neglecti officij (attendant pastores & Principes) eorum nos reddiderimus participes. *Parce seruo tuo.* i. ab ijs me puniendis seueritatem tuam compesce. Horum autem peccatorum iram Psalter hoc loco oportune deprecatur, quia aliena peccata quam maxime in causa sunt, vt non liceat alicui nostrum, etiam cui peccatum non est in conscientia, per omnia dicere de diuinis iudicijs, Seruus tuus custodit ea. In hoc enim mortis loco vt præclare docet Ambrosius, etiam si quis operibus aut cogitationibus suam propriam personam contingentibus non contaminaretur, non est tamen à peccatis immunis, quia euadere non potest contactum mortui. i. confortiū alieni peccati. Cæterum ne pro occultis & alienis peccatis nimia trepidatio sit, subiicit Psalter consolationem & dicit:

Serm. 1.
in Psal.
118. ver. 2

14.

Hamil. 2.
et 29.

cap. 66.

Epist. 44.

Serm. 10.
verf. 4.

15.

Si mei non fuerint domini tui, reatus scilicet occultorum & alienorum peccatorum. Qui tunc dominantur, cum meritis bonis & charitati præualent. Præualent dico, quia vt dicit Basilus; hominum omnia dicta & facta ex eo quod superat æstimantur. Neque enim, inquit, Deus hominem examinat particulariter: Nam ego, inquit Isaias, & opera & cogitationes ipsorum coniunctim producturus venio. Hæc Basilus. Si ergo in homine præualeat, imò fuerit, charitas, tum facile omnium delictorum & alienorum peccatorum accipiet indulgentiam. Pendet enim, inquit Ambrosius, per singulos nostrorum statera meritum, & exiguis, vel boni operis vel degeneris flagitij momentis, huc atque illuc sæpe inclinatur. Si mala vergant, heu me, si bona, præsto est venia, nemo enim à peccato immunis, sed vbi propendent bona, eleuantur peccata, obumbrantur, teguntur. de qua re videatur idem, in Psal. 118. *Tunc immaculatus ero*, carens macula quam peccatum mortale inurit animæ. *Et emundabor.* i. immunis ero à delicto maximo, siue magno quod est quoduis peccatum mortale, Superlatius enim hic propositio quibusdam ponitur. Potest tamen & hic esse sensus, à delicto maximo. i. ab Apostasia, quæ est delictum maximum. Ad hanc enim solent homines peccando, & præsertim superbiendo deuenire, vnde & D. Agustinus per delictum maximum hoc loco intelligit superbiam, loco effectus ordinariam eius causam.

Et erunt, q. d. per prædictam legem Domini immaculatam conuertentem animas eueniet, vt complacent eloquia oris mei. nō enim placent Deo sermones qui de corde contaminato procedunt. Ideo dicebat Apostolus:

Exhor-

Exhortatio nostra non de errore, neque de immunditia, neque in dolo, sed sicut probati sumus à Deo, vt crederetur nobis euangelium, ita loquimur non quasi hominibus placentes, sed Deo qui probat corda. *Et meditatio cordis mei in conspectu tuo semper.* Idque, quia mens hominis nō permittitur meditando in Dei conspectum, Deique salubrem notitiam peruenire nisi mundata fuerit, Beati liquidem mundo corde, quoniam ipsi Deum videbunt, hic in ænigmatibus, postmodum in veritate, inquit Bernardus. Emunda itaque, inquit Ambrosius, cor tuum, vt quasi nouum creetur renouato spiritu, omnes pollutas cogitationes de corde tuo abiice, nihil sit quo tuus inquinetur affectus, talibus se Dominus demonstrare dignatur.

Domine. q. d. In conspectu tuo dico Domine, qui es, adiutor meus, te enim nos alleuante meditationes nostras in conspectum tuum subducimus, & redemptor noster, Te enim nos liberante à cordis immunditia expiamur.

PSALMVS XIX.

In finem Psalmus David.

P Saltes in hoc Psalmo Christo opē precatur pro suo corpore quod est Ecclesia, vel si Athanasio credimus, precatur hanc opem vni cuique afflicto. Rectius tamen intelligitur Psalmi huius oratio in Christum dirigi, qui sic habet:

Exaudiat te, ô Christe Dominus in die tribulationis, cum scilicet in tribulatione tua, vt Psal. 17. dictum est, pro hominum salute inuocabis Dominū. Quæ Prophetæ precatio non Christum iuuabat, vt ipse exaudiretur, ipse enim nullius comprecantis egebat adiutorio, vt inquit Ambrosius, qui exauditus est pro sua reuerentia, sed conducebat ad effectum orationis ac tribulationis Christi in nobis amplificato merito, pluribusque eum ex eodem meriti fonte promerētibus, augustius producendum. Ideo Gen. 49. dicit Iacob ad Ioseph, sustinentem personam Christi: Benedictiones Patris tui, quas scilicet Deus Pater tuus in gratiam tui generi humano dare decreuit, confortatæ sunt benedictionibus patrum tuorum, quia ob benedictiones quibus Patriarchæ Christo pro suo corpore bene precati sunt (quarum manifestum exemplum habemus in benedictione Isaac ad Iacob, in quo benedicebat Christo pro sua Ecclesia) Dei benedictio confortata est, quia de plurium sanctorum merito tanquam de ampliore, & ratione amplitudinis quodammodo validiore quodam principio, augustius prouenit. Voluit autem Deus meritis Christi etiam Patriarcharum benedictiones accedere, non rei necessitate, sed ex abundanti, vt effectus nostræ salutis, ad quem solius Christi meritum sufficit, plurium meritis ex Christi

p iij sto pro-

1. Theff. 1.

Matth. 5.

1. Cor. 13.

De cōuers.

ad cler.

cap. 25.

Serm. 8. 18.

Psalm. 118.

16.

1.

Epist. 32.

in fine.

Hebr. 5.

sto prouenientibus redderetur acceptus. Idque abūdaret in gloriam Christi, cui gloriosum est quod non solum habendæ, verumetiam alijs emerendæ vel impetrandæ iustitiæ consortium ac dignitatem suis largiatur. *protegat te*. i. Ecclesiam tuam *nomen Dei Jacob*. i. protegat te Deus ad inuocationem sui sub nomine Dei Jacob. sicut benedixit Deus Ephraim atque Manasse, ad inuocationem sui sub nomine Dei Abraham atque Isaac, cum diceret Jacob: Deus in cuius conspectu ambulauerunt patres mei Abraham & Isaac, Deus qui pascit me ab adolescentia mea benedicat pueris istis. Inuocetur quoque super eos nomen meum, nomen quoque patrum meorum Abraham & Isaac.

2. *Mittat tibi auxilium de sancto*, quod quasi inexpectato de cælo illabatur tibi, & *de Sion*. i. specula, *tueatur te*. q. d. Sint oculi eius semper intenti è sublimi sua habitatione ad defendendum te in tuis membris, etiam tum, cum periculum, in quo versantur, ignorant.

3. *Memor sit omnis sacrificij tui*. i. bonorum operum tuorum, quæ pro membrorum tuorum salute Deo Patri obtulisti. Sit autem memor ut in eorum gratiam multiplicem tibi in corpore tuo impartiat salutem. Vbi notandum est consultum esse hominibus, ut ante diem tribulationis, bona quædam & maxime misericordiæ opera exerceant, ut habeant in tempore tribulationis, ob quod eis dicatur, memor sit omnis sacrificij tui; Qui enim misereatur pauperis, bonum thesaurum thesaurizat sibi in tempore necessitatis, ut dicebat Tobia Angelus. & *holocaustum tuum pingue fiat*. Holocaustum sacrificium erat, quod integrum Domino cremabatur, Per quod significatur hoc loco sacrificium corporis Christi in cruce. hoc optat Psalter, ut *pingue fiat*. i. ut vberem & abundantem à Deo Patre fructum in nostra salute acquirat.

4. *Tribuat tibi secundum cor tuum*. i. cordis tui desiderium, Quod expressit Christus, cum dixit, Ignem veni mittere in terram & quid volo nisi ut accendatur? & *omne consilium tuum confirmet*, ut quicquid in salute hominum procuranda facere disposuisti, prospere succedere faciat.

5. *Latabimur in salutari tuo*. vox est patriarcharum & omnium Christo benedictentium, Hi enim tanquam amici sponsi gaudent, cum salutem quæ à Christo est, ad multos extendi conspiciunt, & *in nomine Dei nostri*. i. in inuocatione nominis Domini Dei nostri *magnificabimur*, idque vel ob multitudinem saluandorum, vel ob iustitiæ & beatitudinis magnitudinem.

6. *Impleat Dominus omnes petitiones tuas*, quas in oratione pernectans Domino exposuisti. *Nunc cognoui quoniam saluum fecit Dominus Christum suum*. videtur Psalter cum Psalmum hunc caneret & huc usque peruenisset accepisse peculiarem reuelationem salutis, quam Christus in suis membris

bris esset accepturus, ob quam reuelationem exclamans ait, *nunc cognoui*, q. d. ecce iam video quanta multitudo per Christum saluanda sit, Et mox rediens ad propositum subdit,

Exaudiet illum de caelo sancto suo, hoc factum est cum Christus orans, 7.
Pater clarifica filium tuum, de caelo responsum accepit: Et clarificaui, & *ioan. 12.*
iterum clarificabo. *In potentibus salus dexterae eius.* q. d. cum vt ei voce
lapsa de caelo promissum est, iterum clarificatus fuerit, tum sedebit in dex-
tera Patris, & salus eius erit in potentatibus, quia non solum salutem acci-
piter, sed potens erit ad dandam hominibus salutem.

Hi in curribus, & hi in equis. Significantur his verbis secundum Cypria- 8.
num, castra diaboli, hominum salutem impugnantia, *nos autem*, (fideles *de exhort.*
loquuntur) *In nomine Domini Dei nostri.* i. Christi, qui Deus & Dominus *mat. c. 10.*
noster singulariter dicitur, quia nos redemit, Qui & hic Deus dicitur, quia
post suam ascensionem, cuius mox mentio facta est, sortitus est nomen su-
per omne nomen, vt nempe tum ab omnibus Deus vocetur. In nomine er- *Philip. 2.*
go Domini Dei nostri tunc temporis inuocabimus, quia tunc implebitur
quod praedixit Christus; In illo die in nomine meo petetis, *inuocabimus* *ioan. 16.*
autem, auxilium contra omnem inimici irruptionem. Vtriusque autem ho-
rum euentum subiiciens subdit:

Ipsi qui in curribus & equis, obligati sunt, Rei enim facti sunt magno- 9.
rum suppliciorum, & *ceciderunt*, quia conatus suos ad effectum non per-
duxerunt, *nos autem* scilicet qui in nomine Dei inuocabimus *surreximus*,
ex infirmitate ad virtutem, & *erecti sumus*, in spem futurae gloriae. Videns
autem Propheta, ea quae haecenus vt praeterita narrauit, & vt fierent opta-
uit, eo demum tempore quo glorificatus erit Christus reipsa implenda ef-
se, optat vt veniat tempus, quo Christus a morte saluus fiat, & ad dexte-
ram Dei confideat, dicitque:

Domine saluum fac Regem. i. praedestinatum Christo salutem ei tribue- 10.
re accelera, & *exaudi nos in die qua inuocauerimus te.* Rege enim nostro
ad gloriam perducto, aduocatum habebimus apud te Iesum Christum iu- *1. ioan. 2.*
stum, qui apud te pro nobis interpellat.

P S A L M V S X X.

In finem Psalmus David.

Psalms hic iuxta Athanasium describit Regnum Christi. In primis
beatum, quia in eo canitur letitia & gloria quam Christus habebit
& etiamnum habet in vita aeterna de aeterna salute sua, & eorum qui
per eum salutem consecuti sunt. Ideoque etiam conuenientissimè Psalmus
iste in festis Sanctorum, quae instituta sunt ad gloriam Christi, legitur, vt

cx eo

ex eo lætitia & gloria quam accepit Christus, ex beatificatione sanctorum suorum intelligatur. Describit etiam regnum Christi eiusque durationem in hoc sæculo. Quamobrem aptè subiungitur priori. In eo enim labor & tribulatio commemorata fuit, quam Christus pro hoc regno adipiscendo sustinuit, in hoc verò gloria & honor atque lætitia quibus abundabit, ubi regnum hoc tanquam laboris sui fructum acqui fuerit. Dicit itaque Psalter Deum Patrem compellans, cui omnia Christi & salutis humanæ opera & collata beneficia tanquam originali auctori tribuuntur.

1. *Domine in virtute tua, quam operaberis in illa die cum constitues Christum ad dexteram tuam, faciens eum Regem gloriæ, de qua virtute alibi: Tecum principium in die virtutis tuæ. Magnæ enim virtutis est creaturam humanam diuinæ sedis facere consortem. In hac virtute lætabitur Rex, qui est Christus, & super salutare tuum. i. plenam salutem atque gloriam quam ei secundum humanam naturam illo die omni ex parte dabis exultabit vehementer.* Dies enim huius salutis est dies ille lætitie cordis eius, de quo in Canticis.

cap. 3

2.

Desiderium cordis eius, quo flagrabat cum diceret: Pater clarifica me claritate quam habui priusquam mundus fieret apud te. His enim verbis petebat illius diuinæ claritatis in humana natura consortium. Hoc ergo desiderium cordis eius tribuisti ei, cum eum in dextera tua collocasti, & voluntate labiorum eius. i. voluntate illa quam labijs suis expressit, cum dixit: Volo pater ut ubi ego sum, illic sit & minister meus, nō fraudasti eum, quia vna cum ipso multos quos secum ad te euexit, tui vultus aspectu donasti, & ab illo tempore reliquis aditum ad te patefecisti. Et quia in illa beatitudine summa lætitia & gratulatio erit de beneficijs, per quæ tam ipse Rex quam sancti eius in hac vita ad illam gloriam præparati sunt, ibi etiam exultabit vehementer,

Iean. 17.

3.

Quoniam præuenisti eum in benedictionibus dulcedinis. i. lætabitur ibi de illa gratia tua qua tam ipse in se quàm in suis mēbris, ut ad hanc gloriam pariter peruenirent, præuentus est. Quæ benedictiones vocantur benedictiones dulcedinis, quia Deus in dulcedine dilectionis suæ, qua voluit nos ex inimicis amicos facere, eas & Christo & nobis præparauit; ac si diceret Psalter: In benedictionibus dulcedinis, quas paraisti in dulcedine tua pauperi Deus. Quæ verè dulcissimæ sunt, quia nihil dulcius sapit, inquit Bern. ea gratia, quæ non modo immeritis, sed etiam male meritis præuenit, & dum adhuc filij iræ sumus, Deus ipse cogitat cogitationes pacis, & ne petentibus quidem, imo impetentibus, non inuocantibus, sed prouocantibus, non interpellantibus, sed etiam repellentibus spiritum bonum, spiritum vitæ, adoptionis spiritum largitur. Quid illi dulce sapiat, cui misericordia

ser. 39 in
ser. paruos
Ierem. 29

cordia tanta non sapit? Hæc Bernardus. D. vero Augustinus vocat benedictiones gratiæ præueniētis benedictiones dulcedinis, quia per eas obdulcatur cor recipientis vt opera pietatis exerceat ex charitate. Deinde latetur Rex, qui *Posuisti in capite eius coronam de lapide pretioso*. i. per gratiam consummantē, illius ciuitatis sanctos, lapides pretiosos fecisti eorumque gloriam in capite Christi posuisti, quia gloriam sanctorum, Christo vt eorum capiti & victoriæ auctori deferri fecisti. Quæ est enim, inquit Ambrosius, corona gloriæ nisi Ecclesia, quæ caput suum Christum coronat, quia gloriam victoriæ suæ Christo vt capiti suo ascribit? Porro quàm ingenti letitia quantaque gloria Rex gloriæ Christus ex beatitudine sanctorum suorum afficiatur sermone explicari non potest, poterit autem id mente vtcunque concipi, si mens extra semetipsam egressa, caelestibus Spiritu sancto sibi impertito, se immiscuerit. Ad quod eam adhortantur Angeli, cū dicunt: Egredimini filiæ Sion, & videte Regem Salomonem in diademate, quo coronauit eum mater sua in die desponsationis eius, in die lætitiæ cordis eius. 1. ad Rom. cap. 9.

Vitam petijt à te. Descendit nunc Psaltes ad describendam Christi gloriam quæ ei obtingit ex regno suo in hoc mundo militante, ac si dicat, *Vitam* nominis scilicet sui, quæ in fide & prædicatione Ecclesiæ viuit, quam vitam extinctam petebant, qui dicebant: Quando morietur & peribit nomen eius? Et alibi: Eradamus eum de terra viuentiū, & nomen eius non memoretur amplius. Hanc vitam petijt à te, & tribuisti ei longitudinem dierum, in sæculum & in sæculum sæculi, vt in fide & cordibus Christianorum viuat, quamdiu voluctur præsens sæculum. Propterea videmus non solum prima post Christum sæcula, sed singula hucusque suos sanctos habuisse, eosque hinc ad æternitatem transeuntes, decorem coronæ Christi cordi que eius lætitiā cum extensione auxisse. Hæc vita nominis Christi præfigurata fuit, cū præciperet Dominus, vt Aaron in tunica superhumerali deorsum haberet mala punica & tintinnabula, vt cum ingrederetur Sæctuarium, audiretur sonitus tintinnabulorum & non moretur. Per fidem enim & charitatem eorum, qui veri Christiani sunt & malis punice comparati, & per prædicationem eorum, qui tintinnabulis aureis comparantur, efficitur vt Christi iam sanctum sanctorum ingressi nomen mundo non moriatur. 4. psalm 40. Ierem. 11. Exod. 28. Hebr. 9.

Magna est gloria eius in salutaris tuo: gloriam & magnum decorem imponas super eum. i. magna gloria debetur huic Regi ob salutem quam tu in hominibus operaris, illamque gloriam facies ei obuenire. Cuius ratio est,

Quoniam dabis eum in benedictionem in sæculum sæculi. i. quia facies eum omnis benedictionis fontem, vt ex ipso tanquam principio meritorio omnis benedictio in homines promanet, lætiscalis enim ingaudia cum vultu

tuo. i. vbi aliquem ex eius membris ad conspectum vultus tui perduxeris, latificabis eum: Gaudet enim super salute suorum.

7. *Quoniam, q. d. Ideo fidenter dico, latificabis, quoniam Rex Christus in suis membris sperat in Domino per benedictionem huius vitæ ad beatitudinem vsque prouchi, & in misericordia altissimi non commouebitur. i. spei suæ prouentu non fraudabitur. Post hæc Psalter orationem adiungit, vt illi qui ad Christum nondum sunt conuersi, ad eum conuertantur, quia non solum consummatio sanctorum, sed etiam conuersio impiorum ad regnum & gloriam Christi pertinet, & dicit:*

8. *Inueniatur manus. i. operatio tua omnibus inimicis tuis. & ne relinqueretur ambiguitas num hæc operatio iustæ retributionis esset, an vero gratiæ subiungit, dextera tua. i. operatio gratiæ tuæ (dextera enim semper in bonam partem intelligitur) inueniat omnes qui te oderunt, vt per eam odium eorum in dilectionem transferatur. Et bene dicit Inueniat, Petit enim vt hæc gratia obueniat ijs, qui non quærunt eam, vt ibi locum habeat quod scriptum est: Inuentus sum à non quærentibus me. Quæ quamuis optauerit, prospiciens tamen Propheta quosdam impios in inimicitia contra Deum perseueraturos, illorum finem prædicens subdit,*

Rom. 10.

9. *Pones eos inimicos tuos, qui ad amicitiam tuam transituri non sunt, vt clibanum ignis, quia in infernum eos præcipitabis, quem videbat Abraham vt clibanum fumantem, in tempore vultus tui. i. in die iræ tuæ, cum fiet vultus tuus super facientes mala, vt perdas de terra memoriam eorum. Dominus in ira sua conturbabit eos, quia omni pace & tranquillitate eos priuabit, & deuorabit eos ignis, quia sine spe euasione in ignem æternum sunt præcipitandi.*

Genes. 15.

Psal. 33.

10. *Fructum eorum de terra perdes, quia omnis fructus propter quem in terra laborabant, honor videlicet, abundantia rerum, voluptas & similia, in hac terra finem habebunt, & insuper æternam perditionem hæreditabunt, & semen eorum perdes à filiis hominum, quia cum filiis hominum, quo nomine iusti intelliguntur, non metent vitam æternam, quia cum illis non seminauerunt iustitiam.*

11.

Quoniam declinauerunt in te mala. q. d. hæc eis obuenant, quia tibi rebelles fuerunt, & multi eorum tibi male facere, si fieri potuisset, intenderunt; cogitauerunt consilia quæ non potuerunt stabilire. quia multi eorum, nescio quibus elemosynis inordinato amore distributis, aut ex aliquo, aut alijs quibusdam operibus cogitauerunt æternum interitum euadere, sed consilium stabile non fuit, quia nullum fortietur effectum.

12.

Quoniam pones eos dorsum. i. permittes vt te ac gratiam tuam veramque iustitiam auersantes, dorsum tibi opponere videantur, & tu eorum iniqui-

iniquitatem auersando, eosque deferendo vicissim eis dorsum opponas, sicut per Prophetam dicitur: Dorsum & non faciem ostendam eis: *in reliquijs tuis*. i. in eis, quos ex medio eorum tanquam reliquias, quæ per electionem gratiæ saluæ fiant, tibi saluandos assumpsisti. *præparabis vultum eorum*. i. per præuenientem gratiam illuminabis eos, vt vultum iustorum induant. Vt autē hæc postrema prophetiæ particula, quæ dicit *in reliquijs tuis*, quæ magnam diuinæ gratiæ vim & misericordiæ virtutem prædicat, impleatur, concludit Psaltes per orationem Psalmum.

Exaltare Domine in virtute tua. i. Tu Christe, de quo prius dixi, quod in virtute Domini lataturus esses, *exaltare in virtute tua*. i. vna cum Deo Patre temetipsum secundum humanam naturam in gloriam & plenam vndique beatitudinem eleua, *cantabimus* cum lætitia & *psallemus* cum gratiarum actione, *virtutes tuas*, quas in conuersione malorum ex eo tempore operaberis.

PSALMVS XXI.

In finem pro susceptione matutina Psalmus David.

PRima huius Psalmi parte enarratur series Dominicæ passionis, Christo loquente in persona infirmi hominis, & per modum querelæ. Cui tamen querelæ cum in posteriore Psalmi parte subiicitur oratio, vt Deus passionem prius recensitam in gloriam patientis & salutem eorum pro quibus passus est conuertat, ex eo manifestum euadit, ei qui priore Psalmi parte loquitur, non fuisse in votis vt passionem euaderet, sed per eam nostram salutem in susceptione matutina inueniret. i. vt per eius passionem in resurrectione futura ad plenam atque æternam salutem susciperemur. Loquitur autem Christus in priore Psalmi parte per modum querelæ, vt diximus, vt se infirmis in modo dicendi conformando, eosdem cum quadam humanitate deceat huc proficere, vt passionum suarum fructum præ oculis habentes, contemplatione fructus inde prouenturi querelam quam infirmitas ex aduersitate concipit, solentur; ipsisque curæ fiat, mala huius vitæ non tam declinando, vt docet Leo, effugere, quàm tolerando superare: Docetque hoc loquendi ordine Christus gratiam noui testamenti, non tribulationes, (intellige viribus vniuscuiusque proportionatas) vt in veteri testamento euadere, sed vincere, & huius victoriæ fructum in æterna retributione magno cum sænore expectare. Loquitur itaque Psaltes in persona Christi, cuius in se gerbat originem, inquit Leo, ideoque etiam Christus in cruce prima huius Psalmi verba voluit repetere, vt declararet prophetiam hanc ad se pertinere, ac dicit:

Deus Deus respice in me. i. misereat te huius passionis meæ, *quare me* q ij *dereli-*

Ser 16. de
pass.

dereliquisti? derelictus est Christus, non per diuinæ personæ separationem, sed quia Deus propriam illius in qua erat carnem à passione immunem non conseruauit. derelictus est enim Christus in quantum passus, inquit Ambrosius. *Longe à salute mea.* Quemadmodum Christus, cum in horto ex parte infirmæ carnis suæ, & etiam in persona infirmorum dixisset, Transcat à me calix iste, mox subiecit; non mea voluntas sed tua fiat, vt doceret priorem illam orationem, quatenus infirmorum erat, corrigendam esse, ita in hoc Psalmo querelam infirmi hominis, quæ præcessit, hoc versu corrigens hominemq; erudiens dicit: *longe à salute mea verba delictorum meorum.* q. d. quid ego conqueror? verba hæc delictorum. i. carnalium desideriorum meorum, vt interpretatur Augustinus, aut lamentationum meorum, vt ex Hebræo legendum esse testatur Hieronymus, *longe à salute mea,* i. nō loquuntur nec desiderant, quæ saluti meæ æternæ expediunt. Attamen D. Ambrosius hunc dat sensum, *longe à salute mea.* q. d. ne quis Arriano errore capiatur, ac si hæc secundum diuinitatem dicerem, quæ passionis omni ex parte exors est, verba enim hæc lōgē sunt *à salute.* i. diuinitate mea, quia illa deferri aut deferta esse non potest. Interposita autem hac carnalium desideriorum correctione, reuertitur ad querelam cœptam & dicit.

Serm. 1. in
Psalm. 118.

In cap. 49.
Esaiæ.

Cap. 5. de
incarnat.
Domini sacr.

2. *Deus meus clamabo,* in infirmis membris meis pro temporali adiutorio tuo, *per diem.* i. in prosperis, ne ea amittam, & *nocte.* i. in aduersis, vt prospera redeant, & *non exaudies,* idque *non ad insipientiam mihi,* sed potius vt sapiam quid iam per noui testamenti gratiam à te expectare, quid desiderare, quid poscere debeam.

3. *Tu autem in sancto habitas.* i. in illis habitas quos sanctificasti, inquit Augustinus, & quos facis intelligere quia ad vtilitatem quosdam non exaudis, *laus Israel.* i. à cuius participatione vera laude dignus est omnis qui pertinet ad Israel secundum spiritum. Porro eius quod est non exaudiri, & tamen hoc non ad insipientiam, exemplum habemus in Apostolo, qui cum terna oratione non obtinuisset stimulum carnis sibi auferri, ex eo discere meruit, quod virtus in infirmitate perficitur.

2. Cor. 12.

4. *In te sperauerunt patres nostri, sperauerunt, & liberaasti eos.*

5. *Ad te clamauerunt & salui facti sunt, in te sperauerunt, & non sunt confusi,* quia salute temporali quam à te implorauerunt non sunt fraudati, Non tamen alieni fuerunt à salute æterna, sed æternæ salutis acquisitio in eis latuit, inquit Augustinus. Huius rei exempla sunt Daniel, tres pueri, & omnes quos recenset Matathias.

Epist. 120
Cap. 11.
1. Mach. 2.

6. *Ego autem.* q. d. cum sicut illi ad te clamasse visus sim, aliud tamē quàm illi consequor, *sum enim vermis & non homo.* i. in oculis persequentium propter vulnerum atque lioris deformitatem, abiectissimum quid & contemptissi-

temptissimum animal sum, Sicut dicit Esaias; Vidimus eum & non erat aspectus. Qui sensus Augustino literalis, Tertulliano aduersus Iudæos & Marcionem probatus est. In quibus tamen verbis non videtur Augustino prætereunda profunditas mysterij, secundum quam Christus *vermis* est, quia sine concubitu de mortali matris suæ carne natus, & est *non homo*, quia non pertinet ad sortem primi hominis, in quo omnes moriuntur, sed singularis est homo, in quo omnes viuificabuntur, *opprobrium hominum* & *abiectio plebis*, cui omnes exprobrant, & cuius discipulis in opprobrium vertitur, disciplina eius. Isaie 53.
1. Cor. 16.

Omnes videntes me, deriserunt me: locuti sunt libijs, & mouerunt caput. Prætereuntes enim blasphemabant eum mouentes capita sua & dicentes, Vah. Similiter & Principes illudebant ei cum Senioribus. 7.
Matth. 27

Sperauit in Domino, eripiat eum, saluum faciat eum quoniam vult eum. 8. Matth. 27
i. quoniam iactauit quod Deus vellet eum aut filius Dei esset. Iam verò manifestè vana facta est præsumptuosa expectatio eius.

Quoniam tu es. Postquam Christus suæ passionis seriem ex parte enarrauit, nunc ad Deum se conuertit, atque ea quæ consolationem adferre & languidum animum erigere possent commemorat, id quæ non sui, sed nostri causa, vt suo nos exemplo doceat, inter querelas quas suggerit infirmitas, ne per eas nimis deiiciamur, animum ad Deum conuertendo, bonitatis ac gratiæ ipsius recordatione atque inuocatione nobismetipsis animum addere, dicit quæ; *tu es qui extraxisti me de ventre.* Pro eo quod noster textus legit, *extraxisti*, Tertullianus legit *auulsisti*, quod vocabulum pulchrè vrget, ex eo probans Christum secundum corpus materni vteri visceribus realiter cohesisse: Quid enim, inquit, auellitur ab aliquo, nisi quod inhaeret infixum, innexum est ei à quo vt auferatur auellitur? Ex eo autem quod Christus Beatæ Mariæ visceribus cohesit, docet naturæ lege consequi, eum ex eadem vere conceptum esse. Sed nostra lectio quæ est *extraxisti ex ventre*, aliud quid non minus verum indicat, nempe Christum ex virgine natum esse. i. ex matre sua clauso vtero prodijisse. Quod enim extrahitur, potenter eruitur; Et quod Christus de virgine natus est, omnipotentiae diuinæ ascribitur, quia id iura naturæ superat. Porro quamuis nemo nisi diuina virtute cooperante ab vtero matris suæ auellatur aut nascatur, propter quod Apostolus dicit ad Galath. Qui me segregauit ab vtero matris meæ, peculiariter tamen Christus dicit Deo, *Tu es qui extraxisti me*: quia vt à matris suæ visceribus auelleretur, aut ex ea extraheretur, non manu hominis, sed singulari Dei virtute obstetricante factum est. *Spes mea.* i. fiducia, felicitas, ac robur meum, *ab uberibus matris meæ.* i. à primo tempore meæ natiuitatis. Quo verbo indicatur Christum iam à primo

q iij tempore

tempore suæ natiuitatis mentis ac rationis vsum habuisse, Sperari enim non potest, nisi mentis officio. Quin & id quod addit, *ab uberibus matris meæ*, veritatem conceptus ex matre confirmat, non enim fieri potest naturaliter vt docet loco citato Tertullianus, & Beda, vt vbera fœminea lac habeant nisi ex vteri fecunditate. *In te proiectus sum ex utero*. i. ab initio me totum tibi gubernandum tradidi, totusque à te dependi.

In cap. Lu-
ca 11.

10. *De ventre matris meæ Deus meus es tu*. i. Sicut ego tuus, ita vicissim meus fuisti. *ne disceſſeris à me*. Orationem hanc Christus adiungit, non vt pro se obsecret, sed vt pro nobis impetret, non enim impetrandi egebat auxilio, inquit Ambrosius, qui facere ipse poterat quod rogabat.

Serm. 10.
vers. 4. in
Psalm. 118.

11. *Quoniam tribulatio proxima est*. i. quia persecutio quam dico, non bona exteriora solummodo, non famam, sed carnem ipsam, qua homini naturaliter nihil magis propinquum attentat, *quoniam non est qui adiuuet*, nemo enim ad liberandum Christum aliquid auxilij attulit, hoc autem tribulatis augct tristitiam.

12. *Circumdederunt me vituli multi, tauri pingues obsederunt me*. i. propter petulantia plebeorum, & superbus tumor magnatum, inquit Leo.

Serm. 9. de
passione.

13. *Aperuerunt super me os suum, sicut Leo rapiens & rugiens*, cum crudeliter clamarent Crucifige, quod & Ieremias prædixit. Facta est, inquit, hæreditas mea mihi, quasi Leo in silua, dedit contra me vocem suam.

13.
Marci 15.
Cap. 12.

14. *Sicut aqua effusus sum*, quia sanguis Christi ac si aqua fuisset, in terram copiosissime est effusus, inquit Cyrillus, & dispersa sunt omnia ossa mea. Propter integritatem corporis Christi, quod nullatenus fuit dissolutum aut luxatum, hic versus de ossibus Christi metaphoricè dictis debet intelligi, Apostolis scilicet, qui reliquis ad Christi corpus tunc temporis pertinentibus erant fortiores, & totius corporis Christi quædam columnæ.

Homil. 18

Math. 26. Ossa ergo Christi dispersa sunt, cum discipuli omnes, relicto eo, fugerunt.

15. *Factum est cor meum tanquam cera liqueſcens in medio ventris mei*. Nec hoc de corporeo Christi corde intelligendum est, quia cor hominis non est in medio ventris eius. Metaphoricè itaque hic intelliguntur corda fidelium eorum, qui tempore passionis Christi fide & Spiritu sancto nondum plenè imbuti, cura & magisterio Christi fouebantur, donec Spiritus Christi perficeretur in eis. Et ob id quod solummodo concepissent spiritum salutis, similes erant ijs qui adhuc in utero portantur, donec ad perfectionem quam requirit partus, peruenerint. De qualibus dicit Christus per Esaiam: Qui portamini ab utero meo, qui gestamini à vulua mea. Ex quorum numero erant Galathæ, cum ad eos scriberet Apostolus: Quos iterum parturio, donec formetur Christus in vobis. Istorum cor liquefactum est vt cera in medio ventris Christi, quia cum tempore passionis Christi

Cap. 46.

Galat. 4.

sti à

Iti à fide & amore eius non omnino recederent, sed in desiderio magistri sui permanerent, tamen soliditas fidei, & spei robur, si quod antea habuerant, illo tempore in eis multum labefactatum est.

Aruit tanquam testa virtus mea, quia sicut testa præ siccitate fragilis est, ita præ siccitate quam passus est Christus, vitæ mortalis vigor in eo atteri cœpit, multumque debilitari. Et sicut testa sorbet guttam aquæ quæ ei superfunditur, ita Christus in siti aruit, vt vniuersorum, inquit Ambrosius, absorberet tentationes. *& lingua mea adhæsit faucibus meis*, præ ardore sitis, vel iuxta Tertullianum, quia Christus in passione, tanquam agnus coram tondente se obmutuit, *& in puluerem mortis deduxisti me*, non illum de quo scriptum est; Puluis es & in puluerem reuerteris; non enim in cinerem dissolutum fuit corpus Christi, sed in illum puluerem mortis, quo apud Iudæos solent corpora mortuorum condiri, Corpus enim Christi deductum est in sepulchrum cum aromatibus, sicut mos est sepeliri Iudæis. 16. Epist. 16. & ser. 18. in Psal. 118. 4 cōt. Mar. cap. 42. Genes. 3. Ioan. 19.

Quoniam circumdederunt me canes multi. Canum nomine Iudæi significantur vt hic, & Psalmo 58. & apud Apostolum, ob id quod cum Christus eis sanctum Dei verbum tradidisset, conuersi sunt tanquam canes ad dirumpendum eum. *consilium malignantium*. i. mala mihi machinantium. venerunt enim in Conciliū pleni iniqua cogitatione aduersus Christum, sicut olim Seniores aduersus Susannam. Principes enim Sacerdotum quærebant falsum testimonium aduersus Iesum, vt eum morti traderent. *Ob-* 17. Philip. 3. Mat. 26.

Foderunt manus meas & pedes meos. hic aperte indicatur quod ex Evangelio aperte non colligeretur, videlicet Christum crucifixum esse, manibus pedibusque eius clauorum transfixione terebratis & perforatis. *dinumerauerunt omnia ossa mea*. Significatur corpus Christi in cruce vsq; adeo distentum fuisse vt oculis patuerint omnia ossa corporis eius. 18.

Ipsi vero considerauerunt & inspexerunt me, sicut dicit euangelium, sedentes seruabant eum. *Diuiserunt sibi vestimenta mea*. Ad literam notum est, quo tamen significabatur, quod multæ gratiæ gratis datæ haberi possint in schismate, atque ab iis possideri, qui per charitatem sibi mutuo copulati non sunt. *Et super vestem meam*, desuper contextam per totum, quæ quid significat, inquit Augustinus, nisi charitatem? quæ ex dilectione Dei tota contextitur, quia dilectio proximi ex dilectione Dei oritur, inquit Greg. Oportet enim diligere proximum, quia Deus eum in se, inquit Augustinus, censuit diligendum, *miserunt sortem*. hæc enim non diuiditur, quia ad schismaticos aut discordes non transit, sed ex occulta diuinæ gratiæ prouidentia, sorti comparata, quasi accidit ei cui donatur. 19. Tract. 13. in Ioan & epist. 171. 7 Moral. cap. 11.

Tu

20. *Tu autem Domine ne elongaueris auxilium tuum à me: ad defensionem meam conspice.* Iterum orat hic Christus vt pro nobis impetret. quod hinc manifestum euadit, quia subiicitur:
21. *Erue à framea. i. gladio, animam meam,* ne ipsa metu gladij in æternam incidat perditionem. Christus enim à gladio nihil est passus, sed Martyres eius. Cùm autem martyres complura tormenta passi sint, in quibus diuina eguerunt protectione, singulariter tamen orat Christus erui à framea animas eorum, eo quod complures Martyres, qui innumera supplicia superauerunt, gladio demum interfecti sint, vt huius vocabuli vsu insinuet Christus se martyribus suis petere constantiam vsque ad mortem, quæ eis per frameam, vt plurimum, illata est. & *de manu canis*, id est, cuiusuis hominis quod sanctum est prosequentis. *Vnicam meam. i. Ecclesiam meam.* Aut vnius cuiusque animã. Quæ per emphasim vnica dicitur, eo quod ea perdita cætera omnia temporalia bona, si quæ salua esse possunt, nihil pro sint.
22. *Salua me ex ore leonis,* vt nulla crudelitas aut sermone aut opere mihi intentata, à salute me abducatur, & *à cornibus unicornium humilitatem meam. i. ne illi qui in Ecclesia mea conditione humiles & infimæ sortis sunt, potentiam & sublimitatem superbiorum extimescentes, eorum metu aut reuerentia à iustitia deficiant.* Per *unicornes* enim, inquit August. superbi intelliguntur, quia omnis superbus solus & singularis esse cupit; ideoque superbiam inuidia semper comitatur, tanquam vindex singularitatis, quam sibi superbia vendicat. Post hanc orationem recenset Christus fructum suæ derelictionis, docens nos contemplatione prouentus & exitus solari querimoniam infirmitatis, dicitque:
23. *Narrabo nomen tuum fratribus meis.* Dignationis est ista appellatio, *Ad Heb. 2.* fundata super cõmunicatione carnis & sanguinis vt docet Apostolus. Quod autem dicit *narrabo*, quid aliud importat, quàm quod post passionem suam *Matth. 26* Euangelium esset prædicandum in vniuerso mundo? *In medio Ecclesiæ*, in publico & aperto, *laudabo te*, in membris meis. Quia tamen quod Christus in membris suis facit per operationem gratiæ, id ipsum membra Christi faciunt per suum liberum arbitrium, ideo subiicitur exhortatio, qua dicit:
24. *Qui timetis Dominum,* id est, qui seruitis Domino, *laudate eum: vniuersum semen Iacob. i. omnes qui ex semine Iacob estis electi.* Sermo eosdem designat quos ille quo dicebatur ad Danielelem: *Saluabitur populus tuus omnis, qui inuentus fuerit scriptus in libro vitæ.* Prius autem nominat *semen Iacob* quàm gẽtiles, tum quia ad eos qui electi erant ex Israel secundum carnem primariò pertinebant Dei promissa, tum etiam quia fructus Domini cæ passionis prius ad Iudæos pro parte deuenit, *glorificate eum.*
25. *Timeat eum. i. ad cultum eius conuertatur omne semen Israel. i. omnes electi*

electi ex Israel secundum carnem. Et causam meritoriam huius rei subiungens: *Quoniam*, inquit, *non spreuit nec despexit deprecationē pauperis*, Quæ deprecatio non illa erat qua dicebat, Transeat à me calix iste; Illa enim oratio pertinebat ad verba delictorum, sed oratio pauperis erat quam Christus passurus funderet pro salute filiorum promissionis.

Matth. 26

Ioan 17.

Nec auertit faciem suam a me, & cum clamarem ad eum exaudiuit me. 26.

Apud te laus mea in Ecclesia magna. Loquitur Christus ad patrem, & sensus est: Magna congregatio fidelium vera laude ante te seu coram te glorificabit me. *Vota mea reddim in conspectu timentium eum*, Vota hæc sunt sacrificium corporis Christi, inquit Augustinus, quod est sacramentum fidelium. Ipse enim Christus illud per Sacerdotes offert, astante omni populo, & offerente, atque vota sua, vt habet Canon Missæ, Deo reddente. Hoc autem sacrificio oblato, ex hostia eius, 27.

Edent pauperes. i. humiles & iustitiæ famelici. Quibus verbis simul innuitur, quod pauperes populi prius sint ad Christi fidem conuertendi, ita vt primis Ecclesiæ temporibus locū habuerit illud Apostoli: Infirma mundi elegit Deus vt confundat fortia. & *saturabuntur.* cum apparuerit gloria Dei, ad quam de sacrificio altaris māducando educantur, & *laudabunt Dominum qui requirunt eum*, Sacrificiū enim corporis Christi est sacrificium Eucharisticum. *viuent cordi eorum*, Eucharistia enim cibus est animam nutriendus, atque vitam instaurans, *in sæculum sæculi*, Dicit in sæculum sæculi, quia Eucharistia in vsu erit, & vitam quibusdam dabit vsque dum venerit Dominus finem imponens sæculo. 28.

1. Cor. 1.

Reminiscentur. Ab hoc loco Psaltes vsque ad finem in sua persona loquitur prædicans conuersionem gentium, quæ conuersioni aliquorum Iudæorum successit, de quo dicit, *Reminiscentur.* Reminisce, vt docet Augustinus, cum nobis in mentem venit id cuius nos non cogitabamus habere notitiam, admoniti autem eius recordamur. Cum ergo vnus Dei notitia menti humanæ non sit omnino exempta, sed sit in multis oblitterata, cum audita prædicatione Euangelij gentilis cognitionem vnus Dei concipit, tum Domini Dei sui remiscitur (inquit Augustinus) tanquam recipiens notitiam quam prius aliquousque habuerat, sed de qua cogitabat. Hoc ergo modo gentiles *remiscentur*. Qui ne sint ex numero illorum qui cognoscentes Deum, non sicut Deum glorificauerunt, etiam *conuertentur ad Dominum.* i. ad vnus Dei cultum & obsequium. Id autem facient non vnus regionis gentiles, sed *vniversi fines terræ.* i. gentiles diffusi per vniversos fines terræ. Neque pauci & rari, sed 29.

14. de Trinitate cap. 13

Rom. 1.

Adorabunt in conspectu eius vniversæ familie gentium. Tam pleni enim erunt 30.

erunt fines terræ fidelibus, vt non sit futura familia vlla (familie nomine latius vt scriptura solet accepto) de qua non aliqui credituri sint.

31. *Quoniam Domini est regnum.* i. Christo à passione sua dabitur regnum, & *ipse dominabitur gentium.* i. vtetur etiam regia sua potestate atque per eam conuertet gentes, sicut dixit Daniel, filius hominis vsque ad antiquum dierum peruenit, & dedit ei potestatem, honorem & regnum, & omnes populi tribus & linguæ seruient ei.
- Daniel. 7.
32. *Manducauerunt & adorauerunt omnes pingues terræ.* Numerus enim Christianorum qui primitus ex pauperibus fere collectus est, tandem sic multiplicabitur vt etiam potentes secundum sæculum ad eum accessuri sint. Hi manducauerunt & adorauerunt. Nemo enim corpus Domini manducat nisi & adorauerit illud. Augustinus tamen per pingues terræ, superbos intelligit, & secundum sæculum potentes. Eiusmodi enim in se tolerat Christi Ecclesia. De his autem notat Augustinus, quod Psalter dicat eos quidem manducasse & adorasse, non autem addit eos saturatos esse, quia sumunt vna cum reliquis sacramentum corporis Christi, non autem saturantur, quia non esuriunt & sitiunt iustitiam, & reuera non quærunt per sacramenta effici meliores. *in conspectu eius cadent,* vel vt Hebræi legunt, genu flectent, *omnes qui descendunt in terram.* i. omnes qui mortui fuerint.
- Matth. 5.
- Rom. 14.
- Philip. 2.
33. *Et anima mea illi viuet.* Id Psalter de se dicit. Nouerat enim id per prophetie spiritum. Et dicit, viuet illi, quia sanctorum est nō suam sed Christi facere volūtatē. quod Dauidem fecisse Paulus testatur, cū dicit, Dauid cū administrasset voluntati Dei dormiuit. & *semen meum seruiet ei,* quia posteri de semine Dauid Dei cultores fuerunt iuxta Prophetiam. Prædicat tibi Dominus, quod domum tibi faciet Dominus, & fidelis erit domus tua in sempiternum.
2. Reg. 7.
34. *Annuntiabitur Domino generatio ventura.* Patres enim familiarum, & maiores Ecclesiasticarum congregationum, *annuntiant* seu commendabunt Deo suos posteros, vt gratiæ quam ipsi cōsecuti sunt efficiantur heredes. Ideo & dicit Dauid, Incipe & benedic domui serui tui, vt sit in sempiternum coram te. *Et annuntiant cæli.* i. prædicatores apostolici, *iustitiam eius.* i. iustitiam quæ ex Deo est & per Spiritum sanctum, *populo qui nascetur,* quia à generatione in generationē transibit hæc prædicatio; quam prædicationem audiet ille populus, *quem fecit Dominus,* vt salubriter audiat verbum salutis & recipiat salutem.
2. Reg. 7.
- Philip. 3.

Psalmus David.

IN hoc Psalmo cum gratiarum actione enumerat Psaltes specialiter siue in specie beneficia atque praesidia per quae Deus in nouo testamento homines ad salutem perducit. Nam quis sufficit sigillatim enumerare singula quae Deus regendo, deducendo, protegendo, in vno atque eodem homine operatur? Quando enim sufficio, inquit Augustinus, lingua calami enunciare omnia hortamenta tua, terrores, consolationes, gubernationes tuas, quibus me hucusque perduxisti? Dicit itaque Psaltes in persona bonorum Ecclesiae filiorum, quibus solis, teste Augustino, competit Psalmus.

Dominus regit me, Legunt Hieronymus & alij, *pascit me*. Quae diuersitas hanc affert vtilitatem, vt discamus in Scripturis sacris (pascere) poni pro (regere) ideoque Dominum cum dixit Petro, *Pasce oues meas*, Petrum non tantum Doctorem, sed Rectorem & Praepositum populi sui instituisse. Sensus itaque est, Dominus salutis meae prouidentiam gerit, meque ad eam adipiscendam gubernat & dirigit. *Nihil mihi deerit*. i. facit id tanta diligentia vt vere dici possit, eorum quae ad salutem fidelis populi necessaria, imò commoda sunt, nihil deesse, *in loco pascuae ibi me collocauit*. Hic locus est Ecclesia Christi, quae siue in sacramentis, siue in scripturis, siue in doctorum ac concionatorum vberibus, necessaria iustis habet & praebet pascua. Quae promittebat Dominus cum diceret: Si quis per me in ouile introierit, ingredietur & egredietur, & pascua inueniet. Bona pascua, quibus iustus alitur, & nutritur, Viuit enim homo ex omni verbo quod procedit de ore Dei.

Super aquam refectionis educauit me, Per aquam hanc Augustinus baptismum intelligit, qui bene dicitur aqua refectionis, eo quod per eum reficiamur in nouum hominem, & per eum anima à labore & angore pristino refocilletur. Super quam aquam educauit Dominus bonos filios Ecclesiae, cum eos tanquam modo genitos infantes fecit lac doctrinae spiritualis concupiscere, & per id crescere ad sapientiam in salutem. Quamquam per aquam etiam intelligere possimus gratiam Spiritus sancti, quae praebet nobis, & sine qua non praebent nobis dicta Ecclesiae pascua refectionem. *Animam meam conuertit*. Si hoc de prima conuersione intelligatur, videbitur sententia haec esse Psalmo ordine praepostero inserta; prius enim oportet à saeculo ad Deum viuum conuerti, quam super aquam refectionis, aut in loco pascuae collocari. Itaque ordinatum magis erit sententiam hanc intelligere de conuersione, qua oportet vt iustus animam suam frequenter ad Deum

r ij pro

8 de Gene. ad lit. c. 12. pro auxilio gratiæ eiusque cooperatione conuertat. de qua conuersione Augustinus, Non tale aliquid est homo factus, vt deferente eo qui fecit possit aliquid agere bene tanquam ex seipso, sed tota eius actio bona est conuerti ad eum à quo factus est, & ab eo iustus, pius, sapiens beatusque semper fieri, Et vt iuste, piè, sapienter agat, nouo semper auxilio Dei adiuuari. Itaque *animam meam conuertit*. i. tempore & loco me regeneratum ad se pro auxilio confugere fecit.

3. *Deduxit me super semitas iustitiæ*. i. direxit me vt in vijs iustitiæ ambularem atque proficerem. Vbi notandum est, nomē *Iustitiæ* poni singulariter, & *semitarum* pluraliter, eo quod, vt notat Bernardus, Iustitia seu charitas vna sit, sed in diuersa se diffundat opera. Dicuntur quoque viæ iustitiæ semitæ, quia arcta est via quæ ducit ad vitam. *propter nomē suum*. i. propter semetipsum suamque ipsius bonitatem, Vel, vt faceret sibi nomen. Et quia propter mala & tentationes huius vitæ præter cætera egemus etiam Deo protectore, post expositum auxilium Dei quo adiuuamur in bonis, transit Psaltes, & explicat protectionem contra mala, dicitque:

4. *Nam et si ambulauero in medio umbræ mortis*. i. inter pericula peccatorum mortalium, *non timebo mala, quoniam tu mecum es*. i. meus protector es. Qua autem id ratione?

5. *Virga tua & baculus tuus, ipsa me consolata sunt*. q. d. quamdiu ventura tormenta, quæ per virgam & baculum significantur formido, gratiam quam acceperam seruo. Sic Hieronymus. Diuus verò Bernardus in declamat. hunc sensum videtur requirere. *Si ambulauero in medio*, &c. i. si semitas iustitiæ deferens, in peccata mortalia (quæ eo quod mortem adferant & simul obscurant, umbra mortis dicuntur) incidero, in ijsque ad tempus perseuerando quasi deambulauero, *non timebo mala*. i. non erit mihi propterea metuendū quasi damnatio mihi inuitabiliter esset obuentura, *quoniam tu mecum es*, vt ab umbra mortis in lucem iustitiæ educas me. *Virga tua* qua conscientiam percutis, & *baculus tuus*, quo percussam conscientiam spe futuræ remissionis contra pusillanimitatem sustētas & erigis, *ipsa me consolata sunt*, quia, inquit Bernardus, eo modo peccatores sentiunt sibi remitti peccata. Cæterum quia in via huius vitæ præter cætera etiam tribulatio adfert periculum, contra illam quoque remedium & protectionem nobis prouidit diuina benignitas, de qua dicit Psaltes consequenter,

6. *Parasti in conspectu meo mensam*, visibilis enim est mensa hæc, *aduersus eos qui tribulant me*. Quæ mensa Augustino & Ambrosio est sacramentum Eucharistiæ. Quod quantopere nos muniat aduersus omnes qui tribulant nos, explicat Cyprianus. Viuentibus inquit, communicatio nobis danda est, vt quos excitamus & hortamur ad prelium, non inermes ac nudos relin-

relinquamus, sed protectione corporis & sanguinis Christi muniamus. Et cum ad hoc fiat Eucharistia ut possit accipientibus esse tutela, quos tutos esse contra aduersarium volumus, eos munimento dominicæ saturitatis armemus. Notat interim Augustinus mensam Dominicam eos demum aduersus omnes tribulantes munire, qui ex ea vitam, non autem iudicium sibi manducant & bibunt. His enim ex ea charitas instauratur vel increfcit, quæ eos bene munit aduersus tribulantes, quia patiens est, benigna est. 1. Cor. 13.

Impinguasti in oleo caput meum. Hoc de oleo sacramentali intelligit Augustinus. Impinguatur itaque in oleo caput fidelium, qui cum bene præparati Chrismate per Episcopum in fronte consignantur, charitatis pinguedinem seu ubertatem, atque adeo eam quæ spirituales viros deceat perfectionem consequuntur. Impinguatur quoque in oleo caput eorum qui in Episcopos consecrantur, quia oleo in capita eorum effuso, pinguescit charitas eorum, ut in perfectam aliorum salutem abundet. Potest interim per oleum hoc, gratia Spiritus sancti metaphoricè intelligi, sicut cum dicitur: Omni tempore sint vestimenta tua candida, & oleum de capite tuo non recedat, ut fiat hic olei mentio tanquam effectus mensæ de qua præcessit, *Parasti in conspectu meo mensam.* Mensa enim illa non præbet præsidium aduersus eos qui tribulant nisi per gratiam Spiritus sancti, quam dignè sumētibz impertit. Quæ expositio per id probabilis redditur, quia secundum eam, inter mensam Domini & calicem mensæ eius, nullius alterius sacramenti mentio interferetur. *Et calix meus.* i. calix sanguinis tui vsui meo concessus *inebrians.* i. hominem ab amore sui alienum faciens, sui que quasi obliuione donans. *Quam præclarus est?* dicit id per admirationem, eo quod præstantiam huius calicis ob continentiam Domini sanguinis realiter præsentis, nullis verbis effari sufficiat. His ergo verbis teste Augustino insinuat, quod mensa Domini aduersus tribulantes sic muniat, ut etiam faciat martyrium cum letitia omnisque tristitiæ obliuione tolerare. De qua re Bernardus: Stat martyr tripudians atque triumphans toto licet lacero corpore. Vbi ergo tunc anima martyris? in tuto, in vulneribus Iesu ad introeundum patentibus. Si in suis esset visceribus, scrutans ea ferrum profectò sentiret. Nunc autem exul à corpore dolores corporis non sentit, neque hoc facit stupor sed amor, submittitur sensus non amittitur, nec deest dolor, sed contemnitur. Ex Christo martyris fortitudo, inde planè potens ad bibendum calicem Domini, *Et hic calix inebrians quam præclarus est?* Hæc Bernardus. Ebrietatem tamen hanc quam operatur calix Domini, D. Cyprianus non solis martyribz, sed reliquis qui inter Christianos sæculum perfectius contemnunt, & diuino cultui ardentius incumbunt, tribuit atque accommodat in hæc verba: Spiritus sanctus in Psalmis faciens mentionem 7.
Locoin ex
plic. tit. all.

Eccles. 9.

August. in
Psalm. 35.

serm 62.
in Cant.

Cyp. epist.
63.

f iij calicis

- calicis Domini, Calix inquit tuus inebrians quàm peroptimus est, quia bibentes sic inebriat, vt sobrios faciat, & mentes ad spirituales sapientiam redigat, vt à sapore isto sæculari ad intellectum Dei vnusquisque resipiscat. Et quemadmodum vino isto communi mens soluitur, & anima relaxatur, & tristitia omnis exponitur, ita & potato sanguine Domini & poculo salutari, exponatur memoria veteris hominis, & fiat obliuio conuersationis pristinae sæcularis, & mœstum pectus ac triste diuinæ indulgentiæ laetitia resoluitur. Hæc Cyprianus. Vis autem inebriandi hîc Dominico calici tribuitur, non quasi corpus Domini sub panis specie illam nō habeat, sed quia illa in calice Domini per vini specie singulariter & euidenter figuratur & promittitur. Sacramenta etiam semper quidem operantur gratiam quam significant, operantur tamen etiam gratiam quam subinde non significant. Vt autem in his Domini muneribus homo perseverare possit, subiicitur:
8. *Et misericordia tua subsequetur me*, per gratiam subsequentem, quam D. Augustinus distinguit à præueniente, quod præueniens gratia facit vt homo velit, subsequens verò facit ne frustra velit: Suppeditat enim bonæ voluntati vires vt opere perficiat quod voluntate inchoauit; Suppeditat etiā bene operanti voluntatis & virtutis perpetuitatem, vt in cœptis perseveret
- omnibus diebus vitæ meæ*, necesse enim est, vt docet Hieronymus, vt gratiam Dei accipiamus quotidie, non solum ob iustitiæ incrementum, verum etiam quia nihil nos sumus nisi quod ipse donauit, in nobis ipse seruauerit. Et quandoquidem qui super semitas iustitiæ deducti, & à Domini mensa sunt resecti, sine peccatis non sunt.
9. *Et. s. subsequetur me misericordia eius, vt inhabitem in domo Domini, beata, in longitudinem dierum.* i. in æternum, quæ longitudo dierum etiam promittebatur, cūm diceretur: Vt sis longæuus super terram. i. æternus in terra viuentium, si Augustino credimus; Subsequetur autem iustos hæc misericordia vsque ad diem iudicij, vt in illo misericordiam inueniant, quam precabatur Apostolus domui Onesiphori.

Cat. in 3.
p. 9 80. 9.
2. ad 1.

Cap. 12.
Enchir.

Epist. ad
Ctesiph.

Exod. 10.

1. Tim. 1.

PSALMVS XXIII.

Psalmus David prima Sabbathi.

Per primam Sabbathi quidam intelligunt diem Dominicæ resurrectionis. Resurrexit enim Dominus mane prima Sabbathi. Sed cum in hoc Psalmo nulla Dominicæ resurrectionis fiat mentio, Sabbathi nomine, requiem æternæ vitæ hoc loco aptius intelligimus: In qua significatione etiam sumitur Sabbathi nomen Esaiæ 66. Erit Sabbathum ex Sabbatho. i. continua erit requies in futuro. Sabbathi ergo nomine prænotatur hic Psalmus, eo quod in medio eius declaretur qualem cum esse oporteat

oporteat qui ad eternam requiem peruenire velit. Et nomine primæ Sabbathi, quia circa finem eius exponitur quid gestum sit cū Christus intraret in requiem suam, die videlicet suæ ascensionis, quæ erat prima Sabbathi, quia eo die primum introitum in ciuitatem supernam humana natura sortita est. Hebr. 4.

Domini est. i. à Domino est, & diuini iuris atque dispositionis est, *terra & plenitudo eius, orbis terrarum, & vniuersi qui habitant in eo.* hoc ad literam intelligendum est, eo quod Apostolus ex hoc loco doceat nullam creaturam Christiano fugiendam esse tanquam immundam. dogmata enim ex sensu scripturæ literalis statui & probari debent. Rationem autem ob quam Domini sit terra subdens, ait, 1.

Quia ipse super maria. i. mari circumfusam, inquit Basilus, *funduit eam.* i. stabilem fecit eam. Super quo enim bases illius consolidatæ sunt? inquit Dominus ad Iob. Non ergo mare fundamentum seu basis terræ, sed potestas Domini qui terram in medio elementi fluidi præcepti sui firmamento suspendit, ita vt eam inclinari, inquit Ambrosius, non patiatur. Dicitur tamen ab eodem terra fundata, quia ipsa est fundamentum, inquit, in quo consistimus. *& super flumina.* i. fluminibus pertusam, *præparauit eam,* vt esset apta recipiendæ culturæ reddendisque frugibus. flumina enim terræ passim interfusa sunt, aut vt ardorem ignis à terra prohibeant, si Basilio credimus, aut vt irrigent terræ ariditatem, si Tertulliano; Sine fluminibus ergo terra esset infrugifera. Sed quandoquidem Deus temporalia, teste Irenæo, fecit propter hominem, vt maturescens in eis fructificet eternitatem, transit Psaltes ad inquirendum ea quæ hominem à terra mortalium ad terram viuientium perducere possunt, & dicit: 1. Cor. 10.

Quis ascendet in montem Domini. q. d. Quamuis terra & plenitudo eius hominis causa creata sint, non tamen ob id homo terrenarum rerum amoribus se immergat, quin potius in terra cōstitutus cogitet qua ratione *ascendet in montem Domini, aut stabit.* i. stabilitatem habebit, *in loco sancto eius!* i. cælo quod non nisi sanctorum est. Quamobrem veteres etiam docuerunt terrena commoda, quamuis in hominis gratiam à Deo sint creata, propter præstantiam iustitiæ, & futuræ gloriæ, potius deferenda quam sectanda esse. Inter quos Leo, Omnis quidem creatura Dei bona est, sed non sumus creati, vt omnes mundi copias expetamus, tanquam quod liceat sumi, non liceat prætermitti. Agnoscat autem Christianus maiores menti dandas diuitias quàm carni. Similiter Ambrosius & Hieronymus. Quod ipsum etiam Deus attendens, abstinentiam à rebus à se creatis præcepit homini in statu innocentie causa obedientie. in veteri testamento, causa mysteriorum, in nouo testamento causa continentie. Ideoque ex eo quia Domini est terra & plenitudo eius, 2.

plenitudo eius, nihil aliud colligi potest quàm nullius creature quasi immū
dæ vsum fugiendum. Respondens autem interrogationi suæ Psaltes subdit:

4. *Innocens manibus.* i. qui suis operibus nec sibi, nec alijs nocuit, & *mundo corde*, per quam particulam à beatitudine excluduntur Iudæi, infideles, & hæretici, tametsi à sceleribus & facinoribus sibi caueant aut cauere videantur, non enim hi mundo sunt corde, quia fidem non habent qua Deus purificat corda hominū. Excluduntur per eam & hypocritæ, quibus inquinatæ sunt mens & conscientia, quibus ob id dicitur, *Munda prius quod intus est paropsidis & catini.* Interim sufficienter mundo est corde, qui cupiditati qua inuitus non caret, ratione & voluntate dominatur, *Qui non accipit in vano animam suam.* i. qui tempore huius vitæ per bona opera, bona æterna thesaurizare sibi non neglexit, vanum enim est, quicquid ad æternitatem non prodest, inquit Ambrosius.

Mat. 15.
Ad Tit. 1.
Matth. 23

Cap. 1. de
fuga sec.

5. *Hic accipiet benedictionem* æternæ beatitudinis, de qua Psal. Benedixit filiis tuis in te, à Domino, & *misericordiam* in die iudicii, à Deo salutare, seu vt legit Tertullianus, sanctificatore suo.

Psal. 147.

6. *Hæc est generatio quærentium eum, quærentium faciem Dei Iacob.* q. d. qui hæc in præsentī vita faciunt, constituunt progeniem illam quæ dicitur quærere Deum. Sed quia regnum cælorum nemo etiam iustorum ingredi potuit nisi Dei filius ingressum eius omnibus per seipsum reserasset, vnde & dicebat: Nemo ascendit in cælū, nisi qui descendit de cælo, filius hominis qui est in cælo, ideo admodum conuenienter Psaltes sermonem subiungit, de illis quæ gesta sunt in Dominica ascensione. Per hanc enim initiauit nobis viam nouā, & præcursor pro nobis ingressus Iesus introitum æterni regni nobis aperuit. Propterea tria huius Psalmi membra, tametsi res multum diuersas complectantur, hoc inter se coherent ordine, vt primo membro doceamur vnde nobis ad beatitudinem ascendendum sit, secundo quibus operibus, tertio per quem. Dicit itaque Psaltes:

Ioan. 3.

Hebr. 10.

7. *Attollite portas principes vestras.* In quibus verbis proponuntur nobis secundum Dionysium voces Angelorum primi ordinis, qui in ascensione Domini Domino præeuntes, angelis qui cæli, inquit Ambrosius, ianuas feruant (collocavit enim Dominus Cherubim & flammeum gladium ad custodiendam viam ligni vitæ, i. æternæ sapientiæ, inquit Basilus) His inquam dicunt Angeli: *attollite portas principes vestras, & vos ipsæ portæ æternales.* i. ad æternitatem introitum præbentes *eleuamini.* i. altius diducimini vt spatiosum præbeat ingressum. *Et introibit Rex gloriæ,* cui quodammodo spatiosior debetur ingressus quàm erat eius egressus. Portæ enim cæli quem emisserant, (licet nunquam eius capiant, inquit Ambr. maiestatem) redeuntem capere non poterant, quia redibat trophæis auctus & manubijs

Cap. 7. cæl.
Hierarc.

Genes. 3.
Eccl. 13.

Amb. 4. de
fide cap. 1.

manubiis copiosus. Et præsertim quia in eo ut omnium redemptore totus inquit Ambrosius, mundus intrabat. Hæc considerantes Angeli Christo præambuli, dicebant *Attollite portas principes*, quia ob id quod dictum est, maiorem, inquit Ambrosius, quærebant viam reuertenti. Angeli autem portarum custodes qui vsque ad id tempus verbum siue Dei filium secundum suam diuinitatem, teste Cyrillo, non ignorauerant, ignorauerunt autem cum fuisse carne indutum, & simul ea quæ in carne egerat, ut fateri videntur Dionysius loco citato & Ambrosius. Aut saltem si hæc non ignorauerunt in Dei sapientia, ignorauerunt eadem in propria existentia, ut arbitratur Augustinus; hi inquam cum viderent Christum trophæa suæ victoriæ ferentem, & gradientem in multitudine fortitudinis suæ, ignorantes quis esset, aut gloriam eius admirantes, dixerunt:

10. in lea.
cap. 9.

De inslit.
Virg. ca 5.
5 de Ge. ad
list. ca 19.
Esaie 63.

Quis est iste Rex gloriæ? quibus Angeli præambuli. *Dominus fortis & potens, Dominus potens in prælio.* q. d. Iste est qui diabolum, peccatum & mortem congregando vicit & potenter superauit. merito itaque suo portas vestras ipsi attollite, ut benedicatur in æternum in præmium operum suorum heroicorum, inquit Basilus. Verum quia Christus etiam alio titulo regnum cælorum conscendit, iure videlicet eo quo erat cælorum Dominus, ideo ut eius causæ explicandæ occasionem accipiant, antecessores Angeli iteratò mandant.

8.

In psal. 44

Attollite portas principes vestras & eleuamini portæ æternales & introibit Rex gloriæ. Angeli vero custodes, quia teste Ambrosio, processus habent scientiæ & capacitatem profectus, iteratò interrogant.

9.

Loco præal
legato.

Quis est iste rex gloriæ? & respondetur eis, *Dominus virtutum.* i. qui nunc & semper atque natura sua erat Dominus virtutum angelicarum, ut pulchrè vrget hæc verba Cyrillus, *ipse est Rex gloriæ.* i. ipse idem est, quem in humana sua natura ad propria remeantem cernitis, ideo attollite portas, ut iure suo vna cum sua humanitate ingrediatur in requiem suam.

10.

3. thesc 2

PSALMVS XXIIII.

In finem Psalmus David.

IN hoc Psalmo non est oratio Christi, sed cuiusuis iusti, qui dicit:

Ad te Domine leuaui animam meam, per mei ad te conuersionem, Cum enim anima moueatur affectibus, cum se conuertit ad ea quæ sursum sunt, dicitur se leuare, cum vero ad ea quæ deorsum, dicitur se deiicere. *Deus meus in te confido*, Confidentia robur spei est, in quam spes ipsa tandem increfcit, *non erubescam*, quia prouentu confidentiæ meæ non fraudabor. Cum enim Deus ijs qui pusillo sunt animo frequenter sponte occurrat, qua ratione deerit sperantibus, cum spes & confidentia

1.

f diuinæ

*Serm 9 in
psal 90.* diuinæ gratiæ obtinendæ, magna sint causa? vt latius declarat Bernardus.

2. *Neque irrideant me inimici mei.* quod facient, si expectationem meam non fuero assecutus, sicut patet in vxore Tobia, quæ arbitrata Tobiam temporalem retributionem à Deo spectasse, cum iam nihil minus obtinuisset, illudebat ei dicens: Manifestè vana facta est spes tua. *Etenim vniuersi qui sustinent te non confundentur.* verba sunt fiduciæ, quæ confirmat Ecclesiasticus cum dicit. Respicite filij nationes hominum, quis sperauit in Deo, & confusus est! Quin potius.

3. *Confunduntur.* i. confundentur æterna confusione, omnes iniqua agentes *superuacue.* i. iniquitatem exercentes etiam cum nulla eis subest ratio vel infirmitas, sed mera malè agendi libido, vel *superuacue.* i. qui iniqua agunt, & qui in vanum accipiunt animam suam, Vtrique enim in æternam deuenient confusionem.

4. *Vias tuas Domine,* per quas ad te itur, *demonstra mihi, & semitas tuas.* i. angustas illas vias quas pauci inueniunt, *edoce me,* per id doctrinæ genus, quod præter manifestationem veritatis simul præbeat charitatem, de quo Augustinus.

*cap. 13. de
gra. Christi.*

5. *Dirige me.* i. ad rectè consiliandum atque eligendum vel ordinandum ea quæ mihi facienda sunt, adiuua me. Auxilio enim Dei ad bene eligendum dicitur homo dirigi, auxilio vero ad exequendum dicitur confortari inquit Diuus Thomas. *in veritate tua.* sola enim Dei directio, vera directio est, humanæ autem prudentiæ directio, abductio. quid enim sine te mihi sum, inquit Augustinus, nisi dux in præceptis? *& doce me quia tu es Deus saluator meus,* & te sustinui tota die. i. in omnibus consilijs, actionibus, & ijs quæ mihi agenda aut arripienda forent, tuam directionem spectauim, & cum longanimitate expectaui.

*3. cõf. gent.
cap. 81.*

4. cõf. sc. 1

6. *Reminiscere miserationum tuarum Domine, & misericordiarum tuarum quæ à sæculo sunt.* vt ijsdem miserationibus me præuenias, quibus sanctos tuos ab initio sæculi huc vsque direxisti.

*1. de Inter
pell. cap. 7.*

*21. de Cin.
cap. 16.*

7. *Delicta iuuentis meæ & ignorantias meas ne memineris,* hoc adiicit, ne ob peccata præcedentia directione diuina habeatur indignus. nominatim vero petit obliuionem fieri delictorum suæ iuuentutis, eo quod iuuentus inualida viribus, inquit Ambrosius, infirma consilijs, vitio calens, fastidiosa monitoribus, illecebrosa delitijs, sic obnoxia sit peccatis, vt paucissimi sint, inquit Augustinus, tantæ felicitatis, vt ab ipsa ineunte adolescentia, nulla damnabilia peccata committant, vel in flagitijs, vel in facinoribus, vel in netariæ cuiusquam impietatis errore, sed magna spiritus largitate opprimant, quicquid in eis possit carnali delectatione dominari.

8. *Secundum misericordiam tuam.* hoc verbo indicat, vnde petat impendendæ

dendæ sibi misericordiæ mensuram à Deo desumi, videlicet secundum rationem infinitæ suæ misericordiæ; vt misericordiam impertiendam Deus metiatur proportionem facta, non ad meritum vel dignitatem orantis, sed ad amplitudinem suæ bonitatis. *memento mei tu propter bonitatem tuam Domine.* cum petimus vt Deus quid præstet propter semetipsum suamque bonitatem, tum obsecrare dicimur. Dicendo itaque *propter bonitatem tuam*, petit vt Deus ipse causa esse velit propter quam, sicut cum dixit, *secundum misericordiam tuam*, rogauit, vt Deus vellet esse mensura, secundum quam misericordiam dispense, vt manifestum fiat, quam sit omni ex parte verum quod dixit Esaias, Israel autem saluabitur in Domino.

Dulcis & rectus Dominus, propter hoc legem dabit delinquentibus in via, vt normam habeant, secundum quam distortos suos mores rectos faciant. Ex eo enim quod Dominus rectus est, competit ei vt sit regula obliqui, ex eo quod dulcis est, placet ei vt se præbeat regulam obliquo.

Diriget mansuetos in iudicio prudentiæ suæ, docebit mites vias suas. Hi enim ad accipiendam à Domino eruditionem, proximè dispositi sunt, sicut scriptum est: *Esto mansuetus ad audiendum verbum Dei.* Hoc autem, vt notat August. non ita est intelligendum, quasi tantummodo tales adiuuet Deus, cum adiuuet etiam feroces vt mitefcant, sed adiuuat Dominus mansuetos vt proficiant, non mansuetos, vt mansuetudinem induant.

Vniuersæ viæ Domini misericordia & veritas. Si hoc sine sequentis particulæ adiectione absolutè diceretur, tum nomine veritatis iudicium Dei iustum intelligi posset, sicut intelligit Diuus Prosper: Sed quia subiungitur, *requiruntibus testamentum eius, & testimonia eius*, ideo conuenientior est sensus, Illis qui requirunt Deum vt faciat secundum testamentum aut promissum suum, est misericors, quia exhibet illis misericordiam cum dicunt, *Miserere mei secundum eloquium tuum, & similia.* Est illis & verax quia fideliter implet ijs quod promissit.

Propter nomen tuum Domine propitiaberis peccato meo: multum est enim. Propter nomen tuum. i. propter temetipsum. Aut, vt per experientiam indulgentiæ tuæ glorificetur nomen tuum in eo quod omnes magnitudinem indulgentiæ tuæ, vt quæ cōsentanea sit verbis Prophetarum tuorum, prædicent.

Quis est homo qui timet Dominum? Et ne hoc quispiam sibi tribueret adiungit Psalter. *Legem statuit ei in viam quam elegit?* q.d. Quis est homo qui timet Dominum, & vt ad Dei pertingeret timorē, legem ab eo accepit, per quam eum timeret? Quicumque is fuerit, non frustra Deum timebit, quia,

Anima eius in bonis demorabitur. i. æternis bonis in fine fructur, & *semen eius.* i. quæcunque bona opera hic seminauerit, hereditabit terram.

f ij i.per

De bono mor ca. 9. i. per ea hereditatē in terra viuentium acquireret, Vel, in bonis demorabitur, vt ipse etiam in mortali corpore positus, in bonis spiritualibus habitet, & terrenum suum corpus in seruitutem redactum, in pace possideat. Vtrumque sensum dat Ambrosius.

15. *Ephes. 1.* Firmamentum est Dominus timentibus eum, per prædestinationem secundum suum propositum, per hanc enim infallibiliter & insuperabiliter eos vocat, iustificat, lapsos erigit atque magnificat. & testamentum ipsius vt manifestetur illis. i. promissio quam post mortem ipsis implere affirmavit, est, vt semetipsum illis manifestet sicut dicit Christus, Manifestabo illi meipsum.

16. Oculi mei semper ad Dominum, vt ab eo adferatur auxilium mihi, quoniā ipse euellet de laqueo pedes meos. ne scilicet affectus mei ab illecebra peccati illaqueentur aut capiantur. Cui oculorū erectioni precē adiungens, addit.

17. Respice in me & miserere mei quia vnicus. i. vnus ecclesiæ, inquit Augustinus, filius. vel vnicus. i. humana ope & fauore nō illibenter destitutus, & pauper. i. exiguus meritis sum ego.

18. Tribulationes cordis mei multiplicatæ sunt. multi enim qui persequuntur me & tribulant me, quia vexamur in hac vita à tribulatione malorum & dolore. De necessitatibus meis. i. aduersitatibus, quibus me necesse est obnoxium esse, erue me Domine. quod fieri videtur, cum datur homini vt faciat de necessitate virtutem, & aduersitate quam euadere non potest bene vtendo, eam sibi aliquouſque facit voluntariam. De quo aduersitatis bono vsu sequitur.

19. *Bern. in de clamat.* Vide humilitatem. i. vilitatem meam (inquit Bern.) cuius eruditione ad virtutem humilitatis exerceor, de qua Dauid, si forte videat Deus humilitatem meam, Et laborem meum, quo iustitia hic in tolerandis imo tolerando corrigendis aliorum iniquitatibus defudat. Et dimitte omnia peccata mea. humilitas enim quæ tribulationum exercitijs acquiritur, & labor quo cum aduersitatibus Christiano morē congregimur, impetrandæ veniæ non parum conducunt.

20. Respice, cohibendo, inimicos meos, quoniam multiplicati sunt. numero, & ob id simul inualuerunt audacia & iniquitate, & odio iniquo, quia gratis & sine causa oderunt me.

21. Custodi animam meam, ne odium inimicorum mihi scandalo sit, & erue me. Eruitur ab illis qui eorum infestatione ad peccatum non seducitur, & magis qui per eam augetur merito. non erubescam. verbum est confidentiæ, quoniam speravi in te. Spes enim non confundit. vel, non erubescam. i. non patiaris me erubescere. quoniam speravi in te.

22. Innocentes & recti adhaeserunt mihi. Superius ergo dixit se esse vnicum, quia

quia erat humana ope destitutus, *quia sustinui te*. In omni enim aduersitate quam à malis perpetitur, nunquam iustus omni ex parte destituitur solatio & fauore bonorum. Porro Psaltes qui hactenus Christianorum singulos informauit qua ratione sibi deprecandum esset, adiungit orationem generalem pro omnibus in angustia constitutis. Christianæ enim charitatis est, ut quisque ex suis recordetur omnium eorum qui in angustijs positi sunt, & oratione pro se facta etiam pro illis precetur, quia Ecclesia ut in commune tentatur, ita etiam in commune orat, inquit Ambr. dicit itaque:

Amb. 1. offic. cap. 29. 23.

Libera Deus Israel. i. totam ecclesiam Dei, *ex omnibus tribulationibus suis*. Itaque ex coherentia Psalmi satis apparet sensum quem circa verba *De necessitatibus meis* dedimus, huic loco proprium esse. D. August. tamen & qui cum secuti sunt, intelligunt hæc de necessitatibus, quibus anima humana gratia Dei destituta subiecta est. Inter quas necessitates una est necessitas habendæ concupiscentiæ & motuum eius, Est & alia quam vocat August. necessitas peccandi; sed id hoc sensu, quia homo sine gratia Dei non potest per semetipsum omnia peccata grauiora aut damnationem euadere. Cui tamen qualicunque necessitati ratio obtinendæ à Deo subuentionis suggeritur, per hoc quod dicitur de necessitatibus meis erue me Domine. Necessitates enim suas euadet quisquis hæc debite orauerit.

Aug. de natura. & gratia. cap. 66. de perf. in illis. ratio. 9. Prosper. 3. de uita contempl. ca. 2.

PSALMV S XXV.

In finem Psalmus David.

Iudica me Domine. i. Iudicio approbationis, idque facito, vel hic, vel saltem in futuro. Cum enim Dominus sit expectatio gentium ad iudicium, teste Augustino, videtur hoc verbo exponi fiducia aut desiderium iustorum in diem iudicii. *quoniam ego in innocentia mea.* i. cordis mei, *ingressus.* i. conuersatus sum. Et occurrendo obiectioni qua dici ei posset, quomodo audes expetere iudicium Dei, cum nondam perseueraueris? demonstrans se perseuerantiam in spe habere, dicit. *Et in Domino sperans.* i. cum in Domino sperem, *non infirmabor.* i. non deficiam ab innocentia mea.

Proba me Domine & tenta me. Tentatur quis, ut docet Aug. tentatione noxia, ut in peccatum inducatur. Tentatur etiam tentatione utili ut probeatur. De posteriore hic sermonem esse tum fides docet, quia Deus intentator malorum est, & ipse neminem tentat, tum ipse Psalmi textus; præcedit enim, *Proba me*, quod verbum præcedendo dirigit intellectum nostrum, ut tentationem hanc, de ea quæ ad probationem fit intelligamus. Porro dicere Deo. *Proba me*, non omnium, sed fortium est, ut indicat Augustinus. Qui etsi Deo testimonium perhibente conscientijs eorum, se illi notos esse

2. Cap 6 de bon. perse. iacobi 1.

14. de ciuit. cap 9.

f iij

tos esse

- 3er. 3 v. 2. Ambrosius, cognosci & probati esse plenius & euidentius desiderant. *Ure igne charitatis omnia desideria consumente renes meos.* i. ipsam cupiditatum mearum carnalium sedem. *& cor meum.* i. sedem cupiditatum corruptæ mentis. Ne autem probari desiderans præsumere videatur, subiicit.
3. *Quoniam misericordia tua ante oculos meos est.* q. d. ideo confidenter probari expeto, quia præ oculis habeo misericordiam tuam, per quam non tentabor, supra quam potero, & à qua adiuuabor, vt bene vtar tentatione. *& complacui in veritate tua.* q. d. eo iam perueni, vt mihi in me hoc tantummodò placeat, quod est in me efformatum ad veritatem tuam. non ergo mihi molestum erit tentatione tua argui, aut igne tuo castigari, quia his modis magis magisque reuocor atque reformor ad veritatem tuam. Per quæ autem opera ingressus est iste qui hic loquitur in innocentia sua?
4. *Non sedi.* i. non consensi, nec cooperatus sum, *cum consilio vanitatis.* i. ijs qui captant consilia vanitatum. *& cum iniqua gerentibus.* i. facinorosis, *non introibo,* consentiendo vel cooperando.
5. *Odiui ecclesiam.* i. conuentum. *malignantium.* i. mala machinantium, *& cum impijs.* i. in Deum peccantibus, *non sedabo.* i. consortem me illis non præbebo. Veruntamen licet innocens homo à prædictorum peccatorum consortio immunem se seruauerit, quia tamen sine peccato non viuit, ne per negligentiam emundandi se à peccatis quotidianis in eorundem incidat contemptum, eaque ratione innocentiam perdat, subiicit Psalter:
6. *Leuabo inter innocentes manus meas.* i. operam dabo me vna cum omnibus iustis à quotidianorum peccatorum sordibus per quotidianam penitentiam emaculare. *& circumdabo altare tuum Domine.* i. cultui tuo qui præcipue in visibili altari tibi exhibetur, circumquaque adero. Circundare enim frequentiam & multitudinem, si Euthymio credimus, importat.
7. *Vt audiam vocem laudis tuæ.* i. audiendo discam ea quæ laudis tuæ sunt; quæ vbi didicero, *entrrem in uersa mirabilia tuæ,* sic Augustinus.
8. *Domine dilexi decorem domus tuæ.* i. eos qui in domo tua. i. ecclesia tua vasa sunt in honorem, *& locum habitationis gloriæ tuæ.* i. eos quos inhabitando glorificas, & à quibus tu vicissim ob inhabitationis tuæ gratiam glorificaris.
9. *Ne perdis cum impijs Deus animam meam.* q. d. quia tamen in domus tuæ communione, vna cum impijs qui in ea tolerantur aut latent, viuo, *ne perdis.* i. non perdes ob hanc communionem vna cum eis animam meam, sed suo tempore nos ab illorum societate, vt in hac vita amorum dissimilitudine, ita in futura, retributionis diuersitate separabis. *& cum viris sanguinum.* i. homicidis, *vitam meam.* i. animam.

In quo-

In quorum manibus iniquitates sunt. i. qui pleni sunt iniquis operibus, 10.
& dextera eorum repleta est muneribus, quia muneribus ad iniquitatem se-
 ducuntur, & muneribus aguntur.

Ego autem. q. d. illis licet mala agentibus, Ego tamen in innocentia mea 11.
ingressus sum, & ideo iniquitas eorum mihi in futura vita obesse non pote-
 rit, *redime me,* à malorum consortio, *& miserere mei.*

Pes enim meus stetit in directo, id est, rectam viam quæ ducit ad perfe- 12.
 ctam iustitiam perseueranter ambulaui. In qua via si vltimus dies hominem
 bene ambulanti inuenerit, etiam si perfectam iustitiam tum nondum ap-
 prehenderit, potius erit perficiendus quam puniendus, inquit August. *In* 2. de bona
Ecclesiis. i. vnitatis ecclesiastica, *benedicam te Domine,* nisi enim pro his perf. ca. 21
 Dei beneficijs gratus existeret, per ingratitudinem innocentiam perderet. Trin. c. 17.

PSALMVS XXVI.

Psalmus David priusquam liniretur.

Initus est David cum in Regem vnctus est. Priusquam autem à Sa-
 muele vngeretur, dixit de eo ad Samuelem Dominus: Prouidi, L. Reg. 16.
 i. per prouidentiam meam iam præparavi de filiis Isai mihi in Re-
 gem. In quem sensum precabatur & Moyses, Prouideat. i. præparet Do- Num. 18.
 minus Deus spiritum omnis carnis, virum qui possit ingredi & egredi ante
 populum hunc. Itaque titulus Psalmi, qui, vt ex Augustino diximus, velut
 clavis quædam, ad sensum Psalmi introitum præbet, indicat Dauidem hoc
 Psalmo ea cantare, quæ Dominus in eo operatus erat, priusquam in Regem
 vngeretur, per quæ & eundem præparauerat vt idoneus esset regis digni-
 tati accipiendæ. Et vere sic se res habet. Priore enim parte psalmi descri-
 bit Psalter ea quæ in eo præcesserant priusquam ad regni gubernacula promo-
 ueretur. Deinde quid sibi ob id iam ad regiam dignitatem exaltato speran-
 dum fuerit à Domino. Postremò quid tempore illius suæ sublimitatis ege-
 rit. Et hæc, ad informationem eorum qui postmodum in petra. i. Christo
 seu corpore Christi exaltandi sunt, vt ex hoc Psalmo animaduertant quali-
 ter oporteat eos esse præparatos priusquam exaltentur, qua spe fultos cum
 exaltantur, cui rei in primis deditos cum in sublimi versantur. Dicit ita-
 que Psalter:

Dominus illuminatio mea. Dicit potius illuminatio mea, quam lumen 1.
 meum, quamuis & hoc verum sit, vt significet eos præcipue qui præparan-
 tur continuis potius illuminationibus proficere, quam lumine aliquo per-
 fecto gaudere. *& salus mea.* q. d. saluans me, vt omnia quæ agam salutariter
 exerceam. Quo versiculo vsus est Diuus August. vt probaret contra
 Pelagium gratiam Christi, non solum veritatis ostensionem, sed eiusdem
 etiam

etiam dilectionem prestare, *Quem timebo?* Nemo enim mihi quippiam quod pro nocumento ducendum sit, hoc casu poterit inferre. Per salutem enim à Domino mihi concessam omnia sunt salua. Quapropter & Dominus dicebat: Nolite timere eos qui occidunt corpus, animam autem non possunt occidere. An autem timendum mihi erit, ne iustitia à Domino mihi concessa, & ex consequenti salus sperata, per aduersitatem aliquam expugnetur? ne id quidem, quia,

2. *Dominus protector vitæ meæ*, qui ipsam quam dedit gratiæ vitam tuetur & propugnat, à quo *trepidabo?* Quis enim Deo propugnante fortior erit, quia si Deus pro nobis, quis contra nos?

3. *Dum appropiant super me nocētes, ut edant carnes meas.* i. dum aduersitas non solum in ea quæ circa me sunt defauit, sed tam propinqua accedit, ut etiam carnem meam inuadat:

4. *Qui tribulant me inimici mei, ipsi infirmati sunt.* quia iustitiam & animi tranquillitatem, nec quidem attrectata carne mea, expugnare, Deo protegente, potuerunt. *Et ceciderunt*, quia in maius peccatum prolapsi sunt. Dicit autem Psaltes hæc in præterito, non tam enarrans ea quæ sibi cum priuatam vitam ageret euenerant, quam quæ nata sunt euenire eis quibus Dominus illuminatio & salus & protector vitæ est.

5. *Si consistant aduersum me castra.* i. aduersariorum societas instructa numero, scedere, autoritate, & omnis generis armatura, *non timebit cor meum*, de Domini protectione confidens & securum.

6. *Si exurgat aduersum me prælium, in hoc ego sperabo*, quia prælium exercet ad probationem, probatio adfert spem.

7. *Vnam.* i. vnum. Apud Græcos enim & Hebræos adiectiua substantiuantur, non solum in neutro genere ut apud Latinos, sed etiam in sceminino, ut notat Augustinus. dicit itaque *Vnam petij à Domino, hanc requiram.* q. d. Ideo non timebo, quia nihil est quod in præsentī vita appetō, aut magnopere requiro, & ob id damna præsentium rerum quarumcunque non reformido, sollicitus id solum assequi, *ut inhabitem in domo Domini*, beata scilicet *omnibus diebus vitæ meæ.* i. in æternum. Ne autem in hoc appetitu Psaltes suum solummodo bonum, & non potius Deum ipsum diligere videatur, subiicit:

8. *Ut videam voluntatem Domini.* Error est in hoc vocabulo, nō interpretis, sed scribarū vel typographorū. Græci enim & cum Hieronymo, Aug. Ambros. legunt *iucunditatem* aut *delectationem*. Ideo verisimile est scriptores vocabulorum vicinitate deceptos, voluntatem pro voluptate scripsisse. Optat itaque in domo Domini videre etiam *voluptatem Domini.* i. videre delectationem, quæ Deus est sibi. Quia præ amore amicitiae quo

Deus

In psa 118
ad verba,
Hæc facta
est mihi.

Deus principaliter diligendus est, diuinam beatitudinē videre desiderat, ipsius Dei ac diuinę pulchritudinis & suauitatis amore. Proinde, in vno hoc quod petijt à Domino & requisit, duo cōplexus est, videlicet videre Deum illudque bonum quod Deus est sibi, & inhabitare in domo Domini, ipsiusque summi boni participatione beari. Quę duo spectasse videtur Ambrosius. cum dixit. Epulatoriū & plenum iucunditatis est requiescere in Deo, & eius delectationem videre. Hoc autem quid aliud est quam facie ad faciem videre, quod de se dixit æterna sapientia, Delectabar per singulos dies ludens coram eo omni tempore ludens in orbe terrarum, & delicia me esse cum filiis hominum? Dicitur ergo hic Voluptas Dei, non quę à Deo deriuatur, sed quę Deus ipse in semetipso delectatur, Sicut B. Augustino ad Phil. 4. Pax Dei dicitur, nō quę à Deo est, sed quę Deus in semetipso pacatus est. Voluptas enim quam percipiūt beati, tāetsi voluptas Dei dici possit quia ab eo est, ea tamen hoc loco non satis cōmodē intelligi potest nomine Voluptatis Domini, quia dicit Psalter ut videam voluptatem Domini, illa verō non tam videtur quā gustatur, quia non tam intellectu quā appetitu intellectu ad diuinam visionē consequenter, percipitur. *Resistens templum eius.* Templum illius ciuitatis est Dominus Deus, inquit Ioannes, & Agnus. Dei filius secundum humanitatē templum est, in quo etiam in illa beatitudine singulariter habitat Dominus. Dicendo ergo *resistens templum eius.* quid aliud innuit. quam se appetere vti in vita æterna vna cum cognitione Dei veri, de qua supra, cognoscat etiam quem Deus Pater misit scilicet Christum? Eo quod lucerna illius ciuitatis. i. secundarium obiectum futurę beatitudinis sit Agnus? Ad hæc ergo per Dei providentiam peruenerat Psalter priusquam finiretur. Quid vero spei ad accipiendā à Deo reliqua quę ei iam victo & exaltato erant ad salutem necessaria exemplum cum capere oportuerit, sequitur:

Quoniam abscondit me in tabernaculo suo: in die malorum protexit me in abscondito tabernaculi sui. q. d. Cum adhuc priuatam vitam agerem, & necdum essem velut in theatro mundi positus, contra tentationes domesticas ac priuatas protexit me, secreta ope auxilij sui: At nunc,

In petra qui est Christus. i. in Christi corpore siue ecclesia exaltauit me. i. superiorem locum siue Regium thronum ascendere fecit, qui locus plures inimicos & grauiores plerumque aduersitates sortitur, ac bellis publicis obnoxius est; Proinde sicut tunc, ita & nunc exaltabit siue exaltabit caput meum super inimicos meos. q. d. priora eius cum in silentio agerem auxilia experto mihi de eo sperandum est, quod per auxilium cooperationis & protectionis suę etiam nunc in hoc rerum statu, me omnibus inimicis meis faciet superiorem. Superior autem efficitur in primis qui aduersa per-

De fug. se. cap. 8.

Preuerb. 3.

Epist. 112 cap. 18.

Apoca. 21

9.

10.

t

patien-

patientiam vincit, magis autem qui aduersantes sibi ad meliorem mentem conuertit, & facit iustitiam, disciplinam, ac pietatem, superiore semper loco cum obtinere. Quid vero Psaltes in petra exaltatus sibi agendum esse putauit?

11. *Circuiui. i. varijs sanctorum congregationibus ob participanda eorum merita, voto, amore, atque etiam sanctorum loca corporaliter obit. & immolui in tabernaculo eius. i. Ecclesie unitate. Hostiam vociferationis. i. ardentis desiderij ac deuotionis. Cantabo & Psalmum dicam Domino. i. orationi huic, ut omni ex parte bene instructa sit, addam gratiarum actionem. Dicam autem in hac hostia vociferationis.*

12. *Exaudi Domine vocem meam qua clamaui ad te, miserere mei, & exaudi me.* Hæc verba obsecrationis sunt. Petebat autem quod sequitur:

13. *Tibi dixit cor meum. i. non verbotenus, sed medullitus tibi dixi, exquisiuit te facies mea. i. non solo interno desiderio, sed etiam plano & expresso studio te requisui. faciem tuam Domine requiram. i. etiam in hoc sublimi gradu operam dabo tibi occupari animo, tuique contemplatione frui, eamque si amifero requirere. Quibus verbis docet Psaltes, quod non debeant illi, præsertim qui rebus spiritualibus aut Reipublicæ per spiritum præ sunt, desiderium seu studium vitæ contemplatiuæ præmittere.*

14. *Non auertas faciem tuam à me.* Hoc additur, quia videre faciem Domini non est in præiudicio aut conatu scrutantis, sed in dignatione Domini semetipsum scrutanti manifestantis. Sicut dicit Bernardus: Si quando ait contingat hominem rapi in cognitionem diuinæ maiestatis, digitus Dei est iste, dignanter leuans hominem, non hominis temeritas insolenter Dei alta peruadens. Hoc desiderio præcipuè ante suum Pontificatum ardebat Gregorius, cum de se scriberet: Conabar namque quotidie extra mundum, extra carnem fieri, cuncta phantasmata corporis ab oculis mentis abigere, & superna gaudia incorporaliter videre, & non solum vocibus, sed medullis cordis ad Dei speciem anhelans dicebam: Tibi dixit cor meum, quaesui vultum tuum. Si autem hoc quod dicit, *Faciem tuam Domine requiram*, intellexerimus fieri pro futura vita, tunc sensus est, Requiram te in futuro videre facie ad faciem. *Ne declines in ira à seruo tuo. i. noli peccatis meis indignatus me deferere, quod est, gratiam iustificantem atque tuum in me incolatum à me auferre. Quod ut non fiat, quandoquidem potius humanarum non dico virium, sed partium est, quam Dei, prius enim per auxilium gratiæ præuenientis agendum est homini ne ipse deferat Deum, quia Deus non deserit nisi desertus, ideo subdit Psaltes orationem pro se, & dicit:*

15. *Adiutor meus esto ne derelinquas me. i. non permittas me etiam iustificatum mihi metipso, ne, quod tunc certò euenturum esset, ego deferam te.*
Iustificati

Iustificati enim qui absque diuina protectione suo dimittuntur libero arbitrio, cadunt & Deum deserunt. Te autem me iustificatum dirigente & adiuuante, eueniet vt ego non deferam te, nec tu declines à me. *neque despicias me Deus salutaris meus.* Qui enim hoc modo deseruntur, vel potius sibi derelinquuntur, despicì videntur, inquit Lyra. Sic enim derelinquuntur quos Deus ad perseuerantiam non predestinauit, vt docet Augustinus, *Hi autem inter illos numerari possunt quos Deus despexit.* Quamquam iustificati subinde derelinquuntur & corruant ad correptionem non ad damnationem, vt Psalmo 29. patebit.

cap. 13. de
cor & gra.

Quoniam pater meus & mater mea dereliquerunt me. q. d. Adam & Eua, 16.
mediantibus parentibus proximis fecerunt me à iustitia desertum & virtute spiritali sic destitutum, vt tota infirmitate necdum sanata, adhuc hodie super sit mihi pronitas ad declinandum, & difficultas ad surgendum. Et hoc quidem illi; ex alia autem parte *Dominus autem assumpsit me* in curam & protectionem suam. Qui morti ac infirmitati à patre & matre ingentem gratiam ex diametro opponens, *me*, non solum à præteritis redemit peccatis, sed sciens me iterum posse peccare, ad reparationem sibi, vt post ista, inquit Cælest. Pontifex, possit corrigere, multa seruauit, & quotidiana præstat ille remedia, vt illis omnes nos freti & nixi, humanos possumus vincere errores & lapsus. Per spem itaque diuini huius auxilij dicit Psalter:

Epistol. ad
Petr. ca 6

Legem pone mihi Domine in viam tuam. Lex unicuique ponitur, cum ei legis intelligentia datur, & qua ratione dicta & facta sua legi consentanea reddat, intus informatur. *& dirige me* per prælucentem mihi gratiam tuam, *in semitam rectam.* i. vt inter varias agendi rationes quæ animo humano occurrunt, amplectar id quod rectum est. Hoc autem hic (*semita*) nomine appellatur, quia fere angustum est & arctum. *propter inimicos meos.* egeamus enim peculiari Dei protectione ob pericula quibus subiicimur per aduersarios.

17.

Ne tradideris me in manus tribulantium me, non dicit in manus, præcipua enim illi cura est, ne à Deo permittatur ad impietatem seduci, vt anima impiorum desiderat. *quoniam insurrexerunt in me testes iniqui.* Inter reliquas enim tentationes quibus iustus impetitur, vna est, quod iustis crimina non solum obijciuntur, sed etiam productis testibus in speciem probantur, vt euenit Naboth, alijsque cõpluribus. *Et mentita est iniquitas sibi.* q. d. peior est conditio illorum quam mea; Illi enim mendaciter testificando plus sibi sua iniquitate nocent quam mihi. Ego enim tametsi hic falsis testibus quasi conuictus, testimonio tamen conscientie meæ confortatus,

18.

3 Reg. 21.

Credo. i. spero. Cum enim bona nobis futura esse creduntur, nihil aliud

19.

t ij quam

Enchir. 8 quam sperantur, inquit Augustinus. *Videre boni Domini*, xterna scilicet, *in terra uiuentium*. Abraham uidelicet, Isaac & Iacob, qui Deo uiuunt, *Matth.* 22 vt interpretatur Hieronymus, colligens ex hoc loco terram promissionis *Epist.* 1129 nō fuisse Palæstinam, sed patriam regni celestis. Psalter itaque quandoquidem ea quæ præcesserunt de se fere cantauit, ad informationem illorum qui in Petra ad finem vsque sæculi forent, vt diximus, exaltandi, Nunc ad eodem sermonem conuertit, & tanquam suo exemplo eos corroborare & animare gestiens, unicuique eorum dicit in sua persona.

20. *Expecta.* ô tu quicumque in tribulatione aut difficultate positus es, *Abachuc* 2. *Domini*. i. Domini consolationem & auxilium, si pro voto non statim adfuerit, quia veniens veniet, & non tardabit. Quod enim Deo citum est, id desiderio humano tardum est, inquit Augustinus. *viriliter age*, Quæ enim *In psal.* 41. in rectè factis magna sunt & præclara, inquit Cyrillus, non sine labore peraguntur. Est autem omnino ita comparatum, vt quodcumque bonum, labor præcedat. Et quia ardua tibi præ manibus sunt in quibus te oporteat laborare, *Epist.* 35. *viriliter age & confortetur cor tuum*. i. vna cum aduersitate cor *1. Cor.* 10. tuum paulatim increseat robore vt accipias cum tentatione prouentū, & *sustine Dominum*. i. Domini retributionem eam cum longanimitate quamdiu Domino visum fuerit expectando, *sustine*, dico eam, memor eius quod *Ecclesi.* 1. scriptum est, Vsq̃e ad tempus sustinebit patiens, & post hæc redditio iucunditatis.

PSALMVS XXVII.

Psalmus huic David.

QUat in hoc Psalmo Christus, ne signa & testimonia sanctimonix atque diuinitatis suæ tempore prædicationis & passionis suæ Deus Pater contineat, aut post suum transitum Euangelij prædicationem permittat cessare. utroque enim cessante, Christi nomen non solum apud homines facilè intermore retur, sed etiam criminantibus inimicis scèdaretur, credereturq̃; ipse mortuus, vt sceleratus. Psalter itaq̃; hîc pluribus verbis exequitur petitionem, quam Christus vno verbo complexus est cūm diceret: Clarifica me Pater. & Psalmo 108. Deus laudem meam nē tacueris, Atque dirigitur Psalmus cōtra propositum Iudæorum dicentium: Eradamus eum de terra uiuentium, & nomen eius non memoretur amplius. Dicit itaque Christus, non tam sui gratia, quam quia hoc expediebat nostræ salutis ad Deum Patrem.

Ioh. 17.

Ierem. 11.

•1 *Ad te Domine clamabo Deus meus ne sileas à me*. i. ne cohibeas prædicationem nominis mei neq̃; patiaris gloriam nominis mei silentio sepeliri. *ne quando taceas à me*. i. ne si tu id passus fueris, & *assimilabor*. i. similis habebor de-

bor descendentes in lacum. i. peccatoribus, qui mortui ad inferna descendunt.

Exaudi Domine vocem deprecationis meae, dum oro ad te, dum extollo manus meas ad templum sanctum tuum. Humano aut etiam Iudaico more loquitur de Christo Psalter; solent enim homines orantes, manus ad caelum, sanctum Dei templum, leuare: Et Iudaei vbicunque orabant, solent se ad templum conuertere. Vnde & Daniel in captiuitate, positus, oraturus aperuit fenestram versus Ierusalem. Hanc tamen manuum Christi elevationem Diuus Augustinus peculiariter refert ad extensionem manuū eius in cruce. Daniel. 6.

Ne simul tradas me cum peccatoribus. i. non tu me sine testificatione gloriae meae in ea ignominia permanere permittas, qua affectus sum, cum vna cum latronibus crucifigeret, *Et cum operantibus iniquitatem ne perdas me.* q. d. Iudaei laborantes nomen meum extinguere, sibi inctipsis perditionem acquirunt. tu autem ne permittas vna cum ipsis & nomen meum extinguatque perire. 3.

Qui, Iudaei scilicet, loquuntur pacem cum proximo suo. i. mecum qui sum Iudaeis proximus, quia eis promissus, & ex eorum gente progenitus, *mala autem in cordibus eorum.* Factum est hoc manifeste, cum Iudaei miserunt ad Christum, qui se iustos simularent, & dicerent: Scimus quia verax es, & viam Dei in veritate doces, cum tamen sub pretextu illius pacis machinarentur ei perniciem. verum inter eos est complures inueniri, qui loquuntur pacem cum proximis seu fratribus suis, mala autem in cordibus eorum. 4. Matth. 22

Da illis secundum opera eorum, & secundum nequitiam adinventionum ipsorum. Secundum opera manuum eorum tribue illis, redde retributionem eorum ipsis. Prædictio est; in quibus tamen verbis ob id quod dicitur: *Secundum nequitiam adinventionum ipsorum.* Credendum est Psalter per Spiritum Prophetiae respicere ad id quod mox ex Euangelio citatum est, quia de illa Iudeorum astutia expressè dicit Euangelium: Cognita Iesus nequitia eorum. Ex identitate autem vocabulorum quibus Scriptura varijs in locis vtitur, sermonem in varijs illis locis de eadem re esse, colligit Irinaeus. 5. 6. ibidem.

Quoniam non intellexerunt opera Dei, & in opera manuum eius. i. non intellexerunt opera illa Christi Dei esse, ab eoque esse ordinata ad generis humani redemptionem. Quem versiculum de caecitate Iudaeorum contra Christum intelligendum esse, testis est Cyprianus, ex eo probans, ante prædictum esse, quod Iudaei neque cognituri, neque recepturi essent Christum. Ex qua Cypriani interpretatione consequitur, etiam reliquam partem Psalmi Iudaeos concernere. *destruas illos & non aedificabis eos.* Templum enim eorum & principatus genti illi ablatus est, nec aliquid eorum 7. 1. aduers. Iud. cap. 3.

t iij vnquam

vnquam Domino impediēte restituetur. Cū enim Iulianus templum eorum restaurare vellet, conatus illius, igne ex terræ visceribus erumpente frustratus est, teste Zozomeno & Socrate. Sed Christus se exauditum esse certissimè cognoscens, hanc subiicit gratiarum actionem.

8. *Benedictus Dominus quoniam exaudiuit vocem deprecationis meae.* Es cum gratulatione enarrans Dei circa se beneficia,

9. *Dominus, inquit, adiutor meus & protector meus, & in ipso sperauit cor meum, & adiutus sum.* Hoc addit vt ex eo discamus, quod nemo frustra speret in Domino. Quod autem dicit, *sperauit cor meum*, designat spem non tenuem esse debere: quemadmodum nec in Susanna, de qua dicitur: *Daniel. 13.* Erat cor eius fiduciam habens in Domino. Id autem dicitur ad distinctionem eorum, qui vt sperent in Domino, ex rationis rectæ imperio vim quandam affectui suo adterre debent.

10. *Et refleuruit caro mea,* cū à mortuis resurrexit. Diciturque tum reflo-
Isaia 11. ruisse, quia Christi caro, quæ cum de virgine prodiret, ascendebat vt flos de radice Iesse, per mortem corporalem velut à radice succisa & emortua, per virtutem re sui rectionis ad proprium suum & genuinum nitorem atque vigorem redijt, vt eleganter notat auctor Serm. 54. inter Sermones D. Ambrosij. *& ex voluntate mea.* i. ob id quod impleuit voluntatem meam, *Confitebor illi,* Cui enim res ex voto succedit, is ex voto seu voluntate sua gratias agere dicitur.

11. *Dominus fortitudo plebis suæ,* quia eos quos ex plebe Iudæorum suos fecerat, fide atque constantia sic corroborauit, vt non scandalizarentur, cū Christum cum sceleratis reputatum cernerent, *& protector salutis nostræ Christi sui est.* i. ad se pertinere voluit protegere illa, quæ Christus in hominibus ad eorum salutem fuerit operatus. Porro hanc salutem quæ vt dicit Apostolus initium cepit à Christo, ad omnem prædestinatorū populum extendi optans Psalter, in sua persona ad Christum, tūquam qui iam à resurrectione saluandi auctoritatē acceperat, sermonem cōuertit & dicit:

12. *Saluum fac populum tuum.* à te in brachio extento redemptum. *Domine,*
Deuter. 5. *& benedic* omni benedictione spiritali in cælestibus *hereditati tuæ.* i. ijs qui tibi in hereditatē dati sunt, de qua re in Psalmū 2. *& rege eos* per gratiā iugiter præcedentē & prouidentē *& extolle illos,* vt eruditione erroribus, charitate criminibus, mansuetudine inimicis, religione impietatibus semper præualeant & semper præmineant, nullamq; præter hanc exaltationē sæculi expetāt. Iuxta quam interpretationē etiā interpretanda esse arbitror verba literarū Apostolicarū, in quibus petitur vt oratio fiat pro exaltatione fidei catholicæ aut Ecclesiæ Romanæ. desiderāt enim fidem nostrā & Ecclesiam Romanā ea qua dictū est ratione omnibus posse præualere & præminere.

PSAL-

EXPOSITIO.
PSALMVS XXVIII.

Psalmus David in consummatione Tabernaculi.

SEu ut legit Basilius in exitu tabernaculi. i. cum Tabernaculum & templum Iudaicum cum omnibus caeremonialibus finem acciperet. Eo enim tempore locum habere cepit quod dicit Psalter *Afferre Domino filij Dei.* tum enim, quotidie maxima multitudo etiam ex gentibus ad Ecclesiam adducta est, de qua re magnificentissime Esaias, *Ecce ego leuo manum meam ad gentes, & afferent filios tuos in vlnis, & filias tuas super humeros portabunt.* Inter quos filios ex gentibus praecipue congregandos, quia Magi, qui Christi cunabula praeuenerunt, fuerunt primi, ob id conuenienter hic Psalmus in die Epiphaniae in Ecclesiastico officio legitur. Itaque in principio Psalmi conuertit Psalter sermonem ad Apostolos, eosque votis omnibus quasi extimulat & exhortatur in haec verba:

Afferre Domino. i. ad fidem & religionem Christique corpus adducite, *1.*
filij Dei. i. vos qui à Christo immediate edocti, Dei filij singulariter vocamini, Quos Esaias Ecclesiam compellens vocat filios sterilitatis eius, *cap 49.*
quia eo tempore in Christo Ecclesiae nati sunt, cum Ecclesia necdum multos pareret. *Afferre Domino filios arietum.* Filij arietum sunt quos praedicatione sua lucrati sunt Apostoli, inquit Augustinus, Apostoli enim arietes dicuntur, quia sunt Dominici gregis ductores. Fideles autem ab illis conuersi sunt eorum boni filij, si eodem cum illis spiritu imbuti, iisdem cum illis etiam ambulauerint vestigiis. Dicit enim Apostolus Ephesius: *Estote imitatores Dei sicut filij charissimi.* *Serm 113 in edit per Vltimmeriū*
Ephes. 5.

Afferre Domino gloriam & honorem, afferre Domino gloriam nomini eius. Bene hoc additur, quia ex Christianorum multiplicatione gloria Dei illustrior efficitur, & honor ei, ut salutis auctori amplior desertur: sicut scriptum est: *Omnem qui inuocat nomen meum, in gloriam meam creauimus eum.* *Adorate Dominum in atrio sancto eius.* i. ecclesia eius, quae ut atrium, vestibulum est penetralium domus, ita ipsa est vestibulum caeli. Sed quia haec filiorum apportatio fieri non potest, nisi mediante Euangelij praedicatione, ideo Psalter his dictis, sermonem conuertit ad praedicandum euangelicæ praedicationis initium, progressum, virtutem, effectum finemque, & dicit.

Vox Domini super aquas. q. d. Prima vox Domini per quam preparari coeperunt qui Domino adferendi erant filij, facta est super aquas; cum nimirum vox clamantis in deserto circa fluentia Iordanis praedicare cepit, Appropinquauit regnum caelorum. i. ecclesia noui testamenti, Cuius praedicationis tempore & ipse *Deus maiestatis innotuit,* cum scilicet baptizato *3.*
Dei *Matth. 3.*

slc brom.
Episcop. in
ca 6. Mat.
Ioan. 3.

Dei filio, Deus Pater futuræ eius prædicationi auctoritatem attribuens, de cælo intonuit: Hic est filius meus dilectus, ipsum audite. *Dominus super aquas multas.* Addit hoc exaggerationis gratia, q.d. Ipse inquam Dominus hanc vocem dedit *super aquas multas*, quia in Ænon iuxta Salim, ubi aquæ multæ erant, & ubi Ioannes baptizabat. Quod autem intonare propriè de Dei voce intelligendum sit, constat ex Psalmo 17. & cap. 41. Iob: Si inquit vt Deus voce simili tonas?

4.

Psal. 67.
Apo. 4.

Vox Domini, illa videlicet qua post prædicta, locutus est in Apostolis. Hæc inquam vox fuit *in virtute*, i. persuadendi commouendique efficacia. de qua & alibi: Dominus dabit verbum euangelizantibus virtute multa. Et, virtute magna reddebant Apostoli testimonium resurrectionis Iesu Christi Domini nostri, *vox Domini*, eadem videlicet, *in magnificentia*. Magnificentia magis rerum atque operum quam verborum est. Est proinde vox Domini in magnificentia, cum prædicationi Euangelij miracula magnæque charitatis & aliarum virtutum opera & experimenta iunguntur. Quælis fuit vox Domini in Paulo de sua prædicatione dicente: Sermo meus in ostensione spiritus & virtutis. Et alibi: Signa Apostolatus mei manifesta facta sunt vobis in omni virtute. Et hæc quidem breuiter de euangelice prædicationis initio, progressu & potestate: nunc consequenter de eius effectu dicit:

1. Cor. 2.
2. Cor. 12.

5.

2. Cor. 10.

Vox Domini confringentis cedros, i. superbiam atq; sublimitatem animi secularis. Quod testatur Apostolus, Arma nostræ potentia Deo, ad destructionem munitionum, ad destruendum omnem altitudinem extolentem se aduersus scientiam Dei, & *confringet Dominus cedros Libani*. Libanus mons altus erat Cedrorum feracissimus, cuius beneficio Cedri iatura alioqui proceræ in summam vsque altitudinem subrigebantur. Sicut itaque per cedros secularis animi altitudinem, ita per Libanum dignitatem aut sublimem aliquam sæculi potestatem accipimus. Hæc enim si superbo alieni accedat, ita mirificè eum extollit, vt Libanus suas Cedros. Itaque vox Domini tantæ est virtutis & magnificentie, vt non solum Cedros, sed etiam Cedros Libani, i. superbos de sua potestate se plus extolles, & præ potestate feroces, humiliauerit.

8.

Esai. 40.

Et comminuet eas tanquam virulum Libani. Quemadmodum Libanus cedit, ita & armentis pascendum abundabat teste Esaiâ dicente, Et Libanus non sufficit ad succendendum & animalia eius non sufficient ad holocaustum. Confringet itaque Dominus Cedros Libani vt virulum Libani, cum confecta eorum, qui in publica auctoritate aut potestate erant, superbia, auctoritatem atque potestatem eorum conuertit in sacrificium (Vitulus enim sacrificium significat) sibi, ita vt potestates sæculi quæ præ superbia in prin-

in principio Domino obfistebant, postea ei suam potestatem sacrificarint, & per eam Ecclesiæ deferuierint, velut cum oratores sæculi effecti sunt Euangelij præcones; Principes, Ecclesiæ vindices ac protectores, & vt *Esaiæ 49.* prædixit Isaias, Ecclesiæ nutritij. & *dilectus quemadmodum filius vnicornium.* Hic nomen vnicornis in bonum sumitur, secundum Basilium. q. d. faciet, inquam, prædictam virtutem hanc per suam in Apostolis vocem Dominus, & *dilectus.* i. Christus, qui nomine dilecti passim in Scripturis intelligitur, Patre dicente de cælo; Hic est Filius meus dilectus. i. faciet inquam, *Matth. 3.* cum Deo Patre id ipsum Dilectus eius, *tanquam filius vnicornium.* i. tanquam filius eius; dictus filius Vnicornium, eo quod habeat patrem sine matre, & matrem sine patre, & sit tamen vnus in gemina natura filius; secundum diuinitatem consors paternæ potestatis ac operationis ratione consubstantialitatis, & secundum humanitatem eiusdem potestatis ac operationis particeps ratione hypostaticæ Vnionis. Itaque hæc particula à Psalte additur, ad insinuandum quod Christus in vtraque natura vnus, vna cum patre salutem hominum per euangelij prædicationem operetur. Quod & Abacuc indicare voluit, cum in suo Câtico ad Deum Patrem dixit. Egressus es, per euangelij præcones, in salutem. i. ad operandam salutem populi tui, cum Christo tuo. i. cooperante tibi Christo tuo. Explicato autem Euangelicæ prædicationis effectu, Psalter subijcit in quibus populis effectus ille producendus sit, dicitque:

Vox Domini intercidentis flammam ignis. Quam sententiam Basilus 7. eleganter interpretatur, dicens id accidisse cum Dominus in Rubo loqueretur Moyfi. Tum enim verè intercidit Dominus flammam ignis, quia separauit ibi splendorem ignis ab eius ardore, apparebat enim in rubo flamma, & non comburebatur rubus. Potest quoque Dominus intelligi intercidisse flammam ignis in die Pentecostes, quando factus est repente de *Ho 6. opif.* cælo sonus, & cum eo deciderunt dispersitæ linguæ tanquam ignis. Contextus tamen Psalmi potius requirit vt per *flammam ignis* prauis ac ardentes Iudæorum affectus intelligantur, de quibus dicit Esaias, En vos *Exod. 3.* omnes accēdentes ignem accincti flammis, ambulate in lumine ignis vestri, & in flammis quas succendistis vobis. Iudæi enim intus flammis odij, variarumque cupiditatum succensi, per has flammās vehementer accendebant sibi, & in se prouocabant ignem futuri supplicij. *Vox itaque Domini inter-* *Ps. 1.* *incidentis flammam ignis*, quia cum igne, quem diximus, populus Iudaicus promiscuè flagraret, Dominus per euangelicam prædicationem ex medio corruptæ gentis, quosdam, reliquis flagranti igni permixtis, conuertendo, flammam illam ignis intercidisse intelligendus est. *Vox Domini concutien-* *cap. 50.* *tis desertum.* i. commouentis gentilem populum, quem deserti nomine

u

signi-

significari, ex Esaia clarissimum est. verum quia prædicatio euangelica gentilem populum diuersimodè permouit, quosdam ad irridendum obfistendumque, alios ad credendum, ne vterque animorum motus ex eadem prædicatione conceptus, diuinæ voci pariter tribueretur, determinando qua ratione vox Domini desertum sua voce concusserit, subditur, *& commouebit Dominus desertum Cades*, quod interpretatur sanctum aut sanctificatio. Vox enim Domini, virtutē suā solummodo ad sanctificationem suscipiendam commouit desertum, non ad rebellionem. Vel, commouit vox Domini desertum Cades, quia eos, qui sanctificationi suscipiendæ erant præordinati, ad fidem & pœnitentiam tuba euangelica permouit. Prædicantibus siquidem Apostolis crediderunt, quotquot præordinati erant ad vitam æternam. Denique quandoquidem aliqui suscepta fide, ea sola contenti non sunt, sed ex fide ad sapientiam scientiamque fidei inuestigandam & percipiendam contendunt, cuiusmodi erant in Berrhœa fratres, qui suscepta fide, quotidie erant scrutantes scripturas, si hæc ita se haberent. i. vt ea quæ crediderant, adhibita Scripturarum lectione ita se habere intelligerent; horum causâ subiungit Psaltes.

ad. 13.

ad. 17.

8. *Vox Domini præparantis ceruos*. Per quos intelligimus spirituales, eosque qui spiritalia rimantur. Hos ad hæc inuestiganda vox siue inspiratio Domini dicitur præparare, quia non solum fœlicitas inueniendi, sed etiam ardor & industria scrutandi spiritalia Dei donum est, oratur enim,

Psal. 118.

11. Confes.
cap. 2.

Da mihi intellectum & scrutabor legem tuam, *& reuelabit condens.* q. d. non permittet inanem esse scrutandi laborem, sed piè scrutantibus, abdita mysteriorum & opaca scripturarum reuelabit. De qua re Augustinus: Largire spatia meditationibus nostris in abdita legis tuæ, neque aduersus pulsantes claudas eam, neque enim frustra scribi voluisti tot paginarum opaca secreta. Aut non habent illæ syluæ ceruos suos recipientes se in eas, & resumentes & ambulantes, & pascentes, recubantes & ruminantes? O Domine perforce me, & reuela mihi eas. *& in templo eius*. i. in Ecclesia, quæ consensu & fraternitatis mutuo amore, tanquam vinculis quibusdam colligata, templum Dei viui est, quia Deus concordiam omnium, inquit Augustinus, inhabitare dignatur. *omnes*. i. tam qui filios adduxerunt, quam qui adducti sunt, & inter hos tam simpliciēres quam spirituales *dicent gloriam* per gratiarum actionem. Postremo Psaltes indicans multitudinem eorum, qui ex vtroque & præcipuè gentili populo Christo adferendi sunt, vt notat Hieronymus, subdit.

10 de Ciu.
cap. 4.

Proemio
in lib. 17.
côm. in Isa.

9.

Dominus diluuium inhabitare facit. i. faciet populos tanto numero ad Ecclesiā confluere, vt cōfluxus illius multitudinis diluuiū cōparari possit, & ecclesia ad quam indefinenter confluunt, videatur diluuium ad se vndique ir-

que irruens inhabitare. De quo diluuius Esaias: Ecce ego declino super Hierusalem. i. primitiuam Ecclesiam quasi fluuium pacis, & torrentem inundantem gloriam gentium. Vel, *diluuium inhabitare facit*. i. facit Ecclesiam inhabitare siue saluam permanere inter medias vndas presentis sæculi, sicut Arca Noë incolumis natabat in medio diluuij. vtrumque sensum probat Augustinus. Quid autem erit vbi diluuium hoc siue confluentis populi siue fluctuantis sæculi acceperit finem? *Et sedebit Dominus* in eadem sua ecclesia, tanquam in beato templo suo, iam in vita æterna, inquit Augustinus, post fluctuationem huius sæculi æterna stabilitate confirmato. Sedebit inquit Rex regnans in domo Iacob *In æternum*, & regni eius nõ erit finis. Cap. 66. Genes. 7. Epi. 57. in fine. Luca 1.

Dominus virtutem dabit populo suo, in futura vita, vbi ablata omni infirmitate erunt omnes fortes, sicut dicit Isaias, Super hoc laudabit te populus fortis. & alibi; Vocabuntur in ea fortes iustitiæ, plantatio Domini ad glorificandum. *Dominus benedicet populo suo* æterna benedictione in pace, præstita beatitudinis plenitudine & securitate. 10. Cap. 25. Cap. 61.

PSALMV S XXIX.

Psalmus cantici.

ID est, iubilationis & gratiarum actionis, in dedicatione domus David. i. ecclesiæ, quæ iuxta Augustinum, ædificatur in hac vita, dedicatur in futura, cum ibi Domino per beatitudinem perfectè inhabitanda offertur. Itaque quamuis iuxta Basilium & alios in hoc Psalmo quædam sint, quæ de ipso Christo ratione suæ resurrectionis non incommode possint exponi; proprie tamen videtur Psalter hinc describere gratiarum actionem, quam decætaturi sunt Domino omnes sancti in resurrectione, cum transiisso diluuius, ad securitatem littoris peruenerint. Tamen si non negauerim hoc Canticum etiam illis aliquousque competere, qui è morte peccati per Dei gratiam translati sunt ad iustitiam, quæ est resurrectio prima. dicent itaque sancti à Domino glorificati in illa die: 6 cont. Inl. cap. 5.

Exaltabo te Domine. i. altitudinem miserationum tuarum vt potero confitebor & prædicabo, in eo propriè exaltando te, quod agnoscam & profitear te omni laude esse maiorem. Scriptum est enim, Glorificantes Deum quantumcunque potueritis, superualebit adhuc, *quoniam suscepisti me* vt tempore mortalis vitæ meæ mihi esses propugnator ad saluandum, & nunc ad glorificandum. *nec delectasti inimicos meos*, dæmones & eos homines, qui ob id quod perditione sodalium delectantur, quasi in dæmones transferunt, *super me*, ex meæ cum eis damnationis communione. De quo eorum gaudio Ezechiel: Vidit eos, damnationis scilicet suæ confortes, Pharo. i. princeps dæmonum, & consolatus est super vniuersa multi- Apocal. 1. 1. Eccles. 43. cap 33.

u ij tudine

cap. 14. tudine sua. Et apud Esaïam damnatorum alij ad alios velut ludentes dicunt, & tu vulneratus es, sicut & nos, similis nobis effectus es. Hæc autem damnatorum delectatio & gaudium in eo positum est, quod è societate damnatorum minuantur eis tormenta inuidiæ, quæ patiuntur ex beatitudine aliorum. diminutio autem tormenti quædam delectatio censetur, vt explicat Diuus Thomas.

**Quodli. 8.
artic. 18.**

2. *Domine Deus meus.* vox est plena affectu, *clamaui ad te*, cùm adhuc in via ad iustitiam consisterem. *& sanasti me*, per infusam & sensim auctam mihi iustitiam.

3. *Domine eduxisti ab inferno animam meam*, cùm me è statu damnationis per remissionem peccati originis, aut aliorum mortalium liberaisti. Est enim anima per peccatum mortale in inferno, non supplicio, sed merito, vt docet Augustinus. *Saluasti me* per protectionem tuæ gratiæ, à *descendentibus in lacum*, ne à statu damnationis liberatus, in infernum iterum à iustitia relapsus, descenderem.

1a p. al. 85.

4. *Psallite Domino sancti eius.* Inuitat vnus Sanctorum alium ad diuinarum laudum concentum, q. d. magnificate Dominum mecum Sancti eius, *& confitemini memoriæ sanctitatis eius*, quod sanctitas eius memor nostri fuerit, vt nos ex impietate sanctificaret.

5. *Quoniam ira in indignatione eius.* i. quoniam quamdiu indignatio eius perseverat super nos, ita vt nostri nõ miscreatur, nil aliud manet super nos quam ira eius, & imminens vindicta, *& vita in voluntate eius.* i. è contrario cum nobis bene velle ceperit, ex eo prouenit & perseverat nobiscum vita iustitiæ atque salutis.

6. *Ad vesperum demorabitur fletus.* i. afflictio labor & dolor, qui sunt fletus atque tristitiæ causa, quæque primo peccato admissa, quasi aperto ostio in genus humanum irruerunt; hæc inquam demorabuntur ad vesperam. i. perseverabunt cum genere humano etiam quoad illos, qui iam ab infernoeducti sunt, vsque ad mortem: Sicut testatur Iob: Si dormiero, dico quando confurgam? & rursus expectabo vesperam & replebor doloribus vsque ad tenebras, *& ad matutinum.* i. ad primum futuræ vitæ ac resurrectionis diluculum, demorabitur *latitio*, nullo dolore aut metu intercedente interrompenda nulloque abrupta fine. Post hæc transit Psalter & transfiguratur in se personam hominis in iustitiæ suæ, etiam à Deo acceptæ, viribus seclusa Dei ope & protectione confidentis, & dicit:

cap 7.

7. *Ego autem dixi*, tempore mortalis vitæ, *in abundantia mea.* i. cùm me arbitrarer præditum esse multæ ac omnigenæ virtutis copia. Hoc autem existimare primus erat actus superbiæ, ex quo consequebatur vt diceret, *non mouebor in æternum*, à iustitia scilicet. Præsumebat enim qui hæc dicit, se

cit, se, ob iustitiam quam acceperat, non egere auctoris sui conseruatione, contra propriam fragilitatē, protectione contra tentationes à tempore primi lapsus renatis obuenientes, quotidiana restauratione ob quotidianas defectiones (ad deficiendum enim semper nūc vergit homo spiritus vadens & non rediens) cooperatione ad agendum, directione ad bene consilian- Psalm. 77.
dum & eligendum, & sic de reliquis.

Domine in voluntate tua. q. d. licet id aliquando dixerim & fuerim ar- 8.
bitratus, nunc reipsa edoctus profiteor, quod bona voluntate tua. i. ope ac
scuto bonæ voluntatis tuæ, *præstisti decori meo.* i. rectitudini interioris
hominis, qua me exornaras, *virtutem* persistendi & bene operandi. Cum
autem id in abundantia mea dixissem.

Auertisti faciem tuam à me. i. deseruisti me. quod faciendo dicitur 9.
Deus faciem suam auertere, quia prouidentiam suæ gratiæ ab homine pro
illo tempore subducit. *& factus sum conturbatus.* i. à iustitia sum lapsus.
de quo suo lapsu rectè dicit se esse conturbatum. Quia fieri non potest, in- 8 De Genē.
ad lit c. 14
quit Augustinus, ut propria voluntas non grandi ruinæ pondere super ho-
minem cadat, ibique miseriam percipiat, si eam voluntati superioris extol-
lendo præposuerit. Ad hanc autem miseriam præcauendam docet Hiero- 3. cont. Pe-
lag. cap. 3.
nymus, nec in sapientia nostra, nec ullis virtutibus esse fidendum, sed in
Domino virtutum auctore, à quo gressus hominis diriguntur. Quod autē
Deus hominem, eo quo dictum est modo superbientem deseruerit, id fecit
in primis iusto iudicio. Quid enim vel naturali ratione teste magis indi-
gnum est Dei ope, quam pauper superbus? fecit id & in correptionem, ut
per malorū, quæ conturbatus sensit, experientiam, tanquam per duri cuius-
dam Pædagogi disciplinam, discat homo cauere superbiam. Quoniam su-
perbiæ tumor, inquit Aug. doloribus est sanandus. de qua Dei correptio- De nat. &
grat c. 27.
ne Diuus Basilii & Augustinus verba facientes, docent Deum subinde
permittere ut viri religio si in peccata corruant, ad sanandum in eis aliquam Basil. Inter-
Bren. 81.
animi eorum elationem. Vbi non lapsus Dei est, sed bonus ruinæ prouen-
tus. Deum autem eum qui hīc loquitur ad correptionem deseruisse, mani-
festum est ex eo quod sequitur: Aug. de na-
tu. & gra-
cap. 28.

Ad te Domine clamabo, iam ē lapsu per tuam gratiam nonnihil erectus, 10.
& ad Deum meum deprecabor. Deprecaturus autem Christi verbis utitur,
ac si Christus ex ore eius oraret ac diceret.

Quæ utilitas. i. quis fructus, *in sanguine meo,* quem pro lapsorum repa- 11.
ratione effudi, in hac parte erit, *dum descendo.* i. si aliquis eorum pro qui-
bus illum effudi, descenderit *in corruptionem æternam?* Vel possunt hæc
verba intelligi ex persona lapsi iam pœnitentis, ac si is dicat: Quæ utilitas
mihi erit, aut quis iustitiæ prouentus, inquit Ambrosius, *in sanguine.* i. in- 2. offic. c. 6
u iij teritu

teritu meo erit dum à morte peccati descendo in corruptionem siue mortē secundā? Et aliud adiungēs propter quod eū exaudiri cōueniat, dicit lapsus.

12. Nunquid confitebitur tibi, confelsione laudis, puluis. i. homo peccator, iam tanquam puluis à facie terræ proijciendus? aut annunciat prædicando veritatem tuam? q. d. non, quia non mortui laudabunt te Domine, neque omnes qui descendunt in infernum. Ergo propter gloriam nominis tui ad iustitiam me repara.

13. Audiuit Dominus, & vocem sanguinis Christi ex ore meo interpellantis, & vocem meam qua petebam gloriam diuini nominis per meam reparationem augeri & misertus est mei, vtraque enim illa oratio misericordiæ illex est, Dominus factus est adiutor meus, curando superbiam & reparando iustitiam perditam.

14. Conuertisti planctum meum, postquam scilicet me à lapsu reparasti in gaudium mihi per remissionē peccatorum & rediuiam iustitiam. conscidisti saccum meum. i. completa tandem satisfactione, ipsum pœnitentiæ habitum qui sacculus esse solet (sub quo & reliqua satisfactionis opera intellige) à me amouisti. & circumdedisti me letitia recuperatę salutis, de quo Isaías;

Cap. 61. Spiritus Domini super me vt darem coronam pro cinere, oleum gaudij pro luctu, pallium laudis pro spiritu mœroris. Idque in hunc finem,

15. Vt in futura vita cantet tibi gloria mea ad quam è lapsu me perduxeris, & non compungar liber ab omni stimulo conscientię, carnis atque pœnalitatis. Domine Deus meus, ibi, in æternum confitebor tibi. Potest tamen, vt diximus, Psalmus quoad multas eius partes satis commode intelligi ex persona Christi, hoc modo. Quoniam suscepisti me, tempore resurrectionis ad immortalitatem, nec delectasti inimicos meos, Iudæos, qui gauisi fuissent, si in morte detentus fuissē, clamaui ad e, obtulit enim Christus preces cum clamore valido ad eum, qui illum saluum faceret à morte, & sanasti me immortalitate, eduxisti ab inferno animam meam, quia non dereliquisti animam meam in inferno. saluasti me à descendentibus in lacum, quia per vnionem humanę naturę ad personā Verbi factum est, vt non potuerit Christus in peccatū descendere, aut in infernū. Ego dixi in abundantia mea, i. considerata plenitudine virtutis meę certō cognoui quod nō mouelor in

Hebr. 5. eternū, nemo enim me inuito tollere poterit animam meā à me. Auertisti faciem tuam à me, quo ad protectionem vitę meę corporalis, & factus sum conturbatus. i. temporaliter mortuus. Quę utilitas ad hominum salutem prouenire poterit ex sanguine meo, dum descendo in corruptionem? i. si tam diu in morte derelictus fuero, vt etiam caro mea videat corruptionem? q. d. nulla, quia si id permissum fuisset, non remansissent discipuli in fide, inquit Diuus Thomas hunc locum exponens. Et quia sine fide impossibile est placere

In exp sym
bo. Apost.
ad verba
Tertia die
resurrexist.

cere Deo, fide in Christum extincta aut labefactata, nullus hominum ex Christi morte utilitatem habuisset. *Nunquid confitebitur tibi pulvis, aut annuntiabit veritatem tuam?* i. nunquid corpus meum (vt loquitur Augustinus) in sepulchro in puluerem redactum, testimonium dare poterit te in prædictionibus tuis veracem esse, cum per prophetas prædixeris quod caro mea non videret corruptionem? *Conuertisti planctum meum.* Superius dixit, *Clamui ad te*, hic clamorem illum planctum vocat, quia clamori lacrimas adiunxit, iuxta Apostolum. *Concidisti saccum meum.* i. ipsam mortalitatem carnis meæ in nihilum redegit. Reliqua eum quem dedimus sensum habent, sic tamen vt Christo excellentius conueniant.

Hebr. 11.

Epist. 120.

cap. 15.

Psalm. 15.

Hebr. 5.

PSALMVS XXX.

Psalmus David pro extasi.

Exstasis, vt interpretatur Hieronymus, mentis excessus est, qui aliquando oritur ex vehemēti animi in sublimiora intentione, qualis est raptus. Aliquando vero ex vehemēti pauore aut admiratione: Diciturque hæc extasis mentis excessus, quia mens pauore perturbata, limites rationis tranquillitatemque iudicij nonnihil egreditur. Sumitur autem in titulo, extasi, in significatione posteriore. Describitur enim hic ea malorum, Ecclesiam, in cuius persona hic Psalter loquitur, obruentium abundantia, vt hominem vehemēti tristitia afficiat, & quasi rapiat in mentis excessum. verum priusquam ad enarranda mala sua perueniat, prius se spe atque diuinæ protectionis inuocatione armat atque confortat, hoc modo exordium faciens.

De tradit.
Hebraic.

In te Domine speraui non confundar in æternum. Benè dicit In æternum, quia certum est, quod si spes aliquo interdum temporali prouentu frustratur, eam tamen prouentu æternæ salutis, nisi ipsa defecerit, nunquam esse frustrandam. *In iustitia tua.* i. iusto tuo iudicio, *libera me* à malis vndique me premētibus. Iustum enim est apud Deum, inquit Apostolus, retribuere tribulationē iis qui vos tribulant, & vobis qui tribulamini requiē nobiscū.

1.

1. Thess. 5.

Inclina ad me aurem tuam: accelera vt eruas me.

2.

Esse mihi in Deum protectorem & in domum refugij, vt in omni aduersitatis procella ad te me recipiens, sub protectionem alarum tuarum excipiar, idque non vt temporaliter me felicem, sed *vt saluum me facias.*

3.

Quoniam fortitudo mea. i. præter te agnosco me nihil roboris habere. dignus autem est, vt à Domino auxilium recipiat, qui de suis viribus diffidit, & *refugium meum es tu.* i. ad te me conuerto in omni difficultate, conseqvar itaque quod à te expecto. & *propter nomen tuum deduces me.* i. prosequi me facies ceptum iustitiæ iter, & *enutries me*, pabulo verbi tui, vt à lacte Christi

4.

de Christianæ doctrinæ auulsus, participatione sapientiæ vberioris in maiorem vigorem interioris hominis semper cum accessu ætatis, officiorum, & dignitatum, indefinenter increfcam.

5. *Educes me de laqueo hoc, quem absconderunt mihi.* i. contra insidias inimicorum, quibus latenter ad peccata me seducere conantur, oculatum & cautum me facies, *quoniam tu es protector meus.* Vt autem eam protectionem, quæ suo effectu non frustretur, à Deo consequi possit, subdit:

6. *In manus tuas.* Hæ sunt manus Dei auxiliatrices, quibus nostram salutem protegit & operatur ab initio vsque ad consummationem, secundum suum propositum. De quibus manibus Dominus: Non rapiet oues quisquam de manu mea. & Deuter. Omnes sancti eius in manibus eius sunt. In has dico manus *commendo spiritum meum.* i. vitam spiritus mei, tui auxilij manibus conseruandam, dirigendam, augendam, & confortandam commendo. Dicit autem, *commendo*, non committo, quia vt in manibus dirigentis atque conseruantis Dei simus, fide, sollicita prece, bonisque operibus per auxilium gratiæ præuenientis nobis emerendum est, dicente Petro; 1. Pet. 4. Commendent animas suas fidei creatori in benefactis. Porro moriturus Christus hoc versu vsus est propter nos: per hæc enim verba & mortis suæ merito, animas nostras corporibus exutas apud Patrem deponit, vt à morte Christi, iam non amplius ad Limbum descendant, sed ad ipsum Dei Patris sinum perueniant, vt docet Cyrillus & Athanasius. Tamen valde credibile sit, Christum extremis his suis verbis animas omnium quos ei pater saluandos dederat, in manus Dei auxiliatrices, quas descripsimus, commendasse. Ideoque vtitur Ecclesia hoc versu in Completorio, implorans sibi propter timores nocturnos, in omnibus Dei protegētis auxilium. Vtitur & in morte vniuscuiusque, implorans vniuscuiusque animæ exeunti diuini sinus diuerforium. *Redemisti me*, scilicet per mortem Christi, Suscipe itaque saluandum, quod ipse redemisti.

Lib. post.
deside ad
Reg.
Athanas. cōt.
Apollin.

7. *Odisti obseruantes vanitates.* i. cum magna obseruatione sibi procurantes falsam sæculi beatitudinem, *superuacue.* i. sine vlla solida oblectatione in præsentī, aut boni retributione in futuro.
8. *Ego autem in Domino speraui*, id est, contempta huius sæculi beatitudine, beatitudinem futuræ vitæ cum patientia expectaui, sicut monuit Psalm. 4. Sperate in Domino. *exultabo & letabor*, in futura vita, in id tempus bonorum fruitionem differens, *in misericordia tua.* i. beatitudine mihi obtinenda, mediante tamen misericordia.
9. *Quoniam*. q. d. Ideo ego speraui, cū tamen alij interim obseruarent vanitates, quia oculis misericordiæ tuæ, *respexisti humilitatem meam*, de qua Psalm. 9. vide *humilitatem meam* de inimicis meis. *saluasti de necessitatibus*

tatibus animam meam, de quibus Psalmo 24. Hoc autem dicit crepti hominis gratulatio, inquit Augustinus.

Nec conclusisti. i. conclusum me remanere permisisti, in *manibus inimici*, Diaboli scilicet, à quo captiui tenentur, qui à te non liberantur, ad ipsius voluntatem. *Statuisti in loco spatio* *pedes meos*, quia affectus meos charitate latissimè & velut spatio lissimè se diffundente atque extendente confirmasti. Hactenus autem Ecclesia sanctificationem suam elocuta, nunc ad tribulationem suam enarrandam conuertitur, & dicit:

Miserere mei Domine quoniam tribulor, eo quod abundauit iniquitas & refrixerit charitas multorum, *conturbatus est* ex hac tribulatione, in ira qua alienis peccatis irascor, *oculus meus*, præ ira minus considerans ea, quæ ad dilectionem inimicorum prouocandam, aut ijs à me exhibendam pertinent. Rectè autem dicit in ira conturbari oculum, nam commotionis tempore iustum omne putat ira quod fecerit, inquit Gregorius. *anima mea* supple conturbata est, quia ipsa per iustam iram commota, spoliata est pristina sua tranquillitate, & *venter meus*. Per ventrem generatio allegoricè significatur, qui conturbatus esse dicitur, quia præ ira iusta tædio affectus homo minus habet alacritatis, spei, & gratiæ ad lucrandum animas Christo.

Quoniam defecit in dolore vita mea. i. in dolore vitam transigi & dolore me consumpsi, videns mala quæ emendare non potui, & *anni mei in gemitibus*, quia eos in dolore tacito consumpsi, cum desperarem me corripiendo aut conquerendo quid posse proficere, & timerem per ista animos malorum magis irritare.

Infirmata est in paupertate virtus mea. Dicit id Ecclesia ratione malorum, qui magno numero in ea sunt, quorum paupertatem suam dicit, quia illi de quibus querelam exponit sua vera, tametsi non viua, sunt membra, vbi paupertatis nomine imbecillitatem fidei, tenuitatem sapientiæ & scientiæ, atque exiguitatem timoris Domini & reliquarum virtutum accipimus, eo quod apud Esaïam: Fides, sapientia, scientia & timor Domini, diuitiæ & thesauri Ecclesiæ esse dicuntur. In hac paupertate virtus ecclesiæ infirmata est, quia ob illam nō est in hominibus aut vigor, aut robur bene operandi. Ideo etiā subditur & *ossa mea*. i. qui vt ossa in corpore deberent pro loco & gradu suo robustiores esse in ecclesia, *conturbata sunt*, quia cum nulla pene roborentur virtute, ad primum aduersitatum odorem conturbantur.

Super omnes inimicos meos factus sum opprobrium vicinis meis valde, id est, exprobrantur mihi longe grauiora scelera, quàm vllis congregationibus Ethnicorum, Iudæorum, hæreticorū, qui inimico in me sunt animo, ita vt in me torqueatur illud Apostoli: Audietur inter vos fornicatio, qualis nec inter gentes. Et illud Ierem. Quis audiuit talia horribilia quæ fecit ni-

x

mis vir-

De persi-
flo rat. 9.
10.

11.
Matth. 24

7. Reg. c. 11

12.

13.

Cap. 33.

14.

1. Corin. 5.

Cap. 18.

mis virgo Israel? & hæc exprobrantur mihi à *vicinis meis*. i. ijs qui vndique iuxta me sunt ita vt mala non temere de me credant aut confingant, sed aperta in me videant, vt docet Augustinus. & *timor notis meis*. i. qui me penitus introspexerunt & cognouerunt occultos lapsus & occulta odia, ambitionem, superbiam, machinationes etiam eorum qui reliquis pietate præluere videbantur, timere de me ceperunt omnes meos aut manifeste aut occultè iniquos esse, nec esse de alicuius integritate sperandum. Quibus tamen non licet huic timori multum indulgere, eo quod eis cogitandum sit etiam hic locum habere illud Domini ad Heliam arbitratem se solum relictum esse, Reliqui mihi septem milia virorum qui non curauerunt genua ante Baal.

3. Reg. 19.
Rom. 11.

15. *Qui videbant me*. i. etiam illi qui non ignorabant me esse veram Ecclesiam, malorum verò quæ intra me videbant indignatione commoti, *foras fugerunt à me*. i. extra vnitatem se segregauerunt, & odio mei schismata ac hæreses inuenerunt, secus quam monet Apostolus, Non deferentes collectionem nostram, sicut moris est quibusdam. Et Augustinus, quia vt inquit hæreditas Dei. i. spiritus atque iustitia seu sanctificatio cum paucis, signacula vero eius. i. sacramenta ecclesiæ participanda sunt cum multis, *obliuioni datus sum tanquam mortuus à corde*, quia cognitio veræ ecclesiæ per hæreses & schismata paulatim ita in cordibus hominum obscuratur, vt apud multos ecclesiæ veræ nulla supersit cognitio, vel fiat mentio. Vel, nullam mei mentionem aut rationem habere dignati sunt, tanquam quem existimabant corde emortuum ac omni vita spiritali exutum, religionem solo ore, & exteriori obseruanti superstitiosè crepare.

Hebr. 10.
De fide &
oper. ca. 5.
Eccl. Gan.
13 cō. Fan.
Sua. 16.

16. *Factus sum*, in sermone & opinione eorum, apud quos mei cognitio nondum omnino interiit, *tanquam vas perditum*. i. societas perditorum, & in æternam perditionem præcipitandorū. Talis est Ecclesia Romana Moscouitis, habent enim eam eo loco, vt eam maledicere alicui voluerint, dicant, vtinam te videam Latinæ fidei. hoc autem inde nascitur, *quoniam audiui vituperationem multorum commorantium in circuitu*, id est, quia nihil aliud vndique de me dicitur, quam quod ad vituperium mei pertinet.

Possennus
comment.
post. de re-
bus Mosco.

17. *In eo dum conuenirent simul aduersum me accipere animum meam consiliati sunt*. i. in hoc omnes conueniunt, vt simul studeant, omnes qui in Ecclesia reliqui sunt, ad suas quisque partes distrahere, atque ita animas eorum interficere.

18. *Ego autem loquitur Ecclesia in persona bonorum in te speravi Domine, dixi Domino Deus meus es tu in manibus tuis*. i. prouidentia ac voluntatis tuæ *sortes meæ*. i. ea quæ mihi accidunt atque obueniunt, siue prospera sint siue aduersa.

Eripe

Eripe me de manu inimicorum meorum, & à persequentibus me.

19.

Illustra faciem tuam super seruum tuum & saluum me fac in misericordia tua Domine non confundar. i. scio quia non confundar, vel, non permit-
tas vt confundar, quoniam inuocaui te.

20.

Erubescant impij per confusionem in die iudicij, *Et*, accepta sententia iudicis, *deducantur in infernum*, prædictio est, *muta fiant labia dolosa*, non enim poterunt in die Iudicij aliquid allegare per quod se excusent vel negent quod dixerunt. sed sicut ille cui cùm dicebatur: Quomodo huc intra-
sti non habens vestem nuptialem? obmutescant.

21.

Matth. 22.

Quæ loquuntur aduersus iustum. i. iustorum Ecclesiam *iniquitatem*, quia iniquitates malorum ecclesiæ membrorum volunt in totum corpus con-
torquere vt manifestum est de Donatistis. *in superbia & in abusione*, qui-
dam enim id faciunt calumnio:è, alij per ignorantiam aut imprudentiam,
quam vocamus abusione. Sed enarrata sua afflictione conuertitur iusto-
rum ecclesia ad enarrandam suam consolationem, quam à Deo etiam in
medijs angustijs, ignorantibus id inimicis percipit, vt hic locum habeat
quod dicit Apostolus: Sicut abundant passionēs Christi in nobis, ita abun-
dat per Christum & consolatio nostra, dicitque per modum admirantis
abundantiam consolationis.

22.

2. Cor. 1.

Quam magna multitudo dulcedinis tuæ Domine, quam abscondisti timentibus te. i. infirmis te colentibus, qui tamen adhuc trepidant & timent pro
te opprobria pati. Abscondisti autem, quia dulcedinis tuæ abundantiam
absconditè siue in occulto eis communicasti, vt hic verum sit quod dicit
Bernardus, vident inimici cruces nostras, non vident autem vñctionem
consolationis.

23.

Serm. 1. de
dedi Ecclæ.

Perfecisti. i. perfectius & luculentius communicasti hanc multitudinem
dulcedinum tuarum *eis qui sperant in te, in conspectu filiorum hominum.*
i. fortioribus Christianis, qui de tua virtute confisi, inter inimicos & ir-
risores religionem veram atque iustitiam confiteri & propugnare non
verentur.

24.

Abscondes eos videlicet timentes te, *in abscondito faciei tuæ.* i. occulta
dispositione prouidentie tuæ, *à conturbatione hominum*, ne ab ea impe-
tantur aut tangantur.

25.

Proteges eos fortiores videlicet *in tabernaculo tuo*, quod est domici-
lium militare. q. d. tempore militiæ huius in qua exercentur, tu defendes
eos *à contradictione linguarum*, ne ab ea seducantur, Et ne contradictio
sicut conquerebatur Abacuc, veritate fiat potentior. dabis enim, vt detra-
ctores non omnibus persuadeant quod intendunt. Quid autem ob hanc
consolationem Ecclesiæ in pressuris constitutæ erit dicendum?

26.

cap. 1.

x ij Benedi-

27. *Benedictus Dominus quoniam mirificauit. i. ad miraculum vsque & quasi supra spem nostram magnificauit, misericordiam suam mihi in ciuitate munita, id est, Ecclesia quæ dicitur ciuitas munita, quia Christus de ea dixit, quod portæ inferi non praualerent aduersus eam.*
28. *Ego autem dixi in excessu mentis meæ. i. eo tempore quo mens mea excessiue obseruat, expendit & exaggerat mala, quibus exterius obruor, non simul considerata gratia tua, per quam inter tot mala erigor, dixi inquam, Proiectus sum à facie oculorum tuorum. i. deposuisti curam mei. Quod si-*
bi contigisse Diuus Basilii fatetur, cui ex consideratione immanitatis & impudentiæ quam hæretici in selectissima Ecclesiæ membra exercuerant, stupefacto & pene sensu ipso destituto, accessit, inquit, & ista cogitatio, An Ecclesias suas prorsus reliquit Dominus?
29. *Ideo, ne scilicet per illum excessum in desperationem aut nimiam pusillanimitatem ruerem, exaudisti vocem orationis meæ dum clamarem ad te. Qua Dei ad subueniendum fide, & promptitudine animatus adhortatur Psalter & dicit.*
30. *Diligite Dominum omnes sancti eius. i. in dilectione perseuerate, non enim frustra id facietis, quoniam veritatem fidei scilicet, vitæ, integritatis atque iustitiæ hic malorum hominū importunitate obscuratam, abiectam, abstrusam & sine honore contemptam, requirit Dominus è suis latebris, in quas malorum hominum abstrusa est importunitate, ad eam suo tempore glorificandam, Et retribuet abundanter abundantem vindictam facientibus superbiam. Illi enim sine misericordia iudicabuntur. Quæ cum ita sint, hic iterum Psalter ad eos qui in pressura sunt.*
31. *Viriliter agite, ne metu aut pusillanimitate dissoluamini & confortetur cor vestrum, omnes qui speratis in Domino, quia vobis persuasum habere debetis, quod spes faciet in vobis Deo locum subueniendi. Quo ergo maior est spes, eo & animum vestrum magis incrementum oportet, propter præsentissimum Dei erga sperantes in se auxilium.*

PSALMVS XXXI.

Ipsi David intellectus.

Icit intellectus, magnarum enim rerum intelligentiam adfert nobis iste Psalmus, quia in eo docetur, neminem ex præuijs suis meritis iustificari, Docetur etiam peccata confessione remitti, quibus adduntur quædam alia eodem pertinentia: qui sic incipit.

1. *Beati. i. cum spe beatitudinis iusti siue pii sunt. quorum remissæ sunt iniquitates, quæ remittuntur, cum applicato nobis pretio sanguinis Christi, reatus æternæ damnationis, cui eramus obnoxij, aboletur. Et ob id remissio peccato-*

peccatorum in æternæ damnationis, non in nuda diuinæ facilitatis indulgentia, sed in redemptione seu compensatione per Christum parta, pœnitentibus autem applicata, consistit. *Ex quorum recta sunt peccata*, hoc in idem redit cum particula præcedente: Peculiariter tamen innuit per remissionem peccatorum etiam abscondi peccata. Abscondi inquam, quia tamen si peccata non abeant apud Deum in omnimodam obliuionem, turpitudine tamen eorum sic contegitur, vt in die iudicij in publicum prolata, nullam afferant suis authoribus confusionem.

Beatus vir cui non imputauit Dominus peccatum. Idem significatur. 2.
Circa quod tamen obseruandum, non imputare peccatum, non esse dissimulare peccatum, aut pro peccato non reputare quod verè peccatum est, quia non imputare peccatum negatiuum est eius, quod est imputare peccatum. Hoc autē, imputare scilicet peccatum, nō est peccatū quod non est admissum alicui imponere, ergo, non imputare peccatum non est dissimulare peccatum, aut pro peccato non reputare quod peccatum est. *Nec est in spiritu eius.* i. ipsius hominis, de quo Apostolus, quæ hominis sunt nemo nouit nisi spiritus hominis, qui est in ipso. de quo & Propheta, Væ prophetis insipientibus, qui sequuntur spiritum suum & nihil vident. Ergo in spiritu eius non est *dolus*, qui non decipit semetipsum fide vel temerè persuadens sibi à Deo remissa esse peccata, vel existens de propitiatu peccatorum sine metu. Quæ particula videtur superioribus addita per spiritum prophetiæ, vt presignaret cauendos esse hæreticos, qui de spiritu suo in spiritu hominum operantur dolum, dum docent peccatorum remissionem unicuique esse apprehendendam & intrepidè credendam. Est tamen & in spiritu catholicorum dolus, dum remissionem peccatorum sibi nimis facile arrogant. Nec tamen ex his sequitur iustitiam nihil aliud esse quàm remissionem peccatorū, quia Psaltis propositum hîc nō est docere quid sit iustitia, sed quod in homine lapsō non sit iustitia nisi ex remissione peccatorum. In hominis enim iustificatione ex parte hominis ordinæ naturæ prior est liberatio à culpa gratiæ infusione. In iustificatione enim hominis lapsi culpa, si D. Thom. credimus, est terminus à quo, iustitia verò terminus ad quem. Quocirca & Apostolus ex hoc Psalmo probat Iustitiam non esse ex meritis. Si enim beatus est cui remissa sunt peccata, ergo beatitudinem siue iustitiam præcedit remissio peccatorum, non ergo dignitas meritorum, quia non possunt merita consistere cum mortalibus peccatis. Alibi vero vbi locus requirebat, vt suppleret Apostolus, quod hîc expressè nō dixerat, dicit: Hæc quidem fuistis, sed abluti estis, in remissionem peccatorum videlicet, iustificati estis, sanctificati estis in spiritu Dei nostri, ergo præter remissionem acceperant iusti spiritum rectum in visceribus suis. Post hæc vero con-

1. Cor. 2.

Ezech. 13.

Ecclesi. 5.

1. 2. quæst.

111 art. 8

ad primū.

Roman. 4.

1. Cor. 6.

uertit se Psalter ad exponendum, quid sit quod remissionem peccatorum remoretur, & quid eam præcedere debeat, & dicit.

3. *Quoniam tacui.* i. à confessione & accusatione peccatorum memetipsum continui *inueterauerunt.* i. vetustatis incrementum acceperunt *ossa mea,* i. ipsæ animæ meæ medullæ, in quibus est vetustas, *dum clamare tota die.* i. clamoribus verbosis, nō autem sermonibus veris conarer iustitiam meam prædicare, & innocentiam defendere, aut alios inculcare, vel mores eorum seuerè censere.

4. *Quoniam die ac nocte grauata est super me manus tua.* i. quandoquidem iussisti Domine, vt omnis inordinatus animus sibi metipso sit pœna, ita euenit & mihi; in culpa enim & eius excusatione positus, die ac nocte non habuit in semetipso requiem infelix animus meus. *conuersus sum in ærumna mea, dum configitur spina.* siue vt legit Hieronymus, dum mihi infigitur spina. i. aculeus inquietæ conscientiæ, atque supplicij peccatum concomitantis. Multi enim inquit Bernardus cum sentiunt pœnam, corrigunt culpam. Et quia conuersio quam ærumnis exagitatus facere cepit, ab agnitione & accusatione sui exordium sumere debet, sicut scriptum est, dic iniquitates tuas vt iustificeris, ideo subdit:

5. *Delictum meum cognitum tibi feci & iniustitiā meam non abscondi.* Non quod Deus ignoret hominis peccatum, sed expectat, inquit Ambrosius, vocem confitentis. Confessio enim peccati peccatori bona est & utilis. Quod luculenter explicat Tertullianus: Confitemur, inquit Deo, non vt ignaro, sed quia satisfactio confessione disponitur, confessione pœnitentia nascitur, pœnitentiā Deus mitigatur.

6. *Dixi.* q. d. non contentus nuda peccati mei notificatione, Hæc enim si sola fuerit, impudentiæ, aut etiam cuiusdam iactantiæ notam sibi adiunctam habet, vt notat Ambros. Ob id insuper dixi. *Confitebor aduersum me iniustitiam meam Domino.* i. notificādo peccatum meum, insuper accusabo me, & quamuis id aduersum me militet, me tamen plagis atque supplicij dignum esse pronunciare non cessabo, *& tu remisisti impietatem peccati mei.* non quidem ordinariè cum id dixissem, sed cum id quod dixeram effecissem. Quod sic intelligendum esse, satis manifestum euadit ex facto filij prodigi, Qui cum prius apud se dixisset, vadam ad patrem meum, & peccatum meum ei cognitum faciendo, dicam ei: Pater peccaui in cælum & coram te. & idipsum aduersum me confitendo, dicam, Iam non sum dignus vocari filius tuus, tamen in gratiam receptus non est nisi postquam propositum suum fuisset reipsa executus, atque dixisset coram patre, Peccaui in cælum, &c. Per conuersionem autem aduersum me factam, *remisisti impietatem peccati mei,* quia, inquit Augustinus, Iudicium quod contra nos assu-

nos assumimus, pro nobis facimus, si peccata nostra accusamus. Dixi autem illis qui dicunt *Dixi confitebor* siue confiteri proponunt, ordinariè nō remitti peccata, nisi ubi id quod proposuerant reipsa præsstituerint, quia contingit, imo in necessitate ordinariū est, solo voto faciendæ cōfessionis dimitti peccata. Magna enim pietas Dei est, inquit Augustinus, ut ad solam promissionem peccata dimittat, nondum enim pronunciat ore, & tamen Deus audit in corde, votum enim pro opere reputatur. Hæc August. Porro in eo quod dicit Psalter *Dixi confitebor*, &c. antequam confessionis sacramentum sit institutum, iniquatur confessionem peccatorum Deo deferendam, omni tempore idque de conuenientia Iuris naturæ, ad remissionem peccatorum necessariam fuisse. Et ob id etiam remissioni peccatorum tempore veteris legis fuit præmissa peccatorum confessio, ut manifestum est in pœnitentia Davidis coram Nathan, filij prodigi, & ex confessione Danielis. Quæ peccatorum confessio non solum facta est in genere, sed subinde etiam peccatis sigillatim enumeratis, ut Esaiæ, Iniquitates nostras cognouimus, peccare & mentiri contra Deum, & auersi sumus, ne iremus post tergum Dei nostri ut loqueremur calumniam & transgressionem. Et postea. Corruit in platea veritas, & iustitia non valuit ingredi. Cui similem confessionem videre est 2. Esdr. ubi non solum in particulari peccata populi Leuitæ confitentur, sed exprimunt & circumstantiam peccatum aggravantem, per hoc quod dicunt. Patres nostri dederunt caput, ut conuerterentur ad seruitutem suam quasi per contentionem, Quod facere, erat peccare ex malitia. In confessionibus autē illis erat inuisibile tribunal, Deo agente partes iudicis, peccatore vero partes rei & accusantis. Quod tribunal Christus tempore noui testamenti in tribunal visibile conuertit, instituens, ut confessio quæ prius soli Deo ut Iudici deferebatur, nunc in visibili quadam se humiliandi (inquit Tertull.) & prosternendi specie fieret in tribunali conspicuo, ubi sacerdos Dei loco ut Iudex visibilis cum potestate præsideret, Idque magno fidelium bono, Visibile enim illud tribunal pœnitentem iuuat ad commouendam in eo humilitatem, informat ad confessionis integritatem, extimulat ad compunctionem. Denique consequendæ remissionis facilem certamque præbet rationem. Quam rem eleganter explicans Ambros. Dominus inquit, quod ante erat iudicij sui, dedit Apostolis, videlicet peccata dimittendi æquitatem, ne citò soluenda diu ligata manerent. Christus ergo instituendo sacramentum confessionis non mutauit pœnitendi legem aut rationem, sed formam, quia tribunal inuisibile coram quo prius reus plorabat & confitebatur, in nouo testamento sub iisdem pœnitendi legibus, in tribunal visibile, translata in sacerdotem, siue concessa sacerdoti iudicandi potestate, conuertit.

Citatus à
Gra. 17. q.
1. Qui bona

2. Reg. 12.
Cap. 9.
Cap. 59.

2. Esdr. 9.

Loco præ-
alleg.

In psal. 38
ad verba
Remitte
mibi.

Pro hac

7. *Pro hac remissione peccatorum*, inquit Hieronymus, *orabit ad te omnis sanctus*, quia nemo sine peccato, *in tempore opportuno*. i. certis ad hoc delectis temporibus, quæ sunt velut quidam dies expiationum. Cuiusmodi nunc sunt dies ieiuniorum & vigiliarum, quia, vt docet Leo, licet quotidiano Dei munere à diuersis contaminationibus emundemur, inhærent tamen incautis maculæ crassiores, quas oportet diligentiori cura ablui, & maiore impendio deleri. Basilius tamen per sanctum intelligere videtur sanctitatis candidatum siue ad accipiendam sanctificationem se disponentem, quem dicit oraturum pro remissione peccatorum suorum mortalium, *in tempore opportuno*. i. tempestiuè, dum viuit & valet, ne sero tandem ad pœnitentiam disponenti claudatur ianua, priusquam pœnitentia sufficiens fuerit & vera. Sed forte timendum erit ne is qui remissionem peccatorum consecutus est, ob multas quæ eum inuadent tentationes, non poterit in iustitia perseuerare? nequaquam, sequitur enim:
8. *Veruntamen in diluio aquarum multarum*. i. inundatione multarum tentationum, *ad eum non approximabunt*. i. eum qui iam ad iustitiam à Domino restitutus est, inimici non superabunt, Ad Deum enim protectorem suum confugiens dicet ei:
9. *Tu es refugium meum à tribulatione quæ circumdedit me*. i. tentatione quæ tribulationem operatur, *Exultatio mea*. q. d. tu cuius participatio mihi in medijs tribulationibus exultationem spiritus facit, *erue me à circumdantibus me*. Respondens autem confugiendi ad se Dominus dicit:
10. *Intellectum tibi dabo & instrua te in via hac qua gradieris*, ne per ignorantiam seducaris, *firmabo super te oculos meos*. i. iugem tui curam geram. Et bene hoc Dominus promittit Christiano, quia Christianorum propriè illa regio est, de qua dicit Dominus: Terra quam ingredieris possidendam de celo expectat pluuias, in quam oculi Domini sunt à principio vsque in finem. Sed quia charitas propriæ salutis consecutione non contenta etiam inimicorum curam gerit, vt eorum salutem lucretur, iste à lapsu iustificatus, & spe diuinæ protectionis de sua perseuerantia securus, ad inimicos suos per fraternam correptionem conuertitur, & dicit ijs:
11. *Nolite fieri sicut equus & mulus, quibus non est intellectus*. i. feroces, indomiti, lasciui, non intelligentes nouissima vestra. Et quia adhortatio præcedens lenis fuit, qualis erat & adhortatio Heli, qua dicebat filiis suis: Nolite filij mei rem hanc facere. Et quia malæ bestię ventres pigri potius vrgendi sunt quam admonendi, conuertit Psalter sermonem ad Deum, & dicit:
12. *In camo & freno maxillas eorum constringe*. i. stimulis internis vrgere cessent, & circumualla eos ne effugiant, quale quid faciebat Deus Augustino, cum

no, cum diceret, Vndique circumuallabar à te *qui non approximant ad te*, id est, qui leniter & dulciter vocati non accedunt ad te.

Multa flagella peccatoris, in futura vita manent peccatorem *sperantem autem in Domino misericordia circundabit*, quia praeueniet, aderit, & subsequetur. Tandem Psalter fructum veræ iustitiæ ultimo versiculo explicans, iustos compellat, & dicit:

Latamini in Domino, & exultate iusti. i. vobis est de Domini vnctione atque praesentia iugis letitia, & *gloriamini omnes recti corde*, quia vera vobiscum est gloriandi materia & causa. Vobis enim competit illud Apostoli: Gloria nostra hæc est, testimonium conscientiae nostræ, quia in omni simplicitate & sinceritate, & non in sapientia carnali conuersati sumus in hoc mundo. 2. Corin. 1.

PSALMVS XXXII.

In finem Psalmus David.

Exultate iusti in Domino. Cum exultare D. Bernardo significet quasi extra se saltare, exultare est mente in Dei diuinæque bonitatis contemplationem sublata, in eadem se cum spiritali letitia oblectare. Et quia decet ut hanc rem consequatur gratiarum actio, subdit: *rectos decet collaudatio*. i. concors & de mutuo profectu concepta communis gratiarum actio.

Confitemini Domino in cythara. i. carnis mortificatione, Vel Cythara, i. confessione per gratiam Spiritus sancti desuper accepta, Cythara enim, inquit Basilii, à parte superiore sonandi potentiam accipit. *in Psalterio decem chordarum*. i. in plena diuinæ legis obseruatione. *Psallite illi*, quia non est speciosa laus in ore peccatoris. Eccli 15.

Cantate ei canticum nouum. i. ex nouitate spiritus proueniens *lene Psallite ei in vociferatione*, tali scilicet quæ auribus Dei non autem hominum clamosa sit. 2.

Quia. q. d. hæc est laudis ad quam vos adhortor, causa, *rectum est verbum Domini*. i. æternum Dei Verbum, quod, in principio erat apud Deum, rectum est, ab omni iniquitate aut vitio alienum, & *omnia opera eius*. i. omnia quæ per ipsum facta sunt *in fide*. i. absque fraude facta sunt. Fides enim hoc loco & Deuteron. 32. ubi dicitur Deus fidelis, fraudi opponitur, ut sit sensus. Sicut verbum Dei per omnia rectum est, sic pro rectitudine sua, bona fide omnia quæ fecit, recta & rectè fecit. 3.

Diligit misericordiam & iudicium. Quod Verbum misericordiam diligit, ab omnibus facile creditur, quod autem Iudicium, licet id quibusdam atrocitatis aut inclementiæ speciem habere videatur, id tamen hic Psalter 4.

y confiden-

- confidenter de Verbo prædicat, præmunit enim contra omnem offensionem corda audientium per hoc quod dixit, Rectum est verbum Domini, &c. quia ubi fixum nobis fuerit, quod ante omnia fixum esse debere semper inculcat Augustinus, videlicet Verbum Domini rectum esse, aut quod non sit iniquitas apud Deum, nunquam nos offendet quodcumque eius iudicium. Porro vna cum misericordia diligit iudicium, quia vtrumque bonum est & sanctum, ita ut dicat August. quod Deus amat in malis damnationis iudicium. *Diligit* quoque iudicium, quia iudicium misericordiam illustrat. præponitur autem misericordia iudicio, quia Deus ex semetipso misericordiam solummodo exercet. Iudicium verò non nisi causa ex creaturis accepta. Ob quam causam Bernar. misereri Deo proprium esse docet. Ne autem per hoc quod Deus iudicium diligere dicitur, misericordia eius in paucos tantum erogata credatur, subiicit Psalter per Prophetiæ spiritum id quod noui testamenti tempore implendum erat. *misericordia Domini plena est terra* quia in omni terra, lingua, populo, natione imo tribu misericordia Domini per eius Euangelium effusa est. Vnde autem euangelizantibus virtus huius misericordiæ tam efficaciter annunciandæ aduenerit, declarat, cum subdit:
5. *Verbo Domini.* i. æterno Dei Verbo eos 'dirigente, suæque sapientia implente. In quibus verbis nomine [Domini] Deus Pater intelligitur, qui Dominus dicitur non respectu Verbi, quia eius respectu Pater appellatur, sed respectu Psalteris hæc enarrantis, & totius creaturæ. Quod ipsum non
- Matth. 11.* obscure Christus insinuauit, cum dixit: Confiteor tibi Pater, Domine cæli & terræ, appellans Deum suum Patrem, creaturarum vero Dominum, ut
- 1. Thes. 5.* notat Cyrillus. Dicit itaque *Verbo Domini*, eius scilicet, qui non Verbi, sed noster Dominus est. *Cæli*, i. Apostoli, *firmati sunt*: ut & ipsi veritatem constantissimè seruarent, & Ecclesiæ quæ est columna & firmamentum veritatis, immobilis ædificij præberent fundamentum. Quod autem Verbum firmitatem hanc cælis præstiterit non sine cooperatione Dei Patris sui, id euidenter demonstratur hoc ipso quod dicitur Verbo Domini. Si enim verbum sua virtute cælos firmavit, Et Verbum Domini est, ergo Domini virtute cælos firmavit, quia hoc ipsum quod Verbum est, Domini seu
- 10. 1. 10.* Patris est. Vnde & dicit: Non potest Filius à se facere quicquam, nisi quod viderit Patrem facientem: Sed ne Verbum id cum Patre sine Spiritu sancti cooperatione fecisse putetur, subdit Psalter: *et spiritu oris eius.* i. cooperante vna cum Verbo Spiritu sancto, *omnis virtus*, tam prædicationis, quàm bonorum operum & miraculorum *eorum.* i. cælorum. Dicitur autem Spiritus sanctus, spiritus diuini oris, ad designandā propriam Spiritus sancti processionem. Quia enim per os hominis flatus seu spiritus eius procedit, &

dit, & Spiritus sanctus à Patre & Filio per spirationem procedit, ideo ab humana spiratione ad diuinam spirationem translata similitudine, Spiritus sanctus spiritus diuini oris dicitur, vt à Patre & Filio per spirationem procedere doceatur. Idque simili per omnia metaphora, qua ad designandum quod Dei Filius genuinus sit Patri & consubstantialis, dicitur ex vtero genitus. Naturales enim & consubstantiales Filij in humanis generationibus ex vtero generantur. Potest tamen Spiritus sanctus etiam dici spiritus oris Domini, quia per donum linguarum atque sermonis, Ecclesiæ Christi primitus innotuit, vt notat Gregorius. Porro in eo quod dicitur, *oris eius*, In psal. 109. quidam intelligunt, *eius*. i. Domini. Rectius tamen cum Tertulliano hoc modo intelligemus, *oris eius*. i. Verbi, quia si intellexerimus Spiritum sanctum esse spiritum oris Domini, non inde poterimus tam euidenter concludere Spiritum sanctum etiam à Filio procedere. Si autem intelligamus eum esse spiritum oris Verbi, necessario inde sequetur, spiritum etiam à Patre procedere, quia cum Verbum non nisi à Patre sit, & spiritum eius à Patre quoque esse oportet. Quis autem virtutis iam dictæ effectus sit, subditur:

Congregans quasi in vtre aquas maris. Mare sæculum est, Aquæ eius sunt feruor & furor eius, quo in persecutionem fidelium concitatur. Hæ aquæ congregantur in vtre, cum feritas Tyrannorum & populorum à persecutione inferenda cohibetur, defectu, non malignitatis, sed potestatis aut virtutis. Quando enim malignantibus deest potestas, aut audacia malefaciendi, coguntur ipsi motus suos malignos in cordibus suis, quasi vtribus concludere. Quale quid Circūcellionibus suo tempore contigisse testatur Augustinus his verbis. Sæuire vos nolle dicitis, ego non posse arbitror, ita enim estis numero exigui, vt sæuire non audeatis, etiam si cupiatis. *ponens in thesauris abyssos*. i. eos qui ob id quod in profundum peccatorum peruenierint, & tam profundo corde sint vt credant se posse abscondere à Domino consilium, hos inquam, ponit in thesauris. i. absconditis, non concedendo eorum malignitati malefaciendi occasionem vel potestatem. Eo enim casu abstrusam facit eorum malitiam, & in thesaurum detrudit, quia thesauri nomine in scripturis significatur quidem copia rei in latebras abstrusæ, sed non semper pretiosæ. Vnde Deuteron. 32. Nōne hæc condita sunt apud me, & signata in thesauris meis? Et apud Iob: Nunquid ingressus es thesauros niuis & grandinis? *cap. 38.*

Timeat Dominum. Votiua prædictio est, & est sensus. Congregatis quasi in vtre aquis maris, eaque ratione præstita securitate à pristina persecutione, *timeat*. i. cultum veræ religionis amplectatur *omnis terra: ab eo autem Domino videlicet commoueanur*, id est, ad fidem & religionem

y ij susci-

suscipiendam infallibiliter commouebuntur, *omnes habitantes orbem. i.* per vniuersum orbem plurimi.

9. *Quoniam ipse dixit & facta sunt, ipse mandauit & creata sunt.* q. d. Dico per Dominum commouendos omnes habitantes orbem, quia Domino per virtutem vocis suæ ad eos loquente, absque dubio fiet quod Dominus eis locutus fuerit. Scriptum est enim, Omnis qui audiuit à patre & didicit, venit ad me, non inquit Augustinus, dicit Christus, potest venire, sed venit, quia vox diuinæ gratiæ, vna cum veniendi potestate præstat potestatis effectum. Porro quæ & quanta sint, quæ Dominus tempore euangelicæ prædicationis dicat & fiant, mandet & creentur, explicat Isaias, Ego sum Dominus suscitans verbum serui sui, & consilium nunciorum suorum complens; qui dico Ierusalem habitaberis, & ciuitatibus Iudæ ædificabimini, & deserta eius suscitabo: qui dico profundo desolare, qui dico Ierusalem habitaberis, & templo fundaberis. Sed fortasse timendum erit, ne aduersarij obstaculum ponant huic voci Domini, quominus ei obtemperetur. Imo ne id quidem, quia

10. *Dominus dissipat consilia gentium, reprobant autem cogitationes populorum, & reprobat consilia Principum.* q. d. multi quidem cogitabunt, imo conspiratione facta inter se consultabunt, qua ratione impedire valeant ne timeat Dominum omnis terra. Sed Dominus dissipat consilia gentium, reprobant cogitationes populorum, vt non possint, inquit Iob, manus eorum implere quod ceperant. Quam gratiæ diuinæ virtutem etiam Isaias considerans exclamat ad populum diuinæ virtuti obniti parantem: Congregamini populi. q. d. esto, conspirate inter vos, & inuicem animate ad obstitendum, attamen vincemini. Inite consilium & dissipabitur; loquimini verbum, & non fiet, quia nobiscum Deus.

11. *Consilium autem Domini.* i. propositum Domini, quod nomine consilij appellatur, quia Dominus omnia operatur secundum consilium voluntatis suæ, *in æternum manet.* i. nunquam effectu destinato fraudabitur. Ideo Isaias, Consilium meum stabit, & omnis voluntas mea fiet. Et Actorum 4. Si ex Deo est consilium aut opus, non poteritis dissoluere. Circa quæ verba contra Manichæos bene notat Diuus Thomas, opus Dei bene dissolui, quia multi à charitate quam Deus in eis operatus est, excidunt, Consilium autem Dei. i. propositum diuinæ prouidentiae non posse à suo effectu impediri. Cum ergo opus Dei dissoluitur, per hoc tamen consilium Dei non dissipatur, quia Deus opus illud ordinauit quidem vt esset, non autem vt esset indissolubile. *Cogitationes cordis eius in generatione & generationem.* Vnicus ac æternus est diuinæ cogitationis actus, & tamen cogitationes pluraliter dicuntur propter multitudinem eorum, quæ Deus cogitatione

ratione sua comprehendit, Itaque significatur futurum, ut impleatur quicquid Deus de genere humano per omnes suas generationes facere cogitauit. Intelligens autem Psalter quam gratuitum & salutiferum munus sit homini, Dei vocatio secundum propositum, exclamat admirabundus.

Beata gens cuius est Dominus Deus eius. q.d. O verè felicem illam gentem, cui Dominus Deus eius fieri dignatur, *populus*, inquā, beatus est quem *elegit*. i. reliquis relictis, assumpsit (hoc enim D. Thomæ & verissime, est eligere) *in hereditatem sibi*. i. ut eos æternæ vitæ hæredes faciat. Sed vnde huius beatitudinis est in homine initium, nunquid ex homine, an ex Deo?

De cælo respexit Dominus vidit omnes filios hominum. q.d. Quod Deus gentis alicuius Deus sit, non inde prouenit quia gens illa prior ad Deum suspexerit, sed quod Deus de cælo prior eam respexerit, & respiciendo eius misertus sit. Quod autem dicit, *omnes filios hominum*, ibi nomen [omnes] distribuitur pro vniuersitate bonorū, sicut & alibi frequenter. Deinde quia ut ad religionē homines perueniant, prædicatorū veritatis egēt ministerio, Et quia infideles ut ad veritatis cognitionē perueniant, magis debēt à prædicatoribus veritatis præueniri quam eos præuenire, ideo adiungit Psalter:

De præparato habitaculo suo respexit. i. in eis, & per eos, quos Deus ad aliorum salutem querendam præparauit, qui sunt Apostoli, aliique Euangelij præcones, respexit Deus, quia eos cum commiseratione respicere fecit *super omnes qui habitant terram*, ut attenderent tenebras occupasse vniuersam terram, ipsique hoc attendentes, per charitatem inardescerent ad eruendam à tenebris terram. Hunc respectum in primis Deus fecit per Christum suum, qui singulare habitaculum & templum Dei fuit, cum videns turbas, misertus est eis, quia erant vexati, & iacentes sicut oves non habentes pastorem. Ut autem pastorem acquirere possent, dixit: Rogate Dominum messis. Et ad hunc respectum faciendum adhortatur discipulos, cum diceret: Leuate oculos vestros, & videte regiones, quia iam albæ sunt ad messem, ut videlicet id videntes, commiseratione tangerentur, & charitate accenderentur ad messem illam propheticæ sementis in horreū Ecclesiæ colligendam. Hunc etiam respectum fecit Dominus per diuum Gregorium, qui, ut refert Beda, videns quosdam adolescentes Anglos Romæ venales, cum intelligeret eos totamque eorum gentem adhuc paganismo laborantem, misertus eorum, voluit Euangelij lucem genti Anglorum afferre, quod postmodum Pontifex factus per alios præstitit. His itaque duobus modis respiciendo, præuenit Deus filios hominum ut ipsi gens & populus eius, & ipse eorum Deus fiat.

Qui finxit sigillatim corda eorum. Per corda hominum hic ab aliquibus intelliguntur animæ rationales quas Deus sigillatim vnicuique creat.

y iij Rectius

12.

13.

14.

Matth 9.

Ioannis 4.

Lib. 1. b. 1. Angl.

13.

- Epist.* 28. Rectius autem secundum August. intelligimus Deum corda fingere, non secundum substantiam, sed secundum pietatis affectum. Sicut enim Deus cor mundum creat in homine in nouatione iustitiæ, sic cor innouatum fingit confirmatione doctrinæ, idque sigillatim, quia alteri datur spiritus sapientiæ, alteri scientiæ, alteri fidei, & sic de reliquis: *qui intelligit omnia opera eorum*, videlicet operum scopum, qualitatem, bonane sint an mala; quantitatem, Appendit enim corda Deus, ac spirituum ponderator est Dominus. i. explorat quantum pondus iustitiæ aut iniustitiæ habeant. Quod peculiariter Deo ascribitur, quia de suis operibus unicuique cum Apostolo quodammodo dicendum est: Quod operor, nō intelligo. Ne autem quispiam humanis viribus putet salutem æternam consequi aut apprehendere, subdit Psalter:
16. *Non saluatur Rex per multam virtutem*, quam sibi habet in multitudine sui exercitus velut ad manum positam, *neque gigas*, qui non ut rex aliena, sed propria ac domestica virtute valet, suis viribus æternam salutem acquireret. Et quia Regum vires subinde in equitatu positæ sunt, additur:
17. *Fallax equus ad salutem*, qui enim viribus equitatus sui confisus putabit salutem æternam consequi, inueniet se deceptum, quales fuerunt illi quibus dicebat Isaias: Si reuertamini & quiescatis, salui eritis, & dixistis: Nequaquam, sed ad equos fugiemus, & super veloces ascendemus, &c. Quanquam hæc etiam de temporali salute vere dicta sint, quia dicebat Propheta Regi: Quod si putes in robore exercitus consistere victoriam, superari te faciet Deus ab hostibus. Videntur tamen hæc & allegoricè esse intelligenda, ut regis nomine ille intelligatur, qui quam plurimos habet ad æternam salutem sibi auxiliares. Gigantes sint, qui non indigent humana ope, sed sibi sufficiunt. Hi enim non peruenient ad salutem, si in his viribus quantumuis spiritualibus fuerint confisi, ut iam subinde dictum est, oportet proinde ut in Domini protectione confidant: propterea subditur:
18. *Ecce oculi Domini*. q. d. Si ergo quæsieris qua ratione isti peruenient ad salutem. *Oculi Domini*. i. diuinæ prouidentiae inspectio. *Super metuentes eum*, & in eis qui sperant super misericordia eius. i. super eos, qui & timent Dei iudicia, & nihilominus sperant de benignitate quam solet exhibere timentibus se: Interim quod dictum est: *Fallax equus ad salutem*, satis accommodatè illis dicetur, qui in negotijs æternæ salutis efferuntur, iræ, indignationis, prodigalitatis, & humani fauoris intemperatis passionibus. Cum enim equi nomine effrenis passio rectè designetur, verè dicetur illis, *Fallax equus ad salutem*, quia passionum tumultus, neque suis authoribus, neque aliis in quos sic feruntur, conducit ad veram salutem. Sunt autem oculi Domini super metuentes eum,

Vt eruas

Peruat protegendo à morte aterna animis eorum, & alat eos in fame 19.
vite aeternae, inquit Tertullianus, quæ est fames veritatis & iustitiæ, quæ
ducit ad vitam aeternam. Iusti itaque diuinæ protectionis necessitatem in-
telligentes, eam quoque sibi expectandam arbitrantur. Dicunt proinde:

Anima nostra sustinet Dominum. i. prauiam eius directionem & prote- 20.
ctionem expectat, quoniam adiutor & protector noster est.

Quia in eo. i. in eo adiutore & protectore nostro *letabitur cor nostrum.* 21.
eo enim adiuuante nihil deesse, eo protegente nihil obesse potest. & in no-
mine sancto eius. i. in eo ipso sperauimus. Quia autem spes rem hic speratam
ex gratia consequitur, ideo spei suæ adiungunt iusti orationem, & dicunt:

Fiat misericordia tua Domine super nos, quemadmodum sperauimus in te. 22.
i. fiat super nos tantum tuæ misericordiæ, inquit Basilii, quantum nos
in te conicimus spei.

PSALMVS XXXIII.

*Dauid cum immutauit vultum suum coram Abimelech, &
dimisit eum & abiit.*

Diuus Augustinus ex eo motus, quod in verbis huius tituli (mysterij
vt putat indicandi causa) nomen Abimelech pro Achis ponatur, ti-
tulum hunc mysticè exponit, dicitque nomine Dauidis vultum im-
mutantis Christum significari, qui vultum suum immutauit. In primis, quia
cùm in forma Dei esset, visibiliter mortalis apparuit. Deinde in transitu ex *Philipp. 2.*
hac vita, cùm corpus & sanguinem suum sub specie panis & vini, velut im-
mutato vultu, mundo reliquit. Fecit autem vtrumque coram Abimelech, qui
interpretatur Patris mei regnum, & designat Iudæos. Illi enim viderunt
Christum & in vita mortalem, in passione nō habentē speciem neque deco- *Isaia 53.*
rem. Post resurrectionē verò viderunt memoriam Dominicæ passionis, per
sacrificium Melchisedech in pane & vino, repudiato sacrificio veteri cele-
brari, & nihil horum crediderunt. Itaque dimisit eos, & abiit ad saluandas
gentes. Basilii autem & qui eum sequuntur, non considerant in titulo esse
parabolam, sed respiciunt ad ipsam historiam, & quod pro nomine Achis
Abimelech ponitur, non arbitrantur mysterij causa factum esse, quia nomen
Abimelech erat commune nomē Regis Philistiim, quemadmodum nomen
Pharaonis commune fuit Regibus Ægypti. Quæ Basilij annotatio satis re-
ctè videtur conuenire Psalmo, quia Psalmus continet gratiarum actionem
pro euasione è periculis, in quibus Dauid in primis versabatur, cum necesse
ei fuit vultum immutare coram Achis. Interim tamen admitti potest Psal-
mum hunc sacrificij Dominici mentionem in titulo præferre, quia sicut sa-
crificium illud, ita & Psalmus iste Eucharisticus est.

Bene-

1. *Benedicam Dominum in omni tempore.* i. indefinenter, Cogitatio enim quæ de Deo est semel menti impressa & velut sigillo obsignata rectè appellatur laus Dei semper in anima existens, inquit Basilii, sicut tacitum animi desiderium, fide, spe & charitate subnixum, D. Aug. iugis est oratio. *Vel in omni tempore.* i. tam in aduersis quam prosperis, *semper laus eius in ore meo.* Id fieri poterit si omnia quæcumque agas siue manducando, siue bibendo, siue aliud quippiam agendo in gloriam Dei facias. Ipsa enim externa opera eò relata perfectam laudem Dei quodam ore loquuntur. vel, *semper*, vt supra.
2. *In Domino laudabitur anima mea.* i. quicquid illud erit quod in me laude videbitur prosequendum, Domino auctori ascribi volo. *audiant* hanc meam voluntatem meumque studium, *mansueti.* i. humiles spiritu, & *laentur.* Superbi enim indignantur, si id quod in nobis laudabile est Domino ascribitur.
3. *Magnificate Dominum mecum.* i. quantum potestis diuina beneficia mecum extollite. & *exaltemus nomen.* i. qua possumus verborum magnificentia concorditer & certatim prædicemus quæ de Deo creduntur atque experientia comprobata sunt, sed vt Sapiens dicit, Superualebit adhuc. Post hæc incipit Psalter enumerare Dei in se beneficia ob quæ ad concentum diuinarum laudum mansuetos inuitauit, & dicit:
4. *Exquisui Dominum,* manibus scilicet aut operibus meis, vt habet & Psal. 76. & *exaudiuit me, & ex omnibus tribulationibus meis, eripuit me.* non sinens, inquit Basilii, me anxietate opprimi, sed cum tentatione prouentum patientiæ faciens vt potuerim sustinere. Vos ergo meo exemplo corroborati, similiter,
5. *Accedite ad eum,* i. conuertite vos in tribulatione ad Dominum, & *illuminamini,* augmentum enim lucis spiritalis ab eo accipietis. est enim Dominus lux. *Et facies vestra non confundentur,* tanquam qui repulsam sitis passi. Dominus enim est de quo dixit Isaïas: Super quo non confundentur, qui expectant eum. Et ne isti quos Psalter inuitat, ob fidei & suorum meritorum tenuitatem detrectent ad Deum accedere, animat eos exemplo alterius alicuius pauperis, qui in paupertate sua Dominum accessit & adiutus est, & quasi digito, inquit Basilii, demonstrans dicit:
6. *Iste pauper.* q. d. talis qui notoriè pauper & inops meritorum videtur, *clamauit ad Dominum & exaudiuit eum, & ex omnibus tribulationibus eius saluauit eum,* Tu ergo quicumque paupertatis tuæ conscius es, ne reformides ad Dominum accedere. Basilii tamen per pauperem, qui hic demonstratus est Christum intelligit. q. d. Si de tuis meritis diffidens ad Deum trepidas accedere, Ecce tibi Christus præsto est, qui propter nos pauper factus.

factus cum esset diues, pro nobis ad Deum per semetipsum accessit & exorauit.

Immittet. i. proteget ne prosternantur, angelus Domini in circuitu timentium eum. De vno angelo dicitur, *Immittet in circuitu*, ad designandam magnitudinem virtutis angelicę, quoniam vniuerso exercitui & castris hominum numerosę multitudinis, vnus, inquit Basil. angelus assimilatur. *in circuitu timentium eum*, dicit timentium eum. Omni enim in Christo credenti angelus assitit, nisi illum à nobis per improbas actiones profligauerimus. Sicut enim fumus apes fugat, & fœdus odor columbas, sic angelum vitę nostrę custodem graueolens peccatum. *et eripiet eos*, quos aut quatenus eripi expedit, aut pro tempore eripi expedit; quod multis martyribus euenisse clarum est, qui angelica ope carceribus, plagis, internecioni sunt erepti, vel in suppliciis miris modis recreati.

Gustate & videte. i. intellectu simul & affectu apprehendite, quoniam suavis est Dominus. Dicit autem *gustate*, quia saturitate in futurum seruata, non datur in hac vita dulcedinem Domini nisi prælibare, vt notat D. Augustinus. *Beatus vir qui sperat in eo.*

Time Domini. i. in timore siue cultu eius perseuerate, ac vosmetipsos exercete omnes sancti eius, quoniam non est inopia timentibus eum. Pietas enim quę cultus Dei est, promissionem habet vitę quę nunc est & futurę.

Diuites egruerunt & esurierunt, quia diuitiæ absque timore Domini facile deseruerunt possessores suos. *inquirentes autē Dominum non minuentur omni bono* præsentis vitę nec futurę. Deus enim inquirentibus se, remunerator est.

Venite filij, audite me, timorem Domini docebo vos. i. cultum & obseruantiam Dei. Ex ijs enim quę longo ordine consequuntur, manifestè satis apparēt, Psalterium nomine timoris Domini non intelligere vnā aliquam particularem virtutem, sed id quod ad verum Dei cultum pertinet:

Quis est homo qui vult vitā, diligit dies videre bonos? Inter ea autē quę necessaria sunt ei *qui vult vitā & diligit dies videre bonos*, primo loco ponit,

Prohibe linguam tuam à malo, detractionis videlicet, quia, vt docet Hieron. vitium detractionis vel in primis extingui debet, & ab ijs qui se sanctè instituere volunt prorsus excludi. *et labia tua ne loquantur dolum. i. quoduis mendacium, aut quicquid ad alterius iniuriam pertinet.*

Diuertere à malo & fac bonum, Licet declinare à malo quoddam bonum sit, est tamen inter hæc duo præcepta hæc differentia, quod iuxta Tertull. declinare à malo is dicitur, qui non facit quod obest: facere autem bonum dicitur, qui addit insuper quod prodest. Atque adeo inter hæc duo præcepta hanc differentiam explicat Hieron. dicens: Priore præcepto impro-

- bati otium, posteriore imperari studium. ibi animum coërceri, hic incitari, illic fecisse, hic non fecisse culpabile est. Quod enim damnatio imineat non solum prohibita patrantibus, verumetiam iussa prætermittentibus, ex Basilio supra Psalmo 14. probatum est. Porro Psalter prius dicit:
- In p̄sa 1. Diuertere à malo & post fac bonum*, quia vt notat Ambros. initium bonorum nobis est abstinentia peccatorum. Hic enim est ordo disciplinæ, vt ab inferioribus ad perfectiora contendas. Quæ verba Ambrosij non sic accipienda sunt, quasi Christiano ab initio suæ professionis prohibita solummodo cauēda, iussa autē obseruanda non sint: sed quia vt docet D. Thomas *2. 2. q. 24. art. 9.* Christianus in principio principaliter intendit vitare mala, prouectior autem effectus, præcipuo studio incumbit vt faciat bona. *inquire pacem. i. sedulo omnem conciliandæ & fouendæ inter te & omnes homines pacis rationem excogita*, & per id quod facta inquisitione tibi commodum visum fuerit, pacem conciliare & confirmare sitage. In qua inquisitione ne præposterè procedatur: Oportet nos, inquit Hilarius, ea cogitare quibus alienę voluntates ad concordiam redigendæ, & in ea detinendæ sint. Inter hæc autem primum esse docet Ambrosius, vt pacis studiosus mentem suam ab indignatione iniuriæ aut molestiæ sibi illatæ compescat. Sin id non potuerit, saltem linguam suam à sermone, qui dissidenti bilem mouere posset cohibeat. Cito enim inquit, culpa culpam excutit. Deinde vt docet Aug. pacifici est de incertis non iudicare, incognita non confirmare, debetque procliuior esse ad bene credendum de suo aduersario, quam malè suspicandum. Denique officijs humanitatis debet dissidentem ad concordiam prouocare exemplo Iacob, qui vt notat Ambros. fratrem suum ad concordiam studuit humilitate inuitare, officijs acquirere, muneribus emere. Si autem dissentiens his modis ad pacem prouocatus eam nihilò minus repudiauerit, imo visus fuerit fugere pacem, nunquid eo casu licebit pacifico à pacificationis studio supersedere? nequaquam, sequitur enim, *& persequere eum*, quo verbo docetur, inquit Hieron. pacem non solum quarendam, sed fugientem omni studio insequendam esse.
- 15. Oculi Domini super iustos*, quia eos cum benignitate inspicit, eorumque curam gerit. *& aures eius in preces eorum. i. aures per obuiam beneuolentiam inclinatæ habet in preces eorum*, eo quod iustitia orantis gratissima orantis vox sit, quæ aures Dei demulceat.
- 16. Vultus autem Domini super facientes mala*, quia eos cum ira & indignatione inspicit. Per vultum autem intuentis iracundiam significari liber Hesther docet, vbi dicitur quod Aman vultum Regis & Reginae ferre non sustinuerit. *vt perdat de terra memoriam eorum*, ad hoc Deus iniquitatem eorum non preparat, sed ordinat.

Glam.

Clamauerunt iusti & Dominus exaudivit eos, & ex omnibus tribulationibus eorum liberavit eos, vel persecutionibus modum aut finem mirabiliter imponendo, vel persecutionum acerbiter Spiritus sancti sui victorie leniendo. 17.

Iuxta est Dominus iis qui tribulato sunt corde, & humiles spiritu saluabit. de hoc supra Psal. 9. vers. 9. 18.

Multae tribulationes iustorum, tum quia mali animas iustorum iniquis operibus cruciant, tum quia iram iniquorum iusti bene agendo in semetiplos prouocant, & ex omnibus his liberavit eos Dominus. 19.

Custodit Dominus omnia ossa eorum, Per ossa fortitudo significatur, fortitudo autem simplicis via Domini, Custodit itaque Dominus iustitiam atque virtutes iustorum, ne ista eorum ossa bonaque praestantissima tribulatione deficiant. & nunc ex his non conteretur, quia si modicè per seruorem tribulationis attritum fuerit, per Dei gratiam reparabitur. Est tamen magis verisimile, quod ossa hoc loco significant praedestinos, de quibus allegoricè scriptum est, Os non comminuetis ex eo, nemo enim eorum, etiam si subinde contractas fuerit conteritur, quia ad aeternum interitum non confringetur. 20. *Prouer. 10. Ier. 9.*

Mors peccatorum, secunda videlicet, pessima, & qui oderunt iustum delinquent. non est propterea eis irascendum, quia odiendo satis mali sibi inferunt. 21.

Redimet Dominus animas seruorum suorum ab iniquitate, & non delinquent omnes qui sperant in eo. Grauiora delicta intelligit, de minoribus enim scriptum est, In multis offendimus omnes. 22.

PSALMVVS XXXIIII.

Psalmus huic David.

IN hoc Psalmo per modū orantis in persona Christi praedicat Psaltes mala, quae tam in futuro, quam in hoc saeculo obueniunt hostibus iustitiae, interficiens quid iusto erga suos persecutores faciendum sit. Orditur autem Psalmum à praedictione eorum quae in futuro iudicio impiis obuenient, & dicit:

Judica Domine nocentes me, expugna impugnantes me. Expugnatur qui superatur, & per omnia in potestatem redigitur. Hoc fiet impijs in fine saeculi, cum auferretur eis omnis potestas Ecclesiam ulterius oppugnandi, de quo Isaias: In bellis praecipuis expugnabit eum. *impugnantes.* Proprie dicit, Inimici enim Ecclesiae, Ecclesiam semper impugnant, nunquam expugnant. 1. *cap. 30.*

Apprehende arma & scutum. Arma Dei metaphoricè dicuntur. Metapho- 2. *z ij ram*

- piet. 5.* ram explicat Sapiens: Induet, inquit, pro thorace iustitiam & accipiet pro galea iudicium certum, sumet scutum inexpugnabile æquitatem, acuet autem diram iram in lanceam. *Exurge in adiutorium mihi.* Vox est iustorum, Adiuuabit enim eam Deus mane diluculo. i. alterius vitæ exordio, quia tum plenissimum auxilium ei præbebit.
- Psalm. 45.* 3. *Effunde frameam.* Framea gladij genus est, sub qua omnis Dei armatura continetur. Hæc effunditur, cum Deus ad expugnandum inimicos omnem suam potentiam exercet, nec eam vlla in parte continet. *conclude aduersus eos qui persequuntur me*, ita vt effugere non possint. quod fiet in die iudicij, cum implebitur quod scriptum est; Non poterit auolare ab angustia sua. *Dic animæ meæ*, vt reipsa audiat, *salus tua ego sum.* i. te è tantis aduersitatibus atque periculis saluam facio. Hoc enim cum solitudine orandum est iusto, quia multi in illa die, in magna de salute sua erunt trepidatione.
4. *Confundantur*, per opprobrium sempiternum, *et reuertantur querentes animam meam*, vt scilicet auferant eam.
5. *Auertantur retrorsum et confundantur, cogitantes mihi mala*, quia separabuntur à iustis in die illa, vt non pateat illis amplius accessus ad eos.
6. *Fiant tanquam puluis ante faciem venti.* i. Fiant è numero eorum quos ventus furoris Domini proijciat à facie terræ, *et Angelus Domini*, qui est diabolus, dictus angelus Domini, quia in hoc negotio, vt notat August. ministerium exhibet Domino, *coarctans eos.* tum enim iudex tradet impium ministro, qui Diuo Chrysostomo est angelus pœnarum, coniiciendum in carcerem, è quo non est exiturus, donec soluat, quem nunquam soluet, nouissimum quadrantem.
- Matth. 5.* 7. *Fiat via illorum tenebræ.* i. dum sunt adhuc in statu viæ, contenebrentur vt peccata sua eorumque futura supplicia non videant. Fiat *et lubricum*, vt deserti ab ope eius, qui labascentibus supponit manum suam, sinantur semetipsos inferere peccandi occasionibus, quæ cupidis hominibus viam suam lubricam efficiunt, *et angelus Domini persequens eos.* i. permittatur diabolus eos ita contenebratos atque lubricos insuper vrgere, vt in peccata corruant. Magnas enim, inquit Cyrillus, diabolus ad imperandum eis quos iam cepit, possidet vires, cogere videtur ad opus etiam nolentes, timet, vt credo, ne morando locus pœnitentiæ detur, & quasi è temulentia sua mentem homo rectius cogitans cripiat. Hac de causa festinat & impellit. Et Ambrosius, Dæmones non gratis persequuntur eos qui se eorum dederunt potestati, & in possessionem sæculi toti intrauerint. In suos enim iure sibi dominatum vendicant, atque ab his mercedem iniquitatē efflagitant.
8. *Quoniam gratis absconderunt mihi.* Christus loquitur pro se & suis mēbris, *interitum laquei sui.* i. sine iusta causa voluerunt me laqueis suis innectere,

ātere, & ad interitum pertrahere. *superuacue exprobrauerunt animam meā.* i. probri loco mihi obiecerunt, quod exprobrandum non erat.

Veniat ille laqueus æternæ mortis, de quo Dominus in Euangelio, tanquam laqueus superueniet eis illa dies, quem ignorat, aut per incredulitatem, aut vanā eius euadendi fiduciam. & captio quam abscondit. i. sibi euenturam non credidit. *apprehenbat eum* nihil tale cogitantem.

Anima autem mea exultabit in Domino, tempore enim quo in interitum precipitabuntur impij, magna oborietur iustis exultatio cum gratiarum actione, quod per Dei gratiam tantum interitum euaserint, & *delectabitur super saluari suo.* mirificè enim delectabit iustos consideratio salutaris auxiliij, quod ad perseverantiam usque tot modis in hac vita à Deo acceperunt.

Omnia ossa mea. Christus id dicit de membris suis prædestinatis, quæ ubi iam pericula huius vitæ euaserint, simulque ad diuinæ opis, qua eousque protecti sunt, cognitionem perfectam peruenerint, dicent: *Domine quis similis tibi?* in operibus scilicet, q. d. quisnam ea quæ tu in negotio salutis nostræ præstare posses? videlicet:

Eripiens inopem de manu fortiorum eius, omnes enim, in futura præsertim vita, apertissimè agnoscent & profitebuntur, hostium virtutem humanis suis viribus maiorem fuisse. *egenum & pauperem.* i. eripiens eum qui ex semetipso virtutis inops est, & impos *ad diripientibus.* i. undique deprædantibus eum. nituntur enim hostes nostri certatim hinc fidem rapere, illinc charitatem, alia ex parte mansuetudinem, cæterasque virtutes.

Surgentes testes iniqui, manifestum est id in passione Christi cōtigisse, quæ ignorabam interrogabāt me. Non ipsi testes, sed princeps sacerdotum interrogauit num vera essent, quæ illi contra Christum essent testificati. Illa autem Christus ignorabat, quia non nouerat peccatum.

Retribuebant mihi mala pro bonis: sterilitatem animæ meæ. i. cū diu laborassem terram illam Iudaicæ gentis frugiferam reddere, tandem nullum culturæ meæ mihi fructum pro mercede reddidit, sed in pristina sua sterilitate perseverauit.

Ego autem cum mihi molesti essent. His verbis docet Christus, quid unicuique nostrum, cui cum huiusmodi hominibus res erit, faciendum sit, tum pro semetipso, ut molestiam qua afficitur, ea qua par est animæ quietate & charitate sustineat, tum ut improbis & importunis illis hominibus impetret conuersionem. Duo autem dicit. *Induebar cilicio,* Cilicij nomine comprehendens quicquid ad carnis casti gationem pertinet, &:

Humiliabam in ieiunio animam meam. Per quæ significat se animam ab omni voluptate cohibuisse. Ita ut Ieiunij vox hic generaliter significet ab-

z iij stinen-

stinentiam ab omni eo, quod adunum oblectare solet. Hæc autem fecit, ut oratio quam tempore sue aduersitatis Deo offerre cogitabat, sterilis ac inefficax non esset. Sunt enim ieiunia hæc orationum quædam remigia, per quæ ad sedem Dei usque destruentur; nec frustra id fecit: sequitur enim, *Oratio mea talibus operibus fulta ac insarcita, in sinu meo conuerteretur*, ut fructum referat, si non aduersari, saltem oranti, inquit Ambrosius. Vel, *in sinu meo conuerteretur*. i. semel à me emissa, iterum quasi redibit ad me, ut iteretur & frequenteretur. Decet itaque hæc versu Christus, quomodo aduersitatis tempore quis se habere debeat erga Deum; sequenti verò versu, quomodo se habere ac gerere debeat erga inimicum molestias inferentem, qui sic habet:

In psal. 40
in fine.

17. *Quasi proximum & fratrem nostrum sic complacui em.* i. conabar gratiam aduersantis mihi in me prouocare, ei quæ me gratie sem reddere illis charitatis officijs, quæ impenderem proximis meis, imò fratribus. Vel hoc modo: Si illi qui mihi molesti erant, aliquid agebant laude aut commendatione dignum, id mihi placebat, & in eo mihi complacebam, id quæ laudabam perire ac si id in proximis ac fratribus meis reperitum fuisset. Qui sensus notandus est contra eos, qui odio contemprati, in aduersarijs suis nihil observant quod laude dignum sit, imò omnia eorū quæ alioqui laude digna sunt reprobant, eaq; peruersitate dissensiones concitant irreconciliabiles, *quasi lugens & contristatus sic humiliabar*. i. errata atq; perperam facta aduersariorum ego cum tristitia plangebam, perinde ac si mea fuissent, & ego ipse ob ea luctui & tristitiæ fuisset obnoxius. His tamen & similibus erga inimicos officijs cum quidam ex inimicis Christi nihilo meliores efficiantur, subdit de ijs in persona Christi Psalter.

18. *Et aduersum me letati sunt.* i. delectabantur, si quid mihi aduersi accideret, & *conuenerunt*. i. simul conspirauerunt, *congregati sunt super me flagella*. i. multifaria supplicia in caput meum parauerunt, & *ignoravi*. i. humanitus loquendo, ne cogitarem quidem eos tantis charitatis officijs à me affecto, tanta mala contra me conflare potuisse. Hoc Christo & electis suis de Ecclesia bene meritis commune est.

19. *Dispersi sunt.* i. dissipata, & euentu frustrata sunt sœua eorum consilia, conati enim sunt sæpè Christum comprehendere, sed frustra. *nec compuncti*. i. nec ea quidem ratione ad pœnitentiam, aut ut à malo cessarent commoti sunt, *tentauerunt me*, alijs modis perdere, *subsannauerunt me subsannatione*. Commune est omnibus qui hostilitatem in proximos exercent, si mala inferre non possunt, ad probra inferenda se conuocare. *frenduerunt super me dentes suis*. i. crudelitatem suam quam opere nondum poterant, fremitu in me effundebant.

Domine

Domine quando recipies? ut sit finis iniquitatum, & adueniat tantæ patientiæ meæ fructus? restitue animam meam à malignitate eorum, Corpori, ut citò resurgat. Vel, restitue eam suæ auctoritati & dignitati, quæ per impiorum malignitatem apud multos imminuta est. Multi enim in Christo scandalum passi sunt, atque in eum credere desierunt, per id quod viderunt eum tot aduersitatibus quasi dehonestatum, à leonibus restitue unicam meam. i. animam meam, quæ quare unica dicatur in Psalmo 21. dictum est. Vel, Unicam meam. i. Ecclesiam meam, inquit Augustinus, videlicet ut fides & charitas unica huius per meam passionem multum conturbata, citò reflorescat.

20.
Daniel. 9.

Confitebor tibi, ubi animam meam restitueris in Ecclesia magna. i. multarum gentium conuersione copiosa. Paucis enim Iudæorum Christi fidem amplectentibus, cæteri quæ euangelium repellentibus, compensationis loco, gentiles magno numero ad Christum conuersi, Deum per Christum Dominum nostrum laudauerunt. In populo graui. i. qui aduersariorum opprobrijs & persecutionibus non citò mouebatur à suscepta fide. Dicitur enim populus gentilis populus grauis, ad differentiam Iudæorum, qui magna instabilitate, leuitatis filia, Christum diu expectatum, cùm iam adesset, sine causa reiecerunt. Quam leuitatem exprobat eis Ieremias, Videte si factum est huiusmodi, si mutauit gens deos suos? populus vero meus mutauit gloriam suam in idolum. Quod idem deplorat in Threnis, Peccatum peccauit Ierusalem, propterea instabilis facta est.

In b. nt. lo.
c. 11. & e.
p. 110 c.
16 & 17.
21.

Non supergaudeant mihi, tanquam deletò nomine meo, qui aduersantur mihi iniquè, qui oderunt me gratis. quod Iudæos fecisse testatur Dominus & annunt o. ulis. i. exteriore corporis habitudine se mihi consentire & fauere insinuant.

22.
Ioan. 16.

Quoniam mihi quidem pacifice loquebantur, cùm dicerent: Scimus quia verax es, & viâ Dei in veritate doces. & in iracundia terræ. i. ex immodica rerum terrenarum amore exorta loquentes, dolos cogitabant, ut patet in Euangelio mox commemorato.

23.
Marc. 12.

Et dilatauerunt super me os suum, cùm me in crucem egerunt, tum enim iactabant se mihi prauallisse, atque me à Deo desertum esse, dixerunt, euge, euge, viderunt oculi nostri, eum, ut diu expectauimus, extinctum.

24.

Vidisti Domine ne sileas: Domine ne discedas à me. i. auxilium tuum à me ne cohibeas.

25.

Exurge & intende iudicio meo Deus meus, ut quod iustum est, circa me exerceas. Et Dominus meus. Ut homo loquitur Christus in similitudinem hominum factus. In causam meam, ut eam tuo iudicio termines. Idque, non iudicio iniquo aut fauorabili, sed

26.

Iudica

27. *Iudica me secundum iustitiam tuam Domine Deus meus, vt non supergaudeant mihi semper, sicut ad tempus gauisi sunt cum me crucifixerunt.*

28. *Non dicant in cordibus suis, euge, euge anima nostra, voces sunt exultantium sibi que applaudentium de votiuo rerum successu. nec dicant deuorabimus eum. Desiderauerunt enim, vt testatur Sapiens, deuorare Christum, vt infernus viuentem, vt & ipse in æternum periret, & memoria eius de terra prorsus exterminata maneret.*

Proverb. 1.

29. *Erubescant & reuerentur simul, qui gratulantur malis meis.*

30. *Induantur confusione & reuerentia, per hoc quod manifestata Christi gloria, impia eorum præsumptio atque conatus mundo ea detestanti innotescat. qui maligna loquuntur super me, ea quæ propria cordis eorum malitia concinnat & comminiscitur.*

31. *Exultent & latentur qui volunt iustitiam meam. i. qui optant iustitiam meam per membrorum meorum multiplicationem dilatari. & dicant semper, magnificetur Dominus. i. iustitia hæc per omnia Domino vt auctori ascribatur. Faciant autem hoc qui volunt pacem serui eius. Qui enim veri serui Dei sunt, pacem animi nec vllam quietem suo habent spiritui, nisi de salute atque profectu hominum viderint Dominum glorificari, suum autem ministerium in æstimatione hominum minui: Sicut dicebat Ioannes; Illum oportet crescere, me autem minui.*

Ioan. 3.

32. *Et lingua mea meditabitur iustitiam tuam, tota die laudem tuam. Meditabitur, inquit, tanquam quæ eam laudare & explicare conetur, sed nunquam sufficienter valeat. vel meditabitur, oportet enim illa, quæ ore prædicanda sunt meditando prius mente concipere.*

PSALMVS XXXV.

In finem serui Domini ipsi David.

IN solo hoc titulo appellatur Christus seruus Domini, inquit Ambrosius, hoc fine, vt nos derelicta seruitute peccati quod describit prima Psalmi pars, efficeremur serui Dei ad iustitiam, de qua in secunda, in vitam æternam, de qua in tertia parte Psalmi. Itaque malignitatem tanquam à qua per altissimam Dei misericordiam ad iustitiam traducimur, prius describens Psalter, dicit:

1. *Dixit iniustus vt delinquat in semetipso. i. iniustus, eò quod hominum oculos vereatur, audacter proposuit ea quæ adhuc palam non audet, in semetipso flagitia, vel absque arbitris facinora committere. Cuius hypocrisis causa est, non est timor Dei ante oculos eius. q. d. tamen si nō ignoret, quod scriptum est: Si absconditur homo in occulto, & ego nō videbo eum, dicit Dominus? id tamen eum ab iniquis operibus non deterret, quia non timet vel*

met vel non veretur oculos diuinæ maiestatis sciens & prudens offendere. Cui accedit quod sequitur:

Quoniam dolose agit in conspectu eius, ut inueniatur iniquitas eius ad odium. i. verbis, protellatione, operibus quibusdam in speciem rectis (præsertim cum suas iniurias vindicat & explet atque exequitur odia) agit ut censatur iniquitatem odisse. sed nihil minus, quia omne id dolose agit, idque in conspectu Dei. i. non obstante eo quod noverit Deum huius doli esse inspectorem. vel: In conspectu Dei. i. dolo tam astute concinnato, ut solis Dei oculis posset esse perspectus.

Verba oris eius iniquitas & dolus. i. iniquitatem loquitur dolo velatam, noluit intelligere ut bene ageret. Hoc eorum est qui præditi sunt ignorantia affectata, quæ peccatum, eo quod voluntaria sit, non ut alia ignorantia minuit, sed auget, ut docet Augustinus.

Iniquitatem meditatus est, quam scilicet aut quānam eam arte patrare valeat, in cubili suo, ubi, ut Psal. 4 monuit, compūgi deberet. *astutus omni via nouit bone.* Cum astare idem sit quod simul stare, videtur verbum astandi hic societatem aliquam denotare, ut sit sensus: Omnium eorum qui iniqua moliebantur aut agebant, se fautorem, cooperatorem, aut defensorem præbuit. Omnium autem horum malorum radix est, quia *malitia autem non odit.* Malitiæ nomine D. August. intelligit illud improprij nominis peccatum, de quo dicit Apostolus, Non regnet peccatum in vestro mortali corpore ut obediatis concupiscentiis eius, quod nos vsitato nomine appellamus Concupiscentiam. Hanc malitiam nos odisse oportet in primis in suis motibus, quibus nō solum obsistendum, sed etiā obuiandum est. Non solum enim nobis agendum est, ut motus isti oborti comprimantur, sed prouidendum ne oboriantur. Oportet eam & odisse ratione sui ipsius, dicit namque Iudas, Odientes eam quæ carnalis est maculatam tunicam. Quod odium exequimur, si eam eiusque in nobis incolatum auersemur, viresque eius per exercita contra eam gloriosa certamina, conuenientisque disciplinæ remedia atterere ac debilitare conemur, idque non securis & otiosis, ut dehortatur Ambros. sed studiofis ac indignatione plenis affectibus. Cui doctrinæ non aduersatur Concil. Trident. cum dicit: In renatis nihil odit Deus. Inde enim non sequitur, Habitalem concupiscentiam non esse Deo inuisam, & proinde nec nobis odio quo diximus prosequendam, sed eam, ut quæ inuitis insit, nulla esse damnatione dignam. Cum enim scriptum sit; Impium Deo odio esse & eius impietatem, inde colligitur, Deum aliquid duobus modis odisse, auersando & vleiscendo, quia impietatem per se consideratam Deus detestatur, in impium vero vleiscitur. Verba ergo Concilij de odio vltionis intelligenda sunt, ut etiam ipsum concilium testatur, cum

A mox

De gra &
lib arb c. 3

4.

Rom. 6.

In sua pis.

Ambr ser.
13 in Psal.
118.

Aug. tract
110, in loq.

mox addit; Quia nihil damnationis est iis qui sunt in Christo Iesu. Si enim Deus in renatis nihil odit, quia nihil in eis est damnationis, ergo nihil in eis odit odio ultionis; & ob id nec oportet renatos concupiscentiam suam motusque qui precise eius sunt, ad satisfactionem vindicare. Sed sicut Deus in renatis auersatur concupiscentiam tanquam ab artis sue, Augustini verbis vtor, regula alienam, eamque indignitate rei commotus vult in nobis sanare, ita & nos oportet etiam ipsam cupiditatem auersari, ac paulatim consumere. Quæ cum ita sint, rectè hic inter cætera impropèratur iniusto quod malitiam nullo istorum prædictorum modorum odiuerit. Ca terum sicut in præsentī vita hominum vitio magna hæc in eis regnat atque grassatur iniquitas & fictio, ita è diuerso ex misericordia Dei in alijs est iustitia & rectitudo iniquitate prædicta nullo gradu inferior. Ad quam considerandam Psaltes se conuertens, Dominum de sua misericordia, dictæ iustitiæ & rectitudinis causa, compellat in hæc verba, & dicit:

5. *Domine in celo misericordia tua.* q. d. Duo hæc grassantur in terra, tua interim in celo misericordia non est otiosa, aut opere vacua, quia sicut illi qui iniquitatem meditantur, latebras quærunt & studia sua abscondunt; ita tu è diuerso donans quosdam fidei & vitæ veritate, facis eosdem veritatem illam *ad nubes usque* extollere. i. clarè & apertè profiteri atque exercere, & fiducia consciæ veritatis publicum non refugere, sed id magis expetere ut manifestentur eorum opera, quia in Deo sunt facta. Quomodo autem quid magis est conspicuum, quàm id quod extollitur *usque ad nubes*? deinde ex hac misericordia tua,

6. *Iustitia tua,* qua quosdam iustificas *sicut montes Dei.* i. sublimis ingens & alta est, ita ut cõparari possit montibus, qui ab altitudine dici merentur montes Dei: usque adeo ut per misericordiam tuam iusti eousque increcant iustitia, quousque iniusti nequitia. verum eminuerō cum misericordia tua Domine potens sit, omnes hac veritate atque iustitia donare, cur tantam in iniustis iniquitatem permittis? aut cur hos præ illis ad iustitiam eligis? *iudicia tua abyssus multa.* i. sunt inuestigabilia, inquit Augustinus. Id propterea nobis inuestigandum non est, sed metuendum & reuerendum. Et quamuis misericordiam hanc quibusdam solummodo exhibeas, nunquid iniustos illos à misericordia tua per omnia excludis? Non, quia

7. *Homines & iumenta saluabis Domine,* q. d. nec iniustos illos quos diximus, omni tuæ benignitatis beneficio vacuos esse permittis, das enim eis salutē temporalem qualem das & bestijs, vitam videlicet, incolumitatem, implens cibo & lætitia corda eorum; In hoc tamen eos distinguens à bestijs, quia voluisti homines per hæc quærere Deum, si fortè attraherent cum aut inueniāt. Et quia aliqui his Dei beneficijs derogant, eaq; vix dignantur pro

pro Dei beneficijs agnoscere, sicut nec prædicationes correptionesque quæ forinsecus solummodo hominibus adhibentur, ideo ad sinistrum hoc iudicium in sapientibus istis curandum, oportune subiicit Psaltes, *quemadmodum*. i. quot modis atque mensuris, *multiplicasti*. i. multigenis beneficijs dispensasti, *misericordiam tuam Deus!* Itaque Dei beneficia bonis malisque, imo hominibus & bestiis communia, inter opera diuinæ misericordiæ reponenda sunt, tametsi non sint gradu & præstantiâ summa. Ideo bene dicit Prosper: Gratia Dei omnibus gentibus affuit prouidentia pari, bonitate generali, sed multimodo opere, diuersaque mensura.

2. de uoca.
gent. ca. 31

Filij autem hominum. Qui hoc loco distinguuntur ab illis qui mox dicti sunt, *homines*, & intelliguntur iusti, *in regmine alarum tuarum* fomento & protectione gratiæ tuæ adiuti, *sperant*. i. æterna bona expectabunt. Ad quæ cum peruenerint,

8.

Inebriantur. i. replebuntur pro voto Apostoli dicentis, Vt implemini in omnem plenitudinem Dei. Deinde, quandoquidem ebrii etiam extra se positi sunt, *Inebriantur*, quia ibi in extasin atque quodammodo extra se rapiuntur; suam enim felicitatem amabunt, non tam quia sua est, quam quia in sua beatificatione Dei voluntas, teste Bernardo, impleta est. Delectabit sane nos, inquit, non tam nostra vel sopita necessitas, vel sortita felicitas, quam quod Dei de nobis, & in nobis impleta erit voluntas. Denique, quia ebrium rerum suarum obliuio occupat, *Inebriantur*, quia Deo pleni, ne semel quidem cogitabunt vel appetit, deo deserto ad semetipsos velle conuerti, vel in semetipsis beari, vel se sibi semetipsis boni sui velle esse principium, quale quid fecerunt Angeli & Protoplasti, cum Dei quidem nonnulla participatione fruerentur, sed ab eo nondum inebriarentur. His ergo de causis, *Inebriantur ab ubertate domus tuæ*. i. ab ubertate tua, cuius participes sunt inquilini beatæ domus tuæ. Quæ ubertas in Deo esse, imo Deus esse censenda est. An non enim magna ubertas celsi debet, quod cum Deus vnus & simplex sit, de se vno præbeat ibi singulis hominis partibus, animæ dico & corpori, singuli quæ animæ viribus plenum sibi atque conueniens boni, effectus omnia in omnibus? An non magna ubertas Dei, quod quantumcunque capiatur ab omnibus & singulis, in ipsdem in quibus capitur ipse superualeat adhuc? Sic enim capitur vt non comprehendatur. Denique an non magna ubertas, quod Deus quo capitur felicius, eò ardentius desideretur? Hæc ergo de bonis domus Domini, quibus replebuntur filij hominum. Ex his autem quid capient castissimæ voluptatis? *Et torrente voluptatis tuæ potabis eos*. i. voluptatis quæ tu es, præsentissima & abundantissima communicatione replebis eos. Sicut enim, teste Augu-

9.
Ephes. 3.

Bern. de diligen. deo.

1. Cor. 15.

22 de cin.
Cap. 29.

A ij lectatio

lectatio quæ Deus est sibi, vt in Psal. 26. v. 7. diximus, quæ cùm beatis pro suo captu communicatur, dicuntur torrente ex Dei beatitudine quasi defluente potari. Beatitudinem enim quæ Deus est sibi, non essentialiter, sicut Deus ipse, sed participando percipiunt.

10. *Quoniam*. q. d. dico de torrente voluptatis, *quoniam apud te est fons vitæ*. i. tu ipse es fons vitæ. Apud Deum enim esse dicitur non solum Verbum quod à Deo est: Verbum, inquit, erat apud Deum, sed id etiam, quod

cap. 12. Deo essentialiter est, ait namque Iob de Deo: Apud ipsum est sapientia & fortitudo, ipse habet consilium & intelligentiam. quæ autem habere dicitur Deus, eadē & est. dicit ergo Psaltes, *apud te est fons vitæ*. i. tu essentialiter vita es, & omnis vitæ origo, quam quia nos nō essentialiter, sed per animæ nostræ potentias ad ipsam capiendam munere tuo dispositas capimus, ideo vitæ & voluptatis tuæ torrente. i. abundante & affluentissima communicatione donabimur; oportet enim deriuationem eo esse abundantiorē, quo fuerit fonte propinquior; & *in lumine tuo*. i. filio tuo, inquit Ambrosius, *debemus lumen*, quia in filio tanquam in propria sua imagine videbimus Patrem. Hoc tamen recentiores interpretantur de creato lumine gloriæ quo beati cuiusque oculus adiuuatur: est enim lumen gloriæ ad dispositionem oculi beati necessarium, vt ab oculo creato videatur Deus. Enarravit itaque Psaltes his versibus ea in quibus beatitudo consistit, nempe Dei visionem, diuinamque quæ ex ea in nos deriuatur similitudinem & voluptatem, quæ hunc inter se habent ordinem, vt iuxta Diuum Thomam, Beatitudo in Dei visione sit originaliter (addo & principaliter) cōpletiuè vero in delectabili Dei fruitione. Post hæc verò Psaltes descriptæ beatitudinis audus, donum perseverantiæ quod nec sub meritum cadit, nec in hominis etiam iusti potestate est, à diuina misericordia (sine eo enim ad beatitudinem non peruenitur) implorat, & dicit:

11. *Præte de Domine*. i. præueniendo tribue, *miseriordiam tuam scientibus te*. i. illis qui beatitudinis, quæ à te est, præstantiam intelligunt, hi enim cum maiore magisque sollicito ardore eam exquirunt. Æquum autem est, vt quo maiore cū affectu quid expetitur, eo propensius illi id ipsum præstetur. Tamen si autem Augustinus in verbis, *Præte de Domine*, intelligat esse orationem pro gratia omne donum supernaturale vel meritum præueniente, proposito tamen magis conuenit intelligere illa de gratia, iustorum actiones & orationes aspirando, vt orat Ecclesia, præueniente, & adiuuando prosequente; per hanc enim gratiam perseveratur, de qua Prosper in fine ad Rufinum: Scimus humanam naturam per liberum primi hominis arbitrium prostratam, nullo modo ab æternæ mortis debito liberari, nisi eam ad imaginem Dei secundæ creationis Christi gratia reformauerit, liberum-

berumque eius arbitrium agendo, inspirando, auxiliando, & in finem usque præcundo seruauerit. Quæ præueniens gratia cum omnibus necessaria sit, ideo opus est, inquit idem, ut gratiam Dei excitantem, iuuantem, locupletantem, & quotidie prouidentem vigilanter & sobriè subsequamur. Præ-
tende ergò misericordiam *his qui recto*. i. nō fallaci aut duplici *sunt corde*. q. d. iustificatis. Et quia præter adiutorium gratiæ præuenientis ad perse-
uerandum etiam opus est Dei protectione, adiungit Psaltes:

*Episto. ad
Demetriā.*

Non veniat mihi pes. i. affectus *superbiæ*. Et bene ante omnia contra
superbiam protegi postulat, tum quia, ut docet Prosper, malum superbiæ
maximè virtutibus est cauendum, quia nullis oportunius insidiatur, quàm
quibus laus iusta debetur: Deinde quia initium omnis peccati est superbia,
eo quod ante ruinam exaltetur cor, ita ut qui à superbia petit custodiri, is
omnium vitiorum ostium in se postulet obturari, & *manus peccatoris*.
i. actuale peccatum *non moueat me* à iustitia & beatitudinis consecutione.

12.

ad Oemet.

Prover. 16

Ibi. i. intus in affectu, *ceciderunt qui operantur iniquitatem*. i. intus prius
per affectus illiciti complacentiam lapsi sunt, priusquam manifesto opere
foris præuaricarentur, ideoque ante omnia exposco, ut non veniat mihi
pes superbiæ. Illis autem prius intus lapsis, *expulsi sunt* in opera iniqui-
tatis, inquit Augustinus. Idque non à Deo cogente, sed merito superbiæ
deferente, *ne potuerunt stare*. i. in iustitia aut operibus bonis quæ antea
exercebant perseverare.

13.

*De spir. &
litter ca. 7.*

PSALMVS XXXVI.

Psalms hic moralis est, diuersa demonstrans virtutum genera, vi-
uendique præcepta, quibus nostrorum hucera sanantur errorum,
mores reformantur, ac intimi sanantur affectus.

Noli amulari in malignantibus. i. noli o homo Dei inuidè sectari illa
bona quæ vides possideri à malignantibus. i. malitiosis siue mala machi-
nantibus, *neque zelaueris*. i. zelosè studueris acquirere tibi illa bona quæ
conquirunt illi qui faciunt *iniquitatem*.

1.

*Quoniam tanquam fenum velociter arescent, & quemadmodum olera
herbarum cito decident*. i. tam illi quàm omnis eorum felicitas breui tem-
pore euanescent: noli ergo magnopere, inquit Ambrosius, affectare quod
perpetuum esse non possit. Quin potius

2.

Spera in Domino. i. per patientiam cum spe coniunctam futuri seculi à
Deo bona expecta, & *fuc lonitatem*. i. exerce iustitiā, & *inhabita terram*.

3.

i. inquit Ambrosius, animam tuam, quam is inhabitat, qui se ad interna, si-
ue interiorum rerum studia recipit. Si autem per *terram*, Augustinum se-
cuti intellexerimus Ecclesiam, fatendum erit illos Ecclesiam propriè in-

in Cōment.

A iij habitare

5. cō Dona
tist. ca. 27.

habitare qui in ea iusti sunt. Suntque, vt idem docet, in Ecclesia intus intrinsecè & in occulto. Hi ergo qui terram inhabitant *pascuntur in diuitijs eius*. Animæ videlicet, quæ sunt thesauri sapientiæ & charitatis diuinæ, quæ non nisi intimo hauriuntur affectu. Vel, *eius*, id est Ecclesiæ, cuius diuitiæ sunt sacramenta, scripturæ sacræ, Thezaurus meritorum Christi & sanctorum eius, quæ diuitiæ mirificè reficiunt, præcipuè eos qui per nexum charitatis in Ecclesia sunt. De quibus Isaïas: Super montes pascuntur & in omnibus planis pascua eorum.

4. *Delectare in Domino*, Qui gustat saporem castitatis, humilitatis, charitatis, inquit Bernardus, & sapientiæ spiritum super mel dulcem, earumque rerum sapore gaudet, is delectatur in Domino, tanquam horum donorum auctore, atque totius iustitiæ fonte. *Et dabit tibi petitiones cordis tui*. Dicit cordis tui, audit enim Deus petitiones, inquit idem, quas approbat iudicium rationis, quæ distinguuntur contra petitiones eas, quas carnalis appetitus suggerit. Quas petitiones cordis sui, teste Bernardo, consequuntur etiam illi, qui delectantur in Domino tota intentione, si non tota affectione. Cæterum, quia inter malignantium bona non solum diuitiæ numerantur, verum etiam gloria, quæ est rerum gestarum famosa cum laude celebritas; vt homo Dei, qui hoc Psalmo eruditur, præter diuitias etiam nec gloriam sæculi, sed gloriam quæ à solo Deo est sectetur, subdit Psaltes,

Serm. 3 de
Quadrag.

5. *Reuela Domino viam tuam*. Sicut in scripturis Deus dicitur ea nosse quæ probat (vias enim quæ à dextris sunt nouit. i. probat Dominus) ita nos dicimur Deo reuelare, quod ei non notum, sed probatum reddimus. Itaque *reuela Domino*. i. satage probatam facere Domino *viam*. i. conuersationem tuam, & *spera in eo* quod te gloria viæ tuæ debita non fraudabit, & *ipse faciet*. Interrogas quid?

6. *Et educet quasi lumen iustitiam tuam*. i. se procurante, te autem id minime agente, faciet iustitiam quam absque gloriæ studio in occulto soli Domino probatam fecisti, suo tempore omnibus in modum lucis euidenter & splendidè conspicuam, & *iudicium tuum tanquam meridiem*. i. efficiet, vt luce meridiana clarius appareat quale iudicium, bonum scilicet, de te passim debeat haberi. Hæc autem faciet Deus, aliquando quidem in hac vita, idque aliquotiesque, in futuro autem iudicio semper & perfectissimè. Cum itaque Domini sit hominis iustitiam vt lucem educere, o tu homo Dei *subditus esto Domino*. i. in acquirenda tibi gloria, diuinæ eius prouidentiae & dispositioni te subijcito, & *ora eum*, ante omnia quidem vt id quod gloria verè dignum est ab eo accipias, deinde, si Deo ita visum est, dignam te gloriam. Pulchrè proinde Basil. Si aliquem Deus aliquando ad locum in Ecclesia superiorem deligat, prorsus idem etiam probè nouit, quemadmodum

Constit mo
Basil. c. 10.

etiam

etiam idoneum praebeat. i. idoneū exhibeat, ut nulla in parte conficij simus, nos eam ad rem studium impendisse, aut ad id consecrandum delitescētem in animo compressisse cupiditatem.

Noli æmulari. i. indignari, *in eo qui prosperatur in via sua, in homine faciente iniustitias.* i. in eo quod homo faciens iniustitias prosperatur in via sua, siue in eis quæ facere instituit atque proponit. 7.

Desine ab ira. i. si ob hanc rem indignatione aliqua subitanea mouearis, 8. compesce iram illam & *derelinque furorem.* i. recede ab illa non sana animi tui offensione. His enim verbis, inquit Ambrosius, dat Psaltes medicamentum ne diutius vis ulceris serpat. *noli æmulari ut maligneris.* q. d. cūm videris impios per iniquas vias ad felicitatem peruenire: noli malitiam eorum imitari, ut per eam ad eandem prosperitatem deuenias, scriptum est enim, Ne æmuleris viros malos, nec desideres esse cum eis, quia rapinas meditatur mens eorum, & fraudes labia eorum loquuntur. Itaque hæc tertia æmulatio est, à qua hominem Dei Psaltes dehortatur. Primo enim dehortabatur eum à consecratione temporalium bonorum. Secundo ab indignatione ob prosperitatem impiorum. Iam tertio ab impiorum imitatione, ne quis ob consequendam eorum vanam felicitatem eorum imitetur impietatem. Huius autem æmulationis cauendæ causam subindicans dicit: *Propter, 24.*

Quoniam qui malignantur. i. ad iniqua studia prolabuntur, *exterminabuntur* à vera beatitudine. quid ergo eis proderit deserta iustitia ad iniqua opera spe assequendæ felicitatis terrenæ conuerti? Econtrariò vero *sustinentes autem Dominum.* i. qui felicitatem futuræ vitæ à Domino patienter expectant, & potius pauperem vitam eum timore Domini, quàm opulentiam cum impietate eligunt, *ipsi hæreditabunt terram.* i. terram viuientium in perpetuam hæreditatem accipient. 9.

Et adhuc pusillum, modicum enim est omne tempus æternitati comparatum, & *non erit peccator,* in ea qualitate & prosperitate in qua infirmo homini, & minus benè de rebus iudicanti æmulandus videbatur. Nec solum ille non erit, sed & *quæres locum eius.* i. mundum ipsum. & *non inuenies,* quia mundus transit & concupiscentia eius. Expectamus verò (inquit Petrus) nouos cælos, & nouam terram, in qua iustitia inhabitet. i. quæ iustis & spiritualibus conueniens sit. Vel, *quæres locum eius,* quia, ut inquit Isaias, oculi beatorum cernent terram de super. *Et non inuenies,* quia ne vestigium quidem pristinæ felicitatis impio supererit. 10.

Mansueti autem. i. illi, inquit Ambrosius, quos nullus stimulus dissensionis exagitat, non ira perturbat, non sauitia exasperat, non rabies crudelitatis inflamat, qui etiam terrenarum voluptatum delectatione se sine impatientia animi putauerunt in hac vita esse fraudandos, ut adipiscerentur æ-

tur æternam: Hi inquam *hereditabunt terram futuræ vitæ*. Et ne consolatio eorum nimis diu videatur differri, subiicitur, & *delectabuntur in multitudine pacis*, quam ex usu suæ mansuetudinis percipient. Quia per mansuetudinem animi etiam inter belligerantes, pacem & quietem obtinet homomitis. Potest tamen hæc pars intelligi cum Ambrosio, de pace futuræ vitæ, ubi erit pacis multitudo, quia oritur in diebus illis abundantia pacis.

12. O *seruabit peccator iustum*, ut videat quid in eo reprehendat & mordeat, secus quam monet Apostolus, considerantes inuicem in prouocatione charitatis, & *stridebit super eum dentibus suis*, scilicet quam in iustum exercere gestit, iam antequam eius exercende oportunitatem habeat vultu ac

De zelo &
linore, nu. 3

minis intentans. Quod Cyprianus describens: In liuido, inquit vultus minax, toruus aspectus, pallor in facie, in labijs tremor, stridor in dentibus, manus ad cædis violentiam prompta, etiamsi à gladio fuerit vacua.

13. Dominus *autem irridebit eum*, tãquam qui callo labore nihil aliud quàm sibi in seipso molestiam & damnationem parat, *quoniam prospicit quia reuertiet dies eius*, qui est dies retributionis.

14. Gladium *euaginuuerunt peccatores*. i. non solum minas intentant, sed etiam gladios. Sicut autem gladius spiritus est verbum Dei: ita vna ex parte gladius peccatoris, inquit Ambrosius, est verbum malum, hunc exerunt, cum maledictis & furrijs iusti lacerant. *Intenderunt arcum suum*, struentes insidias. Ad quem sensum insinuandum proximè subiicitur.

15. *Ut decipiant pauperem & inopem, ut trucident rectos corde.*

16. Gladius eorum *intret in corda ipsorum*, quia animas suas suis maledictis & maleficijs interficiunt, ideo subiicit Cyprianus, Quicumque es inuidus & malignus, *videris quàm sis ijs quos odisti perniciosus, insidiosus, & infestus*, nullius magis quam tuæ salutis es inimicus.

17. *Melius est modicum iusto super diuitias peccatorum multas*. dicebat namque Tobias, Multa bona habebimus si timuerimus Deum & fecerimus bene.

18. *Quoniam brachia peccatorum*. i. illa in quibus confidit peccator, inter cætera sperans in incerto diuitiarum, *conterentur*. i. ad nihilum redigentur.

Iacobi 5.

Diuitiæ enim, inquit Iacobus, putrefactæ sunt, Aurum & argentum æruginauit. Per brachium autem robur in quo confiditur significari, Ieremias testatur, cum dicit: Maledictus homo, qui ponit carnem brachium. i. robur ac firmamentum suum.

Ierem. 17.

confirmat autem iustos Dominus. i. Dominus, in cuius prouidentia iusti sperant, ponentes spem suam in Deo viuo: Hos dico Dominus confirmat & conseruat, aut redintegrat eis etiam inter multa aduersa illud modicum quod possidebant.

19. *Nouit Dominus dies immaculatorum*. i. nouit Dominus quos dies reseruet illis qui hic parant ingredi sine macula, Illos nempe de quibus scriptum est: Dies

est: Dies pleni. omnibus bonis referti inuenientur in eis. Et ob id in præ-
senti eis modicum tribuit. *Et hereditas eorum.* i. bona quæ ad eorum hæ-
reditatem censebuntur pertinere, *in æternum erit.* i. erunt æterna.

Non confundentur in tempore malo. i. in die iudicii, quia spe sua non
frustrabuntur. *Et in diebus famis,* qua iugiter in hac vita laborant impij.
Semper enim, inquit Ambrosius, famem patitur sui qui alimentis perpe-
tuis, (Verbi videlicet & spiritus Dei) nescit impleri. dum ergo impij hæc
perpetua sustinent ieiunia, iusti *saturabuntur.* i. affatim reficientur Verbo
quod procedit de ore Dei.

Inimici vero Domini. q. d. iusti inter sæculares sunt inglorij, impij ve-
ro hic exaltantur, veruntamen, *mox.* i. breui post tempore, *ut honorifi-*
cati fuerint & exaltati, deficientes quemadmodum fumus deficient, id est,
euanescent.

Intuitur peccator & non soluet, iustus autem misereatur mutuum dan-
do, eleëmofynam erogando, *& retribuet.* i. arbitrabitur insuper se obli-
gatum esse ad præstandam retributionem illi, cui misericordiam impen-
dit, eo quod ab eodem occasionem boni operis exercendi acceperit, no-
ueritque eleëmofynam plus danti prodesse, quàm accipienti. Ideo Cy-
prianus cum clero suo scribens illis per quos cognouerat necessitates ca-
ptiuorum, quibus parabat subuenire; Maximas, inquit, vobis gratias agi-
mus, quod tam bonæ & necessariæ operationis nos participes esse volui-
stis, ut offerretis nobis agros vberes, in quibus spei nostræ semina iacere-
mus, expectaturi messem de amplissimis fructibus qui de cælesti & salutari
operatione proueniunt. Aut sensus est, *misereatur & retribuet.* i. cum mi-
seretur, paratus erit, paratumque se declarabit, iteratò si opus fuerit mise-
ricordiam impertiri. Ideo subiicit Cyprianus: Si necessitas similis vobis
aliquando obuenerit, nolite cunctari nunciare illam nobis literis vestris, pro-
certo habentes Ecclesiam nostram subsidia libenter & largiter præstiturâ.

Quia benedicentes ei hereditabunt terram, maledicentes autem ei dis-
peribunt. Christus videtur designari per spiritum prophetiæ de quo &
Isaac: Qui maledixerit tibi sit ille maledictus; qui autem benedixerit, be-
nedictionibus repleatur. Et sensus est: Qui in Christi membra benedictio-
nes contulerit, benedictionem hereditabit: qui autem verbis vel operibus
irrogauerit eidem maledictiones, in æternum peribit.

Apud Dominum. i. à Domino gressus hominis dirigentur *& viam eius.*
i. Dei, *rolet* homo, Deo enim dirigente inclinatur hominis iam præpa-
rata voluntas, ut amplectatur id quod oportet. Vel, *viam eius.* i. hominis
rolet Deus. Probat enim Dominus actus voluntatis quam dirigit. Vtrum-
que sensum probat Ambrosius.

B

Cum

25. *Cum ceciderit*, non enim est iustus super terram qui non peccet, *non collidetur*. i. charitas eius non confringetur, *quia Dominus supponit manum suam*, ut à grauiori ruina protegat eum.

26. *Iunior fui etenim senui*: Dicit hoc Psalter in persona Ecclesiæ, quæ iunior fuit tempore Abel & patriarcharum, senescit verò hoc tempore, ad senium autem perueniet circa diem iudicij. Merito autem Augustinum secuti verum hunc in persona Ecclesiæ dictum esse interpretamur. Ex experientia enim & obseruatione vnius hominis, parum efficaciter colligetur iustorum neminem desertum esse, quia vnus homo nec multo viuit tempore, nec omnia quæ eius tempore in mundo fiunt obseruare potest. Sed cum id dicit Ecclesia quæ à principio sui continua fuit, & à tempore Christi per vniuersum orbem terrarum extendi cepit, & vsque in senectam & senium à Deo deferenda non est; tum validè colligitur verum esse quod Psalter argumento ab obseruatione deducto vult asserere, maxime cum Ecclesia ipsa firmamentum veritatis sit. Quid autem sit quod à tempore iuuentutis suæ obseruauit, explicat consequenter & dicit: *Non vidi*, inquit, *iustum derelictum, nec semen eius quærens panem*. Quem versiculum Diuus Cypria. ad literam intelligit. Quando enim, inquit, factum est, ut iusto possint deesse subsidia vitæ, cum scriptum sit, non occidet Deus animam iusti fame? Qui intellectus quamuis verus sit quoad aliquos, Eliam nempe, Daniele & similes, habeatque hanc vtilitatem, ut iusti eleëmofynis erogandis alijsque in æternam salutem acquirendis vacantes, probabiliter sperare possint, non defutura sibi per Dei prouidentiam temporalia subsidia; non est tamen vniuersaliter verus quoad omnes. Sufficientia enim temporalium rerum solummodo cadit sub bonorum operum meritum, quatenus necessaria aut multum expediens est acquirendæ vitæ æternæ. Expedit autem quibusdam iustis temporalium rerum sufficientiam non habere, sed per penuriam in patientia exerceri. Quamobrè multi iusti inueniuntur temporaliter à Deo derelicti, inter quos illi numerandi sunt qui iuxta Apostolum errabant in montibus & speluncis, egentes, angustiat, afflicti. Quin & Lazarus mendicus, optimum priorum iustorum semen, iacebat ante ostium diuitis, quærens panem. Itaque verissimum intellectum huius versiculi dat Diuus Basilus (quem sequuntur Ambrosius & Augustinus hunc Psalmum exponentes) soluens ibidem argumentum ex Prouerb. 10. cui innitebatur Cyprianus in hæc verba. Ab interno mentis ieiunio caveamus, quod & Propheta deprecabatur, Num fame occides Domine animas iustorum? Ac rursus, Non vidi iustum derelictum, nec semen eius quærens panem. Nec enim loquitur de panibus sensibilibus, qui nouerat filios Iacob fame coactos in Ægyptum descendisse, sed de spiritali loquitur alimonia,

qua

*Traç. de o-
per. & c.*

Prouer. 10

Hebr. 21.

*Hom. 2. de
ieiun. circa
finem.*

qua interior noster homo reficitur. Hæc Basilii. Sed etsi versiculus hic de pane corporali intelligi deberet, adhuc tamen nihil concluderent hæretici, ex eo arguentes religiosorum mendicationem ad officium iustorum non pertinere: dicit enim Psalter se non vidisse iustum fuisse derelictum, ut vel ipse vel semen eius quæreretur panem. Religiosi autem mendicant non à Deo deserti, sed bona temporalia iuxta Christi consilium derelinquentes.

Tota die. i. quavis habita occasione, *miseretur.* i. interno affectu compatitur, & *commodat.* i. multa commoda alijs adfert, consolando, instruendo, & ut diuites hortatur. Apostolus, communicando, alijsque modis: Ac si diceret Psalter, interno pabulo mens eius tam copiosè saginatur, ut non solum sibi sufficiat, sed spirituales aliorum inopiam multis modis subleuet. Et quidam eorum tametsi pauperes sint & modici, in paupertate tamen sua per diuitias charitatis tam sibi sufficiunt, ut ipsum modicum quod habent studeant libenter impertiri, & de sua tenuitate alios ditent. In qua re excelluerunt Macedones, quorum altissima paupertas, inquit Apostolus, abundauit in diuitias simplicitatis eorum, quia ad subueniendum alijs supra virtutem voluntarij fuerunt. Excelluit & Exuperius Episcopus Tolosæ, qui, ut inquit Hieronymus, cſuriens alios pauit, & ore pallente ieiunijs, fame terquebatur aliena, semper enim, ut docet Leo, illi occurrit quod det, cui bene velle non deficit. & *semen illius* id est, posterij illius in benedictione erit, misericordia enim miserentis prodest posteris eius, ut ex hoc loco docet Cyprianus.

Declina à malo & fac bonum, & inhabita in sæculum sæculi, id est, in illis iugiter permane.

Quia Dominus amat iudicium. i. diligit, gratumque ei est iudicium exercere, & bonis bona, malisque mala retribuere, & *non derelinquet sanctos suos,* qui videlicet secundum eius propositum vocati sunt sancti. *in æternum conseruabuntur.*

In iusti punientur, & semen impiorum peribit.

Iusti autem hæreditabunt. i. hæreditatis titulo. Vel, in perpetuam possessionem acquirunt *Terram*, viuientium scilicet, *Et inhabitabunt in sæculum sæculi super eam,* nemo enim eos acquisita sibi hæreditate poterit pellere.

Os iusti. i. mens iusti, *meditabitur.* i. incognitam inuestigabit, inuestigatam dijudicabit, dijudicatâ ruminabit *sapientiam.* Quod Ambrosium fecisse in hæc verba describit Augustinus: Occultum, inquit, os eius quod erat in corde eius, quàm sapida gaudia de pane tuo ruminaret, nec conijcere noueram, nec expertus eram, & *lingua eius loquetur iudicium.* i. nihil loquetur nisi prius dijudicatum: nempe si dicendum sit, inquit Ambrosius,

B ij si aduer-

si aduersus hunc, si tempus sit sermonis huius, & plura quæ huc pertinent.
 i. effe. 2. Quod ut fiat, caueat iustus, inquit idem, ne loquatur ex iracundia, ne ex ani-
 mi incoerentis afflictione, non ex dolore, non ex aliqua passione, sed loqua-
 tur ex veritate, loquatur ex æquitate, ut non propendat affectu, sed quæ lo-
 quitur vero pendat examine. Caueat præterea, ne non ex certa sententia,
 In Psal. 38 sed impetu quodam cursuque loquendi verba fundat, inquit idem, memor
 eius quod scriptum est, Labia sapientum statera ponderabuntur; statera
 inquam veritatis & prudentiæ, quæ si dolosa sit & fallax, abominabilis est
 Epist. 44. apud Deum, ut docet idem.

33. *Lex Dei eius in corde ipsius.* addit hoc, quia lex Dei non solum agendi
 Sermon. 7. in munus informat, inquit Ambrosius, verum etiam secretæ mentis mundat
 Psal. 118. affectum. Non solum enim in operibus, sed etiam in ipsis occultis nostris
 ver. 3. Domino militamus. Itaque in corde iusti lex Dei eius, quia iustus non so-
 Roman. 2. lum facit ea quæ legis sunt, ut gentiles, de quibus Apostolus, sed ipsam iu-
 stitiam, per donum charitatis in suis visceribus seu animi affectibus, Spiritus
 sancti digito gerit exaratam, & non supplantabuntur gressus eius. Liberat
 enim à laqueo verbum Dei in corde, inquit Augustinus, liberat à lapsu, te-
 cum est cuius verbum à te non recedit.

34. *Considerat peccator iustum, & querit mortificare eum.* i. mortem pec-
 cati ei adferre, inquit Ambrosius:

35. *Dominus autem non derelinquet eum in manibus eius,* quia tempore opor-
 tuno eum ab infestatione & scandalis iniquorum eripiet, Non enim dere-
 linquet Dominus virgam peccatorum super sortem iustorum, ut non ex-
 tendant iusti ad iniquitatem manus suas. nec damnabit eum iustum scilicet,
 cum iudicabitur illi. i. cum sibi iudicandum erit, hic enim iudicio impio-
 rum frequenter innocens condemnatur.

36. *Expecta Dominum,* vel auxiliatorem vel remuneratorem. frequenter id
 monet Scriptura, ut Abacuc 2. Iacob. ultimo. ne impatientia moræ expe-
 ctanti tedium moueat, & murmur contra Dominum excutiat. & custodi
 viam eius. i. perseuera in iustitia, & exaltabit te: Quæris in quo? ut hære-
 ditate capias terram viuientium, cum perierint peccatores, interitu scilicet
 æterno videbis hanc quæ te manet exaltationem, Interea observa quod di-
 xit Abacuc, Iustus ex fide viuet.

37. *Vidi impium superexaltatum gloria sæculi, & eleuatum sicut Cedros Li-
 bani.* i. sæculari potestate sublimem,

38. *Et transiui.* i. cogitationem meam in ea quæ post hoc sæculum futura
 sunt transtuli, & ecce non erat, & quasiui eum, & non est inuentus locus eius,
 quia gloriæ illius ne vestigium quidem supererat.

39. *Custodi inuentionem & vide æquitatem,* vel, ut alij legunt, perfectionem.
 i. inten-

i. intentus esto in ea quæ perfectionis sunt, *quoniam sunt reliquæ homini pacifico*. i. iusto: non enim cum morte corporis ipse & bona eius pereunt, sed post mortem residua ei manet felicitas. Bonæ reliquæ, inquit Ambrosius, quia post mortem superesse videntur.

Iniusti autem disperibunt simul, reliquæ impiorum interibunt.

Salus autem iustorum à Domino, & protector eorum in tempore tribulationis.

Et adiuuabit eos Dominus, & liberabit eos; & eruet eos à peccatoribus: & saluabit eos, quia sperauerunt in eo.

PSALMVS XXXVII.

Psalmus David in rememoratione diei Sabbathi.

EST in hoc Psalmo oratio & lamentatio pœnitentis, quæ ut pia sit & utilis, oritur ex recordatione Sabbathi. i. quietis futuræ vitæ, vel quietis conscientie: quando considerat peccator harum vtramque aut alteram se perdidisse, ita ut titulus hic non multò aliud importet, quam titulus Psalmi Sexti pro octaua. Sabbathi itaque rememoratione ad informationem verè pœnitentis sic dicit Psalter:

Domine ne in furore tuo arguas me, neque in ira tua corripas me. Eundem habet sensum cum initio Psalmi Sexti. Id autem tam sollicitè precatur, quia manum Dei vindicantis iam ceperat experiri, sequitur enim:

Quoniam sagittæ tuæ. i. supplicia vindictæ tuæ, *infixa sunt mihi*, de quibus sagittis Iob ait: Sagittæ Domini in me sunt, quarum indignatio ebibit spiritum meum. i. omnem mihi aufert animi alacritatem. Quarum sagittarum nomine etiam illa mala designantur, quæ peccatricem animam ex semetipsa consequuntur & affligunt. *& confirmasti super me*. i. continuam super me fecisti *manum tuam*. i. tuæ vindictæ virtutem. Cuius vindictæ primum malum est, quod

Non est sanitas in carne mea, quia multa in me est ægrotudo famis, sitis, fatigationis, & mortalitatis, addi possunt ægrotudines carnisque afflictiones, quibus quisque particulari ex causa torquetur. Addit verò Ambrosius morbum concupiscentiæ, quo infirmatur caro. Idque, *à facie iræ tuæ*. i. ex irrogatione vindictæ tuæ, *non est pax*. i. ordinata temperatura, *ossibus meis*. i. corpori meo. Vnde autem dicta Dei ira? *à facie peccatorum meorum*, vindicta enim Dei ob peccata nostra nobis infligitur.

Quoniam iniquitates meæ supergressæ sunt caput meum, quia omnis peccator superbe agit contra Dominum. vel *supergressæ sunt caput meum*, quia ego seruus earum effectus sum, permisi enim eas super caput meum sese extollere, & locum capitis in me occupare, ne cum Christus magister pœni-

B iij tentiæ,

in kñ: l. n̄ tentiæ, inquit Ambros. teneret. & sicut onus graue grauatæ sunt super me. hic enim grauant conscientiam, vnde & iniquitas sedere dicitur super talentum plumbi. Postea grauabunt authores suos vt ruant in infernum, de qua re Isaias: Grauabit eam iniquitas eius.

5. *Putruerunt & corruptæ sunt cicatrices meæ.* Cicatrices istæ sunt passionum peccatorum, quæ à baptismo vel pœnitentia remanent in regenerato aut reconciliato. Iniquitas liquidem originalis & quæuis habitudo mentis iniustæ rationem habet mortiferi vulneris. Quod in baptismo & pœnitentiæ sacramento curatur quidem, sed sic vt tamen postmodum in homine supersit fomes peccati tanquam cicatrix ex mortifero vulnere. Hæ ergo cicatrices *putruerunt* inquit, & *corruptæ sunt.* i. suæ corruptelæ incrementum acceperunt, à facie insipientiæ meæ. i. à peccatis quæ voluntate saltem facti, si non voluntate peccati, sciens & prudens velut corā facie mea admissi. Consuetudine enim malè agendi vires passionum augentur, vt docet Augustinus.

6 cōt. l. n̄
cap. 7 &
ser. 151 de
tempore.

6. *Miser.* i. veris miserijs plenus, *factus sum, & curuatus sum,* non valens ex memetipso omnino sursum ad Deum respicere, vt illa Euangelica mulier quam dimisit Dominus ab infirmitate sua; Imo quantū est ex parte peccatoris perseueraret cum eo curuitas hæc *vsque in finem*, quia à semetipso ne quidem in fine resurgeret. *Tota die contristatus ingrediebar,* tristitia qua conscientia iniqua torquetur, non qua fides vera iustificatur. Talis enim est tristitia peccatoris, quem Dominus verbo suo nondum sursum per spem erexit. Sed est & aliud malū in peccatore deplorandū de quo sequitur.

10 cōfess
cap 30

2. de pecc
mer.

7. *Quoniam lumbi mei impleti sunt illusionibus.* i. concupiscentia carnis, quamdiu magnas vires habuerit in anima etiam non consentientis, illudit ei in somnis etiam vsque ad contaminationē carnis. Sic Ambrosius. *Quem* sensum etiam agnouit Augustinus, dicens, quod homo castus euigilans ex eiusmodi insomnijs cum gemitu sibi dicat: Quomodo impleta est anima mea illusionibus? Quod August. dicit cum gemitu à castis esse dicendum, quia alibi dicit huius illusionis effectum esse ingemiscendum. Primum quia caro libidinibus diffuit, nec seruat moderamina castitatis. Deinde quia seminaria quæ deberent proficere soboli procreandę, inquinamentum corporis non fructum posteritatis operantur, inquit Ambr. Attamen pro eo quod legimus nos, *lumbi mei*, August. & alij legunt, Anima mea impleta est illusionibus, & intelligunt id fieri, cum anima orationi, bonæ cogitationi, aut inquisitioni veritatis intenta, non inuenit nec ei occurrit quod ad rem pertinet, imo loco eius verisimiles falsitates, atque imagines vanarum aut turpium rerum se ei offundunt, & histrionum more ludos insanos exhibent, eamque sua pia intentione fraudant.

Afflictus

Afflictus sum per supplicia mihi inflicta, & *humiliatus sum nimis*, præ cō-
fusione, quam mihi fecit putredo cicatricum, & illusio nugarum. Ob quæ
duo dolore affectus *rugiebam à gemitu cordis mei*. i. cordis mei dolorem
hinc inde conceptum non gemitu aliquo tacito, sed præ doloris abundan-
tia sonoro rugitu, ita vt ab alijs vel nesciens audirer, exprimebã. Et ne quis
arbitretur rugitum hunc pietate vacuum ac proinde infructuosum fuisse,
addit Psaltes:

Domine ante te omne desiderium meum. i. tu scis quanto tenear desiderio
accipiendæ à te sanitatis & iustificationis, & *gemitus meus* quantus scili-
cet ille sit & quam ob rem ille à me frequentetur, *à te non est abscondi-
tus*. Quo versiculo interposito redit Psaltes ad prosequenda quæ ceperat,
& dicit:

Cor meum conturbatum est. Impij enim quasi mare feruens quod quie-
scere non potest. Aut, conturbatum est præ pauore futuri iudicij. *dereli-
quit me virtus mea*, virtus inquam spei, pietatis, ac virtus pœnitendi atque
bene operandi. & *lumen oculorum meorum* & *ipsum non est mecum*. Error
enim & tenebræ, inquit Sapiens, peccatoribus concreatae sunt, quia pecca-
ta lumen veritatis, & in primis illud, quo peccata ipsa arguuntur & mani-
festantur, opprimunt aut extinguunt. Ex hoc autem versiculo probatur,
quod docuit Augustinus, naturam per peccatum debilitatam esse atque vi-
tiam. Pœnitentibus proinde non solum implorandam esse veniam, ve-
rumetiam instaurationem virium perditarum. Nō itaque importunè incul-
cetur pœnitentibus, quod satis multas vires pœnitendi & resurgendi ha-
beant si velint, sed vt piè monuit prædicto libro Augustinus, sinantur &
permittantur confiteri imbecillitatem virium suarum, & ad medicum cla-
mare: Ego dixi Domine miserere mei, sana animã meam, quia peccaui tibi.
Et hætenus quidem de morbo & supplicio quod peccatum animæ addu-
cit. Post hæc digreditur Psaltes & enarrat quot molestias perpetiatur pœ-
nitens ab amicis suis carnalibus, qui consuetis rationibus student pœniten-
tem ab asperitate & sollicitudine pœnitendi ad securitatem & mollioris
pœnitentiæ facilitatem seducere, dicitque:

Amici mei, carnali amore in me propensi, & *proximi mei*, sanguinis
aut amicitiae non vulgaris cōmunionē mihi coniuncti, *appropinquauerunt*,
i. commiseratione mei cōmoti sunt, sed *aduersum me*. i. quia in modum ho-
stilem ac meam iniuriam, & *steterunt*. i. in hac iniqua commiseratione cō-
stantes fuerunt, & multum apud me institerunt.

Et qui iuxta me erant, sanguinis aut benevolentiae carnalis coniunctio-
ne, *de longe steterunt*. i. in rei veritate à proposito meo & salutis meae dile-
ctione longe absuerunt, & *rim faciebant qui querebant animam meam*. i. qui
præ se

De nat. &
grat. ca. 19
& 40.

præ se ferebant animæ meæ bona quærere, in effectu vt raptores vim mihi inferebant.

13. *Et qui inquirebant mala mihi*, volebant enim me à pœnitentiæ actione studioque attentioris vitæ auocare, *locuti sunt vanitates*. i. assertiones quibus non subest veritas, Alius enim dicit ea quæ admissa sunt, peccata non esse, aut non esse tam graua, aut saltem non esse tantis impendiis expianda. De quibus vanitatibus Ieremias in Threnis: Prophetæ tui dixerunt tibi falsa & stulta, nec aperiebant tibi iniquitatem tuam, vt te ad pœnitentiā prouocarent: viderunt autem tibi assumptiones & eiectiones, &c. *Et dolos tota die meditabantur*. i. continuo intenti erant astutis ratiocinationibus vanas suas assertiones mihi plausibiles facere & me fallere.
14. *Ego autem*. Hic docere incipit Psalter, qua ratione pœnitens se erga hos blandos aduersarios gerere debeat, & dicit: *tanquam surdus non audiebam*. q. d. et si sermones eorum ab auribus meis nō potuerim repellere, eos tamen ad animum meum nō magis admittebam quàm si surdus fuisset, *Et sicut mutus non aperiens os suum*.
15. *Et factus sum sicut homo non audiens*, & non habens in ore suo redargutiones. Hoc faciendum tibi est, inquit Ambrosius, non quo respondere nequeas, sed quo respondere non debeas: omni enim rei tempus est, tempus tacendi est, & tempus loquendi: loquendum est quando Dominus linguam cruditionis indulget, vt sermo tuus operetur in affectibus audientiū. Quomodo autem te audiet qui ideo tibi obloquitur quod salubrem tuum non velit audire sermonem? aut quomodo tibi acquiescat qui persecutor est, & velit te sibi vendicare? Hæc Ambrosius.
16. *Quoniam in te Domine speravi*. q. d. ideo suasionibus amicorum non acquieui, quia à te Domine meliorem consolationem per pœnitendi perseverantiam accipere speravi. Dixi autem apud memetipsum, per spem animum meum non nihil exhilarans, *tu exaudies me Domine Deus meus*. q. d. licet non ad primæ meæ conuersionis momentum, suo tempore tamen, quod mihi causa exercendæ patientiæ expectandum est, exaudies me. Pœnitens autem præter carnales amicos, insuper alios propositi sui aduersarios patitur, inimicos scilicet, qui proposito eius ex odio obluantur, de quibus subiicit Psalter:
17. *Quia dixi per orationem ad Dominum, Ne quando supergaudeant mihi inimici mei*. i. da mihi virtutem & perseverantiam, ne cessem à pœnitentia, & conuertar ad vomitum, ne id gaudium faciat inimicis meis id vnicè videre desiderantibus: *Et dum commouentur pedes mei*. i. dum aliquis qui viam pœnitentiæ & emendationis vitæ ingressus, ex ea labitur, & retrorsum vadit, *super me magna locuti sunt*. i. magna scommata, magnas irrisiones, in me

in me fecerunt, illaque quæ prius bene gesta sunt verterunt in opprobrium mihi.

Quoniam ego in flagella paratus sum. Locus insignis ad probandum quod poenitens paratus esse debeat ad sustinenda flagella pro peccatis suis, flagella dico sibi inferenda vel à Deo, vel de mandato Sacerdotis in Dei nomine, aut etiam sua sponte à seipso. Moderatione enim, inquit Ambrosius, Dei indignatio lenitur, si non penitus verbera recusemus, sed qualitatem leuandi, non cuitandi supplicij postulemus. Hæc autem parati animi moderatio & promptitudo diuinæ misericordiæ illex est. Si enim scruium, inquit idem, videns peccata propria confitentem ultro se inferre poenæ, inflecteris, ignoscis, & de Domini miseratione diffidis? *dolor meus in conspectu meo semper.* i. dolorem meum non dissimulaui: sed mihi ob oculos posui, ut mihi competeret quod scriptum est; Cor quod nouit amaritudinem animæ suæ in gaudio eius non miscebitur extraneus. 18. *In bñc psal. mmm.*

Quoniam iniquitatem meam annuntiabo confitendo & *cogitabo pro peccato meo.* i. non perfunctoriè, sed attentè faciam illa quæ mihi facienda sunt pro peccato meo. 19.

Inimici autem mei viuunt. q. d. Ipsi interim in bonis ducunt dies suos, viuuntque illa vita, de qua Apostolus carnalibus Corinthijs: Mors operatur in nobis, vita autem in vobis. & *confirmati sunt super me.* i. pertinaciter resisterunt mihi, & *multiplicati sunt,* id est, numero increuerunt qui oderunt me iniquè. 20.

Qui retribuunt mala pro bonis, id est, qui bene operantes, pro eo quod eos fauore & amore iuuare deberent, molestia & plagis afficiunt, *detrabant mihi quoniam sequebar bonitatem.* i. tum ad detrahendum mihi se conuerterunt cum videret se non posse me auertere à proposito. Contra quam tentationem quandoquidem opus est homini auxilio Dei, ne sicut maleficijs, ita nec detractionibus moueatur à cepto tramite virtutis, ideo subdit Psalter.

Ne derelinquas me Domine Deus meus, ne discefferis à me. 21. 22.

Intende in adiutorium meum Domine Deus, auctor & consummator salutis meæ. 23.

PSALMVVS XXXVIII.

In finem pro Idithum canticum David.

Idithum, inquit Ambrosius, disciplinis leuiticis & sacerdotalibus eruditus, ante arcam Domini Psalmorum seriem pangendi solertissimus præcinebat. Quod etiam testatur 4. Paralipomenon. Cap. 25.
Præsens autem Psalmus peculiariter decantandus traditus fuit Idithum, C quod

quod interpretatur Transiliens, cum tamen plures principes & ordines sacrati chori in templo fuerint, quia in hoc Psalmo describitur affectus, studium & desiderium transilientis, id est, eius qui omnia bona & peccata sæculi, amoris ac spiritus sui sublimitate transcendit. Conueniebat enim ut is Psalmum hunc decantandum peculiariter acciperet, qui talem, cuius affectus in hoc Psalmo describuntur, nominis sui vocabulo præsignaret. Et quandoquidem oportet eum quire vera Idithum esse vult, ante omnia lapforum vallem & peccata superare, ideo Psalter propositum transilientis explicare orditur à cautione qua sibi inuigilat ne incidat in peccata, & dicit:

1. *Dixi custodiam vias meas.* i. tacito, inquit Ambrosius, cogitationis præcepto indixi mihi ut custodiam vias meas. Aliæ sunt enim viæ quas sequi debemus, aliæ quas custodire. Sequi vias Domini, custodire nostras. unde & Propheta dixit: Super custodiam meam stabo, Cuius verba hic addenda putavi, quia super custodiam suam stare, est custodiæ sui constanter & perseveranter incumbere, vnicuique autem, teste Ambrosio, stabile esse debet, quod sibi ipsi constituerit. Si enim indecorum est quod alium fallat, quanto grauius si seipsum suo proposito putauerit esse fraudandum? At, quandoquidem illi qui sibi inuigilat prolapsio linguæ eò quod facilis sit, & teste Ambrosio vitari difficillima, præ omnibus cauenda est, cuique lingua sit ante omnia refrenanda, subiungit Psalter: *Ut non delinquam in lingua mea.* q. d. primum mihi curæ fuit, ne verbo offenderem, memor eius quod scriptum est. Si quis putat se religiosum esse non refrenans linguam suam, huius vana est religio. Peculiariter tamen,

2. *Posui ori meo custodiam cum consisteret peccator aduersum me.* Hoc enim casu linguæ adest singulare periculum ne verbo aspero, maledico, aut alias importuno, aliquòve murmure aut quærimonia offendant; Vel se importunè defendat, quia frequenter dum nos defendere volumus, acerbamus magis, inquit Ambrosius. Notandum autem cum Diuo Ambrosio, quod dicit: Posui ori meo custodiam, non autem imposui ori meo silentium, quia agendum est, non ut aduersarijs nihil respondeamus, sed ut eis cautè respondeamus, eo quod tam silentio offendere possumus quàm verbo. Silentium enim importunum aut indignatione aduersarij prouocat, aut saltè responsionis mollioris suauitate eam sicut oportuit, non lenit. De qua suauitate Sapiens: Responsio mollis, frangit iram. & alibi. verbum dulce multiplicat amicos, & mitigat inimicos. quos verbo non mitigare vbi locus & tempus est, inter peccata omissionis reponitur. Vbi autem oportuit,
3. *Obmutui.* Dicit obmutui, Id enim, ut docet Ambrosius, significat quandam supra modum taciturnitatem patientiæ, ut tanquam sepeliat os suum ne lo-

3. de inter
cap. 2.

In præfat.
ser 10. in
Psalm. 118.

ne loquatur, & velut quodam aggere virtutum obstruat, ne vocem doloris emittat, ita vt hanc nulla extorquere, nulla excitare possit iniuria. Vox enim doloris est, litigiosa cum obiurgantibus contentione perstrepare. *Et humiliatus sum*, vt hac ratione tumorē deiicerem superborum, *Et filui à bonis*. i. à iusta & rationabili mei defensione, quia bona conscientia, inquit Ambrosius in hunc locum, non eget defensione verborum, quæ suo nixa est testimonio, ipsa sui iudex est. *Et dolor meus renouatus est*. quia cum peccatores infirmis, pristina peccata, licet cordis compunctione, aut quod melius est, morum correctione iam emendata, conuitiando obijciunt, infirmi quorum personam Psaltes hac dicens, induit, licet linguam cohibeant, corde tamen vulnerantur, eisq̃ue dolor tanquam rescissa cicatrice renouatur. Et hæcenus quidem diui Ambrosij expositionem, eo quod utilisima sit, proposuimus. Expositionem tamen Augustini censemus eidem præferendam, tanquam contextui Psalmi magis consentientem, quæ est hæc. *Obmutui*. i. dum ori meo custodiam ponere volo, quandoquidem difficile est in virtutis medio permanere, & neque ad dexteram per excessum, nec ad sinistram per defectum declinare, *obmutui*. i. nimium linguam frangendo nihil dicendum, nihil respondendum esse duxi, *Et humiliatus sum*. i. præ pusillanimitate aduersariis plus quam oportet cedendo, me nimium subieci, de qua humilitate Sapiens: Est qui se nimium demittit à multa humilitate, quam alibi prohibet, cum dicit: Noli esse humilis in tua sapientia. Sic autem evenit quod *filui à bonis*. i. nimio silentij studio etiã tum filui, cum bono sermone aduersarius aut leniendus esset, aut instruendus corrigendusq̃ue, *Et dolor meus renouatus est*, quia dum aduerti peccatū, quod tacendo euadere volui, me tacendo cōmisisse, cepi nouo dolore torqueri. Itaq; cum tam lubrica sit lingue custodia, & difficilis sit loquendi tacendiq; cauta discretio, iure rogabat Sapiēs: Quis dabit ori meo custodiā, & super labia mea signaculum certū. i. vt certo indicio dignoscam, quando labia signanda erunt ad silentium, quādo soluenda erunt ad sermonem? Hoc autē signaculum certum mens habet sapientum, de quibus Sapiens: Labia sapientum alligata sunt sensu, quia, vt docet Ambrosius, nihil loquuntur, nisi quod vero sensui conuenire videatur, & sensus sui prudentia intelligunt quæ loqui debeant, quæ taceri. In hoc verò renouato dolore cum esset constitutus,

Es/er. 22.
in psal. 118
vers. 4.

Eccles. 22.

In psal. 36
ad verba,
Lingua o-
ris loque-
tur iudiciū

3.

Serm 31.
in Cant.

Concaluit, inquit, *cor meum intra me*. i. intus in visceribus, per præuenientem Dei gratiam, tacitè ardorem deuotionis ac spiritum orandi concepi. De quo calore Bernardus, Oportet vt sancti desiderij ardor præueniat faciem Dei ad omnem animam ad quam est ipse venturus, qui consummat rubiginem vitiorum, & sic præparet Domino locum, & tunc scit anima quoniam iuxta est Dominus, cum senserit se illo igne succensam, & di-

C ij xerit

xerit cum Propheta: Concaluit cor meum intra me. Hæc Bernardus. *In meditatione mea exardescet ignis.* i. calor iste, quæ in meis visceribus prius modicè concepi, accedente meditatione, velut ignis flagrare incepit. Meditatio enim pia torrem succensi cordis, quasi quibusdam flabris ac fomentis accendit. Per hoc itaque ad orandum dispositus, orationem deprompsit de qua dicit:

5. *Locutus sum in lingua mea.* i. vocali, vt loquimur, oratione, dixi Domino, *notum fac mihi finem meum*, quæ est diuini vultus reuelatio. Ideo diuus August. intelligit hic orationem fieri, vt cito adueniat clara Dei visio, tanquam Idithû difficultate seruande innocentie fatigatus, oret accelerari finem suum, cuius aduentus adducit peccato finem. Alij tamen intelligunt hoc de notificatione finis, quatenus illa fieri potest in hac vita per speculû in ænigmate. Quod etiam pertinet id quod sequitur, *notum fac mihi*

6. *Et numerum dierum meorum quis est*, vel vt alij & melius legunt, *qui est*. Ille autem est numerus dierum æternitatis. Id verò hoc fine, *vt sciam quid desit mihi*. i. vt quandoquidem ex memetipso non possum discernere quando mihi tacendum, quando loquendum sit, in lumine diei illius mihi iugiter irradiante, videre possim quid mihi corrigendum sit, quod proficiendum, quid agendum, quid prætermittendum. Hunc sensum pulchrè explicat Bernardus in hæc verba: Nusquam se melius deprehendit modus humanæ imperfectionis, quàm in lumine vultus Dei, in speculo diuinæ visionis, vbi in die qui est plus & plus videns quid sibi deest, emendat indies similitudine, quicquid deliquit dissimilitudine. Hæc ergo de proposito, ordine & ratione custodiendi vias suas, transit nunc Psalter ad describendam vanitatem rerum humanarum & hominum in sæculo sæculariter viuentium, & dicit:

7. *Ecce.* i. ad contemptum rerum humanarum consideratione dignum est, quod *mensurabiles.* i. certa temporis mensura definitos *posuisti dies meos*, posuisti enim terminos eius, inquit Iob, qui præteriri non poterunt. A qua expositione non est alienum, quod alij legunt, *Ecce veteres posuisti dies meos*: Sunt enim veteres quasi veterascētes & ad interitum tendentes, quia quod veterascit prope interitum est. *Substantia mea.* i. vita mea, vt alij legunt, *quasi nihilum ante te*. Quæ est enim vita vestra? inquit Iacobus, vapor est ad modicum parens. Vel, *Substantia mea.* i. Quicquid ad substantiam huius mûdi pertinet, *quasi nihilum ante te*, quia nullius id est apud te loris aut meriti.

8. *Veruntamen*, q. d. tametsi breues dies hominis sint, *uniuersa vanitas*, i. vanitatis quædam vniuersitas est *omnis homo viuens*, quia semetipso rebusque creatis vanè vtitur. Vanitas enim quæ rebus creatis tribuitur, dicitur ab Augustino esse vanitas vanitantium. i. vanè vtentium. Quia ex vano rerum

Traç. ad
frat de mō
te Del.

De vera
relig c. 21.

rerum usu, res ipse (que alioqui, si Tertulliano credimus, create sunt à Deo prospectore, instructore, & oblectatore sui hominis in meras utilitates, certa subsidia & honesta solatia miseræ huius vitæ) vane dicuntur. Subiungit proinde Tertullianus ipsam creaturam vanitati succidisse, aut iuxta Apostolum, subiectam esse, eo quod vanis plurimum visibus, tum turpibus, iniustis & impijs subuersa sit. *Quæres, Si usus huius mundi vanus est, quid ergo voluptatis aut solatij ex eius usu percipit vanus homo?*

de cor. m.
cap. 8.

Verumtamen in imagine pertransit homo. i. cursum vitæ suæ peragit huiusmodi homo, nihil percipiens ex sæculo nisi bonorum imaginem, non veritatem. Quam imaginem, velut somnium surgentium, Domine post hanc vitam ad nihilum rediges. Tunc enim reipsa apparebit verum esse quod scriptum est: Sicut somniat esuriens & comedit, cum autem expergefactus fuerit, vacua est anima eius: Et sicut somniat sitiens & bibit, & postquam fuerit expergefactus lassus adhuc sitit, sic erit multitudo omnium gentium. D. Augustinus tamen & Ambrosius id quod hic de imagine dicitur, intelligunt de imagine Sanctæ Trinitatis, in qua pertransit homo sæculo deditus, quia nulla vanitas illam imaginem valet de anima vanitantis exterminare. Porro exemplis declarans quod de vanitate mox dixit, subdit Psaltes: *sed & q. d. in vanitatum quam dixi vniuersitate non postrema vanitas est, quod homo frustra.* i. ubi nec necesse nec utile est, *conturbatur.* i. metu, ira, indignatione, solitudine, & similibus concitati animi turbinibus, à mentis suæ tranquillitate deijcitur. Quod prolixius declarat Ambrosius 1. offic. cap. 49. Cuius vniuersitatis alterum membrum est, quod

Psalm 72

Isaia 29.

Thesaurizat & ignorat cui congregabit ea. Hoc enim vanissimum esse & Sapiens expressit: Detestatus sum, inquit, omnem industriam meam, qua sub sole studio sisimè laboravi, habiturus hæredem post me, quem ignoro vtrum sapiens an stultus futurus sit, & dominabitur in laboribus meis, quibus defudaui & sollicitus fui, & est quicquam tam vanum?

10.

Eccles. 2.

Et nunc, hic rursus loquitur Idithum, qui præsentis vitæ vanitatem, amore æternorum transiit. q. d. Cum vanitantium expectatio, ex omni labore suo quo sub sole laborant, nihil præter fugacem præsentis sæculi felicitatem præstoleatur. *quæ est expectatio mea.* i. quid est quod ego expecto omnibus laboribus meis consequi? *nonne Dominus?* vt scilicet eo fruatur? *& substantia apud te est.* i. apud te reposita est. Thesaurizaui enim mihi hic thesaurum in celis, quo fur non appropriat, nec tinea demolitur, illumq; tibi concredidi, sciens quia potens es depositum meum seruare in illum diem. Sed quia is cuius expectatio Dominus est, sine peccatis non viuit, ne peccata interuenientia expectationem eius fallant, & prouentu expectato frustrentur, subdit:

11.

C iij

Ab

12. *Ab omnibus iniquitatibus meis erue me*, per veram peccatorum remissionem. Et ne hæc veniæ precatio bono opere vacua & proinde sterilis sit, allegat se fecisse aliquid, quod cum ad veniam dispositum reddat, dicens: *opprobrium insipienti dedisti me*. i. fecisti occultis modis tuis & iustis, vt insipientes opprobrijs & cōuicijs mihi insultarēt. Cuius rei clarissimū extat exēplum in Dauide qui dicit, Deū præcepisse Semei vt malediceret Dauid.

13. *Obmutui, & non aperui os meum, quoniam tu fecisti*. Id manifestè apparet in Dauide, qui maledico contradicere noluit, postquam cognouit Deum id Semei modo suo præcepisse. Admodum autem oportune is qui veniam precatur, impropiorum sustinentiam Domino offert, quia sustinentia eiusmodi aduersitatum, ad obtinendam veniam efficacissima est, vt dicturi sumus in Psalmo 50. ad verba, Cor contritum, &c. Sed dum Psalteres ad informationem nostram veniam orat & sustinentiam suam Domino offert, transfigurat in se personam illius hominis, cui tempore sustinentiæ suæ aliquid humanæ interuenit infirmitatis ac impatientiæ, qua ab opprobrijs insipientium quæ eum vrunt petat liberari. Ex qua impatientia dicit: *amoue à me plagas tuas*. i. aduersitates has, quas ex quadam animi indignatione plagas appellat. Veruntamen carnalis istius desiderij infirmitatem mox agnoscens, subdit:

14. *A fortitudine manus tuæ ego defeci*. q. d. cū dixi: *Amoue à me plagas tuas*, à priore sustinentia ad tædium animi deuolutus sum. Idque *a fortitudine manus tuæ*. i. aduersitatis quam mihi infixisti, acerbitate. Quod tædium mox corrigens, animumque ad pristinam sustinentiam denuo reuocans, subdit: *in increpationibus*. i. quas immisisti aduersitatibus, *propter iniquitatem corripuisti hominem*. i. ad emendationem atque emundationem iniquitatum eius eum exercuisti, non autem ad vexationem aut meram ultionem, vt carnalis iudicat oculus.

15. *Et tabescere fecisti sicut araneam animam eius*. i. animam eius quæ dum terreni hominis molimina exequitur araneæ similis est, quia in sollicita caducarum rerū captatione laborat & consumitur: Hanc dico animā tabescere fecisti, id est, correptione fecisti eam noxiarum passionum suarum crassum humorem decoquere (ob quam causam tribulatio ab Ezechiele sartagine comparatur, in qua carnalis animæ, inquit Ambros. pinguedo decoquitur) & passionum ipsarum ferociam exercitatione tribulationis nonnihil debilitare. Eo itaque animaduerso ipse me reprehendo ob id quod dixi: *Amoue à me plagas tuas*. *Veruntamen vanè conturbatur omnis homo*. q. d. Supra dixi hominem secularem vanè conturbari, nunc tædio hoc quod sustinentiæ meæ paulò ante obrepfit edoctus, aduerto quod vanè conturbatur omnis homo. i. tam pius ac religiosus quàm secularis, usque

adeo

Cap 4.
Ambrosius in
Psalm. 38.

adeo ut etiam Elias fuerit homo similis nobis passibilis, cui ipsi etiam tedium in medio sustinentis obrepit, cum diceret: Sufficit mihi Domine, tolle animam meam. Post hæc redit Psalter ad persequendam ceptam pro peccatis orationem, & dicit:

Exaudi orationem meam Domine, & deprecationem meam auribus percipe, lacrimis meis. Addit hoc quia lacrimis orantis diuinæ miserationis illices sunt. Ideo notat Angelus Tobie: Quando orabas cum lacrimis, &c. 16.

Ne sileas. i. ne retineas verbum tuum à me in tempore salutis, *quoniam aduentus ego sum apud te, & peregrinus.* Dicit aduentus & peregrinus. Ille est enim sermo qui misericordiam prouocet. Felix enim, inquit Bernardus, qui se alienigenam reputans gratuitum esse non dubitat, neque dissimulat quod sibi tanquam alieno & ignoto impenditur, quicquid impenditur. Addit autem *sicut omnes Patres mei*, ut ad humiliationis incrementum, fateatur hanc conditionem suam sibi esse hereditariam. 17.

Remitte mihi ut refrigerer. i. in refrigerium iustorum, per peccatorum remissionem recipi merear. Iustus enim si morte preoccupatus fuerit, in refrigerio erit. *Remitte autem mihi priusquam abeam* ex hac vita, *& amplius non ero*, in hoc quo nunc sum merendi litatu. 18.

PSALMVVS XXXIX.

In finem Psalmus ipsi David.

IN hoc Psalmo teste Ambrosio loquitur Ecclesia noui testamenti, enarrans beneficia tempore veteris testamenti expectata, & per Christi aduentum sibi collata. Quædam tamen huius Psalmi conueniunt etiam priuatis, Domini ad se aduentum expectantibus, ut eos per gratiam eripiat de presenti sæculo nequam, dicitque:

Expectans expectaui Dominum. i. diu multumque in illis iustis & prophetis qui ante Christum extiterunt, expectaui ut Dominus veniret in carnem, *& intendit mihi.* i. rationem meæ expectationis habuit. Conuenienter enim expectantibus intendit Deus, inquit Ambrosius, qui reddit (id est, Epist. 12. remunerat) patientiam. 1.

Et exaudiuit preces meas, quas in illis iustis fudi, ut aduentum Dominus in carnem maturaret, & consummaretur præuaricatio, ac finem, inquit Daniel, acciperet peccatum, *& eduxit me* per Christi aduentum, *de lacu miserie* qui erat mundus, in quo demersi homines tenebantur suorum voragine peccatorum, nec poterant se inde eruere obruti multiplicis mole flagitij, *& de luto fecis.* i. de ceno concupiscentiæ, quia fecit eos Dominus abdicare occulta dedecoris, nec ambulare sicut prius post prauitatem maligni cordis sui. Vel, *de luto fecis.* i. de humanæ naturæ miseria: Hæc enim sterilis & sicca est, in- 2.

13. de Civ.
dei, cap. 35

3.

est, inquit August. ubi non sunt iustitiæ fluentia, sed iniquitatis lutum.
Et statuit supra petram pedes meos. i. fecit ut Christum pro fundamento
fidei, spei, & totius salutis meæ haberem, quia prædixerat per Isaiam; Ecce
ego mitto in fundamentis Sion lapidem prebatum angularem: & direxit
gressus meos, quia cum homo sub lege positus sibi dux vellet esse ad seruā-
dam legem, per fidem Euangelij se diuinæ gratiæ dirigendum subiecit.

4.

Et immisit in os meum canticum nouum. i. gratiarum actionis. carmen
Deo nostro, pro beneficiis noui testamenti, cuiusmodi canticorum formu-
las habemus Isaia 12 & 26. & in Psalmis quamplurimas.

5.

Videbunt multi, hanc mutationem, & exultationem Ecclesiæ, & time-
bunt. i. iustificationis initium per donum timoris concipient, & sperabunt
in Domino. i. non ut in veteri lege temporalium, sed futurorum retributio-
nem à Domino expectabunt. Ob cuiusmodi expectationē exclamat Psalter;

6.

Beatus vir cuius est nomen Domini spes eius. i. qui æterna bona à Deo
per spem fideli corde expectat, & non respexit. i. sinem, quo veraciter bea-
tus esse posset, non constituit in vanitates. i. fallaces sæculi voluptates, &

13. de Tri.
c. 7. & præ-
cipue 19.
de Civ. c. 4

insanias falsas. Diuus Augustinus docet Philosophos quosdam docuisse,
quod sapientes, quales illi mirabili vanitate describunt, etiam si excæcetur,
membris debilitentur, doloribus excrucientur, & si quid aliud malorum

Epist. 52.

quod dici aut excogitari potest in eos inciderit, non solū spe, (quod Chri-
stiani suis tribunt martyribus in tormento constitutis,) verum etiam re
beati sint. Et addit: Superbiam huius opinionis inuentricem fuisse, ut quæ
fateri noluit vitam hanc etiam prædictis calamitatibus obnoxiam, esse mi-
seram. Idque ne oraret Deum, ne supplicaret misericordie, qui potens est
mala huius vitæ auertere vel mitigare, vel ad ea toleranda armare, vel ab iis
omni modo liberare: post hæc dare vitam verè beatam. Itaque quod hic
dicitur, non respexit in insanias falsas, ad prædictam refert Philosophorū
opinionem. q. d. Psalter: Beatus homo qui in Deo sperauit, & insana opi-
nionem non putauit se etiam in mediis huius vitæ miseriis posse per præsum-
ptionem humanam esse beatum. Veruntamen non improbable est, quod
Psalter sub vanitatibus, & insanijs falsis, omnem mundi voluptatem com-
prehensam esse velit. Id enim quod in mundo diligunt homines, partim va-
num solummodo est, partim insuper insanie plenum. Quod exspectaculis
tragicis, Circensibus ludis, similibusque, multis verbis declarat, & pulchrè

Epist. 2.

exequitur Cyprianus, ut sit sensus: Beatus, qui mundi voluptates partim
vanas, partim insanas pro scopo sibi propositas non habuit. Hunc huic loco
sensum tribuit Ambros. Ne autem is qui non respexit in vanitates & insa-
nias falsas, arbitretur se ante contemplationem futuræ vitæ tempore huius
vitæ nihil considerandū habere aut obseruatione dignum, subiūgit Psalter:

Multa

Multa fecisti tu Domine Deus meus mirabilia tua. q. d. multa mirabiliter (vt Psal. 8. enarratum est) fecisti, quæ præstantia sua sic totam hominis intentionem requirunt, vt superuacaneum sit & præposterum respicere in vanitates & insanias falsas. & *cogitationibus tuis.* i. occultis consilijs tuis, quibus vnum sic, alium autem sic ad salutem dirigis, & in ea promoues, *non est qui similis sit tibi.* es enim magnus consilio & incomprehensibilis cogitatu. Dicebat proinde cum hæc sibi innotuissent Augustinus: Non satiabar dulcedine mirabili considerare altitudinem consilij tui, super salutem generis humani.

Annunciaui & locutus sum. i. hæc mirabilia tua prædicare cepi, & ad eorum considerationem relictæ mundi vanitate & insaniam apprehendendam adhortari. *multiplicati sunt* illi, qui me audierunt hæc annunciantem, *super numerum*, iustorum scilicet, quia multo plures numero facti sunt, qui annunciantem audierunt tantum, quàm illi qui vnà cum auditu obtemperauerunt. Docet tamē August. in scripturis sacris dici esse super numerum, quod tanto numero est copiosum, vt copia nomen omnis vsitati numeri excedat.

Sacrificium & oblationem noluisti. Hinc euidenter colligitur, quod in hoc Psalmo noui testamenti Ecclesia loquatur, quia sacrificium & oblationem quæ secundum legem, vt interpretatur Apostolus, offerebantur, tēpore noui testamenti nolle cepit Deus. Bene autē postquam de prædicatione Euangelij dixit: *Annunciaui & locutus sum*; subiungit, *Sacrificium & oblationem noluisti.* Hæc enim ne in posterū essent salutis præsidia, auferri demū debuerunt ab illis quibus fides noui testamenti per Euangelij prædicationē erat reuelata, vt docet Aug. Dicit itaque Psaltes: *Sacrificiū & oblationē noluisti*, non quod oblationes & sacrificia veteris testamēti, Deo per se molesta fuerint aut abominabilia, vt somniauerūt Manichæi, cum passim dicat lex, quæ dā eorū oblata esse in odore suauissimū Domino: & Apost. hæc verba explanās, nō dicit quod Deus abominabatur prius, vt sequēs acceptaret, sed dicit; Aufert prius vt sequens statuatur. Rationē ergo ob quā illa noluerit Deus subiungens Psaltes dicit: *Aures autem perfecisti mihi.* Quæ verba dicuntur in persona Christi ad Deum Patrem, eorumque sensus est, me tibi perfectē obaudire fecisti. Eorum verò loco Apostolus, exemplaria græca secutus, legit: *Corpus autem aptasti mihi.* quia Deus Pater in incarnatione filij sui, eidem corpus vna cum reliquis S. Trinitatis personis, opratus est. Diciturque id ei adaptasse, quia corpus eidem tam appositē vniuit, vt in illo corpore absque vlla diuinitatis passione, ipse Filius Dei passus sit, & semetipsum in redemptionem totius mundi secundum humanam naturam obtulerit. Proinde diuersæ lectiones istæ, idem, Oblationem videlicet Christi in cruce, circumscribunt; nostra quidem circumscri-

D bit eam

Coloff. 2. bit eam per obedientiam ex qua Christus oblatus est: Græca verò, per corpus quod ab eo oblatum est. Cùm ergo veteris testamenti sacrificia fuerint vmbrae, vt loquitur Apost. futurorum, corpus autem huius vmbrae, i. soliditas seu veritas eius, sit Christi, cuius erat figuras implere; oportuit vt præfente corpore occumberent vmbrae. Secus enim, vmbrae versæ fuissent in mendacium, proloquendo eum venturum qui iam aduenerat. Itaque per oblationem corporis Christi debuerunt quidem legalia auferri, sed non nisi prædicato, vt mox annotauimus, euangelio, quia ex parte Dei non conueniebat vt inter mortem Christi & prædicationem euangelij populus Dei sine præsidio & remedio salutis relinqueretur: Ex parte verò populi non oberat vti vmbrae vsque dum venisset Dei populus in notitiam veritatis, sicut nec glorificato Christo oberat fides venturi, nisi post auditam prædicationem euangelij.

10. *Holocaustum & pro peccato non postulasti.* Eodẽ referendum est. Tunc scilicet, cum illa præfinitũ sibi à Deo tempus impleissent, dixi: *Ecce venio.*

11. *In capite libri scriptum est de me, vt facerem voluntatem tuam,* qua voluisti, vt in salutem generis humani viam hostiam memetipsum offerrem. *Deus meus volui & legem tuam in medio.* i. meditullio, *cordis mei.* Diligebat enim Christus patrem, & sicut mandatum dederat illi pater, sic tota dilectione faciebat. Sed his versiculis per parenthesin inseritur. *In capite libri scriptum est de me.* Circa quæ verba notandum est, quod sicut Actorum

In præfat. 1. liber Psalmorum vnus dicitur, ita & vniuersa scriptura sacra liber vnus
in pla 150
Orig lib. 7
in Lemit. 1. liber Psalmorum vnus dicitur, ita & vniuersa scriptura sacra liber vnus
dici potest, inquit Augustinus. Huius libri caput est Pentateuchus, & im-
primis Genesis, ideoque complures veteres per caput libri de quo Psaltes,
Genesis intelligunt, idque admodum probabiliter. Sed cum in Genesis
multa in figuram Christi dicta vel facta sint, aliquibus videtur Psaltem re-
spicere ad illa omnia sine discrimine. Alijs autem ad eorum vnum quid.
Mihî verò videtur maxime probabile, Psaltem hoc loco respicere ad oc-
cisionem Abel. In hac enim & illa quæ circa eam contigerunt præsigna-
batur & victima Christi, & quod illa oblata abrogandæ essent ceremoniæ
veteris legis. Si enim Augustino credimus, signum quod Deus posuit in
Ang 12.
cont. Faust.
cap. 11. Cain occiso Abel, significabat quod Iudæi per orbem terrarum dispersi
mordicus retenturi essent exoletas iam veteris testamenti ceremonias in si-
gnum Christi sui ab ipsis occisi. Cùm ergo Psaltes dicat: *Holocaustum &*
pro peccato non postulasti, tunc dixi ecce venio. *In capite libri scriptum est*
de me, vt facerem voluntatem tuam, quid aliud indicat, quàm in capite li-
bri qui est Genesis, duo scripta esse, videlicet & quod Deus hostias & pro
peccato amplius non postularet, & quod Christus eorum loco suum cor-
pus offerret? Hoc autem vbi scriptum est in capite libri, nisi in occisione
Abel,

Abel, & signo quod Deus posuit in Cain? Post hæc Psaltes sermonem de-
nuo conuertit ad enariandam Euangelij prædicationem, præsertim quæ
Christi mortem subsecuta est, dicens in persona Ecclesiæ,

Annunciaui iustitiam tuam in Ecclesia magna, quæ est ex gentibus col- 12.
lecta, ecce labia mea non prohibebo. i. nihil erit cuius amore aut timore à
prædicatione Euangelij cohiberi potero, vt satis manifestè apparuit in Apo-
stolis, qui seuerè prohibiti, imo plagis inflatis malè accepti à prædicatione
se non continuerunt. *Domine tu sustisti.* i. nosti hoc ita esse. Dicere autè Deo
tu nosti, iurare est, vt manifestè docet Augustinus. *Epist. 49.*
quæ. 5.

Iustitiam tuam, qua iustificas impios, & in iustitia promoues & confer-
uas iustos, *non abscondi in corde meo*, ne non eam in aliorum notitiam dedu-
cerem, *veritatem tuam*, quæ fide tenenda est, & *salutare tuum.* i. æternam
salutem, quam premij loco daturus es, *dixi.* Vnà autem cum iustitia, verita-
te & salutare tuo,

Non abscondi misericordiam tuam, & veritatem tuam à consilio multo. 14.
i. coram multis Senatoribus, Consiliarijs, Vel, varijs in cõcilijs ac tribuna-
libus, fidei veritatem prædicare non erubui. vt patet Actorum 4. & 26. de
qua re & Paulus, *Quæ circa me sunt*, magis ad profectum venerunt euan-
gelij, ita vt vincula mea manifesta fierent in omni prætorio. *Ad Phil. 1*

Tu autem Domine ne longe fac miserationes tuas à me. Quò ecclesia ce- 15.
pit magis crescere, eò quoque plures infirmos & malos cepit habere. Itaque
Psaltes cõmemorata Ecclesiæ prædicatione, & multiplicatione, non igno-
rans mala atque peccata in ecclesia simul fore multiplicanda, format vo-
cem columbæ, pro malis atque peccatis communibus, vt docet Augusti-
nus, ingemiscens, dicitque: *4. cõ. d. n. d.*

Tu autem Domine ne longe facias miserationes tuas à me; cùm scilicet 16.
multiplicata fuerint mala in terra nostra. Quod vt maiore cum fiducia pre-
cetur, subdit: *Misericordia tua & veritas tua semper susceperunt me.* i. de
quacunque necessitate ego hætenus ad te confugi, suscepit me misericor-
dia tua secundum promissa tua. Hoc enim est quod Psaltes dicit: *Misericor-*
dia & veritas tua. Huius autem rei experientiam suppeditare amplius
orandi fiduciam, in Psalmum 16 versu 7 diximus. Suum tamen vsum habe-
bit hic versiculus, si misericordia quam dicit, intelligatur distincta à verita-
te, q. d. quotiescunque è lapsu me ad te conuerti, misericordia tua suscepit
me in gratiam: Quotiescunque verò in errore sui aut ignorantia, veritas tua
suscepit me ad pristini erroris & ignorantia correctionē: Quod cum gra-
tiarum actione confiteri poterit is, qui à diebus adolescentiæ suæ cum Sa-
piente multa vidit errando. Ecclesia ergo malis varijs afflicta & agitata im-
plorat sibi miserationes Dei, *Ecclesi. 34.*

D ij Quo-

17. *Quoniam, inquit, circumdederunt me mala, quorum non est numerus. Lata enim atque diffusa facta est operatio mali, inquit Tertull. multiplicia spiritus incitamenta iaculantis, modò paruula, modò maxima. Inter hæc autē, mala illa reponenda sunt de quibus sequitur: Comprehenderunt. i. captiuam fecerunt, me iniquitates meæ; funibus enim peccatorū suorum quisque constringitur. Et non potui ut viderem: Delicta enim quis intelligit?*
18. *Multiplicata sunt super capillos capitis mei, & cor meum dereliquit me. i. debita virtute destituit me. Tamen si enim velim peccata mea, sic ut oportere video, plangere, accusare, vindicare, à corde meo derelictis non valeo perficere quod desidero: praesertim si id de omnibus sigillatim attento. Hoc D. Cyrillus exemplo demonstrat explanans verba Ezechiae dicentis Esaiæ comminanti: Bonus sermo quam audiui. Destituitur, inquit, Ezechias apologia qua suis delictis opem adferat. Præterea derelinquit hominem cor suum, ut in quouis negotio ferè non valeat prestare illa quæ sunt veræ virtutis: de qua re Cyrillus consequenter. Valde infirma est mēs humana, & in multis labimur omnes, nec est quisquam nostrūm cordatus, qui in omnes partes sapiens esse poterit, sed cor etiam amans Dei, & mens admirabilis sæpè in id quod minus rectum est, impingit. Denique frequentissimè derelinquit hominem cor suum, cū se ad interiora cōuertit. Quod sibi euenisse D. Gregor. lamentatur in hæc verba: Redire post causas ad cor desidero, sed stultis pressis cogitationibus solummodo exclamare compellor, Cor meum dereliquit me. Cū ergo in hisce homo sibi non sufficiat, quid restat, nisi ut se conuertendo ad Dominum dicat:*
19. *Complaceat tibi Domine. i. tibi Pater cum Filio & Spiritu S. pari formiter placeat. Hoc enim per verbum, Complaceat; hīc significari ab Haymone est prudenter obseruatum. Ut eruas me; secundum beneplacitum voluntatis tuæ quæ superet virtutem meam & meritum. Domine ad adiuvandum me respice. Te autem ad id respiciente,*
20. *Confundantur, tanquam spe sua frustrati. Et reuerantur; iterum me impetere. Simul. i. vtriusque ordinis de quibus dicturus sum, inimici. Qui querunt animam meam ut auferant eam: quia licet diuersis vijs, pari tamen studio querunt auferre seu perdere animam meam. Et primò quidem*
21. *Conuertantur retrorsum. i. à priore se proposito auertant, & reuerantur qui volunt mihi mala. i. qui per mala, siue illatis malis ac molestijs student perdere animam meam. Deinde:*
22. *Ferant confestim confusionem suam. i. pudeat eos studij atque conatus sui. Qui dicunt mihi euge euge. i. qui adulando, siue laudando per superbiam vel inanem gloriam querunt perdere animam meam. Contrà verò*
23. *Exultent & latentur super te omnes querentes te. q. d. Euentus malefico-*

leficorum studiorum est confusio, contra verò fructus piorum studiorum quibus incumbunt qui quærunt te, sit, sicut & erit, exultatio & letitia. *Et dicunt semper, Magnificetur Dominus qui diligunt salutare tuum.* q. d. qui in bonis gloriam hominis, non autem veram eius salutem diligunt, dicunt eidem Euge, euge; laudantes hominem: Contrà verò qui in bonis diligunt salutare tuum. i. veram hominis salutem, quam tu in eo per bona opera eidem donata facere intendis, dicant semper magnificetur in agnitione & affectu hominum Dominus, & ille magis glorificetur. Quid enim est quod me aut vllum hominem in bonis suis laudent?

Ego autem mendicus sum & pauper; quia virtutis inops, insuper vt mendicus quotidianam opem à Domino efflagitare compellor, & gratiam eius per momenta suppliciter emendicare. Neminem enim Deus sic dicit, vt ei non sit necesse opem & protectionem Dei ac reliqua eò pertinentia à Dei gratia indefinenter efflagitare. Mendicum proinde se agnouit Augustinus cum ad Audacem scriberet in hæc verba: Thesaurum sapientiæ te desiderare dixisti, sed minus accepisse quàm voluisti, cum ego ex illo thesauro mendicabunda prece quotidianam stipem rogem & vix impetrem, & non aliud quàm me minus dignum esse agnoscam. Hæc ille. Quibus subnectit plura huc pertinentia, Nam illam epistolam scribit Audaci qui Aug. dixerat, Euge, euge. Quid autem solatij superest pauperi huic & mendico? Dominus scilicet meus; vt etiam de illis mihi provideat, ad quæ mea sollicitudo se non extendit. Et præter hoc,

Adiutor meus; Ad exercendum bona à te accepta. *Et protector meus;* contra mala oboritura, *es tu: Deus meus ne tardaueris.* i. ne adiutorium & protectionem diu distuleris.

PSALMVS XL.

In finem Psalmus ipsi Dauid.

Beatus qui intelligit super egenum & pauperem. Intelligit super egenum & pauperem, in primis ille, qui intelligit se id quod pauperi impendit Christo impendere, & se in indigentibus Christum pascere, inquit Leo, & vestire. Deinde, qui animas pauperum nouit, intelligens quid mali vel angustia afflictionisque inopia adferat indigenti, inquit Ambrosius. Tercio, qui studio subueniendi vltro inuestigat, quinam occulta laborent penuria, nec expectat, ait Augustinus, donec pro clemensyna interpelletur, sed largiendo præuenit antequam petatur. Hoc populo fidei faciendū esse, præcipuè circa eos qui laborant verbo & doctrina, docet Augustinus loco citato, & in Psalmum 103. Nec solū illis, sed etiam quibusuis aliis pauperibus inopiam suam præ verecundia celantibus. Dicit

D iij namque

Serm. 4 de
collat.

2. eff. c. 16

2. de i. iust.

cap. 9.

2. eff. c. 16

Epist. 150.

quaest. 1.

namque Leo: Sollicita benignitate vigilandum est, vt quem modestia te-
git & verecundia præpedit, inuenire possimus. Intelligendi enim sunt isti
& ab occulta necessitate subleuandi, vt hoc ipso amplius gaudeant, cum &
paupertati eorum fuerit consultum & pudori. Cui consentit Ambrosius,
docens non solum aures præbendas pauperum precibus, sed oculos inuesti-
gandis eorum clanculariis necessitatibus; exemplo Abraham, qui sedens in
ostio tabernaculi sui, oculos leuabat vt peregrinos præoccuparet. Quarto
intelligit super egenum & pauperem, qui in subleuandis pauperum neces-
sitatibus prudentia vitur & discretione. Primo, ne tumultuario mentis im-
pulsu opes suas simul effundat, cuius cum postmodum pæniteat. Quod
cauendum esse docet Ambrosius. Deinde, vt cum bene facere voluerit, sciat,
vt monet Sapiens, cui benefaciendum sit, & in largitione elemosynæ no-
uerit quis cui sit præferendus. Cuius negotij ordinem explicat Hieronymus,
docens domesticos fidei præferendos esse quibusuis infidelibus. Inter fi-
dei autem domesticos eos esse præferendos, qui ob Christum sua omnia
reliquerunt, aut per persecutiones perdiderunt. Denique bonos præferen-
dos esse iis, qui tanta iniquitate, quanta paupertate scatent, nisi spes emen-
dationis affulserit. Obserua interim, hæc quæ de elemosyna corporali di-
gessimus, etiam in elemosyna spirituali multa ex parte locum habere. Mo-
ralis est itaq; hic versiculus, sic tamē, vt inter eos qui intelligunt super ege-
num & pauperem non dubitemus Christum numerare, qui cum in forma Dei
esset, præuiso lapsu humani generis, intellexit super egenum & pauperem, quia
per semetipsum priusquam ab ullo hominum pro ope ferenda interPELLARETUR,
miseriam & inopiam lapsi humani generis perspicere, cum esset diues, inops &
pauper factus est, vt illius inopia nos diuites essemus. Huius autem intelligē-
tiæ quis fructus? *in die mala*, qui Amb. est dies iudicii: aut *die mala*. i. tēpore
huius vitæ, cuius dies mali sunt, à malo *liberabit eum Dominus*. Et præterea,

2.

Epist. 100.

Dominus conseruet eum. Si iustus fuerit, & *uiuificet eum*, si in morte,
siue extra charitatem fuerit. Qui enim per fidem & bonam voluntatem ini-
tium aliquod spiritualis vitæ habens, super egenum & pauperem intellexit,
is vicissim à Deo misericordiam consequetur, vt ad iustitiam perueniat,
sicut vidimus in Cornelio Centurione. Et narrat Augustinus, quod Deus
cuidam adolescenti in elemosynis erogandis feruentissimo, reuelauerit in
somis, superesse animæ vitam post mortem ante resurrectionem corporis
cum ea de re dubitaret, eo quod intelligere non peterat, quomodo anima
absque corpore, corporeisque sensibus vitam ageret. Instruxit autem illum
Deus intuitu elemosynarum quas fecerat. Quomodo enim, inquit Augu-
stinus, Deus opera misericordiæ eius ullo modo defereret? & *beatum fa-
ciat eum in terra viuentiū scilicet*, in qua est portio nostra Deus. Optando
enim

enim simul indicat Psalter, æternam beatitudinem esse mercedem eleemosynæ. *Et non tradit enim in animam inimicorum eius.* i. non permittat ut inimici eius videant, ut desiderant, æternum interitum eius. Eleemosyna enim ut dicit Raphael Tobie, non patietur animam ire in tenebras.

Dominus opem ferat illi super lectum doloris eius. i. cum ex infirmitate plenus doloribus corporis decubuerit, imò in tanta infirmitate ut de eo verè dicatur: *uniuersum stratum eius versasti in infirmitate eius*, quod tunc verè de ægroto aliquo dicitur, cum hoc totum quod ei in stratum, hoc est, ad quietem, refocillationem, aut refrigerium suggeritur, tanquam quod nihil profit, imò obfit potius ei in ægritudinis atque doloris incrementum, Deo ita permittente, conuertitur atque versatur: Tunc ergò, in tempore scilicet illius necessitatis, *Dominus opem ferat illi*, & ad ei subueniendum, eleemosynarum eius recordetur. Itaque hinc iterum optando insinuat Psalter eleemosynis vitam etiam temporalem, ut Cyprianus docuit, à periculis redimi. Qui suam illam doctrinam probat à maiore: Ex resurrectione enim Thabitæ (quam docet merito eleemosynarum suarum esse suscitatum) compertum est, inquit, eleemosynis animas non tantum à secunda, sed à prima morte liberari. Si à prima morte, multo magis à corporali languore ac ægritudine. Itaque versiculi huius primarius sensus literalis est, quod nec Ambrosium latuit, qui eo utendum esse dixit apud eos qui diutius infirmitate corporis detinentur, ut habeant medicinam Dei quo sani esse mereantur. Idem tamen cum Augustino eundem versum metaphoricè interpretatur, per lectum doloris intelligens carnem infirmitatis, siue ordinariam nostram infirmitatem carnis, seu corpus mortis. Super hunc lectum Dominus opem fert misericordibus, cum eos virtute confortat, ut infirmitate carnis suæ recte utantur, regant infirmam carnem suam, ne dicant, inquit Augustinus, non possum tenere, portare & frenare carnem meam. Ad hoc autem homo singulariter eget ope diuina, quia, *Uniuersum stratum eius.* i. Omne id ad quod homo quietis aut refocillationis capiendæ causa sub sole se etiam licitè conuertit, *Versasti in infirmitate eius.* i. in amaritudinem ei conuertisti, aut amaritudinibus resperxisti, ita ut homo in rebus huius vitæ vix vllam imperturbatam inueniat requiem. Voluit enim Deus, inquit Augustinus, nos & in illis quibus quietis causa licitè utimur, pati tribulationes, ut doceamur amare meliora per amaritudinem inferiorum. Vel, *uniuersum stratum eius.* i. omnem infirmitatem eius, cui strato remedium sternitur. *Versasti.* i. ex ægritudine in sanitatem conuertisti. *in infirmitate eius*, Christi scilicet, intelligentis super egenum & pauperem. Christus enim suæ in primis carnis infirmitatem versauit in salutem suam per resurrectionem; & in omnibus quæ passus est, nostram infirmitatem versauit, quia

3.

De opere et
elem. nu. 2

*Ambrosius in
hunc locū,
et 3. de
virg.
Cyrill 10.
Ihes. ca. 3.*

quia in infirmitatibus suis preparauit nobis sanitatem. Timore enim suo, nostrum timorem, dolore suo nostrum dolorem, morte sua nostram mortem curauit, vt notant Ambrosius & Cyrillus, ita vt hic locum habeat illud Apostoli: In quo ipse passus est & tentatus, potens est & eis qui tentantur auxiliari. Quia verò aegroto non sola sanitas corporis, verum etiam animæ querenda est & expetenda; subiungit Psalter agrotis & simul omnibus quibus anima agra est, formulam qua animæ suæ sanitatem à Deo requirant, & in persona eorum dicit:

4. *Ego dixi, Domine miserere mei, sana animam meam quia peccaui tibi.*
De rat 19. ex quo loco docet Augustinus, non solum corpus, sed etiam animam infirmam factam esse peccato. Quid, inquit, Deus sanabit, si nihil est vulneratū, nihil sauciatum, nihil debilitatum, nihil vitiatum? Porro si est quod sanetur, vnde vitiatum est? audi quod sequitur, *quia peccaui tibi*. Sed cum peccatum non sit substantia, sed actus perperam facti, quomodo (interrogabat Pelagius) potuit animam vitare quod substantia caret? Respondet Aug. capite sequenti, Sicut abstinere à cibo non est substantia, & tamen substantia corporis, si abstinetur à cibo ita languescit, vt si aliquo modo perduret in vita, vix possit ad eum cibum reuocari, vnde abstinendo vitata est: Sic non est substantia peccatum, sed Deus substantia est, solus verus rationalis animæ cibus, à quo per inobedientiam recedendo & non valendo capere quod debuit, dicit peccator, Vt fœnum aruit cor meum, quia oblitus sum comedere panem meum.

6. *Inimici mei dixerunt mala mihi.* Ab hoc loco vsq; ad finem Psalmi Christus in persona sua loquitur, notatque Ambrosius, tum in hunc, tum in 43. Psalmum, quod ea quæ in hoc Psalmo & 103. de inimicis Christi in plurali numero dicuntur, intelligenda sint de Iudæis. Quæ verò in singulari, illa intelligenda sint de Iuda proditore. *Quando morietur & peribit nomen eius?* vt sublata eius memoria, nemo vel prædicando, vel credendo, eius in bonum faciat mentionem.

7. *Et si ingrediebatur,* Iudas scilicet, Cui enim, inquit Augustinus, Iudas hic non occurrat ex discipulo Christi factus eius traditor? *ut videret,* id est, oportunitatem tradendi Christum exploraret. In quo Iudam imitantur falsi fratres, qui in ipsa Ecclesiæ penetralia subintrant, vt explorent libertatem, quam habemus in Christo. *vani loquebatur,* quia ficta dilectione de Christo ad condiscipulos & ipsum Christum loquebatur. Tales autem dicuntur vana loqui, quia quæ loquuntur in veritatis & charitatis soliditate fundata non sunt. *cor eius congregauit iniquitatem sibi,* quia sæpius exploranda huic oportunitati incumbendo, suæ hypocrisis dolos multiplicauit, ingratitude & contemptum in Christum iterauit; & vt verisimile est, omnia

omnia Christi dicta & facta in peiorem partem accepit, idque *sibi*, quia per hæc Christo inuito non nocuit, sed sibi peccatum adauxit. 7.

Egrediebatur foras, ad eos scilicet, quibuscum consilia perdendi Christum tractabat, qui foris erant, quia à verbi cælestis cognitione exclusi. & loquebatur in idipsum. i. in eundem finem, nihil per ingressum ad Christum melior factus. Hos autem duos versiculos, *Si ingrediebatur.* & *Egrediebatur foras*, notat Ambrosius aptè in illos quadrare qui amicos obleruant vt eorum prodant mysteria & secreta, quod Sapiens dicit ad desperationem infelicitis animæ pertinere. Eccli 27.

Aduersum me susurrabant omnes inimici mei. i. clam inter se sermones de perdendo Christo serebant, erubescabant enim audiri, non autem mala machinari. Susurrare proinde tribuitur dolo sis & perfidis, quia sine aucto-ritate, inquit Ambrosius, est perfidia quæ timet quod loquitur deprehendi. Fideli autem dicitur, Exalta in fortitudine vocem tuam. *Aduersum me cogitabant mala mihi*, quia extra mutua colloquia positi, singuli apud semet-ipsos inuestigabant qua ratione me perderent. Tandem post multas cogitationes & collocutiones, 8.

Verbum iniquum constituerunt. i. concluderunt, *aduersum me*, cum videlicet audito consilio Caiphæ, cogitauerunt Iesum interficere, & ad eum apprehendendum Iudæ vt perfidia. Sed quo euentu vanissimi homines? et si enim Christum morti tradideritis, *nunquid qui dormiet non adiciet vitæ suæ* quam prius mortalem duxit, *vt resurgat* ad immortalitatem! & quid tum proderunt vobis vestra consilia? Porro notandum, quod Christus de se dicit *nunquid non adiciet vt resurgat*, non autem, adicietur ei vt resuscitetur? hoc loquendi modo insinuans quod ipse semetipsum resuscitauerit, & vitam immortalem sibimetipsi adiecerit. Sed quid ego cæteros arguo, quod enim his maius est, 9.

Etenim homo pacis meæ. i. homo familiæ meæ. Qui dicitur homo pacis, quia familiares omnes merito deberēt esse patri familias pacifici. Vel, *Homo pacis meæ.* i. qui osculo me quasi pacificus salutauit, *in quo sperabam*, i. quem Apostolatus honore sublimatum, dispensatoris prærogatiua cæteris prælatum, tantis beneficijs affeceram, vt quasi iure, inquit Ambrosius, præsumpserim, eum relicta præconcepta malitia, meliora secuturum. vel *in quo speravi.* i. cui dispensationem familiæ meæ concredidi, quod non facimus nisi illis quibus confidimus. Alias enim non sperauit Christus in Iudam cuius perspectam habebat perfidiam. *qui edebat panes meos.* i. inquit Ambrosius, verbi cælestis alimoniam. Sed melior est sensus quem dat Augustinus, per panes Christi Eucharistiam intelligens, eo quod Christus in vltima cœna cum Iuda accumbens, de pane quem tum Iudas manducabat, 10.

E hung

hunc versiculum allegauerit, & interpretatus sit, *magnificauit super me sup-
plantationem*. i. magnam fecit deceptionem. Eò enim maiorem, quo mi-
nus id de eo debuit expectari. A qua nos dehortatur Sapiens cum dicit, Ne
moliaris amico tuo malum, cum ille in te habeat fiduciam. Sed quamuis
Christus hæc in se fieri permiserit, non tamen voluit eos hæc impunè fer-
re, sequitur enim,

11. *Tu autem Domine miserere mei & resuscita me.* Hic Christus orat ut re-
suscitetur, quia ut homo siue secundum humanitatem loquitur. Prius dixit,
se adiecturum ut resurgeret, tanquam id sua virtute facturus, quia loqueba-
tur secundum diuinam naturam. *Et retribuam eis.* verbum est auctoritatis
quam Christus à resurrectione tanquam transacto suæ humilitatis tempore,

Loco citato secundum humanam naturam accepit. Tum enim data est ei omnis potestas
in cælo & in terra. Retribuit autem Iudæis, inquit Augustinus, tempora-
lem disciplinam in hoc quod bellica strage subacti & sedibus suis pulsi, to-
to orbe terrarum exularent, seruans eisdem si correcti non fuerint damnatio-
nem æternam. D. Ambrosius vero retributionem hanc intelligit bonorum
pro malis, quia Christus post resurrectionem, per Apostolorum prædica-
tionem multos ex Iudæis ad se conuertit, illius populi reliquias circa fi-
nem sæculi omnes conuersurus.

12. *In hoc cognoui.* i. per experientiam didici. Vel, cognitum feci, siue sup-
peditaui argumentum vnde cognosceretur, *Quoniam voluisti me.* i. me mi-
sisti meamque in carne dispensationem approbasti, *Quoniam non gaudebit
inimicus meus super me.* i. non gaudebit diabolus & membra eius se de me
consecutos esse quod volebant. Cum enim ab omnibus facile credatur ve-
rum esse quod dixit Gamaliel, Si ex Deo est opus hoc aut consilium, non
poteritis illud dissolvere, Profecto certissimè colligitur, æconomiā Chri-
sti Deo acceptam fuisse, quia nullo astu nullisque viribus potuerunt inimi-
ci opus Christi dissolvere.

13. *Me autem propter innocentiam,* quia sine vlllo peccato, aut alicuius no-
cumento vixi, *suscepisti ad confessum dexteræ tuæ,* nam Christus eò etiam
suo merito peruenit. *& confirmasti me in conspectu tuo in æternum.* quia
nunquam ab illa gloria dimouendus sum. Psalter his quæ cantauit intelle-
ctis, subiicit gratiarum actionem dicens:

14. *Benedictus Dominus Deus Israel à sæculo, & vsque in sæculū, fiat, fiat.*
quod est confirmantis.

PSAL-

PSALMVS XLI.

In finem, intellectus filijs Core.

Elij Core ianitores erant, quos per hunc Psalmum & aliquot sequentes ad intellectum rerum spiritualium adducere voluit Psaltes, introducens loquentem non quemuis Christianum, sed talem qui cum in hac vita ad charitatis culmen peruenerit, se ad vltiora extendens, nihil aliud quam diuini vultus presentiam ardet, ut eius fruitione sue dilectionis desiderium exaturet. Diuinæ enim presentiae, inquit Augustinus, suspirat omnis, qui affectat diligere Deum ex toto corde. Quem Psalmum Ecclesia, ut etiam Augustinus notauit, in vigilia Paschæ & Pentecostes solemniter cantat, ut per eum moneat catechumenos, quanto desiderio ad fontem baptismatis anhelare debeant, id tamē per quandam accommodationem. Sic itaque loquitur:

Quemadmodum desiderat ceruus, labore fatigatus & anxietate contractus ad fontes equarum, ita. i. tam anhelō & ardenti desiderio desiderat anima mea ad te Deus. Sed quia ex his verbis ambiguum relinquitur, quoniam usque desiderium hoc extendatur, num ad diuini vultus presentiam, an vero ad eam Dei quæ in hac vita haberi potest copiam, subiicitur:

Sitiuit anima mea ad Deum fortem viuum. In his verbis per *Deum*, intelligunt Deum Patrem, per *fortem*, Dei Filium, qui est virtus Patris, per *viuum*, Spiritum sanctum, qui omnia viuificat, ut notat Damascenus, ut is qui sicut ceruus desiderat ad Deum, hoc versu expressius declarat se sitire ad videndum vultum Sanctæ Trinitatis. *Quando veniam & apparebo ante faciem Dei?* Verba sunt desiderij moram non sustinentis. Qualia sunt & illa: Heu mihi quia incolatus meus prolongatus est. Quæ dilatio quia tristitiam affert, subdit Psaltes:

Fuerint mihi lacrimæ meæ panes die ac nocte. q. d. panis meus quotidianus, ut loquimur, mihi lacrimæ fuerunt, mihi quæ nihil æquē in promptu fuit ac vsitatum, quam lacrimari, toto huius vitæ tempore, *Domine dicitur mihi quotidie*, ab insultantibus *vbi est Deus tuus.* i. quo signo apparere poterit, Deum quem te colere dicis, Deum verum esse, præsertim cum Deus ne quidem per opem aut protectionem ad præsentem felicitatem pertinentem, semper præsens sit, quod in argumentum diuini fauoris, aut veræ diuinitatis fieri oportere, animalis homo arbitratur. Duo itaque sunt quæ huic viro desideriorum adserunt tristitiam, vnum est dilatio diuini conspectus: Alterum obscuratio diuinæ gloriæ, quæ apud quosdam tanta est, ut audeant dicere: *vbi est Deus tuus?* Sed quia tristitia hæc suo non debet carere solatio, subdit Psaltes:

E ij Hæc

4. *Hæc*, videlicet quod Deus sit fortis viuis atque fons vitæ, *Recordatus sum*, i. absens frequenter ad memoriam meam reuocaui. *Effudi in me*, vel super me *animam meam*. i. omnes vires animæ meæ ad interiora reuocans, in internam contemplationem, vel in ea quæ supra me sunt considerata, effudi. Obeandem nempe contemplationem dicit Psalter se animam suam in se effudisse, quia contemplatio animam ab exterioribus ad intima reuocat, & omnes vires suas in obiectum suum effundit, exerit, & intendit. Dicitur etiam animam suam super se effudisse, quia obiectum contemplationis longè supra hominem est. De qua utraque Augustinus: Intraui, inquit, interiora mea duce te, & potui, quoniam factus es mihi adiutor. Hoc erat animam suam in se effundere. Addit: Intraui & vidi qualicumq; oculo animæ meæ supra eundem oculum animæ meæ, supra mentem meam lucem Dei inaccessibilem, non hanc vulgarem & conspicuam omni carni, nec quasi ex eodem genere, Quæ lux ei dicebat: Cibus sum grandium, cresce & manducabis me. Hoc erat animam suam effundere supra se. In hac autem animæ meæ effusione, *Transibo* mente ac contemplatione *in locum tabernaculi admirabilis*, de quo in Psalmum 14 diximus. *usque ad domum Dei*. q. d. erigam intentionem mentis meæ ad domum Dei non manufactam, æternam in cælis, quæ est societas beatorum contemplantium, ut describit Aug. delectatione Domini, sine villo defectu egrediendi ad aliud. *Transibo* autem
7. *Confes. cap 10.* 5. *In voce exultationis*, qui est iubilus mentis, vel, si Bernardo credimus, animæ contemplantis. *Confessionis*, quæ est vox gratiarum actionis, cui coniunctus est *sonus epulantis*. i. resonantia internæ hilaritatis ab intus exuberantis. Sed quia hæc contemplatio consolationem non adfert, nisi spes sit huius beatitudinis aliquando potiundæ, adiungit Psalter:
6. *Quare tristis es anima mea*. i. nimium deiecta, *Quare conturbas me*? per intemperatam tristitiam, pacem animi mei mihi auferens.
7. *Spera in Deo*, & per hanc spem dicito tibi metipso, *Quoniam adhuc confitebor illi*. i. ego per Dei auxilium ero vnus ex illis, qui in domo Domini confitentur illi. Confitebor autem illis tanquam qui sit *salutare vultus mei* & *Deus meus*. i. confitebor illi videns coram vultu seu facie mea, aut quod idem est, oculo ad oculum, ipsum esse salutare meum. i. præsentis meæ salutis principium. Itaque quod dixit, *Transibo in locum tabernaculi admirabilis*, propositum erat exercendæ contemplationis, ut per eam in hac vita cognosceret quid sibi sperandum esset; Quod vero adiungit, *Confitebor illi*, vox est spei. Fides enim dicit: Parata sunt magna & inexcogitabilia bona à Deo fidelibus suis, inquit Bern. Dicit spes, Mihi illa seruantur: atque ita per fidem tanquam sperandarum rerum substantiam, atq; per spem tanquam quandam earundem rerum præoccupationem, vir iste desiderio- rum la-
12. *Confes. cap 11.*
- Ber. ser 10 in psal. 90

rum lachrimas suas nonnihil sistit, mœroremque solatur. Monet enim Apostolus ut simus spe gaudentes. Post quæ reddit Psalter causam, ex qua in hac vita anima nostra conturbatur, dicitque:

Ad memetipsum animæ meæ conturbata est. i. anima mea cū se conuertit ad semetipsam, nihil ibi inuenit nisi inquietudinis & turbationis materiam. Bene enim dicit Augustinus: Malè est mihi præter te Domine, non solum extra me, sed etiam in memetipso. Cui consentit Bernardus in fine Sermōnis de verbis Abacuc, Super custodiam meā stabo. Et quia animæ nec quidem sibi metipsi requiem adferre potest, *propterea*, inquit Deo, *memor ero tui.* i. ad te suspiciam, animūque meum ad te erigam *de terra Iordanis.* i. ab initio mei baptismatis & *Hermonij.* Hermonium siue Hermon mons est trans Iordanem, ut manifestum est ex Deuteronomio. Fuerunt autem duo montes huius nominis, vnus altior, alter humilior. Hic autem Propheeta ad humiliorem respicit, ideo & dicit, *à monte modico.* q. d. à terra illius Hermonij, qui minor est. Sensus itaque est. Nō solum ab initio suscepti baptismatis, verum etiam cū ad altitudinē aliquam iustitiæ profecero, quam mons Hermon (qui herbosus & fertilis in bonum semper sumitur) significat, memor ero tui, ut conuertā me ad te, ut tui participatione desinam esse mihi metipsi grauis. In nullo enim Christianæ vitæ gradu aut profectu, anima hominis ad semetipsam conuersa, aliud sibi quā onus & inquietudinem adfert. Comparatur autem profectus Christiani Hermonio modico, quia omnis profectus Christiani hominis residuo suo, ne dicā termino suo comparatus, paruus est & modicus. Sed quia ut anima Dei memor sit, scripturarum sanctorum eget adminiculo, & ipsæ scripturæ, ut solidam quandam Dei notitiam præbeant inter se conferri, & vna ex alia debet intelligi, ideo subiicit Psalter:

Abyssus abyssum inuocat, in voce cataractarum tuarum. i. inquit Ambrosius, Scriptura veteris testamenti, noui testamenti aduocat seriem, ad consummationem sanctificationis & plenitudinem gratiæ, sonitu quodam & profluvio redundantis spiritualis. Quia, ut docuit Athanasius, sicut noua veteribus comprobantur, ita vetera nouis illustrantur. Eodem modo hunc versiculum & Leo intellexit, dicens: *Abyssus abyssum,* &c. quia ad enarrandam gloriam gratiæ Dei, paribus sibi vocibus vtriusque testamenti altitudo respondit.

Omnia excelsa tua. i. sublimia quæ de te credi debent, & *fluctus tui,* i. minæ suppliciorum à te interminatorum *super me transierunt,* quia per scripturarum varietatem, hæc vicissim homini panduntur.

In die mandauit Dominus misericordiam suam. i. mandauit, ne tempore prosperitatis misericordiam Dei in vanum accipiat & *nocte.* i. tempore

E iij aduer-

8.

13. cōf. 8.

Cap. 4.
Marianus
Victorius
in tab. Hic.
voce Her-
mon.

9.

In psal. 35
Cui cōsen-
sit Hieron.
epist. 150.
in præmio
Atba ser. 1
cō. Arrian.
Leo ser. 9.
de passione.

10.

17.

aduersitatis *canticum eius*. quia ne quidem in aduersitate à gratiarum actione, quam significat canticum, cessare oportet.

12. *Apud me oratio Deo vitæ meæ.* q. d. ad orationem Deo faciendam non oportet maria peragrarè, nec longinquas regiones petere, oratio enim Deo offerenda est *apud me*. i. in corde meo, quasi in quodam promptuario reposita esse debet. Similis est locus apud Apostolum: Prope est verbum in ore tuo, quia, inquit Leo, Deus nihil extra nos quarit. Cùm ergo oratio in promptu sit, *dicam* inquit Deo per experientiam præteritorum & spem futurorum, *susceptor meus es*.

Leo, serm.
de Martyr

13. *Quare oblitus es mei?* differendo liberationem à malis, & *quare contristatus incedo dum affligit me inimicus?* Interrogatio est cuius rei causam subiiciens dicit:

14. *Dum confringuntur ossa mea.* i. dum fortiores in corpore Ecclesiæ, cuius ego membrum sum, per tentationem à iustitia & fide excidunt; *exrobauerunt mihi qui tribulant me inimici mei*.

15. *Dum dicunt mihi per singulos dies, ubi est Deus tuus?* q. dicant, ex eo quod tam multos ex vobis ad nostrum consortium transire facimus, manifestum est quod Deus non sit Deus tuus, nec curam tui gerat. Sed quamuis Deus hæc permittat, *quare tristis es anima mea, & quare conturbas me?* est enim tibi in tantis malis solatium, hoc nempe,

16. *Spera in Deo quoniam adhuc confitebor illi, salutare vultus mei & Deus meus.* certa ergo spes futurorum sit subleuamen præsentium malorum.

PSALMVS XLII.

Psalmus David.

1. **I**udica me Deus & discerne causam meam de gente non sancta. Diuus Augustinus accommodat hanc orationem martyribus vel Ecclesiæ ratione martyrum, qui quandoquidem pœnâ non diuiduntur à sceleratis, orant, vel eorum causâ Dei orat Ecclesiæ, vt Deo operante manifestetur communis pœnæ causa esse diuersa, faciatque diuersitas causarum discretionem passionum, ne aut martyres reputentur cum sceleratis, aut hæretici atque schismatici, qui pro meritis suis patiuntur, censeantur cum martyribus; eo quod martyrem non pœna faciat sed causa. Sensus tamen quem Psalmi contextus ex proposito requirit est iste. *Iudica me Deus*, extremo tuo & vniuersali iudicio, & *discerne causam meam*. Nomen causæ hic sumitur prout in foro litigioso, vbi cōtrouersia & quæstiones negotiaque dubia ad iudicium tribunalis relata, causæ appellantur. *Discerne ergo causam meam de gente non sancta*. i. de vita & conuersatione mea vbi fuerit coram

1.
Epist. 50.
& alibi i. c.
Donatistas

coram tribunali tuo producta, aliam ferto sententiam, quam dicturus es de vita & conuersatione gentis non sanctæ, & tum simul *Ab homine iniquo & doloſo.* i. ab iniquorum hominū & doloſorum conſortio ac permixtione, *erue me*, facta perpetua malorum à bonis ſeparatione.

Quia tu es Deus fortitudo mea. i. te pro me iudicante, validiſſime ſup̄rior efficiar, cum in hac vita cauſa ſanctorum raro tantæ virtutis ſit tantæ-
que euidentiæ, vt nō cum cauſa iniquorum idem iudicium ſubeat, eandem-
que cenſuram, præſertim cum ſint iuſti quibus mala proueniant, quaſi ope-
ra egerint impiorum. Quia de re ex humana infirmitate nōnihil querelæ de-
promens, dicit Pſaltes. *Quare me repuliſti* à clara teſtificatione iudicij de
me tui in præſenti vita. Quam querelam mox corrigens ſubdit: *quare tri-
ſtis.* i. triſtitia nimia deiectus, *in edo dum affligit me* quaſi impium, *inimi-
cus.* vt enim illa res me magnopere non contriſtet; obſecro Domine

Emitte lucem tuam & veritatem tuam. Diuus Cyrillus per hæc, Ver-
bum ſiue filium Dei intelligit, cuius his verbis dicit inuocari aduentum in
carnem; Sed cum inuocatio illius aduentus, huic loco importuna ſit; con-
ueniēter quidem hoc loco per *lucem & veritatem* intelligimus Chriſtum,
ſic tamen vt hic imploretur emitti ad iudicium extremum, vt tanquam lux
vera veniat & illuminet abſcondita tenebrarum, & manifeſtet conſilia cor-
dium, atque vt ipſe, tanquam qui ſit fidelis, vt habet Apocalypſis, & verus,
iudicet orbem in veritate & æquitate ſua. Et ſit tum vnique iuſto, qui
hæc orat irrefragabilis & non dubia nec vana laus à Deo. Sed qua re fretus
audet iuſtus hoc petere, cum ſoleant homines illius diei diſcuſſionem tre-
mere, vt canit Eccleſia, & timere? *Ipſa lux ſcilicet & veritas tua, me de-
duxerunt.* i. hucusque conuerſationem meam direxerunt, atque adeo fece-
runt me in luce ambulare ſeu progredi & proficere atque facere veritatem.
Imo vt, quod ſpero & ſpe iam apprehendo, dicam, *Ipſa me* per donum per-
ſeuerantiæ *adduxerunt.* i. vt ſpero adductura ſunt. *In montem ſanctum tuum
& in tabernacula tua.* de quibus in Pſalmum 14. diximus. Quæ cum mihi
probabiliter cognita, & vt ſperandum eſt euentura ſint, Opto emitti *lu-
cem tuam & veritatem tuam*, omnis enim qui facit veritatem, venit ad lu-
cem, vt manifeſtentur opera eius, quia in Deo ſunt facta. Scriptum eſt qui-
dem: Væ deſiderantibus diem Domini, ſed id illis qui vt hominibus iuſti
appareant, ſolent expetere diem iudicij, inquit Diuus Hieronymus, Et
illis qui arbitrantur iniquè quod in die iudicij Deus erit ſimilis illis, de
quibus in Pſalmum 49. ſumus dicturi. Denique illis viris illuſoribus qui
apud Iſaiam dicunt: Percuſſimus ſædus cum morte, cum inferno feci-
mus pactum. Cū verò in montem ſanctum Dei atque in tabernacula eius
ductus fuero,

Intro-

4. *Introibo simul ad altare Dei*, quod iuxta Dionysium & Ambrosium Christus est, quia ad eum nunc nostræ preces & satisfactiones diriguntur, ut per eum Deo Patri offerantur, & in futura vita tota redempta ciuitas per ipsum offeret Deo sacrificium laudis. Cum ergo vnusquisque sanctorum adductus fuerit ad montem Domini sanctum, tum simul ingreditur ad Christum ut videant oculi eius Regem in decore suo, eiusque beata presentia fruuntur. *Ad Deum* scilicet, introibo, nam non solum Christum, sed etiam Dei essentiam videbunt sancti in beatitudine. *Qui latificat iuuentutem meam.* q. d. Deum inquam, qui cum ingenti latitia, quam prius sece- rat vetustam pellem & carnem meam, per resurrectionem iuuentæ im- marcescibili ac immortalitati restituet. Itaque in his verbis Psalter omnia expressit, quæ ad plenam beatitudinem pertinebunt. Mons enim de quo dixit, significat gloriæ sublimitatem; Tabernaculum, societatem sanctorum, Altare Christum, secundarium beatitudinis obiectum. De quo in Psalmo 26. diximus. Deus est obiectum primum beatitudinis, Latificatio iuuentutis significat resurrectionem. Hic autem versiculus dicitur à Sacerdotibus altare Ecclesiæ consensuris per quandam accommodationem. Accedunt enim Sacerdotes in hac vita altare Dei, visibile corpus Domini immolaturi: Accedunt quoque ad Deum cui sacrificaturi sunt, ut accipiant hic nouitatem spiritus, aut eius renouationem; Periculosum enim est ei ad altare Dei introire, qui non est idoneus hic accipere spiritus renouationem, & postmodum totius hominis nouitatem. In monte autem & tabernaculo eius quid o homo Dei facturus es?
5. *Confitebor tibi in cithara Deus Deus meus.* i. ea mentis iubilatione quæ futuræ vitæ competit, & in Apocalypsi per citharam nobis frequenter insinuat. Audiui, inquit, vocem citharæ dorum citharizantium in citharis suis. Quæ cum ita sint, & non fallaci testimonio conscientie tuæ hæc tibi euen- tura speres; *quare tristis es anima mea, & quare conturbas me?*
6. *Spera in Deo.* Hæc quæ recensui, tibi per gratiam Dei obuentura, eius- que aduentus expectatione temetipsam consolare. *quoniam adhuc confite- bor illi salutare vultus mei & Deus meus.* ut supra.

PSALMVS XLIII.

In finem pro filiis Core ad intellectum.

Ambrosius in hunc lectum. **T**Ametsi filij Core ianitores fuerint ut diximus, notat tamē D. Am- brosius, eos etiam psallendi munus obuiisse. Itaque hic Psalmus eis inscribitur, quia eis peculiariter traditus fuit decantandus. In quo prius enarratur auxilium Dei quod populo veteri presentissimè adfuit cum terram promissionis ingrederetur possidendam, ut ex illius beneficii comme-

commemoratione tristior reddatur subiuncta nenia, deplorans infelicitatem qua postmodum populus ille à diuina ope pro suis meritis desertus, ab Assyrijs, vt putat Ambrosius, vel ab Antiocho rege, aliisque inimicis variis cladibus afflictus est & attritus. Cum autem primus huius Psalmi intellectus (Ambrosio teste) debeat esse literalis, atque conuenire Israeli secundum carnem, scribitur tamen *ad intellectum*, quia illa quæ hic describuntur euenisse Iudaico populo, intelligi debent etiam de illis cladibus quas patiuntur Christiani, cum pro suis meritis diuina protectione destituti, manibus Turcarum, hæreticorum, atque aliorum infidelium traduntur affligendi. Et quandoquidem in omni huiusmodi publica calamitate populi fidelis, tam ante quam post Christi aduentum semper aliqui supersunt, qui in timore Domini perseverant, ideo eorum voce atque oratione, Psalmus totus concluditur, qui sic habet:

Deus auribus nostris audiuius, Patres nostri annuntiauerunt nobis, 1.
per scripturas sacras & rerum suo tempore gestarum historias. narrauerunt autem

Opus quod operatus es in diebus eorum, & in diebus antiquis, cum edu- 2.
ceres populum tuum de terra Ægypti. Quid autem illud est?

Manus tua. i. potentia tua, *gentes*, terræ Chanaan incolas *disperdidit.* 3.
i. per varias clades internecioni tradidit, & *plantasti eos.* i. populum Iudaicum in terra Chanaan plantasti, vt in ea tanquam vinea Domini Sabaoth vuas faceret & non labruscas. *afflixisti populos* quosdam scilicet Chanaanæorum, idque per crabrones aut vespas, vt testatur Exodi caput 23. & Sapientie cap. 12. i. vt interpretatur Augustinus, per timoris aculeos, vt 4. 93. in
sugerent & terræ possessionem filijs Israel cederent. Ad quam rem infi- Exod.
nuandam subiicitur: & *expulisti eos.*

Nec enim in gladio sup. i. gladij potestate *possederunt*, filij Israel *terram* 4.
Chanaan, & *brachium.* i. robur *eorum non saluauit eos*, scilicet ab hostium vnanimiter collectorum & fortiorum impetu.

Sed dextera tua & brachium tuum, & illuminatio vultus tui. i. manifestatio 5.
præsentie tue, quam in Arca ostēdebas, vt patet in Iericho. *quoniam cōplacuiisti in eis.* i. non eorum merito hæc eis fecisti, sed quia beneplacitum tibi fuit benefacere eis. Hæc ergo de auxilijs quæ præstitit Deus Israeli, cum introduceret eum in terram Chanaan, post quæ transit Psalter & refert auxilia, quæ Deus eidem præstitit, cum iam Palæstinam inhabitaret, de quibus sic dicit:

Tu es ipse Rex meus & Deus meus. i. tu in operibus tuis idem ipse es 6.
ac tui similis, *qui mandas salutes Jacob.* i. mandato tuo promoues ac conseruas temporalem salutem ac prosperitatem filiorum Iacob iam in terra

F Chanaan.

Chanaan plantatorum sicut eum mandato tuo ad eam introduxisti. Quod ut per exempla clarum sit, subditur.

7. *In te inimicos nostros ventilabimus cornu*, quod impletum est cum Dauid ad regnum promotus expugnauit inimicos Israel in circuitu. Cornibus enim ventilare est huc illucque dispergere, cui simile est ex omni parte aduersarium, prosternere vel debellare. *Et in nomine tuo spernemus insurgentes in nos*. Hoc manifestè factum est cum Dauid de Philisthæo dixit, *1. Reg. 17* Quis est iste Philisthæus incircumcisus qui exprobrauit exercitui Dei viuētis? Hoc enim quid aliud erat, quam insurgētem in Israel Philisthæum spernere: idque in nomine Domini? dicebat enim Dauid, Tu venis ad me cum baculo, ego venio ad te in nomine Domini agminum Israel. Et ut credibilis sit Psaltem, cum hæc dicit, inter cætera ad hoc suum factum respicere subdit in numero singulari.
8. *Nec enim in gladio meo sperabo, & arcus meus non saluabit me*. ac si diceret, *1. Reg. 17* Dico in nomine tuo, nam & ego arma Saul, quibus prius eram accinctus deposui, nullam ab eis expectans salutem.
9. *Saluasti enim nos ex afflictionibus nos*, Videtur respicere ad victoriam quam Ionathas miraculosè consecutus est, ante hanc enim dicitur populus fuisse afflictus & exercitus Israel in arcto positus. Nec enim necesse est hæc hic eo quo gesta sunt referri ordine, quando enim de laudibus Dei agitur, non oportet ordinem requirere, inquit Hieronymus, *& odientes nos confudisti*. Hoc factum videtur cum Dauid expulit cæcos & claudos odientes animam Dauid.
10. *In Deo laudabimur tota die*. omnis enim sermo populi laudabit & beatum prædicabit Israël in eo quod Dominus his modis cum eo sit. Quorum laudum formulam, seposita tamen altiore intelligentia, Moyses præscripsit cum diceret: Beatus es tu Israel: *Quis similis tui popule, qui saluaris in Domino? Scutum auxilij tui & gladius gloriæ tuæ, & in nomine tuo*, siue ut alij legunt, *nomen tuum confitebimur*. confessione gratiarum actionis, *in seculum*. i. per multas annorum centurias, quibus hæc nostra perdurabit felicitas. Et hæc quidem de felicitate Israelis iam Palæstinam ingressi sic sunt ad literam descripta, ut sint per allegoriam dicta, de spiritali adiutorio Dei, quo Ecclesia & Dei præcones hostes euangelij à principio superauerunt. qui sic dicunt. *In te inimicos nostros ventilabimus cornu*. i. In virtute crucis Christi, (cuius extrema Cypria. & Tertull. cornua dicuntur; ob quam & ipse Christus dicitur habere cornua rhinocerotis & in illis dissipaturus gentes) dissipabimus vndique gentium infidelitatem. & *2. Cor. 10* in nomine tuo spernemus insurgentes in nos. Quia arma nostra sunt potentia Deo ad destructionem munitionum & omnis altitudinis extollentis se aduer-

aduersus scientiā Dei. *Nec enim in gladio meo. i. oris mei, sperabo &c.* quia nemo euangelizantium in sua eloquentia aut virtute confusus est. *Saluasti enim nos ex affligentibus nos.* i. salutem nobis reportare fecisti de illis qui prius nos afflixerant & *odientes nos confudisti*, confusione quę adducit gratiam & gloriam, cum eos odij pristini pœnitentia donasti. *In Deo laudibimur tota die*: Dicentes non nobis Domine, non nobis, sed nomini tuo da gloriam. & *in nomine tuo confitemur in secula*, quia dicemus: Benedictus Dominus die quotidie, prosperum iter faciet nobis Deus salutarium nostrorum. Hęc ergo de felicitate temporali Israel, & spiritali ecclesię. Post hęc vero quid?

Nunc autem, hoc scilicet aduersitatis tempore & præcipuę Babilonicę captiuitatis ac tempore Regis Antiochi. *Repulisti nos & confudisti nos.* Repulit Dominus Israel secundum carnem. In primis, cum aliquādo in rebus turbatis cum consuleret. Manifestissimè id apparet Ezech. 20. vbi dicit Ezechiel, Venerunt viri de Senioribus Israel & sederunt coram me. Et factus est sermo Domini ad me dicens. Fili hominis loquere senioribus Israel. Nunquid ad interrogandum vos venistis? viuo ego quia non respondebo vobis. Repulit etiam preces eorum cum etiam Ieremię dixit: Tu noli orare pro populo hoc, neque assumes pro eis laudem quia non exaudiam te. Et alibi subinde confudit eos; Cum mandauit Ezechieli vt oraculi loco ostenderet eis iniquitatem patrum eius. Et Ierem. 13. Ego denudaui scœmora tua ante faciem tuam, & apparuit ignominia tua, adulteria tua, scelus fornicationis tuę. Confudit quoque eos quando præter spem & morem ab hostibus turpiter victi sunt. & *non egredieris Deus in virtutibus nostris.* i. non dabis victoriam ne quidem maximis & potentissimis exercitibus nostris. Postquam enim Israel peccauit Domino, vnus hostium fuf-
gavit mille, & duo decem millia. 11. Ierem. 13. Deut. 32.

Avertisti nos retrorsum post inimicos nostros, quia eis nos seruire fecisti, sicut minatus eras: Ipse erit in caput, tu in caudam. & *qui oderunt nos diripiebant sibi.* De qua re & Isaias: Quis dedit in direptionem Iacob & Israel vastantibus? 12. Deut. 19.

Dedisti nos tanquam oues escarum. i. dedisti nos hostibus tanta animi securitate consumendos, ac si ad hoc esset mus naturā comparati, & *in gentibus per diuersas captiuitates distersisti nos.* Vnde autem populo huic mala hęc? Ex ipso populo, Sequitur enim: 13.

Vendidisti populum tuum. Pulchrè notat Ambrosius id fere vendi quod possessori suo amplius inutile est. Dicit ergo, *Vendidisti populum tuum.* tanquam ob sterilitatē & impietatem in posterū tibi inutilem, *sine pretio*, quia propter peccata, rem nullius pretij, cum abiecisti. Sicut scriptum est: 14.

F ij Ecce

Ecce in iniquitatibus vestris vediti estis. Quæ negotiatio dicitur venditio, quia cum Israel propter sua peccata in potestatem hostium sit translatus, fuit in ea translatione ratio iustitiæ commutatiuæ. Quæ tamen dicitur facta sine pretio, quia id ob quod Israel in potestatem hostium iustè deuenit, nullius est præstantiæ siue pretij. Venit enim in potestatem hostium propter peccata, & non fuit multitudo in commutationibus eorum. i. non fuerunt multi quibus hæc pœna in bonū commutata est, siue profuit in emendationem; ita vt hic non multiplicaueris lætitiā seu iubilationem. Pro commutationibus enim alij legunt Iubilationibus siue hymnis.

15. *Posuisti nos opprobrium vicinis nostris, subsannationem & derisionem*
his qui in circuitu nostro sunt, quando impletum est quod dixit Ieremias, viderunt eam hostes & deriserunt sabbatha eius.
16. *Posuisti nos in similitudinem*. i. parabolam siue fabulam *gentibus, commotionem capitis in populis*. Mouere caput erat subsannantium, vt patuit Christo crucifixo, & in Senacherib de quo Isaia: Despexit te & subsannauit te virgo filia Sion, post te mouit caput filia Hierusalem.
17. *Tota die verecundia mea contra me est, & confusio faciei meæ cooperuit me*. i. verecundia & confusione peresus sum.
18. *A voce exprobrantis & obloquentis*. Quid quæso exprobrantis, nunquid cultum veræ religionis? nequaquam, si enim exprobramini propter Deum, beati. Sed à voce exprobrantis conscia peccata quæ vna cum religione, & in ipso religionis cultu commisimus, & non poteramus negare.
19. *Agnitio enim vultus nostri, vt inquit Isaia, respondebat nobis, quia vultus noster etiam negantibus nobis, exprobrantibus fuisset attestatus*. De hac exprobratione Ezechiel: Ingressi sunt ad gentes, ad quas introierunt, & polluerunt nomen sanctum meū, cū per ironiam diceretur eis: Populus Domini iste est, & de terra eius egressi sunt. Cōfusio etiā faciei meæ cooperuit me, a facie inimici & persequēris, quia nobis consciū erat cor nostrum nos aduersa ista pro peccatis nostris pati, & nos per illa peccatorū nostrorū pœnas dare. Quæ omnia etiā Christianis cōueniunt in nouo testamento in potestātē hæreticorum redactis. nam & illi dicunt: *Nunc autē*. i. hoc tēpore quo abūdauit iniquitas, *repulisti & confudisti nos*, quia cum in eo glorificari soleamus, vt olim dicebat Moyse, quod tu Domine esses in medio nostri, & adesses cunctis obsecrationibus nostris, nunc à te, ad te etiam cōuersi, repulsam patimur, quia aut non rectè conuertimur, aut præponderant iniquitates nostræ nostris precibus, quo minus quod pro aliorum salute æterna aut nostra temporali petimus, impetremus. In eo ergo confundis nos, quia confunditur, cuius oratio (præsertim pro suis demeritis) repellitur. Quod non ignorabat Bethsabæe cū diceret filio suo Regi: Petitionem

tionem vnā paruulā peto à te, nō confundas faciē meā. *Et nō egredieris Deus in virtutibus nostris.* i. nō cooperaberis neque optatum successum vel euentum dabis spiritali nostrā militiā, quā exercēmus aduersus hostes iustitiā, cuius arma sunt, disputationes, conciones, orationes, reformationes & similia; nec militiā nostrā externā, cū videlicet principes nostri armis & exercitibus suis fidei & disciplinā sacrae integritatem defendere aut vindicare moliantur. *Auertisti nos retrosum post inimicos nostros,* quia tam illi qui Ecclesiā fidem, quā qui eius disciplinā oderunt, audacia, fauore, numero & rerum successibus potiores obtinent, eisque succumbimus. *Et qui oderunt nos,* idem scilicet *diripiebant sibi.* Alij enim ab Ecclesia rapiunt, & ad se transferunt ecclesiasticā auctoritatem. alij opes eius in suos vsus conuertunt, alij alia. Et hæc quidem mala obueniunt Ecclesiā ex parte inimicorum. Nunc audiamus quānam eidem accidant ex parte infirmorum & instabilium membrorū eius; Inter quā primum est, *Dedisti nos* permittendo, idque quoad maiorem nostri partem, *tāquam oues escarum.* i. hostibus fidei atque iustitiā tam facili negotio deuorandos tradidisti, ac si ad talem deuorationem sustinendam à natura essemus comparati, sicut oues escarum commestioni hominū. Tum autem Christiani ab hostibus religionis deuorantur, cū corpori hæreticorum aut malignantium consensu suo vel cooperationis voluntariā confortio inferuntur, & sub obedientia diabolici capitis vno perfidiā spiritu viuunt. *Et in gentibus dispersisti nos.* i. in varios gentiliū mores, variaque studia earum rerum quas gentes inquirunt, ab vnanimitate fidei atque ecclesiasticæ fraternitatis permittendo ac deferendo nos distraxisti. *Vendidisti.* i. pro meritis priorum peccatorum in alieni domini, (de quibus scriptum est: Domine possederunt nos domini absque te) potestatem transfuisti *populum tuum sine pretio,* quia pro peccatis, vt dictum est, *et nō fuit multitudo in commutationibus eius.* i. si aliqui ex hac venditione in melius commutati sunt, illi tam pauci sunt vt multitudini eorum qui sine pretio venditi sunt, nō sint comparandi. Cū itaque scripturæ sacrae dicūt quosdam venundatos vt facerent malum in conspectu Domini, intelligendum est eos pro meritis priorum peccatorum suorum à Deo desertos esse, & inde consecutum, vt à Deo deserti sua sponte in peiora mala inciderent. Deus enim peccatores in grauiora peccata nō cogit nec præcipitat, sed dignos deserit, inquit Augustinus, tantum deserit, deserti autem à luce iustitiæ quid pariant, nisi opera tenebrarum? *Posuisti nos in opprobrium vicinis nostris.* i. ijs qui vndique circa nos sunt. *Subsannationem & derisum his qui sunt in circuitu nostro,* quia cum sacra nostra, quæ sunt potestates Ecclesiæ, sacramēta, officia diuina, nō ea quæ oportet religione, integritate,

Isaia 16.

De nat. &
grat. ca. 23

F iij iudicio

Tbren. 2.

iudicio & fructu, siue à præsidentibus, siue à populis tractantur, administrantur, suscipiuntur, tam sacra ipsa, quàm illi qui eis vtuntur, ab hostibus ludibrio habentur, ita vt hic repeti possit, quod ex Ieremia paulo ante diximus; Viderūt eam. i. mores eius quos habet in sacris, hostes, & deriserunt sabbatha eius. *Posuisti nos in similitudinem gentibus*, quia illi qui gentiliter viuunt, doctrinam & ritus nostræ religionis sibi in parabolas, iocos, dicteria, sales, maledictiones, aliaque verborum ludibria & impropria atque execramenta conuertunt. *commotionem capitis in populis*, commotio capitis gestus est deridentis, Per quam significatur quod hostes Ecclesiæ præter dicteria etiam gestibus, actionibusque mimicis sancta Ecclesiæ derideant. *Tota die. i. sine intermissione, verecundia mea contra me est*, quia verentur Ecclesiæ constantes filij, aut fidei suæ rerumque ecclesiasticarum vel mentionem facere, aut aliquid suæ religionis exercere, ne ista ratione prouocent petulantiam gentilium & hæreticorum, & *confusio faciei meæ cooperuit me. i. pudore abundantissimè suffusus sum*. Dicuntur autem hæc quæ multis communia sunt in numero singulari, quia omnes Ecclesiæ filij hæc vno ore deplorant. vnde autem hæc confusio? *A voce exprobrantis*, impietatem scilicet hypocrisis, amorem sui, fraudes, superstitiones, aliaque vitia, quæ priusquam hæretici discessionem ab Ecclesia facerent, in Ecclesia tanta manifestatione impune grassata fuerunt, vt cum audientes hæc conscij sibi sint non superesse vllum locum negationi aut excusationi, succumbant confusioni & *obloquentis. i. in hæc vitia in omni conuentu, commeatu, congressu, conuiuio, indefinenter inuehentis*. Similiter & dicta verecundia oritur. *à facie inimici & persequentis*, quia timent fideles quidpiam suæ religionis proferre aut exercere, ne id faciendo infidelium furorem aut saltem obloquendi petulantiam prouocent.

19.

Hæc omnia. Nunc finito ploratu illi qui in aduersitatibus tam veteris, quàm noui testamenti tempore in timore Domini perseuerant, de semet ipsis sermonem inferunt & dicunt. *Hæc omnia. q. d. tanta mala venerunt super nos, nec oblitus sumus te. i. non deposuimus memoriam iustitiæ & iudicij tui, bonitatis tuæ, acceptorumque à te beneficiorum, bonique gustus quem aliquando percepimus ex doctrina & Ecclesiæ Sacramentis*. Hinc autem prouenit quod sequitur & *iniquè non egimus in testamento tuo. i. inter tanta mala nihil cōtra pacta & legem tuam externo opere commisimus*. Inter quos annumerari debet Tobias, qui in captiuitate positus, legem Dei non dereliquit, pergens in Ierusalem ad templum Domini ei que omnia primitiua sua & decimas fideliter offerens, &c.

Tobia 1.

20.

Et non recessit retro cor nostrum. i. nec quidem intus, vbi nemo præter te videt recessus ab eo, quod primitus nobis traditum est sancto mandato,

dato, & *declinasti semitas nostras*. i. semitas fidei & pristinae obseruantiae quas nos pauci & quasi palantes ambulamus. Has inquam, *declinasti à viarum*, quia eas ab infestatione hostili tuitus non es. Idque,

Quoniam humiliasti nos in loco afflictionis. i. permisisti nos varijs afflictionibus subijci atque deijci, ac de solito splendore & auctoritate deturbari, & *cooperuit nos umbra mortis*. i. ita latitamus, ac si omnes extincti essemus & mortui. In has autem latebras forinsecus detrusis, quandoquidem magna tentatio exoritur recedendi à Deo viuo, eo quod foris non sit qui instruat, corripiat, arguat, aut quem vereantur; Ideo contra hanc tentationem valde periculofam, ne ab ea superentur sequentibus verbis se corroborant & sibi metipsis dicunt.

Si oblitus sumus nomen Dei nostri, & si expandimus manus nostras ad Deum alienum. i. si ad infidelitatem relicta auita patrum nostrorum religione, transeuntes, ei manum dederimus. Proprijsimè autem hic versiculus conueniet Christianis, qui inter iniquos latebunt tempore Antichristi. Ille enim, vt docet Daniel, relinquet Deum patrum suorum & ad cultum alieni Dei omnes traducere conabitur.

Nonne Deus requirit. i. suo tempore vindicabit *ista*. i. hanc discessionem, etiam si eam homo in praesenti tempore non puniat aut improbet? q. d. Imo vindicabit. *Ipsè enim nouit abscondita cordis*, multo minùs expansio manuum ad Deum alienum abscondita manebit ab oculis eius & inulta. *Quoniam propter te*. i. tui causa, quia tibi fide & charitate adhæremus, *mortificamur tota die*. i. varijs mortium & cruciatuum generibus conficimur. In hunc enim sensum, hunc versum citat Apostolus: *Æstimati sumus sicut oves occisionis*. i. tanquam morti destinati, & ideo sine commiseratione occidimur. Tandem nāniam hanc inuocatione concludunt, & dicunt:

Exurge quare obdormis Domine? Dionysius Areop. dicit diuinum somnum esse Dei secretionem ab ijs quæ prouidentia gubernantur, & communitatis priuationem. Vigiliam autem prouidendi ijs qui institutionis & salutis indigent attentionem: dicunt itaque, *Exurge in auxilium scilicet quare obdormis Domine?* i. auxilium prouidentiae tuae à nobis secludis? *exurge ne repellas nos ab auxilio tuo in finem mundi*, qui erit dies iudicij. Certi enim sunt, se in illo die ab omni infestatione inimicorum liberandos.

Quare faciem tuam auertis, obliuisceris inopia nostra & tribulationis nostrae? Quid? verba hæc videntur potius murmurationem, iurgium atque querelam exponere quàm orationem. Id quidem (quantumuis verba & in alium sensum accipi possint) arbitror non negandum esse, sed potius animaduertendum huiusmodi orationes quæ sunt in Scripturis admodum frequentes, esse orationes infirmorum. Vt enim sanctissimè docuit Cyrillus, mode-

21.

22.

23.

Rom. 8.

24.

In fine epi.
ad Titum.

232
3 in loam.
cap. 34.

IN PSALMVM 43.

Modesta oratio est perfectorum, cui, inquit, exæquatur imbecillum ac infirmorum murmuratio & obiurgatio. hanc enim nullo modo Saluator molestè fert: nam quemadmodum ploratu necessaria sibi alimenta infantes flagitant, & hoc modo mater ad fouendos filios suos prouocatur, sic conuersus obiurgationisque plenus clamor ad Deum (si ab infirmis adhuc & infantibus in habitu virtutis sit) petitionis locū retinet. Hæc Cyrillus. Quæ autē sit inopia & tribulatio de qua dicunt, explicatur in hoc quod sequitur:

25.
1 de Cain
& Abel,
cap. 10.
Quoniam humiliata est in puluere anima nostra. i. quia in his aduersitatibus, qui inter nos sunt animales, i. medij vt docet Ambro. inter spirituales siue perfectos, & carnales qui nihil nisi terrena sapiunt, hi inquam animales puluere multo peccatorū non manifestè mortiferorum, ex conuersatione cum infidelibus & iustitiæ inimicis conspersi sunt, & à pristina religionis perfectione ac obseruantia multum deiecti; & hæc est inopia nostra, quam deploramus. *conglutinator est in terra venter noster.* i. qui inter nos carnales sunt, omni penè salutis cura seposita, toto animo secularia sectantur. Et hæc est causa tribulationis nostræ. Hanc interpretationem confirmat Ambrosius in hæc verba; Homines qui terrena sapiunt, nec interiore affectu eriguntur ad cælum, videntur vtero reptare per terram: utique ventrem animæ nostræ nō corruptibilibus huius sæculi implere, sed magis Dei verbo satiare debemus. Bene igitur David personam suscipiens Adæ dicit: *adhæsit in terra venter noster.* adhæret enim, dum configuratur serpenti, qui pascitur iniquitate aliena. Hæc Amb. Quæ cum ita sint & valde miseranda.

26. Exurge Domine adiuua nos, & redime nos propter nomen tuum.

PSALMVS XLIII.

In finem pro ijs qui commutabuntur filijs Core ad intellectum, canticum pro dilecto.

Per eos qui commutabuntur intelligendi sunt Christiani, quibus commutatio competit ab initio suæ vocationis vsque ad finem. A principio enim mutari debent ex malo in bonū. Deinde, de minori bono in melius. Denique ex bono prouectiōe ad perfectum, & ex morte ad immortalitatem. Ideo autem istis his Psalmus inscribitur, quia in eo canitur Dominica incarnatio, è qua omnis Christianorum mutatio oritur. Est hic & canticum pro dilecto qui est Christus, Filius Patris dilectus, quia cum quadam mentis iubilatione, sermonisque festiuitate hic describitur epithalamium, seu carmen nuptiale in coniunctionem Christi & Ecclesiæ.

1. Eructauit cor meum verbum bonum. Multi ex veteribus, & in primis Athanasius.

Athanasius contra Arianos pluribus locis intelligunt hec verba per Psalmem dici, ex persona Dei Patris, eisque describi productionem æterni Verbi à suo principio; Et quidem rectè, quia illam productionem describunt admodum convenienter, propriè, paucis & plenè. Cor enim convenienter designat principium ex quo producit verbum, quia tametsi, ut notauit Ambrosius: Vterus, vulua, cor, os & similia quæ Deo metaphoricè tribuuntur, omnia in Deo vnum sint, tamen processio filij Dei cum describitur ut processio verbi, convenientius nobis hominibus describitur tanquam ex corde prodire, sicut quando eadem describitur tanquam processio filij, convenienter describitur prodire ex utero, quia apud homines verbum exit ex corde, filius naturalis genuinus & consubstantialis ex utero. Dignatur autè Deus, ut docuit D. Augustinus, sublimia sua ad humana verba dimittere, ut vel sub talibus similitudinibus diuina innotescant hominibus. Similiter verbum (*eructauit*) huic productioni designandæ accommodum est. Eructatio enim, de quadam plenitudine erumpit: sic verbum de plenitudine Dei patris processit. In primis quia de eius fecunditate, quæ ad naturæ cuiusvis plenitudinem ac redundantiam pertinet. Deinde quia Verbum de plenitudine hac plenissimè processit, ita ut ob suam quam procedendo accepit plenitudinem verbum tantum vnicum sit, ut docet Athanasius. Sed nec viciat quod verbum hoc dicatur *Verbum bonum*. Cum enim vnus bonus sit Deus, atque adeo bonum esse Deo proprium sit, si Ambrosio credimus, Psalter hic dicendo *Verbum bonum*, insinuat verbum illud de quo dixit verum & vnum Deum esse. Hoc autem videtur per scripturam specialiter insinuandum fuisse, fieri enim potest, ut qui naturali ratione vnius Dei cognitionem inquirunt, concipiant quod à mente diuina verbum aliquod procedat (nulla enim mens quæ sui vsum habet sine verbo est) illud tamen verum Deum esse non intelligant. Propter quod etiam Ioannes bñca mentione verbi tam sollicitè adiunxit: Et Deus erat verbum. *Deo* ego Perseuerat sermo in persona Dei Patris *operamur* Regi qui est hoc verbum bonum. q. d. Opera quæ ego facere volo aut propono, demandando huic Regi, atque adeo per ipsum illa facio, & ipse mecum. Quam rem in propria mandati forma, sed ad nostrum captum descriptam habemus Genes. 1. vbi dixit Deus Verbo suo Regi, fiat lux. In his enim verbis (si Cyrillo credimus) videre licet, inquit, Patrem dicentem ad Filium, Fiat Lux, quod quid quæso aliud est, quam dicere opera sua Regi? Hæc itaque particula in effectu nihil aliud significatur, quam quod Deus Pater per verbum quod dixit se eructasse, omnia fecerit. Sed ne in hoc mandato arrogans (ut Ambrosij verbis utar) existimes iubentis siue dicentis imperium, aut vile siue seruile facientis obsequium, Deus Pater eum cui loquitur herili auctoritate

Cap. 11. de
b. patriarch.

Cap. 11. cō.
Ad ment.

Cyr. 1. The
sum. cap. 6.

Epist. pro
Deo. cō
cōl. h. c.

Cyr. 1. in
tol.
Basil. hom.
2. epist.
am. 1. f. 2.
hexa. ca. 1.
et præf. in
li. 2. de Spi
ritu.

G tate

tate prædictum esse significat, cum dicit: *Dico ego opera mea Regi*. Si enim cui loquitur rex est, ergo in producendis Dei Patris operibus siue creaturis regia vititur auctoritate, neque vlla Patri obsequitur seruitute. Si vititur regia potestate ergo non est minor mandante siue dicente. Nec vacat mysterio quod verbo præsentis temporis dicit, *Dico*, quia hoc Dei dicere siue mandare præsens simpliciter est, sicut enim non habuit initium, ita nec transit in præteritum.

2. *Lingua mea*. Per Linguam Ambrosio designatur Spiritus sanctus, quia
Epist. 82. Spiritus sanctus per linguas igneas Ecclesiæ primitus apparuit atque inno-
Epist. 14. tuat. Hic est *Colimus*, siue ut legit Hieronymus, *stylus scribere velociter scribens*, quia stylum quo vsi sunt qui scripturam conscripserunt, Spiritus sanctus eis adornauit, direxit, disposuit atque præparauit. Spiritu enim
ad Marcell. sancto inspirati, locuti sunt sancti Dei homines; Dicit proinde Athanasius, quemlibet psalmorum ea verborum forma conceptum esse à Spiritu sancto, & ita temperatum, ut in illis motus affectuum nostrorum animaduertamus. Hunc tamen stylum Spiritus sanctus qui formauit os hominis, & omnia conuenienter disponit, unicuique hagiographorum sic accommodauit, ut esset similis stylo eis consucto & modo loquendi familiari. Sed contra hæc argumentantur quidam in hunc modum: Si scriptura sacra à Spiritu sancto dictata esset, oporteret scripturam tunc vno per omnia stylo constare. Sed hoc argumentum tum demum procederet, si Spiritus sanctus vnum tantum sermonis genus nosset, vel vnum tantum stylum haberet. Isti autem scribere velociter scripserunt, quia diuino spiritu vbertatem dictorum, rerumque (ut
Lib. 1. in Ambrosij verbis utar) ministrante sine villo molimine cepta cõpleuerunt:
Lucam. vnumquodque enim animalium coram facie sua gradiabatur, quia coram se diuinis manibus descriptum videbat quod sibi scribendum esset: unde & Ieremias dicitur locutus fuisse ac si legeret ex libro: quia stylum præscribebat illi Spiritus sanctus. Diuus tamen Hieronymus satis liberè pronunciat, hæc horum versuum interpretationem magis superstitiosam esse, quam veram. A cuius sententia non procul abest Basilius, iudicans cum D. Hieronymo Psaltem prædictos versus potius dixisse in sua persona, eo quod per totum Psalmi decursum, in quo sermo nunc ad sponsum, nunc ad sponsam dirigitur, nullius persona loquentis præterquam Psaltis introducatur. Secundum quos hic est sensus *Eruclauit cor*, &c. i. de plenitudine cordis mei os meum verbum bonum & sermonem verum locutus est. Tales enim,
In cap. 58. inquit Cyrillus, fuerunt diuinæ mystagogi, è corde suo, tanquam è perenni fonte piæ doctrinæ riuulos demittentes, & eorum qui instituuntur animos opulenter irrigantes. Tum autem bonus est sermo qui de corde eructatur, cum prius spiritus veritatis internum hominis affectum, qui in corde
sentitur,

sentitur, vero ac prudenti pietatis sensu impleuerit sine quo cor hominis ferre, vt pseudoprophetis Hierem. exprobrat, seductiones eructat. Ideo orabat August. Ego sentio quam multa signēta pariat cor humanū & quid est cor meū, nisi cor humanū? Sed hoc oro Deū cordis mei, vt nihil ex eis signētis pro solido veto eructē in has literas, sed inde veniat in eas, quicquid per me venire potuerit, vnde mihi aura veritatis eius aspergitur. *Dico ego opera mea Regi*, Propheticus enim chorus, inquit Hierony. Christi & Ecclesie sacramēta dēcturus, ne carmine videatur indignus, & ob conscientia peccato: ūd catur ei, vt quid tu enarras iustitias meas? opera sua Regi ante omnia confitetur, vt vel si bona sunt ipse suscipiat, vel si mala, mundet. Atque his verbis carmen suū Deo cōsecrat seu dedicat: *Lingua mea calamus*. i. instrumentum *scribē*. i. Spiritus Sancti *velociter* per torrentissimū gratie influxū sine hesitatione *scribentis* quicquid ille suggererit, meum enim est, inquit Hiero. linguam meā Spiritui sancto organū prābere. Illius vero per organum sonare quæ sua sunt. vel, *Lingua mea* sit instrumentum Spiritus S. qui quod verbis præparo, per gratiam suam velociter describat in cordibus audientium. Itaq; versus prædicti in sensu diui Hieronymi accepti, erunt reliquæ Psalmi parti loco cuiusdam proœmij, post quod Psalter rem ipsam aggredditur, dicens in persona sua per apostrophē ad Christum

Speciosus forma præ filiis hominum. Quæ verba optimē Hieronymus interpretatur de facie Christi humana, qui etiam si (quod Tertullianus dixit) ne quidem humanæ honestatis corpus habuisset, ipsum tamen eius corpus non parum decoris accepisset ex splendore latentis diuinitatis, ex oculis & vultu eius (vt dicta epist. & in Matth. docet Hieron.) emicātis, & ad sui dilectionē efficaciter allicientis. Basilii tamē intelligit Christū dici speciosum forma, &c. secundū diuinitatē, cuius pulchritudo tanta est, vt pulchritudo hominum pulchritudini illius ne quidem sit comparanda. *Diffusa est gratia in labijs tuis*, quia præter hoc quod vultu tuo ad te allicere poteras quos volebas; *Diffusa*. i. latissimē ad omne dictionis genus copiosē diffusa est sermonis gratia *in labijs tuis*, eaque tanta, vt cum loquereris, mirarentur omnes in verbis gratia, quæ procedebant de ore tuo. *propterea*, i. merito predicationis tuæ, quam tanta oris gratia ad fatigationem vsque perieciisti, *Benedixit te Deus in æternum*. i. gloria nominis tui nunquam interitura te donauit, & ad consessum dextere suæ sublimauit.

Accingere gladio tuo super fœmur tuū potētissime. Quidā intelligūt his verbis adhortationē fieri vt Verbū carnē accipiat, eo quod per *gladiū* intelligatur in scripturis Verbū Dei: Per *fœmur* autē generatio carnalis. Et ad hoc inuitari intelligūt filiū Dei sub nomine potentissimi, quia summę potētiae opus fuit humanā naturam in vnitatē diuinæ personæ hypostalticē assu-

G ij mere.

Cap. 14
23.
4. de Trin.
cap. 1.

Epist. 14

3.
Cap. 9. de
car Christi.

4.

mere. Hic ergo locus notandus esset, contra eos qui arbitrantur Angelum potuisse humanam naturam in unitatem suæ hypostasis assumere. Hoc enim non videtur esse verum, eo quod scriptura assumptionem extraneæ naturæ ad propriam hypostasin, non nisi Potentissimo attribuat. Sed expositio hæc videtur esse satis præpostera eo quod Psalter verbum incarnatum iam hætenus compellauerit. Alij itaque in his & sequentibus verbis considerant ardens quoddam votum Prophetæ, qui postquam per prophetiæ spiritum viderit Christum fore speciosum forma, & gratia labiorum ad conuertendas in amorē sui animas præditū, nimio illius æstuans desiderio, exclamet: *Accingere gladio tuo super fœmur tuum potentissime. q. d. tu qui præ reliquis omnibus potens eris in opere & sermone coram Deo & omni populo, arripe gladium tuum penetrabili orem omni gladio ancipiti & pertingentem vsque ad diuisionem animæ & spiritus, & virtutem speciei tuæ atque oris tui reipsa exere. Gladio enim super fœmur accingi, idem esse quod illum arripere, illumque expedire, satis testatur illud Cantic. Vniuscuiusque ensis super fœmur suum propter timores nocturnos. Et quia Christus præterquam quod verbis, etiam vultu suo multos sibi (vt diximus) attracturus erat, subiungit Psalter:*

5. *Specie tua.* (Speciosum, inquit Basilus, id dicitur quod accommodum & necessarium proprio vigori tempus expleuit, vnde & Tertullianus pro eo quod nos legimus, *Speciosus forma*, legit Tempestiuus decore) ac si diceret: Vsque ad trigesimum ætatis tuæ annum diu satis teipsum continueris, tunc autem velut ætate, & pro ætate gratiæ simul manifestatione maturus: *Et simul pulchritudine tua.* i. contemplabili tua, inquit Basilus, & intelligibili diuinitate *intende.* i. te modicè insinuando, homines tibi attrahere incipe. Quod Christus videtur fecisse circa duos discipulos Ioannis, quorum alter erat Andreas, cū eos primum domum duxit. *Prosperè procede.* i. fac eos temetipsum sensim magis manifestando, in cepto amore tui felicem progressum facere: *& regna.* i. vsq; ad speciem gloriæ eos tandem proueche. Vel, *intende.* i. à paucis quos colligas opus tuum ordire. *Prosperè procede.* i. à paucis ad multitudinem tibi conciliandam procede. *Et regna.* i. integrum, imo totius mundi regnum sic tibi sensim acquire. Idque
6. *Propter veritatem, & mansuetudinem, & iustitiam.* q. d. Hæc præstare poteris per *veritatem* quam allaturus es: Omnis enim mundus veritatem inuocat, & ipsa fortior est præ omnibus, & inualefcit in æternum, & viuut & obtinet in sæcula sæculorum. *Et in insuetudinē,* qua inuitabis eos qui laborant atq; peccatis onerati sunt, vt discāt à te quia mitis es & humilis corde, & vt reficias eos. Gb id enim fiet, vt sicut olim ad Dauidem, ita ad te cōueniant omnes qui erunt in angustiis constituti & oppressi ære alieno & amaro

5.
Basil. in
hunc locū.
Tert. ca. 14
ad Iud. &
3 cō. Marc.

3. Esdr. 4.

1. Reg. 21.

amato animo, ut fias eorum princeps. *Et iustitiam*: quia non secundum visionem oculorum iudicabis, neque secundum auditum aurium argues, sed iudicabis in iustitia pauperes, & argues in aequitate pro mansuetis terge, atque ita in iustitia firmabis solium tuum. Vel, *Propter veritatem*. i. ut quia res humane inuerse sunt mendacio, seras veritatem: Exemplo tuo doceas mansuetudinem tantam, ut populus tuus in tormentis constitutus nihil exasperatus, etiam oret pro suis tortoribus. *Et iustitiam*. i. ut dones hominibus iustitiam: Et in his tuis conatibus, *deducet te*. i. ordinatè & feliciter procedere faciet te *mirabiliter*. i. ad admirationem usque, vel multis simul adhibitis miraculis, *Dextera tua*. i. propria tibi & domestica virtus tua.

Sagittæ tuæ. i. Sermones tui viui, qui prius per gladium, nunc vero per sagittam describuntur, quia subinde & quidem non raro per modum sagittæ inexpectatò atque ex improvisò, atque adeo latente eo qui eas emisit, incidunt & vulnerant: *Acutæ*. i. sunt compungentes, transigentes conscientiam quamque, inquit Tertull. (*populi sub te*. i. subiecti erunt tibi) *cadent in corda inimicorum regis*, quia corda tibi inimica penetrabunt & conuertent. Quod enim dicit, *corda inimicorum regis*, modus est loquendi sacræ scripturæ familiaris, ut multis exemplis docet Augustinus: Idem enim est ac si diceret, in corda inimicorum tuorum. Hæc ergo tempore prædicationis tuæ. Quo transacto,

Tertull. a 1.
uer. iud. 69

12 De Tri.
cap 6.

Sedes tua, in qua tunc Iudex sedebis ad dexteram Patris, *Deus*. Cùm sedis huius mentionem facit, appellat speciosum forma præ filiis hominum, Deum, quia à tempore quo sedem hanc accepit, accepit etiam nomen quod est super omne nomen, ut passim Deus vocaretur. *In sæculum sæculi*, quia super solium David sedebit amodo (habet enim humanitas Christi suum in illa sede initium) & usque in sempiternum, quia regni eius non erit finis. *Virga directionis regni tui*. i. sceptrum illud beati regni tui, non est sceptrum laboris, quale fuit sceptrum regni tui in hac vita, cùm hic esses constitutus Rex super Sion montem sanctum Dei prædicans præceptum eius, sed est sceptrum siue virga directionis; E sublimi enim sede regni tui, eos qui oris sui gladio atque miraculis cepta tua prosequuntur, & regnum tuum à te hic fundatum in extrema usque terræ extendent, diriges atque deduces, ut rem conuenienter instituant & prosperè perficiant. Vult autem aliquis hæc audiens cognoscere quoniam hæc quæ descripta est humanæ salutis œconomia, oborta sit principio?

Isaie 9.

Dilexisti iustitiam & odisti iniquitatem. Quibus verbis Psalter Christus alloquitur secundum diuinitatem: Quod tamen cautè intelligendum est, Arriani enim, Filium creaturam esse cõtendentes atque mutabilem, dicebant eum dilexisse iustitiam, & odisse iniquitatem, liberi sui arbitrij tan-

9.

G iij quam

Serm. 2. cō.
Arrianos.

quam boni & mali capax electione, non naturæ bonitate. Contra quorum blasphemiam sic Athanasius: Dilexit (inquit) iustitiam, non ut obnoxius legibus, non ut in alterutram partem deflexibilis, ut hoc amet, illud auerfetur, sed potius ut Deus, & verbum Patris, ut Iudex, & virtutis studiosus vel potius choragus, suppeditatorque virtutis. Iustus ergo natura cum sit & sanctus, hoc sensu iustitiam diligere pronunciat & odisse iniquitatem. Hæc Athanas. Sensus itaque est; *Dilexisti iustitiam & odisti iniquitatem*: q. d. Pro æterna tua bonitate dilexisti lapsos ad iustitiam tibi placitam atque dilectam reparare; & odio atque auersatione iniquitatis, indignatus humanum genus iniquitati subiaccere, cogitasti illud ex usuris & iniquitate redimere: Quod ut conuenienti modo faceres, *Propterea unxit te, ô Deus, Fili Dei, Deus tuus*, Pater videlicet, qui secundum humanam naturam

Cyrl epist.
1 & 10.
15. de Trinit.
cap. 6.

& Deus tuus est, & authore Cyrillo, intelligi debet te Deum secundum eandem unxisse. *Oleo lætitiæ*. i. inuisibili Spiritus sancti vnctione, cum videlicet caro à Verbo assumeretur, inquit August. ut humana natura sine ullis precedentibus meritis in utero Virginis Verbo Dei copulata in Verbo subsisteret, & omnium honorum Verbi particeps redderetur. Quod oleum dicitur oleum lætitiæ, imprimis quia pro more suo humanam etiam Christi mentem exhilarauit: Vnde & Iesus exultauit in Spiritu sancto, cum dixit:

Lucæ 10.
1. de Spir.
sanct. ca. 8.

Confiteor tibi Pater, & c. Deinde, quia Christus sua incarnatione, ut inquit Ambrosius, facit exultare morituros, tristitia mundum exuit, mœstæ mortis fœtorem aboleuit. Itaque aduerbium, *Propterea*, hoc loco non meritum importat, ob quod aut Filius Dei Deus fieret, secundum Arrianam impietatem, ut notat Athanas. sed denotat quid Deo placuerit attendere, ac

Athan loco
praalleg.

præ oculis habere, ut Filium suum mitteret in terras. *Præ consortibus tuis*, i. abundantius quam ullus eorum quos tecum habes humanæ naturæ & gratiæ

Amb. 1. de
fide cap. 2.

confortes, ut explicat Ambros. Idque, quia in Christum omnis fons S. Spiritus & gratiæ descendit, eumque fontem gratiæ effecit. Porro, quandoquidem Christus præ consortibus suis vnctus est, ut ipse exciperet vnguentum hoc in se tanquam capite, & inde descenderet in barbam Aaron, usque in oram vestimenti eius. i. ut illud à Christo capite in eos qui in Ecclesia sunt capiti propinquiore, imò etiā in eos qui in ea infimi sunt, descenderet: Ideo Psalter nunc cōuenienter transit ad enarrandam vnctionem consortium Christi, de quibus dicit:

Myrrha, quæ significat gratiam S. Spiritus, quæ opera carnis, & membra mortua hominis mortificantur. & *gutta*, quæ D. Hieron. est flos myrrhæ, significans vnctionem S. Spiritus, per quam mortificatis operibus mortuis in nouitatem virtutis contrariæ hominis cōuersatio efflorescit. & *Cassia*, seu fistula, quæ calore suo internum rheuma consumit, significans Spiritum

Spiritus sancti vnctionem, qua per charitatis ignem cupiditas ipsa absumitur; Hæc inquam vnguenta. i. sub quibus cetera spiritualium vnguentorum species comprehenduntur, redolent à *vestimentis tuis*. i. ex Christianorum moribus, qui eis vt vestes, ad tegumentum sunt, cultum, atque ornatum. Et quia homines istis Chrismatibus delibuti membra tua sunt, ideo & vestes istæ eorum, vestimenta tua sunt. De quibus Isaias, His omnibus vestieris, &c. Præcipue vero redolent hæc vnguenta à *Domibus Eburneis*. i. ijs qui domus tua calta sunt, ob expertem contagionis integritatem: Virginibus inquam. Ebore enim in sacris literis castitatem significari, ex Cantico Canticor. notum est. Huic loco bene conuenit quod alij pro *Domibus* legant *gradibus Eburneis*. Virgines enim & omnes sacre Castimonie cultores, altiore sanctimonie gradum in Ecclesia præ reliquis conscenderunt. Fit autem hic peculiaris mentio virginum, quia filius Dei per id quod in carnem descendit, carnem hominum integritati virginali consecrauit & eidem perpetuæ continentie tribuit virtutem. Immaculatus enim Dominus, immaculatam sibi familiam, etiam in hoc pleno colluuium fragilitatis humanæ corpore consecrauit, inquit Amb. Vitam proinde virginalem, non facile inueniemus in terris nisi postquam Deus in hæc terreni corporis membra descendit. Hæc Ambros. *Ex quibus*, scilicet vnguentis, *Delectauerunt te*; Gaudet enim, inquit Isaias, Sponsus super sponsam *Filiæ Regum*. i. inquit Hieron. qui per doctrinam Euangelij Christo acquisiti sunt. Vel, *Filiæ Regum*. i. ciuitates à Regibus conditæ quæ Christo nomen dedere, inquit August. *In honore tuo*. i. eo præcipue tempore, quo tu ad summum tuæ dignitatis honorem, Patris tui confessum, totiusque mundi regnum peruenisti. Ex omnibus autem his filiabus vna congregatur Regina, quæ est Ecclesia, fraternitatis dilectione in vnum corpus collecta. De qua sequitur,

Astitit Regina, sic dicta, quia Regis æterni sponsa est, & sui victrix, inquit Amb. hæc astat: non enim est Ecclesia cætus lapforum, inquit Cyprian. *A Dextris tuis*; est enim ope tua de sinistra ad dexteram translata, & de potestate tenebrarum ad regnum dilectionis tuæ. *In restitu deaurato*. i. induta charitate, qui vestitus singulariter Ecclesie tribuitur, eò quod cum morales virtutes aliquousque extra Ecclesiam esse possint, hæc Ecclesie soli conueniat. De qua propterea scriptum est: Non deriuentur foras fontes tui, vt interpretatur Aug. *circundata varietate*. Quia manente concordie vinculo, & mutue dilectionis indiuiduo sacramento, distributiones in Ecclesia sunt donorum, ministrationum, diuersitates occupationum, & dispares gradus protentium. De qua varietate Prosper; Ecclesia ita est multimoda varietate contexta, vt in vnum decorem etiam quæ non sunt

Lib. 1. de
virg.

17.
1. de virg.
Cyp. ep. 27.

cōt. Dona.

Epist. ad
Dem. tr. 11.

sunt

sunt paria concurrant & de omni generatione hominum, & de omni gradu officiorum, de omni mensura operum, de omni qualitate virtutum, fiat totius ædificationis inseparabilis connexio, & indifferens pulchritudo, vt nec desit soliditati quod non defuerit portioni, tantaque ibi sit concordia, vt non possit esse nisi omnium, quod est singulorum. Deinde *circundata*

Aug. epist.

26.

Bern. apud

ad quicquid

Abbatem.

12.

remoniarum & similibus. De qua varietate hunc locum interpretatur August. Sicut & Bernar. cum interpretatur de diuersitate religionum. Post descriptam autem Regine maiestatem, Psaltes aduocat ad eam infideles, paterno affectu appellans eos filias, & dicit:

Audi filia. i. Crede & vide. i. ex fide ad intelligentiam profice. *Et inclina aurem tuam*. i. humilia te vt audias. Vel, Appropinqua siue accommoda te vt audias. *Et obliuiscere populum tuum & domum patris tui*. i. vanam conuersationem paternæ traditionis, & gentilitiæ consuetudinis.

13.

Et concupiscet Rex decorem tuum: q.d. non ad modica te inuito. Rex enim ipse concupiscet. i. desiderantissimè adamabit. Amor enim hic per concupiscentiam describitur & per desiderium exponitur, vt significetur amorem hunc non posse flaccescere, desiderio eundem à languore seu fastidio quod superuenire posset vindicante. Ob quam causam etiam amor Angelorum desiderij nomine describitur, cum de Spiritu S. dicitur: In quem desiderant Angeli prospicere. *Decorem tuum*. i. decorem iustitiæ tuæ, aut sui in te similitudinem, vt appellat Bernard. Quam rem etiam Psaltes ob id videtur promittere, vt eo ipso doceat sponsam, sibi in posterum in hoc vicissim incumbendum esse, vt placeat ei cui se probauerit. Si autem rogauerit filia. Quis aut quantus est iste rex ad quem inuitatur: Addit Psaltes: *Quoniam ipse est Dominus Deus tuus*, cui temetipsum vt creatori & bono tuo beatifico omni iure debes. *Et adorabunt eum*. q.d. Is est quem omnes adorant.

Serm. vii.
in Cant.

14.

Et filia Tyri. i. negotiatores sæculi, *In muneribus*. s. adorabunt eum, quia talis ac tantus est vt in obsequium & cultum eius opes suas donent & offerant. Vide ergo ô filia si ob hæc non debeas obliuisci populum tuum & domum patris tui. Sed & præter hæc, *Vultum tuum deprecabuntur omnes diuites plebis*. i. eris de congregatione illa cui potentes ac etiam magnates, supplices reuerentiam exhibent, sicut dixit Isaias: Reges & Regine vultu in terram dimisso adorabunt te, & puluerem pedum tuorum lingent. Huius verò sponsæ ad quam te aduoco quæ & *filia Regis æterni est*.

Isaia 49.

15.

Omnis gloria eius ab intus in simbrijs aureis, circumamicta varietatibus. i. omnis eius pulchritudo quæ in ea foris in decore bonæ & ordinatæ disciplinæ eiusque varietate apparet, vt vera sit, ab intus à pulchritudine

mentis

mentis eius Dei spiritu adornatæ deriuatur, ita vt multum distinguatur ab illis qui foris similes sunt sepulchris dealbatis, intus autem pleni ossibus mortuorum.

Adducuntur Regi. q. d. Non breui tēpore duratura est huius Regine gloria, quia adducuntur Regi virgines post eam. Inde finēter enim accedent huic Regine ex infidelibus qui relicta fornicatione quam fecerint cum idolis, semetipsos velint virginem castam exhibere Christo. *Proximæ eius. i. eiusdem cum ea spiritus candidati, afferentur, Domine, tibi.* 16.

Afferentur inquam in lætitia & exultatione, ipsius sponsæ. Videbit enim & affluet & mirabitur & dilatabitur cor eius cum conuersa fuerit ad eam multitudo maris, fortitudo gentium venerit ei. Et dicet in corde suo: *Quis peperit mihi istos? Ego sterilis & non pariens, & isti vbi erant? Vel, in lætitia eorum qui adducendi sunt quibus dicit Isaias: Canticum erit vobis sicut vox sanctificatæ solemnitatis; & lætitia cordis sicut qui pergit cum tibia vt intret in domum Domini ad fortem Israel.* *Adducuntur in templum Regis; vt in templo eius materiali Regi per Sacramentorum susceptionem initientur.* Vel, vt ipsi efficiantur templum Regi gloriæ. Itaque à loco, *Ex quibus te delectauerunt filia Regum;* huc vsque communem ferre Patrum expositionem & sensum sumus secuti. Eo tamen non obstante, quandoquidem per domos eburneas virginum mentio facta est, idque vt significaretur filium Dei per suum in carnem descensum esse virginis auctorem; videtur tum auctoris proposito, tum proprietati & structuræ verborum non minus consentaneum intelligere prædictam Psalmi partem de propriè dictis virginibus Deo dicatis. Idque hoc modo: *Ex quibus, aromatibus videlicet, delectauerunt te filia Regum.* i. puellæ sæculi opibus & dignitate primæ atque præcipuæ. Nam & istas studium virginis, tui amore, occupabit. Imò virginitas eò sublimata est, vt ex virginibus vna sit quæ *astitit Regina à dextris tuis*, B. Maria videlicet: Quæ vere est Regina, quia æterni Regis sponsa & insuper mater. Hæc, non quidem vt Rex ipse, sedet à dextris Dei Regij throni confors, sed astat throno proxima, æternorum, eorumque quæ ad dexteram pertinere dicuntur bonorum participatione, summa. *In vestitu deaurato.* i. in præstantissima corporis gloria, cui inestimabilem splendorem affert tam sancta & deuota virginitas, & diuini muneris diuinæque prolis fecunditas. *Circumdita varietate,* quia singula eius membra quæ Deo saluatori obsecuta sunt ministraueruntque, suum habent decus atque splendorem. Hanc Regine gloriā postquam Psalter descripsit, conuertit se, & ad virginis studium paterno affectu inuitat iuenculas, dicitque: *Audi filia & vide,* Idque admodum appositè. B. Mariæ enim prærogatiuis prouocata crebrescunt studia virginis. 17.

H & la-

Cap. 17 de
insti. virg.

& sacre integritatis exempla, inquit Ambros. Vnde & de ea canit Ecclesia: Te plebis sexus sequitur vtriusque vitam diligens virginalem, celicolas in castimonia æmulans. Dicit itaque: *Audi filia*; quem scilicet describo virginitatis honorem, & in Regina ista, vide futuram gloriam que reuelabitur in vobis. Nam de integritate carnis Deo dicata, similis cum illa vos manet claritas & gloria. *Et inclina aurem tuam*. i. humilia te, vel, appropinqua vt audias. *Et obliuiscere populum tuum & domum patris tui*. q. d. Non ad solum studium virginitatis, sed maiora te inuito, vt nimirum sicut matrimonialis connubij causa relinquet homo patrem & matrem, & adhærebit vxori suæ; ita tu relinquas patrem, matrem, agros, & vt explicat Basilus, omnia quæ mundi sunt; & vinculo perpetuo adhæreas sponso tuo mente & corpore eius obsequijs iugiter dedita atq; deuota. Igitur hic locus insignis est & elegans, ex quo statuimus solemnem Ecclesiæ consuetudinem secundum quam virgines patri matri & reliquis renunciantes, diuino cultui sese perpetuo manciant, eo casti connubij fœdere, vt si postmodum nubere voluerint, censeantur adulteræ. Queris autem ô virgo, quæ sps ad hæc prouocaris? *Et concupiscet*. i. desideranter adamabit, *Rex*, vt nec amor finem habeat, nec damnum pudor: *Decorem tuum*; inæstimabilem. Quis enim poterit æstimare decorem illum qui amatur à Rege, probatur à iudice, dicatur Domino, consecratur Deo! Addit ergo hoc, vt sicut supra monuimus, ipsæ virgines studeant nulli placere, nisi illi cui se probarunt. *Quoniã ipse est Dominus Deus tuus*, ita vt illi hoc omni iure debeas, quod tamen tibi vel hoc nomine arripiendum offertur, quod ab eo expetaris de quo subijcitur: *Et adorabunt eum; Et filia Tyri in muneribus*. vt diximus *adorabunt eum*. Quod Psalter hic consultò exprimit, solet enim virgines sponso suorum gloria non parum allicere. Insuper *vultum deprecabuntur omnes diuites plebis*; Virgines enim, teste Tertull. solent à fratribus (reliquos Christianos intelligit) omni honore & charitatis operatione cumulari, omnesque reliqui earum preces atque patrocina vsque adeo ambire, vt ipse Cyprianus earum precibus petierit adiuuari, cum in illis à Deo ceperit honorari virginitas. Sed ne amor huius prærogatiuæ atque honoris virgines ad studium integritatis principaliter moueat, & illius rei cupido virginitatem prophanam faciat simul & infirmam; (Vbi enim gloria, inquit Tertull. ibi sollicitatio, vbi sollicitatio ibi coactio, vbi coactio ibi necessitas, vbi necessitas ibi infirmitas) reuocat Psalter intentionem virginis ad veram gloriam sectandam & aucupandam. Dicit proinde: *Omnia gloria eius filia Regis ab intus in sinib; aureis circummicta varietatibus*. q. d. quod virgines vere gloriosas reddit, ab intus ex thesauro bonæ mentis & conscientia provenire debet. Gloria enim conscientia ipsam carnis integri-

Cap. 14 de
velad vir.

Cyprianus
de discip.
bab virg.

tegritatem, disciplinæ studium, & reliqua quæ virginibus ad gloriam sunt vel gloriosè eueniunt, verè gloriosa reddit. Ad gloriam itaque conscientia sectandam se virgo recipiat, ne deprehendatur cum stultis virginibus oleum nō habuisse in vasis suis. Haftenus ergo exhortatio: De cuius euentu intelligi debet quod sequitur: *Adducentur Regi virgines post eam*; ad exemplum enim B. Mariæ quæ prima virginitatem, Augustino teste, vouit. *Proxime eius*; quæ scilicet, vt verbis Ambrosij utar, B. Mariam non solum specie prætendant, sed imitentur affectu. i. quæ eam non solum imitentur integritate carnis, sed pietate ac deuotione mentis, *afferentur tibi Domine*, vt tibi se dedicent, *Afferentur tibi in lactitia & exultatione*, carū scilicet quæ adducentur. Voluntariæ enim esse debent, vt notat Basil. Et eorū qui eas adducunt & suscipiunt. Gaudet enim in virginibus gloriosæ matris Ecclesiæ immaculata fecunditas hunc fœtum absque dolore enixa. *Adducentur in templum regis*. i. vt fiant integra templa regis, Vel, in templum regis. Solent enim teste Ambros. virgines Dei ad altaria vt sacræ victimæ immolari & consecrari. Quæ vt fiant. i. vt siue infideles ad fidei integritatem, siue puellæ è sæculo ad seruandam virginitatem educantur & adducentur.

De sancta
virg.
Ambrosij
Lucā. l. 10

Cypri de di
scip. hab.
virg.

Propatribus tuis, id est, illis, ô Ecclesia, qui te primò in multis locis per Euangelium genuerunt, *Nati sunt tibi*, quia tu eorum mater & nutrix es, *filij*, Apostolorum, qui vno & eodem cum illis spiritu præditi sint, iisdemque incedant vestigiis. *Constitues eos principes super omnem terram*; quia per vniuersam terram per quam dilatanda es, tribues iis principatum vt potestate præ sint. Dico potestate: Principatus enim non charitatem aut virtutem, sed potestatem atque præfecturam, quæ bonis malisque communis esse possit, significat. Et bene dicitur Ecclesiæ iam à Christo & Apostolis fundatæ, *Constitues eos*, vt per hoc doceatur quod ab illo tempore nulla sit potestas aut iurisdictio Christiana, nisi illa ab Ecclesiæ Præpositis in ipsa Ecclesiæ vnitatem accipiantur. Sed fortasse Principes isti incipient in corde suo dicere, Moram facit Dominus meus; & incipient pro potestate agere, atque conseruos suos percutere, & manducare & bibere cum ebrios: Ne id quidem, quia

18.

Memores erunt nominis tui. Recordabuntur enim Domine se tuo nomine tuoque iussu atque ad gloriam tuam Ecclesiis præsidere, seque eiectis illis qui dixerant de vinea quam colendam acceperant, Nostra est hereditas; propterea Dominicæ vineæ cultores effectos esse, vt reddant tibi Domino suo fructum temporibus suis. Huius ergo rei memores, ad tuam voluntatem suam potestatem component: idque *in omni generatione & generationem*, quia tametsi abundet iniquitas multo rû etiam Præpositorum,

19.

Il ij nulli

nulli tamen generationi deerit portio, vt cum Cypriano loquar, Sacerdotum qui ad ruinas tales nequaquam succumbant.

26. *Propterea*, quia scilicet Principes isti non deficient, *populi confitebuntur tibi*, confessione veræ fidei atque laudis. Principum enim horum ministerio atque officio populi ad veram religionem adducentur, atque in ea conseruabuntur, *in æternum, & in sæculum sæculi*. i. quamdiu voluetur hoc sæculum.

PSALMVS XLV.

In finem filijs Core pro arcanis Psalmus.

Dicit pro arcanis; agitur enim hoc Psalmo de vocatione gentium, quæ prioribus sæculis incognita erat, sicut dicit Apostolus: Aliis generationibus non fuit agnitus gentes esse coheredes & concorporales, &c. Incipit autem Psalter loqui in persona eorum, qui in principio Euangelium præsertim in gentibus annunciauerunt, qui dicunt:

1. *Deus noster refugium & virtus*. Quamuis enim per donum Spiritus sancti ad constantiam fuerint corroborati, tamen pro illius doni conseruatione & restauratione fuit eis frequenter ad Deum recurrendum. Ideo etiam, *postquam Petrus & Ioannes tanta constantia Christi nomen prædicassent*, vt magistratui Iudeorum incusserint admirationem, ad suos reuersi vnà cum illis leuauerunt voces suas dicentes: Da seruis tuis cum omni fiducia loqui verbum tuum. Prædicatoribus enim veritatis oratione iugi fortitudinem, i. fortitudinis conseruationem & instaurationem à Deo postulandam esse docet Cyrillus in Ioannem. *& virtus*. prius dixit refugium, nunc virtus, vt insinuet virtutem, refugij infallibilem fructum ac prouentum esse. Est autem Deus prædicatoribus veritatis virtus siue robur animi per donum gratiæ operantis. Est insuper eis adiutor, vt fortia facta, præsertim cum prouentu alienæ salutis, exerceant per auxilium gratiæ cooperantis. *in tribulationibus, quæ inuenerunt nos nimis*. i. quibus supra modum & supra virtutem, vt dicebat Apostolus, pressi sumus & grauati.
2. *Propterea non timebimus dum turbabitur*. i. audita nouæ & inauditæ religionis prædicatione in persecutionem concitabitur terra. i. totus terrarum orbis, sicut factum est tẽpore Diocletiani & Maximiani Imperatorum. *& transferentur montes*. i. principes & sæculi potestates *in cor*. i. voluntatem, studium & appetitum *maris*. i. populi vt mare fremẽtis & tumultuantis. Quod tunc fit, cum principes potestatem suam seruire faciunt plebis furori atque libidini: Sicut fecerunt Gentilium Imperatores, qui ad postulata sacerdotum, & clamorem populi quamplurimos Christianos ad tormenta & mortem rapuerunt. Dicuntur autem hæc mōtes transferri in cor maris, non
contra

contrà, quia vt in Psal. 2. ex Tertulliano diximus, persecutiones complures à vulgo concitatae sunt. Itaque ad exaggerandam persecutionis terribilitatem hic additur, *et transferentur montes in cor maris*. persecutio enim tunc præcipuè horribilis est, cum ad populi fremitum principum furor & potestas se coniungit.

Sonuerunt clamores populi deponentis Christianos ad bestias, ignes, 3.
& id genus tormenta varia. Sonuerunt etiam cum incondito tumultu, turbas commouerunt, sicut Ephesij clamantes, magna Diana Ephesiorum. *Et turbatae sunt aquae eorum.* i. in turbas & seditiones concitati sunt populi eorum; de quibus in Actis, Facta non modica seditione aduersus Paulum. *Conturbati sunt.* i. ad confessionem trepidare, ad prædicationem titubare, in questionibus deficere ceperunt *montes*, i. quidam eorum, qui inter Christianos erant potestate, autoritate, loco, & etiam fide sublimes atq; præstantes, *infortitudine eius.* i. præ terrore malorum impendentium, & immanitate intentatorum. Ex alia tamen parte

Fluminis impetus. i. presentissimus & copiosissimus Spiritus S. influxus, 4.
letificat ciuitatem Dei. i. Ecclesiam Christi, ita vt in abundantia tribulationis, abundantia gaudij eius fuerit, & tormentum eius in epulum conuersum fuisse videatur. *Sanctificauit tabernaculum suum altissimus.* i. Ecclesiam suam militantem per persecutiones tyrannorum purgauit, correxit, & auxit numero & sanctitate.

Deus in medio eius non commouebitur. i. Deus, qui Ecclesiae concordiam & singulorum qui in ea sunt charitatē inhabitat, ipse eam tanta constantia atque labore collectam, tantoq; sanguine partā atq; fundatam conseruabit, adeo vt à cepta sanctitate & cōstantia, Deo protegente, dimouenda nō sit. 5.
Et hanc quidem protectionē Deus faciet tempore militiæ eius. Insuper *adiuuabit eam Deus.* i. singulari, plena atque beata ope atque protectione donabit eam *mane diluculo.* i. tempore resurrectionis, inquit Ambrosius: vel, *mane diluculo.* i. in primo ortu alterius vitæ etiam ante resurrectionem. Quem sensum confirmat, quod aliàs legitur, *adiuuabit eam Deus vultu suo,* i. vultus sui manifestatione, quæ etiam ante resurrectionē carnis sanctis conceditur. Et hæc de auxilio & fructu, quæ Ecclesia ex persecutionibus consequitur. Restat audiamus quid vtilitatis Ecclesiae constantia & prædicationis instantia ipsis persecutoribus atque infidelibus attulerit: de quo subiungit Psaltes:

Conturbatae sunt gentes, cum tandem operā Ecclesiae primam agnitionem suæ iniquitatis acceperunt. Prima enim peccati agnitio, priusquam cum vera compunctione cordis & spe veniæ coniūgitur, turbat peccatorem. 6.
Et inclinata sunt regna, quia Christianorum multis millibus pro Christi

H iij nomine

De catechi.
rudi. c. 24.

Aggei 2.

nomine interfectis, tandem ipsa persequentia regna, vt Augustini verbis
vitar, cesserunt, & ad Christum cognoscendum atque venerandum fracta
superbiæ ceruice conuersa sunt. *Dedit vocem suam* in confessione veritatis
& diuinæ laudis. Atque motu iustificationis *mota est terra*. Et hac ratione
impletum est quod prædixit Aggæus Propheta: Adhuc semel & ego mo-
uebo, ad suscipiendam salutem scilicet, cælum & terram, & veniet de siede-
ratus cunctis gentibus. Vnde autem tanta virtus Christianorum tam in per-
secutionibus superandis, quàm persecutoribus conuertendis? Respondent
Christiani, & dicunt:

7. *Dominus virtutum*, in cuius manu inuictissima & victoriosissima virtus
est, ille *nobiscum* est, intus nos confortans ad constantiam, foris nobis co-
operans ad inimicorum conuersionem. *Susceptor noster Deus Iacob*. i.
Deus electorum quorum formam gessit Iacob, de quo dictum est, Iacob di-
lexi, ipse secundum suum propositum nos adiuuandos, protegendos, labo-
resque nostros prosperandos suscepit. Et quia Dei proposito nihil poten-
tius est, idè virtutes has per eum fecimus in terra. Quæ Dei virtus, quan-
doquidem attentiore consideratione digna est, ad eam admirandam Psal-
tes fideles conuocat, & dicit:

8. *Venite*. i. animum adijcite, & *videte*. i. penitius introspicite *opera Do-
mini*, quæ posuit prodigia super terram. i. admiranda, quæ fidem penè rer-
rum, & quod certissimum est, infidelium expectatione transcendunt. Quæ
autem illa sunt? *auferens bella*. i. omnes gentilium in Christianos perfe-
cutiones usque ad finem terræ, quod fieri cepit tempore Christianorum
Imperatorum, & in omnibus prouincijs vbi Christus annuntiatus est, post-
quam sanguine martyrum fides ibidem satis fuit contestata.

9. *Arcum conteret*, & *confringet arma*, ne in fidei Christianæ perni-
ciem in posterum defeuiant. Fidei dico Christianæ, quia gentiles pro-
priè impugnabant nomen Christi, & quicquid eò pertinebat: heretici verò,
quorum bella ablata non sunt, non nomen Christi propriè & apertè impu-
gnant, sed nomen religionis Catholicæ. *Et scuta comburet igni*. odio e-
nim pristino in dilectionem religionis conuerso, solitum vsum scutorum
religionis amor absument. Sicut scriptum est; Omnis violenta prædatio cum
tumultu, & vestimentum mistum sanguine erit in combustionem & cibus
ignis. Violentiam enim Tyrannorum amor religionis quasi quidam ignis
absument. His itaque versibus non prædicit Psalter quæuis bella per Euan-
gelium esse quietura, quasi essent Christianis, vt perperâ docuit Erasmus,
illicita (cuius contrarium sæpe D. Augustinus docet) sed solummodo illa
bella, quæ in Christianis nomen Christi persequabantur. De quibus bel-
lis etiam intelligendus est Isaias: *Constabunt gladios suos in vomeres*, quia
Christi-

2pi. 50 &
205. & li
21. cō. Fau
6. 74 et 75.
Isaia 2.

Christianæ religionis hostes fient eiusdem cultores, vt patet in Paulo, de quo Tertullianus alludens ad Isaia locum dicit, quod gladium stylo mutauerit. Si tamen locus hic & Isaia intelligendus videatur de bellis in genere, tum intelligendum est bella per Euangelium auferri, non quasi sint Christianis illicita, sed tanquam quæ studio Christianæ pacis sint conquietura; prout intelligit Isaia locum S. Athanasius.

cap. 10.
Scurpiact.

Tract de in
carn verbi
10.

Vacare. q. d. vbi à persecutionibus requiem nacti fueritis, *vacate & videte*, quoniam ego sum Deus, tum enim diuinis rebus cognoscendis vberius & seruentius incumbetis, quia à trepidatione, fuga, custodijs, & similibus incommodis liberi eritis & expediti. Quam Platis exhortationem, aut potius prædictionem non neglexit Ecclesia, cuius Doctores oriri clarius ceperunt, omnemque sapientiam Dei diligentius, teste D. Gregorio, inuestigare, cum concessa est Ecclesiæ tranquillitas à persecutione. Inuestigatio enim sapientiæ otium & tranquillitatem requirit, sicut scriptum est: Sapientiam scribe in tempore vacuitatis. Ideò D. August. Nulli, inquit, vacat audire in tribulatione, audite cum vobis bene est, discite cum tranquilli estis, sapientiæ disciplinam, & verbum Dei vt cibum colligite, &c. Illi autem qui incumbit considerationi diuinitatis, & rerum diuinarum cõtemplationi, singulariter vacandum est, nō solum ab occupationibus externis, sed etiam quibusdam internis, ne videlicet mens eius similitudinibus rerum corporalium præoccupata & irretita, Deum imagnetur esse immensum substantiæ suæ extensione, æternum perpetua quadam fugacis temporis successione; iratum animi rancore, & sic de reliquis. Ab omnibus enim his rerum corporearum & passionum simulachris vacare debet, qui nosse vult, quoniam Dominus est Deus, vel Dominum Deum: sic videlicet vt non imagnetur Deum illis similem esse, vt ex hoc loco docet Augustinus. *Exaltabor in gentibus* per fidei, scientiæ, ac religionis incrementum, & *exaltabor in terra.* q. d. in gentibus per vniuersam terram diffusis. Quod prioribus addit: quia vnà cum sapientia doctorum exaltatus est Deus etiam in fide & cognitione populorum. Subiungitur proinde:

Eccli 38.
in psal 41.

De vera re
ligi ca. 35.

Dominus virtutum nobiscum, susceptor noster Deus Iacob: quia tempore persecutionis erat Deus cum Ecclesia tanquam bellator fortis; tempore verò pacis cum ea est Dominus tanquam ædificator sepium siue mitionum quæ seruiant securitati Ecclesiæ, auertens semitas, vt dixit Isaia, in quietem: siue conuertens semitas à persecutione in Ecclesiæ quietem, vt etiam per pacis semitas secundum Deum ambularet populus.

II.

Isaia 58.

PSAL-

Lib. 10 in
Ioan cap 9

R Saltes per spiritum prophetiæ in persona preconum Euangelij exhortatur gentes, quas ad Christum conuertendas esse præuidit, in primis ad latitiam qua congratulentur Christo, quod ad dexteram Patris sui conscenderit, si D. Cyrillo credimus. Deinde ad gratiarum actionem quod ex illo throno suo gentibus salutem dispensauerit: Quam exhortationem sic orditur:

1. *Omnes gentes.* Compellat eos, qui ex gentilibus ad Christum erant conuertendi, quibus dicit *omnes gentes*, qui electi ac fideles propriam suam habent vniuersitatem. Aut dicuntur, *omnes*, ut sit commoda distributio pro generibus singulorum, quia non est gens aut natio, imò nec tribus, de qua non sint quidam ad Christum conuersi. *plaudite manibus*, alludit ad plausum, quem audito delectabili oratoris sermone edere solent auditores, tum sibi, tum oratori gratulantes. q. d. plausum qui audita Euangelij prædicatione vobis edendus est, Facite præcipue *manibus*. i. operibus, non nudo vocis sibilo, nec strepitu pedum. *Iubilate Deo in voce exultationis*. i. huius iubili vox ex hilari gratitudine ac congratulatione cordis educatur. Ratio autem iubili est,
2. *Quoniam Dominus excelsus*. i. Dominus qui prius usque ad mortem humiliatus fuit, nunc est excelsus, ita ut etiam secundum humanam naturam sedeat super solium illud excelsum, ut vidit Isaias, & eleuatum. Deinde regnum eius, quod est Ecclesia, eleuatum est supra dignitatem omnium aliorum regnorum & principatum. *Terribilis*, Dæmonibus, quorum cultum ubique euerit. Vel, *Terribilis*, quia districtus redibit arbiter omnium qui mitis prius transijt. *Rex magnus super omnem terram*, quia per omnem terram regnum suum dilatauit.
3. *Subiecit populos nobis.* per fidem qua crediderunt nobis, *Et gentes sub pedibus nostris*. Significatur summa submissio Christianorum sub eis qui in nomine Domini populo præerant fidei; ita ut etiam ad pedes superiorum se prosternerent, sicut dixit Isaias ad Ecclesiam in suis præpositis: vultu in terram demisso adorabunt te, & puluerem pedum tuorum lingent. Hoc autem futurum figurabatur per hoc, quod Iosue dicebat ducibus Israel: Ite, ponite pedes vestros super colla regum istorum. Et hæc quidem fecit Deus opere, quæ ut perficeret vide quid præcesserit in eius cogitatione ac prædestinatione.
4. *Elegit nobis hereditatem suam.* Electio consistit inter duo, quorum vnum repudiatur, alterum suscipitur. Elegit itaque Deus hereditatem suam nobis,

nobis, quia cum ex vna parte in æterna sua sapientia videret se vniuersum genus humanum damnationi obnoxium per iustitiam posse damnare; & ex altera videret, se, per misericordiam, hæreditatem perditam eidem posse reddere, iustitia sua quoad multos postposita, *elegit nobis*. i. in nostram salutem *hæreditatem suam*, vt illam nobis per Iesum Christum daret. Et quia ad hæreditatem non peruenitur nisi mediante iustitia, ideo etiam elegit *speciem*. i. pulchritudinem, siue iustitiam *Iacob*. i. electorum suorum. Elegit autem eam non tanquam quæ in eis esset, aut per solum liberum eorum arbitrium in eis futura esset, sed vt eam in ipsis faceret. Rectè enim, inquit August. in eis eligere dicitur, quod vt in eis faciat, eos eligit. Quin etiam elegit *speciem* hanc *Iacob, quem dilexit*, quia priusquam Deus alicui absque eius meritis benefacere proponat, necesse est, iuxta D. Thomam, vt eum prius diligat. i. id beneficij eidem velit. Velle autem alicui bonum, est eum diligere, sed ea dilectione quæ etiam inimicis exhibetur. præter quam est alia dilectionis affectio, quæ non defertur nisi amicis; cum quis diligitur, quia iam bonus est; atque adeo amatur vt filius; quæ propriè charitas dicitur. Vt autem lapsus homo hæreditatē hanc conuenienter adiret,

Ascendit Deus, Christus scilicet secundum humanam naturam ad hanc hæreditatem, idque *in iubilo* & *Dominus in voce tubæ*. Per quæ D. Cyrillus in Ioannem intelligit vocem spirituum seu Archangelorum, qua superioribus iuebant virtutibus vt portas tollerent, & Dominum gaudentes susciperent. Quin & per iubilum hunc lætitiā discipulorum Christi in quorum conspectu caros ascendit, aptè intelligimus. Hi enim Domino in cælorum sublimia eunte, magno, vt docet Leo, gaudio replebantur. Et, quia ijs qui Christum diligunt Christo congaudendum est, quod ad gloriam sui Patris & tantam regni amplitudinem peruenerit; vnde ipse dicit, Si diligeretis me, gauderetis vtique, quia vado ad Patrē; ideo Psaltes, vt loco citato notauit Cyrillus, commemorata Dominica Ascensione, ad gaudium hoc fideles exhortans subiicit:

Psallite Deo vostro. i. cum mentis iubilo congaudete Christo, quod ad Deitatis suæ gloriam participandam, suam humanitatem in cælum subuexerit, *Psallite Regi nostro*, qui regiam auctoritatem, propter quam in longinquam regionem abiuerat, reipsa percepit. *Psallite*,

Quoniam Rex omnis terræ Deus. i. quia iam iam ab ascensione regnum Christi per totam terram dilatatur; *Psallite sapienter*. i. quod psallendo canitis non solum mentis attentione siue cogitatione, verumetiam affectu, & interno sensu per singulas sententias sapite, ita vt pro versuum & sententiarum, quæ recitantur, varietate, nunc gaudio, nunc compunctione, nunc fide, nunc charitate in Deum, nunc in proximum recitantis varietur,

I

& dila-

li de præd.
santi c. 17.
& epi 105

5.
lib. 10 c. 9

serm. 1 de
Ascensione

6.

7.

Interrogat.
279.

Hiero epis
4 cap 4
Bern serm.
67 in Cant
Athana ad
Marcellian

& dilatetur affectus. Quam expositionem probat D. Basilii in quæstion. breu. Quod inquit, est in cibis sensus cuiusque cibi, hoc in verbis sanctarum literarum est intelligentia. Si quis igitur ad vim verbi cuiusque animo ita etiam afficiatur, quemadmodum gustatu afficitur ad qualitatem cuiusque cibi, prorsus mandato illi satisfacit: Psallite sapienter. Hæc D. Basil. & Hieron. Inter scripturarum autem sanctarum verba quæ affectus psallentium excitant & nutriunt, excellit Psalterium. In eo enim, vt docte notauit Athanasius, omnis humana vita tum animæ affectiones, tum mentis conceptiones suo modo ac magnitudine definitæ continentur, ita vt nihil ultra hæc in rebus humanis reperiri possit.

8. *Regnabit Deus super gentes*, quia regnum ceptum cōseruabitur, & ad eos, qui de regno nondum sunt extendetur. *Deus sedet super sedem sanctam suam*, de qua dictum est, sede à dextris meis.

9. *Principes populorum*. Hi sunt patriarchæ & prophætæ, qui non solum in Iudæa, sed & in gentibus ante Christum fuerunt, vt Iob & similes: qui in populis virtutis & bonæ conuersationis quendam principatum gesserunt. Hi ergo, *Congregati sunt cum Deo Abraham*, quia qui ante Christi mortem à conspectu Dei seclusi congregati erant in sinu Abraham in limbo patrum, illi per Christum captiuam secum ducentem captiuitatem, vna cum Abraham gregatim adducti sunt in conspectum Dei, ibi recumbentes cum Abraham, Isaac, & Iacob. *Quoniam dij fortes terræ*. Idem sunt, Dij dicti, quia ad eos sermo Dei factus est, & quia in nomine Dei operabantur, & Deus in illis. Hanc enim esse rationem, ob quam hominum aliquis Deus dicatur, docet Ambrosius. Et Dij terræ dicti sunt, quia in nomine Domini, terrenis hominibus præpositi, ijs per Dei virtutem præualuerunt, vt Moyses Pharaoni, cuius à Deo Deus constitutus est, ijsque in Dei nomine terrori, venerationi, & saluti magna cum virtute fuerunt. Hi ergo *vehementer eleuati sunt*, quia ad conspectum Dei atque consortium angelorum subleuati, etiam ipsi in Christo, vt ait Apostolus, confederunt ad dexteram Dei Patris.

Serm. 8 in
Psal. 118.

PSALMVS XLVII.

Laus Cantici filijs Core secunda Sabbathi.

PEr secundam Sabbathi D. Aug. intelligit Feriam secundam, asserens Psalmum hunc ob id secunda Sabbathi prænotari, quia secundo die creatum est firmamentum, cuius creatio præfigurabat Ecclesie ædificationem, quæ est firmamentum veritatis, cuius fundatio in hoc Psalmo describitur.

1. *Magnus Dominus & laudabilis nimis, in ciuitate Dei nostri, in monte sancto*

sancto eius. in caelesti beatitudine, in qua peculiariter magnus & laudabilis nimis Deus esse dicitur, quia ibi magnitudo eius reuelatur, & quantopere eius sublimitas omnem facultatem laudantium exuperet, agnoscitur.

Fundatur exultatione vniuersæ terræ mons Sion. i. Ecclesia huius temporis, idque quia per vniuersam terram dilatatur, & vbiunque fundatur ibi gaudium oritur, sicut in Actis scriptum legimus. Factum est gaudium magnum in illa ciuitate, &c. *Latera Aquilonis ciuitas Regis magni.* i. ait Amb. ^{Ser. 11 in Psal. 118.} qui erant antea latera Aquilonis facti sunt ciuitas regis magni, quia ad Ecclesiam, ciuitatem Dei peregrinantem, relicta impietate transierunt. Impij autem & dæmonum cultores dicuntur latera Aquilonis, quia, vt explicat Ambros. socij sunt diaboli, ei inhaerentes, ac velut eius satellites vel stipatores aut asseclæ eius voluntati obsequuntur.

Deus in domibus eius Ecclesiæ scilicet istius, *cognoscetur.* q. d. Sicut inuisibilia Dei à creatura mundi per ea quæ facta sunt intellecta conspiciuntur; & sicut Deus olim dictus est Deus Abraham, Isaac & Iacob, quia ex eorum fide & moribus Deus verus multis innotuit, ita etiam in domibus Ecclesiæ quas Deus inhabitat, qui sunt Apostoli, principes, alijque veri Dei cultores, ipse Deus quis sit & qualis sit, apparebit: Imò & in domibus ijsdem Deus ipse loqui, docere, & præcipere cognoscetur: Ideoque verbum quod annunciant recipietur, non vt verbum hominum, sed sicut verè est verbum Dei, cognoscentque passim, quod mandata eorum verè Domini sint mandata. *Cum suscipiet eam.* q. d. tùm demum splendor hic resurgens è domo sua Dei ab infidelibus & quibuscunque alijs cognoscetur, *cum eam*, quoad eos qui Ecclesiæ aggregandi sunt, gratiæ suæ ope illustrandos *susceperit.* Sicut fatebatur Augustinus. Cum cepi, inquit, videre, tu me assumpsisti vt viderem. Hæc res declaratur ab Apostolo cum dicit: Si omnes prophetent, intret autem in conuentum vestrum infidelis ^{1. Cor. 14.} quis, cōuincitur ab omnibus, dijudicatur ab omnibus. & sic in faciem suam cadens, adorabit Deum, pronuntiās quod Deus in vobis sit: Ibi ergo Deus in domibus, siue conuentibus Ecclesiæ, cognoscebatur.

Quoniam ecce reges terræ congregati sunt, conuenerunt in vnum. q. d. ^{4.} quod admiratione dignum est, etiam reges per omnem terram gregi discipulorum ad audiendum verbum Dei se tandem associare ceperunt, vt in Psalmum 2. dictum est.

Ipsi, Reges scilicet Dynastæ & Principes videntes, aut miracula, aut doctrinæ Christianæ veritatem per nonnullam, quæ eis aperiebatur, intelligentiam, *sic admirati sunt* præstantiam, æquitatem, & soliditatem doctrinæ Christianæ: vt manifestum est in Sergio Paulo, qui credidit admirans ^{ad. 13.} super doctrina Domini. Quidam verò eorum *conturbati sunt* prætestimo-

I ij nio

nio conscientia ob vitam male prius transactam eos remordentis. Eorum alij commoti sunt confusione aut compunctione, quin & amore disciplinae Christianae. Inter cetera, & tremor apprehendite eos. Quod manifestè patuit in Praeside Felice, qui disputante Paulo de iustitia, castitate, & iudicio futuro, tremefactus dixit Paulo; quod nunc attinet, vade, &c.

6. *Ibi. i. in regum & principum siue magnatum cōuersione, dolores ut parturientis.* Qui dolor in primis est in praedicatoribus fidei; multum enim sollicitudinis, laboris, anxietatis subire debent, multumque eis exhibere officij, donec Christus formetur in eis. Sunt & dolores parturiētis in ipsis regibus, qui quoniam in omni superbia, luxu, & libertate enutriti sunt, maximos dolores animique pugnas sustinent, cum pristina consuetudo ab eis auellitur, imò tantos, ac si viscera eorum ab eis praeciderentur. Multo quoque nisu laborant priusquam noui, quem conceperunt, spiritus foetum per bona opera in lucem edant. Non tamen dolore parturiendi fatigati à ceptis cessare debebunt, quia Dominus cuius spiritu parturire ceperunt, auget eis spiritum suum, ut tandem feliciter pariant. Ideo *in spiritu uehementi. i. magno spiritus tui impartito incremento.* *Conteres naues Tharsis,* hoc est, ad nihilum rediges eos qui nauigant saeculum, quia amorem sui & saeculi, eos à partu nouae uitae retardantem, per abundantiam tui spiritus superabis. Porro seculares homines aptissime nauibus comparantur: ut enim naues omni vento, ita isti omni desideriorum genere huc illucque feruntur; quin & circumferuntur omni vento propitiae sibi doctrinae, & inter saeculi curas periclitantur, fluctuant, & subinde merguntur. Comparantur & nauibus *Tharsis. i. Carthaginis,* quae denotat altitudinem saeculi, ut significetur quod non solum saeculum, sed eius etiam altitudo uehementi spiritu Domini conterenda sit. Posteaquam autem Ecclesia noui testamenti temporis successu prouectior facta, in se impleri vidit, quod per prophetas praedictum esse non ignorauit; inter quae est, quod ipsa dilatanda esset usque ad terminos orbis terrarum, & quod Reges futuri essent nutritij eius, & Reginae nutrices, huius rei consideratione mirificè delectata exclamare cepit.

7. *Sicut audiuius à prophetis esse praedictum, sic vidimus esse impletum in ciuitate Domini virtutum,* cuius praedictiones à nemine suo euentu frustrari possunt. *In ciuitate Dei nostri. i. Ecclesia huius militiae.* D. Hieronymus tamen hunc versiculum extendit ad eos, qui in ciuitatem Domini caelestem intrantes, incipiunt oculo ad oculum videre, quod antea auribus de beatitudine illius ciuitatis acceperant: *Deus fundauit eam* praesentis temporis Ecclesiam *in aeternum;* sic ut nunquam de hoc saeculo sit vel ad momentum interitura. Quod hic dicitur contra vanam praesumptionem paganorum, qui eam sexcentis tantum annis duraturam tempore Augustini iactabant.

Susce-

Suscepimus Deus misericordiam tuam. i. Christum tuum, qui ex summa 8.
 misericordia ad nos in carnem missus est: Suscepimus autem eum in hunc
 mundum per incarnationem *in medio templi tui*. Templum Domini hoc
 loco vniuersalis est Ecclesia ab Adam à lapsu fidem recipiente cepta, &
 vsque in finem mundi duratura. In huius Templi medio susceptus est ab
 Ecclesia per incarnationem Christus, quia cum decursus Ecclesiæ penè ad
 sui temporis medium peruenisset, Dominus secundum carnem natus est.
 Visum enim fuit Deo Patri nec statim in principio mittere Christum, nec
 eius aduentum in finem mundi differre, itaque in medio Templi, hoc loco
 idem est cum eo quod Abacuc prænunciat; In medio annorum notum fa-
 cies. Vel, *in medio templi tui*. i. in medio nostrum conuersantem, sicut di-
 cit Ioannes; Medius vestrum stetit. Denique in medio, quia omnibus ex-
 positum, sufficientem, promptum. Quod enim huiusmodi est, in medio
 esse docet diuus Augustinus.

*Prosp. resp.
 1. ad exc.
 Genens.*

Abacuc;

10 psal. 75

Secundum nomen tuum Deus. i. sicut tu Iosue; Dominus vniuersæ ter- 9.
 ræ dictus es, & ab Isaia prædictus es vocandus Deus vniuersæ terræ, sic
laus tua in fines terræ, quia nomē tuum per vniuersam terram prædicatum,
 vbique ob impartitam gratiam reconciliationis laudatur. *Iustitia plena est*
dextera tua. Quo significatur, quod Deus gratiam iustificationis abundan-
 ter & in multos esset effusus.

Isaia 57.

Lætetur mons Sion, qui Ambrosio Christus est, de quo Ieremias: Be- 10.
 dicat tibi Dominus pulchritudo iustitiæ, mons sanctus. Ille enim lætatur in
 dilatazione & sanctificatione Ecclesiæ suæ. *Exultent filia Indæ.* i. filij
 Ecclesiæ propter iudicia tua Domine, quæ cum eis in bonum exercuisti.

Circundare Sion. i. vos qui Ecclesiæ nondum adiuncti estis, vndique 11.
 de circuitu ad eam conuenite, eique vos copulate. Ideò enim diuino con-
 silio Ecclesia Hierosolymis in medio terræ orta est, & petra Ecclesiæ se-
 des Romana in medio ferè terræ est constituta, vt omnibus exposita, om-
 nes vndique ad eam possint commodè concurrere, ipsaque semetipsam ad
 omnes, tanquam ad omnes æqualiter pertinens, æqualiter posset extende-
 re. Ideo cum prophetæ multiplicationem Ecclesiæ prædicunt, ad eam tan-
 quam in medio terræ erectam, & collocatam hoc ferè modo loquuntur. ad
 dexteram & ad læuam penetrabis. Et alibi, dicam Aquiloni, da: & austro,
 noli prohibere. Et iterum: Læua in circuitu oculos tuos, & vide, omnes
 isti congregati sunt, & venerunt tibi. & similia: *Et complectimini eam* a-
 more fraternitatis, vt singuli omnium, & omnes singulorum studia, me-
 rita & officia, voto, fauore, veneratione & cooperatione prosequamini,
 foueatis, adiuuetisque; omnes singulorum necessitatibus, & periculis con-
 doleant & subueniant, vt per hunc complexum, seu fraternitatis amorem

I iij tota

Lib. 1. offi.
cap. 29.

Caut. 3.

Cam. 1.

13.

tota Ecclesia sit in singulis, & singuli in tota. Sic æmulationes cauentur & schismata, & corpus ipsum sic compactum & connexum multum proficit in ædificationem sui. De hac Ecclesiæ unitate Amb. Ecclesia, inquit, in commune orat, in commune operatur, in commune tentatur. Et quia Ecclesia per hunc complexum tota est, & operatur in singulis, ideò consequenter toti Ecclesiæ dicitur: *Narrate in turribus eius*. quibus verbis Psalter Ecclesiam ad euangelizandum hortatur, non vt euangelizet in singulis, sed vt tota & singuli euangelizēt in Ecclesiæ *turribus*, qui sunt Episcopi eius. Sicut enim turres in muris ædificantur speculandi & propugnandi gratia, ita Episcopi in Ecclesia, quæ murus est, sublimantur, vt de celsitudine status & eminentiæ suæ Ecclesiæ prospiciant, eamque propugnent. De qua re sic sponsa in Canticis; Ego murus, quia tota Ecclesia veritatis immobile firmamentū est; & vbera mea sicut turris, quia illi per quos pascō populos, sublimitate potestatis turrati sunt, sicut & prouidēdi seu speculandi officio. De hac re & Isaias: Super muros tuos Hierusalem constitui custodes (qui sunt iidem qui turres) prædicabūt gentibus fortitudinem meam; quia prædicationis officium sic competit vniuersæ Ecclesiæ, vt tamen ipsa idipsum non exerceat nisi in custodibus suis, ijsque quos ipsi cooperarios elegerint.

Ponite corda vestra in virtute eius. q. d. Si videritis in ea scandala, aut eos qui operantur iniquitatem, non id vos ab eius unitate amoveat, sed *ponite*. i. figite, aut immobiliter tenete *corda vestra in virtute eius*, quæ à compluribus eorum qui in ea sunt, ijsque potioribus, inter media scandala colitur, eorumque numerus vos in fraternitatis amore custodiat. Est enim nigra, sed & formosa; ideò exclamat, nolite me considerare quod fusca sim, sed magis qua parte formosa; quia consideratio eius partis à qua Ecclesia fusca est, schisma & circa fidem naufragia parturit. *Et distribuite domos eius*, illas scilicet de quibus in principio, Deus in domibus eius cognoscetur: has dico *distribuite* in posteros scilicet, vt à generatione in generationem tales, in quibus cognoscetur Deus, in Ecclesia, tanquam succedentia sibi luminaria, nullis tenebris iugem eorum successione interpolantibus, indefinenter rutilent. *Vt enarretis* in his scilicet domibus *in progenie altera*. i. populo qui nascetur. Enarretis autem

Quoniam hic est Deus. i. in particulari demonstretis quis sit verus Deus, & quod ille vnus & idē sit, qui agnitus est à progenitoribus. Et is sit *Deus noster* per incarnationem noster effectus. non enim sufficit in genere credere aliquem esse Deum, aut Christum, sed oportet demonstrare, sicut Paulus, quoniam hic est Christus. Addite autē quod sit Deus *in æternum*, quia in semetipso indefectibilis, & *in seculum seculi*, quia sine intermissione à sæculo in seculum pro vero Deo vnus & idem est agnitus. *Ipse reget nos in*

nos in secula, sicut dixit: Ecce, ego vobiscum sum omnibus diebus; & idèd nec in fide, nec in disciplina tota vnquam deficiet Ecclesia.

PSALMVS XLVIII.

In finem filijs Core Psalmus.

Varijs argumentis dehortatur Psaltes ab amore diuitiarum. Et quia amatores diuitiarum per totum mundum diffusi sunt, diuitiasque amant tam carnales, quàm qui professione sunt spiritales; tam pauperes quàm diuites, idèd ad audiendam hanc suam propositionem inuitat Psaltes omnes gentes, terrigenas & filios hominum, diuites & pauperes, totumque orbem, & dicit:

Audite hæc omnes gentes, auribus percipite omnes, qui inhabitatis orbem. 1.

Quique terrigenæ. i. de terreno genere terrenis dediti, & *filij hominum* 2.
qui spiritales estis professione, *simul in vnum diues.* i. qui diuitias habetis; & *pauper*, qui tamen eas concupiscitis. Quin & intentos hos suos auditores ficere volens, commendat Psaltes ea quæ dicturus est, in primis à rei præstantia, dicens:

Os meum loquetur sapientiam. Ab oportunitate, cum dicit se dicturum 3.
prudentiæ. i. ea quæ omnibus hominibus his quos aduocauit, conueniant. Idque meritò addit, ne fortè aliquis eorum audiens sibi solummodò sapientiam propinari, dicat, quid illa ad me? Nec sine causa dicit Psaltes, *meditatio cordis mei loquetur prudentiam*, his enim verbis promittit sermonem, quem prolaturus est, esse quoad rem ipsam multa meditatione bene maturatum, & quoad sermonis genus, esse ad captum & gratiam auditorum bene accommodatum. Denique vt orator iste auctoritatem sibi conciliet, ne sapientia, quam speciosè promittit, tanquam ab eo adinuenta, & excogitata, & ob id attentione indigna iudicetur, declarat vnde eam acceperit, dicens:

Inclinabo in parabolam aurem meam. q. d. priusquam eloquar, ipse prius 4.
inclinabo. i. humilitate discantis audire conabor, quid loquatur in me Dominus. Hoc autè parabolam vocat, quia omnis veritas, etià quam Deo dicente discimus, hic veluti in speculo & ænigmate parabolicis cernitur. Post hanc vero vitam aderit hora de qua Dominus; Venit hora cum iam non in prouerbiis loquar ad vos, sed palam de Patre meo annunciabo vobis. *aperiam in psalterio propositionem meam.* i. cum sermonis festiuitate ac lepore dicam quod dicturus sum, vt sapientia quam profero, & instruat & delectet. Hactenus proceñium Psalmi; nunc audiamus propositionem quam interrogando proponit in hæc verba:

Cur timebo? i. quid mihi tinendum erit *in die mala.* i. iudicij? Et respō- 5.
det,

det, *iniquitas calcanei mei*. i. affectuum, & gressuum meorum, quæ mihi in finem vltque adhæserit. Calcaneus enim extrema hominis significat, cum dicitur: Tu insidiaberis calcaneo eius. *Circundabit me*, vt ab eius reatu liberari non possim. Metuendum itaque atque sollicitè providendum mihi, ne iniquitas mihi, præcipuè verò ne illa calcaneo meo, adhæreat. Sed fortassis

6. *Qui confidunt in virtute sua*. i. de opibus suis præsumunt dicentes auro, robur meum, & obrizo, fiducia mea: vel, qui de viribus dono iustificationis acceptis præsumunt se absque speciali Dei dono perseverare posse, vt intelligit D. August. Et simul qui *in multitudine diuitiarum suarum gloriantur*, quia ab omnibus adorantur, suspiciuntur, & etiam à malis communibus præ reliquis eximuntur: Hi inquam, virtute diuitiarum suarum fortasse etiam illius diei calamitatem præ reliquis euadent? sed non erit istud, quia
7. *Frater*. i. Christus; frater dictus, quia de eadem nobiscum humanæ naturæ materia carnem ac simul mortalitatem accepit, vt pretium redemptionis eius de nostro desumptum, etiam ratione cognationis ad nos arctius pertineret. Hic ergò *non redimet*. i. suæ redemptionis eos quos diximus participes non faciet, *redimet* homo? i. Christo non redimente, poteritne homo peccata sua vlla re aut ratione redimere? q. d. absit hoc opinari, quia Christo non redimente *non dabit* homo quispiam *Deo placationem suam*.
8. *Et pretium redemptionis animæ suæ*. Nihil enim est quò homo semetipsum à peccatis mortalibus de còdigno, vt loquimur, redimere possit, nisi pretium quod Christus frater noster Deo Patri obtulit. Hoc Michæas testatur, cum dicit: Quid dignum offeram Domino? Nunquid placari poterit Dominus in millibus arietum, aut in multis millibus hircorū pinguium? Nunquid dabo primogenitum meum pro scelere meo, fructum ventris mei pro peccato animæ meæ? Et Eccles. 7. Ne dicas: In multitudine munerum meorum respiciet Deus. Si ergo absque interuentione sanguinis Christi, diuitiæ ne quidē in plurima sacrificia aliaq; munera expensæ, peccata redimunt; quæ quæso ratione ipsæ peccata per se poterūt redimere? In redemptio- nem tamen peccatorum venialium iustificati offerre possunt Deo pretium condignū in còpunctione cordis, elemosynis & similibus operibus ex charitate profectis: sicut & in redemptionē pœnæ restâtis peccato dimisso: sed hæc à Deo (qui ob summi dominij excellentiā non obligatur in vllam siue mercedis, siue retributionis compensationē, quodcunq; pretium ab homine oblatum acceptare nisi voluerit, & qua còditione voluerit) in effectus prædictos nō acceptantur, nisi intercedente pretio sanguinis Christi. Dicit namq; Ioannes: Si confiteamur peccata nostra, Deus fidelis est & iustus vt dimittat nobis peccata nostra; Fidelis, implendo quod promissit: Iustus, non nisi per rei æqualitatem còpensando id quod acceptauit. Iustitia enim consistit

sistit in æqualitate dati & accepti. Si autem ad hanc iustam retributionem non interueniret sanguis Christi, ad quid diceret eodem loco Ioannes de illis qui ambulant in luce: Sanguis Iesu Christi emundat nos ab omni peccato? Itaque per legitimam pœnitentiam pro peccatis venialibus, & per satisfactiones pro pœnis restantibus, adferimus Deo in remissionem illorum peccatorum & pœnarum, iustum pretium. Quod tamen gratioſe à Deo acceptatur per Christum Dominum nostrum. Non ergo dicant hæretici, quod se non redimat homo, aut quod non dabit Deo pretium redemptionis animæ suæ, cum scriptum sit, peccata tua eleemosynis redime; sed quod daniel. 4. homo se non redimat fiat re seu Christo non redimente. Id enim loco huius Psalmi consentaneum est, & ab omni hæresi alienum. *Et laus orabit in æternum* diues scilicet, quem frater non redimit, quia non erit inter illos, de quibus dicit spiritus, quod amodò requiescent à laboribus suis; nec sedebit in illa requie, quam vocat Isaias opulentam. *Et uiuet adhuc in finem,* apocal. 14. isai. 32. sed in miseria, quia erit ex illis qui quærent mortem, & fugiet mors ab illis. Igitur ad interitum æternum confidentem in diuitijs suis deducunt diuitiæ. Quid autem illæ eis pariunt in hac vita? stuporem. De quo sequitur.

Non uidebit interitum imminere sibi, cum uiderit *sapientes*. i. eos qui salutis suæ consultū volunt, *morientes* temporaliter scilicet. Hi enim morituri de diuitijs suis eleemosynas & restitutiones faciunt, suumque nimium, si quem erga diuitias habuerūt amorem, pœnitendo solum in fine corrigunt; Isti autem his exemplis nihil commoti antiquum obtinent, nec cogitant interitum sibi imminere, ex eo quod eis dissimiles permanent in diuitiarum usu, amore, vel saltem pristini excessus correctione. *simul insipiens, & stultus peribunt,* quia ubi de hoc sæculo exceſſerint, nihil eis saluum manebit, eo quod nihil sibi thesaurizauerint in futurum. Proinde etiam verè dicuntur insipientes & stulti, quia nesciunt prouidere in posterum. E contrario autem illi qui timent Deum, cum hinc excedunt, ex parte solum, ut sic dicam, pereunt, quia solus usus sæculi eis deperit, supersunt enim reliquæ homini pacifico. 9.

Et isti qui in multitudine diuitiarum suarum gloriantur, relinquent alienis diuitias suas. i. talibus, qui et si subinde carne propinqui, animo tamen sunt alieni, quia vix gratias agunt ijs in quorum opes successerint, multò minus pro eorum salute æterna solliciti sunt. Quin & contingit bona ab avaris relicta deuenire in manus alienorum. i. eorum, à quibus dum uiuerent alienissimi fuerunt, & qui dominabuntur in laboribus eorum. *Et sepulchra eorum domus illorum in æternum,* quia cum diuite Epulone sepelientur in inferno, è quo nunquam liberandi sunt. 10.

Tabernacula eorum. i. palatia, & magnifica ædificia, colossi, arcus triumphales; 11.

phales, & similia, quæ hic construxerunt *in progenie & progenie*. i. permanent in hoc seculo per multas generationes; sed *vocauerunt nomina sua in terris*, id est, talibus monumentis nihil sibi comparauerunt, quàm quod fecerint nomen suum cum celebritate commemorari in terris, imitati exemplum eorum qui ædificauerunt turrin Babel, vt celebrarent nomen suum. Sed, heu miseri, non curauerunt nomina sua libro vitæ inscribere. Quales autem huiusmodi homines esse, vnde, aut qua via huc deuenisse tu censes, ô Psaltes?

12. *Et homo cum in honore esset*. i. ad imaginem & similitudinem Dei conditus, vel, *in honore*. i. temporalium bonorum sublimitate, *non intellexit*. i. intelligere non curauit quoniam sibi tendendum esset, quidve sibi per temporalem sublimitatem querendum; ita vt in his verbis accusetur non tam ignorantia quàm intelligendi negligentia & incuria. Et, quia hoc non intellexit, *comparatus est iumentis insipientibus*, quia vt iumenta sectatus est sensibilia: Si autem & intelligibilia, illa sectatus est non ex imperio rectæ rationis sed passionis, cui rationale suum subtrahit ac industriam subiecit. Nunquid nō ergo rectè iumentis insipientibus comparatur, cui cum iumentis insipientibus passio pariter principatur? *Et similis factus est illis*, quia istam vitam solū deputauit vitam, inquit D. Augustinus, post mortē velut pecora nihil sperans. Qua censura interposita redit Psaltes ad institutū, atque deterret à diuitiarum amore ex allegatione periculorū & malorum, quibus se viri diuitiarum obnoxios reddunt, dicitque:

Lib 4 de
anima &
eius origi-
ne cap. 11.

13. *Hæc via illorum*, in qua nimirum congregandis, fruendis, augendis ac conseruandis diuitiis student, *scandalum ipsis*, quia præbet eis occasionem, & ponit offendiculum ad multas ruinas, vnde & Apostolus dicit: Qui volunt diuites fieri, incidunt in desideria multa inutilia & nociua, quæ mergunt homines in interitum. *Et postea*. i. vbi in multa peccata inciderint, *in ore suo*. i. mendaci linguæ suæ artificio *complacebunt*. i. peccata sua sic palliabunt, vt videantur sibi iustorum opera fecisse, & ipsi fūco adulationis suæ decepti, in illis quæ perperam egerūt sibi complacent. Quod ab vsurariis fieri, & illis qui minoris iusto emunt possessiunculas quas vendere coguntur fratres necessitate pressi, satis manifestum est: Hæc enim faciendo persuadent sibi & suis se beneficium, vt Leonis verbis utar, prestare illis quos decipiunt: Quod quid aliud est quàm post scandalum quo lapsi sunt, in ore suo sibi complacere? Talibus proinde D. Leo. Qui opes suas multiplicare desiderat, hæc vsurarum arte ditescat, vt non hominum laborantium capiet necessitates, ne per dolosa officia laqueos incidat insolubiliū delictorum, sed illius sit creditor, illius sœnerator qui dicit: Date & dabitur vobis. Huiusmodi autem homines,

Serm 6 de
ieiunio 10.
mensis.

Sicut

Sicut oves in inferno positi sunt. i. certissimæ damnationi iam præparati & quasi destinati. *Mors æterna* scilicet, *depascet eos*, quia eos sine consumptione consumet. Vel *mors*. i. peccatum *depascet eos* in hac vita scilicet, quia iniquitas quæ in cordibus eorum est, per malorum operum frequentiam ita increfcet, ut paulatim omnes vitæ spiritualis & timoris Domini, aut cuiuscunque virtutis vel humanitatis reliquias, si quæ in eis super sint, de visceribus eorum deuastet. 14.

Et dominabuntur eorum iusti in matutino. i. alterius vitæ diluculo. Indicabunt enim sancti nationes & dominabuntur populis. *Et auxilium eorum* in quo tempore suæ mortalitatis confidebant, & quo etiam nonnihil iuuebantur, videlicet opulencia, adulatorum turba, obnoxiorum clientela, & similia, *veterascet in inferno.* i. tanquam quod satis diu in suo vigore fuerit, virtutem vltius adminiculandi amittet, à *gloria eorum.* i. simul peribit omnis gloria eorum. 15.

Veruntamen Deus redimet animam meam. Loquitur in persona iustorum diuitias contemnentium, *de manu inferi*, ergo melior conditio eorum quàm diuitum. *cum acceperit me* per mortem ex hac vita. vel *acceperit me*, i. curam salutis meæ in se suscepit. Et quandoquidem res hæc ita se habet: 16.

Ne timueris, tu pauper. i. ne tanquam rem magnam suspexeris, & eos tanquam felices admireris, teque eorum comparatione arbitreris infelicem, *cum diues factus fuerit homo*, & *cum multiplicata fuerit gloriæ domus eius*, Et quam ob causam?

Quoniam cum interierit non sumet omnia, neque descendet cum eo gloria eius: Quantalibet enim adiciat, quantalibet condat & congerat, inops de hoc mundo & egenus abscedet, inquit Leo, ergo res vsque adeo transitoria non est suscipienda. 17. leo ubi supra.

Quia anima eius in vita benedicetur. i. beata prædicabitur, & temporalem tantum huius vitæ benedictionem sortietur. *confitebitur tibi cum benefeceris ei.* i. tantum ob perceptionem bonorum temporalium gratias tibi aget, ó Deus, à germano & filiali tuo amore alienus. 18.

Introibit vsque in progenies patrum suorum. i. & ipse post mortem congregabitur ad patres suos, sed illos quorum vanitatem hic imitatus est. & *vsque in æternum non videbit lumen*, quia mittetur in tenebras exteriores siue extremas. Quæ cum ita sint, merito hic iterum quod prius dixi repeto: 19.

Homo cum in honore esset, non intellexit, comparatus est iumentis insipientibus, & similis factus est illis. 20.

PSALMVS XLIX.

9. Dec. ult.
cap. vlt.

Deus deorum Dominus : Dij isti, vt notat Augustinus, ad quos sermo Dei factus est, sunt Apostoli eorumque filij. Horum deorum Deus Dominus dicitur, quia creaturæ sunt, & diuinitatem habent participatione non plenitudine. Ex quo cōsequitur, quod filius Dei Christus secundum diuinitatem suam non sit Deus per participationem, sed per naturam, quia Deum verum compellans, non dicit : Confiteor tibi Domine, sed, Confiteor tibi Pater Domine cæli & terræ, quia Deus Pater est Verbi, Dominus autem creaturæ, vt notat Cyrillus : Iste autem Deus deorum Dominus Christus est, qui *locutus est* tempore mortalitatis suæ per os suum. & *vocauit terram*

5. thes.

1.

Aug. 4. cōt.
Cresc. 6. 54

A solis ortu usque ad occasum. i. Ecclesiam suam quæ à conuocatione nomen suum habet, ad veritatis cognitionem per suos Apostolos collegit. Et quia Christus in Ierusalem & Iudæa corporaliter apparuit, & ex Sion lex Euangelij exiuit, verbumq; Domini de Ierusalem : ideo sequitur : *ex Sion species decoris eius*, quia species formæ eius (de qua Psal. 44.) in Sion apparuit, & ex ea prædicatio incarnationis eius omni terræ innotuit. Sed cum in carne appareret, gloria latētis in eo diuinitatis per signa & quasdam scintillas miraculorum, aliorumque indiciorum tenui solummodo coruscatione micauit : Veruntamen cum secundo ad iudicium venturus est;

2.

Cyp. de p. n.
men. in fine

Deus idem Christus scilicet manifeste veniet, quia veniet in maiestate sua, ita vt omnibus manifestum futurum sit, quod ipse sit Christus. *Deus noster & non silebit*, tunc enim loquetur ad impios, quos ante in multa patientia sustinuit, & sua benignitate ad pœnitentiam prouocauit, in ira sua.

Cap. 42.

Cyp. l. 1. c. 10.

Aug. 10.

de ciu. c. 24

De qua re dicit per Isaiam : Tacui semper, siliui semper, patiens fui, quasi parturiens loquar, dissipabo & absorbebo simul : Qui non silebit iudicaturus, sicut siluit coram tondente, cum esset iudicandus, inquit Cyprianus. *Ignis in conspectu eius exardescet*, hoc de igne conflagrationis intelligendum videtur, per quem iusti qui illo tempore inueniuntur in viujs, ab omnibus peccatis expediti, transibunt illæsi, purgabuntur vero illi qui ædificauerint super fundamentum Christum, lignum, scænum, stipulam : torquebuntur denique impij & per eum transibunt in ignem æternum. Vnde subiicitur : *Et inflammabit in circuitu inimicos eius*. Ad illos verò iustos qui ante illum diem fuerint mortui, non pertinet ille ignis. Si verò Augustinum secuti arbitremur ignem conflagrationis iudicio extremo fore posteriolem; Ignis ante eum præcedens erit ignis damnationis, qui iudicium præcedet quoad sui manifestationem, quia impijs cum horribili terrore iam ante exceptam damnationis sententiam apparebit, ita vt ante damnationem videant

20. de ciu.

ca. v. c. 80.

et 80.

videant clibanum in quo perpetuò cruciandi erunt, fumantem, igneosque suos globos vomentem. Hoc futurum esse insinuat Apocal. c. 18. vbi dicitur: quod negotiatores terræ à longe stantes videbunt fumum incendij eius. Et post; Videbunt locum incendij eius. Et D. Hieronymus in c. 9. Dan. Ignis ait in conspectu eius exardescet, vt peccatores tormentorum magnitudinem extimescant. De quo igne arbitror psalmum rectius intelligi, eò quod iste solos inflammaturus sit Domini inimicos. *Et in circuitu eius tempestas valida*, quia virtutes celorum mouebuntur, & vt dicitur Sapientie 5. Armabitur creatura ad ultionem inimicorum, ibunt enim, &c. Excandescet in illos aqua maris, & flumina concurrent duriter. Turbidus itaque hic violentus & procellosus totius mundi motus tempestatis nomine aptissime significatur. D. Augustinus tamen hanc tempestatem metaphoricè intelligit, dicens per eam significari virtutem Dei separantem paleas à tritico, eo quod tēpestatis flatu palea corporaliter à tritico separetur.

Aduocabit cælum desursum, veniet enim iuxta Zachariam c. 14. Dominus & omnes sancti eius cum eo. Et Deus eos qui dormierunt per Iesum adducet cum eo. *Et terram*, i. eos qui in terra tum temporis viui reperientur, sub quibus comprehendendi debent & illi qui tum temporis in pœnis purgatorij & in inferno detinebuntur, quos expresse Apocal. c. 20. designauit iudicio exhibendos vna cum ijs quos mare. i. præsens seculum iudicio exhibebit. Dicit enim: Mors & infernus dederunt mortuos suos. Per mortem iuxta Augustinum eos intelligens, qui tum temporis à corporibus suis separati, non erunt in inferno: Per infernum verò eos qui tum in eo erunt. Hos itaq; omnes aduocabit, *discernere*, i. vt discernat *populum suum*, iustos videlicet ab impijs. Pro quo supra orabat Psaltes: *Judica me Deus & discerne causam meam, de gente non sancta*. Et pro diuersitate meritorū vel demeritorum diuersis quoque premijs aut supplicijs eos adiudicet. Et quia in illa die exhibunt Angeli, & separabunt malos de medio iustorum, ideo Psaltes nunc sermonem ad hos Angelos conuertit & dicit:

Congregate illi. i. ad dexterā eius in vnum colligite, malis in sinistram eius detrulis, *sanctos eius, qui ordinant testamentum eius super sacrificia*. In quibus verbis per sacrificia D. Augustinus intelligit bona opera, dicitque illos testamentū ordinare super sacrificia, qui bona sua opera ad illum finem boni retulerunt, quo veraciter beati esse possumus: Sicut per nouum testamentum præceptum est vt faceremus. Nihilominus per sacrificia aptè intelligimus sacrificia veteris legis, ita vt per illa insinuetur tota lex tanquā à parte totum. Secundum quam acceptionem illi ordinant testamentum super legem, qui non in lege iustificari volunt, sed per nouum testamentum legem implere, qui quidem soli sancti sunt, quia nihil ad perfectum seu ve-

K iij ram

4.

20. de ciuit.
cap. 15.

5.

ram salutem adduxit lex. Porro cum suffecisset Psaltis proposito dicere, congregare illi sanctos eius, voluit tamen addere alteram partem, vt ex commemoratione veterum sacrificiorum acciperet occasionem transeundi ad reprobandum illum veteris legis & sacrificandi vsum qui olim à carnalibus obseruabatur, ideo paulo post subiicit: *non in sacrificijs tuis arguam te hodie.*

7. *Et annuntiabunt cæli.* i. præcones Euangelij, *iustitiam eius*, iudicis scilicet, quia, vt inquit D. Thom. cooperabuntur, vt vnique innotescat causa saluationis & damnationis tam sui quàm aliorum; vt ea ratione sententia iudicis appareat euidenter iusta: Vel, *annuntiabunt cæli.* i. omnes Sancti, *iustitiam eius.* i. approbabit eam, inquit ibidem D. Thom. *Quoniam Deus iudex est.* i. Quoniam principalis iudicandi auctoritas in Deo residet, & ab eo communicatur Christo secundum humanam naturam. Propterea ergo dixit, quod *cæli annuntiabunt iustitiam Dei*; quia Sancti in ferenda sententia non possunt parem iudicandi cum Christo habere auctoritatem: sed auctoritate iudicandi à Christo accepta, eius erunt assessores & astipulatores.
8. *Audi populus meus:* Occasione eius quod prædixit illos congregandos qui ordinant testamentum Dei super sacrificia, nunc Psalter in persona Dei, Israhel secundum carnem alloquitur. Et primo carnalem illius in offerendis sacrificijs sensum ac opinionem redarguit: deinde etiam ipsa carnalia sacrificia cultu etiam non carnali oblata, suo tempore auferenda esse insinuans, alia sibi offerenda esse demonstrat, & dicit: *Audi populus meus.* Sic Israelem compellans ob peculiarem Dei erga populum illum prouidentiam, de qua Moyses, Pars autem Domini populus eius. *Deus Deus tuus ego sum:* Dicitur Deus, Deus simpliciter per naturam; Deus aliorum, ob gratiam aut curam illis impensam.
9. *Non in sacrificijs tuis arguam te hodie.* i. in hac correptione ad quam audiendam te per præsentia verba aduoco, non arguam te quod neglexeris demandata tibi legalia sacrificia offerre, quia *holocausta tua in conspectu meo sunt semper.* i. indefinenter offers quæ secundum legem præscripta sunt: Sed arguam temeritatem tuam, qua persuades tibi mei gratiâ te mihi offerre quæ offers; Itaque testificor tibi quod
10. *Non accipiam de domo tua vitulos, neque de gregibus tuis hircos.*
11. *Quoniam meæ sunt omnes fere siluarum, iumenta in montibus & boues.*
12. *Cognoui omnia volatilia cæli,* quæ per sapientiam feci, & per prouidentiam dirigo atque dispono. *Et pulchritudo agri.* i. maturi fructus agri, inquit Cyrillus, *mecum est.* i. non nisi me conseruante superest. Igitur siue de gregibus, siue de volatilibus, siue de frugibus terræ offers, non est quod ea
- mihj

mihi tanquam indigenti siue ad manum non habenti offeras. Proinde,

Si esuriero. i. aliquo horum in memetipso (quod tamen impossibile est) quouis modo indigero. Addo in memetipso, quia dicitur Deus aut Christus istis indigere in membris suis. *non dicam tibi*, ut meæ indigentiae per oblationem subuenias, *Meus est enim orbis terræ, & plenitudo eius*: & ob id non est quod cogites te meæ indigentiae per oblationes subuenire. Imò hostijs atque muneribus tuis non solum non indigeo, sed cum talium mihi magna copia sit, ego eis non vtor.

Nunquid enim manducabo carnes taurorum? aut sanguinem hircorum potabo? Igitur hæc nec indigentiae meæ, nec vñibus meis secundum se offerenda sunt. Dicitur quidem in scripturis sacris Deus odoratus ex sacrificio

Noë odorem suauitatis, sed ut bene dicit Tertul. Quæ iucunditas siue viscerum veruecinorum siue nidoris ardentium victimarū? Sed animus simplex & Deū metuens offerentium ea quæ à Deo habebant, & pabuli & sua uolentiae gratia apud Deum deputabatur, non quæ fiebant exigentis, sed propter quod fiebant ob honorem scilicet Dei. Hæc Tertull. Cui consentit Cyrill. dicens, quod Deus carnalia illa veterum sacrificia accepta habuerit,

non ad id quod fiebat respiciens, sed animum colere volentium examinās. Quibus accedit quod Deus illa grata habuerit, quia præsignabant passionē & mortē Christi venturi, sicut Ecclesiae oblatio continet memoriam præteriti, ut docet D. Augustinus. Hactenus ergo Deus arguit carnalem & Deo indignam intentionem Israël sacrificia sui temporis offerentis. Quam eorum intentionem Deus, si Epiphanio credimus, etiam arguit, cum per Prophetas eisdem dicit: Ut quid mihi thus de Saba affertis? Et: Non præcepi vobis de verbo holocaustorum, quasi videlicet ipse egeam illis, aut illa ego, ut ita dicam, pro me velim, inquit Epiphanius. Post quæ innuat Dominus Israël sacrificantis intentionem non solum corrigendam esse, verum etiam ipsas hostias ab eo oblatas penitus abolendas, & in aliam hostiam permutandas: De qua re sic dicit:

Immola Deo sacrificium laudis, & redde altissimo vota tua.

Et inuoca me in die tribulationis tuæ, erui te & honorificabis me. Quam uersum connexionem sicut Psal. 39. ita & hic Spiritus S. aufert prius ut sequens statuatur, si Cypriano credimus & Tertull. Sacrificium autem sequens quod prioribus repudiatis nouo populo statuit Deus, vocatur à Tertulliano & etiam Cyrillo sacrificium spiritale: Ait namque Cyrillus: Nos tam crasso (veteris testamenti) ministerio relicto præceptum habemus, ut tenue & spiritale ac subtile perficiamus. Quod tamen non sic intelligi debet quasi sacrificium noui testamenti esset solummodo inuisibile; sed dicitur spiritale, cum tamen sit externum ac visibile, quia nō carnali sensu, ut mox de veteribus

13.

14.

Tert. 2. cōs.
Marc. 6. 22

10. in Iul.

10. de ciuit.
& 20. cōt.
Fenst. c. 18Epiphan in
her. 42i

15.

16.

Cyp. 1. ad-
u. Iul. 16
Tertul. ad-
uer. Iul. c. 5
Cyril. 10.
in Iul.

tribus factum esse diximus, sed spiritali deuotione est offerendum. Dicit
 Li 4. c. 34. proinde Irenæus: Oportet nos oblationem Deo facere in sententia pura,
 in fide sine hypocrisi, in spe firma, in dilectione seruente, primitias earum quæ
 eius sunt creaturarum offerentes, & hanc oblationem Ecclesia sola puram
 offert fabricatori, offerens ei cum gratiarum actione ex creatura eius. In
 quibus verbis auditur Irenæus sacrificium spiritale requirere; non excluso,
 sed spiritaliter oblato, externo sacrificio: cui cōsentit Augustinus id quod
 1 cōt. adu. hīc in Psalmo dicitur, expressè de sacrificio noui testamenti externo, quod
 legis & proph. 6. 20. vulgò Missæ dicimus, explanans: Ecclesia, inquit, quæ ab Apostolorum
 temporibus per successiones Episcoporum certissimas vsque ad hæc nostra
 tempora & deinceps perseuerat, immolat Deo in corpore Christi sacrificiū
 laudis, ex quo Deus deorum locutus est & vocauit terram. Quod deinceps
 ex prophetia Melchisedech & Malachiæ pluribus demonstrat. Ne autem id
 ab Augustino voluntariè dictum esse putetur, operæ pretium erit obserua-
 re quàm aptè, plenè & propriè Psalmi verba sacrificium Missæ circumscri-
 bant. Quod enim repudiatis pluribus veteris testamenti sacrificiis, exigat
 Deus vnum in singulari numero sacrificium; quid aliud innuit quàm quod
 Serm. 11. Leo dixit: Omnes legalium sacrificiorum differentias vnam Domini cor-
 de pass. poris & sanguinis oblationem impleturam esse. Quod dicitur: *Immola sa-
 crificium*, quid aliud importat quàm in sacrificio, ad quod adhortatur, fieri
 immolationem? Quod bene competit sacrificio quo vniuersa post Chri-
 stum Ecclesia vtitur. In eo enim Christus per consecrationem corporis sui
 à consecratione calicis separatam, sacramentaliter immolatur. Quod verò
 sacrificium de quo Psalter loquitur, appellat sacrificium laudis; quàm benè
 id quadrat in sacrificium Missæ, quod est sacrificium eucharisticum? præ-
 sertim quia est ab auctore Christo cum gratiarum actione primitus oblatū.
 Et quod addit: *Redde altissimo vota tua*; quid indicat nisi se de illo sa-
 1 in psal. 21. crificio verba facere, in quo, vt diximus, populus circumstans reddit vota
 vers. 27. sua æterno Deo viuo & vero? Quod præterea subiungit: *Et inuoca me in
 die tribulationis tuæ*; quid nos docet nisi sacrificiū hoc pro quibusvis po-
 puli necessitatibus cum inuocatione diuinæ clementiæ offerendum esse?
 De Spiritu Vnde & D. Basilius fatetur sacrificio Missæ adhiberi verba inuocationis,
 5. cap. 27. cū videlicet conficitur & ostenditur hostia, quæ etiam testatur Eccle-
 siam habere ex traditione. Ad hæc cū dicit: *Eruiam te*, quid persuadet
 nisi inuocationem in sacrificij oblatione factam, prouentum spectatum ex
 Dei promissione consecuturam esse? Postremò quod dicit: *Honorificabis
 me*; quid sibi vult nisi sacrificium quod demandat ad diuinos honores per-
 20. cō. Fan. tinere? Et proinde esse propriè dictum sacrificium: cuius oblationem ad
 c. 21. & li. 83. quæst. diuinos honores pertinere testis est Augustinus. His itaque ita expositis,
 quæst. 61. perse-

perseuerat nihilominus Psaltes in cepta correptione, quam tamen nunc conuertit ad eos qui verba Dei prædicant, sed opere non implent, imo re ipsa oderunt quæ prædicant & dicit:

Peccatori autem dixit Deus, quare tu enarras iustitias tuas? Quod Augustinus dici putat ad insinuandum quod prædicatio veritatis talibus prædicatoribus nihil pro sit, non autem quasi eiusmodi euangelij præcones ab Ecclesia tolerandi non sint, cum Apostolus ad Phil. 1. toleret eos qui Christum annunciabant ex contentione ac inuidia. Illis tamen quæ sequuntur attentis videtur Psaltes præsentis correptione eiusmodi prædicatores magis arguere sacrilegij quam infructuosi laboris. Quid enim sibi voluit: Tu vero odisti disciplinam, & reliqua, nisi ut insinuent rem indignam esse quod eius mentis vel potius amentia homines prædicent verbum Dei? ita ut horum verborum emphasi bene attenda quidam doctores doceant eos qui peccati mortalis sibi conscij annunciant verbum Dei, priori peccato mortali alterum adijcere. Et assumis testamentum meum per os tuum; Dicit, per os tuum; quia prohibet sublimitatem, non autem dicit per cor tuum, quasi excludens correctionem, inquit Ambrosius.

Tu vero odisti disciplinam; quia eam non solum non colis, sed eius cultores quibus potes modis ab officio impedis & persequeris. Et proiecasti sermones meos retrorsum, odiosè vel fastidiosè renuens ad eorum præscriptum mores tuos, & conuersationem corrigere vel efformare.

Si videbas furem currebas cum eo, & cum adulteris portionem tuam ponebas. i. furti eius te participem faciebas, vel consilio, fauore, cooperatione, vel placito cordis, inquit Augustinus.

Os tuum abundauit malitia, murmure, susurratione, detractione, maledictione, & similibus. Lingua tua concinnabat. i. callidè adornabat dolos, quibus proximum blandè in fraudem induceres, & domos viduarum deuorares, & id tanta solertia, ut dolum subesse acutissimus quisque vix deprehenderet.

Sedens aduersus fratrem tuum loquebaris. i. non raptim, non per imprudentiam aut facilis linguæ lapsum, sed ad hoc de industria te componebas, ut illa loquereris quæ fratri tuo quauis in re aduersarentur, eras enim vir habens spiritum contradictionis. Et aduersus filium matris tuæ. i. paruulum in fide filium Ecclesiæ adhuc lacte nutriendum, inquit August. ac si diceret, vnum de pusillis istis qui in Christum credunt, ponebas scandalum; quia tuis exemplis & dolo sis verbis eum in peccandi facilitatē, impenitentiam benefaciendi ignauiam, multarum virtutum necessariorum obliuionem præcipitasti. Hæc fecisti & tacui. i. inusitato aliquo signo hæc tuā iniquitatem non reprimendi, Alioqui per scripturā Deus eam improbare non cessat.

L

Existit-

17.

2. cōt. Par-
men. ca. 11Serm 6 in
118. v. 3

18.

19.

Epist 164

20.

21.

2. cōt. Par-
men. cap. 9

22. *Existimasti iniquè. i. iniqua opinione vel persuasione quod ero tui similis. i. quod de omnibus his idem tecum habiturus sim iudicium. Hoc dico, iniquè existimasti, quia iniquum est hominem, & præsertim peccatorem, Deum Deique iudicium velle ex se æstimare: Quo tamē hominibus in quibus non est Dei timor, nihil æquè familiare. Arguam te, in die iudicii. Et quo quæso modo? Iniquitatis tuæ tibi facta notificatione atq; ingesta confusione. Iudicat enim Deus cognitione siue illuminatione cordium, non interrogatione factorum, ait Ambr. Et statuas contra faciem tuam. Vt quocunque te verteris, iniquitatem tuam tibi obuersantē habeas: ita vt nec dissimulationi, nec excusationi, nec effugio inuenias locum, tantum abest vt sim futurus tibi similis. Quæ postquam Psaltes in Dei nomine cecinit, ipse nunc ex fraterna charitate ad eos quibus Deus hæc comminatur sermonem conuertens, suis eos exhortatur verbis, & dicit:*
23. *Intelligite hæc. i. has minas priusquam eueniant, qui obliuiscimini Deū, i. Dei iudicium. Ne quando rapiat, ex improviso te ad iudicium. Quanta enim, inquit Ambr. ibi prodentur quæ latere credebam! Qui pudor, quæ confusio erit cum is qui profitebar alios docere, ipse in eo deprehendar in quo alios arguebam! Et non sit qui eripiat, te à condemnatione & interitu æterno. Quia verò superioribus verbis de sacrificio Missæ expositis, adhuc aliquid deesse videbatur, ideo Psaltes id hic quasi adiecta coronide supplere volens, in persona Dei adiicit:*
24. *Sacrificium laudis, de quo prius verba feci, honorificabit me, ea qua diximus ratione. Et illic iter quo ostendam illi salutare Dei. i. per tale sacrificium salutem afferam offerenti. Qua adiectiuncula in sinuatur sacrificium noui testamenti salutiferum esse, & salutem nobis in vitam æternam proferre.*

P S A L M V S L.

*In finem Psalmus David, cum venit ad eum Nathan
Propheta, quando intrauit ad Bethsabæe.*

Amb. de apolog. David, cap. 8. Aug. præf. in psal. 50 **H**ic Psalmus iterum pœnitentis orationem continet, qui quinquagesimo loco ob id repositus est, vt S. Ambros. & August. notant, quia numero quinquagesimo remissio in scripturis designatur. Occasionem Psalmi dedit lapsus David cum Bethsabæe; increpatio verò Nathan eundem ad compunctionem cordis his versibus expressam extimulauit, qui pœnitentibus formulam orandi suppeditant, affectumque eorum excitant ad compunctionem.

- I. *Miserere mei Deus.* misericordiam implorat, quia procul abest à Pelagij præsumptione, qui, vt notat D. August. docebat peccata pœnitentibus ex iu-

ex iustitia remitti. Verum quidem est, quod Deus pœnitentibus remissionem promissit; sed sola Dei promissio non constituit inter promittentem & accipientem rationem iustitiæ, sed obligat promittentem ad seruandam suæ promissionis fidem. Ideo & Deus in scripturis sacris ex præstitis iis que promissit, non dicitur iustus; sed verax, aut fidelis. *Secundum magnam misericordiam tuam.* i. pro ratione magnæ misericordiæ tuæ, quæ tanta est, vt diuinæ magnitudini æquetur. Ait namque de Deo Sapiens: Secundum magnitudinem eius, sic & misericordia eius cum ipso est. Si ergo speretur misericordia peccatoribus impendenda pro ratione misericordiæ diuinæ, inde consequitur nullius quantumuis enormis delicti veniam esse desperandam: quia, vt etiam D. Basilius notauit, omne peccatum est finitum; misericordia autem Dei secundum quam indulgentia pœnitentibus dispensatur est infinita.

Et secundum multitudinem miserationum tuarum dele iniquitatē meam. 2. misericordia affectum, misratio miserendi denotat actum, vt notat Gregorius: Dicit ergo *secundum multitudinē miserationum.* i. pro ratione multitudinis miserationum tuarum; quia vt diuinæ misericordiæ magnitudo, ita & eius multitudo pro ratione diuinæ amplitudinis effunditur, vt proinde neminem multitudo, vel etiam frequentia suorum peccatorum à pœnitentia & spe veniæ debeat auertere.

Amplius laua me ab iniquitate mea. q. d. non solum reatum æternorum suppliciorum misericorditer deleri efflagito; sed *amplius*, siue præter id ipsam iniquitatem ac peccati malitiam de corde meo deleri: sicut hortabatur Propheta: Laua à malitia cor tuum Hierusalem, vt salua fias. & *à peccato meo munda me.* multipliciter repetitis verbis, vt notat loco citato Ambrosius. idem ferè inculcat, vt doceat orationem pro peccatorum remissione, ipsamque peccatorum confessionem coram Deo non esse perstringendam, aut leui brachio percurrendam. Caterum, tametsi remissio peccatorum ex iustitia non detur, necesse tamen est, vt in relapsis fides & pœnitentia (quæ D. Augustino eius nonnullum meritum sunt) eam aliquousque promerceantur. Quod Psaltes non ignorans cum implorat veniam, etiam veniæ accipiendæ Deo offert causam, dicens:

Quoniam iniquitatem meam ego cognosco, & peccatum meum contra me est semper. 4. Hoc is verè dixerit, quem accusatrix & vltrix sui inquieta semper conscientia excruciat, vt pulchrè describit Ambrosius. sic tamen si peccator huiusmodi stimulis excitatus se iugiter aut frequenter, vt D. Gregorius docuit, ad pœnitentiæ opera, gemitum scilicet, accusationem & vltionem sui cum oratione & spe veniæ conuertat.

Tibi soli peccaui. i. tu solus, cum nulli peccato obnoxius sis, iustè & sine
L ij vlla 5.

Ecc. 1.

3

Epist. 105.

4.

Ambrosius in
Psalm. 35.
Gregorius Past.
cura p. 3.
ad Rom. 30

ga. 15. i. 3
Deuter. 23.

ulla reprehensione peccatum meum vindicare, & non dimittere potes. sic plerique omnes. Alium tamen sensum D. August. indicat, qui talis est. *Tibi soli peccaui*. i. tibi soli sum relictus, vel tu solus mihi residuus es, à quo solui & curari possim. Medico enim, ait D. August. vulneratus videtur quodammodò, qui ut sanetur se subdit manibus medici, ut in eo medicinæ opus impleatur. *Et nilum coram te feci*. Eadem est confessio filij prodigi dicentis: peccaui in cælum, & coram te: Quæ confessio videtur inde procedere, quod deploret peccatum suum hoc nomine, quia id displicuit oculis Domini. *Ut iustificeris in sermonibus tuis*. particula, *Ut*, non causam, sed euentum denotat. non enim peccandum est, ut Deus iustificetur, sed cum peccatum fuerit, tunc Deus occasionem habet iustificandi se in sermonibus suis. Sensus itaque est: *Ut iustificeris in sermonibus tuis*. i. ex peccato meo, si illud remiseris, proueniet, ut in promissis tuis iustificeris, & verax habearis: dixisti enim; nolo mortem peccatoris, sed ut magis conuertatur, & viuat. Id itaque propter gloriam nominis tui fac, *Et vincas cum iudicaris*. D. August. & Gregor. intelligunt hinc Apostrophem esse ad

Ser. 49. &
118 de sc.
pore.

Christum Dominum, ut sit sensus. Tu Christe innocentia vincis omnes. Tametsi enim multi ob id iniquo iudicio condemnari dicantur, quia à criminibus sibi obiectis immunes erant, non tamen per omnem vitam suam, sicut tu, fuerunt innoxij, & innocentes. Vel, secundum D. Epiphanium, *vincas cum iudicaris*. i. vinctus cum iudicandum tibi erit in extremo tuo iudicio: tum enim nemo audebit contradicere iusto iudicio tuo. Proprius tamen huius loci sensus hic esse videtur, *ut vincas cum iudicaris*: q. d. iudicant te qui negant post lapsum reparationem fieri, & remissionem peccatorum nemini dandam astruunt. Hos autem tu Domine vinctus, quia si mihi peccatum remiseris, hos velut fabricatores mendacij, & cultores peruerforum dogmatum erroris, ut inquit D. Gregorius, conuincas. Ut autem cognitionem sui peccati, qua dicere cœpit, iniquitatem meam ego cognosco, amplificet, eiusque confessionem latè extendat, non sufficit ei iniquitatem peccatorum propriorum accusasse, sed pergit confessionem ad contagium peccati originalis extendere, & dicit:

Heret. 69.

Gregor. in
psal. 50.

6. *Ecce enim in iniquitatibus conceptus sum*. Et rectè. Quid enim erubescis, aut à te alienum ducis confiteri ea peccata, inquit Ambros. in quibus natus es? negantis non fatentis crimen est negare quod natus es. Dicit autem *in iniquitatibus*, cum tamen peccatum originale vnicum sit, quia ut D. Augustinus docet in Enchyridio, ponitur hic numerus pluralis pro singulari. vel, quia in peccato illo, quod per vnum hominem intrauit in mundum, & in omnes homines pertransiit (propter quod etiam paruuli baptizantur) possunt intelligi plura; Superbie videlicet, sacrilegij, homicidij, fornicationis

Ambr. 1. de
interp. 3. 6.
Enchir. ca.
44 & 45.

tionis spiritualis, furti, avaritia, & similia peccata. Hæc Augustinus. *Et in peccatis concepit me.* i. in vtero aluit me (vt legit Augustinus) *mater mea.* Quo verbo proficitur se procul esse ab ijs, qui in vtero sanctificati suere, vt Ieremias & Ioannes Baptista; quibus quidem competeat dicere, *In iniquitatibus conceptus sum*, non autem, & in peccatis concepit, siue in vtero aluit me mater mea, eo quod adhuc in vtero matris existentes sanctificati sint. Cum ergo in vtero ali siue nutriri aut foueri hoc loco describatur per *concupi*, oportune hic notabitur hominem in scripturis sacris dici concipi, non solum cum embrioni anima rationalis infunditur, sed etiam quamdiu fœtus animatus in vtero ad corporis incrementum fouetur. Vnde & Ecclesia in illis qui arbitrantur B. Virginem Mariam conceptam esse in peccato originali recte celebrat festum Conceptionis eius, eo quod ipsa dum adhuc in vtero conciperetur. i. ad incrementum animati corporis foueretur, ab iis atque adeo omnibus Christianis credatur esse sanctificata.

Ecce enim veritatem dilexisti. q. d. tametsi ego in peccatis conceptus sum, & tu me iure appellare possis præuaricatore ex vtero, tu tamen contra demerita nostra dilexisti facere veritatem, & animas peccatrices ex iniquitate redimere. *Incerta & occulta sapientiæ tuæ manifestasti mihi.* i. per prophetiæ donum reuelasti mihi futuram per Christum remissionem omnium peccatorum & actualium & originalis. Quæ peccatorum remissio hic dicitur pertinere ad incerta sapientiæ Dei, quia priusquam Deus suas promissiones lapsis pœnitentibus manifestet, incertum est an veniã etiã pœnitentes accepturi sint. Dico autem remissionem peccatorum ante reuelationem noui Testamenti incertam esse, non tamen desperatã, quia cum Deus natura bonus sit, idque homini, cui reliquiæ primæ integritatis per opinioniones erroneas non sunt omnino obscuratæ naturaliter vtrumque cognitum sit, debet lapsus homo qui omnes diuinæ indulgentiæ promissiones adhuc ignorat, de veniã, non vt Cain, desperare, sed pro ea, licet incerta, ad Deum bonum confugere. Fac enim incertum esse, inquit D. August. vtrum Deus ignoscat, quid perdit cum supplicat Deo, qui salutem perdere non dubitauit, cum Deum offenderet? Quis enim certus est, quod etiam Imperator ignoscat, & tamen pecunia funditur, maria transmeantur, & penè, vt mors vitetur mors ipsa suscipitur. Quibus autem aut per prophetiam aut per Euangelium diuinæ indulgentiæ erga pœnitentes pollicitatio & sacramentorum institutio innotuit, his remissio peccatorum non est incerta ex parte Dei, quia ijs fidei est, pœnitentes in gratiam recipi. Dixit quidem noui Testamenti tempore S. Apostolus Petrus Simoni Magi, pœnite & si forte remittatur tibi hæc iniquitas cordis tui. Non quod incertus esset de indulgentia ex parte Dei, sed ex parte lapsi, cuius dubia erat,

L iiij & in-

Li. 10. 69-
mil. 60. 50

& incerta pœnitentia. Causam namque tam trepidæ suæ adhortationis subiungit Petrus, cum dicit: In felle enim amaritudinis, & obligatione iniquitatis video te esse, q. d. video te corde amarum & incompunctum, amor iniquitatis valde implicatum esse. Quid ni ergo Petrus de eius reconciliatione dubitaret, quem per amorem iniquitatis impœnitentiæ funibus tantopere astrictum esse cognosceret? Pertinebat quoque olim remissio peccatorum ad occulta sapientiæ diuinæ, quia nec ante lapsum per spiritum suum reuelauerat Deus diuitias indulgentiæ suæ, nec illæ à lapsu in cor hominis ascenderant, donec eas misericors Deus per reuelationem gratiæ suæ manifestaret. Sed qua ratione ad hanc remissionem peccatorum poterit perueniri?

8. *Asperges me Domine hyssopo & mundabor.* Hic secundum Ambrosium & Greg. alluditur ad aspersiones veteris legis, significantes, vt interpretatur Apostolus ad Hebr. aspersiones sanguinis Christi, cui etiam in sua passione sponsa hyssopo circumposita oblata est. Sensus igitur est, Asperges, siue participem me facies redemptionis, quæ est in sanguine Christi, qui humiliavit semetipsum (hyssopus enim herba humilis est radicitus adherens petræ, quia & humilitas in Christo fuit radicata) factus obediens vsque ad mortem. *Et mundabor*, quia sanguis Christi est fons ille, de quo Propheta: In ablutionem peccatoris. *Lauabis me.* In sanguine eiusdem agni. *Et super niuem dealabor.* Maior enim est candor cordis quouis nitore corporis. Quibus tamen verbis significatur plena ac perfecta, & in futuro expectanda emundatio à peccatis, sic vt peccator etiam contrario nitore restituatur.
9. *Auditui meo dabis gaudium & letitiam.* i. facies me cum gaudio audire illam tuam vocem: Venite benedicti, &c. Sic Greg. *Et.* i. eodem simul tempore *exultabunt*, suscepto in se rediuiuo vitæ spiritu *ossa*, s. corporis mei *humiliata*. i. per mortem dispersa, & in terram abiecta, quæ res humanæ naturæ ad insignem contumeliam est. Hanc expositionem confirmat Ecclesia, quæ in officio mortuorum hunc versiculum in hunc sensum pro antiphona 1. ad Laudes ingeminat, & textus series eundem requirit, quæ ubi pœnitentiæ effectum, qui futuræ præsertim vitæ referuatur, commemorasset per verba: *super niuem dealabor*, apto ordine etiam duo hæc eodem pertinentia, eodemque tempore pœnitentibus obuentura subiungit. D. tamē August. per hoc quod dicitur, *auditui meo, &c.* dicit significari letitiam illam, quam mens hominis percipit dum ei ad benè & fructuosè dicendum sollicito verbum Dei intus illabitur, mentemque illius sic corroborat, vt cum bona fiducia se vera & congrua dicturum esse interno sapore præsentiat. Hic verbi illapsus saluberrimus est dicenti, & utilis audienti; qui à Psalte inter effectus pœnitentiæ reponitur, quoniam homo per pœnitentiam in templum Dei re-

Dei reformatur: templo autem Domini diuina responsa conueniunt, quæ tamen iuxta eundem præcipue concedi solent iis qui mites sunt & humiles corde. Illi enim, inquit, plus cogitando & orando proficiunt quam legendo & audiendo. Non est tamen hæc diuinæ gratiæ vñctio omnibus sic vulgaris, vt per eum omnes sine lectione aut disciplina audire à Deo valeant quid dicendum sit; sed hoc in omnibus sapienter dicturis operatur Deus, vt cum ea quæ ad rem pertinent, legerint, rectum eorundem intellectum concipiant, eaque quæ dicenda sunt prudenter efforment. Eo ipso enim, inquit idem, in fine epist. 120. quo auditores aut lectores sua docentem iudicio non errante approbant, internum hoc diuini verbi lumen magistrum se habere testantur.

Auerte faciem tuam à peccatis meis. Si dixerit hæreticus hic orari vt Deus peccata dissimulet, redarguetur per id quod sequitur, *& omnes iniquitates meas dele.* Hoc enim additamento significatur quod Deus faciem suam à peccatis sic auertit, vt ea etiam omnino deleat. Sed quia per remissionem peccatorum pœnitēs iustificatur à peccato, & quia iustificatio præter remissionem peccatorum operatur etiam sanctificationem hominis, ideo Psaltes singulas iustificationis partes sigillatim à Deo implorans, subdit:

Cor mundum crea in me Deus. Petens, inquit August. sibi concedi, non cor corporeum, sed animæ in corde commorantis renouationem. Non dicit autem cor mundum fac, sed crea, petens hoc verbo, vt Deus de integro cor eius instauret, & mundet, inquit Ambr. *Et spiritum rectum innoua.* i. Spiritus sancti interiora mea rectificatis habitaculum, ac incolatum restaura (per peccatū enim eum amisi) *in visceribus meis*, vt legem tuam per gratiam denuo superscribas in sensu atq; visceribus meis, vt promiserunt prophetæ. Nec abs re tam sollicitè orat sibi cōcedi spiritum rectum; timet enim sibi à iustificationis fūco, non ignorans quod Spiritum sanctum iniquorum, teste Augustino, imitetur cupiditas.

Ne projicias me à facie tua. Deprecatur hic pœnam, quæ diligentibus Deum grauissima est. Si enim, inquit Ambr. apud homines graue ducitur, quia pater familias à domesticis suis, quibus irascitur, vultum auertit; Si inter grauissimas pœnas computatur quod eosdem amandare & relegare decernit, quanto magis, inquit, id locum habet apud Dominū Deum nostrum? Sed, vt dixi, hæc pœna pœnæ rationem habere non sentitur, nisi ab ijs qui Deum diligunt; Alij enim vultum Dei refugiunt. Sed quia pœnitenti hæc pœna deprecanda est, deprecari autem eam non nouit qui Deum non diligit, inde consequitur pœnitentiam ex Dei dilectione procedere debere. *Et spiritum sanctum tuum.* i. bonam tuam in Spiritu sancto erga me voluntatem & prouidentiam non auferas à me, Scriptum est enim, quod Spiritu-

Epist. 112.
cap. 1.

10.

11.
Enchir. c. 31

Ser. 10 in
Psal. 118.

Aug. cō. Ser.
cundi. c. 10

12.

De Apolo.
David c. 14

tus sanctus auferet se à cogitationibus quæ sunt sine intelligentia, atque à peccatore recedet, cum videlicet sibi relinquendo. vel, *Spiritum sanctum tuum. i. remissionem peccatorum in Spiritu sancto non auferas à me.*

13. *Redde mihi lætitiā salutaris tui.* Pœnitens iste bonæ quidem conscientie lætitiā, sed eius memoriā non amiserat. Nondum enim erat ex illis, de quibus Gregorius: cum peccator longius recesserit, etiam boni ipsius quod perdidit obliuiscitur. Fitque ut post neque per memoriā quidem videat, quod prius per actionem tenebat. Quia itaque iste pœnitens adhuc memor erat quā bene sibi fuerit, cum experiretur, quod secura mens sit quasi iuge conuiuium; idcirco bonum illud amissum ardentius postulat sibi restitui. *Et spiritu principali. i. Spiritu sancto tuo principante, seu dominante, atque in procuratione salutis meæ principales non solum dignitatis, sed efficacie partes tenente. confirma me,* ne à rediuiua iustitia excidā. Petit enim, inquit Ambrosius, ut ei Spiritus sanctus in posterum sit auctor, & princeps, qui regat mentem, confirmet affectum, quod velit trahat, in superiora mentem dirigat. Similia habent S. Cyrillus & Chrysostomus.

De Apolog. David c. 18
Cyr. li. 11.
in 10. c. 28
Chrysostom.
3. de Spi S.

14. *Docebo iniquos meo exemplo, & ubi locus postulauerit etiam verbo. Vias tuas per quas iustificas impium. Meo autem exemplo edocti, & prouocati impij per pœnitentiam cum spe veniæ, & rediuiuæ iustitiæ ad te conuertentur. Qui* versiculus hic bene inseritur. Solet enim Deus in quibusdam, ut & in Apostolo fecit, peccatoribus, omnem patientiam ostendere ad informationem eorum, qui credituri sunt illi in vitam æternam.

15. *Libera me de sanguinibus,* quos in nece Viriæ effudi. Psalter enim ut homo, natura mansuetissimus non potest obliuisci doloris, quem concepit ex eo, quod homicidium illud à suis moribus tam alienum commiserit. Ex cuius doloris renouatione iterum eius expiationem implorat. Sic Ambro. Sub sanguinum item nomine intelligens omnia peccata mortalia. D. Augustinus verò, per sanguines, corruptionem mentis & carnis intelligit; à quibus si liberetur pœnitens, restat ut dicat, *Et exultabit lingua mea. i. cū exultatione laudabit iustitiam tuam,* ad quam à lapsu tanta integritate me reparas. Sed quia præsumptionis esse videtur quod dicat quasi de suis viribus confidens, *exultabit lingua mea etc.* Idcirco quod his verbis defuit persequentia supplens defectumque corrigens,

16. *Domine, inquit, labia mea aperies. i. ubi tu mihi gratiam te cum exultatione laudandi dederis, tum & os meum annuntiabit laudem tuam.*

17. *Quoniam si voluisses sacrificium dedissem vique.* Sed quid? nunquid poterit Deus placari in millibus agnorum pinguium, eorumque quæ secundum legem carnaliter offeruntur? Nequaquam. Illa enim nunquam poterant auferre peccata. Proinde *holocaustis,* carnaliter oblatis, sicut superiore Psalmo

Pſalmo enarratum eſt, *Non delectaberis*. Subiungens verò Pſaltes quidnam externa ſacrificia nobis vtilia faciat, ſubdit,

Sacrificium Deo ſpiritus contritus, quia nō niſi per tribulationem compuncti cordis cum ſpe veniæ coniunctam placatur Deus. Cū autem dicit *ſpiritus*, inſinuat tribulationem quæ Deo grata ſit, à Spiritu ſancto operante debere provenire: atque adeò de intimis hominis viſceribus debere procedere. *Cor contritū*, Sicut dicitur eſſe malè contritus corde, cui de corde omnis virtus, præſertim Theologica, detrita eſt, ſic dicitur corde eſſe benè contritus, cui cupiditas, aut ſaltem malè agendi libera voluntas abſumpta eſt. Quamvis igitur contritio definiatur eſſe dolor de peccatis ex Dei amore conceptus, gaudet tamen hic dolor nomine contritionis, quia oportet illum eoſque increſcere, vt peccandi, ſi non cupiditatem omnem, ſaltem voluntatē in homine conficiat, vt proinde triſtitia ſecundum Deum dicatur contritio ab effectu illius mortificationis, quam in homine operari debet, vt eum ad remiſſionem peccatorum diſponat. vnde & Baſilius contritionem dicit eſſe demolitionem cordis, & ſuppreſſionem humanarum cogitationum. *Et humiliatum*, ſic videlicet, vt ſe opprobrijs, iniurijs & caſtigationibus dignum ſentiat, iisque ſuſtinendis ſe exhibeat paratum. Sic Ambroſ. Imò & humiliet in ieiunio animā ſuam ſecundum Tertullianum. Hoc modo humiliatum fuit cor Pſaltis, cū dixit: Vertatur obſecro manus tua contra me, & domum patris mei. & cum pertulit maledictiones Semei. Cū itaque cor hoc modo humiliatum ad remiſſionem peccatorum neceſſarium ſit, & iudicium ultionis in admiſſa peccata exercendæ, iudicibus fori pœnitentialis à Chriſto commiſſum ſit, ſufficit pœnitenti habere cor humiliatum, ad ſuſtinendam illam ſeueritatem, quam iudex fori pœnitentialis iniunxerit. Atque adeò conformis ſcripturæ eſt illa doctrina, quæ dicit ad pœnitentiam neceſſariū eſſe propoſitum ſatisfaciendi iudicio confeſſarij. Debent interim confeſſarij memores eſſe doctrinæ Concilij Tridentini admodum ſolicite admonentis, ne pro peccatis magnis leuiſſimas ſatisfactiones imponant. ea enim ratione ſit, vt alienorum peccatorum ſe reddant participes. *Deus non deſpicias*. q. d. Tametsi cor huiusmodi in gratiam recipere ex iuſtitia non tenearis, ea tamē es bonitate, præcipue accedente tuo promiſſo, vt illud *non deſpicias*. i. indulgentia vacuum abire non patieris, tametsi ipſum, in ſe pretium redimendo, peccato condignum non exhibeat. Porro Pſaltes commendato ſpiritali pro peccatis ſacrificio, ex eo in futurum proſpicit, & procul intuetur ſacrificium, quod Eccleſia glorificata oblatura eſt. Cuius rei implendæ deſiderio flagrans,

Benignè, inquit, *fac Domine*. i. auxilium gratiæ tuæ benignus impende Domine *in bona voluntate tua*. i. non ſecundum merita noſtra, ſed tuam

M ſpon-

18.

In pſal 33

Expoſit ti-
tuli ſer. 10
in pſa. 118
et in pſ 37

In doct de
pœnit. c. 8.

19.

spontaneam erga nos voluntatem, benéq; faciendi propositum. *Sion*. i. Ecclesie huius téporis, *ut edificentur muri Hierusalem*. i. ut illi electi lapides ex quibus in celis construenda est Hierusalem, híc in fide, spe, & charitate ædificentur, & perseuerent. Oportet enim lapides illos híc omni ex parte præparari, ibi verò per manus summi artificis in ordinem compingi. Cuius rei typus extitit in fabricatione templi quod fecit Salomon.

20.

Tunc, scilicet: vbi illa ciuitas, vel in parte, vel in toto ædificata fuerit: *acceptabis sacrificium iustitiæ*, non contribulati spiritus, quia populus illius ciuitatis omnes iusti. Offeritur autem ibi sacrificium iustitiæ, quia iustitia qua Sancti pollent, in Deum tanquam suum fontem abijs cum gratiarum actione conuertitur. *oblationes*, quas Greg. intelligit sanctorum contemplationes. *Holocausta*, quia sancti diuino igne per omnia flagrabunt. *Tunc imponent super altare tuum*, quod est Christus, *vitulos*. i. innocentiam nouæ ætatis, seu renouatæ iuuentutis. Aut, *vitulos* labiorum scilicet suorum: sicut dicebat propheta: Omnem aufer iniquitatem, & reddemus tibi vitulos labiorum nostrorum. i. gratiarum actiones, innocentes, puras & simplices. Hos vitulos ponent super Christum, quia per ipsum vt summum sacerdotem, offerent Deo hostiam perpetuæ laudis.

PSALMV S LI.

In finem intellectus Dauid, cum venit Doeg Idumæus & annuntiavit Sauli & dixit: Venit Dauid in domum Abimelech.

2. Reg. 12.

Ensus est, finis huius psalmi est, siue scriptus est hic psalmus, vt manifestus omnibus fiat intellectus, quem accepit Dauid *cum venit Doeg Idumæus, & annuntiavit Sauli & dixit: Venit Dauid in domum Abimelech*. Dauid siquidem considerata iniquitate quam in illo facto exercebat Doeg, simul intellexit quanta sit peruersitas malignitatis, quod malignandi studium, & quis eius finis. Quæ omnia contextu præsentis psalmi exequitur, qui per modum increpantis sic incipit:

1. *Quid gloriaris*. i. venaris gloriam, Vel, gloria dignum aut celebrem te arbitraris, *In malitia, qui potens es in iniquitate*. i. qui vides te magnas ad exercendam iniquitatem vires habere. Gloriatio enim hæc illis propria est qui abundant malitia.

2. *Tota die*. i. perpetua quadam ac studiosa occupatione, *iniustitiam cogitauit lingua tua*. i. mens tua. Habet enim & mens linguam suam, quam meditando non eloquendo voluit, cum homo in spiritu suo, vt dicit Isaias, meditatur dura. *Sicut nouacula acuta fecisti dolum*. His verbis Dauid ne-

3. efficitur: *inquit Ambr. eo quod nouacula ad hominis adhibeatur*

beatur ornatum, & plerumque vlcerat. Si quis igitur prætendat gratiam & dolum necat Doeg proditoris exemplo, vt eum quem celare & protegere deberet prodat ad mortem, instrumenti illius, scilicet nouacula, comparatione censetur, quod ebriæ mentis & titubantis vitio manus vulnerare consuevit; Sicut Doeg malitiæ ebrius vino, per funestæ proditiōis indicium Achimelech sacerdoti necem detulit. Hæc Ambr.

Dilexisti malitiam super benignitatem. i. cum vtriusque haberes notitiam, cōparatione earum inter se facta, iudicatō vt Tertull. verbo vtar. i. deliberato & voluntario iudicio dilectionem malitiæ praposuiſti dilectioni iustitiæ; quæ quia omni ex parte benigna est, etiam vnico benignitatis nomine hic appellatur. *Iniquitatem magis, quam loqui æquitatem.* q. d. non solum internam animi malignitatem benignitati prælegisti, sed insuper dilexisti magis male agere quàm bene. Sub eo enim quod dicit, loqui, etiā facere omnisque malignitatis fructus intelligitur.

Dilexisti omnia verba præcipationis. D. Ambr. quem secutus D. Augustinus, verba præcipationis opponit verbis otiosis; vt verba præcipationis illa sint oris peccata, quæ hominem in æternam damnationem iniquitatis suæ pondere præcipient, quale peccati pondus verba otiosa non habent. Possunt tamen verba præcipationis dici non ab effectu vel fine sicut illa Ambr. intelligit, sed ab origine vel causa, vt verba præcipationis illa sint quæ ex ore loquacis temeritas inconsiderata præcipitat. Non enim maligni isti priusquam sermonem proferant, considerant num verum sit quod dicturi sunt, num expediat, num satis congruum sit fidei quam debent amici vel fratris honori, vel silentio quod promiserunt vel ab eis expectatur, sed sine iudicio quidquid in buccam venit vel quidquid æmulatio, indignatio, cupiditas vel malignitas suggerit, eloquuntur. Hoc modo verba præcipationis hic potius intelligenda sunt, eo quod vis vocum Græcarum denotat verba non cuiusuis præcipationis, sed præcipationis in mare, vt notat Hilarius. Verba autem præcipationis hoc modo intellecta, verè in mare præcitantur, quia cum mare sæculum sit, magnam in sæculo inquietudinem & turbationem suscitant. *Lingua dolosa*, quia fallaciter hæc verba præcipationis adornantur & defenduntur. Hæc ergo de verbis præcipationis, quis autem eorum erit fructus vel finis?

Propterea Deus destruet te in finem, quia quidquid opum, gloriæ, dignitatis vel amicitiae prædictis modis acquisiisti, id plane in fine sæculi vel vitæ tuæ ad nihilum rediget. *Emigrabit te in tabernaculo tuo.* i. Transferet te de hoc mundo, qui tibi solummodo per modum tabernaculi concessus fuit, vt eo tanquam peregrinus, hospes & viator raptim atq; per transitum vtereris. *Et euellat radicem tuam de terra viuentium.* Terra viuentium

M ij tium

3.

De penit.
cap. 5.

4.

1. offic. 2.

5.

tium est regnum celorum. In hac terra vberriam radicem habet, aut radicatus dicitur quisquis in charitate radicatus est & fundatus. Quin etiam quandoquidem omnis homo quantumuis peccator quamdiu mortaliter viuit, peruenire potest per Dei gratiam ad vitam æternam, ideo omnis homo hic viuens dici potest quadam ratione radicē habere in terra viuētium. Sed cū impius in impietate tollitur ex hac vita, dicitur tum eius radix auferri de terra viuētium, quia omnis spes adipiscendæ salutis, tum temporis ab eo pœnitus aufertur & quasi radicitus euellitur. Porro, per radicē in terra viuētium rectē intelligi spem perueniendi ad regnum celorum, probatur ex Daniele, vbi dicitur de rege cui spes supererat redeundi ad mentē, germen radicem eius in terra relinquit. quæ spes si non superfuisset, arbor radicitus fuisset extirpata.

6. *Videbunt iusti* descriptam malitiam impij & finem eius, idque in hac vita, *et timebunt* præ horrore tantæ iniquitatis & pauore atque metu periculorū in quo ipsi iusti versantur. Qui enim stat videat ne cadat. *Et super eum ridebunt*, in die iudicij. Risus autem hic gaudium significat: gaudebunt enim eo tempore iusti non de malo impiorum, sed quod iniquitas, ablata quam in hac vita mendaciter præ se ferebat felicitate & splendore, conditionem suam atque speciem propriam sortita sit. De quo risu Proverb. 1. Ego quoque in interitu vestro ridebo. *Et dicent iusti: Ecce homo qui non posuit Deum adiutorem suum.* q. d. Hic iustissimus est euentus, hic fructus hominis, qui dum viueret nec Deum sibi vt finem proposuit, nec auxilium transigendæ vitæ ac negotiorum eius à Deo expectauit.
7. *Sed sperauit in multitudine diuitiarum suarum*, Dicendo enim auro robur meum, & argento fiducia mea, beatitudinem suam in illis collocauit, & quidquid desiderauit in seculo obtinere vel perficere, ad id per munera vel promissa aut opes suas pertingere præsumpsit. *Et præualuit in vanitate sua.* i. quæ vano amore & non per virtutis soliditatem, sed consilijs vanitatis consequi intendebat, illa consecutus, ad non paruam potentiam & gloriam in sæculo peruenit. Cæterū vt opposita iuxta se posita magis elucescant, post hæc in persona iustorum, declarat Psalter iustos cum impijs affectu, opere, spe & fine ex diametro pugnare, q. d. Illi qui diligunt malitiam super benignitatem interno affectu amari sunt, turbidi & incommodi.
8. *Ego autem sicut oliua.* i. suavis & tranquillus, sicut scriptum est: In suauitate in Spiritu sancto. Fructus illorū acerbi: Ego autem sicut *oliua fructifera*, quia fructus iustorum quæ sunt verba & eorum opera, sanant, vngunt, leniunt, exhilarant. Illi hæreses & schismata faciunt, aut sic agunt, vt in domo Domini quæ est Ecclesia diutius non tolerantur: Ego autem sicut *oliua fructifera in domo Dei.* i. in Ecclesiæ vnitate, amore & merito perfe-

perseuerans, cum illi sperent in multitudine diuitiarum suarum, *speravi in misericordia Dei in æternum, & in sæculum sæculi*, quia & vitam æternam vt finem meum & spem meam, & ea quæ in hoc sæculo vsque ad finem mundi (loquitur enim in persona iustorum) mihi necessaria erunt, per Dei misericordiam ac beneplacitum acquirere & obtinere speravi.

Confitebor tibi, confessione laudis & gratiarum actionis, *quoniam fecisti* 9. *vt essem oliua fructifera*, sperans in misericordia tua in æternum & in sæculum sæculi. *Et expectabo nomen tuum*. q.d. Illi moræ impatientes sceleritatem in præsentium fruitione præoccupare fallaci festinatione conantur, in quo declarant se ex illorum esse numero de quibus scriptum est: *Væ terræ cuius principes mane comedunt*. i. inquit Augustinus, qui non expectantes oportunam quæ verè est in futuro sceleritatem, festinanter beari huius sæculi felicitate cupiunt. Et sic quidem illi: Ego autem expectabo. i. per patientiam præstolabor & sustinebo nomen tuum. i. tui ipsius reuelationem, expectans satietatem dum apparuerit gloria tua. Per nomen enim Domini ipsum Dominum aliquando intelligi, manifestum est in Deuteronomio. Et per nomen Domini, vbi locus requirit, intelligi posse Dei manifestationem, probatur ex Ecclesiastico qui dicit: *Nomine æterno hereditabit eum*, istis enim verbis significatur, quod Deus sui manifestationem præbebit in hereditatem, *quoniam bonum est ante conspectum sanctorum tuorum*, dicit sanctorum tuorum, Hi enim soli sentiunt quàm bonum sit cum silentio præstolari salutare Dei, quamque beatus sit vir cuius est nomen Domini spes eius.

17. de ciui.
cap. 20.

Deut. 27

PSALMVS LII. Dixit insipiens.

IN hoc psalmo, quandoquidem supra expositus est, solummodo explicandum est quod dicitur, *Deus dissipauit ossa eorum qui hominibus placent*. i. placere student hominibus in eo quod secundum hominem diligunt. Non enim inter hos numerandi sunt qui student proximis suis placere in bono. Cum enim studet quis placere proximis propter veritatem, non ipse illis, sed veritas illis placet, inquit August. Eorum verò qui hominibus placent ossa dissipauit Deus, quia cum per ossa iuxta Augustinum robur & stabilitas animi intelligatur, omne robur & constantia virtutis in ipsis labefactatur. Nihil enim languidius aut instabile magis est eo cui pro scopo est hominibus placere. Hic enim etiam falsis & à veritate Dei alienis hominum de se iudicijs angitur, & toto corde debilitatur. Quod non esset, inquit Augustinus, si non amor laudis humanæ ossa eius confringeret. Hic quoque tam instabilis efficitur, vt per momenta in omnem formam versipellis mutetur, omniumque placitis miserrima & molestissima

Epist. 64.

M iij stissima

stissima seruitute se accommodare debeat. Sed tamen si hæc expositio ex Augustino desumpta vera sit & bene utilis, tamen per ossa hoc loco non aptè stabilitatem & robur animi intelligimus, quia hic dicitur quod Deus ossa eorum qui hominibus placent, confringat: Animi autem hanc firmitatem atque constantiam, non Deus, sed homines hominibus placentes sibi metipsis confringunt. Proinde magis oportunus est commentarius. Hilarij, qui per ossium dissipationem designari dicit, quod huiusmodi hominibus non erit resurrectio ad gloriam. Quæ dissipatio ossium Deo propriè tribuitur, quia per iustitiæ retributionem eam Deus operatur. *Confusi sunt*, Confiteri enim & constanter tueri ac vindicare erubuerunt Dei sermones, illos proinde ad sempiternam confusionem & filius hominis erubescet. *Quia Deus spreuit eos*. Talis enim veritatis incuria, ut est piæ fidei & veræ religioni admodum inimica, ita abominabilis est apud Deum.

PSALMVS LIII.

In finem in carminibus intellectus David, cum venissent Zypheæ & dixissent: Nonne David absconditus est apud nos?

Voluit hoc Psalmo David nobis describere intellectum quæ per spiritum prophetiæ accepit cum audiret Zypheos ad Saul venisse. Ea enim occasione reuelavit ei Deus quas persecutiones passura esset aliquando Ecclesia, & simul quid eam in ea necessitate oporteret à Deo petere atque præ oculis habere, quæ proponit nobis præfens Psalmus in hunc modum:

1. *Deus in nomine tuo*. i. ad inuocationem nominis tui, *saluum me fac*. i. ex angustiis quæ me premunt, animam meam salua. *Et in virtute tua*. i. virtutis tuæ admirabili quadam ostensione, *iudica me*, iudicio non retributionis sed discretionis. Valde enim solliciti sunt sancti ne in passionibus suis videantur à Deo esse derelicti: Hoc enim gloriam Dei & bonum Christianorum nomen valde obfuscaret. Iudicat autem nos Deus, cum virtute auxilij sui sic corroborat, ut ex verbis, animi tranquillitate, inimicorum dilectione euidenter appareat, nos in ipsis etiã persecutionibus exhibere nosmetipsos ut Dei ministros, cum filij huius sæculi in suis passionibus pleni sunt impatientia & malignitate. Ad quam discretionem nos hortatur Petrus cum dicit: Nemo vestrum patiat ut fur aut maledicus, non dicit quia fur, ut sit sensus: nemo per impatientiam in suis passionibus furibus assimiletur. Porro quia hæc discretio bonorum à malis in pari passione positus non nisi magna Dei virtute efficitur, convenientissimè Psalter inuocat in virtute Dei iudicari.

Deus

- Deus exaudi orationem meam, auribus percipe verbum oris mei:* Idque, 2.
- Quoniam alieni, à me, religione scilicet, studio, amore, disciplina, insur-* 3.
rexerunt aduersum me, & fortes. i. iidem, magna præsumptione, magnis
viribus superbi & validi. quæsierunt animam meam, præsertim per tempora-
les afflictiones ad peccandum adigere, & peccato animam meam occidere.
Et non proposuerunt Deum ante conspectum suum. i. non habuerunt præ o-
culis ullum Dei timorem, aut ullam Dei obseruantiam, cuius metu aut in-
tuitu possent suam crudelitatem mitigare, & cõhibere ferociam. Sed ad cõ-
probandum quàm verũ sit, quod (vt docuit Cypr.) ad impetrandum quod *Epist. 77.*
in pressuris petitur, efficacior sermo & faciliior sit oratio, videtur Deus psal-
ti adhuc clamanti reipsa dixisse: Ecce adsum. Videtur enim à præmissa o-
ratione confestim corroborasse orantem per Spiritum sanctum. Et quia ad
perseuerandum in finem parum est à Deo semel corroboratum esse: vide-
tur Deus præterea psalti responsum dedisse se fore eius perpetuum prote-
ctorem & remuneratorem: Sicut & Abrahæ dixit: Ego protector tuus &
merces tua magna nimis. Quo Dei responso accepto, psaltes in media per-
secutione animæquior factus subiungit:
- Ecce enim. q. d. Animæquior nunc sum, quia Deus adiuuat me, & Domi-* 4.
nus suscepit curam meam. i. suscepit curam mei in perpetuũ. Quem ver-
ficulum quicuius Christianus dicere debet, & semetipsum aduersitati expo-
situm ad æquanimi- tatem componere per spem. Sperandum enim est vnici-
que in afflictione Deum inuocanti, Deum sibi fore adiutorem & suscepto-
rem animæ eius. Quæ si sperauerit, vel ob ipsam spem, quæ maximi semper
apud Deũ meriti est, voti sui compos efficietur. Verissimè enim dixit Cy- *De exhor-*
prianus: In persecutionibus non labefactet mentem humana infestatio, sed *marc. 10*
corrobo- ret mentem diuina protectio, quando vnusquisque secundum Do- *Epist. 9.*
minica promissa & fidei suæ merita tantum accipiat de Dei ope, quantum se
credat accipere, nec sit quod omnipotens, præstare non possit, nisi si acci-
pientis fides caduca defecerit. Post hæc Psaltes conuertit se, & prædicit fi-
nem tam persequentium quàm sustinentium persecutiones, & dicit:
- Auerte mala. i. auertes aliquando mala inimicis meis, quia illa à me in* 5.
capita inimicorum meorum conuertes, & in veritate tua. i. iustitia disper-
de illos. i. disperdes illos, quis in varias perditorum classes diuides, quæ si-
gnificantur per Euangelicos fasciculos zizaniorum. Hoc cum feceris, ego
cum confortibus meis
- Voluntariè. i. pro voto & ex voluntate mea, vt supra dictum est: Sacri-* 6.
ficabo tibi. Hoc idem est cum eo quod interpretationis loco sequitur, &
confitebor nomini tuo Domine, quoniam bonum est,
- Quoniam ex omni tribulatione eripuisti me, vt eam in vita mortali vin-* 7.
cerem,

cerem, nunc autem eam sic euaserim, vt illi non sit ad me accessus. *Et super inimicos meos despexit oculus meus*, vident enim oculi beatorum damnatos ligatis manibus & pedibus, nihil vltra mali sanctis inferre posse, & ob hoc eos vt inualidos contemnent, imo & assumpta parabola quam describit Isaias, eos subsannabunt.

Esa. 6. 14.

PSALMVS LIIII.

*1. Basil inter
bren. 261.*

EXaudi Deus orationē meam, & ne despexeris deprecationem meā, Fit interdum, inquit D. Basilus, vt indignitas orantis in causa sit, quamobrem non impetretur quod rogatum sit. Vel etiam fit interdum vt oratio quantūvis bona intētionē prolata, tam tepida sit, & à mente tam vaga prolata, vt Deo, nisi singularis quædam clemētia eius oranti succurrat, penē nausēā & fastidium pariat. Dicit itaq; *ne despexeris*, &c. quia in hac clementia exaudiri petit. *Intende mihi, & exaudi me*. Hæc pertinent ad instantiam orationis, non ad multiplicationem verborum:

2. Contristatus sum in exercitatione mea. Vox est infirmorum in Ecclesia: Illi enim, vt docet Ambr. in tribulatione quæ illis infertur ad emendationem labilis vitæ vel ad exercitationem necessariæ patientiæ, contristantur, non de peccato eam inferentium quod est perfectorum, sed de sua afflictione. *Et conturbatus sum.* i. amissa mentis & quieti spiritus tranquillitate, amaro animo effectus sum, iracūndus, atque cogitationum disceptationibus tumultuosus *à voce inimici*. Infirmos enim vel solæ verborum iniuriæ ac minæ conturbant. Sicut scriptum est, *à facie verbi parturit*. i. velut parturientis angustias patitur, fatuus; *& à tribulatione.* i. infestatione peccatoris quam peccator infert honori, rebus meis, vel corpori. Dixi autem *à voce inimici*;

*Ambr. in
psal. 118.
serm. 7.
versu 5.*

Ecclesi 19.

3. Quoniam declinauerunt in me iniquitates. i. per calumniam criminantes obiecerunt mihi multas iniquitates, quarum nullam admisi. Dixi etiam, *à tribulatione peccatoris*; quia *& in ira*, ex qua mihi mala inferebant, molestierant mihi.

Epist. 149.

4. Cor meum conturbatum est intra me, & formido mortis cecidit super me. i. timere insuper cœpi ne tristitia mea me aduersarijs iratum redderet, & ira in odium, quod est mors animæ, sensim degeneraret. Cui odio quanto pere occurrendum sit, docet August. in hæc verba: Non desunt scandala sed neque refugium, non desunt mœrores sed neque consolationes. Atque inter hoc quàm vigilandum sit, ne cuiusquam odium cordis intima teneat, neque sinat vt oremus Deum in cubili clauso ostio, sed aduersus Deum ostium claudat, nosti optime frater: Surrepit autem odium dum nulli irascenti ira sua videtur iniusta, ita enim ira inueterascens fit odium, dum quasi iusta

iusta

iusti doloris admixta dulcedo diutius eam in vase detinet, donec totum acescat, vasq; corrumpat. Quapropter multo melius nec iuste cuiquam irascimur quàm velut iuste irascendo in alicuius odium occulta iræ facilitate delabimur. Hæc Augustinus.

Timor & tremor future damnationis, *venerunt super me*, quia formidinem mortis formido & horror damnationis comitabatur. *Et contexerunt me tenebræ*. Hæc enim quæ recensui, mentis meæ serenitatem obnubilarunt.

Et dixi, cum scilicet in hac animi conturbatione positus essem, *Quis dabit mihi?* Qui sic loquitur, quasi dubitasse visus est, inquit Amb. à quo posset pennas accipere. Licet eo sermonis genere soleat diuina gratia declarari quæ in terris non potest inueniri. Habet enim anima pēnas vel alas suas inquit idem, quibus se possit libera leuare de terris seu terreni hominis infirmitatibus. Quæ alæ non sunt materialis compago pennarum, sed bona connexio multarum virtutū: *Sicut columba*: Si sinceritas animi & puritas mentis tibi affulget, columba es, inquit Ambr. Et præsertim si tibi præter hæc pacificus adsit animus. Optat itaque *pennas sicut columba*, quia oportet studium & exercitationem vitæ contemplatiuæ sine disceptatione aut indignatione animi, sed pacifico erga aduersarios animo arripere. *Et volo*, vt mentem sublimiorum rerum participatione excelsam, inferiorum rerum tentamenta non contingant. *Et requiescam*, supergressus strepitum mundi & ingressus intrò in gaudia silentij. Sed quia alæ istæ non nisi perfectorum sunt, vt etiam fatetur Ambr. Is autem in cuius persona Psalteres adhuc loquitur, infirmus adhuc & imperfectus est, vt diximus, ideo sciens hanc rem magis esse voti quàm affectus, aliud consilium euadendarum difficultatum amplexus est, de quo sequitur:

Ecce elongaui fugiens. q. d. Cum viderẽ me ad volandum adhuc implumem esse, proposui sæculi molestias, peccata atq; pericula fugiendo declinare, atque à sæculi consortio ad solitudinem seu vitæ solitariæ fidam stationem me seuocaui. Vel hoc modo: Cum cogitarem omnes aduersariorum molestias sublimitate mentis euadere; ad sublimitatem autem mentis acquirendam, ipsam frequenter in contemplationem rerum spiritualium sapientiæ atque charitatis alis sustollere, visa mihi ad id fuit solitudo opportuna: Itaque *elongaui fugiens*. i. à strepitu ac consortio mundi corporaliter procul recessi, *et mansi in solitudine*. Queris ad quid?

Expectabam eum. i. in solitudine positus ibi præparabam me (expectatio enim hominis Christiani nõ debet esse iners nec deses) & præstolabar Dei auxilium, qui sic expectantem non fraudans, tandem *saluum me fecit*. i. sanauit & curauit me à *pusillanimitate spiritus*, per quam prius sæculi aduersitatibus tanquam importabilibus nimis conturbabar: *et tempestate*, quæ in-

N

tus in.

tus in memetipso ad afflatū modicæ aduersitatis cito cieri solebat, omniumque passionum fluctus attollere. A quibus omnibus in solitudine Nosodochio conuenientissimo à Deo curatus, nec mihi iam amplius de odio aut alia animi perturbatione suspectus, securus præ odio iniquitatis exclamo:

9. *Præcipita Domine, diuide linguas eorum, quoniam vidi iniquitatem & contradictionem in ciuitate.* i. republica, aut factione inimica. Quam orat præcipitari. i. de sublimitate deiici, quia publica potestate abutebatur ad iniquitatem, linguasque eorum (sicut ferè in ædificatione turris Babel) diuidi, ad eneruandam eorum contradictionem, quæ dissensione eorum qui contradicunt, vim amittit.

10. *Die ac nocte circumdabit eam super muros eius iniquitas;* quia potestas qua suam rēpublicam murorum instar defendūt, iniquitas est, tum quia eam cōmuniter iniuste possident, tum quia ea sceleratè vtūtur, vel si iusta & ordinata est, non nisi ad iniquitatis defensionem ordinant. *Et labor in medio eius & iniustitia.* i. in illis qui sub horum præsidio latent, & quasi in medio eorum sunt, nihil nisi labor & iniustitia: grauantur enim sarcina innumera-bilium peccatorum, quia non nouerunt eum, aut non tenent viam ad eum, qui dicit: Venite ad me omnes qui laboratis, &c.

11. *Et non defecit de plateis eius usura & dolus.* Publicè enim & sine dissimulatione vsuris & fraudibus incumbūt, imo in summo dolo summum decus reponunt. Facta autem doli mentione pergit Psalter exponere insignem dolum, quē inter ceteros frequēter exercuit iniqua ciuitas per falsos fratres, cū aliqui qui ab ecclesiastica vnitatem ad eam animo defecerunt, audent interim ecclesiasticis adhuc cōuentibus se ingerere, & dissimulata apostasia, in ecclesiastica dignitate & officio permanere, ibi Ecclesiæ secreta explorare, ea hostibus clam prodere, Ecclesiæ dogmata & disciplinam in ipsis Ecclesiæ visceribus clanculariè peruertere, & sub fraternitatis prætextu incautam fraternitatem circumuenire, de quo dolo sic in persona Ecclesiæ loquitur Psalter:

12. *Quoniam si inimicus meus.* i. qui se pro inimico gerit *maledixisset mihi,* i. detraxisset mihi, *sustinuissem utique.* i. tolerabile id malum fuisset nec peregrinum; quid enim aliud ab inimico expectes?

13. *Et si is qui me oderat.* i. apertum odium contra me gerebat (Alioqui isti doli amici oderunt Ecclesiam, sed in occulto) *super me magna locutus fuisset.* i. infirma mea exaggerasset. Hoc enim est magna loqui, sicut Iacobus dicit, quod lingua magna exaltat. i. quæ vult supra quàm oportet exaggerare valet. *Abscondissem me forsitan ab eo.* Inimicus enim, inquit Ambrosius, vitari potest: Amicus nō potest, si insidiari velit. Amico enim quamdiu se pro amico gerit, secreta nostra committimus.

*Ambrosius. 1. of
fic. in fine.*

Tu re-

Tu vero homo. Pertinet hæc apostrophe ad exaggerandam huius doli inuidiam. *Vnanimis.* i. qui aliquando non solum externa cōuersatione, sed interno sensu idem mecum sensisti. *dux meus.* i. qui ducis officio mecum in Ecclesia functus es. *& notus meus.* i. cuius amor, fides, sinceritas mihi probè perspecta fuit, sicut & mea tibi. 14.

Qui simul mecum dulces capiebas cibos, quia intus mecum sapiebas quæ Dei sunt. Dulces enim cibi verba vitæ sunt, inquit Ambr. quos nulla amaritudo corrumpit, nulla mortis corruptela contaminat, *In domo Dei ambulauimus cum consensu.* i. in Ecclesiæ fide tenenda atque tuenda pari studio aliquando reuerà tenebamur. In quibus verbis notandum est, quod dicit, (capiebas, ambulauimus) quia alloquitur eū qui ab Ecclesiæ fide quam veraciter coluit & dulciter amauit, nunc defecit. Quo defectu facto, nō potest ultra dulces cibos gustare, nec cū Ecclesia in veritate consentire potest, potest tamen id simulare. Notandū præterea quòd per capere dulces cibos, nō sit intelligenda externa sacramentorum participatio, nec per consensum ambulandi in domo Dei intelligenda sit externorum conuentuum ecclesiasticorum aut officiorum communio, quia sacramenta spiritualiter ea non gustantibus, dulces cibi non sunt. Quapropter etiam arbitror hanc apostrophē Psaltis propriè non dirigi ad Iudam, quia Iudas nunquam dulces illos cibos cum Christo spiritualiter manducauit. Ideo etiam Psalmus 40. qui de Iuda intelligendus est, non dicit dulces capiebat cibos, sed edebat panes meos. Nec inter notos Christi fuit, nisi inter illos quibus dicit Dominus: Ego noui vos quod dilectionem Dei non habetis in vobis. Possunt interim hæc Iudæ accommodari. De huiusmodi autem proditore ac desertore Psaltes, dicens: *Tu homo vnanimis,* &c. orationem non absoluit, ipso orationis abrupto satis insinuans fraudem hanc nullis verbis æquari posse, posse autem cogitatione vtcunque æstimari. Quam orationem si nos explicando supplere voluerimus, eloqui propheticum obtundetur sapor, ideo ad reliqua transimus, in quibus prænunciat Psaltes horum proditorum finem & mercedem, dicens: 15.

Veniat mors. i. repentinus interitus *super eos, & descendant in infernum viuentes.* i. suam perditionem dum adhuc viuunt, sentientes, quos Chore, Dathan & Abyron hiatu terræ absorpti, tanto ante præfigurauerunt, inquit Augustinus. In tantam enim huiusmodi proditores dum adhuc viuunt, deueniant angustiam, vt subinde viui percipiant se damnatos esse, & æterni ignis quædam exordia non fallaciter experiantur. Cuius rei exempla extant apud Bedam. Ideo autem hæc iis præmaturè eueniunt, 16.

Quoniā nequitia in habitaculis eorum, in medio eorum. i. nihil nisi quod malum est machinatur atque exercent, ita vt vere dixerit Sapiens Eccli. 12. 17.

N ij

Sicut

Sicut aramentum æruginat nequitia illius. Sed inter istos quid Ecclesia, aut ecclesiastici viri quibus cum eis est negotium? Id sequitur: Dicit enim Ecclesia in singulis suis electis membris:

18. *Ego autem dum scilicet, inter eos versor, ad Deum clamabo & Dominus saluabit me.* i. in medio talium conuersantem ad salutem adducet. Sed quia erga omnes quamdiu hic viuimus Ecclesia charitatem exercet, filij eius non contenti suam inter malos salutem operari, insuper etiam prædicando quos possunt saluare conantur. Ideo sequitur:

19. *Vespere, & mane, & meridie narrabo & annuntiabo:* Per verba, *narrabo & annuntiabo* prædicatio Euangelij describitur: in ea enim narrantur præterita, annunciantur futura. Idque vespere, mane, & meridie. Quibus verbis non tam temporum quam auditorum, quibus prædicatio impendenda est, denotatur discretio. Cum enim ad veritatis cognitionem oporteat omnes ab ignorantia sensim prouchi (dicuntur enim Christiani fratres, quia ab vno vtero eiusdem ignorantia ad lucem expauerint veritatis, inquit Tertull.) debet Ecclesia tam ignorantibus quam proficientibus atque perfectis operam competentem adhibere. Cum itaque prædicatio impenditur ignorantibus, tum prædicatur vespere: quia prædicatur eis quorum mentibus adhuc offusa est caligo vespertina. Cum verò prædicatur illis qui veritatis intelligentiam percipere incipiunt, tum prædicatur mane. Cum denique illis qui in cognitione veritatis multum profecerunt, tum fit prædicatio meridie. Proinde per hæc tria significatur, Ecclesiam, tametsi inter malos & falsos fratres constitutam, nulli hominum generi deesse, quo minus annunciet eis omne consilium Dei, ita ut munda sit à sanguine omnium. Hoc autem quomodo præstaretur si omnes qui elongant se fugientes in solitudine perpetuo permanerent, nec aliqui inde ad publicum, solitudinis bono usu emendati & corroborati prodirent? *Et exaudiet vocem meam.* Ecclesia inter malos constituta, duo orat, nempe ut mali conuertantur, aut ab eorum qui conuerti nolunt infesto consortio liberetur. In vtriusque autem rei petitione à Deo exauditur, sed Psaltes prius enarrat quomodo in posterioris rei postulatione tandem exaudienda sit, ideo sequitur:

20. *Redimet in pace animam meam.* i. è captiuitate qua inter malos detineor, creptam in plena pace tandem constituet. *ab his qui appropinquant mihi,* i. ab his qui in eadem Ecclesia, collegio, & diuinorum sacramentorum consortio mihi admodum propinqui sunt, *quoniam inter multos erant mecum,* i. in Ecclesiastica vnitate mihi cohærebant, non ut electi qui sunt pauci, sed ut vocati qui sunt multi.

21. *Exaudiet Deus & humiliabit illos, qui est ante sæcula,* quia ut societate sanctorum indignos ab ea tandem separabit. Cuius separationis ratio est:
Non

Non enim est illis commutatio. i. non comparauerunt sibi quod pro salute animæ suæ commutent. Illa enim non redimitur auro vel argento, cui incubuerunt; Quam enim dabit homo commutationē pro anima sua? Vel: Non est illis cōmutatio in resurrectione carnis: erunt enim ex illis de quibus Apostolus, non omnes immutabimur. Vel: *non est illis commutatio* in melius, quia ubi iniquitas propendet, nulla bonorum operum commutatione, inquit Amb. reuocatur. Hos tres sensus, quorum postremum reliquis *in psal. 43* præfero, huic versiculo accommodat Ambr. *Extendit manum suam in retribundo.* q. d. Deus pœnam hanc illis non præcipitanter infligit, sed diu ad instar eius, qui plagas inferre intendit, manum suam super eos minitando intendit, vt dictum est. Sed quid? *in psal. 7.*

Contaminauerunt testamentum eius, quia minis his nihil conterriti perseuerauerunt legem eius præuaricando & contemnendo contaminare. *diuisi sunt ab ira vultus eius.* Augustinus refert hoc ad diuisionem quam faciunt ab Ecclesia in hac vita. Quæ diuisio ascribitur iræ vultus diuini, quia hoc eis permittitur ab irato Deo. Conuenientius tamen istud, tametsi scripturæ more non inusitato in præterito narretur, intelligitur futurum in ultimo iudicio, ibi enim pœnaliter & inuiti diuidentur mali à bonis, idque ab ira vultus eius, quia in vultu iudicis apparebit ira aspectu nimis horribilis, cum demandabit angelis suis vt faciant separationē bonorum à malis, quam iram vel intueri reformidantes, dicunt Apocal. 6. Abscondite nos à facie sedentis super throno, & ab ira agni. Posthæc aggreditur Psaltes enarrare quomodo exaudiatur Ecclesia tempore suæ persecutionis, orans, vt diximus, pro conuersione malorum quos patitur. de qua re sic incipit: *Et appropinquauit cor illius,* Dei scilicet. Cor autem pro intimo sensu ponitur, quia in corde sensus interni resident. Vnde scriptum est: Qui tangit cor, producit sensum. Ideo & Augustinus sensum scripturarum vocat cor scripturarum. Itaque cor Dei sensus Dei est, qui appropinquat, cum Ecclesia in exercitatione posita, Deo necessitati eius propensius subueniente, sensu Domini vberius imbuitur, vt possit dicere: Nos sensum Christi habemus. Cor autem Dei appropinquat nobis inuisibiliter per spiritum eius, præcipuè verò per studium & meditationē sacrarum scripturarum. In illis enim cor & viscera Dei efficacissimè panduntur. Ita vt admodum cōsulte D. Greg. scripserit Theodoro medico: Disce cor Dei in verbis Dei, &c. Sed fortasse de verbis S. scripturarum dicet quis: Durus est hic sermo? Nequaquā: quia *4. de doct. christ.*

Molliti sunt sermones eius super oleum. Qui sunt autem sermones Dei, nisi scripturarum sacrarum pagine de verbo ad verbum à Deo dictatæ? Hi autem molliti sunt illis quibus cor Dei appropinquauit. Dicit enim Aug. *Aug. in hñc locum.* qui pia fide ad scripturas accedit, fient illi oleū, & vsq; ad ossa penetrabunt.

N iij Sed

Sed qui fieri poterit vt sermones Domini alicui pro voto mollescant, & impleat homo desiderium suum ex iaculis siue sagittis istis?

25. *Iacta super Dominum curam tuam.* i. eius prouidentia te subijcito, & ipse te enutriet. i. per congrua incrementa ad plenum interioris hominis profectum sensim e ducabit. *Et non dabit in æternum fluctuationem iusto.* i. non permittet iustos, inquit August. perpetuò persecutionum procellis agitari, quia cruet eos à malis: vel, Non sinet iustos in finem vsque inter spem & pusillanimitatem, inter æquanimitem & tædium, atque similia fluctuare, vt serè accidit iustis in exercitationum suarum primordiis. Sed vt docet B. Petrus, modicum passos (facit enim cum tentatione prouentum) ipse perficiet, firmabit, solidabitque. Hoc autem Psaltis consilium dicit Leo dandum esse omnibus, quibus mandata Dei impossibilia aut ardua videntur: Non, inquit, hæreant vel remaneant in semetipsis, sed ad iubentem recurrant, quia ideo dat præceptum vt excitet desiderium & præstet auxilium, dicente Propheta: *Iacta super Dominum cogitatum tuum.*

Serm 5 de
Quadrage.

26. *Tu verò Deus deduces eos,* quibus non est commutatio, *in puteum interitus,* qui in Apocalypsi dicitur, Puteus abyssi & est infernus: Puteus dictus, quia est in recessu terræ intimo, inquit Tertull. & interno, & in ipsa terra operto, & intra ipsam cauato.

Cap. 55. de
anima.

27. *Viri sanguinum & dolosi non dimidiabunt dies suos,* quia tēpore vitæ suæ non implent opera virtutum, inquit Hieron. nec student per pœnitentiam emendare delicta, vnde & in medio vitæ cursu, & in errorum tenebris ducuntur ad tartarum. Cum è contra sancti, quia spatia temporū suorum ampleant operibus virtutum, dicantur mori pleni dierum. Credo interim hoc versu significari quod hæreses, schismata, aliæq; rebelliones nūquam in expectatum aut hominum opinione cōstitutum perdurent terminum, sed velut in medio cursu ex abrupto finem accipiant. Quod ipsum etiam significat Hieremias, vbi dicit: *Perdix souit quæ non peperit, collegit diuitias & non in iudicio, in medio dierum derelinquet eas.* Et manifestè implebitur in persecutione Antichristi, cuius dies propter electos breuiabuntur. Denique, impij non dimidiabunt dies suos, quia ob impietatem cito subinde & ante maturitatem abruptitur impiis vitæ suæ decursus. Monet proinde Sapiens, *Ne impiè agas multum, & noli esse stultus, ne moriaris in tempore non tuo. Ego autem sperabo in te Domine,* qui sperātes in te portas, iuxta Isaiam, vsque ad senectam, atque vsque ad canos.

In cap. 38.
Isaia.

Ierem. 17.

Eccles. 7.

P S A L-

In finem, pro populo qui à sanctis longe factus est, in tituli inscriptione ipsi Dauid cum tenerent eum Allophyli in Geth.

Continet hic Psalmus orationem præcipue pro salute Iudæorum, qui ab omni sanctitate alieni, sanctificatione indigni & sanctorum omnium inimici facti sunt. Qui cum Christum velut Allophyli. i. alienigenæ (erant enim ex patre diabolo: Christus autē ex Deo) quondam Dauid in Geth, quod est interpretatum torcular. i. in passione tenuissent, & iam egissent in crucē, mutari voluerunt tituli inscriptionem, non enim ferebant Christum dici Regem Iudæorum. In quo negotio præcipuē intēdebant Christo adimere honorē & existimationem. Oportunē proinde in Psalmi titulo fit mētio inscriptionis tituli, quia Psalmus præcipuē dirigitur cōtra eos, qui Christo in se & suo corpore per detractiones execrationēsq; existimationē detrudere, eumq; in contemptū adducere molīuntur.

Miserere mei Deus. i. misericorditer protege me. *quoniam conculcauit.* 1. i. contemptui me habuit, & quantum ad suum conatum attinet, in contemptum me adduxit homo, *tota die.* i. omni tempore quo vixit Christus, & superest Ecclesia, *impugnans.* i. verbis, rationibus & quibuscumque potest modis se mihi opponēs, *tribulauit me.* i. tristitia affecit, Christum quidem per compassionem, infirma autem membra eius per afflictionem.

Conculcauerunt me inimici mei tota die: quoniam multi bellantes aduersum me. Ex omni enim ordine & hominum genere erant qui Christum arguebant, sicut scriptū est: Aduersum me loquebantur qui sedebant in porta, i. Iudices. Et in me psallebant qui bibebant viuum; qui sunt potatores. Et similiter ab omni ordine hominum contradicitur eis qui veritatem sectantur in Ecclesia. Sed ne is qui sic conculcatur per pusillanimitatem labascet, & verē contemptibilem se reputans etiam corde & animo corruat, dicendum est ei quod sequitur.

Ab altitudine diei timebo? Id enim interrogatiuē legendum est. Et est 3. sensus: Nunquid trepidabo, quod hæc quæ absque causa & ratione patior, patiar ab altitudine diei? i. ab ijs qui potestate, opibus vel gratia sunt illustres & clari? q.d. Absit, mihi enim pro minimo est, vt iudicer ab humano die. i. ab illis qui apud homines sunt in splendore. Ideo & scribit August. *Epist. 177.* ad Pascantium Comitem Arrianum, à quo contumeliosē arguebatur. Ea quæ scripsisti mouerent me si à veritate Dei non à potestate hominis dicerentur. Proinde illi ab altitudine diei timeant, qui seculi gratiam aut seculi splendorem admirantur, suspiciunt atq; sectantur; *Ego vero in te sperabo.* i. spe seculi contempta, à te solo & per te gloriam veram & celsitudinem secta-

sectabor. Quid mihi ergo altitudo diei? In contradictionibus itaque quas patiuntur sancti, nihil eis timendum est, nisi quod forte (quandoquidem ut homines absque temeritate de sua causa tanquam omni ex parte inculpabili semper securi esse non possunt) Deo in causa cui contradicatur, eiusve prosecutione aliqua ex parte non recte, non prudenter, vel non moderate agendo, displiceant. Qua in re si non vanè securi sunt, nihil reliqua timeant, qui præter Deum & ea quæ ex Deo sunt, nihil sectantur, nihil amant. Sed dicant cum *Ierem. 17.* Ieremia, Diem hominis non desideravi tu scis. Non sis tu mihi formidini. q. d. da mihi in hoc negotio sicagere, ut non debeam tuam offensionem formidare, & reliqua non formido.

4. *In Deo laudabo sermones meos.* i. sermones meos (sub quibus & facta atque consilia intellige) æstimabo, & de illis censebo secundum id quod in oculis Dei sunt, aut ex eo quod ex Deo sunt. *In Deo sperabo.* i. nihil expectabo præmij aut laudis, nisi quod à Deo vel per Deum mihi obuenire poterit. His autem duobus inhaerens, *Non timebo quid faciat mihi caro.* i. carnalis, & qui non secundum spiritum Dei ambulat, homo. Caro enim hic hominem designat, à parte totum. Tamen si D. Hieron. hunc locum suo proposito accommodans, carnemumat pro altera hominis parte, quæ per libidinem veneream concupiscit aduersus spiritum.

*Epis. ad En
sto: h. de eu
sca virgi*

5. *Tota die verba mea execrabantur.* i. diris deuouebant, iisque maledicebant, ut familiare est hæreticis. *Aduersus me omnes cogitationes eorum in malum.* i. cum nihil à me bene dici præsupponerent, omnes cogitationes suas de me malas habebant, & in malum mihi conferebant.

6. *Inhabitabunt & abscondent.* i. quidam ex eis dissimulanter in sinuabant se familiaritati meæ, ita ut easdem subinde mecum ædes inhabitarent. Ibi autem *calcaneum meum obseruabunt.* i. inquit Hilarius in meam supplantationem fraudulenter incumbunt. Proprie enim supplantatur homo cum ab iis circumuenitur, à quibus sibi non putabat esse cauendum.

7. *Sicut sustinuerunt animam meam.* Legunt alij, *Sustinentes animam meam;* & iungunt id cum præcedentibus, ut sit sensus: Diu sustinuerunt siue expectauerunt ut me deciperet. Secundum verò lectionem nostram sensus erit: Sicut ipsi sustinuerunt animam meam ut eam conculcarent; ita tu ex aduerso in multa patientia sustinebis etiam illa vasa iræ, ut ea in vasa gloriæ cōuertras. Et tandem, *Pro nihilo.* i. absque vllis eorū meritis, inquit Augustinus, *saluos facies.* i. in salutis statum constitues eos, atque ad salutem perduces, implebisque in illis illud Baruch: Sicut fuit sensus vester ut erraretis à Deo, decies tantum iterum conuertentes requiretis eum. *In ira.* i. indignatione quam aduersus peccatum geris, *populos.* i. populorum impietatem *confringens.* Ut autem hoc faceres,

*de prædest.
sanct c 6.
Hier. 2. cō.
Pelag ca. 7
Baruch 4.*

Deus

Deus (inquit Christus) *vitam meam annunciaui tibi.* i. sacrificauit atque obtuli tibi. Nec id frustra. *Posuisti lachrymas meas in conspectu tuo.* i. respexisti ad lachrymas meas, quas tibi cum singultu & clamore valido in conuersionem peccatorum obtuli. 8.

Sicut & in promissione tua, tunc conuertetur inimici mei retrorsum. q.d. 9.
Sicut intuitu vitæ quam obtuli tibi, ita & intuitu promissionis tuæ mihi à te factæ, dabis conuerti inimicos meos retrorsum. i. ad penitentiam & obedientiam.

In quacunque die inuocauerote, ecce cognoui quoniam Deus meus es. i. 10.
exerior quia mihi addictus sis, & voluntate labiorum meorum non me fraudes. Vox est Christi, qui etiam Ioan. 11. dicit; Ego sciebam quia semper me audis. Possunt tamen verba hæc aliquouſque verificari de quibusdam excellentissimis sanctis, quorum precibus Deus velocem & fere infallibilem effectum cõcedens, testatur se peculiari affectu eorum Deum esse.

In Deo laudo verbum, in Domino laudo sermonem, &c. Idem significatur quod supra, nisi quod hic distinctè ponat *verbum*, quo nomine designatur internus animi conceptus, & *sermonem*, quæ vox designat verbalem interni conceptus enunciationem. Quæ duo superius vno vocabulo *sermonis* complexus est. Qua distinctione insinuat tam internum conceptum, quàm dictionem censendam esse, quatenus Deo & Spiritui sancto apta est & consentanea, non autem quatenus hominibus plausibilis vel grata. Et quod hic non dicit *verbum meum*, aut *sermonem meum*, per hoc insinuat oportere ut non solum nostros, sed etiam aliorum sermones & reprehensiones censeamus ac timeamus, quatenus in Deo sunt. Porro per hoc quod hic dicit: *Non timebo quid faciet mihi homo*, significat vocem, *caro*, quam supra posuit, pro toto homine, ut diximus, accipiendam esse. Post hæc concluditur Psalmus gratiarum actione in persona Ecclesiæ & membrorum eius in hæc verba: 11.

In me sunt Deus vota tua. i. in votis habeo per gratiarum actionem eas tibi nunc laudes canere, quas in futura vita *reddam laudationes tibi*, quia te hic in Sion decet hymnus Deus ob beneficia quæ hic percipimus, sed quia per infirmitatem ille hymnus hic magis est voti quàm effectus, votum hoc tibi reipsa reddetur in Hierusalem, vbi imponemus super altare tuum vitulos. Idque 12.

Quoniam eripuisti seu extraxisti *animam meam de morte*, cui omnes nos & singuli saltem originaliter obnoxij fuimus, *pedes meos à lapsu*, ne in mortem à qua ereptus fui, per aliquod peccatum mortale relaberer. Idq̃, in hunc finem ut post hanc vitam *placeam coram Deo.* i. Domino præsens plenè illi placeam. *In lumine viuendum.* q.d. Non amplius per fidem, sed per sapientiam 13.

O

tiam

tiam & illustrissimam ac splendidissimam iustitiam illius ciuitatis, quæ est terra absque vlllo timore moriendi in perpetua beatitudine viuentium.

PSALMVS LVI.

In finem ne disperdas David in tituli inscriptione cum fugeret à facie Saul in speluncam.

DAuid eo tempore quo fugeret in speluncam, prophetiam hoc Psalmo conscriptam à Deo accepit. Est autem hic prophetia & oratio Christi ne intentum consequantur illi qui titulum crucis Christi corrumpi volebant. Quod vsque adeo factum non est, vt simul hic describatur gloria quam Christus transacta passione sua consecutus est. Quædam tamen more reliquorum psalmorum etiam hic in persona Ecclesiæ & iustorum dicuntur.

1. *Miserere mei Deus quoniam in te confidit anima mea.* Bene dicit, quoniam, spes enim, vt dicit Bern. magna causa est impetrandæ à Deo misericordiæ, vel sola inueniens apud Deum, inquit idem, miserendi locum, quia Deus ponit oleum misericordiæ in vasis fiduciæ.

Serm 9 in
Psal. 90
Serm. 3. de
annuntiat.
Dom.

2. *Et in umbra alarum tuarum.* i. protectione tua cuius agendi ratio nobis aliquando est occulta. *Sperabo donec transeat.* i. cursum suum impleat iniquitas, quod erit in fine sæculi. Tamdiu ergo eget Ecclesia spe & Domini protectione.

3. *Clamabo ad Deum altissimum.* Non enim diuina protectio expectari debet cum desidiosa securitate, sed est precibus validis, quæ clamores dicuntur, ambienda. *Deum qui benefecit mihi;* Dicit, *qui benefecit mihi;* huius enim rei commemoratione & debitam Deo, vt decet, tribuit laudem, & semetipsum ad plura à Deo speranda ac impetranda excitat. Conferuntur enim præmissa dona, inquit Bern. vt ab ea misericordia quæ tribuit hæc, sperentur etiam ampliora. Post quæ prosequitur Psalter sermonem in persona Christi, & dicit:

Serm 5. de
Quadrages.

4. *Misit de cælo & liberauit me.* i. cælesti virtutem me à morte resuscitans liberauit ab omni expectatione plebis Iudæorum. *Dedit in opprobrium conculcantes me;* Israël enim secundum carnem opprobrium factus est omnibus ob occisum Christum, sicut dicit Ieremias: Cadant in opprobrium sempiternum. Hoc autem quod de liberatione Christi dicere cœpit, pluribus explicans subiungit:

5. *Misit Deus misericordiam suam & veritatem suam;* quatenus enim id nostri causa factum est, est misericordiæ; quatenus autem causa Christi, est veritatis vel iustitiæ. *Animam meam eripuit;* per resurrectionem, de qua apud Iob: Libera me Domine & pone iuxta te. *De medio catulorum leonum,* quia

quia è medio eorum qui crudeli in Christum animo (volebant enim gloriam resurrectionis eius impedire) circum circa custodiebant Christi sepulchrum. *Dormiui*.i. mortem oppetiui, *conturbatus*.i.ad mortem per suorem populi tumultuantis exturbatus. Videns enim Pilatus quod magis tumultus fieret, adiudicauit fieri petitionem eorum. Vel, *Dormiui conturbatus*.i.secundum inferiores animæ meæ vires tristis. Tristis enim fuit anima eius vsque ad mortem: vbi autem est tristitia, vel nolle in inferioribus animæ viribus, velle autem in supremis, tametsi suprema inferioribus suum motum permittant, ibi ob appetituum in diuersa tendentium distractio-nem, nonnulla turbatio est. Prior tamen sensus magis videtur conuenire auctoris proposito, sequitur enim:

Filij hominum, dentes eorum arma, & sagittæ, & lingua eorum gladius acutus. Quod intelligendum est de linguis Iudæorum, Christum ad mortem depostulantium, quorum linguæ verè fuerunt *gladius acutus*, quia Iudæi, inquit Leo, in Christum lethalia vocum spicula, & venenata verborum tela iecerunt. His autem armis Christi mors præcipue tribuitur, quia illius facti summa, inquit idem, Iudæorum linguis competit, ob quorum instantiam nec illis licuit esse innocentes, quibus eorum iniquitas non placuit. Quæ D. Leonis expositio tametsi huic loco propria sit, Diuus Cyrillus tamen hunc versiculum allegans, illas linguas dicit esse velut arma & gladios acutos, quæ alijs errorem vel peccatum persuadent. Qui enim id facit, fratrem lingua occidit. Quia verò Psaltes in persona Christi paulò ante dixit se liberatum esse de medio catulorum leonum per resurrectionem, ea quæ hanc liberationem secuta sunt superaddere gestiens, in sua persona nunc per apostrophen exclamat ad Christum:

Exaltare super caelos Deus.i.in summum caelorum ascende, & eo facto, per fidem vbique in te credentium, vt video futurum, erit *super omnem terram gloria tua*, quia vbique glorificaberis. Quæ apostrophe interposita, redit ad ceptam in persona Christi narrationem & dicit:

Laqueum.i.tentationem quæ ad peccatum erat, *paraauerunt pedibus*.i. affectibus quibus me laborare putabant: Nō enim dixissent Christo: Scimus quia verax es, & viam Dei in veritate doces, nisi eum velut humanæ gloriæ cupidum, sperassent ea adulatione more aliorum hominum in peccatum seducere. *Et incuruauerunt animam meam*. Incuruatur anima cum in peccati illecebram siue tentationem affectu nonnihil inclinatur, cui cum voluntas libera consentit, tum corrumpitur anima. Incuruauerunt itaque animam Christi in tentationem, non re ipsa, sed opinione ac intentione sua, nostras autem animas omnis pœne peccati illecebra re ipsa incuruat. Subijcit proinde Christus.

O ij Fade-

9. *Foderunt ante faciem meam foueam*, q.d. Vidi ego cogitationes eorum cum mihi foueam, in quam quasi imprudens ruerem, foderent. Ideo nihil mihi nocuerunt, frustra enim iacitur rete ante oculos pennatorum, quorum Christus longe primas fuit: Dicuntur autem pennati, quia Spiritu sancto ita sunt imbuti, ut sanatis affectibus suis cuius terrenę illecebrę, per alas charitatis in sublimiora se recipiendo, superuolitent. De qua re Aug. In mellis, i. terrenę dulcedinis, copia non frustra pennas habet apicula, necit enim hærentem. Quem igitur euentum habuit effossa ab eis fouea? *Et inciderunt in eam*, his enim dolis sibi sic nocuerunt, ut tandem in foueam vnde non est exitus, ceciderint. Quid verò ad has eorum fraudes Christus?

10. *Paratum cor meum Deus, paratum cor meum.* Geminata eiusdem rei assertionem magnam animi sui promptitudinē & virtutem, ad hæc omnia perferenda & superanda significans. *Cantabo, & psalmum dicam Domino*, Videtur significari gratiarum actio, quam Christus Patri detulit pro eo quod passionem sibi imposuit. Passio enim gloriam Christi adauxit. de qua sequitur:

11. *Exurge gloria mea;* Tametsi enim Christus tempore suę mortalitatis, quod fuit tempus suę humilitatis, à Patre glorificari rogauerit; Ipse tamen à Patre sic glorificatus est, ut vnà cum Patre etiam seipsum glorificauerit, ac in suam cum autoritate intrauerit gloriam. Quam autoritatem innuens dicit: *Exurge gloria mea;* verbum enim *exurge* imperantis est, & autoritatem habentis. Gloria autē cui hic imperat Christus, gloria est corporis eius & nominis, quam iure vocat suam. dicendo *gloria mea*. Sua enim erat, quia ab eo ipso secundum suam diuinam naturam procedebat. Sua erat, quia & dignitati eius & meritis debita. *Exurge psalterium & cithara.* Per hæc significantur laudes & gratiarum actiones, quas Christo post eius glorificationem canere cœpit Ecclesia, ita ut his verbis imperet Christus fieri sibi gloriam sui nominis. *Exurgam diluculo.* i. mane prima Sabbathi memetipsum à mortuis suscitabo. Quod quia Christus ipse facturus erat, ideo dicebat de eo Iacob: *Quis suscitabit eum?* ac si diceret, nemo extra eum.

Cap. 12. de *ut notat Ambr. Vis autem scire quid sit quod dixit: Exurge gloria mea,*
instit. virg. *exurge psalterium & cithara?*

12. *Confitebor tibi,* per gratiarum actionem, *in populis Domine.* Quod enim populi Deo Patri Christi laudes offerant & gratias agant, id Christus se facere dicit, quia per spiritum suum hoc in hominibus efficit. *Et psallam tibi in gentibus.* Addendo *in gentibus*; determinat quod illi populi de quibus prius indeterminatè dixerat: *Confitebor tibi in populis*, gentiles sint. Sed & causam huius confessionis subiiciens dicit:

13. *Quoniam magnificata est usque ad calos misericordia tua.* i. quoniam altissi-

tissimam gentibus impedisti misericordiam. *¶ usque ad nubes veritas tua,* i. Veritas tua per documenta & sui testimonia velut usque ad nubes exaltata, omnibus conspicua & clarissima facta est. Psaltes autem huius quam prænunciavit gloriæ Christi desiderio vehementius succensus, illam iam tum vel saltem cito reipsa manifestari exoptans, iterum exclamat:

Exaltare super calos Deus, &c. Fuit enim ex illis regibus, de quibus Christus: Multi reges & prophetae voluerunt videre quæ vos videtis. Sed nec otiosum est quod Christum ad ascensionem suam exhortando eum appellet Deum, dicens: *Exaltare super calos Deus;* Hac enim appellatione prophetice insinuat quod Christus tempore ascensionis suæ accepturus esset nomen quod est super omne nomen. Nomen scilicet Dei, ut etiam supra annotauimus.

PSALMVS LVII.

In finem ne disperdas Dauid in tituli inscriptione.

PRO intellectu huius Psalmi obseruandum est, Homines quantumuis à Christi religione alienos, ex dictamine legis naturæ optime scire loqui iustitiam, præsertim moralem. Diserte enim & late factis explanare nouerunt quid facere oporteat eos à quibus sibi aut suis bene fieri volunt, & si quid secus fiat, id grauiter reprehendere. Sed ex eiusdem legis dictamine non iudicant neque censent quid sibi agendum sit, aut à quibus malis sibi sit abstinendum, cum tamen eadem naturæ lex vtrumque pariter dicet: ita ut istis impropere merito possit, quod Iudæis legem scriptam habentibus impropere Apostolus: *Qui alium doces, teipsum non doces.* His itaque atque huiusmodi hominibus sic loquitur Psaltes:

Si vere utique iustitiam loquimini. q. d. ut eam vere loquimini, cum nimirum aliorum facta censuratis, *recte iudicate filij hominum.* i. ex eodem lumine quid vobis ipsis agendum vel omittendum sit, recte decernite. (Huiusmodi verò homines nullam probabilem excusationem habent de peccato suo cum sint cognitæ legis præuaricatores.) Sed nihil minus, sequitur enim:

Etenim in corde iniquitates operamini in terra. q. d. neglecto dictamine censorij huius luminis eoque non obstante, intus mala voluntate (hoc enim est quod dicit, in corde) iniquitates operamini: *Iniustitias manus vestre concinnant.* i. etiam opere externo (quod significatur per manus) iniustitiâ in variis eius operibus, quasi quibusdam funiculis connectitis. *Qui enim furatur, ne prodatur committit homicidium:* In suspicionem tractus adiungit mendacium & periurium: Quæ latius prosequitur Augustinus: Nihilominus prædicti versus sicut in legis naturæ, ita optimè quadrant in omnes cuiuscunque tam Mosaicæ quàm Christianæ legis à se cognitæ præuaricatores.

O iij

tores.

tores. Nam & isti verè & meliorem iustitiam loquuntur, sed sua facta non rectè iudicant. Deinceps autem Psalter sermonem conuertit ad eos qui legis Christianæ non tam prauaricatores sunt quàm eius se faciunt iudices, ipsamque legem fidei & morum peruersa interpretatione corrumpendo de lege, contrà quam B. Iacobus mandat, iudicare præsumunt. Hi autem sunt Iudæi & hæretici, ad quos sermonem conuerti, tametsi non omnibus in confesso sit, id tamen nos suis locis ostensuri probabile facere speramus. De his itaque dicit:

3. *Alienati sunt peccatores. i. illi qui magnum illud peccatum desertionis & rebellionis aduersus veritatem committunt, alienati sunt à vultu. i. à matre sua Ecclesia auerso animo facti sunt, & nutricis ac gerulæ suæ blandimenta & lactinia ceperunt aspernari. Hoc autè initium est omnis hæresis, quid vero post hæc? Errauerunt ab vtero. i. deserto vtero qui eos genuit eiusque rupta compage, sicut viperæ, ad errores tum inueniendos tum sectandos sunt conuersi & effecti hæretici. locuti sunt. i. docere & persuadere conati sunt falsa. Quod peccatum non bene quadrat in eos quos in principio Psalmi Psalter alloquebatur: illi enim iustitiam vere loquebatur. Itaque his verbis indicatur hæresis atque hæreticorum professio. Et statim subiungitur de eorum pertinacia atque dicitur:*

4. *Furor illis secundum similitudinem serpentis, quia serpētino furore perciti omnibus venena sua afflare conantur. Sicut aspidis surdæ. Aspides vt referunt Hilarius & Augustinus in hunc locū, & Bern. dicuntur natura esse surdæ, & præterea, cum percipiunt incantatores sibi imminere, vt concepta adiurationis formula venenum ab ipsis depellant, dicuntur alteram aurem in terram conuertere, alteram vero quæ sursum patet immissa suæ caudæ extremitate obturare. His Bernardus simile esse dicit illud genus dæmoniorum quod non potest exire nisi in oratione & ieiunio. Nihil enim, inquit, poterat verbum Apostolicæ increpationis ad illud. Quomodo ergo illud non erat aspis illa de qua in Psalmis, surda & obturans aures suas ne audiat vocem incantantis? Hæc Bern. Similiter hæretici in primis vt aspides surdi sunt, quia aures audiendi non habent, qui auditum fidei perdiderunt, & præter hoc per pertinaciam obturant aures suas ne audiant legem. Sicut factum esse videmus à Iudæis, qui exclamantes continuerunt aures suas ne audirent Stephanum: quibus proinde competit illud Prophetæ: Ecce incircumcisæ aures eorum & audire non possunt.*

5. *Quæ non exaudiet vocē incantantium, & venefici incantantis sapienter. i. vocē eorum qui rectè tractant verbum veritatis. Qui cōparantur incantatoribus aspides adiurantibus, quia cum illis vnum & idem intendunt, videlicet venenum pellere, Sed hi venenum humorum de animatum corporibus illi vi-*

illi virtus errorum de hominum mentibus. Differunt autem arte & instituto sicut differebant Moyses & Aaron ab incantatoribus Pharaonis. Nec tamen arbitrandum est probari incantatores, quia eis comparantur veritatis præcones, Sicut non reprehenditur Luna eo quod ei comparetur stultitia, cum dicitur: Stultus ut Luna mutatur. Ad sapientem autem incantatore, præfertim qui sacras incantationes suas contra quoduis venenum vitiorum, & non unam tantum hæresim dirigit, quid pertineat, pulchrè exequitur D. Hieron. in hæc verba: Prudens eloquij mystici siue susurrator, & ut Theodotion voluit incantator videtur mihi esse vir eruditus & exercitatus tam in lege & prophetis quam in Euangelio & Apostolis, qui possit singulas animi perturbationes sua sanare doctrina, & ad statum mentis reducere, dum & scortator recipit castitatem, & ganeo frugalitatem, & quondam avarus dat eleemosynam, &c. De huiusmodi incantatoribus contra serpentes & aspidem David loquebatur in Psalmo: Sicut aspidis surdæ & obturantis aures suas. Omnis sermo Apostoli contra serpentes & aspidem incantatio est, quem non exaudient peccatores & hæretici, quia claudunt aures suas, &c. Hæc Hieron. Quid vero istis qui audire nolunt adhibendum est remedium? Id exponit Bern. loco paulò ante citato. Orabo, inquit, pro eo, humiliabo in ieiunio animam meam, baptizabor pro mortuo vberissimo quodam profluvio lachrymarum apud quem videro nihil humanæ incantationis vel admonitionis prævalere. Si tamen hæreticorum aliqui corrigendi non sunt, qua ratione poterunt convinci hæreses?

In c. 3. Isa.
ad verba:
Prudens
eloq. myst.

Deus conteret dentes. i. dentatos, mordaces ac invidiæ plenos sermones eorum, in ore ipsorum, quia ex ipso hæreticorum ore procedit, unde efficaciter confutentur. Euenit enim penè omnibus hereticis, ut, eo quod veritati non adhæreant, suis se assertionibus imprudenter impugnent, inquit Ambr. *Molas leonum.* i. ipsam hæreticorum rapacitatem & crudelitatem plenam ingluuiem, in eaque latentes astus tam callidè, ut vix vitari possint, inquit Hieron. *confringet Dominus*, quia per eos ipsos insipientiam eorum, tametsi diligenter occultatam, manifestam faciet. Insipientiam autem eorum manifestare est hæresim confringere secundum Apostolum dicentem; Ultra non proficient, insipientia enim eorum manifestabitur. Hoc autem Deus faciet hæreticos suæ insipientiæ permittendo: Veritatis vero propugnatores ea prudentia instruendo, ut hac hæreticorum vesania ad confutationem hæresis solerter utantur. Qui verò erit hæreticorum finis?

6.

Epist. 81.

in c. 1. Ios.

Ad nihilum deuenient tanquam aqua decurrens. i. Sicut torrens qui ex sinu aliquo imbribus impleto vehementer quidem, sed cito, eo quod perennem fontem non habeat, defluit, ita istorum conatus in principio quidem impetuosius sunt, sed quia à Deo non sunt, cito in suum deueniunt finem.

Quod

Epiphan.
bare 30.

Quod non quidem toti generi hæresum & hæreticarum factionum, sed singulis hæresibus euenisse perspicuum est. Porro quæ hætenus de hæreticis explicata sunt, breui sermone complectitur Epiphan. in hæc verba: Malitia & error [vbi obserua quod error malitiæ postponatur tanquam eius pedissequa, sicut & paulò ante dictum est, prius, quod alienati sunt, deinde errauerunt] à seipso excæcans mentem [vbi obserua cæcitatem vel surditatem aspidis] & piam rationem auersans [vbi indicatur aspis obturans aures suas] contra seipsum velut fluctus excitans, impias prius prædicatas ab ipsis opinione, alijs fluctibus in seipso collidens, & in seipso semper conterens. [Quod quid aliud est, quàm quod cõterant dentes suos in ore suo?] seipsum destruere anticipauit. Hæc Epiphan. *Intendit arcum suum donec infirmetur.* i. Deus minitur eis supplicia, dum adhuc in vigore sunt, vt fugiant à facie arcus. Per intensiorem enim arcum, futurorum suppliciorum interminationes significari, in Psal. 7. diximus. Cum verò ipsi per Dei minitantis terrores, nihil fuerint immutati,

Psal. 67

9. m. r. ca
46.

8. *Sicut cera, quæ fluit, auferentur;* quia imminente fine dissoluetur omnis eorum virtus & potentia, & suo languore colliquecet, ipsique mollescent ad excipienda quæuis supplicia. Hac metaphora etiam describitur interitus impiorum in die iudicii, cum dicitur: *Sicut fluit cera à facie ignis, sic pereant peccatores à facie Dei. Supercecidit ignis, concupiscentiæ,* inquit August. *et non viderunt solem iustitiæ.* Sed quia deductio psalmi & ordo alium sensum postulare videtur, ideo præferimus sensum quæ dat D. Greg. *Supercecidit super eos in ceræ modum prius liquefactos ignis inferni, & non viderunt solem.* Ignis enim ille ardens est, sed non lucens, imò propter horridam caliginem tenebras exteriores adducens. Quis verò aut qualis erit hæreticis finis in hoc sæculo?
9. *Priusquam intelligerent spinæ vestre rhamnum, sicut viuentes, sic ira absorbet eos.* In quibus verbis iuxta quosdam quos sequimur, sermo dirigitur, non ad ipsos qui absorbendi dicuntur, sed ad alios; Quos alios variè intelligunt. Ego verò arbitror sermonem esse ad Ecclesiam, quæ cum sit lilium inter spinas, rectè illi dicitur: *Spinæ vestre.* Sunt autem hæ spinæ, carnales & non pessimi homines qui in Ecclesia sunt, & altitudinem Sathanæ non cognouerunt, atque iniquitatem, prout oportet nec astimant, nec auersantur. Rhamnus autem est sentium genus spinosum valde & aculeatum, per quem significantur illi qui hætenus descripti sunt heretici, quia acerbissimè pungunt, & seuisimè lædunt ac lacerant. Sensus igitur est: Priusquam illi qui in te, o Ecclesia, carnales sunt, iniquos hos eorumque iniquitatem intellexerint, siue bene habuerint perspectam, & prout oportet astimauerint. Sunt enim multi in Ecclesia politici, qui hæreticos non quidem

quidem probant, sed arbitrantur eis non esse magnopere succensendum, eo quod ipsi ignorantes fidei bonum ac necessitatem, non putent eos admodum magni mali esse reos. Priusquam ergo isti malum quod in hæreticis est, exploratè cognouerint, Deus qui aliter quam ipsi, iudicat. *Sicut viuentes, sic in ira absorbet eos*, quia faciet per iram siue iustam vindictam suam, ut isti, de quibus hætenus sermo fuit, descendant in infernum viuentes, de qua re in Psal. 54. diximus.

Lætabitur iustus cum viderit vindictam. Mihi videtur, inquit Ambr. lætari iustum, quod ipse euaserit, non quia impij puniantur. Quamuis enim bonum sit, inquit Tertull. quod puniantur nocentes, magis tamen competit innocenti dolere quod par (seu æqualis eius) tam nocēs factus sit ut tam crudeliter impendatur. *Manus suas lauat in sanguine peccatoris*, quia dum peccatorum pœna quæ nomine sanguinis intelligitur, à iustis conspicitur, conspicientis vita mundatur, inquit Gregorius.

Et dicit homo. q. d. Cum hæc ita sint, poteritne aliquis iure quærere. Si utique est fructus iusto? i. Habebitne aliquis fructum aliquem iustitiæ suæ? q. d. non, quia, *utique est Deus iudicans eos. i. & iustos & impios, in terra.* q. d. ex prædictis manifestum est quod Deus in terra. i. etiam in præsentī vitā, iudicium exerceat retribuendo iustis lætitiā quam diximus & facti boni conscientiam quam sanctis loco magni præmij esse docet Ambr. Impiis verò festinam mortem & futurorum suppliciorum quædam præambula: Non quærat ergo homo, *si utique est fructus iusto*, quia ex præsentis vitæ retributione facile sibi quisque persuadere potest, non de futuram iusto retributionem in ipso retributionis tempore. Ex perceptione enim præsentium, firmare oportet expectationem futurorum.

PSALMVVS LVIII.

*In finem ne corrumpas David in tituli inscriptione quando misit Saul
& custodiuit domum eius ut interficeret eum.*

IN hoc Psalmo oratur ne studiis Iudæorum impediatur ædificatio regni Christi in gentibus. Si enim Iudæi id effecissent, iam re ipsa corrupissent titulum crucis Christi. Quid enim ad Christi gloriam titulus quem scripsit Pilatus, sine re? Quod autem sequitur; *Cum misit Saul, &c.* non ad mysterium, sed ad tempus quo Psalti hæc prophetia incidit, referendum est; ut de similibus locutionibus subinde diximus: & in hunc locum testatur Hilarius.

Eripe me de inimicis meis Deus meus, & ab insurgentibus in me libera me.

Eripe me de operantibus iniquitatem, & de viris sanguinum salva me.

Absque dubio hic est oratio Christi. Quæ quamuis ad literam intelligi de-

P beat

10.

serm. 7. in

ps. 118. v. 5

Tert. ca. 19

de spectac.

Greg. 18.

mora c. 13

11.

2. de Alra.

cap. 8.

beat de Christo suæ apprehensioni iam proximo, aut etiam apprehenso, ea tamen hoc præcipue spectat, atque huc tendit, vt nomen Christi de inimicis & viris sanguinum, illud vna cum vita Christi, vt subinde dixi, persequentibus eripiat. Sensus itaque est, *Eripe me de inimicis meis Deus meus*, ne nomen meum ab iis extinguatur vel deleatur de corde & ore hominum.

3. *Quia ecce ceperunt animam meam*. i. me vt morti tradant captiuum ceperunt, *irruerunt in me fortes*. i. cohors armatorum venientium ad apprehendendum me magno impetu irruit in me:

4. *Neque iniquitas mea, neque peccatum meum Domine*: q. d. nullo meo demerito ego in hæc mala deueni. Circa quæ verba oportune obseruabitur distinctio quam ponit Ambros. inter iniquitatem & peccatum, dicens: *Amb de A. pol David, cap. 13.* Iniquitatem esse habitudinem mentis iniustæ, peccatum verò actum eius. Secundum hanc enim distinctionem solus Christus singulariter dicere poterit, neque iniquitas mea neque peccatum Domine, eo quod nec mentis iniustæ habitudo vel originalis in eo fuerit, nec vllum peccatum actuale. Quocirca etiam absque sua culpa pati vel affligi, per modum cuiusdā prærogatiuæ Christo ab August. singulariter attribuitur, quia ne vel originalis culpa fecit Christum miseris obnoxium; Reliqui enim sancti, qui etiam multa absque sua culpa passi sunt, per culpam saltem originale fuere miseris multis & afflictionibus obnoxij, ita vt passionibus illorum ad peccatum tanquam causam remotam atque originale reducantur, Christum verò malis & afflictionibus obnoxium fecit non iniquitas, sed pietas. *Sine iniquitate cucurri, & direxi*. i. peccatum neque ambulando, siue cum alijs conuersando, neque dirigendo commisi. Christus enim nec in priuatæ, nec in publicæ personæ officijs peccatum vllum admisit. Sed sua hac innocentia & pastoratus integritate æternam Iudæorum salutem consecutus, eam tamen consecutus non est, ita vt labor & industria eius hac in parte penè fuerit inanis, quam ob rem in persona eius dixit Isaias: In vacuum laboraui. *Isaia 49.* Sine causa & vanè fortitudinem meam consumpsi. Ergo, inquit, iudicium meum cum Domino, q. d. Quandoquidem ego Domino mandante laboraui, & laboris mei fructum non acquisui, habeo quod cum Deo iudicio contendam, & frustrati prouentus mei compensationem exposcam. Cuius compensationis postulationem Psalter in persona Christi in hæc verba exequitur.

5. *Exurge in occursum meum, & vide*; q. d. quandoquidem ego tempore mortalis vitæ meæ Iudæorum salutē consecutus, sed consecutus non sum: Tu Domine *vide*. i. laboris mei rationem habe, & per auxilium gratiæ tuæ præuenientis, *exurge in occursum meum*. i. ex aduerso tu fac quosdam pro adipiscenda à me animarum suarum salute mihi occurrere, & ad me pro sua salute

salute obtinenda properare. Et quia gens Iudæorum laboribus meis restitit, & Apostolis resistere non cessabit;

Intende ad visitandas omnes gentes. i. hanc quam imploro gratiam in omnibus gentibus operare. Quam quidem sui laboris compensationem Christus non frustra ut exigebat eius reuerentia postulauit. dicit enim Dominus postulanti Christo per Esaiam c. 55. Ecce gentes quæ te non nouerunt ad te current, &c. Quod pertinent etiam illa verba Psal. 67. Venient legati ex Ægypto, legati scilicet ad inuitandum in Ægyptum Euangelij præcones. Sicut & in Actis Apost. ad Paulum venit vir Macedo, dicens: Veni adiuua nos. Porro causam hanc suam quam Christus hic Deo iudici commendat orando: idem Ieremiæ 15. instituit quasi conquerendo cum dicit: Væ mihi mater mea, quid me genuisti, virum rixæ & discordiæ in vniuersa terra? non feceravi. i. ut legit Hieronymus, non profui, nec feceravi. i. nec profuit mihi quisquam quantum ad ipsam gentem Iudæorum attinet. Cui querelæ satisfaciens Dominus respondet: Si non reliquiæ tuæ in bonum. q. d. Tametsi ex Iudæis tibi contradicendo plurimi perierint, reliquiæ tamen saluæ factæ sunt. Et quia hoc mihi parum est, Parum enim est ut sis mihi seruus, ad fæces Israhel conuertendas; (subdit per Ieremiam Dominus) Si non occurri tibi. i. gentes in occursum tuum misi in die tribulationis, i. in compensationem tribulationis quam habuisti ex rebellionem Iudæorum. Ex quibus datur intelligi, quàm bene sibi consulant, qui Deo operam impendunt, eo quod Deus valde sit magnificus in compensandis laboribus aliquando, ut apparet, frustra exantlatis. In vna enim gente penè frustra laborauerat Christus, Eius contèplatione visitauit per gratiam suam Deus omnes gentes, idque tam prompta gratiæ effusione, ut ex ijs multos miserit in occursum Christo. Sed quid pro perfidia reddetur Iudæis? sequitur, *Non miserearis omnibus qui operantur iniquitatem.* Quibus verbis approbat Christus iustum Dei iudicium, quo decreuit Iudæos ob peccata in Christum admissa deserere, & iuxta Osæ prophetiam, Iudæam reipsa appellare absque misericordia. Secundum quam expositionem, quam arbitramur literalem, nomine iniquitatis hoc loco non quæuis iniquitas intelligi potest, sed illa maxima, quæ est Iudæorum in præsentem Christum. Si autem aliquis Augustinum secutus maluerit hunc versum de quauis iniquitate intelligere, tum dicendum erit, Deum hoc sensu non misereri omnibus qui operantur iniquitatem, quia nullam iniquitatem relinquit impunitam. Oportet enim iniquitatem puniri, aut à suo authore per pœnitentiã, inquit Augustinus, aut à Deo iudice per vindictam. Quæ Augustini expositio verbis textus satis est consentanea. Quo modo enim Deus non miseretur omnibus qui operantur Iudaicam impietatem, cum multa millia

6.

Hiero. in 4 ad Gal.

Osæ ix.

P ij ex Iu-

ex Iudæis conuersa sint, nisi fortè generalem illam clausulam commodè intellexeris? Fatetur præterea Augustinus hic posse esse sermonem, de alio quopiam particulari peccato, quo nimirum homines, vt se in peccatis suis excusent, Deum aut fatum suarum iniquitatum faciunt principium: quod peccatum, dicit Augustinus, non consecuturum misericordiam, quia id ferè secum trahit impœnitentiam. Iudæi autem à Deo deserti quo se vertent?

7. *Conuertentur ad vesp̄am.* i. repulso Christi Euangelio se totos conuertent ad mordicus tenendam legem iam tum in occasum tendentem ac vesp̄ascentem. Accrescente enim in diem seu claram lucem Euāgelio, inclinabantur. i. deficiebant, & paulatim in occasum tendebant vmb̄æ antiquæ legis, Quas vmb̄as quandoquidem Iudæi diutius quam oportebat in splendore habere & colere voluerunt nec permiserunt eas tempestiuè occumbere, ideo dicit in eorum persona Ieremias: Vx nobis quia declinauit dies, quia factæ sunt vmb̄æ longiores vesperi. *Et famem patientur vt canes.* Doctrina enim legis sine Christo, qui est panis Dei dans vitam mundo, saturitatem non præstat, ideo non obstante pabulo legis, quod eis ad manum est, famem patientur, quæ hoc loco non in veræ saturitatis appetentia, sed necessariæ refectionis indigentia & egestatis cruciatu intelligenda est. Quam & patientur vt canes, quo nomine etiam ab Apostolo ad Philip. Iudæis attributo, eorum impudentia & rabies, inquit Hilarius, arguitur. *Et circuibunt ciuitatem,* quia per totum mundum oberrabunt circa Ecclesiā, eam autem non ingredientur. Sed quid famelici interim agent, nunquid quiescent? Nequaquam: Sequitur enim:

8. *Ecce;* Quo verbo in scripturis lectoris admiratio ferè excitatur. q. d. O pertinaciam & sœuitiam inauditam, *Loquentur in ore suo;* quia passim cōtradicient & obloquentur Euangelio, vt patet in Actis: Contradicientibus Iudæis dixit Paulus. Et ad Thessal. Qui Deo non placent, & omnibus hominibus aduersantur, prohibentes nos loqui gentibus, vt impleant peccata sua semper: Peruenit enim ira super eos. *Et gladius in labijs eorum.* Sicut enim lingua eorum fuit gladius acutus cum Christum ad crucem postularent, ita gladius in labijs eorum, quia inter gentiles positi, præcipui erunt inter eos qui Christianos postulabunt ad necem. *Quoniam quis audiuit?* Hoc idem est cum eo quod dixit de Iudæis Ieremias: Quis audiuit talia horribilia quæ fecit nimis virgo Israhel? Quid verò ad has eorum inimicitias Deus?

9. *Et tu Domine deridebis eos.* i. deridendos propinabis eos faciens conatum eorum risu, vt sit, dignum. Sequitur enim, *ad nihilum deduces omnes gentes.* i. omnem gentilismum, gentilium superstitione per veram religionem exterminata. Hoc enim vere ridiculos præbebit conatus Iudæorum, qui
no men

nomen Christi laborabāt extinguere. Porro quia Psalter dicendo ad Deū: *Adnihilum deduces omnes gentes.*; gentium conuersionem Deo cuiusque virtuti ascripsit, ne gentes diuino munere conuersæ cum accepto iustificationis dono, sine Dei speciali auxilio se perseverare posse præsumerēt, ideo per sequentes versus obiter, velut per occasionē solummodo, exponit Psalter, quid ad conseruandam acceptam à Deo iustitiam factō opus sit: atque in se omnes erudiens dicit:

Fortitudinem meam. i. vires acceptæ iustificationis & aliorum donorum tuorum. *Ad te.* i. influxui tuæ gratiæ adhærendo, vel saltem ad opem tuam me conuertendo, *custodiam.* Neque enim tale quid est homo factus, inquit Augustinus, vt deserēt eo qui fecit, possit aliquid bene tanquam ex seipso: sed tota eius actio bona est, cōverti ad eum vel adhærere ei à quo factus est, & ab eo iustus, pius, sapiens, semper fieri. Sicut enim aër præsentē lumine non factus est lucidus, sed fit, quia si factus esset & non fieret, etiam absente lumine seu sole lucidus maneret; sic homo Deo sibi præsentē illuminatur, absente autem continuò contenebratur, à quo voluntatis auersione disceditur. Ille itaque operetur hominem bonum atque custodiat, qui incommutabiliter bonus est. Semper ab illo fieri, semperque perfici debemus inhaerentes ei, & in conuersione, quæ ad illum est permanentes. De quo dicitur, Mihi adhærere Deo, bonū est, & cui dicitur, Fortitudinem meam ad te custodiam. Hæc Augustinus. Vt autem sciremus, hoc ipsum se ad Deū pro conseruatione suæ fortitudinis conuertere, nunc specialiter diuini muneris esse, cum ante lapsum id solum relictum fuerit in libero hominis arbitrio Dei gratia sufficienter instructo, causam huius suæ cōuersionis, inquit Augustinus, subiiciens, dicit Psalter: *quia Deus susceptor meus es.* q. d. Tu me assumpsisti, vt hanc quæ dicta est, mei ad te conuersionem prior in me peculiari cura & munere operareris. Et tanquam requirēs, inquit ibidem Augustinus, quibus id quod videlicet à Deo susceptus sit, vel Deus susceptor eius factus sit, meritis fuerit affecutus, nihilque in se inueniens ante gratiam Dei, ait *Deus meus, misericordia eius præueniet me.* i. quantumcunque cogitauero antecedentia merita mea, misericordia eius præueniet me. Hæc Augustinus. Quamuis autem Augustinus locum hunc Psalmi interprete-
tur de gratia omne meritum, omnemque bonum actum hominis præueniente, attamen quia psalter in persona iustificati loquitur, & vitur verbo futuri temporis, videtur locus hic aptissimè exponi de gratia non omne meritum, aut bonum actum hominis iustificandi, sed singulos actus hominis iustificati præueniente. De qua gratia præueniente Cælestinus: In bonis quibusque humanæ voluntatis singulis motibus, magis Dei valere, vel (vt Petrus Diaconus confessionis suæ cap. vltimo legit) præuenire, non dubitemus

10.

8. de Gen.
ad lit. e. 13

Epist. 106

C. 8. ep. sue
pro d. Aug.

P iij auxi-

Prosper. in
ne epist. ad
Ruff.

auxilium. De hac & D. Prosper: Natura humana ab æternæ mortis debito non liberatur, nisi Deus liberum hominis arb. agendo, auxiliando, & in finem vsque præcundo, seruauerit. Cæterum ad hanc gratiam præuenientem, tametsi meritum hominis iustificati de congruo ordinetur, arbitror tamen ipsam in multis plane gratuitam esse, & hominis omne meritum multis partibus non solum præstantia, sed etiam amplitudine excedere. His autem quæ ad perseverantiam iustificatorum pertinent, per occasionem interpositis, redit Psalter ad institutum, dicitque in persona Christi.

II.

Cyrill. 2 in
Genesim.
Aug 18. de
ciuit. c 46.

Epi 59 ad
Paulinum.

Deus ostendit mihi; Christus enim id quod sibi ostensum esse dicit secundum humanam naturam videbat in se Verbo. *Super inimicos meos,* Iudæos scilicet, ut pro eis petam & dicam: *Ne occidas eos.* i. ne totam gentem de superficie terræ deleri sinas. Sic Cyrillus & Augustinus. Quam rem iidem præfiguratum dicunt in Cain, cui signum à Deo impositum est, ne ab aliquo occideretur. Qui etiam partem sequentem huius versiculi hoc modo legunt: *nequando obliuiscantur legis tuæ.* Quam lectionem Augustinus exponit in hæc verba, Conuenienter mihi videtur intelligi per hæc verba esse pronunciatum, Iudæorum gentem etiam debellatam atque subuersam, in populi victoris superstitionem non fuisse cessuram, sed in veteri lege mansuram. Rem autem hanc bene expendenti apparebit, quod lectio Augustini cum nostra in idem redeat: Nos enim legimus. *Ne quando obliuiscantur populi mei,* gentiles videlicet ad Christum conuersi, hoc autem prouenit ex eo quod Iudæi non obliuiscantur legis suæ. Ex eo enim quod gentiles vident Iudæos vsque hodie cum sua lege permanere superstitēs, ad fidem Christi conseruandam & confirmandam non parum ad-

Epist. 312.

miniculi accipiunt. Iudæi enim, inquit Bern. viui quidam apices sunt, representantes Dominicæ passionem, ut dum iustas facinoris sui pœnas luunt, testes sint nostræ redemptionis. Deinde Iudæi Christianæ religioni non parum firmamenti præstant ex eo, quod quantumuis Christi existant perduelles, prophetias tamen in quibus Christus rutilat, tanquam à Deo profectas in reuerentia constantissimè habeant. Ex qua efficacissimè conficitur easdem prophetias non esse à Christianis, post Christum præpostero augurio, ut infideles calumniari potuissent, confectas. Si enim Christiani eas è re gesta ementito præfatio confinxissent, quomodo eas tanta religionē colerent Christi inimici? De qua re latius Augustinus. Hæc itaque

Aug. locis
cit. c. 1.
de cōse 14

& huiusmodi sunt, propter quæ Deus reuelauerat Christo, ut oraret super inimicos suos, ne Deus occideret eos. Quia verò Ecclesia per totū terrarum orbem erat ædificanda, conueniens etiam erat, ut Iudæi ad hanc ædificationem vbique adiuuandam in omnem terram sese diffunderēt. Ideo sequitur:

I 2.

Tertul. 13
cōs. Iudæos.

Disperge illos. i. in omnem terram vagos fac & profugos, inquit Tertul.

in vir-

in virtute tua. Diuinæ enim prouidentia est & virtutis, gentem illam tot iam sæculis errabundam, omnibusque nationibus inuisam, tot cladibus sæpe attritam, vsque hodie adhuc seruari superstitem, vt nec interierit omnino, nec proprias sedes vnquam recuperarit, nec in vno constiterit loco. *Et depone eos*, de honore sacerdotij, principatus, & regni: Imo & de honore quo reliquis aliquando populis præfulserunt, in hoc quod fuerint aliquando peculium seu peculiaris populus Dei. His modis depositos esse Iudæos tanquam iam euenisset, planxit Hieremias, cum diceret: Deposita est vehementer, non habens consolatore: & prophetare non prætermisit B. Maria, cum diceret: Deposuit potentes de sede. Addit autem Christus: *pro-rector meus Domine.* q. d. Tu eos de principatu depones, qui è contrario meus protector es, vt ego de corpore meo, quod est Ecclesia, nunquā principatum sacerdotij regalis perditurus sim. Iurauit enim Dominus & non pœnitebit eum: Tu es sacerdos in æternum secundum ordinem Melchisedech. Verum enimvero quādoquidem Iudæi, teste Apostolo, nō sic offenderunt vt caderent. i. in totum à salute omnes exciderent, Dominus enim Sabaoth eis reliquit semen; Christus qui hætenus ea quæ ira sunt locutus est, in ipsa sua ira misericordiæ recordatur, & eidem quo vsus est verbo *de-ponere* videlicet, inhærendo, elegantem transitum facit, orationemque instituit pro reliquiarum Iudaicarum conuersione, dicens:

Delictum oris eorum, sermonem labiorum ipsorum, scilicet depone. q. d. 13.
Dixi, *Depone eos* de principatu, quin potius, *deponere*, seu dimitte delictum oris eorum, quo videlicet vno ore clamauerunt, Sanguis eius super nos & super filios nostros. Eius enim clamoris merito filij eorum tamdiu perseverant sub maledicto. Depone simul sermonem labiorum ipsorum, quo Christianæ fidei pertinaciter obganniunt, vt ab eo cessent. *Et comprehenduntur in superbia sua.* Similem locum citat Apostolus ex Iob: *Comprehendam sapientes in astutia eorum.* vbi pro eo quod legimus *comprehendam*, legit Cypr. & Ambr. *reprehendam.* Reprehendere autem ad literam significat retrorsum trahere, allegorice verò carpere: Sicut & despicere ad literam significat desuper vel deorsum videre, allegorice verò contemnere. Arbitror autem ego similiter hoc loco pro comprehendantur legi aut saltem intelligi posse reprehendantur. i. retrorsum conuertantur, vt sit hic sensus. In ipsa adhuc eorum superbia, per quam religioni Christianæ pertinaciter obluſtantur, superueniat eis misericordia tua, qua operante retrorsum trahantur, vt ab insultando longe recedant. Et hac ratione fiant ex illis misericordiæ filijs, de quibus August. quod sunt contra ipsam superbiam erudiendi, cum alij & quidem multi consimilis superbiæ merito à iusto Deo deferantur.

Et de

14. *Et de execratione & mendacio annuntiabuntur in consummatione. i. fiat*
 eis tunc simul Euangelij prædicatio, cuius eruditione consequantur perfe-
 ctam salutem, ad quam eos non adduxit lex. Hæc inquam fiet eis, *de exe-*
cratione. i. vt ab ipsa execratione sua in qua eos Euangelij prædicatio inue-
niet, conuertantur ad Euangelium. Quam Iudæorum execrationem Hie-
 ronymus nobis manifestam facit, asserens Iudæos ter in die Christo sub no-
 mine Nazarenorum, (sub quo Christiani intelligendi sunt) maledicere,
 Cuius etiam meminit Epiph. in hæc. 29. *& de mendacio. i. vt à mendacio*
 quo se Christum in carnem venturum expectare mentiuntur, ad eum qui iam
 venit, se conuertant. vel, *de mendacio*, quo quidam eorum putabant Deum
 in promissis suis erga Israhelem fuisse mentitum, vt refert Cyrillus. Et hæc
 fient eis *in ira consummationis. i. adhibitis simul à Deo flagellis*, per quæ
 extimulentur ad suscipiendam consummationem siue conuersionem. Ita
 vt hic dicatur ira consummationis ad differentiam iræ cuius occasione qui-
 dam obdurantur ad damnationem, quæ similiter appellari potest ira indi-
 gnationis. *Et non erunt*, qui & quales antea fuerant. Hæc autem eis eue-
 nient, quia

15. *Et scient. i. animaduertent, quia Deus, Christus scilicet, dominabitur Ia-*
cob & finium terræ. i. quod regnum Christi in omnem terram diffusum sit.
 Eo autem quod prius noluerunt, nunc animaduerso, ipsi incipient in semet-
 ipsis confundi, quod veritati celeberrimæ ipsi soli obliuiscuntur, se regni
 istius hætenus extorres fecerint. De qua ipsorum confusione Isaias: Non
 modo confundetur Iacob, neque modo vultus eius erubescet, sed cum vi-
 derit filios suos. i. Christianos, operâ manuum mearum in medio sui sancti-
 ficantes nomen meum. Et sanctificabunt sanctum Iacob. i. Christum, tum in-
 quam, scient errantes spiritu intelligentiâ; & mufsitatores. i. qui in suis con-
 uenticulis & synagogis velut mufsitando Christo solent obgannire, discēt
 legem Euangelij. Sed his quæ hætenus dicta sunt, aptè posset subijci huius-
 modi interrogatio. Quo tempore hæc futura sunt? Cui videri potest Psal-
 tes respondere per sequentem versum.

16. *Conuertentur, ad fidem Christi, ad vespem mundi, siue in fine sæculo-*
rum. Quem sensum probabiliorē facit expositio August. & Bern. & quod
quædam alia huius versiculi in sensum cōformem non incommode possent
exponi. Sed quia hic inter cætera dicitur: Et famem patientur vt canes, &
circuibunt ciuitatem.

17. *Ipsi dispergentur ad manducandum; si vero non fuerint saturati, & mur-*
murabunt: Quæ non possunt commodè in bonam partem intelligi, præfer-
tim quia fames de qua diximus, & hic repetitur, à Propheta Amos describi-
tur futura eorum, qui quærent verbum Domini, & non inuenient; quod
 nullis

nullis aptius competit quam Iudæis adhuc in incredulitate constitutis, maxime cum D. Cyrillus illum locum Amos de Iudæis adhuc in perfidia positus interpretetur; ideo D. Hilarius secuti, hic arbitramur fieri repetitionem eiusdem quod supra dictum est. Idque hoc consilio, ut hic commemorata ea quæ prius narrata est Iudæorum pertinacia, à contrario magis apparere possit quam grata fuerit Christo gentium conuersio: & proinde ex quanto affectu proueniat gratiarum actio in quam desinit Psalmus. Dicit itaque, Iudæi conuertentur ad *esperam*, &c. quod intelligatur in eum sensum quem supra exposuimus. E diuerso verò,

Ego autem cantabo fortitudinem tuam, & exaltabo mane. i. tempore resurrectionis, *miser ricordiam tuam.* 18.

Quia factus es susceptor meus, in quorundam ex Iudæis conuersione. 19.
Et refugium meum in die tribulationis, Cum enim de Iudæorum infidelitate tristis ad te recurrerem, occurrendo mihi, in gentium conuersione factus es mihi refugium. i. præstitisti mihi id quod præstare decet eum, ad quam ob suam bonitatem & potentiam in tribulatione recurritur.

Adiutor meus tibi psallam, in gratiarum actione, *quia Deus susceptor meus es: Deus meus misericordia mea.* In quibus verbis obserua, quod cum dicit Christus: *adiutor meus, & misericordia mea*; id dicit ratione auxilij & misericordie quam Deus præstat nobis. Hanc autem Christus suam dicit, quia ipse nos ut carnem suam, & suum corpus diligit. 20.

PSALMVS LIX.

In finem pro ijs qui immutabuntur in tituli inscriptione.

Hic sunt qui ad Christianam religionem sunt conuertendi. *Ipsi Deus uid in doctrinam cum succendit Ioab Mesopotamiam Syriæ, &c.* Illius enim belli licet feliciter gesti tempore, per spiritum prophetie dicitur David ea quæ præsentis Psalmi pangit. In quo describit clades & orationem Christianorum, qui bellis ac persecutionibus ab infidelibus & hereticis premuntur. Et simul utilitates quæ ex iisdem bellis ad Ecclesiam vniuersalem proueniunt. Ita ut optimè dixerit D. Basiliius, Tempus tituli aut Psalmi erat in rebus bene gestis: vis autem scriptorum habet relationem in finem; Finem appellans id quod in consummatione sæculorum euenturum est. Itaque in persona afflictorum sic loquitur:

Deus repulisti. i. vndique expelli, ab omnibus eijs permisti. vel, *Repulisti nos* ab auxilio temporalis præsidij: in quæ sensum similem versum Psal. 43. exposuimus. *Et destruxisti nos.* i. rempub. nostram Christianam, quia nunc infideles gerunt magistratum & principatum in republ. ita ut rei publ. nostræ cõpetat illud Isaia: *Principes tui socij furum*; Et illud: *Quo-* 1.
modo

Cypr. circa
extraditum
tract. de la-
pis. & e-
pist. 8.

modo facta est meretrix ciuitas fidelis; Iustitia habitauit in ea, nunc autem homicida. *Iratus es*, ob peccata enim populi Christiani persecutiones has à Deo euenire latè probat Cyprianus. *Et misertus es nobis*. Cùm enim nos etiam maiora his pro peccatis nostris pati mereremur, clementissimus Dominus, inquit ibidem Cypr. sic cuncta moderatus est, vt hoc omne quod gestum est, exploratio potius quàm persecutio videretur, vt ad correctionem delicti & probationem fidei, remediis seuerioribus veniremus.

2. *Commonisti terram & conturbasti eam* deferendo, & permittendo, *seu contritiones eius*. i. strages eius: Contritio enim frequenter non pœnitentie virtutem aut primam eius partem, sed animi contractionem significat, vt apud Hieremiam: Magna est velut mare contritio tua; Et in Psal. Qui sanat contritos corde: vbi corde contriti dicuntur quibus sunt vires fidei, spei, & reliquarum virtutum contractæ. Hoc autem ante persecutionem facit pax longa, vt docet Cypr. In ipsa verò persecutionis tempestate idem in multis operatur malorum & calamitatũ abundantia, vt notat Conciliũ Tolet. tertium, per quæ sic viribus spiritualibus exiuit maxima pars hominum, vt non supersit in eis fidei vigor, censura disciplinæ, diuinæ legis zelus, emulatio auitæ integritatis. Imo vix in multis supersit vlla doctrinæ aut vitæ spiritualis capacitas. De qua contritione Isaïas: Subito dum non speratur veniet contritio eius, & comminuetur sicut conteritur lagenæ figuli contritione perualida, & non inuenietur de fragmentis eius testa in qua portetur igniculus de incendio, aut hauriatur parum aquæ de fouea.
- Ecd. 21.* Cor enim fatui, inquit Ecclesiasticus, quasi vas contractum, & omnem sapientiam non tenebit. Sed vt de magnitudine huius contritionis melius coniectura fieri possit, subdit Psalter eius causam, vt ex causa coniecturam facias de effectu, & dicit: *Quia commota est*. q. d. Estimari potest terræ cōtritio ex eo quod commota est. Quod enim commouetur, frequenti motu vndique agitur, & frequentata concussione ac collisione confringitur & distrahitur. Si ergo terra commota est, multa agitatione conuulsam atque contractam esse, est necesse.
3. *Ostendisti populo tuo dura*, per bellicas clades: *potasti nos vino cōpunctionis*, seu, vt Hieron. vertit, mœroris. Nec enim hæc compunctio ab animi pœnititudine, sed à publica calamitate infligitur. Quod autem dicit: *potasti nos*, punctionum istarum importat abundantiam vsque ad intima penetrantem.
4. *Dedisti metuentibus te significationem*, vt fugiant à facie arcus; vt videlicet per experientiam malorum præsentium, discant cauere futura quæ comminatur, & in futurum præparat Deus. Hæc enim per arcum eiusque intensionem significari, in Psal. 7. diximus. Est enim quoddam commonitionis in-

nis indicium, inquit Ambr. videre quod metuis, vt possis intelligere plus *serm 88.*
superesse quod metuas. Dum enim cauti sumus ad ea quę cernimus, cautio-
res efficitur ad ea quę speramus. Vir enim sapiens his actibus terrenis in-
struitur, quęadmodum futuri saculi debeat declinare iudicium. Perro hanc
significationem dat Deus *metuentibus se*, soli enim hi qui timent Deū, hunc
timorē meditantur reliquis sine sensu & cura permanentibus, inquit Greg. *9 mor e. 18*
Post cladium autem enarrationē ad orationem Psaltes cōuertitur, & dicit:

Vt liberentur à præsensibus malis, sic, vt in æterna mala non deueniant
dilecti tui, quos vt saluos faceres, charitate perpetua, etiam cū inimici es-
sent, dilexisti, eosque dilectione persecutus, secundum propositum præ des-
tinasti. *Saluum fac dextera tue*. i. virtute gratiæ tuæ salutē eorum operare,
& exaudi me, pro his omnibus orantem. Merito ergo in aduersitatibus his
constituti (etiam si hoc tempore sancti non orarent pro nobis) oramus san-
ctorum meritis & precibus apud Deum iuuari; Sancti enim dum vel in hac
vita essent, nostras necessitates iam dudum suis precibus prauenerunt: quę
absque dubio non sunt in obliuione coram Deo. Qui autem præmissæ ora-
tionis sint futuri effectus, declarat Psaltes per sequentia, & dicit:

Deus locutus est in sancto suo. i. immutabili verbo suo, cuius euentus in-
fallibilis est. Dixit enim & non faciet? *Lætabor*, Lætatur enim Dominus
in operibus suis: quia tametsi, vt docet Athan. non extraneum quiddam a-
liunde sibi acquirat Deus, quod gaudium illi conciliet: Propriē enim lætatur
pater, cū intuetur seipsum in sui ipsius imagine, quod est verbum eius,
tamen etiam delitię eius esse cum filiis hominum, idque non ex superuenti-
tio gaudio, sed quod tum quoque videat, ad sui imaginē opera sua esse per-
fecta, adeo vt illa exhilaratio Dei ex imagine ipsius (æterna) causam tra-
hat. Hęc Athanasius. Vel, in suis creaturis lätari dicitur Deus, quia suam in
illis impletam esse videt voluntatem, inquit D. Thomas. *Et partior Si-*
chiman. Sichima, vt notat D. Basil. & Ambr. moriente Iacob, cecidit Ioseph
in possessionis prærogatiuam. Do tibi, inquit, partem extra fratres tuos,
quam tuli de manu Amorrhæi in gladio & arcu meo. Qua re significari vi-
dentur manubię partę victorię, & superati certaminis quædam peculiaris
gloria seu corona. Promittit ergo Deus, *partior*. i. in plures, vt interpre-
tatur Basil. *dispartiar*, *Sichiman*. i. victę persecutionis eminentem co-
ronam. q. d. persecutione sic utar, vt faciam varios per eam ad martyrij co-
ronam peruenire. *Et conuallem tabernaculorum metabor*. In his verbis fit
allusio ad tabernacula quę tetendit Iacob in Socho postquam discessisset
à Laban. Cū enim dicit Dominus *metabor* siue dimetiar, *conuallem ta-*
bernaculorum, promittit se in multos diffusurum gratiam, vt tempore per-
secutionis more castrensi, norint aut discant in tabernaculis habitare. i. tan-

Qij quam

quam imminente in omnes horas hoste, militiæ spiritualis vitam & disciplinam apprehendere, seque ad pugnam & comparandam victoriam præparare. Sunt enim tabernacula, viatorum & præcipue militantium domicilia. Ad quod vitæ ac disciplinæ genus requiritur imprimis vt præ oculis habeatur, nos in baptismo non sic Christianæ militiæ nomen dedisse, vt pacem tantummodo cogitare, & detrectare ac recusare militiam debeamus. Deinde idcirco quotidie nos calicem sanguinis Domini bibere, vt possimus & ipsi pro Christo sanguinem fundere. Ad hæc, vt nemo quidquam iam de sæculo moriente desideret, sed sequatur Christum qui viuit in æternum. Deniq; vt sit ante oculos quod Christus qui iudicaturus est, iam iudicij sui futuri sententiam protulerit, cōtestans confessurum se coram Patre suo confitentes, & negaturum negantes. Armentur integri ne perdant quod hactenus steterunt: Armentur & lapsi vt recipiant quod amiserunt. Hæc & plura Cypr.

Cyp. epi. 56 Quibus initio de exhort. mart. addit præcepta diuina (scripturas sacras intelligit) pugnantibus esse suggerenda velut arma: Illa, inquit, sint militaris tubæ hortamenta, illa pugnantibus classica, Inde aures erigantur, inde instruantur mentes, inde animi & corporis vires ad omnem passionis tolerantiam roborentur. Cui pulchrè consentit Ambr. Porro hæc tabernacula conuallis aut in conualle esse dicuntur, eo quod oporteat eum qui martyrio præparatur, loco fundamenti humilitatē sibi & modestiam sternere, nec de suis viribus, sed Domini dignatione confidere, nec de martyrij præsumptione se efferre. Sed quia inter eos qui in his tabernaculis degunt varij militatium gradus sunt & ordines, de his dicit Deus in sequentibus.

7. *Meus est Galaad.* q.d. inter eos quos per hæc tabernacula distribuero, vnus ordo est eorum qui appellantur Galaad, quod est tumulus testis siue acruus testimonij, vt habet Genesis. Acruus autem testimonij nihil aliud est quam martyrum exercitus, qui fidei Christianæ temporalis suæ vitæ interneccione illustre admodū testimonium dederūt. Hi Domini sunt, imprimis quia diuina dignatione & auxilio sunt quod sunt, & semetipsos Domino ex toto corde tradiderunt. *Meus est Manasses.* q.d. Est præter hunc & alius ordo militantium in iisdem tabernaculis, qui appellatur Manasses. Manasses ab obliuione nomen accepit, dicente Ioseph eius patre: Obliuisci me fecit Deus laborum meorum, & domus patris mei. Hoc nomine significantur illi Christiani, qui ne ob acerbiteriam persecutionis periculis perfidiæ aut desertionis se exponant, desertis & quasi obliuioni traditis possessionibus, quas multo labore comparant, patriæ extorres facti ad tutiora loca se recipiunt. Interim vt verbis Apostolicis dicit Athanasius, egentes angustiatī afflicti in solitudinibus oberrant in montibus & speluncis. Hi etiam Domini sunt, quia non quidem vitam, sed commoda sua diuinæ charitati,

tati, eius munere postponunt. Quapropter Cypr. Primus est victoriæ titulus gentilium manibus apprehensum, Dominum cōfiteri. Secundus ad gloriam gradus est cauta secessione subtrahit Dominum referuari. Illic fortitudo promptior, hic sollicitudo securior. *Et Ephraim fortitudo capitis mei*, quia in gentibus nomine Ephraim significatis, fortitudo confessionis & martyrij principatum obtinet.

Iudz. i. Christus de tribu Iuda, quo nomine etiam Iacob moriens Christum compellat, Iuda te laudabunt fratres tui. *Rex meus.* Christus enim exemplo, exhortatione Euāgelica, qua dixit: Qui me confessus fuerit, &c. & auxilio, Martyrum rex & propugnator est, sicut & Confessorum. Non enim sic est, inquit Cypr. ut seruos suos tantum spectet (quod tamen nō parum est ad acuendum militem in prælium: magnam enim milites computant gloriam honoris sui, si Imperatore inspectante contigerit coronari, inquit idem) sed & ipse luctatur in nobis, ipse congregatur, ipse in certamine agonis nostri & coronat pariter & coronatur. *Moab*, qui semper aduersatus est populo Dei, & proinde per eum significantur Ecclesiæ hostes, *olla spei meæ*; Olla nomine significatur feruor hostilis ad inferendam tribulationem succensus, ut patet Hieremiæ 1. Ollam succensam ego video, & faciem eius à facie Aquilonis. Diabolus enim odio & crudelitate succederat gentilium corda ad insectandum & affligendum Israhel Dei. Hæc autem olla dicitur olla spei nostræ, quia tribulatio operatur probationem, probatio vero spem. Ideo & ante dixit Psaltes: Si consistent aduersum me castra, in hoc ego sperabo. His itaque modis atque auxiliis liberantur à Deo dilecti sui, & singuli ex tribulatione priuatam suam consequuntur salutem. Deus autem qui diues est in misericordia, his non contentus, facit etiam commotionem terræ in publicam vtilitatem redundare, de quo sequitur:

In Idumæam extendam calceamentū meum. Idumæa idem est, inquit Hieronymus, quod sanguinaria vel terrena. Per calceamentum designatur prædicatio Euangelij, de qua Apostolus, Calceati pedes in præparationem Euangelij pacis. Proinde sensus est: Faciam Euangelij prædicationem peruenire ad sanguinarios, ipsos videlicet qui in martyrum sanguinem saue-
runt, atque terrenos, eisque præualere. Idque per *Galaad*, quia effusus sanguis martyrum efficacius Euangelium persuasit, quavis elegantissima prædicatione: Ideo dicit Tertull. quod sanguis martyrum semen sit Christianorum. Præcipue verò per *Manasse*. Qui enim persecutionem ex vno loco effugerunt, in loca refugiorum suorum inuenerunt secum Euangelium Christi, ut manifestum est ex Actis Apostolicis, ubi dicitur, quod illi qui dispersi erant in persecutione quæ facta est sub Stephano, pertransibant per regiones Iudææ & Samariæ euangelizantes verbum, Si quæras, Quo fructu
Q. iij exten-

Cyp. de lap.

8.

Cyp. epist. 9

Epist. 56.

9.

1 cōt. Pela.
cap. 10.in fine A-
polog.

extendatur calceamentum? Id sequitur: *Mibi alienigenæ*. Idem sunt qui modo Idumææ nomine denotabantur, *Subditi sunt*, quia Euangelij prædicationem in persecutione annunciatam, receperunt. Quia autem gentilitas minis & mandatis terroribusque à se suisque locis prædicatores veritatis quanta poterat vi arcebat atque excluderat, ne lucem Euangelij ad se inferrent, introducit nunc Psalter sermonem eorum, qui his non obstantibus, euangelicæ nihilominus prædicationi sese accingebant, qui attendentes omnem aditum inuehendæ illuc veritatis sibi esse præclusum, sic apud semetipsos dicebant:

10. *Quis deducet me in ciuitatem munitam?* i. Gentilitatem Euangelicæ prædicationi omnem aditum, lege, ac magistratum auctoritate, populorumque conspiratione (Hæc enim munitæ ciuitatis mania sunt) præcludentem? *Quis deducet me usque in Idumæam?* i. eandem gentilitatem euangelizantium interfectione sanguinolentam? Qui tamen si propriis viribus, fide tamē non infirmati, se cōuertunt ad Deum, cuius auspiciis aditum tam difficile non solum tentare, sed etiam penetrare confidunt, & dicunt:

11. *Nōne tu Deus*, potens es huc deducere, imo & deduces nos, *qui repperisti nos*; à protectione temporariæ prosperitatis, ita ut omni ex parte quasi miserissimi omniūque præsidio destituti videamur? Ob hoc autem nihil nobis cunctandum est aut trepidandum, quia *non egredieris Deus in virtutibus nostris*. i. prædicationem Euangelij, cum qua ad salutem hominum egredi dicor, non prosperabis nec fructuosam facies, *in virtutibus nostris*. i. temporali nostra felicitate, potestate, aut splendore, sed potius in infirmitatibus nostris: Cū enim infirmamur, tunc potentes sumus. Nam & ipse Paulus Apostolus in infirmitate multa annunciauit Corinthiis euangelium salutis, usque in illam horam esuriens & sitiens, nudus, colaphis cæsus & instabilis. Porro, quia futurum erat ut gentiles martyribus apprehensis, quaestionatis, aut etiam tortis offerret facultatem euadendæ mortis vel tribulationis, si modo vellēt feralibus Imperatorum edictis, re, verbo vel saltē specie satisfacere, ideo introducit nunc Psalter voces martyrum, contra hanc vanam humanitatem implorantium à Domino auxilium, qui dicunt:

12. *Da nobis auxilium de tribulatione*. i. adiuua nos ut perferendo acquiramus nobis de tribulatione salutem æternam. *Quia vana salus hominis*. i. salus illa temporaria quam promittit homo, vana est. Nisi enim ad profectum æternitatis hæc vita suscepta vel prorogata fuerit, inquit Hilarius, miseriarum nobis origo est, non vitæ. Deinde vana salus hominis, quia et si in præsentiarum quis, ut dicebat Eleazarus, manibus impiorum eripiat, manum tamen omnipotentis Dei, nec viuus nec defunctus poterit euadere. Quam vanitatem temporariæ salutis quidam martyres usque adeo habere perspe-

Hil in hunc locum.

perspectam, vt etiam cum sine peccato possent, noluerint de vinculis aut iudicium manibus redimi vel dimitti, non suscipientes vllam redemptionem, vt meliorem inueniret resurrectionem. Sed quid agitis o Martyres, Si temporariam salutem ab homine vobis, vel illicita conditione vel pretio oblatam respicitis, diræ mortis spicula variaque tormenta vobis subeunda erunt? Id verò nihil moramur, quia

In Deo faciemus virtutem. q. d. Illa præbebunt nobis materiam vt Dei auxilio multigenam constanti, fidei, charitatisque & tolerantie exerceamus virtutem. *Et ipse ad nihilum deducet tribulantes nos.* i. Deus, vbi virtute fuerimus consummati, eò deducet inimicos nostros, vt post illa nò habeant amplius quid faciãt. Ob id dicebat Leo per apostrophem ad Decium: Nil obtines, nil proficis seu crudelitas, subtrahitur tormentis tuis materia mortalis. Et Laurentio abeunte in celos tu deficis in flammis: Sæuisti & auxisti palmam dum aggeras pœnam. Proinde non oportet nos illa certamina detrectare vel formidare.

Leo ser. de
S. Laurent.

PSALMVS LX.

In finem in Hymnis David.

Scriptus est hic Psalmus in hunc finem vt haberet Ecclesia formulam recensendi cum gratiarum actione Dei beneficia, per quæ ipsa in vniuerso mundo est, conseruatur & crescit in Domino. Loquitur enim Psalter in persona Ecclesiæ, teste D. Gregorio, illius præsertim temporis, quo iam per vniuersum orbem terrarum propagata, in omni loco suo à generatione in generationem stabilis perseverat.

In ca. 3. Re
sum.

Exaudi Deus deprecationem meam, intende orationi meæ. qualis scilicet ea sit, anne casta, innocens, inquit Hilarius, & fidelis, & ex intimo conscientie & cordis motu profecta.

1.
Hi. in hunc
locum.

A finibus terræ ad te clamaui, dum anxietur cor meum. Verba, dū anxietur cor meum, præcedentibus cōiungit Aug. vt sit sensus; Dū ego in omnibus finibus terræ fundari inciperem, & propter obiectas difficultates corde anxius essem, & de successu rerum trepida, ad te vndique pro auxilio clamaui. Neque id frustra. Nunc enim in petra, qui est Christus, exaltasti me, quia res meas vbique stabiliuisti, & autoritate, splendore & felici profectu me crescere fecisti, ita vt humilis ædificatio in petra prius cepta atque fundata, iam creuerit in templum sanctum in Domino.

2.
Serm. 157.
de tempore

Deduxisti me, vsque ad fines orbis terræ, *quia factus es spes mea.* i. quia me in te sperare fecisti. Vel, quia id quod de te sperabam, tu mihi prestitisti. Et quid illud erat? *Turris fortitudinis.* q. d. sicut sperabam, factus es mihi altissimæ gratiæ, bonitatis, prouidentie atque virtutis fida protectio. *à facie.*

cie. i.

cie. i. manifesta impugnatio*ne inimici* primordia mea aperto Marte impugnantis. Sed quamdiu, o Ecclesia, per totum terrarum orbem constabilita permanebis?

4. *Inhabitabo in tabernaculo tuo in sæcula.* i. permanebo in ijsdem locis inhabitans tabernacula tua, siue in forma militantis Ecclesiæ (tabernacula enim calæ castrenses sunt) quamdiu succedent sibi sæcula. Et ad hoc, *protegar in velamento alarum tuarum.* q. d. sicut cum in principio aperto Marte impugnarer, tu protegebas me vt turris fortitudinis ita nunc me in tabernaculis tuis in pace, non sine formidine hostis inuisibiliter aliisque quam prius nos armis impugnantis, degentem, proteges me suauiter & benigna protectione, sicut protegit gallina pullos suos sub alas. Alia namque ratione protegitur Ecclesia tempore apertæ persecutionis, alia tempore pacis.

5. *Quoniam tu Deus meus exaudisti orationem meam,* qua pro mea perpetuitate atque perseverantia in hoc sæculo deprecabar, sicut adhuc quotannis in Parasceue orat Ecclesia, vt ipsa per totum orbem terrarum in confessione diuini nominis stabilis perseveret. Ad hoc autem præstandum *dedisti hæreditatem.* i. hereditariam successionem *timentibus nomen tuum,* patribus scilicet nostris, qui excellenter timuerunt siue coluerunt te. Nam & ob id quod illi timuerunt te, dedisti vt à generatione in generationem succederent illis posteri, auitæ fidei & religionis hæredes: est enim misericordia tua à progenie in progenies timentibus te. Quia & priorum sanctorum filij propter ipsos patres, inquit Ecclesiasticus, inane sunt, suntque hæreditas sancta nepotes eorum. Non ignoro quidem hæreditatis nomine frequenter vitam æternam designari. Hoc autem loco ob sensus cohererentiam hæreditatis nomine id quod diximus intelligendum est, præsertim cum probati interpretes in illam significationem id hic acceperint.

Ecl. 44.

6. *Dies super dies regis adijcies.* Quidam hos dies intelligunt dies æternitatis. Sed quia in Psalmis posterior plerumque versus pars priorem explicat & interpretatur: & in posteriore huius versus parte dicitur: *annos eius usque in diem generationis & generationis;* videntur dies isti Regis non esse dies æternitatis, vbi non est generatio & generatio, sed dies huius vitæ, vt sit sensus: dando timentibus te hæreditatem, vt diximus, eadem opera etiam Regi nostro Christo adijcies dies super dies, vt ipse de die in diem, de anno in annum quamdiu erit in sæculo generatio viuat in cordibus hominum per fidem, & in sermonibus eorum per fidei & religionis confessionem. Nam & ipse hanc vitam petijt à te, & tribuisti longitudinem dierum in sæculum & in sæculum sæculi, vt in Psal. 20. diximus. Dum verò dies Regis in hac vita sic transeunt, sibi que succedunt; ipse Rex

7. *Permanet in æternū in conspectu Dei.* quia in dextera Patris vultui Dei pro no-

pro nobis apparens, ut dicit Apostolus, *Permanet*, non frequenter per singulas generationes ab origine mundi patiens usque huc, sed ubi per hostiam suam semel in mundo apparuit, nunc ibidem semper vivit ad interpellandum pro nobis. Et quia ibidem etiam sedet ut iudex, tam benigna & prompta in Ecclesiam exercet iudicia, ut merito dicam, *misericordiam & veritatem eius*. i. misericordiam secundum promissa eius, *quis requireret?* quasi illa alicui in tempore suo non exhibeatur? Imò quasi non praeveniat nos? Quid ergo pro his omnibus Ecclesiae agendum est?

Sic psalmum dicam nomini tuo in seculum seculi, *ut reddam vota mea de die in diem*. q. d. pro his in omnia secula benedicam Domino; sic tamen, *ut reddam vota mea*. i. ut reddam gratiarum actionem quae mihi magis in voto sit, quam affectu vel effectu. In hac enim vita grates persolvere dignas non opis est nostrae, sed eas hic in votis habentes, futurae vitae reservamus, sicut & in Psal. 56. diximus. Nihilominus, haec vota reddam *de die in diem*. nullus enim transit dies in quo haec cum gratiarum actione, quae sit huius vitae, ab Ecclesia non commemorentur.

PSALMVS LXI.

In finem pro Idithum, Psalmus David.

IN hoc Psalmo praescribit Propheta Christiano formam sanorum verborum, quibus semetipsum adhortetur, ut in adversitate constitutus, eandem tanquam de manu Domini profectam obedienter suscipiat, & susceptam patienter & constanter toleret, & dicit:

Nonne Deo, ad suscipiendum & tolerandum omne id quod Deus mihi immiserit, *subiecta erit anima mea?* non enim est quod in hac re trepidem, vel mihi aliquid metuum. *ab ipso enim salutare meum*. i. ab ipso, siue ex parte eius nihil mihi obvenire potest, nisi quod mihi salutiferum sit, & ad salutem meam ordinetur. Haec ergo subiectionis nostrae ad Deum causa est, quasi removens prohibens, ut loquimur. Quae verò praedictae subiectionis est causa iusta, siue, ut ita dicam, ob quam?

Nam & ipse Deus meus, cui ego ratione creationis sic obstrictus sum, ut etiam si sine meis demeritis vellet me affligere atque adeò interficere, mihi querelae locus non esset: Deus enim nihil nisi quod suum est, exerceret aut repeteret, ut docet Ambr. Deo proinde iure suo subiecta debet esse anima mea. Imò quod amplius est, ipse est, & *salutaris meus*, qui filium suum, ut esset salutare meum, misit, meque in ipso in salutis statu constituit. Ergo Deo etiam merito suo subiecta erit anima mea. Et quia ob fragilitatem & mutabilitatem humanae conditionis parum est salutis statum in hac vita consecutum esse, ipse insuper est *susceptor meus*, qui nimirum curam tuendae

Ambr. ser. 18
in psal. 118
ver. 1.
Tert. scorp.
cap. 7.

R & per-

sapiens 11

& perficiendæ salutis meæ secundum suum propositum suscepit: Et ideo *non mouebor amplius*. i. finaliter non excidam à salute, sicut motus est angelus, & à prima sua integritate motus fuit protoplastus Adam, pater orbis terrarum. Deo enim procurandæ salutis nostræ curam secundum suum propositum suscipiente, à salutis æternæ consecutione nūquam excidit homo. Si ergo ad obtemperandum diuinæ voluntati obligatus est homo ratione creationis & acceptæ iustificationis, quanto magis ratione susceptionis secundum propositum, quæ inter summa & maxima, quæ à diuina bonitate accepimus, Dei beneficia reponitur? Sed postquam Psaltes per prædictam exhortationem animam suam ad obediendū Deo inflexit, sermonem ad aduersarios conuertit, eosque corripiendo increpat, idque bono ordine; qui enim increpat aliquem, debet esse mundus corde, & à proprijs prius affectibus expiatus, alioqui non alienæ salutis causa, sed impatientiæ propriæ id facere censetur. Dicit itaque:

3.
Ambros. in
hunc locum

Quousque. i. quamdiu istud erit, quod *irruitis in hominem*. i. humanum genus, ait Ambros. multis malis quasi impetu facto simul impetitis? *Interficitis vniuersi vos*. q. d. imò ad corporis, & præsertim animæ eius interfectionem pertingitis: quod à Psalte quasi per parenthesis exaggerationis gratia adijcitur, *Irruitis ergo in hominem, tanquam parieti inclinato*. q. d. cum videatis, imò quia videtis eum per se satis ad ruinam esse propensum. Ea enim est in primis dæmonum, deinde & hominum peruersa malignitas, vt eum quem ad impatientiam pronum vident, magis exagitent; quem ebrietatis studiosum, sæpius ad bibendum inuitent, quem inanis gloriæ cupidum, illi libentius adulentur. & sic de cæteris. Cum potius obseruandum esset quod scriptum est: Si vnus ceciderit. i. se inclinauerit, aut ad peccandū non nihil incuruatus fuerit, ab altero fulcietur. (Non enim fulcitur quod cecidit, sed quod ruinam minatur.) *Et macerix depulsæ*. q. d. Quousque etiam non desistitis eum qui iam lapsus, similis factus est macerix depulsæ, mole quadam tentationum, minarum, molestiarum, irrisum, ac similibus, quas obijcitis atque proponitis difficultatum, obruere, vt è lapsu se erigere nequeat, cum potius lapsus in te deberet habere subleuantem se? Qua correptione proposita addit Psaltes, quid ei, in quem prædictis modis irruitur, apud se cogitandum sit, vt à ruina prohibeatur. Is enim de irruentibus in se, eorumque violentia sic apud semetipsum cogitet,

4.
Leo ser. de
S. Laurent.

Veruntamen pretium meum cogitauerunt repellere. i. violentia tentationis id agunt, vt Christum, quo nihil mihi preciosius est, ac iustitiam eius mihi abripiant. Pulchrè hoc S. Leo Pontifex notauit. Armatur, inquit, homo veritatis inimicus, impietate vt auferat Christum: Et post pauca: Prædo ecclesiastico thesauro cui inhiabat frustratus, direptionem thesauri potioris

tioris aggreditur, & depositum illud, quo Laurentius sacratius diues erat, curat auferre, renunciare Christo Laurentium iubet. His ergo verbis suggerit Psalter quid unicuique nostrum qui ad ruinam impellitur, animo ruminandum sit. Id enim nutantem plurimum Deo adiuuante, poterit confirmare. Quis enim non multa patiatur, ne permittat sibi suum pretium, atque adeo thesaurum auferri? *Cucurri in siti.* q. d. ut pretium meum à me non repellerent, laboravi sustinens. Significatur enim hic à causa effectus, quia labor sitim efficere solet; & oblique docetur, unicuique, ut pretium sibi conseruet, viriliter agendum esse. Ad indicandum autem quod sub iis, quos tanquam irruentes in parietem inclinatum, increpauit, comprehendat etiam eos qui per adulationem nituntur hominem in ruinam precipitare, adiungit: *Ore suo benedicebant, & corde suo maledicebant.* i. per dulces sermones & benedictiones me seducere conabantur, & me beatum predicando vias gressuum meorum dissipare. Et ob id aliud ore præ se ferebant, aliud in corde siue reipsa, ut interpretatur Basilii, agebant.

Veruntamen Deo subiecta esto anima mea. q. d. est adhuc alia ratio, ob quam Deo subiecta esse debeas anima mea, *quoniam ab ipso patientia mea.* Ipse enim Deus, cuius voluntate foris pulsaris ad exercitationem, te intus confortat ad patientiam, ut quo volente sustententur aduersa, eodem mansuetudinem & patientiam suppeditante facile tolerentur acerba; quia sicut abundant passionis Christi in nobis, ita abundat per Christum & consolatio nostra, ut possimus sustinere; ut verissimè S. Bernardus dixerit, quod à quo inferuntur, ab eodem & vnguntur cruce nostræ. Cum ergo Deus in exercitatione ab ipso profecta patientiam subministret, & onus subleuet; supponit enim manum suam, quid querelæ habet, quo minus Deo non solum, quod priores causæ exigebant, obedienter, sed & libenter atque hilariter subiecta sit anima mea? Sed hac causa nostræ ad Deum subiectionis exposita, non potest Psalter se cohibere, quin studio persuadendi quod cepit, identidem repetat, & inculcet eadem quæ supra dixit, quod videlicet, quibusque de causis Deo subiecta esse debeat anima sua, & dicit:

Quia ipse Deus meus, & saluator meus, adiutor meus non emigrabo.

In Deo salutare meum. Quæ eundem sensum habent cum superioribus, nisi quod hic addat: *In Deo gloria mea,* idque, ne fortè aliquis superbiæ spiritu imbutus apud se argumentetur, & dicat: Si Deus tam multis modis adiutor noster est, ergo quod vincimus, quod toleramus, non est nobis gloria, sed soli Deo, cuius id munere agimus. Id autem non sequitur, quia ut bene docet Prosper, ex eo quod scriptura dicit; *In Domino laudabitur anima mea;* Et, *Gloria mea, & exaltans caput meum,* manifestissimè notimus diuinis muneribus donatos gloriam habere, sed in Domino, præsertim

R ij quia

quia id ipsum sanctis ad non modicam gloriam conducit, quod Deus eos suis tantisque muneribus dignatus sit. *Deus auxilij mei.* i. ad auxiliandum mihi à semetipso destinatus est. *Et spes mea in Deo est.* Hoc bene addit, quia quod Deus salutaris noster sit, Deusque auxilij nostri, hoc nobis præcipuè tunc prodest & consolatur, cum conualuerimus ad sperandum in eo. Porro quia vnusquisque & præsertim Ecclesiæ principes ad hoc accipiunt consolationem à Deo, vt possint & ipsi consolari eos qui in omni pressura sunt per exhortationem qua exhortantur & ipsi à Deo; ideo Psalter spei consolationem atque utilitatem expertus, ad sperandum in Domino alios excitat, & dicit:

8. *Sperate in eo omnis congregatio populi;* bonum est enim sperare in Domino. Super eum enim non confundentur qui expectant eum. *Effundite coram illo corda vestra.* i. illi in oratione vestra exponite cordium vestrorum tribulationes, Sicut Anna mater Samuelis effudit cor suum in conspectum Domini, & ex multitudine mæroris atque doloris sui ante Dominum locuta est. *Deus adiutor noster in æternum:* adiutorium enim tale suppeditat, quod in vitam perducatur æternam. Verum enimvero quandoquidem dixit Psalter quod quidam ore suo benedicebant, ne quispiam eorum falso loquio facile capiatur, incipit nunc eorum fraudulentiam plenius aperire, & dicit:
9. *Veruntamen vani filij hominum,* in promissis & consolationibus suis, non enim sortiuntur effectum. *Mendaces filij hominum in stateris,* quia dicta & facta sua mendaciter ponderant, dum quædam plus quàm oportet extenuent, alia rursus vltra quàm iustum est exaggerant; & vt inquit Ezechiel, mortificant. i. morte dignas iudicant animas quæ non moriuntur. i. morte dignæ non sunt, & viuificant animas quæ non viuunt. i. iustæ non sunt. A qua perniciofa vanitate egregie dehortatur omnes D. August. Obsecro, inquit, ne adferamus stateras dolosas, vbi appendamus quod volumus, & quomodo volumus pro arbitrio nostro, dicentes: hoc graue, hoc leue est; sed adferamus diuinam stateram de scripturis sacris tanquam de thesauris Dominicis, & in illa quid sit grauius appendamus, imò non appendamus, sed à Domino appensa recognoscamus. Similiter D. Ambr. stateras dolosas esse dicit stateras, non rerum quibus merces appenduntur (quamquam in eum sensum possint hæc verba extendi) sed verborum, quibus is vti dicitur, qui prætendit pondus grauitatis sobriæ, & subnectit versutias fraudulentæ. Hoc enim maximè, inquit, condemnat Deus, si decipiat aliquis proximum suum præmissorum benignitate, & subdola iniquitate desceneratum opprimat. Secundum Ambr. itaque hic erit sensus: *Mendaces filij hominum in stateris:* quia verba sua in statera veritatis non trutinant, plus præse.

preferentes verbis quàm res est: Secus quam de sapientibus scriptum est: *Ecl. 11.*
 Verba prudentum statim ponderabuntur: nihil enim grauius aut leuius
 asserunt quàm res ipsa prius bene explorata admittit. *ut decipiāt ipsi de va-*
nitatem. i. inani verborum amœnitate, & vt ita dicam, plausibilitate, *in idip-*
sum. i. alterutrum. Sed dicet quispiam infirmus: Isti qui ore suo benedicunt,
 magna subinde gratia & potentia, qua plurimum possent prodesse, præditi
 sunt: quibus respondet Psalter: *10.*

Nolite sperare in iniquitate. i. in iniquè agentium gratia, potentia vel
 auctoritate: Sed multam, inquit, prædam promittunt, sicut exponit Sa-
 piens: Omnem prætiosam substantiam reperiemus, implebimus domos no-
 stras spolijs? Quibus respōdet Psalter: *Proverb. 1*
Et rapinas nolite concupiscere: imò,
diuitie si affluunt. i. sine vi, dolo, fraude aut rapina, ex fonte quodam terre-
 næ felicitatis tibi sponte adueniant, *nolite cor apponere.* i. non eas tanquam
 rem magnam aut beatam cordi habete, inquit Augustinus: Si ergo diuitiæ *Epist. 127.*
 quæ sponte affluunt tam parui sint faciendæ, quanto minus non habitæ sunt *cap. 3.*
 rapiendæ? Vt autem Psalter adhortationem & dehortationem supraposi-
 tam reddat efficacior, concludendo Psalmum dicit:

Semel locutus est Deus, duo hæc audiui quia potestas Dei est, & tibi Do- *11.*
mine misericordia, quia tu reddes unicuique secundum opera sua. q. d. cum
 Ecclesiaste, sinem dicēdi pariter omnes audiamus. Et quis ille est? *Semel,*
 i. immobiliter vel incommutabiliter, inquit August. *locutus est Deus.* Qui *De spir &*
 tamen priori loco fatetur, posse hoc modo intelligi, *Semel.* i. vnico suo *lit c 32 &*
 Verbo locutus est Deus, *duo hæc audiui,* quæ enim Deus vnico verbo apud *de cin Dei*
 semetipsum loquitur, ea à nobis multipliciter aut in distinctis sententiis in- *lib. 5 ca. 9.*
 telliguntur. Locutus est autem Deus incommutabiliter id quod per apo-
 strophē subdit Psalter; *Reddes unicuique secundum opera sua.* Malis mala;
quia potestas Dei est: de qua scriptum est: Tu patienter sustine, & videbis *2. Macch. 7.*
 magnam potestatem ipsius, qualiter te & semen tuum torquebit: per quam
 potestatem etiam potentes potenter tormenta patientur. Bonis verò bo-
 na; *quia tibi Domine misericordia,* coronans nos in misericordia & mise-
 rationibus.

PSALMVS LXII.

Psalmus Dauid cum esset in deserto Idumææ. 1. Reg. 22.

Cum Dauid in deserto Idumææ versaretur, loci consideratione
 commonitus, per Spiritum S. vidit quàm verè conueniat mundo
 proprietas deserti: & in persona iusti in mundo tanquam in de-
 sertis corporaliter constituti, sed corde isthinc gradatim ascendenti, hunc
 Psalmum cecinit, & dixit:

R. iij Deus

1. *Deus Deus meus*: Sicut in Psal. 8. dicitur, Domine Dominus noster, ita hic dicitur Deus Deus meus; ad significandum, priore quidem voce, quod Deus simpliciter æternus Deus sit; posterioribus vero quod etiam aliquorum Deus sit, viventium scilicet non mortuorum: Quapropter etiam nemo potest dicere, Deus meus, inquit Amb. nisi qui Deo plenum defert pietatis affectum. *Ad te de luce vigilo.* i. prima luce, aut summo manè ad te euigilo. Cuius rei causa est, quia
2. *Sitiuit in te.* i. tui nonnulla participatione percepta ac prægustata, *anima mea*, tui plus auida: sicut scriptum est: Qui bibunt me, adhuc sitient, Et non abs re dixit Psalter: *Sitiuit in te*, quod est, tui participatione anima mea, quia in ista vitæ siccitate, inquit Aug. nisi aspergeretur nobis desuper, velut tenuissima quædam aura iustitiæ, aresceremus citius quàm sitiremus. Porro sitis hæc causa est præmaturæ huius vigiliæ: internus enim desiderij ardor in hominis etiã dormientis præcordiis exæstuans, non sinit animam eius diuturno sopore detineri, internis eam stimulis ad abrûpendum formum exagitans. Ideo dicit Isaias: Anima mea desiderauit te in nocte, sed & spiritu meo in præcordiis meis. i. spiritu quem præcordiis quasi inclusum gero, de mane euigilabo ad te; Spiritus enim ille velut ignis cõclusus, in pia exercitia etiam cùm dormio, conatur erumpere, & sua quadam inquietudine, mihi somnum excutit. *Quam multipliciter tibi caro mea.* i. quam multipliciter te etiam carnis meæ, vt verbis Hieronymi vtar, labore quæsiui, illam attenuando ieiunijs, vigilijs, meditationibus, aliisque pijs laboribus, vt & ipsa desiderijs spiritus subseruiret, & spiritui meo apta atque attemperata existeret: Eò quod vt præclare dixit Bernar. In robusto & vegeto corpore, animus languidior & tepidior iaceat: & rursus, in corpore debili atque infirmo, fortior vigeat promptiorque spiritus. Hunc huius loci sensum confirmat lectio aliorum qui legunt: Quo modo consumpta est caro mea: vel; quo modo contabuit caro mea. Carnem enim dictis laboribus extenuare, quid aliud est quàm eam consumere, in eaque de mane vigilare, quid aliud est quàm ei tabem adferre, cùm scriptum sit. Vigilia honestatis tabefaciet carnes? Attamen D. Bern. dicit carnem multipliciter tacitis videlicet desiderijs sitire secundum Christi aduentum, quo reformabit corpus humilitatis nostræ, configuratum corpori claritatis suæ.
3. *In terra deserta, inuia, & inaquosa:* Hæc terra sæculum est: desertum, quia Dei disciplina, diuinisque visitationibus multimodis destitutum: Inuium, viam enim vitæ non nouit: Inaquosum, quia inopia gratiæ spiritualis aridum. Sensus ergo est: Ego in sæculi medio positus, sic, i. hoc quod dixi desiderio succensus, *in sancto*, i. in cælo coram oculis tuæ maiestatis, *apparui tibi*, vides enim in sancto tuo desiderium meum. Id autem desiderium huc ordinatur,

natur, *ut viderem virtutem tuā & gloriam tuam*. i. ut virtutis & gloriæ tuæ nonnullam cognitionem in hoc deserto perciperem. Sed cur in deserto, quod suis non caret deliciis, præsentibus neglectis, desiderio rei absentis & inuisibilis tantopere exaltuasti? Causam quæris?

Quoniam melior est misericordia tua. i. melius est id quod à tua misericordia in hac vita per fidem consecramur, & postmodum per speciem plenè adipiscemur, *super vitas*. i. omnes temporalis huius vitæ delicias. *Labia mea laudabunt te*. i. percepta gloriæ & virtutis tuæ cognitione, per laudationis formulas labiis pronunciatas laudes tuas recitabo.

Sic benedicam te in vita mea. i. huius vitæ tempore ille fere est modus, quo benedico ac gratias tibi ago, idque præ languore interioris hominis. *Et in nomine tuo*. i. auxilio, inuocatione nominis tui accepto, *leuabo manus meas* ad orationem. His ergo verbis indicat Psalter eum qui in his desideriorū primordiis constitutus est, qualis hic loquitur, sicut laudem, ita etiam orationem deferre, bona quidem & à Deo inspirata intentione, sed magis opere & officio oris atque corporis, quam sensu & attentione cordis. Sed quia spes est etiam in hac vita proficiendi, & pertingendi ad interioris hominis atque spiritualis affectus vigorem & vbertatem, ideo subdit Psalter:

Sicut adipe & pinguedine repleatur anima mea. i. per vnctionem tui spiritus pinguescant interiora mea, & quodam fidei ac deuotionis pabulo, vbiq; cælestis vberiore alimonia saginentur, inquit Ambr. *Et labijs exultationis laudabit os meum*. i. eo facto, labiis quidem per præfinitas laudum & precationum formulas te laudabo, sic tamen, ut in illa quæ labiis pronuntio, mens mea illis mirificè affecta atque delectata ab intus erumpat atque exiliat. Hoc in hac vita augetur in perficientibus, perficietur autem in futura.

Sic. i. ista pinguedine à te donatus, *memor fui tui super stratum meum*. i. in stratu meo recubens, vbi solent lubricæ cogitationes, & ut inquit Hier. dulcis quædam libidinum pompa sese mihi ostundere, iam ab illis expurgatus per renouationem interioris hominis, potero viuaci sensu, tui, tuarumq; rerum memoriam exercere. *In matutinis meditabor in te*. i. præ spiritus maturitate primo mane statim instructus, & expeditus erit animus meus, solidam rerum spiritualium meditationem exercere, cum prius solummodo dixerit, *Ad te de luce vigilo*: Qui enim euigilat, ad rerum spiritualiū exercitationem in ipso vigiliæ exordio ferè admodum adhuc imparatus est, & incompotus ad exercendum id ad quod euigilauit, nisi fuerit adipe & pinguedine repletus. *Quia fuisti adiutor meus*. i. ad hæc te adiuuante profeci. Quia vero adiuuari à Deo parum est, nisi adiutorio adsit etiam diuina protectio, adiungit Psalter, ut alias sapius:

Et in

4

5

6

Bern. serm.
9. & 23.
in Cant.
2. de Cain
& Abel,
cap. 5.

7

Hieron ad
Euseb.

8. *Et in velamento alarum tuarum*, de quo Psalmo 60 diximus, *exultabo*; *Adhasit anima mea post te*. i. tuo adiutorio, tuaque protectione adiutus, immobili studio atque tenaci amore tibi agglutinator sum, imò verius, *post te*; tum quia ad hæc à te sum præuentus, tum etiam quia per fidem te quasi consecutus sum, nondum per speciem amplexus. Nihilominus futurū spero, ut dicam: *me suscepit*, ad conspectum tuæ gloriæ *dextera tua*, quæ tunc amplexabitur me, quia ex omni parte implebit me atque circumdabit: ita ut de aduersariis pro illo tempore dicam:

9. *Ipsi vero in vanum quaesierunt animam meam*; quia tum in nihilum reciderint omnes eorum conatus. Quid autem ipsi per hos suos conatus consequentur? *Introibunt in inferiora terræ*. i. in infernum, qui est in corde terræ, ut interpretatur Hieron. *Tradentur in manus gladij*, cuius ictu ad æternam mortem confodiantur. De quo gladio Isaïas: Inebriatus est in cælo gladius meus, ecce super Idumæam descendet, &c. Quo loco sicut & hic per gladium metaphoricè mors secunda designatur, ac si planis verbis diceretur, *Tradentur in mortem secundam*. *Partes vulpium erunt*. i. partem æternæ possessionis accipient cum hypocritis, quos vulpium nomine aptè designari potum est. Quapropter Psaltes hic figuratè expressit, quod absque figura Dominus in Euangelio: Veniet dominus serui illius, partemq; eius ponet cum hypocritis.

10. *Rex vero, qui Christus est, latabitur*, vna cum susceptis dexterae suæ, in Deo, in quo eo tempore salutem cum securitate consecuti erunt. *Laudabuntur*, tunc enim laus erit unicuique à Deo, *omnes qui iurant in eo*; Non quod iuramentum præstare laudabile sit, sed laudabile est, quod si quando iurandum est, tum in Deo iuretur. Quia vero iurare ad cultum Dei pertinet, videtur hoc loco à specie genus designari, ut sit sensus: Laudabuntur omnes qui colunt eum, & cultui eius se per contestationem nominis eius astringunt. *Quia obstruendum est os loquentium iniqua*; eo enim tempore nec diabolus ultra accusare poterit electos Dei, quia tum projectus erit accusator sanctorum, ut habet Apocalypsis, nec iniqui ultra eis detrachere, aut gloriam quam Christo dante accipiunt, in dubium reuocare: Imò sic obmutescunt, ut nec semetipsos quidem ex illo tempore valeant excusare, aut quippiam pro semetipsis respondere. Sicut manifestum est ex Euangelio, quod ille qui non habebat vestem nuptialem, à Domino interrogatus, obmutuit.

P. S. A. L.

PSALMVS LXIII.

Exaudi Deus orationem meam cum deprecor, Ex hoc & 19 Psal. vbi dicitur: Exaudi nos in die qua inuocauerimus te, satis manifestè apparet sanctis cordi fuisse, vt etiam ante tempus necessitatis per quasdam præuias orationes aperirent sibi aures Dei, ita, vt si quando in tempore necessitatis vel oportunitatis ad Deum per orationem confugerent, tum etiam Deum inueniret paratum ad exaudiendum. Iustè enim metuebant ne si prius verterent ad Deum tergum & non faciem; & in tempore afflictionis suæ ad Deum conuersi dicerent: surge, libera nos; Deus eis responderet, quod est apud Ieremiam: Vbi sunt dii tui quos fecisti? (facit enim sibi Deum etiam is cui Deus venter est) surgant & liberent te in tempore afflictionis tuæ. Volens itaque Psalter ad informationem Christianorum futurae necessitatis precibus aures Dei aperire, ante orationem oratione præuenit Deum, & dicit:

Exaudi Deus orationem meam cum deprecor, Aut quod idem est, *in die qua inuocauero te.* *A timore inimici.* i. metuendi illius hostis diaboli, per tuam protectionem, *eripe animam meam,* à timore æternæ mortis. Porro quia Christus saeculum eui quæ principem formidantibus Apostolis dixit: Confidite, ego vici mundum; ideo Psalter post hanc orationem mox enarrat in persona Christi, à quot & quàm sibi infestis inimicis Christus à Deo in hoc saeculo protectus sit, vt iustus iste à timore inimici anxius, victoria Christi quæ hic enarratur intellecta, fiduciam concipiat etiam se timorem inimicorum superaturum, præsertim quia Christus saeculum & sibi & nobis vicit, vt per suam victoriam etiam nos seculi victores tam exemplo quàm adiutorio efficeret. Dicit proinde ad Deum in persona Christi Psalter:

Protrahe me à conuentu malignantium. i. e. noliio pontificum & Pharisæorum, pessima mihi machinantium, cum dicerent: Venite cogitemus contra eum cogitationes, percutiamus eum lingua, & eradamus eum de terra viventium. *à multitudine operantium iniquitatem,* populi videlicet Iudæi. Si queris quam iniquitatem? subiicitur.

Quia exacerunt ut gladium linguas suas, cum clamarent, Crucifige, & impropria in Christum iacerent, addentes fixuris clauorum tela linguarum. *Iuenerunt arcum.* i. tenderunt insidias, *rememoram;* Attonitissimè enim est insidijs circumueniri, quia infidie, inquit Augustinus, tanto amariore sunt, quanto dulcior pax fuit futura, quæ vera putata est, cum astutissimè figeretur. *ut fugerent.* In fidione opprimant, *in occultis.* i. vbi id minime expectes, *immaculatum,* i. Christum, qui solus est sine omni macula.

Subito. i. ex improviso, *sagittabunt eum,* quod putabant se facere, cum

S

Chri-

Christum per osculum Iudæ comprehenderent. *¶ non timebunt.* Confidenter enim & audacter id aggressuri sunt. *Firmauerunt sibi sermonem nequum.* i. consensu ac conspiratione confirmauerunt ac corroborauerunt sermonem Caiphæ intentione nequam dicentis: Expedi vobis vt vnus homo moriatur pro populo. Ab illo enim die cogitauerunt interficere Iesum.

5. *Narrauerunt vt absconderent laqueos.* i. vnus alteri enarrauit, qua ratione insidias struere, adornare, comparare cogitaret. Qua collatione inter eos frequentius habita cū iam adueniret Iudas, & diceret; Quid vultis mihi dare, & ego eum vobis tradam? omnibus placuit is dolus, atque de illis laqueis in cōmune dixerunt: *Quis videbit eos?* q. d. impossibile est ipsum ea calliditate non capi, Non poterit illum dolum euadere:

6. *Scrutati sunt iniquitates,* cū princeps Sacerdotum per inquisitionem interrogaret Iesum de discipulis eius, & de doctrina eius, & cū Pontifices & omne consilium quærerent falsum testimonium aduersus Iesum, vt eum morti traderent. *Defecerunt scrutantes scrutiny;* quia Christum non solum ab omni errore & crimine alienum reppererunt, sed ne quidem falsa inuenire potuerunt testimonia quæ forent conuenientia. Præterea *scrutati sunt iniquitates,* cū disquirerent qua ratione Christi resurrectio nem possent occultare atque negare, sed & ibi *defecerunt scrutantes scrutiny;* quia infelix eorum astutia dormientes testes adhibuit, per quos probaret venisse discipulos Christi nocte, eumque fuisse furatorem: Itaque hæc omnia à principio Psalmi enarrata nihil eis profuerunt. Et vnde hoc? An quia Christus omnes eorum conatus, sicut prius, eludet ita vt se ab illis capi, torqueri, occidi non patiatur? Non: sed

7. *Accedet homo ad cor altum.* i. Christus secundum humanam naturam sponte accedet seu offeret se, (vt manifestum fuit cum comprehenderetur,) illis eorum conatibus, quibus alto corde profundoque consilio eum aggredi statuerunt. Omnibus autem passionibus transactis, ipse *¶ exaltabitur Deus;* Non dicit: Fiet Deus; ab initio enim conceptionis Deus fuit, sed qui in suæ mortalitatis dispensatione prius humiliatus est Deus, post passionem exaltabitur Deus, quia honorem sibi Deo debitum, in humanitate sua induet, & homo ille vt Deus ab omnibus adorabitur & coletur. Et quo loco tum erunt plagæ ab inimicis prius illatæ?

8. *Sagittæ paruulorum factæ sunt plagæ eorum.* Cū enim plagæ quæ uis per immortalitatem carnis absumptæ sunt (sicut & quæuis plagæ, cū iam in bonum conuersæ sunt) æstimantur leuem & modicam læsionem attulisse. *Et infirmatæ sunt contra eos linguæ eorum,* quia sermones eorum contra Christum prolati, multum valere ceperunt ad authores suos imposturæ & impietatis conuincendos. Quantopere enim fidem resurrectionis adiunxit

adiuuit quod milites iussi sunt dicere: Nobis dormientibus venerunt discipuli eius & furati sunt eum?

Conturbati sunt. i. præ admiratione tantæ iniquitatis attoniti facti sunt, *omnes qui videbant eos.* i. qui mores eorum iam à morte Christi obseruabant, cum viderent eos qui & Dominum occiderat Iesum, & Prophetas & Apostolos erant persecuti, Deo non placentes omnibus hominibus aduersari. *Et timuit omnis homo,* sibi, ne & ipsi beneficiis Dei, qualia Israël habuerat, ad parem impietatem abuteretur. Nihilominus Israëlita non sic offenderunt ut caderent, siue ut à salute omnes omnino exciderent, Nam de quibusdam ex eis ad Christum conuersis, sequitur:

Et annunciauerunt opera Dei; quia etiam ex illis conuersi sunt aliqui, qui postmodum opera Christi euangelizauerunt, quorum primas fuit Apostolus Paulus. Alij verò ex illis, qui præcones Euangelij non extiterunt, *facta eius.* i. Christi, quæ prius impugnabant, pia fide *intellegerunt*, quæ d præcipuè verum erit de eis dicere in fine sæculi, cum conuertetur gens tota simul. Ex quibus apparet præclarissimum victoriæ genus, quo Christus non solum mala sibi illata, sed etiam ipsos suos inimicos deuincit, illa quidem patiendo, hos conuertendo. Quibus omnibus attentis

Lætabitur iustus in Domino. i. in Dei ac Christi eius victoria. *Et sperabit in eo,* ut ab eo protegatur à timore inimici anima eius. *Et laudabuntur omnes recti corde.* i. illi qui in his omnibus, quæ sine diuinis iudiciis acta nō sunt, Dei iudiciis sua corda, suasque voluntates pia deuotione conformant atque subiiciunt.

PSALMVS LXIIII.

In finem Psalmus Dauid, canticum Aggai, Hieremia & Ezechiel, transmigrationis quando incipiebant proficisci.

Captiuitatem Babylonicam præfigurasse captiuitatem generis humani sub diabolo, ignorantia, atque peccato, notum est. Populus autem transmigrationis, de quo titulus, non illi sunt, qui in captiuitatem diaboli traducuntur; Sed Apostoli & prædicatores Euangelij, qui Iudæa, domo patrum suorum derelicta, ad externos Euangelij prædicandi, & huius captiuitatis in libertatē afferendæ gratia se transfulerunt. Canitur autem hic Psalmus istis cum inciperent proficisci, quia in eo præcipuè explicatur primus prouentus Euangelicæ prædicationis, qui fuit vberimus. Explicatur simul gaudium & gratiarum actio (vnde & Psalmus in titulo Canticum appellatur) quam Deo deferbat ille populus transmigrationis cum illa quæ hic describuntur, præ oculis viderent impleri. Attribuitur etiam hoc Canticum nominatis tribus Prophetis, eo quod ipsi dictam

S ij transmi-

transmigrationē, eiusque effectum vberius & propensius prophetauenit.

1. *Te decet hymnus Deus in Sion.* i. decet, vt cum gaudio gemitū actio tibi in Ecclesia presentis vitæ, quæ est Sion, deferatur. Sed quia gratia actio in hac vita magis voti est quàm effectus, *Tibi reddetur votū in Hierusalē*, quia quod hic in votis habetur, ibi in celesti ciuitate pro voto persoluetur.

2. *Exaudi orationem meam*, qua oro, vt in Hierusalem ad laudandum te tandem perueniam. *Ad te omnis caro veniet*, quia non solum secundum animam, sed etiam secundum corpus ibi præsentes erimus ad Dominum, in carne nostra visuri Deum. In eo autem quod dicit, *omnis caro*, intelligenda est distributio pro generibus singulorum; Sicut enim ex omni conditione hominum aliqui saluabuntur; etiam omnium illorum caro ad Deum perueniet. Hæc ubi dixit Psaltes, sermonem insert in persona eorum, qui audita Euangelij prædicatione animaduertere incipient pristinos, in quibus eousque detenti fuerint errores. *Qui dicent*,

3. *Verba.* i. doctrinæ, *iniquorum.* i. magistrorum, qui ad iniquitatem ducunt, & in errorem mittunt, qui tum temporis erant sacerdotes idolorum, nunc verò sunt hæretici. *præualuerunt.* i. vsu, auctoritate, & non dico Christianæ, sed paternæ traditionis quadam verisimili præscriptione inualuerunt, *super nos*. Quod etiam hoc tempore cum gemitu licet dicere, cum videmus errorem aliquem, tam fidem quàm mores concernentem, apud magnam nostræ congregationis partem locum obtinuisse, præsertim si in iisdem locis non desit prædicatione, vel testificatio contrariæ veritatis; tum enim propriè verba iniquorum prævalent, cum homines collatione veritatis cum falsitate facta vel saltem audita, falsitatem præferunt veritati. Bene autem Psaltes, pristini erroris cognitionem in principio exponit: primus enim gradus conuersionis est confessio pristini erroris. Ideo & apud

cap. 3.

Hieremiam: *Qui ab errore conuertuntur in principio dicunt: Verè mendaces erant colles & multitudo montium.* i. doctrina & cultura idolorum. Quia tamen agnitio erroris si sola affuerit, ferè desperationem adfert, vt ea utilis esse possit, spes obtinendæ veniæ ei adiungenda est: ideò subiungitur, *Et impietatis nostris* (quibus vna cū erroribus hætenus fuimus implicati, *tu propitiaberis*. Sed nunquid operâ Euangelicæ prædicationis omnes conuertendi sunt? Non. Illi autem, non soli, sed omnes, quotquot præordinati sunt in vitam æternam, qui ad fidem Christianam à Deo secundum propositum vocati sunt & electi ex reliquis; & præ reliquis, quorum gratiosam fœlicitatem prædicans Psaltes exclamat.

4. *Beatus quem elegisti.* i. à reliquis in pari, aut etiam minori demerito positus segregasti, & *assumpsisti* secundum tuum propositum ad vitam ex mortuis. *Qui enim assumptio*, inquit Apostolus, nisi vita ex mortuis? *Habitabit in*

salutis in atrijs tuis. Quos enim hoc proposito assumis, eosdem sic adiuuas, ut non solum possint, sed etiam actu perueniant ad inhabitandum in atrijs tuis, quæ est Ecclesia huius temporis. Huius enim ut non nisi peruenientes sint. In his autem atrijs tuis per te constituti, spem habere debent ad beatitudinem peruenienti, ideo de illa per spem dicunt sibi mutuo,

Replebimur in bonis domus tue, beata scilicet, inquit Ambros. In illa enim domo nemo erit, qui non pro sua capacitate omni bonorum genere repleatur. *Sanctum est templum tuum,* futuri seculi; ad cuius templi structuram non adiungitur nisi qui sanctus sit *mirabilis in æquitate.* In disparitate enim gloriæ & beatitudinis illius, tanta animi æquitate omnes præditi sunt, ut omnes sibi & alijs toto animo congratulantes, ad admirationem usque nullus alteri inuideat, aut minus quàm par est cõgaudeat. Porro quia iste psalmus compositus est ijs qui incipiebant proficisci, ideo in eum nunc introducuntur illi qui circa Hierusalẽ Euangelium primi audiuerunt, & crediderunt priusquàm Apostoli ad extremos usque mudi terminos proficiscerentur, vel perungerent; qui cum per Euangelij agnitionem sibi bene esse sentient, recordati sunt eorũ qui adhuc procul in tenebris & umbra mortis sequebant, & pro eorum conuersione deprecari incipiunt, & dicunt.

Exaudi nos Deus salutaris noster. i. à quo nos nunc salutem adepti sumus, *spes omnium finium terræ.* i. in cuius solius manu est salutem diffundere in omnes fines terræ. *Et in mari longè.* i. etiam in eos ad quos non est accessus, nisi per horrida feri maris pericula. Tu es enim

Præparas montes in virtute tua. i. tu sublimes istos homines, per quos extrema terræ ad fidem peruentura sunt, ad hoc magnum opus perficiendum præparas, & idoneos reddis. Idq; excellẽti gratiæ tuę virtute; Opus est enim ut iustitiæ & fidei magnis & nõ vulgaribus viribus præditi sint, qui aliorũ corda ad iustitiam permoueant. Quin etiam cum montes præparaueris. i. charitate & eruditione, industria ac gratia impleueris, non eos tum virtuti à te acceptæ permittis, sed es *accinctus potentia,* ut vni cum eorum virtute, tu tuo more accinctus, cum eis egrediaris ad saluandos omnes fines terræ. Te autem eos præparante, & præparatis sic cooperante, tu es *qui contrurbas profundum maris.* i. qui per euangelicam prædicationem amara & turbida secularium corda immisso conscientie remorsu in principio salutiferè inquieta reddis. *fontium fluctuum eius.* i. non solum secularium corda, sed etiam ipsos contra Euangelicam prædicationem excitatos tumultus disturbas & dissipas. Porro hi versus, *Exaudi nos* cum seq. pulchrâ & conuenientem orationis formulam nobis præbent, si orare voluerimus paternè familiar, ut mittat operarios in messem suam, Omnia enim continent quæ circa eam rem exoranda sunt. Qui autem bene præparati esse velint ministri,

S iij audiant

5.
Ambros. vltima de bono meritis.

6.

7.

Ambr. li. 3 audiant *Ambr.* in hæc verba dicentem. Nisi intus mentem tuam vacuum
in Lucam feceris ab omni labe peccati, ne dissensiones contentionesq; ex affectu tuo
 oriantur, non poteris alijs ferre medicinam. Post orationem autem subiicitur effectus Euangelicæ prædicationis & dicitur:

8. *Turbabuntur gentes.* Necesse enim est vt error inueteratus, cū veritate affulgente, primo congressu in homine concertationem faciat, concertatio turbationem: Post turbationem autem succedit timor qui initium est iustificationis expellens vetus peccatum, ideo additur: *& timebunt qui habitant terminos.* i. qui inhabitant extremos mundi fines, idq; a signis tuis. Habet enim Apostolorum exercitus signa sua, militiæ huic congrua, quæ inter cætera sunt miracula, quibus conspectis terga vertit & cedit error pristinus. *Exitus matutini & vespere delectabis.* i. inquit aliqui, Populos orientales & occidentales per nouum tuum spiritum exhilarabis. Cæterum, per exitum seu egressum, non populus, sed institutum euangelizandi solet intelligi. Exitus ergo matutini fuit, cū in principio prædicationis euangelicæ egredierentur Apostoli ad conuertendas gentes: Exitus verò vespere, cū egredientur Euangelistæ ad congregandos Iudæos. Ideo dicitur *Iudæi*: Quasi diluculum præparatus est egressus eius; quia parabant Apostoli primo Iudæam gentem conuertere: addunt autem, Et veniet nobis quasi imber temporaneus & serotinus terræ; quia Euangelica prædication, quæ primo Iudæis parabatur, serò tandem & in fine mundi eis salubriter obueniet. Proinde sensus est: *delectabis.* i. delectabiles facies exitus Euangelicæ prædicationis primos, ob multarum gentium conuersionem, & vespertinos ob cōuersionem Iudæorum, vsque adeo vt ipse prædicationis labor & dolor præprouentum suorum vbertate in delectationem vertatur.

9. *Visitasti terram.* Ambrosius intelligit esse apostrophē ad Christum, qui per viscera misericordiæ Dei visitauit nos oriens ex alto: Ordo tamē Psalmi magis requirit, vt hæc intelligamus in hunc modum: *Visitasti terram.* i. fecisti eos qui regiones conuerterāt, subinde reuifere filios suos. ideo dicit *Apostolus*: Reuertētes visitemus fratres. Quæ visitatio magnam eis adduxit aedificationem & lætitiā. ideo sequitur: *Et inebriasti eam.* Inebriat enim Deus terram, cū per ministros verbi vino spiritualis lætitiæ eam perfundit, inquit Bern. Quod præcipuē contingit tempore visitationis. Incredibile enim gaudium adferebat fidelibus aspectus eorū, per quos consciam nunc salutem consecuti erant, & à quibus expectabant profectum spiritus, cuius tunc erant capiores quā in principio suæ cōuersionis. *Multipliasti locupletare eam,* quia gratiam gratiæ adiiciendo, fecisti eam per has visitationes opibus spiritualibus locupletem. Propter quæ dicebat Apostolus Romanis: Desidero videre vos, vt aliquid vobis impertiar gratiæ spiritualis. Scio

lis. Scio enim quod venies ad vos, in abundantia benedictionis Christi veniam. Et alibi, Nocte & die abundantius oramus videre faciem vestram, ut compleamus ea quæ defunt fidei vestræ. Quem visitationum fructum etiam Iob vaticinatus est, cum de populo fidei in persona Apostoli gentem aliquam visitaturi diceret: Expectabant me sicut pluuiam, & aperiebant os suum sicut ad imbrem ferotinum. i. superuenturum ad perficiendum iam saturas atque enatas fruges.

Flumen Dei. Ab hoc loco usque in finem describit Psalter per singulos Ecclesie ordines, qualiter gratia Euangelij in eos pro ratione status & ordinis sui effusa sit, & incipiens quasi à capite dicit: *Flumen Dei*; De quo dixerat Christus: Flumina de ventre eius fluunt aquæ viue: Quo flumine propriè significatur gratia apostolatus, vel operande alienæ salutis, quia flumē hoc dicitur fluere de ventre, qui generationi seruit. Hoc flumen *repletum est aquis*. i. abundantia gratiæ spiritualis qua præditi fuerunt Apostoli. *Parasti cibum illorum*; Verbum Dei cibus est fidelium, Non enim solo pane viuit homo, sed in omni verbo quod procedit de ore Dei. Hunc cibum vnusquisque nostrum sibi præparat, cum per Dei gratiam meditando vel legendo, verbi Dei intelligentiam quærit atque rimatur. De Apostolis verò & illius sortis hominibus dicit Psalter ad Deum: *Parasti cibum illorum*, quia Deus etiam eis absque præuia meditatione præuioque studio, id quod dicendum erat, sua prouidentia præparatū atque maturatum infudit. Dixerat enim illis: Nolite cogitare quomodo & quid loquamini, dabitur enim vobis in illa hora quid loquamini. Quæris ergo quare Apostoli illa & illa, taliter & taliter locuti sint? Respōdebitur: *Quoniā ita est præparatio eius*. i. quia ea quæ dixerunt sic erant à diuina prouidentia præparata atq; disposita. D. Cyrillus tamen istud accommodat omnibus fidelibus, dicens eis cibum à Deo parari, eò quod cælestem escam copiosamque spiritus gratiam à Deo frequenter accipiant antequam quidquam ab eo petant: nescimus enim, inquit, orare ac petere, ut decet.

Riuos eius. Deus totius boni fons est: qui autem spiritu Dei à Deo immediate & in publicam totius Ecclesie salutem implentur, quales erant Apostoli, dicuntur flumina è fonte prouenientia. Qui verò ex his fluminibus eorumque ministerio rigantur, præsertim in salutem particularium Ecclesiarum, ut sunt pastores & eius ordinis sacri homines, isti riuus sunt quasi è fluminibus ad certas partes deriuati. Facta itaque prius fluminum mentione, nunc Psalter precatur pro iis qui Apostolica traditione imbuti particularibus Ecclesiis sunt præpositi, & dicit: *Riuos eius inebrians*. i. Spiritu sancto replens. Ebrietas enim hoc loco non mentis insaniam, sed spiritualis influxus copiam denotat, inquit Hieronymus, in fine Osee.

Multi-

Cōc. Arau.
can. 12.

Multiplica genimina eius, ut riuorum horum asperione irrigati, multi ex eiusdem fidei & charitatis radice amplum & abundans religiosa conuersationis bonorumque operum germen emittant. *In stillicidijs eius*. i. gratia Spiritus S. guttatim defluente. Qui enim in Ecclesia crescit, is ordinariē spiritus influxum non in torrentis modum simul accipit, sed particulatim, nunc in hac, nunc in illa parte lumen aut robor interioris hominis recipiēs. Nemo enim, inquit Cōcilium Arausicum, habet veritatem aut iustitiam, nisi ab illo fonte quasi guttis quibusdam irroratus. In his autem guttis, *letabitur germinans*. i. cōgratulabitur sibi atque hilaritate perfundetur quisquis germinat, siue sensim in Ecclesia crescit, quia gutta ista, tametsi in se modicæ esse videantur, cum magna tamen gratiarum actione suscipiendæ sunt, & animam suscipientis viuificant.

16. *Benedices coronæ anni benignitatis tuæ*. Annus Dominicæ benignitatis est tempus noui testamenti, quod cepit à prædicatione Christi. Prædicare, inquit, annum placabilem Domino; durabit autem vsque in finem sæculi. Diciturque annus diuinæ benignitatis, quia cū Deus tempore veteris testamenti se iustum esse & seuerum ostenderit, hoc tempore benignitatem suam inæstimabilem in genus humanum exerceat. Porro *coronæ* nomine quidam non victoriæ sertum, sed comprehensionis circulum intelligunt; ut sit sensus, *Benedices coronæ*. i. benedictionem tuam effundes in omnes partes temporis, quod terminis anni benignitatis ab initio in finem vsque comprehenditur. Veteres tamen *coronæ* nomine sertum victoriæ intelligunt, & quidem appositè. Cū enim hac Psalmi parte Psaltes describat per singulos Ecclesiæ ordines gratiam quam pro ratione gradus & status sui per Christi euangelium consecuti sunt, æquum erat ut etiam benedictionem eorum qui in agone contendunt, inter quos excellunt martyres, describeret: quam tamen nobis colligendam reliquit ex mercede & premio quod ei paratur, de quo sic dicit: *Benedices coronæ anni benignitatis tuæ*, q. d. In anno benignitatis tuæ. (Nam pro iusto. i. quamdiu iustum te esse, ut exponit Hieron. declarabas; vix quisquam moritur, pro bono autem. i. pro te bonitatem tuam tempore noui testamenti effundente, audeat quis mori) complures erunt qui per gloriosam, vsque ad sanguinis sui effusionem, certamina, merebuntur coronam. Huic verò *coronæ* tu *benedices*. i. multo honore & gloria eam admodū illustrem & splendidā facies, & per eam restitutum reddes quanta gratia à te tempore sui agonis fuerint donati. *Et campi tui*. i. spatiosa amplitudo communis populi, *replebuntur vbertate*. Nam & his tametsi coronam prædictam non promerentibus, si a non deerit vbertas, quia diuites fiunt in operibus bonis. Et præter hæc,

17. *Pinguēscent speciosa deserti*. i. Monasteria & greges monachorum deserta inco-

incolentium, quorum incolatu, deserta, fidei oculis speciosissima & nitidissima apparent, *pinguescent*, repleti medulla vite contemplatiue quam in desertis exercebunt, idque in corpore marcido & inculto. Huius expositionis Augustinus nobis author est, qui deserto & cremo tribuit vbertatem ob monasteria quæ illis in locis admodum erant frequentia. Deuolutus est, inquit, sermo ad monasteriorum greges & mores suauolentie tuæ, & vbera deserta cremi. *Et exultatione colles accingentur*. i. Etiam illi qui in Ecclesia minore sanctitate præditi sunt gaudio spiritali non carebunt, maioribusque congratulabuntur.

Induti sunt arietes ouium. i. ductores Dominici gregis bonis populi operibus, eorū directione & exemplo perfectis, quasi lana & ouium suarum velleribus induti & ornati erunt. Ecclesiæ enim gloria, inquit Cyp. gloria præpositi est. *Et valles*. i. Etiam illi qui in Ecclesia infimæ sortis erunt, *Abundabunt frumento*. i. quia verbum Dei eis copiose administrabitur, & curæ illis erit vt verbum Domini in eis habitet abundanter: Quamquam vallium nomine intelligi possint, qui infimi sunt, nō conditione, sed humilitatis virtute. Tales enim abundare solent copia alimonie cælestis. *Clamabunt*, præ exultatione cordis: *etenim hymnum dicent*; Qui autem hymnum dicit, inquit Ambros. puro corde & spiritaliter dicit, & omne genus passionis excludit humanæ, vt nullo mœrore, nullius doloris acerbitate impediatur eius officium, exasperetur eius affectus, sed in hymno dicendo immobilis & irreuocabilis perseueret, Sicut scriptum est: Benedicam Dominum in omni tempore.

PSALMVS LXV.

In finem canticum Psalmi resurrectionis.

IN hoc Psalmo enarratur, quod resurrectio Christi à Iudæis credita non sit, quodque ab eis translatus sit Euangelium ad gentes vna cum gratia noui testamenti, per quam ex gentibus multi adeo confortati sunt, vt à suscepta religionis constantia nullis tormentis potuerint dimoueri. Et sic incipit,

Iubilare Deo omnis terra. Exhortatio est includens prophetiam, quod Ecclesia dilatanda erat per omnem terram. *Date gloriam*. i. celebritatem laudi eius. q.d. celebrate laudes eius. Sicut & Isaias dicit: Qui reminiscimini Domini glorificate eum, & non detis silentium ei.

Dicite Deo, quàm terribilia sunt opera tua Domine: Terribile enim est, quod occasione operū Dei bonorū & mirabilium quæ in salutē hominum sunt instituta, quidam suo vitio in incredulitatē corruerint, & contra Deū hostilem induerint animum. Volebas id planius tibi declarari? *In multi-*

T rudine

rudine virtutis tue. i. in illis tuis operibus in quibus quam maximam exhibes & ostendis virtutem, inter quæ secundum propositum Psaltis resurrectio Christi à mortuis in primis reponenda est; *Mentientur tibi inimici tui*, quia contra talia Dei opera mendacia confingent, quibus aut negent facta esse quæ facta esse norint, sicut negabant milites Christum resurrexisse, aut eadem mendaci interpretatione peruerterent. Sed nunquid mendacium eorum fidem Dei euacuauit? Absit: sequitur enim,

3. *Omnis terra.* i. Ecclesia per omnem terram diffusa, *adoret te.* i. tanta deuotione tibi credat, vt etiam ex fide colat. *psalmum dicat nomini tuo.* i. tibi ob eam virtutem quam alij mendacijs peruertere tentant, gratias agat. Porro quia mirabili Dei iudicio Iudæi, quorum erat adoptio & legislatio & testimonia, quorum patres ex quibus Christus, & quibus promissus est Christus, primi & præcipui fuerunt qui aduersus Dei virtutem extiterunt mendaces, & ob id à veritate exciderunt, & è contrario gentes qui semper mendacijs seruierant, qui prius hospites erant testamētorum, veritate audita eam receperunt, & Christi participes facti sunt; excitat nunc Psalter omnes in attentionem, vt rem hanc supra omnem hominum captum admirandam, discant, non solum hominum volūtatibus (quia questio huius discretionis & similium per liberi arbitrij velle & nolle non soluitur, inquit Prosper) sed diuinis etiam iudicijs tribuere, ipsaque Dei iudicia sub quibus hæc libera hominum voluntate facta sunt, contremiscere: Et dicit:

1. de voc.
gent c. 25.

4. *Venite, & videte opera Dei:* Quid autem in eis videndum? *Terribilis in consilijs super filios hominum:* Ex Dei enim, qui omnia operatur secundum consilium voluntatis suæ, operibus, etiam ipsa Dei consilia atque iudicia terribilia esse cognosce & collige. Nunquid verò non terribile consilium est, quo Deus Iudaicæ infidelitatis præsciens, Iudeam tamen tot modis Christo præparare voluerit, & Christum ipsis cum tot miraculis exhibere, cum sciret quod ipsi sibi ex istis beneficijs peccatum augerent, quod tamen per gratiam suam quam gentibus dedit potuit auertere & prohibere? Nunquid non terribile consilium est quo Deus quosdam Christianos per gratiam præuenientem ad magnam prouehit iustitiam, & non donata ipsis perseuerantia, permittit vt ipsi sua culpa ex ea sublimitate iustitiæ in grauiorem se præcipitent ruinam? De qua re Bern. O iudiciorum Dei abyssus multa, ô terribilis in consilijs Deus super filios hominum, spiritum donauit, quem denuo erat *ablaturus*, vt esset supra modum peccans peccatum, Et gratia subintravit vt abundaret delictum, quod tamen non fuit culpa dantis, sed addentis præuarcationem. Sui namque erat liberi arbitrij quod malè liber liberum habuit. Hæc Bern. Voluit autem Deus in iudicijs inter cætera tam esse terribilis, vt qui diuinis gaudent beneficijs & Deo erigente in iusti-

Epist. 108.

in iustitia stant, non sint ob accepta beneficia de perpetua Dei circa se benignitate oscitanter securi, sed vt timeant ne cadant, faciatque timor eos humiles & cautos, & in deprecanda Dei misericordia assiduos. Horum autem terribilium Dei iudiciorum Psaltes ipse subiicit exemplum, & dicit:

Qui desertis Iudæis, nisi enim hoc subintelligatur, nō apparebit Deus in dispositione rei quæ hic narratur terribilis, sed solummodo clemens & suavis. *Conuertite mare*. i. amaram & tempestuosam gentilitatem, *in aridam*, vt sitiant iustitiam. *In flumine*. i. gentilitate, fluxa presentis vitæ bona secitante, *pertransibunt pede*. i. discurrent omnesque eius angulos perambulabunt euangelizantes verbum Dei. *Ibi letabimur*, simul qui Euangelium annunciauimus & recepimus, *in ipso*. i. in participatione spiritus eius, & ob perceptionem gratiæ eius. *Queris* qua ratione hoc tam arduum opus perfectum sit?

Qui dominatur in virtute sua in æternum, q. d. Eius auxilio hæc perfecta sunt, qui per virtutem efficacis suæ gratiæ dominatur, subiuciendo sibi omnia, ita vt opus suo proposito dispositum, prædisposito euentu non solum ob Dei præscientiam, sed quam maxime ob gratiæ suæ virtutem nunquam frustretur, idque *in æternum*. i. per omnia tempora huius vitæ, vsque dum perueniatur in æternitatem. *Oculi eius super gentes respiciunt*, vt videlicet in illas præcipue hanc gratiæ suæ virtutem misericorditer (respicere enim Dei misereri est) exerceat. *Qui exasperant*. i. Iudæi. Hoc enim epistolæ ipsi per scripturas designantur. vt Psal. 67. Et apud Ezech. de illis dicitur: Domus exasperans est: Semper enim ad iracundiam prouocauerunt Deum. *Non exaltentur in semetipsis*; quasi ipsi meritis per legem sibi comparatis, vt sibi persuasum habuerunt, digni essent gratia noui testamenti. Ex cuius persuasionis reliquijs, mirati sunt quidam eorum fideles facti, quod etiam in gentes gratia Spiritus sancti esset effusa. Quam eorum superbiam ad Rom. argumentando destruit Apostolus, destruit & ipse Dominus, cum gentes quæ fuerunt absque omni meritorum prærogatiua Euangelij fecit participes, & Iudæos Euangelij extorres. Ideo & Psaltes postquam dixit, *Oculi eius super gentes respiciunt*, bene addit, *Qui exasperant non exaltentur in semetipsis*. Ex eo enim quod nouum testamentum non nisi gratis datur gentibus, exemplum præbetur Iudæis, ne arbitrentur se ob legem cui ante seruierant dignos esse gratia noui testamenti. Quia autem diuinæ gratiæ est, quod gentiles salutem consecuti sint, ideo Psaltes exhortatur gentiles, vt super hac misericordia honorent Deum, ei que gratias agant, & dicit:

Benedicite gentes Deum nostrum; Dicit Deum nostrum. i. Iudæorum, vt gentibus in memoriam reuocando, quod Deus ex pacto Iudæorum Deus

T ij sit, sa-

fit, faciat gētiles intelligere quod ipsi per fidem vnius Dei spiritualium Iudaicorum, vt testatur Apostolus, participes facti sint, & aduersus Iudæos non insolescant. *Et auditam facite vocem laudis eius.* i. prædicate laudes eius. Quæris quas?

8. *Qui posuit animā meam ad vitam.* i. ordinauit, adiuuit, & direxit animam meam, vt infallibiliter apprehenderet vitam, siue iustitiam. Dico infallibiliter: in similem namque sensum intelligit August. verba Domini apud Iohannem: Posui vos vt eatis, & fructum afferatis, & fructus vester maneat. In his autem verbis quod dicit: *animam meam*, non debet intelligi dictum esse in persona Psaltis, quasi de sua solius anima loqueretur, sed totius vocatæ atque iustificatæ gentilitatis. Et similiter quod dicit: *Non dedit in commotionem pedes meos*; Id enim non de vnius Psaltis, sed plurium pedibus intelligendum esse testatur explicatio quam Psalter mox subdit dicendo: *Quoniam probasti*, Non dicit, me, sed *probasti nos Deus*. Itaque, *non dedit in commotionem pedes meos.* i. per opem suæ protectionis non permisit, vt ab accepta iustitia exciderem: Non enim potest esse sensus, *Non dedit in commotionem pedes meos.* i. non impulit me ad ruinam. Cū enim hīc sit sermo gratiarum actionis, gratiarum autem actio deferatur operibus diuinæ gratiæ, non potest hic esse sensus, non impulit me ad ruinam, quia nō impellere aliquem ad ruinam, non est opus diuinæ gratiæ, sed id necessariō consequitur bonitatem diuinæ naturæ. Quid ergō? Nunquid Adam iam lapsus dicere poterat; Non dedit in commotionem, siue, non permisit commoueri pedes meos? non arbitror. Nisi enim Deus Adæ ruinam permisisset, nunquam ipse fuisset lapsus. Cū tamē Christiani prædestinati dicant, non dedit in commotionem pedes meos, intelligitur maioris energiæ esse perseverantiæ donum quod ipsis datur: alterius verō, quod partim datum, partim destinatum fuit Adæ. Huic enim datum fuit posse perseverare, eiūque destinatum fuit ipsum perseverare si vellet: Et similiter Christianis iustificatis, & quidem omnibus, datur posse perseverare. i. vnde actu perseverent sibi cōparare, si viribus sibi in iustificatione datis bene vtī voluerint: Quia tamen homo tot infirmitatibus grauatus & tentationibus circumdatus ordinariē, ne dicam semper, id quod minus est eligeret, atque ad id se conuerteret, ob hoc speciale quod nunc in nobis est & ante lapsum non fuit periculum, prouidit Deus electis suis speciale adiutorium, per quod præter eorū posse perseverare si velint, quod eis est cum homine ante lapsum, & cum omnibus à lapsu iustificatis commune, eis insuper peculiari ope (ob quam perseverantia à Concil. Trident. dicitur speciale donum) dat vt perseverare velint, atque ideo perseverent: non obstante eo quod, vt docet Prosper, in ipsis sit vnde non perseverent, & proinde de ipsis dici debeat, quod tamē si in-

sef 6 c. 21

de vac. gē.

lib. 2, c. 28

et si infallibiliter perseuerent, non perseuerare tamen possint. Itaque Christiani prædestinati dicunt, Deus non permisit commoueri pedes meos, quia inter eorum posse perseuerare & finaliter perseuerare, nulla talis Dei intercedit permissio, qualis interuenit inter posse perseuerare primi hominis, & perseuerare quod ei datum fuisset, si elegisset perseuerare; Inter hæc enim permittebat eum Deus suo arbitrio sufficienter instructo & communito, ut eligeret perseuerare vel non perseuerare: ut autem perseuerare vellet, ac consequenter perseueraret, Deus in eo specialiter non operabatur. Christianis verò prædestinatis & iustificatis cōceditur quidē ut eligant perseuerare vel non perseuerare, sic tamē ut Deus occultius eos confortet, accendat atque excitet, ut infallibiliter eligāt perseuerare, & hanc electionem Deo prosequente, infallibiliter perseuerent. Quapropter verē & secundum scripturas sacras Christianā perseuerantiam descripsit August. in hæc verba. *De corr. & grat. ca. 11*
Nunc Sāctis in regnum Dei, per gratiam Dei prædestinatis, tale adiutorium perseuerantię datur, ut eis perseuerantia ipsa donetur, non solum ut sine isto dono perseuerantes esse non possint: verumetiam, ut per hoc non nisi perseuerantes sint. Quæ verba, teste Hilario Arelateni molestè tulerunt Massilienses, & etiamnum molestè ferunt eorundem humorum homines. Sed quid? Nisi fateantur tale donum perseuerantię dari Christianis, non poterunt Deo dare gloriam, quod speciali gratia non permiserit commoueri eorum pedes. Pergit autem Augustinus; Christianis maior libertas (id est charitas aut virtus) est necessaria aduersus tot & tantas tentationes, quæ in paradiso non fuerunt, dono perseuerantię munita atque firmata, ut cum omnibus amoribus, terroribus, erroribus suis vincatur hic mundus. Hoc Sanctorum martyria docuerunt. Denique Adam ille terrente nullo, imò cōtra Dei terrentis imperium libero vsus arbitrio, non stetit in tanta felicitate, in tanta non peccandi facilitate. Isti autem non dico terrente mundo, sed sæuiente ne starent, steterunt in fide, cū videret ille bona præsentia quæ erat relicturus, isti futura, quæ accepturi fuerant, non viderent. vnde hoc? nisi donante illo à quo misericordiam consecuti erant ut essent fideles; à quo acceperunt spiritum non timoris, quo persequentibus cederent, sed virtutis & charitatis, & continentię, quo cuncta minantia, cuncta inuitantia, cuncta cruciantia superarent? Hæstenus August. Libet autem, o Lector, particulatim audire illa mala, quibus contra perseuerantiam Sanctorū defauit mundus; & tamen, Deo pedes Sanctorum suorum non dante in commotionem, sed, ut dixit mater Samuelis, eos seruante, eam non expugnauit? Id tibi persequentia enarrabit Psaltes, dicens, teste Epiph. in persona martyrum, in quibus Deus mundi rugientis sæuitiā ope præcipua expugnauit, quæ sic habet: *Isa. 64*
Quoniam q. d. iure singulari ac speciali tuo muneri asseribo, quod non de- *9.*
T iij disti

disti in commotionem pedes meos. *Quoniam probasti nos Deus. i. charitatem & constantiam nostram interrogatione tormentorum explorasti, igne, passionis scilicet, nos examinasti, sicut examinatur argentum.* Hoc omnibus martyribus commune est. Omnes enim martyres igne passionis ab adherentibus sibi terreni inquinamenti sordibus sunt excocti, & si quid, inquit Ambros. fuit culpæ, ignis exussit, & ipsa eorum charitas in tormentis aucta, reddita est illustrior. Pergit autem Psalter quædam martyrum tormenta in particulari exponere, & dicit:

Amb. 2. de
Lac. cap. 11

10. *Induxisti nos in laqueum.* De illis hoc intelligendum est qui carceris diuturno squalore & vinculis tentati sunt, vel potius de illis qui sunt strangulati. *Posuisti tribulationes in dorso nostro.* Loquuntur hi qui ungulis & flagellis sunt excarnificati. *Imposuisti homines super capita nostra.* Dicunt hoc illi, qui ab infidelibus in seruitutem ob Christi fidem sunt abducti, aut ad metalla sub duris exactoribus damnati.

11. *Transiimus per ignem & aquam.* Hoc illi dicunt, qui in aquis submersi, & igne consummati sunt. Illi enim proprie, inquit Hilarius, per hæc transierunt, quia per hæc ad aliam vitam traducti sunt. Quanquam non malè intelligatur de illis qui per ignem & aquam traducti, adhuc colla gladio subijcere debuerunt. Hæc autem omnia, nempe, igne probari, & quæ sequuntur, hæc Deo tribuuntur, cum tamen à tyrannis sint inflicta, quia mala illa non nisi à Deo, eadem in hominum probationem exercitationemque, aut prouentus consimiles iisdem permittente obuenerunt, ut proinde non solum Sanctorum patientia, sed insuper ipsa eorum passio & exercitatio, diuinæ prouidentiae donum esse censeatur, dicente Christo: Calicem quem dedit mihi Pater, non bibam illum? Vbi calicis nomine non patientia, sed passio intelligi debet. Nam cum Christus oraret; Transfer calicem hunc à me; non rogabat (secundum hominem dico) patientiam, sed passionem à se transire. Ob hoc etiam canit Ecclesia: Deus tuorum militum, sors & corona præmium. Sors, quia diuini muneris ipsa eorum est passio. Corona, quia Dei est eorum victoria. Præmium, quia Domini est dare illis regnum. Post hæc verò martyrum probationem atque exercitationem quid? *Eduxisti nos; ex mortali corporis ergastulo in refrigerium, vitæ scilicet æternæ: de quo scriptum est: Non esurient neque sitient amplius, neque cadet super eos sol nec ullus æstus.* De cuius refrigerij introitu dicit Psalter in persona singulorum martyrum:

12. *Introito in domum tuam, beatam videlicet, in holocaustis.* Vnusquisque enim martyrum semetipsum in hac vita quasi extra sancta sanctorum totius sui immolatione mactatum, ibi holocaustum sistet Domino in odorem suauitatis. *Reddam tibi vota mea quæ distinxerunt labia mea.* Christiani omnes

omnes professi sumus nos legem Dei observaturos, quæ distinctè præcipit ut diligamus Deum ex toto corde, tota anima, & omni fortitudine, & mandato à priori distincto, ut diligamus proximos sicut nos ipsos. Quia tamè huius legis plenissima observatio in hac vita voto magis & animi præparatione præstatur quàm re, ideo propositum & desiderium huius mandati perfectissimè implendi, hoc loco nomine votorum rectè intelligitur. Quia verò eam huius præcepti perfectam observantiam quam reliqui in animi præparatione ambiunt, martyres re ipsa exhibent; (Illi enim cum pro Deo animas suas impendunt, verissimè Deum tota anima, inquit Tertul. diligunt, id quæ perfectissimo modo) ideo ipsi peculiariter dicere possunt: Reddā tibi vota mea quæ distinxerunt labia mea; quia præceptum dilectionis ex tota anima ipsi perfectissimè implent. Reddunt autē vota hæc sua, in hac vita cum labore exercendo quod mandatum est; in futura verò offerendo id quod hic exercuerunt. Ideo & Psal. 115. dicunt: Vota mea Domino reddam in atrijs domus Domini. i. Ecclesia huius temporis, in medio tui Hierusalem. i. ciuitate cælesti, id quod hic perfectè observatum est ibi offerendo. Porro martyres quoque sollicitos fuisse, ut præceptum de dilectione proximi perfectè impleant, & quod nos voto tenemus, ipsi exercitio & opere redderent, manifestum euadit ex eo quod sequitur:

scorp. c. 6.

Et locutum est os meum in tribulatione mea. i. cum essem in tribulatione carceris & imminentis passionis constitutus, sic mecum loquebar ac huiusmodi sermocinatione memetipsum consolabar & animabam: dicebam inquam: Si memetipsum in holocaustum Domino immolauero, tum simul

13.

Holocausta medullata offeram tibi cum incenso arietum, offeram tibi boues cum hircis. q. d. Meo exemplo etiam alios & quidem boues, quo nomine significantur inuocentes Christiani *cum hircis.* i. illos qui prius peccatores fuerunt ad subeundum martyrium corroborans & excitans, eosdem vna cum mei ipsius proprio holocausto offeram tibi *in holocausta medullata.* Martyrium enim ex medulla seu intimo pinguisimæ charitatis procedit. Ego inquam hos offeram tibi, eo quod vnusquisque bono iure eos Deo tanquam suam hostiam offerat, quos suo exemplo aut opera diuinis consecrat obsequijs & altaribus. Addit Psalter, *cum incenso arietum.* Cum incensi nomine soleat oratio, aut spiritualis rei oblatio significari, cuius virtus instar vaporis ad Deum conscendit; Et arietum nomine Apostoli, qui primi duces Ecclesiæ fuerunt; quid incensi nomine aliud quàm fidem ac religionem Apostolorum intelligimus, quam martyres Deo offerunt, quia suo exemplo & confessione fidem ac religionem Apostolorum in cordibus fidelium ædificantes, faciunt hæc à fidelibus Deo in spirituales hostias offerri? Cum ergo martyres hæc suo exemplo in fidelibus efficiunt, tum perfe-

14.

perfectissimo modo reddunt Deo vota sua, quæ de diligendis proximis promiserant. Ponunt enim animas pro fratribus, eosdem sibi similes efficiences. Porro Psaltes personæ martyrum inhærens, & cognoscens hæc quæ exposita sunt, eis per summam Dei gratiam prouenisse, non contentus eadem intus grato animo cōfiteri & prosequi, vult insuper diuinæ laudi dare gloriam siue celebritatem, vt in exordio Psalmi dictum est; conuocat proinde omnes timentes Deum, irreligiosis enim, inquit Hilarius, neque ad- eundi, neque audiendi voluntas est, & dicit:

15. *Venite & audite, & narrabo omnes qui timetis Deum, quanta fecit anima mea.* Inter ea autem hoc vnum est:

16. *Ad ipsum ore meo clamaui.* i. dedit mihi ante omnia ad ipsum clamare, non nudo oris sonitu, sed in ipso clamore, *exultaui sub lingua mea*, quia in corde, quod sub lingua latet, eadem quæ ore rogavi, viuaciter sensi, & ex illo sensu in verba prorupi:

17. *Iniquitatem si aspexi in corde,* per eius voluntarium appetitum, non autem per iudicium, inquit Greg. Vtile enim est iniquitatē per iudicium aspicere. Ad quod exhortatur omnes D. Augustinus. Ascendat contra se homo tribunal mentis suæ. *Non exaudiet Dominus;* Diuina enim iudicia meritum iusti ex habitu mentis, inquit Ambr. non ex specie aut decore aliquorum externorum operum metiuntur.

18. *Propterea,* quia scilicet sine iniquitate cordis orari, *Exaudiuit Dominus, & attendit voci deprecationis meæ.* Hoc autem magni beneficii loco Psaltes censet esse habendum, quod Deus orationem exaudire dignetur: Hoc enim est non solum munera muneribus eumulare, quod non grauate concedunt heretici, sed priora posterioribus tanquam quibusdam præmijs compensare, Quod ipsi non admittunt derogantes Deo magnificentiam, operibus bonis dignitatem. Cum ergo Psaltes in persona martyris, conuocans omnes ad audienda Dei in se beneficia dicit: *Ad ipsum ore meo clamaui;* & quæ sequuntur, quid aliud quam Deum laudat ob impartitum sibi salubriter orationis, vt Augustini verbis utar, affectum & effectum? Quæ duo sequenti versiculo cum gratiarū actione cōprehendens subiūgit:

19. *Benedictus Deus qui non amouit deprecationem meam.* i. Non permisit mihi deesse orationem quæ pro parte mea Deo deferenda est, sitque digna ad impetrandam Dei contra tot & tanta mala opem. *Et misericordiā suam a me.* q. d. Et vicissim non permisit mihi deesse misericordiam suā per quam mihi illa quæ oraueram, præstitit. Merito autem agit gratias pro accepto spiritu orationis. Qui enim spiritum orandi accipit, is à Deo ei benefacere volenti, præparatur & diuinis beneficiis capax redditur. Docet enim Amb. quod Deus cum vult ignoscere, prius impertiat fiduciam deprecandi.

PSAL.

Hoc Psalmo petitur ut Christus reipsa efficiatur salus usque ad extremum terræ. Oratur enim ut Deus effusa per vniuersum terrarum orbem sua benedictione, in omnibus mûdi partibus hominum salutem operetur, eosque in sui nominis confessionem cõgreget. Vtile autem est hunc Psalmum frequentare, quia, ut docet Ambrosius, orandum docemur, præcipuè pro populo. i. pro toto corpore, pro omnibus membris matris nostræ, in quo est nutrix charitatis insigne: cum enim singuli orant pro omnibus, & omnes orant pro singulis: Si pro te roges, tantum pro te rogabis; Si autem pro omnibus, omnes pro te rogabunt: Siquidem & tu in omnibus es. Ita magna remuneratio est ut orationibus singulorum acquirantur singulis totius plebis suffragia. In quo arrogantia nulla, sed humilitas maior est & fructus vberior. Hæc Ambrosius.

1. de Cain
et Abel, c. 9

Deus misereatur, misericordia præueniente, *nostri*. i. totius, quæqua verum diffusum est, generis humani. In qua significatione accipiendū est quotiescunque in hoc Psalmo dicitur *nos*, aut *nobis*. *Et benedicat nobis*. i. benefaciat nobis. *Illuminet vultum suum super nos*. Quod facit, inquit Ambrosius, in Psal. 43 cum nos illuminat. Nos enim semper in conspectu vultus eius sumus. *Et misereatur nostri*, misericordia subsequente omnibus diebus vitæ nostræ. Illuminationis autem diuini vultus quis erit fructus?

Vt cognoscamus in terra. i. tempore huius mortalis vitæ nostræ, *viam tuam*, qua ad te itur, tibi propinquatur, ad te peruenitur. *In omnibus gentibus salutare tuum*. i. Agnoscamus in omnibus gentibus nos etiam salutem à te accepisse. Pro qua re,

Confiteantur tibi, in laude & gratiarum actione, *populi*, duodecim tribuum Israël, ut videtur Hilario, *Deus, confiteantur tibi populi omnes*. i. omnium gentium.

Latentur & exultent gentes quoniam iudicas. i. in præsentī vita iudicia in bonum exerceas erga populos, *in æquitate*: Æquitas media est inter misericordiam & iustitiam, habens aliquid misericordia amplius, quia æquitas nonnullam dignitatem aut dispositionem eius cui exhibetur, respicit; & habet aliquid minus iustitia, quia æquitas, quantum in se est, non reddit retributionem ex condigno. Itaque cum Deus remissionem peccatorum tribuit, præsertim tam tenui peccatorum odio aut cordis compunctioni similibusque præparationibus, cum exaudit frigidas orationes, cum largitur supra quam petimus aut intelligimus, *iudicat*. i. iudicium exercet circa nos *in æquitate*, benefaciens, non omnino sine meritis, nec tamen ex meritis condignis. *Et gentes in terra dirigis*, Impias, ut veniant ad iustitiam; Iustificatas, ut gradatim proficiant ad perfectionem in vitam æternam. Porro quia

V omnis

omnis benedictio & æquitas Dei erga genus humanum ex incarnatione Christi tanquam causa meritoria proficiscitur, repetit Psalter quod prius dixerat.

5. *Confiteantur tibi populi omnes.* Et huius exhortationis quasi causam adijciens, dicit: *Terra dedit fructum suum.* i. ex illa terra ex qua Adam prius plasmatus est, nunc Christus, inquit Tertul. ex virgine natus est. Vel *terra*, i. genus humanum prius sterile, *dedit fructum suum.* i. bonorum operum prouentum. Concludens autem Psalmum inuocat Psalter Trinitatem in vnitatem, dicens:

Benedicat nos Deus, Pater scilicet, quem Dei nomine in scripturis, vt in 3. thess. c. i. Psal. 41. diximus, intelligi, testatur Cyrillus. *Deus noster*, Filius per incarnationem suam singulariter Deus noster factus, *benedicat nos Deus*, Spiritus sanctus, & *metuant.* i. colant, *eum*, non eos, quia tres personæ vnus est Deus, inquit Greg. *omnes fines terræ.* i. omnes gentes vsque ad fines terræ.

PSALMVS LXVII.

IN hoc Psalmo describitur virtus & effectus Euangelicæ prædicationis. Incipit tamen, inquit Hilarius, cui & consentit Augustinus ab eo in quo iustificationis nostræ consistit effectus, id est à retributione bonorum. Et quia tempus retributionis est malis & bonis commune, ideo facta huius temporis mentione, ea quæ malis in eo obuentura sunt, paulò fufius Psalter exponit, & tandem arrepta occasione ad propositum venit. Sic autem incipit:

1. *Exurgat Deus;* Prophetia est in modo optantis, inquit D. August. q. d. *Exurgat Deus* ad iudiciū, De quo exurgendi modo sæpius scriptura, & præfertim Isaia 33. Vbi manifestè sermo est de extremo iudicio. Nunc confurgam, nunc exaltabor, nunc subleuabor, dicit Dominus. *Et dissipentur inimici eius;* Dissipabuntur enim tunc omnes conspirationes, omniaque fœdera & humanarum amicitiarum præsidia, de qua re idem cap. 24. Dissipatione dissipabitur terra. *Et fugiant qui oderunt eum à facie eius.* Cùm enim præsentia iudicis, quæ nomine faciei eius intelligitur, ex signis quæ erunt in sole & luna apparere ceperit, omnes impij Dei ofores fugere quidem conabuntur, sed vt ait Apostolus, & notat hic Hilarius, nõ effugient. Tum enim implebitur quod dixit Isaia, Formido & fouea & laqueus super te qui habitator seu amator es terræ: & erit qui fugerit à facie formidinis, quam signa aduentantis iudicis incutient, cadet in foueam, & qui se explicauerit de fouea, tenebitur laqueo. i. non poterit, inquit idem, auolare de angustia sua. Cùm ergo non possint diem illum effugere, quidnam in illo eueniet eis?

2. *Sicut deficit fumus, deficiāt, sicut fluit cera à facie ignis, sic pereant peccatores*

carores à facie Dei. Huiusmodi metaphoris significatur interitus impiorum in die iudicii, vt Isa. Isti fumus erunt in furore meo ignis ardens tota die. Et supra: Sicut cera quæ fluit auferentur; indicaturque per fumum & ceram, quod nulla in eis erit virtus qua resistent diuinæ vindictæ: Nisi quod euanescenti siue deficienti fumo non incommodè comparetur interitus superbiorum. Quò enim fumus se sublimius erigit, eo citius euanesceat, inquit Augustinus. Et hæc quidem tum euenient impiis. E contrario autem

Iusti epulentur & exultent in conspectu Dei. i. præsentia Dei, de qua epulatione Dominus: Venient & recumbent cum Abraham, Isaac & Iacob. Quod epulum etiam Isaias descripsit: Faciet Dominus in monte hoc conuiuium pinguium, conuiuium vindemiæ, pinguium medullatorum, vindemiæ defæcatæ, cum satiabit omnes ex adipe frumenti. i. diuinitate Christi, qui hic fuit frumentum cadens in terram. *Et delectentur in lætitia*, quia nõ raptim, sed tota mentis auiditate haurient lætitiā illius beatitudinis quam nemo inturbabit.

Cantate Domino, Vos qui ad hoc conuiuium spe tenditis, *psalmum dicite nomini eius*, qui tam opimum conuiuium iustitiæ vestræ in præmium præparauerit. *Iter facite ei.* i. præparate vos vt possitis obuiam rapi in æra Christo. *Qui ascendit*, in cælum scilicet, *super occasum.* i. postquā per mortem occubuit, & vt frumenti granum in terram cecidit. Porro Psaltes hic opportunè facit mentionem Dominicæ ascensionis, quia Christus inde veniet ad iudicium, quò ascendit in cælum. *Dominus nomen illi.* In ascensione enim datum est ei nomen quod est super omne nomen, vt ille homo ab eo tempore ab omnibus Deus & Dominus diceretur.

Exultate in conspectu eius, vos scilicet, qui ei iter facitis. iis enim dicitur: His fieri incipientibus, respicite & leuate capita vestra, &c. Impij verò, *turbabuntur à facie eius*, timore illo horribili: de quo Sapiens: Turbabitur timore horribili, & mirabuntur in subitatione insperatæ salutis. *patris orphanorum & iudicis viduarum*, tum enim Deus qui vt orphanorum & viduarum patientiam exerceret, eorundem iniurias inultas in hac vita esse finit atque indefensas, eorum se præter omnem impiorum expectationem vindicem declarabit. *Quæris autem vbi interim iste iudex degat?*

Deus in loco sancto suo. q. d. interim dum dies retributionis expectatur, degit in sancto sanctorum in quæ egressus est in sanguine suo, factus pro nobis Pontifex in æternum. Ibi autem quid agit, nunquid Ecclesiæ gubernacula deserit? Absit. *Inhabitare facit vnus moris in domo.* Iam statim enim à sua ascensione per directionem & opem gratiæ suæ fecit eos omnes, qui facultates suas vulgato tum & communi more vendeabant, per summam concordiam in commune viuere, ita vt eis esset cor vnū & anima vna. Hic pri-

V ij mus

mus effectus fuit eius, qui est in loco sancto suo. Præter quem etiam

7. *Educit vinctos in fortitudine.* i. è vinculis eruit eos qui sedebant in diabólica & pessimarum consuetudinum captiuitate, Gentiles intelligit, sedentes in tenebris & umbra mortis, vinctos in mendicitate & ferro. Quam
Psal. 106
8 confc 5 fortiter autem ligetur homo praua consuetudine, declarat August. dicens:
Ex consuetudine peccandi tandem quandam fieri peccandi necessitatem.

• *Similiter eos qui exasperant.* i. Iudæos, quos exasperantium nomine intelligendos esse, in Psal. 65. diximus. De quibus etiam additur: *Qui habitant in sepulchris;* Per hæc enim verba insinuat quales erunt Iudæi cum è vinculis suis educèdi sunt, & simul tempus quo id futurum est. De quo pulchrè
Ezech. 37. Ezechiel inter cætera sic dicit: Ossa hæc domus Israël est, ecce ipsi dicunt: Aruerunt ossa nostra, Periit spes nostra, & abscissi sumus; Propterea hæc dicit Dominus: Ecce ego aperiam tumulos vestros, & educam vos de sepulchris vestris populus meus, & inducam vos in terram Israël, & scietis quia ego Dominus cum aperuero sepulchra vestra, & eduxero vos de tumulis vestris popule meus, & dederò spiritum meum in vobis & vixeritis. Quæ verba de resurrectione prima, quæ est à morte peccati ad iustitiam intelligit Augustinus. Itaque quod hic dicitur, *Educit eos qui habitant in sepulchris,* propriè iuxta Ezechielis prophetiam de Iudæis prophetatur, quamquam negandum non sit id ipsum re ipsa etiam impleri in gentibus & Christianis, qui ex morte animæ per diuinam consuetudinem peccandi tantopere inueterata, vt videantur iam in morte sepulti esse, per Dei gratiam educuntur & restituntur vitæ. Quos præfigurabat resuscitatio Lazari. Porro quia dicta captiuitas soluta est opera Euangelicæ prædicationis, ideo Psaltes de ea verba facturus, quædam, quæ circa Israël facta sunt, cum terram Ægypti egrederetur, præmittit, quæ Euangelicæ prædicationis quædam erant præludia, ipsumque genus humanum ad prædicationem Euangelij præparabant. de quibus sic Deum alloquitur.

8. *Deus.* i. Fili Dei, cum egredereris in conspectu populi tui. i. cum educeres populum tuum ex Ægypto, præcedens eum in columna nubis & ignis. Angelum enim Domini, qui præcedebat populum, Dei filium qui incarnatus Christus factus est, fuisse, doctè probant Cyprianus & Iustinus martyr. Hic præsertim ex cap. 23 Exodi, vbi dicitur, Ecce ego mitto Angelum meum, qui præcedat te, & nomen meum in illo est. Si enim nomen Domini in illo angelo est, ergo angelus ille Deus est: Quam consequentiam considerans Concil. Hispal. probat ex illo loco Exodi Christi diuinitatem. Nec his obstat, quod is qui eduxit populum, vocetur Angelus: Angelus enim non est nomen naturæ, sed officij, quod competit filio Dei, quia ad quamuis suam apparitionem est missus. Cum ergo egredereris in conspectu populi tui, &

cum

cum pertransires in deserto. i. eundem sicut eduxeras, ita perduceres per desertum.

Terra mota est. Hoc multi de terræ motu sensibili intelligunt. Quia tamen talis terræ motus in Exodo nulla fit mentio, videtur id potius in hunc sensum accipiendum. *Terra mota est.* i. omnes qui terram inhabitant admiratione mirabilium, quæ Israheli præstitisti, commoti, atque conturbati sunt. *Etenim cæli distillauerunt à facie Dei Sinai, à facie Dei Israhel.* Distillauerunt inquam, quia vna cum rore defluente manna dederunt. Mane enim ros iacuit per circuitū castrorum, cumq; operuisset superficiem terræ, apparuit in solitudine māna munitum, & quasi pilo tustum in similitudinem pruinae super terram. Idque à facie. i. præsentia Dei Israhel. Cum enim id futurum esset, respexerunt filij Israhel ad solitudinem, & apparuit gloria Domini in nube. Quia tamen per stillicidium & distillationem sermo docentis, prænunciantis vel adhortantis solet intelligi, videntur cæli hîc distillasse, quia cum pertransiret Deus in deserto, vox Domini legem promulgantis de cælo audita est. Secundum quem sensum propriè distillauerunt cæli à facie Dei Sinai, quia Dominus de Sinai dedit vocem doctrinae huius. Imò & à facie Dei Israhel, quia hæc legis promulgatio Israheli specialiter facta est, Israhelēque quem Deus eduxerat de terra Ægypti sibi peculiariter deuinxit. Neque necessum est, per stillicidia intelligere solummodò verba quæ suauiter defluunt, nam Amos, cum prophetaret aduersus domum Idoli, dicitur super eam stillasse, cum tamē verba illa comminatoria non admodum suauiter defluerint. Hæc posterior expositio contextui magis est consentanea. Sequitur enim,

Pluuiam voluntariam. i. doctrinam quæ auditores suos efficiat voluntarios segregabis. i. peculiari, ac à muneribus veteris testamenti distincto munere donabis hereditati tuæ. i. illis, quos ad æternam, non temporariam illam veteris testamenti hæreditatem, introducturus es. Proinde horum verbum huiusmodi est cōstructio. Cum in Sina Israeli, quem ad terrenam hæreditatem adducebas, legem dictares, Distillauerunt cæli pluuiam, sed non voluntariam; quia nec vox illa, nec adiuncti terrores fecerunt homines illos voluntatem habere in lege Domini, manifestata verò legis insufficiētia, dedisti pluuiam voluntariam, quæ suauiter efficiat, vt in lege Domini Auditorum voluntas sit: *Etenim infirmata est.* q. d. ideo post prius cælorum stillicidium pluuiam voluntariam conuenienter segregasti, quia hæreditas tua, infirmitatis suæ per prius illud stillicidium satis conuicta est. Hæc enim deprehensa est tanta esse, vt ne vox quidem Dei foris solummodò cum terrore docentis, ei curandæ sufficerit. Tu verò demonstrata ei prius sua infirmitate perfecisti eam. i. vt per legem nihil ad perfectum addu-

V iij centem

centem preparata, tandem perfectam & plenam salutem per pluuiam voluntariam acciperet.

11. *Animalia tua*. i. tuis altaribus digna, munda scilicet, quæ per hanc pluuiam fuerint emundata *habitabunt in ea*. i. stabilem in hac pluuiam mansionem habebunt, vt in ea nutriantur, renouentur, promoucantur. Quo autem excellens hoc & singulare voluntariæ pluuiæ munus prouenit principio? An quia illi, qui sub lege fuerunt, vel alij homines suis id sibi meritis apud excelsum & sanctum Deum præparauerunt? Nequaquam, sed, *parasti in dulcedine tua*. i. gratuita bonitate tua, de qua in Psal. 20. ad vers. 3. diximus: & quam S. Basilius in eo dicit esse positam, quod Deus benè mereatur de illis, qui ope eius quacunque ratione indigent, dicens bonitatem Dei eius dulcedine siue suauitate intelligi contractiorem, vt quæ in dandis beneficijs iustitiæ siue meritorum etiam habeat rationem. Parasti ergò in dulcedine tua *Pauperi*. i. inopi meritorum, & tantæ opis indigo, *Deus*. Sed hætenus huius pluuiæ effectum & ortum audiuimus; Dic nobis tãdem ò Psalter, quænam ista pluuiæ sit?

Basil. q. 214
in breuior.

12. *Dominus dabit verbum*. i. os, & sapientiam, sensum & sermonem, ait D. Hilarius: *euangelizantibus, virtute multa*. Verbum inquam, præditum virtute multa, vt euangelizantes sint potentes in opere, sermone, sintque tam sensu, quam ore potentes exhortari in doctrina sana, & eos qui contradicunt arguere. Et *dabit verbum euangelizantibus virtute multa*. i. comitatum virtute multa cooperantis Dei, qui verbum quod egreditur de ore suo non patietur ad se redire vacuum, sed per illud faciet, quæcunque voluerit, & efficiet quod prosperabitur in his, ad quæ miserit illud. Voces enim docentium, inquit D. Prosper, & litteræ paginarum quæ ad eruditionem audientium vel legentium Deo seruiunt, non carent virtute eius cui seruiunt; & quãdo id quod iubetur ab obediente perficitur, tunc effectus diuini operis declaratur. Deniq; *virtute multa*. i. comitatum miraculorum, virtutumque, & bonorum operum gratia: ob quam scriptum est, virtute magna reddebant Apostoli testimonium I. I. Christi Domini nostri. Quia ergò tanta virtute præditum, & comitatum fuit verbum datum euangelizantibus, vocantur etiam ipsi Virtutes; sicut & Angeli, per quos Deus fortia operatur, Virtutes dicuntur. Sequitur proinde,

Epist. ad
Demetr.

13. *Rex virtutum dilecti, dilecti*. i. Rex his virtutibus præsidens, est *dilecti dilecti*, eos namque etiam secundum suam humanitatem regit Dominus IESVS, cuius humanitas est templum ac coniunctum instrumentum dilecti. i. Filij Dei; cui dixit Pater, hic est Filius meus dilectus. de quo & Psal. 28. Dilectus, quemadmodum filius vnicornium: & ille dilectus, est *dilecti*. i. Dei Patris sui, à Filio vicissim Spiritus sancto dilecti. Spiritus namque sanctus

sanctus ab alterutro in alterutrum exuberans, Amor vtriusque est; *Species domus diuidere spolia*. q. d. Huius autem regis propositum est, in ornamentum & decorem domus suæ quæ est Ecclesia (vox enim *speciei* hoc loco datiui casus est) *diuidere spolia*. i. per Ecclesiam distribuere, imo & in ecclesiasticas dignitates constituere eos quos à diabolo deprædatus est, qualis fuit Apostolus Paulus, Dionys. Areop. & innumeri alij. Qui & eruditionem atque facundiam quibus ante diabolo seruierant ab impietate ad pietatis obsequium transferentes, magnis manubijs ab hostibus detractis, Ecclesiâ Christi decorauerunt. De qua re August. de doctr. Christiana. lib. 2. c. 40.

Si dormiat inter medios clericos. Clerus Latine fors dicitur. Sortiũ autem nomine hoc loco secundum Ambr. & Hieron. testamentũ vetus & nouum intelligitur, seu noui & veteris testamenti instrumentũ, quæ sunt vtriusque testamenti sacræ paginæ. Quem Ambrosij & Hieron. intellectum tanquam conuenientiorum aliorum expositionibus præferimus. Dormit autem inter vtrumque hoc testamentum, qui in vtriusq; testamenti intelligentia requiescit: Et qui intelligentiæ vtriusque paginæ sic inuigilat, vt studij gratia de somno sibi non parum detrahat, vsque adeo vt si legentem hos libros necessarius somnus oppresserit, dormitantis labentem faciem codex qui in manibus est excipiat. Cuiusmodi diligentiam studioso scripturarum adhibendam esse quodam loco monuit Hieron. Porro necesse est sacris literis incumbenti, & præsertim tanto quo diximus studio, magna vtriusque paginæ cognitio obueniatur. Quicunque ergo illi sunt qui in sacris litetis requiescunt, iisque inuestigandis tantam operam impendunt, illi sunt, *pennæ columbæ deargentatæ*. i. Ecclesiæ quæ in Cantico columba dicitur, Estque deargentata, tum quia ei credita sunt eloquia Dei quæ argento comparantur: tum quia ipsa sola verum sacrarum literarum sensum & vsum habet. Quæ dum doctrinam & disciplinam suam ad normam scripturarum disponit, ipsa scripturis sacris, quasi quibusdam argenti laminis vndique obducta, deargentata videtur. Porro studiosi isti præ reliquis huius columbæ pennæ dicuntur, quia cum scripturarum sacrarũ adminiculo quasi quodam pennarũ remigio anima humana in diuinarum rerum contemplationem ascendat; isti hunc volatum præ reliquis exercent, qui præ reliquis scripturarum cognitione pollent. Dicuntur itaque pennæ columbæ, quia in illis & per illos tota Ecclesia rerum spiritualium pulchritudinẽ, suo singuli modo, cõtemplantur, & in ipsa secreta sapientiæ Dei disputationis possunt vbertate procedere, inquit Ambr. At quia Ecclesia nõ nuda sacrarum literarum cognitione deargentata, verum etiam charitate inaurata est; ideo subiicitur: *Et postiora dorsus eius*, scilicet columbæ, sunt *in pallore vel splendore auri*, quia in obseruatione mandatorum Dei, quibus tanquam iugo Dominico Ec-

14.

Amb. ca. 3

de parad.

Hier. in ca.

22. Ezech.

clesia obedientiam, quasi quoddam dorsum supponit, emicat ab eadē Ecclesia charitas Dei & proximi, quam auro comparatam intus in corde gerit. Cui sensui comprobando accommodum est, quod Hieron. in Ezech. pro *posteriora*, interiora legit, quia interior Ecclesiæ charitas in exteriorē mādatorum obseruatione relucet.

15. *Dum discernit celestis.* i. Christus per resurrectionem cælestis factus. Secundus enim homo de cælo cælestis, quia immortalitate cælesti præditus, vel cælestis, quia per ascensionem in cælis residens. Dum dico hic cælestis discernit. i. per gratiam nō omnibus promiscuē communem quosdam præ reliquis secundum propositum vocat. *Reges super eam.* i. vt ad regnum suum quod est Ecclesia peruenientes, suis cupiditatibus imperent: Tum inquam, *niue dealbabuntur*, per baptismum quem suscipient. Niue enim dealbari effectus est baptismi, in quo cuncta peccata perfectissime mundantur: Idcirco etiam martyr Genesius dicebat, manum baptizātis ipsum niue candidiorem reddidisse. Dealbabuntur autem *in Selmon*, quod interpretatum est mons umbrosus, qui est Christus. Mons dictus, propter celsitudinem, Umbrosus, quia mortalis eius humanitas obumbravit, & in quadam obscuritate delitescens in se continuit diuinitatem. Sicut ad virginem dicebat angelus, virtus altissimi obumbrabit tibi, quia filius Dei qui est virtus Patris, candori suę diuinitatis carnis umbram seu obscurationē ex virgine obduxit, nō vt sibi obscuritatem adferret, sed vt à nobis videri & palpari posset. In hoc autem monte dicuntur dealbandi, quia baptizari quidem quis potest apud hæreticos & schismaticos, dealbari autem non potest nisi in monte hoc. i. in Christi corpore, quod est Ecclesia, baptizetur. Visum autem fuit Psalti facta montis huius mentione, eiusdem montis mysteria hic pluribus describere, sicut Psal. 58. facta mentione gratiæ Dei, eam ex illa occasione vberius explicuit: Proinde dicit, *Mons Dei.* i. diuinæ sublimitatis *mons pinguis*, quia vnctus est oleo latitiæ præ confortibus suis. Sed ne per hoc quod dixerat, *Mons Dei*, putaretur Christus eo modo esse mons Dei quo & alij sancti, de quibus scriptum est, Iustitia tua sicut montes Dei; ideo differentiam Christi à reliquis innuens, mox addit Psaltes:

16. *Mons coagulatus.* i. qui cum hypostasi filij Dei in communionem atque consortium vnus eiusdemque diuinæ personæ secundum humanam naturam in conceptione coaluit. Vox enim *coagulatus*, non quamuis ad vnationem humanæ naturæ ad personam verbi importat, sed eam quæ facta sit in humanæ naturæ conceptione. Coagulationis enim nomine solet humanæ naturæ conceptio designari, vnde & Iob dicit: Nōne sicut caseum me coagulasti? Christus ergo *mons Dei mons coagulatus*, quia natura eius humana cum coagularetur. i. conciperetur, in montem Dei coagulata est.

Non

Non fuit autem mons Dei, nisi ob coniunctam sibi diuinitatem, ergo in sui conceptione secundum humanæ naturæ cum verbo coniunctionem in montem Dei coaluit. D. Bern. tamen præ vbertate suæ spiritualis intelligentiæ, non incongruè docet Christum quatuor modis coagulatum siue adunatum fuisse. Naturali, quo est consubstantialis Patri. Personali, per incarnationem. Spirituali, quia Christus per spiritum nobiscum vnus spiritus est. Sacramentali, quia Christus in nobis est per spirituale connubium. De quo Apostolus: Sacramentum hoc magnū est, Ego dico in Christo & in Ecclesia. *Mons pinguis*; Istud repetitur ad significandum quod Christus secundum humanam naturam Spiritus sancti vnctionem non solum sibi, sed nobis omnibus acceperit. Quia ergo Christus mons est singulariter coagulatus, Psaltes in Spiritu præuidens fore hæreticos, qui ex coniectura humanæ sapientiæ dicturi essent Christum excellentius quidē, sed non alio modo verbo Dei adunatum esse quā alios sanctos, qui etiam Christi dicti sunt, vt in Psal. 104. dicturi sumus, eos increpare voluit, etiam antequam orti essent, proinde dicit ad eos: *ut quid suspicamini*. i. ex sola suspitione vestra (de qua scriptum est, multos supplantauit suspicio, & detinuit in vanitate sensus eorum) confingitis eos quos Sapientia per gratiam inhabitat, esse *montes coagulatos*. i. Sapientiam eos eodem modo quo hunc de quo loquimur montem inhabitare? Id enim procul abest, quia iste est,

*Ser de ver
bis psal. 3
Quis asced.*

Ecclesi 3.

Mons in quo beneplacitum est Deo habitare in eo: corporaliter scilicet vt dicit Apostolus, vsq; adeo, vt per vnionem hypostaticam corpus huius montis totamque eius humanitatem suam saceret, & posset dici Deus corporaliter natus & passus. Dicit autem beneplacitum esse Deo habitare in eo, quia sine meritis humanæ naturæ ex bona & gratuita voluntate sanctæ Trinitatis, hæc filij Dei in carne habitatio orta est atque processit. Ideo & Apostolus, In ipso complacuit omnē plenitudinem inhabitare. *Etenim Dominus habitabit in finem*, quia nunquam vnionem duarum in Christo naturarum dissoluet. Vbi notari potest quod non dicit Psaltes, Beneplacitum est Deo habitare in finem, vt enim natura humana Christi ad personam Verbi traheretur, erat merè beneplaciti diuini, vt autem vnio duarum istarum naturarum Christi perseveret, non est pariter merè beneplaciti diuini; Christo enim nō possumus minus tribuere, quā tribuitur illis qui sunt in beatitudine confirmati: His autem ea sua perseverantia non est ita gratuita, vt nobis est vitæ huius perseverantia: ergo nec perseverantia personæ Christi, nam & ipse secundum humanam naturam ab initio suæ cōceptionis in sua hypostasi confirmatus est, sicut scriptum est: Super filium hominis quem confirmasti tibi. Cæterum his ex occasione de Christo interpositis, redit Psaltes ad prophetandum ea quæ sunt Ecclesiæ, cuius paulo

17.

Coll. ff. 2.

X

ante

ante mentionem fecerat sub nomine columbæ deargentatæ ac de eius amplitudine ac numerositate dicit :

18. *Currus Dei*: Ecclesia, Cant. 1. definitur esse equitatus Domini in curribus Pharaonis. Constat enim præpositis qui sunt equitatus Domini, præcedens currum; constat & populo qui ab obediendi promptitudine comparatur dominico currui. Hic ergo *currus*. i. Ecclesiæ populus, *decem millibus multiplex*. i. infinita vt notat Hilarius multitudine numerosissimus. *Millia letantium*: Cur non dicit *decem millia letantium*? Quia non est par numerus gaudentium & existentium in Ecclesia. Multiplicasti enim gentem & non magnificasti lætitiā; eò quod mali qui in Ecclesia magno numero sunt, huius gaudij non sint consortes. Quod autem est istud gaudium? *Dominus in eis*. q.d. gaudium hoc hinc oritur quod Dominum in seipsis per infusionem sui spiritus inhabitantem, aut certè inoperatē sentiunt. Ob id enim dicunt: Dedisti lætitiā in corde meo. *In Synai* q.d. Dominus est in eis sicut erat in Sinai. Ibi autem erat scribendo legem in tabulis lapideis, in istis autem est eādē legem per Spiritum sanctum scribendo in tabulis cordis carnalibus, mentibus eorum, atque visceribus. Proinde bene additur: *In sancto*: quia scriptura legis in Sina non sanctificabat, Dominus autem in istis dicitur esse in sancto, vel vt legit Hieron. *In Sinai sancto*, quia eos inhabitando sanctificat. Hæc ergo de sanctificatione in Spiritu S. quæ communis est Præpositis Ecclesiæ & vulgaribus, cuius hic mentionem facit Psalter priusquam commemoret Christi ascensionem, quia illa non quidem per orbem terrarum copiosissimè, sed tamen in multos effusa est priusquam glorificaretur Christus. Sed quia quædam sunt dona Spiritus S. cum quibus etiam datur Spiritus S. de quibus scriptum est: Spiritus nondum erat datus, quia Iesus nondum erat glorificatus; ideo vt conuenienter de his donis Psalter verba faciat, præmittit quædam quæ spectant ad ascensionem Christi, atque adeo ad ipsum Christum per apostrophē exclamat & dicit:

19. *Ascendisti in altum, cepisti captiuitatem*. i. Diabolum captiuitatis humanæ principem. Apprehendit enim Angelus qui habet clauem abyssi draconem serpētem antiquum & ligauit eum, & misit eum in abyssum, & clausit & signauit super eum. Pulchrè autem, inquit Ambros. captiuam duxit captiuitatem, quia Christi victoria, victoria est libertatis, quæ omnes gratiæ vindicauit, nullum astrinxit iniuriæ. Et quia Dominicæ tempore passionis sola feriabatur iniuria, quæ captiuos omnes amiserat quos tenebat, in se recurrens captiua facta est ipsa captiuitas, iam nō Belial addicta, sed Christo cui seruire libertas est. Hæc Amb. Vel, quandoquidem Apostolus pro eo quod hic dicitur, *cepisti captiuitatem*, dicit Christum captiuam duxisse capti-

captiuitatem; bene hoc intelligitur de peculiari captiuitate iustorum, qui usque ad descensum Christi ad inferos erant in limbo, ibidem velut in quodam carcere detenti & seclusi à visione Dei. Hanc captiuitatem Christus duxit captiuam, cum eandem per gratiam confirmationis sibi astrictam, triumphum quem reportarat à mortuis inferebat cælis. *Accepisti dona in hominibus.* Huius loco Apostolus dicit, dedit dona hominibus. Cum autem necesse sit vtrumque verum esse, oritur hinc prima facie admirabile quid & quod hominem attonitum faciat, inquit Athanas. quomodo idem det & accipiat dona? Quæ admiratio concidit, si consideretur quod idem dat dona hominibus tanquam caput suis membris. Accipit idem eadē dona in hominibus in quibus ipse est tanquam in suis membris, propter quæ clamabat: Saule Saule quid me persequeris, inquit Augustinus, Quæ dona accepit & dedit, cum visibiliter misit Spiritum suum sanctum. Tum enim & Spiritus S. dedit tanquam donum, & Spiritus S. complura munera tanquam dona, ita vt mirandum non sit Petrum, Actorum 2. dicere; effudit hoc donum; & Psaltem hic dicere, *dedit dona*; Vtrumque enim verum est vt declaramus. Habebant quidem Apostoli inhabitantem Spiritum S. antequam Spiritus S. in eos visibiliter descenderet, ipsum tamen per incrementum iterum acceperunt. Cum enim visibiliter aduenit Spiritus S. ineffabili vel etiam incogitabili modo, inquit August. largius in corda hominum plenitudo eius fuit diffusa. Similiter habebant prius Apostoli gratiam Spiritus S. acceperunt nihilominus Spiritum S. in linguis igneis, non gratiæ (iustificantis) inquit Cyrill. sed potius operationis & sermonis initium significantibus. Similiter Tertul. Acceperunt, inquit, Apostoli vim Spiritus S. ad virtutes & eloquium. Itaque ante Christi glorificationem dabatur Spiritus S. hominibus ad sanctificationem; glorificationi verò eius reservabatur, vt post eam daretur idem cum insolito signo ad sanctificationis incrementum, atque ad operationem virtutum: vt quos hac sua gratia dignaretur Deus, valerent charitate, virtute, sermone, & miraculis aliorum salutem operari, ita vt gratiam quam Apostoli alijque prius per Spiritum S. acceperant in priuatam salutem cuiusque, in die Pentecostes acceperint, vt valerent, & quantum ex illa parte est, sufficerent exorandæ, acquirendæ, dirigendæ saluti alienæ. Quocirca etiam Apostoli usque ad aduentum Spiritus sancti iubentur sedere in domo, Atque in die Pentecostes dicuntur consecrati Episcopi, quorum est alienæ saluti incumbere. Quo etiam respexisse videtur Elizæus cum Eliæ ascensuro, dixit: Obsecro, fiat in me spiritus tuus duplex: Præsignificabat enim futurum, vt per ascensionem Christi daretur ille duplex spiritus quem diximus. Quid verò post hæc?

Orat. 2. cō.
Arrianos.

13. de Tri-
nit. ca. 19.

Aug. 83. q.
quæst. 62.

Lib. 12. in
Ioan. c. 56.
Tertul. de
Præf. c. 20.

X ij

Etenim

20. *Et enim non credentes inhabitare Dominum Deum.* i. Fecisti eos, inquit Hilarius, qui se inhabitandos à te non crederent, templa & domicilia tua. Quod emisso Spiritu S. mox apparuit. Iudæi enim audito Petro, compuncti corde dixerunt: Quid faciemus viri fratres: Putabant enim ingens peccatum, cuius se reos nouerant, inexpressibile esse, inquit August. Ad quos tamen Petrus: Baptizetur vnusquisque vestrum in remissionem peccatorum, & accipietis donum Spiritus S. Nunquid non ibi videmus præ pusillanimitate non credentes inhabitare cepisse Dominum Deum? Vel, *Non credentes inhabitare Dominum Deum.* i. fecisti ex infidelibus fideles, & Christum habitare per fidem in cordibus eorum. Et quandoquidem Dominus cum hæc fierent, augebat quotidie in Ierusalem eos qui salui fierent in idipsum, addunt per gratiarum actionem Apostoli:
21. *Benedictus Dominus die quotidie, prosperum iter faciet nobis.* q. d. sicut in Iudæa ad prædicationem nostram quotidie auxit numerum fidelium, ita nobis in vniuersos orbis terrarum fines profectis, prosperè procedere faciet Euangelium, cuius causa iter illud suscipimus. Faciet autem id, *Deus*, protector & promotor, *salutarium nostrorum.* i. negotiorum, quæ causa publicæ salutis suscipimus. Salutare enim dici potest quicquid salutiferum est. Huius prosperi successus exempla complura habemus in Actis Apostolicis.
22. *Deus noster*, qui est Christus Iesus, *Deus saluos faciendi.* i. ipso suo nomine, quod ei in circuncisione impositum est, præ se fert, se ad saluandum comparatum esse, siue se esse propugnatorẽ ad saluandum. Sic Augustinus. *Et Domini Domini.* i. eiusdem ipsius Iesu, qui secundum suam diuinitatem & Dominus est & Domini, quia, vt habet Genesis, Dominus à Domino, Deo videlicet Patre; Huius inquã Domini *exitus mortis*, quia ex hac mortali vita per mortem ipse exiuit. Ideo nunc est ad saluandum, siue, vt saluum faciat populum suum à peccatis eorum, propensior, & in saluando copiosior. Vel, *Domini Domini exitus mortis*, vt eo exemplo admoneamur nos perfectam & stabilem salutem consequi nõ posse, nisi prius degustata morte. Talis est enim vita mortalis, inquit Augustinus, vt nec ipse Dominus aliter ab illa exiret, nisi per mortem. Imò *Deus saluos faciendi*, non solum non credentes faciet inhabitare Dominum Deum:
23. *Veruntamen*, siue, verum etiam, *Deus confringet*, infuso lumine fidei & spiritu deuotionis, *Capita inimicorum suorum.* i. altitudinẽ erigentem sese aduersus scientiam Dei. Et eodem modo confringet, *verticem capilli perambulantium in delictis suis.* i. superbiam, inquit August. tantum se extolentem, & tanta elatione incedentem, quasi capilli verticem perambulando calcaret.

Dixit

Dixit Dominus ex Basan conuertā. i. eos qui in seculo deliciis affluunt. 24.
 Basan enim locus fertilis est & opimus, iuglandibus copiosus. *Conuertam*
in profundum maris. i. eos qui seculi profundo immerfi sunt.

Vt intingatur pes tuus in sanguine. i. tāta instantia, ō Deus (inquit Psal- 25.
 tes in medio narrationis quam facit ex parte Dei, in hūc ex sua persona ser-
 monem erumpens) his conuersionibus faciendis insistes, *ut pes tuus.* i. illi
 qui Euangelium ad istos conuertendos deferunt, *intingatur.* i. rubricentur
 ut pelles arietum rubricatæ, *in sanguine* proprio, quo ob Euangelium per-
 fundentur. Quod enim dicit, *intingatur*; hoc non tam significat mortem
 Apostolorum aliorumque euangelij præconum, quā quod ipsi in euan-
 gelij prædicatione ob vibices flagellorum aliaque tormentorum vestigia,
 quæ euangelij causa in illis conspiciebantur, apparuerint auditoribus suis
 sanguine tincti. Inter quos non infimum locum obtinuit Pes ille, qui à Ie-
 rusalem ad Illyricum vsque Euangelium detulit, qui egregiè fuit sanguine
 tinctus, cum portaret stigmata Domini Iesu in corpore suo. Tanta ergo in-
 stantia ex Basan & aliunde conuertes, *ut intingatur pes tuus in sanguine.*
 Nec tamen ob id progredi desistat, sed, teste Apostolo, passi & contume-
 lijs affecti, fiduciam accipiant ad vltiora & maiora progredi. Sed nec mi-
 randum est plebem ex istis vitijs ad iustitiam conuerti: Ipsi enim Apostoli
 ex similibus vitijs non ad vulgarem iustitiam, sed Apostolicam perfectio-
 nem conuersi sunt. Ideo sequitur, *lingua canum tuorum.* i. Euangelij præ-
 conum. Qui canes dicuntur, quia verbo linguæ suæ vulnera hominum cu-
 rant, & super custodia domus Dei vigilas exercēt, & extraneis seu à domo
 Dei alienis moribus improbando oblatrant. Canum enim nomen nō sem-
 per in malum sumi, probat Augustinus, ex eo quod cum Gedeon iussi sunt
 ire ad prælium qui aquas lingua lambuerant more canum. *Ex inimicis*, ut
 qui erant inimici tui, inquit ibidem Augustinus, fierent canes tui, & latrarēt
 pro te qui prius sæuebant in te. *Ab ipso.* i. non à semetipsis, sed misericor-
 dia & gratia eius, inquit Augustinus. Cui consentit Greg. Porro ad linguam 10 moral.
 canum quid pertineat, pulchrè exequitur Cypr. in hæc verba: Spiritus ma-
 cap. 7.
 cap. 2.
 nat iugiter, exuberat affluenter, nostrum tantum sitiāt pectus & pateat. Inde
 iam facultas datur castitate sobria, mēte integra, voce pura, virtute sincera,
 in medelam dolentium vulnerum posse venenorum virus extinguere, ani-
 morum desipientium labes reddita sanitate purgare, infestis iubere pacem,
 violentis quietem, ferocientibus lenitatem, &c. Post hæc verò regredi-
 tur Psalter ad enarranda Ecclesiæ iam Spiritu sancto donatæ primordia,
 & dicit:

Viderunt ingressus tuos Deus: Ingressus inquam quibus primitiuam Ec- 26.
 clesiam auspicabaris. Videbant enim tum passim omnes Dominū in Apo-
 stolis

X iij stolis

stolis palam & ubique Euangelium prædicantem, Ecclesiam congregantem, videbant & novos ipsius Ecclesiæ ritus, fidem & noui testamenti conuersationem. Vbi bene notandum est, quod dicit Psalter: Viderunt ingressus, vt intelligatur quod Ecclesia ab initio quo fundata est fuerit visibilis. *Ingressus Dei mei.* Dicit, *Dei mei*; per miracula enim quæ faciebant in nomine Domini, & illapsus Spiritus sancti ad eorum prædicationem, euadebat manifestum, quod Deus opus eorum operabatur. *Regis mei.* Dicit Regis mei, qui est Christus, nam & in eius nomine operabantur miracula, & congregabant Ecclesiam, *Qui est in sancto*, quia tempore quo hæc fiebant iam sedebat in cælo ad dexteram Patris, & gubernabat sedem suam Ecclesiam. Qui autem vel quales illi fuerunt qui Ecclesiam primi constituerunt?

27. *Præuenerunt.* i. ante omnes primi ad constituendam Ecclesiam conuenerunt *principes.* i. principatu præditi, Apostoli scilicet, *coniuncti psallentibus.* i. habentes sibi adiunctam plebem, de qua dicit Lucas, quod erant quotidie collaudantes Deum, *In medio iuencularum*, id est, virginum. Vt enim Euangelica paupertas, ita & virginitas ab initio Ecclesiæ nascentis coli cepit, ita vt etiam virginum Ecclesia ab Apostolorum temporibus extitisse satis superque testatum reddatur ex epistola Ignatii ad Philippum. *Tympanistriarum.* D. Augustinus existimat hoc vocabulo significari mortificationem carnis, vt sit sensus, virginum quæ corpora sua castigabant, & in seruitutem redigebant. Vel, *tympanistriarum*, vt sit allusio ad tympanum quod Maria soror Moyse virgo sumpsit, & adiunctis sibi mulieribus cecinit Canticum Moyse. Qua allusione significetur, & istas virgines diuinis laudibus celebrandis & canticis incubuisse. Et quia Apostoli toti Ecclesiæ præfuerunt, & Ecclesiæ illis decedentibus in terris relictæ ac multiplicatæ Apostolorum soboles sunt, ideo Psalter ecclesias vsque ad finem sæculi in terris futuras exhortatur, & dicit:

28. *In ecclesiis.* i. ecclesiasticis cōuentibus, *benedicite Deo, Domino de fontibus Israel.* i. Apostolis, ex quibus tãquam fontibus doctrina fidei & morum primò promanauit. Cuius doctrinæ quia omnes ecclesiæ participes factæ sunt, æquum etiam est, vt ecclesiæ Deo, cuius beneficio Apostoli tales fuerunt, gratias agant. Quod faciunt cum festa celebrant Apostolorum. Per fontes autem Israel Apostolos significari, manifestum est ex duodecim fontibus aquarum qui erant in Elim. Et Isaia 12. Haurietis aquas de fontibus Saluatoris. i. Apostolis, inquit Cyrillus.

Cyrl. in i2m locum.

29.

Tom. 1. ad naliu.

- Ibi.* i. inter illos fontes *Beniamin.* i. Apostolus Paulus, qui est è tribu Beniamin, *adulescentulus.* Non est hoc vocabulum hic nomē ætatis. Baroni-
nius enim colligit Paulum 35 annorū fuisse cum cōuerteretur, sed iuuenilis
alacritatis atque roboris. In quem sensum etiam iuxta proprietatem Græci
nomi-

nominis accipi debet nomen adolescentis cum id tribuitur Paulo in Actis. Vel, *adolescentulus*, quia Apostolorum postremus, atque ob ea quæ prius in Ecclesiam admiserat facinora, animi humilitate minimus. *In mentis excessu*. Raptus enim fuit in tertium cælum, ubi audiuit arcana verba, quæ nō licet homini loqui.

Principes Iuda, duces eorum, principes Zabulon, & principes Nephtali. 30.
Apostoli enim reliqui, qui doctrina, exemplo & magisterio Ecclesiarum duces fuerunt, fuerunt de prædictis tribubus Israël, ut notat Hilarius. Cuius expositio inde probari videtur, quod Christus cum discipulos collecturus esset: Habitavit, inquit Matthæus, in finibus Zabulon & Nephtalim. Deinde si per Beniamin omnium iudicio insinuat Paulus, quia erat de tribu Beniamin, quomodo non eadem ratione per Iudam Zabulon & Nephtalim Pfaltes putabitur indicare voluisse Apostolos fuisse de istis tribubus? Erant autem omnes perseverantes in doctrina Apostolorum & communicatione fractionis panis & orationibus. Quæ orationes erant tales:

Manda Deus virtuti tuæ. i. Christo tuo qui virtus tua est tuaque sapientia. 31.
Manda autem ei ut emittat à te Spiritum S. suum ad propagandam atque dilatandam Ecclesiam. Quæ oratio etiam accommodari potest illis, qui perseverabant in cœnaculo ante adventum Spiritus S. Videntur enim & illi huiusmodi oratione usi fuisse. Ex eo autem quod hic dicitur: *Manda virtuti tuæ*, nemo suspicetur Deum Patrem Filio & Spiritui sancto, tanquam ministris mandare seu imperare. Non enim, inquit Ambrosius, arrogans dicentis seu mandantis imperium, aut vile æstimes facientis obsequiū. *Prol. in li. 1. de Spirit. S.*
Æqualem enim sibi Pater Filium & Spiritum sanctum fatetur operis unitate cum dicit: Faciamus hominem ad imaginem & similitudinem nostram. Proinde mandatum hoc, inquit Basil. iuxta sensum Deo dignum intelligamus, illudque nihil aliud esse quam voluntatis traditionem à Patre in Filium & Spiritum sanctum sine tempore dimanantem, ut Pater dicatur Filio & Spiritui sancto mandare, quia suam voluntatem Filio per generationem, & Spiritui sancto per spirationem communicat. Nec absque ratione huiusmodi diuinæ voluntatis traditio ac dimanatio mandatum vel imperium vocatur, ut enim imperiū, sibi obnoxios stringit autoritate ac lege, ita voluntatis hæc paternæ communicatio ad ea quæ vult Deus Pater, stringit Filium & Spiritum sanctum, naturali voluntatis identitate. Quapropter rectè Cyrillus docet: Filium à Patre mandatum accepisse, quia necessario, inquit, Patris sui voluntatem exequitur, idque propter voluntatis identitatem à Patre acceptam. *Basil. ca. 8. de Spirit. S.*
Prædictæ autem orationis altera pars est hæc. *9 in Ioan. cap. 1.*
Confirma. i. stabile fac, hoc Deus quod operatus es in nobis; ut nos qui iam ad Ecclesiam salubriter peruenimus, in doctrina Apostolorum & consolatione

352

latione Spiritus S. & reliquis quæ nobis per eundem Spiritum dedisti, corroborati perseueremus. Quod operatus es, inquam, in nobis.

32.

A templo tuo in Ierusalem; In Ecclesiam enim in Ierusalem congregatam primò Spiritus S. gratia effusa est, & per verbum Domini quod inde exiuit, est per vniuersum orbem terrarum diffusa. Quis verò huius diuini mandati erit effectus? *Tibi offerent reges munera.* i. principes sæculi tandem ad fidem conuersi semetipsos & potestatem suam tibi in obsequium fidei & religionis dedicabunt. Ad hæc,

33.

Increpa. i. per verbi ministros cum obiurgatione corripe *feras.* i. beluinos mores & ferinos affectus *arundinis.* i. populi instabilis, qui nulla validioris naturæ radice fundatur, inquit Ambr. Et si lenis aspirauerit prosperioris auræ successus, vago motu proximos verberant, inopes ad suffragandum, faciles ad nocendum. Qui etiam, vt arundines amant fluuios, ita istos labentia mundi ac caduca delectant. Quis autem huius increpationis per cooperationem Spiritus sancti fuerit fructus, declarat Ambr. alibi cum dicit: Eramus inquit *feræ*, sed Christus per Spiritum sanctum leonum sauitiam, pardorum varietatem, astutiam vulpinam, luporum rapacitatem de nostris affectibus eiecit. Præter has verò *feras* futura est *congregatio taurorum.* i. hæreticorum qui tauris per duras suas ceruices assimilantur. Quæ congregatio erit *in vaccis populorum.* i. habebit sibi adhaerentem populum, ob sensus exilitatem & carnalitatem vaccis comparatam, præsertim quia hic populus se tauris suis stolidè præbebit mulgendum. Docent enim hæretici quæ non oportet turpis lucri gratia, & deuorât domos viduarum simulantes longam orationem. Quo autem fructu id permittit Deus? *vt excludant.* i. occasione data perfectos sensus exprimere faciant. Nam in argentaria arte, inquit Augustinus, exclusores vocantur, qui de confusione massæ nouerunt formam vasis exprimere. *Eos qui probati sunt argento.* i. eos qui scripturarum sacrarum argenti nomine passim significatarum probatum sensum, sanamque intelligentiam longa consuetudine sibi pepererunt. Hi enim exurgente hæresi è scripturis sacris ante hæresim non tam exacte excussis, vrgentibus hæreticis aptissimos ac solidissimos sensus enucleant. Ita vt verè dixerit Augustinus, Gentiles persequendo exercuisse Ecclesiæ patientiam, hæreticos verò disputando exercuisse & exclusisse Ecclesiæ sapientiam.

18 de Civ.
cap. 51.

34.

Dissipa gentes. i. gentilium infideles, *quæ bella volunt.* i. in voluntate expugnandæ Ecclesiæ persistunt. Dissipa, inquam, vt non possint vires ad expugnandam Ecclesiam coniungere. Hoc impletum est in Ecclesiæ progressu; tum enim regibus cum maxima populi parte ad fidem conuersis, infidelium residui oppugnabât quidem Ecclesiam odio & inuidia, vt docet Augu-

Augustinus, sed quia vires in unum conferre nō poterant, parum oberant; *Expo in do-
at in epif.
ad Rom.* Veniens legat ex *Aegypto*, excitati summa Evangelij, Idque ut predicator-
res in suam regionem inuiterent. *Aethiopia* praenuntius *monis eius* Deo. Hec
D. Hilarius cum alijs impletum esse dicit in *Aethiopia* illo Eunuchō reginae
Candacis thesaurario, in quo in Iudaeam causa adorationis profecto, tota
Aethiopia manus Apostolorū praenuntius, quia *Aethiopia* per eum fidei quā-
dam praetexta aut rudimenta accepit, priusquam *Mattheus* Apostolus in
eam descenderet.

Regni terrae, quae praeiudeo omnia suo tempore ad fidem Christi con- 35.
uertenda, cum hoc exemplū contigerit. *Cantate Deo, Psallite Domino.*

Psallite Deo, qui ascendit super caelum caeli. i. super omnes caelos, ut 36.
inquit Apostolus, Idque quia post Ascensionem Domini haec felicitas vo-
bis obuenit. *Ad Orientem.* i. de monte Oliueti, qui ad Orientem Hierosa-
lymae situs est, de quo *Zacharias*; Stabant pedes eius, sic ut permanant ve- *Zachar. 14.*
stigia pedum eius, super montem Oliueti, qui est contra Hierusalem ad O-
rientem. Huic autem montem Dominus Ascensioni suae mysterij gratia
elegit: congruum enim erat, ut qui ad ortum perennis suae glorie ascende-
bat, & ab hoc tempore ipsi qui in tenebris & umbra mortis sedebant, ut sol
iustitiae oriturus erat, ex monte qui erat ad Orientem ascenderet. Porro si-
cut Domino à conspectu eorum, qui eum centem in caelum oculis prose-
quebantur ablato, duo viri assiterunt iuxta illos, absente quoque ad iudicium
rediturum praenuntiaverunt, ita nunc *Psalter* Ascensione Domini ex mon-
te Oliueti commemorata, subiungit narrationem eorum quae in reditu Do-
mini ad iudicium futura sunt, & dicit:

Ecce dedit voci suae; de qua scriptum est, Ipse Dominus in iussu & in 37.
voce Archangelij, & in tuba Dei descendet de caelo. *Quae vox erit*: Surgi-
te mortui, & venite ad iudicium. Huic inquam voci, *dabit vocem virtutis*,
quia ad eam maxima Dei virtute mortui resurgent incorrupti. D. tamen
Bern. per *vocem* intelligit praedicationem aut quenuis sermonem, qui sit *serm. 59.
in Cant.*
ad aedificationem. Huic voci dat Deus vocem virtutis, si vita dicentis ser-
moni eius consentiat, *Dabis inquit, voci tuae vocem virtutis*, si quod suades
prius illud tibi cognosceris persuasisse: validior enim operis quam oris
vox. Qui interim epistola 201. haec addit. Tamen si vocis virtutis opus sit,
operi tamen & voci gratiam efficaciamque promeretur oratio. Manent ita-
que tria haec, Verbum, Exemplum, Oratio, maior autem his Oratio. Haec
Bernardus. *Dare gloriam Deo super Israhel*; Dei, scilicet, ad cuius con-
fortium pertinent omnes Sancti. Monet autem *Psalter* super his dari glo-
riam Deo, veniet enim eo die Dominus glorificari in sanctis suis, inquit A- *2. Thess. 1.*
postolus. *Magnificentia eius & virtus eius in nubibus.* i. in illis Sanctis
qui una

Y

qui una

qui vna cum eo iudicantes sedebunt in nubibus. In his inquam apparebit magnificentia eius, tum quia magnificentia est fideles seruos ad tantæ authoritatis consortium euehere. Tum quia confessus ille tot iudicum & ad stipulatorum (qui causa insinuandæ authoritatis quam præ se ferent, ab Isaia c. 3. & 24. senes dicuntur) iudici summo in oculis iudicandorum, non parum magnificentia & splendoris conciliabit. Apparebit in his & virtus Domini, quia sicut Sancti iudicabunt nationes, ita & dominabuntur populis, inquit Sapiens.

38. *Mirabilis Deus in Sanctis suis.* Veniet enim eo die Dominus sicut glorificari, ita & admirabilis fieri, inquit ibidem Apostolus, in omnibus qui crediderunt, *Deus Israel ipse dabit virtutem & fortitudinē plebi suæ*, quia non solum qui erunt in ordine iudicum, sed omnes omnino etiam inferioris ordinis Sancti ablato omni corporum & animorum languore, per omnia fortes erunt & præditi virtute: tum enim implebitur quod dixit Isaia: Infirmus dicat quia fortis ego sum. Et c. 33. Tunc diuidentur spolia multorum, claudi diripient rapinam, nec dicet vicinus elangui, populus qui habitabit in eo, auferetur ab eo iniquitas. Propter quæ omnia, *Benedictus Deus.*

PSALMVS LXVIII.

In finem pro ijs qui commutabuntur David.

Orat. cont.
Iud. cap. 5.

- P**Er hos D. Augustinus intelligit legalia, quæ per Christi passionem, quæ hic latè enarratur, in ritum nouum, vt etiam in fine huius Psalmi exponitur, commutanda erant. Possunt nihilominus intelligi illi, qui per Christi passionem quouis modo in melius sunt mutadi. In eorum enim vtilitatem tanquam in finem hic Psalmus describitur. Esse autem hic enarrationē Dominicæ passionis, manifestum euadit ex eo quod complures versus huius Psalmi ab Euangelistis demonstrantur Dominicæ passioni competere. Incipit autē Psalter loqui in persona Christi, & dicit:
1. *Saluum me fac Deus.* i. à morte corporis per resurrectionem libera me. In his enim verbis est formula orationis, quam teste Apostolo cum lachrymis orauit Christus ad Deum qui illum saluū faceret à morte. Quamquam dubitandum non sit, quin Christus hoc etiam in nostram salutem orauerit, vt dum ipse petit à morte saluus fieri, simul petere intelligatur nobis omnibus author salutis constitui. Ipse enim, vt inquit Apostolus, consummatus. i. per resurrectionem morte perfunctus, factus est omnibus obtemperantibus sibi causa salutis æternæ. *Quoniam intrauerunt aquæ usque ad animam meam.* i. vis persecutionis penetrat vsque ad dissolutionem animæ meæ à corpore.

Infixus

Infixus sum in luto profundum. i. detineor fixus in manibus eorum, qui inquit Hieron. in extremis peccatorum fecibus habitant, & in scelus suorum sunt ima demersit. Vel, in manibus eorum qui mente mala præditi sunt: unde oriuntur pessima, inquit Epiphanius. cogitationes. *Et non est sustinuitur*. i. non est inuenire fundum huius abyssi. Corda enim impiorum comparantur abyssi, eo quod non sit in eis inuenire finem malitiæ, Quod satis apparet in Iudeis, qui nullo Christi supplicio satiari potuerunt.

Veni in altitudinem maris. i. populum profundi & turbidi cordis. *Et tempestas*. i. furor populi statu diaboli concitatus, *demersit*. i. occidit me.

Laboravi clamans, cum dixi: Deus Deus meus, ut quid dereliquisti me. & Sitio; Item, Pater, in manus tuas commendo spiritum meum. *Raucae factæ sunt fauces meæ*, præ sitis ariditate. Quæ ariditas causa fuit, quod in clamando laborauerim. *Defecerunt*. i. vim videndi amiserunt. *Oculi mei dum spero*. i. dum secundum hominem sperare perseucro in Deum meum; inquam, quia in Filio mihi hypostaticè coniunctum. Si ergo Christus usque dum deficerent oculi eius, in Deo sperauit; defecerunt autem ei oculi in morte; quo ergo tempore Christus desperauit? Dixit quidem, ut quid dereliquisti me, & similia; Sed bene dixit Cyrillus, Orationes illas Christi non desperationis, sed dispensationis fuisse & exempli. Hic itaque locus notandus est, contra Calvinum Christo desperationem infelicis animæ suæ desperatione tribuentem.

Multiplicati sunt super capillos capitis mei, qui oderunt me gratis. i. absque omni omnino meo peccato vel delicto.

Confortati sunt, quia clamoribus inualuerunt & Pilatum renitentem in suam sententiam pertraxerunt, *Qui persecuti sunt me inimici mei iniuste*: quia sine meo demerito. *Quæ non rapui*. i. Peccata quæ non admisi, Peccata enim rapinæ nomine designantur, quia in omni peccato rapit homo quod sibi non competit, *Tunc exsoluebam*, Non dicit, luebam; sed exsoluebam; ut significet se non reorum more pœnas pro peccatis dedisse, sed patiando pœnas debitas redemisse. Ex quo euidenter colligitur Christum non sustinuisse pœnas inferni. Tametsi enim debitum peccati exoluere dicantur, qui pœnas inferni in specie luunt, Christus tamen ut ex scripturis notum est, alio satisfactionis genere, Redimendo videlicet pro nobis exsoluit. Hoc autem satisfactionis genus, non in ipsissimi quod peccato debetur supplicij perpersione, sed in æquivalentis pretij pensatione consistit; quia necesse est, ut in omni redemptione interueniat commutatio. Nec est quod dicant Christum per pœnas inferni à se toleratas easdem nobis redemisse, quia pœnæ inferni non possunt ullam pretij habere rationem, Habent enim rationem ultimi finis; Finis, inquit, illorum moris, pretium verò habet rationem me-

nem medijs ad finem vel acquirendum cum bonus, vel auertendum cum malus est, ergo pœnæ inferni eius rationis sunt, vt non possint seruire redemptioni. Quandoquidem ergo Christus quæ non rapuit exsoluit, iure prohibetur à D. Cyrillo, ne quis dicat Christum pro se. i. suis, inquit, peccatis obtulisse.

Aug. 10.

7. *Deus tu scis*. i. sapienter intelligis, *insipientiam meam*, quæ mihi à gentilibus quibus verbum crucis stultitia est, impingitur. Intelligis, inquam, quàm illa verè insipientia non sit, sed stultum illud Dei sapientius sit hominibus. *Et delicta mea*. i. populi mei, *à te non sunt abscondita*; Nosti enim illa tanta fuisse, vt non conueniret illa dimitti absque satisfactione, nec potuisse hanc satisfactionem plenè & conuenienter præstari, nisi tam multiplici pafsione Filij tui: Proinde non insipienter, sed penè necessitatis causa me ad hanc prima facie insipientiam demisi. Quod autem Christus peccata generis humani sua vocat, id nec absurdum est nec insolitum. Eadem enim ratione 2 Reg. 7. dicitur sub nomine Salomonis de Christo: *Qui si iniquè aliquid egerit*: non quod Christi ipse qui est caput Ecclesiæ, inquit Augustinus, possint inueniri vlla peccata; sed quia inueniuntur peccata in corpore ac membris eius, quæ sunt populus eius, vt intelligamus, inquit, de ipso quodammodo dici, quod de corpore eius dicitur. Hæc Aug. Cum verò dicta insipientia Christi tametsi Deo probata, hominibus tamè stultitia sit; & cum homines magis sectentur gloriam quæ est ab hominibus, quam quæ à Deo, difficile certè futurum erat hominibus de hac Christi stultitia apud carnales non erubescere. Contra quam difficultatem Christus nos sua oratione corroborans pro nobis precatur in hæc verba:

17 de Civ.
cap. 9.

8. *Non erubescant in me*. i. da eis vt non erubescant in me credere, & me confiteri; *Qui expectant te*. i. tuæ gloriæ participationem. *Domine virtutum*. i. angelorum. Frustra enim cum hac erubescencia te expectarent. Qui enim erubuerit me & sermones meos, hunc filius hominis erubescet coram angelis Dei. Arbitror proinde hic dici, *Domine virtutum*. i. angelorum, ad insinuandum hic fieri allusionem ad verba Euangelij mox citata. Eandem autem omnino rem ad commendandam orationis instantiam Christus petit versu sequenti.

9. *Non confundantur super me, qui quærunt te Deus Israel*: Cuius orationis effectum latro excellentissimè consecutus est, qui infirmitatem ac ignobilitatem Christi, non dico transactam, sed præsentem non erubuit. Ratio autem ob quam non sit erubescenda ignominia Christi, est,

10. *Quoniam propter te*. i. quia ea quæ tibi placita erant, faciebam semper & implebam: *Sustinui opprobrium*, pafsionis, crucis & mortis. Et ob id sustinentia horū, obedientiæ erat, honoris ac gloriæ, & proinde nulli erubescenda; Om-

da; Omne enim malum natura timore aut pudore perfudit, inquit Tertull. *Apolog. c. 2*
Operuit confusio. i. de honestatio, quæ confusio videri poterat, & confusio-
nem solet adducere. Faciem meam. Idque per alapas, sputa & lancinata, in-
 quit Tertull. Christi tempora per spineam coronam: De qua de honesta-
 tione Isaias: Non est species ei neque decor, &c. Sed inter hæc Christus *Isaie 53.*
 propter suæ conscientia certissimum testimonium erat absque confusione.
 Posuerat namque faciem suam, ut est apud Isaiam, petram durissimam, cer-
 tus quod non confunderetur. Quare loco eius quod nos legimus, *confusio;*
 legit Augustinus: *irreuerentia. i.* ut interpretatur, impudentia, operuit fa-
 ciem meam. Erat enim laudatissima impudentia Christi, in re tali nulla ve-
 recundia permoveri. Ad quam irreuerentiam seu impudentiam exemplo
 Christi exercere etiã nos volens Dominus, instituit ut per stultitiam præ-
 dicationis salui fierent credentes. Hoc ipso enim voluit, inquit Tertull. *De carne*
 per contemptum pudoris humani probaretur homo bene impudens & feli-
 citer stultus. Sed interposita precatione redit Christus ad proseguendam
 passionis suæ ceptam enarrationem, & dicit:

Extraneus factus sum fratribus meis, & peregrinus filijs matris meæ: 11.
 Dixerunt enim Christum in patriæ religionis communione cum ipsis à na-
 tiuitate enutritum, esse Samaritanum. i. alienigenæ religionis. Dixerunt & de
 eodem, Hunc nescimus unde sit. Quod Christi improprium præfiguratum
 fuit in Iephthe, cui dixerunt fratres sui, Hæres in domo Patris nostri esse non
 poteris, quia de alia matre es. Causa autem huius est,

Quoniam zelus domus tuæ comedit me. i. quasi in se transmutauit me to- 12.
 rum, ita ut ob zeli ardore Christus videretur in zelum transiisse, & infide-
 libus videretur furere ac insanire. Hic autem zelus ubique fecit Christum vin-
 dicem veræ virtutis & sinceræ religionis, atque inueteratarum consuetudi-
 num, inter quas erat venditio mercium in templo, exterminatorem. Cum
 ergo esset alienus à corruptelis, quæ in religionem & mores eorum irrefe-
 rant, ipsi per calumniam eum religione extraneum & peregrinum dixerunt.
Et opprobria exprobrantium tibi. i. tuis mandatis & verbis. Quæ de re &
 Hieremias conqueritur: Verbum Dei factum est eis in opprobrium. Cuius *Jerem. c. 6.*
 opprobrij exemplum habemus Isaie 28. Manda, remanda: Expecta, re- *vs 10.*
 expecta, &c. Cui Ambros. addit quod dixerunt Christo: Medice cura te- *In psal. 43.*
 ipsum: *Ceciderunt super me,* redundabat enim odium verborum Dei in ver-
 bis illius ad ministrum & vindicem.

Et operui in ieiunio animam meam, cum ieiunauit 40 diebus & 40 nocti- 13.
 bus. Conuenienter autem se dicit in ieiunio operuisse animam suam, quia
 ieiunium animæ nudum item vestit, cum contra gula nudum fecerit, inquit
 Ambros. Potest tamen id & hunc sensum habere, Quia Christus ad famem *de Elia c. 4*

Y iij vsque

vsque ieiunando, operuit & occultauit quod anima eius in Dei verbo subsisteret. Animaduersa enim fame eius cepit diabolus audaciam tentandi Christum. Ideo & sequitur: *Et factum est in opprobrium mihi*, quia diabolus Christo ex ieiunio esurienti contumeliam intulit, cum diceret: Omnia tibi dabo si cadens adoraueris me. Sic Hilarius.

14. *Et posui vestimentum meum cilicium*; Vestis enim Christi ignobilis erat & rudis, de qua videtur hic Psalmi locus testari, quod pellē eius in modum cilicij sulcauerit & perfricauerit. *Et factus sum illis in paralolam*. i. fabulam omnium ore vulgatam. D. Augustinus tamen, ieiunium hoc Christi mysticē intelligit. Diu enim desiderauit Christus Iudæorum fidem & conuersionem velut famelicus cibum; Ipse interim pro hac auiditate nihil nisi opprobrium ab ipsis reportauit. Posuit quoque vestimentū suum cilicium, quia carnem mortalem induit, per quam patiendo pro peccatis nostris, velut quodam cilicio satisfecit. Nihilominus convenientissimē hic versiculus intelligitur à Christo dici in persona membrorum eius, qui cum ex professo vel libero proposito ieiuniis vacant, hypocritæ vocantur. Cum asperiore & viliori cultu induuntur habentur ludibrio.

15. *Auersum me loquebantur*. i. quasi sapienter & ex recta ratione sermones contra me in commune conferebant atq; consultabant, *qui sedebant in porta*. i. senatores ac iudices. *Et in me psallebant*. i. cantilenas decantabant, *qui bibebant vinum*. i. poculis vacabāt ad luxum, Sicut scriptum est: Factus sum in derisum omni populo meo, canticum eorum tota die. Et apud Iob: Nūc autem in canticum eorum versus sum. Inter hæc vero quid Christus?

16. *Ego verò orationem meam ad te Domine*. q.d. Ego interim orabam expectans & præ oculis habens *tempus beneplaciti Deus*. quod adueniet transacto prius tempore passionis, In illo enim tempore exaudies me, atq; in eorum quorum causa patior salutem, hæc omnia illo tempore conuertes. Quid verò orauit Christus?

17. *In multitudine misericordie tuæ*. Erat enim res quam petebat nobis futura multiplicis misericordie. *Exaudi me* pro membris meis orantem, *in veritate salutis tuæ*. i. vt intuitu eius quod temporariae meae salutis iacturam facio, tu vicissim in eis veram quæ æterna est, salutem opereris, & veram de tribulatione salutem eos facias reportare, Vana enim salus hominis vt diximus.

18. *Eripe me de luto, vt non infigar*; Quid? Ante dixit se infixum esse in limo; quomodo nunc orat ne infigatur, nisi quia hic sicut & sequentibus aliquot versibus pro membris suis orat, his verbis petens vt detur eis ne sordidis desiderijs concupiscentiæ carnalis fixi inhæreant. Iuxta Gregor. *Libera me ab his qui oderūt me*; Ne corū odijs & quæ inde consequuntur ego pecca-

peccatis implicer. *Et de profundis aquarum*, Ne illi qui profundo sunt corde ad peccata occultissima, quæ pertinent ad altitudinē Sathanæ me seducant.

Non me demergat. i. peccatum mortale cōmittere faciat, *tempestas aquæ*, 19.
i. seditio, conspiratio, clamor, vel concitata furentis populi persecutio. Si verò aliqui initio tumultuum conturbati per peccatum demersi sint, *non absorbeat me profundum*. i. non perseuerent in lapsu, & non deueniant in consuetudinem peccatorum, & per eam in peccatorum profundum, vt tandem peccata contemnant, inquit Greg. Quod vt fiat, *neque vrgeat super me puteus os suum*. i. profunditas peccati, non sic lapsos constringat, vt non aperiant os suum ad confessionem lapsus sui, per quam possint denuo iustificari, inquit Augustinus, Qui tamen alibi hæc sic interpretatur: *Non me absorbeat profundum, neque vrgeat super me puteus infernalis*, videlicet os suum: quia cum sine pœnitentiæ remedio infelices peccatores inferni puteus excipiant, claudetur sursum aperietur deorsum, & dilatabitur in profundum, nullum spiramen, nullus liber anhelitus claustris desuper agētibus relinquetur, Hæc ille. Porro admodum conuenienter is qui in principio Psalmi dixit se infixum limo profundi, & à tempestate demersum, pro nobis orat ne infigamur, neque absorbeamur; per hæc enim significat, quod perpessione suppliciorum quæ habebant similitudinem cum supplicijs nos ad condemnationē manentibus, nos liberauerit. Quæ liberandi ratio præfigurata fuit in Iona dicente: Mittite me in mare, & cessabit mare à vobis. Demersus est enim Christus à tempestate Iudaici tumultus temporaliter, ne nos à tempestate diuinæ iræ in perpetuam damnationem mergeremur. Et sic de reliquis, quæ latius exequitur Ambr. *In psal. 37 ad vers. 10 ta die cōtr.*

Exaudi me Domine, quoniam benigna est misericordia tua, Hilariter occurrens omnibus inuocantibus eum, *secundum multitudinem miserationum tuarum respice in me*. 20.

Et ne auertas faciem tuam à puero tuo. i. à precibus meis & me, obedientiam pueri tibi exhibente simul & innocentiam atque humilitatem. Ob hoc enim Christus se Dei puerum dicit, ob quod teste Ambr. Abraham & David, pueri Dei dicti sunt. *Quoniam tribulor* in spiritu meo super peccatis hominum, vel, quoniam pro salute eorum quorum causam ago, ego tribulationem secundum infirmitatem humanæ naturæ volens patior. *Velociter exaudi me*, vt acceleres auxilium tuæ protectionis quod hominum peccata præpediunt. 21. *t. de Abra. cap. 6.*

Intende animæ meæ. i. cum diligenti cura & attenta sollicitudine omni ex parte animæ fratrum meorum inuigila, & libera eam. *Propter inimicos meos eripe me*. Implorat hic Christus aliud liberationis genus, vt videlicet serui eius subinde mirabiliter à corporalibus plagis liberentur. Idque, vt eo vi-

eo visibili miraculo conuertantur persecutores ad fidem. Talia enim miracula magis in gratiam inimicorum, quam martyrum facta esse hinc apparet, quod martyres multis subinde supplicijs ereptos, tandem adhuc necari oportuit. Ideo bene Augustinus talia miracula circa martyres & nominatim tres pueros in camino facta esse dicit, ut discerent reges infideles colere Deum verum. Absoluta autem predicta oratione redit denuo Christus ad prosequendam enarrationem suæ passionis. In qua iuxta Ambr. dicit Christus ad Deum Patrem:

23. *Tu scis opprobrium meum & confusionem meam*, qua persusus videbar in oculis Iudæorum, ut diximus, & testatur Ambr. *& reuerentiam* seu verecundiam *meam*. Verecundatur enim castus & innocens animus aliorum iniquitates erubescendas coram cernere.

24. *In conspectu tuo sunt omnes qui tribulant me*, Tu enim qui particularia cognoscis per sapientiam, nouisti cui studio sint dediti & mihi quam infesti. *Improperium expectauit cor meum, & miseriam*. Quod expectatur, prænoskitur & velut optatur. Voluit itaque Psalter hoc verbo innuere, quod Christus præsciuerit omnia quæ ventura erant super se: Et ut notat Hilarius, anhelauerit ad passionem.

25. *Et sustinui qui simul contristaretur*, per pœnitentiam super suo peccato, & non fuit aliquis ex illis qui me affligebant. Nemo enim ex illis conspecta Christi mansuetudine, imò audito eius benigno sermone ut Iudas, vel recepto ab eo, ut Malchus, beneficio, ad pœnitentiam conuersus est, quod Christo (secundum hominem) solatio fuisset. Ex quo loco colligimus Christum non solum secundum inferiorem sensum, sed etiam appetitum rationalem contristatum fuisse pia compunctione pro alienis peccatis. Id tamen sine detrimento gaudij beatifici in eadem mente, quia & nos possumus de peccato dolere & simul gaudere quod doleamus. *Et quæsiui qui consolaretur me per suam conuersionem & non inueni*.

26. *Et dederunt in escam meam fel*. Non est sensus, dederunt ut fel mihi esset esca, felle enim non escam Domini, sed potum amaricauerunt. In escam ergo dederunt fel, quia post dulcem cibum, quem Dominus in cœna cum Apostolis non longo antè tempore sumpserat, potum felle mixtum ei superinfudere. Per quos significantur illi, inquit Augustinus, qui sumpto cum reliquis sacramento corporis Domini, scandala in Ecclesia faciunt & inimicitias exercent ac schismata, & communionem dulcis cibi velut superinfusio felle in amaritudinem vertunt. *Et in siti mea potauerunt me aceto*. Id notius est quam ut egeat expositione. Quæ autem supplicia pro hac impietate reportabit Iudæa? Id non optando, iuxta Augustinum, sed prædicendo subiungitur:

Fiat

Fiat mensa eorum coram ipsis in laqueum. q. d. Pro epulo aceti & fellis
 mihi exhibito, epulum mensæ eorum ipsis vertetur in laqueum. Per men-
 sam autem D. Hilarius aut sacrificia eorum intelligit, quæ mortuo Christo
 facta sunt eis funesta, aut scripturam sacram, quam cum cōtra Christum in-
 telligere voluerunt, sibi conuerterunt in laqueum, per quem in infidelitate
 arctissimè constricti sunt. Et notandum quod additur, *coram ipsis*, Eo enim
 verbo secundum Augustinum significatur, quod quidam ex ipsis probè no-
 uerint se scripturas falsa interpretatione pervertere, & tamen eo nō obstan-
 te in proposito permanserint, & scientes atque prudentes confecerint sibi-
 metipsis laqueum æternæ mortis. Vt autem nouerimus hanc iniquitatem
 eis à Deo iustè permitti, subditur: *Et in retributiones.* Retribuēdo enim
 eis quod merentur, deserit eos Deus, deserti autem tanta mala propria vo-
 luntate committunt. *Et in scandalum*, vt per scripturam in errore obfirmē-
 tur, & grauius corruant. Quo autem modo in hæc mala deuenient? Te
 non illuminante,

Obscurentur oculi eorum, sic enim fiet, ne, siue, vt non videant, & eos
 non erigēdo, *dorsum eorum semper incurua.* Inde enim consequetur vt pro-
 pria propensione in terrena declinent & impleatur, quod de eis dicit Apo-
 stolus: Quorum Deus venter est, qui terrena sapiunt. Hæc ergo de pœna si-
 ue vindicta Iudæorum inuisibili. De visibili vero sequitur in hunc modum:

Effunde super eos iram tuam, vt vindictam quam merentur nulla misera-
 tione cohibitus, vlla in parte cōtineas. *Et furor iræ tuæ comprehendat eos*,
 vt quasi conclusi nulla parte illam effugiant.

Fiat habitatio eorum deserta, & in tabernaculis eorum non sit qui inha-
 bitet. Quod impletum est cū vastata Hierosolyma Israhel captiuus mi-
 grauit de terra sua, & terra versa est in solitudinem. Sed sequitur & alia re-
 tributio bene quadrans in iniquitates admissas.

Quoniam quem tu percussisti persecuti sunt: & super dolorem vulnery
 meorum addiderunt;

Appone iniquitatem super iniquitatem eorum. Prior enim versus ex his,
 non præcedenti, sed sequenti cohæret, vt notat Hilarius. q. d. Quoniam ipsi
 peccando apposerunt mihi plagā plagæ, tu vindicando desere, ex quo cō-
 sequetur, vt ipsi apponāt iniquitatem iniquitati. Porro Deum Patrem per-
 cussisse Filium suum etiam Isaias testatur; Propter scelus populi mei per-
 cussi eum. Et Zacharias: Percutiam pastorem. Quod D. Augustinus ar-
 bitratur factum esse cū fecit Christum carnem mortalem ex matre su-
 mere. Ipsa enim mortalitas carnis, humanæ naturæ quædam generalis est
 plaga seu percussura. Huic ergo quem Deus percutiendo fecit mortalem,
 ipsi mortem violenter intulerunt, plagamque mortalitatis à Deo inflictam

Z

crudeli

crudeli morte cumulauerunt. Vel, *Quem tu percussisti* bona voluntate in manus eorum tradendo, *persecuti sunt.* i. grauius affligere instituerunt: quod, vt clarius explicetur, additur: *Et super dolorem vulnerum meorum addiderunt.* Cum enim de consilio Pilati flagellatum & coronatū ostentui haberent Dominum, vt conspectis tantis plagis innocentissimi viri & bene meriti miterent, & ab inferenda morte desisterent, ipsi nulla miseratione tacti super dolorem priorum vulnerum dolorem crucis & mortis ei superaddiderunt. Pro hac ergo eorum plagositate tu *Appone iniquitatem super iniquitatem eorum,* Deferente enim te, cōsequetur, vt, quod dicit Apostolus, Impleant peccata sua semper, & studeant interecioni Christo illata, & hoc adijcere, vt prædicationem Euangelij in gentibus impediunt, & fidem Christi, quantum in ipsis est, extinguant. *Et non intrent in iustitiam tuam.* i. introitum ad iustitiam, quod est fidei initium, non accipiant.

33. *Deleantur de libro viuentium,* siue libro vitæ. i. beatæ prædestinationis. de quo cum nemo re vera deleatur, illi tamen aptè dicuntur deleri, quibus sua reuelatur reprobatio. Tum enim delentur. i. deleti declarantur de libro vitæ. Quæ pœna competit genti Iudæorum ad tempus, sicut scriptum est: Argētum reprobum vocate eos, quia Dominus proiecit eos. Tamen si enim multi ex eis fiant salui, scitur tamen quod gens ipsa manebit reproba vsque ad tempus diuini iudicij. Interim melius est, vt cum D. Gregor. per *librum viuentium* intelligamus Album iustorum, quia expositio illa textui magis est consentanea, quæ dicit: *Deleantur de libro viuentium,* non vitæ, de quo Iudæi dicuntur delendi, quia si qui ex eis prius iusti fuerint, per has in Christum iniquitates sunt iustitiam amissuri. *Et cum iustis non scribantur.* i. in iustorum album non referantur, siue non referentur: per quod simul prædicatur quod ad amissam tantis sceleribus iustitiam non sint redituri.

Grego. 24.
moral. c. 9.

34. *Ego sum pauper,* Christus enim propter nos inops factus est, vt illius inopiā nos diuites essemus. *Et dolens,* quia pro nobis dolet. *Salus tua Deus suscepit me,* cum me à mortuis suscitatum ad dexteram tuam collocasti. Post quod tempus,

35. *Laudabo nomen Dei cum cantico.* Facit enim id Christus per spiritum suum in Ecclesia: *Et magnificabo illum in laude* enarrando magnalia eius. Sicut scriptum est: Loquebantur Apostoli magnalia Dei.

36. *Et placebit Deo:* Hoc scilicet sacrificium laudis quod celebrat Ecclesia, *super vitulum nouellum, cornua producentem & ungulus.* i. super omnia pacifica quæ in lege offerebantur. Hic ergo significatur mutatio legalium in sacrificium laudis, quod de sacrificio nostro eucharistico intelligendum esse, in Psal. 49. diximus.

37. *Videant pauperes,* id est, gentiles, *et latentur,* cum contra Iudæa audita Christi

Christi laude inuido dolore crucietur. *Querite Deum*, vt in eius cognitione crescatis. *Et viuet anima vestra*. Non enim dixit Deus, Frustra querite me, inquit Isaias. Ob quod & sequitur,

Quoniam exaudiuit pauperes Dominus, non deserens quarentes se. *Et* 38.
vinctos suos. i. vinculis mortalitatis & multarum necessitatu astrictos, non *despexit*. Clamauerunt enim ad Dominum, & de necessitatibus eorum liberauit eos. Sed nunquid Iudæi sic offenderunt vt cadrent? Absit. Illorū enim delicto salus est gentibus, vt illos amulentur & emulatione ipsorum gratiæ spiritum accipiant. Pro qua gratia quam reliquiæ Iudæorum in fine mundi accepturæ sunt, ad gratiarum actionem prouocat Christus omnia, & dicit:

Laudent illum celi & terra, mare, & omnia reptilia in eis. Vbi horum 39.
elementorum nomine omnium creaturarum liberandarum sensum, mentemque significat, inquit Hilarius. Verba tamen hæc videntur prouocantis quandam extasim significare, qua, quandoquidem creatura rationalis non sufficiat exequendæ laudi Deo pro tanta gratia debitæ, optet omnem creaturam irrationalem, quasi verti in linguas, vt enarrent laudes Deo pro hac misericordia debitas. Quæ est,

Quoniam Deus longo postliminio, saluam faciet Sion. i. gentē Iudæorum diu desertam, inquit August. *Et ædificabuntur ciuitates Iudæ*. i. multæ 40.
ecclesiæ particulares erigentur ex Iudæis, quia colligentur tunc Iudæorum reliquiæ ex dispersione in terram suam. De qua re propheta: Requiescere eos faciam super humum suam. Dicit humum suam, tunc enim non amplius erunt in terra Christianorum tanquam in aliena sub tributo. Et alibi: Eiectam vocauerunt te Sion, Hæc est quæ non habebat requirentē, &c. Et c. 31. Reuertere virgo Israhel ad ciuitates istas tuas, vsquequo deliciis dissolueris filia vaga?

Et inhabitabunt ibi, quia non mouebo iterum populum meum de loco 41.
suo, dicit Dominus, plantabo eum, & non euellam amplius. *Et hæreditate acquirant eam*. i. tum tanquā legitimi filij & in carne & in Domino acquirant verum patrum suorum patrimonium, quod est patrimonium fidei. Cū autem hæc postrema Psalmi pars intelligitur de Sion atque ciuitatibus Iudæ, quæ ædificantur in cælo, tum sensus est, quod illi qui inhabitabunt eas, acquirant easdem hæreditate. i. in hæreditatem, ita vt immobilis & aterna futura sit earundem possessio; vt distinguatur possessio illius vitæ à possessione iustitiæ quæ habetur in hac vita; Hæc enim quia cum periculo amittendi possidetur, non possidetur vt hæreditas, authore D. Bernardo.

Et semen seruorum eius. i. Filij Abraham, Isaac, & Iacob, seruorum Dei 42.
fidelium, secundum carnem iam facti filij promissionis, possidebunt eam, Z ij hære-

Orat. cont.
Iud. cap. 5.

Serm. 21.
in Cant.

hereditatem seu patrimonium patrum suorum. *Et qui diligunt nomē eius, habitabunt in ea, in beatitudine perpetua.*

PSALMVVS LXIX.

QVandoquidem præsens Psalmus penè ad verbum coincidit cum postrema parte Psalmi 39. suo loco expositi, æquum est vt non oneremus lectorem eiusdem expositionis superflua repetitione, operæ pretium tamen est, vt circa illa verba,

3. *Auertantur retrorsum qui volunt mihi mala.*

4. *Auertantur statim erubescētes, qui dicunt mihi, euge, euge: audiamus*

bern. epist. D. Bernardum in hæc verba loquentem: Ego, inquit, aduersus vtrosque persecutores illis duobus versiculis me munire consueui. Contra maleuolos quidem priorem, *Auertantur retrorsum qui volunt mihi mala: Contra beneuolos autem proferens sequentem: Auertantur statim erubescētes, qui dicunt mihi euge, euge.* Hæc Bernardus.

PSALMVVS LXX.

Psalmus David filiorum Ionadab & priorum captiuorum.

Hier. 35.

IONADAB, teste Hieremia, fuit filius Rechab, cuius posteri dicti sunt Rechabita, quia disciplinam & peculiarem viuendi ritum à filio Rechab sibi præscriptum, summa in parentē pietate, constanter obseruauerunt. Hi typum gerunt ecclesiæ, Ecclesiæ inquam, non ratione eorum qui eam fundauerunt, eiūque fidei ac rectæ conuersationis normam de Christi mandato ac doctrina præscripserunt, sed ratione illorum qui fidei ac morum disciplinam à patribus traditam, inuiolabiliter obseruant. Sicut enim filij Ionadab à mandatis patris sui, ne Hieremia quidem tentante, latum vnguem reuocauerunt, sic Ecclesia iam à patribus fundata, auitæ religioni ac traditis præceptis tenaciter inhærens, ab iisdem, ne variis quidem tentationibus sollicitata vlla in parte recedit. Imo si rationem suæ obseruantia ac disciplinæ ab ea exigas, sicut Rechabita, maiorum suorum auctoritatem ac traditionem pro ratione tibi adferent atque opponent. Conuenienter itaque præsens Psalmus inscribitur *filij Ionadab*. i. ecclesiæ in maiorum suorum traditione perseueranti. In eo enim ostenditur ac declaratur, quod Ecclesia ne quidem in extrema sua senectâ ab eo quod primitus traditum est sancto mandato defecerit, nec à Deo derelicta sit. *Et priorum captiuorum.* Præceperat Rechabitis Ionadab perpetuo habitare ruri in tabernaculis; Sed Chaldæis regiones illas circumquaque vastantibus, coacti sunt ad munitionem Hierosolymæ se recipere, vt ab excursionibus Chaldæorum tuti redderentur atque immunes. Sed quia in solitudine minus habet

habebant impedimenti ad vacandum Deo quam in vrbe, vrbs ipsa, teste D. Hieron. carcer eis visa est, & refugium celsit eis in ergastulum. Quia itaque in ipso suo asylo iam ante captiuitatem Babylonicam, in eam quam diximus captiuitatem inciderunt, ob id hoc loco dicuntur primi captiui. In quo etiam gerunt typum ecclesiæ, nam & ipsa primam quandam captiuitatem perpetitur, cum ante quam in hæreticorum manus deueniat, in religionis suæ publico & libero vsu posita, à carnalibus suis filiis, imo & principibus ac magistratibus constringitur, ne disciplina quam vellet, ac iure suo liberè vtatur. Psalmus autem in persona Ecclesiæ sic incipit:

In te Domine speravi nō confundar in æternum, in iustitia tua libera me, 1.

Inclina ad me aurem tuam, & salua me. (& eripe me. 2.

Eslo mihi in Deum protectore, & in locum munitum, vt saluū me facias. 3.

Quoniam firmamentum meum & refugium meum es tu. 4.

Quibus versibus partim Psal. 17. ver. 1. partim prioribus versibus Psal. 30. explicatis, ad sequentia pergimus, quæ sic habent:

Deus meus eripe me de manu peccatoris. i. Gentilium, de quibus Apost. 5.

Nos natura Iudæi sumus, & non ex gentibus peccatores. Sunt enim peccatores, quia multis modis præuaricantur legem naturæ. *Et de manu contra*

legem agentis. i. Iudæi, qui præuaricantur legem scriptam. & *iniqui.* i. eius

qui præuaricatur hanc æquissimam legem! Quæcunque vultis vt faciant vobis homines, & vos facite illis. Ab omnibus enim his certatim oppugnatur Ecclesia. Qua autem ratione de manu eorum erui petit, nunquid intempe-

stiuæ malorum à bonis separatione, collectisque ante tempus ex agro dominico zizaniis? non arbitror: diceret namque Paterfamilias, Sinite vtra-

que crescere vsque ad messem. Petit ergo *erui de manu peccatoris*, hæte-

nus, ne à scandalis peccatorum in iniquitatis consortium, & per id in serui-

tutem peccati & hominum peccatorum deueniat. Hoc igitur vt euadat, o-

pus in primis est patientiæ præfidiis. Omne enim peccatum, inquit Tertull. *De patient.*

impatientiæ ascribitur. Malum enim est impatientia boni. Nemo impudi-

cus non impatiens pudicitie, improbus probitatis, inquietus quietis. Et post:

Patientia omnia Dei placita tuetur, omnibus eius mandatis interuenit.

Subdit proinde Psaltes:

Quoniam tu es. i. à te mihi est *patientia mea.* neque enim substantia Dei 6.

est nostra patientia, inquit August. vnde & Psal. 61. idem quod hic dicitur, 15. de Tri-

sermone magis aperto dictum est, Ab ipso est patientia mea. Quod itaque

dicit, *Erue me de manu peccatoris, quoniam tu es patientia mea.* idem est

ac si dicat; Impertito mihi quod in manu tua est patientiæ dono, ne ab ini-

micis in peccata præcipiter, protege me. Patientia enim non solum custodit

bona, inquit Cypr. sed & repellit aduersa, quia Spiritui S. fauens & cælesti-

bus in-

bus inhærens, cōtra facta carnis & corporis virtutum suarum propugnaculo reluctatur. *Domine spes mea à iuuentute mea.* Ab initio enim quo cepit Ecclesia, sciuit in Domini protectione sperare.

7. *In te confirmatus sum ex utero.* i. à primo tempore quo nata sum, tuo munere sum conseruata ne vnquam deficerem: (non enim mouere debet aliquem ne credat hic esse sermonem in persona Ecclesiæ, quia sermo in genere masculino versatur; Eius enim rei causa est, quod Christus in persona suæ Ecclesiæ loquitur: Cuius tamen voces nos immediatè in persona Ecclesiæ exponimus, vt sensus euadat clarior & magis expeditus.) Id autem qua ratione? nunquid dono aliquo, ô Ecclesia, insito, per quod dici potueris non posse deficere, cuiusmodi dono à principio sui ingressus in beatitudinem confirmantur sancti, vt à beatitudine non possint deficere? nequaquam, sed à te Domine conseruata sum ex utero, quia *de ventre matris meæ tu es meus protector*, qui me tametsi in memetipsa infirmam, inter tot aduersa tua ope tuitus es ne deficerem, nam stabilitas mea est continuum auxilium tuum. Hic autem quæritur, quis sit hic uterus matris, ex quo Ecclesia se dicit esse confirmatam, an ille censerì possit limus terræ, ex quo creatus est Adam in gratia, ita vt ab illo tempore, ne quidem per lapsum protoplastorum vnquam defecerit, vel interrupta sit Ecclesia? Opinor quod non. Cùm enim sine fide non possit consistere Ecclesia, & Doctorum testimonio, atque ratione, (si enim Adam fidem non perdidit, quo auctore primus filius ei natus est infidelis?) satis constet, Adam, per infidelitatem fidem perdidisse, relinquitur protoplastis labentibus Ecclesiam, quæ in illis cœpta erat, tunc temporis simul concidisse. Nec oritur ex hac conclusione, quippiam absurdi, Indefectibilitas enim non est proprietas adhærens vel competens cuius Ecclesiæ, sed est prærogatiua concessa Ecclesiæ Christi. Quanquam tamen existimemus eam, iam inde ab initio redintegratæ Ecclesiæ eidem competisse, & quod apud fideles quosque indubitatum esse debet, vsque ad finem sæculi in ea iugem perpetuamque futuram; vt quemadmodum à primordijs rediuiuæ iustitiæ nunquam mundo iusti aliqui defuere, aut ad finem sæculi defuturi sunt, ita neque defuerit neque defectura sit Ecclesia, extra quam nemo est iustus. Cum enim Ecclesia iam inde à reparatione sui sit corpus Christi, vnam eam perpetuò atque indurptam fuisse ac futuram esse colligimus, quia inconueniens sit corpus Christi non esse vnum atque cōtinuum. Præsertim, cum etiam huius rei significandæ gratia, naturale Christi corpus, ne quidem in passione discissum sit vel diruptum. Quocirca, deprehenduntur hæretici telas areneæ (vt de illis teste Hieron. dixit Isaias) texere, cum volunt Ecclesiam quasi aliquando collapsam, redintegrare. Itaque, cum defendendum nobis sit

*Prosp. ref. 1
ad exc. gen.
c. 19 &
21. ed. Cass.
Fulgent de
inc. & gra.
esp. 22.*

*Isaia 59.
Hiero. epif.
139.*

bis sit

bis sit Ecclesiam ab initio sui usque ad finem mundi vnam esse, iugem & perpetuam, non est necesse initium eius desumere à die quo Adam in iustitia creatus est, sed à die quo à lapsu atque errore reuocatus, fidei atq; vnanimitati est restitutus. Ab eo enim tempore corporis Christi, quod vnum est atque perpetuum, cepit habere rationem. Ab eo etiam die ceperunt homines infallibiliter vocari, iustificari, glorificari, ita vt Ecclesiam ab illo solummodo tempore indefectibilem esse oporteat. Imò non rectè dici videtur Ecclesia ante lapsum cum ea quæ est à lapsu, vna esse. Vnam enim Ecclesiam facere videtur vnitas corporis. Hoc autem est corpus Christi, quod illa non erat, ergo non est hæc cum illa vna Ecclesia; vt nihil dicam de ratione perueniendi ad salutem, quæ à lapsu longe alia est quam ante ipsum. Quæ omnia tantam videntur differentiam inter vtrasque illas societates inducere, vt illum non facile possit materialis vtriusque Ecclesiæ vnitas (constat enim vtraque hominibus) conciliare. Quocirca, vterus de quo hic Psalmus, non est limus è quo formatus est protoplastus, sed est ille sinus in quo fouebatur & præparabatur homo lapsus, donec formaretur Christus in eo. E quo cum in Christo renasceret, tunc simul in suis primordijs nata est Ecclesia, à die illius ortus, usque ad occasum mundi, absque omni interruptione perpetuo perseveratura.

Inte cantatio mea semper, Ex parte enim Dei semper habet Ecclesia vnde in diuinis laudibus exultet, *tantum prodigium factus sum multis*: Prodigium dicitur, quod est præter morem vel naturam; Talis visa est Ecclesia multis imprimis Ethnicis qui teste Tertull. in Apolog. existimabant 8. Christianos Deorum, legum, morum imo totius naturæ inimicos. Talis Ecclesia in suis selectissimis membris etiam apparet carnalibus Christianis, dum putant sacram continentiam & Christianæ vitæ accuratiorem disciplinam esse humanæ naturæ contrariam, nescientes scripturas neque virtutem Dei: Qui etiam putant vitam religiosorum prodigiosam esse, quia contra communem morem. De qua re pulchrè Bernard. Quid aliud sæcularibus quàm ludere videmur, cum quod ipsi appetunt in hoc sæculo, nos per contrarium fugimus: quod ipsi fugiunt, nos appetimus, more scilicet ioculatorum & saltatorum, qui capite misso deorsum pedibusque sursum erectis, præter humanum usum stant vel incedunt, & in se omnium oculos desigunt? Quid autem? nunquid Ecclesia contrà quàm monet Isaïas opprobria hominum metuens & prodigiosi sui status pertaxa, mores suos deserit? Non: Additur enim: *Et tu adiutor fortis*, faciens eam inter irrisores fortiter præstare, imo & irrisores ad sanam mentem benefaciendo conuertere. Quid verò pro hoc forti adiutorio Ecclesia?

Replemur tuo munere os meum laude, vt cantem gloriam tuam, tota 9.
diema-

die magnitudinem tuam. i. te pro magnitudine gratiæ tuæ ac magnificentiæ prout oportet collaudem. Hactenus itaque de iuuenta Ecclesiæ nunc de eius senectute, de qua dicit:

10. *Ne projicias me* tanquam te indignam sicut proiecisti Synagogam *in tempore senectutis*, cum scilicet abundabit iniquitas, *cum defecerit virtus mea.* i. eodem tempore quo abundante iniquitate simul relinqueret caritas multorum. *Ne derelinquas me*, dato mihi libello repudiij, sicut dedisti Synagogæ. Ex qua precatione absque dubio exaudienda, discimus Ecclesiam in multitudine malorum constitutam à Deo tanquam vas perditum non esse proijciendam. Causa autem huius posterioris partis instantius imploranda est.

11. *Quia dixerunt inimici mei mihi, & qui custodiebant animam meam*, non causa auxiliandi sed speculandi, & cum auiditate obseruandi quoduis desiderata sibi ruinæ meæ periculum atque initium: Quo sensu etiam apud Hieremiam, dicit Dominus, se terrores audiuisse in circuitu, à viris qui erant (inquit) pacifici mei & custodientes latus meum. Isti, *consilium fecerunt in unum.* i. collato consilio in vnam de me sententiam multis adductis rationibus conuenerunt,

12. *Dicentes: Deus dereliquit eum.* i. Deseruit iam Ecclesiam, ita vt ipsa *quod & Lucifer*, teste Hieron. aliquando putauit, ex casta virgine Christi scortum diaboli facta sit. Quam oportunitatem nacti, *persequimini*, tum enim putant esse tempus expromendi in eam odij, quod continebant cum eam arbitrabantur adhuc à Deo protegi & *comprehendite.* i. cōprehendetis eam, *quia non est qui eripiat*, nec enim curæ erit Deo desertricem illam eripere de manibus nostris: hæc ergo illi; Quæ in primis dicta sunt à Donatistis asserentibus de orbe terrarum aliquando perijsse Ecclesiam, cuius reliquias ipsi multis modis & inaudita crudelitate persequebantur. Nec tamen illa aliena sunt à nostri temporis hæreticis, asserentibus religionem quam profitentur, in illis quæ fidei sunt ac salutis reformatam esse: quod si verum est, ergo prius fuit deformata. Si deformata, ergo periit aliquando Ecclesia, Cætus namque hominum deformatæ religionis, non est Ecclesia Christi, sed est adultera & synagoga Sathana. Si dicant se non religionem Ecclesiæ, sed quarundam regionum reformatæ, oportet ergo fateantur semper fuisse cætum aliquem hominum, quam dicant Ecclesiam, qui illam religionis formulam, quam per suas reformationes introducunt, à Christo vsque huc continuò obseruauerit, quem si voluerimus nobis in scriptis veterum vel historiographorum demonstrari, detrectabunt id, quia, contra verba Christi dicentis: Non potest ciuitas abscondi supra montem posita, dicent eum inuisibilem fuisse. Demus itaque talem aliquem cætum hucuf-

hucusque continuò fuisse; negabimus porro tam illum quam quæ nunc videmus reformatæ religionis conventicula esse Christi Ecclesiam, aut gregem Christi. Qua enim ratione censentur pertinere ad Christi gregem, qui profitentur se non habere pastorem siue rectorem, contra quam instituit Christus? Qui sicut cum de Davide diceret: Tu pascis populum meum Israel, eum constituit siue prædixit fore Israelis regem, ita cum dixit Petrus: Pascere oves meas eundem constituit sui gregis rectorem. Pascere enim in scripturis sacris, non semper esse idem quod docere aut prædicare, sed aliquando idem quod regere, manifestum est ex c. 5 Michæ, ubi dicitur: Pascet terram Assur in gladio & terram Nemroth in lanceis suis. Quid? gladius & lancea sunt instrumenta doctrinæ, an potestatis atque regiminis? Præterea quomodo huiusmodi hominum cœtus etiam si à principio exstitisset, haberet Ecclesiæ rationem, cum non agnoscat sacerdotem? cum tamen dicat S. Hieronymus non esse Ecclesiam quæ non habet sacerdotium. Et Cyprrianus dicat quod Ecclesia sit plebs sacerdoti adunata & pastori suo grex
Epi. 69.

adhærens? Quocirca cum hoc tempore nullus existat hominum cœtus qui formam veræ Ecclesiæ præ se ferat, nisi is qui Romano adhæret Pontifici, is enim verum agnoscit pastorem & propriè dictum sacerdotium, necesse est illam veram Ecclesiam esse, eamque proinde à veræ fidei religione non defecisse. His itaque dicentibus: *Persequimini & comprehendite quia non est qui eripiat*, ex alia parte orat Ecclesia:

Deus ne elongeris à me, sed esto à dextris mihi ne commovear, *Deus meus in auxilium meum respice*, Diuina namque protectione, cum in se sit infirma, in fide & religione perseverat Ecclesia. Quid verò his tam indigna de te opinantibus optes o Ecclesia?

13.

Confundantur manifestata falsitate prædictæ assertionis suæ & *deficiant* auctoritate ac viribus, Post primos enim seruoies deficiunt hæretici in suis factionibus, torrenti qui cito defluit comparati, *Detrahentes animam meam*. i. diminuantes existimationem quam oportet de mea perpetua stabilitate, & tuæ protectionis perpetua assistentia habere, hoc enim verè est detrahere. *Operiantur confusione & pudore*; Prophetia est in die iudicii potissimum adimplenda; *qui quærunt mala mihi*.

14.

Ego autem semper. i. in quavis multitudine malorum mihi adhærentium & circumfrentium inimicorum *sperabo* auxilium tuæ protectionis. Imprimis enim competit Ecclesiæ illud Psalmi: Ab auditione mala non timebit, paratum cor eius sperare in Domino. Ex quo discimus in nulla rerum difficultate spem nobis esse deferendam. *Et adiciam super omnem laudem tuam*. q. d. Sicut tu iam super omne auxilium à tempore iuuentutis meæ mihi præstitum adhuc in tantis periculis constitutæ, in tempore senectutis

15.

A a aliud

aliud auxilium adijcis, & priora beneficia posterioribus superas, vel saltem accumulas, ego vicissim laudes ob priora beneficia tibi debitas posterioribus augebo & cumulabo; Nec his contenta insuper in medio persequentium,

16. *Os meum annuntiabit iustitiam tuam*, vt tali annunciatione etiam inimicos conuertam *tota die*. i. quauis occasione quæ in die potest accidere, *Salutare tuum*. i. Christum salutis auctorem, aut, gratiam Dei salutis effectricem.

17. *Quoniam non cognoui litteraturam*. i. legis veteris obseruantiam; Nunc enim sine lege iustitia Dei manifestata est, inquit Apostolus, testificata à lege & Prophetis, quia Ecclesia ex gentibus collecta iustitias Dei agnouit, nec tamen prius legem didicit, legiue veteri seruiuit. *Introibo in potentias Domini*. i. ad ipsam medullam diuinarum virtutum penetrabo, vt earum medullitus particeps efficiar, & interiores vires accipiam ad exercendam iustitiam atque perseuerantiam: Quod Ecclesia videtur dicere ad distinctionem potentiarum Domini, quas in egressu ex Ægypto atque in Sina vidit Israhel; tum enim medullam diuinarum virtutum intus corroborantem non experiebatur, sed *potentias Domini* solummodo in signis illis atque portentis admirandis intuebatur foris. Ecclesia verò ad has virtutes ingressa est, quoniam non cognouit litteraturam legis: Ex legis enim cognitione Israhel secundum carnem in præsumptionem suæ virtutis se attollens, ad has Dei virtutes penetrare non potuit, ignorans enim Dei iustitiam & suam volens constituere, iustitiæ Dei non fuit subiectus. *Domine memorabor iustitiæ tuæ solius*, quia ob id quod non cognoui litteraturam, nihil allegare, nihil in medium adferre poterò, nisi solâ iustitiam à te mihi donatam. Cum contrà alij iactare solent iustitias legis, vt vidimus in Pharisæo cum Publicano simul orante. Porro pro eo quod nos legimus *litteraturam* alij legunt *negotiationem*. Quæ lectio cum nostra in idem redit, Negotiatio enim est rerum hinc inde æquivalentium conuentionalis commutatio. Iudæi itaque eò quod cognouerunt litteraturam, non solum induerunt præsumptionem, verumetiam cognouerunt negotiationem, quia arbitrati sunt se ad præstantiam Euangelij merito obseruatæ legis peruenire debere aut peruenisse, quam negotiationem nescit Christi Ecclesia quæ super sola Dei misericordia & gratia laudans Deum & honorans, agnoscit se Euangelium Christi gratia accepisse. Interim, negotiationem quæ quasiuis merces licitas pretio permutat, nouit Ecclesia, quia sine ea non subsistunt commercia humanæ societati in hoc tempore necessaria. Ideo etiam de primis Christianis, dicit Tertull. Omnia vestra impleuimus, vrbes, castra, castra, palatium, senatum, forum, &c. Et c. 43. Si qui fortè de sterilitate

Apo. 6. 37

ritate Christianorum conqueri poterunt. i. quod nullum lucrum opificibus aut mercatoribus adferant, conqueri possent primi lenones, ficarii, venenarii, magi, arioli, aruspices, Mathematici, &c. His autem instructuos esse magnus fructus est: Hanc igitur negotiationem non fugit Ecclesia, didicit enim à Leone esse questum vt illicitum, ita & licitum. Sed à quo tempore iustitiam sine lege didicit & accepit Ecclesia?

Leo Epist.
92. cap 9.

Deus docuisti me, sine lege tuam iustitiam, *à iuuentute mea*. i. à principio quo mundo reddita sum. Iustitia enim fidei, inquit Cyrillus, prior & antiquior est lege, quæ inter primam obseruantiam eorum sanctorum qui ante legem rari ex fide vixerunt, & Euangelij manifestationem ac dilationem subintravit, inquit Apostolus, vt abundaret delictum. Quod eleganter præfiguratum fuit in partu Thamar, vbi Zaram primus protulit manum in qua obstetrix ligauit coccinum, significans mundo priores velut apparuisse, qui ex fide Christi viuebant. Eo verò manum retrahente, natus est Phares; quia post primos patres ex fide Christi viuentes, in lucem prodijt lex, per quam nonnihil obscurata, & quasi retracta est iustitia fidei, & conuersatio seu vita hominum ex fide. Impleto autem legis tempore facta est Euangelij manifestatio, atq; plenè in lucem prodijt Zaram in manu habens coccinũ. i. apertam & planam ex fide Christi conuersationem, quæ ante legem in paucis ex fide Christi viuētibz tenuiter apparuerat. De qua repulchrè Ambr. Per geminorum mysteriũ gemina describitur vita populorũ: vna secundum legem, altera secundum fidem. Prior gratia quam lex, prior fides quam littera. Et ideo gratiæ typus Zaram manum ante præmisit, quia gratiæ actus ante præcessit in Iob Melchisedech Abraham; qui per fidem sine lege viuebant. Sed media tanquam saxpes obiecta est legis obseruatio, & quodammodo maiorum vita videtur incisa per obseruantiam legis; Quæ transacta, vita maiorum per Euangelium in lucem splendidissimè prodijt. Verissimè itaque dicit Ecclesia, *Deus docuisti me sine lege iustitiam à iuuentute mea*: Quibus addit, *Et vsque nunc*. Istud, *nunc*, erit quamdiu & quodocunque pronuntiabitur hic Psalmus. *Vsque nunc* itaque, *pronunciabo mirabilia tua*: Quæ egisti in toto decursu Ecclesiæ. Hæc enim Ecclesia in eadem fide perpetuo perseuerans, tanquam ad se pertinentia indefinenter laudando & prædicando pronunciat. Sed nunquid Ecclesia aliquando tandem deficiet & à sana mirabilium Dei intelligentia temporis processu atque decursu excidet? Absit: Id enim ne accadat per spiritum prophetiæ orat Psalter in persona Ecclesiæ:

Et vsque in senectam. i. tempus quo appropinquem senectæ ac vergam ad senectutem, & *senium*. i. tempus illud quo iam ad extremam peruenero senectutem: quod est extremum illius temporis, quo Ecclesia in mūdo est

A a ij peregri-

18.

10 in 102.
cap 13.

3. in Luc.

19.

peregrinatura. *Deus ne derelinquas me.* Te enim non derelinquente, non potero ad errorem aut impietatem deficere. Queris autem qui fieri possit, ut cum homini accrescentibus annis deficiat vigor mentis & corporis, idem multiplicatis annis non pariter eueniat Ecclesie? Id tibi explicabit Irenaeus in haec verba: Praedicationem Ecclesie undique constantem

li. 4. c. 40

& aequaliter perseuerantem per initia medietates & finem, & vniuersam Dei dispositionem perceptam ab Ecclesia, custodimus, quae semper à spiritu Dei quasi in vase bono, eximium quoddam depositum conseruat iuuenescens (non enim veterascit verbum Dei) & iuuenescere faciens ipsum vas, ita ut ipsa Ecclesia, quam vasis nomine intelligit Iren. nunquam, ne quidem praesentio efficiatur similis cisternae dissipatae, quae non valeat continere aquas. Si ergo verbum Dei facit iuuenescere ipsum suum vas, quomodo non sicut corpus primi hominis praeseruatum fuisset à ligno vitae contra vetustatem, ita per Verbum vitae non praeseruabitur Ecclesia contra propriam suam, & ad minus semper vergentem, fragilitatem? Itaque ex Irenaei verbis manifestum est haereticos scripturam diuinam, & Patribus aduersa sentire cum dicunt; Vsu venit Ecclesiae senescenti quod de senectute canit poeta Satyrus: Circumcidit agmine facto morborum omne genus. Nouit enim Ecclesia senectutis atque vetustatis tempora, eo quod in multos annos cana perseueret; sed quia per verbum & spiritum Dei iuuentus eius ut aequile indefinenter reparatur, senectutis languorem & detrimenta non nouit.

li. 4. c. 51.

Cyp in car.
de Sodoma

Vxor enim Loth, inquit Irenaeus, remansit in Sodomis, iam non corruptibilis, sed statua salis, semper manens, & per naturalia ea quae sunt consuetudinis hominis (menstrui fluxum intelligit qui mirabile dictum non desit, Cypriano teste, haec muliebri statuae) ostendens quoniam & Ecclesia quae est sal terrae, subrelicta est in confinio terrae, seu in medio malorum iuxta Sodomam, patiens quae sunt humana; & dum saepe auferuntur ab ea membra, integra perseuerat statua salis, quod est firmamentum fidei firmans & praemittens filios ad Patrem. Haec Irenaeus. Quae autem ratione statuae salis, tam-

Cypr ibide.

etsi mutilatae haec sua perseueret integritas, explicat Cyprianus loquens de illa in haec verba: Si quis mutilauerit aduena formam, protinus ex sese suggestu vulnera complet. Ad hunc enim modum Ecclesia complet ex semetipsa, si, non dico aduena vel hostis, sed etiam Deus ipse ab hac vita quempiam euocando, ab ea abstulerit: Ea enim vulnera protinus ex sese complet, dum si quis Pontifex, si Episcopus, si pastor ab ea ablati sit, ex sinu suo alios producit, quos in decedentium locum sufficiat: Si quidam ei abripiantur ad partes hostium, ex semetipsa profert, unde praedicando, docendo, similibusque modis illa damna resarciat. Dicit ergo Ecclesia; Vsq; ad senectam & senium ne derelinquas me.

Donec

Donec annunciem brachium tuum. i. Christum, generationi omni quæ ventura est. i. vt in senectute bona & veritatis annunciatione perseuerem in omni generatione & generatione. Ex quibus verbis manifestum est hic esse sermonem in Ecclesia persona. Non est enim hominum aliquis, ne ipse quidem Christus qui per se annunciet Euangelium in omni generatione & generationem, sed id præstat sola Christi Ecclesia, sola in hoc seculo perseuerans in omni generatione & generationem. *Annunciem itaque Brachium tuum,* & simul.

Potentiam tuam quam exercuisti in martyribus & exeres in confessoribus, & *iustitiam tuam* Deus usque in altissima quæ fecisti magnalia. i. Iustitiam tuam quam admodum excellere fecisti in quibusdam Christianis, adeo vt peruenirent usque ad culmen iustitiæ, de qua scriptum est: Iustitia sicut montes Dei; Qualis iustitia videtur fuisse in Macedonibus, de quibus Apostolus: Altissima paupertas eorum abundauit in diuitias simplicitatis eorum. *Deus quis similis tibi,* q. d. Quis hominum sine spiritu tuo huiusmodi magnalia posset operari? Post hæc recordatur Ecclesia persecutionum, quas à iuuentute sua perpeffa est, & simul diuinæ opis atque clementiæ, per quas ex istis partim vincendo partim euadendo est liberata. Idque hoc consilio, vt ex ijs quæ experta est, certissimam spem concipiat se futuris, & præsertim Antichristi persecutionibus, non superandam, sed ijs cum labore & dolore transactis, cumulandam esse gloria & laude. Dicit proinde:

Quantas ostendisti mihi tribulationes multas & malas. Dicit quantas, ob earum acerbiteriam, Multas ob varietatem. Malas, quia fecerunt multos à fide deficere, & in tribulationem pessimam & angustiam, quæ paratur in animam omnis hominis facientis mala, deuenire. Sed quid Deus? nunquid continebit in ira misericordias suas? *Conuersus,* inquit, ab ira ad misericordiam *uiuificasti me,* quia lapsos ad iustitiam denuo reuocasti. *Et de abyssis terræ,* de quibus Apostolus, In solitudinibus errantes, in montibus, speluncis, & in cauernis terræ. In his enim tempore, persecutionum fere degcebant fideles & delitescbat ecclesia, *Iterum reduxisti me,* quia persecutionibus transactis, ad publicum reuocata est Ecclesia & in propatulo cepit denuo conuentus agere & religionem suam palam exercere. Dicit proinde D. Cyprianus: Quam beata, quam gaudens portas suas aperit Ecclesia, vt adunatis agminibus, intretis de hoste prostrato trophæa referentes? Huiusmodi quid & Iudæa experta est, quia templo à persecutione Antiochi restituto, rursus ibidem diuina exercuit, recordata quod paulò ante eadem in montibus peregisset.

Multiplicasti magnificentiam tuam. Et si enim multi lapsi sint, complures tamen per magnificam Dei gratiam variis modis distributam, in medio

A a iij perse-

20.

21.

1. Cor. 8.

22.

Hebr. 11.

Cyprianus initio de lapsis.

persecutionis feruore magni & admirabiles perstitere, martyrio, confessione, eleemosynis, variisque pietatis, qualia status illius temporis exigebat, operibus. *Et conuersus* ad clementiam per quam cessare, & respirandi gratia, intermittere fecisti persecutionem. *Consolatus es me.* In latitiam enim, inquit Cyprian. redeunt mentes, & tempestate pressuræ ac nube & caligine discussa, tranquillitas & serenitas refulserunt: Quam consolationem ibidem splendidissime pluribus exequitur.

24. *Nam & ego confitebor tibi in uasis psalmi veritatem tuam Deus, psallam tibi in cythara sanctus Israel.* Transacta enim persecutione cepit Ecclesia veritatē Dei & laudes eius publica celebritate canere. Dandæ enim, inquit Cypr. Deo laudes, & beneficia eius ac munera cum gratiarum actione celebranda: quamuis agere gratias nostra vox nec in persecutione cessauerit. Id autem, *in uasis psalmi. i.* hominibus ad psallendum Deo ex officio aut professo dedicatis.

25. *Exultabunt labia mea cum cantauero tibi, & anima mea quam redemisti.* Quia cantat Ecclesia voce ac labiorum motu, cātat simul & exultat anima seu mente. Atque adeo coincidit hic versus cum illo Psalmi 83. Cor meum & caro mea exultauerunt in Deum viuum. Quod notandum sit contra illos hæreticos qui sic volunt in spiritu & veritate adorare, vt non patiantur spiritum redundare in corpus, suamve internam deuotionem per corporis motum exercere aut excitare. Quod qua ratione fiat, elegantissime prosequitur D. Augustinus.

DE CANTAPRO
MORI. ca. 5.

26.

Sed & lingua mea tota die meditabitur iustitiam tuam, cum confusi & reueriti fuerint qui querunt mala mihi. i. Vbi cessauerit persecutio, lingua mea meditabitur iustitiam tuam. Eo enim tempore Ecclesia quietem nacta, vacare cepit legi diuinæ vberius inuestigandæ, & vberiore cum eruditione exponendæ. Quod ipsum in Psal. 45. ad versum 10 notatum est: Lingua autem hoc loco non corporis membrum significat: hoc enim elocutioni seruit nō meditationi, sed linguam mentis, quæ meditatur, dum in inuestigatione sapientiæ euoluendo obscura, & hæc cum illis conferendo, inuisibili modo sermocinatur, qua ratione Psalmo 36 dictum est, quod os iusti meditabitur sapientiam.

PSALMVS LXXI.

In Salomonem.

S Vb Salomonis nomine hic Psalmus in Christum immediatè dicitur, ita vt conuenientius sit eum de Christo literaliter quam allegorice exponi, eo quod in eo permulta sint, quæ Salomoni, vt etiā veteres obseruauerunt, conuenire non possint. Qui sic incipit:

Deus

Deus iudicium tuum. i. Iudicandi munus atque officium. *Regi.* i. Christo
secundum humanam naturam. *Da.* Cū autem secundum doctrinam D.
Thomæ ad iudicandi officium Christo proprium tria pertineant; Iudicium
quo in hoc mundo reguntur homines; Iudicium quo vnaquæq; anima cor-
pore exuta particulariter iudicatur; & iudicium vniuersale; precat̃ur Psal-
tes hoc loco concedi Regi munus regēdi. Describit enim hic regnum Chri-
sti quod est huius vitæ. Cumq̃ue iudicij quod Christus etiam in hoc sæcu-
lo exercet munia varia sint (ex illo enim iudicio dispensat bona pro bonis,
bona pro malis, & mala pro malis) determinat Psaltes, in quem effectum ro-
gauerit dari Regi iudicium de quo dixit, & dicit: *Et iustitiam tuam.* i. iu-
stificandi munus da *filio Regis.* i. Christo qui filius est Dei Patris, cui regia
dignitas & authoritas originaliter competit. Hanc autem interpretationem
probant sequentia, quæ sic habent:

Iudicare populum tuum in iustitia. Hæc enim verborum cohærentia non
aliū sensum importat, quam si diceret Psaltes: Iudicium tuum Regi da,
vt iudicet populum tuum in iustitia, siue iudicium ad iustificandum exerceat
in populum tuum. *Et pauperes.* i. homines sæcularis dignitatis & opulentiæ
exortes, tuos, quos tu elegisti in hoc sæculo diuites fieri in operibus bonis.
In iudicio discretionis. Insinuat enim his verbis Psaltes, quod Rex iste in
principio regiæ administrationis suæ, ad iustitiam electurus sit pauperes sæ-
culi præ diuitibus, sicut scriptum est: Videte fratres vocationem vestram,
quia non multi sapientes secundum carnem, non multi potentes, non multi
nobiles, sed quæ stulta sunt mundi, elegit Deus, vt confundat sapientes: &
infirma mundi elegit Deus, vt confundat fortia, & ignobilia mundi & con-
temptibilia elegit Deus, & ea quæ non sunt, vt ea quæ sunt destrueret. Hoc
autem iudicium siue potestas regendi Regi Regisq; filio datum est in eius
ascensione, teste Daniele in hæc verba. Aspiciebam in visione noctis, & ec-
ce cum nubibus cæli quasi filius hominis veniebat. In nubibus inquam, quia
in ascensione sua nubes suscepit eum, inquit Cyrillus: diciturq̃ue non sim-
pliciter filius hominis, sed quasi filius hominis, quia non erat simpliciter
homo, sed Deus & homo, inquit idem. Quamquam Tertull. arbitretur eum
dici, quasi filium hominis, quia Daniel in visione sua speciem tantum & si-
militudinem hominis videbat, eo quod illo tempore filius Dei nondum fu-
erit incarnatus. Hic vsque ad antiquum dierum peruenit. i. vsque ad Patris
sui qui sine principio est, thronum. Et in conspectu eius obtulerunt eum,
Angeli videlicet, qui eum honoris causa adducebant, Quibus offerentibus
competenter tribuuntur illa verba Apocal. Dignus est Agnus qui occisus
est accipere diuinitatem. i. diuinitatis gloriam & honorem. Qua oblatione
facta, dedit ei, inquit Daniel, antiquus dierum potestatem. Quam quæso?
Nisi

1.

Cōpen. Tbe.
p. 2. 6. 38.

2.

Daniel. 7.

In exposit.
Symb. Nyc.loco præst.
Crc. 25 de
incarn. viii.
Tertull. 4.
cont. Mar.
cap. 21.

Nisi sicut Euangelium loquitur, potestatem iudicium facere, quia filius hominis est. Tum enim dixit illi: Sede à dextris meis, quibus verbis iudicandi potestas & autoritas eidem conceditur. Sed quo ordine perficietur in hominibus huius iudicij atque iustitiæ effectus?

3. *Suscipiant*, inquit, *montes*. i. homines potestate sublimes, siue populi rectores, ecclesiastici præsertim ordinis *Pacem populo*. vt non solum pro semetipsis habeant opus seu fructum iustitiæ, qui teste Isaia est Pax, sed vt præ iustitiæ excellentia & pacis abundantia populo pacem adferant, pacem procurent, valeantque dissidentes conciliare, sedare turbas, inimicos cum Deo in gratiam reducere. De hac ergo pace siue pacificandi gratia præpositis ex officio competente, dicit Psalter: *Suscipiant montes pacem populo*. Cuius sensus est, Sic homines hos in sublimitate constitutos per gratiam tuam præpara, vt consentiant acceptare vel cooperari donis gratiæ à te illis infundendæ. Dico cōsentiant, Suscipere enim gratiā Dei, gratiæ est diuinæ, inquit Prosper, & voluntatis humanæ. Propter quod confitendū est, quāuis inspirationem seu infusionē præuenientis gratiæ Dei, homini sic infundi, vt eius infusionē homo non possit quidem impedire, quia nemo in potestate habet quid ei, inquit Aug. intrinsecus in mentē veniat; potest nihilominus homo, eiusque arbitratui permittitur iuxta Concil. Trident. illam inspirationem recipere, quod est consentire; vel non recipere, quod est dissentire. Et similiter potest homo, eiusque relinquitur arbitratui, per, aut secundum gratiam sic inspiratam vel infusam operari vel non operari. Quæ omnia, videlicet, consentire, dissentire, operari, non operari, non solum circa gratiam infusam, sed etiam circa gratiam excitantem ab homine fieri posse admittimus. Dicit namque D. Prosper voluntatem hominis ad hoc diuinis excitatam esse præsidij, vt diuino in se cooperetur operi, & incipiat vnusquisque exercere ad meritum, quod superno semine concepit ad studium. Cū enim in illis quæ sunt ad finem, consentire vel dissentire; & similiter eadem velle & nolle proprii actus sint voluntatis siue liberi arbitrij, vt docet D. August. & certissimum est: gratia determinationi voluntatis ad bonum præuia, in omni genere medendi atque auxiliandi hoc agit, inquit ibidem Prosper, vt receptricem donorum suorum ac famulam sibi præparet voluntatē. Quæ præparatio in primis facit volūtatē posse si velit, & appetitum rationalem accendendo in bonum, prouocat eam vt velit, præter hæc autem non dat ei aliud auxilium speciale ac præuium, quo velit. Dico præuium, quia cum iam vult, dat ei auxilium concomitans quo vult. Itaque in quouis actu seu opere bono, gratiæ præparanti accedit proprius liberi arbitrij consensus, à Deo quidem speciali gratia præparatus, per ipsum verò liberū arbitrium ex naturali sua virtute cum prædicta diuinæ gratiæ

2. de voca
gent. ca. 26

De spir. &
lit. ca. 33.
Sess. 6. c. 5.

loco præu.

De spir. &
lit. c. 33. &
1. de pecca.
merit. c. 22.

tiæ præparatione ad bonum eligendum vel exequendum determinatus atq; admotus. Non sic enim gratiæ vacandum est vt non subinferatur, inquit August. adnitendo etiam nostræ voluntatis efficacia, Adiutor enim noster Deus dicitur, nec adiuuari potest, nisi qui aliquid sponte conatur. Quæ cum ita sint, verissimè D. Hieron. in illud Pauli: Persuasio non est ex eo qui vocat vos, dixit. Simpliciores quique putantes se Deo deferre, vt persuasio quoque nostra in eius sit potestate, abstulerunt partem orationis [non] & sensum contrarium Apostolo reddidere. Siue ergo in bonam, siue in malam partem, nec Deus nec diabolus in causa est, quia persuasio nostra non est ex eo qui vocauit nos, sed ex nobis, qui vel consentimus, vel non consentimus vocanti. Hæc Hieron. Ex cuius tamen verbis hæc oritur quæstio. Si persuasio sit ex nobis, quid est quod dicit August. se requirere vt Pelagiani hanc gratiam aliquando confiteantur, qua non solum suadetur omne quod bonum est, verum etiam persuadetur? Si enim per gratiam persuadetur bonum, ergo persuasio est ex Deo. Resp. Inter August. & Hieron. nullam esse contrarietatem, quia loquuntur quidem de eadem re, videlicet Persuasione, sed non similiter. August. enim requirēs, vt Pelagius fateatur, gratiam Dei persuadere, intelligit id de gratia cor hominis sic præparare vt liberum arbitrium à sese amplectatur id quod suadetur. Hieron. autem negans persuasionem quoque nostram in Dei esse potestate, eo sensu id dicere accipiendus est, quo quidam imaginabantur, ipsum præparatæ, & inter duo nihilominus pendulæ voluntatis æquilibrium, à Deo speciali directione sine libero sui vñ moueri ac determinari. Hoc autem asseruit Hieron. verum non esse, quia pugnat, non quidem cum arbitrij libertate, sed cum proprio libertatis ac libero vñ, qui ex eo liber dicitur, quia in proprio hoc suo actu à semetipso determinatur, suâque se sponte quo libet aut visum est, mouet. Dicit quidem scriptura: Inclina cor meum Deus in testimonia tua, & similia, nec negandum est Deum id præstare, sed præstat id alio modo quam isti quos Hieron. simplices vocat, imaginabantur. Sic enim præparat, disponit & in bonum accendit cor hominis, vt voluntas quæ secundum cordis ac appetitus sui propensionem semetipsam consuevit determinare, semetipsam in illam partem in quam cor eius & appetitus rationalis à Deo præparatus est & excitatus, inclinet atque determinet. Quocirca August. interpretans illud Psalmi: Pone Domine custodiam ori meo; Hoc, inquit, est dicere: Fac vt ponam custodiam ori meo; ita & illud; Auerte oculos meos ne videant vanitatem, & reliquæ orationes quæ à Deo id præstari petunt quod nisi interueniente libero nostræ voluntatis opere non fit, in eundem modum verissimè & saluberrimè interpretandæ sint. Nam & ipse August. per quem perfectæ gratiæ cognitione Scholæ Theologicæ adeptæ sunt, cum finiendæ

2. de pecc. mer c. 5 de perfec. iust. de verb. apost. ser. 13 li. 3. in epi. ad Galat.

De gr. Christi li. cap. 10.

De grat. or li. arb. c. 17

B b contro-

*Degr. Chri
sti, ca. 47.*

controuerſiæ cauſa à Pelagio requireret, vt fateretur voluntatem & actio-
nem noſtram diuinitus adiuuari, voluit ad cautelam verba ſua ipſe inter-
pretari, Dixit enim, Fateantur Pelagiani voluntatem actionemq; noſtram,
i. inquit, vt velimus, vt agamus diuinitus adiuuari. Niſi enim Auguſt. ſua
verba ad eum modum interpretaretur, videri poſſet à Pelagianis requirere
vt faterentur quod Deus tam ſimpliciter operaretur velle, ſicut operatur
poſſe, hoc enim operatur in nobis ſine nobis. i. nobis libero ſaltem actu nō
cooperantibus: cū verò Auguſt. ipſe ſua verba, qua audiuiſimus ratione in-
terpretatur; ſatis inſinuat gratiam Dei, qua adiuuatur hominis voluntas &
actio, ad voluntatis actionisq; præparationem præcipuè pertinere, ſicut
ſcriptum eſt: Præparatur voluntas à Domino. Et: Creati à Deo in operi-
bus bonis, quæ præparauit Deus vt in illis ambulemus. Hic iterum oritur
quæſtio: Si gratia Dei ad bona opera præparat voluntatem, quæ ſit ergo
gratia Dei quæ vocatur efficax? Reſp. Dubium non eſſe quin gratia Dei
cooperans dum volumus, dum benè operamur, efficax ſit: ſed conſitèdum
eſt eam gratiam etiā efficacē eſſe & dici debere quia præſtat vt velimus, vt
operemur. Itaque gratia quæ præparat voluntatem vt benè agere vel perſe-
uerare velit, dicitur efficax, ſed diuerſimodè. Nam gratia quam Deus largi-
tus eſt Angelo, vt cum ea perſeueraret ſi vellet, in Angelo perſeuerante ef-
ficax dici poteſt ab euentu; gratia verò qua nos à Deo præparamur vt veli-
mus, dicitur efficax à virtute: Efficat enim conſenſum voluntatis. Quāquam
non ſine libero arbitrij vſu eum producēdo. Cū enim, vt D. Thomas di-
cit, & paulo antè diximus, mēs hominis de aliquo faciendo vel nō faciendo
iudicet ſecundum ſuā diſpoſitionē, nouit Deus hanc diſpoſitionē ita diuer-
ſimodè inoperari, vt tamen conſenſus voluntatis ſubinde non ſequatur, vt
vidimus in angelo labente, ſubindè verò ſequatur inſallibiliter vt in fide-
libus in Chriſto ſecundum Dei propoſitū vocatis, inſtificatis & perſeuerāti-
bus. Tantum enim, inquit Aug. Spiritu S. accenditur eorū voluntas, vt ideo
ſic velint, quia Deus operatur vt velint. Vbi hoc interim notandum eſt id
quod Aug. ibidem dicit gratiam agere liberū arbitrium indeclinabiliter &
inſuperabiliter, hoc ab eo dici, quia poſita tali gratia, nō cōtingit liberum
arbitriū declinare aut ſuperari, non autē quaſi poſita tali gratia liberū arbi-
trium declinare aut ſuperari nō poſſit. Adhæc fatendum eſt, quod ſi gratia
æquilibrium humani arbitrij ſine libero vſu ſui in bonum protruderet, illa
quam maximè efficax dici deberet, ſed quia illa ponenda non eſt, ideo eius
aliam hoc loco non facimus mentionē. Hic iterum oritur quæſtio, An non
faltē gratia liberū arbitrium præparans, idq; ita mouens, vt indeclinabiliter
& inſuperabiliter velit, libero actui contrarietur? Reſpondendū quod non,
quia liberi actus liberi arbitrij ſunt, conſentire, diſſentire, velle & nolle, ſic
tamen

*ne corr. &
grat ca 12*

tamen vt dum consentit possit dissentire; dum vult, possit nolle. Quod autē istud consentire vel dissentire, velle vel nolle, à Deo præparetur siue iue-
tur, non repugnat libero actui, quia ad apprehendendā boni perseverantiam
etiam Angelorū & primi hominis liberū arbitrium per Dei gratiam adiutū
est & præparatū; & tamē præter eos qui cū Pelagio desipiunt, nemo dixerit
per hoc adiutorium liberū ipsorum arbitrium in proprio suo actu impeditū
fuisse. Quia tamen illud adiutorium non præstabat, vt liberum arbitrium
indeclinabiliter gratiæ consentiret, eligeretve eidem cooperari, facilē ad-
mittitur à Catholicis auxilium tale proprio actui liberi arbitrij nihil præ-
iudicasse. De auxilio verò post lapsum, quod præstat vt non nisi benè vo-
lentes, non nisi benè operantes, non nisi perseverantes simus, maior est dif-
ficultas, quia auxilium huiusmodi liberum arbitrium in bonū quodam mo-
do prædeterminat. Eo tamen non obstante, ne quidem huiusmodi gratia,
gratiæve auxilium libero actui repugnat. Adiutorium enim Angelo & ho-
mini ante lapsum datum, non fuit extremum id quod Deus saluo vsu liberi
arbitrij dare potuit, sed quod pro conditione illius tēporis & status Deum
dare decuit. Dignē siquidem, vt August. verbis utar, illius status bonitati, &
non peccandi facilitati cum adiutorio sufficiente, perseverandi committe-
batur arbitrium. Lapso verò homine, quia à libero arbitrio fides, vt Atha-
nasij verbis utar, servata nō fuit, ipsiusque culpa Dei creatura perijt, & ho-
mo lapsus in deterius mutatus multis tentationibus ac infirmitatibus factus
est obnoxius, planē conveniebat, vt Deus opus quod instaurabat firmiore
muniret auxilio, nec arbitrium perseverandi vel benè agēdi eodem modo
committeret illi, qui semel fidem violarat, & eandem, ob contractam ex
priori peccato infirmitatem, iam etiam iustitiæ restitutus, minus, vt meritò
præsumebatur, erat servaturus. Cōveniebat itaque tum ordini diuinæ pro-
videntiæ, tum infirmitati hominis lapsi, vt Deus occulta sapientiæ & virtu-
tis suæ, quæ vsque ad illud tempus in ipso solo fuerant abscondita, mundo
manifesta faceret, & illud auxilium suæ gratiæ quo, salva ad bonum & ma-
lum in agendo libertate, ex genere suo efficacius esse non potest, in medium
proferret. Quod quidem ante lapsum erat intempestivum; In emensione
enim diuinæ gratiæ ordo, inquit August. servandus fuit, vt prius experien-
tia doceret quid posset, aut cum possibilitate boni, præstaret liberum ho-
minum arbitrium, Deinde quid diuinæ gratiæ hoc quod dicimus speciale
beneficium. Nec hoc ergo, quod nobis tandem explicandum est, repugnat
libertati vel eius libero actui. Si enim, inquit D. Thomas, per hominis pro-
videntiam fieri potest, vt causæ quæ deficere potest à suo effectū sic ferat
auxilium, vt interdum indeficientes sequantur effectus, sicut patet in medi-
co sanante, & in cultore vineæ contra sterilitatem vitis adhibente remediū,

Ser. 3. cont.
Arianos.

Ench. e 103

Comp. Tb.
p. 1. c. 140.

B b ij multò

multò magis ex sapientia diuinæ dispositionis contingit, vt quāuis causæ contingentes deficere possint, quantum est de se, ab effectu; tamen quibusdam adminiculis adhibitis indeficienter sequatur effectus, quod eius cōtingentiam non tollit. Hæc D. Thomas. Cuius rei ratio est, quia omne auxilium quo Deus dat vt velimus, immediatè est appetitus rationalis illarumque virium hominis, quæ consensu vel dissensu voluntatis liberè agentis naturali ordine sunt subiectæ: Proinde liberum arbitrium illas vires habet in sua potestate & suo subiectas imperio; Cui non repugnat quod eisdem indeclinabiliter cooperetur vel consentiat, Id enim etiam ex ipsius liberæ voluntatis parte oritur, cui solemne est secundum dispositionem suorum affectuum se determinare. Nec refert affectus hos sic à Deo succendi, vt voluntas non sit æqualiter disposita vel præparata ad bonum & malum: Dicere enim nullum velle vel nolle esse liberum, nisi quod proficiscitur à voluntate in vtramvis partem æqualiter disposita, Pelagiani erroris est, omnium iudicio facilè reprobati; qui nō dubitant peccare homines, quāuis ordinariè multò magis dispositi sint & præparati ad malū quam ad bonum. Sed de his hætenus, reuertimur ad textum, qui postquam pro principibus populi Christiani orauit, *suscipiant montes pacem populo*, pro ipso populo orationem subiungens addit. *Et colles*. i. qui non sunt in sublimitate positi, suscipiant *Iustitiam*, qua suæ saluti prosint, & in modum collium ad nonnullam iustitiæ sublimitatem conscendant. Nec hæc frustra Psalter orauerit, sequitur enim:

4. *Iudicabit*. i. iudicium de quo paulò ante diximus, exercebit, circa *pauperes populi*, de quibus supra. *Et saluos faciet filios pauperum*, quia vocatio hominum huius sortis ad Religionem & æternam salutem, durabit in multas generationes, donec tandem accedant pingues terræ, de quibus in Psalmum 21. diximus, vt & illi panem vitæ manducent. *Et humiliabit*, i. de principatu deiiciet & fidelium, qui sunt in sæculo infimæ sortis, pedibus substernet, *calumniatorem* qui est diabolus, falsa crimina tum apud Deum, tum apud homines impingens innocentibus. Inter quas calumnias *Epist 109* D. Bernardus, & illam recenset, quod putet diabolus nos iniuste suo imperio & supplicij consortio esse subtractos, quia alterius, Christi videlicet, pretio redempti sumus. His autem regij iudicij effectibus explicatis, transit Psalter ad enarranda quædam, quæ ad ipsius Regis dignitatem & Incarnationem pertinent, de quibus sic dicit:
5. *Et permanebit cum Sole*, vel vt interpretandum esse censet Augustinus, *Comperminebit Soli & ante Lunam*. i. expers omnis mutabilitatis, vel, maior quàm vt vlla mutabilitas per Lunam significata cum contingat, coæternus permanebit Deo Patri, qui vt Sol immutabilis est in maiestate sua. *In*

sua. In generatione & generationem, non dicit in omni generatione & generationem; per quod quid aliud significatur, quam regem hunc in sola sua immutabilitate permanfurum, donec decurrant in sæculo aliquot generationes, videlicet 76. His verò decursis, generatione videlicet septuagesima septima non permanebit solummodò ante Lunam vt prius, sed:

Descendet & sub Luna erit, quia humanæ mutabilitati se per humanæ naturæ assumptionem subiiciet. Voluit enim Dominus, vt notat Augustinus, generatione septuagesima septima descendere, vt eo numero significaret se omnium peccatorum remissionem sæculo adferre; Septuaginta septem enim constantur ex vndenario septies repetito: Vndenario autem, qui denarium (quo lex continetur) saltem vnitatem transgreditur, significatur peccatum, quod est transgressio legis. Septenario verò designatur vniuersitas, eò quod per septem dies cuncta euoluuntur sæcula. Vndenarius itaque multiplicatus per septenarium, quid portendet nisi Christum incarnatione sua nobis adducere omnium peccatorum remissionem? Quam etiam Dominus significauit, cum dixit: Dimitte septuagies septies. i. omnia eius in te peccata. Itaque compermanebit quidem soli in omni generatione & generationem, quia nunquam, ne incarnatus quidem suam deseret immutabilitatem, sed non permanebit ante Lunam in omni generatione & generationem, quia generatione septuagesima septima *descendet*, non mutando locum, nec suam exuendo immutabilitatem, sed seruilem formam, & quæ ad eam naturaliter & pœnaliter consequuntur superinduendo, ita vt per hanc formam superindutam, ipse Deus homo sit; æternus, sit in tempore; immensus, sit in definito loco; qui in cælis regnat, in terris stadium decurrat. Descendit itaque siue demisit se Deus, quia maiestate permanens per omnia immutabilis & imnotus, hæc quæ dicta sunt, & his multò inferiora, sua fecit, eademque de se veraciter voluit prædicari. *Descendet autem sicut pluuia.* Comparatur descensus Verbi pluuiæ, vt per aquarum abundantiam quam infundit pluuia, designetur nobis plenitudinem Verbi ad incarnationem se demisisse, vt notat Ber. *In vellus*, vt enim pluuia in vellus placidè illabatur, ita verbum in vterum virginis placidum & insensibilem habuit descensum, inquit Tertull. consentiente Bernardo. *Et sicut stillicidia*, quæ hic idem sunt quod pluuia, Stillicidiorum nomine appellata, quia non in torrentis modum inundat, sed per stillas guttatim decidit. *Stillantia super terram.* Vt enim pluuia in terram decidens, inebriat, inquit Isaias, & infundit eam, & germinare facit eam, sic, teste Epiph. Verbum in virginem descendens, adduxit eidem sine viri opera fecunditatem, vt terra illa virginei corporis daret fructum suum. Et sicut pluuia, vt ibidem obseruat Epiph. transfertur in naturam vniuscuiusque

G.

de confes.
Easg li 2.
cap. 4oser. 2. super
missus est.Tert. 3. con.
Marc ca. 9.Epiph in
ber. 74.

B b iij plantæ

Hilar. in
Psal. 67.
Aug. serm
108. de tem
pore.

plantæ & arboris quàm rigat, secundum propriam speciem vniuscuiusque, (transubstantiatur enim tam in vitem quam in oleam, & sic de reliquis) ita Verbum, non quidem in substantiam hominis transiit, sed ex utero eius in quam descendit, ac materia humanæ naturæ carnem matri consubstantialem fecit, eamque sibi in vnitatem suppositi copulauit. Cæterum quanquam prædicta verba hunc, quem dedimus, sensum ut proprium habeant & primarium, pulchrè tamen iuxta Hilarium & Augustinum accommodantur spirituali descensui Verbi in mentes hominum, in hunc modum: *Descendet sicut pluuia in vellus*, quia idem ipsum Verbum se ad notitiam hominum prius demittet sub imaginibus & figuris rerum carnalium. An non enim doctrina Christi decidebat in mentes veteris populi sicut pluuia in vellus, cum populus ille cognitionem Christi non apprehenderet, nisi sub figura agni, ouis, hirci, rerumque similium? Iterum descendebat prius ad hominum cognitionem, *sicut pluuia in vellus*, quia vmbrosa illa Christi cognitio nullam gentem occupabat, præter Iudæam exiguo terræ spatio definitam; erat enim illo tempore iuxta ænigma Gedeonis in omni terra siccitas, & ignorantia Christi: Postmodum verò siccato vellere, *descendit*. i. ad hominum cognitionem se demisit Verbum *sicut stillicidia stillantia super terram*, quia desertis Iudæis, vniuersa terra pluuiam doctrinæ Christianæ accepit, eamque non sub figura rerum carnalium ut prius, sed claram, puram, luculentam & à prioribus inuolucris expeditam. Vnde dicit in persona eorum Apostolus, nos omnes reuelata facie gloriam Dei speculantes in eandem imaginem transformamur à claritate in claritatem, tanquam à spiritu Domini.

7. *Orietur in diebus eius*. i. temporalis vitæ eius, *iustitia*, & *abundantia pacis*, tum propter multitudinem eorum qui ad iustitiam illis diebus conuertendi sunt, tum propter iustitiæ & pacis vbertatem; Vbertatem dico, Gratia enim, inquit Leo, per Christum aucta non cepta est. Pax autem hæc increfcet, *donec auferatur luna*. i. omnis mutabilitas atque mortalitas vsque ad corporis immortalitatem, inquit August.

Serm. 3. de
Natiuit.
Aug. epist.
119. ca. 6.
8.

Et dominabitur. i. Potestas eius atque imperium effectum fortietur, *A mari vsque ad mare*. i. per omnem terram quæ Oceano vndique cingitur, quia per eam dilatabitur Ecclesia, & à flumine Iordane scilicet, ubi per vocem Patris dicentis: Ipsum audite, magisterij & prædicandi auctoritatem, per quam regnum suum erat vsque ad terminos orbis terrarum propagaturus, accepit. Versiculo hoc frequentissimè vtuntur veteres, & præsertim D. August. contra Donat. ad probandum Ecclesiam non posse esse ad vnum orbis angulum contractam. Valet quoque ad confutandum eos; qui dicunt, *Ecce hic est Christus aut illic*. Cum autem regnum Salomonis vsque

vsque ad terminos orbis terræ se nunquam extenderit, colligunt hinc Tertull. & Hieron. hunc Psalmum ad literam de Salomone intelligi nō posse: Sicut nec illud, Permanebit cum sole & ante lunam, & quædam alia.

locus citat
Hier. in ca.
11. Daniel.
9.

Coram illo proident Æthiopes. q.d. horridum illud & deforme hominum genus. *Et inimici eius terram lingent.* i. subiecti erunt, inquit Tertul. Huiusmodi enim corporis gestu summa quædam subiectio designatur. Non solum autem populi subiecti erunt, sed etiam

Reges Tharsis & insulæ; In eo quod dicitur, *Insulæ*, intelligendum datur, inquit August. quam nulla pars orbis terrarum relinquenda sit ubi non sit Ecclesia, quando nulla relinquitur Insularum, *munera offerent* in recognitionem summi eius dominij. Alluditur autem ad id quod Regi Salomoni vicini offerebant munera. *Reges Arabum & Saba dona adducent.* Impletum est id iuxta Tertull. in Magis, qui Christum infantem muneribus coluerunt. Illi enim ex Arabia secundum probabiliorem sententiam aduenerunt.

10.
Epist. 80.

Tertull. 3.
cont. Mar.
cap. 13.

Et adorabunt eum omnes reges terræ, quia successu temporis nullum erit regnum, cuius reges non sint suo tempore conuertendi. *Omnes gentes seruient ei.* Oportet proinde, inquit August. ut in omnibus gentibus aliquando futura sit Ecclesia, nō ut omnes qui sunt in gentibus credant. Causa autem huius conuersionis est,

11.
Epist. 80.

Quia liberabit pauperem. i. virtutis meritorumque inopem, imò multis demeritis locupletē. *A potente.* i. diabolo, qui ut sortis armatus custodiens atrium suum, qua vi poterat eos in incredulitatē concludebat. *Et pauperē*, q.d. Pauperem inquā cui non erat adiutor, eo ergo maiore animi gratitudine eius auxilium est prosequendum, quia fuit in summa necessitate vnicum.

12.

Parcet pauperi & inopi. Prædicatur eius clementia, qua ab infirmis, attempta eorum imbecillitate, non requirit extremum gradum charitatis, gratitudinis, pœnitentiæ, bonorum operum, & reliquorum quæ posset à singulis his requirere, si exigeret id quod sibi par est præstari; sed parcior erit in exigendo. Lex enim clementiæ in ore eius. *Et animas pauperum saluas faciet.* i. ad salutem æternam per donum perseuerantiæ perducet.

13.

Ex usuris. Per vsuras intelligit Ambr. protoplastorum transgressionē. Per modum enim scœnoris accreuit ei iniquitas totius posteritatis, eo quod multiplicetur hæc iniquitas quasi ex semetipsa, quia sine nouo voluntatis opere per omnes multiplicatur. Ex his usuris redimit, cum peccati originalis reatum dimittit, & iniquitate. Cū iniquitas sit habitudo mentis iniustæ, quādo ex ea redimit, nisi cum ipsius mētis iniustitiam infuso Spiritu sancto tollit? Proinde peccatum per remissionem non tantum raditur, sed quoad omnia quæ peccati rationem habent, deletur. *Et honorabile nomen illorum*

14.
Ca 4 & 9
de Tobia.

coram

serm. 10.
de Quadra.
Hier. 31.

15.

coram illo. Quos enim viles fecit carnalis sapientia, nescimus quam pretiosos faciat gratia spiritualis, inquit Leo, propterea & Dominus apud Hierem. Si filius honorabilis mihi Ephraim si puer delicatus, &c.

Et viuet. Immortalis enim sedebit ad dexteram Patris: *viuet* etiam, quia de fide & corde Ecclesie nunquam eius memoria aut spiritus deficit. *Et dabitur ei de auro Arabia.* vel, quia sapientes seculi ad fidem eius transibunt; Vel, quia multi diuitias suas illi ad usum religionis, vel pauperum eius consecrabunt. Vel secundum Tertull. insinuatur hic iterum oblatio Magorum. *Et adorabunt.* i. Deum venerabuntur. *De ipso semper.* i. ob ea quæ Deus fidelibus in ipso Christo & per eum præstitit. Potest tamen & hic esse sensus: *Adorabunt de ipso semper,* quia cū Ecclesia sit corpus eius, cum ipsa actus adorationis siue religionis Deo defert, Vnde quæso illi censendi sunt procedere, nisi de ipso Christo; qui in Ecclesia tanquam corpore suo orat, Deum colit, & gratias agit? Vel, cū ipse tanquam summus sacerdos preces nostras & sacrificia reliquumque patrie cultum Deo Patri offerat, nunquid nō Ecclesia de ipso adorat, quum adorationes eius de ipso vt summo sacerdote ad Deum Patrem immediatē perueniunt? Quia tamen Christus sic nobis natus nobisque datus est, vt tamen & ipse dederit semetipsum pro nobis, vt nos redimeret; ideo non tantum de ipso nobis dato gratias agimus, aut per ipsum; sed etiam illi ipsi: subijcitur proinde, *Tota die benedicent ei.* i. sine intermissione ei sacrificium gratiarum actionis immolabunt.

16.

Erit firmamentum in terra in summis montium, Pro [*firmamētum*] alij transferendum censent frumentum, siue placentia. Hi quidem (vt tradunt Hebrææ linguæ periti) nō toto (vt aiunt) cælo aberrant, verū non satis explicant vim & energiam vocabuli Hebræi, quæ plenē explicata erit, si legerimus: *Erit firmamentum panis in terra.* Hoc autem à multis de sacramento Eucharistiæ explicatur, quod verē est firmamentum panis, quia est panis cor hominis confirmans. In cuius explicationis confirmationem pro eo quod nos legimus, *In summis montium,* Chaldaica translatio vel paraphrasis legit, erit placentula in capitibus sacerdotum, cum videlicet sacra Eucharistia populo adoranda supra capita sacerdotum eleuatur. Cū tamen nostra lectio authentica sit, illa magis hunc sensum videtur requirere. *Erit firmamentum panis.* i. sanæ doctrinæ, quæ est bonus panis, & fidei soliditas *in terra.* Dicit *in terra,* habemus enim hoc firmamentum iuxta nos, ita vt non sit necesse infallibile argumentum veritatis à Christo per reuelationem aut priuatam inspirationem de cælo, vt volunt hæretici, petere vel deducere. Et si quidem in Psalmo nihil aliud diceretur, quàm *Erit firmamentum in terra,* arbitrari liceret istud firmamentum esse Ecclesiam hic in

hic in terris militantem, eò quòd ipsa sit columna & firmamentum veritatis: Sed quia additur, *In summis montium*, oportebit fateri de alio aliquo firmamento hic esse sermonem. Firmamentum enim quod est Ecclesia, non est in *summis* solummodo *montium*, sed est per montes, colles, valles quaquaversus diffusum. Montes verò in quorum summis est hoc de quo Psaltes loquitur firmamentum, metaphoricè intelligendi sunt, eò quod firmamentum terræ ad literam sumptæ, magis in imis quam in summis montium sit. Qui ergo per montes poterunt intelligi, nisi qui in sublimitate sive sublimi potestate positi sunt, quos supra ver. 3. nomine *mōtium* intelleximus? Quorum montium summa quæ sunt, nisi hi qui inter reliquos montes potestate præcellunt, atque adeo ad potestatis culmen perucenerunt? Vbi autem est potestatis culmen, nisi in sede illius cui dictum est: Tibi dabo claves regni cælorum, siue potestatem regendi Ecclesiam? Qui ergo illi sedi præsident, *summa montium* sunt. In quibus verè est firmamentum panis, siue infallibile fidei & doctrinæ argumentum, quia eis dictum est in Petro: Confirma fratres tuos. Quamuis ergo, vt diximus, Ecclesia columna & firmamentum veritatis sit, præter id tamen est & firmamentum veritatis *in summis montium*, quod est quasi firmamentum firmamenti, cui Ecclesia ad sui firmitatem cohæret, sicut domus Rahab meretricis, quæ est Ecclesia, hærebat muro. Quocirca & in Proverbiis sapientia paruulos & vecordes vocat *Proverb. 9.* ad arcem & mœnia ciuitatis: vbi ciuitatis nomine Ecclesia indubiè est intelligenda, cuius mœnia siue propugnacula illi sunt, quos posuit in ea Dominus pastores & doctores in consummationem sanctorum, vt non simus velut paruuli fluctuantes. De quibus Isaías: Super muros tuos Hierusalem constitui custodes. Quæ verò ciuitatis huius arx est, nisi sedes Sancti Petri in sublimi posita? quæ, vt arx peculiarem sibi habet munitionem à munitione ciuitatis, cui imminet, nō dependentem, ita hæc à Christo singularem habet suæ firmitatis ac indefectibilitatis protectionem, quia ei singulariter dictum est in Petro, Non deficiet fides tua. Quæ etiam Ecclesiæ sibi cchærenti, tametsi suis pastoribus per circuitum bene munitæ, singulare præbet firmamentum atque præsidium, velut arx ciuitati. Vocat itaque Sapientia insipientes & vecordes. i. eos qui exercitatos nondum habent sensus ad discretionem boni & mali, nec valent verum à falso ratione atque iudicio discernere, ad arcem & mœnia ciuitatis, inuitans eos, vt firmamento siue infallibili argumento fidei, quod Deus posuit in Romana sede, eiúsque præsidibus tanquam *summis montium*, & simul Ecclesiæ pastoribus ei, vt ciuitas arci, cohærentibus, absque omni erroris periculo fidem adhibeant. *Superextolletur super Libanū fructus eius.* i. firmamēti huius. Cuius fructus quis est nisi ille de quo Dominus Apostolis: Posui vos vt eatis & fructum afferatis,

C c

ratis,

*Serm. 3 de
a mta aff.
ad Pont.* ratis, ordinans eos ut irent ad congregandam Ecclesiam, & rediret ad eum
à quo erant missi, portantes manipulos suos. i. secum adferentes copiosam
fidelium messem bonis operibus locupletem? Huiusmodi quoque est fru-
ctus huius firmamenti, cuius auspiciis verbum Dei crescit & fructificat in v-
niuerso mundo, & superextollitur super Libanum, quia Ecclesie Christi,
inquit Leo, cælo inferenda sublimitas in fidei quam Petrus erat confes-
sus, firmitate confurget. *Et florebut de ciuitate*; quam Isaïas vocat ciui-
tatem vanitatis, cuius incolæ sunt amatores sæculi. *Sicut fœnum terræ.* Ex-
siccabitur enim fœnum hoc, & cadet eius flos, quia superueniente amore
Dei, deficiet amor & cultus sæculi, sicut dixit Isaïas: Exsiccatur fœnum
& cecidit flos; quia spiritus Domini insufflauit in illud: *Vel, Florebunt si-
cut fœnum terræ*, quia flos sæculi sicut flos fœni, ait Iacobus, transibit. exor-
tus est enim sol cum ardore & arefecit fœnum, & flos eius decidit, & decor
vultus eius deperit: sic & diues in itineribus suis marcescet. Psalter ergo
his per spiritum prophetiæ cognitis ex sua persona subiungit:

17. *Sit nomen eius benedictum in sæcula.* i. omnes quamdiu durabit hoc sæ-
culum audito nomine Christi, ei benedicant, dent gloriā, & gratias agant.
Ante solem permanet nomen eius. Tametsi enim nomen aliquod ei imposi-
tum sit sub cælo & ex tempore; habet tamen nomen æternum, quod sine
temporis initio accepit, quod est Verbum Dei, quod nemo nouit nisi ipse,
nec est in genere signi: Ideo etiam Dominus cum Moyses ab eo peteret:
quod est nomen tuum? mentem eius agnoscens, inquit Ambr. non respon-
dit, nomen, sed negotium, Hoc est, inquit, rem expressit, non appellationē,
dicens; Ego sum qui sum. Hæc Ambrosius.

Is. psal. 43

18. *Et benedicentur in eo omnes tribus terræ.* Ergo gratia Christi non so-
lum in omnia regna, sed multò diffusius etiam in omnes tribus humani ge-
neris distribuenda est. Ideo & dicitur huic regi in gratiarum actione: Re-
demisti nos Deus in sanguine tuo ex omni tribu & lingua & populo & na-
tione. *Omnes gentes.* Non tamen ob id omnium gentium singuli homines;
ut mox ex Aug. diximus, *magnificabunt eum.* i. magnitudinē eius prædica-
bunt. Porro quia descripta Christi dispensatio seu œconomia toti Trinitati
accepta ferenda est, ob consilij benigni atque humani cōmunitatem, inquit
Dionys. omnisque diuini beneficii ac muneris societatem, subdit Psalter,
etiam gratiarum actionem S. Trinitati, dicens:

*De diuina
no p. 1. c. 2.*

19. *Benedictus Dominus Deus Israel, qui facit mirabilia solus.* Solus di-
cit, quia nullus extra eum huius beneficētissimi & admirabilis operis atque
consilij consors est. Dicimus extra eum, alludentes ad verba Isaïæ, Extra
me nō est Deus; eò quod dictio solus attributa alicui ex personis S. Trini-
tatis ratione operationis quam vocamus ad extrā, aut naturalis dignitatis,
non

non excludat ullam aliam S. Trinitatis personā. Est quidem filius solus incarnatus, sed incarnatum esse non est operatio, sed operationis terminus.

Et beuedictum nomen maiestatis eius. i. omne nomē quo exprimitur eius diuinitas sit benedictum, vt eo audito benedicant singuli Dominum. *Et replebitur maiestate eius omnis terra,* quia in omni terra ob inhabitantem fideles Spiritum sanctum, relucebit ex hominum mentibus & moribus quidam splendor præsens diuinitatis. Quis enim, inquit Leo, illic non præsens intellgat Dei maiestatem, vbi veram videt apparere virtutem? quæ vtique sine Deo nulla est, nec proprietatem obtinet dignitatis nisi spiritu sui vegetetur authoris. Cui prophetiæ suo tempore implendæ Psaltes suum votum ardentem adiungens, geminato Psalmum concludit optatiuo. *Fiat, fiat.* Quod autē in fine huius Psalmi adiungitur, Defecerunt laudes David filij Iesse, id ad titulum Psalmi sequentis referendum est, si Augustino & Hieron. credimus. 20. *Serm vlt. de Epipha.*

PSALMVS LXXII.

Defecerunt laudes David filij Iesse Psalmus Asaph.

IN hoc Psalmo describitur transitus hominis ab amore temporalium ad rerum spiritualium amorem. Conuenienter itaque in titulo dicitur. *Defecerunt laudes David filij Iesse.* i. laudes illæ quas David secundum carnem, ex carne caro natus, seu potius ex persona hominis animalis canere solet, quia, vbi carnalis homo mox dictum trāsitum fecerit, desinet esse de numero eorum, de quibus scriptum est: Confitebitur tibi cum benefeceris ei. Exinde enim, pro acceptis terrenis beneficiis non amplius carnaliter laudabit Deum. Inscríbitorque Psalmus Asaph, quia illi ad decantandum traditus est.

Quam bonus. i. quantæ bonitatis & quam varijs mensuris suam bonitatem diffundens, ita vt eam etiam in peccatores distribuatur, eosque congruis sibi afficiat beneficijs. Solem enim suū oriri facit super bonos & malos & pluit super iustos & iniustos. *Quam bonitatem admirabatur Psalmus 35.* cū diceret; Homines & iumenta saluabis Domine, quemadmodum multiplicasti misericordiam tuam Deus. *Israel Deus.* i. ille Deus qui nunc temporis à sola gente Israelis colitur, & hanc suam quam hic præcipue admiramur, bonitatem, suamque circa temporalem felicitatem prouidentiam, in Israel secundum carnem singulariter demonstrat. *His qui recto sunt corde.* i. qui cor habent nullo sinistro affectu distortum aut perturbatum, quibus *Deus Israel bonus* esse dicitur, quia hæc Dei bonitas ab eis solis agnoscitur ac intelligitur. 1.

Mei autem cum nondum essem corde recto ac benè composito, nec ad 2.

Cc ij

partici-

participationem illius bonitatis quam Deus effundit in peccatores peruenissem, *Penè moti sunt pedes, penè effusi sunt gressus mei.* i. Penè in peccatum incidi.

3. *Quia zelo indignationis zelauit super iniquos, pacem peccatorum vidēs.* i. obseruans peccatoribus illa bona obuenire, illisque bonis quæ appetunt affluere, ita ut ea affluentia pacatum reddatur eorum desiderium. Putabam enim, (quia diuina bonitatis, māsuetudinis & benignitatis hac in parte confors non eram) id indignum esse & inordinatum. Bonorum autem quibus mali me indignante affluunt, hic quædam libet recensere capita: Quorum vnum est,

4. *Quia non est respectus,* siue ut legit Ambrosius *reclinatio mortis eorum.* i. non citò deficiunt aut declinant ad mortem, sicut scriptum est: Iustus perit in iustitia sua, & impius multo viuit tempore: & non est *firmiter in plaga eorum*, quia plaga eorum citò transit aut curatur. Diues enim commotus, inquit Ecclesiasticus, confirmatur ab amicis, humilis autem cum ceciderit expellitur & à notis, diuiti decepto multi recuperatores, &c.

5. *In labore hominum non sunt.* Cum enim singula quæque hominum genera, inquit Bernardus, aliquid habeant laboris, aliquid voluptatis, aduertere est prudentiam aliquorum, & mirari quemadmodum nouo inter hæc artificio discernentes, & ea ab inuicem sequestrantes, totum quod delectat eligunt & amplectuntur, quod molestum est fugiunt & declinant: & ideo etiam si sint cum reliquis hominibus in pari vitæ genere, obtinent, ut non sint cum illis pariter in labore vel afflictione. & cum hominibus non flagellabuntur. Nouerunt enim se à communibus Reipub. oneribus & plagis eximere, suamque quam ferre deberent partem in aliorum humeros & capita deriuare. Et quod his minus ferendum est,

16. *Ideo.* i. ob immunitatem quam sibi improbè vendicant *tenuit eos superbia.* i. insuper in superbiam eriguntur, atque in ea confirmantur, cum insultatione se iis præferentes, quibus se iure ac ex æquitate in laboris consortio deberent facere conformes. *operti sunt.* i. scatent *iniquitate* in proximum, & *impietate sua* in Deum, eo quod non patiantur se laboribus hominum coerceri ac dedolari.

7. *Prodyt quasi ex adipe iniquitas eorum.* i. iniqua opera eorum ex abundantissima cordis malitia processerunt. *transierunt in affectum cordis.* i. à recta ratione se in aduersam partem transtulerunt, ut impotenter faciant ea quæ affectus prauis eorum cordis suggerit. Quod faciendum non esse, docet Bernard. Vel, *Transierunt in affectum cordis*, quia diuina (sub quibus diuina iudicia intellige) ex sui cordis dispositione æstimauerunt, inquit Amb.

Serm 49.
in Cant.
Ambr. 5.
desid c 8.

8. *Cogitauerunt & locuri sunt nequitiam.* i. sermones à se nequiter excogitatos

tatos in medium proferre, & in vulgus spargere non erubuerunt. *Iniquitatem in excelsu*. i. iniquitatē quę vociferetur & clamet in excelsu, *locuti sunt*.

Posuerunt in cælum os suum, blasphemando Deum. Blasphemiæ autem quas euomunt vnā hanc dicit esse Ambrosius. quod cum sibi sint criminum authores, dicāt se necessitate quadam fatali peccare. *Et lingua eorum*, i. superbi, impij, blasphemij sermones eorum *transiuit in terra*. i. in consuetudinem versi in prouerbiū vulgi abierunt, ita vt vulgus ab eis edoctum, improbos eorum sermones, tametsi non pari impietate, pro more tamen frequentet.

Ideo. i. quia hæc obseruat & videt impunè fieri salua interim & incolumi eorum felicitate temporali, *conuertetur intro*, ad considerationem huius rei *populus meus hic*. i. populus fidelis, seu, vt notat Ambr. qui perfectus non est, *& dies pleni inuenientur in eis*. i. tota die velut defixi incumbunt in indaginem huius admirabilis negotij.

Et dixerunt. i. primum quod circa hæc rem inquirere incipiunt, istud est. *Quo modo scit Deus & si est scientia in excelsu*? q. d. Quomodo hæc tanta vt apparet iniquitas & impunitas consistere potest cum eo quod dicitur, Deum omnia scire, eiusque oculos esse apertos super omnes vias filiorum hominum? quia,

Ecce ipsi peccatores & abundantes in sæculo, obtinuerunt diuitias, quorum prius est vt apparet iniustum, inquit Ambr. posterius verò iniquum, *Aquitas enim postulare videtur*, vt qui abundat diuitijs non obtineat ampliores.

Et dixi: Loquitur Psaltes in persona eorundem, sed in numero singulari, ac si diceret: post dubitationem quæ ex prædictis, eis ingeritur, de scientia, siue, vt dicit Ambr. prouidentia Dei; etiā apud semetipsos disputant in hunc modum. *Ergo sine causa iustificauit cor meum*, quia cum iustitiæ, vt apparet, præmia impij præ pijs, aut saltem vnā cum pijs consequantur, nulla aut saltem nulla peculiaris est merces iustificationis. *Et laui inter innocentes manus meas*. q. d. ergo frustra, vnā cum illis qui abstinendo ab operibus mortis innocentes dicuntur, sollicitus fui me à sordibus peccatorum venialium studiosè emundare.

Et fui flagellatus tota die. i. frustra, vnā cum sorte iustorum assidue aduersa sustinui. *& castigatio mea in matutinis*. i. frustra post quodcūque delictum vnā cum eis quos amat Deus, statim præ foribus redargutio mihi & castigatio præsto fuit; Deus enim quos amat, arguit & castigat. Vel, *Fui flagellatus tota die*. i. in hac disceptatione cordis mei positum sine intermissione percussit me cor meum, siue, pro huiusmodi sermonibus momordit me conscientia mea, *& castigatio mea in matutinis*. i. post conscientie remorsum, illucescente mihi diuinæ lucis matutino, cogitationū priorū arcana

Cc iij casti-

Serm. 9. de castigare cepit. Quod iustorum esse docet D. Leo. Fuit autem castigatio
Quadra. huiusmodi :

15.

Si dicebam. Narrato sic. i. si perrexero hoc quod cepi, nempe, quod impijs feliciter agentibus ego sine causa iustificauerim cor meum, pronunciare, illamque opinionem in vulgus spargere; *Ecce nationē filiorum tuorum reprobavi.* q. d. ex illa opinione mea ac sententia sequitur absurdum, reprobatio videlicet omnium iustorū ac filiorum Dei, quod scilicet & illi frustra coluerint te, nec à te maiore præmio digni habiti sint quam impij. In vtramque igitur partem habens argumenta,

16.

Existimabam. i. operæ pretium iudicabam, *et cognoscerem hoc.* i. vt operam darem ex hac ambiguitate emergere, & ad veritatis indaginem deuenire. Sed, *labor est ante me.* i. videbam mihi fore laboriosum ab hac me difficultate expedire : Cuius exitum inuenire non potui :

17.

Donec intrem in sanctuarium Dei. i. penitus introspexero sanctum & absconditum consilium prouidentia diuinæ, *et intelligam in nouissimis eorum.* i. intellexero quid Deus statuerit reddere nouissimis impiorum & iustorum. In hoc autem sanctuario vidit solutionem prædicti aigmatis. *Vidit enim placuisse Deo in sua prouidentia præparare,* vt docet August. *bona iustis quibus non fruerentur iniusti, & mala impijs quibus non cruciarentur boni; sed in finem.* Tempus enim omnis rei, inquit Sapiens, tunc erit, i. in fine huius sæculi, res omnis tam bona quàm mala locum & præmium sibi debitum consequetur. Id autem voluit Deus, vt discerēt iusti non magis pendere bona, inquit B. August. quæ in hac vita adipiscuntur & mali: *& simul discerent non seruire Deo propter bona huius vitæ.* Vtrumque autem horum facillè in animos inducerent iusti, nisi iniqui aliquando cum iustis, aliquando autem & præ illis temporalem prosperitatem à Deo consequerentur. Quapropter si præmium iustitiæ condignum & solis iustis repositum, non sine eorum emolumento in futurum seruatur, non est quod dicat infirmus pacem peccatorum videns, ergo sine causa iustificauim cor meum.

18.

Veruntamen nec præsentia bona impijs inuidenda, aut diuinæ prouidentia iudicia propter hæc sunt arguenda, quia bona hæc, malis non magnum emolumentum adferunt. In primis quia, *propter dolos posuisti eis.* Prima facie videtur hic esse sensus. Dedisti eis Domine temporalem felicitatē hac intentione, vt ex ea deciperētur; Qui sensus impius est, quasi verò Deus in huius rei prouidentia dixerit apud semetipsum quod notum est Saulem dixisse cum maligno animo proponeret Dauidi dare Michol filiam suā vxorem : Dabo eam, inquit, vt sit illi in scādalum, & sit super eum manus Philistinorum; Absit autē: Ex scripturis sacris enim manifestum est temporalem felici-

felicitatem malis à beneuolo, nō autem malignante Deo prouideri. Itaque sicut Psalmo 50. cū dicitur; Tibi peccauī ut iustificeris, particula, *ut*, ita hoc loco *propter*, non causam finalem, sed euentum significat. Sunt enim bona temporalia in mscipulam quidem pedibus inspicium, id autē prouenit, ex insipientia eis abutentium, Deo quidem id pręsciente, sed nō prouidente. Cū ergo contingat impios ex his Dei donis sibi dolum facere, & laqueum nectere, magis condolendum est eis quod temporalibus abundant quam indignandum. Quid refert enim quod quidam eorum ob hęc in sublime efferantur? *Deiecisti eos dum alleuarentur*, ita ut ipsa elatio superbientium magna ipsoꝝ depressio sit. Notat proinde D. August. quod hic non dicitur, Deiecisti eos postquam eleuati sunt, sed, cū eleuarentur, quia ipsum eleuari quamuis non appareat, deiici est. Decursis verō huius vitę, quos sibi mali ad pacem habebant, paucis & fugacibus annis;

14 de cin.
cap. 13.
Greg in 1.
Reg. cap. 5.

Quomodo facti sunt in desolationem! i. in quantam & quam admirandam deuenerunt tristitiam & desolationem, ablati iis, (sed non desiderio eorum) quibus hic securē fruebantur, & nihil inuenientes ad quod se conuerterent, eo quod nescierint prouidere in posterum, thesaurizare sibi in futurum, aut aliquid reponere in diem necessitatis, nec fecerint sibi hic amicos de mammona iniquitatis! Quę desolatio ex eo maior erit, quia *subitō*. i. ex improviso, cū diceret, Pax & securitas, *desecerunt*. i. exciderunt à splendore pristino & seculi prosperitate, sicut scriptum est: Et poma desiderij animę tuę discesserunt à te, & omnia pinguis & præclara perierunt à te, & amplius illa non inuenient. *Perierunt*. i. insuper in æternam perditionem deuenerunt *propter iniquitatem suam*, quam per prosperitatem sæculi multis modis exercuerunt, sibi quę exercendo adauxerunt. Tum verō, quid profuerit eis superbia & diuitiarum iactantia quid cōtulerit eis? Tum enim

19.

Apocal. 18.

Velut somnium surgentium Domine, in ciuitate tua. i. cum in gloria ceperit esse ciuitas tua diluculō scilicet futurę vitę, *imaginem ipsorum*. i. bona quę imaginabantur esse bona, & erant solū in speciem iucunda; *ad nihilum rediges*, quia facies nihil præteritorum bonorum eos in futurum comitari, sed ibidem experiri præteritorum bonorum vanitatem atque fallaciam. Id quę *velut somnium surgentium*. Sicut enim somniat esuriens, inquit Isaias, & comedit, cū autē fuerit expergefactus vacua est anima eius; Et sicut somniat sitiens, & bibit, & cū fuerit expergefactus, lassus adhuc sitit; sic erit multitudo omnium gentium. i. gentiliter uiuentium, cum ad futurum sæculum deuenerit. Proinde tunc dicent illud Sapientis: Transierunt illa omnia velut umbra. Hęc itaque sunt ob quę non oporteat zelare super iniquos pace peccatorum visa. Sed qua ratione tu quisquis hic locutus es in hanc æmulationem deuenisti?

20.

Isaia 29.

Sapient. 5.

Quia

21. *Quia inflammatum est cor meum*, estu indignationis ac zeli & *renes mei commutati sunt*. i. contremuerunt mihi renes præ hac animi mei commotione, sicut & Matathæ cum accensus est zelus eius. *Et ego ad nihilum reductus sum*, quia zelando prosperitatē impiorum, eandem occultē amabam & expetebam. Nisi enim illam amassem, non putassem esse mihi pro ea zelandum; Amor autem temporalium sensim ad nihilum in cōspectu Dei redigit amantem. *Et nesciui*. Putabat enim se spirituali zelo moueri. Ei proinde tunc temporis rectē obijci potuisset illud Christi; Nescitis cuius spiritus sitis. Sed nihil minus quam quod zelo spirituali motus fuisset. *Quia*
22. *Vt iumentum*. i. non intelligens siue sine intellectu, inquit August. *factus sum apud te*, desideravi enim carnis commoda & salutem temporalem quæ hominibus communis est cum iumentis sicut scriptum est, Homines & iumenta saluabis Domine. *Et ego semper tecum*, quia tamet si talium bonorum desiderio fuerim detentus, à te tamē non apostataui, nec à dijs alienis hæc quæ amabam mihi volui suppeditari. *Quid autem homini sic affecto Deus?* Nunquid illum despexit aut in illa infirmitate dereliquit? Non. Sequitur enim.
23. *Tenuisti*. i. apprehendisti sic vt tibi apprehendenti me non subducerem aut subtraherem, *Manum dexteram meam*. i. appetitum meum per quem operarer & quærerem bona quæ à dextris sunt; hunc dico appetitum, apprehendendo siue tenendo, excitasti, accendisti & dirigendum suscepisti. *Et in voluntate tua*. i. secundum propositum bonæ voluntatis tuæ, non secundum merita mea *deduxisti me*. i. in amore & studio æternorum gradatim me proficere fecisti. Atque ad huius progressionis terminum cum peruenero, dicturus sum, *Cum gloria suscepisti me*. Postquam verò tua ope atque directione in castum amorem tui rerumque spiritualium deueni, præ illorum bonorum præstantia confidenter exclamo.
24. *Quidenim mihi est cælo*, quod ibi carnaliter appetam, sicut filij Zebedæi confessum dextræ tuæ & sinistræ? *Et à te quid volui super terram?* i. quid est quod nunc super terram carnali desiderio à te requiram? Et si enim prius cūm essem vt iumentum apud te, hæc à te siue in cælo siue in terra requisierim, sed nunc non, Nunc enim,
25. *Defecit*. i. concidit & in nihilum deuenit *caro mea*. i. appetitus ille carnalium rerum, qui prius in me vigit. Defecit simul & *cor meum*, quia appetitus meus rationalis, qui cordis nomine solet intelligi, iam non amplius sensualitati deferuiens illarum rerum vt prius satagit. Nunc itaque, tu es *Deus cordis mei*, quia cor meum te vt vnicum & summum bonum suum amat atque desiderat, nec aliud abs te, nisi illud propter te, Minus enim te amat qui tecum aliquid amat quod non propter te amat. Non autē addit

Psaltes;

Psalmes: Et Deus carnis meae, inquit August. quia per eor etiam caro mundatur, sicut scriptum est. Mundate quae intus sunt, & quae foris sunt, mundaerunt. *Et pars mea Deus in aeternum.* i. te pro parte & portione mea aeterno, & quo nunc sum proposito, nunquam defecturo amore amplector. Id autem propterea addo,

Quia ecce, omnes qui elongant se à te. i. illi qui cum casto amore tibi aliquando adherentes, tibi tam propinqui fuerunt, ut vnus tecum spiritus fuerint, cum dico, hi ad carnalium amorem se conuertentes, longè (quod ex diverso rerum tanto intervallo dissitarum amore fieri necesse est) à te recedunt; *peribunt.* i. aeterna perditione digni erunt. *perdidisti.* i. ut filios perditionis habuisti *omnes qui fornicantur abs te.* i. qui tuos amplexus deserentes ad aliarum rerum amorem se transferunt. Proinde

Mihi autem adherere. i. immobili amore Deo affixum manere *bonum est,* quia id per se bonum est, & inde demum omnia alia huius vitae bona, sicut & aeternae proueniunt. Quapropter prudenter notat August. in his prophetis verbis vim & fructum dilectionis contineri. Vim quidem dilectionis, in eo quod dicitur *adherere Deo.* i. immobili ac aeterno amore eidem adglutinari; fructum verò dilectionis in eo quod dicit, *bonum est,* quia inde omnia bona procedunt. Sed quia charitas huius vitae, tametsi in praesenti multa bona adferat diligentibus Deum, non tamen omnia quae expeti possint ac debeant, ideo addit Psalmes: Bonum est mihi *ponere in Domino Deo spem meam.* i. etiam futura bona à Deo per spem cum patientia expectare. Dico cum patientia; dicit namque Cyprianus: Tolle charitati patientiam & desolata non durat. Bonum itaque est mihi ponere in Domino spem meam,

Ut spe illa in rem conuersa, annunciem omnes laudationes tuas. i. plenissimam ac dignissimam tibi celebrè laudem & gratiarum actionem, *in portis filiae Sion.* i. in confesso atque concilio sanctorum tuorum, qui illius vitae erunt. Atque hac ratione, Per omnia *Defecerint laudes David filij Iesse.*

PSALMVS LXXIII.

IN principio huius Psalmi deploratur desertio gentis Iudaicae, & oratione fusa pro eorum qui de illa gente sunt salute, enarratur quanta superbia ac impietate templum, & quae ad id pertinebant à Romanis euersa sint, sic tamè ut sub illa narratione comprehendi censeantur sacrilegia, quae Antiochus & reliqui impij ac etiam haeretici in sancta Dei sacrilegis manibus admittunt. Et quia Iudaeorum delicto salus est gentibus, transitur ab his & enarratur virtus quam exercuit Deus in conuersione gentium, quorum religiosa solennia quandoquidem multis locis erant ab infidelibus exterminanda, petitur in fine Psalmi ob gloriam diuini nominis

D d minis

minis contra vim illam sacrilegam diuina protectio.

1. *Vt quid Deus*, plagentis vox est, Cuiusmodi sermone etiam vsa est vxor Tobie cum absentiam filij sui deplorans diceret; Heu fili mi, vt quid te misimus peregrinari. *Vt quid ergo*, à gratia tua *repulisti* gentem Iudai- cam *in finem*, vt tum demum effundas super domum Dauid & habitantes Ierusalem spiritum gratiæ & miserationis? *Iratus est furor tuus*. i. vindicta tua quæ cedit in punitionem & non in emendationem *super oves pascuæ tuæ*, i. super populum Israel, quem tanquam gregem ouium deduxisti per desertum, ac manna pauiisti & doctrina veritatis.
2. *Asemor esto cōgregationis tuæ*. i. huius populi tui, vt saluos facias quos- dam ex eis, *quam possedisti ab initio*. Cū enim separares filios Adam, & diuideres gentes permittendo vt ingrederentur vias suas, hunc populum in maioribus suis tuæ gratiæ tuoque cultui ab initio reseruasti. Illa ergo tua in populum hunc benignitas te nunc ad misericordiam prouocet.
3. *Redemisti*. i. à captiuitate Ægyptiaca eduxisti. Quod dicitur Deus per redemptionem fecisse, ratione rei significatæ. Cū enim redimere sit me- diante ac interueniente iusto pretio id quod captiuum est asserere in liber- tatem: Dicitur Deus redemisse populum suum ab Ægypto, ratione myste- rij, quia populum suum à seruitute sæculi, quam significabat captiuitas Æ- gypti, liberauit interueniente pretio sanguinis sui. *Redemisti ergo virginem*, i. dimensam portionem seu partem *hæreditatis tuæ*. i. populi tui hereditas, qui à generatione in generatione in religionem patrum suorum quasi in hereditate succedebat. Dicitur ergo Iudæa *virgo dominicæ hæreditatis*, quia erat pars siue portio Domini. Partes autem solent mensura virgæ aut funiculi discrimi- nari, & ob id Israel nunc virga, nunc funiculus diuinæ hæreditatis dicitur. *Mons Sion in quo habitasti in eo*. q. d. adduxisti in super populum tuum ad locum vbi est *mons Sion*. vbi extructo templo in medio populi tui habita- sti. Ad quem montem etiam Moy ses alludit, cū dicit in Cantico, Intro- ducet eos & plantabis in monte hæreditatis tuæ. Et Apostolus, cū dicit: Non accessistis ad tractabilem montem, &c. Sed quia templum hoc ab impiis suo tempore euertendum est, cum id facere ceperint,
4. *Leua manus tuas*. i. ad morem eorum qui ferire intentant, leuabis siue præ- parabis vindictam *in superbis eorum*. Dicunt enim superbiendo, Manus siue virtus nostra excelsa, & non Dominus fecit hæc omnia. *In finem*, in fine enim intentatam principio vindictam in eos effundes. *Quanta*. i. quam hor- renda, quam indigna, & nefanda *malignatus est*. i. malitiosè machinatus est & exercuit, *inimicus, in sancto*. i. in ea quæ ad religionem & populi sancti- ficationem fuerant instituta.
5. *Et gloriati sunt Romani qui oderunt te*. i. odio tui illa perpetrarunt, *in medio*

medio solennitatis tue. i. in die Pasche qui solet esse ad solennitatem tibi,
Gloriati inquam sunt, in illo die se hanc tibi contumeliam irrogasse.

Posuerunt iam paulo antè priusquam templum euerterent, signa sua si- 6.
gna, tum enim & aquilam auream super porticum templi Herodes & eque-
strem statuâ Adriani Imperatoris in sanctum sanctorum alius quispiâ in signa
superbiæ suæ constituerunt. Vel, iam euerso templo in locis quæ prius signis
victoriarum Dei ope partarum religiosè nobilitata fuerant, ipsi trophæa
sui sacrilegij erexerunt. *Et non cognouerunt*, id est, non intellexerunt ne-
que præ oculis habuerunt, vt hæc facerent, *sicut in exitu super summum*,
siue desuper, vt legit D. August. Non enim cogitabant hæc facere ea inten-
tione, ex qua à Deo egressus erat sermo vt hæc fierent. Dei namque inten-
tio siue consilium erat abolere Ierusalem & templum, vt ex eorum euer-
sione manifestum euaderet iam venisse Christum. Cum enim à prophetis
fuerit prædictum, quod venturus esset ad templum sanctum suum domina-
tor Dominus, quodque in Ierusalem esset occidendus, necesse erat his ex-
terminatis Dominum iam prius venisse ad templum, ac fuisse occisum. Pul-
chrè proinde Tertull. aduersus Iud. Redde Iudæe statum, vrbis videlicet 6.
& templi, & alium Christum venire contende. Cyrill. vero prædicti exter-
minij causam esse dicit, vt, quandoquidem absque templo vel tabernaculo
non potuit lex magna ex parte seruari, his deletis, Iudæi legalium obseruā-
tiam per omnia deleuerent. Sed nihil minus. Pertinaciam enim eorum be-
ne depinxit Ieremias in hæc verba. Cumq; non possent, euerso scilicet tem-
plo omnia, imò præcipua legalis obseruantie præscripta seruare, tenuerunt
lacinias suas. i. à solido abruptas & dilaceratas quasdam laniatæ suæ religio-
nis partes mordicus sibi reseruauerunt. Cum ergo Deus hoc consilio vo-
luerit Ierosolymam & templum euertere, & poterat illa euersio religio è
fieri, Romani Dei consilium impio animo & intentione impia perfecerunt.
Proinde Deus *lenando manus suas in superbias eorum*, non quod ipse per
illos agebat aut intendebat, sed quod ipsi voluerunt, ait Aug. eis retrahit.

Quasi in silua lignorum securibus exciderunt ianuas eius in idipsum. i. certa- 7.
tim ianuas tēpli & exedrarū exciderunt ea petulātia qua ligna in siluis exci-
derēt. *In securi & asina defecerunt eā*. Vrbē Hierosolymā & quæ erāt in ea.
Huiusmodi enim fabrilibus instrumētis etiā vsi sunt ad euertendā ciuitatē.

Incenderunt igni sanctuarium tuum. i. templū de quo dicit Isaias; Domus 8.
sanctificationis nostræ & gloriæ nostræ, vbi te laudauerunt patres nostri
facta est in exustionē ignis. *In terra*. Dicit *in terra*. Vel, quia ad sanctua-
rium cæleste nō pertingit manus eorum, Vel, quia insinuat huiusmodi im-
pietatem & sacrilegium ab infidelibus per vniuersam terram suis temporib-
us fieri. *Polluerunt*. i. ignominia ac contumelia dehonestauerunt *Taber-*

D d ij *naculum*

maculum nominis tui. i. templum, in quo prius prædicabatur, laudabatur, celebrabatur nomen tuum. De quo ipse dixisti. Erit nomen meum ibi.

9. *Dixerunt in corde suo cognatio eorum simul.* i. omnes illi qui tametsi natione distincti, impietate tamē sacrilega sunt cognati; Ex quo apparet Psalmum hunc extendi ad quosuis sacrilegos, eumque propterea ab Ecclesia cuiusuis publici sacrilegij tēpore conuenienter frequentari. Hæc ergo tota eorum cognatio, vno sensu eademque sententia dixit: *Quiescere faciamus omnes dies festos Dei à terra.* Et quia dies festi ad cultū Dei instituti sunt, quid sibi hoc compromisso aliud volunt, quam vt cessare faciant omnē Dei cultum à terra? His malis accedit quòd subdit Psalter in persona Iudæorum deplorantium hæc.

10. *Signa nostra,* quæ & cuiusmodi videbamus cum Heliodorus templum prophanare vellet, *non vidimus.* *Iam non est propheta,* quales erant in populo tempore Babylonicæ captiuitatis. *Et nos non cognosceret amplius.* q. d. & si esset propheta, nō agnosceret nos eos esse quibus prophetare deberet. In quem sensum etiam illud accipi debet, quod pro hoc eodem tempore in persona Iudæorum dicit Isaïas, Abraham nesciuit nos. Per hæc enim verba non datur ab Isaïa intelligi Abraham ignorasse illa quæ fiebant circa populum, sed non agnouisse eos pro suis filiis. Idque, donec veniat Elias & cōuertat cor patrum ad filios, quia conuersis Iudæis, patres eorum Abraham Isaac & Iacob, denuo amabunt eos vt filios.

11. *Vsq̃ue quo Deus improp̃erabit inimicus.* i. cultum veræ religionis nobis in improp̃erium obijciat. *Irritat aduersarius nomen tuum.* i. illa quæ de te communi fidelium sermone prædicantur & celebrantur, vana & inania facere satagit?

12. *Vt quid,* sermo est piè cōquestuosus, *auertis manum tuā,* non protegēdo. *Et dexteram tuam de medio sinu tuo.* s. non profers, sed eam velut in sinu tuo contines, idque *in finem,* vt tunc demum eam ad vindictam proferas? Absit autem, non auertit Deus manum suam nec dexteram suam de medio sinu suo in finem. Deserta enim gente Iudaica eo quod ipsa regem suum à se repulisset.

13. *Deus autem rex noster ante sæcula.* i. qui cū sit ante sæcula regit omnia sæcula, *operatus est salutem in medio terræ.* i. illo tempore salutem quam propagaturus erat vsque ad extremum terræ, operari cepit in medio terræ. i. Hierosolymis, quæ teste Hieron. est vmbilicus terræ. Idque, vel quia ibi in salutem totius terræ crucifixus est Christus, vt intelligunt Hieron. & Beda. Vel, quia ibi primò noui testamenti congregauit Ecclesiam, in totius mundi salutem vbique propagandam. Quo autem medio, quæ ratione hanc salutem in medio terræ operatus est?

Hier in ca.
5. t. 7. ch.
Beda de loc.
sancti c. 5.

Tu con-

Tu confirmasti. i. quadam immobili virtute, ita vt ne quidem ministro-
rum iniquitate infirmari possit. *in virtute tua*, quam nemo enervare potest,
mare. i. baptismi sacramentum per mare rubrum præfiguratum, nam omnes
qui illud pertransierunt, in Moyse baptizati sunt in mari. *Contribulasti ca-*
pita draconum in aquis, quia per aquas baptismi caput siue principatum de-
monum, cum magna eorum afflictione deiecisti. Dicit proinde Cypr. Scias

14.

Epist. 76.

Tu confregisti capita draconis, quia & aliis modis, aliquando sancto-
rum tuorum imperio (vt sententia Pauli qua indixit mago, qui querebat a-
uerrere proconsulem à fide, cecitatem) aliquando exorcismis dominatum
ac violentiam demonum ad nihilum redeigisti. *Dedisti eum escam populis*
Æthiopum, quia à pœnitentibus & iustis exturbatus, solos impios qui E-
piphonio populi Æthiopum sunt, malis suis artibus & promissis, inquit D.

15.

Epist. 76.

27.

Hieron. in

c. 33. Ezech.

16.

Tu dirupisti fontes & torrentes. Aperuisti enim ora Apostolorum, &
eorum qui ab illis cruditi sunt, vt de intimis pectoribus suis abundanter pro-
ferrent fluentia euangelica doctrina. *Tu siccasti fluuios Etban*. i. fluuios for-
tes, inquit Hieron. Per quos intelligitur affluentia rerum huius seculi, quæ
tam fortis est, vt plures inuenias à copia quam inopia rerum secularium
fuisse detictos, obrutos ac superatos.

Hier de 40

māf. māf. 7

Tuus est dies. A te enim illuminati lumine tuo clari sunt & illustres qui-
cunque sunt filij diei. *Tua est nox*, quia in tua potestate sunt & à tua mise-
ricordia repulsi non sunt illi qui adhuc in tenebris versantur, vt noctem eo-
rum vertas in diem, & ponas tenebras eorum coram ipsis in lucem. *Tu fa-*
bricatus es Auroram. i. eos qui in primordiis suæ illuminationis consistunt.
Et solem. i. fecisti & eos qui ad perfectam lucem & ardorem pertigerunt.

17.

Tu fecisti omnes terminos terræ. i. erexisti Ecclesiam per omnes termi-
nos & fines terræ. *Æstatem*. i. tempus maturitatis & messis. *Et Ver.* i. tem-
pus sementis. nam hæc sibi tempora habet Ecclesia; Non ignorans quan-
do sibi seminandum sit, quando de suorum maturitate gaudendū, *Tu plas-*
masti ea. Tua enim hæc omnia opera sunt quæ egisti, cum circa Iudæam vi-
dereris dexteram tuam in medio sinu tuo ad quietem reclinare. Attamen,
sicut populus Israel Dei magnalia prius expertus, ob peccata sua vna cum
illis quæ suæ erant religionis, manibus inimicorum ac infidelium, vt audiui-
mas, traditus est; ita populus Christianus etiā ob peccata sua manibus hæ-
reticorum affligendus, cultusque Christianæ religionis ipsdem evertendus,
ob peccata eorum, tradetur. Quod cum fiet, infideles illi non impropera-
bunt populo sua peccata, tanquam ob illa sibi hæc licuerint, sed imprope-

18.

D d iij rabunt

rabunt Domino imbecillitatem tanquam qui nō valeat hęc efficaciter prohibere. Id enim impropertant Domino quidem in suis cordibus: Ore autem idipsum impropertant Christo in sacramento corporis & sanguinis sui. Et etiam in sanctis suis, in quorum tamen manibus gladij ancipites ad faciendam vindictam in nationibus increpationes in populis. Cū ergo hęc ita fiant, fideles qui sciunt hęc ob sua peccata fieri, (data est enim potestas cōtra iuge sacrificium propter peccata, inquit Daniel) nō habentes merita per quę possent Deum, vt prohibeat hęc, obsecrare, allegant eidem impropertantia infidelium, quę cedunt in iniuriam diuini nominis, vt Deus saltem ob gloriam nominis sui dicta sacrilegia atque blasphemias prohibeat, & dicat.

19. *Memor esto huius.* Cuius? *Inimicus impropertauit Domino.* Vt videlicet ad auertenda impropertantia sancti nominis tui eorum studia cehibeas. *Et populus insipiens,* qui stolidē ignorat hęc non per imbecillitatem virtutis tuę, sed ob peccata populi tui permitti. *Incitauit nomen tuum.* i. blasphemias suis incitauit te, vt propugnes nomen tuum, ac glorię nominis tui habear rationem.

20. *Ne tradis bestijs animas confitentes tibi.* i. ne permittas eos qui confitentur tibi quod iustus & verus sis, quodque ipsi peccauerint tibi, deuenire in potestatem eorum, qui membra sunt illius bestię quam vidit Ioannes simikem pardo ob varietatem, habentem pedes vrsi per stupiditatem, & os sicut os Leonis, quia nihil nisi sua loquitur & blasphema. Hęc ergo oratio coincidit cum oratione Machabęorum, qui ē potestate infidelium cruti, prostrati in terram rogabant Dominum, vt si quando iterum peccassent, mitius ab ipso corripentur, & non traderentur barbaris & blasphemis hominibus. *Et animas pauperum.* i. paupertatem suam agnoscentiū, tuorum quales tu, vt tuos diligis: *ne obliuiscaris in finem.* i. Ne eis subuenire differas in finem, sed opem gratię tuę etiam in pręsenti vita eis exhibe.

21. *Respice in testamentum tuum.* Hęc oratio propriē spectare videtur Iudęos, vt circa eos impleat Dominus illud testamentum de quo Apostolus. Veniet ex Sion qui auferat impietatem à Iacob, & hoc à me testamentum illis cum abstulero peccata eorum. In quibus verbis prędicitur conuersio Iudęorum circa finem sæculi. *Quia repleti sunt, qui obsecrati sunt terrę, domibus iniquitatum.* i. quia Iudęi corda habent plena iniquitate, eò quod amor terrę. i. rerum terrenarum eos excæcauerit. Cū itaq, multis grauentur demeritis, vt eis subuenias, respice in testamentum tuum. Quę tamen oratio etiam accommodari potest Christianis terrę immeritis, vt intelligatur super eos inuocari testamentum Domini nouum, quo promisit sine pręuijs meritis homines & tenebris & vinculis suis educere.

22. *Ne auertatur humilis factus confusus.* i. ne repellatur ab auribus tuis oratio.

oratio eius ad confusionem vultus eius. *Pauper & inops*, qui absque confidentia meritorum suorum gratiam à te ambiunt, & requirunt, *laudibunt nomen tuum*, cum contrà superbi omnia à te accepta arbitrentur sibi deberi, & ob id non referant tibi debitas laudes. Itaque ob gloriam nominis tui exaudi nos.

Exurge Deus, iudica causam tuam, periclitatur enim nunc gloria nominis tui, *memor esto, impropiorum tuorum, eorum quæ ab insipiente sunt tota die*. i. memor esto, facta rerum commutatione, sinem imponere impropijs, quæ tibi tuisque institutis infideles sine intermissione irrogant. 23.

Ne oblitiscaris voces. i. contumelias ac blasphemias *inimicorum tuorum*, qui tibi, eo quod inimico in te sint animo, nec credere volunt, nec ab alijs credi cunctantur exhiberi permittunt. Nec quanto diu differa horum malorum recordari, dilatio enim non cedit eis in emendationem, quia *Superbia* eius filii sunt contumelia, irritio, blasphemia, *eorum, qui te oderunt, ascendit*. i. increfcit, ac maiora effundit *semper*, quamdiu sibi permittitur. 24.

PSALMVS LXXIIII.

In finem ne corrumpas psalmus Cantici Asaph.

DEscribuntur hoc Psalmo quædam, quæ in extremo iudicio facturus est Christus, inscribitur proinde per modum admonitionis, *In finem ne corrumpas*, quia lectione huius Psalms admonemur, ut præseruemus nos ab æterna illa corruptione, quam in illo die haurient peccatores terræ, ex fœcibus calicis furoris omnipotentis Dei. Prioribus autem Psalms verbis loquuntur Christiani enarrantes officium suum, quoad illa quæ Dei sunt: & dicunt,

Confitebimur tibi Deus, confitebimur confessione laudis & gratiarum actionis; *Et inuocabimus nomen tuum*. i. orationibus operam dabimus, quas à laudibus Dei ordiendas esse ex D. Basil. in Psal. 17. diximus. 1.

Narrabimus mirabilia tua, ut ea deducamus in notitiam aliorum ac ob ea apud omnes sanctificetur nomen tuum. Christianis verò hæc sibi studia proponentibus, & his vacantibus respondet Christus. *Cum accepero tempus*. Secundum humanam naturam loquitur, secundum quam accipit tempus sibi oportunitatem, qui secundum naturam diuinam idem sibi præstituit, atque ut D. Athan. loquitur, adducit. *Cum ergo inquit accepero tempus*. i. iustum iudicium *extremo iudicio destinatum. Ego iustitias iudicabo*. i. iustum iudicium *in bonos quam in malos exercebo*. Instante verò iudicii die, 2.

Liquefacta est terra, & omnes qui habitant in ea. i. vigor fidei ac charitatis, tam in illis, qui in repub. aliorum velut basis sunt, quam in alijs qui hisce 3.

hisce basibus innituntur elanguit, & solutus est, vsque adeo vt dixerit Dominus: Filius hominis veniens putasne inueniet fidem in terra? Interim tamen, *Ego*, inquit Christus, *confirmavi*. i. in fide & iustitia conseruaui columnas eius, quo nomine Ambr. & Cyrill. intelligunt Apostolos & Præpositos quibus tota structura Ecclesiæ Dei innititur. In medio enim liquefcantis terræ & habitantium in ea, Dominus multos ex Ecclesiæ præpositis in auita fide & integritate confirmat, vt in expositione nostra in Cant. Cant. quedam loco ex Cypr. demonstrauius, per quos confirmat reliqua quæ moritura erant, ita vt Ecclesia etiam illo tempore tota, siue per omnia membra sua pulchra sit & formosa. Tametsi itaque Ambr. alibi columnarum nomine intelligat, quosuis qui vincunt hoc sæculum, Dicatque de illis hoc loco dici, *ego confirmavi columnas eius*, videtur tamen prior eius expositio conuenientior, tum quia columnarum nomine præpositi Ecclesiarum solent intelligi, Dicente Apostolo de Iacobo Cepha & Ioanne quod videbantur columnæ esse; Tum quia per talem intellectum non solum indicatur quod illi qui habitant in terra siue populi confirmati sint, sed indicatur ordo per quem sunt confirmati, Opera videlicet & exemplo suorum præpositorum. Porro, per columnas has & eos qui ab illis confirmati sunt, qui, vt imminente diluuiò Noë, sic hoc rerum statu erunt iustitiæ & pœnitentiæ præcones; per hos inquam:

4. *Dixi iniquis, nolite iniquè agere*, quod est, peccatum ab ipsis committendum prohibere. *Et delinquentibus*. i. illis qui peccata iam committunt vel admiserunt, *Nolite exaltare cornu*. i. nolite cristas erigere & gloriari cum malè feceritis, vel, nolite erecta ceruire in impœnitentia perseuerare, inquit Gregorius.

Psalm. cur p.
3. ad m. 31

5. *Nolite*, inquam, *extollere in altum cornu vestrum: nolite loqui aduersus Deum iniquitatem*, Dicentes: nō videbit Dominus, nec intelliget Deus Iacob. vel, Vbi est promissio aut aduentus eius, ex quo enim patres dormierunt, omnia sic perseuerant sicut à principio creaturæ. vel, Percussimus sædus cum morte, cum inferno fecimus pacem, flagellum inundans cum transierit, non transibit fines nostros. Hæc omnia enim & similia tum temporis maximè dicenda sunt ab ijs qui fruuntur hoc sæculo; Sed iniquè in Deum dicuntur, continent enim contemptum diuini iudicii imminensis.

2. Pet. 3.

Isaia 28.

6. *Quia neque ab oriente, neque ab occidente, neque à desertis montibus*. i. quia nulla parte poteritis iudicium imminens effugere, nullisque desertis ab illo vos abscondere. *Quoniam Deus index est*, qui dixit per Sophoniam. Congregans congregabo omnia à facie terræ. Et per Ioëlem. Congregabo omnes gentes, & deducam eas in vallem Iosaphat, & ibi disceptabo cum illis. Omnibus verò ad iudicium congregatis,

Sophon. 1.

Joel 3.

Hunc

Hunc humiliat & hunc exultat, quia ex omnibus quosdam secum sursum ad gloriam euehet, alios verò in profundum laci detrudet atque demerget. Id autem faciet, non pro mero arbitratu aut potestate sua, sed *quia calix in manu Domini*. Tum temporis enim assumet Christus in manu *calicem*. i. retributionem siue partem atque portionem quæ unicuique debetur: Calicis enim nomine retributionē significari supra diximus. Qui quidem calix est, *vini meri*, quia meracus in isto calice potus est quo inebriabuntur, qui eo digni fuerint, ab ubertate domus Dei. Quid enim meracius diuinitate? *Ple-nus misto*. quia iustitiam Deus misericordia temperat, inquit Hieron. Hoc *Hier in e 3* autem recte additur cum huius vini meri sit mentio, quia rarissimus vini il- *Malach.* lius copiam consequitur, nisi prius iudicium eius misericordia temperetur. Hunc autem calicem non sine discrimine in omnes effudit: sed,

Inclinat ex hoc in hoc, siue ut alij legunt, *ex hoc in hunc*, quia unicuique eorum quos exaltabit ex eo sigillatim dabit potum, ita ut singuli peculia- rem sibi partem siue portionem ex hoc calice accipiant: Ut etiam ex hac me- taphora appareat in retributione non omnes fore æquales, siue vno, quod aiunt, succo sine discrimine persufos. *Veruntamen*, siue, nihilominus, *fex eius non est exinanita*, quia quamuis calix iste sit *vini meri*, est tamen in eo & *fex*, quam *bibent omnes peccatores terræ*, quia bibent de calice vini furo- ris omnipotentis Dei, qui potus recte comparatur fecibus, quia, ut inquit Isaïas, amara erit potio bibentibus eam. Interim tamen non est prætereun- dum quod hic dicitur, *fex eius non est exinanita*, quia, ut præclare hunc lo- cum interpretatur Ambrosius, inclinatur quidem Christus calicem, (ex eo enim potum fellis dat etiam impiis) sed non euacuat, quia plenitudinem iræ suæ non effundit. Quod ergo inclinatur, censuræ est; Quod non euacuat, est mi- sericordiæ, quia iudicium quoque cum misericordia temperat Dominus Deus noster. Hæc Ambr. Ex quo loco satis testatum euadit impios in fu- turo seculo mitius esse puniendos quàm merentur, præsertim cum nec Au- gustinus hanc sententiam improbauerit.

Ego autem (inquit Ecclesia) *annuncialis in sæculum*, non enim cessat Ec- clesia futurum Dei iudicium prædicare, *Cantabo Deo Jacob misericordiam & iudicium*.

Et omnia cornua. i. omnem superbiam & arrogantiam, virtutem ac potē- tiam *peccatorum confringam*. i. ad nihilum redigam, cum Christus accepe- rit tempus iudicandi iustitias. Hoc dicit Ecclesia ratione Sanctorum suo- rum, quia cum in illa die Dominus iuxta vaticinium Isaïæ, incuruauerit ci- uitatem sublimem, siue sæculi superbiam, humiliaueritque eam usque ad terram, & detraxerit usque ad pulverem, tunc conculcabit eam, ut idem ait, *Isaïa 26.* pes, pedes pauperis gressus egenorum. *Et*, eodem tempore, *exaltabuntur*

E c cornua

cornua iusti. nam iusti tunc temporis absque omni superbia, fastu, vel arrogancia cristas erigent.

PSALMVS LXXV.

In finem in laudibus Psalmus Asaph, Canticum ad Assyrios.

Isaia 14.

Cum in hoc Psalmo bona ex parte describatur extremum iudicium, non abs re inscribitur *ad Assyrios*, per iudicium enim illud implebit quod se facturum iurauit Dominus, cum per Isaiam diceret: Si non ut mente tractavi ita erit, ut conteram Assyrium in terra mea, & in montibus meis conculcem eum. Quod quidem de exercitu Sennacherib ad litteram intelligendum videretur, nisi sequeretur: Hoc consilium quod cogitavi super omnem terram, & hæc est manus extenta super vniuersas gentes. Itaque Assyrius incircumcissus cum vniuersis gentiliter viuentibus in die iudicii in terra Domini conterendus est, ut in posterum non gerat iniqua in terra Sanctorum. Dirigitur etiam Psalmus *in finem in laudibus* in die enim iudicii, *Cogitatio hominis*, ut habet Psalmus, *confitebitur Domino, & reliquiae cogitationis diem festum agent ei.*

*1.
Tract 106.
in Ioan.*

Notus in Iudæa Deus. Tametsi in gentibus non ignotus fuerit Deus, inquit August. Hæc est enim, ait, vis veræ diuinitatis, ut creaturæ rationali iam ratione utenti non omnino ac penitus possit abscondi; Exceptis enim paucis, in quibus natura nimium deprauata est, vniuersum genus humanum Deum mundi huius fatetur authorem. In hoc ergo quod Deus fecit hunc mundum cælo terraque conspicuum, etiam antequam imbuerentur fide Christi, notus omnibus gentibus Deus. In hoc autem quod Deus non est iniuriis suis cum dijs falsis colendus, notus in Iudæa Deus. Hæc Augustinus. Secundum Aug. ergo, *notus in Iudæa Deus*, quia sola gens Iudæa decalogo, quem sola accepit, erudita, sciebat non esse sibi deos alienos habendos coram Domino, siue, deos falsos sibi non esse vna cum vero Deo colendos. Ex cuius etiam verbis manifestè apparet notitiam vnius Dei naturaliter haberi posse; Qui proinde cum alibi dicere videtur vnius Dei notitiam non posse haberi nisi munere diuinæ gratiæ, intelligi debet id dicere de illis, quibus per gentilitios errores natura nimium, ut mox dixit, deprauata est. Qui enim notitiam vnius Dei superstitione perdiderunt, aut etiam ingenij hebetudine assequi non potuerunt, non assequuntur eam, nisi humani erroris atque ignorantiae tenebras lux diuinæ gratiæ dispulerit. Cum tamē in Psalmis, posterior versiculi pars fere soleat explicare priorem, videtur Psalmus potius loqui de notitia earum rerum, quæ de Deo cognosci non possunt nisi per reuelationem, quia sequitur: *In Israel magnum nomen eius.* i. In Israel habetur notitia illius magni nominis Adonai, quod Deus Abraham, Isaac,

Isaac, & Iacob, & gentibus non indicauit. Et similiter, *in Israel magnum nomen eius*, quia Deus annūciauit verbum suum Iacob, & iustitias suas Israel, non faciens taliter omni nationi, & iudicia sua non manifestans eis. Itaque Iudæorum atque Israelis secundum carnē, eorūque qui erant sub lege prerogatiua fuit de Deo per reuelationem quādam nosse, quę cuiusuis ingenij humani sagacitatem atque virtutem excedunt. Quia tamen per hanc prerogatiuam eis data est sterilis cognitio mysteriorum Dei, subiungitur in Psalmo, quod præstantius est, & dicitur:

Et factus est in pace locus eius. q.d. Post legem verò dedit Deus pacem 2.
hominibus eos reconcilians sibi, eosque per donum charitatis, quę non est nisi in reconciliatis, inhabitans. Itaque pax qua mediante factus est Deo locus in nobis, est fructus, siue effectus nostrę cum Deo reconciliationis. Sed præter eam est quādā pax nobis necessaria, non tam vt Dei habitatio quā eius operatio sit in nobis, quę pax posita est in passionum nostrarum ac appetituum quiete quadam ac tranquillitate. Fructus siquidem inhabitantis Dei, quę est eius (quatenus in hac vita haberi potest) fructio, inspiratio, inoperatio, à nobis non percipitur nisi animo pacato, & à perturbationibus, tametsi nō magnopere illicitis siue mortiferis, immuni, libero & expedito. Dicit proinde Tertull. Deus præcepit Spiritum S. vtpote pro bono suę nature tenerum & delicatum, trāquillitate & lenitate, quiete & pace tractare, *de spect.*
non furore, non bile, non ira, non dolore inquietare. Quem paulò post inquietari testatur quauis tacita nostri spiritus passione siue passionis cōmotione. Qui proinde alibi deplorat Christianos motibus passionum suarum *cap. 15.*
fructui inhabitantis Spiritus sancti obstaculum ponere, cū dicit: Lheu, Christianus spiritum quem à Domino sumpsit sæcularis rei gratia cōcutit. *lib de pas.*
Non dicit, Executit, non enim deplorat ibi (quamuis id maximè deplorandum sit) Spiritum, sæcularis rei gratia à Christianis pelli, sed operationes eius, quę nisi in animi tranquillitate (sunt enim sibili aurę tenuis) percipi non possunt, à perturbatis sæpenumero eorum affectibus expungi, excludi, ac exturbari. Et, loco ex lib. de spectaculis paulo ante allegato, vehemēter dehortatur Christianos à contuitu spectaculorum, eo quod necesse sit, animum etiam eius qui spectaculis pro dignitatis, ætatis vel etiam naturę suę conditione probè & modestè fruitur, tacita, inquit, sui spiritus passione ex iisdem variis modis concuti, commoueri, perturbari, eumque causa vel tantillæ perturbationis, Spiritus sancti contubernio atque consuetudine, durante ea animi perturbatione, fraudari. Si autem Tertull. etiam hac de causa Christianos deterruit, ne spectarent gentilium spectacula, quot putas hodie sunt rerum atque negotiorum genera, à quibus Christianis abstinendum erit, ne aliqua, v.g. lætitię cupiditatis, indignationis, tristitię, zeli, impatien- *cap. 7.*
E c ij tię pas-

tiae passione conturbati, Spiritus sancti inspiratione, directione, ac consuetudine se priuent atque subducant? Itaque; cum dictum est, *factus est in pace locus eius*, edocti sumus qualis, cuiusve conditionis debeat esse locus quem inhabitet Deus; reliquum erat, ut Psaltes, sicut in principio cum dixit, *Notus in Iudaea Deus, in Israel magnum nomen eius*, non solum indicauit quod Deus mysteria sua reuelasset, sed etiam quibus ea reuelasset; ita nunc, postquam dixit qualis debeat esse locus quem inhabitet Deus, insinuaret quanam illa congregatio sit, quam post reuelationem veteris testamenti in habitationem sibi eligeret Deus, subdit proinde, *Et in Sion*, quae est Ecclesia, *habitatio eius*, repulsa enim synagoga, Ecclesiam Deus elegit in templum sibi, de qua dicit Psalmus; Quoniam elegit Dominus Sion, elegit eam in habitationem sibi. Et de eadem ipse Dominus: Haec requies mea in saeculum saeculi, hic habitabo quoniam elegi eam.

3. *Ibi. i. in loco pacis suae, confregit potentis arcuum.* i. vim & studia insidiorum siue insidiantium. Pax enim Christiana nescit insidiari. Confregit ibidem & *scutum*, quo repelluntur, Apostolo teste, tela inimicorum. Caritas enim nouit, ubi opus est, non resistere malo, sed si quis percussit maxillam unam, praebet illi & alteram. *Gladium.* Caritas enim non infert malum. *Et bellum*, Bellum inquam, quod intentione & opere bellum est, à Bellona concitatum, in quo infesto utrimque animo concurritur. Cuiusmodi erant bella gentilium, quibus per Christianam religionem finem imponendum esse passim praedicat scriptura. Haec bella conterit Caritas, ipsa enim pacato & pacifico animo bella sua molitur ac sustinet. Per *Sion* tamen ubi mox dicta est esse habitatio Dei, intelligi potest Ierusalem ciuitas celestis, in qua est plenitudo pacis, in qua perfectissimè confringuntur potentiae arcuum, scutum, gladius & bellum. Post haec autè ex abrupto transit Psaltes ad perficiendam narrationem eorum quae de extremo iudicio superiore Psalmo incompletè recensuerat, & dicit ad Christum:

4. *Illuminans tu mirabiliter.* i. In die iudicii mirabili modo illuminabis abscondita tenebrarum, & manifestabis consilia cordium. Tua enim virtute in momento unusquisque conscius fiet omnium eorum quae cogitauit, dixit, & fecit, cognoscetque certissimè & inuitabiliter, quae & qualia illa sint ac fuerint. Hanc autem illuminationem praestabis à *montibus aeternis*, quia, ut ex

Comp tbe.
p. 2. c. 61.

Hiero in c.
§ 2. i. i. a.

D. Thoma suprà diximus, sancti iam ante iudicium vniuersale aeterna gloria à te donati, cooperabuntur ut unicuique appareat causa saluationis & damnationis tam sui quàm aliorum, eo modo quo superiores Angeli inferiores, vel etiam homines illuminare dicuntur. D. Hieron. tamen interpretatur illuminationem hanc huius esse viam, in qua illuminamur doctrina & eruditione Apostolorum atque maiorum qui sunt velut montes aeterni. *Turbati sunt*

sunt omnes insipientes corde, quando secus quam putarant, imo quam sibi persuaserant, de operibus atque consiliis suis ad eternam suam perditionem sentire debebunt.

Dormierunt somnū suum. i. eo tempore edormierint impij somnū suum. 5.
Somnus enim, inquit Ambros. est hic viuendi vsus, in quo diuersæ commutationum vices tanquam ebriæ, & nihil solidum, nihil firmum. Tanquam dormientis somnium videntes non videmus, manducantes non saturamur, gratulantes non gratulamur, currentes non peruenimus. Itaque inanes & vacuæ rerum species tanquam in somno venerunt, abierunt, astiterunt, euanuerunt. Teneri videntur & non tenentur, &c. Vbi ergo edormierint somnum hunc, & iuxta prophetiam Danielis euigilauerint in opprobrium sempiternum, *nihil inuenerunt omnes viri diuitiarum in manibus suis*. Tum enim transierint omnia quæ erant in hoc sæculo ad voluptatem, tanquam umbra, vt in Psal. 72. dictum est. Dicuntur autē isti *virī diuitiarum*, vt ostendantur, inquit Ambros. nō posse flores suarum diuitiarum fuisse, sed à suis diuitijs fuisse possessos. *Ambr. e. 15 de Naboth.*

Ab increpatione tua Deus Iacob, qua in illo die increpabis iniquos, vt in Psal. 2. & 9. dictum est. *Dormitauerunt.* i. sine consilio vertiginosi, sine viribus languidi facti sunt, *Qui ascenderunt equos.* i. ambulauerunt in superbia ac præsumptione. 6.

Tu terribilis es, Ita vt impij ruinas montium inclament super se, dicentes montibus cadite super nos, & collibus operite nos, & abscondite nos à facie sedentis super thronum & ab ira Agni. *Quis enim stabit ad videndum te? Et quis resistet tibi?* In illo enim die, inquit Ambros. nec pretio redimeris, nec potentium supercilio inflecteris, sola culpæ pretia discriminās potentes potenter flagellabis. *Ex tunc.* i. ab illo demum die *ira tua* suum dicenda est habere locum, aut sortiri effectum. Tametsi enim peccatis hominum etiam in hac vita irascaris, illisque inferas iram, quia tamen, vt verbis Eliu apud Iob vtar, nunc non inferis iram, nec vlcisceris scelus valdè, meritò dicitur, *ex tunc ira tua*, quia ira quam nunc inferis ad illam quam tunc inferes, ne quidem commemoranda aut ira appellanda esse videtur. 7.
Apocal. 6. Malach. 3. Cap. 16. de Naboth.

De caelo auditum fecisti iudicium, quia de caelo motu corporali descendens, ex superiore parte aëris iudicij tui detonabis sententiam. *Terra tremit*, Concussione enim cōcutitur terra, inquit Isa. commotione commouebitur, agitatione agitabitur sicut ebrius. Tum enim omnis mons & insula de locis suis motæ sunt, inquit Apocal. *Et quieuit*, quia ab illo die culturæ in posterum non subiucuit, nec vllum fructum sponte sua suppeditauit. 8.

Cum exurgeret in iudicium, siue ad iudicandum *Deus. Vt saluos faceret.* 10.
Eccl. iij. ret. i.

ret. i. perpetua salute donaret omnes mansuetos terræ. Hi autem qui sunt, nisi illi qui secundum patientiam boni, vt loquitur Apostolus, operis, gloriam honorem & incorruptionem quæsierunt? Vnde autem est quod istos in iudicio saluos faciet Deus?

10. *Quoniam cogitatio hominis* quæ est initium omnis boni operis, nõ enim essent bona opera, inquit August. nisi præcessissent cogitationes bonæ; *degrat & lib. arb. c. 5* *confitebitur tibi* tanquam ipsius cogitationis authori, non enim sumus sufficientes cogitare aliquid ex nobis quasi ex nobis, sed sufficientia nostra ex Deo est. *Et reliquæ cogitationis.* i. quod cogitationibus reliquū est, vel videlicet & perficere, *Diem festum agent tibi.* i. se sacrificabunt tibi, aut semetipsas tibi tanquā authori ascribent. Si ergo mansueti quos diximus in illo die salute donandi sunt, quia & initium omnis boni operis quod est cogitatio, & eiusdem cōsummatio Deo in ipsis authore prouenit, quid per hæc datur intelligi, nisi mansuetos tum fore saluandos, quia Deus omnia eorum opera operatus in eis, fecit eos dignos æterna salute? Dicunt enim, *isaia 26.* apud Isaiam iusti. Domine, pacem (æternam) dabis nobis, omnia enim *Serm 62. in Cant.* opera nostra operatus es in nobis. D. Bern. verò prædicta verba aliter intelligit, dicens: Cogitationem hominis spiritualis confiteri Domino, cum id quod de cogitatione. i. meditatione vel contemplatione pia verbo vel exemplo in medium venire potest, ad laudem & gloriam Dei in publicum profertur, reliquum verò quod in plebium ædificationem expendi non potest, Deo dicatur & in internum Deo sacrificium conuertitur. Sed quid consilij superest hominibus vt Christum iudicem clementem inueniant?

11. *Vouete, & reddite Domino Deo vestro, omnes qui in circuitu eius affertis munera.* Vbi per munera, quæ sunt spontanea donaria, intelliguntur opera supererogationis, de quibus conuenienter dicitur: *Vouete*, illa enim vt docet Ecclesia, propriè sunt materia voti: eo quod vouere sit promissione Deo facta, vinculum religioſe obligationis, sola sua voluntate sibi iniungere; Si sola sua voluntate, ergo voto non subiaceret, quod diuinitus obstringit. Quid autem est quod de oblatione munerum dicitur *Vouete*, si non præstantius sit ex voto quam sine voto eiusmodi opera præstare? Idque quia illa quæ ex voto præstantur, ex voluntate in bono magis obfirmata & proinde meliore, proficiuntur. An boni operis rationem diminuat vinculum obligationis? Fateor id locum habere in illis, in quibus vinculum istud diminuit deuotionem voluntatis. Qui autem, prout oportet, gaudent sibi non licere quod cum suo detrimento licuisset, quid eis detrimenti adfert necessitas boni operis, vbi ipsa necessitas filia est bonæ voluntatis? Sed Vouere, inquiunt, contrariatur libertati? Et quare quæſo *vouere*

vouere magis quam uxorem ducere? Si enim homo salua sua libertate se potest obstringere homini, cur non itidem Deo? Proinde vouere non præiudicat libertati, sed non posse vouere eidem præiudicat. Hoc enim imponit voluntati, quod non possit semetipsam ad alteram partem obfirmare aut obligare. Quæ cum ita sint, merito adhortatur Psalter fideles ad offerendum Deo munera paratos, ut eadem voueant siue ex voto Deo offerant. Tametsi verò vouere bonum sit, est tamen tum demum vouendum, ut in hunc locum saluberrimè docet August. cum vouendi propositum Deus aspirat. Tunc enim ad perpetuam alicuius rei obseruantiam fiducialiter se voto obstringere quiuisset, quia, si vouendi propositum Deus ei aspirauit, ergo Deus in eo bonum illud cepit, est ei proinde iustum sentire cum Apostolo, quod qui cepit in eo opus bonum, perficiet usque in diem Christi. Deo autem vouendi propositum non aspirante, non arbitror alicui consultum fore ut voueat, tametsi contingat illam temeritatē Deo miserante subinde cedere in bonum. Dicit namque Concil. Arausicanum, *Cōc. Araus.* quod nemo rectè Deo voueat, nisi quod ab illo acceperit; iuxta illud; *2. ca. 11.* quæ de manu tua accepimus, dedimus tibi. *Et reddite.* Prius consilij, hoc autem est præcepti, ut notat Augustinus: Malum enim est homini deuotare Sanctos, & post vota retractare; quia displicet Deo infidelis & stulta *1. ad Ro. cap. 24.* promissio. Quæ autem promissio est infidelis, nisi cum, re promissa & non præstita, à vouente fides non seruatur? *Vouete ergo & reddite Domino Deo vestro.*

Terribili. dicit *Terribili*, ut deuotione operum supererogationis unusquisque studeat cum sibi efficere benignum atque placatum: vel, ut insinuet Deum terribilem fore illis, qui promissa non præstant. Idque, quia sicut Phariseis dicit Christus, quod faciant profelytos suos filios gebennæ duplo quam erant ipsi; quia profelyti negligebant, ait D. Augustinus, implere quod sponte susceperant: ita & votifragorum certum est aggrauari iudicium, ex eo quod non soluant id, quod sponte promiserunt. *Et ei qui aufert spiritum.* .i. elationem, confidentiam, insolentiam *16 cō. Fau-* *stus, c. 29.* *incipum:* tum enim, ut Isaias prædixit, quiescere faciet Dominus superbiam infidelium, & arrogantiam fortium humiliabit, & erunt quasi damulæ. *Isaia 13.* .i. pleni trepidatione fugientes, & quasi oues. *Terribili apud omnes reges terræ,* quia horrendè, inquit Sapiens, & citò apparebit eis, atque iudicium durissimum his qui præfunt, fiet, fortioribusque fortior instabit cruciatio. *Sapiens, 6.*

PSAL-

Psalms, qui inscribuntur Asaph, Sinagogam ferè concernere non semel dicit D. August. cuius sententia in hoc Psalmo locum habet. Tametsi enim complures eius versus ad varias utilitates atque occasiones dirigi possint, ipse tamen Psalmi contextus orationem continet pro conuersione Iudæorum. Proinde cum Psalmo hoc utimur ad exorandam eorum conuersionem, tum eo utimur in sensu proprio ac præcipuo; cum verò in admonitionem, exhortationem, salutemque aliorum, tum illum ad ea quæ sunt Iudæorum rebus cognata extendimus. Quod etiam in aliis locis scripturæ sacræ habet locum. Nam quædam in illis diriguntur ad certas nationes, inquit Tertull. quæ cum ad intentionem nostram detorqueamus, non proponimus nobis exhortationis proprietatem, inquit, sed exemplum. Itaque Psalter in Psalmi huius principio velut ab exemplo docet, quæ orantium debeat esse disciplina, quæ instantia, & simul enarrans quis debitæ orationis sit fructus; exinde, quibusdam quæ concernunt Iudæorum conuersionem interpositis, enarrat magnalia quæ Deus in prædicatione Euangelij præstitit, ex iis semetipsum erigens in spem, de futurâ, per similia Dei magnalia, Iudæorum conuersione.

De præscr.
adu. bar. c.
8 & 9.

1. *Voce mea ad Dominum clamaui, voce mea ad Deum, & intendit mihi.*
Dicit, *intendit mihi*; Tametsi enim oratio à principio non consequatur suum fructum à Deo, vix tamen, inquit Bern. egressa est de ore, quin Deus eam scribi iubeat in libro suo, vt det nobis suo tempore, aut quod petiuimus, aut quod magis expedit nobis.

Bern. ser. 5.
de Quadr.

2. *In die tribulationis meæ Deum exquisiui manibus meis.* i. operibus meis. Quo modo enim Deus incorporeus & impalpabilis manibus queritur, si non operibus? inquit August. D. tamen Epiphan. accommodat hæc verba tanquam dicta sint in persona Apostoli Thomæ, qui quæsiuit Christum manibus contingere, & est ei indultum. *Nocte*, cuius intempestiua importunitas declarat instantiam querentis. Ob quam & Lucæ 11. Amicus iuit ad amicum media nocte. Qui enim meritis Deum exorare non valet, restat ei vt id improba quadam instantia conetur. Non ergo, inquit Basil. tecum dixeris, peccator sum, & propterea non exaudiar. Vt enim diffidentia tibi causam omnem præcideret Deus, dixit: etsi non dabit ei surgens eò quod amicus eius sit, propter improbitatem tamen eius surget & dabit ei quotquot habet necessarios. Hæc Basil. *Contra eum*. i. coram eo. Pulcher tamen sensus dari potest si intellexerimus *Contra eum* idem esse quod aduersus eum, vel, ei ex aduerso, Sensus enim erit, *Exquisiui Deum contra eum*, id est,

Quasi

Aug. epist.
121. c. 11.
Epipha. in
Ancorat.

Basil. const.
monast. c. 2

Quasi contentiosè egi contra Deum, instans pro auxilio, cum ille me videretur repellere. Cuius rei exemplum habemus in Chanaanæ. *Et non sum deceptus*; quia voti compos factus sum; sicut & Chanaanæ, de qua dicit Amb. *Ambr. 5. in Lucam.* quod ipsa pertinax in precibus negantem inclinauerit.

Renuit consolari. i. ad quietem se conuertere aut contenta esse, *anima mea* donec scilicet Dominus exaudiret, sicut scriptum est: Oculi meus afflictus est (præ lachrymis.) Nec tacuit, eò quod non esset requies, donec respiceret & videret Dominus de cælis. Et alibi: Oratio humiliantis se nubes penetrabit, Et donec propinquet non consolabitur, & nō discedet donec altissimus aspiciat. Vcl, *Renuit consolari anima mea*; quia ei qui Deum instanter quærit, omnibus præsentis vitæ delicijs atque solatijs est renunciandum. Quod necessitatis tēpore priscos Christianos fecisse narrat Tertull. Nos ieiunijs aridi, & omni continentia vitæ expressi, ab omni vitæ fruge dilati in sacco & cinere volutantes, inuidia cælum tundimus, &c. Inter hæc tamen homo consolationis omnis expers non permanet, sequitur enim: *Memor fui Dei & delectatus sum.* Dei enim per speciem suam absentis vel recordatio, credentem exhilarat; præsertim si cogitet se illius clementia licet post multa demerita saluandum fore, vt docet Hieron. *Quæ delectatio fuit proposito supplicis huius valde oportuna*, scriptum est enim: *Delectare in Domino*, & dabit tibi petitiones cordis tui. *Et exercitatus sum*, ad profectum fidei & diuinæ recordationis. *Et defecit spiritus meus.* Spiritus hominis est spiritus erroris, qualis erat in prophetis, de quibus dicitur: Væ prophetis insipientibus, qui sequuntur spiritum suum. Est etiam turgens tumensque quiuis vitiosus affectus; Hic exercitatione eorum quæ Dei sunt, defecit, quia solēne est humano spiritui iisdem gradibus deficere, quibus gratia Spiritus S. per nouum spiritum in interiore homine accrescit.

Anticipauerunt vigilias oculi mei. i. spiritu meo in præcordijs meis de mane euigilaui ad Deum, vt in Psalmum 62. explicuimus. *Turbatus sum*, ex obstreperis suggestionibus corrupti cordis mei, *Et non sum locutus.* Illa enim quæ prauitas cordis, etiam orantibus, suggerit, coram Deo eloquenda non sunt.

Cogitavi dies antiquos. Dies antiqui illi esse videntur à quibus ille qui Danieli apparebat, dicebatur Antiquus dierum, quam interpretationē confirmare videtur quod sequitur, *Et annos æternos in mente habui.* Solent enim in Psalmis verba versiculorum posteriora, præcedentia interpretari vel determinare. Possunt tamen per dies antiquos intelligi dies præteriti sæculi, & per annos æternos dies futuri sæculi, siue dies, si qui sint, æternitatis.

Et meditatus sum nocte cum corde meo, & ea quæ Deus præteritis generationibus.

Ff

ratio-

rationibus ad hominum salutem egit, & ea quæ futuro sæculo hominibus reseruat. *Et exercitabar*, in cognitione æternorum siue in vera sapientia, quæ D. Augustino est æternorum cognitio intellectualis. *Et Scopebam*. i. agitabam siue fodiebam *spiritum meum*, quem ad hæc meditanda à Domino acceperam, ventilans eum, vt repulsis quasi paleis, quæ eidem ex infirmitate hominis adhærent, liber esset, expeditus, acer, mundus, ad penetranda & percipienda secreta Dei. His ergo viribus fidei, deuotionis, sedulitatis, & constantiæ instructus atq; exercitatus atque ad id quod proposueram præparatus, sic mecum cepi quærere:

7. *Nunquid in æternum projiciet Deus?* gentem Iudæorum? Quod tamen vt in argumento Psalmi diximus, aliò extendi potest. *aut non apponet, vt complacitior sit adhuc?* i. Estne adhuc tempus, vt iræ quam hactenus exercuit, adiiciat placiditatem, ei que placeat vt placatus reddatur populo suo?

8. *Aut in finem misericordiam suam abscindet, à generatione in generationem?* Quod dicitur, à generatione in generationem, arguit hic esse orationem pro salute alicuius gentis, cuius est per generationes perseverare.

9. *Aut obliuiscetur misereri Deus, aut continebit in ira sua misericordias suas?* q. d. Non: Cùm enim iratus fuerit misericordiæ recordabitur. Ex hoc loco probare conatus est Origenes pœnas damnatorum aliquando per misericordiam Dei finiendas, sed ineffaciter. Docet enim D. August. istud impleri aut in hac vita, vbi Deus iram suam misericordia temperat, dum huius vitæ ærumnas intermedijs suis benedictionibus temporalibus tam circa reprobos quam electos mitigat. Aut circa electos, quos in hac vita per gratiam suam è criminibus educit: quæ expositio maximè probabilis est, quia sequitur: *Nunc cepi, hæc mutatio dextera excelsi;* Vt etiam notat

Aug. 21. de
Ciuil. c. 24

Hier. in ca
3. Sophon.

Hieron. Aut si istud circa damnatos locum habet, tum intelligi debet Deum non obliuisci misereri, quia damnatos mitius punit quàm merentur. Hæc August. Itaque vt ad propositum redeamus, spem optatæ conuersionis præbet pia præsumptio de misericordia Dei. Nunquid autem effectus diuinæ misericordiæ ex parte gentis Iudaicæ impediatur, eo quod in ipsa nullum appareat futuræ conuersionis initium? Nequaquam: Hoc enim Psaltes aut quicumq; hæc loquitur argumento à se deducto sibi persuadet. q. d. Iudaicæ gentis conuersionem, ne dictam quidem ob causam desperavi, quia,

10. *Et dixi, nunc cepi, hæc mutatio dextera excelsi.* q. d. Ego ipse aliquando agnoui me iustificationis initium habere, illudque mihi à Deo auctore prouenisse: Ex me itaque disco conuersioni Iudæorum non obstare, quod ne initium quidem eius ex semetipsis habeant. Nam & idem quod ego accepi conuersionis initium, adducet eis dextera excelsi. Quapropter Concil. Arausic. & Augustinus ex his Psalmi verbis probant initium vitæ bonæ ex

2. 1. can. 15.
Aug. 2. ad
Bonif. c. 10

Dei

Dei dono esse. Quin nec solum ex semetipso deducit Psaltes argumentum rei iam dictæ, sed ex multis & magnis Dei operibus quæ in confirmationem eiusdem rei adducit, de quibus sequitur:

Memor fui operum Domini: quia memor ero ab initio mirabilium tuorum. Dicit, *Ab initio*, quia etiam ante Christi tempora, multa in salutem generis humani machinari cepit Deus. 11.

Et meditabor in omnibus operibus tuis, & in adinventionibus tuis. i. iis quæ in lapsum salutem recenter manifestasti, quæ quidem fuerunt tempore primæ integritatis in sola prædestinatione tuæ sapientiæ abscondita. *Exercebor.* Illa autem sunt hæc quæ sequuntur. 12.

Deus in sancto via tua, quia Christum sanctum sanctorum constituisti nobis viam, ut per fidem quæ tempore huius vitæ præcipue meditatur illa quæ sunt humanitatis eius, aliquando perueniamus in contemplationem diuinitatis eius, & per exempla patientiæ & humilitatis eius perueniamus ad consortium beatitudinis eius. Ideo & ipse dicit: Ego sum via. *Quis.* s. eorum qui dii esse creduntur, *Deus magnus,* qui talia præstitit populo suo, *sicut Deus noster. Tu es Deus qui facis mirabilia.* Quaris quæ? 13.

Notam fecisti in populis virtutem tuam, efficacis scilicet gratiæ tuæ, cui à nullo duro corde resistitur, de qua dixisti: *Cōuertam in profundum maris.* Quæ virtus inter recentes adinventiones Domini non extremū locum habet. Sicut nec id quod sequitur: *Redemisti in brachio tuo.* i. filio tuo per quem fecisti & sæcula, *Populum tuum, filios Iacob & Ioseph.* i. electos tuos tam ex Iudæis quàm gentibus. 14.

Viderunt te aquæ, Deus, viderunt te aquæ. i. ad agnitionem tui nominis deuenerunt populi, & *timuerunt.* i. timorem tui, suæ iustificationis initium conceperunt. *Et turbata sunt.* i. contremiscere ceperunt, *abyssi.* i. illi qui aliquando profundo fuerunt corde. 15.

Multitudo sonitus aquarum. i. multi populi in confessionem tui nominis voces suas concorditer extulerunt. *Vocem dederunt nubes.* i. Apostoli, q. d. Apostolis prædicantibus hæc multitudo collecta est. 16.

Etenim sagittæ tuæ. i. verba prædicantium, cooperatione spiritus tui, *transeunt,* quia cadunt, inquit Ambrosius in corda inimicorum regis. *Vox tonitruui tui.* i. Evangelicæ prædicationis quæ in modum tonitruui auditum hominum inuisibili fragore percussit ac penetravit. Vnde etiam Ioannes & Iacobus Boanerges. i. filij tonitruui dicti sunt. *In rota,* quia in modum rotæ quam vidit Ezechiel, per vniuersam terram circumuoluta est. 17.

Illuxerunt coruscationes tuæ. i. miracula, per quæ maiestas diuinitatis tuæ rapido quodam corusco micat, *orbi terræ.* *Commota est,* & *cōtremuit terra,* quia mundus visis miraculis fidem & timorem tui concepit. 18.

Ff ij *In mari*

adiunctis sibi promissis & beneficijs temporalibus Iudæos præuaticatores constituerit, quodque Lex cum promissionibus atque terroribus suis, Iudæis fuerit adminiculo ad exhibendum legi forinsecus obseruantiam, non autem ab intus. Lex enim illa non mundabat secretæ mentis, vt cum Ambrosio loquar, affectum. Id verò hoc fine, vt harum rerum contemplatione Christiani spem adipiscendæ iustitiæ & obedientiæ in Christi gratia, maiore cum deuotione collocarēt. Proinde hic Psalmus Christianis scribitur, primisque eius versibus Christiani, qui ex Iudæis ad Christum vocantur, compellantur, quos Psaltes in persona Christi hoc modo alloquitur.

Attendite popule meus legem meam. i. noui testamenti doctrinam. Ex eo autem quod dicit: *Populus meus*: & *legem meam*, manifestum euadit hic esse sermonem in persona Christi, cuius est populus, cuius est & lex. *Inclinate aurem vestram.* i. humili & demisso animo auscultate, *in verba oris mei*; quæ proprio ore vobis profero. 1.

Aperiam in parabolis os meum; Dicit, *aperiam*, prius enim Christus parabolas loquebatur, quas postea discipulis seorsum enarrabat. *Loquar propositiones ab initio*, absconditas. Hunc sensum requirunt verba Matthæi, dicentis: Eructabo abscondita à constitutione mundi. Christus enim illa docuit per quæ veteris testamenti ænigmata patefacta & intellecta sunt. Cum verò Christus suam doctrinam in medium proferret, populus Iudaicus, secundum Hieron. eam recipiens, propter doctrinæ eius, cui dictum est, *Meliora sunt vbera tua vino fragrantia vnguentis optimis, præstantiam*, in admirationem raptus, sic apud se dicebat: 2.

Quanta. i. quantæ virtutis atque præstantiæ verba & opera, *audiuimus* de Christo, & *cognouimus.* i. intelleximus ea, inquit Ambrosius. *Et patres nostri narrauerunt nobis.* Narrabant enim patres filiis familias verba & opera Christi à generatione in generationem. Vnde sequitur: 3.

Non sunt occultata à filiis eorum, in generatione altera.

Narrantes laudes Domini. i. prædicantes eum, & *virtutes eius.* i. virtuosa opera pietatis, clementiæ & mansuetudinis eius. *Et mirabilia eius.* i. miracula, quæ fecit. 4.
5.

Et. Transit nunc Psaltes ad describendam veteris testamenti historiam, quam orditur in hunc modum: *Suscitauit testimonium in Iacob, & legem posuit in Israel*, in Sina scilicet, quæ lex dicitur testimonium, quia testificata est hominibus quod egerent iustitia Dei, aut gratia noui testamenti. Circa quæ legis tempora, 6.

Quanta mandauit patribus nostris, secundum carnem. *Nota facere ea filiis suis*, vt cognoscat generatio altera, quæ in nouo testamento Christum receptura erit. 7.

8. *Filij qui nascentur & exurgent in nouam religionis formam, & narrabunt filijs suis, ea scilicet, quæ iis euenerūt qui sub lege fuerūt, idq; hoc fine.*
9. *Vt ponant in Deo spem suam. i. discāt à Deo donum iustitiæ per gratiam expectare & sperare à Deo legis obedientiam. Et non obliuiscantur operū Dei, & mandata eius exquirant, quæ tempore veteris legis in testimonium diuinæ gratiæ fecit. Huius rei exemplum habemus in Actis, vbi Petrus qui erat ex circumcisione, & iam pertinebat ad generationem alteram, memor eorum quæ illi qui sub lege fuerant in Dominum admiserunt, & à Deo vicissim receperunt, hortatur, vt doceant discipulos, tam ex Iudæis quam ex Gentibus, salutem per gratiam Christi accipere, dicit enim: Quid tentatis imponere super ceruices discipulorum iugum, quod neque nos, neque patres nostri portare potuimus, sed per gratiam Domini nostri Iesu Christi credimus saluari. Ad hoc autem patres ea quæ dicta sunt, narrabunt filijs;*
10. *Ne fiant sicut patres eorum, qui scilicet sub lege fuerunt. videlicet generatio praua & exasperans.*
11. *Generatio quæ non direxit cor suum, ad obediendum Deo, quia solo timore legem seruauit. Et non est creditus cum Deo spiritus eius. i. non habuerunt spiritum fidei, vt ex fide iustitiam à Deo impetrarent.*
12. *Filij Ephraim. i. Iudæi sub lege constituti, intendentes & mittentes arcum, conuersi sunt in die belli. i. similes sunt eis qui magnū quidem bellandi apparatus faciunt, & tempore bellandi se in fugam conuertunt. Quibus rectè comparantur Iudæi: Dixerunt enim magna voce, Omnia quæ dixerit nobis Dominus faciemus; & cum ad rem ventum est, promissa non præstiterunt, quia,*
13. *Non custodierunt testamentum Dei. i. pactū quod iniit cum eis in Sina. Nunquid autem ex infirmitate? non: Quia in lege Domini noluerunt ambulare, ergo ne bonam quidem in obsequium Dei voluntatem habuerunt. Dices: Secus tamen oportuisset, eo quod Deus quos ex Ægypto liberauerat, multis beneficijs ad obsequendum sibi prouocarit; Ita quidem, sed ipsi*
14. *Obliti sunt benefactorū eius, & mirabilium eius quæ ostendit eis. Quæris vbi, & quando?*
15. *Coram patribus eorum. i. inspectantibus patribus eorum, fecit mirabilia in terra Ægypti, in campo Taneos. i. in agro regiæ ciuitatis, quæ dicitur Thanis: Ibi enim Moyse à Pharaone egressus, mirabilia illa per quæ afflicta est, & ad quæ obstupuit Ægyptus, operatus est. Cum verò patres eorum iam essent egressi ex Ægypto,*
16. *Interrupit mare, & per medium maris, perduxit eos, in littus aduersum. Et statuit, in altum hinc inde crexit aquas immobiliter in ea forma conseruans eas, quasi in vitro. Et post transitum maris rubri,*

Et de-

Et deduxit eos in nube diei. i. in columna nubis per diem : Et tota nocte 17.
in illuminatione ignis. i. in columna ignis per noctem.

Interrupit petram in eremo, & aduauit eos velut in abyſſo multa; 18.
Tantam enim petra à Moyſe percuffa aquarum eis ſuppeditauit copiam,
quantam ſuppeditare poſſet ingens, & cuius vadum nescias aquarum gur-
ges. quod ipſum Pſaltes ad commouendam admirationem, repetit verſu
ſequenti :

Et eduxit aquam de petra, & deduxit tanquam flumina aquas. 19.

Et, q. d. Per hæc tamen nihilo meliores effecti, appoſuerunt adhuc pec- 20.
care ei: in iram excitauerunt excelſum in iniquoſo.

Et tentauerunt. i. irritauerunt Deum in cordibus ſuis, vt peterent eſcas 21.
animabus ſuis; q. d. cum peterent eſcas animabus ſuis, conuerterunt ſe non
ad deprecandum, ſed ad irritandū Deum præ cordis ſui duritia omnis ſup-
plicij ſiue affectus ſupplicis nescia; Volentes enim beneficium à Deo,

Malè locuti ſunt de Deo, eius potentiam reuocantes in dubium, *Dixe-* 22.
runt, nunquid poterit Deus parare menſam in deſerto? Qui ſermo dubitan-
tium eſt, ac proinde ex infidelitate procedit: Fides enim ex eo quod defi-
niatur ſperandarum ſubſtantia rerum, certum ac fixum conſenſum requirit,
vt ex illis verbis Apoſtoli, docet Bernardus, ita vt de fidei rebus non li-
ceat tibi, inquit, putare aut diſputare, iſſve dubium adhibere aſſenſum ſine
fidei iactura. Et hæc quidam ex illis. Alij verò eorum apud ſemetipſos
ſic dicebant:

Quoniam percuffit petram & fluxerunt aquæ, & torrētes inundauerunt. 23.

Nunquid & panem poterit dare aut parare menſam populo ſuo? q. d. Vi- 24.
dimus & ſcimus eum aquam eduxiſſe de petra, idque tanta copia vt in tor-
rentis modum aquæ è petra prorumperent, non obſtante tamen tam claro
potentiæ eius documento, nunquid ſicut id potuit, ita etiam poterit tantæ
multitudini eſcam præbere? Quæ incredulitas non eſt ex infirmitate vt
prior, ſed planè cōtumax, quæ diuinæ omni potentiæ clariſſimis argumen-
tis in faciem præſecta reſiſtit. Cū enim potentia Dei quæ potum mira-
culoſè ſuppeditat, poſſit præbere & cibum; profectò qui potentiam hanc
in vna parte expertus, de eadem circa alteram dubitat, eum non argūmenti
inſufficientia, ſed contumax proteruia incredulum facit. Quid verò circa
hos contumaces Deus?

Ideo audiuit Dominus & diſtulit; ſupple, vindictam inferre: Idque vt 25.
notas nobis faceret diuitias longanimitatis ſux, & nos ſuo diuino exem-
plo ad longanimitatem prouocaret: Si enim peccatis hominum ſemper
præſto eſſet diuina vindicta, inureret infideles Deo notam paſſionis & im-
patientiæ. Ipſis verò hac longanimitate Dei non reſipiſcentibus, *Ignis*

accenſus

accensus est in Iacob, & ira (quæ mox ignis dicta est) *ascendit in Israel*, ita vt secundum duritiam cordis sui, & impœnitens cor, ex Dei longanimitate thesaurisauerint sibi iram Dei etiam in hac vita. Causa autem diuinæ iracundiæ est,

26. *Quia*, illi qui dixerunt: Nunquid poterit Deus parare mensam in deserto? *Non crediderunt in Deo*: Quidam verò eorum, *nec sperauerunt in saluari eius*. Non enim sic senserunt de Domino in bonitate, vt sperarent, quod ipse suam quam penes eum esse credebant, in salutem populi exereret, potentiam. Propterea pulchrè docet D. Basil. fidei diuinæ omnipotentiae etiam spem adiungendam esse; Voluit interim Deus incredulis istis beneficia sua, præstare. Et primo quidem eis, qui ex infirmitate fidei murmurauerant præbere escam, vt immeritis beneficijs mansuefacti, ad credendum Deo (quod sine quadam mansuetudine cordis fieri non potest) præpararentur. Ideo sequitur:

27. *Et mandauit nubibus de super, & ianuas cæli aperuit.*

28. *Et pluit illis manna ad manducandum.* In hoc mandato diuinæ operationis virtus significatur, ac si diceret: Effecit vt nubes pluerent manna ad manducandum. Quia verò manna non solum illi populo datum est in pabulum, sed etiam in noui edulij à Christo præstandi sacramētum. i. sacrum signum; ideo, teste Cyrillo, rem per manna significatam intuens Psalter subdit: *panem cæli*, qui est diuinitas Verbi, *dedit eis*:

4. in Ioan.
cap. 10.

29. *Panem angelorum manducauit homo*, quia filium Dei in quem desiderant angeli prospicere, de cælo per incarnationem dimissum, & fide & altaris sacramento manducauit homo. Voluit enim Deus hominibus suam diuinitatem manducandam præbere, vt cibo quem eis proponit, non deesset viuificandi virtus: Voluit & eum de cælo demittere, vt diuinitas verbi adiuncta vel admixta carni, hominū, quibus sola diuinitas in hac vita nimium spiritualis est, palato congrueret. Ad hanc autem expositionem mouet Cyrillum, quod dicitur, panem angelorum, Hoc enim de pane illo corporeo quem pluit Deus intelligi non potest, eo quod angeli, vt qui sint spiritualis naturæ, corporeo cibo non vescantur tanquam pane suo: Vnde & Raphael dicebāt Tobix: Videbar vobiscum comedere, sed ego cibo inuisibili vtor. Quin nec potuit Deus se ab hoc beneficio continere ob murmur quo populus eum laceßiuerat: Populus enim recenter ex Ægypto egressus hac, de qua loquimur, tempestate, quasi infantilis ætatis paruulus apud mansuetum Deum censebatur. Vnde & Moyses dicit: Portauit te Dominus Deus tuus, vt solet homo portare paruulū filium suū. Quemadmodū autē paruuli ploratu necessaria sibi alimenta flagitantes, matres non ad iracundiam, sed ad subueniendum prouocant, sic inquit Cyrillus, conuestuosus obiurgationis quæ

vbi supra.

Deuter. 1.

3. in Ioan.
cap. 34.

tionis que plenus clamor populi ad Deum, petitionis (si ab infirmis adhuc & infantibus in habitu virtutis sit) locū retinet, Hæc Cyrillus. Quapropter id quod dictum est, Ignis accensus est in Iacob, non primo murmurū tribuitur, sed posteriori. *Ciberia misit eis in abundantia*, quia coturnicum multitudinem. Hoc ergo modo satisfecit Deus ijs qui ex infirmitate fidei murmurauerant. Eorum autem qui contumaciter murmurabant desiderijs satisfecit in modum, qui sequitur:

Transtulit Austrum de caelo, & induxit in virtute sua Africum. Dicit, *virtute sua*, quia ordo & dispositio naturalium causarum hunc ventum eo tempore non allabat, sed Deus providentia peculiari disponebat naturales causas ad hunc effectum.

Et pluit super eos sicut pulverem carnes, Et sicut arenam maris volatilia pennata. Abundantiam rei desideratæ significat.

Et ceciderunt in medio castrorum eorum, circa tabernacula eorum, ut pigris illis hominibus opus non esset causa leuandæ necessitatis, vel aucupio operam & laborem impendere.

Et manducauerunt, & saturati sunt nimis, & desiderium eorum attulit eis: non sunt fraudari à desiderio suo. Improperatur eis abusus præstita à Deo abundantia, quia vel nimia voluptate has carnes manducauerunt, vel eis se nimium oppleuerunt. Iis enim qui in prima murmuratione priusquam manna acciperent, carnes manducauerant; nullam vindictam intulit Deus: Nam quoniam nuper ab Agypto egressi, panem cælestem qui cor hominis corroborat, adhuc non receperant, facilius poterant, inquit Cyrillus, in cupiditates carnis incidere, propterea & venia digni visi sunt. Postea verò cum Domino (in manna figurato) fruebantur, tunc iure, quoniam corporalia spiritualibus præposuerunt, acerba dederunt supplicia, & ad supplicia insignem calamitatis memoriam sepulchra videlicet concupiscentiæ reliquerunt, Hæc Cyrillus.

Adhuc esca eorum erant in ore ipsorum, & ira Dei ascendit super eos.

Et occidit pingues eorum, qui hoc Dei miraculo solummodo vli sunt ad saturitatem carnis. *Et electos Israel*. i. illos qui in medio carnalis populi electi erant, filij Dei *impediuit*, quia ad exercitium patientiæ vna cum carnalibus istis, molestias longi itineris & reliqua incommoda eos perferre fecit. Quem sensum confirmat, quod alij pro, *impediuit*, legunt, *compediuit*, quod est, ijsdem incommodis inuoluit. Quid autem carnales, sociorum funeribus superstites?

In omnibus his peccauerunt adhuc, & non crediderunt in mirabilibus eius. Ut sciamus ad gratiam pertinere, si quis aliorum conspectis supplicijs fidem & Dei timorem concipiat.

Gg

Et de-

37. *Et defecerunt in vanitate dies eorum*, quia omnia illa Dei opera quæ ad Dei gratiam suo ordine pertinebant, in vacuum acceperunt, per eorum experientiam in melius non proficientes. *Et anni eorum cum festinatione.* Nullum enim fructum qui illis remaneret in vitam æternam, ex annis suis sibi referuauerunt.
38. *Cum occideret eos querebant eum, & reuertebantur, & diluculo veniebant ad eum.* metu carnali adacti, vt docet D. Augustinus.
- Aug. 1. 44
Bonif. c. 4. 39. *Et rememorati sunt, quia Deus adiutor est eorum: & Deus excelsus redemptor eorum est.* i. metu agente eis in mentem venit, quod Deus solet eos ad se conuersos à malis liberare.
40. *Et, cum ambirent ab eo ab internecionibus liberari, dilexerunt eum in ore suo, & lingua sua mentiti sunt ei.*
41. *Cor autem eorum non erat rectum cum eo;* quia non amabant Deum, sed timore impendentis sibi supplicij, eum sibi quadam blandiloquentia demulcere satagebant. Porro cor hic pro voluntate vel affectu voluntario ponitur, non pro sola appetitus sensualis, aut etiam rationalis inclinatione. Hæc enim quamdiu consensus voluntatis ei non astipulatur, neminem bonæ voluntatis facit mendacem aut hypocritam: non enim qui inuitus aliud sentit quam vult, hypocrita est; sed qui aliud vult videri quam velit esse.
2. Corin. 4. Propter quod etiam Apostolus, cum dixisset: Abdicamus occulta dedecoris. i. ipsarum cogitationum & inclinationum nostrarum malarum arcana castigamus & mortificamus, confidenter addit, non ambulantes in astutia, quia quod intus cōtra voluntatem geritur, nemini ad hypocrisin imputatur. *Nec fideles habiti sunt in testamento eius.* i. testamentum eius non bona fide, quia non ex animo seruauerunt. In quo sensu vox fidei accipitur Ecclesiastici 15. Si volueris mandata mea conseruare, conseruabunt te, & in perpetuum fidem placitam facere.
42. *Ipse autem est misericors, & propitius fiet peccatis eorum,* à Moyse exoratus. *Et non disperdet eos,* pestilentia, alioque funesto supplicio.
- Exod. 32.
& Num. 14. 43. *Et abundauit, supra meritū populi, vt auerteret iram suam,* quam exercere ceperat, & non accendit omnem iram suam. i. cum clementia puniuit eos. Cuius clementiæ causa est,
44. *Recordatus est quia caro sunt.* i. carnales & proinde fragiles homines. *Spiritus radens & non rediens,* qui possint à bono per se recedere, non autem per se redire, inquit Prosper, Ex quo versu datur intelligi peccata, quæ ex infirmitate committuntur, minorem apud Deum vindictā mereri.
1. de vac. gent. cap. 7. 45. *Quoties exacerbauerunt eum in deserto, in iram concitauerunt eum in iniquo.*
46. *Et conuersi sunt, & tentauerunt Deū, & sanctum Israel.* i. filium Dei, *exacer-*

exacerbauerunt. Israhel enim interpretatur videns Deum, hoc autem filio proprium est, quia patris imago: Vnde & ipse dicit, nemo videt patrem nisi qui est à Deo, hic vidit patrem. Hunc propriè exacerbasse dicuntur, quia cum ipsis peculiariter fuit in deserto, vt supra in psal. 67. diximus, quod Deus miserit Moyfen populo principem, cum angelo qui apparuit illi in rubo. Angelus autem ille filius fuit si Ambrosio credimus & Tertull.

Non sunt recordati manus eius, die qua redemit eos de manu tribulantis. 47.

Sicut posuit in Agypto signa sua, & prodigia sua in campo Tancos. 48.

Et conuertit in sanguinem flumina eorum, & imbres eorum ne biberent. 49.

Misit in eos cynomyiam, & comedit eos, & ranam, & disperdidit eos. 50.

Et dedit ærugini fructus eorum, & labores eorum locustæ. Enumerantur hic plagæ Aegypti, non eo quo euenerunt ordine. Vbi enim de laudibus Dei agitur, inquit Hieron. non est seruandus ordo signorum. Inter 51.

cætera autem dicitur: *Occidit in grandine vineas eorum, & moros eorum in pruina.* 52.

Et tradidit grandini iumenta eorum: & possessiones eorum igni. quem locū citat Augustinus, ad probandum herbas & frutices vitam quandam habere & occidi posse. Et proinde præceptum non occides; quamuis sine additamento certæ rei positum sit, non debere nisi de hominibus intelligi, quandoquidem Manichæi contendebant pecora per illud præceptum occidi non posse herbas tamen occidebant. 53.

Misit in eos iram indignationis suæ, indignationem, & iram, & tribulationem: immisiones per angelos malos. Ex quo euident est terram Aegypti percussam esse opera & ministerio dæmonum, vt etiam ex hoc loco docet Hieron. quanquam diffitendum non sit angelos bonos debitis plagis peccatores subinde affligere, vt clarum est in Sodomitis. Boni autem homines ad patientiam nunquam exercentur per aduersa bonorum angelorum obsequio inflata, vt notat Augustinus in hunc locum, Ideo & Sathan expectiuit Iob, non angelus bonus: Imò etiam cum permittit Deus malos pro meritis suis seduci, sicut Achab, ad id nunquam vitur operâ bonorum angelorum. deceptionis enim ministerium eos non deceret, inquit August. 54.

Viam fecit semitæ iræ suæ, & non pepercit à morte animabus eorum: & iumenta eorum in morte conclusit. 55.

Et percussit omne primogenitum in terra Aegypti, primitias omnis laboris eorum in tabernaculis Cham. 56.

Et abstulit sicut oves populum suum, Dicuntur oves tanquam ad pascua Domini pertinentes. Et perduxit eos tanquam gregem in deserto, quia in 57.

Gg ij ynum

unum populum eos collegit sub vno principe & vna lege, iam tum vnitatem Ecclesie præfigurans.

58. *Et eduxit eos in spe*, hoc populo illi competit ratione bonorum, qui in eo fuerunt, nam complures eorum frequenter desperauerunt ingressum terræ promissæ, & non timuerunt: Aliqui enim in ipsis erant, qui credebant Moyfi dicenti, Nolite timere Ægyptios: Quanquam istud vberius impleatur in populo noui testamenti, quem educit Dominus è seculo in spe futurorum, qui etiam non timent, de Domini protectione securi. *Et inimicos eorum operuit mare*, Sicut inimicos populi Christiani Baptismus.

59. *Et induxit eos in montem sanctificationis suæ, montem quem acquisiuit dextera eius*. Ad litteram designatur terra promissionis, ex eo autem quod additur, *montem sanctificationis*, Item, *quem acquisiuit dextera eius*, satis innuitur sub terra promissionis respectus fieri ad cælum, quod est verè mons sanctus Domini, finis & quies eorum qui è seculo educti sunt, quem acquisiuit nobis dextera Dei Christus in sanguine suo.

60. *Et eiecit à facie eorum gentes, & sorte diuisit eis terram in funiculo distributionis*.

61. *Et habitare fecit in tabernaculis eorum, tribus Israel*. Descendit hic rursus ad litteram. Ipsi verò terram promissionis ingressi,

62. *Et tentauerunt, & exacerbauerunt Deum excelsum, & testimonia eius non custodierunt*.

63. *Et auerterunt se, & non seruauerunt pactum, quemadmodum patres eorum, vt patet ex lib. Iudicum & Regum. Conuersi sunt in arcum prauum, quia adinventiones & intentiones eorum in malum*.

64. *In iram concitauerunt eum in collibus suis*. i. idolorum culturâ quæ in collibus fiebat. Ideo dicit Hieremias: In omni colle sublimi tu prosternebaris meretrix. *Et in sculptilibus suis ad æmulationem eum prouocauerunt, vt Deus æmulus fieret diuini sui honoris, quem illi sculptilibus deferabant, eumque sibi soli vindicaret*.

65. *Audiuit Deus & spreuit*, Spreuisti enim omnes discedentes à iustitijs tuis; Ideo etiam nullius momenti est apud Deum quantauis peccatorum numerositas, vt docet Augustinus, ita vt mirum non sit, quod sinat Deus tam multos perire. *Et ad nihilum redegit valde Israel*, ita vt diceret Daniel, imminuti sumus plus quam omnes gentes terræ, sumusque hodie humiles in vniuersa terra.

66. *Et repulit tabernaculum Silo, tabernaculum suum, vbi habitauit in hominibus*. Hoc factum est tempore Heli, cum capta Arca translatum est tabernaculum à Silo. Hoc autem posuit eis Dominus in signum, vt adimeret eis vanam fiduciam, quam ipsi cum essent pleni peccatis, repositam habebant.

hant in templum, putantes Dominum illud semper & populum propter illud à malo conseruaturum. Ideo per Hierem. dicit eis Dominus: Ite ad locum meum in Silo, vbi habitauit nomē meum à principio, & videte quæ fecerim ei propter malitiā populi mei. Et post pauca: Faciam domui huic in qua vos habetis fiduciam, & in qua inuocatum est nomen meum, sicut feci Silo. Et bene additur: *tabernaculum suum, vbi habitauit in hominibus*, quia vult Dominus sibi tabernaculum visibile extrui, quod suo modo inhabitet, in signum & testimonium, quod per Spiritum sanctum suum inuisibiliter inhabitat eos in quorum medio est templum. Vbi ergo Deus deserit homines inhabitare, etiam templum suum visibile ab eis remouet.

Et tradidit in captiuitatem virtutem eorum, & pulchritudinem eorum 67.
in manus inimici.

Et conclusit in gladio populum suum: & hereditatem suam spreuit. 68.

Iuuenes eorum comedit ignis: & virgines eorum non sunt lamentatæ. 69.

Sacerdotes eorum in gladio ceciderunt; & viduæ eorum non plorabantur. 70.

Quæ omnia acciderunt sub Heli, cum caperetur Arca & occiderentur filij eius Ophni & Phinees. Quis autem tot præuaricationum, rebellionum & plagarum fuit exitus?

Et excitatus est tanquam dormiens Dominus, cum videlicet resurrexit 71.
à mortuis, diciturque tanquam dormiens, non quasi verè mortuus non sit,
sed quia communi more, ex absoluta videlicet necessitate mortuus non
fuerit: tanquam potens crapulatus à vino, quia amore vineæ quàm acquisi-
uit sibi ad instar Noë, inebriatus est, & amore hoc ebrius, dormiuit paten-
tibus scæmoribus, quia crucifixus & mortuus est nudus.

Et percussit inimicos suos. i. gentem hanc quæ ei inimica facta erat, in 72.
posteriores; quia ab eo tempore in posterum gens illa à Deo proiecta mul-
tis calamitatibus facta est obnoxia. Opprobrium sempiternum dedit illis,
quia vsque in finem sæculi opprobrium Christi ab eis crucifixi, non aufere-
tur ab eis.

Et repulit tabernaculum Ioseph. i. omnem colendi ritum veteris populi: 73.
Id enim factum est à resurrectione Christi. Et tribum Ephraim. i. ipsum
populum Iudaicum, non elegit,

Sedelegit tribum Iude. i. Christum de tribu Iuda, & qui Christi sunt: qui 74.
tametsi genere sint gentiles, rectè tamen dicuntur de tribu Iuda aut Iudæi:
Isti enim sunt (de quibus Apostolus) Iudæi in abscondito, circumcisi non *ad Rom. 3.*
carne, sed corde in spiritu. Montem Sion quem dilexit. i. Ecclesiam noui
testamenti.

Et edificauit sicut micornium sanctificium suum. Sanctificium Domini 75.
est, id quo instrumentaliter sanctificamur, videlicet externa sacrificia & sa-

Gg iij cramen-

cramenta nouæ legis. Cùm itaque sibi eligeret Christus montem Sion siue Ecclesiam, ædificauit in ea sanctificium suum, quia multa per quæ sanctificamur sacramenta & media ei concessit. Hoc autem sanctificium ædificauit sicut vnicornium, quia cùm ante Christum alijs & alijs medijs saluati sint homines: Alijs enim sacrificijs vsi sunt, qui fuerunt ante legem; alijs qui sub lege; alijs etiam qui in gentibus crediderunt, Vel ante tempora legis, vt Melchisedech, Iob, Vel tempore legis, vt Iethro sacerdos Madian; Nunc sanctificium est sicut vnicornium, quia vnicum acquirendæ salutis medium; ita vt hoc tempore nemo cuiuscunque sit conditionis, sortis vel gentis, sanctificetur, nisi sanctificio nostro re vel voto fuerit vsus. Hoc verò sanctificium ædificauit Dominus in terra, quam fundauit in sæcula. Ritus enim huius sanctificij stabilis est, atque in sæculum duraturus, cum sanctificium veteris testamenti tantum institutum sit vsque ad tempus correctionis. Porro tametsi complures ab eo loco: Excitatus est tanquã dormiens, &c. Psalmũ hunc interpretatur de vindicta quam Dominus exercuit in Philistæos, cùm cepissent arcam Domini, & quædam verba illi expositioni videntur satis consentanea: nostram tamen expositionẽ reliquis præferimus, tum quia verius explicat quomodo excitatus sit tanquã dormiens Dominus & potens crapulatus à vino, tum quod ædificauerit sanctificiũ in terra quam fundauit in sæcula, quòd cõpetere non potest in templum à Salomone ædificatũ. Illi enim paucis post annis fecit Dominus, sicut prius fecerat Silo. Postremò quia conuenit proposito Psaltis, vt post decursum legis, etiam finẽ eius & exitum exponat, vt populus Christi in principio Psalmi ad attentionẽ excitatus, videat quis tandem fuerit finis & exitus eorum qui fuerunt sub lege.

76.

Et elegit Dauid seruum suum. Hoc inter cætera pertinet ad beneficia populo veteri à Deo præstita. Nec mirandum quod id hic non suo loco narretur: Iam enim ex Hieronymo diximus quando de laudibus Dei agitur, non esse necesse in narrando seruare ordinem rei gestæ. Potest tamen id & de Christo intelligi, quem elegit Deus de semine Dauid. *Et sustulit eum de gregibus ouium, de postfœtantes accepit eum.* Hoc Christo ad literam per omnia non competit, sed Dauidi, competit tamen Christo in simili: Christus enim labore manuum suarum (cui, teste Basilio, prima sua ætate sub imperio parentum suorum incumbere dignatus est, vnde etiam Marci 6. faber dictus est) ad officium prædicandi translatus est. Sicut ergo Dauidem de ouibus, ita Christum vt pasceret populum, transtulit Deus fabrorum malleis,

Cap. 5. cõst.
monast.

77.

Pascere Iacob seruum suum, & Israel hæreditatem suam. i. populum Israeliticum, cui Deus Dauidem in Regem concessit, & eorũ patribus Christum in pastorem promisit, sicut scriptum est apud Ezechielem: Et suscitabo su-

tabo super eos pastorem vnum qui pascat eos, seruum meum Dauid, ipse pascet eos, & erit eis in pastorem. Quo loco absque omni ambiguitate Christus in pastorem promittitur.

Et pascit Christus præcipuè *eos in innocentia cordis sui*, quia beneficiendi intentione, & sine vlllo pastoralis officij peccato, vnde & psal. 54. dixit: Sine iniquitate cucurri & direxi. *Et in intellectibus manuum suarum deduxit eos*, quia non solum palantes oues ad gregē adduxit, sed ipsum gregem conseruando & promouēdo deduxit, idq; *in intellectibus manuum suarum*. i. operibus & verbis in bona regendi intelligētia prudenter dispositis.

PSALMVS LXXVIII.

Psalmus Asaph.

IN hoc Psalmo in persona populi fidelis, Psalter lamentatur excidium religionis factum à gentilibus. Nomine Hierusalem & templi eius (quod, vt vnicum illius temporis veri Dei templum, tunc præcipuè præ oculis habebat) comprehendens omnia veræ religionis templa; Et nomine Gentilium (à quibus eodem tempore exterminandum videbat illud templum) quosvis infideles templum cultumq; veræ religionis disturbantes. Oratq; Psalter Deū hanc suę indignationis virgam, tum propter gloriam diuini sui nominis, tum in gratiam eorū qui tempore dicti excidij religionis causa occidendi erant, per Dei misericordiā maturè auferri.

Deus venerunt gentes. i. gentiles aliq; infideles inuaserunt siue irruerunt *in hereditatem tuam*. i. populum quem filius tuus morte sua tibi mirabiliter acquisiuit, & per veram religionem in æternam hereditatem possidere cepit. *Polluerunt*. i. prophanauerunt, contaminauerunt, *templum sanctum tuū*. Quam impietatem velut ad oculum describit lib. Machab. in hæc *2 Mach. 6.* verba. Pessima & vniuersis grauis malorum incurio, nam templū luxuria & comestationibus gentium erat plenum & scortantium cum meretricibus sacratisq; ædibus mulieres se vltro ingerebant, intro ferentes ea quæ non licebat. Altare etiam plenum erat illicitis, quæ legibus prohibebantur. Ad quem modum templa hoc tempore polluta, plena sunt meretricū illarum, quæ vt habet Sapiens, verba sua dulcia faciunt, & scortantium cum illis. Et cultus si quem Deo deserunt plenus est illicitis. *Posuerunt Hierusalem in pomorum custodiam*, vt euersis ciuitatis ædificijs nihil in ea reliquum fuerit, præter quædā tuguria ex ruinis ciuitatis tumultuario opere cōgesta, qualia sibi ex virgultis atque sarmentis componere solent, qui custodiendis pomarijs (iam maturescētib; eorum fructibus) deputati sunt. De qua re & Isaia: Derelinquetur filia Sion, vt vmbraculum in vinea, & sicut tugurium *Isaia 1.* in cucumerario, & sicut ciuitas quæ vastatur.

Posue-

2. *Posuerunt morticina seruorum tuorum*, quos odio religionis occiderunt, *escas volatilibus celi; carnes sanctorum tuorum bestiis terræ.* Hoc huic loco, inquit Augustinus, inseritur ad exaggerandam crudelitatem eorum qui ista fecerunt, non ad infœlicitatem eorum qui ista perpessi sunt. Et paulo pòst, Proinde omnia ista, curatio funeris, conditio sepulturæ, pompæ exequiarum magis sunt viuorum solatia, quam subsidia mortuorum. Hac August. Bene autem habet quod Augustinus, curationi funeris & reliquis non annumeret sacrificia, ieiunia, orationes & elēmosynas, ne quis suspicetur & illa magis ad solatia viuorum, quam suffragia mortuorum pertinere.

1. de Ciuis.
cap. 12.

3. *Effuderunt sanguinem eorum tanquam aquam.* i. copiosissimè, In quem sensum ex Cyrill. interpretati sumus illa verba Psal. 21. Sicut aqua effusus sum. Vel, *tanquā aquam*, q. d. illa immanitas non magis cordi aut curæ illis fuit, quam si aquam effunderent. *In circuitu Ierusalem.* i. vbique per totam urbem Ierusalem, quod tempore Machabæorum factum esse historia ipsa testatur. Vel, per totam Ecclesiam per circuitum orbis terrarum diffusam. *Et non erat qui sepeliret.* i. præ metu hostium sepulturam prohibentium, quibusdam locis omnino non sepeliret. Vel, tandem non nisi furtiue, inquit Augustinus, sepeliret. Reliqui verò qui stragi huic Deo seruante superuiximus,

4. *Facti sumus opprobrium vicinis nostris*, Illi enim qui ex omni parte circumcirca nos sunt, vertunt nobis ea quæ sunt religionis nostræ in opprobrium. Atque, quod eodem pertinet, *facti sumus subsannatio & illusio his qui in circuitu nostro sunt.*

5. *Usquequo Domine irasceris.* i. quamdiu perseverabit hæc ira tua, ita vt videatur continuari *in finem?* *Exardescet velut ignis zelus tuus.* i. usquequo zelus tuus, qui peccata à nobis in sancta tua admissa non permittit abire inulta, vel diutius tolerari, *exardescet velut ignis*, quia sicut ignis exardescens, paulatim vehementius succenditur & latius serpit, ita zelus tuus videtur permittere, vt furor impiorum in religionem indies concitetur vehementius & latius serpat. Nunquid autē Deo peccata populi sui per hæc vlciscente, ipsi qui hæc perpetrant, abibunt impunè? Nequaquam, quia cum compleuerit Dominus cuncta opera sua, inquit Isaias, siue omnem vindictam aut disciplinam suam in monte Sion & in Ierusalem, visitabit Dominus super opera, quæ gentes in prædicto religionis excidio fecerunt & facere voluerunt, de qua re sequitur.

Isaia 10.

6. *Effunde siue effundes, præsertim in die iudicij, iram tuam in gentes quæ te non nouerunt & in regna quæ nomen tuum non inuocauerunt.* Effundes inquā, quia nec per fidem nec per tui nominis inuocationem vllum obstaculum

culum obiecerunt quo minus phialas quas vidit Ioannes continentes plagas nouissimas in eos effunderes.

Qui. q. d. Tu non quod per illos agis, sed quod ipsi voluerunt & intenderunt, retribues eis. Ipsi autem, *comederunt Iacob.* i. populum Israel occidendo, dispergendo, variisque afficiendo cladibus consumpserunt. *Et locum eius,* pristinę scz habitationis eius *desolauerunt.* i. ab incolis suis reddiderunt desertum ac derelictum. Quod tamen & alio extendendum est, vt sit sensus: *Comederunt Iacob.* i. multos fidelium suę superstitioni suoque schismati incorporauerunt. *Et locum eius,* auitę scz religionis eius *desolauerunt.* diruerunt enim aut dissipauerunt templa, monasteria destruxerunt, ac omnia publica diuini cultus loca, pristino religionis cultu vacare fecerunt. Quia vero prædicta mala obueniunt fidelibus propter peccata; propter peccata enim inhabitantium Ierusalem, accidit circa locum sanctum despectio, inquit author, 2. Mach. c. 5. ita vt ipse locus particeps factus sit populi malorum, vt etiam declarat August. ideo nunc in persona populi hæc mala lugentis atque plangentis, subdit Psaltes:

Ne memineris iniquitatum nostrarum antiquarum. Dicit *antiquarum,* videtur enim insinuare quod huiusmodi mala à Deo demum permittantur peccatis hominū iā multiplicatis & inueteratis, ita vt nemo arbitrari debeat Deū festinum esse ad permittendam vindictam hanc. Quod ipsum etiā insinuare videtur Ieremias, cum dicit in persona populi auita religione exuti, Vigilauit iugum iniquitatum mearum, in manibus eius conuolutę sunt & impositę collo meo, infirmata est virtus mea. Dedit me Dominus in manum de qua non potero surgere. *Cirō anticipent nos.* i. merita nostra, absq; longa, & si dicere licet, solita, non tamen iniqua dilatione, præueniant, *miseri cordiæ tuę.* i. multitudo miserationum tuarum. *quia pauperes facti sumus nimis.* i. nimis destituti sumus meritis, quibus possemus tuas erga nos miserationes præuenire.

Adiuua nos Deus salutaris noster. i. salutis omnis author, siue à quo nobis est omne salutis initium. Quod epitheton fideles Deo oportunè tribuunt, cum ab eo (vt hic) ambiunt gratiam præuenientem, Merentur enim, inquit Hieron. fideles à Deo accipere quod ei tribuūt. *Et propter gloriam nominis tui.* i. vt omnes cum laude prædicent misericordiam & virtutem tuam, *libera nos.* & propitius esto peccatis nostris, vt de eis debitam non sumas vindictam, *propter nomen tuum,* ab iniuria & contumeliis vindicandum. sequitur enim:

Ne forte dicant in gentibus, ubi est, siue quis est *Deus eorum,* eo quod arbitrentur infideles se sine Dei iudicijs sua virtute prædicta patrare. Vel, non esse verum Deum qui suę religionis non impedit exterminium, igno-

Hh rantes

rantes religionem non Deo vero, sed cultoribus ipsis prodesse. *Et innotescat.* i. hac persuasio inualescat *in nationibus coram oculis nostris.* i. nobis id præ oculis nostris videntibus, & nil valentibus impedire, eo quod falsitatem validius persuadeant argumenta quæ desumunt ex suis factis, quam veritatem persuadeamus nostris verbis aut confessionibus. Rectè autem orant fideles prædicta mala à se suisque sacratis locis amoueri, ad auertendam

Isaia 48. prædicta diuini nominis iniuriam: Dicit enim Dominus per Isaïam: Propter me, propter me faciam ut non blasphemem. Qua de causa etiam Moyses & Iosue simili precatione vsi sunt, cum hic diceret: Ne dicant, callidè eduxit eos ut occideret eos in montibus. Et, Non poterat eos introducere in terram, pro qua iurauit patribus eorum. Hic verò; Quid facies magno nomini tuo? Et præter hæc:

11. *Vltio sanguinis seruorum tuorum qui effusus est, introeat in conspectu tuo,* ut per temporariam aduersitatem vlciscaris in infideles sanguinè sanctorum tuorum, quem effuderunt, & ea ratione simul cessare facias ferociam eorum atque extermines dominatum. Introeat simul in cōspectu tuo *gemitus compeditorum.* i. eorum qui ab eis detinentur in vinculis. Vel, qui per violentiam eorum constringuntur, quo minus exerceat ea quæ suæ sunt religionis, ut gemitu horum ad miserationem inflexus, aperias carceres, soluas hæc vincula & compedes.

12. *Secundum magnitudinem brachij tui, posside filios mortificatorum.* q. d. exere virtutem tuam ad possidendum nos, qui fide ac imitatione sumus filij eorum qui pro religione interfecti sunt, cōtemplatione habita siue proportionem facta, nō ad merita nostra, sed ad magnitudinem *brachij* siue potentia tuæ, qua potens es subijcere tibi etiam omnia. Quod autem orant, *Posside,* quid per hoc aliud dant intelligi, quam se id petere, quod expressius apud Isaïam dicunt sancti. Domine possederunt nos domini, quia infideles nos sibi in seruitutem redegerunt, absque te. i. non in nomine tuo, tu ergo nos eorum tyrannide liberatos, tuo dominatui vindica, ut ultra non subijciamur nisi potestati eorum qui in tuo nomine præsunt & imperant. Et hic quidem huius vocabuli sensus proposito huius loci est consentaneus. Potest tamen eidem accommodari sensus spiritualis hoc modo, *Posside filios mortificatorum,* ut mentem, carnem, corpus eorum tuus spiritus omni ex parte possideat, factus nobis quatenus in hac vita fieri potest, omnia, ut docet Prosper, in omnibus, non mentem error aut sapientia sæculi, possideat,

Epi ad Romanos. in fine

In Ps. 131

non cogitationem vanitas, non voluntatem peruersitas, non carnem concupiscentia, nec corporis membra efficiantur arma iniquitatis ad iniquitatem. In quem sensum videtur August. accipere orationem *Posside nos,* cum dixit, nos nihil gratius Deo offerre posse quam si ei dicamus, Posside nos. An

nos. An autem arbitrari debemus ratione vacare, quod cum orant se à Deo possideri, non dicant Posside nos, sed *posside filios mortificatorum*? non arbitror. Quid ergò id orando sibi volunt, nisi ut semetipsos ad obtinendam imploratam gratiam, Deo gratos, & hoc nomine faciant commendatos, quod sint fide, religione, successione, obseruantia, filij eorum qui religionis causa mortem obierunt? Si eo nomine Deo se commendatos reddere student, idque instigante Spiritu sancto, qui hanc orationem auctori suo non frustra nec incassum suggessit, ergò necesse est fateri fidelibus in gratiam martyrum bene à Deo fieri; Hoc autem quid aliud est, quam fideles in necessitate aut inopia constitutos martyrum meritis adiuuari? Quid verò post hæc omnia manet infideles, qui prædicta mala perpetrarunt?

Et redde vicinis nostris, quibus, ut in principio dictum est, facti sumus ^{13.} opprobrium *septuplum*. i. plenam retributionem, Septenarius siquidem numerus plenitudinem significat, *in sinu eorum*. i. in extremam retributionem; Solet enim his verbis redditio extremæ retributionis describi, propter quod & apud Lucam dicitur: Mensuram bonam & confertam & coagitatam dabunt in sinum vestrum. *Improperium ipsorum*, quod exprobrauerunt tibi Domine. s. redde in sinum eorum. Dicit autem, quod exprobrauerunt tibi Domine. Quod enim ea quæ religionis nostræ sunt nobis improperant, id in Deum redundat, quia fastidio humilitatis, simplicitatis, fidei, ac disciplinæ, quibus pollent omnia quæ nostræ sunt religionis, necesse est etiam Deum fastidiant, qui talis cultus placet. Deinde, qui cultum religionis exprobrat cultori, eundem simul exprobrat auctori eius, non secus quam ^{Proner. 14} qui calumniatur egentem, & despicit pauperem, exprobrat factori eius. ^{17.}

Nos autem, principatu fideli nobis restituto denuo effecti *populus tuus*, ^{14.} quod propriè dicemur, ubi omnia illa quibus constat populus, v.g. Principatus, religio, leges, conuentus, atque communitas, tua tuoque spiritui subiecta ac consentanea fuerint. *Et oves pascuæ tuæ*. i. iterum in gregem vnum collecti, & sub virga vnius pastoris ad sacramentorum ac verborum tuorum pascua deducti, *Confitebimur tibi* in laude ac gratiarum actione, *in sæcula*. Per multa sæcula enim celebrantur ab Ecclesiis cum solemni gratiarum actione anniuersarij dies restitutæ ibidem religionis.

In generatione & generationem annuntiabimus posteris nostris *laudem tuam*. i. beneficia tua, per quæ à nobis in perpetuum laudandus es. ^{15.} Quorum vtrumque gratitudinis fructus est & effectus. Estque vtrumque Deo gratum non sui gratia, sed quia in nobis diligit quod bonum est. Bonum autem est confiteri Domino. Bonum etiam est opera Dei reuelare & confiteri.

Hh ij

PSAL.

In finem pro ijs qui ex Iudaicæ infidelitatis reliquiis accepta fide Christi commutabuntur in melius testimonium Asaph:

*Serm. 5. de
Epiphaniæ*

Asaph, inquam; Est enim hic iterum oratio pro cōuersione Iudæorum, Cui pro titulo non abs re inscribitur *testimonium*. Ipsa enim hæc oratio à Spiritu S. dictata testimonio nobis est Iudæos aliquando conuertendos esse. Pro quorum conuersione Spiritus S. nobis ob id tam multas orationum prouidit formulas, quia optandum nobis est & studendum, inquit Leo, vt populus qui ab illa spiritali patrum nobilitate defecit, ramis suæ arboris iterum inseratur. Multum enim nos Deo illa beneuolentia commendat. Nam & Apostolus dixit: Voluntas cordis mei & deprecatio mea fit pro illis in salutem. Nihilominus, frequentat Ecclesia, præsertim tempore Dominici aduentus, hunc Psalmum, orans per eum vt Deus Christianis initium conuersionis ad iustitiam inspiret, nec id incommodè: iisdem enim diuinæ gratiæ præfidijs, & consimili opere Christiani conuerti habent ad iustitiam, quibus Iudæi ad fidem: præsertim cum illa, vt ex Tertul. in argumento psal. 76. diximus, quæ in sacris litteris ad certam nationem diriguntur per authoris intentionem primariam, secundum intentionem Spiritus S. extēdi possint ad alias nationes quibus causa similis est.

*Prosper epist.
ad Rufinum*

1. *Qui regis Israel.* i. Tu sine cuius auspicijs nemo filiorum promissionis, (nomine enim Israelis hoc loco illi intelliguntur qui sunt Israel ratione promissionis) in salutem dirigitur. *Intende.* i. ad ordiendam salutem populi pro quo deprecor, animum adijce. *Qui deducis velut ouem Ioseph.* i. Tu qui salutem electorum in finem vsque præcundo, vt ait Prosper, perducis (subaudi) etiam Iudæorum salutem postquam à te inchoata fuerit, in consummationem vsque prosequere.

Lib. 3. c. 11

Ezech. 10.

2. *Qui sedes super Cherubim.* Nomine Cherubim intelligit D. Irenæus quatuor animalia Ezechielis quæ figurant nobis quatuor Euangelia, quorum authores quatuor istis animalibus comparati sunt. In his sedet Dominus, quia ex ijs tam ipse quam æconomia eius in carne cognoscitur. Quæ Irenæi expositio ex eo probabilis redditur, quod ipse Ezechiel dicit se tandem intellexisse animal illud quod viderat iuxta fluuiū Chobar, fuisse Cherubin. Sensus ergo est: Tu Christe qui in quatuor tuis Euangelis toti mūdo notissimus, & omnibus conspicuus rutilas. *manifestare corā Ephraim, Benjamin, & Manasse.* i. ablato velamine à corde reliquiarum Iuda, etiam ipsis te in Euangelio tuo manifesta.

3. *Excita.* i. incipe exercere, *potentiam tuam.* i. gratiæ tuæ virtutem qua nunquam cares, sed in ira tua velut ab opere vacantem contines. *Et veni,* per auxilium

auxilium gratiæ, *ut saluos facias nos*; Dicit, *nos*; loquitur enim in persona populi sui. Sed quia Deus eos non faciet saluos sine cooperatione proprij eorum arbitrij, additur:

Deus conuerte nos, vt quæramus eum à quo pertinaci voluntate auerfi sumus; *Et ostende faciem tuam*. i. essentiam tuam, & *salui erimus*. Dicit: *Et salui erimus*; quia manifestatione diuinæ essentia non solummodo fieri potest, sed, vt docet August. continuo fit saluus, cui illa reuelatur. Proinde quod dicitur: *Ostende faciem tuam & salui erimus*; rectè etiam explicatur de peculiari quadã illuminatione diuini vultus super nos in hac vita. Sicut enim Deo vultum suum per reuelationem diuinæ essentia super nos illuminante continuo reipsa efficimur beati, ita eodem vultum suum per gratiam noui testamenti super nos illuminante, spe efficimur salui, siue in salutis statum constituimur, vt docet ibidẽ August. Sed quia preuidit Psaltes orationem suam in hac parte non nisi multo post tempore exaudiendam, subdit per modum interrogationis aut querelæ. Et dicit:

Domine Deus virtutum, cui videlicet non est impossibile omne verbũ: *Quousque irasceris super orationem serui tui*. i. quousque cum frequenti oratione pro Iudæorũ conuersione pulseris, tu insuper in pristina cõtra eodẽdem ira perseueras? Nõ enim sensus est. *Irasceris super orationẽ serui tui*. i. irasceris quod oret seruus tuus te pro hac re, quia nõ irascitur Deus quod pro conuersione illius gentis oretur, sicut irascebatur Moyse cum nimis importunè deprecaretur officium suæ legationis. Cui interrogationi seu querelæ libimetipsi satisfactorius Psaltes subdit:

Cibabis nos pane lachrymarum: & potum dabis nobis in lachrymis in mensura. q. d. Permanebis in ira donec doloris & lachrymarum mensura, quæ ad eam rem obtinendam iure desideratur, impleta fuerit; ita vt ex vna parte priusquam mensura hæc impleatur, iram non auferas, & ex alia rursus parte, lachrymas, & dolorẽ sine mensura multiplicari non permittas. Hunc itaque versum præcedenti querelæ oportunè, Psaltes addit. Huius enim rei consideratio querelam conuertit in æquanimitem, & suppeditat alacritatem perseuerandi in ceptis. Quæ interrogatio atque querela à Patribus accommodatur ijs qui diutina ante recõciliationem macerantur pœnitentia. Vel, qui absolutione præmaturè accepta, nondum experiuntur pacem & conscientia tranquillitatẽ, ac Spiritus sancti consolationẽ, quam conciliũ Trid. viris pijs & sacramentũ pœnitentiæ cum deuotione percipientibus interdum obuenire testatur. Quasi isti dum à reconciliationis sacramento differuntur, vel præmaturè absoluti adhuc pristinorum peccatorum stimulis intra semetipsos exagitantur, sic apud semetipsos dicant: *Domine Deus virtutum*, quousque irasceris super orationem serui tui? i. quamdiu adhuc

Hh iij post

4.

de corrept.
ei gra c 12

5.

6.

Couc. Trid.
Sess 14. c. 3

post preces à me præmissas ira tua super me perseverabit? Cui interrogationi siue querelæ ipsi respondeant, ac sibi satisfaciant, per id quod sequitur: *Cibabis nos pane lachrymarum, & potum dabis nobis in lachrymis in mensura*; Persuadere enim sibi debent iram Dei solummodo perseveraturam, vsque dum debitam pœnitentiæ mensuram expleuerint; Ne abundantiore tristitia absorbeantur, vt docet Ambr. Ex alia iterum parte sibi persuadere debent irā Dei non esse auferendam, ante impletē debitam pœnitentiæ mensuram, eò quod iustus sit Dominus & misericordiam suam in pondere dispenset, Vt ex hoc loco notat Hieron. Si cui ergo percepta absolutione remorsus & inquietudo conscientia adhuc perseveranter adhæret, non is illum remorsum diabolo tribuat, tanquam qui hominem debita securitate fraudare & inutilibus scrupulis exagitare conetur; sed cogitet se panem & potum lachrymarum ac pœnitentiæ nondum sumpsisse in iusta mensura, & ob id se non plenum reconciliationis percepisse effectum. Et si ad factæ confessionis integritatem nihil defuerit; Et in confessione vel minimum necessaria cōpunctionis habuerit gradum, is tum id quod ei ad debitā compunctionis ac pœnitentiæ mensuram defuit, postmodū suppleat, & sic paulatim ad conscientia deueniet tranquillitatem. Ideo Greg. Peccata inquit diu sunt plangenda, vt sic consumpta formidine nascatur securitas. Sed interim dum ira Dei in gentem Iudæorum perdurat, quid accidit Iudæis?

1. de pœnit.
cap. 12. &
in Psal. 1.

Hier. 2. cō
Pelag. ca 7

Greg. 6. Re
gistr. c. 187

7. *Posuisti nos in contradictionem vicinis nostris*: Omnes enim vndique obloquuntur & aduersantur Iudæis, *Et inimici nostri subsannauerūt nos*. Qui enim Iudæos Christiana charitate non diligunt, pro eo quod eorum erroribus & calamitatibus compati deberent, eos derident & subsannant. Illi vero qui eos Christiana charitate diligunt, orant in persona eorum ac dicunt quod sequitur:

8. *Deus virtutum cui nihil impossibile conuertere nos, & ostende faciem tuā, & salui erimus*. Et sicut illa quæ olim in ea gente præclara fuerunt permouerunt Apostolum, vt Iudæorum ardentius desideraret salutem, cum diceret: Optabam ipse anathema esse à Christo pro fratribus meis, quorum adoptio est filiorum & gloria, & testamentum, & legislatio, &c. Ita nunc Psalter ingerit Deo beneficia pristina, quibus illum populum olim honorauit, vt eorum intuitu clementiam eidem quondam dilecto populo exhibeat & dicat:

9. *Vineam*. i. gentem Iudaicam, quæ hoc nomine Isaia 5. & in Euangelijs designatur, Et hoc loco vineæ nomine intelligendā esse testatur Hilarius. *De Egypto transtulisti*, in terram lacte & melle manantem. *Eiecisti gentes & plantasti eam*; vt in illa terra ad summam gloriam increpseret.

Dux it i-

Dux itineris fuisti, per columnam nubis & ignis, *in conspectu eius*, 10.
 Nunquam enim defuit columna nubis per diem, & columna ignis per noctem coram populo, *Et plantasti radices eius, & impleuit terram*. Cum gens Iudæorum per vniuersam terrā non sit dilatata, sed Christi Ecclesia: putant quidam noui testamenti Ecclesiam vineæ nomine intelligendam esse. Sed ille intellectus valde incommodus est, reliquis enim huius Psalmi partibus nec quadrat nec cohæret, Et non est necessarius: Gens enim Iudæa impleuit terram, non quidem vniuersam, sed suam, quia ob populi numerositatem factum est, vt terra illa esset plenissima habitatoribus & incolis. Imò etiam impleuit vniuersam terram, non quidem incolatu, sed rerum gestarum fama, odore religionis & splendore gloriæ suæ, quæ penetrauit in omnes terræ partes. Propter quod dicebat Moyses: In quo Exodi 33.
 scire possumus, ego & populus tuus inuenisse nos gratiam in conspectu tuo nisi ambulaueris nobiscum, vt glorificeris ab omnibus hominibus qui habitant super terram. Voluit enim Deus Iudæam gentem in qua erat notus Deus, in medio reliquarum gentium, inquit Hieron. collocare, vt om- Inc. 3. Eze.
 nes in circuitu nationes illius sequerentur exemplum. Et Ambrosius: Vo- Ambrosius
 luit Deus vt populo Israëlitico populi finitimi iungerentur, quo paulatim Psal. 43.
 etiam gentibus infunderetur cognitio celestium sacramentorum. Hæc ille.

Operuit montes umbra eius. i. cum ipsa gens & religio eius umbra fuerit 11.
 futurorū, tamen in illa ipsa umbra latuerunt *montes*. i. homines fide ac spiritu admodum sublimes, *Et operuerunt arbuscula eius Cedros Dei*, quia synagoga modica sublimitas, quasi non excedens cacumina arborum, intra se occultauit eos, qui coram Deo sanctitate erāt sublimes vt Cedri: Occultauit inquam, quia cum Cedri isti more synagoga carnalibus rebus & sacrificijs Deum colerent, non apparebat hominibus quod colerent Deum spiritu & veritate. Et cum reliquorum more vxores haberent & abundarēt opibus, latebat homines quam erant parati, & vxoribus & rebus remporalibus renunciare, si mores illius tēporis id tulissent, Sicut docet D. August. De sancta
Verè ergo operuit montes umbra eius. virginis.

Extēdit palmites suos vsque ad mare, & vsque ad flumē propagines eius. 12.
 His enim terminis habitatio illius populi definita fuit.

Vt quid destruxisti maceriam eius. Per maceriam quæ apud Isaiam alio 13.
 nomine sepes dicitur, D. Cyrillus, Dei protectionem intelligit. D. verò Cyrill in c.
 Irenæus per sepe intelligit terminos quibus Iudæa definita fuit. Secun- s Isaiæ.
 dum quam expositionem fuerit maceria destructa, cum gens Iudæa finibus Iren lib. 4.
 suis expulsa per vniuersum mundum dispersa est, tum enim *videm iauerūt cap. 70.*
eam omnes qui prætergrediuntur viam, quia omnes ad quos deueniunt, eos diripiūt & excoriant. Cū qua Irenæi expositione coincidit dicta expositio
 Cyrilli,

Cyrilli, eò quod Cyrillus fateatur Dei protectionem, quam sepis siue maceriae nomine intelligit, à Iudæis in vindictam mortis Christi esse ablatam. Quærebas autem *ut* quid maceria hæc à Deo destructa sit?

14. *Exterminauit eam aper de silua, & singularis ferus depastus est eam.*

Truculentia enim & feritas aprorum ac beluarum deserti, quam Iudæi in Christum effuderunt, cum eum tot plagis affectum ad necem depostulerent, prius attulerunt vineæ huic vastitatem & exterminium pictatis, quibus postea per iustam vindictam Deus immisit exterminium gentis & regionis. Sed quid? Nunquid sic offenderunt ut caderent? Absit: Est enim ut ad Israel transmigratam & dispersam loquitur Ieremias: Spes nouissimis eius & reuertentur, inquit, filij tui ad terminos suos. Proinde sicut Daniel orauit, ut iuxta suum vaticinium filij Israel de captiuitate Babylonica redirent ad terram suam; ita nunc Psaltes pro iisdem orat, ut redeant ex dispersione ad fidem, & dicit:

Jerem. 31.

15. *Deus virtutum conuertere, ab ira ad misericordiam; respice de caelo & vide, Et, in saluari tuo siue salutifera donatione gratiæ tuæ, visita vineam istam,*

16.

Et, inspirata ei fide Christi, perfice eam quam plantauit dextera tua, in occursum & aduentum Christi. Et. s. respice, super filium hominis quem confirmasti tibi. Qui est Christus, secundum humanam naturam in substantia seu hypostasi Verbi confirmatus, ita ut ab ea nullatenus separandus sit. Orat itaque hic Psaltes, ut Deus respiciat in faciem Christi sui, qui, ut dicit Ioannes, pro illius gentis conuersione erat moriturus, & intuitu Christi sui gentem illam Deus faciat redire ad cor. Ad quam meam orationem, si mihi, o Deus virtutum, responderis innumera & maxima exstare illius gentis scelera, quæ eius conuersioni obstaculum ponunt; fatebor rem ita se habere, sed si eos misericorditer respiciens conuertere volueris, id tibi impedimento non erit, quia

17.

Incensa igni. i. peccata cupiditatis, & suffossa. i. peccata, inquit August. ex timore commissa, vel peccata profundi cordis, cuiusmodi à Prophetis peccata Iudæorum dicta sunt. Ab increpatione vultus tui peribunt. i. cum tu illa (sicut ordinariè facis in conuersionis principio) illustratione gratiæ tuæ & veritatis tuæ manifestatione, arguere & increpare volueris, tum peribunt & in nihilum deuenient, ita ut increpationis vocis tuæ quam fecisti vocem virtutis, etiam hæc primi moliminis obstacula faciliè amouere, & è medio tollere possit. De qua Dei virtute pulchrè Bernardus: Intuere, inquit, utrumne aliquid dilectum hunc auertere potuerit à dilecta, quo minus ei & peccanti & auersæ perseueraret. Glomeratæ nubes radios solis offundere contendebant, ut iniquitates nostræ separarent inter nos & Deum, sed

incaluit

ser de Na-
ti. B. Mar.

incaluit sol & vniuersa dissoluit. Hac Bern. Prædictam itaque orationem finit Psalter pro Iudæorum conuersione, cui addit alteram pro eorundem perseverantia, & dicit:

Fiat manus tua, i. operatio gratiæ tuæ, super virum dextera tuæ, i. Christo- 18.
stum, qui secundum suam humanitatem, Verbo, quod est dextera tua co-
hærens, eiusdem Verbi proprium instrumentum ac templum est. Et super
filium hominis, eundem, qui filius hominis dicitur, quia secundum humani-
tatem suam vnicam tantum habet parentem, quem confirmasti tibi. Ad quid
autem? ut ex reques gratiam nostram gratiæ eius; Et sicut eum confirmasti *Zachar 4.*
tibi, ut quod ei in principio ex gratia dederas nunquam ab eo auferres: Et
sicut super eum descendit spiritus, sic ut ab eo nunquam recederet; ita des
nobis iam per spiritum iustitiæ illi incorporatis, ut in eo perseverantes ab
eo nunquam recedamus.

Et non discedimus a te. Donum enim perseverantiæ quod in Christo, at- 19.
 que ad similitudinem gratiæ eius preparasti, non præstat nobis solummo-
 do perseverare si velimus, sed planè ut perseveremus & non nisi perseve-
 rantes simus: In quem sensum hunc locum doctissime & verissime interpre-
 tatur Augustinus in hæc verba: Dictum est per Prophetam: *Fiat manus tua* *de bon. per*
super virum dextera tuæ, & super filium hominis quem confirmasti tibi. *seuerat. c. 7*
 Ille certe non est Adam primus, in quo discessimus ab eo, sed Adam no-
 vissimus, super quem fit manus eius, ut non discedamus ab eo. Christus e-
 nim totus est cum suis membris propter Ecclesiam quæ est corpus eius &
 plenitudo eius. Cum ergo super eum fit manus Dei ut non discedamus ab
 eo, ad nos utique peruenit opus Dei, (hoc est enim manus Dei) quo opere
 Dei sit ut simus in Christo permanentes cum Deo, non simus in Adam dis-
 cedentes à Deo. Hæc August. Itaque quod dicit, *super virum, &, filium*
hominis, duo importat: Primum, ut ad similitudinem perseverantiæ Chri-
 sti det nobis Deus perseverare: Alterum, ut detur perseverantia Christo
 secundum membra sua, vel ut serè loquimur, Christo in nobis membris eius;
 ut hinc appareat quod Christus mediator noster sit, non solum in impe-
 trando, sed etiam in accipiendo, quia super eum fit manus Domini, ut nos
 in illo gratiam accipiamus. *Viuitificabis nos*, per gratiæ augmentum, *& no-*
men tuum invocabimus, quia in nullo gratiæ propectu licet ab oratione
 cessare. Cæterum quia pro impiis prius postulanda est conuersio, quam
 perseverantia, reuertitur Psalter ad primam orationem, & dicit:

Domine Deus virtutum conuertere nos, & ostende faciem tuam & salu- 20.
erimus.

In finem pro torcularibus Psalmus ipsi Asaph quinta Sabbathi.

IN huius Psalmi initio continetur exhortatio ad gratiarū actionem præstandam Deo pro impertita fidelibus suis regenerationis seu renouationis gratia. Quam, quia martyres non baptizati morte sua (tametsi non per modum regenerationis, qui Baptismi Sacramento proprius est) in primis consequuntur, ideo Psalmus inscribitur, *pro torcularibus*. i. martyribus, qui cum patiuntur, calcantur quasi in torculari. Et quia eandem consequuntur, etiam ij qui baptizantur; ob id inscribitur quinta sabbathi: Hoc enim die produxit Deus ex aquis omnem animam viuētem, atque motabilem in genere suo: ad cuius facti similitudinē, producit Deus ex aquis baptismi animas viuentes atque motabiles Spiritui S. vt sit sensus, *Quinta sabbathi*, q.d. Psalmus dedicatur illis, qui ex aquis Baptismi ad vitam prodierunt, ad instar eorum quæ in creatione vniuersi quinta die seu quinta sabbathi, ex aquis à Deo producta sunt. His igitur duobus hominum generibus competit exhortatio, qua dicit Psalmus:

1. *Exultate Deo adiutori nostro*, multa enim præstat Deus adultis auxilia priusquam ad gratiam regenerationis, siue per martyrium, siue per baptismum perueniant: quæ præfigurata sunt in illis quæ præstitit Deus Israeli exeūti ex Ægypto priusquā baptizaretur in Moyse, nube & in mari. *Iubilate Deo Iacob*: Iacob figura est electorū, q.d. Deo qui ad gratiā suā elegit vos.

2. *Sumite psalmum & date tympanum, psalterium iucundum cum cythara*. Allusio est ad tympanum quod sumpsit soror Moyse post transitum maris rubri, & est sensus: Quibus potestis modis lætitiā cordium vestrorum exponite. Diuo interim Bernardo Augustinum secuto, sumere Psalmum est gratiam spiritualem accipere, Dare autem tympanum, est temporalia & corporalia præbere; quia nemo illa accipit, nisi his quatenus oportet renunciauerit.

*Apolog. ad
Guiliel.*

3. *Buccinate in Neomenia tuba*. i. publicè prædicate laudes Dei, & vestram lætitiā in die vestræ renouationis. Si enim Ecclesia comparatur Lunæ, certè renouatio membrorum Ecclesiæ est neomenia eorum, inquit Ambr. *In insigni die solemnitatis vestræ*. Posset id ad idem referri, sed magis videtur hic describi dies martyrij vniuscuiusque martyris, qui publico triumpho & gloriosissima celebritate est cuique eorum insignis, & publica confessione sollemnis. Quam expositionem confirmat, quod Ecclesia passionēs martyrum, eorundem appellat sollemnia: quorum, inquit, sollemnia colimus. Hoc autem faciendum esse probat Psalter ab exemplo veteris testamenti, quod in spiritualis neomeniæ figura præcessit, & dicit:

Quia

Quia præceptum in Israele est, & iudicium Deo Jacob.

Testimonium in Ioseph posuit illud, cum exiret de terra Egypti. Inter cætera enim legis præcepta, Israeli post egressum ex Egypto demandata est solemnitas neomeniarum in figuram iubilationis quæ exhibenda foret Christianis in neomenia sua, vel die regenerationis ac renouationis suæ. Notandum autem quod *præceptum, iudicium, testimonium*, hic eandem rem significant, mandatum scilicet, veteris legis, quæ in vniuersum constabat præceptis, iudicijs & testimonijs. Voluit autem Psalter per tria hæc membra mandatum veteris legis designare, non tam mysterij quàm sermonis seu carminis gratia. Quemadmodum & per *Israel, Jacob & Ioseph* populus Israeliticus suauis sermonis varietate designatur. Et quia Israelis secundum carnem mentio facta est, ad eruditionem Christianorum subiungit illa quæ Israël secundum carnem concernunt, & dicit: *Linguam quam non nouerat*. i. quæ ei inaudita fuerat, *audiuit*. Audiuit enim inusitatam vocem Dei de cælo loquentis: Vel, *Linguam quam non nouerat, audiuit*, cum ingrederetur terram Egypti, & præsertim cum ibidem in seruitutem redigeretur. Audiebat enim imperiosa mandata, feroces minas, importunas exactiones, & similia, Cuiusmodi sermonibus nunquam fuerat prius compellatus. Sed Dominus,

Diuertit ab oneribus dorsum eius. Antea enim, *manus eius in cophino seruiuerunt*, quia per cophinos asportabat populus collectas per vniuersam Egyptum paleas.

In tribulatione inuocaſt me, & liberaui te. Filij enim Israel, ait Exodus, ingemiscientes vociferati sunt ad Dominum, & liberauit eos. *Exaudi me in abscondito tempestatis*, Deus enim qui videt in abscondito, nouerat qua tempestate animi eorum intus agitabantur præ seruitutis duritia, quæ ipsa eorum interna afflictio commouit misericordem Dominum ad exaudiendum preces afflictorum. Ad impetrandum enim quod in pressuris petitur: facilius est oratio, inquit Cypr. Est etiam quædam in tribulationibus interna peccatorum sæua tempeſtas, inquit Ambr. quædo foris sunt pugnae, intus timores, quando velut quodam maritimi salis æstu fluctuant nostræ cogitationes, nec vlla in profundo mentium definitionis stabilitate placidantur. Hæc est tempeſtas in abscondito, quæ solo potest Christi sermone sedari. Qui ergo in tempeſtate se ad Christum conuerterit, in abscondito tempestatis orans exaudietur. Et licet cum Apostolo aporietur. i. inops consilij fluctuet, non tamen derelinquetur. *Probauit te apud aquas contradictionis.* Ibi enim reipsa expertus est Dominus populum esse incredulum & rebellem, vt videre est Num. 20. Quamquam magis credam hoc loco sermonem esse de aqua quæ producta est ex petra Exodi 17. Ibi enim probatus est

I i ij Israel

4.

5.

6.

7.

Exodi 2.

Epist 77.

amb. pref.
in psal 45

Israel inuentusque est dubitare de summa rei, quia dixit: Estne Deus in nobis? Quam eorum dubitationem auferre volens Deus, & in fide vnus veri Dei eos confirmare, subdit:

8. *Audi populus meus & contestabor te*: Sui enim suæque in populo præsentia non parua eis testimonia dedit. *Israel si audieris me, non erit in te Deus recens*, de quo scilicet sit dicere: Erat quando non erat. Quidquid enim à non esse cepit, necesse est per naturam recens sit. Quia ergo filius Dei Deus est, necesse est eum non fuisse recentem, siue non venisse, de non esse ad esse, sed fuisse ab æterno. Sic Epiph. *Neque adorabis Deum alienum*. i. Deum alterius alicuius gentis, qui non est Deus patrum tuorum.
- Ep bar. 74. Cyril. li. 2. thes cap. 2. & l. 4. c. 2.* *Ego enim sum Dominus Deus tuus, qui eduxi te de terra Egypti.* q. d.
9. Hoc beneficio te ad mei solius cultum meritissimè obligauit. Si autem istud beneficium Israeli paruum videretur, addit. *Dilata os tuum*. i. cor & animam tuam amplioribus beneficijs accipiendis præpara atque dispone, *atque implebo illud*. i. pro augmento tuæ dispositionis plura beneficia ad plenitudinem vsque à me percipies. Hic autem obseruandum est, quod cum dicitur, *dilata os tuum*; id non sic præcipi homini, ac si illud sine Dei auxilio facere deberet aut posset, sed dicitur: *Dilata os tuum*, quia os aperimus, inquit Augustinus, Dei adiutorio & opere nostro. Dicit vicissim Deus. *Et implebo illud*, quia Deus implet illud sine opere nostro.
- 2 ad Bonifac cap. 8.*
10. *Et non audiuit populus meus vocem meam, & Israel non intendit mihi.* Quis enim cæcus nisi populus meus, inquit per Isaiam de Iudæis Dominus, quis surdus, nisi ad quem nuncios meos misi? Ob hanc tamen eorum improbitatem non dicit Deus: Misi in eos desideria cordis eorum; sed,
11. *Dimisi eos secundum desideria cordis eorum*, quibus flagrabant. His autem me non protegente dimissi, ipsi *ibunt in adinventionibus suis*. i. ambulabunt facientes ea quæ in officina cupidi sui cordis machinantur & fabricant. Qui sermo planè consentit, cum eo quod Augustinus dicit, Deum in peccata non impellere, sed dignos deferri, deferere, Desertos autem à luce diuinæ gratiæ, non Deo agente, sed sua sponte parere opera tenebrarum.
- Aug. 1. cõt. Iulian. c. 9. De nat. & grat. ca. 23*
12. *Si populus meus audisset me, Israel si in vijs meis ambulasset.*
13. *Pro nihilo forsitan*. i. nullo negotio, *inimicos eorum humiliasset, & super tribulantes eos misisset manum meam*; qua eos cohibuissem. Conditionalis autem (*forsitan*) hoc loco significat huius rei promissionem fuisse populo sub conditione factam, videlicet, si in mandatis Dei ambulassent. Quamquam quidam, forsitan; interpretentur pro, statim.
14. *Inimici Domini mentiti sunt ei.* Prophetia est; Hoc enim futurum erat tempore Christi, cum Iudæi ad apertam inimicitiam conuersi, negaturi erant Christum contra propriam multorum conscientiam. *Et erit tempus eorum, retribui-*

retributionis videlicet ac vindictæ, *in secula*; quia usque in finem sæculi vindicta illi populo adhærebit.

Et cibavit illos, q. d. Enumeratis beneficijs, & hoc, quod pene oblitus fuerat recensere, adiecit, quod cibavit eos *ex adipe frumenti*, delicatissimus enim erat panis ille cæli. *Et de petra melle saturavit eos*, quia erat aqua illa dulcis vt mel: excellunt enim omnia opera Dei miraculosa. Sed potius credendum est manna de cælo adipem frumenti, & aquam de petra, mel de petra dici, propter mysterium & figuram sacramenti altaris, quod datur eis qui per baptismum renouati sunt. Quod appellatur frumentum, quia ex frumento fit corpus Christi, & etiam quia post cōsecrationem perseverat species panis. Cuius frumenti adipem nihil aliud sunt, inquit Hiero. quam caro Christi, de qua dicit Dominus: Nisi manducaueritis carnem filij hominis. Et mel, est suauissima charitas, quam hauriunt communicantes de petra. i. ipso Christi corpore usque ad quandam satietatem. De qua re Cypr. A-
maritudo inquit omnis quæ intus infederat Christi dulcedine leniatur. Si
de sacramento crucis & cibum sumis & potum, lignum quod apud mara
profecit in imagine ad saporis dulcedinem, tibi in veritate proficiat ad
mulcendi pectoris lenitatem. Porro Bern. ex eo quod versus, *Cibavit eos*
subiungitur versui, *Inimici Domini*, notat corpus Christi ab inimicis ali-
quando accipi, non improbens donum, sed boni doni malum vsum.

15.

Inc. 55. l. 14.

Cyp in fine
tract. de xe
lo et liuoreSermo 74.
in Cant.

PSALMVS LXXXI.



Continet hic Psalmus correptionem iniquorum iudicum, demon-
stratque finem illorum futurum sine honore.

Deus stetit in synagoga deorum, nomine deorum, hic & in lege, cūm di-
citur, Applicabitur ad deos, iudices intelliguntur. Dij appellati, quia pol-
lent potestate iudicandi, quæ Deo primariè competit. Nec mirari oportet
homines, qui tam procul à vera diuinitate absunt, deos dici; Deus enim
Deus dicitur, non tam singularitate nominis, inquit Tertull. quàm ea re
qua nemo Deus est. Per Deum autem qui in horum deorum medio stetit
complures Christum intelligunt, qui tempore mortalitatis suæ conuersa-
tus est in medio iudicū & populi Iudaici. Cui expositioni satis fauet quod
dicitur *in synagoga*: Hec enim vox propriè designat gentis Iudaicæ colle-
ctionē. Fauet & quod dicitur, *stetit*, & *in medio*. Ob præsentiam enim cor-
poralem Christi dicit Ioannes; Medius vestrum stetit. Sed sicut ea quæ in
Psalmo consequuntur, non tantum competunt iudicibus populi Iudaici, ve-
rum omnibus per vniuersum mundum cuiusvis ordinis ac populi iudicibus;
ideo nomine Dei hoc loco tota Trinitas conuenientius intelligitur. Sancta
ergo Trinitas vnus *Deus stetit in synagoga deorum*, quia omnium iudicum

1.

Tert. l. c. 11.
Marc. ca 7.

Ii iij actibus

- actibus per præsentiam & obseruationem continuo, semper, ac perseueranter interest. *In medio* autem eorum existens, *deos dydicat*, quia exactissimè discernit, qui bene, qui vero male iudicent. Porro hic versus in capite Psalmi ponitur ad incutiendum iudicibus huius diuinæ obseruationis timorem; & ad cohibendum vulgares, ne temere iudicent iudices, vtpote qui à Deo dijudicandi & corrigendi sint, vt notat Anacletus Pontifex. Quam ob causam iisdem dicit Ecclesiasticus: Ne iudices contra iudicem, iustè enim iudicat, q. d. Hoc tibi de iudicibus præsumendum est, vt docet D. Thomas, & cætera diuino tibi iudicio sunt relinquenda. Subijcitur post hæc correptio iudicum iniquorum, Deus enim in medio eorum sic eos obseruando dijudicat, vt iniquos etiam studeat quibusdam modis corrigere. Dicit proinde:
2. *Vsquequo iudicatis iniquitatem.* i. iniquas fertis sententias iniquis causis fauorabiles, & *facies peccatorum sumitis.* i. personas in iudicio accipitis, quia non attenta causarum æquitate, contemplatione eorum quæ ad rem non pertinent, sententias formatis: Imò, cùm malum sit etiam pietatis vel alicuius boni impertinentis intuitu personas accipere, vos quod peius est, agitis, quia *sumitis facies peccatorum.* i. in fauorem & ad voluntatem iniquorum & sceleratorum hominum formatis sententias. Quin potius,
 3. *Iudicate.* i. iustitiam administrate, *egeno.* i. illis qui carent opibus, nec habent vnde sportulas præstent aut munera, & *pupillo.* i. iis qui carent patronis; ne sitis ex illis de quibus Isaias: Pupillo non iudicant, & causa viduæ non ingreditur ad illos. *Humilem & pauperem iustificare.* i. per vestram sententiam iustam illum causam, vbi res id postulat, habere decernite. Imò, quod plus est,
 4. *Eripite pauperem, & egenum de manu peccatoris liberate.* Sunt enim iudices qui pauperes quidem non opprimunt in iudicio, sed tamen cùm eos opprimi vident, timentes vultum potentum, nolunt in tali casu ferre sententiam, aut non curant contra eos qui vim faciunt, aut calumniam struunt pauperi, institui actionem. Peccant ergo non committendo iniustitiam, sed iustitiam vbi oportet nõ vindicando. Sed quid ipsi ad hanc correptionem?
 5. *Nescierunt*, q. d. circa propria vsqueadeo cæcutiunt, vt non animaduertant se hæc præiudicia committere. Sicut scriptum est Esaïæ 28. Ipsi pastores ignorauerunt iudicium. *Neque intellexerunt*, quod sibi non cum Pilato pro potestate metu aut fauore, sed pro æquitate iudicandum sit, & pro iustitia ad mortem vsque agonizandum. *In tenebris ambulant.* i. conuersantur, quia Dei siue quam nunc præscribit, siue quam postmodum vindicando exercebit, iustitiam præ oculis non habent. Sed, *moueuntur omnia fundamenta terræ*, quia veniet tempus cum omnis ordo iudicum, qui ad fundamenta terræ pertinet quia sine eorum officio & autoritate, non potest sal-

test salua consistere vlla in terris, vel spiritualis, vel terrena respublica; Veniet inquam tempus cum ordo hic loco mouebitur, & qui causas solent iudicare, causas suas coram summo iudice debebunt dicere. Et qui solent cum securitate ad iudicandum sedere, debebunt ad sententiam Christi iudicis anxij pendere. Hoc autem fiet, cum implebitur quod dictum est in persona Christi: Cum accepero tempus, ego iustitias iudicabo. In quo iudicio quandoquidem sola iustitia seu charitas honore & præmio digna censetur, tunc dicet Christus:

Ego dixi, dij estis, & filij excelsi omnes. q. d. Ego pro diis ibi eos solos agnoscam, qui ea qualitate dij sunt quæ faciat eos deos, non tantum à publica aliqua diuinitus instituta aut demandata iudicandi vel regendi potestate, sed faciat eos deos, quia Dei siue excelsi filios. Quæ diuinitatis participatio non est propria vni ordini hominum, sicut est participatio diuinitatis quæ est ex potestate iudicandi; sed est omni hominum sorti promiscua. Ideo dixi, *Dij estis, & filij excelsi omnes.* i. vos omnis generis homines. Si ergo illo tempore illi soli vt dij honorandi sunt, qui ex omni ordine hominum fuerint filij excelsi: Quid eueniet illis, qui sola iudicandi potestate dij fuerunt?

Vos autem, Qui scilicet dij fuistis sola potestate, & non simul filij excelsi, sicut homines moriemini. i. ablata omni dignitate, & in ordinem redacti, (erit enim in die iudicij sicut populus sic sacerdos, inquit Isaias) morti æternæ trademini. *Et sicut vnus de principibus.* i. sicut diabolus, de principatu vestro, cadetis. Hoc itaque loco obseruandum est, quod qui tam in primo quam in hoc versu dij dicuntur, ita dicantur, non naturam sed qualitate: Verum ibi à qualitate potestatis, quæ bonis & malis est communis, hic à qualitate charitatis, quæ communis est omni hominum sorti & simul faciat deos & Dei filios. Ob id etiam non in primo, sed in hoc versu, postquam dictum est: Ego dixi dij estis, additur: Et filij excelsi omnes. Porro tametsi & angeli boni, filij Dei sint; non tamen inueniuntur dij appellati, inquit Augustinus, Ne propter eorum excellentiam aliquem eorum sibi Deum constituere humana auderet infirmitas. Quod in hominibus facile est euitare propter eorum mortalitatem, aut quia ex anima & corpore compositi sunt, & ob id à naturali diuinitate, quæ spiritualis seu potius spiritus est, plus quam angeli, semoti. Hæc Augustinus. Huius autem rei Cyrillus & Irenæus, aliam dant rationem, dicentes homines illos qui sunt filij Dei etiam deos vocari, quia gerunt similitudinem Christi qui Deus & homo fuit: vt sicut Verbum caro factum, fecit hominem illum Deum per hypostaticam vnionem, ita spiritus Verbi incarnati in hominem veniens, faciat eum vocari Deum, per Verbi incarnati similitudinem & participationem.

Filius

6.

7.

Isaia 24.

Aug. l. 9. de
Ciuic. vii.

Filius Dei, inquit D. Cyrillus, propter nos nobis similis existit, ut nos propter eum optimum statum recuperemus, diique extra omnem humanum sensum efficeremur, cum gratia humanitateque eius tam magnum consecutus splendorem: Ego, inquit, dixi, dii estis, & filij excelsi omnes. Hæc Cyrillus. A cuius sententia non abhoruisse videtur August. cum scripsit: Deus homo factus est, ut homines deos faceret. Quia itaque Angeli non habent Dei caritatem ad similitudinem, neque per gratiam Christi incarnati, tametsi dicantur Dei filij; Non tamen dicuntur dii. Porro quod sequitur, *Vos autem sicut homines moriemini*, nos contextui morem gerentes interpretati sumus per oppositionem eorum qui potestate dii sunt, ad eos qui dii sunt adoptione. D. autem Cyrillus & Hieron. interpretatur id per oppositionem eorum qui dii sunt adoptione, ad Deum viuum ac verum; quasi his dicat Psalter: *Dij estis*, sed præter vos est vnus qui natura Deus est, & natura sanctus, à cuius præstantia vos longo intervallo distatis, Ille enim Est, suaque vita ac sanctitate priuari nō potest. *Vos autem* qui diuino munere estis dii, *sicut homines moriemini*. quia iustitia vestra non præstat vobis, quo minus hoc tempore morti quæ est quædam naturæ corruptio obnoxij sitis, in dō & in mortem deueniatis. *Et sicut vnus de principibus cadetis*. q. d. Et sicut à vita ita etiam à iustitia, sicut exciderunt angeli, excidetis. Quo tamen sermone non significatur id re vera futurum esse, sed id per naturam & mutabilitatem adoptiuorum deorū facile fieri posse. Facile enim, inquit Cyrillus, qui dii participatione sumus, gratiam amittimus. Eodem sermonis genere dicitur Psal. 101. *Cæli peribunt*; non quod sint in nihilum redigendi, sed quia sunt natura caduci, ut ibidem ex Athanasio dicturi sumus. Postquam ergo per spiritum prophetiæ cognouit Psalter hæc quæ prædicta sunt in extremo iudicio esse euentura, adiecto prophetiæ voto suo inuocat Christum, ut eadem eueniant dicitque:

8. *Surge Deus iudica terram*. i. exurge in iudicium, inquit Augustinus. Ne autem damnationem reprobādorū iudicium optasse videretur, adiungit, *Quoniam*, q. d. ob id tuum inuoco aduenire iudicium, *quoniam tu hereditatis in omnibus gentibus*. i. in illo iudicio ad perpetuam hereditatem, quod mihi in votis est videre, adoptabis omnes gentes Abrahamæ promissas.

PSALMVS LXXXII.

Salmus hic continet orationem Ecclesiæ in pressuris constitutæ, præsertim cum ad eam expugnandam hostes conspiratione facta, undeque conueniunt, inquit Athanasius.

1. *Deus*. q. d. Tametsi magnis viribus nobis immincant aduersarij: Attamen, *o Deus quis similis erit tibi*, Si tu contra eos pro viribus agere volueris?

lueris? Cùm ergo subfit tibi cum volueris posse, *Ne taceas neque compe-*
scaris Deus. i. ne te, quo minus virtutem tuam exeras, cohiberi per nostra
 demerita patiaris.

Quoniam ecce inimici tui. i. qui te tuamque iustitiam in nobis persequun- 2.
 tur *sonuerunt.* i. bellici atque hostilis apparatus magnum strepitum edide-
 runt, & grandia sunt comminati. *Et qui oderunt te,* & quicquid pertinet ad
 te, *extulerunt caput.* i. audaciam inferendi belli sumpserunt. vel: Factionis
 suæ sibi constituerunt principem.

Super populum tuum malignauerunt. i. ex malignitate concèperunt & 3.
 concluderunt *consilium,* & cogitauerunt *aduersus sanctos tuos.*

Dixerunt, Venite & disperdamus eos de gente, nostra scilicet, vt inter 4.
 nos ne vnus quidem de populo Dei residuus sit. *Et non memoretur nomen*
Israel ultra. i. Sic exterminetur, vt non sit qui eorum vel mentionem fa-
 cere norit.

Quoniam cogitauerunt unanimiter, simul aduersum te testamentum dis- 5.
posuerunt. i. inierunt fœdus, pro cuius executione ad mortem vsque decer-
 tarent. Qui autem illi sunt? *Tabernacula.* i. castra, siue paratæ copiæ *Idu-*
mæorum & Ismaelitarum.

Moab & Agareni, Gebal & Ammon, & Amalec, alienigenæ. i. qui non 6.
 sunt ex eodem nobiscum patre. Qui enim prius recensiti sunt, omnes sei-
 vna cum populo Iudaico ex Abraham aut Thare sunt prognati. Sicut ita-
 que illo tempore illi qui ex Abraham ac Thare nati erant, adiunctis sibi a-
 lienigenis oppugnabant populum Dei, ira nunc, hæretici qui ab eadem ma-
 tre Ecclesia aliquando in Christo renati sunt, implorato Turcorum, alio-
 rumque gentilium auxilio oppugnant Ecclesiam. *Cum habitantibus Ty-*
rum. i. negotiatoribus terræ. Hi enim hostibus Dei opes suppeditant.

Etenim Assur. i. diabolus, *venit cum illis,* quantum potest auxiliij ad- 7.
 ferens conatibus eorum. *Facti sunt in adiutorium filijs Loth.* i. omnibus
 illis qui à vero Deo & iustitia defecerunt, suppetias adferunt. Loth enim
 idem est quod deficiens.

Fac illis sicut Madian & Sisare, sicut Iabin in torrente Cisson. i. His 8.
 te propugnante eueniat quod olim Madian & Sisare, qui

Disperierunt in Endor. i. in finibus loci Endor, quem inhabitabat pyto- 9.
 nissa, quam consuluit Saul. *Facti sunt vt stercus terræ,* quia cadauera eo-
 rum computruerunt ibidem insepulta. Et cadauera exercitus Iabin traxit
 torrens Cisson.

Pone principes eorum sicut Oreb & Zeb, & Zebec & Salmana.

Omnes principes eorum qui dixerunt, hereditate possideamus sanctua- 10.
rium Dei. i. Sic in nostram potestatem redigamus Ecclesiam, quæ est sanctua- 11.
 rium

K k

rium

rium Dei viui, vt exterminium quod illi adferemus, perseueret, & iugi successione transeat ad posteros nostros à generatione in generationem. Et iisdem quidem quo Madian & Sifara, Oreb & Zeb, modis per decursum sæculorum subinde superatur conspiratio hæreticorum contra Ecclesiam. Circa finem vero sæculi soluetur Sathanas, qui hic dicitur Assur, de loco suo, inquit Apocal. & congregabit gentes à se seductas in prælium, circuibuntque castra sanctorum & ciuitatem dilectam. Circa cuius persecutionis finem superueniente extremi iudicij tempore, fiet illis quod hic precatur Psaltes:

12. *Deus meus pone illos vt rotam, vt cum in omnem partem se voluerint ad euadendas superuenientes angustias, sicut scriptum est: Anima inimicorum tuorum rotabitur sicut in circulo fundæ, eas tamen effugere non possint. Et sicut stipulam ante faciem venti.* Erunt enim tunc sicut pulvis quem proiecit ventus à facie terræ.

13. *Sicut ignis qui comburit siluam, & sicut flamma comburens montes.* De qua Apocal. Descendet ignis de cælo & deuorabit eos. Qui forte erit ignis conflagrationis, per hunc enim purgabitur terra & pristinam inæqualitatis suæ formam amittet, ipsaque terra, & quæ in eo sunt opera exurentur.

14. *Ita persequeris eos in tempestate tua,* quam præmittes aduentui tuo ad iudicium. Cuius mentionem facit Isaias c. 29. A voce Domini visitabitur in tonitruo & commotione terræ, & voce magna turbinis & tempestatis, flamma ignis deuorantis. Cæterum quandoquidem Christianis orandum est, non tam vt hostes eorum conterantur quam vt cōuertantur. Vult enim Deus & ex hostibus saluos fieri, ideo subdit Psaltes orationem qua imploratur conuersio inimicorum, & dicit:

15. *Imple facies eorū ignominia, & quærent nomen tuum Domine.* Sic enim sibi displicentes, eò deuenient, adminiculo huius confusionis & ope gratiæ tuæ, vt tu eis placere incipias, & ipsi te quærere, inquit Augustinus.

Aug 14. de
Ciu. ca. 1.

16. *Erubescant. i. Erubescat incircumcisa mens eorum. Et conturbentur,* recordatione ac conscientia tot flagitiorum, facinorum, sacrilegiorum à se admissorum, *in sæculum sæculi. q. d. fiat in eis hoc quod dixi, per omne tempus quo decurrit hoc sæculum. & confunduntur* per displicentiam sui, & *pereant. i. pereat in eis status peccati.*

17. *Et cognoscant quia nomen tibi Deus. i. quod tu sis verus Deus, seu nomē veri Dei tibi iure competat. Tu solus altissimus in omni terra. i. cognoscāt te solum esse, cuius voluntati nulla in re vllus potest resistere aut præuallere. vel, quod nullus sit similis tibi.* Particula autem solus hoc loco non excludit à Deo suum filium, quia Ioannes qui fuit propheta Christi, dicitur fuisse propheta altissimi. Excludit autem omnem potestatem virtutis creatæ.

Amb. 1. de
fide. cap. 2.

PSAL-

PSALMVS LXXXIII.

In finem pro torcularibus.

DOcet Psalmus cuius rei contemplatione se consolari debeant tam martyres quàm alij qui in torcularibus, siue in quauis pressura sunt, introducens quempiam rerum cælestium contemplatione flagrantem, qui præ ardore charitatis exclamet:

Quam dilecta. i. mihi sunt tabernacula tua cælestia. Domine virtutum. i. Angelorum, qui ibidem ministerijs tuis beatissimi assistunt. Tametsi enim tabernaculum (quia de loco in locum transfertur) frequenter Ecclesiam peregrinantem designet: hic tamē vt & Psal. 14. & Isaia 33. calum ipsum mansionemq; perpetuam significat. Quia vero amans iste rem amatam sibi præsentem non habet, subiungit & exprimit, quid amor in rem absentem operetur, dicens: *Concupiscit*, Quia enim ob absentiam frui non valet, concupiscit siue desiderat. *Et deficit anima mea.* Nō mentis deliquio quo infirmatur homo, & fere oritur ex intemperato motu passionum. Sed deficit eneruatione ac diminutione suæ vetustatis, de quo defectu interpretati sumus illud Psalmi 72. Defecit caro mea; Quæ defectio iuxta Ambr. est defectio cupiditatum, defectio vanitatum, defectio timoris humani. Deficit autem in atria Domini, quia amor rerum cælestium, ad quas suum desiderium extendit, huiusmodi defectionem operatur. Vnde Ambros. Anima adhærens Deo ubi se in illum æthereum purumq; locum plausu spiritualium crexerit alarum, despicit omnia quæ in hoc mundo sunt, & æternis intenta virtutibus supra mundum labitur, &c. Et alibi: Spiritui adhærens anima deficit ab eo quod est anima. Disce autem defectionem istam esse nimiam cupiditatis. Concupiscit enim & deficit anima mea in atria Domini. Hæc Ambrosius. Possunt quidem secundum Bernardum, Tabernacula, atria, & domus distingui; Nos tamen maluimus illa hoc loco de eadem re intelligere. Cæterum ne amor iste solummodo in beatitudinem beatorum quæ consortium, ob quæ, siue quorum nomine tabernacula & atria Domini diliguntur, exardescere videatur; adiungit vir iste desideriorum prioribus, quod maius est, & sanctorum desideriorum castissimum atque summum, dicitque:

Cor meum. i. mens mea Dei cognitione imbuta, ei que per amorem affecta, & *caro mea* menti in hoc officio deseruiens, & quiddam exultationis ex mentis exuberantia in se recipiens, *exultauerunt. i. ipsius Dei amore cum lætitia se crexerunt, in Deum viuum. i. in ipsius Dei diuinæque eius essentie visionem & complexum.* Quæ omnia dum quis eorum vel desiderio tenetur, non parum illi præsidij præbent & adminiculi.

Kk ij

Etenim

3. *Et enim passer inuenit sibi domum.* q.d. Homo enim iste spiritualis ob uiacitatem & alacritatem spiritus passeri comparatus, prædicta absens amando, in illis inuenit sibi domum illam non manufactam æternam in cælis, quam cōsequetur, si terrena domus huius habitationis fuerit dissoluta, Multum autem est nosse quid desideres; *et turtur.* Idem qui passer, turturi comparatus ob amoris, quo cor & caro eius exultauerunt in Deum uiuum, castimoniam. Hic inuenit sibi *nidum.* i. fidei quietem, inquit Gregor. vel fidele receptaculum, *ubi reponat.* i. ubi sub fideli custodia deponat, & cuius consequendi amore hic interim per spem foueat, atque ad maturitatem enutriat *pullos suos.* i. tenellos suarum virtutum partus siue bona opera suæ conuersionis in hoc sæculo. Qui pulli siue opera ibidem deponuntur per

Gregor. 19
mora. c. 24

4. *Altaria tua,* cū scilicet opera illa ab vnoquoque nostrum ad te relata siue propter te facta, in altari sui cordis per ignē feruidæ charitatis tibi consecrantur atque ad futuram beatitudinē referuntur. *Domine virtutum.* i. Angelorum, qui hæc vota atque sacrificia nostra ad domum tuam atque nidum suum deferunt. *Rex meus,* qui dirigendo me regis ut eo deueniam, & *Deus meus.* i. in quem tanquam finem atque summum bonum hic totius meæ dilectionis impetus currit.

21. de Ciu.
cap. 30.

5. *Beati.* q.d. illi verè dicendi sunt beati *qui habitant in domo tua.* In illa enim consequuntur statum omnium bonorum aggregatione perfectum. Vbi tamen si transierit præsentis vitæ labor & exercitatio, erit tamen ibi requies sine ocio, quia *in sæcula sæculorum laudabunt te.* Nam quid aliud ibi agitur, inquit August. ubi neque vlla desidia cessabitur, neque vlla indigentia laborabitur, nescio. Admoneor etiam, inquit, sancto cātico, ubi lego & audio: Beati qui habitant in domo tua Domine, in sæcula sæculorum laudabunt te: Omnia membra & viscera incorruptibilis corporis quæ nunc videmus per vsus varios necessitatis distributa, quoniam tunc non erit ipsa necessitas, sed plena, certa, secunda, sempiterna felicitas, proficient in laudibus Dei. Omnes quippe quæ nunc latent harmoniæ corporalis numeri, non latebunt, intrinsecus per corporis cuncta dispositi; & cum cæteris rebus quæ ibi magnæ atque mirabiles videbuntur, rationales mentes in tanti artificis laudem rationalis pulchritudinis delectatione succendent. Hæc Augustinus. Beati itaque qui habitant in domo tua Domine, nihilominus etiam in hac vita,

6. *Beatus* in spe, siue, felix est *vir cuius est auxilium abs te,* te enim dirigente & auxiliante, *ascensiones.* i. profectuum gradationes *in corde suo disposit.* i. ordinauit, ut bono ordine gradatim meliora pariter atque maiora virtutum opera exerceret; Quas ascensiones benè dicitur in corde suo disposuisse, Incrementa enim bonorum operum dependent ab incrementis interiorio-

teriorum virtutum, ita vt inaniter seîdè meditemur aut tentemus maiora exercere foris, si non intrò præmiserimus incrementum virtutis. *In valle lacrymarum*. i. in lugubri humilitate, vt interpretatur Grego. Gradus enim ascensionum disponi non possunt, nisi ab eo qui prius in humilitatem deuenit, quia scriptum est: Surgite postquam sederitis. Quæ humilitas dicitur *vallis lacrymarum*, quia humilitas in primis luget & deplorat imbecillitatem atque propriam inopiam, sicut scriptum est: Ego vir videns paupertatem meam. Ambrosius tamen per vallem lacrymarum hunc mundum intelligit lacrymis & miserijs plenum, vt sit sensus; Beatus vir qui inter lacrymas & misérias huius vitæ ascensiones disposuit in corde suo. *In loco quem posuit*. q. d. qui disponit prædictas ascensiones in loco quem sibi ad transigendam hanc vitam delegit. Ascensiones enim istæ non possunt tantum fieri in vno aliquo loco ad proficiendum accommodato aut composito, sed Deo auxiliante poterunt fieri in singulis locis siue vitæ generibus, quæ quisque sibi delegit. In cuius rei testimonium de singulis ordinibus hominum quidam in Ecclesia existunt sanctitate clari & conspicui, quod enim ipsi fecerunt, id fieri posse docuerunt, inquit Prosper. Quia vero Psaltes dicendo, *Beatus vir cuius est auxilium abs te*, indicarat solummodo quid per auxilium Dei fieret, non autem quod auxilium illud hominibus demandum esset, ideo idem præuidens tempus noui præsertim testamenti declarat auxilium illud pluribus hominibus dandum esse, & dicit:

Etenim benedictionem dabit legislator. i. is qui prius legem dedit, dabit & benedictionem per quam impleatur lex, cuius benedictionis virtute, ibunt; numerus pluralis insinuat benedictionem prædictam in plures diffundendam. *De virtute in virtutem*. Hoc D. Greg. intelligit de singularum virtutum profectu, vt sit sensus, De initijs virtutum proficient ad earundem incrementa, & sic sensim ad perfectionem. Sed quia dicitur, *De virtute in virtutem*, his verbis potius datur intelligi, non quidem quod vna habita omnis virtus habeatur, vt voluerunt, Non Apostoli, inquit Hieron. sed Philosophi; verum quod ex vna virtute in aliam deueniatur. Si enim, quod puto esse verius, sacrisque litteris (inquit August.) congruentius, ita sunt animæ intentiones vt corporis membra, non quod videantur locis, sed sentiantur affectibus, & aliud illuminatur amplius, aliud minus, aliud omnino caret lumine, aliud tenebroso inumbratur obstaculo, profecto ita vt quisque illustratione piæ charitatis affectus est, in alio actu magis, in alio minus, in aliquo nihil, sic potest dici habere aliam, & aliam non habere, aliam magis, aliam minus habere virtutem. Hæc August. Itaque *ibunt de virtute in virtutem*, quia ex vna virtute deuenient in aliam quam prius non habebant virtutem. Quocirca D. Ambros. castitatem atque clementiam appellat quas

7. Regi. epi.
125. & bo.
19. in Ezech.

Ser. 14 in
ps. 118. v. 1
Greg. hom.
15. in Eze.

3. de viis
cōtem. c. 12

7.

Homil. 15.
in Ezech.

1. cont. Pe-
lag. cap. 7.

Epist. 29.

de obitu fr.

Kk iij

dam

dam parentes virtutum, & pietatem, vt principatum omnium bonorum, ceterarum virtutum vocat seminarium. Harum verò ascensionum ac progressionum terminus est, *videbitur Deus deorum oculo ad oculum in Sion*. i. in contemplatione futuræ vitæ. Porro, quia ei qui de virtute in virtutē Dei adiutorio progreditur, & ascēssiones ponit in corde suo, opus est Dei protectione ne lapsus eo grauius corruat quo altius conscendit, adiungit Psaltes orationem:

8. *Domine Deus virtutum exaudi orationem meam, auribus percipe Deus Jacob.* Quod autem orat, hoc est:

9. *Prote for nos ter aspice Deus.* i. ad protegendum nos respice. Et quia perseverantia Dei donum est per Christū subdit: *Respice in faciem Christi tui.* i. intēde in merita Christi tui. Potuisset quidem Christi merita aliis verbis implorare, tamen non absque certo consilio id his verbis facere voluit. Cū enim dicit, *respice in faciem Christi tui*, iisdem verbis simul indicat Christum, in illo regno quod supra ex parte descripsit, sacerdotē agere, atq; adeo vultui Dei cum vulnērū suōrum cicatricibus pro nobis apparere, vt hac adiectione penē cōpletam habeamus regni Dei descriptionē. Recensitis autem iis quæ in domo Dei desiderabilia sunt, subiicit comparisonem horum cum ijs quæ in hac vita possunt esse delectabilia, dicitq̃ue,

10. *Quia melior est dies vna in atrijs tuis, super millia.* q. d. Quandoquidem tanta est pulchritudo iustitiæ, tanta iucūditas societatis angelicę atque sanctorū, tanta voluptas quæ provenit ex contemplatione lucis æternæ, tanta gratia Christi sedentis in dextera diuinæ gloriæ, vt etiam si inquit Aug. non liceret in perceptione horum amplius quam vnus diei mora (cōuenientius enim hæc mora per diem vnā intelligitur, quam æternitas, Non obstante eo quod D. Basilius per diem vnā hanc æternitatem intelligat) manere, propter hoc solum innumerabiles anni huius vitæ pleni deliciis & circūfluentia omnium temporalium bonorum recte meritoq; contemneretur. Non enim inquit falso aut paruo affectu dictū est, *quia melior est dies vna in atrijs tuis super millia.* Quandoquidem ergo hæc ita se habent.

3. de libe.
arb. in sue.

Basil hom
2. opificij.

11. *Elegi abiectus esse in domo Dei mei.* i. abrenunciata pompa sæculi humilem, seruilem atque sæculo despectam Christianorum conditionē subire, de qua iudex ad Agathā: Nōne te pudet nobili genere natam seruilem Christianorum vitam agere? *magis quam habitare in tabernaculis peccatorum.* i. hoc mundo vti eo luxu quo peccatores eodē vtuntur. vel, *Elegi abiectus esse.* i. relicto etiam licito vsu secularium rerum, minimum locum & statum amplecti, *In domo Dei mei.* i. Ecclesia Dei viui, ibiq; degere in tabernaculis cādidatorum sanctitatis, magis, *quam habitare in tabernaculis peccatorū.* i. manere in sæculo in medio peccatorū. Quæ vox illis propria est, qui statum religio-

religionis amplectuntur, & est hæc interpretatio potior priore, quia sequitur:

Quia misericordiam & veritatem diligit Deus. Hoc enim quo nexu co-
hæret superioribus, si non intelligantur de illis qui amplectuntur consilia
Christi, vendentes omnia quæ possident eaque pauperibus erogantes? Qui
proinde etiam hoc nomine eligunt abiecti esse in domo Dei sui, ut per mi-
sericordiam quam, sua pauperibus distribuendo, faciunt, à Domino diligan-
tur. Qui in ipsdem etiam diligit *veritatem*, quia præclare faciunt veritatem
cum censent minimo & abiecto loco in domo Domini omnia bona huius
seculi posthabenda esse. Pro qua misericordia & veritate, *gratiam*, locu-
pletem scilicet & *gloriam*, eminentem eis *dabit Dominus*. Nunquid autem
retributio gloriæ infallibiliter aderit? Aderit. Quia,

*Non priuabit. i. non fraudabit, bonis. i. expectatis premijs, eos qui am-
bulant in innocentia.* Dicit, *in innocentia*; quia Dominus ob peccata pri-
uabit eos qui ambulauerunt in innocentia, honore & premio disposito, si in
eadem non perseverauerint. Nec iniuria, quia conuentio de denario non dico
promerendo, sed porrigendo facta est operantibus usque ad vesperam,
i. in opere Dei perseverantibus. Vel, *Non priuabit bonis. i. non spoliabit
gratia sua, eos qui ambulant in innocentia.* q. d. quamdiu homo peccatum non
admittit Deus gratiam ei collatam non subducit. Non enim deserit Deus nisi
desertus. Quia si Deus hominem sibi obedientem ablatis iustitiæ viribus à
iustitia deturbat, & bene currentem cadere facit, pro bonis mala retribuit, in-
quit Prosper. Vnde ergo in noxam cadit homo qui ambulat in innocentia? *Ad cap. Gal
10. cap. 12.*
Suo præcipitatus libero arbitrio. Quauis enim huius vitæ (non dico gratiæ
auxilio) sed gratia posita, potest, imò ut creditur etiam contingit liberum
arbitrium se à iustitia auertere, ut proinde valde iniquum sit, lapsum iusti tri-
buere diuinæ desertioni aut subtractioni virium iustitiæ. Sed nunquid non
potest Deus lapsum hominis ambulantis in innocentia per suæ protectionis
auxilium prohibere? Potest, Ergo si id non præstat non desertus deserit:
Id non sequitur: Is enim propriè deseritur cui debita, donata, aut præstita
auferuntur, non autem cui indebita non apponuntur, siue non adijciuntur.
Auxilium autem gratiæ à lapsu non prohibentis, cuius iusto per iustitiam in-
debitum est; & cum id (eò quod actuale sit) singulis vicibus habeat dari,
si non detur, non censetur auferri, & ob id denegatione talis auxilij non
censetur iustus deferi aut suis bonis priuari. Subdit tandem Psalter: *Do-
mine virtutum*, qui solus potens es eos qui ambulant in innocentia à la-
psu præseruare, *beatus homo qui sperat in te*. Hic enim tua protectione
non destituetur, quia tametsi protectio tua ad tuam pertineat gratiam;
non tamen tam es rigidus ut eam deneges sperantibus in te. Imò dignatus
es eam sperantibus in te promittere, quia dici voluisti protector omnium
speran-

sperantium in te. Dicit autem, *Beatus homo*, quia pro accipienda protectione diuinæ gratiæ in Deo sperare, originem habet à gratia præueniente, quæ pertinet ad magnam felicitatem eius cui illa aspiratur.

PSALMVS LXXXIIII.

IN principio Psalmi recenset Psalter Deo cum gratiarum actione opera misericordiæ quæ præstitit in conuersione gentium: Deinde quia Iudæi non crediderunt in gentium misericordiam, sic tamen ut & ipsi tandem misericordiam consequantur, subiungit orationem pro Iudæorum conuersione. Et super oratione sua accepto diuino responso, exponit concordiam quæ orta est ex eo quod Iudæi gentibus in fide subiuncti sunt, causamque huius benedictionis docet esse Christi incarnationem.

1. *Benedixisti Domine terram tuam.* i. gentium aridam prout Gedeoni per rorem in vniuersa terra demissum ostendisti. *Auertisti captiuitatē Iacob,* i. electos tuos ex gentibus è diabolica captiuitate eruisti.
2. *Remisisti,* per baptismi sacramentum, *iniquitatem plebis tuæ.* i. eorum quibus aliquando dixisti non plebs mea vos, nunc autē populus meus. *Operuisti omnia peccata eorum,* quia fecisti eos veteris conuersationis turpitudinem tegere emendationibus factis. De qua re Psal. 31. diximus.
3. *Mitigasti omnem iram tuam.* i. Non accendisti omnem iram tuam, ideoque in eis ad reconciliationem recipiendis magna clemētia vsus es. De qua in Psalmū 71. ad versum 12. diximus. *Auertisti ab ira indignationis tuæ,* i. non ipsi præuenerunt te, ut cum illis in gratiam redires, sed tu ipse prior cepisti ab ira te tua sponte auertere, eosque ad pœnitendum præuenire. Et hæc quidem gentibus. Quid ergo reliquum est, nisi ut in persona Iudæorum, quibus ex parte cæcitas contigit donec plenitudo gentium intraret, exclamemus?
4. *Conuertere nos,* ut quæramus te, *Deus salutaris noster.* Quo solo authore negotium salutis inchoatur & perducitur ad finem. *Et auerte iram tuam à nobis.* Iram inquam tuam, per quam iuste nos deferis. Vnde & nostro vitio tribuitur, quod ad te non conuertamur.
5. *Nunquid in æternum irasceris nobis? aut extends iram tuam à generatione in generationem?* q. d. Non: quia
6. *Deus tu conuersus,* ad saluandum nos, *uiuificabis nos,* ex morte, in qua nunc detinemur, & *plebs tua* Iudaica, quæ per electionem patrum suorum singulariter tua est, *lætabitur in te.* Erit enim tum publica lætitia tam Iudæorum quàm gentium. De qua in cap. 7. Cant. Cant. diximus.
8. *Ostende nobis.* i. notam fac quam in occulta tua prædestinatione nobis præpa-

præparasti, *misericordiam tuam. Et salutare tuum.* i. Christum tuū, quem post illustratam faciem omnium populorum siue gentium, parasti in gloriam plebis tuæ Israël, *da nobis*, vt salutis quæ per eum est, reddamur participes. Qui tamen versiculi frequentantur ab Ecclesia ad implorandam salutem Christianorum, quibus nō absimilis causa est cum Iudeis, vt etiam in titulum Psal. 79. diximus. Post hanc autem orationem percepit Psaltes apparatus diuini responsi sibi super præmissa sua oratione reddendi, eoque excipiendo auditum parans, semetipsum alloquitur, & dicit:

Audiam i. auscultabo, *quid loquatur in me Dominus Deus.* Quod ipsum 8. cuique nostrum sibi dicendum est, cum intus sibi videtur audire vocem erudientis, increpantis, præmonentis aut corripientis Dei, memor eius quod scriptum est; *Hodie si vocem eius audieritis*, nolite obdurare corda vestra. Magnum enim compendium adfert ad profectum à voce loquentis Domini non auertere auditum. Quid autem est quod dicturus videtur Dominus: *Quoniam loquetur pacem in plebem suam.* i. Videtur mihi locuturus verba consolatoria, quod scilicet daturus sit pacem plebi suæ Iudaicæ.

Et super sanctos suos. q. d. loquetur id quod simul pacē dabit sanctorum 9. desiderijs qui Iudeorum desiderant salutem. *Et in eos qui convertuntur ad cor.* i. loquetur etiam pacem præuaricatoribus, qui redeunt ad cor, proponendo ac inspirando eis à principio suæ conuersionis spem futuræ remissionis, ne alioqui peccatorum pristinorum nimia mole consternantur & conturbentur. Quia verò initium sapientiæ siue iustificationis, timor Domini, subiungit Psaltes:

Peruntamen prope timentes eum salutare ipsius. Hæc autem diuinæ benedictionis opera hoc fine euenient, vt *inhabitaret gloria.* i. vera virtutum & fidei opera, *in terra nostra*, quia diuinæ gloriæ cernimus quodammodo maiestatem, vbi videmus veram apparere virtutem, inquit Leo. Vbi autem Iudei gentibus in fide fuerint adiuncti, tum reipsa implebitur quod sequitur: 10.

Misericordia, ex qua gentes saluæ factæ sunt, & *veritas*, ex qua Iudei. Christus enim, inquit Apostolus, minister fuit circumcisionis propter veritatem Dei ad confirmandas promissiones patrum. Gentes autem super misericordia honorare Deum. *Ouiauerunt sibi*, quia in vnā Ecclesiam distinctos populos conuenire fecerunt. *Iustitia et pax osculata sunt.* Iudei enim cum gentilibus in vnā iustitiam & pacem conuenerunt; Christo in quem concorditer crediderunt existente pacis principe ac lapide angulari, qui fecit vtraque vnū, coniungēs in semetipso dissidentes prius populos. Porro causa ob quam hæc à Deo suo tempore concedenda sunt, est, quia

Veritas. i. æternum Dei verbum, *de terra orta est.* i. secundum carnem de 12. virgine natū est. *Et iustitia.* i. Deus ipse *de celo prospexit*, quia illi qui de

L I

virgine

Serm. vii.
de Epiph.11.
Hoc modo
exponit hunc
locum d.
Ibo. 1 p q.
2 i. art. 4.
ad 2.

virgine natus est, de caelo testimonium perhibuit. In primis cum in caelo, nato Christo, stellam inusitati fulgoris collocavit: Et postmodum Christo baptizato, super eundem voce sua intonuit & Spiritum sanctum in columbae specie misit. Vel, *iustitia*. i. ipsa aeterna Dei iustitia de caelo prospexit. i. caelestem suam pulchritudinem per scintillas quasdam nobis in homine quem assumpsit, apparere fecit. Hinc factum est quod sequitur:

13. *Etenim Dominus dabit benignitatem*. i. ex caelesti sua benignitate dabit nobis, ut nos delectet credere & benefacere, inquit Prosper. *Et terra nostra dabit fructum suum*. Accepta enim delectatione iustitiae, tametsi simus homines de terra terreni, faciemus fructum bonorum operum. Nos enim haec terra sumus, inquit Augustinus.

14. *Iustitia*, qui, ut quidam interpretantur, est Ioannes Baptista, qui venit in via iustitiae, *ante ipsum ambulabit*, quia praebit ante eum parare vias eius. *Et ponet in via gressus suos*, quia ipsemet inambulabit quam demonstrat viam. Vel, *iustitia ante eum ambulabit*. i. ipse ad normam iustitiae quae ipse est conuersabitur, rectae conuersationis formam in iustitia, quae ipse est, praeculis habens. *Et ponet in via gressus suos*. Ipsemet enim primus ingredietur illam quam docebit iustitiae formam. Quia in ipso primo, euangelica vita effulset, inquit Cyrillus.

PSALMVS LXXXV.

Oratio ipsi David.

IN hoc Psalmo est oratio Christi in persona, partim sua, partim membrorum. Incipit autem orare in persona membrorum, dicitque ante omnia in persona peccatoris nondum iustificati:

1. *Inclina Domine aurem tuam & exaudi me, quoniam inops virtutis & pauper*. i. destitutus meritis sum ego. Ob quae, quia oratio eius non valet ad aures Dei ascendere, Dicit, *Inclina aurem tuam*, implorans ut Deus se ad tam exilis hominis precem exaudiendam dignetur demittere. Per quam orationem postquam pauper iam acceperit à Deo aurum ignitum, quo factus fuerit, ut habet Apocal. locuples; In sequenti versu orat Christus in persona iustificati, dicitque:

2. *Custodi animam meam*. i. da perseverantiam, *quoniam sanctus sum*. i. à te & in te iustificatus sum. Quae vox sic intellecta, non est sermo elati, sed confessio non ingrati, inquit Augustinus. Dicit autem, *quoniam sanctus sum*, quia iustitia orationi adiuncta, suppliciter, ut docet Aug. emeretur perseverantiam. *Saluum fac*. i. ad salutem perduc, *seruum tuum*. i. Christum in suis membris. *Deus meus sperantem in te*: hoc addit: Spes enim miserendi locum inuenit apud Deum, inquit D. Bernardus.

Miserere

Miserere mei Domine quoniam ad te clamaui tota die. Hic alia insinuat causa, nempe orationis instantia, ob quam oratio à Deo exauditur. *Laetifica animam serui tui.* Particularis quispiam hic loquitur. *Quoniam ad te Domine animam meam leuaui.* Nunquid autem æquū est te ob id laetificari? Est;

Quoniam tu Domine suauis. i. es obdulcans, ac mitis, quia absque indignatione benignā aurem porrigis etiam illis orantibus quorum oratio non est tue maiestatis auribus, siue ex defectu conuersationis, siue cōpunctionis, siue attentionis deuotionis, que, digna. Videor enim mihi videre, inquit Augustinus, Psalter ad hoc dixisse mitem Deum, quia patitur ista nostra, & expectat tamen à nobis orationē vt perficiat nos, & quando illi eam debemus, accipit gratē & exaudit, nec meminit tantas quas inconditē facimus, & accipit vnam quam vix inuenimus. Huc Augustinus. Quae eius doctrina ne nos faciat desides & cura orandi solutos, tum demum locum habet, cum ariditas orationum oritur ex inculcata spiritualium virium infirmitate, non autem incuria, & dum adest infirmo sollicitudo ipsius suae infirmitatis paulatim per Dei gratiam superanda, non autem semper dissimulanda. Qui enim videt se à diuina patientia tolerari, satagere debet ne diuinæ bonitati diu molestus sit, vt ex Tertull. in Psal. 6. diximus. *Et multae misericordiae multa namque peccata remittis, omnibus inuocantibus te.* Si omnibus, ergo & animam meam quaeso, eadem mihi exhibendo, laetifica.

Auribus percipe Domine orationem meam, & intende voci deprecationis meae. haec omnia ad eandem petitionem pertinent. Post haec loquitur Christus in persona sua, dicitque:

In die tribulationis meae. Cum pro statu damnationis, in quo erat humanum genus, in tribulatione spiritus mei versarer. *Clamaui ad te, quis exaudivisti me.* i. signum est vt ex August. in Psal. 16. versu 7. diximus, quod clamauerim ad te. Meae vero orationi tam vberem tribuisti prouentum, vt dicere debeam,

Non est similis tui in dijs Domine. Omnes enim qui appellantur dii aut ementita aut à te participata gaudent diuinitate. Tu autem es Deus, quia es quod es. Et sicut tibi non est similis in dijs Domine, ita, non est secundum opera tua. Queris quare?

Omnes gentes quas tu fecisti, vt homines essent, praeceptū verò vt fierent & essent fideles. Venient, non locum mutando, sed in suis locis credendo, inquit Aug. *Et adorabunt coram te Domine.* i. colent te. Hoc autem describitur nomine adorationis, quia adoratio, inquit Cyrillus, ianua est ad reliqua seruitutis opera. *Et glorificabunt nomen tuum.* i. te predicabunt.

Quoniam magnus es tu. Non ergo glorificabunt te quasi tibi magnitudinem adiiciendo, sed magnitudinem tuam celebrādo. *Et faciens mirabilia.*

Ll ij Magis

In Psal. 95 Magis enim mirabile est, inquit August. quod Deus totum terrarum orbem ab interitu liberauit quàm quod suscitauit mortuos: Ipsaque omnium gentium fides magnum est teste eodem prodigium. Quibus addi potest & illud mirabile, quod Deus solus, teste Augustino, cultum falsorum deorum prohibuerit, & nemo eorum vnquam cultum veri Dei, Quodq; Deus omnem cultum falsorum deorum tandem in nihilum redegerit. *Tues Deus solus*, Nemo enim est Deus extrate Domine, qui in Trinitate es vnus Deus.

10. Deduc me Domine inquit conuersa gentilitas, *in via tua*, ad quam scilicet me adduxisti. *Et ingrediar in veritate tua*. In iis enim ad quæ credendo peruenimus, inquit August. ita nobis ambulandum est, vt ab eis nullo modo deuiemus. Ideo & Apost. ad Philip. 3. Veruntamen ad quod peruenimus, vt idem sapiamus, in eadem permaneamus regula. *Latetur cor meum ut timeat nomen tuum*. Latitiæ timorem adiungit. Latitia enim, quando per se est, cito infundit errorem, inquit Ambros. Timor autem, inquit idem ferm. 5. in Psal. 118. versu 6. verbi quædam basis. Verbum enim Dei in timore sancto melius statuitur, fortius radicatur, ne veniant volucres cæli & auferant illud de incuriosi & dissimulantis affectu. Propter quod etiam scriptum est: Fili accedens ad seruitutem Dei, sta, id est perseuera, aut constanter te tene, in iustitia & timore, quia si non in timore Domini tenueris te instanter, cito subuertetur domus tua. Augustinus verò dicit latitiæ hic adiungi timorem, eo quod in hac vita etiam illis qui latent in Domino, nulla sit securitas à malis, quibus in hoc sæculo obnoxia est vita iustorum. Quid verò ob hæc mirabilia quæ fecit Dominus, ei retribuendum est? gratiarum actio & confessio laudis. De qua sequitur:

11. Confitebor tibi Domine in toto corde meo, & exaltabo nomen tuum in æternum.

12. Quia misericordia tua magna est super me, & eruisti animam meam ex inferno inferiori. Quia libetasti me à statu damnationis, ex quo in infernum certo deuenissem. Dicitur autem infernus inferior, aut ad distinctionem lumbi patrum, qui supra infernum damnatorum erat. Eleuabat enim epulo oculos suos ad Abraham. Quam sententiam, vt non improbat, ita nec affirmat Augustinus. Vel dicitur infernus inferior ad distinctionem inferni, qui est hic mundus; Infernus dictus, quia sinu suo cõplectitur multos spiritu mortuos ac impios ait Augustinus.

13. Deus, iniqui, inquit Christus, *insurrexerunt super me, & synagoga potentium.* i. principum gentis iudaicæ: *Quasi erunt animam meam.* Volebāt enim Christi tam corpus quam animam morte secunda interficere. *Et non proposuerunt te in conspectu suo,* quia non cogitabant vineæ quam à te acceperant excolendam, fructus tibi Domino reddere, sed occiso vineæ, quem

quem nouerant, herede, vineam in hereditatem sibi seruare. Quid autem Christus?

Et tu Domine Deus miserator & misericors, patiens. i. patiēter ad conuersionem peccatores sustinens, & *multa misericordia*, quia multa peccata condonans & *uerax*. i. quod iustum est retribuens. Quibus epithetis hic Christus compellat patrem, quia eorum quæ petiturus est quædam pertinent ad Dei misericordiam, quædam verò ad veritatem siue iustitiam. Ad quam quidem pertinet quod dicit:

Respice in me, & siue id est, *miserere mei*. Erat enim in miseria Christus secundum carnis passionem. *Da imperium tuum*, ut tecum ad dexteram tuam confideam *puero tuo*, qui tibi iniquitates potentum sustinendo ad mortem usque velut puerili simplicitate obediens fui, ut in Psal. 67. diximus: *Et à morte corporis* (orauit enim Christus cum lacrymis ad Deum qui illum saluum faceret à morte) *saluum fac filium ancillæ tuæ*. Eius quæ dixit: Ecce ancilla Domini. Hæc ergò ut dixi, pertinent ad veritatem, quia debebatur Christo & iure & merito suo. Ad miserationes verò, misericordiam, & patientiam Dei pertinet effectus orationis quæ sequitur:

Fac mecum signum in bonum. i. cooperare mecum ut signum quod ego Israeli sum (ego enim & pueri mei, inquit Isaïas, in persona Christi in signum & portentum Israël à Domino) cedat compluribus in bonum, ut non sim omnibus in signum cui contradicatur, sed in signum quod sibi obseruandum proponant. Non dicit autem: *Fac mecum signum bonum*. Sicut enim Apostolus in omni loco erat bonus odor Christi, siue odor ille quibusdam fieret vitæ in vitam, siue mortis in mortem; ita Christus semper erat signum bonum, siue ei crederetur, siue ei contradiceretur. Orat proinde ut Deus faciat cum illo signum in bonum, ad hoc scilicet, *ut videant oculis fidei ac mentis suæ, qui oderunt me & confundentur*. de odio scilicet, quo sunt me persecuti. *Quoniam tu Domine adiuuisti me, & consolatus es me.* q.d. Videant hæc signa eo saltem tempore quo me adiuuisti, & per gloriæ tuæ confortium es consolatus, qui hæc signa non videbant cum me in passione aliquotusque defereres. Quia verò etiam pueri quos dedit Christo Dominus, illi scilicet quibus piscantibus dixit: *Pueri, nunquid pulmentarium habetis?* Ex quibus Petrus Ecclesiæ præpositus constitutus est; Pueri, inquam. i. Apostoli & viri apostolici, omnesque Ecclesiarum Prælati etiam in signum atque portentum sunt Israël à Domino exercituum, profectò conuenit etiam illis prædicta oratio in hunc modum: *Da imperium tuum puero tuo.* i. illis qui tametsi alijs præpositi sunt, sunt tamen in oculis tuis velut pueri ignorantes cum Salomone ingressum & egressum suum; His inquam, da spiritum & sapientiam bene, & prout oportet, imperandi seu gubernandi.

L l iij

Ec

Et saluum fac filium ancille tue. i. da illis etiam quæ necessaria sunt ad salutem animarum suarum, ne cum alijs prædicauerint, ipsi reprobi efficiantur, & patiantur animæ suæ detrimentum. Da itaque illis ad bene imperandum, spiritum tuum, vt officio suo prout oportet perfuncti, possint tibi vnâ cum illo cuius nomine & loco Ecclesiæ in signum positi sunt, canere illud Psalmi 56. Sine iniquitate cucurri & direxi. *Fac mecum signum in bonum.* i. cooperare mihi, vt signum seu forma euangelicæ doctrinæ, correctionis, conuersationis, quod alijs proponere habeo, cedat illis in bonum, vt videant qui oderunt me, & in principio aduersantur mihi, quoniam in Domine adiunxisti me i. obseruent te cooperari nobis. *Et consolatus es me.* i. obseruent te nostris laboribus consolationem præbere in salute eorum, quibus signum quod proponimus, aut illis sumus, cedit in bonum. Hoc autem signum D. Gregor. intelligit esse charitatem, de qua Dominus: In hoc cognoscent omnes, quia discipuli mei estis, si dilectionem habueritis ad inuicem. Quod signum, inquit, requirebat Propheta cum diceret: *Fac mecum signum in bonum.*

Gregor 9.
reg. epis 52

PSALMVS LXXXVI.

Describit Psalter fundamenta, portas, incolas, affectumque ciuitatis Dei quæ est Ecclesia secundum formam quam habitura erat tempore noui testamenti, asserens hæc à Prophetis qui tempore veteris testamenti, in ea fuerunt esse prædicta. Cuius ciuitatis pulchritudinem cum aliquantisper internis oculis ac mente tacita fuisset contemplatus, in hæc tandem verba prorumpit.

1. *Fundamenta eius*, ciuitatis scilicet quam oculis intueor, *in montibus sanctis.* i. sanctis Christi Apostolis. Istorum enim autoritas portat, inquit Augustinus, infirmitatem aliorum, & fulcit fidem. Ideo & Apostolus: Superædificati supra fundamentum Apostolorum. Et in Apocal. vidit Ioannes ciuitatem habentem fundamenta 12. *Diligit Dominus portas Sion.* Idem sunt, Portæ dicti, quia opera sua infideles ad hanc ciuitatem introducunt. Has portas eosque qui eis succedunt in portarum officium, diligit Dominus, *super omnia tabernacula Jacob.* i. supra Synagogam quæ comparatur tabernaculo quod est tentorium transeuntium. (Non enim synagoga erat habitura stabilitatem.) Hoc autem ob id, quod multò plures ingressuri essent per has portas in Ecclesiam, quàm villo vnquam tempore sinu suo complexa est synagoga.
2. *Gloriosa dicta sunt de te, ciuitas Dei.* Ecclesiam habentem formam noui testamenti ciuitatem vocat, quia forma eius permanebit. Deinde quia muris cincta est vt sit inexpugnabilis. Portæ enim inferi non præualebunt contra eam.

tra eam. Estque in ea prouidentia rectorum, concordia incolarum, uniformitas legum. De hac dicta sunt, seu à prophetis predicta sunt, *gloriosa*, dicit enim Aggeus. Magna erit gloria domus huius postrema plus quam prima. Et Isaias: Pro eo quod fuisti derelicta, & odio habita, ponā te in superbiam seculorum. De qua & hic dicit Deus eandem ex gentibus multiplicaturus,

Memor ero Rahab, i. Ægypti. Rahab enim hoc loco non est nomen vnius mulieris, sed regionis, & *Babylonis*. Ad hoc videlicet, ut eas esse faciā in numero, *scientium me*. Cui diuino promisso Psaltes alias adhuc gentium nationes ad Ecclesiam venturas prospiciens, cum admiratione succlamat:

Ecece alienigenæ & Tyrus, & populus Æthiopum. i. omnes quā latè disperse sunt gentium nationes, tandem audita per Apostolos euangelij prædicatione, *fuertint illic*; quia per fidem illius ciues & domestici Dei facti sunt. Sed quid ego enumerandis illis qui per Apostolorum prædicationem illi ciuitati adscribendi sunt, immoror? Hem,

Nunquid Sion. i. Sioni (est enim apud Hebræos datini casus) siue populo Hierosolymitano, aduentum Messiae expectanti, *dicit*, siue euangelizabit, *homo*, Christus? Imò dicit, Dixit enim Psalmo 2. Ego autem constitutus sum Rex ab eo super Sion montem sanctum eius prædicans præceptum eius. Quid autem dicit Sioni hic homo, aut quomodo compellabit eam? Dicit ei, O mater Sion, ut legunt Augustinus & Ambrosius. Appellabit enim, inquit Ambrosius, synagogam matrem. Quia, *homo natus est in ea*, id est, ipse ut homo, siue secundum humanam naturam, natus est de Maria virgine in synagoga. *Et ipse fundauit eam*. *Altissimus*. i. ipse idem secundum suam diuinitatem (in vtraque enim natura, ut ibidem docet Ambrosius. Vnus est Christus) est altissimus, qui *fundauit*. i. creauit eam. Vel, *fundauit eam*. i. prima Synagogæ fundamenta iecit. Hoc enim fecit cum adhuc in sublimitate suæ diuinitatis absque carne permanens, Moy si aliisque ea quæ synagoga erant demandaret. Et ob id, in persona eius quasi iam ad Sion matrem suam in propria carne loquentis, pulchrè dicit Isaias: Ego ipse qui loquebar, Abraham scilicet Moy si, aliisque, ecce adsum, in propria mea carne. Omnia autem quæ ad ciuitatem hanc pertinent,

Dominus vberius narrabit in scripturis (per scripturas enim tanquam verba singulariter sua, Dominus nobis loqui censendus est) *populorum & principum horum qui fuerunt in ea*. Scripturæ enim quarum hic fit mentio, & ad quas se refert Psaltes, partim per eos qui in ordine vulgariū fuerunt, ut Amos, Osee, & similes, partim per eos qui in principum & nobiliū sublimitate, ut Dauid, Salomon, Isaias, conscriptæ sunt, qui omnes fuerunt in synagoga. Concludendo porro Psaltes psalmum, dicit per apostrophē ad Ecclesiam:

Sicut

3.

4.

Amb. de ex
cess. Sat.

5.

Sicut letantur in omnium habitatio est in te, quia propter donum charitatis quo in omni membrorum tuorum sorte & ordine dotata es o Ecclesia, omnibus quoque adest animi hilaritas, cum in synagoga regnauerit timor. Dicit autem, *Sicut letantium*, quia in ecclesia huius vitæ non est plenum gaudium.

PSALMVS LXXXVII.

Canticum Psalmi filijs Core, in finem pro Maheleth ad respondendum, intellectus Eman Exrahita.

MAheleth alia lingua chorus est: Scribitur autem hic Psalmus in quo Christi passio magna ex parte recensetur choro seu congregationi fidelium *ad respondendum*. i. vt ipsi per imitationem respondeant Christi passioni: Christus enim passus est, vt sequamini vestigia eius. Sic August. vel ad respondendum, vt scilicet chorus vocatorum cum iniquitatum suarum, ex qua vocatur, multitudine pressus dicit, Domine vim patior, responde pro me, per hunc Psalmum habeat præparatam verborum formã, qua Christus pro eis siue in eis respondeat. Christus enim in hoc psalmo inuenit pro salute eorum qui in statu damnationis sunt. Estque ob id recitandus, cum pro conuersione eorum oratur qui sunt in statu peccati mortalis. In cuius principio est oratio Christi aut alicuius pij viri in persona iniustorum, pro quibus orat in hæc verba:

1. *Domine Deus author salutis meæ, indie clamaui & nocte coram te.* Est enim pro iniquorum salute die ac nocte orandum.
2. *Intret in conspectu tuo oratio mea, inclina aurem tuam ad precem meam.*
3. *Quia repleta est malis.* i. abundat iniquitate, *anima mea, & vira mea inferno appropinquauit.* q.d. Vno tantum gradu, vt ita dicam, ego & infernus diuidimur. Qua oratione in persona iniustorum præmissa, Christus pro iisdem subito interuenit, & vt è statu damnationis eripiantur, pro eis suam passionem Deo Patri exponens eundem sic interpellat:
4. *Æstimatus sum cum descendentibus in lacu.* i. à Iudæis passus sum vt peccator, & in infernum post mortem præcipitandus. Hanc autem peccatoris similitudinem ego sustinui, vt eos qui per peccata sua sensim verè descendunt in lacum, ab ea pernicië liberares. *Factus sum sicut homo sine adiutorio*, quia derelictus, in quantum passus ait Ambr. Id verò ad hoc, ne illi qui à te verè derelicti sunt, semper derelicti manerent. *Inter mortuos liber*, à mortis reatu, inquit Cyrillus, quia mortem quæ humano generi pœna est, ego sustinui absque culpa. Id autem ad hoc, vt per mortem meam humanum genus à morte sua liberares, vel, *inter mortuos liber*, quia cum essem inter mortuos in inferno superiore, infernus in me non habuit imperium, inquit

Epist. 39.

inquit Epiph. in Ancor. Non enim fuit Christus morte aliorum carceribus inferni mancipatus, vel ibi necessitate vlla detentus, vt docet Augustinus contra Felicianum c. 15. Porro quia Christus hoc Psalmo allegat eas suas passiones, per quas nos à pœnis ac supplicijs nostris redemit, ob id arbitror expositionem D. Cyrilli tanquam proposito magis conuenientem præferendam esse. Tametsi enim triduana illa mortis perseverantia, quam Christus in Limbo inter mortuos transegit, naturæ humanæ, vt docet D. Thomas, fuerit pœnalis, quia naturali existentia vtriusque partis tam animæ, scilicet, quam corporis aduersa, non fuit tamen hæc mortis mora à Christo in pœnam suscepta, sed solummodo dispensationis & exercendæ potestatis gratia, vt per moram illam probaretur fuisse verè mortuus. Sed nec illa pœna fuit pro nobis satisfactoria, quia vt idem docet, non est tolerata tempore huius vitæ. Factus sum,

*Th opus.
de sym. 4-
tols.
Caret in 3
p 952 a. 2*

Sicut vulnerati spiculo mortis. Dormientes in sepulchris quorum non es memor amplius: Et ipsi de manu tua repulsi sunt. Talis inquit factus sum, quia non apparebat foris spes resurrectionis, Idque vt ob similitudinem huius obliuionis & repulsæ memor fieres eorum, qui in morte peccati sunt, & in peccatis sepulti, atque eos quos merito suo ab auxilio tuo repulisti, repulsam hanc diutius sustinere non permitteres, sed eos ex illa morte ad iustitiam reuocares. 5.

Posuerunt me in lacu inferiori in tenebrosis, & in umbra mortis: Sepultura Christi allegatur. q. d. ob id quod me posuerunt in tenebrosis & umbra mortis, aperias tu Pater sepulcra & tumulos eorum, qui per peccandi consuetudinem in peccatis vt Lazarus, sepulti sunt. 6.

Super me confirmatus est furor tuus, quia ad primas plagas meas iram tuam, quam in salutem generis humani ego excepi, ne mei quidem causa conuertisti in mansuetudinem, nec cito accepisti satisfactionem, sed perseverauit prædicta ira tua ad extremum vitæ meæ terminum: donec omnem plagarum mensuram implem, diceremque consummatum est. Proposuerat enim Deus iram suam à genere humano nõ auertere, nisi Christus agonem suum morte compleret. *Et omnes fluctus tuos.* i. omnia plagarum genera, flagella, sputa, irrisiones, crucem *induxisti super me.* Et hæc à principibus, pôtificibus, populo à me multis beneficijs affecto, gentilibus, omni sexu atque ætate. Idque vt vniuersitatem pœnarum, quibus obnoxium erat genus humanum, Christus pœnarum suarum quadam vniuersitate per modum satisfactionis lueret. Ideo Athan. Super me, inquit, confirmatus est, &c. quia iram aduersus nos conceptam Christus ipse gestauit. 7.

*Ser de ver.
Omnia mi-
bi tradita.
8.*

Longè fecisti notos meos à me, Discipuli enim eius omnes relicto eo, fugerunt. *Posuerunt me abominationē sibi.* Inter eos enim Petrus de Christo

M m interro-

interrogatus cepit eum detestari. Vel, *Posuerunt me abominationem sibi*, Iudæi, qui Christum ut sibi abominabilem conspuerunt.

9. *Traditus sum. q. d. Succesit traditori negotium traditionis. Et nō egrediebar.* Pilato enim qui laborabat dimittere me, studium & conatus non succesit. *Oculi mei languerunt præ inopia.* Vigor enim oculorum Christi defecit præ lacrymis eius, quia ceperunt oculi eius caligare præ illis. Sicut in persona Christi dicit Iob: *Facies mea intumuit à fletu & palpebræ meæ caligauerunt, quando scilicet cum lacrymis orauit.* In quo fletu,
10. *Clamaui ad te Domine tota die. & formâ orantium, expandi ad te manus meas.* In qua oratione filiali & casto amore pro tui nominis gloria in primis sollicitus, sic orabam:
11. *Nunquid mortuis facies mirabilia?* i. quamdiu homines in peccatis mortui manent, nunquid experientur illa mirabilia quæ operaris in conuersione peccatorum ad vitam? quæ magis sunt admiranda, quam cum mortuos suscitatis secundum carnem. Et si tu mortuos spiritu non suscitaueris, nunquid *medici suscitabunt.* i. Nunquid inuenientur aliqui medici sine te, qui valeant hos mortuos ad vitam reuocare? Et si essent huiusmodi medici, nunquid *confitebuntur tibi.* i. nunquid tibi id ascribent, vel id ad gloriam nominis tui referent?
12. *Nunquid narrabit aliquis in sepulcro misericordiam tuam, & veritatē tuā in perditione?* i. Si quis perseveret in peccato sepultus, aut in statu perditionis desperatus, nunquid narrare poterit misericordiam tuam, quam ostendes si peccatores è suis sepulcris eduxeris?
13. *Nunquid cognoscentur in tenebris mirabilia tua, & iustitia tua in terra obliuionis?* i. Si quis in tenebris infidelitatis & obliuione iustitiæ permanferit, ita ut nesciat, aut ne semel quidam ei in mentem veniat, quid pertineat ad iustitiam aut rectam conuersationem; Nunquid à talibus cognoscentur mirabilia tua, & pulchritudo iustitiæ tuæ? Quandoquidem igitur si homines in morte, sepulcro, terraque obliuionis reliqueris, obscurāda sunt mirabilia tua, & gloria nominis tui, experiantur quæso mortui mirabilia tua in resurrectione sui. Educantur ex sepulcris suis defuncti, à perditione perdit, è tenebris cæci. Recordentur tui qui sunt in terra obliuionis, ut per experientiam gratiæ tuæ enarrent magnalia tua ad gloriam nominis tui.
14. *Et ego ad te Domine clamaui, & mane oratio mea præueniet te.* i. ad orandum te tempus matutinum præueni. Dico tempus matutinum: nulla enim oratio ipsum Deum præuenit, qui semper vigilat ad audiendum: Præterea nulla est bona oratio quam spiritus Domini non præuenierit, inquit Bern. & ob id non rectè dicitur aliqua oratio præuenire Deum. Cæterum quasi hæc quæ Christus hactenus Deo Patri obtulit & allegauit, ad impe-

Tract. de dilig. Deo.

impetrandum quod prætendit non sufficiant, (tam enim est ardua resuscitatio mortuorum & reuocatio eorū quorum vita inferno appropinquauit) exclamat Christus:

Vt quid Domine repellis orationem meam, auertis faciem tuam à me? 15.
Volens autem meritorum suorum complere mensuram, vt sciamus Christum ab infantia sua opus salutis nostræ, non quidem prædicando consecuisse, sed bene agendo meruisse, addit:

Pauper sum ego, propter nos enim pauper factus est cū esset diues. *Et in laboribus à iuuentute mea.* 16.
Victum enim sibi Christus comparauit labore manuum suarum, vt circa finem Psal. 77. ex Basilio diximus. *Exaltatus autem.* i. auctoritatem & gloriam per prædicationem & miracula aliaque beneficia consecutus. *Humiliatus sum*, ad passionem & crucem vsque, *Et conturbatus.* i. publico tumultu in crucem actus.

In me transierunt ira tua. i. omnia excelsa tua & fluctus tui super me transierunt. *Et terrores tui, demones, conturbauerunt me.* 17.
Ipsi enim populum Iudaicū ad tumultum & seditionē contra Christum concitauerunt. *Circūdederūt me sicut aqua, tota die circūdederūt me simul.* Insidiātes mihi. 18.

Elongasti à me amicum & proximum. 19.
Omnes enim Christum deseruerunt: & notos meos à miseria. s. elongasti. Cū enim Christus caperetur, dixit: Si me queritis, sinite hos abire, sua captiuitate alios à captiuitate protegens. Completa ergo enarratione meritorum suorum, non hic exclamat: *Vt quid Domine repellis orationem meam*, vt aduertamus priorem exclamationem à Psalte esse introductam, vt haberet occasionem recensendi reliqua merita Christi. Oportebat enim omnia merita eius simul concurrere, vt valerent nostri redemptionem à Deo iusto & seuerō obtinere.

PSALMVS LXXXVIII.

Intellectus Ethan Ezrabita.

Ethan idem est quod robustus, inquit August. Describitur autem in hoc Psalmo, quod fundamentum salutis nostræ sit ex diuini beneplaciti proposito; ex eo scilicet, quod Deus prædestinauit nos secundum propositū suum saluos facere: Qui propterea meritō inscribitur robustis. Huius enim rei fide & spe, in veritate robusti sūt homines; nec eos de spe suæ salutis incertos, & quasi desperabūdos facere debet, quod dicere possent; Incerta est mihi de meipso, siue erga me, bona Dei volūtas. Quid enim, inquit August. Tuāne tibi voluntas de teipso certa est? Cū igitur, inquit, vtraque incerta est, cur non homo firmiori quam infirmiori, fidem, suam, spem, charitatemque committit? præsertim cū huius diuini propositi fides & spes mereantur à Deo accipere, quod credunt & sperant de eo. De predest. sancti. c. 11

Mm ij Ita vt

Ita vt liceat nobis, per fidem qua credimus secundum Dei propositū omnes saluari quicunque saluantur, & per spem qua speramus etiam nos esse ex numero eorum qui saluabuntur, certam quodammodo nostram vocationē & electionem facere. Loquitur autem Psalter in persona iustorum, & dicit:

1. *Misericordias Domini* quas generi humano à lapsu exhibet *in æternū*, i. deuotione in æternum mecum perseveratura *cantabo*. i. cum laude, exultatione, gratiarum actione celebrabo.

2. *In generatione & generationem annuntiabo*. i. prædicabo, docebo *veritatem tuam*, quam de his misericordijs tuis reuelasti *in ore meo*. Perseuerabit enim scientia & prædicatio veritatis quam Deus de prædestinatione & gratia sua reuelauit, in ore Ecclesiæ, à generatione in generationē per modum cuiusdam patrimonij transmissa. Quam veritatem quandoquidem D. August. verissimè intellexit, arbitror hinc consequi, doctrinam eius de prædestinatione & gratia, quæ à Deo præparata est præuiso lapsu generis humani, nunquam de ore & corde Ecclesiæ auferendam, sed eam à posteris tanquam hæreditatem Patrum suorum constanti deuotione tenendam & cōseruandam. Quæ verò est misericordia & veritas, de qua loquitur Psalter?

3. *Quoniam dixisti*. i. apud te ipsum, ô Deus proposuisti. Quid? *In æternum misericordia ædificabitur in cælis*: Cùm ædificare sit structuram aliquam à fundamentis ad consummationem subducere; Et cùm in Deo nullus sit motus; dicitur Deus proposuisse misericordiā ædificare in cælis, quia in cælesti sua misericordia præordinauit atque disposuit diuisiones, mensuras atque gradationes gratiarum, per quas genus humanum à lapsu ab initio fidei vsque ad æternam beatitudinem pertransiret atque pertingeret. Quod ergo dicit: *In æternum misericordia ædificabitur in cælis*, idem est ac si diceret: Dispositio diuinarum miserationum ab initio earum vsque ad consummationem, quæ erit in participatione æternitatis, præordinabitur in cælis. Et ne aliquis suspicaretur huius misericordiæ vllam causam præuiam in hominibus fuisse, quasi ipsi vllō suo præuiō, quod vel de congruo sit, merito hanc sibi diuinæ misericordiæ præordinationem præparassent, subdit Psalter, *Præparabitur veritas tua in eis*. i. Eadem misericordiæ dispositio, quæ ob id quod ad effectum infallibiliter deducenda est, per conformitatem effectus ad cogitationem, intellectum atque propositum diuinum, *veritas* dicitur, *præparabitur in cælis*. i. si quid preparationis siue præuiæ dispositionis habere debere cogitetur, id totum desumetur ex cælestibus, siue ex miseratione cælesti. Nihil enim potest considerari boni in hominibus dictarum Dei miserationū præuij, cuius intuitu Deus illis dictas suas miserationes præordinaret. Potest interim huius partis & hic esse sensus *Veritas tua*. i. effectus prædictarum miserationum, per rationē mox dictam

Veritas

Veritas facta, præparabitur, non in terris ab hominibus, quasi illi se suis viribus earumve meritis ad effectum hunc suscipiendum disponant, sed *præparabitur in cælis*, quia in cælesti sapientia excogitabitur atque præordinabitur quicquid ad gratiam Dei suscipiendam dispositionis rationem habere potest, & ex Dei misericordia id ipsum in corda hominum immittetur: sicut scriptum est: Et præparabitur in misericordia solium eius. A quo sensu D. Hieron. videtur non fuisse alienus, Hic enim per *misericordiam* intelligit non misericordiae dispositionem ut nos, sed eius effectum, dicens *misericordiam in æternum ædificari in cælis*, quia nullum, inquit, est tempus in quo non ædificetur misericordia in singulis quibusque sanctorum, quia cum priori gratiæ eorum alia, imo plerumque potior & præstâtior adijcitur, misericordia Domini in effectibus suis, & numero & dignitate augetur.

Disposui testamentum, quasi dicat Deus, Non solum ea quæ dicta sunt apud me proposui, sed eadem me facturum promisi, Quibus autem? *Electis meis*. i. ijs, quos ad hanc misericordiam atque gratiam præ reliquis, ex quorum iusta desertione manifestari conueniebat dispositionem meam prædictam meræ gratiæ esse, delegi. Hic namque sermonem esse de ijs qui ad gratiam eliguntur, patet ex eo quod mox subiicitur. *Iuravi*. i. immobiliter promisi, *Dauid seruo meo*. i. Iesu Christo ex semine Dauid formam serui induto. Vel, *seruo meo*. i. meæ voluntati secundum humanam naturam deferuienti. De quo iuramento Apostolus, Abrahæ dictæ sunt promissiones & semini eius, qui est Christus: Idque, quia conueniens atque æquum erat ut promissiones illi fierent, qui tanquam pater futuri sæculi, totius generis sui causam apud Patrem agebat, ut sciremus nos has promissiones in gratiam Christi, eoque mediante, accepisse. Quid autem est quod iuravit? *Vsq̃ue in æternum*. i. vsque dum deueniatur in æternitatem *præparabo*. i. præueniendo disponam *semen tuum*. i. filios promissionis qui æstimantur in semine. (Proinde, ut dicere cepimus, hoc testamentum disponitur electis ad gratiam, quia in eo est promissio gratiæ præuenientis.) De quibus dicit Deus, *præparabo*, quia eos qui ex illis adhuc impij erunt, præueniet, ut ad iustificationem primam se disponant: Eos verò qui ex illis relapsi fuerint, præueniet ut resurgant; Eos, qui ex illis in accepta semel iustitia permanfuri sunt, præparabit ut perseuerent; Eos qui in iustitia, siue semel, siue denuò accepta, progressuri sunt, præparabit ut crescant; Eos denique, qui in quocunque gratiæ gradu aut ordine benè operaturi sunt, ad singula opera præueniet, ut ea exerceant. Ad singula dico. Morem enim gero definitioni Celestini Pontificis, qui dicit; Ne dubitemus in bonis quibusque voluntatis humanæ singulis motibus Dei magis valere, siue (ut legit Petrus Diaconus confessionis suæ & orientalis Ecclesiæ cap. ult.) præuenire auxilium.

Mm iij Et ædi-

5. *Et ædificabo in generatione & generationem sedem tuam.* i. idem semen tuum me præparante, in regnum tuum quod est Ecclesia collectum, *ædificabo.* i. per gratiam subsequenter in eo ad incrementum prosequar, quod per gratiam præuenientem præparavi; Vtrumque autem horum faciam *in generatione & generationem.* i. continuato hoc meo opere quamdiu continuantur generationes. Hæc intelligens Psaltes, per spiritum prophetiæ sic dicit ad Deum.

6. *Confitebuntur cæli.* i. cælites, *mirabilia tua Domine.* i. admirandam miserationum tuarum & gratiæ tuæ dispositionem. *Etenim veritatem tuam.* i. eadem mirabilia dispositionis tuæ, quæ, vt diximus, veritas dicuntur cum iam re ipsa impleta sunt; In quem sensum voce veritatis & Iacob vsus est cum dixit, Minor sum cunctis miserationibus tuis, tuæ videlicet prædestinationis, & veritate quam, secundum illa quæ proposueras, explesti seruo tuo. Hanc ergo veritatem confitebuntur *in Ecclesia sanctorum.* i. in Ecclesia cælesti, quæ tantum est sanctorum, ibidem laudantium Deum, de admiranda gratia bonæ suæ erga eos voluntatis, & effectuum eius. In Ecclesia inquam. i. vniuersa *Sanctorum* illorum societate.

7. *Quoniam quis in nubibus.* i. sanctis, inquit Cyrillus, Qui alibi per nubes prophetas intelligens, satis insinuat per nubes sanctos summi ordinis intelligendos esse, ita vt sub nubibus his sanctorum longè excellentissima B. Maria mater Dei etiam compræhendatur, nam & Ambros. illam intelligit per nubem leuem, super quam Isaias dicit Dominum ascensurum & ingressurum Ægyptum. Vniuersa itaque Ecclesia Sanctorum à maximo vsque ad minimum cōfitebitur Domino *mirabilia & veritatem* eius. *Quoniam quis in nubibus.* i. Sanctorum summis *æquabitur Domino*, ita vt tanquam Deus sibi sufficiens, gratiâ saluus factus non sit? Vel, quis *similis erit Deo in filiis Dei.* i. quis eorum qui in filiis Dei cum omnibus promiscuè sanctis censetur, q.d. quis vel Sanctorum minimus, *similis erit Deo*, vt velut Deus sibi sufficiens, ope & gratiâ non egerit, vt perueniret ad gloriam sanctorum? Itaque quod hic dicitur, *similis erit Deo*, siue, *æquabitur Domino* in eundem sensum accipitur in quem dicebat primus inuentor superbi; Similis ero altissimo, quasi dixisset, non dependebo ab ope & auxilio alicuius sicut non dependet altissimus. Cyrillus tamē alibi illud paulo aliter interpretatur in huc modum. *Quis in filiis Dei* per gratiā, *similis erit aut æquabitur Deo* per naturam? cum sit inter hos infinita distantia? In quibus verbis in eum sensum acceptis, prætermittendum non est, quod dicitur neminem filiorum Dei. i. neminem eorum qui ea ratione, quæ potest pluribus conuenire, filij Dei sunt, Deo similem esse, non autem negatur Vnigenitum Dei, Deo similem esse aut æqualem.

Deus

Deus qui glorificabitur in cōcilio, siue cōcetu, *sanctorum suorum*. i. quem omnes sancti pusilli & magni glorificant tanquam Deum suum, cuius gratia salui facti sunt, & non ex semetipsis, Dei enim donum fuit. Ipse inquam Deus itidem est *Magnus*, quia magnitudinem suam reuelās, Magnus enim Dominus & laudabilis nimis in ciuitate Dei nostri in monte sancto eius: *Et terribilis*. i. per maiestatis suæ magnitudinem tremorem reuerentiæ incutiens. In quem sensum in Gen. etiam Iacob dicit: Quam terribilis est locus iste. Sensus enim est, Quam Reuerendus est locus iste. *Super omnes*. i. omnibus *qui in circuitu eius*. i. in circuitu throni eius, vt habet Apocal. in cælestibus sunt: Hæc autem per Spiritum sanctum sibi cognita, nunc in sua persona admiratur Psalter & dicit:

Domine Deus virtutum quis similis tibi? Potens es tu Domine, Et veritas tua in circuitu tuo. i. veritas tua quæ tu ipse es, conspicitur ab his qui sunt in circuitu tuo, vbi tu in medio eorū. Vel, Cogitatio tua per adimplentionem eorum quæ cogitaras, veritas facta est in circuitu tuo, quia in illis quos ad conspectum tuum perduxisti, implesti omnia quæ de illis cogitaras & prædestinaueras. Ibi proinde vno ore omnes dicent, illud Isa. Domine Deus meus es tu, exaltabo te, & confitebor nomini tuo, quoniam fecisti mirabilia, cogitationes antiquas fideles Amen. Sicut autem *potens es*, ita potentiam tuam etiam in ea quæ huius sæculi sunt, exerces, quia:

Tu dominaris potestati maris. i. potestatibus sæculi, (mare enim sæculū est) eorum enim potentiam & sauitiam in tuis martyribus, in Ecclesiæ primordiis superas. *Motum autem fluctuum eius*. i. vim & impetum tumultuū & persecutionum eius, *tu mitigas*. paulatim enim Deo operante, flaccessere tandem cepit persecutio, & seditio gentilium, donec Deo gratiam suam in idipsum multiplicante, planè tandem cessaret. An non enim mitigati sunt fluctus maris, cum Imppp. quidam Christianos noluerunt inquiri, sed in delatos aut depræhensores solummodo animaduerti? D. tamen Cyrillus hoc versiculo in sensu literalī vsus est, cum scriberet in hæc verba: Gratia & benignitate nostri omnium seruatoris Christi amplum illud & magnum traiecimus æquor, leuibus ac placidissimis flatibus vsi, ita vt absque omni metu & periculo nauigationem hanc executi, ad Rhodiorum ciuitatem appulerimus, glorificantes Deum & Psalmistæ voce dicentes: Tu dominaris potestati maris, motum autem fluctuum eius tu mitigas.

Tu humiliasti sicut vulneratum superbum. i. Sathanam principatu quo hominibus dominabatur deiecisti, & tanquam fortior fortem illum cohibendo alligasti. Idque, *tanquam vulneratum*, A tempore enim quo à te alligatus est, impropertur ei illud Isaïæ: Et tu vulneratus. i. debilitatus es (vulneribus enim debilitantur homines) sicut & nos, nostri similis effectus

es. Au-

es. Augustinus tamen in confess. istud accommodat superbis hominibus, qui humiliantur sicut vulnerati, cum ostensis sibi animarum suarum vulneribus pristinos demittunt animos. *In brachio virtutis tuæ*. i. in filio tuo, siue cooperante tibi filio tuo, virtute tua. *Dispersisti inimicos tuos*. i. complures ex ijs ad te conuertendo conspirationem eorum dissoluisti.

12. *Tui sunt cæli, & tua est terra*. i. Tu fecisti cælum & terram, vel potius. Tu dominaris in cælo & in terra. *Orbem terræ*. i. Ecclesiam per vniuersum orbem terrarum diffusam. *Et plenitudinem eius*, Ecclesiæ scilicet. q. d. Ecclesiam quam latè per vniuersum orbem terrarum patet, & multitudinem bonorum, quâ ipsa oppleta est. *Tu in proposito voluntatis tuæ fundisti*. *Aquilonem, & mare tu creasti*. i. illos, qui erant latera aquilonis atque diabolo prius adhærebant, & vñdis sæculi erant immerfi, tu creasti in vnum nouum hominem. Vel, Diabolum qui sedere volebat in lateribus aquilonis, & homines huius sæculi tu creasti, vt sint id quod secundum naturam sunt, & ob id non possunt potestatem tuæ voluntatis vsquam euadere. Quidā tamen hic, sicut & Psal. 106. pro (*mare*) legunt (*Austrum*) qui in bonum ferè solet accipi. Secundum quam lectionem sensus erit. Malos qui per *Aquilonem* frigidum & infructuosum ventum ubiq; ferè significatur, & Bonos qui per *Austrum*, tu in fide & fraternitatis amore, Bonos insuper in nouum hominem creasti. Quæ expositio non parum conducit ad propositum. Cū enim paulò ante dictum sit, Ecclesiam per vniuersum orbem terrarum Domino fundante, diffusam esse, & illa, Domino tolerante, complectatur malos & bonos, per versiculum hoc modo expositum datur intelligi, vt bonos, ita & malos id per quod in Ecclesia sunt, à Deo habere.

13. *Tabor*. i. illi qui sublimem montem conscenderunt, in quo reuelata facie gloriam tuam speculantes transferuntur à claritate in claritatem tanquā à spiritu tuo: *Et Hermon*. i. qui ad modicam iustitiam pertigerunt: Hermonij enim Psal. 41. mons modicus dictus est. *In nomine tuo exultabunt*, i. iustitiam suam quæ ipsis gaudio est, nomini tuo, in quo sanctificati sunt, ascribent. Et agnoscant simul. *Tuum brachium cum potentia*. i. Filium cum Spiritu sancto, qui nomine virtutis siue potentiæ Psal. 68. designatus est, tanquam qui hæc omnia simul tecum operati sint.

14. *Firmetur manus tua*. i. confirma hoc quod operatus eris in eis: & *exaltetur*. i. maiora indies in eis operetur, *dextera tua*. i. virtus tua quæ in eis operetur bona, quæ pro sint eis in vitam æternam. *Iustitia & iudicium præparatio sedis tuæ*, per iustitiam enim & iudicium quod vnusquisque exercet in semetipsum, paratur sedi tuæ, vt in æterna beatitudine sedes siue templum tuum sit.

Miseri-

Misericordia & veritas præcedent faciem tuā. Prius enim quam ostendas nobis faciem tuam, exhibes nobis indulgendo & gratis auxiliando misericordiam promissis tuis consentaneam. Vel, priusquam ostendas nobis faciem tuam oportebit nos misericordiæ opera exercere (Iudicium enim sine misericordia illi qui non facit misericordiam) & in veritate ambulare. Vel, *Misericordia & veritas præcedent faciem tuam*, quia priusquam hic illumines vultum tuum super nos, præuenit te tua misericordia Christo pro nobis promissa, Quocirca verissimè dico: *Beatus populus qui scit iubilationem.* i. felix ille populus cui contingit de hac bona Dei circa se voluntate & præueniente misericordia, (quod fieri non potest sine mentis iubilo, qui est lætitia incenarrabilis) gaudere. Hi enim,

Domine in lumine vultus tui. i. in lumine diuinæ gratiæ tuæ, ad similitudinem luminis quod tu tibi es, expresso, *ambulabunt.* i. conuersabuntur, In hoc lumine considerantes quid sibi faciendum, dicendum, vel prætermittendum sit, cum contra, alij ambulent in vanitate sensus sui tenebris obscuratum habentes intellectum propter ignorantiam cordis eorum. *Et in nomine tuo.* i. ob ea quæ agnoscent te eis propter nomen tuum tuamque ipsius bonitatem indies deferre ac præueniendo donare. *exultabunt.* i. præ lætitia exilient *rota die*, quia gratia hæc, nulla diei parte, siue comedant, siue bibant, siue negotia obeant, siue ad interiora se conuertant, eis deerit. Obtinuerunt enim, quod sibi proposuerat Sapiens, Sapientiam tuam sibi ad conuiuendum. Et felix est mens eorum, cui Verbum tuum velut indiuiduus comes, vt Bernardi verbis utar, se vbique præbet affabilem. *Et in iustitia tua.* i. à te ipsis donata, *exaltabuntur.* i. in honore & pretio erunt.

16.

Sapient. 8.

Serm. 32.
in Cant.

Quoniam. i. quapropter, quia scilicet tuum est id per quod exaltantur, *Gloria virtutis eorum.* i. gloria quæ defertur aut debetur virtuti eorum, *tu es.* i. tua est, tibi debetur ac tibi iure ascribitur. *Et in beneplacito tuo.* i. quia tibi placuit prius nobis benefacere *exaltabitur* in æterna gloria, *cornu nostrum.* Per exaltationem enim cornu sublimitatem æternæ gloriæ solere intelligi, manifestum est ex scripturis: Cornu eius exaltabitur in gloria. Et: Exaltabit cornu Christi sui. Vnde autem, vel, quo principio orta sunt hæc omnia?

17.

Quia Domini est assumptio nostra. i. ad hæc à Domino sumus ex mortuis, siue è statu peccati & reatu ac præcipitio mortis secundæ assumpti, Quæ enim assumptio, inquit Apostolus, nisi vita ex mortuis? *Et sancti Israel regis nostri,* scilicet, est assumptio nostra; A mortuis enim ad vitam, imo viuificationem suscepit nos vna cum Deo Christus eius, sanctus sanctorum, secundum vtramque suam naturam verus Israel, semper videns Deum; Rex noster qui sibi regnum super nos multo labore & pretio magno comparauit.

18.

N n

parauit.

parauit. De qua assumptione Dominus per Isaiam : Suscepit te dextera iusti mei. i. Christi. Et Apostolus : Suscipite inuicem, sicut & Christus suscepit vos in honorem Dei. Vel, *Sancti Israel regis nostri* assumptio, est Domini; Vt enim nos per gratiam à Domino ad vitā ex mortuis assumeremur, etiam ipse Rex noster Christus secundum humanam naturam à Domino in vnitatem diuinæ personæ sine præuijs suis meritis assumptus est. De quo sancto Israel Rege nostro Christo,

19. *Tunc*. i. diu ante aduentum eius in carnem *locutus es*, ô Deus, *in visione*, i. prophetiæ reuelatione siue manifestatione *Sanctis tuis*, quibus ob vitæ, quam eis dederas, vel qua tibi consecrati erant, sanctimoniam, non potuisti celare ea quæ facturus eras. *Et dixisti* : *Posui adiutorium*. i. auctoritatem, virtutem, ac potestatem vobis auxiliandi, *in potente*. i. Christo, qui secundum diuinam naturam (teste, & ita hunc locum explicante Ambrosio) potens est & virtus Dei, *Adiutorium* inquam in eo *posui*, secundum humanam naturam, faciendo eum secundum eandem diuinæ suæ potestatis confortē, vt in quo passus esset, ipse & tentatus, potens esset iis qui tentantur, auxiliari. *Et exaltaui*. i. in dexterae meæ consortium secundum humanam naturam sublimauit, Christum, *Electum* vnum ex millibus. *de plebe mea*, gente videlicet Iudaica. Vel, *de plebe mea*. i. ex parentibus plebeis. Tenuis enim, inquit Basil. erant parentes Christi, neque necessariis ad viuendum copijs satis instructi, ita vt verisimile sit, inquit, eos solitos fuisse in assiduis corporis laboribus versari, & hac ratione quotidianū sibi victum quæritare. Hæc Basiliius. Prius tamen quam Christus quo dixi modo exaltaretur,

20. *Inueni David*. i. eundem Christum, quem prius dixi electum esse de plebe mea, & nunc id propius explicando, declaro eum electum ex illa stirpe plebis meæ, quæ est stirps Iesse per David. Hunc, inquam, *inueni*. Non enim Christus secundum humanam naturam vlla ratione præuenit Deum, vt Dei filius fieret, sed Deus eum non quærentem, imo ne existentem quidem *inuenit* vt homo & simul Dei filius fieret, ita vt de Christo secundum humanam naturam verè dicat Deus, Inuentus sum à non quærente me. Qua in re agnoscendus est Christus esse illustre exemplar, præsertim præuenientis, gratiæ Dei. *Oleo sancto meo*. i. Spiritu sancto, cui quia exuberans Dei amor & charitas est, diuinæ vñctiones attribuuntur; *vixi eum* in ipsa sui inuentione siue conceptione. *vixi*, inquam, *eum*.

21. *Manus enim mea auxiliabitur ei, & brachium meum confortabit eum*. i. Ipsum verbum meum æternum, quod manus mea & brachium meum dicitur, quia per ipsum feci omnia : Hoc, inquam, verbum *confortabit eum* secundum humanam suam naturam, tanquam proprium suum sibi quæ cohærens (vnde & Zacharias dicit eum virum cohærentem Deo) templum, vt ea dicat

dicat & faciat quæ nemo alius fecit. *Vñxi ergo eum*, non vulgari modo, vt solum dona ac charismata Spiritus sancti, & in illis Spiritum sanctum more aliorum reciperet, sed vt spiritu sancto reliquis sanctæ Trinitatis personis gratuita bonitate cooperante, ex Virgine homo in diuina persona subsisteret. Inter cætera autem brachium meum confortabit eum, vt sit potens in prælio: Ego enim (dicit Dominus, Hieremiæ figuram eius gerenti) dedi eum in ciuitatem munitam & in columnam ferream & in murum æreum super omnem terram regibus Iuda & principibus & sacerdotibus, & omni populo terræ, & bellabunt aduersus eum, sed

Nihil proficiet inimicus in eo, quia diabolus omnis iustitiæ inimicus, vt ex Euangelijs notum est, eum tentando nihil proficiet. *Et filius iniquitatis*, qui D. Cyrillo Iudæi sunt, tentantes, nunc mansuetudinem Christi, nunc eius integritatem, nunc veracitatem, & reliqua; *Non apponet nocere ei*, quia sicut diabolus, ita nec isti tentando poterunt eum ad vllum peccatum inducere, *Quod est nocere.*

Et concidam à facie ipsius inimicos eius. i. ego per verbum meum in eo manens, & in eo faciens opera, dæmones passim eiiciendo, regnum eorum, à facie siue à præsentia eius, quasi in frustra concidendo, dissoluam. *Et inimicos eius* eosdem dæmones, *in fugam conuertam*, vt audito nomine eius, siue adiurati per nomen eius, è suis possessionibus fugiant. Vel, *Nihil proficiet inimicus in eo*, quia primates populi Iudaici ab infantia eum persequendo, & operibus eius contentiosissimè obnitendo, tanto studio nihil eorum quæ volent obtinebunt. Ita vt coacti tandem debeant veritatem fateri, & scripturæ huic perhibere testimonium & dicere; Videtis quia nihil proficimus, Ecce mundus totus post eum abit. *Et filius iniquitatis.* i. populus iniquitatem principum suorum imitatus, *non apponet nocere ei.* i. quia, vt principes, ita & hi nihil ei in veritate nocebunt; Ego enim liberator eius de inimicis eius iracundis, & ab insurgentibus in eum, eum exaltabo, vt Psal. 17. dictum est. Contrà verò, in die iudicii, ego in eo, vt in Psal. 9. dictum est, iustitiam iudicans, *Concidam.* i. internecioni mortis secundæ tradam, *à facie eius.* i. coram oculis eius in solio maiestatis suæ corporaliter sedentis, *inimicos eius*, Tum enim implebo quod ipse dixit, Inimicos illos meos, qui noluerunt me regnare super se adducite huc, & interficite ante me. Hunc itaque versum de die iudicii rectius intelligimus, quia *cōcidere*, & *conciso* diei iudicii in scripturis sacris passim tribuitur. Dicitur enim in Psalmo, Dominus iustus concidet ceruices peccatorum. & Ioelis 3. Vallis Iosaphat in qua fiet iudicium dicitur vallis concisionis, & populi in ea ad iudicium congregati, dicuntur populi concisionis. i. filij mortis secundæ: Cuius internecio dicitur cōcisio, vt ex notorii supplicij acerbitate, de acerbitate illius extre-

Na ij ma, &

niæ, & nunquam terminandæ, internecionis coniiciamus. Quæ si non inferat dolorem qualis ex dissectione singulorum membrorum in corporali concisione nascitur, infert saltem illum dolorem quo damnatus, sicut concisus, per omnia & singula sua membra torquetur. *Et odientes eum in fugam conuertam.* Illo enim die aduentante, implebitur quod scriptum est, Fugiant qui oderunt eum à facie eius. Sed quid proderit eis fugere? Non enim, ut diximus, effugient.

24. *Et veritas mea & misericordia mea cum ipso.* Posset hoc etiam de die iudicii intelligi, in quo Christus exercebit misericordiam & veritatem, sed quia id quod sequitur, in ascensione Christi impletum est, ideo conuenientius hoc accipitur impletum esse tempore mortalis vitæ Christi. De hoc enim tempore dicit Deus Pater; *Veritas mea & misericordia mea cum ipso.* *Veritas* quidem, quia in Christo mortalem vitam in carne agente, impleuit quod promiserat Deus per Prophetas suos in scripturis sanctis de Filio suo, qui iam tum factus erat ei ex semine Dauid secundum carnem. *Misericordia* verò, in ipso enim Christo presente ostēdebat Deus populo misericordiam suam & salutare suum dabat eis. Et vna cum eo non modicam exhibebat populo misericordiā, Misericordiam Iesu super turbas quia erant vexati non habentes pastorem: Et super turbam quæ triduo sustinuerat eum, nec habebat quod manducaret: Et super viduam quæ flebat mortem vnici sui qui esse rebatur: Et super seruum supplicem qui debebat Domino decem millia talenta: Et super cæcos clamantes, Domine misere nostri fili Dauid; Et super illum quem inuaserat legio dæmonum: Quis autem intelliget misericordias quas Deus cum Christo suo exhibuit illi qui incidit in latrones? *Et in nomine meo exaltabitur cornu eius.* Cū enim ad gloriā (quod per cornuum exaltationem significari diximus) sublimandus erit, tum accipiet nomen quod est super omne nomen, quod D. Cyrillo & Basilio est nomen Dei. Tunc enim exacto iam tempore suæ exinanitionis atque humilitatis, non à natura, inquit Cyrill. qua se humiliavit, sed à dignitate & gloria qua secundum naturam Deus est, cognosci incipiet Christus. Cornu verò eius exaltato, cū Apostoli incipient sulcare maria & flumina peragrarē,

9. in Ioan
8. 20. et 10
c 9. & lib.
11. c 22.
Basil. 2. ad
Heros. Euno.

25. *Et ponam in mari mare eius, & in fluminibus dexteram eius.* i. faciam virtutem gratiæ eius ad eos qui in inuijs habitant, ad quos nisi per mare & flumina non acceditur, peruenire: Imo in ipso mari & fluminibus erit manus eius, quia nauigantibus, in media nauigatione, aderit frequenter operatio gratiæ eius. An nō id (quod sæpius alijs in rebus factum credimus) manifestè videmus in nauigatione Pauli, in qua sermonibus Pauli Christo cooperante, animæ quiores facti sunt qui prius nimia imminētis interitus formidine erant consternati? Tempore interim mortalis vitæ suæ.

Ipsē

Ipsē, in orationibus suis ut mihi verus sacerdos, Inuocabit me, ut eum, & pręcipuē semen suum saluum faciam à morte. In qua oratione sua dicit mihi. Pater meus es tu, mihi quidem tam humana quam diuina generatione, (ex humana enim generatione homo ille, qui hæc dicit, fuit filius Dei naturalis) fratribus verò siue mēbris meis ob id Pater es adoptione. Nobis enim conceditur, appellare Deum Patrem, quia filius eius genuinus, inquit Athan. habitauit in nobis. Deus meus, secundum humanam naturam, Cū enim Christus simpliciter Deus sit & Dominus, & nemo, auctore Cyrillo, dicatur Deus sui ipsius, oportet ut cum Christus Deum appellat Deum suum, id intelligamus dici secundum quid, videlicet, ratione humanę naturę. Ad hoc enim ut aliquis simpliciter sit Deus aut Dominus alicuius, requiritur pluralitas suppositorum; inquit D. Thom. Et susceptor salutis meę. Qui me ad summam salutem per gratiam vnionis suscepisti; Et per resurrectionem, ad plenam corporis & animę salutem, incolumitatem, & felicitatem suscepturus es.

26.

*Epist. pro
Deere. Con.
Nicaen.
Cyr. epi 10*

*3. p. 9. 20.
4. 2. ad 1.*

Et ego primogenitum ponam illum. i. cum, per gratiam siue gratuitā Dei bonitatem secundum humanam naturam in filium Dei naturalem generatū, constituam exemplar atque fontem gratiæ, ut ad instar eius, atq; ex eo, per eandem gratiam complures in filios Dei à spiritu gratiæ adoptentur, ut sit ipse primogenitus in multis fratribus. Qui fratres eius dicuntur, quia ipse cum illis secundum hominem ex eadem gratuita Dei voluntate ducit originem, Ea namque gratia (inquit August.) sit ab initio fidei suę homo quicumque Christianus, qua gratia homo ille ab initio factus est Christus. De ipso spiritu hic renatus, de quo ille natus. Eodem spiritu sit nobis remissio peccatorum, quo factum est, ut nullum haberet ille peccatum. Excelsum præ regibus terrę. Est enim Rex regum, & Dominus dominantium, Cuius hęc celsitudinem Isaias expresse in hæc verba: Ecce intelliget seruus meus, exaltabitur & eleuabitur, & sublimis erit valde, & paulo post: Ille asperget gentes multas; super ipsum continebunt reges, (ecce quomodo excelsus præ regibus terrę) os suum, qui prius aduersus religionem Christianam leges seuissimas, inquit August. promulgabant. Vel, quia in conspectu eius ne hiscere quidem de sua potestate audebunt.

27.

*De prædes.
Sant. c. 15*

*1. de cons.
Bnag c. 35*

In æternum seruo illi misericordiam meam: Illi enim pro suis fratribus vsque in diem æternitatis propitius & misericors ero; vbi iterum est animaduertere, quod Christus mediator noster sit, non solum in promerenda vel impetranda, verum etiam accipienda Dei gratia. Et testamentum meum, quod disposui electis meis, & Iuravi illi, fidele. i. permanens, stabile erit atque immobile ipsi, Ipse inquam, eramus enim indigni qui testamentum pacis à Deo immediate acciperemus. Oportuit proinde illum qui gra-

28.

N n iij tiam

tiam hanc emeruerat, etiam ipsum meriti sui fructum, eiusque pollicitationem pro nobis à Domino accipere. Cuius misericordiæ effectus est,

29. *Et ponam in sæculum sæculi. i. quamdiu de sæculo in sæculum deuoluetur huius vitæ tempus, semen eius, Quia toto tempore huius sæculi spiritus eius generatione spiritali propagabitur in posteros. Et thronum eius: Ex quo ipse impertiendo iustitiam, iudicabit, vt in psal. 71. diximus, populum suum in iustitia: Et thronum, quem ipse in Ecclesia possidet per vicarios suos eam regendo & iudicando, ponam, sicut dies cæli.* Si enim, inquit
- Jerem 33. Dominus per Ieremiam, irritum fieri potest pactum meum cum die, & pactum meum cum nocte, vt non sit dies & nox in tempore suo, & pactum meum irritum esse poterit cum Dauid seruo meo, vt non sit ex eo filius qui regnet in throno eius, Et Leuitæ & Sacerdotes ministri mei. Per quæ postrema verba satis manifestum euadit *thronum* Christi, non solum in cælo, sed insuper in Ecclesia permanurum. Et quod his amplius est,

30. *Si autem dereliquerint. i. per apostasiam abiecerint filij eius. i. illi filij promissionis qui iam etiam vocatione & professione filij eius sunt, legem meam, Derelinquere enim Dominum aut legem in scrip. sacris idem ferè est quod Apostatare: & in iudicijs meis. i. lege mea tempore veteris testamenti præcepta iudicialia comprehendente, non ambulauerint. i. secundum leges meas suam non instituerint conuersationem.*

31. *Si iustitias meas quibus à me per spiritum sanctificationis fuerint sanctificati, profanauerint. i. amisso per peccatū spiritu sanctificationis semetipsum prophanos fecerint. Et mandata mea præuaricando non custodierint.*

32. *Visitatio in virga iniquitates eorum, & in verberibus peccata eorum. In virga, inquit & in verberibus. Peccata enim eorum qui à iustitia lapsi sunt, Deus dimittere non vult sine castigatione & supplicio. Quæ castigatio à Deo illata valebit eis ad remissionem peccatorum, si piè vt docet Concil. Trident. ab eis fuerit tolerata. Si autem lapsi de semetipsis vindictam sumendo, hanc Dei visitationem præuenerint, vindicta quam de semetipsis sumunt, valebit eis, mihi crede, inquit Tertull. ad hoc vt vindictam Dei euadant.*

3. s. 14. c. 3.
Teri. de pe-
nit. cap. 9.
Aug. ep. 54
Bern. serm.
35. in Cæi.

33.
Cyp. epi. 52
Aug. in bñs
locum. &
17. de ciu.
cap. 9.

- Misericordiam autem meam non dispergam ab eo, quia lapsus in Christo dabit Deus remissionem peccatorum, inquit Cypria. Dicitur autem, ab eo, quia datur Christo remissio peccatorū in membris eius, vt docet August. Neque nocebo. i. flagellando, verberando, castigando, non inferam illis nocumentum, sed exercebo disciplinam quæ postea fructum pacatissimum exercitatis per eam reddet iustitiæ. Id autem dico, In veritate mea; Assertio est, quali & Ieremias vsus est cum diceret: In veritate misit me Dominus ad vos. Huius tamen loci assertio iuramentū est, quia cum hic Deus loqua-*

loquatur, per veritatem non intelligit nisi veritatem increatam. Affirmare autem aliquid per veritatem increatam, iurare est. Cum tamen homines aliquid asserunt *in veritate*, id intelligere possunt de veritate, quæ est in re de qua loquuntur, siue in asserentium mente; & eo casu non proferunt iuramentum.

Neque profanabo. i. fallendo non violabo sanctum *testamentum meum.* i. pactum meum siue promissiones meas. Nec id mirum, Quin etiam, *Quæ procedunt de labijs meis.* i. quæ absque promissione aut iuramento simpliciter dico aut enuncio *non faciam irrita.* i. non sinam illa euentu suo fraudari. Quin &

34.

Semel iuravi in sancto meo. i. per sanctitatem meam. Quod idem est cum eo quod alibi dicitur: Per memetipsum iuravi dicit Dominus. Id autem non sui causa fecit Deus, Ipse enim, vt mox audiuius, & cum loquitur fidelis est, cuius sermo inquit Ambrosi. sacramentum est. Non enim propter sacramentum (i. iuramentum) fidelis Deus, sed propter Deum etiam fidele est sacramentum: non ergo sui, sed nostri causa iuravit Deus. Quia enim illud verius solemus credere, inquit ibidem Ambrosi. quod iureiurando firmatur, ne nostra claudicet fides, iuravit Deus, vt per duas res immobiles, asseritionem videlicet suam & iussurandum, quibus impossibile est mentiri Deum, fortissimum solatium habeamus. Nobis proinde cum Tertull. ex-
clamandum est. O felices nos pro quibus iurare vult Deus. Attamen hoc quod dicitur. *In sancto meo* intelligi potest vt idem sit quod, in filio meo, sicut & apud Isaïam cum dicitur, iuravit Dominus in dextera sua, D. Cyril. per dexteram filium intelligit: Nec hic intellectus erit abs re: Sicut enim cum Deus per semetipsum iurat, declarat, teste Tertull. alium Deum omnino non esse, sic cum per Filium iurat, declarat Filium sibi æqualem esse, *Iuravi itaque in sancto meo. si Dauid mentiar.* i. Nequaquam mentiar Dauid. i. Christo, inquit August. Quid autem iuravit Dauid? *semen eius.* i. filij promissionis *in æternum manebit.* Non enim peribunt, inquit, oues meæ in æternum, & non rapiet eas quisquam de manu mea. Vel, *Semen eius in æternum manebit*, quia vsque in diem æternitatis perseverabit continuata successio Christianorum in locum hinc decedentium, Et post hanc vitam,

35.

1. de Cain
& Abel,
cap. 10.de pñis.
cap. 3.Cyrill. li. 6.
in Gen.Ter. 2. con.
Marc. c. 26

Et thronus eius. i. sedes, templum, regnum gloriæ eius, qui sunt sancti in futuro sæculo, sicut sol in conspectu meo, quia, per gloriam animæ, fulgebunt sicut sol in præsentia Dei, siue cum præsentem, vt Apost. loquitur, erunt ad Dominum. Et per gloriam corporis fulgebunt, sicut luna perfecta in æternum, quia erunt ibi perfecta & immutabili corporis immortalitate, inquit August. vestiti, cum hic fuerint, secundum corpus præsertim, multis incrementis & decremētis ac mutabilitatibus obnoxij. Et quia in nulla re tantopere con-

36.

Epist. 119.
cap. 6.

tradi-

Aug. in l^{re}
locum.

de diu. no
min c. 6.

Athana. de
corp. adu.
verb. circa
finem.

16 cōt. Fau
stus p. 29.

tradicitur fidei Christianæ, inquit August. quam in resurrectione carnis: Nam & quidam cū audirent ex Paulo resurrectionem mortuorum, irridebant, putantes resurrectionem carnis contra naturam esse, inquit Dionys. quocirca etiam nemini falforum deorum affinxit gentilitas, inquit Athanas. resurrectionem à mortuis; Ob id, inquam, voluit Deus nos ad fidem resurrectionis, non solum verbo firmare, verum etiam exemplo, Præsertim, cū, teste August. in resurrectione, propria (mortuum enim Christum & gentiles, inquit, credunt) fides Christianorum sit. Sequitur proinde; *Et testis in cælo fidelis*. i. Fidelis in cælo qui est Christus, fidelis dictus, quia habet ibidem immortalitatem fidelem quæ nunquā amplius visura est corruptionem, *est testis* futuræ vestræ per resurrectionem immortalitatis: Ad hoc enim Christus, inter cætera, resurrexit, vt corporis sui restitutionem & immortalitatem sibi membra promitteret, quæ in capite præfussisset. Hanc autem huius loci explicationem requirunt aliæ scripturæ. Nam pro eo quod nos legimus, *testis in cælo fidelis*, Septuaginta, teste D. Hieronymo, legunt *Dabo vobis sancta David fidelia*. Quæ autem sunt hæc sancta David, nisi immortalitas Christi ex resurrectione eius à mortuis? Et quomodo illa sunt fidelia, nisi quia Deus, vt interpretatur Apostolus, suscitauit Christū à mortuis, iam amplius non reuersurum in corruptionem? Et qua ratione hoc tempore dat nobis Deus illa sancta David fidelia, nisi quia concedit nobis illa in testimonium nostræ resurrectionis? Cæterum ne quis putet promissiones præmissas intelligendas esse de Salomone, regno ac templo eius, cōuertit Psalter sermonem ad enarrandam euerfionem eorum quæ sunt Salomonis & regni Iudaici, dicitque:

37.

3. in l^{re},
cap. 1.

1. Reg. 7.

Tu vero repulisti regnum Salomonis in successoribus suis, vsque ad euerfionem ipsius ciuitatis Hierosolymitanæ, inquit August. & despexisti, Salomonem filium meum ob peccata sua, & proinde non est ipse ille filius, de quo hætenus sermo factus est. Quia fortè permissus est Salomon errare, inquit Ambros. ne in eo crederetur implenda prophetia de Christo. *Distulisti Christum tuum*, illum enim qui verè Christus est, & in cuius typū Saul & alij reges Christi dicti sunt, non fecisti ex semine David nasci ipso adhuc viuente, sed natiuitatem eius in longum tempus post mortē Davidis distulisti. Sicut eidem promissisti, cū per Nathan Prophetam diceres: Cū impleti fuerint dies tui & dormieris cum patribus tuis, suscitabo semen tuum, quod egredietur de utero tuo, & firmabo regnum eius. Vbi cum dicitur: suscitabo; promittitur ei in filium Christus. Hunc enim ex semine David non vir aliquis, sed ipse Deus in spiritu suo sancto, ex Virgine suscitauit: De consuetis enim conceptionibus dicitur, quod frater debeat suscitare semen fratri suo.

Euer-

Euertisti; Sic enim legendum esse testatur August. pro eo quod nos legimus, *Euertisti testamentum serui tui*, quod singulariter seruo tuo Dauid fecisti: de quo ipse Dauid loquens ad Salomonem: Obserua, inquit, ut custodias mandata Domini, ut confirmet Dominus sermones suos quos locutus est de me, dicens: Si custodierint filij tui vias meas, non auferetur tibi vir de folio Israel. Sicut enim, teste Augustino, gens Hebræa mansisset in terra promissionis in felicitate temporali usque ad terminum huius sæculi, si diuinis legibus paruisset; ita & regnum Dauid per ingem succensionem nepotum eius perpetuum fuisset, si posteri eius diuinis mandatis permanissent morigeri. Quam conditionem quia non impleuerunt, ideo successio regum illorum abrupta est, regnumque eorum deletum: Et testamentum, conditione sua non impleta, iure est euersum. *Prophanasti in terra sanctuarium eius*, i. templum à Davide preparatum, & à Salomone exstructum. Idcirco, ne in Salomone crederetur impletum quod dictum erat ad Dauid: Ipse edificabit domum nomini meo.

38.

17. de ciui.
cap. 10.
3. Reg. 2.17. de ciui.
cap. 2.

Destruxisti omnes sepas eius. Idem est cum eo quod Psal. 79. dictum est, *Destruxisti maueriam eius*. *Posuisti firmamentum eius formidinem*, ita ut nihil tam fortis sit aut munitum, quod eum formidine solutum aut securum facere possit. Implesti enim quod Israel veri contaminatus: Dabit tibi Dominus cor pauidum, Mane dices: Quis dabit mihi vespertum: & vesperti, Quis dabit mihi mane, propter formidinem cordis tui. Vel, *Firmamentum eius*, in quo de tua protectione securus solet habitare sub vinea & ficu sua, conuertisti in formidinem.

39.

Deuter. 23.

Diripuerunt eum omnes transseuntes viam: factus est opprobrium vicinis suis. Id in Psal. 79. explicatum est.

40.

Exaltaisti dexteram desipientium eum: letificasti omnes inimicos eius, quia hostibus eius varijs locis & temporibus victoriam de Israel in vindictam dedisti.

41.

Auertisti adiutorium gladij eius: et non es auxiliatus ei in bello, Hec coincidit cum illo versu Psal. 43. Nō egredieris Deus in virtutibus nostris.

42.

Destruxisti eum ab exundatione, i. permissendo destrui templum, & cultum religioni: quo saler secundum legem purificari & expiari, exclusisti eum à solitis purificationibus, ut ob id plorans de eo dicat Ieremias: Sordet os in pedibus eius. *Et sedem eius*, i. thronum Salomonis, ad quem propter eius sublimitatem sex gradibus ascende batur, in terram collisisti, i. de sublimitate sua ignobiliter deiectum ad terrā collidendo, cum confregisti.

43.

Minorasti dies temporis eius. Quia secus quam prima facie futurum videbatur, paucis annis Israel perman sit in terra sua. Vel, regnum Salomonis in pristina amplitudine & gloria. *Perfudisti eum confusione*. Dicit proinde

44.

O o Psal. 43.

Pfal 43. Confusio faciei meæ cooperuit me à voce exprobrantis & obloquentis. His enarratis subdit tandem Psalter orationem pro populi sui conuersione, & dicit :

45. *Vsq̃ue quo Domine auertis faciem tuā, inquit August. vel misericordiam tuam à reliquijs Israēl, in finem, sæculi, inquit idem. Exardescet sicut ignis ira tua, quæ ut ignis serpens penè totum illum populum consumit? Personam verò illius populi in se transfigurans, dicit :*

46. *Memorare quæ mea substantia. i. quod manibus tuis ad imaginem tuam conditus sim. Vel, ut exponit August. Memorare quod Christus ex nostra gente substantiam humanæ carnis assumerit. Vtraque expositio bona est, quia vtrumq; horum Dei misericordiam in populum illum prouocat. Primum quidem, quia dicit D. Augustinus, quod humana natura meretur Dei gratiam, quia imago Dei est. Quæ tamen eius verba non sic intelligenda sunt, quasi Deus naturæ humanæ, præsertim lapsæ, gratiam deberet: Nulli enim, inquit idem, gratuita liberatio daretur, si naturæ debita redderetur: sed dicitur ab eo natura humana gratiam mereri, quia ipsa præ creaturis irrationalibus tam præstans est, ut eius misereri, eiq̃ue miserendo subuenire Deo dignum sit atque decorum. Alterum verò, quia quod Christus ex Iudaica gente carnem assumpserit, facit eandem miseratione quodammodo dignā: Nam & Apostolus ardentissimè illam dilexit, inter cetera ob id quod ex ea Christus esset secundum carnem. Prior tamen sensus est contextui magis conueniens. Sequitur enim; Nunquid enim vanè constituisi omnes filios hominum? i. Nunquid non visum fuit tibi indignum, si totum genus humanum eo quod à te conditum erat, à fine suo excideret, & in æternū periret? Vanè enim constituisset Deus omnes filios hominum, inquit D. Thomas, si genus humanum in omnibus suis suppositis periret. Id autem non permisit Deus, quia indecorum erat, inquit Athanasius, & indignum Dei bonitate, si quæ ab ipso creata essent in interitum abirent, eratq̃ue indecentissimum artem Dei in hominibus extinguere. Si ergo ô Domine humanum genus perditioni obnoxium te ad misericordiam commouit ne in totum periret opus tuum; Memorare quæ nostra substantia; Nam & nos opus manuum tuarum sumus: vel huius ergo rei intuitu misericordiam ante oculos tuos inueniamus. Hæc itaque oratio eandem vim & energiam habet cum ea quam pro Iudæorum salute fundebat Isaias cū diceret: Et nunc Domine pater noster es, nos verò lutum; & fictor noster tu, & opera manuum tuarum omnes nos; ne irascaris Domine satis.*

47. *Quis est homo qui viuet, & non videbit mortem, corporis, inquit August. Vel potius, peccati? Omnes enim peccauerunt & egent gloria Dei. Eruet, propria virtute, animā suam de manu inferi; cui se peccādo fecit obnoxium?*

Cūm

Cum ergo neutrum horum in potestate hominis sit, & auxilium tuum ad illa nobis sit necessarium, tu Domine erue animas nostras de morte, & de manu inferi, de necessitatibus nostris liberans nos Domine.

Ubi sunt misericordiae tuae antiquae Domine. Antiquae. i. patribus nostris 48.
ab antiquo siue saeculi principio exhibitae? *Sicut*, siue quas prius exhibitas postmodum *iurasti. i. iureiurando confirmasti Christo tuo David in veritate tua*, siue, ut diximus, per temetipsum? In quem sensum & Isaias orabat *Usa 63.* pro reliquijs populi sui, cum diceret: Vbi est zelus tuus & fortitudo tua, multitudo viscerum tuorum & miserationum tuarum? populo scilicet huic in patribus suis exhibitarum.

Memor esto Domine opprobrij seruorum tuorum. i. crucis Christi, quae 49.
fidelibus seruis tuis in opprobrium verti solet ab infidelibus. Huius, inquam, memor esto, quia in ea Christus pro suis crucifixoribus, quorum hic causam in eorum posteris agimus, rogauit. Et quia fideles, quibus crux Christi exprobrata est, in gentibus ferè fuerunt, ideo subiicitur: *Quod conuini in sinu meo multarum gentium*. Multitudo enim gentium hoc opprobrium sustinuit, idque continuit in sinu suo, siue tacite, ne conuitiantibus respondendo eorum insaniam magis prouocaret. Opprobrium, inquam,

Quod exprobrauerunt inimici tui Domine. i. infideles, fidei Christianae 50.
contumaciter oblucentes, *Quod exprobrauerunt commutationem. i. crucifixionem Christi tui*. Recordare, inquam, Non tam huius exprobrationis, quam nostrae & omnium redemptionis, quae fidelibus tuis in opprobrium versa fuit. Psaltes denique pro his tantis Dei beneficijs gratias Deo debitas referens, & nobis gratias similiter agendi formulam suppeditans, subiungit,

Benedictus Dominus in aeternum. Et ea quae hic praedicta sunt impleri 51.
vehementer desiderans, geminato Psalmum concludit optatio, dicitque: *fiat, fiat.*

PSALMVS LXXXIX.

Oratio Moysis hominis Dei.

Diuus Hieronymus arbitratur hoc titulo doceri, Moysen sicut Pen- *Epist. 139.*
tateuchi, ita & huius & decem sequentium Psalmorum esse auctorem. Sed quia probabilius est omnes Psalmos à Dauide esse conscriptos, videtur titulus solummodo innuere, Moysen illa quae hoc Psalmo descripta sunt, orare consueuisse; Dauidem verò sensum ac deuotionem Moysis in hanc verborum conscripsisse formulam. Tanti enim fecit Spiritus S. hanc orationem Moysi, ut eam inter cetera Dauidi reuelarit, & ab eo conscribi fecerit. Huic sententiae non obscure astipulatur Athanasius. Si, in- *Athanas. ad Marcel.*
quit, scire concupiscas quo modo Moyses orauerit, habes Psalmum 89.

Oo ij Porro

Porro huius orationis frequentandæ Moyses peculiarem causam habuit & occasionem. Cum enim ipse in populo terrenarum rerum studioso, illisque dedito, ut pius pædagogus versaretur, deplorans amorem & studiorum, quibus populus ille detinebatur, vanitatem, constanter orabat, ut populus quem tanquam paruulum portandum, & ad meliora prouehendum susceperat, à sua vanitate ad solidum rerum æternarum amorem per Dei gratiam se conuerteret. Cum verò se & complures eiusdem secum studij homines à prædicta vanitate, diuina ope conuersum esse sciret, id diuinæ gratiæ ante omnia acceptum ferens (præsertim quia oportet orationem à gratiarum actione exordium sumere) pro se aliisque sui ordinis à sæculi vanitate ad studium æternorum translatis, sic ad Deum pro secuturæ orationis initio, loquitur & dicit:

1. *Domine refugium factus es nobis à generatione in generationem.* i. ab exordio generationum ad earum terminum usque, ante legem, sub lege, & sub gratia, inquit Hieronymus, nos ab utero à te auersos, ad te conuersti atque recurrere fecisti. Sicut enim Deus dicitur nobis factus esse iustitia & sapientia, quia nos iustos & sapientes fecit; ita dicitur nobis factus refugium, quia nos ad se conuersti fecit. Hoc autem Domine refugium nostrum ad te, sine tui existit mutatione, quia
2. *Priusquam montes fierent, aut formaretur terra & orbis, à sæculo & usque in sæculum,* siue, à sempiterno usque in sempiternum, inquit Hieron. *tu es Deus;* quia ante tempora sæcularia, siue priusquam quidquam à te crearetur in terra, & similiter toto nostri sæculi decursu, tu semper idem ipse es, & diuinitatis tuæ maiestate immutabilis perseveras. Proinde refugium nobis factus diceris, non à tui, sed ab ea quam in nobis operatus es mutatione. Cum ergo, ô Domine, nos hac in parte misericordiam & virtutem tuam circa nos limus experti, aliorum quos ad te nondum conuertisti, ut æquum est, memores, oramus,
3. *Ne auerras.* i. à te auersum & distortum manere permittas, *hominem, sæculo adhuc deditum, in humilitatem.* i. terrenorum amorem. Abiectum enim valde est & humile, hominem ad tuam imaginem & æternorum participationem conditum, terrenis ac temporalibus rebus inseruire ac immersum esse. Et hac oratione exoratus, *dixisti,* per iustos quos in medio nationis prauæ velut quædam lumina prius effulgere fecisti; Per Prophetas, quos tempore legis misisti, Per Apostolos, quos tempore gratiæ, *Conuertimini filij hominum,* graui scilicet corde & amore, ut in Psal. 4. diximus, in terrena pendulo. Et ne cōuersio ad quam vos inuito, vobis impossibilis aut ardua nimis videatur, sanabo, ut habet Ieremias, auersiones vestras. i. ipsos peruersos amores vestros, per quos à me ad terrena uersi estis. Verè autem

tem

tem dixi Domine, te ex nostri ad te conuersione nullam subire mutationē,

Quoniam mille anni ante oculos tuos, tanquam dies hesterni, quæ præ- 4.
terijt. i. quoniam apud te non est temporum extensio, cum mille anni, teste
B. Petro, apud te sint sicut dies unus, & dies unus sicut mille anni. Nec est 2 Pet. 3.
apud te temporum successio, cum mille anni, aut futuri, aut in presenti de-
currentes, apud te sint, sicut dies hesterni quæ præterijt; eò quod futura,
præsentia, & præterita, apud te equaliter, teste Beda, constent. Tempora
enim & quæ in illis transeunt, non mensuras tempore, sed mensurâ tuæ im-
mutabilitatis, videlicet, Eternitate. Vnde & scriptum est: Domino Deo Eccl. 23.
omnia antequam crearentur agnita sunt; sic. i. eodem modo illa, tanquam
scilicet eternitati suæ pariter præsentia, post perfectum respicit. Ad decla-
randam autem quam dixerat rerum humanarum humilitatem siue vilitatem
aut ignobilitatem, subdit Psaltes:

Et custodia in nocte, quæ pro nihilo habentur, eorum anni erunt. i. anni 5.
hominum in tam sollicita custodia rerum terrenarum transiguntur, vt soli-
citas hæc faciat eos noctes ducere insomnes. Quam tamen accuratam so-
licitudinē impendunt rebus quæ merito pro nihilo habendæ sunt. Iam enim
ante dictum est, Substantia mea quasi nihilum ante te. Quin & ipse homo se-
cundum conditionem sui corporis, magnæ mutabilitati obnoxius est, quia

Mæne. i. in ortu præsentis huius vitæ, sicut herba. i. per modum tenellæ 6.
ac recentem emergentis herbe blandienti transeat. i. transit. *Mæne*, inquam,
transeat, siue transit: In quid? *Et floreat.* i. teneritudo illa exorientis æta-
tis in florem quandam ætatis transeundo proficit. *Vespere* autem. i. immi-
nente fine vitæ, decidat. Flos enim ille verantis ætatis ingruente tempore
senectutis decedit, inquit Iacobus, & pristinus decor vultus eius deperit.
Induret; Rigescit enim teneritudo florida ætatis. *Et areseat,* quia vitali
succo & humido radicali homo tandem destitutus, velut flos qui arefcit, in
mortem decedit. Hic ergo versiculus coincidit cum eo quod dicebat Iob:
Homo natus de muliere, quasi flos egreditur & cõteritur. Vnde autem hæc
in hominibus mortalitas & vanitas?

Quia deseimus, ab illa corporis incolumitate quam in creatione nacti 7.
sumus. *in ira tua,* temporalem hanc vindictam pro primo peccato nobis
reddente. *Et in furore tuo.* i. iusta tua & magis formidabili ira, quæ infligis
pœnas æterna mala concernentes, *turbati sumus.* Ob peccatum enim pri-
mum & reliqua quæ primo peccato adieciimus peccata, à tua gratia delapsi
atque deserti, pacem & ordinem interiori homini perdidimus, illoq; or-
dine perturbato, multa mala & inordinata in præsentis sæculo admittere
cepimus. Tu autem,

Posuisti iniquitates nostras in conspectu tuo; Mala enim quæ conturbati 8.

O o ij hinc ad-

hic admittimus, vides, Si enim occultatur homo in abscondito, & ego non
[Jerem. 2.] videbo eum, dicit Dominus? Nec id solum, sed *in super posuisti iniquitates nostras in conspectu tuo*, quia videndo eas, non eas dissimulas, sed vigilanter tibi ob oculos ponis, de te enim scriptum est; Videns iniquitatem,
[Job 11.] nonne considerat? Videre enim potest qui dissimulat, Considerare vero non potest, nisi qui id quod videt sibi ob oculos ponit, illique diligenter attendit. *Seculum nostrum*. i. decursus vite ac conversationis nostre in hoc presentis seculo nequam, per fuisti *in illuminatione vultus tui*. De eo namque
[Job 22.] non per caliginem, ut illi volebant, iudicas, sed secundum sapientiam eterne lucis tue qua omnia exactissime perspicis; E qua tandem illuminabis in nobis abscondita tenebrarum, & manifestabis consilia cordium nostrorum. Hoc autem diuine sapientie de nostro seculo iudicium nobis semper metuendum ac suspiciendum est, ne arbitremur sat nobis securum esse, si peccata humane tantum conscientie ac sapientie iudicio pensamus. Dixi, *Seculum nostrum*,

9. Quoniam, nostrum est quod, *omnes dies nostri defecerunt*. i. in defectu a virtute ac studio iustitie transacti sunt, sicut scriptum est; Defecerunt in vanitate dies eorum, & anni eorum cum festinatione. Et, ut mox diximus, *in ira tua defecimus*; a corporis incolumitate, eiusque quadam quam acceperamus, immortalitate. Et quidem quod dies nostri in vanitate deficiant, satis patet, quia, non obstante, eo quod nobis occinis, Conuertimini filij hominum:

10. Anni nostri sicut aranea meditabuntur. i. annos nostros in rerum vanarum ac caducarum intentissimo ac accuratissimo studio transigimus, talibusque rebus componendis penè vires ipsas ac ingenia nostra consumimus. An autem aliquid est tam vanum? De illis enim qui telas araneæ contexunt, dicit Isaias: Telæ eorum non erunt in vestimentum: neque operientur operibus suis, ne appareat nuditas eorum: opera enim eorum opera inutilia, & opus iniquitatis in manibus eorum. Quod verò

[Isaia 59.] nos ipsi corpore ac ætate deficiamus, hinc apparet, quia *dies annorum nostrorum in ipsis*, huius sæculi ac vite temporibus, *septuaginta anni*. Eo enim ferè annorum numero definitur vita humana, ita ut non admodum frequenter ulterius extendatur, quia homo natus de muliere, breui viuit tempore.

Hier. epist. 3. cap. 4.

11. Si autem in potentatibus. i. si aliquis ex nobis corpore fuerit valde incolumi & valetudine robusta, *octoginta anni*. i. is in nonnullo vigore pertingit usque ad octogesimum annum sue ætatis, *Et amplius eorum*. i. quidquid ætatis illi anno superfuerit, *luctus & dolor*. i. consumitur in morbis, infirmitate ac multiplici dolore, inquit D. Hieronymus.

Quoniam

Quoniam superuenit mansuetudo. i. mors, ait idem, Quæ mansuetudo dicitur, quia auctore Ambrosio, pœna mortis nobis à Deo quadam consideratione mansueto inflicta est. Voluit enim Deus per mortem peccatis & miserijs huius vitæ terminum imponere, ne si vita, etiam peccatum & miseria perpetuaretur. *Et statim à morte corripiemur.* i. pro omnibus sæculi nostri vanitatibus & peccatis, supplicijs trademur: Ad quam correptionem auertendam Psal. 6. orabat pœnitens; Domine ne in ira tua corripas me. Et hoc quidem, ad corrigendam vanitatem, & euadendam vel auertendam huius vitæ iniquitatem perutile esset hominibus hîc nosse, sed vanitati prædictæ, pro dolor, & hoc accedit vt debeam exclamare:

Quis eorum qui vanitatem huius sæculi sectantur, nouit potestatem. i. vim ac magnitudinem, *iræ tuæ?* Iræ, inquam, vultus tui, quam vel videre reformidabunt, qui dicent montibus, Cadite super nos, & abscondite nos à facie sedentis in throno, & ab ira Agni: Iræ etiam oris tui; quo in furore tuo, (quod deprecabatur etiam Psalmus 6.) argues peccatores: Iræ denique vindictæ tuæ, cui pro operibus huius sæculi trades eos qui hîc sæculum fuerint sectati? Sed, vt diximus, vanitati huius sæculi & hoc accedit, quod auferantur iudicia tua (vt habet Psalmus 9.) à facie eorum qui illa quàm maximè nosse deberent, vel vanissima persuasionem existimant, quod ibi eris, (vt habet Psalmus 47.) similis illis; sic de rebus eorum iudicando, quo modo illi hîc, ignorantia, errore, aut sui amore contenebrati, de suis. Inò, si hîc aliquis per fidem nouerit potestatem iræ tuæ; quis nouit, siue audet aut valet, & *præ timore tuo iram tuam dinumerare?* id est, discutere, considerare, magnoque sibi studio, cum D. Gregorio, ob oculos ponere? Cùm serè præ metu & horrore quem incutit talis cogitatio, vani homines, quibus tamen dixit Isaïas: Cor tuum meditabitur timorem; ab ea & eiusmodi soleant animos cito auertere, & timorem futurorum à se molliter amouere! Attamen, quia timor utilis est ad iustificationem & sapientiam; Tu Domine præter adhortationem quâ extrinsecus solummodo dicis; Conuertimini filij hominum, hoc timore eorum qui fidem habent de tua futura ira, bene vtere, Et,

Dexteram tuam, id est, operationem gratiæ tuæ, *sic.* i. per timorem, *notam.* i. eos experiri, *fac,* atque timorem eorum sic excita atque exstima vt eum non dissimulent, sed eius exercitio per operationem dexterae siue gratiæ tuæ deueniant ad charitatem. *Et,* per eundem timorem, fac homines *eruditos corde in sapientia,* Vt sapiant & intelligant, & nouissima sua tam cauenda quàm optanda, prouideant, id est, ad vtraque hæc per tuam gratiam se, prout oportet, disponant. Id autem facito, *sic,* id est, per timorem, quia initium sapientiæ timor Domini.

Conuer-

15. *Conuertere Domine.* i. sine te exorari, vt tandem per gratiam eiusque auxilium conuertas te ad eos qui non obstante tua exhortatione quā extrinsecus dicis: Conuertimini filij hominum, etiamnum sectantur seculum, vt illi conuertantur ad te. *Vsquequō, differ. conuertere ad eos? Et deprecabilis, i. exorabilis, esto super seruos tuos.* i. in, vel, ob preces seruorum tuorum fidelium, qui inuenerunt corda sua, vt pro fratribus suis orarent te oratione hac. Sed quia paulò ante audiuius nouissima eorum qui vanitatem seculi sectantur, tempus est vt audiamus nouissima iustorum, qui à seculi vanitate ad Dominum conuertuntur, quæ ipsimet referunt in hæc verba:

16. *Repleti sumus,* Nos scilicet quos à seculi vanitate cōuersos, ad brauiam supernæ vocationis accendisti. *Mane.* i. primo diluculo alterius vitæ, misericordiarum tua Domine. Ibi enim coronabis nos in misericordia & miserationibus. Quia proinde dicimur *repleti*, quia illa misericordia & misratio coronis quædam est, ac summa omnium miserationū tuarum nobis in præfenti seculo præstitarum, replens in bonis desiderium nostrum. Quia misericordia à te donati, *Et exultauimus & delectati sumus omnibus diebus nostris.* Toto enim tempore illius vitæ non erit Sathan, neque occurfus malus, nec vlla miseria aut bonorum inopia, ita vt nihil sit quod latitiam illius vitæ interpolare vel interrompere possit aut imminuere.

17. *Delectati sumus pro diebus quibus nos humiliasti, annis quibus vidimus mala,* quia miseriam, aduersitatem, laborem & ignobilitatem, per quæ in præfenti seculo nos ad virtutem exercuisti, exultatione & pace illius vitæ abundè compensasti. Et quia cū mundus gauderet, nos ob mala huius vitæ versati fuimus in tristitia; tristitiam nostram ibi in gaudium conuertisti. Interim ergo dum tempore transitorie huius vitæ, vita futura à nobis expectatur, ne dies nostri hic in vanitatibus transigantur, & anni nostri meditentur sicut aranea,

18. *Respice.* i. oculos tuæ misericordie conuerte, *in seruos tuos, & in opera tua;* quos scilicet operatus es, vt homines & vt tui cultores essent. *Et,* in æternam salutem, *dirige filios eorum.* i. posteros eorum, vt ipsi patribus suis, prætermissa aut relicta vanitate seculi, in studium ac spem futurorum bonorum succedant.

19. *Et sit splendor Domini Dei nostri super nos.* Splendor Dei est æternum eius Verbum, quod ab Apostolo dicitur, Splendor gloriæ eius & figura substantiæ. Hic ergo splendor inuocatur à Moyse super nos, vt quatenus in hac vita fieri potest, splendoribus veritatis, sapientiæ, prudentiæ, prouidentie suæ impleat, iuxta Isaia vaticiniū, animas nostras, vt possint à nobis omnia opera nostra in eius luce disponi & peragi. De qua repulcherrius Ambros. Petit, inquit, Psalter, vt secundum Verbum viuat, & omnia cum ratione faciat, non

Isaia 58.

Ser. 14 in

Psal. 118

versu 3.

ciat, non secundum carnis aut humanæ sapientiæ voluntatem. Vnde mysticum illud etiā moraliter accipi potest: Deus erat Verbum, omnia per ipsum facta sunt, & sine ipso factum est nihil. Et tu imitator esto Dei. Quomodo imitator Dei? Nunquid cælum poteris facere, terram aut mare? Non utique, sed ut omnia per Verbum facias, nihil sine Verbo; Omnia cum ratione, nihil sine ratione. Hæc Ambrosius. Quod autem Verbum hoc per scripturas sacras nobis solidissimè loquatur, & ratio, de qua Ambrosius, in scripturis sacris rutilet atque coruscet, idem latè prosequitur eiusdem sermonis versu 1. Et quia præter splendorem Dei, qui per infusionem celestis atque supernaturalis luminis per modum gratiæ habitualis nobis communicatur, vel, super nos efficitur, opus habemus auxilio Dei nos dirigentis, addit Moyses: *Et opera manuum nostrarum dirige super nos*; ut te providente obveniant nobis, in quibus tempore huius vanitatis utiliter ac salubriter exerceamur. *Et opus manuum nostrarum*. i. opus ipsum si quod providente te præ manibus habuerimus, *dirige*. i. præoperante, ut loquitur Prosper, auxilio tuo prosequere ne labascet, nève ad optatum suum terminum, ut interpretatur Hieron. non perveniat. Hic iam satis liquet quam opportunè Ecclesia postremos hos versiculos nobis quotidie post Primā, ad Pretiosa, recitandos præscribat. Quid enim aliud sunt, quàm docta quædam ac pia oratio, ut residuum illius diei in operibus veritatis & sinceritatis traducamus?

Prosp. epist.
ad August.

Hieron. epi
sola 139.

PSALMVS XC.

Laus Cantici David.

DEclarat Psalmus fidelibus à Deo non solum præstari adiutorium ad bona, verum etiam præsidium protectionemque ad superanda aduersa, & simul exponit, quæ, quot & quanta sint mala contra quæ à Deo fideles proteguntur, & quis sit finis eorum qui Deo protegente aduersis non succumbunt.

Qui habitat in adiutorio altissimi, in protectione Dei cæli commorabitur. i. qui Deum habet in bonis adiutorem, eundem etiam contra mala & aduersa protectorem habebit. Et ex animi gratitudine confitendo quam accepit gratiam, 1.

Dicet Domino susceptor meus es tu. i. tu rebus meis desperatis mei curam prior apprehendisti. *Et refugium meum Deus meus.* i. exinde temetipsum mihi propo suisti in refugium, ut in quavis inopia & necessitate ad te confugerem: Ego itaque, *sperabo in eum*, quod refugientem ad se non repellet. Sperabo autem, 2.

Quoniam, siue quod, ipse liberabit me de laqueo venantium, dæmonum 3.

P p vide-

videlicet, qui venantur animas, ei q, vndique, siue per diuitias, siue per fœ-
 minas, siue per sermones hæreticorum aliisque modis laqueos obtendunt,
 præsertim vbi perceperint passionem siue concupiscentias hominum in ho-
 rum aliquid vel simile quid commoueri, vt docet Ambr. *Et à verbo aspero.*
 Ne scilicet aliquando audiat verbū illud asperum: Tollatur impius vt non
 videat gloriam Domini, inquit Bern. Vel, *à verbo aspero.* i. gentilium, hæ-
 reticorum, carnaliumque hominum, inquit August. improprie, ab his, in-
 quam, *liberabit me*, ne illa extimescēs desistam ab illis quæ sunt diuini cul-
 tus. Vel, *liberabit me à verbo aspero.* i. dabit mihi vt ponam ori meo custo-
 diam, Ne ego exasperatus, verbum asperum in aliquem torqueam. A quo
 me liberandum dico, quia tametsi verbum illud asperum alius excipiat, id
 tamen authorem suum, teste Ambrosio, proprio gladio vulnerat. Deus ve-
 ro qui est refugium spei tuæ te in prælijs constituto,

4. *Scapulis suis obumbrabit tibi.* i. contra feruorem, qui ad tētionem tibi
 est, refrigerium præstabit tibi, vt non vrat siue la dat te sol aut feruor tenta-
 tionis. Pro quo orabat quis, Domine Domine virtus salutis meæ obum-
 bra super caput meum in die belli. *Et sub pennis eius.* i. tu constitutus sub
 protectione eius qui tecum est, *Sperabis* te omnia aduersa per tolerantiam
 superaturum, expertus quod Domino refrigerium præbente, nullus tenta-
 tionis feruor intolerabilis sit, quin contrā non modica sit iucunditate re-
 persus. Si vero infirmus ac imbecillis plagas pati non possis,

5. *Scuto circūdabit te veritas eius,* quia Deus fidelis siue verax in promif-
 sis tētationes tuis viribus maiores quasi suo scuto omni ex parte excipiens,
 illas à te prohibebit: Fidelis enim Deus non patietur te (quod electis dici,
 non solum docet, verum etiā ex verbis Domini, Propter electos breuiabū-
 tur dies illi, probat Cyrillus) tentari supra quam potes. Vel, *veritas eius,*
 quæ eius munere in te est, vt interpretatur Bernardus: Si enim tam in ver-
 bis quam in factis veritatē tenueris, erit tibi veritas ipsa pro scuto, quia ipsa
 expugnari non potest. Quod D. Leo non ignorans, multam, inquit, ab ipsa
 quam sequimur veritate concepimus fiduciam. De Domini itaque prote-
 ctione confisus, *non timebis à timore nocturno.* i. terribilimentis quæ ob-
 scuro rumore ad te referuntur, siue obscure se tibi ostentant, quales viden-
 tur esse opiniones præliorum, de quibus Dominus in Euangelio. Sed nec

6. *A sagitta volante in die.* i. aduersis in te manifestè quidem, sed eminus,
 detrahendo, minitendo & simili modo, immisissis. Per sagittam enim quæ
 eminus emittitur significantur aduersa immisssa ab illis qui non audent co-
 minus congregari. *A negotio per ambulante in tenebris.* i. conspiratione, qua
 tibi occultis machinationibus parantur, struuntur, atq; adeo constantur ma-
 la; eo studio, vt etiam progressum habeat, (hoc enim significatur per per-
 ambu-

Cyrl. l. vi.
 in Gen.
 Bern ser 7
 in huc p. al
 Leo epi 30

ambulant conseruatio. *Ab incurſu aduerſariorum* in te, cum ſcilicet audacia aucti, non ſagittis tantum, ſed cominus ipſi per ſe in te incurſunt. *Et de meridiano*. i. nec timebis quidem ſi dæmonium viſibili quadam ac luce meridiana clariore ſpecie in te, vt non raro D. Antonio accidit, incurrat. Quidam tamen per dæmonium meridianum angelum Sathanæ intelligunt, transfigurantē ſe in Angelum lucis, ſicut & per negotium perambulās in tenebris, domeſtica molimina occultæ concupiſcentiæ. Bern. vero quatuor dictas tentationum ſpecies Eccleſiæ Dei quodam modo obueniſſe obſeruat: Intelligens per timorem nocturnum perſecutiones primitiua Eccleſiæ. Per ſagittam volantem in die, doctrinas hæreticorum, quas ſagittis comparari in Pſal. 10. diximus. Per negotium perambulans in tenebris, calida & verſuta ſtudia carnalium, qui religionem mentientes, publica comoda priuatis poſtponunt, & in Eccleſia quarunt quæ ſua ſunt. Per incurſum dæmonij meridiani perſecutionem Antichriſti.

Serm. 6. in
hunc pſal.

Cadent à latere tuo mille ſagittæ. Et decem millia eorum qui in te incurſunt, *cadent à dextris tuis*, ad te autem non appropinquabit, quia nihil horum aliquam tibi adferet leſionem. Vel, *Cadent à latere tuo mille, & decem millia à dextris tuis*, quia vndique videbis multos ruere dictis tentationibus proſtratos, Et quidem multo plures per proſpera, quæ per dexterā ſignificantur, quam per aduerſa quæ per ſiniſtram, quapropter ſi mille eſſe dicuntur, illi decem millia. *Ad te autem*, qui in protectione Domini commemoraris, *non appropinquabit*, i. aduerſitas hæc in cor tuum ac animam non penetrabit, ac proinde non proſternet te.

7.

Perunt tamen inter vicinorum ruinas immotus perſiſtens, oculis tuis conſiderabis lapſus aliorum, & retributionem peccatorum videbis in hac vita, Videbis enim quam tremēdum ſit hoc deſertionis ſupplicium, quod de meritis eorum reddit Dominus, ſicut ſcriptum eſt, Væ diſſolutis corde, & qui non credunt Deo & ideo non protegentur ab eo. Vel, conſiderando videbis retributionē, quæ in futuro tempore manet tam eos qui aduerſa inſciūt, quam qui illis proſternuntur & cadunt. Et cū iuſtis lauderis videndo hanc vtramvis vindictam, lauderis, inquam, quod tu eas euāſeris, vt in Pſal. 57. diximus. Quid vero te qui has ruinas Dei protectione euāſiſti manet præmiij, quidve tu à Domino obtinere geſtis vel ſpectas?

8.

Quoniam tu es Domine ſpes mea, ſue, rei mihi ſperata. Quid enim mihi eſt in celo, aut à te quid volui ſuper terram? An non, ante omnia, te, & reliqua futura vite bona ſub te & de te? Hoc autem ex perſona eius quem ad hoc dicendum paulo ante excitauimus & prouocauimus, audiens Pſaltes, more ſibi etiam Pſal. 67. viſitato, ſic ex ſua perſona, ſpem illam caſtiſſimam comprobans, eundem alloquitur: *Altissi-um poſuiſti refugium tuum*. q. d.

9.

P p ij

Itane

Itane vero? Dominus ipse est spes tua? profecto, *Altissimum posuisti refugium tuum*. Non enim bonum aliquod creatum, sed ipsum Dominum, qui omnia creata bona longissimo interuallo excedit, tibi in refugium, finem & asylum delegisti. Tametsi enim multi interpretes adiectiuum *Altissimum* cum *refugio* construant, ut sit sensus: Tu Domine qui es spes mea, posuisti refugium tuum altissimum, siue in altissimis & inaccessis quasi motibus, quia nemo nocendo, te potest contingere: apud Hebræos tamen adiectiuum *altissimum* masculini generis est, iuxta sensum à nobis explicatum, designans ipsum Dominum sperantium in se refugium esse. Hac autem Psaltis interpellatione interposita, is qui dixerat, *tu es Domine spes mea*, sermonem suum resumit, & dicit Deo spei suæ.

10. *Non accedet ad te, siue non tanget te malum.* Quæ verba contra Manichæos valent, qui dicebant, nescio quam malam naturam in Dei bonam naturam incurrisse, & quod amplius est, conflictu cum illa inito, multas ab ea partes captiuas cepisse, easque suæ malæ permiscuisse naturæ. *Et flagellum non appropinquabit tabernaculo tuo.* q. d. non solum tu immunis es ab omni incurfu mali, verumetiam omnes qui habitant tecum in æterno tuo, quod nequaquam transferri poterit tabernaculo, tecum ab incurfu malorum per omnia immunes erunt. Illud enim tabernaculum eodem Isaia teste, erit in vmbraculum diei ab æstu, & in securitatem & in absconsionem à turbine & à pluuia. Interim verò dum hæc expectantur, præter ea quæ explicata sunt, ad hominum protectionem magis familiarem, & magis suauem.

Isaia 4.

11. *Quoniam angelis suis mandauit de te; quisquis es qui in protectione Domini commoraris.* Dicit autem in numero singulari *de te*, Ex eo enim datur intelligi singulos hominum peculiarem sibi Angelum habere protectionem & pædagogum. Quam rem D. Basilus probat ex eo quod Iacob dixit; Angelus qui eruit me. Qui similiter prouincias singulas peculiare Angelos sibi prepositos habere, probat ex eo quod apud Daniele dicitur: Princeps regni Persarum restitit mihi. *Ut custodiant te in omnibus vijs tuis.* i. in ijs quæ tibi agenda sunt, non quæ à te curiosè & temere præsumuntur: Noluit enim Christus hac scriptura ad sui præcipitium prouocatus se præcipitem dare ne tentaret Deum.

Basil. lib. 3
adu. Eunom.

12. *In manibus portabunt te, ne forte offendas ad lapidem pedem tuum.* Non est dubitandum quin hoc subinde ad literam circa fideles, præsertim paruulos, impleatur, Magis tamen id ad allegoriam referendum est. Portant enim nos Angeli in manibus suis ne ad lapides offensionis & petras scandali offendamus pedes nostros, siue, ne patiamur scandalum. Et hoc quidem faciunt dum ea quæ nobis futura erant scandalo, & præsertim angelum malum, à nobis auertunt, vel suggestiones eius, siue etiam carnis nostræ melioribus fugge-

suggestionibus elidunt: Inter quas Origines reponit quod Angeli suggerant hominibus à Deo non esse quod caro aut hostis suggerit. *Qua vnica suggestionem licebit multas malas suggestiones compendio superare & elidere. Tollunt quoque Angeli hominem in manibus suis, cum animam eius è corpore exeuntem deferunt in sinum Abrahamæ, & contra diabolum protegent, qui iter illud intercludere conatur.* *Homil. 4. in Cant.*

Super aspidem & basiliscum ambulabis, & conculcabis leonem & draconem. Per hæc animalia diabolus cum suis angelis fallacibus, insidiosis, variis, virulentis atq; crudelibus significatur, sicut & teste Cypriano Lucæ 10. *Epist. 76.* cum dicit Dominus: Ecce dedi vobis virtutem calcandi super serpentes & scorpiones. Super hos ambulamus, cum Dei gratia & angelico adminiculo per totum decursum vitæ nostræ eorum tentationes vincimus. Eosdem vero conculcamus, cum per perseuerantiam ad mortem vsque, eos debellatos tanquam iam nihil amplius virium in nos exerere valentes ostentui habemus atque contemnimus: Qui triumphus martyribus excellenter competit, eo quod tentationes dæmonum efficacissimas superauerint. Porro in principio Psalmi, is qui habitat in adiutorio altissimi, de Dei bonitate præsumens, dixerat, Deus meus sperabo in eum. Hoc autem quanti tum meriti fuerit, Dominus ipse nunc declarare dignatur, & dicit:

Quoniam in me sperauit, liberabo eum, siue quod idem est, protegam eum. *Idque, quoniam cognouit nomen meum.* i. cognouit me ex nomine bonum esse, ideoque etiam nondum habità me promissione, de me sibi sperandum esse putauit. Et ex hac de me opinione, *13.*

Clamauit ad me & ego exaudiam eum, cum ipso sum in tribulatione, tanquam bellator fortis. Expleto autem prælij tempore. *Eripiam eum,* vt non sit tentationibus & aduersitatibus in posterum obnoxius. *Et glorificabo eum,* vt fortem in prælio atque athletam. *15.*

Longitudine dierum. i. æternitate *replebo eum.* In quem sensum etiā longitudo dierum accipitur, cum dicitur: vt sis longæuus super terram. Sensus enim est; vt viuas in æternum super terram viuentium. *Et ostendam illi salutem meam.* i. ostendam illi memetipsum, vt ex me inueniat vitam & æternam hauriat salutem. *16.*

PSALMVS XCI.

Psalmus cantici in die Sabbathi.

Diuus August. materiam huius Psalmi dicit esse, quod in præfenti saeculo mali floreant & boni laborent. Cum tamen in Psalmo exclamet Propheta: *Quam magnificata sunt opera tua Domine nimis profunde facta sunt cogitationes tue,* videntur illa verba Augustini paulò *Aug in bñe locum.*

Pp iij largius

largius intelligenda esse, vt materia huius Psalms non tam sit quod boni in presenti sæculo laborent, quam quod per hosce labores ad magnificam iustitiam erudiantur, exerceantur atque perueniant: mali verò per presentis sæculi felicitatem, iusto Dei iudicio ad æternam deueniant calamitatem & miseriam. Quod enim iusti hic laborent, id simpliciter non est diuinæ magnificentiae, sed veræ magnificentiae est quod iusti non in magnis, sed in rebus infirmis magnifici sint, virtutemque in infirmitate perficiant, & in aduersarijs (vt Tertull. verbis utar) sapientiæ & potentiæ materiam suæ virtutis inueniant. Est id simul & occulti consilij, sicut & occultæ sunt cogitationes, quas Deus impiorum prosperitati reseruat. Proinde Psalmus iste rectè destinatur diei Sabbathi; Ad quid enim post dies quibus creauerat Deus celum & terram Sabbathum, nisi vt in sabbatho considerandis prædicandisque Dei operibus, à constitutione mundi, tam quoad illa quæ naturas rerum, quàm quæ salutem hominum concernunt, perfectis, vacaremus? Psaltes itaque prædicta Dei magnalia apud semetipsum cum voluptate contemplatus, animaduertit bonum fore populum Dei, & præsertim Ecclesiam noui testamenti habere carmen quoddam per quod sibi hæc diuina opera ob oculos poneret, & cum gratiarum actione in die Sabbathi, siue diuini cultus, celebraret. Ad hæc itaque carmen conficiendum his prius verbis semetipsum excitabat, dicens apud semetipsum.

1. *Bonum est confiteri Domino opera sua. & psallere.* i. psalmum concinere *nomini tuo* i. ad laudem nominis tui. *Altissime*, Idque simul
2. *Ad annuncium.* i. prædicandum, (Psalmi enim & ad docendum, exhortandumque valent) *mane* i. in prosperis, *miserendum tuum*, & *veritatem tuam* i. iustitiam tuam, *per noctem* i. in aduersis, Vel, *mane*, & *per noctem* i. quouis dici tempore, Vel, *mane & per noctem* i. illis qui vt filij diei in luce versantur, aut vt filij tenebrarum in tenebris sunt & degunt.
3. *In decachordo, psalterio, cum cantico in cithara.* i. voce, siue adhibitis, vt in veteri testamento fieri solet, instrumentis musicis.
4. *Quia delectasti me.* In persona sua priuata loquitur Psaltes, *Domine in factura tua* i. in arte tua, consilio tuo, adinventione tua, in qua opera tua priusquam illa fierent, disposuisti: *Quæ iure dicitur factura Dei*, quia scientia atque ars Dei rerum est causa. *Et in operibus manuum tuarum* quæ es huic facturæ tuæ in rebus ipsis conformia factururus. *exultabo* cum ea impleri videro atque cognouero. Quia itaque, *Delectasti me Domine in factura tua*, & nescio cuius spiritualis luxuriæ sit, delectationem hanc, non ad fructum boni operis, & præsertim non ad gratias tibi referendas, gloriam nominis tui, tuorumque operum prædicationem castis, imo amore referre;

bonum

bonum est me *confiteri Domino*, & in idipsum *psallere*, siue psalmum conscribere, vt habeat populus Christianus, per quod quouis rerum statu & tempore possit annunciare ac predicare *misericordiam & veritatē tuam*. Postquam itaque Psalter in hunc modum prius semetipsum exstimulauit ad conscribendum præsens canticum, rem ipsam aggreditur, quam orditur ab admiratione, exclamans in hæc verba:

Quam magnificata. i. magna effecta sunt opera tua Domine, per quæ virtutem in infirmitate perfecisti! Quam magna enim fidei, fortitudinis atque constantiæ opera per agones produxisti in martyribus, quorum alios induxisti in laqueum, alios traduxisti per aquam & ignem, alijs posuisti tribulationes in dorso, vt omnibus, quæ ad eos superandos excogitare poterat tyrannorum ingeniosa crudelitas, ipsi tua virtute euaderent superiores? 5.

Quam magna in confessoribus, qui persecutionibus exagitati, circuierunt in pelotis, pellibus caprinis, egentes, angustati, afflicti & in omnibus inuicti! Quam magna in diuitibus, qui rapinas bonorum suorum cum gaudio sustinuerunt? Et quibus bona direpta non sunt, omnia pauperibus, illa deferendo, reliquerunt; vel sibi illa subtrahendo pauperibus erogauerunt? Quam magna in pauperibus, quorum altissima paupertas abundauit in diuitias sim, licitatis eorum, ita vt diuitias ne quidem habere vellent? Quanta in ægrotis, quos per varios & diutinos dolores ad patientiæ, mansuetudinis & longanimitatis summam exercuisti, eorumque languores & putores abominabiles, bene valentibus in multimodæ circa eos virtutis exercendæ materiam conuertisti? *Nimis profunda*. i. incomprehensibiles facta sunt cogitationes tuæ, quibus instituisti filios tuos per aduersa & infirma erudire; malos verò in sæculi prosperitate suæ voluntati permittere. *Nimis etiam profunda facta sunt cogitationes tuæ*, quas reseruas, tum ijs quos hic per aduersa perficis, tum eis quibus præsens sæculi bonis inhiare, eis quæ ad multas iniquitates abuti permittis. D. August. tamē extendit hoc ad iudiciū Dei quo scripturas ita fecit cōscribi, vt ex illis quam plurimi scādalum accipiant. Et hæc quidē cogitationes profundæ sunt bonis, quia eas nō possunt habere perspectas, multo verò magis malis, Quia

Vir insipiens, qui præsentibus solummodo intendit, existens de numero illius gentis, de qua Moyses, Gens absque consilio est, & sine prudentia: *Non cognoscet* has Dei cogitationes atque consilia, non enim (quod esset prudentie) aduertit præsentia esse caduca, & absque soliditate plausibilia, nec recogitat quod ei illa propter dolos, vt Psal. 72. diximus, posueris. *Et stultus*. Idem scilicet, *stultus* dictus, quia nescit providere in posterum, non intelliget hæc, quæ tu repositisti, se in mente reseruas amatoribus huius sæculi in finem. Quis enim, inquit Isaias, cogitauit hæc super Tyrū quon- 6.

1. de cōf. en.
CHANG. C. 13

1/1a 23.
quon-

quondam ordinatam? proprio siquidem studio atque opere auferuntur iudicia tua à facie eius, ut proinde rectè ac propriè dicatur, quod *eis nimis* profundæ factæ sint tuæ Deus cogitationes, quia quæ *eis* omnino incognitæ non erant, (non enim mali ignorant Deum futurum vindicem iniquitatum) has ipsi ab oculis suis auertendo, vel varijs modis eludendo, sibi profundas fecerunt. Pergit autem Psalter prædictas Dei cogitationes planius enarrare; & incipiens à cogitationibus impios concernentibus sic dicit:

7. *Cum exorti fuerint.* i. in principio caduco flore vernare ceperint, *peccatores, sicut fœnum.* i. sicut vernat herba quæ paulò post demessa efficitur fœnum, Dicitur enim hic fœnum florere, sicut in Euangelio dicitur Deus fœnum vestire, nō quidem dum fœnum est, sed dum fœnum adhuc in herba est. *Et apparuerint.* i. specie quadam bonorum splendidi & gloriosi fuerint *omnes qui operantur iniquitatem.* i. omnes iniqui, quorum res in hoc saculo florentes fuerint,

8. *Vt intereant in sæculum sæculi.* i. ut in toto decursu huius sæculi singuli suo sæculo in mortem tendant, & ad mortem deueniant: *Tu autem alrisimus in æternum Domine.* q. d. secus quàm tu Domine qui solus sublimitate tuæ maiestatis omnem mutabilitatem longè excedens, sæculo transiente æternus permanes.

9. *Quoniam.* q. d. cum, ut dixi, in mortem deuenerint. *Ecce,* O rem consideratione dignissimam, *inimici tui Domine, quoniam ecce.* q. d. id ipsum repetens iterumque iterumque monebo: nam bonum mihi visum fuit *psallere,* siue psalmum hūc conscribere, *ad annunciandum veritatem tuam per noctē.* Itaque *inimici tui.* i. amatores huius sæculi: Quicumque enim voluerit esse amicus huius sæculi, inquit Iacobus, inimicus Dei constituitur: inter quos tamen illi hoc loco specialiter considerandi sunt, qui populum Dei affligerunt: *Peribunt in æternum.* *Et dispergentur.* i. varijs suppliciorum mensuris & plagarum modis separatim pro demeritorum varietate (nam & paterfamilias iussit zizania colligi in fasciculos, & per fasciculos, ad designandum varias, teste Gregor. damnatorum classes, in ignem mitti) mancipabuntur. Vel, *dispergentur.* i. odio & liuore distrahentur. *Omnes qui operantur iniquitatem.* Dicit *omnes,* non quod id omnibus omnino eueniat, sed quia omnes id merentur, & omnes iniqui per impœnitentiam ad id deueniant. Hæc ergo sunt quæ Deus de peccatoribus, ipsis ignorantibus, cogitauit. Quæ vero de iustis, id consequenter narrat iustorum pro omnibus vnus, seu potius iustorum vnitas, quæ dicit:

10. *Et, eo tempore quo impij æternis supplicijs mancipandi sunt, exaltabitur sicut vnicornis cornu meum.* i. exaltabor in æterna gloria (quod per exaltationem cornu significari in Psal. 88. diximus, & approbat D. Basil.)
sicut

Matth 13

Gregor. 9.

1074. 6 47

Basil. in
Psal. 88.

sicut exaltatur cornu *unicornis*, quia sicut cornu vnicornis vnicum est, ita futura gloria atque sublimitas vnica erit iustis, illi enim non immiscebitur extraneus. Hoc ergo dicitur ad distinctionem æternæ gloriæ à gloria huius vitæ quæ in omni sua specie & gradu communis est bonis & malis. *Et senectus mea*. i. nouissima, inquit August. mea, exaltabitur *in misericordia vberi*, quia coronabitur in misericordia & miserationibus, quæ omnium præcedentium misericordiarum quædam summa erunt. Sed præter hæc quæ futura sunt,

Et despectit, inquit iustus, *oculus meus inimicos meos*, quia videns in præfenti sæculo impiorum (qui dicuntur iustorum inimici, quia dum vel tacitis sanctorum moribus repræhenduntur, aut arguuntur verbo, statim in inimitiam erumpunt) felicitatem, contempsi eam vt transitoriam. *Et insurgentibus in me malignantibus*. i. dum illi maligno insuper in me insurgunt animo, *audiet auris mea vocem Domini*, sibilo auræ tenuis mihi insusurrantis: Quid?

11.

Iustus vt palma florebit quotidie triumphans de aduersarijs, inquit Hieron. & insigne victoriæ præferens. q. d. Non mireris, ô homo Dei, neq; peregrinum ducas, aut à tua conditione alienum quod malignantes insurgant in te, Tuum enim est victoriis florere, Victorijs autem potiri non poteris, nisi varijs insultationibus impetitus. Dicebat proinde B. Agatha, in cuius festiuitate hæc scribimus, nisi diligenter feceris corpus meum à carnificibus attrahi, nõ poterit anima mea in paradysum cum palma intrare martyrij. *Sicut cedrus libani multiplicabitur*. i. per insultationes has multiplicabit Deus incrementa iustitiæ eius, vsque in altissima magnalia, & ob id non auersetur iustus aduersa, si amauerit iustitiæ incrementa. Quia verò malignantes qui in iustum insurgunt sæpenumero de Ecclesia sunt; & id in iusto efficiunt, vt præ animi indignatione subinde tentetur ad deserendam Ecclesiam, ob id cõtra hanc peculiarem tentationem, falsis fratribus in iustum insurgentibus; præter prædicta, Domino insusurrante, etiã audiet auris eius.

12.

Hiero in c.
65. l. 1. aia.

Plantati in domo Domini. i. in Ecclesia, inquit Hieron. confirmati, qui scilicet per multa aduersa & scandala, quæ in Ecclesia à fratribus tolerant, adduci non possunt, vt deserant collectionem suam, sicut moris est quibusdam; *In atrijs Domini Dei nostri*. i. in futuro, inquit idem, vbi bonorum est certa & segura possessio, *florebunt*, quia in gloria & splendore erunt in æternum ante Dominum. Noli itaq; ô homo Dei vel ob insultationes fratrum tuorum deferere collectionem tuam.

13.

l. 2. aduer.
Pelag. c. 7.

Adhuc. i. præterea, plantati in domo Domini *multiplicabuntur in senecta vberi*, quia vnà cum incremento temporis, quo in Ecclesia perseverant, multa accipient incrementa virtutis; Cum enim eorum vita, inquit Gregor.

14.

Greg. l. 33.
mora. c. 16

Qq

in Eccle-

in Ecclesiæ unitate differtur, semper ad melius eorum fortitudo perducitur, eisque per augmentum temporum crescunt & lucra meritorum. Hæc autem considerantes iusti, *bene patientes erunt*, quia tanto, inquit idem, robustius aduersa tolerant, quanto & per tolerantiam suam animarum commoda locupletius reportant. Cuius patientiæ fructus erit, *ut annuncient. i.* passim profiteantur & prædicent.

15. *Quoniam rectus Dominus Deus noster.* Recto enim iudicio nobis aduersa immittit. *et non est iniquitas in eo*, quia si ob demerita nostra nobis aduersa immittit, non est iniquitas in eo, quia exercet iustitiam: Si vero

2 de pecca
mer. ca. 12
Basil. hom. 9

Tert. scorp.
cap. 5.

Aug. 2 de
pec. a. mer.
cap. 34.

Tertul. ubi
supra.

nullo nostro demerito, ut teste August. accidit Iob, sed ad exercitationem probationemque, ut eidem Iob accidisse testatur Basilus, non est iniquitas in eo, quia exercet disciplinam, faciens nos per aduersa discere (disciplinam enim à discendo dictā esse diximus) iustitiam. Licet enim Deo, inquit Tertull. in vitam æternam per ignes & gladios & acerba quæque curare. Ergo ne, inquires, huius amaræ disciplinæ æquitas siue iustitia solummodo ex boni inde prouenientis compensatione pensanda est? Nequaquam, quia compensatio, dictæ æquitatis fructus est ac prouentus, æquitatis siue iustitiæ quæ in ea est, rationem augens, non autem instituens. Itaque iustitiæ huius, fundamentum est, quod Christo excepto, sanctorum cuius ex peccato originali calamitatibus & miserijs huius vitæ manserit obnoxius: quæ quidem calamitates, Augustino teste, ante remissionem peccatorum pœnæ habebant rationem, peccatis verò plenè dimissis, pœnarum quædam reliquæ sunt, quia pœnæ transactæ, usque dum omnino curetur infirmitas, sunt reliquæ. Si ergo his malis homo ex sua culpa obnoxius est, ita ut velit nolit, debeat eadem ex pœna ignobiliter tolerare, Nunquid iniquus est Deus qui eum facit eadem salubriter & cum iustitiæ incremento subire? Rectè proinde Tertull. vnumquemque aduersitatibus nulla sua præsentanea culpa subiectum alloquitur in hæc verba: Incidisti in manus Dei, sed feliciter incidisti. Incidit & ille in ægritudines tuas. Homo semper medico prior negotium facit, denique sibi ipse periculum mortis attraxit. Quid ergo grauatur nunc pati homo ex remedio, quod non est grauatus pati ex vitio? Displicet occidi in salutem, cui nō displicuit occidi in perditionem? Nau-seabit ad antidotum qui hiauit ad venenum? Multis verò in eandem sententiam interiectis, huius disciplinæ iustitiam, & ex dicta sustinētis ad eam obligatione, & boni quod ex ea prouenit compensatione, desumens, sic tandem concludit. Nulli, inquit, compensatio inuidiosa est, in qua aut gratiæ aut iniuriæ communis est ratio. Rectè ergo omnes omninò sancti, siue pro suis peccatis passi sint, siue sola causa exercitij, dicent de Deo. *Rectus Dominus noster, et non est iniquitas in eo.* Circa quæ tamen hoc notandum est, quod nullo

nullo suo demerito aduersis cruciari, non quorumuis sanctorum sit, sed excellentissimorum, & Basilio teste, Abrahæ similitum. Reliqui enim patiendo sic erudiuntur ad iustitiam, ut tamen suorum peccatorum simul subeant vindictam. Nec his obstat, quod omnes penè sancti in aduersis constituti confessi sint se eadem pro peccatis suis pati. Id enim dixerunt non deficiētes, sed iustis de causis præsumentes rem ita se habere. Cum enim nō ignorent aduersa solis excellentissimis, ut ex Basil. mox audiuius, sanctis sine propria culpa obuēire, & cum neque rei euidētia, neque reuelatio diuina eis persuaderet, semetipsos excellentissimis illis sanctis æquiparare, D. Bernardi, vel spiritus eius magisterio edocti, maluerunt humilibus consentire, & annumerare semetipsos eis qui patiendo peccatorum suorum pœnas dant, quam alta sapere. Nec id contra leges humilitatis, quia ut humilitas in re euidēti stare debet in parte veritatis, quod contra Pelagium docuit Augustinus, ita eadem in re nō euidēti stare debet in parte probabilitatis, & id amplecti quod magis est simile aut vicinum vero: ut apprehendendo probabilia, possit veritati saltem propinquare, qui non valet euidēti cognitione eandem apprehendere. An non, autem, unicuique sanctorum magis probabile est, quod inter conuiuas spiritualium nuptiarum se iure debeat inter nouissimos, quam primos collocare, ut præter suam expectationem dicat ei conuiuator, amice ascende superius? Itaque dicta sanctorum professio, nec eorum humilitati repugnat, nec tamen infallibile argumentum, quo probetur omnes sanctorum pœssiones peccatorum esse ultiones, suppeditat.

Basil. cons.
mon. c. vii.
& bon. 8.

Bern. serm.
49. in Cant.

PSALMVS XCII.

*Laus cantici ipsi David in die ante sabbathum, quando
fundata est terra.*

DEScribit Psalmus cum quadam gratulatione ea quæ gesta sunt cum fundaretur Ecclesia per vniuersum orbē terrarum dilatanda. Ideo & additur ante sabbathum, non enim hic describitur regnum Ecclesiæ pacatum, sed laboriosum, quod præmittitur Sabbatho vitæ futuræ, cuius requies, quia nulla inquietudine interpolatur, vocatur ab Isaia sabbathum ex sabbatho.

Dominus regnavit. i. regnum suum quod est Ecclesia in vniuersam terram dilatanda, per semetipsum sibi acquisiuit, fundauit & auspicatus est. *Quod ut faceret decorem indutus est.* i. humanam naturam ornatissimam sibi ex Virgine assumpsit & copulauit, ut interpretatur Epiphanius. *Indutus est iubar 69.* *Dominus fortitudinem,* exhibuit enim se virum potētem in opere & sermone coram Deo & omni populo. Vel, *Indutus est fortitudinem,* cum à mortuis

Qq ij tuis

tuis depulsa omni infirmitate, resurrexit, & ipsam mortem, inquit Epiphanius superauit. *¶ præcinxit se.* i. ante omnia semetipsum labori accinxit, & ad laborandum expeditum reddidit; & deinde, accinxit se in suis Apostolis, quos ad prædicandum Euangelium expeditos & alacres præbuit.

2. *Etenim firmavit orbem terræ, qui non commouebitur.* i. Ecclesiam per orbem terrarum diffusam insuperabilem fecit, ut de orbe terrarum delenda non sit. Portæ enim inferi non præualebunt aduersus eam.

3. *Purata sedes tua Deus ex tunc.* i. Ecclesia quæ tibi, ô Christe, sedes est, per Synagogam iam tum multo tempore præparata erat. *à sæculo tu es.* Non enim cum ad Ecclesiam fundandam decorem indueres, tum primum esse cepisti, sed à sæculi principio, imo & ante illud ab æterno tu es & immutabilis perseveras. Ad regnum autem hoc perficiendum & propagandū.

4. *Eleuauerunt flumina Domine.* Flumina hæc Apostoli sunt, in quibus impletum est verbum Christi, Flumina de ventre eius fluent aquæ viuæ, quod dixit de spiritu quem accepturi erant credentes in eum. Bona, inquit Ambr. flumina, quæ de fonte fluxerunt, eos enim Christus per semetipsum catechisauit & erudiuit, & in eos Spiritus sanctus ad ædificationem totius Ecclesiæ visibiliter descendit. *Flumina ergo hæc eleuauerunt vocem suam,* cum iam accepto Spiritu sancto, quæ prius audierant in tenebris, dicere ceperunt in lumine, & quæ in aure audierant in cubiculis, constanter & cum fiducia, vocem absque trepidatione extollentes, prædicare ceperunt super tecta: unde & scriptum est, Stans Petrus cum vndecim leuauit vocem suam.

5. *Eleuauerunt flumina fluctus suos.* Fluctus concitatis vento fluminibus intumescunt; Si ergo Apostoli dicti sunt flumina ob abundantiam donorum Spiritus sancti, quæ in aliorum salutem redundaret, & quodammodo deflueret, quinam erunt horum fluminum fluctus, nisi motiones siue operationes gratiæ, afflatu Spiritus sancti excitatæ, quas vna cum vocis eleuatione Apostoli extulerunt, & protulerunt in medium, ut sermo eorum non nudis tinniret verbis, sed adiunctam haberet manifestationem spiritus & virtutis? Itaque Apostolus Paulus declarabat se vna cum voce sua eleuasse fluctus suos, cum scriberet Thessalonicensibus: Euangelium nostrum non fuit ad vos in sermone tantum, sed in virtute & Spiritu sancto, & in plenitudine multa. Eleuauerunt flumina fluctus suos *à vocibus.* i. obstreperis clamoribus, interrogationibus & contradictionibus *aquarum multarum.* i. variorum hominum atque populorum. Petrus enim interrogatus à Concilio Iudæorum, in qua potestate fecisset claudum illum ambulare, repletus, inquit Lucas, spiritu sancto, dixit; In nomine Iesu Christi iste astat coram vobis sanus. Similiter Paulus ab Elyma Mago contradictionem passus, repletus spiritu sancto intuens in eum dixit: Quid non desinis subuertere vias Domini

Domini rectas? Et idem Paulus à vocibus populi Iudaici, vt è medio tolleretur, postulatus populum tumultuantem ratione reddita sedare studuit. Hæc autem omnia quid crant, nisi fluctus suos siue operationes spiritus sancti exerere à vocibus aquarum multarum? Cùm autem populi viderent se verbis ac contradictionibus non posse Apostolis præualere, ad persecutionem conuersi sunt, de qua sequitur:

Mirabiles elationes maris, Mirabili enim spiritu sæculi indignatio in præcones veritatis intumuit, suamque in eos sæuitiã despumauit. Sed quid, nunquid etiam vel sæuiendo præualuit? Nequaquam, quia *mirabilis in altis Dominus*. Præcones enim Euangelij non fuerunt inferiores in sufferenda, quam impij in persecutione inferenda. Ideo benè Cyp. Pro filierat aduersarius terrore violento Christi castra perturbare; sed quo impetu venerat, eodem impetu pulsus est, & quantum formidinis & terroris attulit, tantum fortitudinis inuenit & roboris, vt cum tanta in sæculo malitia & sæuitia grassetur, à malis & sæuis velocius recedatur. Quia autem hæc fortitudo altorum; Altorum, inquam, qui quamuis corpore in terra multa sustineant, corde tamen in cælo fixi sunt, multum ad persuadendam Euangelij veritatem momenti attulit, vsque adeo vt qui pro veritatis professione passi sunt, Augustino teste, dicti sint martyres, siue veritatis testes, ideo nunc de hoc martyrij testimonio omnibus reliquis Euangelij testimonijs simul comprehensis cum admiratione ad Deum exclamat Psaltes:

Testimonia tua credibilia facta sunt nimis. q.d. Tametsi veritas Euangelica prædicatione annunciata euidens non fuerit, imo fuerit humanæ sapientiæ incredibilis, ipsa tamen testimonia per quæ veritatem illam testificabaris, supra modum in omni eo quod ad testimonij rationem desiderari posset, per eidentem Dei, qui fallere non potest, præsentiam excelluerunt, vt ob id ab omnibus fidem, omni hæsitacione ac tergiuersacione seposita, vel primo aspectu mererentur. Inter quæ testimonia reponenda quidem sunt signa, prodigia variæque Spiritus sancti, vt ait Apostolus, distributiones; non infimum tamen inter ea locum habent sanctorum martyria. Dicit enim Cyprian. Ne esset probatio minus solida, & de Christo delicata confessio, per tormenta, per cruces, per multa pœnarum genera tentantur veritatis testes. Quis enim, inquit Tertull. martyriorum contemplacione, non concutitur ad requirendum quid intus sit in re, ob quam scilicet tam fidenter martyres moriantur? quis non ubi requisivit, accedit? Obseruans itaque Psaltes quantis quantorumque impendijs regnum Christi siue Ecclesia Dei viui fundatum & propagatũ sit, & simul animaduertens quid huius rei contemplacione oporteat Ecclesiam perpetuò agere, exclamat ad Deum & dicit: *Domum tuam.* i. Ecclesiam tuam, quæ est domus tua in sanctis qui in ea

Qq iij templa

6.

Epiſt. 57.

10. de
cap. 32.

7.

Cyp. in fine
trac. de idolo
vanit.
Tert. in fine
Apolog.

templa Dei viui sunt. Dicitur tamen tota domus tua, quia omnes etiam qui in ea sancti non sunt, cum sanctis vnum corpus constituunt. *Decet sanctitudo Domine.* Decet, inquā, vt tota Ecclesia memor sit, quia Christi & Sanctorum eius labore, exemplo & sanguine redempta, fundata, ædificata & stabilita est, & horum recordatione sanctitati acquirendæ, exercendæ, & augendæ, cum religiosa erga maiores suos eorumque labores deuotione, incumbant. Quomodo enim non irreuerentiæ atque ingratitudinis crimen incurret, si tantam neglexerit salutem, quæ cum initium accepisset enarrari per Dominum, ab ijs qui audierunt in ipsos confirmata est, contestante Deo in signis & prodigijs, & varijs Spiritus sancti distributionibus secundum suam voluntatem? An non oportet eam esse memorem præpositorum suorum, qui ei locuti sunt verbum Dei, vt exitum conuersationis eorum intuens, eorum, vt monuit B. Apostolus imitetur & fidem? Imo oportet, & id quidem *in longitudine dierum.* est enim id tantopere cordi eius imprimendum, vt nulla id vel longi temporis edacitas inde possit aut valeat absumere.

PSALMVS XCIII.

Psalmus ipsi David quarta Sabbathi.

Inscribitur Psalmus quartæ Sabbathi, eò quod eo die olim soleat decantari. Hoc tamen titulo August. docet admoneri Christianos, vt dum in hoc mundo inter malos, quorū maleficia hic prolixè referuntur, degūt, studeant per bonā conuersationem, & præsertim per mansuetudinem & patientiā, velut luminaria, quæ quarto die creata sunt, in hoc mundo lucere. Optans simul, vt, quādoquidem Scriptura sacra dies hebdomadæ ferias appellet, eosq; ab inuicem distinguat per numeros singulis ex ordine suo competentes, v. g. secunda feria, tertia, & sic de reliquis; Christiani hebdomadæ dies nō amplius appellent gentilium more diem Lunæ, Martis, Mercurij, sed more scripturæ sacre. Orditur autem Psalter psalmum ab iis quæ euentura sunt in die iudicij, & dicit:

I. *Deus ultionum Dominus*, cuius videlicet est peccata, debito supplicio vlcisci; Idque non quia sæuus est, crudelis aut truculentus, sed quia Dominus, cui, inquit August. non finitur anima non reddere quod debet. Aut enim reddit bene vtendo quod accepit, aut reddit amittendo quo bene vti noluit. Itaque si non reddit faciendo iustitiam, reddet patiando miseriam, quia in vtroque verbum illud [debiti] sonat: hoc est, si non reddit faciendo quod debet, reddet patiando quod debet. Nullo autem temporis puncto ista diuiduntur, vt quasi alio tempore homo non faciat quod debet, & alio patiat quod debet, ne vel puncto temporis vniuersalis pulchritudo turpetur,

petur, vt sit in ea peccati dedecus sine decore vindictæ, sed in futurum iudicium seruatur ad manifestationem atq; acerrimum sensum miseræ, quidquid nunc occultissimè vindicatur. Hæc D. Augustinus. Dicitur itaque Deus ultionum Dominus liberè egisse, vt indicetur ad summi dominij eius decorem pertinere, ne malefici abeant impunè. *Deus ultionum libere egit*: quia in extremo iudicio (de quo tanquam præterito hîc est sermo) non reueretur vultum alicuius: Non enim subtrahet personam cuiusquam, inquit Sapiens, nec reueretur magnitudinem eius. Sed nec extimescet alicuius potentiam, quis est enim iste pastor, inquit, qui resistat vultui meo? Hæc autem iudicium aduenire desiderans, inuocat Psaltes Christum, & dicit:

Exaltare. i. solemne illud tui iudicij solium, ad quod venies in maiestate cum omnibus angelis tuis, velociter conscende, vt iuxta Isaia vaticinium, exalteris Domine in illa die solus, *qui iudicas terram*. i. qui nunc occulto iudicio iudicas omnem terram. Vel, cui datum est à Deo Patre in forma visibili iudicare omnem terram. *Redde retributionem superbis*. Cùm in scripturis mentio fit iudicij, singulariter id dicitur superuenturum superbis, vt Isaia 2. Dies Domini exercituum super omnem superbum & excelsum, & super omnem arrogantem, & humiliabitur. Et super omnes cedros libani sublimes & erectas, & super omnes quercus Balsan. Et super omnes montes excelsos, & super omnes colles eleuatos. Et super omnem turrim excelsam, & super omnem murum munitum. Id autem, vel, quia Deus retribuet abundanter facientibus superbiam. Vel, quia hi præ animi arrogantia minimè credunt & minimè patiuntur super se eleuari iudicem, cui sint subiijciendi, vt ex violenta subiectione superbiorum, de iudicis huius potentia & sublimitate nobis detur coniecturam facere. Vt autem declaret Psaltes, se aduentum iudicis huius implorare, non in vindictam impiorum, sed vt finem accipiat peccatum, addit:

Vsquequo peccatores Domine, vsquequo peccatores gloriabuntur? i. quamdiu non sufficiet eis simpliciter malè secisse, sed insuper iactabunt maleficia sua, tanquam re bene gesta, & iis quos malè exceperint, insultabunt?

Effabuntur & loquentur iniquitatem, loquentur omnes qui operantur iniustitiam. i. vsquequo in communi sermone atque colloquio nil penè, nisi quam exercuerunt malitiam, crepabunt, & peccatum suum, vt deploret Isaia, quasi Sodoma prædicabunt, nullo præditi pudore præ quo illud absconderent? iam enim, inquit D. Cyprianus, nullus peccati pudor est, & sic peccatur, quasi magis per ipsa peccata placeatur. Peccata verò de quibus gloriantur, hæc ferè sunt:

Populum

5. *Populum tuum Domine humiliauerunt. i. iustos contempserunt, atque ab omni sublimitate & auctoritate deiectos, suæ tyrannidi ac libidini subiecerunt. Et hereditatem tuam. i. eos quos morte tua tibi acquisiisti, reuauerunt. i. suæ voluptatis gratia varijs molestijs affecerunt.*
6. *Vidua & aduenam interfecerunt, & pupillos occiderunt.*
7. *Et dixerunt. i. sibi persuaserunt, Non videbit Dominus, maleficia nostra, quæ manifesta committimus. Contra quam vanam persuasionem dicit scriptura sacra: In omni loco oculi Domini contemplantur bonos & malos. Nec intelliget Deus Jacob, ea scilicet quæ in occulto mente machinamur & intendimus. Quem quidem eorum errorem & vanam persuasionem ex varijs scripturæ locis refutat Ambrosius; Psaltes verò in consequentibus eum refutat & ratione, cui percipiendæ vt intellectum admo-ueant, prius eos excitat in hæc verba:*
8. *Intelligite insipientes in populo: & Stulti aliquando. i. tandem sapite. q.d. Non ad credendum vos inuito, error enim vester & vana persuasio talis est, quæ ratione euidenti facillè possit elidi & confutari. Ea autè est hæc:*
9. *Qui plantauit aurem, non audiet, aut qui finxit oculum, non considerat? i. Nōne absurdum est opinari quod is qui creauit homini auditum & visum & simul formauit audiendi & videndi instrumenta, ipse nec audiat nec videat? Id absurdum esse euidenti ratione ex Ambrosio desumpta demonstratur. Id enim quod audit, absque dubio præstantius est non audiente; quod videt, non vidente; Si ergo Deus ipse neque audiens, neque videns, audientem & videntem formauit, ergo præstantius quid fecit quam ipse habet vel est, quod certè pugnat cum ratione. Hic autem ex D. Hieronymo contra Anthropomorphitas, qui dicebant Deum corporeum esse obseruauit Augustinus, quod Psaltes non dicat: Qui finxit oculum, non habet oculum; sed, non considerat? quia Deus videt visione excellentiæ, Videt enim absque corporeis oculis, sicut & audit absque corporeis auribus, tanquam habens non audientiam, sed, vt dicit Sapiens, scientiam vocis, quia omnia singularia atque corporalia non sensu corporeo, sed intellectu percipit Et ne idem quos hîc ratione confutauit Psaltes, hac ratione conuicti ad aliam obiectionem transeant & dicant, quod Deus tametsi videat & intelligat: non tamen curet peccata, nec operæpretium putet ea reprehendere, occurrit Psaltes, quæ hic moueri posset, obiectioni & dicit:*
10. *Qui corripit gentes, per legem naturæ à se ipsis inditam, ex qua multa reprehendunt & laudant in hominum moribus, inquit August. Ostendunt enim opus legis scriptū in cordibus suis, testimonium ipsis perhibente conscientia, & cogitationum accusantium aut etiam defendentium, siue cogitationibus accusantibus, aut etiam defendentibus; Hic ergo, non arguet?*
& cen-

Amb. 1 of
sic cap. 14.

Epist. 111.
& Hieron.
in hunc lo-
cum.

Aug. 14. de
Trinit. c. 15

& censuram in semetipsam exhibebit, sconsentia eueritatem illam dissimulante aut negligente conscientiae auctore, ut creatura à creatore suo melius quid acceperit, quam penes creatorem sit? Imò arguet, scriptum est enim: Existimasti iniquè quod ero tui similis; arguam te & statuam contra faciem tuam. *Qui docet hominem scientiam*; per legem scriptam sicut eum arguere diximus per legem naturae inditam, hic non arguet? & doctrinam suam neglectam esse susque deque feret? eiusque fructum non requirer, ut exinde aut arguat contemptores, aut commendet proficientes? *Quis id credat!* His autem ratiocinationibus Psalter subiungit definitiuam sententiam, ut qui ratiocinationum harum vim & collectionem minus fuerint assecuti, ob definitionem credant praedictos hominum sermones vanos esse, & dicit:

Dominus scit cogitationes hominum, quae scilicet ex homine sunt, cuiusmodi sunt sermones supra confutati. Has, inquā, & ex iisdem aut eiusmodi principiis ortas cogitationes, nouit Dominus, *quia vana sunt*. i. veritatis inanes. Vani enim sunt sensus hominum, inquit Sapiens, quibus non subest scientia Dei. Quae definitiuae sententiae verba videntur esse cum Emphasi intelligenda, ut quandoquidem cum dicimus, Deus videt, Deus scit; censetur iuxta sententiam Augustini iurare; ita etiam Psalter hoc loco cum dicit: *Dominus scit cogitationes hominum*, intelligi potest definitiuam suam sententiam iure iurando, atque inuocato Dei nomine, una & eadem operam confirmare. Cum ergo hominum cogitationes, ut probatum & definitum est, vanae sint: Contra,

Beatus homo quem tu erudieris Domine. Dixisti enim, Ego Dominus Deus tuus, docens te utilia. Quo autem doctrinae genere? *Et de lege tua*, quae est lex spiritus vitae in Christo Iesu: Itaque *de lege tua*, i. de spiritu tuo, siue per vocationem spiritus tui, *doctus es enim*. Cum enim tu Domine siue per sermonem tuorum nuntiorum, siue per scripturam Euangelistarum, siue per epistolas Apostolorum etiam foris doceas, sola doctrina huius legis tuae beatos facit. Vel, *de lege tua*, quae est lex patientiae, quam tibi ipsi in administrationem saeculi nostri praescripsisse videris, in patientia differens vindictam impiorum, eosque varijs beneficijs afficiens, si fortè vel serò tandem, teste Cypriano, conuertantur & viuant. Quae lex etiam hac ratione lex tua dicitur, quia per eius obseruantiam Christus vicit hoc saeculum. Beatus ergo homo quem de hac lege tua, vel, conformiter ad hanc legem tuam, *doctus es enim*, patientiam & animi mansuetudinem:

Vt mitiges ei à diebus malis. i. ut per vocationem spiritus & donum patientiae atque mansuetudinis mitescere ei facias praesentis saeculi, cuius dies mali sunt, aspera & aduersa. Patientia enim, teste Tertulliano, sicut

R r & vn-

11.

Sapient. 11.

Epist. 84.

12.

Isaia 48.

Cyprian. de bono patient.

13.

De patient. ca 9 & 10

& vnctio tua lenit iniurias. Hac autem eruditione legis tuæ homini opus est, non ad horam tantum, sed *donec fodiat peccatori fouea*. Per foueam, in Psalm. 7. infernum intelleximus: Quia autem illi qui plura aut grauiora peccata committunt, profundior in inferno locum habere dicuntur, Descendisti, inquit Isaias, in profundum lacu; ideo qui peccata sibi accumul-
 ant, dicuntur foueam fodere, & profundum lacu sibi aperire. Sensus ergo est, Mitiges ei toto tempore quo inter malos conuersatur, quo tempore mali iustos vexando, locum sibi profundior in inferno continuo effodiunt. Sicut ergo qui de hac lege à Domino erudiuntur, verè beati sunt, ita pronuntio quod tales sæculo nunquam decurrunt,

Isaia 14

14. *Quia à gratia, auxilio, vnctione sua non repellet Dominus plebem suam,* Quam præsciuit, ait Apostolus. i. ad salutem prædestinauit, E medio enim nationis prauæ omni tempore seruauit sibi Dominus quosdam quos præ reliquis saluos faciet. *Et hereditatem suam.* i. Eosdem quos ad hereditatem sibi prælegit, *non derelinquet.* i. auxilio ad perseverandum necessario non destituet, quantalibet acerbæ & indignæ ipsa humilis & infirma, inquit Augustinus, patiatur.

Aug. 13 de
Trinit. c. 13

15. *Quoadusque iustitia conuertatur in iudicium.* i. vsque dum per extremum iudicium manifestetur qui iusti fuerint, & ipsi iusti qui hic à malis fuerunt vexati, ibi potestatem iudicandi acceperint, ait Augustinus. Voluit autem Deus gloriam iustorum & auctoritatem in illud tempus differre: Vt enim Christum suum, ita & iustos suos vult malitiam aduersariorum vincere ac superare, prius per iustitiam, cuius pars est mansuetudo & patientia, quam per potentiam. *Et qui iuxta illam?* iustitiam scilicet, siue vt alij legunt, qui iuxta illud, videlicet iudicium? q. d. qui sunt iustitiæ vel iudicio, vt in eo cum Domino iudicent, maximè propinqui? *Omnes qui recto sunt corde.* i. qui diuinæ voluntati ex animo conformes sunt & morigeri. Audiuimus autem mox cum Psalter diceret; *Beatus homo quem tu erudieris Domine,* &c. diuinæ doctrinæ vtilitatem, supererat audire eiusdem doctrinæ siue diuini adiutorij necessitatem, ne quispiam cum Pelagio opinaretur gratiam Dei vtilem quidem, sed non necessariam esse. Hanc explicaturus, vt attentiores faciat, prius interrogat Psalter & in persona iusti auxilium hoc iam experti quærit:

16. *Quis consurget mihi aduersus malignantes.* i. quis me vt aduersus malignantes armis patientiæ decertem excitabit in istud prælium. Quod enim dicit consurget mihi; id hoc loco idem est, quod excitabit me. *Aut quis stabit mecum aduersus operantes iniquitatem.* i. quis mihi illi prælio operam danti auxiliando astabit, siue me perseveranter iuuabit? Circa quæ verba notandū est quod dicit, *consurget mihi,* & *stabit mecum,* quia diuino adiutorio

torio liberum arbitrium naturali virtute sua cooperatur. Cui interrogatio-
ni respondet:

Nisi quia Dominus adiuit me: utroque modo, suscitando in praelium, & mihi in finem vsque auxiliando. paulo minus habitasset in inferno anima mea. i. Ego per impatientiam, studium aut votum vindicandi, & similia peccata, non multo minus obnoxius factus fuisset aeternae damnationi, quā illi qui mihi iniurias irrogauerunt. Quid enim, ait Tertull. refert aut interest inter prouocantem & prouocatum, (ad iniuriam aut vindictam) nisi quod ille prior in maleficio deprehendatur at hic posterior, tamen uterque laesi hominis Domino reus est, qui omne nequam & prohibet & damnat. Nulla in maleficijs ordinis ratio est, nec locus secernit, quod similitudo coniungit: par factum par meritum habet. Hæc Tertull. Itaque quod hic dicit: *Paulo minus habitasset*, non sic intelligendum est, quasi sine adiutorio Dei ipsum inhabitare in inferno parum absuisset, cum Psal. 88. simpliciter dictum sit: *Quis est homo qui eruet animam suam de manu inferi?* sed per hoc datur intelligi, quod absque auxilio diuinæ gratiæ, non minus, aut non multo minus aeterni supplicij certissimè incurreret excipiens quam inferens aduersa. Sin verò contigerit hominem à Domino in praelium suscitatum negotio feliciter cepto succumbere, praesto est Christiano adhuc aliud auxilium à Domino, de quo dicit:

Si dicebam, Motus est pes meus. i. confiteor, lapsus sum, & in praelio non fleti. *Miserere mihi Domine adiuuabat me,* erigendo elisum, & corroborando redintegrabat ad praelium. Doctrina autem diuini spiritus, qua Deus nobis mitigat dies malos, nunquid modica tantum consolatione afflictorum animos demulcet? absit. Sed,

Secundum multitudinem dolorum meorum in corde meo, consolationes tuæ letificauerunt animam meam. Quantum enim cruciatus ac tædij adfert aduersitas, tantum gaudij & solatij per conscientiam virtutis & spem futurorum, adseret animi tranquillitas. De qua re Bas. Si inquit, amanti virtutis nonnihil acerbi casus obortum fuerit, eius tamen gaudium nulla potest interpolare tristitiæ nubes, eo quod tribulatio patientiā operetur, patientia probationem, probatio spem. Spes sanè est quæ gaudium contubernalem efficit cohabitantem animæ generosæ, & ad excolendam virtutem sollicita. Hæc Basilus. Quin & alia ratione secundum multitudinem dolorum consolationes Dei letificant animam iusti. Deus enim aduersis miscet prospera, ne illa frangant; Prosperis aduersa ne corrumpant, atque ita temperatur vtrumque ab altero, ait Augustinus, ut in Psalmo illam vocem non aliundè agnoscamus exortam, *Secundum multitudinem dolorum meorum in corde meo, consolationes tuæ letificauerunt animam meam.* Denique

R r ij latifi-

Tert. de pa-
tient. c. 10.

17.

18.

19.
Basil. hom.
4. de grat.
agend.

Aug. 18 de
Cinit. c. 51

latificant consolationes Dei mœstam animam, dum per charitatem & patientiam supportantium corrigitur iniquitas insultantium, qui patientiæ fructus vberimus est & præstantissimus, de qua subiicit Augustinus: Magnæ consolationes fiunt in cordibus piorum de correctionibus aduersariorum, quæ piorum animas tanta iucunditate perfundunt, quantis doloribus de sua perditione cruciauerant. Itaque quod dicit Psalter, secundum multitudinem dolorum meorum in corde meo, &c. in idem redit cum eo quod dixerat Apostolus: Sicut abundant passionibus Christi in nobis, ita & per Christum abundat consolatio nostra. Quod non solum in hac quæ dicta est, sed in omni tribulatione, de Domini benignitate, locum habet. Nam tribulatio spiritus quam vocamus contritionem, consolationem accipit ex spe futuræ veniæ. Tribulatio humiliati, ex spe futuræ exaltationis, propter quod de ea dicit Iacobus. Glorietur frater humilis in exaltatione sua; quam scilicet in spe gerit. Quæ cum ita sint:

20. *Nunquid adhæret tibi, O Deus, sedes iniquitatis, qui fingis, siue vt fingas laborem in præcepto.* .i. nunquid tu iuste censeri potes, condendo leges & præcepta, iniquum exercere iudicium, more illorum qui leges edunt vt opprimant, affligant & prouocent transgressiones? Imò ex prædictis apparet manifestè quod non. Corripis enim gentes, multis modis adiuuas fideles, quæ profectò non sunt eius, qui studet iniquitati procurandæ sed auertendæ, nec eius qui studet hominibus onerandis, sed subleuandis. Diuus Bernardus tamen intelligit hæc verba non in Deum, sed in hominem dirigi hoc sensu, Nunquid tu o homo iniquè iudicas, cum fingis siue comminisceris præcepta Dei, ex eius parte, esse graua & laboriosa? cum vt mox audiuius ipse nobiscum consurgat aduersus malignantes, adiuuet præliantes, elisos erigat, mœstos consoletur? Porro quia Deus Pater etiam cum Christo suo confurrexit aduersus malignantes, & stetit cum eo aduersus operantes iniquitatem, quocirca & dicit Christus, Dominus mecum est tanquam bellator fortis; coronidis loco adiungit Psalter quædam quæ ab alijs quibusdam aliò quidem referuntur, mihi autem referenda videntur ad passionem Christi, tum quia ea expositio verbis textus adæquatur; tum quia Ecclesia in officio feriæ sextæ pasceus hæc verba non obscurè de Christi passione intelligit, quæ sic habent:

21. *Captabant in animam iusti,* qui est Christus; quod in eo euidenter impletum est: Cum enim ministri ac satellites à principibus missi frequenter adirent Christum, vt interficiendum comprehenderent, sed frustra, quid aliud quàm captabant in animam eius? Et in exordio passionis, cum illi qui veniebant cum Iuda ad comprehendendum eum, in terram prostrati nihil efficerent, quid aliud quam in animam iusti captabant? *Et sanguinem innocent-*

*in declam.
Iuber, Ecce
nos.*

nocentem condemnabunt, quod circa Christum impletum esse nimis notum est. Quid verò ad hæc Christus?

Et factus est mihi Dominus in refugium. Christus enim causam suam ad Dominum retulit, & Domino, ut ait Ieremias, causam suam reuelavit. 22.
Nec id frustra, Factus est enim, inquit, *Deus meus in adiutorium spei meæ.* quia, prout speravi, mihi in memetipso & membris meis adiutorium præbuit. Et ut dicit Sapiens, partibus iudicans, siue, ytrique parti causæ meæ *Sapiens* 12
ad eum relatæ quod iustum est adiudicans,

Et reddet illis, qui me captarunt & condemnauerunt, iniquitatem ipsorum. i. id quod meretur iniquitas ipsorum. 23.
Et in malitia eorum. i. ob malitiam eorum, vel, ipsis in malitia eadem perseverantibus, *Disperdet eos.* i. varijs modis in mortem traditos in æternū interitum præcipitabit *Disperder*, inquam, *illos Dominus Deus noster.*

PSALMVS XCIIII.

Laus cantici ipsi David.

IN hoc Psalmo vox est Christianorum cohortantium inuicem ad conuentum religionis, ad communem orationem & vnanimem gratiarum actionem. Ideo & D. Athan. testatur cum suo tempore in exordio conuentuum Christianorum recitari solere, ut adhuc hodie recitatur ad Matutinum. Et quidem ibidem paulo aliter, quam hîc legitur, quia qui ad Matutinū recitatur, desumptus est ex Psalterio Romano, cuius in Ecclesia frequens vsus est in missis, ut proinde Missarum Introitus, Gradualia, Offertoria, & similia quæ ex Psalterio desumpta sunt, aliam ferè lectionem habeant, quam Psalteria vulgata, quia Psalterium quod Romanum appellatur, multum differt à Psalterio vulgato, quod D. Hieronymus appellat Gallicanum. Cohortatio autem Christianorum sic se habet:

Venite exultemus Domino. i. concordi lætitia ab intus gestiamus de diuina bonitate qua Deus ipse bonus est, siue, quæ Deus est. *iubilemus.* i. gaudium & lætitiā quam verbis explicare non possumus, affectibus exprimamus *Deo saluari nostro.* i. Deo tāquam salutis nostræ auctori. Vbi iterum obseruandus est ordo castæ & ordinatæ dilectionis, prius enim inuitant ad exultandum Domino propter semetipsum, aut quia ipse bonus est: deinde ad iubilandum ei quia nobis bonus est. *Præoccupemus faciem eius,* i. Præueniamus illuminationem vultus eius super nos. Præueniamus, inquam, Tametsi enim Deus, ut in Psalmum 87. diximus, à nobis simpliciter præueniri non possit, complura tamen eius beneficia ab ipso præuenti, orando, & ad ipsum nos conuertendo, eumque, ut in Psal. 76. diximus, manibus siue operibus nostris querendo, præuenimus. *In confessione laudis*

R r iij & gra-

fl. 6. de sa-
cra. c. 5. &
Basil. const.
monast. c. 2

& gratiarum actionis. In oratione enim, inquit Ambr. non debes quasi famelicus ad cibum de cibo incipere, sed ante à laudibus Dei. Vnde & oratores isti sapientes hanc habent disciplinam; vt iudicem sibi factorem præstent, incipiunt à laudibus eius, vt beneuolum sibi faciant auditorem, & in psalmis. i. canticis spiritualibus, in laudes Dei diuinitus conscriptis, iubilemus ei. i. lætitiā affectus nostri verbis ipsis maiorem, nullisque verbis exæquandum, deferamus ei & exponamus. Est autem nobis in Domino exultandum,

3. *Quoniam Deus magnus Dominus.* Magnus, inquam, quia per essentiam Dominus, longissimo interuallo transcendens omnem excellentiam, à qua complures alij, dii dicuntur aut domini. Nec solum *magnus Dominus*, sed etiam dominator siue magnificè dominās in cælo & in terra. Est enim *Rex magnus super omnes deos*,

4. *Qui in manu eius sunt oēs fines terræ, & altitudines montium ipsius sunt:*

5. *Quoniam ipsius est mare & ipse fecit illud, & siccam manus eius formauerunt.* In quibus verbis, cum dicitur *Deus Rex magnus super omnes deos*, à parte creaturæ insinuat summus gubernator totius creaturæ: Cum dicuntur, *in manu eius omnes fines terræ*, similiter à parte insinuat totius creaturæ conseruator: Cum dicuntur, *altitudines montium & mare ipsius esse*, consimili ratione insinuat ipse esse legitimus totius creaturæ possessor: Cum dicitur, *mare fecisse*, insinuat totius creaturæ, præsertim quoad substantiam, creator: Cum dicuntur *manus eius siccam*, siue terram *formasse* insinuat quod omnis modus, forma & species vniuscuiusque creaturæ ab ipso sit. Singula enim quæ hic de Deo expressa sunt, sic sunt eorum quibus illa tribuuntur, vt tamen sint omnium. Nomine autem deorum super quos *Deus Rex magnus* dictus est, D. Augustinus intelligit sanctos qui dii sunt diuini spiritus participatione. Tametsi enim & daemones aliquando per abusionem dii appellantur, hic tamen nomine deorum comprehendere non possunt; Absit enim, inquit August. quod *Deus* dicatur *Rex magnus super omnes daemones*. Illi enim super quos *Deus rex magnus* dicitur, videntur ad regnum eius pertinere debere, à quo daemones omnimodis exterminati sunt. Voluit autem Psalter describere dominatum Dei quem exercet tam in terra quam in cælo, vt sciamus, inquit Irenæus, Deum ad quem pietate colendum Christiani hic sese mutuo cohortantur, non esse aliū ab eo qui creauit cælum & terram. Cum ergo *Deus tam magnus Dominus sit & rex magnus*,

6. *Venite*, inquit, *adoremus*. Dicunt ante omnia *Adoremus*, Adoratio enim, inquit Cyrill. seruitutis quædam professio est, atque adeo ianua quædam, inquit, & via ad reliqua seruitutis opera, Cum ipsa initium seruitutis, qua Deo seruire profitemur, existat. Ideo Psalmista adhortatur omnes dicens:

9 de ciuit
dei, ca. vii.

h. 3. ca. 11

Cyrril 2 in
Ioan. 6. 92.

dicens: *Venite adoremus & procidamus ante Deum.* Vides, inquit, adorationem procidentiae coniunctam esse, hac re nihil inagis, si quis recte conditiones rerum intelligit, quam seruitutis habitum significari puto. Hæc Cyrillus. Per habitum seruitutis, procidentiam siue corporum inclinationem designans, qua profitemur nos illi cui inclinamur esse subiectos & obnoxios. Quamquam in ea attendi etiam possit professio qua profitemur nos ab ipso lapsos esse, quale quid gentium inclinatione significari testatur D. Basil. siue professio qua profitemur, nos sine eius ope tam quoad naturam quam quoad gratiam, ad nihilum redigendos esse: in cuius rei professionem videntur etiam Angeli coram illo in facies suas, ut habet Apocalypsis, procidere. Vt est, hæc corporum inclinatio, de qua dicit Psalmus, *Procidamus ante Deum*, nostram erga Deum deuotionem non parum nutrit ac excitat, sic enim de ea scribit August. Orantes de membris sui corporis faciunt, quæ congruunt supplicantibus, cum se solo prosternunt, quamuis eorum inuisibilis voluntas Deo nota sit, quæ his magis se excitat ad orandum gementumque humiliter & feruentius, & nescio quo modo cum hi motus corporis fieri nisi motu animi præcedente non possint, iisdem rursus externis inuisibiliter lactis ille interior inuisibilis qui eos fecit, augetur. Hæc Aug. *Ploremus ante Dominum*: qui procidendo lapsum suum confessi sunt, recte addunt, *ploremus ante Dominum*. Est enim nobis necessarius dolor de peccatis, inquit Bernardus: *Qui etiam admodum oportune inferitur prædictæ exultationi, quia oportet ut dolor & ploratus pro peccatis interpoletur*, inquit, latiore recordatione diuinæ benignitatis, ne forte præ tristitia induretur cor, & desperatione plus pereat. Misceamus, inquit, absinthio mel, ut salubris amaritudo salutem dare tunc possit, cum immixto temperata dulcore, bibi poterit. Hæc D. Bernardus. *Qui fecit nos*. Non abs re hoc additur, est enim, inquit Ambr. quædam conventionis authoritas seu fiducia, quod Deus nos fecerit, quia etiam in rebus humanis, ait idem, grandis prærogatiua est, ut aliquis operibus faueat suis, ne videatur abrogare quod ipse donauit. Hæc Ambrosius. *Quia ipse est Dominus Deus noster*. Deus eorum Deus dicitur, ait Augustinus, quos sibi familiariter adhibet tanquam suum, inquit, peculium.

Et nos populus pascuæ eius, quem, ut Psal. 23. dictum est, in loco pascuæ collocauit. *Et oues manus eius*; ab ipso electi ut simus oues eius, & ab ipso in vnam manum siue congregationem collecti. Et hætenus quidem audiuius cohortationem ad opera religionis. Cæterum, quia Deus mauult ut obediatur voci eius, quam ut offeratur holocaustum cui annumerari debet & adoratio, ideo ut diuinis obsequijs diuinorum mandatorum obedientia prout oportet iungeretur, aptissime iungit Psaltes:

Hodie

Basil. de Spi-
ritu c. 27

de turapro
mort. ca. 5.

S. r. r. su-
per Cant.

Ser. 10 in
Psal. 118.

1. de inter-
pell. ca. 6.

In psal. 49.

7.

8. *Hodie si vocem eius audieritis, nolite obdurare corde vestro.* Vbi im-
primis dicit: *Hodie*; quæ vox in solidum significat nostræ illius totius vi-
tæ temporale curriculum ait Basil. In quo curriculo vox Dei tam instanter
aut intus aut foris nobis insonat, vt maioris sit laboris autem obdurare,
inquit Bernardus, quam vocem Domini non audire. Deinde dicit *hodie*;
Hac enim voce, inquit Basiliius, præstruit nos Psal. contra infidias dæmo-
nis conuersionem nostram in craftinum semper differentis. Dicit autem:
nolite; ob liberum hominum arbitrium, quod hoc verbo, inquit Augusti-
nus, conuenitur. Et meritò, ad audiendam enim siue recipiendam vocem
Domini, oportet vt & liberum arbitrium suas exerat vires, vt in Psalmum
71. diximus. Et quia liberum arbitrium ad fugiendum malum vel facien-
dum bonum, ferè non nisi adhibitis externis adminiculis à Deo adiunatur;
oportet enim, vt præclare docuit Augustinus, vt homines aliquid audiant
vel videant vnde boni cognitionem & amorem, aut malorum abominatio-
nem concipiant: Hoc verò, Deo dirigente forinsecus ferè se offert, Quod
autem ex ijs quæ foris apparent boni amoris vel odij intus concipitur, id
Deus per auxilium gratiæ intus operatur, qui etiam sine externis adminicu-
lis eadem intus operari potest, sicut & per mare traducere potest eum qui
fine rate mare adit, inquit Sapientia, sed neutrum facit, vt non essent vacua
diuinæ sapientiæ opera. Magno autè pronentu vacua essent bona exempla
& doctrinæ ac exhortationum incitamenta, si sine illorum adminiculis,
Deus id intus operaretur, quod ordinariè per illa operatur. Quia ergo in
scripturis sacris quorundam peccata ob id ob oculos ponuntur, vt cogno-
scat, inquit Psal. 77. generatio altera, ne fiant sicut patres eorum, generatio
praua & exasperans; etiam hoc loco subiungit Psalter magnū & notorium
inobedientiæ exemplum: vt Christianos ab inobedientia deterreat & dicat:
9. *Sicut in irritatione secundum diem, tentationis in deserto, Vbi tentaue-
runt me.* Exodi 14. cum ad populum reuersi essent exploratores quos mi-
serat Moyse, *Patres vestri*, qui tamen multis modis, *probauerunt* boni
experimento, & *viderunt* oculis suis, *opera mea*. *Probauerunt*, inquam,
tanquam sibi commoda, non autem tanquam incitamenta reddenda Deo
obedientiæ, Sicut & tempore Christi quidam quæsierunt eum, quia man-
ducauerant ex panibus eius. Vt autem non solum exemplum inobedien-
tiæ, sed & pœna eius Christianos à peccando deterret, addit Psalter:
10. *Quadraginta annis offensus fui generationi illi.* tot enim annis merito
sux inobedientiæ oberrant in deserto.
11. *Et dixi semper hi errant corde: Et isti non cognouerunt vias meas.* Di-
lexerunt enim eum ore suo, cor autem eorum non erat rectum cum eo, &
in lege eius noluerunt ambulare. Et quæ tandē huius inobedientiæ pœna?
Vt iu-

Basil. ad chi-
louē in fine
Bern. sa. 2.
de conuers.
ad clericos
Basil. hom.
13. de pen.

De gra. &
libe. arbit.
sa. 2 & 7.

14 de bono
perseuer.

Sapient 14

Ut iuravi in ira mea, si introibunt in requiem meam. i. in Palæstinam. Sub quo iuramento, ut docet Apostolus, latenter continetur iuramentum, quo iuravit Deus Christianos non admittere in æternam suam requiem, si non audierint vocem eius. 44 Hebr. 3
et 4.

PSALMVS XCV.

Canticum ipsi David quando domus edificabatur post captivitatem.

Sensus est, quando gentes colligebantur in Ecclesiam seu domum Dei è captivitate diaboli, cui usque ad id tempus obnoxia fuerant. ait Aug. Cui tempori bene ascribitur Canticum: Quid enim, inquit idem, nos oportet dicere, vel potius quid agere, nisi quātas possumus gratias Domino Deo nostro, qui cultum demonum ex vniuersa terra abstulit, & omnem terram è seruitute demonum ad sui cultum traduxit? Ser 20 de
ver. apost.
De ciuit.
lib. 8 c. 24
1.

Cantate Domino canticum nouum. i. ex ore vestro prius inauditum. Vel, *Canticum nouum.* i. hymnum laudis pro accepta gratia vestre renouationis. Ad quod Canticum deferendum hortabatur Apostolus Ephesios, cum diceret: Implemini Spiritu sancto, loquentes vobismetipsis in Psalmis & hymnis, & canticis spiritalibus, cantantes & psallentes in cordibus vestris Domino, gratias agentes Deo & Patri, qui dignos nos fecit in partem fortis Sanctorum in lumine, qui eripuit nos de potestate tenebrarum & transfudit in regnum dilectionis filij sui. *Cantate Domino omnis terra.* Erat enim Ecclesia per omnem terram propaganda, & laudem Dei ibidem decantatura. Ideo bene dicit Optatus Mileuitanus, quod Donatistæ qui Ecclesiā ad partē Africæ contrahabant, fraudarent debitis suis vocibus aures Dei. Lib. 2. con.
Parm.
2.

Cantate Domino & benedicite nomini eius. De qua benedictione Ps. 71. Sit nomē eius benedictum in sæcula. Et: Et benedictum nomen Maiestatis eius in æternum. *Annunciate de die in diem salutare eius.* i. propagate de die in diem nomen Christi, qui est salutare Dei, dicētes in gentibus illud Apostoli Pauli: Per hunc vobis remissio peccatorum annunciat ab omnibus quibus non potuistis hactenus iustificari. Vel, *Annunciate de die in diem salutare eius:* ut audientes multos indies ad salutem adduci, & in statu salutis constitui, frequentetis inter vos illud Psalmi 67. Benedictus Dominus die quotidie, Prosperum iter fecit nobis Deus salutarium postroorum: augens eos qui salui fiant quotidie in idipsum.

Annunciate inter gentes gloriam eius. i. salutaris siue Christi eius, dicētes in gentibus quod prius annunciatum est in Iudæis, Deus glorificauit filium suum Iesum. *In omni us populis mirabilia eius;* ut his in omni populo cognitis, locus fiat Psalmo 8. dicantque omnes qui hæc obseruant, Do-

5 f mine

mine Dominus noster, quam admirabile est nomen tuum in vniuersa terra, & quæ sequuntur in eum sensum, in quo illa à nobis supra explicata sunt.

4. *Quoniam magnus Dominus & laudabilis nimis.* i. maiore quam præstare valemus laude est dignus, vnde & Ecclesiasticus dicit: Laudantes Dominum quātum potestis, superualebit adhuc. *Terribilis est super omnes deos.* Hi autem qui sunt?

5. *Quoniam omnes dij gentium dæmonia.* Quid enim sit quod dixit: *Super omnes deos*; deinceps ostenditur, inquit August. cū dicitur, *Quoniam omnes dij gentium dæmonia.* Tametsi enim gentilium permulti idola colere visi sint, in euentu tamen dæmonia coluerunt; Cū enim arbitrantur homines simulachris occultum aliquod numen inesse, dæmones id non ignorantes simulachris sese, inquit August. immiscuerunt, vt numen quod homines in simulachris quærebant, ipsi hominibus fallendo exhiberent, & vicissim cultum quem homines idolis ob latens in illis, vt arbitrabantur, numen, deferebant, dæmones sibi hac fraude surriperēt. Propter quod Tertullianus: Dæmones ad se rapiebāt quidquid vanis deorum simulachris offerebatur per consecrationis obligamentum. Super hos ergo deos *terribilis est Dominus*, quia potestate ipsis terribili eos per vniuersam terram solitis suis sedibus sine vlla cōmiseratione eiecit. Quod cum eis valde molestum sit ac inuisum, efficitur prædicta Domini terribilis potestas hac consideratione magis terribilis, quia effectum dæmonibus valde formidandum atque terribilem circa ipsos operatur. Tam verò *terribilis super hos deos est Dominus*, vt Domini de causa, fides in Christum, Christi vel Dei nomen, signum crucis per quam Christus eos iure deuicit, aliaq; Dei & Christi sacra signa dæmonibus terrorem adferant, eosq; in fugam compellant. De qua re pulchrè Athanasius: Olim dæmonia inani specie ludibriisque rerum intricabant homines, in fœsis alibi fontibus, alibi fluuijs, lapidibus aut lignis, atque istis præstigijs fatuos in stuporem agebāt: Nunc vero cū apparuit Dei Verbum, spectra huiusmodi & ludibria imaginum cessauerunt. Solo enim crucis signo vtens homo dolos eorum à se propellit. Et quibusdam interiectis: Veniat qui istorum dictorum experimentum capere velit, & in ipsis præstigijs dæmonum, & imposturis vaticiniorum, & miraculis magiæ, vtatur signo crucis ab ipsis deriso, nomenq; Christi inuocet, & videbit quomodo eius rei metu fugiant dæmones. Quis igitur & quantus est hic Christus qui solo sui nominis vocabulo præsentia omnia obruit, & otiosa reddit, omnibusq; maior, orbem terrarum sua adimplet disciplina? Vbi enim nominatur vel Christus vel fides eius, inde omnis idololatria depellitur, & dæmonum insidiæ patefunt, & quotquot sunt dæmones, ne nomē quidem eius tolerant, sed vbi vel solum id audierint, in fugam avertuntur.

*Ath. tract.
de corp. ad-
uen. Verbi.*

*Aug. in pl.
8. c. 113*

*Tert. de ido-
lola. ca. 15*

*Aug. 9. de
Cini c. vlt.*

tuntur. Atque istud officium est non mortui sed viui, ac potissimum Dei. Hæc Athanasius. Quò pertinent & illa verba Cypriani: O si audire velles *Cyp aduer. clementia.* dæmones & videre quando à nobis adiurantur & torquentur, spiritualibus flagris & tormentis verborum de obsessis corporibus eijciuntur, quando eiulantes & gementes, voce humana & potestate diuina flagella & verbera sentientes, venturum iudicium confitentur. Veni & cognosce vera esse quæ dicimus; Videbis nos rogari ab eis quos tu rogas; timeri ab eis quos tu adoras. Videbis sub manu nostra stare vinctos & tremere captiuos, quos tu suspicis & veneraris vt dominos. Hæc Cyprianus. Imò vsque adeo *terribilis est Deus super omnes hos deos*, vt dicat Augustinus, quod nullo modo vlli spiritus audeant sacra signa nominis aut crucis Christi contemnere, contremiscunt enim hæc, inquit, vbicunque illa prospexerint: Cùm autem non cedunt his signis dæmonū potestates, Deus ipse prohibet occultis modis cum id iustum atque vtile iudicat, vel ad confundendos malos, cum eos oportet confundi vt Scæuæ filios, de quibus in Actis Apostolorum, vel ad admonendos bonos vt proficiant in fide, atque ista non iactanter, sed vtiliter possint, vel ad discernenda dona membrorum Ecclesiæ. nunquid enim omnes virtutes, nunquid omnes habent dona curationū? Hæc Augustinus. *Dominus autem celos fecit.* Hæc pars non sine ratione præcedenti immediatè iungitur, ob id enim quod Dominus celos fecerit, *terribilis est super omnes Deos*, eos è sedibus suis solitis exterrēs, & æternis carceribus mancipans, quia scriptum est; Dij qui cælum & terram non fecerunt, pereant de terra, & de his quæ sub cælo sunt. Postquā verò Psaltes verum Deum cuiusque potestatem & gloriam descripsit, transit ad describendam diuini cultus & disciplinæ Christianæ dignitatem & puritatem, dicitque:

Confessio & pulchritudo in conspectu eius: in cultu enim quem diuinis oculis deferimus primum locum habet confessio peccatorū, deinde pietas: Quæ nomine pulchritudinis appellatur, quia in cultu Dei Christiani nihil adhibent pudendum aut indecorum. Cùm tamen dij gentium spectaculis placari volentes alijsque sacrificijs, cogebant suos cultores turpissima quæque, vt habet Augustinus, religionis nomine præstare & exhibere. Quapropter & S. Blandina apud Eusebiū cum acerrimis & sæpè repetitis plagis ab ea extorquere gētiles vellent quænam nefanda Christiani in nocturnis suis conuenticulis exercerent, ad singula respondebat semper, Christiana sum, nihil apud nos inhonesti agitur. Est enim religio nostra eiusque disciplina pulchra, etiam in ijs quæ nocte aguntur. Quam pulchritudinem Apost. nobis demādans dicit ad Philip. De cetero, fratres quæcūque pudica, quæcūque honesta, quæcūque amabilia, quæcūque bonæ famæ, si qua virtus, si qua laus disciplinæ, hæc cogitate. Quæ verba Apostoli eo extendenda sunt, vt per ea non

Sf ij liceat

Li. 83 qu.
qua. 79.

terem 10.

6.

Aug. in li.
bris de ciu.
Euseb. li. 3.
eccl. histor.

liceat alicui vel poenitentiæ vel vllius mortificationis gratia quicquam quod cum honestate pugnet admittere. Et vt ambages hominum sacrilegorum, qui sub prætectu pietatis nefanda admittunt, euadamus, dicimus censuram honesti aut inhonesti, hic, penes sensum communem esse, ita vt quod sensus communis inhonestum fore iudicauerit, id omni ratiocinatione aut bono fine seposito, simpliciter inhonestū & indecorum sit. *Sanctimonia* & *magnificentia in sanctificatione eius*. i. sanctificationis eius, qua videlicet ipse sanctificat nos, Sicut scriptū est; Ego Deus qui sanctifico vos; effectus sunt *sanctimonia*. i. rectitudo interioris hominis. *Et magnificentia*. i. grandium & heroicorum operum strenua exercitatio. Quid autem acceptis his beneficijs populo gentium Deo rependendum est?

7. *Afferte Domino patriam gentium, afferte Domino gloriam & honorem*. i. det quisque ante omnia apud semetipsum gloriam gratiæ eius. Non solum autem, Sed, *afferte Domino gloriam nomini eius*. i. lic agite, vt omnes passim bene & gloriose de Deo loquantur auditoque eius nomine, eum glorificent. Sicut Petrus ait, Ex bonis operibus vos considerantes glorificent Deum in die visitationis. Sicut contra, propter mala opera Christianorum nomen Dei blasphematur ab ethnicis.

8. *Tollite hostias*. De quibus scriptum est, Exhibeatis corpora vestra hostiam viuentem. Et, Talibus hostijs promeretur Deus. Et, Spiritus contribulatus hostia Deo, vt legit & huic loco applicat Tertull. *Et*, his hostijs instructi, *introite in atria eius*. Nobis enim spiritualiter implendum est quod dictum est Iudæis, non apparebis in conspectu Dei vacuus. *Adorate Dominum in atrio sancto suo*. i. in atrijs ad quæ cōuenitis ad glorificandum Dominum. Quibus verbis prædicit Psalter futuras synaxes populorum & loca sacra ad eas celebrandas. Quæ loca etiam Apostolus agnouit cū diceret: Nunquid domos non habetis ad manducandum & bibendum, aut Ecclesiam Dei contemnitis? Nomine Ecclesiæ Dei locum sacrum in quem fideles conueniebant, probatorum authorum iudicio, intelligens.

9. *Commoueaturn à facie eius vniuersa terra*. i. commoueantur per vniuersam terram tandem omnes ad amplectendam religionem, *à facie*. i. à præsentia Dei qui in vobis præsens appareat. Quod quomodo fiat, Apostolus exemplo declarat his verbis: Si conueniat Ecclesia in vnum & omnes prophetent, intret autem quis infidelis aut idiota, cōuincitur ab omnibus, dijudicatur ab omnibus, & ita cadens in faciem adorabit Deum, pronuncians quod verè Deus in vobis sit. Multum enim momenti ad faciendam infidelibus fidem adferet, si in sermonibus & factis Christianorum ipse Deus, cui credendum est, inhabitans, quodammodo præsens appareat. Quocirca Basilii de Gregorio Thaumaturgo: Tantam, inquit, acceperat gratiam ad obedi-

Ter aduer
ind. cap. 5.

1. Cor. 14.

Basil. de Spi
rita 5 c. 29

obediendum fidei in omnibus gentibus, vt assumptis non plus septemdecim Christianis vniuersum populum tum vrbānū tum rusticanum per agnitionem adiunxerit Deo. In tantum in eo in omnibus tum dictis tum factis eorum quæ per gratiam peragebantur, veluti lumen refulsit supercælestis virtutis indicium, quæ ex occulto affectabatur illum. Hæc Basilii. Vt autem efficacius ad Christi religionē moueatur vniuersa terra. *Dicite in gentibus, quia Dominus regnauit.* Hic quidam arbitrantur addendum esse *à ligno*; Sic enim legit Tertull. Augustinus, Leo, Iustinus martyr, & alij. Putant enim illi Iudæos hunc locum mutilasse, & illud *à ligno*, ex Hebræis codicibus expunxisse. Quod præter complures neotericos etiā vniuersa Ecclesia fateri videtur: cantat enim in hymno, cuius author est Fortunatus: Impleta sunt quæ cōcinit Dauid fidelis carmine, dicens in nationibus, Regnauit à ligno Deus. Fatetur ergo Ecclesia, non pium aliquem paraphrasten, vt quidam volunt, sed ipsam Dauidem horum verborum esse autorem, eaquæ suo carmini seu psalmo inferuisse. Vt itaque ad religionem Christianam commoueretur vniuersa terra, prædicandum fuit inter gentes: *Dominus regnauit à ligno.* i. Per lignum crucis diabolus, peccatum, & inferni portas deuicit. Nam quia in sapientia Dei non cognouit mūdus per sapientiam Deum, placuit Deo per stultitiam prædicationis saluos facere credentes. Verbum autem crucis pereuntibus stultitia est: Ipsi autem vocatis Dei virtus est & Dei sapientia. Dei inquam virtus, quia prædicationi crucis Christi cooperatur Dei virtus. Voces enim prædicantium & litteræ paginarum, quæ ad obediendum fidei Deo seruiunt, non carent virtute eius cui seruiunt, inquit Prosper, ob quam cooperantis Dei virtutem, dicit Apostolus ad Rom. quod Euangelium sit virtus Dei in salutem omni credenti. Quis verò huius prædicationis effectus?

Tert. adu. Iul. ca. 10. & 13. Aug. in bñc locum et; cō. Marcio. Leo serm 4 de passione Iustini cō. Triphonem

Prosp. ad Demetria.

Etenim correxit orbem terræ, quia per fidem crucis correcti sunt corruptissimi mores infidelium per totum orbem terrarum, *Qui non commouebitur*: Quia Ecclesia quæ ad omnia loca deuentura est, nunquam deficiet aut de statu suo deicietur. Et post hæc, in extremo iudicio, *iudicabit populos in æquitate*. Experientur enim populi fideles eum clementem & æquum iudicem.

10.

Latentur cæli. Gaudent enim Angeli cū vident homines per Euangelium corrigi, & ad futurū iudicium preparari. *Et exulter terra.* i. qui in terra priores ad fidē Christi conuersi sunt. *Commoueatur mare & plenitudo eius.* Ad insulas enim eosque qui mare nauigant perueniet prædicatio, ac commouebit maris incolas ad pœnitentiam & religionem. *Gaudebunt campi.* i. qui plana terrarum loca inhabitant, & *omnia quæ in eis sunt.* Omnia enim quæ in mundo sunt, solennitati Christianorum, & publico eorum gaudio

11.

Sf iij

deser-

deseruiunt. Vel, *Gaudent*, quia gaudium fidelium in ea redundare videtur.

12. *Tunc exultabunt omnia ligna siluarum à facie Domini, quia venit in suis Apostolis, quoniam venit iudicare terram.* Nam & in Apostolis venit in iudicium discretionis in hunc mundum, vt qui non vident videant, & qui vident cæci fiant.

13. *Iudicabit orbem terræ in iustitia*, quosdam enim ex toto orbe conuerter ad iustitiam. *Et populos in veritate sua*, quia faciet quosdam ex ijs qui faciunt veritatem venire ad lucem, vt manifestetur opera eorum quia in Deo sunt facta.

PSALMVS XCVI.

Psalmus David quando terra eius restituta est ei.

Titulus hic variam recipit interpretationem, sicut & ipse Psalmus. Quia tamen contextui Psalmi singulisque versibus eius magis quadrant ea quæ in alijs scripturis de die iudicii reuelata sunt, ob id convenientius nobis videtur Psalmum ipsum de die iudicii exponere, eiusque titulo tribuere sensum qui sequitur.

Psalms David. i. Psalmus Christo dedicatus, in id tempus, *quando terra eius restituta est ei.* i. quando terra & ea quæ in illa sunt opera, exusta, renouata fuerit, & talis reddita, vt in ea iustitia, quod futurum dixit S. Petrus, inhabitet, Tunc enim terra rectè dicitur Christo esse restituta, quia tempore prioris sæculi fuit ab alienis possessa, & in vsum Christo eiusque voluntati contrarium conuersa, quæ tunc, contritis, vt Isaias ait, de ea peccatoribus, iustitiæ & voluntati Christi restituetur.

1. *Dominus regnauit.* Psalmo 92. etiam dictus est Dominus regnasse; ibi quidem, quia regnum suum super Ecclesiam huius temporis suo labore sibi acquisitam, auspicatus est; hic verò, quia idem regnum, annunciatum iam per vniuersum orbem Euangelio, & Ecclesia in singulis orbis partibus actu, vt loquimur, existente, regnum quod prius ceperat, compleuit. An non enim iustissimè dicetur Dominus regnasse, quando prædicato, vt prædixerat, Euangelio in vniuerso mundo, Ecclesia in singulis orbis partibus actu existet, vt ipso venturo ad iudicium, colligere possint Angeli electos eius à quatuor ventis, à summis cælorum vsque ad terminos eorum? i. è toto orbe?

In psal. 101
Or 2. cont.
Parme. 6.2
Si enim Angeli electos colligent de toto orbe, ergo in toto orbe terrarum tunc erit Ecclesia, vt colligit August. Vbi enim electi, ibi Ecclesia, permixta tamen illis qui non sunt electi. Sensus itaque est, *Dominus regnauit.* i. regnum suum quod est Ecclesia per vniuersum terrarum orbem propagauit. *Exulter terra latentur insule multæ.* i. Ecclesie filij per vniuersam terram & insulas maris diffusi. His dicitur vt exultent,

tent, Fundatur enim vt Psalm. 47. dictum est exultatione vniuersæ terræ
mons Sion ciuitas regis magni. Prædicato autem per vniuersum mundum
Euangelio, Veniet, inquit Dominus, consummatio, sæculi videlicet, de
qua Isaias, Consummationem & abbreviationem audiui à Domino Deo *Isaie 28.*
exercituum super omnem terram. Hanc autem consummationem Domi-
nus ad iudiciũ venturus ipse, vt dicunt Nahum & Sophonias, faciet. Ipso
itaque ad iudiciũ veniente,

Nubes & caligo in circuitu eius. Nubes quidem, quia sicut nubes sus- 2.
cepit ascendentem ab oculis intuentium, sic etiam. i. in nube, vt interpreta-
tur Augustinus, veniet ad iudicandum. Videbunt enim, inquit, filium ho- *Aug ep. 88*
minis venientem in nube. Non dicit super nubem, sed in nube; quia nubes
hec erit *in circuitu eius* ambiens eum. *Caligo* verò, quoniam stellæ cæli,
inquit Isaias, & splendor earum non expandent lumen suum, obtenebra- *Isaie 13.*
tus est sol in ortu suo, & luna non splendet in lumine suo. Propter quæ
& Ioël diem iudicij appellat diem tenebrarum & caliginis, diem nubis &
turbis. Qua ergo ratione canit Ecclesia, quod erit in die illa lux magna?
An quia in illa die Dominus virtute sua illuminabit abscondita tenebra-
rum, & manifestabit consilia cordium? An verò, quia tunc, vt dixit Aba-
cuc. splendor eius, subaudi Iudicis, vt lux erit: Et, quod Euthymio visum
est, velut sol illuminabit mundum? Et similiter splendor gloriæ sancto-
rum eius, qui configurabuntur corpori claritatis eius, illuminabit eundem
velut luna, vt in die illo implendum esse censeatur quod dixit Isaias: Erit
lux lunæ sicut lux solis, & lux solis. i. Christi, erit septemplex. Quæ lux
tameñ si conspicua futura sit impijs, non tamen eos exhilarabit, & proinde
manebit eis dies iudicij dies caliginis. *Iustitia & iudicium correctio sedis,*
i. Ecclesiæ eius. In hoc enim die iudex exercendo iustitiam & iudiciũ cor-
riget Ecclesiam suam, nam expurgabit aream suam, & iusto iudicio sepa-
rabit paleas eius à tritico. Quoad iustos verò, erit quasi ignis conflans, &
sicut herba fullonis, sedebit enim conflans & emundans argentum, & ex-
coquet ad purum scoriam eius & purgabit filios Leui. Quicquid enim illis
adhæserit correctione dignum, amouebit ab eis in illa die Dominus per
ignem.

Ignis conflagrationis, ante eum præcedet, ante faciem enim eius ignis 3.
vorans, inquit Ioël, *Et inflammabit in circuitu inimicos eius,* quia lata à
iudice sententia, ignis hic in mundum immissus, exuret terram & quæ in ea
sunt opera, & simul inuoluet impios, eosque hoc igne in mundo succen-
sos deportabit in infernum. Id enim probati videtur per verba Domini;
Ignis succensus est in furore, siue die furoris mei, & ardebit vsque ad in- *Deuter. 32.*
ferni nouissima. Quomodo autem id verum erit si non ignis hic in mundo
inflam-

inflammaverit impios eisque in infernum usque adhæserit? Hæc autem Dei per Moysen verba de igne conflagrationis intelligenda esse, probant illa quæ ibidem sequuntur quæ dicunt: Deuorabitque terram cum germine suo, & montium fundamenta comburet, hoc enim per ignem conflagrationis futurum esse notorium est. Ignem autem hunc quamuis prius velut clibanus exarserit, non tamen nisi post latum iudicis sententiam mundum inflammaturum Ioël testari videtur, cum verbis prius citatis subiungit: Post eum, iudicem videlicet, exurens flamma. ut proinde D. Augustinus non male opinatus sit, mundi conflagrationem futuram post iudicis sententiam. Paulò vero prius quam iudex ipse appareat,

De Sim. Dei
li. 20. c. 30

4. *Alluxerunt fulgura eius*, de quibus Sapient. 5. Ibunt directè emissiones fulgurum, & à benè curuato arcu nubium exterminabuntur. i. à nube, tanquam à termino à quo, emittentur, & ad certum locum infilient, ut etiam Zachar. testatur c. 9. Exhibit, ut fulgur iaculum eius. *Orbi terræ*. Perstringent enim fulgura hæc totum orbem terrarum, quia sicut fulgur exit ab oriente & parit usque in occidentem, sic erit aduentus filij hominis. *Vidit*, Non enim poterit aliquis terrorem horum fulgurum euadere, aut se ab illis abscondere. *Et timore horribili commota est terra*. i. omnes inhabitantes terram: idque à facie formidinis Domini, inquit Isaias, & à gloria maiestatis eius cum surrexerit percutere terram. Supra quidem Psal. 76. huiusmodi Psalmi verba de miraculis Apostolorum exposuimus, hic verò ad literam, quia non oportet quauis scripturarum loca metaphoricè exponere.

Isaia 2.

5. *Montes sicut cera fluxerunt à facie Domini*, quia à præsentia iudicis vel aduentus eius, montes per terramotus magnos quos Euangelium futuros esse dicit, per loca defluerunt, ut æquaretur tota superficies terræ, sicut scriptum est Apocal. 16. Et omnis insula fugit, & montes non sunt inuenti. *A facie Domini omnis terra*. Quidam contendunt legendum esse, *à facie Domini omnis terra*, sicut & alibi dicitur, Deus tuus Dominus vniuersæ terræ vocabitur. Potest tamen & vulgata lectio suum usum habere ut cum dicitur, *A facie Domini omnis terra*, per id idem insinuetur quod habet Apocal. c. 20. A cuius conspectu fugit terra secundum pristinam speciem. Nihil tamen vetat [montes] hoc loco metaphoricè accipi pro daemonibus. Hi enim adueniente iudice siue *à facie eius sicut cera*. i. tanquam nihil virtutis habentes, è media regione aeris, in qua usque ad id tempus versati fuerint, in infernum defluent, sicut dicit Isaias; Et omnis militia cælorum. i. spiritualia nequitie in cælestibus, contra quæ nobis hic est colluctatio, defluet sicut defluit folium de vinea aut de ficu. Quos enim Deus à lapsu rudentibus è cælo detraxit, tum in tartarum tradet cruciandos.

Isaia 24

6. *Annuntiauerunt cæli iustitiam eius*. i. sancti eius, cæli dicti, quia cōuersatio.

ratio eorum hic in caelis fuit, Vel, quia obuiam Christo in aëra rapti, in aëre iudicium videbunt & excipient; vt quia aër in scripturis sacris non semel caelum dicitur, & hi à loco in quo tunc stabunt caeli dicantur, sicut aues quæ in caelo siue aëre volant, dicuntur volucres caeli. Hi ergo *annunciauerunt iustitiam eius*. i. euidentia rei conuicti, prædicauerunt iustitiam iudicis, mutuum de iudicis iustitia iudicium iudicij sui concordia confortando. *Et viderunt omnes populi*, siue vt Ioannes dicit, Omnis oculus, imo & qui illum pupugerunt *gloriam eius*, Videbunt enim eum venientem cum potestate magna, inquit Lucas, & maiestate.

Confunduntur. i. confundentur tunc *omnes qui adorant sculptilia*. In illo enim die homo idololatra Christum verum Deum præ oculis suis conspicatus, & à veritatis manifestatione de pristina sua amētia confusus, non odio iniquitatis, sed publicæ confusionis & dedecoris quod incurrit, Projiciet, inquit Isaias. i. detestabitur, idola argenti sui & simulachra auri sui quæ *Isaia 2.* fecerat sibi vt adoraret talpas & vespertiones. *Et qui gloriantur*. i. sibi gratulantur *in simulachris suis*. q. d. qui se felices prædicare solent, quibus tales, tanti, & tam benefici dii obtigerint, quales videntur fuisse, qui apud Danielem de parta victoria à filiis Israel laudabant deos suos aureos & argenteos, æreos, ferreos, ligneos & lapideos.

Adorate eum omnes angeli eius. Apostolus interpretatur hoc præceptum locum habuisse, cum Deus iterum, inquit, introduceret primogenitum in orbem terræ. Hoc autem de die iudicij intelligendum esse videtur, in hoc enim die Deus primogenitum, quem per natiuitatem ex beata Virgine semel introduxerat in orbem terrarum, iterum introduxit in orbem terrarum, in specie visibili & solemnī, Quamquam dubitandum non sit, quin Angeli eum iam à principio assumptæ ab eo humanæ naturæ cultu patriæ adorauerint, non quidem vt parem in pari corpore (non enim humanitas Christi per subsistentiam in diuina hypostasi accepit æqualitatem & dignitatem diuinitatis, vt docet Cyrill.) sed vt Deum, inquit Athanasius, in seruili schemate; Nec mirandum est hoc ad diem iudicij referri, veniet enim filius hominis in maiestate sua, & omnes Angeli eius cum eo, qui eum vt creatorem suum, ob quod hic *angeli eius* dicuntur, coram toto mundo adorabunt. Sunt tamen quidam qui dictionem [iterum] qua vtitur Apostolus, nō construunt cum verbo [introduxit] sed cum coniunctiuo [Et] Ac si diceretur: Et iterum, cum introducit primogenitum in orbem terræ. Ego tamen arbitror constructionem quam nos scimus probabiliorem esse, eo quod ordo verborum in scripturis sacris, auctor Hieron. mysterium sit; & proinde locum hunc de die iudicij propriè intelligendum esse. *Audiuit vocem illam iudicis, Venite benedicti, & latata est Sion.* i. *Ecce-*

*Cyr de ire.
vulg c 26
Alia epist.
ad Aacipb.*

Ecclesia Sanctorum, lætitia inenarrabili & glorificata reportans finem fidei suæ salutem animarum.

9. *Et exultauerunt filia Iudæ*. i. filia confessionis, quæ in confessione diuinorum iudiciorum diuinæ gratiæ, propriæ culpæ, inopiæ, infirmitatis & similibus, quasi educatæ sunt. *Exultauerunt*, inquam, *propter iudicia tua Domine*. Dicent enim Alleluia, laus & gloria & virtus Deo nostro est, quia vera & iusta iudicia eius sunt. *Exultauerunt* quoque,

10. *Quoniam tu Dominus altissimus super omnem terram*. i. quod tu Christe præualueris terræ siue terrenis hominibus ac peccatoribus omnibus, illis sub pedibus tuis, gloriæ, authoritatis ac potestatis tuæ manifestatione, subiectis. Et quod, *Nimis exaltatus es super omnes deos*, quia in hoc iudicio etiam sanctos, quibus tunc, vt in Psal. 81. exposuimus, dices, Ego dixi, dii estis & filij excelsi omnes, iudicabis, eisque filij Dei dignitate & suprema iudicandi authoritate incomparabiliter maior omnium oculis apparebis, ita vt præcelsitudinis tuæ excellentia dixerit de te Isaias: Exaltabitur Dominus in die illa solus. Hac ergo de causa etiam *exultauerunt filia Iudæ*: Cum enim diligant te, qua ratione committere possent vt non de tuæ gloriæ & sublimitatis manifestatione inprimis gauderent? Psalteres verò sollicitus, vt iusti diem extremi iudicij sibi felicem, quod sine perseverantia fieri non potest, experiantur, suggerit iis perseverantiæ præsidia, & dicit:

11. *Qui diligitis Dominum, odite*. i. auersemi, exhorrescite *malum*, ne aliqui securis & otiosis, vt in Psal. 35. ex Ambrosio diximus, affectibus, blanda quædam voluptatum conciliatrix obrepat illecebra. Quod enim iusti in peccata labantur, ex eo ferè originem habet, quod malum, iudicio quidem improbant, sed affectu nõ satis exhorreant nec detestentur. Cum verò odiũ hoc ad perseverantiam neutiquam sufficiat, addit Psalteres. Protectione gratiæ suæ *custodit Dominus animas sanctorum suorum*, vt quisquis id audit, ad Domini (qui hic dicitur custodire animas sanctorum suorum ad significandum quod ad id pronus sit) protectionem in suam perseverantiam confugiat. In die verò iudicij *de manu*. i. potestate, importunitate, scandalis *peccatoris liberabit eos*. separando sanctos suos à permixtione malorũ. Qua separatione facta,

12. *Lux orta est iusto*, quia iustitia eorum quæ in hac vita occulta fuit, & latuit, vel saltem suum non habuit splendorem, ibi lucem & claritatem suam accepit. Ibi enim impletur quod Psal. 36. Psalteres expectandum esse dixit: Educet quasi lumen iustitiam tuam & iudicium tuum tanquam meridiem.

Isaie 58. De qua re & Isaias: Si effuderis esurienti animam tuam, & animam afflictam repleueris, orietur in tenebris (quæ verisimiliter sunt illa caligo, de qua in principio Psalmi) lux tua, & tenebræ tuæ erunt sicut meridies (quia fulgebit ibi

bit ibi sanctorum iustitia vt meridies) & requiem dabit tibi Dominus semper & implebit splendoribus (qui sunt splendores sanctorum, de quibus Psal. 109.) animam tuam. Ad quam sanctorum, postquam à malis fuerint separati, glorificationem, Dominus, authore August. respexit cum egresso proditore, & solis cum eo sanctis remanentibus, exclamaret. Nunc clarificatus est filius hominis & Deus clarificatus est in eo. Separatione enim maiorum à sanctis facta, filius hominis in omnibus suis membris claritatem meridianam induet & accipiet, & suam claritatem plenissimè manifestabit. *Et rectis orde*, Quos Psaltes iustos dixerat, nunc vocat rectos corde, vt sciamus iustitiam in rectitudine cordis positam esse, & rectitudinem cordis veram esse iustitiam. His ergo *orta est letitia*, illa, de qua Dominus: Iterum videbo vos, & gaudebit cor vestrum & gaudium vestrum nemo tollet à vobis. Cum ergo illud gaudium plenum, beatum, securum vobis obortum fuerit,

Tract. 63.
in Ioan.

Letemini (exclamat Psaltes ad beatos per apostrophem) *iusti in Domino*, quasi congratulando eis cū admiratione dicat, Profectò verum est gaudium, veraque letitia qua vos, ó iusti, in conspectu & praesentia Domini perfrui mini. *Et confitemini memoriae sanctificationis eius.* i. in illa beatitudine ad memoriam reuocantes totam per singulas partes sanctificationem qua Deus vos è peccatis ad iustitiam, de virtute in virtutem huius vite tempore per gratiam suam prouexit, perduxit, conseruauit; eandem sanctificationis eius gratiam confessione laudis & gratiarum actionis ibidem confitemini ei; Et dicitis Agno, Redemisti nos Deo in sanguine tuo ex omni tribu lingua & populo & natione. Et iterum; Regnauit Dominus Deus noster omnipotens, Gaudeamus & exultemus & demus gloriam ei, quia venerunt nuptiae agni, & vxor eius prae parauit se, & datum est illi (tempore prioris saeculi) vt cooperiat se bysino splendenti & candido. Bysinum autem iustificationes sunt sanctorum. His enim verbis contentur ibidem iusti memoriae sanctificationis, qua à Deo in hoc saeculo sanctificati sunt.

13.

PSALMVS XC VII.

Psalmus ipsi David.

IN hoc Psalmo canticum est siue gratiarum actio, quod Deus postquam plenitudo gentium intrauit, ad Israëlem reuersus, eundem longo postliminio ad Ecclesiam veramq, salutem aggregauerit, & sic omnis Israël Dei tam ex gentibus quam ex Iudæis saluus factus sit: Qui sic habet.

Cantate Domino canticum nouum, quia mirabilia fecit. Inter quae primum est,

T t ij Salua-

2. *Saluauit sibi dextera eius, & brachium sanctum eius.* i. Christus qui secundum diuinitatem dextera & brachium Patris est, genus humanum sibi reconciliauit: Sicut scriptum est, Deus erat in Christo mundum reconcilians sibi, quo significatur, Christum, in quo Deus erat, nos sibi ipsi totique simul SS. Trinitati reconciliauisse. Mirabile enim est, & quod hominem, vt ex Athanasio in Psal. 67. in re simili citauimus, attonitum reddat quod idem sit mediator, & simul is ad quem placandum mediator ordinatur. Hoc tamen non pugnat cum ratione iustitiæ, tamen si enim hæc ad alterum sit, & inter duo consistere debeat, non tamen necesse est duo hæc supposito distingui, sufficit enim quod ordine, vt videlicet vnum sit superius, inferius alterum. Nam & Philosophus teste D. Thoma, fatetur quod hominis ad seipsum quædam sit iustitia, cum concupiscibilis & irascibilis obediunt rationi. Si ergo hominis; cur non magis Christi ad seipsum est iustitia, præsertim cum inferius quod in Christo consideratur, à superiore, non solius potētiae, sed naturæ ordine longissimè distet. Porro D. Athanasius notat hic dici, *saluauit sibi dextera eius*, non autem, *Saluauit se dextera eius*; quia Verbum, vtpotè increatum, nullum salutis suæ augmentum merito suæ passionis accepit.

3 d. q. 2. a.
2. o. art. 2.
ad 3.

Athanasius circa
finem epistolæ.
ad Epistolam.

3. *Notum fecit Dominus.* i. in notitiam hominū deuenire fecit Dominus, *Salutare suum.* i. Christum salutis auctorem. *In conspectu gentium reuelauit iustitiam suam.* i. vna cum reuelatione Christi sui, reuelauit etiam iustitiam suam ex fide Christi qua iustificat impium; hac ratione implens Isaiaæ votū quo dixerat: Rorate cæli desuper & nubes pluant iustum, & iustitia oriatur simul. Id autem, *In conspectu gentium.* quia reuelatio harum rerum in gentibus prius agnita est, ac obtinuit. Circa quæ verba nobis obseruare datur Psalterium vnum fuisse ex illis Prophetis, quibus teste Apostolo reuelatum est in spiritu, gentes esse cohæredes, & cōcorporales, & comparticipes promissionum Dei in Christo. Vbi verò plenitudo gentium intrauit,
4. *Recordatus est misericordiæ suæ, & veritatis suæ domui Israel.* i. tum demum Iudæis promissam, sed diu dilatam, & intermedio tempore quasi obliuioni traditam misericordiam exhibuit. Consimili verbo B. Virgo in suo cantico misericordiam Iudæis postliminiò præstandam prophetās; Suscepit inquit Israël puerum suum, recordatus misericordiæ suæ. Recordatus, inquit, id est, quasi post longa obliuia, Iudæorum tandem memor factus. Ingressa autem plenitudine gentium, & Iudæis ad gentium plenitudinem adiunctis,
5. *Viderunt omnes termini terræ, salutare Dei nostri.* q. d. tunc verum erit dicere, quod Euangelium in vniuerso mundo prædicatum sit, & in singulis eius partibus aliqui salutis per Euangelium sint participes. Quod quia

quia magni gaudij argumentum atque materiam suppleat;

Iubilare Domino omnis terra: cantate & exultate & psallite.

6.

Psallite Domino in cithara, in cithara & voce psalmi: in tubis ductili-

7.

bus & voce tubæ corneæ. In quibus verbis quod hæc quatuor verba gaudiū

significantia, *Iubilare, Cantare, Exultare & Psallite*, coaceruat; indicat

quàm mirabiliter, inquit Gregorius, & ineffabiliter gaudendum sit. Cele-

Greg. in 1.
Reg. cap. 1.

britatem quoque gaudij insinuare gestiens, instrumenta eius enumerat, &

dicit: *Psallite Domino in cithara, in cithara & voce psalmi, in tubis ducti-*

libus, & voce tubæ corneæ. Hæc Gregorius. Ambrosius interim vocem

Amb. c. 12
de bened.
pat.

tubæ corneæ metaphoricè interpretatur, dicens vocem tubæ corneæ esse

sermonem virtutis mirabilis, quæ bonos milites Christi accendit in præ-

lium vt de hoste diabolo manubias reportent. Et quandoquidem post cō-

uersionem totius orbis sequitur extremum iudicium, subiungit hic iterum

Psaltes quædam quæ eò pertinent, & dicit:

Iubilare in conspectu Regis Domini. i. in præsentia Iudicis Christi & co-

8.

ram eo gaudium cordis vestri O Sancti expromite. *Moueatur mare & ple-*

nitudo eius; eo motu cuius terminus sit, id quod dicit Apocalypsis, Mare

iam non est. *Orbis terrarum,* moueatur terræ motu illo magno de quo

Dominus. terramotus erunt per loca. *Et qui habitant in eo,* moueantur;

mali quidem metu & timore, Boni verò exultatione ad proximum spæi

sæ fructum.

Flumina plaudent manu, Necessè est hic esse metaphoram, aut in dictio-

9.

ne, *Flumina,* aut in dictione, *Manu,* aut, quod nobis magis verisimile vi-

detur, in utrâque: Itaque *flumina,* de quibus Psalmo 92. dictum est, quod

eleuarint vocem suam & fluctus suos, *plaudent manu,* Venientes & portan-

tes manipulos suos, & offerentes Iudici complures, & quidam ex illis in-

numeros, quos Christo genuerunt & edacauerunt. Hos autem in solen-

ne illud iudicium in conspectu Iudicis & omnium sanctorum eius cum

sublimi triumpho proferre, nunquid non verè erit manu plaudere? *Simul*

montes. i. qui vita contemplatiua sublimes fuerunt, sed vt comparatione

Lie Rachel, filijs quos in Christo genuerint non admodum copiosi, *ex-*

sultabunt. i. præ lætitia quasi extra semetipsos exsulent. *A conspectu Do-*

mini. i. viso Domino, *Quoniam venit* in extremo iudicio, *Iudicare terram.*

Qua iudicij lege!

Iudicabit orbem terrarum in iustitia. Vniuersis enim retribuet quod

10.

iustum est; Et ne iustitia hæc erga Sanctos nimis præcisa videatur, aut er-

ga impios nimis rigida, addit Psaltes, *Et populos in æquitate.* Aequitate

enim sua temperabit iustitiæ rigorem, vt boni suprâ, mali verò infra quàm

merentur accipiant.

Tt iij

PSAL-

Docet Psalmus, Deum vt Patris bonitate amandum, ita iudicis seueritate metuendum esse; idque ab exemplo multiplicis vindictæ quam Deus in peccatores tempore veteris testamenti exercuit, usque adeo vt ne sanctissimos quidem sibi, admodum familiares illius temporis sacerdotes, vbi id merebantur, abire permiserit impudẽ.

1. *Dominus regnauit.* i. thronum regni sui ad dexteram Patris conscendit. *Iraſcuntur populi.* i. futurum est vt irascantur populi. Vel, esto, irascantur populi, id Domino regnante nobis magnoperẽ curandum non erit. *Qui ſeſdes ſuper Cherubin.* i. Tu Domine qui thronum tuũ eleuaſti ſuper omnem Angelicarum poteſtatum ſublinitatem, Quod vt ſaceres Pſal. 17. dictus es aſcendiſſe ſuper Cherubin & volaſſe; *Moueatur terra.* i. esto ad perſecutionem moueatur terra, id enim magnoperẽ reformidandum non erit, quia ſpes cõ introeundi, quò præceſſiſti & præcedendo viam & aditum nobis initiaſti, ad tolerantiam perſecutionum nos animabit facietque nos reportare de perſecutore victoriam. Propter quod & Chriſtus pro membris ſuis ad Patrẽ dicit in libro Iob: Libera me Domine, & pone me iuxta te. i. in throno dexterae tuæ, & cuiuſvis manus pugnet cõtra me. i. oppugnet Eccleſiam meam. Poſtquam enim Chriſtus ad dexteram Patris ſui conſedit, ſpe adipiſcendi regni tui Eccleſia nullam pugnam detrectabit.

2. *Dominus in Sion.* i. Eccleſia magnus, quia poſtquam aſcendit, magnitudo eius credita & cognita eſt in Eccleſia. *Et excelfus ſuper omnes populos,* quia excelfam atque ſublimem in omnes populos poteſtatem obtinuit, vt eos aut per correptionem aut per vindictam ſibi ſubijciat. Cũ enim iuxta vaticinium Danielis in nubibus cæli, quaſi filius hominis uſque ad antiquũ dierum in ſua, Cyrillo teſte, aſcẽſione perueniſſet; dedit ei antiquus dierum poteſtatẽ, honorem & regnũ, vt omnes populi, tribus & lingua ſeruiant ei.

Cyr. epiſt. 1

3. *Confiteantur nomini tuo magno, quoniam terribile & ſanctũ eſt.* i. Confiteantur quod de te prædicatur, videlicet, quod tu terribilis ſis ob ſeueritatem qua vlciferis in peccatores, & ſanctus, ob gratiam qua ſanctificas impios. Vtrumque autem de Deo prædicandum ei que conſtitendum eſſe vaticinatur Pſaltes, hoc vaticinio occurrens errori eorum, de quibus ſcribit Irenæus, quod prædicantes quanta Deus feciſſet eis qui cum venientem in mundum receperunt, tacuerunt de iudicio eius, & ſilentio preſſerunt quæcunque prouenient his qui audierunt ſermones eius, & non fecerunt. Hi enim prædicabant & laudari faciebant nomen Domini, quoniam ſanctum eſt, non autem quoniam terribile. *Et honor regis iudicium diligit.*

Li. 3. c. 46.

diligite. i. requirit honor Dei, vt vindicentur peccata. Quod benè perspetum habuit Tertull. quia dicit: Deus iustitiæ sibi charissimæ exigendæ tuendæque præsidet; Et, Pœnitens exomologesin (i. disciplinam placandi Deū cuius vna pars, sui, quam vocat Apostolus, vindicta est) suscipiens, de periculi sui timore Deum honorat. Honoratur enim Deus, dum vt Patris pietate diligendus, ita iudicis seueritate metuendus creditur; Et præcipuè cum pro eius qui placandus est dignitate, magna vindicta suscipitur. Ad persuadendum autem hominibus noui testamenti quod Deus diligat iudicium, subdit Psaltes:

Tert. de pœnitent ca 2. or 9.

Tu parasti directiones, iudicium & iustitiam in Iacob tu fecisti. i. In gentem illam quæ ex Iacob secundum carnem descendit, sæpè olim iustam exercuisti vindictam, & tuæ seueritatis quædam exempla edidisti, & in eo signum seueritatis quam tempore noui testamenti in præuaricatores exerceres præparasti siue præordinasti: Per id enim testificaberis, & populo noui testamenti coniiciendum relinquebas, quam terribile iudicium & acerbum supplicium maneret illos qui in nouo testamento mandata tua præuaricarentur. Omnia enim illius temporis iudicia omnisque vindicta, vt manifestè docet Apostolus, in figura cōtingebant illis, quia vt docet Irenæus, illi puniebantur typicè, temporaliter, & mediocrius, in figuram quod nos puniremur verè, semper & austerius si præuaricaremur. Quocirca etiam Apostolus: Irritam quis faciēs legem Moyse sub duobus aut tribus testibus sine vlla miseratione moritur. Quanto putas deteriora mereri supplicia qui filium Dei cōculcarit, & sanguinē testamenti pollutum duxerit in quo sanctificatus est, & spiritui gratiæ contumeliam fecerit? Scimus enim qui dixit mihi vindictam & ego retribuam. Et iterum: Quia iudicabit Dominus populum suum. Horrendum est incidere in manus Dei viuientis. Sic ergo ex iudicio & iustitia, quam exercuit Deus in Iacob, parauit nobis directiones, siue direxit nos ad colligendum, quod voluntariè peccantibus post acceptam notitiam veritatis, relinquitur terribilis quædam expectatio iudicij, & ignis æmulatio quæ consumptura est aduersarios.

4.

1. Cor. 10. Li. 4. c. 47.

Ad Heb 10

Exaltate Dominum Deum nostrum. i. ad cognoscendam & notificandam diuinitatem sedentis in dextera Patris mentes vestras meditando, & voces vestras prædicando extollite. Ipse enim exaltatur à nobis cum exaltatur in nobis. *Et adorare scabellum pedum eius, quoniam sanctum est.* Apud Isaiam terra dicitur scabellum pedum Domini: Hoc itaque loco scabelli nomine corpus Christi intelligendum esse eruditè deducit D. Ambrosius; tum quia corpus Christi in protoplasto, ex cuius semine descendit, de terra sumptum atque terrenum est, tum quia corpus Christi, atque adeo tota eius humanitas diuinitati etiam in cælesti gloria subiectum est, Tunc enim & ipse

5.

1. de Spiritu sancto c. 12

& ipse filius subiectus erit ei qui sibi subiecit omnia, inquit beatus Apostolus. Idque quia humana Christi natura ibi non conuertetur in diuinitatem, sed permanebit in propria substantia, & per id Deo subiecta, inquit Augustinus. Immo tamen scabellum pedum Domini præcisè corpus Christi, eo quod solum corpus hominis sit è terra formatum, significet; eo tamè nomine hoc loco tota Christi humanitas nobis intelligenda venit, ea intelligendi ratione qua subinde à parte intelligimus totum: quæ peculiari ratione dicitur scabellum pedum Domini, quia in ea velut vestigia quædam diuinitatis expressa, & vias quasdam verbi cælestis, inquit D. Ambrosius, aduertimus, sicut scriptum est: Ponet in via gressus suos. Hic enim admonemur scabellum pedum Domini adorare; Adoratio autem per se & absolutè non deferretur, nisi substantiæ intellectuali. Cum enim adorans vna cum exhibitione reuerentiæ, sui, erga eius quem adorat excellentiam, profiteatur subiectionem; adoratio simpliciter non potest nisi substantiæ intellectuali deferri, quia huic soli dominium super creaturam rationalem adorantem potest competere. Dico per se & absolutè, quia contingit res inanimas ut statuas, imagines, vestes, reliquias & similia, externorum rituum, v.g. osculorum, genuflectionum, amplexationum & similium, quibus vtuntur extrinsecus adorantes, ut doctissimè docet Tarasius Episcopus, participes fieri. Externorum dico rituum; Adoratio enim qua cuipiam excellenti cum recognitione subiectionis debita reuerentia deferretur, non deferretur nisi substantiæ intellectuali, quæ, ut dictum est, creaturis rationalibus sola præferri potest. His tamen non obstat, quo minus statuae, imagines, reliquiae & similia propter honorem qui per adorationem ad eorum principalia refertur, absolutè in pretio habeantur, & ut loquitur Concil. Constantinop. deriuatiuè honorentur, Deriuatiuè, inquit, quia non exhibetur his rebus omne id quod ad rationem honoris pertinet, sed aliquid ipsis congruum quod à ratione honoris deceditur & ipsis deferretur. Ad plenam siquidem rationem honoris pertinet reuerentia cum eius qui reuerentiam deferret subiectione, Qui autem res has inanimas veneratur, aliquid eis deferret honoris & reuerentiæ ex eo quod eas in pretio habeat, osculetur, & id genus honorificentia afficiat; sui tamen subiectionem quæ in honorificatione primarium tenet locum, huiusmodi rebus neutiquam deferret. Ut autem ad expositionem Psalmi redeamus, Psalmo 96. dictum est: Et adorent eum omnes angeli eius, quia ut ibi exposuimus oportet Angelos adorare Deum in carne, non ut parem in pari corpore sed ut Deum in seruili schemate; hic verò dicitur etiam ipsum scabellum pedum Domini, siue ipsum hominem adorandum esse, idque, ut insinuetur nobis id quod docuit Leo, & Verbum in homine & hominem in Verbo adorandum esse. Verbum quidem in homine adora-

Aug. cont.
ser. Arria.
cap. 38.

Ambrosio
inco
præall.

Tar. Episc.
ad imp. ex
cōc. 7. Nic.

Con. Const.
8 cap. 3.

Ser. 10 de
Nat. Dom

adoratione soli Deo debita quam vocamus latriæ; hominem verò in Verbo adoratione, quæ quadam consideratione siue materialiter fit dulciæ. Dico quadam consideratione siue materialiter, eo quod simpliciter & absolute dulciæ nõ sit. Adoratio enim propriè fit supposito, Christus autem homo in supposito diuino subsistit. Præterea, Adoratio pro obiecto personæ excellentiam respicit, omnia autem quæ in Christo humanæ naturæ sunt, ex consortio diuini suppositi infinitam quandam excellentiam sortiuntur & induunt; Oportet itaque adorationem quæ Christo vt homini deferatur materialiter esse adorationem dulciæ, quia Christus secundum humanam naturam creatura est, quia tamen simul creator est, oportet eidem adorationi adorationem latriæ adiungere, & reuerentiam humanæ Christi naturæ debitam eidem vt Deo deferre. His modis Magi Christum adorauerunt & venerati sunt. Adoratione quidem quæ purè & simpliciter est latriæ in oblatione thuris, adoratione verò quæ saltem materialiter est dulciæ per oblationem mirrhæ, quæ si simpliciter dulciæ fuisset, non fuisset legitima adoratio, quia excellentiam illius hominis qui erat Deus, debita veneratione non affecisset. Quæ cum ita sint, quod Concilium Ephesinum præfinit Christum vnica adoratione adorandum esse, dupliciter, vt loquimur, verificatur. Vno modo, quia oportet nos Christum non seorsim vt Deum & seorsim vt hominem adorare, sed vno actu vt Deum & hominem, siue vt Leo paulò ante dixit, Deum in homine & hominem in Deo. Quæ verificatio intentioni Concilij accommodatissima est. Alio modo, quia adoratio quæ Christo debetur, vnus speciei est, latriæ scilicet. Ipsa enim dulciæ adoratio, cum Christo secundum hominem, prout oportet, deferatur, in latriæ debet transire consortium, eiusque sibi adiunctam habere perfectionem. Porro præsens Psaltis exhortatio nobis non eò solum referenda est, vt secundum humanam naturam adoremus sedentem in dextera Patris; sed etiam vt adoremus in sacramento Eucharistiæ præsentem sub specie panis. Dicit namque Ambrosius. Per scabellum terra intelligatur, per terram caro Christi, quam hodie quoque in mysterijs adoramus. Cur enim adorandus erit Christus, sedens in throno, & non erit adorandus latens in sacramento? An quia externa sacramentorum species dignitati Christi non est satis consentanea? esto. Id autem est dignationis; Et ego arbitrabar dignationem studium adorandi prouocare debere & accendere, Tu verò causa dignationis non adorando, dignationi Christi rependes improbitatem? Caterum, si contumelia præsepis & stabuli non deterruit Magos, quo minus adorarent Christum mortalem in infantilibus pannis, multò minus angustia sacrarij deterrere debet Christianos ne adorent Christum immortalem sub specie panis. Christum enim in quacunque demum specie semet-

V u

ipsum

*Loco præ-
allegato.*

ipsum exhibuerit adorandum esse, probant exempla eorum qui cum eo in carne vixerunt. Nam Magi adorauerunt eum infantem, leprosus & homo ille qui à natiuitate fuerat cæcus, miraculis coruscantem, latro in cruce pendentem, discipuli gaudentem immortalitate: In omni enim externæ speciei varietate vnus est & idem Dominus noster Iesus Christus; Si Dominus, arbitrari ergo debemus illi nobis exhibendum esse quod scriptum est, Dominum Deum tuum adorabis, & illi soli seruias. Sed hoc versiculo interposito redit Psalter ad propositum & per exempla declarat Deum usque adeo amasse iudicium, vt nec sanctissimis quibusque, vbi res id postulabat, pepercerit; Idque ne quis præ confidentia quasi eximie cuiusdam sanctitatis arbitretur impunè abire, si peccauerit, vel negligat vindicta de suis peccatis expetita, Dei flagella præuenire. Dicit itaque:

6. *Moyfes & Aaron in sacerdotibus eius.* Hic Psalmus, inquit August. nō finit nos dubitare quin Moyfes sacerdos fuerit. Eo tamen non obstante dicitur summum sacerdotium ab Aaron cepisse, quia Aaron, inquit, summus sacerdos fuit propter vestem sacerdotalem, Moyfes verò propter excellentius ministerium; Quod ministerium Dionys. Areopagita in eo positum fuisse, dicit, quod Moyfes Aaron in summum sacerdotem ordinari. Consecrationis, inquit, munus & ritum (in quo ritu etiā cuiusdam sacrificij oblatio comprehenditur) Moyfes circa Aaron vt Pontifex executus est. Cui consonat etiam Ambrosius appellans Moysem sacerdotē ex eo quod Eleazarum Pontificem consecrauerit; quo exemplo asserit nos doceri sacerdotem à sacerdote consecrari debere. *Et Samuel inter eos qui inuocāt nomen eius.* D. Hieronymus arbitratur istud hic de Samuele distinctionis gratia dici, quasi per hæc insinuetur Samuelem sacerdotem non fuisse. Cum tamen Samuel legatur sacrificium obtulisse, & D. August. asserat eundem Heli sacerdoti successisse, simulque functum fuisse officio sacerdotis & iudicis, magis verisimile apparet etiam Samuelem fuisse sacerdotem. Cui sententiæ non obstat quod dicitur Samuel non fuisse de filiis Aaron, voluit namque Deus, sacerdotem extra stirpem ordinariam constituendo prælagire quod sacerdotium Aaronicum ad aliam aliquando stirpem, imo gentem transferendum esset. Proinde quod hic dicitur, *Samuel inter eos qui inuocant nomen eius*, videtur non distinctionis causa esse dictum, sed commendationis, quasi voluerit scriptura de Samuele hic in medium adferre id cuius nomine quam maxime commendandus, & in pretio habendus existeret. Tametsi enim per eos qui inuocant nomen Domini, tum in Actis Apostolorum ab Anania, tum etiam ab Apostolo Paulo omnes promiscuè fideles circumscriptantur: Inuocare tamen nomen Domini Samueli hoc loco, vt etiam D. Hieronymo visum est, eminenter tribuitur, ad significandum quod Samuel oratio-

6.
Quæst. 23
in Leuitic.

Dion. Areo.
eccl. hierar.
cap. 5 p. 3.

Epist. 82.

Hier. aduer.
sus Iovin.
cap. 13.
Aug. 17. de
Ciuil. Dei.
ca. 4. & 5.

Act. 5.
1. Corin. 1.

Hieron. in
cap. 2. Iosel.

orationibus atque inuocationibus suis (quæ inter cætera ad officium sacerdotum pertinent) apud Deum quam plurimum valuerit. Dicebat proinde ad eum populus; Ora pro seruis tuis ad Dominum Deum tuum, vt nō moriamur. Et ille ad eos, Absit à me hoc peccatum vt cessem orare pro vobis. Sicut autem Samuel, ita etiam Moyse & Aaron, non tam à potestate sacrificandi, quæ etiam malis communis est, quàm à virtute inuocandi, in qua vel in primis merita eorum & iustitia relucet, in consequentibus commendantur. De quibus dicitur:

Inuocabant Dominum. Moyse quidem Exodi 34. cum descendisset Dominus in montem. Ibi enim stetit cum eo inuocans nomen Domini; & alibi sæpius. Aaron verò, inter cætera, cum in nomine Domini benediceret populo. Cum enim Dominus præscriberet Aaron & filiis eius formulam benedictionis qua benedicerent populo, Inuocabunt, inquit, nomen meum super filios Israel. *Et ipse exaudiebat eos.* Hoc circa Moyse impletum esse manifestè cognoscimus ex Exodo, vbi ad eundem dicit Dominus: Et verbum istud quod locutus es faciam, Inuenisti enim gratiam coram me & te ipsum noui ex nomine. Circa Aaron verò, ex loco Numerorum mox citato, vbi postquam dixit Dominus, Inuocabunt nomen meum super filios Israel, addit, Et ego benedicam eis: Quamquam Dominum Moyse & Aaron sæpius exaudiuisset, præsertim cum Aaron accepto ex præcepto Moyse thuribulo inter viuos & mortuos stans deprecaretur, satis manifestum sit. *In columna nubis loquebatur ad eos.* Id de Moyse quidem testatur Exod. c. 33. Ingresso, inquit, Moyse tabernaculum fœderis descendebat columna nubis & stabat ad ostium, loquebaturque cum Moyse, cernentibus vniuersis quod columna nubis staret ad ostium tabernaculi. De Aaron verò idem testatur liber Numerorum. Cum fuissent, inquit, Moyse, Aaron & Maria ingressi tabernaculum fœderis, descendit Dominus in columna nubis & stetit in introitu tabernaculi vocans Aaron & Mariam, & de columna nubis arguens ac instruens eos. Hoc autem Dominus Moyse & Aaron in testimonium excellentis iustitiæ, Augustino teste, concessit & præstitit. Quod quidam arbitrantur etiam Samueli præstitum fuisse, tametsi scriptum non sit, sed absque fundamento; quia nihil hic apparet quo vrgeamur etiam Samuelem sub hoc membro comprehendere, cum potius textus ipse Moyse & Aaron à Samuele seorsim nominando, tacitè insinuet Samuelem nobis cum Moyse & Aaron in omnibus quæ hic referuntur, comprehendendum non esse. Suspiciantur id & improbabiliter, nam tempore Samuelis columna nubis iam amplius Domino non erat in usu, ita vt rem eo tempore valdè inusitam fecisset Dominus, si tempore Samuelis in columna nubis voluisset apparere, ipsamque columnam ad colloquendum cum Samuele peculiari opere

V u ij confi-

*Augus loco
mox cis. 10.* conficere. Quocirca & August. alloquium Domini per columnam nubis,
Moyfi & Aaron solis, prerogatiue nomine, tribuit.

8. *Custodiebant testimonia eius, & preceptum quod dedit illis.*

9. *Domine Deus noster tu exaudiebas eos.* Duo membra hæc sibi inuicem aptè connectuntur. Obseruantia enim diuinorum mandatorum aures Dei aperit precibus hominum. Ob id Tertull. Oremus, inquit, cum memoria preceptorum, ne quatum à preceptis, tantum ab auribus Dei longè simus; Memoria preceptorum, orationibus viam sternit ad cælum. Hæc ille. Suspicio tamen Psalten hic iteratò dicere. *Deus tu exaudiebas eos* vt insinuet, etiam Samuelem, qui inter eos, de quibus id paulo ante dictum est comprehensus non fuit, in inuocationibus suis exauditus fuisse, vt testatur primus liber Regum, cap. 7. & 12. vt relatiuum [eos] promiscuè hic referat omnes illos, quorum nomina paulo antè expressa sunt. *Deus tu propitius fuisti eis.*

*Aug in huc
locum.*

Deus non dicitur propitius nisi peccatis, inquit August. quando dat veniam, tunc, inquit, dicitur propitius. His itaque verbis insinuat mox dictos sanctos viros sic custodiuisse testimonia Dei, & precepta quæ dedit illis, vt tamen contra eadem precepta quædam peccata admiserint, Et omnibus sanctis sint, auctore Augustino, argumento, quo sibi persuadere debeant se sine peccatis saltem venialibus non viuere. Quibus tamen peccatis non obstantibus, veraciter dicti sunt sancti isti custodiuisse testimonia Dei, & precepta quæ dedit illis, vt ex ipso loquendi, quo scriptura vtitur, modo, nobis testatum reddatur, verè dixisse August. quod is dicatur custodire vias siue precepta Domini, qui non sic exorbitat, vt eas relinquat, sed qui in eis currendo proficit, etiam si aliquando vt infirmus offendant & titubet; proficit autem minuendo peccata donec perueniat vbi sine peccato sit. Qua autem quæso ratione fuit eis Deus propitius, Nunquid eorum peccata dissimulando? *Et vlciſcens in omnes adinventiones eorum.* q. d. propitius eras eis per aspera quædam & aduersa piè (docet namque Concil. Trident. flagella à Domino immissa nobis proficere ad remissionem peccatorum, si à nobis piè tolerentur) ab eis, atque cum compunctione cordis & diuinæ iustitiæ confessione, tolerata, expiando eorum peccata; quæ hic adinventiones dicuntur, quia ab eis ipsis non secundum normam diuinæ legis fuerant excogitata & adinuenta. Non pugnant autem inter se Dei propitiatio & ultio, Deus enim, inquit August. in filios damnationis vindicat iratus, in filios autem gratiæ vindicat propitius, flagellans omnem filium quem recipit, & quos diligit arguens & castigans. Itaque quod hic dicitur, *Propitius fuisti eis, & vlciſcens, &c.* dupliciter exponi potest, vt sit sensus, Adhibitis flagellis eorum peccata expiando reddebaris eis propitius: vt proinde ex hac scriptura intelligamus peccata etiam non mortifera, quæ, à facili & multimoda obtinen-

*2. de pecca.
mer ca. 16*

*Aug de per
fectis iustis.*

*2. de pecca.
mer ca. 16.*

obtinendæ veniæ ratione Venialia dicuntur, non dolore sterili, inquit August. sed adhibitis operibus misericordiæ, & etiam quibusdam ultionibus nobis expianda esse. Dicit enim Dominus in Apocal. Ego quos amo, arguo & castigo: Æmulare ergo. q. d. Tu meo edoctus exemplo, similem in expiandis peccatis severitatem in te metipsum exerce. Vel, *Propitius fuisti ulciscens*. i. praviæ tuæ misericordiæ erat quod ulcisceris in adinventionibus eorum; Illa enim ultio ex bona tua erga eos procedebat voluntate, qua volebas eos etiam ad remissionem peccatorum venialium præparare & perducere, ut in oculis tuæ Maiestatis omni ex parte fierent mundi; Nec hæret in eis peccati venialis lubricum, per quod tandem in graviora deciderent. In hanc sententiam D. Bernardus hæc Psalmi verba intellexit, cum dixit: Volo irascaris mihi pater misericordiarum, sed illa ira qua corrigis devium, non qua extrudis de via. Illud tua nobis benigna animadversio parit, hoc formidolosa nutrit dissimulatio. Non enim cum nescio, sed cum sentio te iratum tunc maxime confido propitium. Etenim cum iratus fueris, misericordiæ recordaberis. *Deus*, inquit, *tu propitius fuisti eis, & ulciscens in omnes adinventiones eorum*: Moysen alloquitur & Aaron atque Samuelem quos modo præmiserat, & hoc vocat propitiationem, quod eorum Deus non pepercerit excessibus. Hæc Bernardus. Cum ergo præallegati doctores & complures alij *adinventiones*, de quibus psalmus, esse velint peccata prænominatorum sanctorum, illumque sensum propositum Psaltis planè requirat; quid est quod alij quidam has adinventiones intelligant esse machinationes quas populus contra Moysen, Aaron & Samuelem conflavit? An ut ex tali interpretatione concludant doctrinam à Psaltis proposito alienam, qua persuadeant Deum sanctos suos, ne temporalibus quidem flagellis pro peccatis eorum attingere, sed contra aduersarios eorum, quod eis solatio esse non deberet, strennuè dimicare? Sed ad rem. Quasdam adinventiones Moyse & Aaron scriptura expressit; inter quas una fuit utrique communis, quod v.g. apud aquas contradictionis Domino non crediderint ut sanctificarent eum coram filiis Israel. Altera Aaron fuit non Moyse, qua scilicet contra Moysen cum Maria sorore sua murmuravit. Samuelis verò adinventiones, tametsi scriptura nullas expressit, non tamen nullas fuisse arbitrandum est. Nouerat enim, inquit August. Deus in Samuele aliquid esse quod purgaret: quia & quod perfectum iam videtur hominibus, diuinæ perfectioni adhuc imperfectum est. Pleraque faciunt artifices & ostendunt imperitis, & cum iam iudicauerint imperiti esse perfecti, expoliunt illa artifices qui nouerunt quid illis adhuc desit, ut mirentur homines tantam expolitionem rebus accidisse, quas iam perfectas pronunciauerant. Fit hoc in ædificijs, in picturis, in vestibus, & propè in omni genere artium. Sic & sancti

Eriß. 54.

Bern. serm.
42. in Cât.Aug. in hęc
locum.

Vu iij versâ

verfabantur ante oculos Dei tanquam sine culpa, tãquam perfecti, tanquam angeli, nouerat autem quid illis deesset qui vindicabat in omnes affectiones eorum. Hæc August. Sed quo vindictæ genere? Moyſes quidem & Aaron caſtigati ſunt in eo quod non potuerint introducere populum Iſrael in terram promiſſionis: præter hoc autem Moyſes, Aaron & Samuel promiſcuè, teste Auguſtino, caſtigati ſunt, quia quotidie patiebantur populos contradicentes, inique viuentes: & inter illos viuere cogeantur quorum vitam quotidie reprehendebant. Hæc erat vindicta. Nondum proficit cui parua eſt. Tantum te enim torquet iniuſtitia aliena quantum receſſeris à tua. Hæc Auguſt. Quæ cum ita ſint, concludit Pſaltes propoſitũ ſuum in hæc verba:

Auguſt. in
hunc locum

10.

Exaltate Dominum Deum noſtrum. Ex his quæ dicta ſunt intellectu perſpicientes quam nimis exaltatus ſit Deus ſupra omnes deos, vt ſuo loco explicuimus. Vel, *Exaltate.* i. iuſtum & æmulatorem eum ſuſpicite & prædicare. *Et adorete.* i. reueremini dictam eius altitudinem & iuſtitiam, & nolite indignis modis aduerſus hæc & eiufmodi eius iudicia murmurare. *In monte ſancto eius.* i. Eccleſia Dei viui ad quam acceſſiſtis Sion montem, inquit Apoſtolus, & ciuitatem Dei viuientis Hieruſalem cæleſtẽ, & multorum milium angelorum frequentiam, & Eccleſiam primitiuorum, qui conſcripti ſunt in cælis. *Quoniam ſanctus Dominus Deus noſter.* Sanctus inquam, in omnibus operibus & iuſtitijs ſuis, ac proinde in omnibus illis adorandus.

PSALMVS XCIX.

Psalmus in Confessione.



Vod dicit titulus *in confeſſione*, accipiendum eſt ac ſi diceret, In confeſſionem, præſertim cum ita legat Euthymius, quia ad confitendum ſiue laudandum Dominum Pſalmus hic nos inſtruit & exhortatur.

1.

Tubilate Deo. i. ſpiritu ac mente pſallite, ſiue, ſupra quam verbis explicare poſſitis in gaudio mentis Deo concinite, *omnis terra.* i. ô filij Eccleſiæ, per vniuerſam terram diffuſæ. *ſeruite.* i. obſequimini *Domino* ac mandatis eius, *in lætitia.* i. mentis hilaritate ac animi deuotione. Hilarem enim datorem diligit Deus. Quod benè & ad propoſitum Pſalmo inferitur, quia Dei ſeruitus cum lætitia ac diuinorum mandatorum hilaris obſeruãtia, eſt ſpirituale pſalterium decem chordarum; ſicut enim arte concinentium fila chordarum, inquit Ambroſius, ita conuenientium reſonant opera canora virtutum. Reſonant, inquam, cum confitentur Domino, ipſa opera ſua, iifquæ perceptis excitatur mens hominis in laudes Dei eorum authoris.

Amb. in pſ.
40. in fine.

2.

Introite in conſpectu eius in exultatione. i. ad laudandum Deum accedite

dite exultante siue exiliente animo. Quod erit, si homo ante tempus quo soluat Deo laudes, in præcordijs suis spiritum religionis acceperit, vt spiritus eius in ipso sit quasi ignis exæstuans in laudes Dei. Cuiusmodi spiritus erat in Isaia, cum diceret, Spiritu meo in præcordijs meis de mane euigilabo ad te. Animus enim tali spiritu turgidus quasi parturiens festinat erumpere in laudes Dei. De hac re in Psalmũ 38. ad versum, Concaluit cor meum intra me, ex D. Bernardo nonnihil diximus.

Scitote. i. per rationem cognoscite, Id enim ad laudandum Deum multum vobis adferet incitamenti, *Quoniam Dominus ipse est Deus.* i. quod is ad cuius obsequium vos adhortor, sit verus Deus. Et quo id scire poterimus argumento? *Ipse fecit nos, & non ipsi nos.* i. fecit nos sine nobis; quod in idem redit cum illis verbis Augustini, Creauit te sine te. Hoc autem est argumentum veræ diuinitatis; Is enim absolutè dicitur nos fecisse, qui fecit illa omnia, ex quibus facti sumus: Si omnia, & non est procedere in infinitum, ergo oportet eum illorum, ex quibus fecit nos, aliquid ex nihilo produxisse, quod est infinitæ virtutis, igitur quod ipse fecit nos & non ipsi nos, argumentum est veræ diuinitatis. D. Augustinus autem quamuis probet sensum quem dedimus, mauult tamen verba *ipse fecit nos & non ipsi nos,* cum sequentibus construere in hunc sensum, *Ipse fecit nos & non ipsi nos,* vt essemus

3.

Ser. 19. de
ver. Apost.

Populus eius, & oues pascuæ eius. i. vt essemus fideles & alumni spiritus ac verbi eius. De qua expositione Augustino concedendum est, quod dicit sensum hunc priore vtiliorem esse, quia expositio hæc proponit nobis id quod ad fidei spectat pietatem: prior verò proponit solummodo quod spectat ad creationem. Videtur nihilominus hæc Augustini expositio verbis textus non per omnia conuenire. Nam de sola iustificatione in baptismo prima ætate percepto in sensu spirituali dicere possumus, *Ipse fecit nos, & non ipsi nos:* Illa enim iustificatio dum adhuc paruuli sumus, per omnia infunditur nobis, sine nobis. De iustificatione verò qua adulti iustificamur, siue eius initium spectes siue incrementum, dicimus quidem, *ipse fecit nos,* Deus enim est qui iustificat, sed non dicimus, *ipse fecit nos, & non ipsi nos,* quia tametsi Deus nobis adultis, & quidem sine nobis quædam bona inspiraret, lumen offundat, bonique quandam inserat & excitet cupiditatem, nihil tamen eorum iustificationis accipit rationem, si non consentiendo illa receperimus, siue illis volendo fuerimus cooperati. Quapropter si verum dicere volumus, vt essemus populus eius & oues pascuæ eius, ipse fecit nos, & nos ipsi nos: Bonum enim quo adulti boni sumus, & à quo boni esse dicimur, propter cooperationem liberi arbitrij dici potest aut debet aliquantum esse ex nobis, vt ex epist. 143. Augustini in Psalmũ 17. diximus. Conueniētiōr itaque

4.

itaque sensus est, *Ipsē fecit nos, & non ipsi nos*, vt homines essemus, vt hoc versiculo admoneamur exultare Deo creatori nostro. Attamen quod August. ex dicta verborum constructione nobis commendatum esse voluit, satis conuenienter ex sequenti versu per se posito elicitur, quo Psalter fideles in hunc modum affatur, *Populus eius*, qui videlicet aliquando non populus,

1. Pet. 2. nunc autem auxilio gratiæ eius, populus eius, Populus acquisitionis, quem sibi acquisiuit dextera seu filius eius, vt virtutes annuncietis eius qui de tenebris vocauit vos in admirabile lumen suum, siue, vt annuncietis vos eius virtute traductos esse de pristinis tenebris errorū & ignorantiae vestrae in admirabile lumen ac cognitionem veritatis: *Et oves pascuæ eius*, qui in loco pascuæ eius de quo Psal. 23. pascuisque eius vberimis sacramentorū, sacrarum scripturarum ac præsertim gratiæ eius versamini & saginamini: *Introite portas eius*. i. Beata domus eius, quas vobis aperuit cum nomine eius mandaretur Angelis, Attollite portas principes vestras; Has, inquam, portas introite *in confessione*. i. laude & gratiarum actione pro beneficijs in hac vita acceptis. Quibus verbis quid aliud insinuat Psalter, quam quod de

Ysaia 33.
& 60.

caelesti ciuitate prædixit Isaia: Redempti à Domino venient in Sion cum laude. Et alibi: Occupabit portas eius laudatio. Occupabit, inquit, quia spiritus gratitudinis & vox laudis iam in ipso introitu & primo limine illius ciuitatis præcordia & ora eorum qui ad eam introducentur repente opplebit. Quale quid in S. Laurentio obseruare licet, qui passione sua iam perē perfunctus & quasi iam in porta cæli constitutus orabat, dicēs; Gratias tibi ago Domine quia ianuas tuas ingredi merui. i. quia dedisti mihi vnde merer ianuas caelestis vitæ ingredi: Hoc autem quid aliud erat quam introire

Serm. 1. de
Assump. B.
Maria.

portas Domini in confessione? Huc pertinet quod D. Bernardus describēs B. Mariæ assumptionem, dicit eandem ineffabilibus cum canticis ad thronum gloriæ esse deductam, ipsamque cum eò ascenderet Epithalamium cecinisse, vt laudatio Dei non atria moraretur, sed iam ipsas portas atriorum beatorum occuparet. *Atria eius in hymnis confitemini illi*. q. d. de portis transite in atria siue penetralia mansionesque beati regni eius, de quibus hunc locum diuus etiam intelligit Gregorius. Ibi verò, *in hymnis*, beatæ illius ciuitatis; Inter quos Apocalypsis recenset canticum Moyfi serui Dei, & canticum Agni, quod fortasē est hymnus ille quem Dominus dixit, e cœnaculo grandi strato cum suis discipulis in montem oliuarum egressurus. In his ergo & similibus huius ciuitatis hymnis, ibidem non tam ad verbum quam in eundem sensum *confitemini illi*. Interim verò dum introitus in illas portas vobis differtur, tempore videlicet præsentis sæculi,

Greg. hom.
16 in Eze
Apocal. 15.

5. *Laudate nomen eius*. i. cum laude & multimoda commendatione, prædicare eum, *Quoniam suauis est Dominus*, vt eum suauē prædicando reddatis etiam

etiam nomen eius suauis, vt omnes qui illud audiunt, Deum vt suauem apprehendant & de eo sentiant in bonitate. *In æternum*. i. ab æterno & vsque in æternum, vt in Psal. 102. sumus dicturi, *miser cordia eius*; & *vsque in generatione & generationem veritas eius*. i. à generatione in generationem, eo illuminante, nota erat hominibus veritas eius, ita vt cognitio veritatis nulli vniquam generationi defutura sit, vt in Psalmu 118. ad versum, *In generatione & generationem veritas tua, sumus dicturi*.

PSALMV S C.

Psalmus ipsi David.

Describitur quo affectu, zelo, cautione atque delectu virum bonum inter domesticos, populum suum, & malos oporteat conuersari.

Miser cordiam & iudicium cantabo tibi Domine. i. Præsenti Psalmo exponam per medium cantici *Miser cordiam & iudicium*, quia nos circa peccatores cum quibus conuersamur, exercere voluisti. Prius autem nominat *miser cordiam*, deinde *iudicium*, quia principale est virtutis, ait D. Ambrosius. inchoare à beneficijs & præseminare gratiam. Præcedit beneficij gratia, sequitur censura sobriæ disciplinæ. Vnde & prima dispensatio Christi, ait Augustinus, medicinalis fuit, non iudicialis. Nam si primo venisset iudicaturus, neminem inuenisset cui præmia iustitiæ redderet. Quia ergo vidit omnes peccatores, prius erat eius misericordia præroganda, & post exercendum iudicium, quia de illo cantauerat Psalmus, *Miseri. ordiam & iudicium cantabo tibi Domine*.

1.

Amb ca 3.
de N. e.Tract 38.
in lea8.

Psallam & intelligam in via immaculata, quando venies ad me. i. hæc quæ descripturus sum intelligere & decantare potero cum ipse ad me per spiritum tuum veneris, & hæc me docueris, quod futurum non est, nisi fuero *in via immaculata*. i. absque crimine aut culpa impænitentiæ. Porro primum misericordiæ opus quod infirmis exhiberi debet, est, vt ab eis amoveatur omne scandalum. Ideo sequitur:

2.

Perambulabam in innocentia cordis mei, in medio domus meæ. i. inter domesticos meos, affectu innoxio omni ex parte (id enim importat perambulare) conuersabar, ita vt nihil iræ, cupiditati, inuidiæ, impatientiæ, superbiæ similibusque vitijs indulerim, per quod alicui offendiculo essem vel scandalo: sed sicut scriptum est, Sine offensione estote Iudæis & gentibus, & Ecclesiæ Dei, ita perambulavi. Addit verò: *In medio domus meæ*, quia opponet præpositum conuersationis suam ante omnia domesticis probatam & commodam facere, sicut & de Davide legitur, quod erat acceptus in conspectu omnis populi, & præcipue famulorum Saul. Vnde & Apost. monuit, cum qui ad Episcopatû deligendus erit, esse debere domui suæ bene præpositû.

3.

Xx

Non

4. *Non proponebam ante oculos meos rem iniustam.* i. Si occurrebat mihi occasio vel tentatio malè faciendi, non proponebā mihi exempla aliorum, qui impunè & feliciter (si felicitati deputanda est prosperitas, quæ malefictum consequitur) malè egerant, vt exemplis eorū edificarer ad faciendum mala; Quin potius, *facientes prauaricationes odiui.* i. iniquitatem malefactorum, non solum iudicio improbaui, sed etiam affectu detestatus sum & abominatus, quia ne patiaris scandalum, parum est iniquitatem iudicio improbare, sed opus est eam affectu auersari, ne, vt ex Ambrosio subinde diximus, securis & otiosis affectibus, blanda conciliatricula voluptatis irrepat illecebra. Facile enim capit oculos petulantis forma meretricis, nisi eos odia premant iusta & impuritatem indignatus auertat affectus. Hec Ambrosius.
5. *Non adhæsit mihi cor prauum.* Non dicit, non habui cor prauum. Præuū est enim cor hominis & inscrutabile, ait Ieremias. Et Sap. Quis potest dicere mundum est cor meum? Sed dicit, *Non adhæsit mihi cor prauum,* quia quam in corde suo subinde commoueri sentiebat prauitatem, ita cohibebat ac constringebat, vt illa nec sermonibus nec consilijs nec lactis nec vultui eius adhæreret, illave contaminaret. Ob quam disciplinam & Iob de se dicit; Si in manibus meis adhæsit macula. Vnumquemque autem huiusmodi disciplinam circa se exercere debere, docet Cyprianus his verbis: *Quāuis conscientia testis semper nobis exponat scaturientes intus peccati iniurias,* nec internum vitare possimus iudicium; viriliter tamen standum est & rationis autoritate increpandi sunt titillatori sensus, & summo opere aduigilandum ne sequatur assensus vel effectus. Res sane maxima est, si non egrediatur foras huius contagio corruptelæ, & infans bestia corrupti anhelitus catenis ferreis in vltimis animæ recessibus alligetur, intusq; tractis dentibus semetipsam concupiscentia captiua corrodat. *Declinante a me malignum.* i. mali studio à moribus meis aut amicitia mea deuiante, non cognoscebam. i. inter notos non habebam vel non approbabam.
6. *Detrahentem secreto proximo suo, hunc persequebar.* Austeritate vultus (facies enim tristis dissipat linguam detrahentem) alijsq; modis non destiti molestus esse detractoribus donec à detractione desisterent. Cuiusmodi persecutio tametsi molesta, est tamen misericors & fructuosa. Vnde & Augustinus ex hoc loco frequenter, & nominatim 2. contra Iulianum Petil. cap. 79. colligit persecutionem in scripturis sacris in bonum sumi.
7. *Superbo oculo.* i. qui semper ad magna & sublimia, quia talia, siue quia magna & sublimia sunt, spectat. *& insatiabili corde.* i. auaro, cuius hoc non edebam. Non quod conuisci cum talibus per se contaminet iustum, sed abstinet iustus à conuiuijs talium in eorum correptionem. Ob quam causam, si D. Augustino credimus, propheta ille qui venerat de Iuda, iussus est per Domi-

Dominum à conuiuio Hieroboam abstinere: Ad cuiusmodi abstinentiam *Et lib. post collat. c. 10* sicut & ad abstinentiam à familiaritate & benigno vultu, & similibus beneuolentie signis, omnes lege charitatis obligati sunt, cum verum simile est peccatores per talia vel aliquid eorum emendandos esse. Dicit proinde Basiliius, eos inquinari qui erga delinquentes ita se gerunt, ac si deliquisse nihil referret. Quam continentiam, Adriano sexto teste, precipit Apostolus cum ait, Denunciamus vobis fratres abstinere ab omni fratre ambulante inordinatè, &c. Cuius correptionis utilitatè D. Basiliius hanc esse dicit, vt fratres ambulantes inordinatè videntes probos viros à se auctores, respiciant: Vel, si id noluerint, reliqui obseruantes eos probis esse inuisos, eorum exemplo commoti in officio perseuerent. *Basil. inter. breuior. 53. Quædlib. 3. Basil. consl. mona. c. 34*

Oculi mei ad fideles terræ, vt sedeant mecum. i. In deligendis ijs qui mecum ad iudicandum vel regendum sedere vel praesidere debeant, oculi mei intenti sunt ad eos qui in officio futuri sunt fideles: Non solum autem, sed & ad fideles terræ. i. circumspicio ex quacumq; demum terræ totius natione eos qui fideles futuri sperantur, desumere. 8.

Non habitabit in medio domus mee qui facit superbiam, quia per disciplinam domesticam aut erit corrigendus aut eiiciendus. *Qui loquitur iniqua, non direxit in conspectu oculorum meorum.* i. per iniquos sermones aut machinationes seu callida cōsilia & astuta, nemo apud me negotium suum sic direxit, vt peruenerit ad intentum. Porro quæ hactenus dicta sunt, pertinent ad misericordiam, quæ prestatut infirmis ad eorum correptionem. Sequitur nunc iudicium: 9.

In matutino. i. Illo, videlicet notatu dignissimo, quod quia singulare est, matutini nomen sibi quali absolute vendicat. Quod descripsit Propheeta cum dixit: Obtenebratus est sol in ortu suo; hoc est, matutini diei iudicii. Iudicium enim mane fiet, vnde & Psalmus 5. dictum est, Mane astabo tibi, & ex interpretatione iudicis, iudicijque seueritate, ac acerbitate retributionis, videbo, quoniam nō Deus volens iniquitatem tu es. In quo comparabunt quidem, sed à iudice per verba, Discedite, amandati, non permanebunt iorsus ante oculos tuos. In hoc ergo matutino, interficiebam. i. in mortem secundam tradebam omnes peccatores terræ. Interficiebam, inquit Psalter, loquens in persona eorum qui ad prescriptum huius Psalmi suam conuersationem in Domino insinuerunt. Tunc enim, (vt in Psalmis 149. dicitur, & in eum dicturi sumus) gladij ancipites in manibus Sanctorum cum Christo iudicium, Ad faciendam vindictam in nationibus, increpationes in populis, vt faciant in eis iudicium conscriptum. *Vt disperderem de ciuitate Domini.* i. per Ecclesiam eo usque dispersos, in varias perditionum classes dispellerem, ne intrent in celestem ciuitatem Dei, omnes qui operantur iniqui- 10.

iniquitatem. In illam enim ciuitatem, inquit Ioannes, non introibit *coi-*
quinatum quid, neque abominationem faciens. Foris enim canes, venefi-
 ci, impudici, homicidæ, idolis seruientes, & omnis qui amat & facit men-
 dacium.

PSALMVS CI.

*Oratio pauperis cum anxius fuerit, & coram Domino
 effuderit precem suam.*

Nomine pauperis complures Christum intelligunt, qui anxie labo-
 rauit Deum nobis reddere propitium, precesque pro nobis effudit
 coram Domino, enarrando quæ nostra sunt ac si sua essent. suscep-
 pit enim nos, inquit Apostolus, in honorem Dei. Permittunt tamen iidem
 vt nomine pauperis quemuis pœnitentem suæ sibi inopiæ ac miseriæ con-
 scium intelligamus, qui ex cōsideratione dedecoris, damni, periculi ac dif-
 ficultatum in quæ peccando deuenit, anxius redditus, huiusmodi precem
 effundit, vel fundere debet coram Domino, & dicere:

1. *Domine exaudi orationem meam, & clamor meus:* Oratio apud Deum
 clamor efficitur, cum bonis orantis operibus, vt ex Cypriano in Psal. 16. di-
 ximus, infarcitur: *ad te veniat*, Dicit, *veniat*, Bona enim opera preces no-
 stras apud Deum imponunt, ait alicubi Cyprianus.
2. *Non auertas faciem tuam à me.* Dicit, *ne auertas*, metuit enim ne sibi e-
 ueniat quod de peccatoribus ad Ieremiam dixerat Dominus: *Dorsum & nō*
faciem ostendam eis. Si verò quispiam non auerterit faciem suam ab vllo
 paupere, fiet, inquit Tobias, vt nec Deus faciē suam auertat ab illo. *In qua-*
cunque die tribulor. i. in tribulatione spiritus quam vera adfert pœnitentia,
 versor, *inclina ad me aurē tuā.* i. Demitte aures maiestatis tuæ ad audiendas
 preces meas. Vbi obseruandum, quod si is qui in tribulatione ex pœnitentia
 originem habente versatur, obsecret Deū aures suas precibus eius inclinare,
 quomodo audiet Deus preces eius, qui nullo pro peccatis suis animi dolo-
 re affligitur vel cruciatur?
3. *In quacunque die,* siue is fuerit extremus dies vitæ meæ, siue dies tempo-
 rariæ aduersitatis, siue alius quispiam, quicumque, inquam, is dies fuerit, in
 quo *inuocauero te.* i. tui desiderio ad te preces meas effuderim: dico, tui de-
 siderio; Quia id demum est Dominum inuocare: *Velociter.* i. absque dila-
 tione aut mora *exaudi me.* Promisit Dominus per Ezechielem se pœnitentem
 recepturum in gratiam in quacunque die conuersus fuerit: per Ieremiam
 quoque declarat Dominus se non solere moram interponere (quamuis id
 pœnitenti minus præparato subinde videatur) quo minus citò tribuat quod
 pro sua parte retribuendum est; Dicit enim, Nunquid solitudo factus sum
 Israeli

Israeli. i. nunquid ego feci eum spiritu & gratia desolatum? Dicitur namque Dominus id factus esse quod ipse nos facere fecit, sicut dicitur nobis factus refugium, quia fecit nos ad se refugere. Pergit Dominus, Aut terra ferotina? q. d. nunquid ego quasi terra ferotina quæ tardè reddit fructum suum, fructum ac proventum orationum ad me factarum tardè & cum mora reddidi? Nihilominus oratur hic, *In quacunque die inuocauero te, velociter exaudi me*, in testimoniū quod dicta Dei per Ezechielem promissio & retribuendi promptitudo merè gratiæ sint, debeatque pœnitens pro ijs à sua parte humiliter supplicare. Post hanc inuocationem sequitur pœnitentis confessio, quam in hæc verba orditur:

Quia defecerunt sicut fumus dies mei. i. dies mei hætenus transacti in vanitatibus consumpti sunt, & euauerunt. *Et ossa mea sicut cremum aruerunt.* i. Omnis vigor meus & fortitudo significata per ossa, vt torris exaruit, ita vt in me nihil sit roboris ad benè agendum, 4.

Percussus sum vt faxnum. i. pœnaliter mortalis, imo multis morbis obnoxius factus sum. *Et aruit cor meum.* i. Omni humore Spiritus sancti est exhaustum, *quia oblitus sum comedere panem meum.* i. desij ac intermisi mandere & ruminare pabulum verbi Dei, de quo scriptum est, Non in solo pane viuit homo, sed in omni verbo quod procedit de ore Dei. 5.

A voce gemitus mei. i. præ obliuione quam mox gembunda voce expressi, *adhæsit os meum carni meæ.* i. omnem virtutem meam exerui in comparandis & fruendis ijs quæ carni meæ commoda erant & suauia. 6.

Similis factus sum pellicano solitudinis, quia in terra (quam in Psal. 62. explicuimus) deserta, inuia & inaquosa mea voluntate exulans, sicut pellicanus solitudinis, cibus venenatis atque mortiferis pastus sum & saginatus. *Factus sum sicut nycticorax in domicilio.* i. nigredine peccatorū totus sum perfusus, inquit Hieronymus, & horridus factus. Vel, quandoquidem nycticorax timidum est animal & meticulo sum, fugax & caducas latebras queritans, *factus sum sicut nycticorax in domicilio,* siue in parietinis, quia plenus timore fugaci animo fugitavi conspectum Dei, iustorum à quibus timebam redargui, & si fieri potuisset, proprium cōscientiæ meæ testimonium: Timida enim, inquit Sapiens, est nequitia dans testimonium suæ condemnationis. 7.

Vigilaui. i. ad pœnitentiam euigilaui, *et factus sum sicut passer solitarius in tecto,* quia ad pœnitentiam conuersus, cepi strepitum mundi deferre, & me ad solitudinem, quæ D. Augustino ad negotiū flendi aptior est, me recipere & cœlestia meditari. 8.

Tota die exprobrabant mihi inimici mei, hanc meam conuersionem, *et qui laudabant me.* i. industriam & gratiam qua tempore iniquæ vitæ meæ 9.

X x iij seculo

seculo seruieram, *aduersum me iurabant.* i. coniuabant & conspirabant ve me à ceptis reuocarent; Vno ore improbantes,

10. *Quia cinerem tanquam panem manducabam.* i. quia manducabam panem velut cinerem aridum & sordidum, inquit Tertull. Oportet enim pœnitentes xerophagias obseruare, id est inquit, siccare cibum ab omni carne & omni iurulentia, & vuidioribus quibuscumque pomis, ne quid vino sitatis vel edant vel potant. *Et potum meum cum fletu miscebam.* i. inter bibendum defluebant mihi lachrymæ.

11. *Afacie ira indignationis tue.* i. quia ira & indignatio tua quā iam nosse ceperam, ingit mihi ob oculos versabatur: Vnde colligitur veram pœnitentiam esse tristitiam quæ concipitur ob offensam Dei. *Quia eluans allisti me.* q. d. & quia ex altera parte considerabam, quod qui me prius, spiritu, gratia, adoptione filiorum sublimem feceras, permiseris vt cadendo me grauiter alliderem. Dicit autē *Allisti*, non, contriisti me, Ille enim conteri dicitur, cui resurgendi spes non est, quales sunt illi de quibus scriptum est: Super quem (in die iudicii) ceciderit lapis iste, conteret eum. Hæc itaque allisio, pœnitenti altera est tristitiæ causa, de qua Ambrosius, Nihil est quod tam summo dolori sit, quam videre vnde decideris.

Ambr. 2 de
peri c. vii.

12. *Dies mei sicut umbra declinauerunt.* i. Transacti sunt in occupatione eorum bonorum, quæ solummodo habebant umbram bonorum atque imaginem. Vnde & Psal. 38. dictum est: Veruntamen in imagine [bonorum] pertransit homo. *Et ego sicut fœnum arui.* i. totus exarui, postquam enim aruit cor meum, exaruit simul atque omni vita destitutum fuit quicquid boni operis exercere tentaui, Omne enim id sine vitali spiritu perfunctorie solummodo peregi.

13. *Tu autem Domine in æternum permanes.* Prima facie videtur hic esse antithesis, vt quia pœnitens dicit, dies suos sicut umbra declinasse, contra, asserat Deum esse æternum, eiusque dies transire non posse: Arbitror tamen istud huc ad aliud propositum introduci in hunc modum, *Tu autem Domine in æternum permanes,* & nos, vt, dicit Baruch, peribimus in æuū? & toto auo nostro non nisi in perditionem deueniemus? q. d. nequaquam. In quem sensum & Ieremias orabat. Tu autem Domine in æternum permanes, solum tuum in generatione & generationem, Quare in perpetuum obliuisceris nostri? q. d. Decet, vt quia tu in æternum permanes, nullo tempore obliuiscaris nostri. Quod cum ita sit, pergit Psalter declarare misericordiam Domini salutiferam, nullo vnquā tempore aut æuo (quod apud Baruch pro seculo sumitur) defuisse nec defuturū esse. Et quandoquidem huius hæc extra Ecclesiam nemini contingit, & quia quamdiu est Ecclesia tamdiu futuri sunt qui saluatur in ea, enarrat hac occasione Psalter diuina Eccle-

Ecclesie tempora, eamque in omnia secula perpetuam fore asserit, ut ex eo debet intelligi, quod sicut Deus in aeternum permanet, ita etiam ab ævo fuerit, & futura sit perpetua series eorum, qui per Deum à peccatis saluantur. Si autem hoc propositum orditur in hæc verba, *et memoriale tuum*, i. monumentum aliquod, quod memor esses generis nostri *in generatione & generatione*. i. in primo parente Adamo quem eduxisti à suo delicto, apparuit, & ab eo in generatione & generationem apparere non desist. A principio enim in quavis generatione existerunt aliqui, quia te iustificati sunt à peccatis. Et hoc quidem illis generationibus quibus gentes permisi ingredi vias suas, & procurandæ salutis generis humani (excepto hoc quod dixi memoriali tuo) visus est: per te super sedisse: Verum enim vero, generationibus illis quas Apostoli suo tempore præteritas dixerunt, transactis,

Tu exurgens Domine. i. Tu Domine à supersedendo, quod diximus, te erigens & operationem salutis in uniuersum genus nostrum arripens, *miserere Sion*. i. Ecclesie quæ prioribus sæculis propter suam sterilitatem atque filiorum paucitatem à te quasi derelicta dicebatur, sicut scriptum est: Ut mulierem derelictam, & merentem spiritu vocauit te Dominus, ut uxorem ab adolescentia sua abiectam, quam ob causam & dixit ipsa Sion: Dereliquit me Dominus, & Dominus oblitus est mei. Itaque, *exurgens Domine miserere Sion*, & consolaberis mulierem hanc, spiritu, siue dono Spiritus sancti merentem, ac suam sterilitatem in Spiritu sancto deplorantem. Quid autem ei adhaeres misericordie aut solatii? Ad punctum, inquit. Illam, in modico dereliqui te, non gratia mea destitutam, sed sic ut præ sterilitate & filiorum tuorum paucitate non videreris habere virum, Et in miserationibus magnis congregabo te. i. congregabo omnes quos promisi tibi filios tuos de uniuersis terris ad te. In momento indignationis meæ abscondi faciem meam parumper à te, quia tempus indignationis diuinæ quo Ecclesia à viro suo, ut diximus, derelicta fuit, ad tempus, quod quantumuis longum, æternitati tamē comparatum, modicum est) & in misericordia sempiterna, quæ à tempore noui testamenti incepit, & in perpetuum perseverabit, miserum sum tui. Itaque *tu exurgens Domine*, his modis *miserere Sion*, quia tempus miserendi eius quia venit tempus, q. d. miserere Sion, quando aduenerit tempus illud acceptabile & dies salutis, ac temporis plenitudo in quo mittere filium tuum in terras.

Quoniam placuerunt servis tuis lapides eius, q. d. tum, inquam, erit tempus miserendi eius, quando simul erunt in ea lapides, quæ iam ante diu placuerunt servis tuis, Qui lapides sunt Apostoli, qui cum Petra Petro semet ipsos Ecclesie, in miserationibus sempiternis vberim colligendæ, fundamenta præbuerunt, Hi iam dudum placuerant servis Dei Prophetis, quia

Prophe-

Propheta eorum dignitatem atque præstantiam magnificis verbis copiose laudauerunt & prædicauerunt. An nõ mirificè lapides illi placuerunt Isaia, cum in nomine Domini dixit ad hanc, de qua agimus, Sion multa prole donandam; Ecce ego sternam per ordinem lapides tuos: Per ordinem, inquit, quia inter lapides istos qui ædificio Ecclesiæ, per similitudinẽ fundamenti materialis, substrati dicuntur, ordo fuit, quem recenset Apocal. cum dicit: *Apocal. 20.* Fundamentum primum Iaspis, secundũ Sapphyrus, tertium Calcedonius, & sic de reliquis: Qui ordo in primis fuit ordo dignitatis & potestatis, eo quod Petrus super quẽ, teste Cypriano, fundata est Ecclesiæ, habuerit confirmare fratres suos, & pascere siue regere oues Christi, quæ sunt particularium plebium capita, inter quæ D. Gregorius annumerat Paulum, Iohannem, & Andream, quibus extra controuersiam pari iure annumerandi sunt & reliqui Apostoli eorumque successores. Est inter eosdem & ordo administrationis, sunt enim per vniuersum orbem terrarum suis quique locis distributi & dispositi. Pergit Isaia, Fundabo te in Sapphyris. i. faciam te inniti fundamentis tuis Sapphyris pretiosioribus. Ponam Iaspidem propugnacula tua. i. dabo tibi eos, qui se murum opponant pro domo Dei, vt contra veritatis aduersarios stent in prælio in die Domini, Iaspide præstantiores. Et portas tuas. i. eos qui infideles ad te introducent, in lapides sculptos. i. omni genere virtutis & eruditionis expolitos & ornatos. Et omnes terminos tuos in lapides desiderabiles, quia quocunque pertinget Ecclesiæ, reperientur in ea Electi, & boni, de quibus scriptum est: Pretiosior erit vir auro, & homo mundo obrizo. Hæc autem de Ecclesiæ noui testamenti & præsertim pro eo tempore quo à Christo fundabatur intelligenda esse, probant quæ sequuntur, Vniuersos filios tuos doctos à Domino, quod de suo tempore prædictum esse ipse Dominus apud Ioannem testatur. Ex his ergo manifestum est quantopere placuerint Prophetis, Dei seruis, lapides Sion. Qui lapides, *Terra eius Sionis scilicet miserebuntur.* i. terræ Israel in qua erat mons Sion, In qua & erat Ecclesiæ in fide futuri Christi visibilitate collecta. Lapidem verò terræ huius miserti sunt, quia Apostoli charitate & commiseratione ducti, primò animos suos ad hec Israel conuertendus adiecerunt, quam commiserationem in eis excitabat Dominus cum diceret: Leuate oculos vestros & videte regiones, quia iam albæ sunt ad messem. Non solum autem, miserrantibus Apostolis, Iudæi ad Sion, cum venerit tempus miserendi eius, congregandi sunt; sed

16. *Et timebunt gentes nomen tuum Domine,* Lapidem enim isti se portas præbunt gentibus, vt & ipsi introeant in Sion, & Ecclesiæ aggregentur; Atque in ea timeant nomen Domini, siue cum metu & reuerentia seruiant ei. *Et omnes reges terræ,* qui, vt Psalmo 71. dictum est, etiam ad religionem conuer-

conuertendi sunt, timebunt *gloriam tuam*. i. reuerbuntur maiestatem tuam qua implebitur omnis terra.

Quoniam edificabit Dominus Sion. q. d. cum hæc impleta fuerint, tunc edificauerit Dominus Sion, siue Ecclesiam suā, sicut promiserat per Isaiam cum diceret: Venerunt structores tui, destructes & dissipantes à te exhibūt. Et quod ipsa ex gentibus & regibus foret edificanda, describit in hæc verba: Deserta tua & solitudines tuæ & terra ruinae tuæ nunc, angusta erunt præ habitatoribus, & longè fugabuntur qui absorbebant te. Ecce leuabo ad gentes manum meam, & ad populos exaltabo signum meum, & adferent filios tuos in vlnis, & filias tuas super humeros portabunt. Et erunt reges nutricij tui & reginae nutrices tuæ. *Et videbitur in gloria sua*, quia cacumen istius ædificationis, conscendet, inquit August. vsque ad conspectum Dei, à quo omnis ædificatio constructa crescit in templum sanctum in Domino, quod est domus Dei æterna in cælis. Quocirca & Leo dicit Ecclesiæ sublimitatem, vt in Psalmum 71. diximus, cælo inferendam esse.

Respexit in orationem humilium, & non spreuit precem eorum, impleuit enim desideria eorum ex quibus dicebant; Benignè fac Domine in bona voluntate tua Sion vt ædificetur muri Hierusalem, & ex quibus iuxta mandatum Apostoli orabant vt sermo Dei curreret. Hæc ergo de Ecclesiæ apparatu & ædificatione. Pergit nunc Psalter ad enarrandum eius progressum, & perpetuitatem, dicitque:

Scribantur hæc, per quæ diximus Sion in tam augustum, quod descripsimus, Domini templum ædificatam esse, *in generatione altera*, siue in generationem alteram. i. ad informationem generationis alterius, quæ generationem, in qua prædicta vsque ad regum conuersionē primò impleta erunt, proximè sequetur. *Et populus qui* in illa generatione *creabitur*, in nouum hominem, inquit, & hoc modo intelligendum esse constanter asserit B. Athan. *laudabit Dominum*, quia & ipse per Dei gratiam, sicut & progenitores eius in nouum hominem creatus erit. Laudabit etiam Dominum,

Quia prospexit de excelsis sancto suo. Emphasim hoc habet, quæ Dei miserationem hoc nomine extollit, quod cum Deus tanto maiestatis & sanctitatis suæ intervallo à nobis distet, oculos nihilominus suæ misericordiæ ad terram conuertat. *Dominus de cælo ad terram aspexit.* Ad quid?

Vt audiret gemitus compeditorum. i. eorum quorū affectus, concupiscentia, & prauus amor constringit & obtinet. *Gemitus*, inquam, quos de his vinculis aut ipsa miseria exprimit, (nam & miseria suum clamorem, vt in Psalmum 9. diximus, ad Deum emittit.) Vel, *gemitus*, quos de iisdem vinculis ab eis qui non nihil correcti sunt, exprimit amor Christianæ libertatis. Prospexit autem Dominus, vt ab his atque huiusmodi vinculis *solueret filios*

Y y inter-

interemptorum. i. martyrum, quorum filij hoc loco dicuntur illi qui in martyrum gratiam à vinculis suæ impietatis aut iniquitatis, per gratiam omne meritum, etiam congrui, præuenientem sunt educendi, Vel, qui cum iam fidem martyrum imitentur, eorumque merita implorent, in gratiam martyrum à peccatis traducendi sunt ad iustitiam. Quæ Psaltis sententia penè coincidit cum eo quod Psal. 78. orauerat. Posside filios mortificatorum, & planè conuincit homines peccatores in gratiam martyrum à Deo adiuuari. Sed quandoquidem dictus Dei prospectus & aspectus redundare debet in eius gloriam, addit Psaltes,

22. *Vt annuncient in Sion nomen Domini*. i. vt hæc Dei miseratio sit eis materiæ loco, de qua in Ecclesia annuncient, & celebre atq; in hominū cognitione sanctum efficiant *nomen Domini*. Et, annuncient & prædicent simul *laudem eius in Hierusalem*. i. huius sæculi Ecclesia, quæ nunc Sion dicitur, nunc Hierusalem, quia in Sion siue Hierusalem in principio collecta est, & ex ea in omnes mundi partes egressa, sicut scriptum est; De Sion exhibit lex, & verbum Domini de Hierusalem. Præcipuè verò annuncient hæc,

23. *In conueniendo populos in vñū & reges*. i. in cōuentibus Ecclesiasticis, ad quos cōuenient populi, & vnà cum eis reges ac principes eorum. De quibus cōuentibus scribit Apostolus; Conuenientibus vobis in vñū. Et, cum conuenitis, vnusquisque prophetiam habet, &c. *vt seruiant Domino*. Benè habet quod dicit, *vt seruiant Domino*, vt ex scripturis sacris manifestum fiat conuentus Ecclesiasticos, exercendæ propriè dictæ religionis, & nō solum instructionis, siue faciendæ siue accipiendæ causa, fieri debere. Inter ea autem per quæ exhibetur Deo seruitus, reponi debet psalmodia ex vera fide & & religione profecta, de qua Apostolus; Cū conuenitis, vnusquisque vestrum psalmum habet: Debent etiam inter ea reponi obsecrationes quibus Anna sine intermissione in templo. seruiebat Domino: Velim autem scire quò iure ab eorum ordine excluderentur illa religionis obsequia, quibus, Luca teste, Antiochiæ prophetæ & doctores ministrabant Domino? Si verò illa ab hoc ordine excludi non possunt, illa autem, vt testatur Græcus textus, Liturgica erant, ergo prædicit hic Psaltes conuenturum populum in vñū & reges, vt seruiant atque adeo litent Domino. Hucusque itaque dictum est Ecclesiam cōtinuandam esse à generatione prima in alteram; Vt autem Psaltes cum quodam psalterij lepore enarrare possit eandem perpetuandam esse in finem vsque sæculi, introducit nunc Ecclesiam, in altera, quam diximus, generatione positam, & suæ durationis ac deuolutionis quasi ignaram, super durationis suæ residuo interrogantem Dominum, de qua-re sic dicit:

24. *Respondit ei in via virtutis suæ*. i. Sion, iam in altera generatione posita, & tem-

& temporis tractu ac religionis quodam usu in ipsa sua fide ac religione nō parum virtutis seu roboris nacta, ad ea quæ à Domino in hoc acceperat, hæc intulit atque Domino vicissim proposuit interrogationem (vicissim autem interrogationē proponere est quoddam respondere) & dixit: *Paucitatem dierum meorum nuncia mihi*. i. indica mihi quam paucis ab hoc tempore, in sæculo, diebus duratura sim. Cui interrogationi priusquam responderetur, Sion etiam pro sua perpetuitate orationem adiunxit, & dixit:

Ne reuoces me, ex hoc sæculo, in dimidio dierum meorum. i. eo tempore quo humanum genus, in quo ego nūc subsisto, ad procursus sui dimidium solummodo peruenerit. Quæ oratio non multum differt ab ea quam habet Psalmus 70. Ne proicias me in tempore senectutis. Quam tamen orationem D. Athanasius & Cyrill. accōmodant vnicuique iusto in hac vita mortaliter viuenti, quem dicunt his verbis orare, ne immatura ætate abrumpan-
tur dies vitæ eius. Deus namque, inquit Athanas. legitimis cultoribus suis numerum dierum ipsorum (quod tamē ab eo sine præiudicio eius qui consummatus in breui impleuit tēpora multa. Et, qui raptus est ne malitia mutaret intellectum eius, dictum est) implet; quod probat per Abraham & reliquos qui in scripturis sacris mortui dicuntur pleni dierum. Non enim indemne, inquit Cyrillus, religionis est animis, antequam præcipua viuendi disciplina confirmetur, naturæ concedere. Verum secundum sensum contextui conuenientem orat hic Ecclesia, *ne reuoces me in dimidio dierū meorum*, Et pro ratione ob quam exaudiri petat, allegat quod sequitur, *in generatione & generationem anni tui*. q. d. anni tui in generatione & generationem perdurant, perduret ergo & Ecclesia cultrix tui in omnem generationem, quia decet te & solium tuum, vt tibi omni tempore seruiatur. Quæ oratio eiusdem est energię cum ea quam paulò ante pœnitens expressit, cū diceret: *Dies mei sicut umbra declinauerunt, tu autem in æternum permanes*. Et Ieremias; Tu autem in æternum permanes Domine, solium tuum in generatione & generationem. Quare in perpetuū obliuisceris nos? Ne autem anni qui Domino mox ascripti sunt, apprehendantur esse transitorij, néve putentur sicut dies hominis dies Dei, & anni eius sicut humana esse tēpora, in quibus sit præsens, præteritum & futurum, subnectit Psaltes quædam per quæ proponit nobis differentiam inter annos Dei & annos hominum, & dicit:

Initio temporis, tu Domine terram fundisti. i. velut in fundamentum totius huius visibilis machinæ, verbo tuo, vt in Psalmū 23. diximus, stabilem collocaſti. *Et opera manuum tuarum sunt cæli*, à te enim facti sunt, Proinde non solum à suo initio temporis, sed etiam ipsa mundi visibilis machina secundum substantiam, motum, & statum suum à te facta est.

Y y ij

Ipsi,

Atha apol.
1. fug. / me.
Cyril. 1. 1. / m
Ioan. 6. 24

27. *Ipsi*, cæli, sub quibus & terra & omnia quæ in eis sunt opera intelligenda veniunt; *peribunt*, tu autem permanes ab omni mutabilitate alienus. Ne verò quod dixerat, *peribunt*, quis ad dictarum creaturarum substantiam referret, explicat Psaltes verba sua declarans secundum quid illos dixerit perituros, & dicit: *Omnes sicut vestimentum veterascent*, ac si diceret, *peribunt* inquam, quia secundum qualitatem qua cæli, cum reliqua mundi machina prius vestiti fuerunt, veterascent, & in interitum deuenient, sicut scriptum est; Præterit, non substantia, sed figura huius mundi, ut hunc locum interpretantur Irenæus & Epiphanius. Quod ubi euenerit, non manebunt cæli cum reliquis, omni specie, ornatu siue vestimento priuati, quia,

Ire l. 4 c 6
Epiphani in
bare 64.

28. *Et sicut opertorium mutabis eos & mutabuntur*. i. sicut opertorium siue indumentum salua rei quæ induitur substantia, exuitur, & eius loco assumitur indumentum aliud, sic tu salua substantia visibilis huius machinæ ablata qualitate eius prima, alia eam indues atque adornabis: Ob quam dicit B. Petrus; Nouos cælos & nouam terram expectamus, in quibus iustitia habitat. *Tu autem idem ipse es*, quia non solum non substantia, sed nec qualitate mutaris; Imo in hoc illis, quæ inter creaturas secundum substantiam peritura aut mutanda non sunt, tu incomparabiliter maior (ut horum verborum sensum amplificat D. Atha. Ambros. & Cyrill.) quia illa perire possunt, tu autem per diuinam naturam tuam interire non potes. *Et anni tui non deficient*, quia nec eunt nec veniunt, inquit August. ubi enim aliquid it & præteritum transit, ibi aliquid deficit. Itaque non est hic sensus, *anni tui non deficient*. i. tempora tibi nunquam deerunt, sed *non deficient*, quia nihil est in annis tuis quod in præteritum transeundo abeat in nihilum: Sed omnia annorum tuorum, si quæ cogitentur, spatia & tempora simul sunt. Non abs re verò Psaltes cum docere vult annos diuinos esse stabiles, prius asserit Deum nullam mutationem admittere: Ex hoc enim efficaciter colligitur, Deum tempori subiectum non esse. Cum enim tempus sit numerus motus per ipsum prius posteriùsve, profectò, circa eum, in quem nullus cadit motus, etiam nullum potest esse aut versari tempus. Tribuuntur tamen Deo anni, dies, & tempora, ut nouerimus immutabilem Deum, suæ stabilitatis non carere mensura, sed anni hi æterni dicuntur & tempora æterna, quia sicut tempus numerus est motus aut mutationis, ita & æternitas mensura est perpetuæ immutabilitatis. His vero ex occasione diuinorum annorum, quorum Psaltes fecerat mentionem interpositis, locus nunc est ut respondeatur interrogationi qua Sion paulò ante quæsierat. *Paucitatem dierum meorum nuncia mihi*, quod faciendo, Psaltes non ad querentem, sed ad Deum votum querentis implentem conuertit sermonem, & dicit:

Ath. orat. 2
con. 47. 1. 4.
Amb. 1. de
spiritus c 4
Cyrill li. 8.
Thef. c. 2.
Aug. 11. 50
seß. ca. 13.

Psal. 76.
Roman. 16

29. *Fily*. i. posterius seruorum tuorum, qui tibi in principio Ecclesiæ fideliter serui-

seruierunt, *inhabitabunt* Ecclesiam, sicut scriptum est; Sicut latatium omnium habitatio est in te. *¶ semen. i. filij eorum. i. horum quos dixi, filiorum, in seculum. i. quamdiu durabit præsens sæculum dirigetur*, vt in eandem fidem & religionem patribus absque intermissione succedat, scriptum est enim, Misericordia tua à progenie in progenies timētibus te. Quocirca paucitas dierum tuorum ô Ecclesia, non finietur breui, Nec reuocaberis in dimidio dierum tuorum, sed iugi successione in hoc sęculo vna & eadem permanebis, quamdiu ipsa sibi succedent sæcula. D. Irenæus tamen hunc versiculum refert ad probandam æternam beatitudinem sanctorum, vt secundum eum hic sit sensus: Vbi cælum & terra perierint, filij tui & semē sanctorum tuorum, non vna cum eis peribunt, sed in æterna beatitudine sine vlla intermissione permanebūt: sicut dixit Isaia: Leuate oculos vestros & videte sub terra deorsum, quia cæli sicut fumus liquefcent, & terra sicut vestimentum atteretur & habitatores eius sicut hæc interibunt: Salus autē mea in sempiternū erit & iustitia mea non deficiet. Prior tamen expositio contextui Psalmi magis consentanea est.

Loco supra allegato.

Isaia 51.

PSALMV S CII.

Ipsi David.

Sicut Ambrosius teste nulla epistolarum Pauli tantum benedictionis increpuit quantum epistola ad Ephesios, ita nullus est Psalmorum qui à principio ad finem vsque tot concinat benedictiones, Dei laudes, & gratiarum actiones, quot præsens: Benedicit enim Deo sigillatim pro singulis penè beneficijs ab ipso humano generi concessis, & incipit in hunc modum:

Epist. 16.

Benedic anima mea Domino, & omnia quæ intra me sunt nomini sancto eius. Hoc Augustinus videtur fecisse cū diceret: Taceat laudes tuas qui miserationes tuas non considerat, quæ nunc de medullis meis continentur tibi. Quid enim sunt hæc quæ Psalter compellat interiora sua, nisi intima animæ viscera gratitudinis spiritu medullata?

1. August in Confess.

Benedic anima mea Domino, & noli obliuisci omnes retributiones eius; ita vt nulla sit pro qua peculiarem Deo hic non deferas benedictionem: quæ ei in primis deferenda est.

Qui, per remissionem quorumuis peccatorum, propitiatur omnibus iniquitatibus tuis. Hoc autem inter retributiones annumerandum est, quia remissio peccatorum est quidem gratia & gratis datur, non est tamen, inquit Augustinus, sine aliquo merito si fides hanc impetret. Si nō est sine aliquo merito; ergo cū datur, quædā, siue gratiosa, præbetur retributio. *Qui sanat omnes infirmitates tuas. i. passionem peccatorum ac virium spiritualium*

2.

3. Epist. 105.

Y y iij languo-

Aug. 6. cōt.
Iulian c. 8.
Eiusdem li
bri cap. 5.

languores remissioni peccatorum superflites. Hæc sanantur, cū de die in diem, inquit Augustinus, proficit Ecclesia, & passio, quotidiana renouatione minuitur. Inter infirmitates autem has enumerātur ab Augustino, Ignorantia, quam dicit sanari veritate magis ac magis lucente, & concupiscentia, quæ, inquit, sanatur charitate magis ac magis seruicte. Cū ergo incrementū charitatis harum infirmitatum medela sit, & charitatis incrementum præcedentibus eius inijs ex iustitia (quæ videtur esse mens Concilij Tridentini) reddatur, profectò hæc retributio potior est & alterius ordinis quàm prior, proficiscens ex Dei iustitia: Quam tamen Christianus pia gratiarum actione prosequitur, tum quia ad eam capeffendam nō nisi per gratiam præparatur, tum, quia omnis Dei pro perfectis meritis etiam pacta retributio, gratuita eius voluntati tanquā primariæ & originali causæ asscribenda est.

4. *Qui, conseruando & protegendo, redimit de interitu vitam tuam.* i. quā viuis iustitiam tuam, ne ab ea denuo in peccatum, atque adeo interitum decidas. Hoc autem facit Deus per donationem perseuerantiæ, & proinde hæc retributio sicut & illa cuius primo loco mentio facta est, est retributio gratiæ. Perseuerantiam enim, inquit Augustinus, Deus post casum hominis nō nisi ad gratiam suam pertinere voluit, ipsamque gratiam perseuerandi non secundum merita nostra dare, sed secundum ipsius secretissimam eandemque iustissimam, beneficentissimam, sapientissimam voluntatem: Quæ tamen quia suppliciter, vt inquit idem, emereri potest, cū datur quibusdam meritis, imperfectam meriti dignitatem habentibus, non tam datur quàm retribuitur. Hæc ergo de retributionibus quas Deus cuiusvis promiscuè ordinis meritis hominum tribuit in præsentī vita: Ad hæc verò *Benedic anima mea Domino, qui, in die iudicij, coronat te.* i. reddit tibi coronam iustitiæ, in misericordia. i. affectu, vt ita de Deo loquar, misericordi: Qui tamen affectus in Deo non compassionem habet, aut vllam acerbam alienæ miseriæ, vt docet Gregorius, perceptionem, sed tribuitur Deo misericordia, quia ad alienæ miseriæ subueniendum benignè propensus est. *Et miserationibus:* Ibi enim Deus non solum, vt semper, misericors est, sed etiam misericordiam præstat & erogat. Hæc autem retributio eiusdem ordinis est cum ea quæ secundo loco est recensita: Est enim retributio iustitiæ, quia reddet mihi Deus, inquit Apostolus, in illa die coronam iustitiæ, iustus iudex: Non solum autem mihi, sed & ijs qui diligunt aduentum eius. Habet tamen sibi adiunctam misericordiam & miserationes, quæ coronæ iustitiæ imponunt coronidem misericordiæ: Misericordia enim Dei & miserationes eius quæ retributionem hanc concomitantur, omnium præcedentium miserationum quædam clausula sunt, quia post acceptam coronam, nullus in coronatum erogandæ misericordiæ superest locus. *Coronat autē te ibi in misericordia* G

De bo per
seuerat. c. 6
7. c. 13.

Grego. 20
18074, c. 24

dia & miserationibus. In primis quia mediante clementia siue de clementi
eius iudicio coronam o anima mea accipies. Ibi enim iusti, inquit Ambrosius, fragilitatis suae aestimatione censendi sunt, ut veritas, inquit, iudicij, misericordia Domini temperetur. Iusti enim in illo iudicio censēbimur ab illa charitate & diuinorum mandatorum obseruantia, quae consentanea fuit fragilitati humanae vitae: Quae quidem censura veritas erit, quia nos iustos & legis factores in veritate fuisse iudicabit: Vocatur tamen eadem censura misericordia, clementia, siue censura per clementiam temperata, quia summam atque perfectam iustitiam necnon diuinæ legis obseruantiam, sicut Deus hic, nisi per modum finis, non præcepit, ita nec ibi aliter exquiret, quam tamen, nisi in fragilitatem nostram clemens esse voluisset, & hic præcipere, & ibi potuisset exigere. Adhuc coronat te, o anima mea, in misericordia & miserationibus, quia iudicium hoc diuinæ clementiæ, comitabitur simul & Dei indulgentia. Nunquid autem indulgentia, siue remissio peccatorum mortalium? Non arbitror: Dicit enim hic Psalter animam illam coronandam in misericordia & miserationibus, de qua prius dixit: Qui propitiatur omnibus iniquitatibus tuis; proinde indulgentia hæc seruatur solis iustis, qui ut in alios, ita prius in semetipsos, ut animas suas in hac vita à reatu æternæ damnationis expedirent, misericordiam exercuerunt. Quocirca & Ambrosius dicit peccata leuiora bonis iustorum operibus in die iudicij eleuari, grauiora verò continuo mergi, Iudicium enim sine misericordia illi qui non fecit misericordiam. Cùm igitur D. Augustinus dicit se non posse peruenire ad indaginem eorum peccatorum quorum in die iudicij per interventionem Sanctorum speranda sit remissio, non conqueritur se illa ne in genere quidem, ut mox fecit Ambrosius non posse describere, sed non posse se illa singulariter & particulariter definire, aut vniuersè per exempla demonstrare. Quæ cùm ita sint, oritur hic quaestio & queritur, Quid, ergo, sit quod Augustinus non semel dicit: Quod si Deus absque misericordia iudicaret, inueniret in vnoquoque vnde eum damnet? Id arbitror referendum esse ad iudicium clementiæ, non indulgentiæ. Si enim Deus ibi iustificationem qua à peccatis iustificamur censere vellet, non secundum leges clementiæ quas hic nostræ infirmitati indulgit, sed secundum exactam poenitentiam & iustificationis rationem quam nobis præfigere potuisset, inuenirentur in multis, qui hic iusti habentur, peccata damnatione digna: Nisi enim Deus per summam clementiam proposuisset hic nobis legem, per quam iustificari possemus ab illis peccatis mortiferis, quorum nos hic ignorantia occupat, vel obrepit obliuio, nonne si aliàs quàm secundum eandem legem etià eos qui hic iusti habentur iudicare vellet, inueniret facile in eis peccata quædam oblitterata, ob quæ eos merito in interitum per damnationem præcipitaret?

Itaque

Ser. 20. v.
4. in pf. 118
Et Hieron.
epist. 139.

Ambros. in
Psalm 43.

Aug. 21. de
Ciu. 6. vlt.

Aug 21. de
ciu c 13 et
vlt. & ps
147 ad ver
ba Quoniam
cōfortauit.

Itaque quod D. Augustinus locis allegatis dicit, verum est, si Deus non secundum indultam hominibus pœnitentiæ legem eos censere & discutere vellet. Ad quam legem etiam respiciebat August. cum exclamaret: Væ etiam laudabili vitæ hominū, si remota misericordia discutias eam. In quem sensum Augustinum sua, quæ allegauimus, verba voluisse accipi, facile ex similibus eius interpretationibus apparet: Quod enim dicit Psalmus: Non iustificabitur in conspectu tuo omnis viuens; interpretatur Augustinus id dici comparatione iustitiæ, quæ æquabimur angelis & gloriæ quæ reuelabitur in nobis. Si enim in illo iudicio tanta iustitia, tanquam nobis prius demandata, à nobis exigeretur, nemo nostrum diuinum posset iudicium sustinere, vel damnationem euadere. Sed qua ratione Dei indulgentia in die iudicij misericorditer tribuenda, pertinet ad Dei retributiones, cum iustorum, si quæ ibi futura est, pœnitentia, propter expletum huius vitæ cursum, eis ibi futura sit infructuosa? Hanc declarat Augustinus: Iustis enim, inquit, pro bonorum operum meritis, iusto Dei iudicio etiam ipsa misericordia in die iudicij tribuetur. Itaque meritum cui dicta misericordia tribuenda est, non in extremo iudicio comparatur, sed ex thesauro per opera misericordiæ in diem necessitatis, vt dicebat Tobia Angelus, in hac vita reposito, ad Dei iudicium educitur atque deferitur. His ergo modis coronat te, ô anima mea, Deus, in misericordia & miserationibus. Gestis autem scire quæ sit corona quam ibi tuis retribuet meritis? Benedic igitur Domino,

4. *Qui replet in bonis desiderium tuum.* Ibi enim repleberis in bonis domus Dei, plena lumine gloriæ per quod videas voluptatem Domini, plena iustitia atque securitate. Et ne arbitraris, vt notat Augustinus, quod mors aut mortalitas tui corporis te à dicta bonorū satietate excludere, aut quouis modo auertere possit, *Renouabitur vt aquilæ iuuentus tua*, quia reformabit Christus corpus humilitatis tuæ, cōfiguratum corpori claritatis suæ. Si enim verba hæc diligentius excutiamus, inquit Ambrosius, vnus aquilæ non aquilarum, asserit in nobis renouandam iuuentutem. Quam vnā & solam aquilam rectè Christum dixerim, cuius iuuentus tunc vt aquilæ renouata est, cum à mortuis resurrexit. Hæc Ambrosius. Sed præter prædictam, est & alia retributio in die iudicij futura, de qua sequitur:

5. *Faciens misericordias Dominus, & iudicium omnibus iniuriam patientibus.* q.d. Dominus qui in die iudicij prædictas misericordias in eos qui ijs digni habebuntur, erogat, simul & eodem tempore faciet *iudicium omnibus iniuriam patientibus*, tum enim faciet vindictam electorum suorum ad se clamantium die ac nocte, Quod hic & alibi frequenter cōmemoratur propter infirmos, vt qui vindicari vult, à Domino in extremo iudicio expectet vindictam. Vindicta enim vltima iustè poscitur, quando nullus iam restat

corre-

correctionis locus extremo scilicet summoque iudicio, inquit Augustinus. *Epi. 3.*
 Nunc verò cauendum est ne vindicandi cupiditate, amittatur, vt nihil aliud
 dicam, ipsa patientia. Hæc August. Circa cuius tamen doctrinam obseruan-
 dum est, quod vindictam à Domino in die iudicii expetere, infirmo iū, teste
 Cyrillo, Christianorum sit, Fortiores enim, inquit, iniurijs reddunt chari- *Cyrl 1 in*
 tatem: Ex quibus erat Bernardus scribens in hæc verba. Extat quidem tri- *can c 30.*
 bunal Christi, sed absit vt ad illud appellem vos, qui illic, si vobis necessa- *Et Ambr 2*
 rium, & mihi possibile esset, vellem magis totis viribus stare, & respondere *de 1br c 6*
 pro vobis. Hæc Bernardus. Sed ab his conuertit se Psalter ad enarrandam *Bern epist.*
 gratiam à Deo hominibus præstitam per nouum testamentum, quam vt ef- *213.*
 ficacius illustraret, præmittit mentionem instituti veteris. Rigor enim ve-
 teris testamenti mirificè extollit & illustrat benignitatem ac suauitatem
 quam exhibuit Deus tempore testamenti noui. Dicit itaque:

Notas fecit vias suas Moysi. Per Moysen enim, inquit Paulinus, lucer- *7.*
 nam legis accedit, Et per eum notas fecit, *Paulin ep.*
filij Israel voluntates suis. His enim per Moysen præcepta viuendi & Deum colendi dedit, idque adhibi- *58 inter e-*
 tis minis & terribilibus, vt incusso timore redderet eos suæ voluntati mori- *pistol. aug.*
 geros: Cæterum

Miserator. i. misericordiam faciens & *misericors.* i. misericordia ipsa *8.*
Dominus, longanimis, qui quadraginta annis mores veteris populi in deser-
 to, vt refert Apostolus Paulus in Actis 13. & post multis annis in Pa-
 læstina sustinuit: Nec minoris longanimitatis indicia dedit erga gen-
 tes quas in impietate & cultu dæmonum perseuerantes in Christi vsque
 tempora longanimiter sustinuit, sed suæ longanimitatis recordatus, dixe-
 rat: Nequaquam maledicam terræ propter homines, sensus enim & cogi-
 tatio cordis eorum ad malum prona sunt omni tempore. *Et multum mise-*
ricors. Hic ergo,

Non in perpetuum irascetur. i. in ira sua non in perpetuum continebit *9.*
 misericordias suas erga gentilitatem quam prioribus sæculis permisit in-
 gredi vias suas; Sed cum iratus fuerit, misericordiæ recordabitur. *Neque*
in æternum comminabitur. i. Pædagogia eius qua interminatis supplicijs
 populum Israëliticum ad obseruantias legis impulit & instigauit, non in æ-
 ternitatem vsque locum habebit aut perdurabit. Quin potius,

Non secundum peccata nostra fecit nobis, neque secundum iniquitates no- *10.*
stras retribuit nobis, qui siue ex Gentibus, siue ex Iudæis gratiam eius con-
 secuti sumus. Quid enim vita nostra ante perceptam eius gratiam exacta,
 aliud quam iram merebatur, & Dei prouocabat indignationem? Ipse verò
 non contentus non inferre nobis iram quam merebamur,

Quoniam secundum altitudinē cali à terra, corroboraui misericordiam *11.*
suam

suam super timentes se. q.d. Cùm peccata nostra contra eum contenderent, eiſque obluſtaremur, vt gratiã eius auerteremus à nobis, ipſe miſericordiam ſuã *corroborauit.* i. in modum eius qui obſtaculũ aliquod perfringere parat vires eius quaſi in vnum collegit, vt virtute miſericordiæ ſuæ murum quem peccata noſtra tam demerito quam voluntaria auerſatione gratiæ eius opponebãt, quadam velut vi (per quam ex inuitis volentes faceret) illata perumperet. Cuiusmodi miſericordiam per ſimilitudinem nobis pulchrè deſcribit Bernardus in hæc verba; Intuere vtrumnam aliquid hunc dilectum auertere potuerit à dilectã, quo minus ei & peccanti & auerſe perſeueraret. Glomeratæ nubes radios ſolis offendere contendebant vt iniquitates noſtræ ſepararent, inter Deum & nos, ſed incaluit ſol & vniuerſa diſſoluit. De hac miſericordia, recenſitis prius compluribus humani generis & præfertim, Iudaicæ Gentis peccatis, etiam Iſaias loquitur in hunc modum. Vidit Dominus & malum apparuit in oculis eius, quia non eſt iudicium. Et vidit quia non eſt vir, & aporiatuſ eſt, quia non eſt qui occurrat. Et ſaluauit ſibi brachium ſuum, & iuſtitia eius (qua ſcilicet voluit iuſtificare impium) ipſa confirmauit eum. Indutus eſt iuſtitia vt lorica & galea ſalutis in capite eius: indutus eſt veſtimentis vltionis, & opertuſ eſt quaſi pallio zeli. Sicut ad vindictam, quaſi ad retributionem indignationis hoſtibus ſuis. q.d. ſi hanc Dei armaturam videres, diceres eum ſe his armis accinxiſſe vt inimicis ſuis vltionem inferret; cùm tamen hanc armaturã induerit, vt in inimicis ſuis ipſam inimicitiaſ cauſam debellaret, & cum eis pacem ſempiternam conſtitueret. Cuius armaturæ effectum mox ſubiicit Iſaias & dicit: Timebunt qui ab occidente, nomen Domini; & qui ab ortu ſolis, gloriam eius, cùm venerit quaſi fluuius violentuſ (propter quod nos paulò ante diximus Deum quaſi vi illata miſericordiam ſuã hominibus per gratiam, præfertim in principio præueniẽtem, obtrudere) quẽ ſpirituſ Domini cogit, & venerit Sion redẽptor, & his qui redeũt ab iniquitate in Iacob, dicit Dominuſ. Dicit autẽ, *ſuper timentibus ſe*, non quod hæc miſericordia adornetur erga eos qui iam ante timent Deum, ſed adornatur erga eos qui non timent Deum, vt timeant Deum, & in timentibus Deum huiuſ miſericordiæ effectuſ apparet, atq; adeo in ſuo hoc effectũ ipſa relucet miſericordia. Quam etiam ſuper eoſdem corroborauit, *ſecundum altitudinem celi à terra.* i. habita contemplatione ad ſublimitatem ſuam, qua, ſicut cælum terram, ita ipſe omnes terrigenas miſericordia, virtute, longanimitate, & reliquis bonis maximo interuallo excedit. Conuenire enim putauit vt ſecundum altitudinem ſuam. i. proportionẽ factã ad altitudinem ſuam, miſericordiam ſuam, multiplicaret atque corroboraret ſuper filioſ hominum. Quale quid petebat ille qui Pſal. 78. orabat, ſecundum magnitudinem brachij tui poſſide fi-

Ber ſer de
nat. B. Ma-
ria

Iſaia 59.

fide filios mortificatorum ut ibidem explicuimus: Vbi verò per prædictam suam misericordiam omnia mala merita & prima salutis nostræ obstacula superauit, & nos per gratiam præparantem ad iustificationem disposuit, priorem gratiam posteriore accumulans,

Quantum distat ortus ab occidente, longe fecit à nobis iniquitates nostras. i. per sacramenta regenerationis & reconciliationis peccata nostra eo interuallo à nobis distare fecit, quod comparari potest cū interuallo inter orientem & occidentem interiacēte. Non solum enim peccata nostra velut in occasu demersit, sed ex aduerso traduxit nos ad orientem. Remissis enim per asperisionem sanguinis Christi peccatis (peccata enim è nobis non mera condonatione, sed pretij applicatione, quam vocat Petrus asperisionem sanguinis Christi, expunguntur) simul iustitiam in nobis oriri fecit. Valet itaque hic versiculus ad probandum, impijs non dari remissionem peccatorum nisi infusa quoque ex aduerso iustitia: Quod ipsum & Apostolus insinuabat cū diceret, *Qui mortuus, siue Christo commortuus est, iustificatus* (iustificatus, inquit, non expeditus) est à peccato, quia à peccato absolutus etiam iustus effectus est. Nunquid autem hæc tanta Dei miseratio in homine causam habuit? Habuit, non quidem meritoriam, sed hætenus, quia ut in Psalmum 88. versu 46. explicuimus, operæpretium erat atque adeo decebat Deum, ut miseria humani generis ad eius imaginem ab ipso conditi, eum ad subueniendum suo operi commoueret. De qua re subiungit Psaltes:

Quomodo miseretur pater filiorum, misertus est Dominus timentibus se. i. sicut pater iure quodam naturæ misericordia mouetur in filium calamitate quapiam deformatum, quia filius germen patris est, ita Deus cū sit natura bonus, à se alienum duxit in suum opus suæque gratiæ munus non intendere, sed velut ex corde, ut ait Ieremias, abijcere omnes filios hominum, quos ipse creauerat: Proinde misertus est Dominus timentibus se. i. misericordiam præstitit hominibus ut timerent eum. *Quoniam ipse cognouit figmentum nostrum.* i. benignè recognouit nos secundum naturam, non quidem ut filius à patre, genitos esse, sed ipsius esse figmentum, & hac de causa ad eius benignitatem atque misericordiam pertinere. Ipse enim fecit nos & non ipsi nos.

Recordatus est. i. Cū deformitas peccati decorem diuini operis in nobis multum oblitterasset, eiq; quasi lituram induxisset, quo minus videre-mur opus Dei esse, ipse tamen Deus recordatus est *quoniam puluis.* i. de puluere ipsius opere facti & plasmati *sumus.* Nostro interim opere atque peccato, *homo sicut fœnum dies eius,* quia secundum animam absque Spiritu sancto, qui est animæ vita, animaliter viuens, ut fœnum emortuus est.

Z z ij Secun-

Secundum corpus verò, *sicut flos agri sic effloreat*. Petis id tibi demonstrari?

15.

Basil in
Psalm. 44.
Tertul de
anima c 53

Quoniam spiritus vitalis, qui est effectus spiraculi quod Deus plasmato de terra hominis corpore inspiravit in faciem eius, & factus est homo in animam viventem: de quo spiritu & alibi, Non permanebit spiritus meus in æternum in homine, quia caro est. Hic ergo spiritus *in illo transibit*, quia à quo tempore corpori eius infusus fuerit, continuo in recessum à corpore festinabit. Corpus enim, quod spiritum hunc pertransire facit, semper fluxum, inquit Basil. atque deciduum redditur ex cõtinaua mutatione. Corpus inquam, quod spiritum transire facit. Quod enim morimur atque mortificamur, huius rei causa tota in corpore, & ex corpore est, inquit Tertul. Nam quisquis ille est exitus mortis, sine dubio, aut materialium, aut regionum, aut viarum vitalium eversio est: Materialium vt fellis, vt sanguinis: Regionum, vt cordis, vt iecoris: Viarum, vt venarum, vt artierarum. Dum igitur ex propria quaque iniuriæ causa vastantur in corpore, adusque vltimam euerfionem & recessionem vitalium. i. naturalium finium, situum, officiorum, necessariò & anima, dilabentibus paulatim instrumentis, & domicilijs, & spacijs suis; paulatim & ipsa migrare compellitur. Pertransibit ergo spiritus in illo, Et vbi à corpore transierit, *nō cognoscet amplius locum suum*. i. corpus suum, quod eius naturalis locus est, Corpus enim emissio vel exspirato spiritu sic dissolvitur, vt in eo nulla pristini domicilij appareat forma vel compago. Itaque *homo sicut fœnum dies eius*, quia in diebus vitæ huius per se spiritu Domini est destitutus. *Et sicut flos agri sic effloreat*, quia homo natus de muliere breui viuens tempore, sicut flos egreditur & conteritur, & fugit velut umbra, & nunquam in eodem statu permanet. Et hæc quidem ex parte hominis circa Dei opus ita se habent,

16.

In Psalm. 90
serm 7. &
epist. 107.

Leo epist. 10
c 3. & ser.
2. de Nati.
domini.

Misericordia autem Domini in visceribus eius super figmentum suum aliena inuidia deformatum commota; *Ab æterno* prædestinationis, inquit Bernardus, *et usque in æternum* glorificationis, inquit idem, *super timentes eum*. i. apparet in hominibus Deum timentibus sicut causa relucet in suo effectu, Alioqui in rei veritate *misericordia Domini ab æterno* etiam super timentes se, vt eos faceret timentes se. Cuius diuinæ misericordiæ ordo & ratio fuit: Nam quia, vt Leonis verbis vtatur, gloriabatur diabolus hominem sua fraude deceptum diuinis caruisse muneribus, & immortalitatis dote nudatum duram mortis subijsse sententiam, incommutabilis Deus, cuius voluntas non potuit sua benignitate fraudari, & cuius paterna viscera non potuerunt super figmentum suum contineri, primam suæ erga hominem pietatis dispositionem, quæ erat, vt homo sufficienter instructus saluus fieret si vellet, proposito potiore compleuit; in æterna sua misericordia præordinans ho-

nans homini, prauis multis demeritis, secundum suum propositum, gratiam, qua non tantum adiuuaretur si credere & operari vellet, sed vt eadem vellet, & per quam ipsum velle in homine infallibiliter proueniret. Præordinans simul vt gratia hæc efficax non aliquo solum tempore cum homine permaneret, sed *vsque in æternum*, siue vsque dum perdaxerit eum in æternam beatitudinem, in qua sic confirmaretur, vt ab ea excidere absolute non posset. His itaque verbis explicuit, atque adeo commendauit nobis Psaltes Dei paterna viscera quæ super hominem lapsum ac mortalem effectum commota fuerunt, atque Deo ex parte figmenti sui causam dederunt, vt hominem lapsum, quod in Psalmũ 88. latius explicuimus, repararet. Quam Dei misericordiam implorabat Psaltes cum ibidem in persona Iudæorum diceret, memorare quæ mea substantia: & Isaias; Tu fictor noster, nos verò lutum, & implorat passim scriptura sacra, cum dicit; Opus manuum tuarum nos sumus, & similia in eandem sententiam. Quin & prædicta Dei misericordia, multò magis in plures abundauit, quia,

Et iustitia illius, qua ab ipso iustificatur impius, *in filios filiorum*, siue vt dicebat B. Maria id ipsum prophetans, *A progenie in progenies, his qui seruant testamentum eius*, 17.

Et memores sunt mandatorum ipsius, ad faciendum ea. Facit enim Deus 18. misericordiam in millia his qui diligunt eum, ita vt in eorum gratiam, filij eorum secundum carnem, vel potius, filij quos per prophetiam vel Euangelium Christo acquirere satagunt, iustitiam à Deo accipiant, siue à Deo iustificentur, sicut de eis scriptum est; Hi sunt viri misericordiae, quorum iustitiæ obliuionem non acceperunt. Cum semine eorum permanent bona, hæreditas sancta nepotes eorum, & in testamentis stetit semen eorum, & filij eorum propter eos in æternum manent: Cuius promissionis exemplum adhuc hodie extare arbitror in Religionibus à sanctis Patribus institutis, in quibus existimo pietatem & timorem Domini & sanctam disciplinam etiamnum hodie in gratiam, ac ob merita fundatorum perseuerare. Vt autem prædicta Dei ab æterno misericordia, ob accessum etiam alterius causæ locupletius constans ac infallibilis esset,

Dominus, Christus scilicet, *in cælo parauit sedem suam*. i. per suam æconomiam, qua ob salutem hominum perfunctus est in carne sua mortali, *parauit*, siue comparauit sibi sedem in dextera Patris, vbi etiam interpellat pro nobis. Quis ergo est qui condemnet? Hunc esse huius versiculi sensum vsus Ecclesiæ confirmat, qui eodem in hunc sensum contextui probè consentientem in officio Dominicæ ascensionis vtitur. Porro in hac sede sua *Dominus* non tantum sacerdotem agit, sed etiam diuinæ autoritatis confors regiam suam exercet potestatis, de qua sequitur; *regnum ipsius omnibus*

Zz iij domi-

dominabitur. Sedes enim tua, ô Deus, in sæculum sæculi, virga directionis, virga regni tui, regens gentes in virga ferrea, & Ecclesię tuę auspicijs atque negocia victoriosissimè sic dirigens ac promouens, vt ipsa tandem omnibus dominetur, & suo tempore in ea impleatur quod scriptum est: Aperientur portę tuę iugiter, die ac nocte non claudentur, vt afferatur ad te fortitudo gentium, & reges earum adducantur. Gens & regnum quod non seruiert tibi, peribit, & gentes solitudine vastabuntur. Denique, quandoquidem regnum hoc non nisi per prædicationem Euangelij congregatur; & Euangelium non prædicent nisi qui mittuntur; Qui autem mittuntur, angeli Domini sunt: Vnde & Isaias prædicatores Euangelij alloquens: *Ite, ait, angeli veloces: quia angelus officij nomen est, non naturæ; Hinc est quod Psaltes ad benedicendum Domino nunc angelos istos inuitet, tum quia eorum opera & eorum magna cum gloria Ecclesia prædictas Dei benedictiones experiri cepit, tum etiam quia ipsorum ministerium inter Dei beneficia est annumerandum. Hos ergo adhuc inuitat his verbis:*

20. *Benedicite Domino omnes Angeli eius potentes virtute,* tali virtute, de qua scriptum est; Virtute magna reddebant Apostoli testimonium resurrectionis Domini nostri Iesu Christi. Et Psalmo 28. Vox Domini in virtute. *Facientes.* i. aptè & conuenienter concipientes *verbum illius.* Illius, inquit, Verbum enim quod prædicant, verbum Dei est & non verbum hominum, *ad audiendam vocem sermonis eius.* i. vt vox sermonum eius ab omni genere hominum possit pro captu eorum audiri. Sic autem facitis siue componitis verbum eius, tam quoad internum sensum atque conceptum, quàm quoad verba quibus est enuncianum. Scitis enim sapientiã loqui inter perfectos; Lactare eos qui imbecilles facti sunt ad audiendum: Scitis & mutare, vt dicebat Apostolus, vocem vestram, prout pro captu & dispositione auditorum, in varias formas, salua tamen per omnia veritate, mutanda est. Et quidem huiusmodi prædicatoribus laus Deo dicenda est, siue fructum adferant, siue non. Quia vero peculiaris Deo laus debetur cum verbum angelorum istorum in auditoribus fructificat, subdit Psaltes:

21. *Benedicite Domino omnes virtutes eius, ministri eius qui facitis voluntatem eius,* id est, qui in eo impletis voluntatem Dei, quod vestrâ operâ facitis homines facere voluntatem Dei, quos nempe sæcundissima, vt loquitur D. Augustinus, sæcunditate parturit. Isti dicuntur *virtutes*, opus est enim magna virtute spiritus vt facias alios diuinæ voluntati morigeros: vique adeo vt D. Hieronymus eos qui hoc præstant, dicat transire in Apostolos. Possunt tamen hi duo versiculi æque probabiliter intelligi de angelicis spiritibus: Nam & illi faciunt *verbum Dei ad audiendam vocem sermonum eius*, quia prophetiam ac aliam veritatis manifestationem, quàm in aeterno Dei

Aug de S.
Virg. ca. 5.

Hier. in c. 4
ad Galat.

Dei verbo vident, ita temperatè concipere norunt, talibusque ænigmatibus inumbrare, vt valeat ab hominibus, quibus eam reuelât, commodè & prout oportet percipi. Quis enim hominū qui nondum accepit lumen gloriæ, valeret ipsam veritatem prout in Verbo est, aut Verbum est, intelligere? Vt itaque possent homines vocem sermonum Dei audire, angeli siue spiritus angelici *verbum faciunt*. i. in ea forma quæ hominum captui apta sit, concipiunt. Qui angeli etiam Dei virtutes atq; ministri sunt facientes Dei voluntatem, quia cum sint administratorij spiritus, potenter exequuntur ea ad quæ mittuntur. Porro concludendo psalmum dicit Psaltes:

Benedicite Domino omnia opera eius. Quo verbo nos hortatur, vt ex omnibus Dei operibus occasione & materiam desumamus ad benedicendū Domino, omniaque eius opera ad laudem eius conuertamus. Et addit: *In omni loco dominationis eius.* i. vbiunque demum terrarum Deus per gratiam suam dominatur; *Benedic anima mea Domino*, id est, Tu, o anima mea ob id Deum benedicito, tametsi id ad te primariò non pertineat. Est enim, ait Bernardus, iugis quædam bonitas mentis & bene compositi animi, & ad patrem Deum in filijs Dei, bonitatis eius quædam similitudo, orare pro omnibus semper, & gratias agere in omnibus. Et tot modis in oratione vel gratiarum actione in Deum se iugiter refundere, quot tam in proximi quàm in suis necessitatibus vel consolationibus causales in hoc materias inuenit pius affectus. Hæc D. Bernardus.

22.

*Ad fratres
de mōte dei
circa finem*

PSALMVS CIII.

Ipsi David.

SVperiore Psalmo exhortatus est nos Psaltes vt referamus Deo gratiarum actionem pro beneficijs eius spiritualibus; Hoc vero Psalmo exhortatur ad id ipsum, ob ea quæ Deus hominibus in vsum ac solatium præsentis tantum sæculi creauit: Sic tamen, vt ea quæ hic ad literam describuntur, etiam allegoricè subinde intelligenda sint; Et quæ sic intellecta sunt, etiam ad laudem Dei referantur.

Benedic anima mea Domino, Domine Deus meus, magnificatus es. i. ex operibus tuis magnificus agnitus es *vehementer*. Dico, agnitus es; ex operibus namque Dei non eius gloria, inquit Prosper, sed nostra admiratio proficit.

1.

Confessionem & decorem induisti. i. decentissimas, quæ te laudarent vel laudibus tuis materiam suppeditarent, creaturas, in circuitu tuo (in medio enim totius creaturæ tuæ) condidisti, ita vt ijs quasi quodam vestitu circumpositus esse videaris. Et in primis, Ipse es *amicus lumine sicut vestimento*. Ipse enim latente substantia tua, aliquando lumine, v.g. nube lucida, vel rubo ardente, vel similibus modis amictus apparuisti. In hunc sensum

2.

senſum hæc verba accipere videtur Athanaſius, tractatu de ſynodis Arimi-
niæ & Seleuciæ.

3. *Extendens cælum ſicut pellem.* Expellibus conficiuntur tabernacula.
Cælum ergo extenditur ſicut pellis, quia per modum tabernaculi, inquit
Ambroſ. 1. bexa. c. 6. Ambroſius, reliqua elementa, & quæ in illis verſantur protegit, & vndi-
que complectitur. *Qui regis aquis ſuperiora eius.* Sunt enim aquæ ſupra
cælos, quia firmamentum tactum eſt in medio aquarum, diuidens aquas ab
aquis. De qua re latius in Pſal. 148.

4. *Qui ſonis nubem aſcenſum tuum,* Pſaltes dum docet laudandum eſſe
Deum ab eo quod ſub cælis creauit nubes, varia commoda humano geni-
ri afferentes; (præbent enim pluuias & refrigerium ab æſtu) Hic tamẽ vni-
cum ſolum vſum nubium recenset, eo quod is præſantiſſimus & digniſ-
ſimus fuerit, eſtque is, quod Chriſtus cælum conſcendens, poſuerit nubem
aſcenſum ſuum: nube enim ſubnixus cælorum ardua conſcendit. Vnde &
Daniel vidit filium hominis venientem cum nubibus, & peruenientem vſ-
que ad antiquum dierum. Sub hoc tamen vſu nubium Pſaltes reliqua ea-
rum commoda intelligenda relinquit. *Qui ambulat ſuper pennas ventorũ:*
Vel quia aſcendendo ſupergreſſus es omnes choros angelorum, Vel, quia
venti qui ob pernicitatem pennati dicuntur, poteſtati tuæ ſunt ſubiecti. Ob
id autem Deus rectè dicitur ſuper eos ambulare, quia & Chriſtus ſe maris
poteſtatem habere ſignificauit per hoc, quod ſupra illud ambulauit.

5. *Qui facis Angelos tuos ſpiritus.* i. eos qui natura ſpiritus ſunt, quod & ad
Aug. 15 de quæ vis mittendo, facis eſſe Angelos tuos, inquit Auguſtinus. *Et miniſtros*
Ciuit. c. 23 *tuos ignem vrentem.* i. Angelos qui ob ardenſiſſimum impulſum quem ha-
bent ad imitandum te, & ad diuinam tuam ſimilitudinem in ſemetipſis
dion de ce quantum fieri poteſt exprimendam, ignis vrens, teſte Dionyſio, dicuntur;
leſt. biearr. Hos, inquam, facis tuos miniſtros, mittens eos in miniſterium propter eos
c. 13, et 15 qui hæreditatem capient ſalutis.

6. *Qui fundiſti terram ſuper ſtabilitatem ſuam.* Secundum noſtram lectio-
nem relatiuum, *ſuam*, terram refert, diciturque terra fundata ſuper ſtabili-
tatem ſuam, quia per naturalem appetitum medium in toto vniuerſo locum
ſtabiliter appetit, & intrinſeca ac propria ſtabilitate eo in loco requieſcit.
Ambroſ. 1. bexa. ca. 6. D. tamẽ Ambroſ. hunc verſum legit in tertia perſona, hoc modo: *Qui fun-*
daſt. hom. 2. officiij. dauit terram ſuper firmamento eius; refertque relatiuum, eius, ad Deum
fundantem, docens vna cum Baſilio, ſtabilitatem terræ principaliter pro-
uenire ex voluntate Dei: Sicut & diuina voluntas præcipua cauſa eſt ſta-
bilitatis Eccleſiæ per vniuerſam terram diſfuſæ. Cuius ſtabilitas hic per al-
legoriam innuitur. *Non inſinabitur in ſæculum ſæculi.* i. loco ſuo nun-
quam mouebitur.

Abyſſus

Abyssus. i. aquarum cōgeries ad cuius fundum haud facile penetrare possis deorsum versus, inquit Basil. *velut vestimentum amictus eius*, quia terra mari vndique cingitur, mediisque abyssis innatat, & tamen nec in hanc, nec in illam partem impellitur. Per quod significatur Ecclesiam in medio malorum positam, inter eos tamē immobilem perseverare. *Super montes stabunt aquae*. i. Sic subinde intumescit mare, ut mōtium sibi circumpositorum altitudinem superet & supra sua littora eleuetur.

Ab increpatione tua fugient, & voce tonitru tui formidabunt. Metaphoricus est sermo, quia sicut mare, cum, eo quo dictum est modo, intumescit, figurato sermonis genere dicitur inolescere, sic ē diuerso, Deus insolentiam eius virtute sua cohibens, competenter & eodem sermonis genere dicitur insolentiam hāc increpare, & sonitu terrifico (sic enim cohiberi solent homines) compescere. Quamquam hoc ad literam de Christo intelligi possit, qui, teste Luca, increpauit mare & fecit tranquillitatem. Per hanc vero maris insolentiam persecutionis tumor conuenienter intelligitur, qui similiter Domino iubente postmodum sedatur.

Ascendunt montes & descendunt campi, in locum quem fundasti eis. i. montes illam altitudinem, & campi tam decliuem sortiuntur planiciem, quam tu praeordinando eis fundasti. Ad quem modum etiam hominum aliqui sublimitatem, aliqui mediocritatem in Ecclesia obtinent, prout Dominus in eis praeparauit: de quo dicit Sapiens: Omnes homines de solo, & ex terra vnde creatus est Adam, & Deus ex illis exaltauit & humiliavit.

Terminum posuisti quem non transgredientur, neque conuertentur operire terram. Nec enim poterunt montes in altiora quā eis constitutum est consurgere, nec valebunt corruendo valles implere: Sicut nec hominum aliqui ad maiora vtiliter peruenire poterunt quam eis à Domino constitutum est, qui etiam sublimes conseruat ne ē sublimi in perniciem conuertant.

Qui emittis fontes in conuallibus. Ad quem modum etiam fontem aquae viuae salientis in vitam aeternam scaturire facit in humilibus. Ut exponit Bern. *Inter medium montium pertransibunt aquae*.

Potabunt omnes bestiae agri, expectabūt onagri in siti sua. Flumina enim fere inter montes perfluunt, hac Dei prouidentia, ut animalia quae in montibus pascuntur potum in promptu habeāt. Ad quem modum etiam doctrina veritatis inter medium montium transit, quia nemo, quantumuis sublimis sit in Ecclesia, doctrinam veritatis suam esse dicit, & proinde, tanquam rem alterius, & omnium salutis destinata, per medium omnibus expositam pertransire sinit. Quae veritatis doctrina, quia teste D. Prospero, habet vnde & paruuli & magni pro sua capacitate alantur, dicitur hic, quod de aquis inter medium montium transeuntibus potent omnes bestiae agri, quia vulgus ho-

A a a minum

7.
Basil. hom.
2. epistolae.

8.

9.

Eccles. 33.

10.

11.
Bern. ser. 4.
in vig. nat.
Greg. hom.
19. in Eze.

12.

Prof. sent. 3

minum doctrina veritatis promiscuè reficitur: Onagri verò, per quos spirituales intelliguntur, has expectant in siti sua, quia veritate nūquam saturi, eius vberius percipiendæ semper auidi sunt.

13. *Super ea, siue, Super eos, montes videlicet volucres cali habitabunt, de medio petrarum dībunt voces.* Ad quem modum etiam spirituales in sublimibus versantur, ac sermones suos scripturis sacris confirmantes, de mediotullio scripturarum, quasi de medio petrarum, (Sunt enim scripturæ in modū petrarum solidæ) voces dare videntur. Quapropter reprehēdit Augustinus eos qui neglectis vocibus petrarum, in sermonibus, quos de rebus ecclesiasticis habent, Platonem, Ciceronem, & similes crepant.

Aug. in hęc locum.

14. *Rigans montes de superioribus suis:* Non enim humectari possunt montes nisi pluuijs. Ad quem modum sunt quidam in Ecclesia, qui non homine aliquo docente, sed Spiritu sancto desuper sapientiam infundente, docti euadunt. Qualis erat Paulus; cui illi qui videbantur aliquid esse, nihil eruditionis contulerunt. Inter quos fuit & Antonius, qui absque doctore sacras literas prudenter meditādo intellexit, inquit D. Augustinus. Quales etiam sunt permulti qui sunt humiles corde. Hi enim, teste eodem, plus cogitādo & orando proficiunt quam legēdo & audiendo. Qui rectè montibus comparantur, quia vt cælo maxime propinqui, ita reliquis qui per homines erudiuntur sunt præferēdi; quia reliqui, etiam doctores, eis cedant necesse est, quos testimoniorū meditatione cælestium, doctrina Dei docentis imbue-rit, inquit Ambrosius. *De fructu.* i. vberē proventu operum tuorum quibus das industriam & semen seminanti, & seminibus siue in terram per agricolas missa fuerint, siue in ipsis terræ visceribus recondita, ac per eam passim respersa, dans proprium corpus, primò herbam, deinde spicam, postmodum plenum frumentum in spica: De his inquam operibus tuis *satiabitur.* i. ad satietatem vsque omni genere frugum replebitur terra; Per hæc

Aug. prol. de doct. Ch. Idem epist. 111 in propria ep. 120 in fine. Greg. 1. moral. cap. 1. Ambrosius. serm. 1. in psalm. 118 versu 3.

15. *Producens fœnum iumentis, & herbam seruituti hominum.* i. animalibus, in hominum seruitutem varijs in rebus à te creatis. Ad quē modum de fructu eruditionis & pietatis quam Dominus in eis quos desuper rigauit operatus est, satiatur terra. i. terreni homines, quia eorum ministerio & ipsi veritate ac pietate imbuuntur. Quæ terra vicissim producit fœnum iumentis, & herbam seruituti hominū, quia ministrantibus sibi spiritualia ad sufficientiam temporalia rependit: Quin & de fructu operum tuorum satiatur terra,

16. *Vt educas panem de terra* serunt namque homines frumenta in panē sibi. *Et vinum lætificet cor hominis,* quia vinum in iucunditatem creatum est, non in ebrietatem ab initio: Et,

17. *Vt homo exhilaret faciem in oleo.* Vnctione enim olei quo capita sua veteres vngebant, procurabant sibi ac demonstrabant lætitiā mentis:

Quo-

Quocirca etiam Dominus ieiunantes ad mentis hilaritatem, teste Ambrosio, inuitans, vnge, inquit, caput tuum oleo. *Et panis cor hominis confortet.* Panis enim solidissimum præstat nutrimentum quo confortetur corpus, & per id cor hominis, quod alioqui languente corpore etiam languet. Quocirca etiam alibi panis firmamentum vocatur. Caeterum, de fructu operum Domini etiam satiatur terra, vt Dominus educat præstantiorem panem, panem inquam, sacrae Eucharistiæ, de terra, Hæc enim conficitur de terrena substantia. Qui panis cor hominis per spiritum Christi confortat: Eo enim sumpto Paulus rectè baptizatus, confortatus est. De ea producit Dominus & vinum calicis Christi, quod laificat cor hominis, eo enim epoto, mœstum pectus ac triste, quod prius peccatis agentibus premebatur, diuinæ indulgentiæ, inquit Cyprianus, letitia resoluitur. Producit de ea & oleum, quod faciem exhilarat, eo enim Christiani ab Episcopis in facie secundum frontem vncti, mentis suæ, quam per Spiritum sanctum inuisibili vnctione simul acceptum gerunt, hilaritatem in facie ostentant. Cypri. 63

Saturabuntur ligna campi. i. homines qui plana inhabitant, seu nulla sublimitate eminent, *Et cedri Libani quas plantauit.* i. potentes sæculi, quibus ipse prouidentia suâ potentiam tribuit & sublimitatem. Vtrique enim pro deuotione sua sacramento Eucharistiæ nutriuntur. *Illic.* i. in cedris libani *passeres nidificauit,* quia qui spirituales sunt in Ecclesia, passerum nomine significati, illis qui in sæculo potentes sunt, multum sunt addicti, eisque quamplurimum adherent: & dum eorum gratiæ ac beneuolentiæ se magis ac magis insinuant, quid aliud quam quasi passeres in illis nidificant, vt eorum protectione defendi, humanitate recreari, sublimitate à cōtemptu vindicari, opibus quasi in quodam nido foueri contingat? Vt autem hæc absq; periculo suæ salutis transigant, faciant in se locum habere quod sequitur:

Erodij domus dux est eorum. Erodij seu fulica nidificat in petra: Petra autem Christus: Isti ergo passeres Christum omnium actionum suarum ducem accipiant, & ante omnia præ oculis habeant quid Christo placeat, quid Christum sapiat, quidve sibi secundum Christum agendum sit. Monendi enim sunt istiusmodi, inquit Cyrillus, ne vnicuique morem gerere studentes, libertatem amittant. Quapropter nec Apostoli, inquit Irenæus, colloquebantur cum ijs ad quos missi erant secundum præsentem opinionem (in qua scilicet homines inueniebant) sed secundum manifestationem veritatis. Nec enim quilibet homines rectè facient si cæcos iam iamque per præcipitiū ferri incipientes adhortentur insistere illi periculosissimæ viæ quasi viæ rectæ, & quasi tandem peruenturi sint; Quis autem medicus volens sanare ægrotum, faciet secundum concupiscentias ægrotantis, & non secundum quod aptum est medicinæ? Hæc Irenæus. *Montes, excelsi cervis,* quia qui alacritate

A a a ij critate

critate spiritus præditi more ceruorum venena deuorare absque nocumēto potuerunt, ad diuinarum rerum considerationem mentes suas sublimium rerum participatione reficiendas attollunt. *Petra*. i. Christus secundum humanitatem *refugium herinaceis*: Herinaceus paruum est animal fugax & spinarum sentibus prægrauatum, inquit Hieron. Per quod significantur homines mente paruuli, peccatis onerati, atque damnationis metu timidi. Qui vt metu atque onere suo soluantur, ad humanitatem & passionem Christi confugiunt. Hec est enim quæ paruulos & peccatores suo sinu principiò excipit, & postmodum corroboratos & expiatis ad suæ diuinitatis contemplationem attollit.

*Hier. epist.
8. cap. 5.*

20. *Fecit Lunam in tempora*. i. vt secundum incrementum & defectum mutaretur per tempora: Vel, vt per cursum Lunæ computarentur tempora. Quod nunc quidem extra vsum est, olim autem Hebræi menses suos secundum Lunæ cursum computauerunt. Vnde & tertio quoquo anno habuerunt annum tredecim mensium. *Sol cognouit occasum suum*: Sol enim non mutatur, sed occumbendo aspectibus humanis subducitur. Quo subducto,

21. *Posuisti tenebras & facta est nox, in ipsa pertransibunt oēs bestię siluæ,*

22. *Catuli leonum rugientes vt rapiant, & quærant à Deo escam sibi.* Dicuntur à Deo quærere, quia tametsi Deum præ oculis non habeant, escam tamen nisi providente Deo non possunt accipere. Per noctem D. Augustino significatur potestas tenebrarum diabolo facta, vt tentationibus pulset vel exagitet nos: Ipse autem accepta hac potestate, quærit à Deo escam sibi, quia neminem potest superare, nisi qui à Deo dignus iudicetur qui tradatur, inquit Augustinus, deuorandus in fauces tam crudelis inimici. D. Hieronymus verò per huius loci noctem illud tempus intelligit, in quo dormiunt pastores ecclesiarum (qui enim dormiunt, nocte dormiunt) Ipsis enim dormientibus, omne genus vitiosorum hominum, per bestias siluæ significatum ad malefaciendum exurgit. Qui non incommodè dicuntur hunc cibum à Deo quærere, quia nō possunt plus mali exercere, quam Deus ipsis permittit. Præter hoc tamen significatur hic & alia nox, quæ obuēnit menti humanæ cum lumen & feruor diuinæ gratiæ incipit in ea Deo permittente occumbere & flaccescere: Qua nocte posita, statim insanientes bestię malarum cupiditatum, (vt eas Cyprianus in Psal. 100. allegatus appellauit) incipiunt velut ex latebris quibusdam prodire, & in congrua sibi efferuiscere opera.

*Serm. 157.
de tempore*

*Hiero in c.
34. Ezech.*

23. *Ortus est Sol & congregati sunt, & in cubilibus suis collocabuntur.* Feræ enim exoriente sole antra sua repetunt. Dæmones Christo, manifesto aliquo iudicio, vt D. Antonio contigit, vel in signo sanctæ crucis, Imò in inuocatione sui nominis apparente, fugiunt. Disciplina euigilante, malefici malitiam

malitiam suam cohibentes eam intro in corda sua recipiunt, sicut scriptum est; Ponens in thesauris abyssos, quia Deo Ecclesiæ disciplinā resuscitante, mali, profundi sui cordis malignitatem intra semetipsos concludunt. Denique, gratia Christi refloriente, cupiditates à motibus suis requiescentes se in intimas animæ latebras denuo abdunt.

Exibit homo ad opus suum, & ad operationem suam usque ad vesperam. i. 24.
Exoriente sole resumuntur ab agricolis intermissa opera, Resurgente disciplina, officium legitimum repetit aut resumit Respublica; Resurgente gratia, reuiuiscunt virtutum opera. Hæc omnia tam quoad literam quàm quoad mysterium perspecta habens Psalter præ admiratione exclamat

Quam magnificata sunt opera tua Domine, Quia ita magnus es in operibus magnis, ut minor non sis in minimis. Ars enim diuina in suo quæque genere perficiendo ubique perfecta est, inquit Augustinus. *Omnia in sapientia fecisti.* i. In coæterna tibi sapientia omnia non nisi sapienter disposuisti & congruentissimè. Vbi notat Ambr. hic non dici sapientiā fecisti, sed *omnia in Sapientia fecisti.* Si enim, inquit, cum omnia in Sapientia facta sunt, etiam ipsa Sapientia facta est; iam Sapientia deterioris conditionis esset quam reliqua, quia reliqua in Sapientia facta sunt, & proinde sapienter; Ipsa autem Sapientia fieri non potuit in Sapientia, quia nihil potest fieri in seipso. *Impleta est terra possessione tua.* i. Reple tu præsentia essentia tuæ omnem terram, & sic quasi possides eam Vel, Repleta est terra rebus, quæ ratione creationis possessio tua sunt. 25.

Aug. 21. cō.
Fausl. c. 1.
Tertul. de
anima c. 10
Ambr. of. 3.
de fide c. 3.

Hoc mare magnum & spatiosum manibus. Multi enim sunt sinus & velut brachia maris. *Illic reptilia.* i. pisces per mare quasi repentes, quorum non est numerus. 26.

Animalia pusilla cum magnis illic naues pertransibunt. Hoc etiam ad Dei magnificentiam atque adeo laudes eius refertur, Naues enim artifex sapientia fabricauit sua, tua autem, inquit Sapiens, pater gubernat prouidentia, quoniam dedisti & in mari viam & inter fluctus semitam firmissimam, ostendens quoniam potens es ex omnibus sanare, etiam si sine rate aliquis adeat mare, sed ut non essent vacua sapientiæ tuæ opera, propter hoc exiguo ligno credunt homines animas suas, & transeuntes mare per ratem liberati sunt. 27.

Sapien 14.

Draco iste quem formasti ad illudendum ei, Leviathan est cetus maximus cui à piscibus illuditur, quia dum eius ingluuiem fugientes ad littus se recipiunt, ipse eos eousque insequendo impingit in littus, & à piscatoribus capitur. *Omnia à te expectant, ut des illis escam in tempore.* Nihil enim horum escam accipit nisi te donante. 28.

Dante te illis colligent: Aperiente te manum tuam, omnia implebuntur 29.

A a a iij lonita-

Isaia 27.
Aug. 11. de
Ciuit. 6. 17

bonitate, quia te eis escam conuenientem donante nutriuntur, refocillantur & conseruantur in bono suæ naturæ. Porro sicut *mare* sæculum significat, ita draco iste vel Leviathan significat diabolus & angelos eius, iuxta Isaia, & Augustinum. Quem cum Deus bonum creauerit, & ordinauerit ad vitam æternam, dicitur tamen eum formasse ad illudendum ei, quia cum eum ad vitam æternam conderet, future eius malignitatis, inquit Aug. non ignarus, per suam præscientiam simul præparabat Deus, quomodo eo vteretur & malo: Neque enim Deus, ait cap. sequenti, vllum, non dico angelorum, sed nec hominum crearet, quem futurum malum esse præscisset, nisi pariter nosset quibus eos bonorum vñibus accommodaret: atque ita ordinem sæculi tanquam carmen pulcherrimum ex quibusdam quasi antithetis, quæ Latinè dicuntur opposita, honestaret. Hæc Augustinus. Illudatur autem huic draconi, cum tentationes eius profunt Sanctis, quos per eas deprauare conabatur, inquit idem: *Omnia à te expectant, ut des illis escam in tempore*. Quia nec diabolus (qui ob id quod tentationibus pascitur, ab Apostolo Paulo is qui tentat vocatur) aliquem tentare posset, nisi à Deo acciperet facultatem. Quod Augustinus frequentissimè demonstrat ex eo quod sibi petiuerit Iob concedi ad affligendum. Tamen si autem hoc quod dicitur: *omnia à te expectant*: & quod sequitur, *dante te illis colligent*; tam literæ quàm mysterio competat, id tamen quod sequitur, *Aperiente te manum tuam, omnia implebuntur bonitate*, rei figuratæ non cõpetit: Non enim bonitate repletur draco per id quod ei ad libitum tentare permittitur, & quos superauerit, deuorare. Nihilominus, Deo manum aperiente ad naturam draconis huius conseruandam, & ipse à Deo impletur bonitate, quia vt natura diaboli bona est, ita & bona est nature diabolice cõseruatio.

30.

Auertente autem te faciem. i. te prouidentiam tuam circa ea quæ creata sunt contrahente, *turbabuntur*. i. pacem appetituum suorum naturalium habere non poterunt, quia necessario sibi nutrimento destituentur. *Auferes spiritum eorum*. i. non conseruando, spiritum eorum vitalem marcescere facies atque intermori, & *deficient*. i. in mortem deuenient. Ne autem putarentur in nihilum redigendi, subiicitur: *Et in puluerem suum reuertentur*; quia materia ex qua sunt, redibit ad id vnde formata erat; non enim decet Deum aliquid in nihilum redigere. Permittit autem Deus ea quæ creauit emori, pro rerum gradibus, ait Augustinus, aut meritis animarum. Irrationalia itaque moriuntur, quia naturæ eorum non sunt tam præstantes vt conueniat eas esse immortales: Homines verò quibus ob animæ rationalis præstantiam conuenit totius compositi immortalitas, permittit Deus mori in vindictam peccati. Sed quia creaturis decedentibus aliæ eiusdem speciei succedunt, quamdiu stabit hoc sæculum, subiungitur:

Aug. 12. 41
cont. epist.
fundam.

Emitte

Emitte spiritum tuum & creabuntur, in sui similibus siue alijs eiusdem speciei indiuiduis. *Et renouabis faciem terræ*. i. mundi pulchritudinem per interitum multarum rerum collabentem, consimilium rerum iugi creatione instaurabis. Vbi notandum est, quod cū spiritus nomine intelligatur Angelus, Anima, tam brutorum quā hominum, (quis enim scit si spiritus filiorum horum ascendat sursum, & spiritus iumentorum descendat deorsum?) & etiam Ventus, hoc loco spiritus nomine, teste diuo Ambrosio, non sit intelligendus nisi Spiritus sanctus. Idque, non tam quia dicitur *spiritum tuum*; cū etiam creati spiritus suo modo spiritus Domini sint, sed quia additur: *& creabuntur*: Creatio enim non nisi per Spiritum sanctum fieri potest. Voluit autem Psaltes Spiritus sancti mentionem hoc loco adducere, vt ex eo quod à principio Psalmi Deum est allocutus; Deinde, fecit mentionem filij; Nunc demū Spiritus sancti doceret omnia hæc opera in quibus Deum prædicat esse vehementer magnificatum, vno opere S. Trinitatis perfecta esse, & etiamnum perfici ac restaurari. Ob quam causam & teste Augustino, postquam in Genesi dictum est, In principio. i. filio suo, creauit Deus cælum & terrā; paulò post additur, Vidit Deus; Quibus verbis indicatur diuinæ operationis cōsors esse Spiritus sanctus. Porro D. Basilii ex hoc versu probat resurrectionem mortuorū fieri per Spiritum S. Videtur enim id quod dictum est, *Auferes spiritum eorum & deficient*, de hominum morte intellexisse. D. verò Augustinus hunc versum cum præcedentibus putat melius intelligi spiritualiter. In quem sensum etiam Ecclesiastice eo utitur, idque hoc modo: *Auferes*, per gratiam tuam, *spiritum* superbiorum, qui tum *in puluerem suum reuertentur*, quia ablata superbia agnoscunt quod sint puluis & cinis, & semetipsos arguendo dicent; Quid superbit terra & cinis? Accepto verò Dei spiritu *creabuntur* in nouum hominem & dicent; Viuo iam non ego, viuit vero in me Christus. Sic, inquit, innouatur facies terræ per noui testamenti gratiam numero sitate, & noua, inquit, ac insolita conuersatione sanctorum.

Sit gloria Domini in sæculum. i. glorificetur Deus in suis operibus in sæculum. *Lætabitur Dominus in operibus suis*. i. videbit Deus opera sua quod sint bona, & approbabit ea. Deus enim de operibus suis alia ratione non lætatur. Quapropter August. referens Platonē dixisse, quod Deus post rerum omnium creationem gaudio elatus fuerit, dicit eundem non vsque adeo desipuisse, vt putauerit Deum sui operis nouitate factum beatiorē: Sed illis verbis, inquit, ostendere voluit Plato, artificii suo placuisse iam factū, quod ante placuerat in arte faciendum. Quanquā D. Atha. Deo gaudium de creaturis suis tribuere videatur, scilicet hætenus, quia gaudet suam in eis voluntatem esse impletam, vt in Psalmum 59. ex D. Thoma diximus.

Qui re-

31.

Ambr c. 16
de Naz &
arcs.

Aug. 11. de
Cini. c. 32.

Bas ep. 141

Aug. 10 de
Gen ad lit.
cap. 8.

32.

Aug. 11 de
Cini. c. 21.

33. *Qui respicit terram & facit eam tremere.* i. solo nutu suo ciere potest terræ motum. *Qui tangit montes & fumigant.* Impletum est hoc in Sina, qui sumabat totus cum Dominus in eum descenderet. Psalter verò postquam optauit Deum in suis operibus in sæculum glorificari, nunc suam erga Deum deuotionem exponit, & de semetipso dicit:
34. *Cantabo Domino in vita mea.* Et in laude ac gratiarum actione, *psallam Deo meo quamdiu sum.*
35. *Iucundum sit ei eloquium meum.* Sed quia Deus sua beatitudine plenissimus, nostra laude oblata sibi delectari propriè non potest, Psalter quasi corrigens id quod dixerat, iucundum sit ei eloquium meum; addit: *Ego verò delectator in Domino.* q.d. quid ego dico, iucundum sit ei eloquium meum; cum ipse semetipso plenus sit, Itaque si eloquium meum aliquid, quod delectabile sit in medium adferre potest, id delectabit & facit me cum mei similibus delectari in Domino. Quia verò opera Dei hactenus ad litteram enarrata, etiam peccatorum vñibus deseruiunt, ne vñs ille putaretur fore perpetuus, addit Psalter:
36. *Deficient peccatores à terra & iniqui,* quia terra à suis, quas ab ijs patitur, contumelijs aliquando vindicabitur & purgabitur. *ita vt non sint.* i. vt nihil terrenæ sclicitatis eis tum adhæreat. Quod quia Deus iusto suo exequitur iudicio, pro hoc Dei iudicio, *Benedic anima mea Domino.*

PSALMVS CIIII.

Alleluia.

Psalms conscriptus est in laudem Dei, quem præcipuè laudat à fide, qua tantopere implet promissa, vt ea de causâ ingentia & mirabilia portenta varijs in locis præstiterit. Laudat eum simul à dilectione qua Patres Abraham, Isaac & Iacob, tam ardentèr complexus & tanto studio profecutus est, vt in eis locū habere videatur illud Prophetæ, Qui tangit vos, tangit pupillam oculi mei. Hic enim declaratur quod Deus eos circumducendo, custodierit vt pupillam oculi sui: Quodque eos in eo habuerit pretio, vt eorum causâ putauerit sibi ne regibus quidem esse parcendum. Quem quidem Psalmum conscriptum esse putamus, primariò, vt populus Israel iam terra promissionis potitus, per eum informaretur ad laudem Dei, Præter eum verò omnes etiam Christiani, tum, quia ex ijs quæ hic Patribus exhibita referuntur, manifestatur fides qua Deus tempore noui testamenti electis suis implet promissa; & simul dilectio qua in eos propendit quantoque eos habeat in pretio: Tum etiam quia per ea quæ hic narrantur, iam ab illis temporibus præparabatur Ecclesia, cuius vnitæ & gloria nos in præsentì tempore fruimur & lætamur.

Confi-

Confitemini Domino & inuocate nomen eius, annunciate inter gentes opera eius. Fecerat enim Deus Patribus quæ hic referuntur magnalia, vt faceret sibi nomen, & his stupendis operibus per Gentilitatem peruulgatis, gentes (quas ne illis quidem temporibus sine sui testimonio reliquit) ex illis Dei veri nonnullam notitiam conciperent, & erga eum reuerentiam.

Cantate ei & psallite ei, narrate omnia mirabilia eius. Hoc cum versu precedenti eodem pertinet.

Laudamini in nomine sancto eius. i. laudi vobis est quod appellemini populus Dei & Deus verus in medio vestrum sit: Hoc enim nomine glorificamini (vt futurum augurabatur Moyses) ab omnibus gētibus. Populorum siquidem alij in curribus, alij in equis, vos autem in nomine Dei vestri magnificamini. Vos itaque gloriam hanc vestram in Dei laudem & glorificationem conuertite. *Latetur cor quærentium Dominum.* Quærentium dicit, non inuenientium, inquit August. Cū enim certum sit Deum se præbere inueniendum quærentibus se, (non enim dixi Iacob, inquit Isaias, frustra quærite me) quicumque Deum quærit, is in spe inueniendi iam debet gaudere.

Quærite Dominum & confirmamini. i. nolite quærendo fatigari aut deficere, sed in quærendo fortiter persistite. Vel, *Confirmamini.* i. quærendo Deum ab ipso roboramini. Ipsum enim quædere Deum, quoddam à Deo inditum robur mentis est, quanto magis inuenire! *Quærite faciem eius.* i. præsentiam eius, quæ per illuminationem vultus sui super vos, vobis præsens & in vobis sit semper. Dicit semper, quia Deus, vt inueniendus quærat, occultus est, inquit Aug. & vt inuentus quærat est immensus. Non ergo dictum est, quærite faciem eius semper, quemadmodum de quibusdam dicitur, semper discētes, & nunquam ad scientiam veritatis peruenientes, sed potius sicut ille ait, Cū consummauerit homo, tunc incipiet; Quia quantumcūque multa repererit homo, semper inueniet sibi superesse quod quærat, vel in qua proficiat. Deus enim, vt docet Irenæus, semper habet & plura metiri domesticis, & proficiente eorum erga eum dilectione, plura & maiora donare. Et alibi. Quemadmodum Deus semper idem est, sic homo in Deum intentus semper proficiet ad Deum. Neque enim Deus cessat ali-

quando in benefaciendo & locupletando semper quærentem.
Mementote. i. ad memoriam reuocate mirabilia eius quæ fecit. Patribus, Moyse, & populo eius, *Prodigia eius,* in exitu Israel de Aegypto facta, & *iudicia oris eius,* quæ ipse vel per se dixit corripiendo, arguendo, increpando, Laban, Abimelech regem Geraræ, & regem Aegypti. Vel, quæ per Moysen in Pharaonem exerceri ore suo ipse mandauit. Hæc inquam ad memoriam reuocate o vos qui estis

6. *Semen*. i. posterī fide & carne *Abraham*, & vt *Abraham*, estis *serui eius filij Iacob electi eius*. i. qui, vt *Iacob*, estis electi Domino in populum peculiarem, vel, qui ad electionem quæ in *Iacob* manifestari cepit, pertinetis.
7. *Ipse Dominus Deus noster*. i. ipse idem Deus *Abraham*, *Isaac* & *Iacob* etiam Deus noster est, & qualis erga illos fuit, talem quoque se nobis exhibet. *In vniuersa terra iudicia eius*. q. d. tametsi non sit Deus omnium, per misericordiam, est tamē Deus vniuersæ terræ exercendo in ea iudicium & iustitiā. Vel, *in vniuersa terra iudicia eius*, quia iudicia quæ exercuit in eos qui *Abrahā*, *Isaac*, *Iacob*, & electo populo eius aduersati sunt, fama peruulgante, ad vniuersæ terræ notitiā peruenerunt. Confitemini verō ei, quoniā
8. *Memor fuit in sæculum testamenti sui*. q. d. quantumuis inter promissionem ad patres nostros factam & eius effectum, multa intercesserint tempora multæque difficultates quæ effectui videbantur obstaculum obijcere, nunquam tamen eum promissi sui vllō vnquam tempore cepit obliuio. Et, quod idem est, memor fuit *verbi quod mandauit in mille*. i. omnes omninō, inquit *Augustinus*, *generationes*. Mandauit enim, vt dicta sua promissio, tanquam per quam fidem suam aliquādo testatam facere vellet, ad omnium generationum deueniret cognitionem, vt ex eo omnes discerent quod ipse quam beneuolus est in promittendo, tam potens & fidelis sit in præstando. Sed quibus dictum testamentum aut promissio facta est?
9. *Quod disposuit ad Abraham*. Disposuit, inquit, quia promissionem, de qua hic sermo, Deus *Abrahæ* primo detulit. *Et iuramentum sui ad Isaac*. Iuramentum enim ad *Abraham* factum etiam coram *Isaac* Deus repetiuit.
10. *Et statuit illud Iacob in præceptum*. i. confirmauit idipsum iuramentum *Iacob* in promissionē inuiolabilem. Dicitur enim alicui quid statui in præceptum quod ei sic præfinitur, vt non liceat ei idipsum præuaricari. *Et Israel*. i. eidem *Iacob* qui & *Israel* dictus est, *in testamentū æternū*. i. in promissionem effectu suo nunquam fraudandam. Quocirca etiā Dominus per scripturas sacras frequēter declarat se populum *Israel* in terram promissionis introduxisse, vt compleret pactum quod pepigit cum *Abraham*, *Isaac* & *Iacob*. Verba autem dicti testamenti quod disposuit ad *Abraham*, hæc erūt:
11. *Tibi dabo terram Chanaan, funiculum hereditatis vestræ*. i. sorte in successores vestros diuidendam ac distribuendam: *Quæ promissio patribus istis facta est*,
12. *Cū essent numero breui*. Nondum enim excreuerant in gentē aliquam, & qui de illis erant geniti, pauci erant numero, *paucissimi* *et in ola eius*. i. peregrini terræ *Chanaan*. Noluit autem Dominus terram promissam ipsis concedere, sed voluit eos multis laboribus variisque peregrinationum casibus exerceri, vt peculiarem suam circa fideles suos curam, protectionem atque

atque providentiam, illis per quas transibant, atque apud quas diuersabatur gentibus manifestaret, laboremque peregrinationis ipsorum prouentu diuinæ suæ protectionis eis abunde compensaret.

Et pertransierunt de gente in gentem. Cum enim perambularent peregrini vniuersam terram Chanaan quam septē diuersæ gentes inhabitabant, necesse erat eos nunc Iebusæorum nunc Phereæorum, nunc aliarum nationum ferros mores & inhospitalitatem experiri. *Et de regno ad populum alierunt.* Quia peregrinati sunt vsque in Ægyptum, Geraram & similia regna à regnis Chanaan distincta. Inter has autem peregrinationes varijs periculis & casibus obnoxias,

Non reliquit hominem nocere eis, & corripuit pro eis reges, Ægypti & Geraræ, qui malum meditabatur vxoribus eorum. Hoc ergo cum Emphasi legendum est, vt aduertatur eos Deo tantopere curæ fuisse, vt propter eos ne regibus quidem pepercerit. Correctionis autem verbum erat hoc,

Nolite tangere. i. lædere, inquit Aug. *Christos meos.* i. electos istos meos, spiritu meo vnctos. Ex quo loco colligit D. Cyr. Christi appellationem Emmanueli non soli cōpetere. De electis namque, inquit, & per spiritū sanctificatis alicubi dicit Deus, Ne tangite Christos meos, & cōtra prophetas meos ne agatis malitiosè. Præterea & diuinus Dauid Saulem in regem à Deo per manum Samuelis vnctum, Christum Domini vocauit. Et post pauca. Itaque cognomē hoc Christus Emmanueli, vt dixi, nec soli nec propriè competit, sed & alijs omnibus quotquot Spiritus sancti gratia sunt inuncti. Ab ipsa namq. re deducta est hæc vox, & ab vngendo dicti sunt Christi. Hæc Cyrillus. Ex quibus docet licere quidem, sed ad veritatis plenam notionem atque confessionem nō sufficere si appellaueris B. Mariam semper virginem Christiparam, quia non aberrauerit, inquit, à vero quisquam, si reliquorū, qui Spiritu sancto in utero repleti sunt, v. g. Ioānis Baptiste & Ieremiæ matres Christiparas vocauerit: nihil enim erit, inquit, absurdū si quamuis vnctorum matrem Christotocon appellare volueris. Si ergo B. virgo Maria Christipara solummodo appelletur, quid amplius ei quam Elizabeth cognatæ eius, & matri Ieremiæ prophete tribuitur? Cum tamen ipsa non nudum, sed in Deum vnctum, atque adeo Deum Verbum quod ex Patre processit incarnatū pepererit, profectò ad plenā, claram & integram veritatis notionem & nostræ fidei confessionē oportet, inquit, eam Christiparā simul & Deiparam esse intelligas & dicas. Nec huic luculentissimæ doctrinæ D. Cyrill. repugnat Canon Cōc. Constantinopol. Non enim Cōcilium simpliciter vetat B. Mariā appellare Christi genitricē, sed prohibet illā nomenclaturā si tribuatur B. Mariæ cū exclusionē & in fraudē nomenclaturæ

13.

14.

15.

Aug. 17 de
Crist. ca. 9.
Cyr. epist. 1.

Conc. Con-
st. 5. can. 6

Bbb ij potio-

potioris, v.g. Deiparæ, si quis, inquit, B. Mariam appellauerit Christi genitricem, vtpote Christo non existente Deo, Anathema sit. Quod Anathema certissimè euadit qui cum D. Cyrillo eam appellauerit Christiparam simul & Deiparam. D. tamen Augustinus putat veteres Christos dictos esse, quia iam ante Dominicam incarnationem per fidem Christi venturi Christiani erant; vt hic sit quædam imperfecta origo nominis Christiani. Optatus autem Mileu. per Christos hoc loco intelligit vnctos chrisinate vel oleo sacramenti ordinis, quos ex hoc loco, quamuis non satis efficaciter, colligit non esse tangendos. i. potestate Ordinis (quod frustra conabantur Donatistæ) spoliandos. *Et in prophetis meis.* i. in ijs qui gerunt figuram futurorum, eamq; factis præ se ferunt, *Nolite malignari.* i. mala machinari. Quæ diuinæ correptionis verba frequentius non per Dei aut prophetæ alicuius vocem, sed per tacitam Dei operationem audita sunt. Agebat enim Deus in cordibus alienigenarum, inquit Prosper, vt electi manerent illæsi. Proinde *nolite tægere Christos meos*, Deus subinde eo sermonis genere dixit, quo præcepit pisci vt deglutiret Ionam.

D. Prosper. in
hunc locum

16. *Et vocauit famem super terram.* i. disposuit vt sterilefcerent agri, & penuria frugum hominibus famem induceret. Hoc pænæ est, & ob id à Deo. *Et omne firmamentum panis contriuit.* i. omnem cibum qui cor hominis confirmare posset, deesse fecit. Sed huic malo diuina prouidentia ex alia parte non defuit, quia,

17. *Misit ante eos virum, in seruum venundatus est Ioseph,* Deus enim malo fratrum Ioseph bene vtendo, præmi sit eum in Ægyptum, vt futuræ fami occurreret. Sicut & ipse dicit, Non vestro consilio, sed Dei voluntate huc missus sum, vt seruemini super terram. Qui vt aduersitatibus plus exerceretur, & Deus prouidentia suæ dispositionem in re penè desperata erga eum præter expectationem magnificaret, impleturque in eo quod scriptum est, quod de carcere catenisque quis egrediatur ad regnum; ideo permisit Deus fieri quod sequitur:

Ecclis 4.

18. *Humiliauerunt in compedibus pedes eius.* i. in subterraneo carcere eum compedibus strinxerunt. Quod ne Ioseph absque animi sui dolore passus esse videatur, subiicitur, *Ferrum compedum pertransiit animam eius.* i. acerrimum dolorem animo eius intimè infixit. Quod etiam B. Mariæ euentum fuisse per similia verba prophetauit Simeon. Id autem, *donec veniret verbum eius.* i. donec re ipsa impleretur, imò iam aliquamdiu impletum esset quod de restituendo pincerna prædixerat. Ne autem Ioseph putetur nudam solummodo prophetiæ cognitionem habuisse, vt Balaam, qui de semetipso dicit: Dixit auditor sermonum Dei, non enim erat eorundem factor: Ideo subiicitur:

Eloquium

Eloquium Domini inflammavit eum, quia verbum Domini fecit eum spiritu sententem, quales nos omnes esse voluit Apostolus: Qualis & erat Apollo qui feruens spiritu loquebatur ea que erant Domini Iesu. Misit rex & soluit eum, princeps populorum & dimisit eum.

19.

Roman 12.
Actū 18.

Constituit eum dominum domus sue, & principem omnis possessionis sue.

20.

Ut erudiret principes eius sicut semetipsum, & senes eius prudentiam doceret. Quod tamen si Pharaon in intentione non habuit, id tamen re ipsa euenit. Qui enim fieri posset, ait Augustinus, ut vir tantus vnius Dei cultor solis terrenis rebus prospiciendis esset intentus, non autem curaret ut eorum quos habebat subditos etiam animos erudiret? Rebus itaque per prauitiam Dei prouidentiam hoc modo preparatis,

21.

Et intravit Israel in Aegyptum, & Iacob accola fuit in terra Cham. i. Aegypti: Aegyptij enim ex Cham filio Noë prognati sunt.

22.

Et auxit populum suum vehementer, Deus dicitur populum auxisse, quia fecunditas nuptiarum Dei munus est. & firmavit eum super inimicos eius. i. Aegyptijs, qui pristinorum beneficiorum obliti maleuolum animum in Israël induere ceperant, fortiolem fecit. Vnde & Pharaon dicebat: Ecce populus filiorum Israël multus est & fortior nobis. Et quæ huius malevolentiae causa?

23.

Conuertit Deus, cor eorum ut odirent populum eius. Quod Deus fecisse dicitur, non corda eorum deprauando, sed populo suo beneficiando. Deus enim, inquit Augustinus, cor Aegyptiorum sponte malum, conuertit in odium: Non enim Deus cor rectum peruertit, sed sponte peruersum in odiū populi, ubi eo malo bene vteretur, conuertit; non illos malos faciendo, sed istis bona quibus mali facillimè possent inuidere, largiendo. Hac August. Et dolum fecerent in seruos eius. Dixerūt enim Aegyptij, Sapienter opprimamus Israël, dolum & astutiam suam sapientiæ nomine palliantes. Populo autem in hac necessitate constituto, iterum per magnificam prouidentiam subuenit Dominus, quia

24.

Misit Moysen seruum suum, Aaron quem elegit ipsum.

25.

Posuit in eis verba signorum suorum, & prodigiorum in terra Cham.

26.

Misit tenebras & obscurauit, & non exacerbauit sermones suos.

27.

Conuertit aquas eorum in sanguinem, & occidit pisces eorum.

28.

Edidit terra eorum ranas, (rana autem est loquacissima vanitas, inquit Augustinus) in penetralibus regum ipsorum.

29.

Dixit & venit cenanovia, & cinifes in omnibus finibus eorum.

30.

Posuit pluuies eorum grandinem, ignem comburentem in terra ipsorum.

31.

Et percussit vineas eorum & ficulneas eorum, & contriuit lignū finium eorum.

32.

Dixit & venit locusta & bruchus, cuius non erat numerus.

33.

Bbb iij — Et co-

34. *Et comedit omne fœnũ in terra eorũ, & comedit omnẽ fructũ terræ eorũ.*

35. *Et percussit omne primogenitum in terra eorum, primitias omnis laboris eorum.* De quibus omnibus plagis dicitur quod Deus in Moyse & Aaron posuerit verba signorum suorum & prodigiorum, quia omnia verba, quibus se plagas magnis signis ac prodigijs immisuros, aut etiam ablaturos prædicebant, si non sua præsumptione, sed diuina iussione prompserunt. Quapropter etiam minæ, & promissiones eorum non fuerunt inanēs: Deus enim deesse potest humanæ temeritati aut præsumptioni, suæ autē iussioni non potest. Propter quod etiam Elias celestis incendij miraculosum illapsum efflagitans, Iuxta præceptũ tuum, ait, feci hæc omnia; quia iuxta præceptum Dei publicum vel priuatum quidpiam cepisse, non permittit institutum debito effectui fraudari. Itaque Christiano & præsertim ijs qui præfunt curandum est, vt omnis eorum operatio Deo inspirante prius incipiat, vt quod per eum ceptum fuerit, per eum & feliciter finiatur. D. tamen Augustinus per verba signorum ipsa signa intelligit, addens signa verba appellari, quia præter res gestas, aliquid spiritualis rei significabāt tanquam quædam visibilia verba.

36. *Et eduxit eos cum argento & auro.* Hæc populo concessit in mercedem præstitæ seruitutis, vt ex traditione maiorũ suorum se sentire ostendit Irenæus: Cui etiam consentiunt doctores alij. Subdolum autem illum postulandi & accipiendi modum infirmitati populi Israelitici indulsit Deus. Populus enim desperasset se alia ratione potuisse obtinere ea quæ iubebatur à populo petere. Non itaq; deceptor Deus, inquit August. quod credere nefarium atque impium esse, quis non intelligat? sed est meritorum & personarum iustissimus distributor, faciēs quædam per seipsum quæ illo solo digna sunt, alia per seruientem sibi creaturam, integerrimis legibus pro meritis ordinatam; quædam eorum iubens, quædam permittens. Et quibusdam interiectis: Non ergo mirum, si hostem decipi dignum decipere iussi, aut permisi sunt, qui erant adhuc digni hostem decipere. Hæc Augustinus. *Et non erat in tribubus eorum infirmus.* Ex quo animaduertere datur promissionem Exodi 15. Si custodieris omnia præcepta illius, languorem quem posui in Ægypto, non inducam super te; à Domino impletam esse ex sua in populum misericordia, eo quod ipsi conditionem, sub qua promissio facta est, non impleuerint.

37. *Latata est Ægyptus in profectione eorum, quia in: ubuit timor eorum super eos.* Dixerunt enim, Omnes moriemur.

38. *Expandit nubem in protectionẽ eorum, & ignem vt luceret eis per noctẽ.*

39. *Petierunt pij qui erant in populo, vt Deus daret carnes, in hunc finem vt cõpesceret murmur carnaliũ; & venit coturnix, & panem cali saturauit eos.*

Dirupit

Diripit petram & fluxerunt aquæ, abierunt in sicco flumina.

40.

*Quoniam memor fuit verbi sancti sui, quod habuit ad Abraham puerum suum. Dixerat enim Abraham, Generatione quarta reuertentur filij tui huc. Et ad Iacob, Suscipiam te huc reuertentem. Fecit itaque hæc Deus ut imple-
ret verbum suum, & non ob populi merita.*

41.

*Et eduxit populum suum in exultatione, & electos suos in letitia. Gau-
debant enim carnales illius populi se liberatos esse à seruitute Agyptiaca,
spirituales verò se egressos esse de hoc seculo.*

42.

*Et dedit illis regiones gentium, & labores populorum possederunt. i. re-
giones quas populi inde expulsi magnis laboribus cultissimas fecerant. Id-
que non ut Israel otio torperet, & luxu dissolueretur; sed,*

43.

*Ut custodiant iustificationes eius, & legem eius requirant. i. temporali-
bus beneficijs, à Deo deliniti, eidem obedientiam rependant, & procura-
tione rerum temporalium non implicati, legi Dei custodiendæ & opero-
sius exquirendæ feruentius incumbant.*

44.

PSALMVS CV.

Alleluia.

IN præcedenti Psalmo audiuius quot modis Deus electis suis cum omni providentia occurrat, in omni loco, ut inquit Sapiens, assistens eis: Simul etiam audiuius quanto eos in pretio habeat, & quam admiranda faciat in gratiam eorū. In hoc verò Psalmo enarratur Dei misericordia exhibita illis qui in populo Israel præuicatores extiterunt; Misericordia inquam per quam quosdam eorum ad veram penitentiam conuertit, & conuersos in gratiam recepit, Sed & illam quam exhibere non destitit reliquis qui in illo populo Deum ad iracundiam prouocare non destiterunt: Et proinde etiam iste Psalmus in titulum habet Alleluia, pertinet enim sicut prior ad laudes Dei: Qui, sicut præcedens, ab Ecclesia frequen-
tandus est, tū quia per illa quæ in populo veteri gesta sunt, Ecclesia ex tunc præparabatur, sicut scriptum est, Parata est sedes tua Deus ex tunc, tum etiam, quia Dei misericordia, quæ populo veteri hic exhibita esse declaratur, etiam nunc, peccatoribus qui in Ecclesia sunt, siue illis qui à peccatis conuertuntur, siue qui in iisdem, pro dolor, perseverant, à diuina benignitate exhibetur.

*Confitemini Domino quoniam bonus, quoniam in sæculum misericordia
eius. i. nullo vnquam sæculo deest misericordia eius.*

1.

*Quis loquetur potentis Domini, auditas faciet omnes laudes eius? Bo-
na enim, inquit Bernardus, quæ largiri mortalibus non cessat misericors &
miserator Dominus recollere & recolligere omnia, omni homini impossi-
bile est.*

2.

Bern. ser. 11
i. Cantica.

bile est. Vt autem Psaltes diuinorum operum quedam saltem quæ eius proposito conueniant, conuenienter enarter, introducit nunc, loquentes illos qui in veteri populo à peccatis ad Deum per pœnitentiam veraciter conuertuntur, qui eos quibus à primæuæ ætate (vt Isaac, Iacob, Ioseph & similes) in finem vsque in iustitia perstisse contigit, sibi præ oculis proponentes, illosque præ se felices prædicantes, de illis exclamant in hunc modum:

3. *Beati qui custodiunt iudicium.* i. de veritate quam eos tenere oporteat vel exercere, perleueranter benè iudicant, nec circa hanc villo errore, commodo vel beneuolentia in transuersa acti, sententias mutant. *Et faciunt iustitiam.* i. per bona opera exercent inditam sibi à Deo iustitiam, in omni tempore, ita vt nullo vnquam vitæ suæ tempore ab aliquo horum deficient. Hoc autem pœnitentes isti suæ orationi atque secuturæ confessioni principid præmittunt, In primis causa excitandi sibi doloris ac compunctionis; Necesse enim est vt pœnitētes semetipsos eo maiore dolore deplorandos esse sentiant, quò censent stantes plus esse prædicandos. Deinde causa exercenda humilitatis: Cùm enim, teste Cypriano, primum iustitiæ gradum occupet Innocentia, secundum verò Pœnitentia, cùm isti qui iustitiæ statû postliminio ambiunt, stantes præ se prædicant esse felices, hoc ipso ad nuptias regis magni vocati semetipsos in nouissimo loco constituunt, agnoscetes se ad innocentiam quam alij conseruauerunt, gloriam nulla pœnitentia nullivæ eius operibus peringere posse, quia scriptum est: *Æmulator Dominus mundans non faciet innocētem:* Qui enim à peccatis mundatur, innocentiam illius quæ Stantium est, integritatem nunquam consequetur. Isti itaque de quibus loquimur Stantium prædicatione ad pœnitentiā acrius extimulati, & simul ad humilitatem eruditi, iustificationis gratiam etiam sibi à Deo effugitantes, precantur eum in hunc modum:

Cypri de lapsis.

Nabum 1.

4. *Memento nostri Domine in beneplacito populi tui.* i. in gratuita voluntatis tuæ beneplacito, quo omnem populum tuum iustificas, & in eadem conseruas, etiā nostri recordationē admitte, vt nos in eodem beneplacito tuo ad iustitiam præparari, eamque adipisci valeamus. *Visita nos.* i. ipse venito ad iustificandum nos; quod meritò implorant, nemo enim iustificatur nisi Deus ipse ad eum inhabitandum venerit, sicut scriptum est: *Ad eum veniemus & mansionem apud eum faciemus.* In salutaris tuo. i. illius intuitu, quem in salutem humani generis in mundum mittere constituisti. Hoc ergo quod dicunt, *in salutaris tuo*, idem est ac si dicerēt in Christo tuo. Hanc tamen expositionem primo loco nō dedimus, quia explicabamus orationem illorum qui priore tempore salutaris sui claram & per singula expressam notitiam non habebant.
5. *Ad videndum in bonitate electorum tuorum.* i. vt per bonitatem quam electis

electis tuis exhibes, etiā nos te videre possumus, hīc per fidem, postmodum reuelata facie per speciem. *Ad lætandum in lætitia gentis tuæ.* i. vt confortes esse possumus lætitiæ qua exultat gens à te iustificata; hic quidem exultans in nomine tuo tota die, vt in Psal. 88. explicatum est, post hāc vitam verò lætitia illa inenarrabili & glorificata quādo singuli referent finē fidei suæ salutem animarum suarum. Quia verò ne quidem hæc spiritualia bona nostri solummodo boni causa expetenda sunt, sed multo magis ob laudem & gloriam Dei, quam castus amor in primis spectat & appetit, ob id etiam isti pœnitentes idipsum tanquam vltimum suę reconciliationis finem expetentes, subiiciunt, *Vt lauderis cum hæreditate tua.* q. d. Memento nostri & visita nos quidem ad videndum in bonitate electorū tuorum, ad lætandum in lætitia gentis tuæ: Magis verò, *Vt lauderis cum hæreditate tua.* i. vt tu hæreditate tua, siue, eis, quos in æternę beatitudinis hæredes tibi adoptasti, ad te cōgregatis, ab illis & simul à nobis super omnibus bonis eousque nobis pręstitis in æternum lauderis. Veruntamen sicut iustificationem oratio, ita eandem præcedere debet & admissorum peccatorum confessio, hanc proinde pœnitentes superiori orationi adijciunt, & dicunt:

Peccauimus cum patribus nostris. i. peccauimus ipsi, & iniquitatum quas patres nostri admiserunt, ipsi, cooperatione, consensu, imitatione, iniquitatis amore, alijsque modis participes ac rei facti sumus, vt ob id nobis vsurpandum sit illud Tobię, Ne reminiscaris Domine delicta nostra vel parentum nostrorum. Vt autem, quod supra diximus, hīc iterū appareat quam fuerit pœnitentibus semper in vsu, clara, distincta & specifica peccatorum confessio, enumerant nunc pœnitentes consequenter peccata patrū suorum quorum ipsi se reos agnoscebant, & interea simul enarrantes beneficia iisdem patribus à Deo tempore quo peccata illa committebant, præstita, vna & eadem opera peccata, quorum se reos agnoscut per suam ingratitudinem & pertinaciam aggrauant, & Dei, etiam in peccatores benefici, laudes commemorant. Dicunt itaque,

Patres nostri in Ægypto. i. in finibus Ægypti cum eam iam egrederentur constituti, *Non intellexerūt mirabilia tua,* quæ prius in Ægypto præstiteras, plagis eam ad morem tibi gerendum extimulans. Non intellexerunt, inquam, te hæc mirabilia coram ipsis hoc consilio fecisse, vt ipsi postmodum in omnibus periculis, tuæ virtutis ac potentie fidem ac memoriam constanter retinerēt. *Non fuerūt memores multitudinis misericordie tuæ,* qua eos à tot plagis præ omnibus Ægyptijs solos immunes seruaueras. Proinde cū exercitus Ægyptiorum eos iamiam Ægyptū egressos pene cōsequeretur, nec crediderūt te Ægyptijs esse potentiore, nec sperauerūt te sibi fore propugnatorē: ob id ingrato murmure suo & rei minime pœnitendæ

Ccc

pœni-

pœnitentiâ (deplorabât enim se Ægypto esse egressos) quantû in ipsis erat.

8. *Et irritauerunt.* i. ad iracundiam prouocauerunt te, *ascendentes.* i. cû iam iam ascensuri essent mare, *mare rubrum.* Ipse nihilominus longanimis & multum misericors,
9. *Et saluauit eos,* de manu Ægyptiorum persequentium, *propter nomen suum.* i. vt in gratiam & vtilitatem hominum faceret sibi nomen, suamq; bonitatem atque clementiam faceret inter homines prædicari; *Et vt re ipsa atque adeo ad oculum notam faceret* siue demonstraret stultis & tardis corde ad credendum *potentiam suam.* Quæris quo opere?
10. *Et immisso cum fragore vento vchementi increpuit mare rubrum* & vadam eius *exiccatum est,* & *deduxit eos in abyssis.* i. per vada rubri maris *sicut in deserto.* Aruerant enim & dura facta erant per ventum vrentem tota nocte vada Iordanis, vt essent sicut auia deserti.
11. *Et hac ratione saluauit eos de manu odientium.* i. Ægyptiorû odiosè persequentium, & *redemit eos de manu inimici:* Dicit *redemit,* causa iniquâ di latentis mysterij. Dominus enim non liberauit Israël de regione Ægypti pretij commutatione; sed de sæculo, quod spiritualiter est Ægyptus, electos suos pretio sanguinis sui redemit, atque de manu Ægyptiorum, siue de potestate tenebrarum, per baptismum tanquam per mare rubrum traducendo, eos liberauit.
12. *Et Domino imperante & Moyse manum extendente, operuit aqua tribulantes eos.* i. Ægyptios, qui vel sola terrificata sua persecutione non modicam tribulationem animis populi illius inferebant. *Vnus ex eis non remansit.* i. ne vnus quidem cladi superfuit, qui factum posteris nunciaret.
13. *Et, experientia conuicti, ea fide quæ ne tantillum quidem pietatis habet,* quantum vera fides Christianorum malæ vitæ, sed quæ planè eiusdem rationis est cum fide dæmonû, *crediderunt verbis eius,* quibus dixerat per Moysen, Ægyptios quos nunc videtis, nequaquam vltra videbitis in sempiternum. Cû enim viderent Ægyptios mortuos super mare, crediderunt, inquit Exodus, Domino & Moyse seruo eius. *Et laudauerunt laudem eius,* canentes cum Moyse (cecinit enim Moyses, inquit Exodus, & populus) Canemus Domino gloriosè enim magnificatus est, sed id ea laude de qua scriptum est, Confitebitur tibi cû benefeceris ei.
14. *Cito.* i. ob recentis beneficij præsentaneam experientiam repentino aliquo animi motu absque permanente pietatis affectu, ea quæ mox dicta sunt fecerunt; Sed quid? Mox vbi beneficium recens esse desijt, *obliti sunt operum eius,* quia vna cum experientia transit simul accepti beneficij memoria. *Et non sustinuerunt consilium eius.* Consilij namque diuini erat, vt ex eo quod in supradicta rerum difficultate & angustia, auxilium Domini
supra

supra quam credere poterant aut sperare præter omne meritum suum, cum opportunum esset, acceperant, ipsi, tãquam nolentes sua incredulitate & pusillanimitate Domino in posterum (vt in Psal. 6. ex Tertulliano diximus) esse molesti, in quavis superuictura difficultate rerum aut periculorum cum fide & spe diuinũ auxilium, dum in promptu nondum adesse videretur, per patientiam expectarent, agerentque in posterum cum Deo pijs orationibus non incõditis clamoribus, querelis, vel murmurationibus obstreperis, more illorum qui ad humanitatem duri atque ad humilitatem nimis rigidi, inuidia ac improbitate à Deo quasi extorquere volunt quæ cupiunt. Hoc autem Domini consilium ipsi non sustinuerunt. Omne namque consilium de vera virtute, importabile est illis quibus, si quod est onus Domini, per spiritum Christi nondum leue factum est. In his ergo ac similibus peccauerunt in Ægypto patres nostri. Post quæ nihilo meliores facti,

Et concupierunt concupiscẽtiam. i. grandi concupiscẽtia in carnes exarserunt, *in deserto, & tentauerunt.* i. quantum ex ipsis erat, ad iracundiam prouocauerunt *Deum in iniquo*, enormi cupiditate carniũ, fastidio panis de celo, & murmure perquam ingrato. Deus nihilominus

Dedit eis petitionem eorum, & misit saturitatem in animas eorum. dando eis carnes ad satietatem, vt hoc beneficio compesceret murmura eorum.

Et, præter hæc, Core cum ducentis proceribus Synagogæ, populo consentiente, irritauerunt Moysen in castris, vsque adeo vt dicat scriptura, Moyses (audita calumnia hac) iratus est valdè. *Aaron sanctum Domini.* i. cultui Dei per sacram vnctionem dedicatum. Hos enim tyrannidis accusare volebant, eosque in ordinem redigere, & vt nunc hæretici eodem seditionis spiritu imbuti, nullam superiorem potestatem in populo illo agnoscere: Proinde dicebant, Sufficiat vobis quod omnis multitudo sanctorum est, quasi diceret, Sufficiat vobis in eodem gradu esse cum reliquo populo sancto Dei, Cur eleuamini super eos? Deo autem ob Moyfi preces, populo (qua est erga peccatores clementia) parcente,

Aperta est terra & deglutiuit Dathan, & operuit super congregationẽ Abyron, Descenderunt enim isti cum suis viui in infernum damnatorum, inquit Basilus, operiti humo.

Et exersit ignis in synagoga eorum, flamma combussit peccatores, Ducentos quinquaginta viros qui offerebant sacrificium.

Et fecerunt vitulum in Oreb, & adorauerunt, Adorauerunt, inquit, tanquam omnem religionis ordinem circa vitulum obseruantes, Prius enim quam vitulo immolarent, adorauerunt eum, quia adoratio, vt ex Cyrill, in Psal. 94. diximus, ianua est & via ad reliqua seruitutis officia, *Sculptile,* Vitulus ille tametsi fusilis, appellatur *sculptile*, quia fuit è sculptili expressus,

Ccc ij ideo

15.

16.

17.

18.

Basil. hom. 9.

19.

20.

ideo dicit Exodus, quod Aaron formauerit opere fusorio & fecerit vitulū, Oportuit namque ipsum fusilis materiæ exceptorium forma vituli prius inaratum fuisse.

21. *Et mutauerunt gloriam suam.* i. Deum qui per hoc quod eorum Deus esset, summam eis vicissim apud omnes gentes, vt supra diximus, gloriam adferebat, *in similitudinem vituli comedentis fœnum*, ita vt suæ gloriæ loco ne vitulum quidem, sed vituli similitudinem, in summam suam ignominiam, in Deum sibi adoptarint.
22. *Obliti sunt Deum qui saluauit eos, qui fecit magnalia in Aegypto, mirabilia in terra Cham, terribilia in mari rubro*, quia obliti sunt hæc sibi à Deo præstita fuisse, Illa namque similitudini vituli ascripserunt, cū dicerent, Isti sunt dii tui Israel, qui te eduxerunt de terra Aegypti.
23. *Et*, dicendo ad Moysen, Dimitte me vt irascatur furor meus contra eos & deileam eos, Deus *dixit vt disperderet eos*: Idque secisset, si non *Moy-ses electus eius*, quem elegit, inquit Ecclesiasticus, ex omni carne, ita vt nō surrexerit Propheta similis eius quem nosset Deus facie ad faciem, qui & ipso Domino coram declarante, inuenit gratiam coram oculis Domini: Dispersisset itaque eos, si non iste *stetisset in confractione*. i. plaga, quæ Israele planè confringeret, iam iam imminente. Vel, *in confractione vituli*. Moyses namque confracto vitulo ascendit ad Dominum pro populo oraturus, Pertinuit autem ad psaltem hic commemorare quod Moyses in confractione vituli, siue confracto vitulo pro populo orauerit. Euersio namq; sacrilegij poterat preces eius Deo magis dignas facere & magis efficaces. Quod verò scriptura dicit, Deum precibus Moy si placatū fuisse priusquam ipse tabulas ferens de monte descēderet, id per anticipationem dictum est, *In conspectu eius*, deprecaturus enim pro populo ascendit ad Deum locuturus ei facie ad faciem;
24. *Vt auerteret iram.* i. vindictam eius, *ne disperderet eos*. Et quod his amplius est, & *pro nihilo habuerunt terram desiderabilem*, quia persuasi ab exploratoribus, qui non solum pauescerunt cor populi exaggerando vires indigenarum terræ illius, sed etiam terræ detraxerunt apud populum, dicētes: Terra quam circuiuimus deuorat habitatores suos; ipsam terrā promissionis tot nominibus præstantissimā, nullius pretij esse duxerūt, Quantum terræ, tantum ex consequenti detrahentes Domino qui eam magnificè prædicauerat, eamque tanquam sua magnificentia & in populum dilectione (si temporalia spectes) dignam, eis dare promiserat. Quocirca etiam expostulat cum eis Dominus & dicit, Vsq; quo multitudo hæc pessima detrahet mihi? & Caleph atque Iosue hoc animaduertentes; ex aduerso, non solum Domini virtutem, sed etiam terræ præstantiam prædicare ceperunt.

Non

Non crediderunt verbo eius, quo promiserat se introducturum eos in terram manantem lacte & melle, sed vana terricula per exploratores mendaciter proposita, fidem, quam oportuisset promissis diuinis deferre, in eis labefecerunt. *Et murmurauerunt in tabernaculis suis*, Tota enim nocte vociferantes & flentes contra Moysen & Aaron, inquit liber Numerorum, murmurati sunt. *Non exaudierunt vocem Domini*, per Caleph & Iosue vera narrantis, eosque exhortantis ad fidem Deo diuinisque promissis defendendam.

Et eleuauit manum suam super eos, ut prosterneret eos in deserto. Cum enim diceret, Feriam eos pestilentia atque consumam, quid aliud præ se ferebat quam similitudinem eorum qui manum altius erigunt ut fortius feriant?

Et ut deiceret. i. de sublimi loco, in quo populus omnis erat, deiectum, in seruitutem traderet *semen eorum.* i. filios eorum huius murmuris atque infidelitatis per ætatem exortes; *in nationibus gentium, Et dispergeret eos,* i. eorum filios *in regionibus.* i. per circumiacentes regiones distribueret, ut non essent amplius vnus populus: ideo & dicebat Dominus ad Moysen, Te autem, partim extincta, partim dispersa gente hac, ita ut non sit amplius vnus populus, faciam in gentem magnam. Quod ergo Moyses dicit, Ut audiant Ægyptij quod occideris tantam multitudinem quasi vnum hominem, id intelligendum est de multitudine adultorum, qui murmure & sua infidelitate, Dominum ad iracundiam prouocauerant, de quibus paulò post dicit, Vestra cadauera iacebunt in solitudine & filij vestri ingredientur in terram quæ vobis displicuit. Nam cum Dominus eleuaret manum suam ut prosterneret eos in deserto, intendebat filios eorum cladi exemptos, in captiuitatem tradere. Attamen Deus, quoniam in æternum misericordia eius, passus est se etiam hac vice à Moyse exorari.

Et, cum morarentur in Sethim, initiati sunt. i. semetipsos dedicauerunt vel consecrauerunt *Beelphegor* idolo Moabitarum, & comederunt *sacrificia mortuorum.* i. immolata hominibus iam mortuis quos Moabitæ pro dijs colebant, Vel, Dæmonum qui spiritu mortui sunt.

Et irritauerunt. i. ad iracundiam prouocauerunt, *eum in adinuentionibus suis.* i. ijs operibus quæ ex semetipsis & non per Spiritum Domini commenti sunt, & conflauerunt: *Et multiplicata est in eis ruina.* Ceciderunt enim de populo vigintiquatuor millia. Cum verò post tot funera vnus filiorum Israel in conspectu Moysis & multitudinis irreuerenter & impiè intraret ad Madianitidem ut fornicaretur cum ea,

Et stetit Phinees. i. constanter se & fortiter sceleri ne ulterius serperet, opposuit, Virum namque & sceminam in genitalibus locis transodit, & eo facto, inquit August. illum populū, cuius faturus erat maior interitus, quasi virga per-

perculsit, vt animam eius saluaret à morte. *Et zelando Dei legem irā eius placauit, & cessauit quassatio.* i. internecio quæ in populo grassabatur. De qua internecione & clade, tam quæ hoc loco quàm alibi frequenter populo Israelitico obuēnit, cum D. Augustino sentiendum est, tam populo obuēnisse, atq; inflictam esse causa disciplinæ, vt populus malo ad pœnitentiam cōmotus, & in interitum carnis traditus, spiritu saluus fieret in die Domini.

Aug. 22 cō

Fausl. 6. 79

Docet namque August. Moysen cum admissō sacrilegio in aurē vitulum, iuberet quāplurimos occidi & ē medio tolli, animo simul & spiritu pro æterna eorum qui occidebantur salute, Dominū fuisse deprecatur; Putabat namque August. non minus tribuendū esse Moyse populum suum flagrantissima charitate diligenti, quam Manichæi tribuebant D. Thomæ Apostolo, quem fabulabantur Deum exorasse, vt in æternum parceretur illi cui sibi maledicenti in interitum carnis maledixerat. Huc pertinet illud Cyrilli

Orig. in Le

uit. lib. 14.

seu verius Origenis. Mors quæ (veteris testamenti tempore) pœnæ causa inferitur pro peccato, purgatio est peccati ipsius pro quo iubetur inferri. Absoluitur ergo peccatum pro pœna mortis, nec superest aliquid quod pro hoc crimine, iudicij dies, pœna æterni ignis dignum inueniat. Hæc ille. Itaque ne quis arbitretur omnia illa hominum milia, quæ tempore veteris testamenti frequenter simul occisa dicuntur, de morte prima ad secundam transisse, persuasum sibi habeat, illam illius tēporis, vt prima facie apparet, Dei seueritatem, disciplinam fuisse, non solum ad deterrendum, sed etiā ad expiandum: Eamq; delinquentes, cooperante, & ordinariē cōcurrente Dei gratia, primò quidem extimulasse ad pœnitentiam; deinde, vna cum pœnitentia, in necessitate constitutis, expiasse culpam. Hoc factum cognoscimus imminente diluio, nam qui prius increduli fuerant in diebus Noë cū fabricaretur Arca, aduentante diluio pœnitere cēperunt, cepitque ingentis illius gurgitis voragine, & vita & iniquitas eorum iusto supplicio simul absorberi. Quocirca & Christus in inferiores partes terræ veniens eis prædicauit, seu, vt Irenæus legit, euangelizauit, quod est, bonum nuncium futuræ eorum liberationis eis adduxit. Quæ cū ita sint, non leui coniectura utitur schola Theol. cū dicit eos qui in lib. Machab. occisi dicuntur, ante mortem de mortifero peccato, (in quo repertis penes eos idolorum denarijs, paulo ante fuisse comperti sunt) pœnituisse, & mediante pœnitentia dormitionem cum pietate accepisse, Occasione enim imminētis mortis ad pœnitentiam confugere, crimenque morte temporali (præsertim quæ violenta & pœnalis sit) abolere, illo tempore obuium Dei donum erat.

31.

Et opus illud heroicū ex charitate erga Deum & proximū profectum reputatum est ei in iustitiā. i. recognouit illud Deus iusto præmio dignū, eumque ob id, tali præmio esse afficiendum quod perseueraret in genera-
tionem

tionem & generationem usque in sempiternum. Hoc præmium summū fuit sacerdotium, quod concessum est Phynees & posteris eius *usque in sempiternum*: Sempiternum, inquam, quia æternum siue sempiternum in sacris literis, Augustino teste, dicitur tempus diuturnum, cui tamen, tametsi finiendum sit, finis non præfinitur aut ascribitur. Nec id dixit D. Augustinus absque fundamento, Melchisedech namque non aliam ob causam speciem quandam æternitatis in scripturis sacris sortitus est, (Assimilatus enim filio Dei manet sacerdos in æternum) nisi quia dierum eius initium aut finē scriptura non exprimit. Quod autem verba illa, *Reputatum est ei ad iustitiam*, de retributione quę ei facta est, simus interpretati, ad id nos adegit quædam necessitas: si enim quod dicitur, *Reputatum est ei in iustitiam* interpretemur, ut sit sensus, Phynees ex hoc opere coram Deo iustificatus. i. iustitia auctus, iustitia exercitatus, vel iustitię meritis ditatus est; quomodo id declarabitur commodè locum habere *in generatione & generationem*, cū ex hoc eius opere posteris eius nullo horum modorū coram Deo sint iustificati? quia tamen dici potest quod ipse Phynees ex hoc opere coram Deo iustificatus sit, & huius operis quoddam præmium, summum nimirum sacerdotium, in posteros eius transierit; expositioni nostrę & hanc adiicimus probationem, quod reputare seu imputare in scripturis sacris ferè accipitur, ut idem sit quod retributione dignum censere vel retribuere. Nam fides credentis in eum qui iustificat impium, dicitur ei reputari ad iustitiam secundum propositum gratiæ Dei, quia fides qua quis credit se, non nisi Dei dono ex impio fieri posse iustum, adiuncta sibi fidei deuotione siue Dei iustificantis inuocatione, & obtinendę iustitię spe, censetur à Deo digna, cui tribuatur ipsa iustitia; non quidem per æquivalentiam, sed secundum propositum gratiæ Dei, quia nimirum gratuito proposuit Deus gratiam iustificationis gratis infundere deprecanti, intuitu præuię fidei eius, spei ac deuotionis. Similiter reputare siue imputare significat retribuere, cū dicit Apostolus, *Ei qui operatur, merces imputatur secundum debitum*, sensus enim est, Merces ei ex debito (quod inter Deum & hominem per conuentionem consummatur) redditur ac retribuitur.

Et irritauerunt eum ad aquas contradictionis, Ibi enim, inquit Exodus, iurgati sunt contra Deum. *Et vexatus est Moyses propter eos*. i. inquietudinem & molestiā intus in animo suo passus est Moyles ob frequentes eorum seditiones & murmura; *Qui exacerbauerunt spiritum eius*. i. quia fecerunt eum nonnihil offensionis ac acerbatis intus in animo contra malignitates eorum experiri.

Et distinxit in labijs suis. i. de educenda aqua de petra, Moyses aliter locutus est ad populum quam Dominus ad eum. Dominus namque absolute dixerat,

Aug. q. 31
in Genes.
c. 124. in
Ex. d.

Vide D. Tb:
1. p. qu. 6.
ar 3 ad 3.
c. in expo.
ep ad Rom.

32.

33.

dixerat, Loquimini ad populum coram petra & illa dabit aquas, Moyses verò ob peccata populi quadā diffidentia trepidus, dixit ad populum; Num de petra hac poterimus vobis aquam eijcere? quasi verendum esset ne peccata populi effectum propositi diuini possent impedire, vel, ne Deus quod absolute promiserat ob peccata populi denegaret. Cū potius ad Dei virtutem ac gloriam pertineat nullis hominum peccatis à benefaciendo prohiberi, & hominum peccata benefaciendo superare & cohibere. Peccauit itaque Moyses quod hanc Dei virtutem ac fidem siue sanctitatem populo, minus quam oportebat confidēter, proposuit ac prædicauit. Et hæc quidem omnia à populo admissa sunt & eidem retributa, dum ascenderet ex Ægypto in terram promissionis. Hanc verò ingressus, nihilo melior effectus est; tum enim, *Non disperdiderūt gentes quas dixit Dominus illis*, vt satis clarè & copiosè refertur Iudicum cap. 1.

34. *Et commisti sunt inter gentes.* i. permiserunt gentes regiones ipsorum vna cum illis promiscue inhabitare & colere, *Et didicerunt opera eorum.* i. exemplis eorum edocti sunt ambulare sicut gentes quæ ignorant Deū, illaque peccata admittere quæ in populo suo nō viderant: *Et seruierunt sculptilibus eorum.* i. insuper ab eis seducti sunt ad idololatriam. *Et factum est illis in scandalum.* Benè dicit *in scandalum*, quia adinuentio idolorum corruptio vitæ est, inquit Sapiens, quam corruptionem Psaltes mox per exempla declarat, cū dicit;

35. *Et immolauerunt filios suos, & filias suas demonijs.*
 36. *Et effuderunt sanguinem innocentem, sanguinem filiorum suorum & filiarum suarum, quas sacrificauerunt sculptilibus Chanaan.*
 37. *Et interfecta seu potius infecta est terra in sanguinibus.* i. varijs homicidijs, sicut scriptum est, Terra vestra infantium cruore maculatur. *Et contaminata est in operibus eorum: & fornicati sunt in adinventionibus suis.* Quæ omnia Sapiens tam expresse declarat, vt verba eius nobis hic luculenti commentarij loco futura sint, cū verbis paulò ante allegatis, subiungit: Non suffecerat errasse eos circa Dei scientiam, sed & in magno viuētes inscientiæ bello, tot & tam magna mala pacē appellant. Aut enim filios suos sacrificantes, aut obscura sacrificia facientes, aut infantiæ plenas vigilias habentes, neque vitam, neque nuptias mundas iam custodiunt, sed alius alium per inuidiam occidit, aut adulterans contristat: & omnia commista sunt, sanguis, homicidium, furtum & fictio, corruptio & infidelitas, turbatio & periurium, tumultus bonorum, Dei immemoratio, animarum inquinatio, natiuitatis immutatio, nuptiarum inconstantia, inordinatio mœchiæ & impudiciæ. Hæc inquam sunt opera in quibus terra eorum infecta est. Quod autem cultus idolorum illis in scandalum fuerit, siue ad hæc & huiusmodi mala

mala eis aperuerit fenestram, testatur Sapiens consequenter, Infandorum, inquit, idolorum cultura omnis mali causa est & initium & finis. Cui consentit & Tertull. qui postquam multis verbis ac disertè explicuit quantum mali vnica idololatria in sua ratione includat, hæc subiungit, Post talia, inquit, crimina, tam exitiosa, tam deuoratoria salutis, cætera quoque ad aliquem modum & seorsim proinde disposita, in idololatria conditionem suam representant. In illa & concupiscentiæ sæculi. Quæ enim idololatriæ solennitas sine ambitione cultus & ornatus? In illa lasciuia & ebrietates, cum plurimum victus & ventris & lasciuia causa frequentantur. In illa etiã vanitas, cum tota eius ratio vana sit. In illa mendacium, cum tota substantia eius mendax sit. Ita fit vt omnia in idololatria, & in omnibus idololatria deprehendatur. Ex quibus clarum euadit quomodo adoratio sculptilium facta sit populo in scandalum.

Tertull de
idolo. c. 1.

Et iratus est furor Dominus in populum suum, quia scelera hæc eorum qui populus eius erant, æterno supplicio digna & vindicanda esse censuit. Censura namque æternæ vindictæ, furor Domini dicitur. *Et abominatus est hereditatem suam*. i. populum à progenitoribus suis ei seruientem, siue eius cultui dedicatum, auersatus est tanquam à spiritu, decore, & sanctitate eius nimis alienum. Hoc proinde versiculo nobis insinuat, quod Deus in peccatores duobus modis (vt ita de eo loquamur) cõcitetur; Abominatio- ne, qua peccatum eorum, tanquam à natura suæ artis, sui quæ similitudine nimis alienum auersatur, quæ abominatio ex diametro opponitur complacẽtiæ, qua Deus in filiis suis sibi, vt loquitur Apostolus, complacet, Et vindicatione, qua ab eis ob eorum transgressiones iustas exigit pœnas, quæ vindicatio, similiter ex diametro opponitur illi paternæ Dei munificentia, qua filios, præter hoc quod in eis sibi complacet, afficit præmio. Sed Deus in furore quem diximus suo, suæ misericordiæ (quoniam in æternum misericordia eius) recordatus, conceptam iram in disciplinam conuertit: *Quia*

Et tradidit eos in manus gentium, vt patet in libro Iudicum. *Et dominati sunt eorum, qui oderunt eos*, odientium enim se seruituti eos subiecit.

Et tribulauerunt eos inimici eorum, & tribulationibus stimulat, *humiliati sunt sub manibus eorum*. i. ad humilitatem ac nonnullam pœnitentiam per duram seruitutem hanc deuenerunt. Cum autem essent humiliati, Dominus sæpè liberauit eos, vt manifestum est in libro Iudicum.

Ipsi autem molestia & afflictione liberati, iterum exacerbauerunt eum in consilio suo, quia praua ac peruersa consilia secuti, Deum iterum ad iracundiam prouocauerunt. *Et humiliati sunt in iniquitatibus suis*. i. merito suarum iniquitatum iterum in manus hostium traditi sunt ac deuenerunt. Dominus verò, cuius misericordiæ non est numerus,

Ddd

Et vi.

42. *Et vidit oculis misericordiae.* Ipsi namque Psalmo 9. dictum est: *Vides, quoniam tu laborem & dolorem consideras, cum tribularentur.* i. in tribulatione ob afflictionem ab inimicis irrogatam versarentur. *Et audiuit orationem eorum,* qua tribulationibus pressi meliora proponentes eum vt liberarentur inuocabant.

43. *Et memor fuit testamenti sui,* quod Deuteronomij 30. cum eis pepigit in hæc verba: Cum venerint super te omnes sermones isti, benedictio siue maledictio quam proposui in conspectu tuo, & ductus pœnitundine cordis tui in vniuersis gentibus in quas disperferit te Dominus Deus tuus, & reuersus fueris ad eum & obedieris eius imperijs, sicut ego hodie præcipio tibi cum filiis tuis in toto corde tuo & in tota anima tua: reducet te Dominus Deus tuus de captiuitate tua ac miserebitur tui, & rursus congregabit te de cunctis populis in quos te ante disperfit. *Et pœnituit eum secundum multitudinem misericordiae suae.* Pœnitentia Dei, auctore Augustino, est rerum in eius potestate cōstitutarum hominibus inopinata mutatio. In qua definitione D. August. magis propriè locutus est quam Tertull. qui dicit: Pœnitentiam Dei esse simplicem prioris sententiæ conuersionem, Non enim pœnitentia Dei vnquam circa suam sententiam, sed circa rem, vt ita loquar, sententiatam versatur. Dicit proinde August. Non sicut hominem ita Deum cuiusquam facti sui pœnitet, cuius de omnibus omninò rebus tam fixa est sententia, quam certa præscientia. Et quamuis Tertull. dicat pœnitentiam Dei esse simplicem rerum conuersionem; August. tamen determinat, pœnitentiam Deo non ob quamuis rerum mutationem ascribi, (non enim arbitror Christum debere dici pœnituisse cum aquam conuertit in vinum,) sed tum demum, cum non vult aliquid esse sicut fecerat, inquit, vt esset. Fecerat autem Deus omnia vt illis bene esset, vel de bono in melius proficerent, igitur propriè pœnitere dicitur ratione alicuius pœnæ aut supplicij quod infert creaturæ, quam non fecerat, vt pœnis & supplicijs subiaceret: Nec absque ratione. Mutatio enim cui pœnitentiæ nomen conueniat, debet circa malum versari. Dei itaque & hominum pœnitentia in hoc conueniunt quod vtraque (nisi tamen pœnitentia Deo magis abusuè tribuatur) circa malum versetur, sed differenter: hominis, circa malum tanquam à se malè & perperam admissum, Dei verò circa malum à se, rectè tamen & iustè inflictum vel permissum. Sensus itaque est, *Pœnituit eum.* i. abstulit ab eis plagam atque afflictionem, ad quam eos ex primæua institutione non ordinauit.

44. *Et dedit eos in misericordias.* i. multiplicem eis exhibuit misericordiam in conspectu omnium qui ceperant eos, ita vt omnes animaduernerent captiuis his libertatem Deo miserante redditam ac restitutam esse, quocirca dicunt Iu-

cunt Iudæi: In conspectu gentium sanctificatus es in nobis. His verò ita e- *Ecclesi. 36.*
narratis Psalteris præuisa illa Iudeorum captiuitate in qua per vniuersam ter-
ram ob occisum Christum etiamnum versantur, implorat in eorundem per-
sona extremam Dei circa illos misericordiam, & dicit:

Saluos nos fac Domine Deus noster. Dicunt *Deus noster*, ob id fortasse 45.
quod toto tempore captiuitatis huius Iudæi à fide vnius veri Dei non re-
cesserint iuxta quod scriptum est: Dies multos expectabis me, non fornica-
beris & non eris viro. i. ad cultum alienorum deorum interim non deficies.
Et congrega nos in vnitatem fidei & Ecclesiæ, de qua congregatione scri-
ptum est: Cum sanctificatus fuero in vobis congregabo vos de vniuersis
terris. *De nationibus*, in quibus ob perfidiam hætenus dispersi sumus.

Vt confiteamur nomini sancto tuo. Gloria enim & laus diuini nominis 46.
primaria & principalis debet esse huius rei petendæ causa, ita vt ipsa salus
hominum ob Dei gloriam magis & prius petenda & amanda sit, quam pro-
pter semetipsam. *Et agnita Christi tui* qua impium iustificas gratiâ, & per
legem fidei exclusa, vt loquitur Apostolus, gloriatione nostra qua prius de
factis & viribus proprijs in laude nostra extollebamur, *gloriamur in laude*
tua. i. gratulemur nobis, & nobis gloriæ ducamus, quod obstructo omniū
nostrum ore in laude propria, crescat apud omnes laus tua. Qua oratione
in persona populi sui finita, Psalter more suo in persona propria benedicit
Deo in hæc verba:

Benedictus Dominus Deus Israel à sæculo & vsque in sæculum, ob gra- 47.
tiam quæ per omnia sæcula in homines effusa est: Conuersis verò ex disper-
sione Iudæis, & gentibus in pristina fide perseverantibus, *Et dicit omnis*
populus ex Iudæis & gentibus aggregatus, fiat, fiat. q. d. confirmabunt &
consentient vno ore omnes in hanc quam dixi, sententiam, *Benedictus Do-*
minus Deus Israel à sæculo & vsque in sæculum.

PSALMVSVS CVI.

Alleluia.

IN præcedentibus Psalmis descripta est Dei misericordia, quam va-
rijs modis, mensuris atque temporibus impertiuit Israeli secūdum
carnem: Præsentī verò Psalmo exponit Psalter misericordiam
quam Deus à principio conuersionis, imo vocationis, varijs modis præstat
gentilibus.

Confitemini Domino quoniam bonus, quoniam in sæculū misericordia eius 1.
Dicant qui ex gentibus redempti sunt à Domino Christo, quos pretio san- 2.
guinis sui redemit. i. eruit de manu inimici. i. à potestate diaboli custodien-
tis atrium suum, siue omne veræ salutis initium ab eis, quos sibi obstrictos
D d d ij habe-

habebat, studiosissimè & violentissimè auertentis ac prohibentis. *Et de re-
gionibus*. i. totius orbis partibus *congregauit*. i. ad vnitatem corporis Chri-
sti quod est Ecclesia, per fidei & dilectionis communionem *eos* compegit,
re ipsa implens quod dixerat Ioannes, Iesus moriturus erat non solum pro
gente, sed vt filios Dei qui erant dispersi, congregaret in vnum. Congre-
gauit inquam eos

3. *A solis ortu & occasu, ab Aquilone & mari*. D. August. dicit in scriptu-
ris sacris per mare occidentalem plagam intelligi solere, hic tamen ratio
exigit vt per mare meridiem cum multis alijs intelligamus, præsertim quia
occidentalis plaga hic proprio vocabulo expressa est, & meridiei, si nõ sub
maris nomine, nulla fieret mentio, cuius tamẽ mentionem fieri oportet, eo
quod Abrahæ cum ei gentium vocatio promitteretur, dictum sit: Dilata-
beris ad orientem, occidentem & meridiem. Quo autem loco erant genti-
les priusquam à Christo in vnum congregarentur?

4. *Errauerunt*. i. per varios errores volutati sunt *in solitudine*, quia inter
eos non erat homo à quo viã salutis in veritate discerent *in inaquoso*, prius-
quam enim congregarentur, in deserto gentium non erant scissæ aquæ nec
torrètes in solitudine, vt quæ erat arida fieret in stagnum, & sitiens in fon-
tes aquarum. Erat enim gentilitas fonte Spiritus sancti destituta. *Viam ci-
uitatis habitaculi non inuenerunt*. Ciuitas habitaculi finis est, ad cuius per-
petuam mansionem atq; beatam pacem, omnes in huius vitæ, vt experimur,
curriculo, naturæ quodã instinctu tendimus & properamus. Huius ciuitatis
viam gentiles non inuenerunt. Præsertim cum Magistri eorum tenebris ac
erroribus obscuratum habentes intellectum, rationem aut autoritatẽ non
repererunt, qua certò & infallibiliter cognoscerent quid sibi & populo pro
fine habendum & amplectendum esset. De finibus enim bonorum & malo-
rum, inquit August. multa & multipliciter inter se Philosophi disputarunt,
quam quæstionem maxima intentione versantes, inuenire conati sunt, quid
faciat hominem beatum. Præter hoc autem,

5. *Esurientes*, semper enim famem sui patitur, inquit Ambrosius, qui alimẽ-
tis perpetuis nescit impleri. *Et sitientes*, ea siti de qua Isaias, Egeni & pau-
peres quærun aquas & non sunt, lingua eorum siti aruit, anhelauerunt e-
nim ad doctrinam veritatis & eam non acceperunt. *Anima eorum in ipsis
defecit*. i. Anima eorum ad præbendum eis cibum & potum quibus famem
explerent & sitim restinguerent, non suffecit. Vel, præ cruciatu famis huius
& sitis, anima eorum ad mortem vsque, siue, sic vt sustineri diutius nõ pos-
set, fatigata est & exagitata: Ad quem modum Ieremias commemorato
igne qui in visceribus eius & ossibus exæstauerat, defeci, inquit, ferre non
sustinens. D. Cyrillus tamen intelligit animam eorum in ipsis defecisse,
quia

quia præ inopia, inquit, diuinorum sermonum omnibus viribus spiritalibus destituta est, ita vt nihil boni præclarè ac fortiter posset peragere.

Et clamauerunt ad Dominum cum tribularentur. i. cum ignorantia finis, fame & siti in semetipsis cruciarentur. Qua autem voce? Ipsius miseriæ atque afflictionis, quæ, sicut effusus sanguis, vocem suam propriam emittit ad Dominum, vt in Psal. 9. ex D. Cyrillo diximus. Quam esurientium vocem Iob pulchrè insinuas videtur cum dixit; Nunquid rugiet onager, cum ante præsepe plenum steterit, aut mugiet bos cum fuerit ante herbam? Illis namque verbis significat quod clamor esurientium, ac, quos diximus, egenorum magis in quodam gemitu de interna afflictione tacitè expresso positus sit, quàm in oratione quapiam aut inuocatione ex fidei pietate profecta. Hoc ipsum etiam Isaias testari videtur, qui postquam dixit, Egeni & pauperes querunt aquas & non sunt, lingua eorum siti aruit, subiungit in persona Domini, Ego Dominus exaudiam eos. Qua quæso lingua clamantes cum lingua eorum siti aruerit? si enim lingua eorum orationem piam proferre nouit, non debet censi exaruisse. Exaudiet ergo eos Dominus ipsa sua afflictione quasi quadam misericordiæ prouocatione, sine vllò tamen merito, ad eum clamantes; qua voce clamabat puer Ismaël præ siti animam penè agens, cum Dominus misericors, laborem & dolorem considerans, vocem pueri dicitur exaudiuisse. Qua voce etiam D. August. nondum catechumenus ignorantia finis ac fame & siti in semetipso penè deficiens, cum Nebridio & Alipio clamabat ad Dominum, vt ipse testatur, his verbis; Erant ora trium egentium & inopiam suam sibimet inuicem anhelantium, & à te expectantium vt dares eis escam in tempore opportuno, & dicebamus. Quamdiu hæc? Et hoc crebrò dicebamus, & dicentes non relinquebamus ea quæ sunt huius sæculi, quia nòdum elucebat certum aliquid quod illis relictis apprehenderemus. Si quis tamen hoc quod dicitur, *Clamauerunt ad Dominum*, de clamore ex pietate profecto potius intelligendum esse putauerit vel intelligere maluerit, is fateri debet gentiles in dicta ignorantia fame & siti còstitutos, per præuenientem Dei gratiam, à Spiritu sancto gratia orandi donatos esse, vt piè possent Dei misericordiam inuocare: Quod aliquibus in gentilitate constitutis accidisse negandum non est, cum Cornelius Centurio nulla adhuc Christi cognitione imbutus, per gratiam Spiritus sancti, teste Còcilio Arauscano, Deum inuocauerit. Quia tamen non videtur verisimile vniuersam gentilitatem priusquam viam ciuitatis habitaculi cognosceret, prædicta Spiritus sancti gratia præuentam esse, ideo existimo per clamorem hunc, vocem miseriæ intelligendam esse potius quàm pietatis.

6.

Aug. 6. Con
fess. cap. 10Còc. Araus.
2. cap. vii.

Et deluxit eos in viam rectam. i. eos deuenire, vel potius eis obuenire

7.

D d d iij

fecit

fecit prædicationem Euangelij, per quam tanquam viam infallibilis authoritatis, in certam ac securam veri finis cognitionem deuenirent. Nec id solum, sed & *ut irent in ciuitatem habitationis*. Deduxit enim eos, principio quidem (vt circa gentiles faciendum esse docet Ambros. in 3. cap. Cantici Canticorum à nobis citatus) vt vnum Deum, omnium rerum principium & finem nossent, & quia id ad consequendum finem parum est, reuelauit eis simul Christum, per quem ad habitaculum huius ciuitatis peruenirent. Quid enim eis prodesset ciuitatem habitaculi nosse, & viam quæ ad eam ducit, ignorare? Id enim esset absque vlllo boni prouentu scire quo eundem sit, vt inquit August. & non scire quâ: Et quasi de syluestri cacumine videre patriam pacis, & iter ad eam non inuenire, sed ad eam frustra conari per inuia circumobfidentibus & insidiantibus fugitiuis desertoribus cum principe suo leone & dracone; At verò, vna cum ciuitate habitaculi Christum nosse, est tenere viam illò ducentem cura cælestis imperatoris munitam, vbi non latrocinantur qui cælestem militiam deseruerunt, quia vitant eam vt supplicium. Hæc diuus Augustinus. Itaque hoc modo Deus *de necessitatibus eorum liberauit eos*. Pro quo tanto diuinæ misericordiæ beneficio

Aug. 7 con
fess ca vlt.
et 10 de Ci
uit ca. 29.

8. *Confiteantur Domino misericordiæ eius. i. laus Deo deferatur & gratiarum actio pro misericordijs eius. Et prædicentur hæc mirabilia eius filiis hominum* ad diuini nominis gloriam.

9. *Quia satiuit animam inanem & animam esuriētem satiuit bonis*. Cum enim viam ciuitatis habitaculi eis reuelauit, tum per doctrinam Euangelij vnà cibauit eos pane vitæ & intellectus, ex quo qui manducauerit, non morietur sed viuet in æternum, & aqua sapientiæ salutaris potauit eos, ex qua qui bibit non sitiet in æternum, sed fiet in eo fons aquæ salientis in vitam æternam. Pro quo beneficio etiam B. Maria in suo cantico gratias egit, cum dixit: Esurientes impleuit bonis. Post quæ transit Psalter ad declarandam misericordiam quam exhibet Deus fidelibus quidē, sed illis qui per semet ipsos tenentur compediti ne impleant mandata Dei, nam quod hic dicitur: *Quia exacerbauerunt eloquia Dei*, manifestè testatur hic esse sermonem de illis qui verba Dei siue prædicationem Euangelij audierunt. De his itaque sic loquitur Psalter:

10. *Sedentes in tenebris & umbra mortis, vinctos in mendicitate & ferro*. sub quibus accusatiuis quasi absolutè positis, subaudiendum est Verbum aliquod quasi dicatur: Præter eos quos diximus, inuenit Deus quosdam, *sedentes in tenebris & umbra mortis*. Tenebræ & umbra mortis in scripturis sacris non raro iunguntur: Et quidem per vmbra mortis etiam tenebræ

4. Moral. c.
20 & 11.
cap. 11.

designantur, sed tales, quæ, vt benè obseruauit D. Gregorius, deducuntur à morte

morte sicut umbra à corpore. Mortis verò nomine, intelligit D. Greg. diabolum cum angelis suis, ita vt secundum Gregorium, Umbra mortis opera sint tenebrarum, quibus opera diaboli instar formæ sunt & exemplaris. Nihilominus quandoquidem & peccatum mors est, eadem consideratione umbra mortis dicuntur tenebræ, quas menti humanæ inducit admissum ab homine peccatum, ita vt illi quos dicit B. Apostolus non probasse Deum habere in notitia, eorumque insipiens cor ob id obscuratum esse, propriè sederint in umbra mortis, siue obscuritate à domestica morte in ipsos dimanata: Cuius sortis etiamnum hodie sunt, quibus sua peccata iam in consuetudinem versa, ne horrore nec compunctione digna censentur. His annumerandi sunt, quibus à suo peccato proprium iudicium inumbratur, ne de proprijs erratis ea seueritate, imo veritate, censeant, qua censerent de ijsdem si essent ab alijs admissa: Quanquam illam animæ deformitatem siue obscuritatem quam Theologi maculam vocant, à peccato, in peccantis animam, sicut umbra à corpore dimanatam, existimem per umbram mortis inter cætera etiam posse designari. Itaque inter eos quibus credita sunt eloquia Dei, inuenit Deus quosdam sedentes, siue, vt D. Bernardus interpretatur, desidentes in tenebris & umbra mortis, quia accepta cognitione ciuitatis habitaculi, & viæ quæ ad eam ducit, ipsi se à peccatis pristinis non expediuerunt. Quos Deus simul vidit. *Vinctos*. i. quadam violentia detentos *in mendicitate*. i. extrema rerum spiritualium inopia, *et ferro*. i. durissimo & sibimetipsis indissolubili vinculo, de quo scriptum est, Funibus peccatorum suorum quisque constringitur. Idque,

Serm 49.
in Cantica.

Quia exacerbauerunt eloquia Dei. i. cum quadam proteruia noluerunt implere verba siue præcepta Dei. *Et consilium altissimi*. i. eadem eloquia Dei, multa, v.g. non iurare omnino, non resistere malo, consilij & securitatis causa (per ea enim quis longissimè efficitur à periurio, & iniqua sui vindicatione) præscribentia, *irritauerunt*. i. indignabundi contempserunt.

11.

Et humiliatum est in laboribus cor eorū. i. in difficili via iniquitatis multis laboribus desudando, nihil sibi nisi cōfusionem & ignominiam pepere-runt. *Et infirmati sunt*. i. lassati sunt in via iniquitatis, *nec fuit*, inter homi-nes *qui adiuuaret*. i. eos onere quo premebantur subleuatos, à labore reficeret ac recrearet.

12.

Et, hisce vinculis constricti, quodam gemitu miserabiliter emisso, Vel, immisso eis ab eo qui dicit, Venite ad me omnes qui laboratis & onerati estis, & ego reficiam vos, per gratiam præuenientem, pio orationis affectu; Vel potius vtroque modo, *Clamauerunt ad Dominum, cum tribularentur*. i. cum insensibilitatis stupore, quo tot & tanta mala prius non percipiebāt, imo vt ait Sapiens; Pacem esse prædicabant, liberati, interno de sua miseria dolore

13.

Sapien. 14.

dolore affligari & exagitari ceperunt, & de necessitatibus eorum. i. his eorum miserijs à quibus nec ipsi se per semetipsos, nec ullus hominum eos per se poterat liberare, *liberauit eos*. Quid verò eis præstitit?

14. *Et eduxit eos de tenebris & umbra mortis*. i. ignorantia & caligine peccatorum quam diximus: *Et vincula eorum*, quibus voluntati carnis atque peccati, pristinae consuetudini, & reatui æternæ damnationis obstricti erāt, per pœnitentiam & peccatorum remissionem *dirupit*. Pro tanto itaque Dei beneficio

15. *Confiteantur Domino misericordiae eius, & mirabilia eius filijs hominum*. Et præsertim,

16. *Quia*, vt eis hæc quæ dicta sunt præstaret, *contriuit portas areas*. i. cordis duritiem æris rigori comparandam, & *velles ferreos*. i. pusillanimitatem, pertinaciam, de qua scriptum est, Nerus ferreus ceruix tua, & similia quæ dictam cordis duritiem confirmabant & tuebantur, *confregit*. i. emolliendo & sanando è medio abstulit. Præter quæ

17. *Suscepit eos*, in gratiam, protectionem alarum suarum, & vt inquit Apostolus, in honorem Dei, vt essent de numero filiorum Dei: Ad hæc, inquam, suscepit eos *de via iniquitatis eorum*. i. de lacu miseriæ & luto secis, quo prius in via iniquitatis varijs sordibus contaminati fuerant & conspurcati. *Propter iniustitias enim suas humiliati sunt*. q.d. Dico inquam quod suscepit eos in honorem Dei: valde enim abiecti facti sunt & viles per iniustitias suas, vt ob id diuinæ dignationis sit, gratiæ atque summæ clemenciæ è tali statu eos ad se assumpsisse. Non est autē hic prætermittendus D. Aug. in hunc locum cōmentarius qui est huiusmodi; *Sedentes in tenebris & umbra mortis victos in mendicitate & ferro, quia exacerbauerunt*. i. acerba, ardua & graua sibi fecerunt *eloquia Dei*. In quem sensum Psal. 104. dixit Psalter, quod Deus non exacerbauit sermones suos, cuius sensus est, quod Deus aspera & acerba in Ægyptios comminādo, sermones suos solummodo asperos non fecerit & acerbos, sed quod etiam misit tenebras & obscurauit. i. etiam aspera & acerba prout minatus erat, eis immisit. Ad quē modum Apostolus graues epistolas conscribendo, & exhibendo se in facto talem qualis absens in verbo apparuerat, dici potest nō exacerbasse sermones suos, sed sermonem suum opere cōpleuisse; si autem alius apparuisset præsens in facto, quàm absens in verbo, tum de eo dici potuisset quod exacerbasset sermones suos. Qua autem ratione isti hic dicuntur eloquia Dei exacerbasse? *Et consilium eius*. i. consilium petendæ à Deo gratiæ, per quam eloquia Dei eis facilia redderentur; Consilium, inquam, quo Deus benè cōsulendo dixerat, *Suade tibi emere à me aurum ignitum*. i. charitatem meo munere donandam tibi suppliciter emereri: De quo dixerat & Apostolus; Optimum

Optimum est gratia stabilire cor non escis quæ non profuerunt ambulanti-
bus in eis: Hoc ergo Dei consilium, *irritauerunt*, i. tanquam non neces-
sarium ac superuacaneum aspernati sunt. *Et humiliatū est in laboribus cor
eorum*. i. Hoc Dei consilio spreto, necesse eis fuit in obseruanda vel forin-
secus, siue secundum exteriorem hominem Dei lege, experiri difficultatem
& subire laborem: Quam experti, *humiliatum est cor eorum*. i. de arrogan-
tia priore ac præsumptione multum remisit cor eorum. *Et infirmati sunt*,
i. se infirmos esse & legi seruandæ non sufficere cognoscere ceperunt. *Nec
fuit qui adiuuaret*. i. qui in pristina præsumptione permanentibus vllō mo-
do auxilium sufficeret. Sic itaque humiliati, *clamauerunt ad Dominum cum
tribularentur*. i. de transgressionibus pristinis & inopia in tribulatione
versarentur. *Et de necessitatibus eorum* ex quibus se eximere non suffice-
bant *liberauit eos*. Hæc de hac parte Psalmi D. Augustini est expositio,
quæ in reliquis præmissæ à nobis expositioni consentit. Caterum, fideles
ab omnibus malis prædictis per Dei gratiam eruti & expediti, in aliam de-
nuò incidunt tentationem, de qua sequitur:

Omnem escam abominata est anima eorum. Escam hominis est verbum Dei,
Non enim in solo pane viuithomo, sed in omni verbo quod procedit de
ore Dei. Hæc escam nutritur & saginatur homo, cum verbum Dei per gratiam
se in animas sanctas, vt Sapientis verbis vtat, transfert, easque deriuatæ à se
veritatis pabulo implet & clarificat. Hanc escam siue frumenti adipem ne-
mo facillè abominatur, Non enim habet amaritudinem conuersatio Verbi
siue Sapientiæ, nec tardium conuictus eius, imo, est allocutio cogitationis
& humani tardij, quia cōsuetudine & colloquio illius omne animæ tardium
pellitur. Dicuntur nihilominus fideles abominari omnem escam, quia ab-
ominantur illa per quæ verbi Dei pabulum, siue ipsa animæ escam hominibus
participanda proponitur & exhibetur; Nauseabundi enim subinde sunt er-
ga scripturam sacram, cuius sermo, inquit Ambros. animum confirmat, &
quodam spiritualis gratiæ colorat vapore; Erga sacram prædicationem, per
quam D. Ambrosius teste Augustino, populo strennuè suppeditabat adi-
pem frumenti & sobriam vini ebrietatem; Erga sacramentum corporis &
sanguinis Christi, quo Ecclesia, vt ipsamet in quadam oratione secreta pro-
fitetur, mirabiliter pascitur & nutritur; Abominantur denique illum panem
de quo Apostolus, *Vnus panis & vnum corpus multi sumus*, quia fasti-
diunt vel auersantur bona exempla, pietatis officia, exhortationes, instru-
ctiones, consolationes & similia fraternæ charitatis officia, per quæ fideles
sibi mutuò panis sunt, ac inuicem refocillare, recreare, & corroborare con-
tendunt. Rursus, ex altera parte abominantur illa sua munia, per quæ ipsis
ad verbi Dei, escæ seu pabuli sui participationem, contendendum esset.

E e e Pigre-

18.

Amb. 2. de
Cin & A.
bei cap 6.

2. de Cain
& Abel c. 6

Ser. 33. in
Cantica.

Iob 33.

Ber. ser. 14
in Cantica

Amb. de fu
gasac. 2.
19.

20.

21.

22.

Pigrescunt enim ad sacrarum litterarum lectionem, per quam D. Ambrosius Augustino teste, feriatis horis solet reficere animum: Exhorrent meditationem, quam commendabat Ambrosius cum diceret: Hunc cibum menti nostræ deferamus, qui multa meditatione politus & attritus, cor hominis sicut illud cæleste manna confirmet. Quod non ocio-è tritum ac politum accipimus, eo quod cælestium scripturarū alloquia diu terere ac polire debeamus, toto animo & corde versantes, vt succus ille spiritalis cibi in omnes se venas animæ diffundat. Hæc Ambrosius. Omnem ergo hanc escam, siue potius, omnia hæc per quæ esca suppeditatur & acquiritur, *abominata est anima eorum*, Quia omnia hæc quæ diximus, insipida videtur & insulsa, si non de primitiis spiritus, Bernardi verbis vtor, quantulumcumque accipiant condimentum. Dicit proinde de illis nauseabundus homo, & primitiarum spiritus expers, Nunquid comedi potest quod insulsum est quod non est sale conditum? Et ad hanc quidem abominationē deueniunt etiam illi qui omnem hanc escam prius aliquando cum voluptate perceperant: Verè namque de homine spiritali dixit Eliu: Abominabilis ei sit in vita sua panis & animæ eius cibus desiderabilis. Id verò, non mutatione panis, sed fumentis, qui priorem escæ huius appetentiam per negligentiam, aut etiam per tacitam aliquam animi elationem amisit. Non enim sine causa, inquit Bernardus, ab heri & nudius tertius inuasit me languor animi, mentis hebetudo, insolita quædam inertia spiritus: Superbia inuenta est in me, & Dominus declinavit in ira à seruo suo. *Et appropinquauerunt usque ad portas mortis*, Anima enim à Verbo separata incipit mox peccatis patere voluntariis, inquit Ambrosius, & per ea propinquare damnationi.

Et, vt supra exposuimus, *clamauerunt ad Dominum cum tribularentur, & de necessitatibus eorum liberauit eos*. Qua autem ratione? Per gratiam suam,

Misit verbum suum & sanauit eos à fastidio, languore & prædicta inertia spiritus, *Et eripuit eos de interitionibus eorum*. i. compluribus peccatis mortiferis per quæ æternæ perditioni multimodis erant obnoxij. Itaque

Confiteatur Domino misericordie eius, & mirabilia eius filijs hominū. Et, vt idem alijs verbis dicam, sacrificent sacrificium laudis, & annuncient opera eius in exultatione. Hic namque versiculus expositionis gratia subiunctus est priori: quomodo enim *confitebuntur Domino mirabilia eius* nisi per sacrificium (siue illud spirituale tantum sit, siue etiam externū) laudis? Et quomodo *mirabilia eius* confitebuntur *filijs hominum*, nisi quando annunciantur *opera Dei in exultatione*, vt & alij in diuini nominis confessionem excitentur? Post hæc verò transit Psalter ad declarandam Dei misericordiam atque virtutem, qua rebus Reipublicæ Christianæ & præ-

cipue

cipuè Ecclesiæ turbatis & penè desperatis, mirabiliter succurrit Rerum-
publicarum & Ecclesiarum præpositis, & dicit:

Qui descendunt mare. i. sæculum, Dicit namq; Hieronymus: Quod mare
appellatur sæculum, vt multa præteream, vno testimonio Psalmi conten-
tus sum, *Qui descendunt mare in nauibus.* In quibus verbis nauium nomine
particulares Ecclesias vel Prouincias intelligimus. Naues siquidem illæ
binæ, quarum apud Lucam mentio est, particulares & singulares Ecclesias
designant, quia qui erant in vna naui, in altera naui constitutis tanquam so-
cijs annuerunt. Itaque per duas illas naues particulares Ecclesiæ intelli-
genda sunt, non autem per vnam Ecclesia & per alteram congregatio hæ-
retica aut schismatica, quia inter Ecclesiam & schismata nulla est societas;
Cui intellectu nihil obstat, quod Dominus in alteram earum quæ erat Si-
monis Petri conscendit, & docuit de illa nauicula turbas, Petrus namque
tametsi vniuersalis Ecclesiæ pastor & Episcopus sit, Ecclesiam vnam quæ
est Romana sibi particulariter & peculiariter regendam suscepit, de qua,
quasi de nauicula Petri Christus docet turbas, faciēs Ecclesiam Romanam
esse magistram omnium reliquarum Ecclesiarum. Ad has igitur naues qui-
dam descendunt, *Facientes*, siue vt faciant *operationem in aquis multis.* i. Basil in c. 2
1^o iæ.
gubernent Rempublicam siue populi Christiani multitudinem; quidam
quidem vt teneant clauum, nauemq; ipsam primaria autoritate gubernent,
alii verò vt teneant (Augustini verbis vtor) remum, ijsque qui clauum di-
rigunt opitulentur. *Qui omnes sua singuli munia apprehensuri*, dicuntur
ad mare descendere, quia ab ijs quæ sunt vitæ contemplatiuæ, ad inferiora,
sed necessariora (quibus præstantiora in necessitate, vt docet Bernardus, Ber ser 10
in Cantica.
posthabenda sunt) munia se demittunt, Vel, quia in pericula & molestia-
rum quendam gurgitem se coniiciunt, ita vt eis competat illud Deboræ,
Qui spontè obtulistis vos discrimini, Et, Barach quasi in præceptis & bara-
thrum se discrimini dedit.

Ipsi ergo viderunt opera Domini, & mirabilia eius in profundo. i. mari, 24.
siue sæculi medio; præpositorum namque opera Deus varia, & subinde mi-
rabilia in populo suo operatur. Quorum mirabilium voluit Psaltes vnum
aliquod in medium adferre, de quo loquitur in hæc verba,

Dixit. i. intuitu boni inde prouenturi permissit Deus: Intuitu boni in-
quam, scriptum est enim, Contra malum bonum est, & contra mortem vi-
ta, quia, vt ex eo loco docet August. nō permittit Deus mala, nisi contem-
platione boni ex illis cum scēnore prouenturi. *Et stetit*, q. d. non statim
ab initio & primo ortu suo extinctus est, sed pertinaciter & audacter ce-
ptis institit & paulatim increuit *spiritus procelle.* i. susurrium, & mala sug-
gestio, odio, inuidiâ, indignatione, ambitione malignantium conflata, &
Ecc ij in po-

23.

Hieron in c.

21. Isaiæ.

Basil in c. 2
1^o iæ.

Epist. 148.

Ber ser 10
in Cantica.

24.

25.

Ecclesi 37

Aug. 11 de

Cinit. c. 18.

in populum immissa, qualis v.g. ferè erat ille spiritus pessimus, quem scriptura dicit Dominum immisisse inter populum Zichimorum. *Et exaltati sunt fluctus eius.* i. motus animorum, qui huiusmodi suggestiones & susurria consequi nati sunt, valde magni effecti sunt & sese mirificè crexerunt, quia

26. *Ascendunt vsque ad cælos, & descendunt vsque ad abyssos.* i. motus animorum tanti effecti sunt, vt possint comparari fluctibus maris vëto procelloso concitati, Hi enim vsque adeo sese extollunt, vt vectores nauium videantur modo nubes contingere, modo in ima demergi. *Anima eorum* quos diximus in mare descendisse *in malis tabescebat.* i. mœrore cõficiabatur ob turbatam quam diligebant Rempubicam.

27. *Turbati sunt.* i. ipsi homines similes nobis passibiles, consternati sunt, Vel, animi indignatione, pusillanimitate similibusque animi ægritudinibus exagitari ceperunt. *Et moti sunt sicut ebrius.* i. in omnem partem animos suos versantes, nihil certi consilij quo commotam tempestatem sedarent inuenire potuerunt, Vel, in quibusdam suis institutis atque consilijs, non-nihil titubauerunt. Quod in quam partem ab ijs qui in tranquillitate positi, eorum qui in tempestate versantur gubernacula obseruant, accipiendũ sit, docet D. Bernardus ad Henricum Archiepiscopum Zenonensem scribens in hæc verba. Ex quo regni cælorum clauis Deo auctore traditas vobis suscepistis, ac iuxta ritum fortis illius mulieris manum mittere cepistis ad fortia, si quæ vos aut egisse quæ non deberetis, aut pertulisse quæ nolletis, audiuius: & illa agentem doluimus, & condoluimus hæc patienti. Inter hæc autem ego recordabar illorum versiculorum. *Qui descendunt mare in nauibus facientes operationem in aquis multis, ascendunt vsque ad cælos, & descendunt vsque ad abyssos, anima eorum in malis tabescebat: turbati sunt & moti sunt sicut ebrius, & omnis sapientia eorum deuorata est.* Et ideo non iudicabam vt assolet: magis quippè ad compasionem prouocabat huiusmodi cogitatio. Si, inquam, tentatio est cuiuscunque vita hominis super terram, quantis putatis periculis patet vita Pontificis, cui omnium necesse est ferre tentationes? Quibus molestijs angitur, quibus lacefitur iniurijs, cui etiam si propria cessent, nunquam tamen de alienis desunt foris pugnae, intus timores. Hæc Bernardus. *Et omnis sapientia eorum deuorata est.* i. rationem sedandæ tempestatis inuenire non potuerunt. Vel, quicquid ad sedandam tempestatem sapienter instituerunt, vi turbinis ac voragine commotæ tempestatis absorptum fuit & dissipatum, remansitque expectato prouentu vacuum. Quid ergo eis reliquum erat?

28. *Et clamauerunt ad Dominum cùm tribularentur,* Cùm enim ignoramus quid agere debeamus, hoc solum, dicebat Iosaphat in tempestate constitutus, habemus residui, vt oculos nostros conuertamus ad te. Nec id frustra,

frustra, Nam, & de necessitatibus eorum liberauit eos,

Et statuit. i. transtulit procellam eius in auram, quia tranquilla & meliora consilia in populo peruulgari fecit, pro quibus in necessitate positi orabant Ecclesiarum prepositi, dicentes illud Cantici Canticorum, Surge. i. fuge Aquilo, & veni Austro, qui est placida Spiritus sancti suggestio, perfla hortum meum. *Et siluerunt fluctus eius.* i. sedati sunt motus tempestatis: Sicut enim cum defecerint ligna, extinguitur ignis, ita susurrone subtracto iurgia, inquit Sapiens, conquiescent. Id, inquam, fecit ille, qui post tempestatem, ut dicebat Sara, tranquillum facit. 29.

Et latati sunt quia siluerunt, transacta enim tempestas auxit de subsecuta tranquillitate gaudium. *Et deduxit eos in portum voluntatis eorum.* i. causis transactæ seditionis è medio sublatis, Rempublicam quasi in portu ac in tuto constituit atque firmavit. Quid ergo pro hac misericordia atque virtute debetur Domino? 30.

Confiteatur Domino misericordia eius, & mirabilia eius filijs hominũ. 31.

Et exaltent eum. i. extollant Dominum, virtutem ac miserationes eius, 32.
in ecclesia plebis. i. congregatione populi. *Et in cathedra seniorum.* i. in medio eorum qui autoritate pollent ac præfident, Seniores enim in scripturis sacris non à capitis, imo ne mentis quidem canitie dici, vnus Petrus satis persuadet cum dicit Senioribus, Pascite. i. regite, ut supra interpretati sumus, qui in vobis est gregem. Si enim seniores illi sunt quorum est pascere siue regere, & nemo regit absque potestate, ergo seniores in scripturis sacris dicuntur, qui potestate pollent. In horum ergo seniorum vna cum Ecclesia plebis conuenientium medio *laudent eum.* i. laudes Dei celebrent. Hoc ergo modo succurrit Deus Ecclesiæ principibus & magistratibus populi, si quando in populo orta fuerit seditio. Reliquum est, ut audiamus qua ratione Deus subueniat populo, si quando principes & Ecclesiarum rectores suis defuerint muneribus. *Qua* de re Psalter sermonem instituit in hæc verba:

Posuit fluminem. i. gentem Iudæorum prophetis & Apostolicis prædicationibus prius copiosissimè irrigatam, Deus, ut prædixerat Isaïas, posuit desertam & salubri hoc irriguo destitutam. *Et exitus aquarum,* per quos idem quod mox dictum est, significatur: Non malè tamen ijs appropriatur hic sensus: *Posuit exitus aquarum.* i. Iudæam de qua exiuerat lex & verbum Domini de Hierusalem *in sitim,* ita ut postea in ea impletum sit quod dixerat Isaïas, Ecce serui mei bibent & vos sitietis. 33.

Terram fructiferam in salsuginem, ita ut in sterilitatem versa sit; Idque, non pro spontaneo suæ voluntatis beneplacito, sed, à malitia inhabitanti in ea; hanc enim desertionem peccata populi terram inhabitantis merebantur. Gratiam autem qua Iudæa se indignam reddiderat, noluit Deus orbi 34.

Ecc iij terra-

terrarum deesse, sed Iudæis eam repellentibus placuit eandem ad gentes transferre, sequitur proinde:

35. *Posuit desertum.* i. aridam gentium *in stagna aquarum*, vt copia doctrinæ salutaris & gratiæ spiritualis abundarit. *Et terram sine aqua.* i. eandem gentium aridam *in exitus aquarum*, vt scilicet aqua saluari non solum abundet, sed eandem etiam copiosè emittat. Ex Ecclesia enim in gentibus plantata egrediuntur prædicatores ad conuertendum infideles; & circa finem sæculi ex eadem venient qui auferant impietatem ab Israel, conuertendo populum Iudæorum ad Dominum Deum suum, vt circa finem Psalmi 13. diximus.
36. *Et collocauit illic.* i. in deserto in stagna conuerso *esurientes* quos ipse munere gratiæ præuenientis prius fecerat esurire & sitire iustitiam. *Et constituerunt ciuitatem habitationis*, quia Iudæis per orbem terrarum vagantibus, gentiles in sedibus suis fixi, in iisdem Ecclesiam ædificauerunt, exercueruntque religionem cum gentilitate perpetuò permanfuram, vt impleteretur quod scriptum est: In loco vbi dictum est eis, Non populus meus vos, ibi vocabantur filij excelsi.
37. *Et seminauerunt agros.* i. populum per regiones suas diffusum, Seminauerunt, inquam, semine hominum, vt inquit Propheta, & iumentorum, vt ex semente verbi Dei homines succrescerent Dei cultores. *Et plantauerunt vineas.* i. congregationes hominum spiritualium, quæ propter dulcedinem spiritus vineæ nomen sibi peculiariter vendicant. *Et fecerunt fructum naturæ.* i. genuinum iacti seminis fructum in fide & bonis operibus protulerunt. In hac namque gente sunt illi agricolæ, quibus Dominus dixerat se locaturum vineam suam, vt redderent illi fructum temporibus suis. Quin & vinea in gēte hac siue in gentilibus plantata, longè abest à vinea illa degenerare, de qua per Isaiam dixerat Dominus: Expectaui vt faceret vvas & fecit labruscas: & per Psaltem; Retribuebant mihi mala pro bonis sterilitatem animæ meæ.
38. *Et benedixit eis.* i. per misericordiam subsequētem benedictionibus cumulauit, quos prius in benedictionibus dulcedinis suæ præuenerat. *Et multiplicata sunt nimis.* i. super numerum, vt habet Psalmus 39. *Et iumentorum non minorauit.* i. fecit vt illi qui inter fideles, vt iumenta inter animalia, maiores esse debent, nihil decrescerent, sed spiritu & virtute maioribus suis æquarentur, ita vt posteriores eodem spiritu ambularent, & iisdem vestigijs quo maiores. Id autem ad tempus, quia, refrigerante charitate multorum,
39. *Et pauci facti sunt.* i. pauci eam quæ apud eorum maiores vñitata fuit vitæ synceritatē & integritatē colere voluerunt, & ex verbi, quod apud eos
integrum

integrum permanfit, femine, fructum natiuitatis, fiue genuinū fructum proferre, ficut fcriptum eft; Remanferunt viri pauci in fanctis. *Et pauci ifti vexati funt à tribulatione malorum & dolore.* .i. multis moleftijs & doloribus ob difsimilitudinem morum & ftudiorum à malis affecti funt. Implebatur namque quod dixit Apoftolus, Omnes qui piè volunt viuere in Chriſto Iefu, perfecutionem patientur. Ex eo autem quod plurimi à priſtina pietate & charitate defecerint, aliud malum conſecutum eſt, quia,

Effuſa eſt contemptio ſuper principes, nam magno totius Reipublicæ malo, principes populi huius, populo ſuo contemptui eſſe ceperunt, ſicut ſcriptum eſt, *Qui effundit deſpectionem ſuper principes.* Et quidem populus vitio ſuo principes ſiue Eccleſiaſtici illi ſint ſiue ſeculares deſpicit atque contemnit; ſcriptura tamen ſacra dicendo, *Qui effundit deſpectionem ſuper principes, idipſum Deo tribuit;* In primis quia Deus propter peccata populi, permittendo vel non impediendo regnare facit hominem hypocritam, conſtituens reges aptos, vt Irenæi verbis vtar, his qui regnantur: ſiue, vt ait Auguſt. facit Deus hypocritas regnare, quando iudicat res humanas talibus principibus dignas eſſe. Deinde contemptio principum tribuitur Deo, quia Deus regibus virtutes, quibus populi vtilitatibus prouideant, & per quas apud populum in pretio ſint, pro eorum demeritis non tribuit, & inde conſequitur, vt reges à populis deſpiciantur. *Et errare fecit eos in inuium, & non in viam*, quia non tribuendo eis ſapientiam & prudentiam quibus Rempubicam prout oportet adminiſtrent, fecit vt præpoſteris conſilijs Rempubicam procurarent, & in Republica adminiſtranda per deuia incederent, quale quid vidimus in Roboam: De qua re & Iob; Immutat Deus cor principum populi terræ, vt fruſtra incedant per inuium, Palpabunt quaſi in tenebris & non in luce, & errare eos faciet quaſi ebrios. Huiusmodi ergo principibus ſiue Eccleſiam Dei ſiue Rempubicam Chriſtianam procurantibus, quid aget Deus? Nunquid cū grex deſtitutus fuerit cura & gubernatione ſuorum principum, ſimul etiam Deus ſua prouidentia deſtituet omnem populum? Abſit, ſequitur enim:

Et adiuit pauperem de inopia. .i. ipſe per ſe aut ſuos quos in medio Reipublicæ Chriſtianæ ſemper reliquos habet & vniuerſalis ruinæ ſuperſtites, pauperes populi quos elegit in hoc mundo diuites fieri in operibus bonis, *adiuit de inopia*, ſiue in media totius Reipublicæ inopia. *Et poſuit ſicut oues familiis.* .i. fecit eos nihilominus ijs virtutibus & bonis affluere, quibus affluit familia aut Reſpublica per bonos rectores optimè conſtituta ac gubernata. De qua Dei ſubuentione Dominus per Ezechielem: *Ecce ego ipſe requiram oues meas, & viſitabo eas, ſicut viſitat paſtor gregem ſuum, in die*

40.

Iob 12.

Iren lib. 5.
con hæreſ.
Auguſt. 5. de
Ciuil. c. 19

41.

Ezech. 34.

Aug. ser. 79
in sermon.
per Vltim
editis. 6. 11.

in die qua fuerit in medio ouium suarum dissipatarum, sic visitabo oues meas, & liberabo eas de omnibus locis in quibus fuerant dispersæ in die nubis & caliginis. In quem locum scribit Augustinus in hæc verba: Quid facimus? Cum Petro commendantur oues, non dixit Dominus, Ego pascam oues meas, non tu; sed, Petre amas me, pascere oues meas. An fortè quia modo non inuenitur Petrus, non est cui securus dicat Dominus ouium, Pascere oues meas? & quodammodo quasi necessitate descendit ad officium pascendi oues suas, non habens quibus commendet, non tamen deferens? Hoc enim videtur sequi cum dicit Dominus, Ecce ego ipse requiram oues meas. Planè facit, & faciet, ait enim; Ecce ego ipse & inquiram oues meas, &c. Hæc Augustinus. In quibus verbis quod dicit Augustinus, An quia modo non inuenitur Petrus, non est cui securè commendet Dominus oues suas? non est arbitrandum Augustinum fauere hæreticis qui dicunt Pontificem non habere Petri potestatem, si eius non habuerit sanctitatem. Non enim dicit Augustinus, Dominum eo casu seruasse sibi potestatem pascendarum ouium, sed dicit Dominum eo tempore descendere vt per se suppleat neglectum à suis vicarijs officium; siue, vt loquimur, defectus prælatorum. Hoc itaque Psalmi loco docemur prouidentiam Domini mirabiliter subuenire suis ouibus, etiam eo tempore quo à suis negliguntur imò dissipantur pastoribus vel principibus. Quod ad oculum videmus in illis Ecclesijs, quæ aut nullos aut malos habent pastores, in quibus videmus quosdam, & præsertim pauperes populi, in timore Domini, cum Tobia, immobiles permanere. Quid verò fiet in bonorum & malorum extremis siue nouissimis?

42. *Videbunt recti & lætabuntur.* Iusti enim vt Psalmo 67. dictum est, eupulabuntur & exultabunt in conspectu Dei. *Et omnis iniquitas oppilabit os suum,* quia eo tempore iniquitas nec negari poterit, nec defendi, nec excusari. Vnde & iniquus aliquis interrogatus quomodo ad nuptias intrasset non habens vestem nuptialem, obmutuit.

43. *Quis sapiens & custodiet hæc?* vt in necessitatibus suis prædictis ad Dominum confugiat, & intelliget misericordias Domini, quas impartitur in quauis necessitate confugientibus ad se? Quod autem Psaltes interrogat, Quis, designat talem rarum esse.

*Psalmus 107. explicatus est partim Psalmo 56.
partim Psalmo 59. proinde eius explicatio hic
prætermittitur.*

PSAL-

In finem Psalmus David.

R Saltes in hoc Psalmo, teste Ambrosio, loquitur in persona Christi. Et quæ hic dicuntur in numero plurali, authore eodem, referenda sunt ad Iudæos, quæ verò in singulari, magna ex parte referenda sunt ad Iudam proditorem. Orat autem Christus, quia id nobis expediebat, ne Deus Pater patiatur nomen eius opprimi, gloriamque obnubilari per calumnias & criminationes, quas Iudæi in eum, præsertim tempore passionis euomerent, & dicit:

Amb in ps.
40. & 43.

Deus laudem meam ne tacueris. i. ne desieris miraculis alijsque testificationibus asserere atque tueri gloriam meam, v.g. quod Deus sim & absque culpa propria patiar quæ patior, *Quia os peccatoris & os dolosi super me apertum est.* i. tempus iam adest quo maleuoli & fraudulentis, criminando, aduersum me effundere audent quicquid eis in buccam venit. Hi enim

1.

Locuti sunt aduersum me lingua dolosa. i. testificationibus & accusationibus in speciem veris, conati sunt Herodem & Pilatum circūuenire, & in iniquam sententiam aduersum me pronunciandam pertrahere. *Et sermonibus odij circumdederunt me,* cum me coram stante & aspectibus eorum exposito, vndique circumstreperent clamantes, Tolle, tolle, crucifige, crucifige. Illi enim clamores nil nisi odium & indignationem sonabant. *Et expugnauerunt me.* i. Pilatum repugnantem, his vocibus, præsertim cum simul dicerent, Si hunc dimittis non es amicus Cæsaris, expugnauerunt ut traderet me. Idque, *gratis.* i. absque iusta causa, quia non debebat Pilatus timere ne per Christum vlla in parte diminueretur autoritas aut census Cæsaris, docuerat namque Christus Cæsari esse danda quæ Cæsaris sunt, ut ostendit D. Leo.

2.

Pro eo ut me diligerent detrahebant mihi, cum dicerent; Alios saluos fecit, seipsum non potest saluum facere, Ex eo enim quod alios saluos fecerat, oportebat eos desumere argumētum ad Christum ardentius diligendum, non autē ad derogandum ei, Tametsi enim Christus non potuisset seipsum saluum facere, non fuisset tamen illa eius impotentia ex eo quod alios saluos fecerat digna improprio, sed potius commiseratione. *Ego autem orabam,* Pater ignosce illis, quod enim faciunt, nesciunt.

Ser 10 de
passione.

3.

Et persuerunt aduersum me mala pro bonis, quia audita oratione hac, non desierunt fixuris clauorum adijcere tela linguarum. *Et odium pro dilectione mea.* i. pro dilectione, qua declarabam me eos, non obstante eo quod in me crudeles existerent, dilectione prosequi, ipsi in odium mei acerbius exasperati sunt. Post quæ conuertit Christus sermonem & incipit speciatim

4.

F f f enar-

enarrare ea quæ euentura erant Iudæ proditori, verbis quidem optatiuis, sed sensu enunciatiuo, & dicit:

5. *Constituē super eum peccatorem.* i. futurum est vt te deserente peccatum Iudæ dominetur, & ipse peccator sibi secundum legem peccati præsit & imperet; *Et* post multa peccata *diabolus stet à dextris eius.* i. introibit in eum Sathanas, vt eum tanquam proprium suum mancipium secundum suam voluntatem dirigat. In quem sensum Christus qui secundum hominem in omnibus sequebatur Dei directionem, dicit: Dominus à dextris est mihi ne commouear.

6. *Cum iudicatur à propria conscientia cum referet denarios, & dicet, Peccauit tradens sanguinem iustum. exeat condemnatus.* euentus enim illius remorsus erit condemnatio & interemptio sui. *Oratio eius fiat in peccatum.* D. Hieron. putat id dici, quia ne pœnitentia quidem Iudæ fructuosa fuit: Imò, vt addit in c. 27. Matth. quia pœnitentia hæc interemptionis sui flagitium ei adduxit: *Qui* sensus huic loco videtur proprius. Nam & Leo dicit, quod admissio scelere, tam peruersa fuerit Iudæ cōuersio, vt etiam pœnitendo peccarit. D. tamen Ambr. accommodat hæc verba ijs, qui orando nouum sibi acquirunt peccatum, siue per errorem, quando oratio non est ex fide, siue per præsumptionē, siue per negligentiam, siue alio quouis modo.

7. *Fiant dies eius pauci.* i. per violentam mortem sibi illam abbreviabit tempus vite sibi à natura deputatum. *Et episcopatum.* i. Apostolatū eius accipiat alter, Mathias scilicet, vt notum est. Vox. n. episcopatus hoc loco non accipitur in ea significatione, in qua nunc ferè ea vtimur vt designet ordinariam iurisdictionem in agnos Christi cum summi Sacerdotij honore coniunctam. Si enim ab hac potestate tribuitur Iudæ hoc loco Episcopatus; Ergo oportebit fateri iurisdictionem episcopalem in Ecclesia fuisse priusquam Christus diceret Petro, Pasce agnos meos, & summum sacerdotium, priusquam in Apostolos visibiliter in linguis disparitis descenderet Spiritus S. Quorum id quod prius dixi, satis manifestè absurdum est. Proinde Episcopatus hoc loco nihil aliud quàm Apostolatū significat. Nam Apostoli ex hac scriptura aliud non constituerunt quàm numerum Apostolorum per mortem Iudæ imminutum, alterius cuiuspiam accessione complendum esse. Apostolatū autem qui à potestate annunciandi primitus euangelij nomen habet, sine potestate episcopali consistere posse, ex euangelio notum est. Ibi enim clarum est Christum à principio delegisse Apostolos: post resurrectionem verò suam in Petro Episcopatum instituisse, reliquis etiam Apostolis per Petrum, si Leoni credimus, communicandum. Nec mirum videri debet, vocem Episcopatus hoc loco alterius rei significationem non importare, cum ex Apostolo ad Philipp. constet etiam

Leo serm.
3. de anni-
die assumpt.

etiam presbyteros non à iurisdictione episcopali, nec à summo sacerdotio, sed à demandata eis in dominicum gregem quadam obseruatione, siue vt loquimur, superintendentia, Episcopos dictos esse: Et ex Augustini epistola simul notum sit, summos sacerdotes postea in Ecclesia Episcopos singulariter dici cepisse. Dicit namque; Secundum honorū vocabula, quibus nunc utitur Ecclesia, Episcopus presbytero maior est. Vbi Augustinus non obscurè indicat, Episcopatus vocabulum non semper in ea, qua nunc significatione acceptum fuisse, Sed his de Iuda prophetatis, subiungit Psaltes ea quæ genti Iudæorum erant obuentura ob deicidium Christi, in numero singulari totam gentem designans, & dicit:

Fiant filij eius orphani, & uxor eius uidua. i. futurum est vt illi paterna: Hæc verò maritali Dei cura destituatur, vt impleatur quod in persona eorum planxit Hieremias: Pupilli facti sumus absque patre, matres nostræ quasi uiduæ.

Nutantes transferantur filij eius. i. traiciantur de loco in locum consilij incerti & ad omnem euentum penduli: vt impleatur in illis quod prædixit Moyses; Erit vita tua quasi pendens ante te, & timebis diem ac noctem, & non credes vitæ tuæ. Quod tametsi ab Augustino & Leone, alijsque de Christo intelligatur, qui cum vera vita sit, pendebat è cruce ante oculos Iudæorum, ipsis in sua infidelitate permanentibus: Nihilominus secundum eundem D. Augustinum intelligitur id etiam ad literam, vt vita Iudæorum fuerit quasi pendens ante oculos eorum, quia inter minas, ait, & dolos hostium suorum, vitam suam videbant ex incerto pendere. *Et præ egestate mendicent:* & *eyciantur de habitationibus suis.* i. proprijs aedibus violenter exturbentur, ita vt ne in illis quidem tuti sint aut securi.

Scrutetur fœnerator omnem substantiam eius. i. quisquis siue ratione mutui, siue qua alia ratione, iniusta lucra ab eo exigit. (Nam pro fœneratore, alij exactorem legunt) is id facturus est tanta importunitate & improbitate, vt cum Deut. 24. lex, humanitatis causa, præcipiat ei qui rem aliquam repetit, non ingredi domum eius à quo eam repetit, sed stare foris, vt proferatur quod petitur: iste cōtrà in domum irrupturus sit & scrutaturus omnem substantiam, vt ex ea ad placitum suum & secundum æstimationem, vel taxationem suam sibi deligat, quod ad satisfactionem placuerit. *Et diripiant alieni labores eius.* i. alienis quibus ea minimè fauet, imò quibus ea inuidet, cedent omnia illa quæ maximo sudore comparauerat senectuti suæ, & vñibus suorum.

Non sit illi adiutor. i. nullum habebit aut inueniet patronū. *Nec sit qui misereatur pupillis eius.* In quo extremam experientur omnium hominum erga se inclementiam.

Fff ij

Fiant

12. *Fiant nati eius in interitum.* i. habeantur tanquam homines morti destinati, ita ut quicumque eis mortem aut calamitatem infert, laudetur, tanquam qui eis id quo digni sunt, irrogauerit. *In generatione una deleatur nomen eius.* Erunt enim ignavi & inertes, qui nihil acturi sint dignum memoria posteritatis.
13. *In memoriam redeat iniquitas patrum eius in conspectu Domini,* & peccatum matris eius non deleatur. i. vindicabit Deus peccata parentum in filios, & praesertim illud peccatum quo parentes dixerunt; Sanguis eius super nos, & super filios nostros.
14. *Fiant contra Dominum semper.* i. inimici Dei effecti, aduersabuntur semper Deo, & omnibus qui in Dei nomine operantur: Dicit proinde de ijs Apostolus: Qui & Dominum occiderunt Iesum & prophetas, & Deo non placent, & omnibus hominibus aduersantur. *Et dispareat de terra memoria eorum.* i. viles erunt, nec quid gerent memoria dignum. Horum malorum causa est, *Pro eo quod non est recordatus facere misericordiam.* i. pro eo quod cum Pilatus eorum humanitatem compellendo diceret, Ecce homo: ut erga Christum tot plagis & ludibrijs affectum humana saltem miseratione commoti mitescerent, Israel quavis tygride durior ad commiserationem flecti noluit: quin potius cepta prosequendo:
15. *Et persecutus est hominem inopem & mendicum,* & compunctum corde mortificare. i. perrexit ulterius Christum ad mortem depostulare. Cuius feritas hoc nomine erat immanior, quod eam exercebat erga hominem inopem: Paupertas enim, cuius cultor fuit Christus, misericordiae illex est, *Et mendicum.* Mendicauit enim Christus satis manifestè, sed modestè, cum Marci 11. circumspiceret omnes, ipso visu prouocans, ut aliquis eum vellet sub tectum recipere, & nemine inuitate, egressus est vespere in Bethaniam. Nutu autem oculorum mendicationem fieri, Iob satis insinuat, cum dicit: Si oculos viduae, ipso scilicet oculorum aspectu opem implorantis, expectare feci. *Et compunctum corde,* Non quidem peccati, sed plagarum aculeo, & tristitiae, qua de eorum peccato compungebatur. Nihil tamen horum potuit insanam Iudaeorum crudelitatem ad misericordiam inflectere.
16. *Et dilexit maledictionem,* cum dixit, Sanguis eius super nos, & *veniet ei,* & noluit benedictionem, à Christo ei oblatam, cum vellet filios eius congregare quemadmodum gallina. & *elongabitur ab eo,* quia huius proteruitate merito dictum est, Ecce relinquetur vobis domus vestra deserta, &c.
17. *Et induit maledictionem sicut vestimentum;* quia maledictio ei foris semper adhaesit, tam in rebus ad usum vitae nostrae necessarijs, quam in malis eius moribus. *Et intrauit sicut aqua in interiora eius.* i. praeter ea quae extrinsecus sunt, omnia interiora eius plena sunt malitia, maledictionem, quam dilexit,

dilexit, consecuta. *Et sicut oleum in ossibus eius.* i. malitia eius abundans, & quasi adeps pinguis facta est, Vt de eo verum sit quod Psal. 72. dictum est, Prodiit quasi ex adipe iniquitas eorum. Et illud Iob, Et ceruice pingui armatus est.

Fiat ei sicut vestimentum quo operitur. Hoc quid aliud est quam quod dicit idem Psalmus, Operiti sunt iniquitate & impietate sua? *Et sicut Zona qua semper præcingitur,* vt nimirum semper sit promptus & expeditus ad malefaciendum. Hoc enim significat præcinctum esse.

Hoc opus eorum. i. hæc merces eorum, qui detrahunt mihi apud Dominū, i. qui etiam in oculis Dei me per calumniam, sicut diabolus Sanctos, denigrare conantur. Opus enim hoc loco secundum quosdam pro mercede ponitur, sicut & cum dicitur, Opus mercenarij non remanebit apud te. Est tamen optimus sensus, si opus hic propriè sumatur. Cum enim dictū sit, quod maledictio intrauerit sicut aqua in interiora eius, & sicut oleum in ossibus eius, ne malignitas illa putetur Dei opus esse aut Deus eam esse operatus, rectè subiungitur: *Hoc opus eorum.* q. d. Malignitas hæc opus eorum est, quia ipsi sibi eam fecerunt & auxerunt. Deum enim repellentes & ab eo iuste deserti, ipsi semetipsos ad omnia mala conuerterunt, & semetipsos ad mala conuertendo, malitiam tantam imbibierunt. In omnibus enim qui mali efficiuntur locum habet, quod de primis parentibus dicit Athan. Vbi, inquit defecerunt à desiderio intelligentiaque vnius & veri numinis, animū suum (eo quod liberum arb. quiescere non possit) ad contraria transtulerunt. In varias deinde corporis alias atque alias cupiditates præcipientes ierunt. Postremo vt fieri assuet, frequenti usurpatione veterum cupidinum, in habitum tandem occalluerunt. Hæc Athanasius. Sed post interiectam prophetiam hanc, redit Psaltes ad institutum, resumens orationē in principio Psalmi in persona Christi ceptam, sic tamen vt illa & pro membris Christi fusa esse intelligatur, & dicit:

Et tu Domine Domine fac mecum propter nomen tuum. i. vt in adiutorio mihi exhibito sanctificetur, & celebretur nomen tuum. Pium enim est ac præcipuum, hac de causa auxilium Dei exposcere. *Quia suavis est misericordia tua.* Ei enim proprium est rebus exasperatis superuenire, easque sua vñctione lenire.

Libera me, quia egenus & pauper ego sum. Dicit, quia pauper sum, indicās auxilium Dei in pauperes magis pronum esse & propensum. *Et cor meum conturbatum est intra me;* præ horrore imminētis & dolore præsentis passionis. Ideo dicebat, Nunc anima mea turbata est. Vel, quia secundum hominem cor meum non habet in se fiduciam, imò diffidit suis viribus se tanta mala posse euadere. Cuiusmodi affectus idoneū præbet locū diuinæ gratiæ.

Fff iij Sicut

18.

19.

Athā initio
cont. idola.

20.

21.

22. *Sicut umbra cum declinat ablatus sum.* i. mortuus sum viribus corporis mei paulatim magis ac magis diminutis, & quasi in occasum atque mortem tendentibus. *Et excussus sum sicut locustæ.* i. fugere debui & quasi instabilis de loco in locum transilire.

23. *Genua mea infirmata sunt à ieiunio.* i. ieiunio 40. dierum & noctium, & alijs ieiunijs (operui enim in ieiunio animam meam) ita exhausti vires mei corporis, vt pedibus trepidus confisterem. Hic ergo versus explicat quanta fuerit illa Christi esuries, de qua dicit Matthæus, postea esuriit. *Et caro mea immutata est propter oleum.* i. olei defectum vel abstinentiam. Olei verò nomine significatur hoc loco quoduis cibi delicatioris nutrimentum aut condimentum: ita vt hinc appareat Christum non solum ieiunasse, quòd

*Tert. initi
de ieiun.*

secundum Leonem ad diminutionem ciborum propriè pertinet, sed insuper in ieiunijs suis à certo ciborum genere abstinuiffe. Et vt loquitur Tertull. xerophagias obseruasse: Quas obseruare, est, ait, siccare cibum ab omni carne, & omni iurulentia: & vuidioribus quibusque cibis, ne quid vino sitatis aut edatur aut bibatur. De qua & in Apolog. loquitur in persona Christianorum: Nos ieiunijs aridi, & omni continentia vitæ expressi, ab omni fruge vitæ dilati, inuidia cælum tundimus, &c. Ex quo animaduertere licet non solum ieiunium, sed etiam xerophagias, siue abstinentiam à cibis quibusdam delicatioribus, & abundantioris nutrimenti à Christi exemplo ad Ecclesiam esse introductam. Quam tamen quidam astutè nouerunt eludere: De quibus August. Sunt quidam obseruatores Quadragesimæ deliciofi potius quam religiosi, exquirentes magis nouas suauitates quàm veteres concupiscentias castigantes, qui pretiosis & copiosis apparatibus fructuum diuersorū, quorumlibet ciborum varietates & sapes superare contēdunt. Vasa in quibus coctæ sunt carnes tanquam immunda formidant, & in carne sua ventris & gutturis luxuriam non formidant. Ieiunant non vt solitam temperando minuant edacitatem, sed vt immoderatam differendo augeant auiditatem. Nam vbi tempus reficiendi aduenerit, optimis mensis tanquam pecora præsepibus irruunt, ventresque distendunt, artificiosis & peregrinis condimentorum diuersitatibus tantum capiunt manducando, quantum digerere non sufficiunt ieiunando. Sunt etiam qui vinum ita non bibunt, vt aliorum exprefionem pomorum, aliosque sibi liquores non salutis causa, sed iucunditatis exquirant, tanquam non sit Quadragesima piæ humiliatio- nis obseruatio, sed nouæ voluptatis occasio.

24. *Et ego factus sum opprobriū illis: viderunt me & mouerunt capita sua,* i. irriserunt hæc, Operui enim in ieiunio animam meam, & factum est in opprobrium mihi, & posui vestimentū meum cilicium, & factus sum illis in parabolā. Per motionem enim capitis irrisionē significari auctor est Ambros.

1^a Psal. 43

Adiuua

Adiuua me Domine Deus meus, saluum me fac propter misericordiã tuã. 25.
Et sciant quia manus tua hæc & tu Domine fecisti eam. i. Appareat ma- 26.
 nifestè quod tu Domine adiutor meus sis, & non humana aliqua potestas
 aut humanus fauor.

Maledicent illi; affigentes eum ligno. De quo scriptum est; Maledi- 27.
 ctus omnis qui pēdet in ligno, Et adhuc hodie maledicūt Christo & Chri-
 stianis ter in die in suis Synagogis, teste Hieronymo. Quam maledictionē
 S. Epiphanius ab eis referri putat ad sectam Nazaræorum. i. quorundam hæ-
 reticorum vna cum disciplina Christi iudaizantium, qui se Nazaræos voca-
 bant. Sed malè, Nomine enim Nazaræorum Christianos intelligunt, quos
 à Christo qui Nazaræus dictus est, Nazaræos appellatos esse ab infidelibus
 ante exortam hæresin Nazaræorum quam diximus, notū est ex Actis Apo-
 stolorum, Vbi Paulus dicitur auctor sectæ Nazaræorum. Epiphanius ergo
 nominis communione falsus videtur. *Et tu, ex aduerso, benedices. Qui in-*
surgunt in me confundantur; eo quod suis votis contraria eueniant. *Seruus*
autem tuus letabitur, in vberè tot aduersitatum prouentu.

Induuntur qui detrahunt mihi pudore, & operiantur sicut diploide confu- 28.
sione sua. Hic & in futuro, inquit Gregorius. Grego 10.
 mora c. 33

Confitebor Domino nimis in ore meo. Dicit nimis, Tot enim formulæ
 diuinarum laudum & benedictionum à Christi spiritu per Psalten & alios
 prophetas editæ sunt, vt humanæ menti nimis sint, quippe quæ omnes illas
 simul comprehendere non possit. *Et in medio multorum laudabo eum.* Hæ
 enim diuinæ laudes in congregatione Christianorum decantantur.

Quia assistit à dextris pauperis. i. præsentis semper præsidio mihi spiritu 30.
 pauperi adfuit, per opem dexteræ suæ mihi personaliter iunctæ. *Vt saluam*
faceret à persequentibus animam meam. i. ne animam meam vt volebant ad
 æternam damnationem perducerent, aut calumnijs obrutam debita gloria
 apud omnes priuarent. Et notanter dicit, *animam meam,* quia corpus Chri-
 sti eorum voluntati fuit permissum.

PSALMVS CIX.

Psalmus David.

PRæfens Psalmus, vt ex Euangelio notum est, intelligi debet de
 Christo, atque adeo describit Christi glorificationem, pro qua o-
 rauerat; Clarifica me tu Pater apud temetipsum, claritate quam 1047. 17.
 habui priusquam mūdus fieret apud te, Et exaltationem de qua Apostolus;
 Propter quod & Deus exaltauit eum, & dedit illi nomen quod est super
 omne nomē. Nec enim potest Ezechie cōuenire, vt, teste Tertulliano, vo- 5. cō. Mare,
 luerunt Iudæi: Quod enim Apostolus interrogat, Ad quem Angelorum cap 9.
 dixit

dixit aliquando; Sede à dextris meis, quoadvsque ponam inimicos tuos scabellum pedum tuorum; id nos ad homines extendere possumus & interrogare, quando id aliquando dixerit Deus Ezechia vel alicui hominum praterquam Christo? Itaque notorium est Psalmum de Christo intelligendum esse, qui sic habet:

1. *Dixit Dominus*, Deus Pater, *Domino meo*. i. Christo, quem Psalter in primis suum appellat, quia Christus secundum carnem ex semine David ortus est, Cum autem sibi exprimendum foret in qua, vt ita dicam, qualitate eum suum diceret, maluit reuerentiæ & honoris causa eum Dominum suum quam filium dicere, eo quod Christus, tametsi secundum humanam naturam filius, secundum diuinam tamen naturam sit Dominus David. Et quidem singulariter Dominus eius, quia ex semine eius secundum carnem natus. Dixit autem Dominus Domino David, *Sede à dextris meis*; Non quod in Deo Patre vlla sit differentia positionum, sed nomine dexteræ per similitudinem ab humanis cõfessionibus deductam nobis datur intelligi consortium diuini honoris & gloriæ. Quod consortium Deus Pater introducit Filio, dicendo *Sede à dextris meis*; tradidisse, vt insinuetur id Filio concessum fuisse voluntate Dei Patris à naturali necessitate libera; Si libera, ergo dixit id Pater Filio suo secundam humanam naturam. Qui quidem secundum diuinam naturam, diuinæ dignitatis diuinæq; gloriæ per naturæ identitatem consors est, non tamen legitur Deus Pater illi secundum eam naturam dixisse, *Sede à dextris meis*; quia filius consortium illud non libera, de qua dixi, Dei Patris voluntate, sed naturali Patris fecunditate vt genuinus eius foetus consecutus & adeptus est. Imò quamuis sedere à dextris Patris Filio secundum humanam naturam, ob diuinam hypostasim, iure debeat, idque Filius sibi suo iure vindicare possit, introducit tamen hic Pater Filio dixisse, *Sede à dextris meis*; vt detur intelligi, Filium confessum dexteræ adeptum esse Patre consentiente & adiudicante; Consentiente quidem, ne alioqui Filius, cui confessum diuinæ dexteræ natiuo iure cõpetere diximus, honorem sibi debitum videretur Patre nolente, vt inquit Cyrillus, rapuisse; Adiudicante verò, vt intelligatur, Filium, locum illum etiã pro meritis iusto Dei iudicio accepisse. Non tamẽ videri debet Filius Patri in honore esse præpositus, cum dictum est ei, *Sede à dextris meis*; Tametsi enim dextera honoratiorem se se locum designet, hîc tamen confessus dexteræ Filio tribuitur, non causa potioris honoris, sed quia, vt inquit Cyrillus, nullius imminutionis suspectum locum tribui Filio oportebat. Quocirca etiam alibi scriptura sacra, teste D. Ambrosio, Filio plus tribuere videtur quam Deo Patri, Non quod plus habeat, inquit Ambrosius, sed ne minus habere credatur. Itaque, sedere à dextris Dei hoc loco non honoris præse-

Cyr. 10 in
Ioann ca. 9

Loco citato

Amb. 2. de
Spiritu 8
cap. 12.

præferentiam, ut apud homines, sed status & honoris æqualitatem inter Patrem & Filium, honorificis verbis & præfidentiam declarantibus, inquit *Basi de Spiritu S. c. 6.* Filius, designat. Nihilominus, dexteræ nomine in scripturis sacris non semper locus honoris metaphoricè, sed ipse Filius frequenter appellatur. Cum enim in Cantico Moy sis dicitur; *Dextera tua Domine magnificata est in fortitudine,* dexteræ nomine, teste Leone, Dei Filius denotatur, Et similiter cum *Isaias* dicit, *Iuravit Dominus in dextera sua;* dexteræ nomine Dei Filius, teste *Cyrillo*, intelligendus est. Et si quidem Deus Pater Filium dexteræ nomine appellando, nihil aliud insinuare vellet, quàm quod per Filium fecerit omnia, & sine ipso factum sit nihil, sufficeret eum appellare manum, vel brachium Domini: Cum autem eum dexteram appellat, insinuat eum talem esse, per quem tanquam nihil sinistri habentem, Pater non nisi bona operari possit. Et proinde omnia quæ Deus operatus est, bona esse. Si quæ verò in rebus humanis bona non sunt, per dexteram hanc, & ob id à Deo facta non esse; quamquam nomine dexteræ simul designetur eum qui sic appellatur æternorum ac verissimorum bonorum esse consortem. Itaque secundum hanc dexteræ acceptionem sensus est, *Sede à dextris meis. i.* Tu o homo accipe nomen (his enim verbis dedit Deus Pater Christo nomen quod est super omne nomen, quod nomen Dei esse, in Psalmum 88. diximus.) Et secundum humanam naturam consors esto & particeps auctoritatis, gloriæ, throni, sceptri, ac tribunalis, quod dexteræ siue Filio Dei naturaliter competit, ut gloria & auctoritas filij Dei cui ab origine hypostatico vinculo cohaeres, in humanitatem tuam, (quod hætenus certæ dispensationis gratia dilatum est) quātum per eam fieri potest, transeat ac deriuetur. Porro prædicta verba dixit Dominus Christo suo, cū iam ad suæ ascensionis terminum peruenisset. Cum enim filius hominis in ascensione sua ut ex *Cyrillo* supra diximus, peruenisset ad Antiquum dierum, inquit *Daniel*, Angeli & Sancti qui eum comitabantur in conspectu Antiqui dierum obtulerunt eum, dicentes, ut arbitror, illud *Apocalypsis*, *Dignus est Agnus qui occisus est, accipere diuinitatem gloriam & honorem, & quæ sequuntur; qua oblatione facta, Antiquus dierum adiudicando ei quo omnium iudicio dignus esse prædicabatur dixit ei: Sede à dextris meis, & per illa verba, eo quo Deo dignū est modo prolata, dedit ei potestatem & honorem & regnum, ut omnes populi, tribus, & linguæ seruiant ei, sitque potestas eius potestas æterna quæ non auferctur, & regnum eius quod non corrumpetur. Itaque Dominus Christo Domino *Dauid* iudicandi, imperandique potestatem tribuens, dixit ei; *Sede à dextris meis; Quæ potestatis & auctoritatis traditio, quandoquidē ad Dei opera ordinabatur, redundat ex illis verbis hic sensus; Disponendo, dirigendo, persitiendo cooperare mihi;**

Ggg

Donec

2. *Donec*. i. vsque dum *ponam inimicos tuos scabellum*, siue vt legit D. Hilarius scannellum *pedum tuorum*. i. inimicos tuos subiecero pedibus tuis, vt humilitati siue humanitati tue, quam pedum nomine, inquit Augustinus, significari arbitror, cedat atque subdatur omnis superbia sæcularis. Nec tamen ea re perfecta atque cõsummata, à dextris Patris, pristino honore exutus desinet esse Christus; Non enim præsentium promissio, futurorum, inquit Basil. *est exceptio*: Nec, qui dicendo, *Donec ponam inimicos tuos scabellum pedum tuorum*, illi operi indicit terminum, (donec, enim pro eo positum est, inquit Augustinus, vt, non amplius, intelligas) is, dicendo, *Sede à dextris meis donec* &c, Honori Christi eundem finem inducit; Aduerbium namque [*donec*] requirit, id quod ad demonstratæ actionis spatium, rei que propositæ curriculum duraturum dicitur, per eiusdem actionis ac durationis spatium extendi, non autem vno atque eodem temporis spatio simul definiri, vel vnà terminari, quemadmodum cum Basilio & Augustino quos mox allegauimus, ex scripturis, Non cognouit eam donec peperit Filium; Et, Ita oculi nostri ad Dominum Deum nostrum donec misereatur nostri; ostendit D. Hieronymus. Proindè quod dicitur, *Sede à dextris meis donec ponam inimicos tuos scabellum pedum tuorum*, requirit, vt Christus à dextris Patris sit vsque dum inimici pedibus eius fuerint substrati, nõ autem, ne vltius, quia, vt Basilus mox dixit: Præsentium promissio, non est exceptio futurorum. Quibus autem armis, quæue virtute inimici Christi subigendi sunt scabello pedum eius? Id exponit Psalter, sermonem conuertens ad sedentem à dextris Dei Patris, in hæc verba:
3. *Virgam virtutis tuæ*. i. potestatem prædicationis euangelicæ, de qua scriptum est, Audient verba mea quoniam potuerunt. i. magna virtute (est enim Euangelium virtus Dei in salutem omni credenti) inualuerunt, Hanc igitur *virgam virtutis tuæ*, te cooperante, *emittet Dominus* ad cuius, virga directionis sublimis, sedes dexteram, *ex Sion*, quia de Siõ exibat lex, & verbum Domini de Hierusalem. Eia ergo, age, (Psalti enim eodẽ spiritu, quo Psalm. 44. dixit, Accingere gladio tuo super femur tuum potentissime, libet & hinc negotio huic sibi optatissimo adblandiri) *Dominare*. i. per Euangelium dominatum exerce, *in medio inimicorum tuorum*, vt quibusdam eorũ obnitentibus, non ex extremis tantum, sed è medio eorum reddas ex inuitis & præfractis multos tibi pia deuotione subiectos. Quo dominatu suo tempore expleto,
4. *Tecum principium in die virtutis tuæ*; *Die*, inquã, *virtutis tuæ*; Quem diem appello diem virtutis tuæ, Tum enim tu qui tempore labilis ac mortalis vitæ, vt, mater pulchræ dilectionis & agnitionis, temetipsum ad captum hominum inclinando, mentibus eorum, in lumine fidei, per speculum
- in ani-

in anigmate infirma effigie apparuisti, easque, cum infirmis quasi infirmatus, lumine infirmis accommodato illustrasti, tum, inquam, tu idem ipse, tanquam die quadam virtutis tuæ, oculum humanæ mentis in proprio suo corpore ad indefessam contemplationem tuæ diuinitatis per lumen gloriæ corroborando & confortando, virtutem te dignam exercebis, eorumque mentes fulgentissima & validissima tua luce, sicut sol cum in virtute sua, ut loquitur Marcus, lucet, illustrabis & exhilarabis. *In splendoribus sanctorum*; q. d. Illo inquam die quo sancti erunt in splendoribus, & luce splendida, ut dixit Tobias, fulgidi, fulgebunt sicut sol in regno Patris eorum: In illa ergo die, *Tecum principium*. i. Pater à quo habes originem. Principium enim nullam aliam significationē habet, quam eius ex quo, inquit Cyrillus. Hoc ergo *Principium in die virtutis tuæ tecum*, Non quasi vnquam extra te fuerit, dixisti enim, Qui me misit, mecum est, & non reliquit me solum; sed quia in illo die omnes à minimo vsque ad maximum euidenter cognoscent, & oculo ad oculum videbunt, quia tu in Patre, & Pater in te. Ne verò hoc aut per gratiam, aut ex tempore ita esse credatur, subiungit Psaltes ex persona eius quod mox dixit Principij siue Dei Patris, verba quædam, ex quibus nobis colligendum relinquit Patrem in Filio per naturam & ab æterno esse, quæ sic habent: *Ex vtero*; non corporeo, inquit Ambrosius, sed paternæ virtutis genitali principio atque secreto. Pater namque vterum sibi metaphoricè tribuit, ut ex similitudine à rebus creatis translata, det intelligi, Filium suum non adoptiuum esse nec factum, sed genuinum, ut vna cum Cyrillo, Basilio, Augustino docet Athanasius. Genuini enim filij sunt qui generantur ex vtero. Cui non obstat quod creaturæ subinde dicantur ex vtero Dei prodiisse, vel ex Deo genitæ esse, id enim abusuè dici ex eo, ut docet diuus Athanasius, perspicuum euadit, quod eandem creaturæ, vel iisdem, vel alijs scripturæ locis (quod de Filio secundum diuinam naturam nusquam inuenias) factæ dicuntur. Nam in cantico Moyse, vbi dicitur, Deum qui te genuit dereliquisti, ibidem simul dicitur, Nunquid non ipse est pater tuus qui possedit te, & fecit te, & creauit te. Et in libro Iob, Dominus quidem quærit, De cuius vtero egressa est nix? tamen in hymno trium puerorum glacies & niues inter opera Dei annumerantur, Non autem Verbum, aut Filius. Postquam enim dictum est, Benedicite omnia opera Domini Domino, recensentur speciatim illa quæ prius generali nomine in laudem Dei prouocata erant Dei opera, inter quæ, ut bene obseruauit diuus Athanasius, non numeratur Verbum siue Filius. Postquam enim dictum est, Benedicite omnia opera Domini Domino; non subiungitur, Benedic tu Verbum Domino; quod tamen oportet, si Verbum, ut voluerunt Ariani, inter creaturas primum locum haberet,

Cyrl. 1. in
Ioan. ca. 1.

Amb. de be-
nedict. Pa-
triar. c. 11.

Cyrl. 1. in
Ioan. c. 4.
Basil. in iu-
s. cō. 5. uno.
Aug. 3. cōt.
Maxi. c. 18.
Ath. in i. l. a
verba, & ex
Deo. Deus
est Verbum

Alba. ser. 3
cōt. Arian.

Ggg ij beret,

beret, sed subiungitur, Benedicite Angeli Domini Domino, &c. Itaque quod dicitur, *Ex vtero genui te*, propriè insinuat Filium ex Patris substantia genitum esse. *Ante luciferum*. i. generationis modo incomprehensibili & quasi tenebrosissimo, inquit Cyrillus, Vel, *Ante luciferum*. i. ante creationem Angelorum vel stellarum. q.d. Antequam quidquam fieret à principio tu ex ore Altissimi prodijsti primogenitus ante omnem creaturam. Denique *Ante luciferum*. i. antequam tu secundum humanam naturam, inquit Athanasius, velut Lucifer, stella splendida & matutina ex Virgine nascereris, *Genui te*, secundum diuinam naturam, inquit Ambrosius, cum Epiphanio. Pulchrè proinde Ambrosius, Genitus est Christus secundum diuinitatem, ex vtero vt Filius, ante luciferum, vt æternus, Ex corde vt Verbum. Ex quibus datur intelligi Principium siue Patrem non esse cum Filio per gratiam, sicut Deus dicitur esse cum Sanctis, sed per identitatē naturæ; Si enim Filius ex vtero genitus est, ergo est Patri consubstantialis, & cum substantia Dei per suam simplicitatem diuidi non possit, Pater est cum Filio per naturæ identitatem: Et cum Filius ex vtero ante luciferum genitus sit, est Principium cum Filio, non ex tempore, sed ab æterno. Interim, prædicta verba alium sensum admittunt, quem tamen opinor literæ minus esse congruum. *Tecum principium in die virtutis tuæ*. q.d. principium in die infirmitatis tuæ, te, quoad carnis passibilitatem passionisque ignobilitatem atque ignominiam dereliquit, at nunc in die virtutis, potestatis & gloriæ tuæ tecum est per omnia, & omni ex parte Principium, ita vt non accedat ad te vllum malum. Vel, *tecum Principium in die virtutis tuæ*. i. die iudicij, inquit Cyrillus, cum descendes ad iudicandum viuos & mortuos, cum virtute magna & maiestate. In illo autem die, *tecum Principium*, quia ipse Pater per aduentum tuum, qui etiam filius hominis es, iudicabit orbem terrarum, inquit Augustinus, in quo die etiam Sancti cum Christo iudicantes erunt in splendoribus, Veniet enim Dominus & omnes Sancti eius cum eo, & erit in die illa lux magna. Quod verò additur: *Ex vtero ante luciferū genui te*; quidam accipiunt dictum esse ex persona Psaltis ad Christū, suum ratione humanæ naturæ filium, qui Dauide progenitore, ex vtero Virginis genitus est *ante luciferum*, quia media, inquit, nocte: Sed hunc commentarium tametsi prima facie plausibilem, vt textui incongruum ex prolesso improbavit, cum aliquot Græcis commentatoribus, D. Athanasius in hæc verba: Si illud, inquit, *Ex vtero ante luciferum genui te*; partum Mariæ mirabilem demonstrat, multos alios ante ortum stellæ illius editos esse scimus. Quid ergo miri in illis verbis? Et post pauca. Non dictū est, Ante exortum luciferi; sed, *Ante luciferum genui te*. Si ergo hoc de natiuitate Christi secundum carnem intelligamus, necesse erit dicere Christum secundum car-

Cyr. dial. 2.
c. 18. Herm.

Amb. 4. de
fide cap. 4.
Epiphani in
heres. 65.
Amb. 3. de
virg.

Cyrill. 1. in
Ioann. ca. 1

Aug. 20. de
Ciuil. c. 30.

Asb in ora.
in verba,
Deo ex Deo
erat Verbum.

dum carnem ante Adamum natum esse, Nam ante eum fuerunt stellæ. Hæc Athanasius. Porro, quandoquidem Christus à dextris Dei, non solum ut iudex sedet & rex, verum etiam ut Sacerdos & Pontifex; Talem enim, inquit Apostolus, habemus Pontificem qui consedit in dextera Dei, sanctorum minister & tabernaculi veri quod fixit Dominus & non homo, pertinuit ad Psaltem gloriam Christi quam in cælis habet etiam hac in parte describere, de qua sic dicit:

Iuravit Dominus. Volens namq; Deus pollicitationis hæredibus ostendere immobilitatem consilij sui, & testamentum vetere melius atque præstantius condere, interposuit iusiurandum, de quo in Psalmum 88. plura diximus. *Et non poenitebit eum.* i. institutum hoc suum non mutabit. Poenitentiam enim Dei à rei semel institutæ mutatione nomen habere, in Psalmum 105. diximus. Iuravit verò Deus, *Tu es sacerdos in æternum secundum ordinem Melchisedech.* Quæ verba Pater dixit ad Christum; Sicut enim dextera confessum Christus, ut diximus, à semetipso non occupavit, sed eo qui dixit, Sede à dextris meis, concedente accepit, ita Christus nec semetipsum clarificavit ut Pontifex fieret, sed qui dixit ad eum, Filius meus es tu, ego hodie genui te: Quemadmodum & in alio loco, inquit Apost. dicit; Tu es sacerdos in æternum secundum ordinem Melchisedech. Imò, quoniam sacerdotium inter cætera ad honorificationem summi dominij præcipuè ordinatur, oportuit etiam Christum secundum humanam naturam, non nisi Deo vocante sacerdotem fieri. Ad excellentiam namque summi dominij pertinet, ut sacrificia, ita & sacerdotia sibi cōstituere, In hac re namque locum habet, quod de lege dixit Cyprianus: Id Deo dignum quod ipse suæ voluntati faceret acceptum, ut exerceat per omnia dominatum. Alioqui nec nos servi ascriberemur, nec ipse haberetur Dominus, si secundum voluntatem nostram permetteremur impendere servitutem. Sed prædicta Psalmi verba nobis accuratius excutienda & expendenda sunt. Circa quæ in primis concedendum putamus quod sacerdos (si vocabuli propriam observes significationem) quis dicatur à sacrificandi potestate: Omnis enim pontifex, teste Apostolo, ad offerendum munera & hostias constituitur, qui ex eo infert etiam Christum cum sacerdos constitutus sit, habere oportuisse quod offerat: Proinde Christus non potest hic dici sacerdos, nisi à potestate ad sacrificandum destinata & ordinata, ita ut is qui Christo dixit, *Tu es sacerdos in æternum secundum ordinem Melchisedech*, eidem non solum concesserit personales vel sacerdotales qualitates ad personam vel sacerdotium Melchisedech conformitatem habentes, sed etiam imposuerit atque præscripserit eidem functionē sacerdotalem sacrificio Melchisedech consentaneam atque conformem. Quocirca Cyp. Ordo Melchisedech secundum quem

G g g iij Chri-

Cyp. de singular. c. er.

Epist. 63.

Christus sacerdos est, est inde veniens & inde descendens quod Melchisedech sacerdos Dei summi fuit, quod panē & vinum obtulit, quod Abraham benedixit. Si enim necesse est omnem sacerdotem habere quod offerat, necesse est sacerdotem secundum ordinem Melchisedech, habere quod secundum eundem ordinem offerat, vt proinde oporteat Christum Melchisedech & in qualitate sacerdotij, & in offerendi ritu assimilari. Constat autem Melchisedech panem & vinum obtulisse: Melchisedech enim Rex Salem, inquit Genesis, proferens panē & vinum: & vt indicaret nobis in quem finem vel vsum, addit, Erat autem sacerdos Dei altissimi, eo additamento lectorem non obscure admonens, vt consideret panem & vinum ab eo in vsum Dei siue diuini sacrificij prolatum fuisse. Cū igitur constet Melchisedech panem & vinum obtulisse, certē Deus Pater dicendo ad Christum, *Tu es sacerdos in æternum secundum ordinem Melchisedech*; constituit vt Christus secundum figuram Melchisedech non solum sacerdos esset, sed vt etiam secundum ritum Melchisedech panem & vinum, corpus scilicet & sanguinem suum, inquit Cyprianus, officio sacerdotali offerret. Quid ergo? Nunquid per verba hæc sola oblatio panis & vini Christo à Deo Patre demandatur? Certē vt verum fatear, D. Augustinus tam in libris de ciuitate Dei, quàm alijs in locis Sacerdotium Christi secundum ordinem Melchisedech de alia oblatione quam à Christo in cœna facta non explicat, sicut nec recētiorem aliqui solam D. Augustini in prædicta verba expositionem amplexi. Psalmus autem præsens, magis verò ac expressius Apostolus ad Hebræos aliam adhuc eorundem verborum requirit explicationem, Ait namque Apostolus, quod Christus cū ingrederetur in cælum, appellatus sit à Deo Pontifex in æternum secundum ordinem Melchisedech. Et cap. 8. dicit necesse esse, vt & Christus, qui cōsedit in dextera sedis magnitudinis in cælis, habeat quod offerat, ita vt ibi non solum sacerdos, sed secundum ordinem Melchisedech etiam offerens sit Christus. Quem ergo in cælesti oblatione Christus ritum Melchisedech implet atque exequitur? Ritum æternitatis, Ait namque Apostolus quod Melchisedech maneat sacerdos in perpetuum, quia sacerdotium eius in Scripturis sacris sic descriptum est, vt qui ex ijs quæ sacra scriptura de Melchisedech atque eius sacerdotio memoriæ prodidit, mentem suam ritè informarit, inueniat suo obtutui obuersantem imaginem quandam æternitatis sacerdotio Melchisedech adhærentem. Itaque Christus etiam in cælo sacerdotem agit secundum ordinem Melchisedech, quia hostiam per quam semel in terris ad destitutionem peccati apparuit, ibi in æternitatis vera forma & propria specie Dei Patris vultui offert & exhibet, vt proinde figuram Melchisedech, typum sacramentorum corporis & sanguinis Christi, & simul oblationis æternæ gerentis, Christus duabus

Epist. 63.

Ad Hebr. 6

duabus impleuerit atque perfecit oblationibus: oblatione videlicet sacramentorum corporis & sanguinis sui in cœna: & nunquam finem habitura oblatione sui vulneribus insigniti in cœlo, quatenus ibi semetipsum offert & exhibet in gratiarum actionem: Priore oblatione euidentius perficiens typum Melchisedech quoad munera siue sacrificia ab ipso oblata, Posteriore verò luculentius implens imaginem æternitatis quam Melchisedech præ se tulit. Sed hic oritur quæstio: Anne etiam in cœna Christus figuram æterni sacerdotij impleuerit? Ad quam responsurus ante omnia in medium adfero sententiã D. Epiphaniij, qui videtur Christo tribuere sempiternum sacerdotium, quia æternã, quam in cœlis obit sacerdotij functione, priori succedente, sacerdotium eius & functio sacerdotalis nunquam finem accipit: ita vt Epiphanius æternitatẽ sacerdotalis functionis tribuere videatur, non singulis oblationibus Christi secundum ordinem Melchisedech, sed omnibus simul. Veruntamen, Concilium Tridentinum figuram æterni sacerdotij Christum etiam in cœna impleuisse testatur, dicens quod Christus declarando se esse sacerdotem in æternum secundum ordinẽ Melchisedech, corpus suum & sanguinem sub speciebus panis & vini in cœna obtulerit. Itaque in singulis oblationibus quas perfecit & adhuc perficit Christus secundum ordinem Melchisedech, implet typum æternitatis, sed non eodem modo. Æternum enim non vno modo dicitur: Aliquando enim dicimus æternum, quod est infinitæ virtutis: In quem sensum dicit Apostolus, redemptionem Christi esse æternam, Æterna, inquit, redemptione inuenta; Aliquando, quod etiam Augustinus agnouit, æternum dicitur, quod in æternitatem vsque est perpetuandum; Denique dicitur æternum quod æternitate ipsa stabile, nunquam est terminandum. Prima itaque ratio æternitatis omnibus oblationibus Christi est communis, ita vt oblatio Christi in cruce facta de sacerdotij secundum ordinẽ Melchisedech dignitate & æternitate hac ratione aliquid participet. Tametsi enim Christus secundum hominem, vt attigimus, sacerdos sit, Neq; enim vnigenitus Dei filius fungi sacerdotis officio ordineq; ministrandi diceretur, inquit Cyrillus, nisi naturam assumpsisset humanam, nam quæ seruitutis sunt, seruituti quoque cõueniant necesse est, & ob id Deo, inquit idem, absq; carne indignum est sacerdotem agere; tametsi ergo vt contra Caluinum dicere cepi, Christus secundum humanam naturam sacerdos sit, & non diuinam; tamen in quauis eius sacerdotali functione locum habet, quod de Christi actionibus dicit Leo. Agit vtrumque cum alterius communione quod suum est, vnum coruscet miraculi, alterum succumbit iniurijs, Ad quem modum Christus secundum humanam naturam sacerdotem agit, attamen cum cõmunionẽ Verbi, quod sacerdotales actiones in humanitate sibi cohærente operatur, atque earundem

*Epiphanius in
her. 55.*

8. 22. c. 1

*Aug. in ps.
130. in fine*

*Cyrillus in
Genes.*

*Ad Euang.
Matth. 10.*

*Leo epist.
ad Flavianum.*

dem actionum est suppositum, ex qua participatione, sacerdotales actiones illius hominis infinitū sortiuntur valorem atq; dignitatem. Sed ad propositum. Secunda ratio æternitatis, propria est oblationi Christi in cœna institutæ. Hæc enim instituta est indefinenter perdurare vsq; in diē æternitatis. Tertia, luculentissimam habens æternitatis rationem eiusq; veram speciem, propria est oblationi quam facit Christus in dextera Patris. Quod ergo dicitur, *Tu es sacerdos in æternum secundum ordinem Melchisedech*, intelligendū est de omnibus his æternitatis modis ea qua diximus ratione distributis. Non enim est inconueniens vnam atque eandem scripturam plures sensus litterales suis rebus accommodandos continere; Nisi malis cū Ambrosio dicere Christo ter esse dictum, *Tu es sacerdos in æternum*; Ter, vt apparet, quia pro singulis, v. g. cœnæ, crucis, dexterae Dei, sui sacerdotij functionibus, semel. Si igitur hoc ita est, dici poterit quod vox *in æternū*, singulis vicibus per quas dicta est, peculiarem, & illi in quam dicebatur sacerdotali functioni conuenientem habuerit significationem. Illam autem Ambrosij sententiam non inueni à neotericis tractatam aut allegatam, Ne autem de ea nihil dicamus, videtur scriptura ab ea aliena non esse, quæ dicit Christum cū intraret sancta sanctorum appellatum esse à Deo Pontificem in æternum. Si tum appellatum; ergo tunc ei suo sensu dictum est, *Tu es sacerdos in æternum*. Sed, vt vt est, sententia Ambrosij saltem commemoratione digna visa est. Vt verò ad propositum redeamus, verba Psalmi, *Tu es sacerdos in æternum secundum ordinē Melchisedech*, tametsi hic à Psalte suum institutum persequente ratione sacerdotij, quo Christus in cælo fungitur, allegentur; continent tamen ordinationem Christi in eam etiam functionem sacerdotalem, qua functus est in cœna, & etiamnum fungitur in Ecclesia. Dicit namque Cyprianus, In sacerdote Melchisedech sacrificij dominici sacramentum præfiguratum videmus. Quod autem Melchisedech Christi typum portarit, declarat in Psalmis Spiritus S. ex persona Patris ad Filium, dicens: *Ex vtero ante luciferum genuite*; *Tu es sacerdos in æternum secundum ordinem Melchisedech*. Intellexit itaque Cyprianus verba hæc, non tantum ratione oblationis quam facit Christus in cælo, sed quam fecit in cœna intelligenda esse: Tametsi, vt diximus, ratione oblationis æternæ & cælestis psalmo inferantur. Vna restat obiectio quam prisca mouerunt hæretici, Si Christus dicitur sacerdos secundum ordinem Melchisedech; Est ergo Melchisedech æqualis siue maior Christo, quia ordinis sui, vt verba præ se ferre videntur, auctor. Sed isti non attenderunt Christum non dici sacerdotem secundum ordinem Melchisedech, tanquam Melchisedech ordinis, à quo Christus sacerdos dicitur, esset auctor, sed quia figura. In quam rem Epiphanius obseruat Apostolum dicere quod Melchisedech

*Ambrosius. ser. 3
in psal 118
v. 3. in fine*

Cyprianus. epi. 63

In bar. 55

sedeck sit assimilatus Filio Dei; Si assimilatus, ergo minor Christo, quia omnis figura minor veritate. Secundum ordinem igitur Melchisedech dicitur sacerdos Christus, quia ipse agit veritate, quod Melchisedech in umbra atque imagine. Explicato autem sacerdotio Christi, Psalter, sermone ad Deum Patrem conuersa, exponit authoritatem quam Christus exercebit in die iudicii, & dicit:

Dominus à dextris suis. i. Dominus cui dixisti, Sede à dextris meis; *Cū fregit*, siue confringet, in die iræ suæ, cum ipso vultu suo ostendet iram quam animo gerit in peccatores, vique adeo terribilem, vt ipsi dicturi sint montibus, Cadite super nos, & abscondite nos à facie sedentis in throno, & ab ira Agni; *In die*, inquam, iræ huius, confringet Reges, quia ad nihilum deducet gloriam, superbiam, & tyrannidem eorum, In illa enim die, inquit *Isaias*, Visitationis Dominus super militiam cæli in excelso, & super reges terræ qui sunt super terram, & congregabuntur in congregatione vnius fascis in lacum, & claudentur ibi in carcere. Non solum autem reges, sed &

Iudicat it in nationibus. i. omnibus omnino hominibus; Nationes enim hic non distinguuntur à Iudæis, sicut nec Gentes, teste Hieronymo, cum dicitur; Congregabo omnes gentes in vallem Iosaphat, id enim idem est ac si diceretur, Congregabo omnes populos; In quæ sensum etiam ab *Isaias* sumitur nomen Nationum, cum dicit: Praecipitabit Dominus in monte isto faciem vinculi colligati super omnes populos, & telam quam orditus est super omnes nationes; Quod enim super omnes nationes dicit, idem est cum eo quod præcessit, Super omnes populos. *Implebit ruinas.* Hebraei legunt, cadauera; vt sit sensus, Facta hoc tempore resurrectione mortuorum, singula hominum cadauera suis implebit animabus. Non inconueniens tamen erit hic sensus, *Implebit ruinas Angelorum* ex hominibus, Quidni enim etiam Angeli lapsi cadauera (quæ à cadendo nomen habent) esse intelligatur, præsertim cum à spiritu Dei delapsi, in semetipsis mortui sint? Tum temporis ergo Deus implebit ruinas siue cadauera hæc, quia omnibus prædestinatis in æternam salutem adductis, ex hominum societate supplebit Christus ciuitati supernæ damnum, quod ipsa ex ruina angelorum passa videbatur, vt docet Augustinus. De qua re bene dicit Psalter, *Implebit*; quia per supplementum quod illi ciuitati accedet ex glorificatione hominū, ciuitas ipsa nulla ciuium suorum numerositate fraudabitur, sed vberiore etiam copia, inquit Augustinus, fortasse regnabit. *Conquassabit caput in terra malorum;* Multitudo enim malorum imminente iudicio agitabitur, inquit *Isaias*, sicut ebrius, erunt enim sicut homines moti mentis, qui rentes vndique euadere iudicium, euadendi verò neque consilium inuenient neque modum. Qua de re *Isaias* alibi, Quod si non dixerint iuxta verbum hoc, *Isaias* 8.

Hh h non

6.

Isaias 24.

7.

Hiero in c.
3. loc.*Isaias* 25.*Aug Ench.*
cap 29. et
22. de ciu.
dei ca. 1.*Isaias* 34.*Isaias* 8.

non erit eis matutina lux. E transibit per eam, corruct & esuriet : & cū e-
furierit, irascetur & maledicet Regi suo & Deo suo, & suspiciet sursum. Et
ad terram intuebitur, & ecce tribulatio & tenebræ, dissolutio & angustia,
& caligo persequens, & non poterit auolare de angustia sua.

8. *De torrente malorū huius vitæ, in modum torrentis abundanter & ma-
gno impetu in eum irruentium, In via. i. tempore suæ mortalitatis, Biber;*
Bibet enim calicem quem dedit ei Pater. *Propterea. i. merito obedientiæ*
illius, humilitatis & patientiæ, *exaltabit caput. i. eleuabit semetipsum vsq;*
ad dexteræ Dei consortium. Quæ verba à Psalte superioribus hoc consi-
lio adiuncta videntur, vt ex ijs discamus Christum ad dexteram Patris me-
rito suo, vt supra diximus, exaltatum esse, Imò semetipsum, vt docet Cy-
rillus, exaltasse.

Cyr. 1 thes.
cap. 2.

PSALMVS CX.

Alleluia.

Rædicantur in hoc Psalmo cum laude & gratiarum actione diui-
narum iustificationum opera, In quo Psaltes ante omnia exponens
animum suum atque studium quo hunc Psalmum conscripsit, ordi-
tur eum his verbis :

1. *Confitebor tibi Domine. i. mihi propositum est, vel gestio confiteri tibi*
Domine *in toto corde meo*; quod in nobis magis desiderij est quā effectus.
In concilio iustorum & congregatione; Inter impios enim laus Dei incon-
uenienter decantatur. Rem ipsam autem arripiens subiungit Psaltes :

2. *Magni opera Domini, exquisita in omnes voluntates eius. i. magno stu-*
dio aduocata sunt, siue magno studio Deus ea quæ siuit facere, vt in eis im-
pleret omnes voluntates suas, quibusuis suis operibus semper priores & an-
teriores. Dignum namque erat Deo, vt magno studio incumberet diuinam
suam implere atque exsequi voluntatem. Sed non sine caussa dicit Psaltes
opera Domini exquisita esse in omnes eius voluntates, quia mala opera li-
beri arbitrij, diuinæ voluntati contraria, miro quidem, inquit Augustinus,
& ineffabili modo non fiunt præter Dei voluntatem, quia non fierent si
Deus non sineret, nec vtique nolens finit sed volens, non tamen de eis re-
ctè dicitur, quod sint exquisita in omnes volūitates Dei, Deus enim illa non
requirit, (quomodo enim quis requirit quæ odit ?) sed tantum tolerat &
permittit. Non enim inquit Ecclesiasticus, necessarij sunt ei homines impij.
Omne execrumentum erroris odit Dominus, nec cōcupiscit multitudinē
filiorum impiorum & inutilium. Quā verò magna sint Domini opera,
explicatur per id quod sequitur :

Aug. Ench.
cap. 100.

Eccles. 15.

3. *Confessio & magnificentia opus eius. i. Opera Domini tanta sunt laude*
digna

digna tamque magnifica, vt merito appellari debeant, non tam confessione digna quam ipsa Confessio, neque magnifica, sed ipsa magnificentia. *Et iustitia eius* qua nos iustificat, *Manet in seculum seculi*, quia nullo seculo deerit. Qua particula Psaltes insinuat opera Domini, de quibus prius generaliter locutus est, esse opera iustificationis, & quæ eò pertinent, & hæc opera non solum magna, sed in omnia secula perpetuanda esse. Inter quæ reponendum est quod,

Memoriam fecit mirabilium suorum misericors & miserator Dominus, 4.
escam dedit timentibus se. In quibus verbis manifestissima est prophetia de Sacramento altaris, quod Deus commiseratione ductus, timentibus se (nemo enim eo rectè vescitur, nisi in timore Domini versetur) in nutrimentum & memoriam mirabilium suorum instituit.

Memor erit in seculum testamenti sui. i. nullo seculo intermittet nouum 5.
suum testamentum implere, dando leges suas in corda hominum, & eorum mentibus superscribens eas; Testamentum namque ipsius est vt manifestetur hominibus: Ad quam manifestationem quandoquidem opus est euangelica prædicatione, *Virtutem operum suorum annuntiabit populo suo.* i. posteris narrabit virtutes patientiæ, continentiae, misericordiæ, quas in Christo, martyribus, Christianis prioribus potenter operatus est, Id verò hoc fine,

Vt det illis hæreditatem gentium. i. vt faciat posteros hæredes priorum, 6.
hic iustitiæ, postmodum cohæredes gloriæ: Potest tamen istud intelligi hoc modo, *Virtutem operum suorum annuntiabit populo suo*, quia in nouissimis diebus memor testamenti sui quod fecit Israël, virtutes quas operatus est in gentibus, annuntiabit populo suo Iudaico, vt illis per euangelium ad Christum conuersis, det, siue accedere faciat in hæreditatem gentium, quam scilicet gentes per fidem & iustitiam hic in spe possederunt. *Opera manuum eius, veritas.* i. cōformitas ad ideam ab omni errore liberam, quam Deus in sua mente priusquam vlla opera à principio faceret, diuino suo modo efformauit. & *iudicium*; Sunt enim opera Dei nō casu, odio, aut temeritate præcipiti à Deo in medium producta, sed prudenti & prouido iudicio ac bene maturato consilio.

Fidelia omnia mandata eius; quia in eis nihil est vanū, nihil inutile, adulterinum nihil. *Confirmata.* i. eā soliditate prædita vt valeant & meritò debeant perdurare, *in seculum seculi*; Idque quia *facta in veritate*, In qua nisi facta essent, & veram publicæ ac priuæ salutis rationem continerent, permanere non possent. *Et æquitate*; ita vt ne rigor quidem eorum ea caduca facere possit. Tametsi enim mandata Dei magnam contineant perfectionem, ea tamen Deus, qua est humanitate, cum illa æquitate demādauit, vt non sit ad salutem necessarium illa perfectissimo modo implere, vt ma-

H h h ij nifestum

nifestum est in præcepto charitatis, sed modo quodam humanis viribus hominumque profectui contemperato. Sed præter hæc, aliud est diuinæ magnificentiae opus hîc singulariter commemorandum, de quo sequitur:

8. *Redemptionem misit Dominus populo suo*; quia misit Christum redemptorem, Vel, quia misit in homines redemptionis per Christum factæ participationem ac communionem, *mandauit in æternum testamentum suum*. i. nouum suum testamentum non permisit esse temporaneum, sed voluit illud in æternitatem usque esse perpetuum.

9. *Sanctum & terribile nomen eius*. i. de se prædicari voluit, quod præ sanctitate sua sit amabilis, & seueritate terribilis; sicut in Psalmum 98. ex Irenæo diximus. Terribilis, inquam, ut hominibus, quod eis prodest, timorem incutiat, quia, *Initium sapientiæ timor Domini*; à timore enim incipiendum est, ut ad sapientiam quæ est diuinarum rerum cognitio intellectus, inquit Augustinus, perueniatur. Ne autem cognitioni sapientiæ plus quàm oportet tribuatur, quasi ipsa sola posset hominem facere & saluare beatum. Vel, ne illi qui pollent aut pollere student sapientiâ, se meliores esse arbitrentur illis qui sine participatione sapientiæ præditi sunt iustitia, & diuinorum mandatorum obedientia, docet Psalter quando demum sapientiæ cognitio hominem bonum faciat, & quæ sapientia in pretio habenda sit, & dicit:

10. *Intellectus bonus omnibus facientibus eum*. q. d. Ille demum intellectus bonus est, omnes, etiam eos qui ad perceptionem sapientiæ in hac vita non pertingunt, bonos faciens, qui est in *facientibus eum*. i. qui faciunt ea quæ facienda esse intelligunt. Vel, Qui faciunt voluntatem Dei, accipient bonam diuinarum rerum intelligentiam: Prius enim, ut docet Augustinus, Oportet verbis Dei reddere seruitutem faciendi, ut ad intelligentiam diuinarum rerum merito deuotionis, qua non contempta, sed facta sunt, ipsa perducatur. *Laudatio Dei manet in sæculum sæculi*. Beati enim qui habitant in domo tua Domine, in sæcula sæculorum laudabunt te.

Aug q. 96.
in Exod.

PSALMVS CXI.

Alleluia reuersionis Aggei & Zacharie.

IN hoc Psalmo laudatur Deus de operibus viri cuiuspiam iusti, quæ ipse reuerti fecit de captiuitate sæculi, quæ subiaceret tyrannidi diaboli, ad iustitiæ libertatem; Quam reuersionem Aggeus & Zacharias sub titulo liberationis Israel de captiuitate Babylonica prophetauerunt.

1. *Beatus vir qui timet Dominum*. Timorem Domini primo loco ponit, quia timor Domini, ut sapientiæ, ita & iustificationis initium est, quia qui sine timore est, inquit Sapiens, non poterit iustificari: Imò quia timor iusti viri

virique quidam basis est & statua verbi Dei in ipso, inquit Ambrosius. *In mādatis eius volet nimis.* i. qui simul cum timore Domini voluntatem habet in lege; Et est voluntate in legis diuinæ obseruationem, summā deuotione pronensus & inclinatus.

Amb. ser. 5
versu 6. in
psal. 118.

• *Potens in terra erit semen eius.* i. semen quod ipse verbo, exemplo, operibus bonis in terra disseminauit, magnę virtutis erit vt multum fructum afferat. Vel, *semen eius.* i. progenies eius spiritualis quam in Christo procreauerit, *potens erit* numero, virtute, principatu spiritali, *in terra*, vt subigat, corrigat, in officio contineat, proficere faciat homines terre in qua viuit. Idque quia *Generatio rectorum.* i. generatio qua recti instituunt filios Deo parere, *benedicetur.* i. benedictionem fecunditatis spiritalis consequetur. Vel, *Generatio.* i. ipsa progenies *rectorum, benedicetur.* i. in gratiam patrum suorum benedictionibus replebitur.

2.

• *Gloria & diuitia in domo eius.* i. familia eius ab ipso secūdum timorem Dei bene disposita, multā ædificatione erit gloriosa, omni genere virtutum abundans & temporalium rerum sufficientia. *Et iustitia eius.* i. memoria & bonus odor iustitię eius. *Manet in seculum seculi.* Est enim ex illis viris misericordia, quorum iustitia, vt inquit Sapiens, obliuionem non acceperunt. Cū verō horum aliqui hac vita defunguntur,

3.

• *Exortum est in tenebris lumē rectis, misericors & miserator & iustus.* i. ipse Dominus affectu misericors, ortus est illis vt *miserator*, coronaturus eos in miserationibus, & *iustus*, redditurus eis coronam iustitię vt iustus iudex: Hic inquam Dominus, *in tenebris*, siue depullis huius quam relinquunt vita tenebris, exortus est eis vt lumen. Lumen, inquam, beatificum & indeficiens, de quo scriptum est, Lux orta est iusto; vt in illum Psalmi 96. Incum ex Isaia latius diximus.

4.

• *Iucundus homo.* i. non solum rectus, sed etiam iucundus & in conuersatione delectabilis est homo: *qui misereatur & commodat.* Quę duo verba quid importent explicat Bern. Quis putas, inquit, iucundus homo qui misereatur & commodat, pronus compati, subuenire promptus, dare quam accipere beatus iudicans, ignoscere facilis, irasci difficilis, vlcisci penitus non acquiescens, & per omnia proximorū aequē vt proprias respiciens necessitates, &c. *Disponit sermones suos in iudicio.* Quę de re in Psalmum 36. versu 3. ex Ambro. diximus. *Qui in æternum non commouebitur.* i. protegens Deo, nec hic à iustitia nec postmodum à salute excidet. Misericordia enim non patietur animam ire in tenebras.

5.

Bern. ser.
12. in Cā.

• *In memoria æterna erit iustus.* Eleemosynas enim illius enarrabit, inquit Sapiens, orantis Ecclesia Sanctorum. *Ab auditione mala non timebit.* i. à sententia Iudicis, dicentis, Ite maledicti; non formidabit. Sic Augusti-

6.

Eccles. 31.

H h h iij nus &

Hier. ep. 40 nus & Hieronymus. Vel, *ab auditione mala*. i. si audiat sibi aduersa narrari, *non timebit*, sicut patuit in Iob. Huius rei ratio est, quia

7. *Paratum cor eius sperare in Domino*. i. iamdudum priusquam ei mala nunciarentur, cor eius paratum erat contra omnia aduersa oboritura, ad Domini auxilium confugere, & amore Domini, & futurorum bonorum quæ à Domino sunt, omnia huius mundi aduersa superare. De qua re in Psal. 118. ad verba, *Paratus sum & non sum turbatus*, ex D. Ambrosio. plura dicturi sumus. *Confirmatum est cor eius*. i. in hac animi præparatione corroboratus est, ut non facile ab eius integritate vellatur. Quocirca etiâ, *Non commouebitur à recto donec despiciat inimicos suos*. i. donec ad id tempus peruenerit, in quo tuto poterit inimicos contemnere, tanquam qui nihil habeant ulterius quod mali inferant.

8. *Dispersit dedit pauperibus*. i. in omnem partem & in quosuis pauperes elemosynas suas diffudit. *Iustitia eius manet in sæculum sæculi*. i. operibus eius transeuntibus manet meritum eius cui ex iustitia merces debetur. Vel, Operibus transeuntibus, ipsa iustitia eius, ex qua opera oriuntur, indefinenter permanet. Idque *in sæculum sæculi*. i. usque in æternitatem. Tum verò, *cornu eius exaltabitur in gloria*. i. quasi cristas eriget, & in gloriam exaltabitur qui hic iustus, sed quasi inglorius fuit. Per exaltationem enim cornuum glorificationem futuræ vitæ intelligendam esse supra subinde diximus, & ex Basil. in psal. 28. probauimus. Hanc eius exaltationem,

9. *Peccator videbit & irascetur*, sibi, sed sera pœnitentia & infructuosa. Sibi enim indignabitur, quod felicitatem tanquam qua sibi bene esset, (Non enim nouit eam castè diligere) ut ex historia Lazari & Epulonis probat D.

Gr. 4. dia. Gregorius, perdiderit. *Dentibus suis fremet*, ira, ut arbitratur Ambrosius, *Ambr. 2.* vel etiam inuidia feruidus. *Et tabescet*, quia sine spe euadendi solo dolore torquebitur. *Desiderium peccatorum peribit*, quia tamen si continuo flagrent suarum concupiscentiarum desiderio, rem tamen desideratam in futuro tempore non assequuntur.

PSALMVS CXII.

Alleluia.

SVperiore Psalmo audiuius laudes eorum qui in Ecclesia virtutem obtinent & dignitatem Patrum, hic, filij ab ipsis in Christo geniti (quandoquidem virtus Patrum in salutem abundauit filiorum) prouocantur ut gloriam Patrum suorum conuertant in laudes Dei. Quapropter, quàm præcedens, tam præsens Psalmus in festis Apostolorum, Episcoporum, & eorum qui Religiones instituerunt in Ecclesiis opportunè canitur, ut Deo, qui illis in nostram salutem benedixit, pro sua in illos & nos mu-

nos munificentia gratiarum actio, qua oportet celebritate deferatur.

Laudate pueri. i. O vos quicumque & qualescunque ex vtero Ecclesie ope
eorum qui vobis in Christo Patres fuerunt, geniti estis, *Laudate Dominum;*
Laudate. i. cum laude predicare, *nomen Domini*, ut vestra predicatione ef-
ficiatur inter vos nomen Domini gloriosum. 1.

Sit nomen Domini benedictum, ex hoc nunc & usque in seculum. i. no-
men Domini non proferatur a vobis nisi adiuncta simul benedictione ipsius,
cuius nomen protuleritis, Dei, Quod Apostolum observasse constat, qui pro-
nunciato Dei nomine subiungit, qui est benedictus in secula. Vel, *Sit no-* Rom 1. 9.
men Domini benedictum. i. sit ipse Deus benedictus. Nomen enim Domini 2. Cor. 11.
ipsum Dominum significare ex cap. 28. Deuteronomij notum est, Vbi di-
citur, Nisi timueris nomen Domini gloriosum & terribile, hoc est, Domi-
num Deum tuum. In quem sensum Iob nomine Domini usus est, cum dixit;
Dominus dedit, Dominus abstulit: sit nomen Domini benedictum.

A solis ortu usque ad occasum, laudabile nomen Domini. Ecclesia enim
in qua magnus Dominus & laudabilis nimis, ab ortu solis usque ad occasum
diffusa est & dilatata: 3.

Excelsus super omnes gentes Dominus. i. in oculis omnium gentium &
fide earum, ut in Psal. 46. & 98. diximus, Christus exaltatus est sicut pro-
miserat Dominus per Isaia: Ecce intelliget servus meus, exaltabitur &
eleuabitur & sublimis erit valde; Et alibi, Quiescite ab homine, cuius spi-
ritus in naribus eius est, quia excelsus ipse reputatus est. *Et super caelos glo-* Isie 52.
ria eius. quia eleuatus est super omnes caelos & choros Angelorum. Est verò
apud ipsum sic exaltatum aliquid dignum admiratione, quia,

Quis sicut Dominus Deus noster qui in altis habitat. Omnes enim qui
seculari sublimitate excelsi sunt, humilitatem ut degeneris animi ignobili-
tatem aspernantur & despiciunt: Ipse verò contra cum sit Altissimus, &
humilia respicit in caelo, quia angelos superbientes de caelo deiecit, alios ve-
ro in humilitate sua permanentes in gratia confirmavit. *Et in terra.* Ad
quem enim respiciam, inquit, nisi ad pauperculum & contritum spiritu &
tremement sermones meos. Nam & in B. Maria respexit humilitatem an-
cillae suae. Quin non solum respicit ad illa quae humilia sunt humilitatis vir-
tute, sed & respicit oculis misericordiae ad illa quae dicuntur humilia infelici
quodam abiectioe atque contemptibilitate. Sequitur enim:

Suscitans a terra. i. terrenarum rerum (quibus priusquam a Domino
suscitaretur, deditus erat) studio & cura, *inopem.* i. hominem meritis ac viri-
bus pietatis destitutum. *Et;* Quod admiratione magis dignum est, *De ster-*
core. i. peccatorum putore, sordibusque in quibus volutabatur, *erigens.* i.
in caelestia prius conuertens & postmodum traducens, *Pauperem.* i. meritis
& pie-

& pietatis viribus similiter destitutum. Erigens, inquam, eum ad sublimitatem non vulgarem solummodo & Christianis omnibus promiscuè communem, sed,

7. *Ut collocet eum cum principibus, cum principibus populi sui.* i. ut eum faciat seruum fidelem & prudentem quem constituat super familiam suam, ut eidem æquo & bono iure, eaque qua oportet sapientia, diligentia, promptitudine & charitate, non sine magno sui principatus preuentu, praesit ac principetur. Laudate itaque pueri Domium,

8. *Qui habitare facit sterilem in domo.* i. eum qui prius nullum vel propriæ salutis fructum proficiabat, facti ingredi Ecclesiam, eumque in ea, ad eruditionis, industriæ & caritatis proficere, ut faciat eum Deus, *Matrem filiorum letantem.* i. multos filios spirituales cum magno suo gaudio, Christo, Spiritu sancto maritante, generantem. Potest tamen hic versiculus intelligi de Ecclesia, præsertim de gentilitate collecta. Hæc enim prius, præsertim in gentibus, sterilis erat, postmodum autem summa fecunditate donata

Isaie 49. est, Quam Isaïas introducit admirantem propriam suam & inexpectatam fecunditatem in hæc verba: Quis genuit mihi istos? Ego sterilis & non pariens, transmigrata & captiua, & istos quis enutriti? Ego destituta & sola, & isti ubi hic erant?

PSALMVS CXIII.

Alleluia.

IN hoc Psalmo sub typo exitus filiorum Israel de Ægypto, eorumque Dei operum quæ exitum illum comitata sunt, decantatur cum gratiarum actione exitus filiorum Dei de seruitute sæculi, quod spiritualiter dicitur Ægyptus vel Sodoma, in libertatem gloriæ filiorum Dei. Et quandoquidem, sicut filij Israel egrediebantur de Ægypto per mare rubrum, ita filij Dei egrediuntur de sæculo per baptismum; ideo conuenientissimè canitur hic Psalmus in festiuitate Paschali, cum solennis solet celebrari baptismus in Ecclesijs parochialibus, quando à fonte reditur ad gremium siue nauem, ut loquimur, templi Ecclesiæ, ut ex ipso loci in quo renati sumus, & ex quo ad terram promissionis fidei passibus, & bonorum operum quodam processu progredi cepimus, contuitu atque conspectu, animus vniuersusque flagrantius exardescat in laudes Dei super omnibus bonis, quæ Dominus præstitit domui Dauid pueri sui, ut educeret eam de seruitute sæculi nequæ, & eandem, ducatu suo, conuenienti processu ad patriam paradisi perduceret.

9. *In exitu Israel de Ægypto, domus Iacob de populo barbaro.* i. cum Israel Dei inciperet deserere sæculum, & electi Dei, filij Iacob, fide, vita & moribus se separare, à populo barbaro. i. populo qui sine Deo & sine eius lege viuebat

vinebat in hoc mundo barbarissimus enim ex eo, inquit Epiphanius, non ^{Epiph. in} ^{romend.} ^{et ber.} men accepit quod homines non habeant principem aut unam concordiam, sed unusquisque pro sua ratione procedit, & sibi met lex, viuit pro propria voluntatis prerogativa. Verissimus ergo barbarissimus est, ubi populus non habet Deum principem, nec legem Dei reipublice aut vitæ propriæ normam siue regulam. Itaque in exitu Israel de Aegypto, &c.

Facta est Iudæa sanctificatio eius. i. Iudæa illa quæ, ut Apostolus dicit, in occulto est, facta est & appellari debuit, sanctificatio Dei, quia Dei munere sanctificata est, vel Deo dedicata. *Israel potestas eius.* i. Israel Dei factus est is in quem Deus suam exercuit virtutem: Vel, Israel qui prius potestati diaboli subiectus erat, cepit ab eo tēpore in Dei solius ditione esse, & ad Dei partem siue possessionem pertinere.

Mare. i. amaritudo, intemperies, vastitas, gurgites, abyssi sæculi, Vel, multitudo hominum mare, quod sæculum est, incolentium, *Vide.* i. credidit; Vidit in quâ mare *et fugit*, quia fide animis hominum mutationem adducēte, pristina sæculi feritas de medio multitudinis sublata est, & in abyssum reclusa, cepitque per fidem esse in medio populi, pro amaritudine amor fraternitatis; pro tempestate serenitas; pro salo, fluctibus mitigatis, quædam quieta securitas. *Jordanis conuersus est retrorsum.* i. iidem qui prius sicut Iordanis deorsum, ita in deteriora defluebant, & corde à Deo longius recedebant, non solum desierunt ulterius defluere, sed conuersis studiis ad Deum se convertere & ad Deum procedere ceperunt, implentes quod scriptum est: Converterimini sicut in profundum recesseratis filij Israel. Bene ergo Ambrosius dicit his verbis significari, quod homines per baptismum ad naturæ suæ primordia reformantur. Hæc enim non satis convenienter ad litteram intelligi, Augustinus ex eo probat, quod fluvius Iordanis, cum eum transeunt essent filij Israel, non se converterit retrorsum, sed à parte superiore fluxum sistens, intumuerit, à parte verò inferiore in mare mortuum defluerit.

Montes. i. qui eo tempore in Ecclesia erant Apostolica, vel alia animarum cura sublimes, *exulcaverunt ut arctes.* i. hac re gesta, eo gaudio elati sunt, quod sibi vindicare possunt illi qui arctes siue duces huius exitus extiterunt. *Et colles.* i. reliqui sancti nulla procuratione spiritali solliciti, *si ut agni ovium.* i. eo gaudio exhilarati sunt, quod in tali re ob amorem fraternitatis competit privatis, qui congaudent publicæ saluti, tamen si eam suo labore ac industria non sint operati. Hic nunc Psalter confessionem gratiæ Dei, per quam res tanta perfecta est, clicere gestiens, blandè interrogat,

Quid est. i. unde est tibi, *mare quod fugisti, et in Iordanis quia conuersus est retrorsum?* Et similiter, *Quid est,* siue, Unde est vobis

6. *Moxies* quod exultastis sicut arietes, & colles sicut agni ouium?
7. *A facie Domini*, vultum suum super homines illuminantis & gratie sue virtutem in eis exercentis. *Mota est terra*. i. homines, qui alioqui vt terra immobiles permanerent, ad apprehendendam exercendamque iustitiam se promouerunt. Id inquam, factum est, *A facie*, siue illuminatione *Dei Iacob*,
8. *Qui conuertit petram*. i. hominem quouis lapide duriores & aridiorem, in stagna aquarum, vt cor eius durum prius & indomabile, in thesaurum quendam lachrymarum colliquefcat. *Et rupem*, quæ à petra mox dicta solo differt vocabulo, in fontes aquarum; vt præ affectu pietatis & compunctione emolliti cordis, oculi eius absq; mensura lachrymis fluant. Vel, *Conuertit petram in stagna aquarum*; vt qui prius corde aruerat, thesaurum quendam aquæ viuæ, in Spiritu sancto, corde cõtineat. *Et rupem in fontes aquarum*; vt de ventre eius qui prius vt rupes durus fuit & aridus, etiam in salutem aliorum erumpant flumina aquæ viuæ, iuxta quod ab Isaia dictum est: Quæ erat arida, erit in stagnum, & sitiens in fontes aquarum. Cùm itaque prædicta rerum commutatio sit mutatio dexteræ Excelsi, Mare, Iordanis, Arietes, agni ouium vnâ & concordi deuotione exclamant:
9. *Non nobis Domine nō nobis*. i. nō hæc nobis ascribantur tanquã ex nobis, sed *nomini tuo da gloriã*. i. da vt hæc redũdent in gloriã nominis tui, vt ab omnibus prædiceris & in veneratione habearis, Da autẽ gloriã nomini tuo.
10. *Super misericordia tua*, gentibus exhibita, & *veritate tua* exhibita Iudæis. Vel, *super misericordia tua*, ex qua prædicta facere proposuisti & promissisti, & *veritate tua*, qua promissa implesti. *Nequando*. i. ne si hæc opera tua tuo nomini gloriam non concilient, dicant gentes. i. gentiles, obseruantes nos Christianos deos eorum non colere, & quoad ea quæ huius vitæ sunt, (nam, vt inquit Tertullianus, libenter morimur, quasi oues occisionis æstimamur, rapinam bonorum nostrorum cum gaudio sustinemus) miserabiliores esse omnibus hominibus, dicant, *Vbi est Deus eorum?* Cùm enim gentes arbitrentur Deum quemcunque suis cultoribus præsentis vitæ felicitatem in primis præstare debere, existimant Christianos, ob ea quæ allegauimus, ad nullius Dei curam pertinere; si ergo ex alia parte non viderint prouidentiam & maiestatem Dei circa Christianos ex eorũdem virtute, vita & moribus, dicunt inter se, *vbi est Deus eorum?* Cùm verò conuentum Christianorũ, vt narrat Apostolus, ingressi obseruant in eo bonum ordinem & concordie spiritum, ex talibus Dei præsentiam percipientes, non dicunt amplius vbi est Deus eorum, sed cadentes in facies suas adorant Deum, pronunciantes quod verè Deus in illis sit. Dicunt verò Christiani.
11. *Deus autem noster in celo*. In celo, inquam, non quasi alibi non sit, sed quia ibi bona ineffabilia præparauit diligetibus se, in quæ suspirando edocti sumus

Tert. in fine
Apol.

sumus orare, Pater noster qui es in celis. Et dicimus, *Deus noster in celo*; quāvis enim Deus & hic Deus noster sit, dicimus tamē, *Deus noster in celo*; siue, singulariter eum appellamus Deum nostrum, quia eum consideramus secundum id quod nobis futurus est in celo; ibi enim felicissimē & beatissimē Deus noster erit, cum dicet ei unusquisque nostrum, Salutare vultus mei & Deus meus. *Omnia quaecunque voluit fecit*. i. Omnia hæc quæ supra commemorata sunt, fecit secundum consilium & beneplacitum suæ voluntatis, ita vt nulla eorum causa fuerit in nobis quasi ex nobis. Itaque non nobis, sed nomini eius pro his omnibus debetur gloria. Quocirca etiam longē alia est Dei nostri quam falsorum deorum conditio, quia,

Simulachra gentium. i. idola gētiū, simulachrorum nomine appellata, 12.
quia gētes illa in deos sibi ad similitudinem creaturarum aut cogitationis, inquit Apostolus, hominum excluderunt efformaueruntque. *Argentum & aurum*. Non enim idolum nihil est quoad materiam ex qua, inquit August. 20. cōtra fau-
Opera manuum hominum. Homines enim formauerunt illa & effinxerunt de sum 23.
argento & auro quod fecit Deus. Proinde improprie eis Deus & iniuriam hanc eis exprobat per Ezechielem in hæc verba: Tulisti vasa decoris tui de auro meo atque argento meo, quæ dedi tibi, & fecisti tibi imagines masculinas & fornicata es in eis.

Os habent & non loquentur, oculos habent & non videbunt. i. non solum 13.
per os non loquentur, neque per oculos non videbunt, sed simpliciter non loquentur neque audiunt. Idolum enim nihil est, quia nihil diuinitatis, inquit D. Thomas, ei inest. Si enim loquerentur absque corporeo ore, vel audirent absque auribus, vt de Deo nostro in Psal. 93. diximus, non esset reprehensibilis gentilitas, si in imagine rei corporeæ, Deo aures aut oculos metaphoricē tribueret, sicut quidam eorum, teste D. August. simulachra gē- Aug in lib de ciu. dei.
tilium interpretari conati sunt, Hac enim ratione à reprehensione immunes euadunt Christiani, qui Angelorū imō S. Trinitatis figuras corporeas sculptunt vel pingunt; Per illas enim non intendunt significare Deum vel Angelos, oculis auribusque præditos esse, sed per metaphoram insinuant Deum audire, videre, iudicem agere, Nunc hoc nunc illo loco præsentem se exhibendo, quasi ambulare, Quod in eis reprehensioni adhuc minus obnoxium efficitur, quia Deus ipse nō est dedignatus in visibili schemate & corporali imagine veteribus non raro apparere. Proinde imaginibus quæ apud Christianos in usu sunt, præterquam quod ab ijs (quod per summam calumniam eis impingunt hæretici) pro dijs non habeantur, competere non potest præsens locus psalmi qui improprie dicit, *Os habent & non loquentur, oculos habent & non videbunt*, quia in veritate omnes illi quorum in usu habemus imagines, aut sine ore aut per os habēt loqui, sine auribus aut per au-

Ii i j res ha

res habent audire. Psaltes autem his verbis non irridere voluit legitimum
vsum imaginum, sed stuporem gentilium, qui pro dijs statuebant libi, ore,
auribus, pedibus präditas imagines, omni sensu atq; intellectu etiam in suis
prototypis vacuas. In eundē quoq; sensum interpretāda sunt quæ sequūtur.

14. *Aures habent & non audient.* i. ne vel in suis prototypis audient. *Neres habent & non odorabunt.*

15. *Manus habent & non palpabunt, pedes habent & non ambulabunt, non clamabunt in gurgure suo.* Quæ itaque prædictam gentilium impietatem consequetur poena?

16. *Similes illis sunt qui faciunt ea.* Similes, non vsu corporis, inquit Ambrosius, sed habitu mentis; vt ipsi mente atq; ratione præditi non videant oculis, & non intelligant, inquit Isaias, corde suo, nec recogitent in mente sua, neque cognoscant, neque sentiant vt dicant, Ante truncum ligni procidam? Pars eius cinis est: cor insipiens adorauit illud, & non liberabit animam suam, neque dicet, Forte mendacium est in dextera mea (i. forte in errore verfor.) Hæc Isaias. *Et omnes qui cōfidunt in eis.* i. habēt illa pro dijs,

& in illis spem suam collocant. Parem enim, inquit Tertull., vtrique merentur pœnam. Priores quidem, quia præuaricantur præceptum Domini quod dixit: Non facies tibi sculptile; quibus verbis prohibet Deus, ne quis sculptile in Deum efficiat: Posteriores verò, quia præuaricantur Dei præceptum quod sequitur, Non adorabis ea, neque coles; quia cōfidere in eis, colere est. Quamquam & illi qui in gratiam gentilium faciunt simulachra,

ibid. cap. 6. eadem etiam colere censentur. Quia, inquit Tertull., sculpendo, facit vt ea coli possint. Imò colit ea, quia eis immolat ingenium suum, sudorem suum libat, & prudentiam accendit. D. tamē Augustinus per eos qui faciunt idola, intelligit idolorum cultores: Per eos verò qui cōfidunt in illis, tales intelligit qui idola colebant vt signa, sed falsorum deorum aut occultarum virtutum. Gentes itaque orant & adorant illa quæ simpliciter nec vident, nec audiunt, & ideo de illis rectè dicit propheta, quod rogant Deum non saluantem, è diuerso verò,

17. *Domus.* i. populus Israel, *sperauit in Domino, adiutor eorū* per auxilium ad bona, & *protector eorum est*, propugnando eis aduersus mala.

18. *Domus Aaron.* i. ordo sacerdotalis veteris populi, *sperauit in Domino, adiutor eorum & protector eorum est.* Nec solum Israel in his duobus suis ordinibus, sed etiam,

19. *Qui timent Dominum.* i. omnes ex quacunque gente, qui ad Dei cultum conuersi sunt, *sperauerūt in Domino.* i. spem suam ab omni re creata ad Dominum transtulerunt, *Adiutor eorum & protector eorum est.* quia spei suæ prouentum eundem quem Israel pariter à Deo acceperunt. Non enim est persona-

personarum acceptor Deus, Respicite enim, inquit, filij, nationes hominū, quis in Deo sperauit & confusus est? Dicunt proinde omnes isti,

Dominus memor fuit nostri, ut laceret quæ de nobis cogitaret, & quæ sperantibus in se promiserat: & benedixit nobis omni benedictione spiritali in celestibus. 20.

Benedixit domui Israel, benedixit domui Aaron. i. populo & ordini sacerdotali Israelis secundum carnem. Non solum autem, sed & 21.

Benedixit omnibus quæ in quacunque hominum natione, timent Dominum. *Psallis cum maioribus,* ita ut nulla ætas aut conditio sperantium in Domino benedictionis experta sit. Videns autem Phylæes in spiritu benedictionem Domini in hos quos diximus effusam, optans eis illius benedictionis incrementum, exclamat: 22.

Adiueat Dominus. i. augeat Dominus benedictionem suam eamq; multiplicet *super vos.* *Super vos & super filios vestros.* Et in hac apostrophe perseverans felices eos prædicat, dicens: 23.

Benedixit vos a Domino, qui fecit calum & terram. q. d. A Domino, inquam, qui vna etiam author est cæli & terræ, ut per hæc verba indicet nō alium esse authorē spiritalium, alium terrenarum benedictionū. Fecit autē, 24.

Calum cæli Domino, Id enim sibi reservauit, ut in eo semetipsum hominibus suo tempore manifestaret. *Terram autem dedit filiis hominum,* ut quamdiu animaliter viuunt & generationi seruiunt, terram colant, & in ea rerumq; terrenarum vñ vitā traducant. Vel *fecit calum.* i. spirituales homines rerum celestium capaces & studiosos, *& terram.* i. fideles quidem, sed in ipsa Christi fide adhuc terrena, ordinato tamen amore, sectantes. Sicut ergo Deus benedictione sua fecit ex hominibus calum & terram, duo quoque hæc genera hominum aliter & aliter ordinauit, quia *Calum cæli Domino.* i. spirituales sibi reservauit absque ministerio hominum à se erudiendos corrigendoque. De quibus subinde diximus: *Terram autem dedit filiis hominum.* i. terrenos illos voluit per homines instrui, corrigi, componi & promoueri, ut in eo ministrorum suorum promptitudinem, patientiam & charitatem varijs modis exerceret. In quo molesto obsequio, ut minister Christi maiore alacritate, atque nunc fraterna, inquit August. nunc paterna, nunc etiam materna (vide & nos Psalmo superiore matrū nomine eos qui Ecclesiæ filios generant intelleximus) versetur, cogitet, inquit idem, quid sibi prærogatum sit ab illo qui demonstrauit nobis exemplum ut sequamur vestigia eius; & ab illis quos ipse cum esset in minoribus, magistros habuit. Nec moueat eum quod omnes sibi commissos spirituales facere non possit. Si enim soli spirituales salui fierent, pene frustra laboramus, ait idem, in Ecclesia. 25.

Aug. c. 12.
de ciuit. rud.

Id. ca. 10.

Aug. epist.
102.

Iii iij Non

46. *Non mortui, peccato scilicet. Sancti enim tametsi corpore exiit, non dicuntur mortui, Non est enim Deus mortuorum: laudabunt te Domine: neque omnes qui descendunt in infernum. i. qui apud inferos sunt. In inferno enim quis confitebitur tibi?*
27. *Sed nos qui vivimus, fide & iustitia, benedicimus Domino ex hoc nunc & usque in saculum. Nullo enim tempore laus Dei de ore Ecclesie cessabit.*

PSALMVS CXIII.

Alleluia.

Docet Psalmus per quid exaudiatur oratio; Et quod in omni miseria periculisque huius vite ad Dominum per orationem confugiendum sit, auxiliumque ab eo obtineatur. Denique ad quam animi quietem instante morte se componere possit, qui in his quae dicta sunt vitam traduxerit.

1. *Dilexi quoniam. i. cam ob causam exaudiet Dominus vocem orationis meae. Charitas enim orantis magna est causa, ob quam oratio exaudiatur,*
2. *Quia inclinavit aurem suam mihi. i. eandem ob causam Deus oranti mihi obuiam aurem prae-buit, & orationi condescendit, ac detulit misericordiam, inquit Ambros. & in diebus meis. i. tempore vite meae mortalis inuocabo. i. inuocationi ac orationi frequenter incumbam. Quia,*
3. *Circumdederunt me dolores mortis. i. vndique cingor molestiis meae mortalitatis, & periculi inferni inuenerunt me, cum enim hanc vitam ingrederer aeternae damnationis periculum ob peccatum originale me exceperit, & per totam vitam me sibi, non tamen pari iure aut propinquitate, obnoxium tenuit. Et praeter haec,*
4. *Tribulationem & dolorem inueni. i. in multos dolores incidi subinde imprudenter, interdum etiam recte agendo. In his autem omnibus, nomen Domini. i. ipsum Dominum propter semetipsum, vel propter gloriam nominis sui inuocaui. Oratione enim, his malis leuamen impetratur. Formula vero inuocandi haec est:*
5. *O Domine libera animam meam, ne per haec mala in damnationem incidat, misericors Dominus & iustus. Addit, & iustus; Iustum enim est Deo ut exaudiat deprecantem. Et Deus noster miseretur. i. misericordiam suam deprecanti deesse non patitur.*
6. *Custodiens paruulos Dominus, humiliatus sum & liberavit me. i. consideravi Dominum protectorem esse humilium. propter quod ad humilitatem, inquit Gregor. me composui, & effectum protectionis eius humiliatus percepi. Et haec quidem in diebus vite huius, in quibus, qui modo praedicto fuerit exercitatus, instante morte sic semetipsum affatur vel affari potest:*

Conuer-

Convertere anima mea in requiem tuam. i. temetipsam ô anima mea ad interioris hominis quietem compone, & in æternam requiem tibi aduentantem, tecum exultatione conuerte: quia tempore transactæ vitæ, Dominus (quod tibi ad exultandum in secundum Domini aduentum, magnum fundamentum est) *fenescit tibi.* Queris in quo?

Quia eripuit animam meam à morte, ne, vt cōfido, æternæ morti obnoxius sim. *Oculos meos à lachrymis.* i. eripuit me ne sim obnoxius tenebris exterioribus, in quibus erit fletus & stridor dentium. Vel, *Eripuit animam meam à morte;* peccati, in qua aliquando fui. *Oculos meos à lachrymis.* i. fecit me lachrymarum, quas me propter peccata mea fundere oportebat, mensuram implere. Quod, dico, fecit is qui potū dat lachrymas in mensura. Quamensura completa, per consolationem, quæ perfectam poenitentiam consequitur, tergit illas lachrymas & dolorē præteritum tanquam iam expletum ipse mitigauit. Eripuit etiam *pedes meos à lapsu,* ne post poenitentiam in peccatum relaberer. In posterum ergo, siue in vita ad quam pergo, absque omni macula & ruga, & vestimentis candidis, quales fullo non potest facere super terram, indutus,

Placebo Domino, De tempore enim futuro sibi blanditur, ait Ambr. qui hæc loquitur, *in regione viuorum.* i. beatorum, è qua regione mors animæ & tandem etiam corporis prorsus exterminata est. Seruiunt itaque hæc postrema verba consolationi infirmorum si bene vixerint, præsertim in extremis, ad propulsandas ab eis iniurias pusillanimitatis.

PSALMVS CXV.

Alleluia.

IN Psalmo hoc loquitur author in persona præcipuè eorū qui martyrio candidantur vel probantur. Quocirca etiam in Ecclesiis in *testibus* martyrum ex professo legitur. Bonum autē erit vt eum in honorem martyriū legentes, subinde recordentur verborū Cyrilli: Si veritatē pro gloria Dei sateri verebimur, qua fronte martyriū encomia celebramus?

Credidi propter quod locutus sum. i. quia lex fidei etiam fidei confessionem præscribit, ideo quod corde credidi, ore palam confessus sum. *Ego autem humiliatus sum nimis.* i. in inenarrabiles ob hoc afflictiones & calamitates incidi. Quocirca

Ego dixi in excessu meo. nimio quodam, & qui iustum modum excederet, pauore conturbatus, dixi: *Omnis homo mendax.* i. nullus est hominū qui omnes illas afflictiones poterit sustinere. Proinde omnes metu vel expectantia malorum adacti, negando fidem, in mendacium deueniūt. Hic sensus videtur esse literalis, quanquam D. Augustinus mendacium hic accipiat pro quouis

7.

8.

9.

Amb. de bono mortis cap. ult.

Epist. 6.

1.

2.

quous peccato, specie videlicet pro genere. Alibi verò specialiter pro peccato mendacij. Quod hac ratione tribuit omni homini, quia omnis homo per semetipsum peccat, aut de suo mendacium loquitur, ut ait August. sibi. Infirmus itaque pauore pusillanimis dicit, *Omnis homo mendax*. Fideles verò martyrij candidatus, in supplicijs sibi imminentibus vel etiam presentibus nihil in mente nisi Dominica, ut suadet Cyp. præcepta quibus eum Spiritus sanctus ad toleranda supplicia animavit, versans, nec mortem cogitas, sed immortalitatem, nec temporariam poenam, sed gloriam sempiternam considerat martyrium non esse ita pusillo animo desperandum; Multarum proinde rerum consideratione semetipsum in id corroborare studet & accendere. Et in primis alta mente reuoluens, quod Verbum, ut ait Ambros. carnis infirmitatem suscepit, pro nobis esuriuit, vapulauit, ut nobis, in quibus ante vita ignobilis & degener habebatur, inciperet mors esse pretiosa; attendit sibi Domino pro tot tantisque beneficijs aliquid rependendum esse. Inquirat itaque apud semetipsum, & dicit:

3. *Quid retribuam Domino pro omnibus quæ retribuit mihi?* Omnibus inquam, Nam & retribuit bona pro malis; & bona pro bonis; suis, tamen in me prius collatis muneribus. Intelligens autem martyrium illud esse quod Cyp. epi. 77 solum, ut inquit Cyprianus, Domino pro beneficijs eius grandibus & salutaribus fidei & deuotionis nostræ obsequia retribuant, in martyrium gratanter suscipiendum se resoluit, & dicit:

4. *Calicem salutaris.* i. passionem, certam nobis salutem adferentem accipiam. Accipiam, inquit: Est enim passio Dei donum: quia non est in tua potestate, inquit Cyprianus, sed in Dei dignatione martyrium, nec potes dicere te perdidisse, quod nescis an merearis accipere. Dicit itaq; cum quodam spiritus gaudio & alacritate, calicem salutaris accipiam; Quis enim, inquit Cyprianus, non appetat aliquid gaudibundus & lætus, in quo & ipse aliquid Domino retribuatur? Et, calice accepto, in ipsa positus passione, *nomen Domini inuocabo*; ut det mihi opere perficere quod voto proposui, & ex pia animi gratitudine optauit, atque in cepto persecrari. Quale quid fecit D. Laurentius, qui è medio sui incendio orabat dicens, Domine Iesu Christe, Deus de Deo, miserere mihi seruo tuo: implorabat namque misericordiam sui Saluatoris, quæ, ut dicit August. adheret Sanctis cum præliantur. Et quidem non abs re dicit martyrij candidatus, accepto calice Domini, *nomen Domini inuocabo*: multi enim diuinæ protectionis atque opis incurri, & de viribus sui boni propositi securi, martyriū cum iam præforibus esset detrectauerunt, aut succubuerunt in tormentis. Alteram porro causam ob quam martyrium libenti animo suscipiatur, proponit sibi martyrij studiosus per id quod sequitur:

Vota,

Vota, inquit, *mea Domino reddam coram omni populo eius*; Considerans namq; se cum fidem Christi susceperet, professum esse quod odiret patrem & matrem, imò & animam siue vitam suam temporalem præ Christo & præceptis eius, adlubescit ei martyriū. Gestit enim hæc & huiusmodi vota sua Domino, pleno fidei & deuotionis obsequio integerrimè & perfectissimè exsoluere, Idque, *coram omni populo eius*. i. in publico & quodam amphiteatro, vt publico quodam sui corporis sacrificio Deo debitum honorem deferat atque exhibeat, & velut athleta coram oculis sui Imperatoris & totius populi ad victoriam vsque decertet. Si enim milites huius sæculi magnam gloriam computent honoris sui, si illis spectante populo & Imperatore præsentè, inquit Cyprianus, contigerit coronari; quam optabile putas est istud spectaculum, quàm sublime, quàm magnum, quàm oculis Dei, sacramento ac deuotione militis eius, acceptum, vt præliantes nos & fidei congressione pugnantes spectet Deus, spectet Angeli eius, spectet Christus, spectet & mūdus? Inuitat tertio ad amplectendum martyrium quod sequitur: *Pretiosa*. i. magni pretij, Quo vocabulo martyrij præstantia sic commendatur vt simul asseratur illam veri meriti rationem habere, Quid est enim meritum nisi accipiendæ retributionis iustum pretium? *In conspectu*, i. in oculis siue iudicio *Domini*: Hoc hic additur vt insinuetur labores martyrum & opera Sanctorum, *pretiosa* siue suo præmio digna esse iudicij diuini (iudicium enim debet esse conforme veritati) veritate, & non beneuola quapiam Dei imputatione. *Mors Sanctorum eius*. i. martyrum eius, vt interpretatur Tertullianus, *Qui* Sancti dicuntur, quia martyrio sanctificationis primitiua accipiunt, aut incrementa, vt proinde Spiritui S. aduersetur eorum sententia, qui vt refert Irenæus, improbauere & contempnere martyria. D. verò Bern. vniuerso, inquit, sanctorum cœtui apud Deum commune est quod dicitur, *Pretiosa in conspectu Domini mors sanctorum eius*. Dux enim res videntur mihi mortem pretiosam facere, vita & causa: sed amplius causa quam vita. Porro illa erit pretiosissima quam & causa commendat & vita. Hæc Bern. Cui consentiens Cyprianus, extenuat præstantiam martyrij illorum, quorum martyrium, inquit, sine indulgentia nō fuit, eo quod antea criminibus quibusdam maculati, martyrio quasi quodam baptismo ablui eguerint & purificari. Quanti verò pretij mors sanctorum sit, explicat Cypr. *Pretiosa*, inquit, mors hæc est quæ emit immortalitatem pretio sui sanguinis, quæ accipit coronam de consummatione virtutis. Quibus alio loco & hoc addit, quod martyres statim à Domino coronantur, quod sanguine suo gehennam extinguant, & Christo iudicanti assessori sint: Quin et si horum quæ martyrij candidatos ad amplectendum martyrium prouocare dixi, nihil subsisteret; Vbi tamen ita visum fuerit martyrium me amplecti

5.

Cyp. epist. 6
or 10.Tertull.
Scorp. c. 8.Iren. lib. 3.
cap. 20.

Bern. epist. 98

Cyp. de fin.
cleric. circa
finem.

Cyp. epist. 9

K k k

plecti

plecti oportet atque subire;

6. *O Domine*, vel hoc solo nomine, *quia ego seruus tuus, ego seruus tuus & filius ancillæ tuæ*. i. genuinus atque natiuus tibi seruus sum. Vel solo ergo seruitutis titulo tibi omnia debeo. Tuum est enim quidquid poscideo, qui potes quod dedisti quo vis modo repetere, Nam ipse pater fidei nostræ Abraham, inquit Ambrosius, cum ad immolandum vnicus à sene filius posceretur, paternæ pietatis affectum diuinæ confessione iustitiæ temperabat, dicēs, Iustus es Domine. Non enim poscis alienū, sed tuum reposcis; ipsum tibi restituo quem dedisti. Hæc D. Ambrosius. Quam verò putas optabile esse martyrium contemplatione illius gaudij quod vniciq; obueniet cum martyrio perfunctus fuerit? tum enim vnusquisque cum latitia inenarrabili & glorificata, dicet Domino:
7. *Dirupisti vincula mea*. i. mortalem nexum animæ & corporis, inquit D. Ambrosius, cuius terrena inhabitatio aggrauabat animam & deprimebat sensum multa cogitantem. *Dirupisti etiam vincula mea*, quia liberaſti me de corpore mortis, in quo sæuiebat lex cupiditatis, animam meam ad mortem peccati quantum poterat seducentis, vt exponit Epiphanius. *Dirupisti* denique *vincula mea*, siue seruitutis meæ quibus illigabar vt seruirem carne legi peccati. *Tibi sacrificabo hostiam laudis*. Non dicit sacrifico, sed sacrificabo, significans illud perfectum sacrificium, quando vnusquisque corporis huius vinculis absolutus Domino assidet & offeret se hostiam laudis, quia ante mortem nulla est perfecta laudatio, ait Ambros. *Et nomen Domini inuocabo*. Ergo sancti in futura vita inuocant Dominum de se quidem securi at de nostra salute solliciti, inquit Cypr. Et Ambros.
8. *Vota mea Domino reddam in conspectu omnis populi eius*. i. coram tota cælesti curia offeram Domino perfecto opere quod promiseram in Christiani nominis professione. Sicut & Psal. 65. dictum est, Reddam tibi vota mea quæ distinxerunt labia mea, &c. *In atrijs domus Domini*. i. in aula cælesti ante resurrectionem, *in medio tui Hierusalem*. i. cum summa celebritate & omnium sanctorum cōgratulatione facta corporis resurrectione, tum enim recepto corpore, cuius desiderio prius detinebamur, erimus in Hierusalem siue visione pacis.

PSALMVS CXVI.

Alleluia.

1. **L**audate Dominum omnes gentes; super misericordia, de qua Apostolus, Dico Dominum Iesum ministrum fuisse circumcisionis propter veritatem Dei ad confirmandas promissiones patrum, gentes autem super misericordia honorare Deum, *Laudate eum oēs populi, gentiū, Quoniam*

Quoniam confirmata est super nos misericordia eius. i. misericordia eius sic impenſa eſt nationi noſtræ, vt non ſit ab ea transferenda in aliam nationem, Sicut factum eſt nationi Iudæorum: Hi enim excæcati ſunt donec plenitudo gentium intraret: Gentilitas autem non excæcabitur vt ea occasione redeat Euang. ad Iudæos, ſed illa in fide permanente, Iudæi illi ſunt adiungēdi, vt ſic omnis Iſrael. i. omnes filij promiſſionis tam ex Iudæis quàm gentibus, ſaluus fiat. *Et veritas Domini manet in æternum:* quia verba Domini non præteribunt.

PSALMVS CXVII.

Alleluia.

Ametſi præſens Pſalmus de alijs & alijs Dei auxilijs atque beneficijs exponi poſſit, propriè tamen exponendus eſſe videtur de gratiarum actione, quam celebrabit Eccleſia ſuper cōuerſione Iudæorum in nouiſſimo tempore, & parta victoria de perſecutione Antichriſti, ob hanc enim cauſſam Pſalter peculiariter domum Iſrael & domum Aaron ad laudandum Dominum in principio Pſalmi aduocat.

Confitemini Domino quoniam bonus, quoniam in ſæculum misericordia eius. i. confitemini, ô vos omnes filij Dei, Domino de ipſa ſua bonitate qua bonus, imò & bonitas eſt atque miſericordia in omnia ſæcula perſeuerans, æterna, & indeficiens. Peculiariter verò,

Dicat nunc. i. ablato velamine & Chriſti fide recepta, *Iſrael*, ſecundum carnem *Quoniam bonus, quoniam in ſæculum misericordia eius.* Similiter

Dicat nunc domus Aaron. i. tribus illa & ordo ſacerdotalis populi Iſraelitici ad Chriſtum conuerſi, *quoniam bonus, quoniam in ſæculum misericordia eius.* Denique,

Dicant nunc. i. eodem, de quo diximus, Eccleſiæ tēpore, *qui timent Dominum*, extra tribum Iſrael & Aaron, in vniuerſa gentilitate, congaudentes proſectui & paci Eccleſiæ, Dicant autem *Quoniam bonus, quoniam in ſæculum misericordia eius;* Ex ijs enim quæ de bonitate & miſericordia eius beneficia & auxilia acceperint, aſſurgant in laudem & confeſſionem bonitatis & miſericordiæ qua Deus per æterna ſæcula bonus eſt & miſericors. Hæc verò quæ ſint, reſenſet conſequenter Pſalter in prima perſona & numero ſingulari, ſunt enim hæc omnibus quos ad laudandum Deum aduocauit, vno ſpiritu & vno ore atque vnanimiter ſuo tempore dicenda, & quia non diſſimilia ſunt beneficia atque præſidia quæ nos noſtris temporibus à Domino accipimus, ſunt hæc etiam noſtro tempore ad laudem Dei cum gratiarum actione in noſtris Eccleſijs vno ore decantanda. Dicit itaque Pſalter:

K k k ij

De tri-

5. *De tribulatione*; in qua tempore persecutionis, notanter Antichristi, verfabar, *inuocaui Dominum, & exaudiuit me in latitudine Dominus.* i. id quod petui, abundè mihi præstitit is qui potès est superabundanter facere, quàm petimus aut intelligimus. Spe itaque diuinæ assistentiæ atque magnificentæ fultus, & de virtute diuinæ opis per experientiam certior factus, confidenter dico:
6. *Dominus mihi adiutor, non timebo quid faciat mihi homo*; Omne enim id, sicut hactenus, Deo adiuuante cum salutis meæ incremento facile superabo. Experientia namque diuinæ opis facit hominē futura aduersa per spem adminiculi consimilis non timere.
7. *Dominus mihi adiutor, & ego despiciam inimicos meos*; tanquam contra Dominum mihi à dextris assistentem inualidos & inefficaces. Ad quam, vt *Isaia 51.* ita dicam, despicientia adhortatur nos *Isaias* in hæc verba: Ego, Ego ipse consolabor vos, quis tu vt timeres ab homine mortali, & à filio hominis qui quasi fœnum arefcet? Et quandoquidem is qui dixit se in tribulatione inuocasse Dominum, opem eius non solum inuocando consecutus est, sed etiam sperando, experientia edoctus nunc spem ipsam commendare aggreditur, eaq̃ua de causa dicit:
8. *Bonum est confidere in Domino.* Beatus enim vir, inquit Ieremias, qui cōfidit in Domino, & erit Dominus fiducia eius. i. præstabit ei Dominus id quod de se cum fiducia expectat, vsque adeo vt D. Bernardus alludens ad locum Iosue, vbi dicit Dominus: Omnē terram quam calcauerit vestigium pedis vestri, vobis tradam, Dicat, quod quocunque orando porrexerimus pedem fidei atque fiduciæ, id à Domino consecuturi simus. *Quam confidere in homine.* i. industria virtute aut potentia hominis exclusa directione atque cooperatione gratiæ Dei; illa enim fiducia fallax est, quia ponit vt dicit Ieremias carnē brachium suum: qui autem confidit in homine Deo sibi directore & cooperatore, vt speratur, gaudente, is confidit in Deo sua virtute etiam carnem per se infirmam, confortante, & infirma consolidante. *Sed quia fiducia, vt loquitur Ambrosius, est robur spei, ne illi soli putentur à Domino adiuuari, qui spem robustam in Domino collocauerint, subdit;*
9. *Bonum est sperare in Domino,* quia ne illi quidem qui ad robur spei nondum pertigerunt, spem tamen quantulamcunque in Deum desigunt, re sperata fraudabuntur: *quam sperare in principibus.* i. Angelis, inquit August. Nam & illi vt caro infirmi sunt, si per se solos aliquid posse credantur. Vel, *in principibus.* i. in illis hominibus, qui, ob principatum, maiore quam vulgus hominū virtute pollere existimantur. Hæc ergo sunt quæ Ecclesia se in tribulatione à Domino accepisse & per eā didicisse cōfiteatur, Transit nunc Psalter ad describendam persecutionē, dictæ tribulationis causam, & dicit:
- Omnes*

Omnes gentes circueiunt me. Dicit, omnes gentes; loquitur enim de illa persecutione quam describit Apocalypsis cum dicit: Soluetur satanas de carcere suo, & exibit & seducet gentes quæ sunt super quatuor angulos terræ, Gog & Magog, & congregabit eas in prælium, quorum numerus est sicut arena maris, Et ascenderunt super latitudinem terræ. *Et in nomine Domini quia ultus sum in eos.* i. inuocato nomine Domini, in quo nobis, ut in Psal. 123. dictum sumus, est adiutorium, tormenta afflictionesque ab illis illatas inuicto animo atque proposito perferens, non modicam vindictam absque studio vindicandi, de eis sumpsi, Is enim qui iniurius est, vritur, inquit Tertull. cum conatu suorum fructu priuatur.

10.
Apocal. 10.

Tert. de pa
sicut. ca. 8.

Circumdantes circumdederunt me. Circueiunt enim, inquit Apocalyp. castra Sanctorum & ciuitatem dilectam. *Et in nomine Domini, quia ultus sum in eos.*

11.

Circumdederunt me sicut apes, identidem repetito incurfu in me densissime inuolantes, creberrimisque punctionibus affligentes, ita ut pax mihi non fuerit, neque ingredienti, inquit Azarias, neque egredienti, nec usquam, afflictione undique inuolante, immunitas vel securitas. Potest tamē per has apes intelligi exercitus potestatum ac principum aeris huius, eo præsertim tempore quo solutus erit satanas, Christianos undique circumvolitans. Eo namque tempore, præcipue locum habebit, quod dicit Apostolus, Non est nobis colluctatio aduersus carnem & sanguinem, sed contra spiritualia nequitiae in caelestibus. *Et exarserunt sicut ignis in spinis.* Spinæ cum ardent sonitus edunt, & cito exuruntur, inquit Ambrosius, nullusque calor est effectus. *Exarserunt itaque sicut ignis in spinis;* excitates subito magnam sed cito transeuntem persecutionem: Quibus verbis persecutionem Antichristi designari nobis persuasum habemus, illa enim præ omnibus quæ retro fuerint persecutionibus flagrantissime exardescet, sed per tēpus & tempora & dimidium temporis. i. per tres annos cum dimidio perseverans, abbreviabitur propter electos. *Et in nomine Domini, quia ultus sum in eos.* Sed nunquid tuis ascribis viribus quod aculeos aduersariorum inuicto animo perferendo, ea qua diximus ratione ultus sis in eos? Nequaquam, quia,

12.

2. Pet. 15

Amb. lib. 3
de virg.

Impulsus. i. ab aduersarijs impetitus, *eversus sum ut caderem.* i. in lapsum incuruari (in nobis namque impletur, quod Psalmo 56. dictum est, Incurtauerunt animam meam) atque ruinam minari cepi; *Et Dominus suscepit me.* i. manum, ut Psalmo 36. dicitur, supponendo, suffulsi me ne ruerem. Proinde,

13.

Fortitudo mea & laus mea Dominus. i. robur constantiæ meæ, & si quæ ei laus debetur, Domino ascribi debet, non virtuti meæ; qui quantum ex me erat, iam contruerā. *Et factus est mihi in salutē.* i. ab ipso cepit salus mea,

14.

K k k iij & ipse

& ipse ad saluandum me ab imminente ruina, me præuenit. Dominus enim propriè dicitur aliquid factus esse cum ipsum fieri Domini est.

15.

Vox exultationis & salutis. i. Vox de salute in prælio sibi diuina ope conseruata exultantis, *in tabernaculis.* i. habitaculis, congressibus, atque conuentibus, *iustorum.* Dicit autem, *Vox;* quia omnibus iustis ea in re cōcors, constans atque vna est vox. Porro sicut Iacob cū benediceret suis, ex Ioseph filio, nepotibus, prius, vt obseruat Cyrillus, dixit; Deus qui pascit me à iuuentute mea, Deinde, Angelus qui eruit me ab omnibus malis; vt per Deum, Patrem ipsum, inquit Cyrill. significaret; per Angelum autē Verbum Patris: ita hīc Psaltes prius dixit, Dominus suscepit me; Vt autem det intelligi etiam Filium id quod hactenus dixit vna cum Deo Patre operatum esse, adiungit:

Cyp. 1. 16.
16p. 10.

16.

Dextera Domini. i. Filius Dei, *fecit virtutem, dextera Domini exaltauit me.* i. me omnibus præteritis malis superiore fecit, & ad Confessorū, quorum locus in Ecclesia, teste Cypriano, sublimis est, dignitatem euexit.

Cyp. epist. 9.

17.

Non moriar. i. parta hac victoria non statim è præsentī sæculo eripiar; Videtur enim Psaltes hāc in persona illorum loqui, de quibus scribit Cyprianus, quod accepto, post suæ cōfessionis, & toleratæ persecutionis gloriam, commeatu (i. vitæ longioris tractu) in Ecclesia laude florebant. *Sed viuam.* i. aliquamdiu in viuis adhuc permanfurus sum. *Et narrabo opera domini.* Hi enim qui post persecutionem commeatum acceperunt, Domino, inquit Cyprianus, reseruati sunt, & quidem in primis, vt ad Domini gloriā enarrent opera Domini, per quæ suos & in persecutione protexit, & per persecutionem velut per ignem excoxit atque purgauit. De qua re sequitur:

Cyp. initio
de laps.

18.

Castigans castigauit me Dominus. Persecutiones enim, teste Cypriano, à Deo permittuntur ad castigandam Ecclesiam, eiusque disciplinam redintegrandam. Castigamur, ait, frequenter, quod quidem nec apud vos cessare cognosco quo minus plurimos quoque ex vobis ad disciplinam Ecclesiæ instruat censura diuina. Propter quod etiā monet Christianos persecutionis cladi superstites, in hāc verba: In Domino magis ac magis proficiamus, vt cum Deus pacē fecerit, noui ac penè mutati ad Ecclesiam reuertamur, & excipiant nos siue fratres nostri siue gentiles (nunc hæretici) circa omnia correctos, & in melius reformatos, & qui prius admirati fuerant in virtutibus gloriam, nunc admirētur in moribus disciplinam. Hāc Cypr. *Et morti non tradidit me.* i. non permisit me in mortem animæ incidere. Quid autem huic persecutionibus sic exercitato & correcto restat, nisi vt spe retributionis futuræ accensus, dicat cæli ianitoribus:

Idē epist. 7.

19.

Aperite mihi portas iustitiæ. i. præbete mihi ingressum per portas regni cælorum, *Ingressus in eas confitebor Domino.* Est enim in illo regno, inquit

quit Isaias, gratiam actio & vox laudis. *Hæc porta Domini*, quia Christus eam suo ingressu in celos nobis patefecit, teste Apostolo, dicente, Habentes *Hebr. 10.* fiduciam in introitu sanctorum in sanguine Christi quam initiauit nobis viam nouam & viuentem, &c. *Iusti intrabunt eam*. i. non intrabit in eam coinquinatum quid aut abominationem faciens, sed soli iusti; propter quod porta hæc porta iustitiæ prius dicta est. De qua & Isaias: Aperite portas ingrediatur gens iusta custodiens veritatem, id est, perseverans in veritate. Hæc ergo de persecutione Antichristi, & Christianorum eam superantium victoria, atque etiam beatitudine quæ illam victoriam manet. Conuertit nunc Psaltes psalmum ut laudet Deum super Iudæorum, eodem tempore euentura conuersione, & dicit:

Confitebor tibi quoniam exaudisti me; pro Iudæorum conuersione, (ut *20.* in Psal. 79. 84. & aliàs audiuius) orantem. *Et, tu ipse o dextera Dei, factus es mihi*, Gentium in primis populo, *in salutem*. Qua autem saluandi ratione? Factus es mihi in

Lapidem quem reprobauerunt ædificantes. i. in fundamentum ac firmamentum salutis, quod ab illis, quorum erat ædificare domum Israel in templum Domino, reprobatum est. Te enim pro doctore iustitiæ & fundamento salutis agnoscere renuentes, interemerunt. Ideo & ablatum est ab eis regnum Dei & datum est genti facienti fructus eius. Hoc tamen non obstante, *hic factus est in caput anguli*, quia Christus, hoc, de quo loquimur, tempore, illam eandem gentem à qua reprobatus est ad se traductam sibi que incorporatam, nobis sub se capite concorporauit, faciens vtraque vnum, & duos populos, Iudæorum videlicet & gentium, in vnum corpus per communis fidei vinculum compingens. *21.*

A Domino. i. altitudine diuitiarum sapientiæ & scientiæ Dei, *factum est istud*, ut scilicet lapis iste prius gentibus nihil minus expectantibus fieret in salutem, & postmodum eis coniungeret Iudæos. *Et est mirabile in oculis nostris*, Est enim mysterium, ut dicit Apostolus, quod Romanos omnino ignorare nolebat, ut non essent apud semetipsos prudentes. *22.*

Hæc dies quam fecit Dominus, exultemus & lætemur in ea. Tametsi Dominus, ut docet Ambr. omnes dies fecerit, docet tamen scriptura sacra esse aliquos, inquit, præclaros dies, in quibus refulserint facta diuina, De quibus diebus peculiariter licet dicere, *Hæc dies quam fecit Dominus*, quia illis, præ cæteris diuini operis quædam prærogatiua delata est. Itaque de quouis die qui diuini operis quapiam prærogatiua insignis est, dicere licet *Hæc dies quam fecit Dominus*, Quocirca & Romana Ecclesia id in officio diuino dicit tam de die dominicæ Natiuitatis quàm Resurrectionis, & quædam Ecclesiæ idem dicunt de die annunciationis B. Mariæ. Hoc verò loco, *si Psal-*

23.
Ambr. in
Psalm. 43.

si Psalteris propositum spectemus, id ipsum, dicitur de illo die in quo Deus, secundum præcedentes ea de re prophetias, gentē Iudæorum ad fidem Christi adduxit & Ecclesiæ aggregauit. Cui expositioni conformis est cōmentarius D. Aug. in Glossam ordinariam relatus, dicit namque istud hic dici, non de die in qua Deus salutis nostræ causam, qualis est Dominica Resurrectio, inuenit vel instituit, quod tamen loco allegato putauit Ambr. sed de die in qua nobis salutem re ipsa concessit, vel nos salutis fecit esse participes. Huius vero latitiæ solennitate prænunciata, subiungit eidem Psalter inuocationem, implorans, ut Deus genti Iudaicæ maturè fiat propitius, & in ea re ipsa impleat quod de eadem mox prænunciatum est, & dicit:

24. *O Domine saluum me fac*, D. Hieron. asserit iuxta Hebræum sensum legi posse, *O Domine saluum fac*, ut subaudiamus, inquit, populum tuum Israel. Quam eius interpretationem arbitror esse litteralem, quamquam, ut etiam Hieron. fatetur, Hæc oratio etiam extendi possit ad vniuersum genus humanum, ut sit sensus, saluum fac genus humanum Domine. Et quia salus ad homines per Euangelium defertur, subiungit Psalter, & dicit: *O Domine bene prosperare*. i. fac verbum Euangelij quod est virtus Dei in salutem omni credenti, prosperè procedere, & multiplicem fructum proferre, ut Israel secundum carnem illud iam non, ut prius, repellat, eo quæ se indignum exhibeat, sed verbo suæ salutis aures hilariter aperiendo Euangelijque præcones gratanter excipiendo, exclamet: *Benedictus qui venit in nomine Domini*. Hæc enim verba tam generalia sunt, ut cōuenienter dicantur in omnes qui veniunt in nomine Domini, siue singulariter, ut Christus, qui venit in nomine Domini, ut Filius à Patre missus, & tanquam propugnator ad saluandum: siue alia ratione, ut Apostoli, qui veniunt in nomine Domini tanquam nuncij, legati & salutis administri. Quocirca, sicut Christo, suo sensu, dictum est, *Benedictus qui venit in nomine Domini*, ita etiam illis qui Euangelium nouissimo tempore ad Iudæos deportaturi sunt, idem sensu ipsis cōueniente dicent Iudæi. Hoc asseruisse videtur Dominus cū dixit: *Matt. 23.* Ecce relinquetur vobis domus vestra deserta, Dico enim vobis, non me videbitis amodo, donec dicatis, *Benedictus qui venit in nomine Domini*. A tempore namque quo Iudæa ad extremam pertinaciam vsque repulit Christum, prius in propria persona, postmodum verò in Apostolis suis euangelizantē, non vidit nec videbit eum sibi, id est, suæ genti in suis legatis euangelizantem, nisi circa tempora nouissima, quando ablata per occultam & præuenientem Dei gratiam, ab eis cordis duritia, euangelizantes cum gratulatione excipiendo dicent: *Benedictus qui venit in nomine Domini*: Sed huic gratulationi ex persona eorū qui in Ecclesia intus permanētes, ad Iudæos cōuertendos nō egrediūtur, interseritur per paræthesin quod sequitur: *Bene-*

Benediximus vobis de domo Domini. q.d. nos in domo Domini intus permanentes, vestro, qui ad euangelizandum egredimini, labori atque negotio quasi de intus bene precamur & prosperū optamus succellum. Quibus verbis in vulgata Latinorum & Græcorum lectione parenthesi inclusis, sit in textu prosecutio ceptæ gratulationis in hæc verba, *Deus Dominus & illuxit nobis.* q.d. Benedictus sit etiam ipse Christus Deus dominus, qui dispullis nostrorum mentium tenebris, illuxit nobis ad illuminationem scientiæ claritatis Dei. Psalter ergo spiritu conspicatus ingentem multitudinem, quæ per Iudæorum conuersionem augenda esset Ecclesia, extimulat Ecclesiæ prepositos in hæc verba,

Constituete diem solennem in condensis usque ad cornu altaris. q.d. Cesset luctus Hieremiæ plorantis, Viæ Sion lugent eo quod non sint qui veniant ad solennitatem; Vos verò *constituete diem solennem in condensis.* i. dies solennes instituete, vel, instituere vobis licebit dies solennes, ad quos multitudo tam copiosa confluet, vt præ multitudine oppleat templum usque ad cornu altaris. In quibus conuentibus dicant omnes vno ore,

Deus meus es tu & confitebor tibi. i. tuam bonitatem tuamque virtutem confitebor in gratiarum actione. *Deus meus es tu & exultabo te,* id est, in cognitione magnitudinis tuæ conabor proficere, & ad eundem profectum alios mecum adducere. Insuper,

Confitebor tibi opera tua, videlicet, *quoniam,* ope gratiæ tuæ præuenientis inuocantem, *exaudisti me,* & *factus es mihi in salutem.* i. operatus es in me salutem. Quam eorum confessionem psalter, more suo, extimulans atque accendere gestiens, dicit ad eos ex propria persona,

Confitemini Domino quoniam bonus, quoniam in seculum misericordia eius.

PSALMVS CXVIII.

Alleluia.

Psalter haftenus sepe mysteria prophetico spiritu decantauit, nunc verò quantum in eo excellat Ethica, præsentis Psalmi, inquit Ambrosius, summa declarat gratia. Quem per singulas Hebræorum digessit literas, vt quemadmodum parvulorum ingenia primis literarum elementis affue scunt discendi vsum assimere, ita etiam nos huiusmodi elementis vsum discamus viuendi. Literis autem singulis octenos versus asseripit, vt simul & vnitatem doceret, & purgationem legitimæ sanctificationis. Vnitas enim coeret & regit omnia: Per octauam autem significatur sollemnis purgatio, quia in Christi resurrectione erecti sumus in nouitatem vitæ, præferentes ablutionis gratiam. Hæc ille. Itaque, vt dicit D. Hilarius, consummatio doctrinæ & eruditionis nostræ in hoc Psalmo continetur.

L II

Hic

Hic enim explicatur quo ordine ad iustitiā perueniendum, quid iusto agendum, quod in iustitia perseverandum, denique quid iusto expectandum sit.

ALEPH.

1. *Beati*. i. æterna beatitudine digni, ac proinde iusti, Apostolus enim dicit Dauidem dicere beatitudinē hominis, cui Deus acceptō fert iustitiā, non dicuntur ergo beati, nisi qui simul asseruntur iusti. *Immaculati in via*. i. qui tempore viæ siue vitæ huius mundo sunt corde, sicut scriptum est, *Beati mundo corde* quoniam ipsi Deum videbunt. Cuiusmodi etiam à Domino mundi dicebantur, cū diceret: Et vos mundi estis, sed non omnes. Et quandoquidem ad hanc beatitudinem adultis necessarium est, cordis, quam diximus, munditiem per bona opéra bonasque actiones exercere; Corde enim creditur ad iustitiā, ore autem confessio sit ad salutem, Describit Psalter per tria membra illa in quibus vnumquemque Christianorum suo modo & ordine oporteat exerceri, ut beatitudinis, ad quā per cordis munditiā siue iustitiā aptus atque dispositus est, confors fiat & particeps, quorum primum pertinet ad plana legis, secundum ad abdita, tertium ad legis finem, & dicit: *Qui ambulant in lege Domini*. i. secundum legem Domini, quæ in primis est lex charitatis, ut filij obedientiæ, siue, spiritum obedientiæ conuersantur. Secundum legem enim Domini ut ea Domini est non ambulat, qui eandem per piæ obedientiæ affectum non obseruat. Nec hoc solum, sed

2. *Beati qui scrutantur*. i. sedulò & studiosè inuestigant *testimonia eius*, i. legis, diuinitus, (siue per Moysen dicentem, testes inuoco super vos cælum & terram, siue per Christum, testificatus est enim Deus nobis, inquit Ioannes, in filio suo,) nobis testificatæ abdita atque arcana. Non enim ad consequendam salutem sufficit plana legis & peruulgata perambulare, sed oportet etiam legis abdita & abstrusa, quatenus vnumquemque cōcernunt, *Ecclesi. 1.* studiosè inuestigare, sicut scriptum est, *Qui timent Dominū, inquirent quæ beneplacita sunt ei.* Et; *Seruite Domino in veritate, & inquirete ut faciatis quæ placita sunt illi.* Ambrosius tamen scrutari testimonia eius arbitratur idem esse quod scrutari scripturas, siue absconditū sacrarum literarum sensum rimari, dicitq; verba, *Beati qui scrutantur testimonia eius*, in hunc sensum intellecta, superioribus aptissimè subiungi, Antè enim vita, inquit, querenda est quam doctrina, quia improbitate excatur mētis oculus & caligat sibi iniquitate, mysteria profunda inuenire non potest. *In toto corde exquirunt eum*. i. Deum ipsum nouæ legis finem, idque in toto corde, ut saltem nihil sit quod in corde suo præponant studio, quo in amplexus Dei, ipsius summi boni amore feruntur. Hoc enim inter charitatis seu iustitiæ præcepta comprehenditur, propter quod etiam scriptum est: *Tibi dixit cor meum, Quæsiui*

Quæ sui vultum tuum, vultum tuum Domine requiram. Sed quid? In multis offendimus omnes; quæ igitur ratione poterit quis cæteri ambulare in lege Domini, scrutari testimonia eius, aut in toto corde exquirere eum? Id verò neminem moveat,

Non enim qui operantur iniquitatem, in vijs eius ambulauerunt. q. d. nō qui peccata quæ uis, sed vel vnum aliquod ex illis admittunt, de quibus scriptum est; *Odisti omnes qui operantur iniquitatem: Et, In matutino interficiebam omnes peccatores terræ, ut disperderē de ciuitate Domini omnes qui operantur iniquitatem: Et, Tollent de regno eius omnia scandala, & eos qui operantur iniquitatem, hi dico, In vijs eius non ambulauerunt: Via enim eius, quæ est charitas, de qua Apostolus, Ad huc excellentiorem viam vobis demonstro, illa est de qua dixit Isaias; Et erit ibi via, & via sancta vocabitur, non transibit per eam pollutus, nemo enim eorum cuius peccato mortali polluta est mens & conscientia, ambulat in charitate. Proinde, quandoquidem illi qui à Iacobo dicuntur in multis offendere, non sunt ex illis qui operantur iniquitatem, nihil enim admittunt eorum de quibus scriptum est, *Qui offendit in vno, factus est omnium reus, siue nihil admittunt quod sit cōtrarium charitati, ideo non obstantibus omnibus eorum offensionibus, adhuc verē, quamuis vacillantibus & titubantibus nonnihil vestigijs, ambulant in vijs Dei, Nam & Ioannes dicit eos qui in luce ambulant non posse dicere se peccatum non habere; Si habent peccatum & ambulant in luce, ergo etiam in vijs Domini, Quis enim ostendet aliud esse in luce, aliud in via Domini ambulare?**

Tu mandasti mandata tua custodiri nimis. i. sub pœna incomprehensibili. Notat autem Bernardus hic non dici vniuersaliter, mandasti omnia mandata tua custodiri nimis, & proinde oportere sub his verbis illa mandata intelligi, quæ quoniam non sine grandi culpa violantur, ideo non sine graui pœna damnantur. Et quandoquidem custodia diuinorū mandatorum, Dei donum est, subiungit Psalter:

Vtinam, optantis est, inquit August. non praesumentis, dirigantur. i. per gratiam tuam præoperantē præordinentur siue prædisponantur. *Via mea, i. actus conuersationis meæ. Ad custodiendas.* i. opere implendas, *iustificationes tuas.* i. mandata tua quibus nos iustitiam facere præcepisti. Dicit autem, *dirigantur via mea,* à directione enim seu proxima preparatione cordis, primaria ex parte pendet mandatorum Dei custodia, quia unusquisque id ferē exercet opere in quod propendet, siue quod parturit, corde. In quam directionem à Deo obtinendam dicit, *Vtinam,* ait namque Ambrosius, *Merere factis, votis quæ deposce, ut dirigantur gressus tui.*

Tunc non confundar. i. nullam in hac vita ex actibus vel operibus meis

LII ij confu-

3.

4.

Berrar de
præcepto es
dissensat.

5.

Aug. 2. de
peccat. meri.
cap. 6.

6.

confusionem reportabo, Vel, in die iudicij non erubescam, *cum perspexero in omnibus mandatis tuis*. i. omnium mandatorum tuorum omni ex parte factus fuero nō obliuiofus auditor, sed factor: Qui eam perspexerit in lege perfectæ libertatis, inquit Iacobus, & permanserit in ea, non auditor obliuiofus factus, sed factor operis, hic beatus in facto suo erit.

7. *Confitebor tibi* confelsione laudis & gratiarum actionis *in directione cordis*. i. ob eam quam mox petui gressuum meorum directionem, quorum principium in directione cordis est, siue quod in idem redit, *in eo quod didici iudicia iustitiæ tuæ*. i. gratias tibi agam quod composueris cor meum vt sigillatim discerem & particulatim (hoc enim importat dictio *iudicia*) ea quæ sunt iustitiæ qua iustificas nos. In qua iustitia quandoquidem nobis perseuerandum est,

8. *Iustificationes tuas custodiam*. i. propositum mihi est in ea iustitia qua me iustificasti, perseuerare; Cui rei quandoquidē per memetipsum non sufficio, *non me derelinquas usquequaque*. i. usque valde, inquit August. Non enim timet derelinqui, vt ad probationem tentetur, qua ratione derelictus est Iob, nec vt aduersis secundum Dei voluntatem crucietur, quo modo derelictus est Christus, sed timet eo derelictionis genere derelinqui, aut sibi permitti, ex quo ipse se in peccatum præcipitet. Hoc autem est, Derelinqui usquequaque, siue, multum. De prioribus enim derelictionis generibus dicere licet, quod dixit Dominus per Isaiam, Ad punctum in modico derelinqui te, & in misericordijs sempiternis recordatus sum tui.

B E T H.

CVM in principio Psalms diceret Psaltes, *Beati immaculati in via*, videtur ad eos maximè respexisse, qui à primæua ætate sine intermissione iustè vixerunt: Nunc itaque transit de eis verba facere qui prima ætate in peccatis transacta, in flore adolescentiæ se ad vitam meliorem conuertunt, & interrogat.

9. *In quo corrigit adolescentior*, qui ad id usque tempus vias prauas atque distortas, vt fere fit, secutus est, Rarū namq; esse eum qui ad adolescentiam absque magno quopiam peccato peruenerit, eamque traduxerit, in Psal. 24. versu 7. ex August. diximus. *Viam suam?* Respōdet: *In custodiendo sermones tuos*. q. d. sicut obseruatio mandatorum tuorum cōfert integritatem ijs qui à prima ætate in ea versantur, ita præstat correctionem ijs qui in adolescentia se ad eam conuertunt, vt proinde nemini arbitrandum sit se frustra seruandis sermonibus tuis operam daturum, si primam integritatem perdidit. Adolescentior itaque animaduertens bonum esse ad custodiam sermonum diuinorum se vel tandem conuertere, in conuersionis suæ primordijs positus sic Deum precatur:

In toto

In toto corde meo et quasi sine te, ita ut nihil prius habuerim aut præstantius quam te, quem iam super omnia amare cepi, quærere atque sectari, ut ad tuam amicitiam possem peruenire. Hoc autem perfectæ cuiusdam conuersionis rationem habet, ad quam nos hortatur Dominus, cum dicit; Conuertimini ad me in toto corde vestro. Quod & illi faciebant, quorum causam apud Deum agebat Daniel, cum diceret: Et nunc sequimur te in toto corde, & timemus te, & quærimus faciem tuam. Ne repellas me. i. ne me, qui iam quæro te tuamque facere voluntatem, ob peccata pristina derelinquendo, quasi repellas. A mandatis tuis. i. tuorum mandatorum obseruantia. Hoc autem hic orat adolescentior iste ad Deum conuersus, non quasi Deus quæpiam se toto corde exquirentem derelinquendo repellat, sed ut confiteatur illam Deum inquirentibus non defuturam opitulationem, diuinæ gratiæ esse, non meriti aut iuris humani: Quocirca & Hilarius id quod hic dicitur ne repellas, exponit, ut sit sensus, Non repelles me à mandatis tuis. Ambrosius vero, Non repellas, inquit. i. Non me permittas denuo in peccatū aliquod, præsertim negligentia, incidere, per quod dignus reddar repelli à gratia tua quæ mihi necessaria est ad obseruandum tua mandata. Et quando quidem oportet cum qui conuertitur ante omnia se à peccando continere, exponit ad hæc adolescentior quanta cura se à peccando cohibuerit, & quibus armis resisterit peccato, & dicit:

In corde meo abscondi eloquia tua, ut non peccem tibi. i. verba scripturarum quæ sunt eloquia tua, quia per ea ad nos qui foris extra te sumus, locutus es, congepsi in mentem & pectus meum, ut ex eo velut quodam domestico promptuario mihi tempestiue proferrem id, cuius adminiculo peccato mihi obuersanti repugnarem, morem gerens præcepto Apostolico, qui inter cetera diuinæ armaturæ præsidia monet nos, ut contra peccatum prælium inituri, accipiamus gladium spiritus, quod est verbum Dei; Ut taceam quod à pectore vacuo vix possunt arceri peccata: Spiritus enim immundus inueniens domum illam à qua egressus est vacuā, ingressus eam habitat ibi, & sunt nouissima hominis istius peiora prioribus. Ob hanc vero suam providentiam adolescentior Deo gratias agens, subdit:

Benedictus es Domine, Et per hæc ad accipiendam iustitiā præparatus & proximè dispositus, oportune subiungit, Dote me iustificationes tuas. Eo doctrinæ genere, quo non tantummodo veritatem ostendas, verum etiam impertias charitatem, simul donans & scire quid debeam agere, inquit Augustinus. & quod scio agere. Iustificatione verò accepta, exponit consequenter quantopere fuerit in lege Domini voluntas eius, siue, quam in mandatis Domini (quod viri iusti esse Psalmo primo & 111. audiuiimus) concupierit nimis, & dicit:

LII iij

In la-

10.

11.

12.

aug. de gra
tia. bñf. 1
cap. 13.

13. *In labijs meis pronunciaui omnia iudicia oris tui.* Dicit oris tui, q. d. ego illa iudicia nosse & pronunciare, inquit Gregorius, potui quæ te dixisse cognoui: nam ea quæ ipse non loqueris, à nostra procul dubio cognitione abscondis, eaquæ ex parte iudicia tua dicuntur esse incomprehensibilia. Hoc autem quo pertinet? an ad diuinorum iudiciorum, in quo Augustinus excelluit, confessionem, vt iustus hac in parte etiam distinguatur ab impijs, de quibus Psalmo 9. dictum est: Auferuntur iudicia tua à facie eius? an potius per iudicia diuini oris intelligenda sint omnia Dei verba sacris literis mandata, quæ non immerito appellantur iudicia, eo quod dicat Christus, Sermo quem locutus sum, ille iudicabit in nouissimo die, vt per hoc quod hic dicitur, *In labijs meis pronunciaui omnia iudicia oris tui*, detur intelligi cum verba Dei ore suo ruminasse sicut dicebatur ad Iosue; Non recedat volumen legis de ore tuo, sed mediteris in eo die ac nocte?

14. *In via testimoniorum tuorum delectatus sum, sicut in omnibus diuitijs.* ac si omne patrimonium possiderem, inquit Ambrosius, facit enim via h. e. hominem omnibus bonis affluere sicut scriptum est, Venerunt tibi omnia bona pariter cum illa, & innumerabilis honestas per manus illius. Qua delectatione excitatus,

15. *In mandatis tuis enucleandis, enarrandis, propugnandisque;* exercitatione quapiam ingenij *exercebor*, siue, vt teste D. Augustino legunt alij, garriam, garrit enim, inquit Aug. Ecclesia cum se in mandatis Dei aduersus omnes inimicos fidei Christianæ atque Catholicæ copiosis disputationibus quasi multiloqua exercet, quæ tunc, inquit, fructuosa sunt disputantibus, si non ibi considerentur nisi viæ Domini. *Et considerabo vias tuas.* inuiarum tuarum pulchritudinem (sunt enim viæ tuæ viæ pulchræ) quam mox dicta ingenij exercitatione mihi perspectam, insatiabili ac insatigabili desiderio identidem inspiciam & contemplabor.

16. *In iustificationibus tuis meditabor,* vt meditatione frequenti, iustificationum, quibus nos ad iustitiam perducis, & in iustitia exerces, ordinem, præstantiam ac suauitatem, tuamque in iustificando gratiam, longanimitatem, prudentiam atque virtutem, penitus intrespiciam atque cognoscam: Quam vbi cognouero, curæ mihi erit, vt, *nō obliuiscar sermones tuos*, quos hac de re conscribi voluisti, & per quos dictas iustificationes perfecisti.

G I M E L.

CVM illa quæ proximè dicta sunt, sint meritoria, & diuinis muneribus digna, subiungit Psaltes & dicit:

17. *Retribuere seruo tuo.* Cum enim Dominus gratiam pro gratia promiserit, nō audaciæ, sed fidei est, retributionem, quam Dominus ipse promissit, exposcere. Ideo Ambrosius. Prærogatiua fidei est & iustitiæ de Domini fauore

Ambrosius in
hunc locum

laudare & superare mercedem. Hic ergo David virtutis quasi processu fundatus, retribui sibi secundum fidei operisq. certamina precatur. Et post pauca, Delectatur Dominus tali precatione, ut pro puritate conscientie utaris auctoritate. Attamen quo minus videatur petitio arrogans, bene addit, *seruo tuo*, in quo humilitatis est gratia & premiū seruitutis. Hec Ambrosius. In eo ergo quod dicit, *seruo tuo*, nonnihil de rigorosa retributionis exactione remittit. Qui enim se seruum profitetur, non potest mercedem sibi pleno, aut, quod omni ex parte sit, iure vendicare, quia vel solo seruitutis titulo debet Domino suo quoduis etiam summa prestantiæ obsequium. Cum itaque dicit, *Retribuere seruo tuo*, idem est ac si diceret, retribue mihi eo retributionis genere, quo herus seruis suis solet dare mercedem; hic autem eam solet seruis bene meritis dare ex placito, pacto vel prauia promissione, tu itaque secundum placitum, pactum atque promissionem tuam tribue obsequio meo condignam mercedem. Et hac quidem consentanea sunt commentario D. Ambrosij. Augustinus verò retributionem, de qua hic est sermo, non eam intelligit qua retribuantur à Deo bona pro bonis, sed bona pro malis, Cuius expositionē arbitramur esse contextui, ut etiam ipse August. fatetur, magis consentientem atque consentaneam. Sub hac enim loca, Adolescentior iterum resumit sermonem in persona ac qualitate eius, qui in conuersionis suae primordiis constitutus est, & loquitur in hunc modum: *Retribuere seruo tuo*, misericordiam pro pristina iniquitate. *Vitifica me* per spiritum gratiæ & charitatis: ergo adhuc in morte erat, aut verius in resurrectione, sicut enim resurrectio à mortuis significat motum ad vitam, ita qui fidelis est & spiritum vite inuocat, est in resurrectione siue motus ad vitam atque iustitiam. Et quia tam resurrectio siue motus ad iustitiam quam vita siue iustitia, Dei donum est per Christum Dominum nostrum, idem dicit Christus ad Martham: Ego sum resurrectio & vita. *Et custodiam sermones tuos*. Custodiam, inquit, sermones tuos, Hi enim, teste D. August. non custodiuntur nisi per fidem quæ per dilectionem operatur. Quæ tamen Augustini verba non de quibusvis Domini sermonibus secundum se consideratis intelligenda sunt, sed de sermonibus Domini qui sunt de charitate, siue de omnibus Domini sermonibus quatenus recapitulantur siue instaurantur in preceptis charitatis, ut obseruauit D. Thomas.

Reuela oculos meos ablata erroris atq. ignorantie caligine, *et considera* *mirabilia de lege tua*. i. tanta ac talia, quæ admirationem faciant consideranti. Quale quid contigit Sergio Paulo, qui iam fidelis factus admirabatur super doctrina Domini. Vel, *mirabilia*, quia illi quibus dominus aperit sensum, ut intelligant scripturas, admirantur, ut docet Greg. quod sensum sub apertis & sibi cognitis scripturis contentū, antea non intellexerint nec obseruauerint.

In. ola

129100
10. ad 2
18.

Gr. ho. 6.3
in Ez. 1b.

19. *Incola ego sum in terra, non abscondas à me mandata tua.* Hoc in idem reddit cum eo quod Psal. 38. dictum est, Ne fileas quoniam advena ego sum apud te & peregrinus; & ob id peculiarem hoc loco non accipit interpretationem.
20. *Concupiuit anima mea desiderare iustificationes tuas.* Dicit *concupiuit desiderare*, quia diuinarum iustificationum desiderium non est nostræ potestatis, inquit Ambrosius, sed gratiæ Dei. Cum ergo Dominus nos videt delectari cupiditate desiderij, sobrium, inquit, auget affectum, quia præuix cupiditatis intuitu accendit Deus desiderij concupiscentiam ut transeat in desiderij ardorē. Vel, *concupiuit desiderare*. i. optauit desiderare, quia nondum valuit desiderium, quod ei in votis est, præ animi quodam languore, re ipsa exhibere: Quæ verba intelliguntur illius esse, qui suæ conuersionis primum solummodo limen attingit, huiusmodi enim nondum habens perfectum boni desiderium, quadam saltem desiderij concupiscētia in piū desiderium fertur. *In omni tempore*, ut videlicet nullum momentum horæ, inquit Ambrosius, prætereat vacuum huius cupiditatis.
21. *Increpasti superbos.* i. mandatorum tuorum contemptores vel aspernatores, qui, eo quod oderint etiam Deo esse subiecti, ipsam tuam mandandi atque præcipiendi auctoritatem inuisam habent & auersantur, *Maledicti qui declinant à mandatis tuis.* i. qui cum semel receperint tuis mandatis parere, non permanent in eo quod eis non solum traditum, sed ab eis etiam voluntariè receptum est, sancto mandato. Declinant enim à mandatis Domini atque recedunt Apostate, inquit Augustinus, non illi qui aduersus mandatum quouis modo delinquant. Cum enim mandatorum atque prohibitionum diuinarum materia vel charitas sit, vel actus quispiam in sua specie perfectus, puta fornicatio, homicidium, periuriū, quomodo à mandatis Dei declinat, qui in charitate permanet, & præcepta quæ charitatem pro sua non habent materia, actu quoque imperfecto ac semipleno, puta modico quoque fornicandi appetitu, violat vel non implet? Quod in eos dictum sit, quiasserunt, quouis, etiam eo quod veniale dicimus, peccato, maledicto huic obnoxium reddi peccatorem, quorum esset prius demonstrare, eos qui peccatum veniale admittunt, à mandatis Domini declinare.
22. *Aufer à me opprobrium & contemptum.* i. peccatum, inquit Hilarius, opprobrij materiam, quod etiam auctorē suum contemptibilem reddit. *Quia testimonia tua exquisiui.* Qui enim à peccato auersus exquirat à Domino iustitiam, à lege & prophetis testificatam, non debet illi peccatum pristinum in posterum exprobrari, nec ipse ob id contemptui haberi, quia scriptum est; *Ne despicias hominem se auertentem à peccato, nec impropere ei.* Vel, *Aufer à me opprobrium & contemptum*, cui apud homines ob id obnoxius sum,

Aug. de per
fecti iustis
ratione. 17.

De desi 8.

circa ista terrena, in quibus vita hominis est tentatio super terram, de quo perseveranter proficere, est quotidie, inquit, reuiuiscere, viuificante illo, cuius gratia homo noster interior quotidie renouatur de die in diem. Hæc D. August. Cuius expositioni expositione Ambrosij tanquam contextui magis consentaneam præferimus, Quæ enim hic dicuntur, in persona hominis nondum iustificati dici, satis indicant ea quæ sequuntur, quæ sic habent:

26. *Vias meas enunciaui*, per hoc enim is qui hic loquitur, pulchrè exponit, inquit Ambros. ordinem quo putat sibi ad iustificationes Domini perueniendum esse, ut videlicet primum peccata sua cōfiteatur. Sensus igitur est, *Vias meas*, quas ex me secundum voluntatem carnis ambulavi, *enuncien*, confitendo & accusando, *exaudisti me*, Dixi enim confitebor aduersum me iniustitiam meam Domino, & tu remisisti impietatem peccati mei. Qui enim se accusat, inquit Ambrosius, etsi peccator sit, iustus esse incipit. Sed quia satis non est errorem confiteri atque deserere, seu mala non agere, sed oportet conuersum bona insuper exercere opera, subiungitur; *Docere iustificationes tuas*. i. accepta remissione peccatorum, doce me operibus iustitiæ incumbere, illaque exercere. Et quia sicut ad iustitiam suscipiendam, ita etiam ad eam exercendam ordine perueniendum est, ideo aptè subiungitur.

27. *Viam iustificationum tuarum*. i. ordinem ac processum quo iustitia ipsa, eiusque vires ac incrementa mihi acquirenda sunt, *Instrue me* ut nouerim, inquit Ambrosius, quid in iustificatione prius, quid consequens esse debeat. Offendunt enim, inquit, plerumque præpostera. Ex viribus iustitiæ bono iustificationis ordine solidè, maturè & ordinatè instructus, *exerce'or in mirabilibus tuis*. i. talibus iustitiæ operibus, quæ sui admirationem commoueant atque incutiant. Sunt enim, ait August. quædam iustificationes siue iustitiæ exercitationes, ita mirabiles, ut humana infirmitas in ijs qui eas experti non sunt, ad eas peruenire nō posse, arbitretur. Quæ mirabilia exercuisse credendi sunt illi sancti, quorum quædam facta non tam ut iustitiæ exempla quam prodigia miramur. Inter quæ reponi debent ea quæ exercuisse apud D. Bonauenturam legitur S. Franciscus, ne illa nobis, ut hæreticis & sapientibus huius sæculi, magis ridenda appareant, quam veneranda aut imitanda. Sed quia non est in potestate etiam eorum qui in mirabilibus istis se exercent, perseverare, obrepit enim eis huius exercitij subinde tædium, idque ex semetipsis: Si enim, inquit Basilii, animum deficit (id est destituit) cogitatio bona, perspicuum est vnà cum cogitatione illuminationem deficere, non quasi deficiat quod illuminat, sed quia dormitat quod illuminari debet; ideo ex persona perfectorum subinde declinantium confitetur Psaltes, & dicit:

Basil. inter.
bren. inter.
80.

Dormi-

Dormitauit anima mea præ tædio. i. obrepfit mihi tædium quo fuscata est soliti exercitij hilaritas, in cuius locum successit mihi languor animi & nausea. Sed quia ex te auxilium superest mihi, *Confirma me.* i. firmum ac stabilem me fac in ijs quæ cepi, redintegrata mihi primitiua virtute & alacritate: Idque *in verbis tuis.* i. per internam illustrationem verbi tui. Verbum enim Domini internis gustatum faucibus, repulforium est tædiorum, inquit Ambrosius, quo somnus animæ & sopor mentis excluditur. Et D. Bernardus. Sunt qui in studijs spiritalibus fatigati, & versi in teporem, atque in defectu quodam spiritus positi, tristes ambulant in vijs Domini, corde arente & tædente accedunt ad quæcunque iniuncta, frequenter murmurant; longos dies, longas conqueruntur & noctes, loquentes cum S. Iob: Si dormiero, dicam, quando consurgam? & rursus expectabo vesperam. Ergo ubi contingit tale aliquid pati, Si misertus Dominus appropiet nobis in via qua ambulamus, & incipiat loqui de caelo qui de caelo est, nec non fauorabile quidpiam cantare nobis de canticis Sion, narrare etiam de ciuitate Dei, de pace ciuitatis, de æternitate pacis, de statu æternitatis, dico vobis, erit pro vehiculo animæ dormitanti & pigritanti læta narratio, ita vt pellat omne fastidium ab animo audientis, & à corpore fatigationem. An tibi aliud vel pati vel petere videtur ille, qui ait, *Dormitauit anima mea præ tædio*, confirma me in verbis tuis? Augustinus verò hunc versiculum ad Ecclesiam refert, dicitque ipsam ratione illorum multorum quorum refrigeret charitas, dicere, *Dormitauit anima mea præ tædio*, Ratione verò eorum qui eodem tempore in pristina integritate perseveraturi sunt, dicere, *Confirma me in verbis tuis.* Porro pro eo quod nos legimus, *Dormitauit*, alij teste Ambrosio legunt, *stillauit*, eorumque lectio cum nostra eodem recidit. Anima enim dormitans stillare dicitur, quia fastidij sui impatiens non valet secum morari, sed subimetipsi grauis, in exteriora se effundere quaerit vt tædium animi sui ea ratione leuet; Vel, vt verius dicam, ad tempus fallat: Tædium enim animi reipsa non leuatur, sicut nec tristitia, nisi per diuini spiritus participationem recuperata spiritus hilaritate. Sed quia is qui à dicto languore animi sui, per Dei verbū subinde curatur ac reficitur, per domesticam suam infirmitatem, eidem tædio obnoxius perseverat, ab hac infirmitate & animi grauedine liberari cupiens subiungit:

Viam iniquitatis. i. concupiscentiam & infirmitatem à qua iniquitas nobis conuenientibus à nobis egreditur, *amoue à me*; Dicit, *Amoue à me*, quia hereditarium hoc iniquitatis glutinum, ait Ambrosius, visceribus nostris tenacissime adheret. *Et de lege tua miserere mei*, De lege miseretur, qui cum iustitia sapientiaque miseretur, ait Ambrosius, vt ea dimittat quæ scit iure posse dimitti. Dicit ergo, *de lege tua.* i. secundum rationem legis tuæ *miserere mei.*

M m m ij Sperat

Sperat enim se ad misericordiam accipiendam legitimè ac oportunè dispositum esse. Quæ dispositio consistit in duobus membris versiculi sequentis, Quorum primum est :

30. *Viam veritatis elegi.* Huius enim electio misericordiæ accipiendæ præuia esse debet. Alterum membrum est, *iudicia tua non sum oblitus.* Noui enim te iudicium exercere velle in eum, cui peccata dimissurus es : Quod iudicium quia euadere non studui, sed proprio meo opere præuenire, ideo dixi, *de lege tua miserere mei.* Quæ oratio proponenda est, & valde inculcanda ijs qui hoc tempore præter modum in lege Dei præscriptum, ad remissionem peccatorum properant, & nimis importunè instant, vt Deus eorū nō de lege sua, sed de absoluta omnipotētia & misericordia sua misereatur.
31. *Adhæsi testimonijs tuis Domine.* i. de tua misericordia tuisque iudicijs, non secundum quod mihi videbatur æstimavi, sed secundum quod de illis nobis testatum fecisti per scripturas, aliaque tua testimonia, illisque immobili fide adhæsi. *Noli me confundere.* q.d. Tametsi erubescenda commisi, de lege tamen tua misertus mei non permittas me in confusionem æternam deuenire.
32. *Viam mandatorum tuorum cucurri.* i. cum hilaritate omni ex parte perambulavi, *cum dilatasti cor meum.* i. cum sublime, profundum, longitudinè ac latitudinem charitatis, quaqua versum ipsa se extendit, cordi meo indidisti. Latitudo enim charitatis est, inquit Augustinus, per quam charitas se in bonis operibus exercet, quaqua versum potest.

H E.

33. *Legem pone mihi Domine viam iustificationum tuarum.* Non peculiarem legem sibi petit præscribi, sed legem communem optat sibi digito Spiritus sancti peculiariter inscribi, vt eam sibi regulam ac conuersationis formam propositam habeat ac veneretur. *Et exquiram eam semper,* plenius obseruare, & ad eam quando exorbitauero, mores meos identidem conuertere atque corrigere.
34. *Da mihi intellectum & scrutabor legem tuam.* Ingenium enim hominis quantumuis sagacissimum huic indagini non sufficit, sed ad eam opus habet nouis regenerati ingenij viribus, ait Hilarius : *Et custodiam illam in toto corde meo;* sic saltem vt obseruationi huius legis nullum otium vel negotium præponam.
35. *Deduc me in semitam mandatorum tuorum,* vt angustam mandatorū tuorum viam, quæ nomine semitæ D. Augustino significatur ingrediar, nec diutius cunctando ingressum hunc præ horrore ardui illius itineris differam. Vel, semitam mandatorū tuorum, quia Christi tui tuorumque Prophetarum vestigijs atque conuersatione tritam. *Quia ipsam volui.* i. iam elegi ac proposui

posui eam ingredi, sed propositum differo: Dediſti velle, incipe perficere.

Inclina cor meum, per appetitus rationalis preparationem, in testimonia tua, & non in auaritiam. i. tantopere appetitum hunc accende, vt liberum arbitrium eligat huic appetitui obsequi, & appetitus aliò declinantes (sumitur enim hic auaritia pro quouis vitioso affectu, species pro genere) diuinæ legis obsequijs postponere. Tantum enim, ait Augustinus, voluntas piorum in bonum per Spiritum sanctum succeditur, vt carnis concupiscentiam contraria concupiscentem voluntate spiritus vincat.

36.

Aug. 8. 11.
de corr. &
gratia.

Auerte oculos meos ne videant vanitatem. Istud de oculis mentis, intelligit D. Augustinus. Ex mente enim procedit in oculos corporis, vt videant, vel ad subueniendum vel ad concupiscendum. Sensus ergo est, non sit, vel saltem non regnet in me cupiditas, vt ex ea vel oculum mittam ad videndum aliquid ex cupiditate. Non enim prohibetur oculorum intuitus per se, sed ratione adiunctæ cupiditatis ne per aspectum (qui D. Thomæ est principium amoris sensitivi) libeat quod non licet, ait August. Qui etiam in hunc locum per oculum intelligit intentionem, vt sit sensus, Averte me ne vanam habeam intentionem. *In via tua.* i. charitate tua, *viuifica me* vitæ spiritualis amplificatione.

37.

Aug. de gra
tia christi,
cap. 13.

Tho 1. 2. q.
27. art. 2.
Aug 4. cōt.
lul cap. 12.

Statue verbo tuo eloquium tuum. i. Stabile mihi sic eloquium tuum, quod tum erit, si illud implevero: qui enim eloquia Dei videt & non implet, similis est viro consideranti vultum natiuitatis suæ in speculo, qui considerauit se & abiit, & statim oblitus est qualis fuerit. Idque *in timore tuo.* est enim timor basis quædam verbi, ait Ambr. quia sicut statuar basibus firman- tur & decorantur, ita ad seruandum mandata Domini fundatur homo per timorem Domini.

38.

Amputa opprobrium meum quod suspicatus sum. Dicit opprobrium meum. Suspicio enim probrosa est ei qui suspicatur, quia, vt docet August. vau- quisque serè de alio suspicatur quod in se experitur: aliumq; de animo me- titur suo. Et ob id qui suspicatur vitium serè proprium prodit. Quocirca quandoquidem inter tentationes huius vitæ difficulter quis à suspicando li- ber est & immunis, curet is qui suspicator definita saltè de proximis, inquit August. in malum iudicia non habere, præsertim, quia eodem teste, omni- bus hominibus ponè in situm est suas suspiciones habere velle cognitiones. Attamen Basilus diligentiam studio curandi adhibere ei qui suspectus est, siue studio consulendi suspicari, eius esse concedit, qui præfectus est. *Quia iudicia tua.* i. à te nobis præcepta, *iucunda.* Tu enim vis dubia in meliorem partem interpretari, & hoc iucundum est suspicanti, quia charitatem eius & beneuolentiam fouet, & etiā ei de quo suspicio habetur, quia id eum pro- uocat ad beneuolentiam, & inter vtrumque nutrit concordiam.

39.

Aug. tra. 8.
90 in ioh.
& epist. 54
Basil. inter.
bren. 19.

Mm m iij

Ecce,

40. *Eccc. i. vide Domine quoniam concupiui mandata tua, in æquitate tua viuifica me. Æquum est enim, vt concupiscentem voti sui facias compotem.*

V A V.

41. *Et veniat super me. i. Quantumuis concupiscam mandata tua, opto tamen & opus est, vt supra, quàm desiderare noui, superueniat mihi præueniens misericordia tua Domine. Multimodis namque opus habemus vt subuenias nobis supra quàm petimus aut intelligimus. Salutare tuum secundum eloquium tuum. i. superueniat mihi à te saluatio secundum promissa tua in scripturis sacris expressa. Cuius superuenientis misericordiæ effectus per septē continuo subsequentes versus enumerat Psaltes in hunc modum:*

42. *Et respondeo exprobrantibus mihi verbum. i. superueniente mihi misericordia tua, sapiens & cōueniens ex tempore dabo responsum ijs qui mihi verbum fidei Christianæ exprobrat. Quia speraui in sermonibus tuis. i. Posui in corde meo non præmeditari tanquam ex me prolaturus quema dmodum responderem, sed speraui illo casu à te accipere quid respondeam, vt tu verba responsionis meæ in ore meo poneres. Hanc enim Dei gratiam, non solum in persecutione, sed etiam in pace præstari docet Prosper.*

Prosper
ad nemel.

43. *Et ne auferas de ore meo verbū veritatis usquequaque. i. quamuis multi interrogati de rebus religionis non respondeant quod verum est, tu tamen ne patiaris veritatem ab ore omnium deesse, Imò fac vt qui verbum veritatis temerauerint, ipsum correctā temeritate tandem cōfiteantur; Vel, quandoquidem solus est Christus in cuius ore nō est inuentum mendacium, nec contingit nos ab omni falsitate sermonis liberos esse; ne saltem permittas nos usquequaque. i. in rebus fidei aut quæ sunt de necessitate salutis falsa proloqui aut mentiri. Quia in iudicijs tuis supersperaui. i. de iudicijs tuis bona pro malis; aut bona supra quàm meremur adiudicantibus, (sunt enim quædam iudicia Dei, vt circa finem huius Psalmi ostensuri sumus, in bonū) semper meliora speraui, & spei spem maiorum munerum obtinendorum adicci. Sic Ambrosius. Vel, Supersperaui. i. supra spem, in spem credidi. Qua spe corroboratus,*

Ambrosius
ser
1 c. in hunc
Psalmum

44. *Et custodiam legem tuam semper, in seculum & in seculum sæculi. i. perseverabo in charitate, eiusque operibus, quamdiu in sæculo (loquitur enim Psaltes in persona bonorum qui sunt & semper crunt in Ecclesia) succedet sæculum. Vel, Hic per omnes vitæ meæ vel mentis meæ sensim in maturitatem, inquit Ambrosius, accrescentis ætates.*

45. *Et ambulabam in latitudine, quia mandata tua exquisiui. Charitas enim quam sub noui mandati nomine exquirebā, dilatabat gressus meos in bonis operibus, ita vt affectus & amor ipsis suis operibus maior esset & augustior. De qua re Psal. 17. diximus. Insper superueniente mihi misericordia tua.*

Et lo-

Et loquebar de testimonijs tuis in conspectu regum. q.d. non modo non erubescbam respondere exprobrantibus mihi verbum, verum etiam non sum veritus, testimonia tua coram tribunalibus confiteri. *Et non confundar.* Confessio enim huiusmodi honoris est & gloriæ in præsentī & futuræ gloriæ seminarium: Omnis enim qui me confessus fuerit coram hominibus, & ego confitebor eum coram Patre meo & angelis eius.

Et meditabar in mandatis tuis, quæ dilexi. Dilectio enim veritatis suscitabat studium eius peruelligandæ.

Et leuavi manus meas ad mandata tua, quæ dilexi. i. pro explorata pijs meditationibus charitate acquirenda, leuavi manus meas cum bonis operibus ad te in orationibus. *Et exercebor in iustificationibus tuis.* i. accepta charitate operabor atque exercebo ea quæ illius sunt, sine intermissione.

Z A I N.

Memor esto verbi tui seruo tuo. i. reipsa imple seruo tuo verbum quod ei & in eo unicuique huiusmodi verba tanquam si sibi dicta essent, sibi per spem approprianti, dixisti, Cum ipso sum in tribulatione; Et, Fidelis Deus faciet cum tentatione prouentum. *In quo mihi spem dedisti,* adfuturi scilicet, auxilij tui & superandæ aduersitatis.

Hæc me consolata est in humilitate mea. i. afflictione quæ ad humilitatis custodiam aut patientiæ exercitationem mihi adhæret. *Quia eloquium tuum viuificauit me.* i. eloquij tui non fuit in me fides mortua, sed per spem & dilectionem viuificata, & ideo opus vitæ nempe consolationem in me operata est.

Superbi inique agebant vsquequaque. i. iniquè affligebant me, vt me ad iniquitatem pertraherent. *A lege autem tua non declinaui.* i. Ea quæ nobis præcepisti, nec illorum iniquitate impulsus deserui.

Memor fui iudiciorum tuorum à sæculo Domine, & consolatus sum. i. Obseruaui ab initio, ita comparatum fuisse, vt inciperet iudicium tuum à domo Dei, & laboraret hic in congressione sæculari iustitia, ait Cypr. Cuius rei obseruatio mihi solatio fuit. Consolatur enim Petrus eos qui ad patientiam exercentur, per hoc quod illud genus exercitationis nouum non sit: Nolite, inquit, peregrinari in seruire qui ad tentationem vobis sit quasi vobis aliquid noui contingat. Vel, *Memor fui,* quod ab initio mundi iniquis pœnas & innocentibus præmia reddideris: atque præmij me manentis consideratione, non nihil alleuatus sum; Vt autem declararet se à peccatis aduersariorum incontaminatum esse, subdit:

Defectio tenuit me. i. ipse præ tristitia contabui, *Pro peccatoribus delinquentibus legem tuam.* i. luens peccatum quod in me admittebant affligentes me. Huiusmodi enim, inquit D. Basilus, mundus & incontaminatus euadit

Basil. inter.
bren. c. 53.

Basil. in mar
tyr. l. ult.

Aug. de v-
ni eccl. c. 13

evadit à labe quam frequenter homini inducunt peccata aliena. Quod pertinet & illud quod Basilus alibi dicit, Qui pro peccato proximi lachrymis stillat præferuidis, hoc ipso quod lapsum deslet fratris, suum profligat morbum. Talis erat David, qui dicit, Defectio tenuit me pro peccatoribus derelinquentibus legem tuam. Fleto igitur super peccato, non desinat ex impropectoris recessu iugiter proflire sulprio sus gemitus. Hæc Basilus. Augustinus tamen pro eo quod nos legimus *defectio*; legit, *et* diu tenuit me; qua voce dicit de signari molestias quibus iusti semetipso cruciant videntes iniquitatem eorum qui Dei mandata prævaricantur. Quia vero utroque modo sumpta hæc exercitatio, ipsi ad iustitiæ incrementum nō parum profuit, subdit:

54. *Cantabiles mihi erant iustificationes tuæ, in loco peregrinationis meæ.* i. quando quidem per aduersa in iustitia promouebar, iustificationes tuæ & quidquid illud erat, per quod me in iustitia promouebas, mihi gratum efficiebatur & dignum cantico ac gratiarum actione. Vnde & Tobias gratias Deo egit cum plaga cæcitatē ei obuenit.

55. *Memor fui nocte nominis tui Domine*, ut ne vel nox ipsa seriata mihi esset à laude vel cultu nominis tui. Vel, *nocte*. i. in tribulatione, inquit August. *Et custodiui legem tuam*, nihil ab eius observatione per tribulationem remittens.

56. *Hæc facta est mihi, quia iustificationes tuas exquisiui.* i. Accepi facultatem obseruandæ, ut dico legis tuæ, quia dedisti mihi prius studium eius exquirendæ: Omnis enim qui querit inuenit.

H I T H.

57. *Portio mea Domine.* i. o Domine qui es pars hereditatis meæ, & tota huius vitæ possessio, dixi. i. proposui *custodire legem tuam*. Sed quia id sine ope tua præstare non potui,

58. *Deprecatus sum faciem tuam in toto corde meo.* i. Deprecatus sum in toto corde meo, te, cuius in oratione mea quandam imaginem sine faciē mihi obiectam & coram positam habere videbar: Illa enim, inquit Basilus, oratio bona est, quæ compertam Dei notionem in animo ingenerat. Quam ob causam etiam Bern. Admonendus est, ait; qui orare vult, quāta potest puritate cordis intendere in eum cui sacrificium orationis offert: Quantum enim videt vel intelligit eum cui offert, tantum ei in affectu est, & ei amor ipse est intellectus. Et paulò post, Oratio est hominis Deo adhaerentis affectio, & familiaris quædam & pia allocutio. & statio illuminatæ mentis ad fruendum quamdiu licet. Hæc Bernardus. *Miserere mei*, ut custodiam, siue opere impleam legem tuam, *secundum eloquium tuum*, quo promisti effecturum te, ut in præceptis tuis ambulemus.

Cogitavi

Cogitavi vias meas superiores, plenas lapsus & peccati; & conuerſi pedes meos in testimonia tua, ut in posterum non meis gressibus, inquit Ambrosius, quibus antea lapsus sum, sed testimoniorum tuorum itineribus ambulare. Vel, *Cogitavi vias meas*, futuras, actus meos cogitatione praueniens, ne inconsulta operatione progressus, aliquid in ipsis actionibus offensionis inciderem. Et tali cogitatione bene consiliatus, *conuerſi pedes*. i. gressus siue actus meos, *in testimonia tua*, velociter aggressus ea facere quae te nos facere velle contestatus es. Cum enim horum quippiam cogitando considerauero, non haesito, non detrecto id opere praestare, sicut illi de quibus Psal. 77. ver. 12. scriptum est, Filij Ephraim intendentes & mittentes arcum conuerſi sunt in die belli; sed nec tristitia aliqua contrahor, ut adulescens ille qui audito Christi consilio, Vade vende omnia quae habes & da pauperibus, & veni sequere me, abiit tristis: Nec metu exanimor, quia iam priusquam, considerando vias meas, particulariter animaduertero quid mihi agendum sit,

Paratus. i. corde & affectu iam in omnem partem praeparatus sum, & ob id *non sum turbatus, ut custodiam*, siue opere impleam *mandata tua*. Hortatur nos proinde Ambrosius: Paremus affectum nostrum, ne imparatum vis repentina perturbet: Esto paratus, non solum aduersus ea quae vides, sed aduersus ea quae non vides. Meditare & statue animo ut procedens ad praelia, dicas, Paratus sum & non sum turbatus, ut custodiam mandata tua. Haec Ambrosius. Attamen, D. Cyrillus intelligit hominem per ipsam praescientiam parari, ut in aduersis custodiat mandata Dei: Praemeditatione, inquit, molliuntur aduersa, & mens diutina cogitatione magis formatur. Acerba enim valde repentina videri solent, vnde & Psalmista dicebat, Paratus sum & non sum turbatus, ut custodiam mandata tua. Haec Cyrillus.

Funes peccatorum. i. hominum iniquorum (non enim genitiuus iste, ut notat Augustinus in suo nominatiuo habet, Peccata, sed; Peccatores) de quibus scriptum est, Funes extenderunt in laqueum. Hi ergo funes *circumplexi sunt me*, quia ex vna parte praepoſito, scandalo, multaque importunitate me peccatis irretire contendunt, ex alia parte importunitate consimili omnia virtutis adminicula atque praesidia a me excludunt. *Et legem tuam non sum oblitus*, quo minus eam, in illam quasi peccandi necessitatem reductus, opere impleam, sicut nec Ioseph in domo Putipharis, vel carcere Pharaonis, nec puerulus Tobias in captiuitate Ninive positus. Qui versiculus frequenter proponendus est eis, qui in medio impiorum & hereticorum viuunt, ne, ut se se sit, arbitrentur, se ob necessitates in quas deueniunt, ab obseruatione diuinae legis excusatos esse.

Media nocte surgebam ad confitendum tibi. Prius dixit, Memor fui nocte

N n n nominis

nominis tui Domine, hic, ut notat Ambr. dicit, *Media*. i. in tempesta nocte, quod est, in tempestivo illo, inquit August. & humanis actionibus importuno mediae noctis tempore. Hoc ergo tempore *surgebam*. Surgebam, inquit; Multi enim, ait Ambros. nocte memores quidem redduntur Dei, sed religio non usque adeo seruet in cordibus eorum, ut eius exercendae gratia surgere velint, sufficit verò eis, imo rem praeclaram se facere arbitrantur, si non fuerint grauati in stratu suo diuinorum beneficiorum suauiter meminisse. Feruentioris porro & operosioris pietatis est, religionis obeundae causa spreto cubili surgere, & è molli stratu suo se expedire, atque deuotioni posthabere ea quae carnis sunt: Hac inter caetera contemplatione, quod Dominus media nocte ex Virgine natus sit, Sicut consueuimus hora prima orare, quia Dominus manè prima Sabbathi resurrexit, hora tertia quia ea hora venit Spiritus sanctus, hora sexta quia tum crucifixus est Dominus, hora nona qua mortuus est, hora vespertina qua de cruce est depositus, hora completorij qua est sepultus, ut, quod docuit Ambros. etiam ipsis temporibus Deo nostrae commendentur orationes. Porro media nocte surgere, primis Christianae religionis temporibus omnibus Christianis usque adeo cordi fuit, ut putauerint sibi admodum parcere, & absque saturitate cenandum esse, memores, inquit Tertullianus, etiam per noctem Deum sibi esse adorandum, *super iudicia iustificationis tuae*. i. super iudicia quae cum tanta gratia, humanitate, longanimitate, tam congrua atque conuenientia exerceas, in iustificandis lapsis, Clementissimo enim atque humanissimo, vero tamen iudicio, Deus ea constituit atque decreuit, in quibus atque per quae iustificarentur homines lapsi, quae à iustitia qua iusti sunt Angeli tanto intervallo disiuncta sunt, ut dicat Augustinus, quod comparatione iustitiae, qua iusti sunt Angeli, in conspectu Dei non iustificabitur omnis viuens, ut in Psal. 142 sumus, Deo fauente, ostensuri.

Amb. epist.
83.

Tertul. Apo
log. c. 39.

63.

Particeps ego sum omnium timentium te. i. omnium eorum necessitatibus qua potui ratione subueni, omniumque virtutibus ac prosperitati fauorem praebui. Et notat Ambros. quod dicatur *timentium te*, non autem, *imitantium te*, quia studuit sibi qui hic loquitur, humiles demereri non altos. Addit autem, *Et custodientium mandata tua*. q. d. illorum *timentium*, qui te caste timent, & in lege tua habent voluntatem. Vel addit hoc, ut designet illos, qui ex timore Domini etiam legem eius obseruant. Sunt enim aliqui, ait Ambr. corde deuoti, opere pigri, religiosi affectu, otiosi actu. Circa quae verum, non sunt praetermittenda verba D. Ambr. de se hoc modo loquentis; Sanctus est qui dicit, *Particeps ego sum omnium timentium te*, Ego autem hoc mihi usurpare non possum; quanti enim sunt qui timent Deum, & non illis comparior? Querunt opem, & nolo scire misericordiam, Indigent

digent sumptu & non adiuvare, &c. Cuiusmodi humilitatem verba Ambrosii etiam spirant, cum alibi facta mentione verborum Pauli, necessarium permanere in carce propter vos, dicit, non mihi id necessarium est, qui nulli utilis sum.

Amb. tract.
de fide res.

Miserericordia tua Domine plena est terra, ita ut in ea homines & iumenta saluati facias Domine. Sic enim, ut in Psal. 35. diximus, multiplicasti misericordiam tuam Deus, ut nec carnales homines, nec iumenta à misericordia tua volueris omnimodis esse aliena. Cum itaque misericordiam tuam in terram tam copiose effuderis, *Iustificationes tuas doce me*. i. fac me facere opera iustitiæ tuæ, ut ex multiplici misericordia tua, ego huius, quæ longe prastantissima est, misericordiae tuæ particeps efficiar.

64.

T E T H.

Bonitatem fecisti cum seruo tuo Domine. Alij legunt suauitatem; Inter quas Basil. hanc ponit differentiam, quod suauitas latius pateat quam Bonitas. Illa enim se diffundit ad bene merendum de omnibus quibus ea quacunque ratione opus est, Bonitatem autem dicit esse contractiorem, nempe quæ in dandis beneficijs, iustitiæ distributiue etiam rationem adhibeat. Sed D. Ambros. legit iucunditatem, quam facit Dominus cum seruis suis, cum facit, ut iustitiæ eiusque opera eis iucunda sint & suauia. *Secundum verbum tuum*. i. ait August. secundum promissum tuum, Vel, *secundum verbum tuum*, quia iucunditas quæ me affecisti, non est secundum carnem, sed secundum Verbum, siue ex participatione Verbi tui, quæ sola vera & perseverans est iucunditas. Doleis enim, ait Ambros. libido cum seruet, sed horrida & execranda cum proditur. Suaves epulæ cum sumuntur, sed scetidae cum digeruntur. Bona multa in hoc seculo dum viuimus aestimantur, sed amara fiunt cum relinquuntur. Non est ergo, ait, iucunditas vera nisi illa quæ secundum verbum Dei est, ut quis bonorum meritorum atque virtutum subsecijs gaudeat se esse minutum.

65.

Basil. inter.
lren. 214.

Bonitatem et disciplinam et scientiam doce me. Ne quis, inquit Ambros. per sanctiorē accipiens Deum esse bonum, in erroribus perseveret, quod per misericordiam Dei poterit impunitatem suis dandā esse peccatis, additur: *Et disciplinā doce me*, ut videlicet sciam, quod Deus, quam est patris bonitate amandus, tam sit iudicis severitate metuendus, ut inquit Cypr. Vel, dicit, *disciplinam doce me*, ut, qui didicit in obseruatione diuinæ legis iucunditatem, discat etiam in aduersis perferendis patientiam, ne forte efficiatur ex ijs qui verbum cum gaudio audiunt, & in tempore tentationis recedunt. Denique additur, *et scientiam doce me*, quia scientia utilis est illis qui bonitatem & disciplinam prius à Deo didicerunt. Imo Augustinus hunc versum extendit, ut sit oratio eorum qui præsunt, quorum est orare, ut doceat eos Deus

66.

Cypr. tract.
de lapsis.

Aug. li. 50.
h. mil. bo. 5

N n n ij bonita-

bonitatem quæ faciat disciplinam, quam exercent, amabilem, Doceat eos simul disciplinam, quæ inculpabilem faciat quam exercent bonitatem. Nec enim, inquit Augustinus, quenquam latere puto quin bonitas sine disciplina mater sit vitiorum, & disciplina sine bonitate tristis quædam amaritudo viuendi: Ideo, inquit, & scientiam sibi præstari implorat, ut nouerit scienter sapienterque distinguere, qui sint termini bonitatis, & quam disciplina debeat tenere mensuram. Hæc Augustinus. *Quia mandatis tuis credidi*. i. credidi mandata legis nostræ abs te esse, iusta, æqua & sancta esse, tuoque munere impleri, Ipsa itaque fides tua qua id credidi, impetret abs te gratiam, qua doceas me *bonitatem, disciplinam & scientiam*. Quandoquidem autem Psaltes versu præcedenti petiuit à Deo discere disciplinam seu patientiam in aduersis, exposcit nunc causam per quam aduersa, in quibus opus sit patientia, ei obuenerint, & dicit:

67. *Priusquam humiliarer*. i. aduersitatibus & molestiis subijcerer, *ego deliqui, propterea eloquium tuum*, quo voluisti, ut virtus in infirmitate perficeretur, *custodiui*. Qui enim se in aduersa suo merito suæque culpa deuenisse recordatur, is ad eadē cum æquanimirate toleranda cōuenienter disponitur.

68. *Bonus es tu*. Bonitas Dei, inquit Ambros. celestium mysteriorum profundo & diuinæ dispositionis altitudine pensatur: Cū ergo altitudinem consilij diuini super salute generis humani animaduertit Psaltes, *Bonus*, inquit, *es tu*. Quid ergo? *Et in bonitate tua*. i. in hac tuæ dispositionis misericordissimæ altitudine, *doce me iustificationes tuas*. i. doce me iustitiā tuo munere accipere, vel acceptam, tuo auxilio per charitatis opera exercere.

69. *Multiplicata est super me iniquitas superborum*. i. eorū qui legi tuæ nolunt esse subiecti. Hi enim multis me malis affecerunt. Quia quanto magis quis legi Dei seruire desiderat, inquit Ambros. tanto magis in se excitat aduersarios. *Ego autem his malis subiectus, in toto corde meo scrutator mandata tua*. i. exactè rimabor mandatorum tuorum abscondita, ut eorundem vberior intelligentia reficiat tristem, & accuratior obseruatio beet infelicē.

70. *Coagulatum est sicut lac cor eorum*. i. illi, quos dixi, superbi, corde ita constricti sunt atque compressi, ut legis tuæ non nisi confusam habeant cognitionem, eamque solummodo in genere nouerint; Inò, cum plurima peccata in vnam suam animam congerant, omnia tamen illa in vnam sic redigunt velut massam, ut tantum in genere nouerint dicere se esse peccatores. Hæc itaque D. Bernard. coagulato cordi opponit illud propheta, *Scindite corda vestra*. Sicut enim cor dicitur coagulatum cum peccata in illud confusè coagmentata sunt & congesta, ita è contrario sciuntur corda, cum illa, inquit Bernardus, in multas minutias diuiduntur, ut singula peccata, etiam parua, singulatim dignosci possint & desleri. Dicitur interim cor coagulatum

gulatum, etiam à duritia, & animi in malum obfirmatione. Quid vero ex aduerso iustus? *Ego vero*, inquit, *legem tuam meditatus sum*, ut eam minutatim cognoscerem, & opera mea secundum illam accurate explorarem & dijudicarem. Hoc itaque fructu ex tribulatione percepto, confidenter dicit, & cum gratulatione:

Bonum mihi quia humiliasti. i. diuersis tentationibus & incommodis, inquit Ambr. exercuisti me. Quod aperuit, inquit, & Symmachus scribens, Profuit mihi quod afflicti sum. *ut discam mandata tua*, quia aduersitate illa tanquam acra quadam disciplina, eruditus sum, sicut scriptum est; Castigasti me Domine & eruditus sum sicut iuuenculus indomitus. Et alibi; Domine in angustia requisierunt te in tribulatione murmuris doctrina tua eis. Et quamuis per aduersitatem opes omnes, & ea quæ opibus confectanea sunt, amiserit, non tamen exanimatus est quasi incomparabili detrimento affectus, lætitia enim illa opima est compensatione sarcita. De qua sequitur:

Bonum mihi lex oris tui. i. charitas, inquit August. cuius legem Christus ore suo, tanquam mandatum nouum, promulgauit, quæ absque dubio tam præstantia quàm suauitate potior est millibus auri & argenti. Quanquam per legem oris diuini rectè intelligatur interna Dei vox hominem in tribulatione positum, de lege sua per illuminationem scientiæ claritatis Christi erudientis, de quo scriptum est: Beatus homo quem tu erudieris Domine, & de lege tua docueris eum.

I O D.

Manus tue. i. virtus tua & sapientia, *fecerunt me secundum animam*, & *plasmauerunt me secundum corpus ex lutu formatum*. Sic enim hæc duo distinguunt D. Basilus. Hoc autem commendationis, inquit Ambr. utitur Psaltes exordio, ut opus Dei se esse diceret, quo facilius e re operis sui gratiā, fauor inclineretur authoris. Subdit proinde, *De mihi intellectum me discam mandata tua*. Intellectus, inquit Ambr. præcedit, & sequitur scientia, quia intellectus qui hic postulatur, Dei donum est, quo ingenium nostrum proxime disponitur ad capeßendam scientiam rerum diuinarum, ideo & D. I. h. distinguens donum intellectus à reliquis virtutibus intellectiualibus, dicit quod ad donum intellectus pertinet capacitas intellectus eorum quæ proponuntur. Per sapientiam vero & scientiam intellectus bene dispositus informatur & homo doctus efficitur. Eruditionem enim, inquit Ambrosius, intellectus facit, non memoria. Nihil enim refert multa legisse nisi intelligas quæ legis.

Qui timeant te videbunt me et lætabuntur, quia in uerba tua supersperant. Gaudent enim cultores Dei cum vident aliquem supra omnium expectationem profecisse, & de Dei bonitate, supra quam leges ordinatæ spei

Nnn iij pro-

71.

72.

73.

Basil hom.
11. epist.2. 2 quest.
8 art 6.

74.

promittere videbantur, non frustra sperasse; Sicut nunc gaudet Ecclesia quod Abraham supra spem in spem credidit, siue, in verbo Dei supersperauerit. Sed quis inter cetera est effectus illius eruditionis quam modo petebat, cum diceret, *domine, da mihi intellectum ut discam mandata tua?*

75. *Cognoui Domine quia equitas iudicia tua, et in veritate tua humiliasti me.* i. non, vt prius tantummodo credidi, sed iam intellexi, atque perspexi, quod a quo iudicio erga me usus sis, & me sicut verè dignus eram, humiliaueris, atque deieceris. *Quæ cognitio ad vberimum fructum exercitationis nostræ pertinet;* Soliditas enim humilitatis est, si quis per hoc quod negligitur, aut, vt secundum hominem optat, non aestimatur, nec eleuatur, eò proficit, vt discat id suis meritis deberi, & maioribus in rei veritate dignum non esse; Et similiter solidissima virtus est, cum quis per hoc quod aduersis exagitur, claram suæ conuersationis accipit notionem, & discit aduersitatem quam patitur, suis peccatis iustissimè irrogari. Huic ergo restat vt dicat:
76. *Fiat mihi ordo tuus ut consoletur me.* Tam fidelis enim confessio digna efficitur diuino solatio, vt per additamenta diuinæ gratiæ ad anteriora promoueatur. *Secundum eloquium tuum seruo tuo,* cuius conscius erat qui dicebat, *Qui consolatur humiles Deus, consolatus est nos in aduentu Titi.*
77. *Veniant mihi miserationes tuæ.* Hæc verba orationem prædictam ingeminant, & simul interpretantur id quod mox præcessit, *Fiat misericordia tua,* Cum enim Deus immutabiliter misericors sit, nō sit misericordia eius, nisi ratione sui effectus, quæ implorat qui dicit, *Veniant mihi miserationes tuæ, et viam.* i. consolabor siue recreabor, & per id velut reuiuiscam, *quia lex tua,* quam tuæ prouidentiae præscripsisti, vt consolaberis humiles & in tribulatione constitutos, In quem sensum supra dictum est, *De lege tua miserere mei.* Et Psal. 93. *Beatus homo quem de lege tua docueris, meditatio mea est,* eius enim effectum specto, & meditor obtinere.
78. *Confundantur superbi spe sua,* & suæ calumniæ circa me prouentu, frustrati, *quia iniuste.* i. non subexistente ea quam prætendebant causa, quamuis tu ob alia mea peccata tibi cognita id iuste permiseris, propter quod dixi, *In veritate tua humiliasti me, iniquitatem fecerunt in me.* i. calumniati aut depradati sunt me; *Ego autem exercebor in mandatis tuis.* q. d. nihilo tamen minus, ego exercebor in illis erga eos officijs dilectionis, quæ sunt mandatis tuis, quibus præcepisti nobis orare pro calumniantibus & persequentibus nos, consentanea.
79. *Conuertantur mihi timentes te, et qui nouerunt testimonia tua.* q. d. per calumniam etiam timentes te & doctos viros à me auerterunt, vt illis vel iniustus, vel saltem suspectus redditus sim, itaque erue è calumnijs obrutam veritatem,

ritatem, & illi saltem qui timēt te, & eruditi sunt in lege tua, agnita veritate conuertantur ad me, & sicut Apostolo euenit, reflorescant sentire pro me, *Philip 4.* sicut antea sentiebant, fuerunt enim interim occupati.

Fiat cor meum immaculatum in iustificationibus tuis. i. emunda cor meū, 80. ne ex eo radix aliqua amaritudinis siue iniquitatis sursum germinans, vitiet & contamineat, me conuiente, opera iustitiæ quæ me facis facere. Quæ oratio in idem redit, cum ea quam in hymno canimus. Repelle à seruis tuis quicquid per immunditiam aut moribus se fingerit, aut actibus se interterit. *Vt non confundar* accepta à te, qui hæc intima obseruas, parte cum hypocritis.

CAPIT.

Defecit. Quicquid est, inquit Ambro. quod vehementer expetimus, nisi 81. eius maturiorē habeamus effectum, id nos videtur longa quadam intentione lassare. Deficere ergo in aliquod, est, in id quod diligas totis studijs immigrare, illud cogitare, illi adherere, illud personare, in id quadam animi defectione transfundi. Hoc ergo modo, *Defecit in salutare tuū.* i. Christū tuum, *anima mea*, ut illum plena atque perfecta, in futura beatitudine salutis participatione induam, sicut scriptum est, Sacerdotes eius induam salutari. sicut & psal. 83. dictum est, Concupiscit & deficit anima mea in atria domini, ut ibi attigimus. Et tamen si illi felicitati se preparare eamque apprehendere humanæ mentis vires excedat, attamen *et in verbum tuum*, quo tu te nobis eō perducturū promissisti, *super speraui.* i. supra quam promittat infirmitas nature aut corruptionis nostræ in id spem meam extendi.

Defecerunt oculi mei in eloquium tuum. i. longa atque ardenti intentione 82. in promissū tua erecti fuerunt oculi mei, quadā interni desiderij sui expressione, *dicentes, quando consolaberis me*, illa consolatione de qua dixisti: Quomodo sicut mater blandiatur ipse consolabor vos, & in Ierusalem consolabimini, videbitis & gaudebit cor vestrum, Ibi enim nos rudes & novos, inquit August. blandissimis adiutorijs insolita nobis illa beatitudo excipiet. *Isaia 66.* 20 de rim. de, ca. 11.

Quis factus sum sicut uer in pruinæ. q. d. Cū sit uer & quidem nouus, habens a te mihi insulam vinum nouum, siue spiritum nouum in visceribus meis, ex me nescio tamen sequenter effluat, sicut uer in pruinæ, quia frigore quodam atque torpore dissoluatur, reddat remissus atque ad bene operandum inutilis. Attamen, *Iustificationes tuas non sum o'liu*, quia etiam talis effectus, memac sum nō à te deo iustificari, siue, reddito ardore atque alacritate charitatis, ad bene operandum iterum accendi posse, imo frequenter accendi atque recreari. Nihilominus, d. spicentia atque odio ignariæ atque ingratæ uoluntatis in medio iustificationum tuarum non

Epist. 12.
cap. 7. &
Ambros. in
hunc locum

rum non raro obrepentis, *Defecit in salutare tuum*, atque desiderio perfectæ iustitiæ in futuram vitam exarsit *anima mea*; Ibi enim non dicit vicinus, Elangui, inquit Isaias, quia charitas suum seruiorem, ne minima quidem ex parte vel ad momentum ibi remittet, sed in perpetua alacritate atque agilitate, stabunt ibi omnes sancti in circuitu throni amicti stolis albis. D. tamen Hieron. consentiente Ambrosio, id quod dicitur, *Et elus sum sicut vter in pruina*, in bonum intelligit, dicitque, id illi competere qui sic mortificat membra sua super terram, ut quicquid in eo fuerit libidinosi humoris tandem excelsum sit. Porro, quandoquidem eodem tempore quo consummandi sunt sancti futura etiam sit separatio malorum à bonis, ita ut boni non sint amplius habituri obstaculum aliquod (de quo Psal. 77. dictum est, Et electos Israel impediuit) ex consortio malorum, adiungit hic Psaltes, & dicit:

84. *Quot sunt dies serui tui, quando facies de persequentibus me iudicium*, per quod separes malos de medio iustorum? Quæ vox est anhelantis ad plenam pacem atque securitatem ciuitatis Dei, quæ esse non potest, nisi exterminatis ab ea omnibus discoloris; non est autem interrogantis, quia scriptum est, Non est vestrum nosse tempora vel momenta quæ Pater in sua posuit potestate. Persequentium verò vnum genus constituunt illi de quibus sequitur:

85. *Narrauerunt mihi iniqui fabulationes*. i. fabulas plausibiliter comptas, & speciosis verbis adornatas. De quibus Petrus: Venient in deceptione illusores secundum desideria sua ambulantes, Populus verò à veritate auditum auertens ad has fabulas conuertetur, *Sed non in lex tua*, quia,

Ambros. in
hunc locum.

86. *Omnia mandata tua veritas*, illorum autem fabulæ vanitas, Propter quod, ut in Psal. 11. citauimus, Dominus dicit, Verba sua à verbis fabulorum istorum tanto intervallo distare, quanto distant paleæ à tritico. Quæ tamen distantia ab illis solis obseruari potest & deprehendi, qui fundati sunt in lege, & qui spiritalis, inquit Ambros. eruditione doctrinæ, hæretica ab euangelicis dogmata valent discernere. Non tamen per iniquos has fabulas obtrudentes soli hæretici intelligendi sunt, sed & illi qui vana ut in Psal. 11. diximus, loquuntur ad proximos suos, & humana beneuolentia falsi atque fallentes, viam salutis spatiosam facere moluntur. Cuiusmodi erant illi, qui dicebant, malos, ob nescio quas à se in hac vita erogatas eleemosynas, perpetuis ignibus non arduos. *Inique persecuti sunt me*. q. d. tametsi enarratio fabularum magna (sed quæ stringit melle litū gladium) sit persecutio, ubi tamen iniqui considerant se lingua præualere non posse, ad arma conuertuntur, ut fabulis suis animos hominum ferro aperiant. His ergo persecutionibus pressum, tu Domine, *adiuva me*. Dicit, *adiuva me*, quia quasi

quasi bonus miles, inquit Ambros. bella non refugit, nec conflictus quasi grauium praeliorum bellator pauescit, sed fidelis & prouidus aspirare sibi diuinitus orat auxilia, & pia deuotionis fidelia sibi adiumenta deponit. Ideo non petit, ut persecutiones quiescant, sed in persecutionibus se postulat adiuuari. Hæc Ambros. Quis verò dictarum fabulationum, & persecutionum effectus?

Paulo minus consummauerunt me (in persona Ecclesiæ loquitur) *inter-* 87.
ta, eo præsertim tempore, quo implebitur quod scriptum est, Filius hominis veniens, putâsne inueniet fidem in terra? Tum enim parum aberit, & minus abesse videbitur, quin persecutio absumpsit Ecclesiam de terra. *Ego autem* (perseuerat sermo in eadem persona) *non dereliqui mandata tua*, tametsi enim persecutionibus pressa, in fide tamē & mandatorum Dei obseruantia inuicta perstat Ecclesia, & in ea multi quærentes iudicium atque iustitiam. Quod ut ei in finem usque donetur, subiungit Psaltes orationem & dicit,

Secundū misericordiam tuā. i. pro ratione misericordiæ tuæ, viuifica me. 88.
i. vitam excita, recrea, corrobora in me, & custodiam testimonia oris tui. i. legem tuam ore Christi atque seruorū tuorum fidelium nobis testificatam.

L A M E D.

S Vb hac litera probat Psaltes veritatis fidem atque cognitionem in ecclesia, (quod paulò ante dixerat) posse esse perpetuam & dicit:

In æternum Domine, Verbum tuum permanet in cælo. i. Verbum quod tu 89.
Domine singulariter tibi habere credideris, in æternitate tecum permanet in cælo vbi esse dixeris ac habitare. Cū ergo à Verbo tuo omnis veritatis cognitio sit, ipsumque per omnia sæcula perseueret, mirabile non est aut incredibile quod sit,

In generatione & generationem veritas tua, siue per omnes generationes, sine intermissione apud homines per fidem atque notitiam perseueret *veritas tua*. Facile enim est verbo tuo tecum immutabiliter permanenti, in succedentibus generationibus instaurare fidem atque veritatis cognitionem, quæ, illis, qui prioribus generationibus in sæculo vixerunt, sæculum deferentibus, vna cum illis in manifestam veritatis cognitionem hinc transfuit, vel, *In æternum Domine. i. sine fine, verbum tuum. i. clara & perspicua primæ veritatis cognitio, permanet in cælo. i. perseuerat in Angelis hominibusque ac animabus beatis qui in cælo sunt. Et similiter, In generatione & generationem veritas tua. i. fides & cognitio veritatis per succedentes sibi generationes sine vlla intermissione continuo in hominibus instauratur. Nec id mirum, quia Fundasti. i. in fundamentum orbis collocasti, terram, quam pedibus corporeis calcamus, & permanet. i. immobilis & absque* 90.

O o o defectu,

defectu, vt eam fundasti perseverat. Imo nō solum rei immotæ perpetuam stabilitatem, sed etiam rei motui subiectæ, atque adeo ipsi motui, continuū, vniformem absque vllō defectu motum concessisti, quia,

91. *Ordinatione.* i. dispositione tua *perseuerat* vniformiter oriri atque occumbere *dies*, quoniam *omnia seruiunt tibi*, nihil enim eorum quæ creata sunt, se subducit dispositioni tuæ, aut destinatum tuæ voluntati denegat effectum. Si ergo creaturam inanimatam, siue ea immobilis sit, siue motui obnoxia, tu Domine vales facere quamdiu durabit hoc sæculum in sua qualitate perpetuam, nunquid impossibile tibi erit veritatis cognitionem in hominibus decedentibus & accedentibus iugem, & absque intermissione continuam facere, præsertim cū inter *omnia quæ seruiunt tibi*, etiam persecutiones hominumque voluntates reponi debeant ac numerari? Seruiunt enim tibi sic hominum voluntates, vt non contingat eum, cui tu fidem dare, aut quem fidelem facere vel conseruare decreueris, fidelem non fieri, aut in fide non perseverare: Seruiunt item tibi sic persecutiones, vt te prouidente, non contingat eas, vltra quam fideles sustinere possint, efferuescere. Veruntamen, quandoquidem veritas à generatione in generationem à Deo non conseruatur in hominibus, absque ipsorum in quibus ea conseruanda est, hominū industria, subiungit Psaltes in persona eorundē, & dicit:
92. *Nisi quod lex tua* scripturis sacris, quā latè patent, descripta, & præsertim, vbi dicit, Fili in dolore sustine, & in humilitate tua patientiam habes; Et, Vsq̃ue ad tempus sustinebit patiens, & postea redditio iucunditatis, Id enim quod in præsentī est momentaneum & leue tribulationis nostræ, supra modum in sublimitate æternæ gloriæ pondus operabitur in nobis: Et, *Qui perseverauerit in finem*, hic saluus erit, & similia: *tunc fortè perijssē in humilitate mea.* i. afflictione mea, inquit Ambros. Nemo enim perit, inquit, in humilitate quæ virtus est, hæc enim, magis seruire consuevit. Cū ergo diuinæ legis meditatio mentem hominis in afflictione positi interna quadam virtute corroboret, atq; ab interitu præseruet, merito monet Ambros. vt in tempore afflictionis cū quatimur aduersis, meditatio nobis in lege sit, ne imparatos procella tentationis affligat. Athleta nisi exercitio palestræ prius fuerit assuefactus, non audet subire certamen. Vngamus igitur oleo lectionis nostræ mentis lacertos. Sit nobis tota die ac nocte exercitij vsus in quadam cælestium scripturarum palæstra, artusque animorum nostrorum salubris spiritualium ferculorum esca confirmet. Dicit autem, *Fortè perijssē*, indicās accuratam meditationē diuinarum literarum non esse omnibus ad perseverandum necessariam, cō quod sint quidam qui solo fidei scuto per occultam Dei protectionem à tentatione tuti & illæscuadunt, de quibus scriptum est; Abscondes eos in abscondito faciei tuæ à

contur-

conturbatione hominum. Porro beneficium diuinarum iustificationum, eius gratiæ esse atque præstantiæ, vt dignum sit quod iustificatis gratificatione perpetua & inexplebili ob oculos versetur, indicat Psaltes per id quod sequitur:

In æternum non obliuiscar iustificationes tuas. i. exhortationes, terrores, consolationes, gubernationes, opitulationes & reliqua id genus interiora & exteriora adminicula, *quia in ipsis uiuificasti.* i. vitam animæ quæ est iustitia præparasti, donasti, auxisti, exercuisti in *me*. Cuiusmodi affectu etiam Augustinus accensus fuit, cum diceret; Quando sufficio lingua calami enunciare omnia hortamenta tua, omnes terrores tuos, consolationes & gubernationes, quibus me perduxisti prædicare verbum tuum, & sacramentum tuum dispensare populo tuo? Sed ne gratificatio hæc per iugem diuinarum iustificationum memoriam siue mentionem putetur sufficienter expleri, exponit consequenter Psaltes qualem se iustificatus, gratitudinis siue gratificationis ergo, deberet vicissim Deo aut reipsa aut saltem conatu atque studio exhibere, & dicit:

Tuus sum ego. Facilis vox, inquit Ambr. & communis videtur, sed paucorum est, Ille enim dicere potest, *tuus sum*, qui Deo totis sensibus adheret, eiusque spiritui totis perseueranter obsequitur viribus. Non enim potest dicere, inquit, *Tuus sum*, qui mutabilis est, & aut mœrore mutatur aut indignatione, *Qui* cum ante horam fuerit Christi, nunc tristitiæ est, nunc iracundiæ, nunc (hem) verbi otiosi. Hæc Ambros. *saluum me fac* munere perpetuæ salutis. *Quoniam iustificationes tuas*, quibus me benè operari facias, & in iustitiæ operibus in finem perseuerare, *exquisiui*: Non enim, tametsi *tuus sum*, perseuerantiam per quam ad salutem peruenitur mearum virium esse putauit. Idque eo minus, quia

Me, me inquam, qui iam voto vt plures, aut reipsa, vt pauci, dicere possum, tuus sum ego, *expectauerunt.* i. mihi sine intermissione inhiauerunt *peccatores.* i. infideles alijque quibus iustitia inuisa est, *vt perderent.* i. in peccatum deuolutum in sempiternam perditionem præcipitarent *me*; Ob id verò iustificationes tuas ardentius exquisiui, quia periculosum nimis est, cum hoste sine protectore confligere: His verò periculis expositus, *testimonia tua.* i. illa verba tua quibus sub certa cōtestatione (ne alioqui solummodo comminatoria crederentur) desertoribus supplicia addixisti, *intellexi*, siue, benè & cum firma fide perspecta habui; Inter quæ reponi debet illa sententia Domini per Ezechielem: Si auerterit se iustus à iustitia sua, omnes iustitiæ eius non recordabuntur. Et præter hoc,

Omnis consummationis vidi finem. i. obseruaui, inquit August. quam esset gloriosus finis martyrij, quod est omnis consummatio. i. consummatif-

O o o ij fima

suma perfectio. Vel, Intellexi quis esset finis tam eius, qui malè, siue in iniquitate cōsumatur aut moritur, quam qui benè, siue qui in iustitia ad mortem vsque perseuerat; Qui tum verissimè dici potest consummari, si tempore mortis suæ ad quandam iustitiæ summam proficiendo peruenerit, Videns autem vtriusque cōsummationis finem, obseruaui quod esset, *latum mandatum tuum nimis*, quia charitas quæ à te demandata, & mandatorum tuorum quædam summa est, in hac vita cor dilatat & recreat, & ad amplissimam latitudinē deducit, quia in fine bonæ cōsummationis dabitur mandatum charitatis secundum suam latitudinem plenissimè implere; & simul dabitur cognoscere, quæ sit longitudo, latitudo, sublimitas atque profundum, scire etiam supereminentem scientiam charitatis Christi vt impleamur in omnem plenitudinem Dei. Quæ cum ita sint, peccatoribus expectantibus vt perderent me, elegi ego in charitate quæ lata est, & ad dictam latitudinem perducit, immobiliter permanere, eamq; fini cōsummationis iniquæ præponere.

M E M.

S Vb hac litera vberius exponit Psalter fructum qui provenit ex lege diuina, seu verbis Dei, hominibus diligentibus eam eiusque studio sis: Hominis proinde fidelis quam erga legem Dei habet dilectionem, exponens seu verius inflammans, dicit Psalter ad Deum:

27. *Quomodo. i. quantopere, dilexi legem tuam Domine.* Dixi, inflammans, hoc ipso enim, inquit Ambros. charitas crescit affectu, quod ipsum Deum, testem inuocat, ei que suum affectum exponit, cui, cuiusque legi (qui enim Deum, etiam eius legem diligit) munus, dilectionis impendit. Dilectionis verò mox dictæ primus effectus, primumque indicium est, *Tota die meditatio mea est.* i. tota die mentem meam ei peruestigandæ & perspicandæ intendo, eiusque intelligibilem in mente mea notionem compono atque instauro, vt viuam quandam æterni Verbi à qua ipsa deriuata est, imaginem in me rutilantem habeam. Et id quidem *tota die*, vt quicquid, inquit Ambr. dies poterit habere temporis, id totū sibi meditatio vendicat. Quia tamen id negotia atque mortalis vitæ necessitates paucis permittunt, reliquis obseruandum est illud Sapientis, Hora surgendi, siue è somno, siue è mensa, siue ex quocunque negotio, ne te trices. i. ne te illis è quibus surgere debeas negotijs diutius implices aut detineri sinas, quin potius tempore quod illis licitè impenderes citius abrupto, præcurre prior in domum tuam, & illic ab omni strepitu sæcularium negotiorum auocare, & age. i. instaure, collige, perfice conceptiones tuas. Hæc Sapiens. Hoc autem affectu atque studio diuinæ legis exposito, aggreditur Psalter propositum & incipit enumerare multiplicem diuinæ legis fructum & dicit:

28. *Super inimicos meos*, qui scilicet mihi, non quibus ego inimicus sum,
Pruden-

Prudentem me fecisti mandato tuo, quia mandando, Si esurierit inimicus tuus, ciba eum, si sitit, potum da ei, & hoc faciendo carbones ignis. i. dolores ac stimulos poenitentiae congeres super caput eius: Et, dicendo, Ne litiges cum homine linguato, neque struas ligna in ignem eius: Et, Responsio mollis frangit iram; responsio autem dura, suscitatur furorem: per hanc inquam, & complura legis tuae mandata, docuisti nos cum inimicis nostris prudenter congedi, omnibusque eorum iniurijs occurrere aut eas per correctionem redigere in nihilum. *Quia in aeternum mihi est*. i. pro perpetua lege id mihi habere proposui, eaque prudentia cum inimicis semper cōgredi.

Ecclesi. 8.

Super omnes docentes me intellexi, quia testimonia tua meditatio mea est. i. ex meditatione testimoniorum tuorum comparaui mihi intelligentiam omni sapientia Philosophorum, Politicorum, Practicorum, & similium, qui sapientiae magisterium prae se ferunt, praestantiorē. Vel, Docentibus auscultando accepi legis tuae auditū, sed audita ruminando accepi, eorūdem intellectū longē praestantiorē auditu, qui à docentibus immediatē informatur.

99.

Super senes intellexi, quia mandata tua quasiui. i. rerum ob id agendarum praestantē intelligentiam habui prae illis quia uthoritate praediti, aut multorum annorum experientia videbantur edocti, sicut scriptū est, Sapientia confortauit sapientem, super decem principes ciuitatis. Et alibi, Anima viri sancti enunciat aliquando vera super septem circumspectores sedentes in excelsis ad speculandum. Quidam tamen & inter eos Ambrosius intelligunt priorem uel sum de illis qui per Spiritum sanctum erudiuntur, hi enim praecelaram diuinæ legis accipiunt intelligentiam prae illis qui alienorum, inquit Ambr. iudicio ad id munus sunt assumpti. i. qui docent non quæ ipsi intellexerunt, sed ab alijs mutuati sunt. Hi enim, inquit, cedant necesse est illis, quos meditatione testimoniorum caelestium doctrina Dei docentis imbuerit. Similiter & id quod dicitur, *Super senes intellexi*, intelligi potest dictum esse in persona Ecclesiae saeculis posterioribus peregrinantis; Crescat enim oportet, inquit Vincentius Lirinensis, & multum vehementerque proficiat, tam singulorum, quam omnium, tam unius hominis, quam totius Ecclesiae ætatum ac saeculorum gradibus, intelligentia, scientia, sapientia. Si ergo hic sensus placet, diligenter obseruandum est Psaltem dicere, *Super senes*, non autem aliud quam *senes*, intellexi, fas est etenim, ait Vincentius, ut prisca illa caelestis Philosophiae dogmata processu temporis excurentur, limentur, poliantur: sed nefas est ut commutentur, nefas ut detruncantur, ut mutilentur. Accipiant licet euidentiam, lucem, distinctionem: sed retineant necesse est plenitudinem, integritatem, proprietatem. Hæc Vincentius.

100.

Ecclesi. 7.
Ecclesi. 37.Vincent. Lirinensis
cont. haeres.
cap. 28.

Ibid. c. 30.

Ab omni via mala prohibui pedes meos, ut custodiam uerba tua. Cum enim considerarem adamata mihi uerba tua, quibus intus de lege tua salu-

101.

Ooo iij briter

briter doces, custodiri, siue perseveranter audiri non posse ab anima lubrica, curæ mihi fuit atque obtinui ab omni peccato prohibere pedes meos, ne per vias malas tuam à meis auribus fermocinationem prohiberem aut excluderem. Vel, prohibui pedes meos à lapsu, siue, à peccato memetipsum cohibui, non tantum horrore futuræ vindictæ, sed amore debitæ erga legem tuam obedientiæ, ita vt peccatum vel hoc nomine declinauerim, quia est inobedientia cælestium mandatorum.

102. *A iudicijs tuis non declinaui quia tu legem posuisti mihi.* q. d. quod ab omni via mala, vt dixi, prohibuerim pedes meos, id præstiti quia tu imprestisti cordi meo legem tuam tam validè, vt illam mihi meisque vijs pro indeclinabili lege habuerim: quod ergo id præstiterim, non mihi sed tibi acceptum fero & acceptum ferri volo. Cùm autem recordor, & in mentem mihi venit suauitas qua delibutus reddebar, cùm meditarer, vt dixi, eloquia tua, non me contineo, quin exclamem,

103. *Quam dulcia faucibus meis.* i. interno gustui meo *eloquia tua*, cùm percipiuntur, ruminantur, capiuntur *super mel ori meo.* i. sermoni meo cum sic gustata enarrantur. Illi enim qui verba Dei è suo sensu siue pectore enarrat, competit illud Cantici Canticorum, Sicut vitta coccinea labia tua & eloquium tuum dulce. Et, Fauus distillans labia tua, mel & lac sub lingua tua, Quæ omnia suo loco explicuimus.

104. *A mandatis tuis intellexi.* i. per obseruationem mandatorum tuorum, vt exponit August. ad intelligentiam eorundem deueni, sicut scriptum est, Intellectus bonus omnibus facientibus eum. *Propterea.* i. quia à mandatis tuis intellexi *odi omniem viam iniquitatis*, tanquam percipiendæ, quam adamabam, intelligentiæ sanæ inimicam.

N V N.

105. *Lucerna pedibus meis verbum tuum.* Verbum, inquam, Prophetis & Hagiographis dictatum. Prophetico siquidem sermoni, tanquam lucernæ in loco caliginoso lucenti, attendere nos iubet Petrus: Æterno verò Dei verbo, quia mutuato non lucet lumine, lucernæ nomen, teste August. conuenire non potest. Prophetarum itaque & Hagiographorum verbum est lucerna, quia in verborum exteriorum quodam cortice descriptum continet lumen veritatis: Est & lumen, quia accedente Dei gratia audientis vel legentis mentem percellit & illuminat. Estque idem verbum lucerna & lumen *pedibus nostris & semitis.* Quæ duo, sicut & *lucerna & lumen*, tametsi à D. Augustino pro iisdem habeantur, non inconuenienter tamen neque incommodè sic distinguì possunt, vt verbum Dei siue scriptura sacra dicatur lumen semitis nostris, quia quibusdam locis præscribit qua via ambulandum, quidve credendum sit; sed ne verba quibus id præscribit pro homi-

hominum libidine in peruersum sensum trahatur, vrgeanturque, eadem scriptura alijs locis se præbet lucernam pedibus nostris, quia per gesta & dicta sanctorum, velut ad oculum demonstrat, qua ratione gressus nostri, siue fides & opera nostra, ad normam præscriptæ semitæ efformanda sint & componenda. v.g. Dicit scriptura sacra in nomine Christi, Qui me confessus fuerit coram hominibus, confitebor & ego eum coram Patre meo. In illis verbis ipsa est lucerna semitis nostris, quia præscribit quid nobis agendum sit. Ne autem Prodicus aliquis aut Valentinus persuadeant confessionem illam non esse in terris sub periculo proprii capitis faciendam, eo quod Deus sanguinem humanum non siciat, sed in itinere quod animabus, vt fabulabantur, & refert Tertullianus, peragrandum sit dum corpore soluti transeunt ad caelum, occurrit liber Actuum Apostolicorum, & præbet se lucernam pedibus nostris, Is enim liber, vt ibidem docet Tertull. enarrans confessiones, plagas, interemptiones Apostolorum ob confessionem nominis Christi, demonstrat qua ratione pedes siue gressus cōuersationis nostræ dirigendi siue componendi sint in semitam quam scriptura per verba; Qui me cōfessus fuerit coram hominibus, nobis præmonstrabat: Et ab exemplo Apostolorum clarissime nobis ostendit, nomen Christi corā Regibus, Tribunalibus & populis confitendum esse facta etiam iactura vitæ & propriæ incolumitatis. Similiter per id quod Apostolus dixit; Qui non laborat non manducet, scriptura sacra est lumen semitis nostris, quia docet quid nobis faciendum sit; sed ne cui id liceret, inquit August. pro voluntate, & non pro veritate interpretari, Apostolus ipse suis manibus absque præcepti necessitate operatus est, vt eius exemplo coercerentur, inquit, qui prædicta verba aliò, quam ad laborem manuum detorquebant. Proinde scriptura describens Apostolum manibus proprijs, ne quem grauaret operatum esse, est lucerna pedibus nostris, ab Apostolico exemplo ostendens, quibus, & qua ratione id quod dixerat, Qui non laborat non manducet, obseruandum, siue, vt loquimur, practicandum sit. Quocirca etiam ipse Apostolus postquam dixit manus suas sibi & suis necessaria comparasse, Omnia, inquit, ostendi vobis, quoniam sic oportet suscipere infirmos & meminisse verbi Domini quando ipse dixit, Beatius est magis dare quam accipere. Et vt ex vno in aliud à proposito non alienum deueniamus, idem sentiendum est de petris siue fundamentis Ecclesiæ. Christus namque est Petra seu fundamentum Ecclesiæ, quasi lumen semitis eius, quia ostendit quid credendum & quomodo Ecclesiæ ambulandum sit, quia tamen Christum dicebant alij Ioannem Baptistam, alij Eliam, alij Ieremiam aut vnum ex Prophetis: Petrus à Christo constitutus est petra siue fundamentum Ecclesiæ tanquam lucerna pedibus nostris, quia sicut prius sua confessione, ita nunc sua cura & autho-

Tert. Scor.
cap. 10.

ibid. c. 15.

Aug de o-
per. monac.
cap. 3.

& auctoritate infallibiliter ostendit Ecclesiæ, in quem sensum id quod de Christo memoria proditum est, accipiendum sit ac intelligendum; ita ut de Ecclesia verissimè dicatur quod sit vndique fundata supra firmam petram, Infallibilis enim est Christus in quem credit, infallibilis etiam est & Petrus ad cuius formam atque præscriptum notionem veritati consentientem sibi infallibiliter format & effingit: ita ut fidei Ecclesiæ nec ex parte eius in quem credit, nec ex parte eius ad cuius præscriptum credit, possit subesse falsum.

106. *Iuravi & statui custodire iudicia iustitiæ tuæ.* Quid? necesse fuit illa custodire, Quò ergò pertinuit illud iurare? Ad deuotionem, Præceptum enim inducit necessitatem, Iuramentum verò spontaneam voluntatis arguit propensionem. Pertinuit id & ad obsequendi studium, quod admodum ardens in eo esse conuincitur, qui impositæ sibi necessitati propria in super ac spontanea obligatione irretitur. Denique, minus excusationis obtendere potest de præuicatione, qui legem propria sua ac spontanea recepit sibi; imposuit voluntate. Hæc spectasse videntur Moyses & Iosue, cum darēt populo optionem, num vellet Domino seruire, num dijs alienis, Tali namq; propositione prouocabant populi spontaneam deuotionem, ipsumque populum diuinæ legi arctius & inexcusabiliter obligabant.

Deuter. 10
Ios. vii.

107. *Humiliatus sum usquequaque Domine.* i. ex omni parte humilitatem tenui atque exercui. Hilarius enim Ambrosius & Hieronymus, secus quàm complures alij, hæc verba de virtute humilitatis intelligunt. Grande autem est, inquit Ambrosius in omnibus humilitatis tenere mensuram, nam qui paupertate contentus est, non est contentus iniuria; & qui potest ferre verberum poenas, exagitur verborum contumelijs; & qui potest administrationem contemnere, dolet sibi aliquem honorificentiam esse prælatum. Hæc Ambrosius. *Viuitifica me;* sic vndique humiliatum, *secundum verbum tuum;* ut ex morali quam exercui disciplina humilitatis, ad spiritum conscendam, & secundum verbum tuum, in spiritu viuam, omnia faciendo cum ratione, siue cum sapientia, non secundum carnis voluntatem. Vnde & mysticum illud: Omnia per ipsum facta sunt; etiam moraliter, inquit Ambrosius, accipi, vel ad mores nostros trahi potest, ut omnia, inquit, per Verbum facias sine Verbo nihil.

108. *Voluntaria oris mei.* i. supererogationis opera quæ ut fiant, promissione libera de ore & labijs procedente præueniuntur; Quæ non dicerentur simpliciter, *voluntaria*, nisi procederēt à voluntate hominis quæ ea in parte libera est ab obligatione præcepti. Nec dicerentur *oris* esse, nisi oris quadam promissione aut proposito, præuenirentur: Hæc ergo *voluntaria oris mei, beneplacita.* i. ut tibi accepta sint & placita, *fac Domine.* Quod non sine ra-

Hilar. in
hunc locum
Hier. in ca.
46. Ezech.
et
epi. ad ebi-
lem.

sine ratione oratur, Nam ut in Psalmum 75. ex Cone. Arauscano citati-
mus, Nemo rectè vouet, aut voluntaria oris sui Deo rectè offert, nisi idip-
sum quod offert prius à Deo accepit: (Quam Concilij sententiam ex cap.
4. libri 17. de ciuitate Dei desumptam, & inter sententias ex Augustino de-
cerptas, 54. loco polita esse nunc deprehendimus.) Nisi enim Deus volun-
taria oris nostri dirigendo & inspirando sibi beneplacita faceret, quid de
hominis ore procederet nisi iniusta & displicens Deo, infidelis & stulta
promissio? *Et iudicia tua doce me:* Ut voluntaria oris mei cum placito tibi
iudicio atque prudentia promittam & exerceam. Sunt enim, inquit Am-
brosius, qui opes suas (idem iudicium esto de reliquis animi, corporis &
fortune bonis) tumultuario mentis impulsu, non iudicio perpetuo, ubi Ec-
clesia contulerunt, postea reuocandas putarunt, quibus nec prima merces
rata est, nec secunda, qui nec prima iudicium habuit, & secunda habuit sa-
cilegium. Itaque, qui voluntaria oris sui Deo pręparat, meritò orat, *Iudi-
cia tua doce me;* scriptum est enim, Ne temerè quid loquaris, neque cor-
tuum sit velox ad proferendum sermonem coram Deo. Quibus verbis
plerique, inquit Hieronymus, arbitrantur præcipi ne coram Deo facillè ali-
quid promittamus, & sine consideratione virium voueamus ea quę explere
nō possumus. Virium, inquit Hieronymus, Vnusquisque enim, inquit Ter-
tullianus, cum fide sua colloqui debet, eiusque vires consulere priusquam
turrinē edificare aggrediatur; Ne postquam ceperit edificare & nō potue-
rit consummare, omnes qui viderint, incipiant illudere ei dicentes, Quia hic
homo cepit edificare, & non potuit consummare. Quę tamen Tertulliani
verba intelligenda sunt de viribus, non quas iam homo actu siue in prom-
ptu habet, sed quas habet in spe & animi quadam pręparatione. Oportet
namque vouentem eo saltem loco esse, ut audeat sibi à Deo vires voti sui
opere explendi, non temere promittere. Quanto autem putes eum polle-
re debere diuinitus accepto iudicio qui dictę sufficientiæ nō temerarius cen-
sor existet? Hoc interim hic obseruandum est quod cum propositum Deo
aliquid promittendi à diuina inspiratione esse nō dubitatur, tum hoc opus
esse iudicio, ut docuit D. Bernardus, ut qui id aggressurus est, omnem co-
gitatum suum iacet in Dominum, & omnem sollicitudinem suam in Deum
proiciat, certus quod illi futura sit cura de eo.

Anima mea in manibus meis semper. Alij legūt, in manibus tuis semper;
sed nostro modo legendum esse affirmat D. Hieronymus. Sensus ergo est:
In quotidianis versor periculis, In hunc enim sensum dixit Dauid, Posui a-
nimam meam in manibus meis. i. animam meam periculo exposui. Vel po-
tius, Sum mei iuris, & in potestate habeo, ut quod velim faciam, Contextus
enim satis indicat Psaltem hīc loqui in persona, siue ad informationē eorum
qui pu-

Ambr. 1. de
pñit. c. 2.

Eccles. 5.

Hier. in c. 5
Ecclesiastes

Ter de exh.
capitulis c. 1

Bern. in de-
c'am super
Ecce nos.

109.

Hier. c. 11.
35. ad 14
numm. &
Freil.

P pp

qui pu-

*Ambrosij de
interp. Da-
uid, cap. 3.*

qui publica pollent potestate, vt & ipsi ex hoc Psalmo discant qua ratione sibi in iustificationibus Domini ambulandum sit. *Et*, quātū mīs potestas, vt Ambrosij verbis vtat, ad peccandum lubrica sit, *legem tamen tuam non sum oblitus*. Memor enim fui me non pro potestate agere debere, sed potestatem legi tuæ subternere, & semper prius dispicere quid liceat, quā quid à me fieri possit, mihiq̃ libeat. In hac verò potestate constituto,

110.

Posuerunt peccatores, & præcipuè adulatores, *laqueum mihi*, suggerētes mihi quod cum imperanti non nisi quæ recta sunt licent, precariò regnetur, quodq̃ legis quodecunque vinculum auctoritati principum (reputationem vocant) derogat & dignitati. *Et de mandatis tuis non erravi*. i. tanta nihilo minus cura & studio mandatis tuis intendi, vt ne quidem per errorem quidpiam mandatis tuis aduersum admiserim.

111.

*Bern. serm.
37. in Cā.*

Hereditate acquisiui testimonia tua in æternum, quia *exultatio cordis mei sunt*. D. Bernardus testimoniorū nomine hoc loco idē intelligit, quod Apost. dicens, Ipse spiritus testimonium reddit spiritui nostro quod sumus filij Dei; Quod testimonium Psaltes, secundū Bernardum, se hīc dicit hereditate acquisiuisse, ea, inquit, qua præsumebat se esse filium Dei, vt videlicet ex eo quod gratia & iustitia erat Dei filius, quasi hæreditario quodam iure, huius suæ filiationis internū, cum summa cordis sui exultatione, à Spiritu S. acceperit testimonium suæ respōsum. Arbitror interim, *Testimonia*, hoc loco aliud non significare quā toto reliquo Psalmo, vbi *testimonia* accipiuntur pro lege nobis à Deo siue per Christū, siue de cælo, siue per Moysen, vt diximus, testificata: In quē sensum accepto testimoniorū vocabulo, dicentur illa hereditate acquisita esse, quia qui Deo sincero corde atq; sincera dilectione, siue ipsius boni amore seruit, eā mente præditus est, suūq; quo Deo seruit, obsequium in eo habet pretio, tantamq; sibi hac in parte gratiam factam esse arbitratur, vt si à Deo (quod utiq; fieri potuisset) nō fuisset instituta, promissa, siue decreta iustis hominum operibus merces aut finis supernaturalis perfectior, quā iustus per perfectam iustitiam acquirere potest, participatio, iustus ipsam iustitiam, eiusq̃ exercitationem, pro parte sua hereditaria facillè haberet ac reputaret, idq̃ue, *Quia*, inquit, *exultatio cordis mei sunt*.

*Amb. 1. de
Abrah. c. 8.
de interp.
Iob lib. 3.
cap. v's.
Hilar. in
Psal. 51.
Ambros. in
Psal. 43.*

Tantum enim est bonum iustitiæ ac operationis iustæ, tamq̃ue vt ita dicam beatum, vt Ambrosio teste, propositum piæ mentis pro mercede habeat facti boni conscientiam, iustiq̃ue operis effectum. *Quia* tamen Deus pro magnificentia suæ bonitatis & herilis animi liberalitate, quā Hilarius & Ambrosius, & Concilium Trident. misericordiam vocant, instituit iustis hominum operibus sublimiorem longè mercedem, ipsiq̃ue iusto excellentiorem sui finis participationem, in ipsa, inquam, Dei visione, ideo hac Dei magnificentia præsupposita, addit Psaltes:

Incli-

Inclinaui cor meum. i. cor meum sic ambiguum vt voluntate imperante in bonum vel in malum flecti posset ac dirigi, *Inclinaui.* i. proprio imperio liberi arbitrij iam bene consiliati, cum adiutorio diuinæ gratiæ direxi: Ad insinuandam siquidem cooperationem liberi arbitrij, hic dicit, *Inclinaui;* cum supra ad commendandum adiutorium gratiæ Dei dixerit, *Inclina cor meum Deus in testimonia tua.* Inclinaui itaque cor meum, *ad faciendas iustificationes tuas.* i. exercenda iustitiæ opera, *In æternum.* i. vsque in æternitatem, *propter retributionem.* i. intuitu mercedis à tua magnificentia nostris iustificationibus siue iustitiæ exercitationibus, promissæ. Prærogatiua namque fidei est, vt ex Ambrosio ad versum 17. huius Psalmi citauimus, de Domini benignitate, ac promissione (dignatur enim Dominus, inquit Augustinus, quibus omnia debita dimittit, promissionibus suis debitor fieri) sperare mercedem. Quam Psalter inuens, non abs re dicit inclinasse se cor suum ad faciendas iustificationes Domini *in æternum*, siue in finē vsque, quia testatur Concil. Trident. iustificatum bonis operibus verè mereri gratiæ augmentum, vitam æternam, & ipsius vitæ æternæ, si tamen in gratia decesserit, consecutionem atque etiam gloriæ augmentum: In quibus verbis, cum dicit; Si tamen in gratia decesserit, nō obscure indicat, iustum quidem vitam æternam emereri bonis operibus, vitæ verò æternæ consecutionem mereri decessione sua in gratia, siue perseverantia. Quocirca etiam Dominus operarijs vineæ suæ non reddit pactam mercedem, nisi cum sero lactum esset. i. cum occubuissent, Nec his obstat quod dicit Dominus, Cum feceritis omnia quæ præcepta sunt vobis, dicite serui inutiles. i. nostris iustificationibus mercedem non emerentes sumus; id enim Dominus nos non simpliciter, sed quadam contemplatione dicere voluit, ad profitendum quod nullis ne quidem iustitiæ operibus valuerimus Deo præiudicium facere ad constituendam vel tribuendam nobis mercedem; Omnem enim iustitiæ ac dilectionis exercitationem, quia conditione Dei serui sumus, & præcipue quia iustitiam eiusque exercitationem Dei munere, eiusque ope accepimus, debiti obsequij nomine, quantum est ex parte nostra, eidem pendere ac præstare debemus: At vbi Deo placuit operibus iustitiæ eam, qua ob præstantiam Charitatis, & inhabitationem Spiritus S. digna erant, sed quam ipse ob dominij sui sublimitatem ac plenitudinem nullo iustitiæ rigore dare tenebatur; promittere, constituere, ac retribuere mercedem; planè licet nobis huius mercedis intuitu iustitiæ opera exercere, & hac diuini instituti consideratione dicere: Serui viles, siue mercedem facientes ac emerentes sumus: Sicut enim prior confessio exprimit mercedem nobis à Deo præcisè ex nostrarum iustificationum, vt diximus, præiudicio non competere; ita posterior, exprimit eandem nobis de Dei benignitate ac

Auguſt. in
confeſſ.

Conc. Trid.
ſeſſ. 6. c. 32

P p p ij magni-

magnificentia ad summam nominis sui laudem & gloriam, accedente ordinatione inuiolabili, constitutam esse.

S A M E C H.

113. *Iniquos odio habui, & legem tuam dilexi.* Ex hac oppositione, auctore Augustino datur intelligi quod Psalter non homines oderit, sed eorum iniquitatem, dilectæ sibi legi Dei aduersam. De odio autem quo iniquos iustilicite prosequuntur, dicturi sumus circa finem Psalmi 138.

114. *Adiutor & susceptor meus es tu.* Prius dicit *Adiutor*, postmodum *Susceptor*; ipso verborum ordine non obscure indicans, Deum in gratiam suscipere, non eum qui spontanei cursus sui, ut teste Prospero, voluit Cassianus, seruire Deum prouenerit, sed qui, ut ad auctorem suæ salutis recurrat, ab eo per auxiliū prauentus sit. *Et in verbum tuum supersperaui.* Hoc supra versu 81. exposuimus, videtur tamen etiam hoc modo exponi posse. *In verbum tuum supersperaui.* q. d. cum mihi de te ob hoc quod bonus es bona præsumenda forent, etiam si nihil promississes, spem tamen quæ de tua bonitate præsumit, robore quodam ac securitate longè excedit ac superat spes, quæ verbo siue promisso tuo innitur: Verbo etenim siue promisso tuo, non solum de tua bonitate, sed de tuo circa nos proposito certiores reddimur, & re sperata per tuum promissum nobis propius adducta, in spe ipsa non parum confortamur. De qua re etiam in Psal. 129. nonnulla dicturi sumus.

115. *Declinate à me maligni, & scrutabor mandata Dei mei.* Hoc dicit multis de causis: In primis, quia infestatio malignantium turbat & impedit inquisitionem diuinorum mandatorum: Cuius rei locuples testis est D. Gregorius homilias suas in Ezechielem concludens in hæc verba: Nemo me reprehendat si post hanc locutionem cessauero, quia sicut omnes cernitis, nostræ tribulationes excreuerunt: Vndique gladijs circumfusi sumus, vndique imminens mortis periculum timemus. Alij detruncatis ad nos manibus redeunt, alij captiui, alij interempti nunciantur. Iam cogor linguam ab expositione retinere, quia tædet animam meam vitæ meæ. Iam nullus in me sacri eloquij studium requirat, quia versa est in luctum cythara mea, & organum meum in vocem flentium. Iam cordis oculus in mysteriorum discussione non vigilat, quia dormitauit anima mea præ tædio; Iam minus lectio animo dulcis est, quia oblitus sum mādūcare panem meum à voce gemitus mei. Cui autem viuere non licet, de scripturæ sacre sensibus loqui qualiter libet? Et qui cogor quotidie amara bibere, quando possum dulcia propinare? Hæc Gregorius. Non solum autem malignantium, sed etiam contentiosorum infestatio, qui pro dirimendis suis controuersijs ad ecclesiasticorum priuata, teste Augustino, iudicia (secundum monitionem Apostoli dicentis: Contemptibiles. i. inquit Hieron qui cum in Ecclesia maiores sunt,

August in
bunc locū
Hiero in c
18. Ezech.

res sunt, humilitate sunt minimi; constituite ad iudicandum) se conferre solent; Ecclesiasticos viros ab inuestigatione diuinæ legis non parum abstrahit. His ergo, præsertim cum Episcopi sententiæ & monitis non facile acquiescunt, etiam dicendum esse censer August. *Declinate à me maligni, & scrutabor mandata Dei mei;* sic tamen vt sub illis etiam comprehendantur omnes discoli, immorigeri, morosi, Episcopis & Pastoribus suis negotium plus quam æquū est & vtile facientes; Et similiter mulierculæ semper discantes, & nunquam ad scientiam veritatis peruenientes; Non quasi hi simpliciter & per omnia amandandi sint, & ab omni accessu prohibendi, sed dicendum est eis, *Declinate à me, & scrutabor mandata Dei mei;* vt huiusmodi increpatione conferriti, discant negotiorum suorum superflua & importuna rescare, vt possit Prepositus tempus quod illis inutiliter aut superfluo impenderetur, meditationi diuinæ legis & scripturarum sacrarum potius cum fructu atque vberiore proventu, reseruare ac impendere.

Suscipe me, dextera tua ad beatificandum me, vt in me impleatur illud Domini per Isaiā, *Suscipit te dextera Iusti mei; secundum eloquium tuum,* vt eloquij tui effectum vt in alijs, ita etiam hac in parte percipiam, *Et vinam,* sine fine felix, *Et non confundas me ab expectatione mea.* i. non patiaris me à iustitia excidere, per quod cum magna mea confusione priuer beatitudine expectata, & non sine causa sperata. Quod ne patiaris,

Adiuua me; corroborando, protegendo, *Et;* mediante perseverantia, in æterna beatitudine saluus ero. *Et;* te, vt oro, adiuuante, *Meditabor in iustificationibus tuis semper.* i. sine intermissione ad anteriora, siue iustitiæ incrementa acquirenda intentus, non respiciam retro nec in lapsum declinabo. Lapsus enim tum in homine locum habere incipit, cum homo à iustitia conseruanda, restauranda, promouenda, intentionem suam atque curam abstrahit, remittit vel auertit: Quem ordinem insinuat scriptura cum dicit, Si auerterit se iustus à iustitia & fecerit iniquitates, &c. Nam & Carites à iustitia deficere hac de causa non possunt, quia in amore Dei confirmati, ab exercitatione iustitiæ suæ intentionem suam nulla in parte vnquam auertunt vel remittunt.

Sprensi omnes discedentes à iudicijs tuis. i. à pristina obseruatione mandatorum tuorum magno cum iudicio, vt diximus, decretorum. *Quia iniusta cogitatio eorum.* i. quia cogitatio eorum, quam oportet discessionē à iudicijs tuis præcedere, valde iniqua est. Cum enim ante hanc discessionem gustauerint iudicia tua super mel & fauum, vt Psal. 18. dictum est, esse dulciora, cum cogitant eadem deferre, videntur comparationem, vt Tertull. verbis utar, facere, & iudicatio pronuciare eum esse meliorem, cuius esse maluerint: quod non nisi iniquissimo imo peruersissimo iudicio, præfer-

P p p iij tim ab

tim ab illis qui gustauerunt bonum Dei verbum virtutesque seculi futuri, fieri potest. Sed quauis peccata desertionis ob causam allegatam admodum graua sint & abominanda, alia tamen peccata non sunt nulla, quia

119. *Præuariantes reputau omnes peccatores terræ.* i. omnes qui in terra ab habitudine mentis iniustæ peccatores dicuntur, etiam præuariantes esse existimaui, & quod iniquitatis nequitiam non parum auget, legem aliquam cognitam præuariari, ita ut ipsi ab iniquitate illorum quos paulo ante desertores vocauimus, non sint nimis longe disiti. Legem enim cognitā præuariari, hoc etiam est iniquitatem iustitiæ quadam in parte iudicatō præponere. Et quidem Iudeos esse legis sibi cognitæ præuariantes, satis manifestum est, cum de eis dixerit Dominus, Nōne Moyses dedit vobis legem, & nemo ex vobis seruat legem? Nihilominus etiam qui sunt ex gentibus peccatores annumerari debent inter præuariantes, Nam & ipsi legem naturæ sibi probè cognitā, & mentibus eorum naturaliter insculptā transgrediuntur. Quod attendens Apostolus non dicit gentiles legem non habere, sed dicit eos, eiusmodi, scriptā scilicet qualē habebūt Iudæi, legē non habere. Præter hos autem, inter omnes peccatores terræ annumerari debent & paruuli per Sacramentum diuinitus institutum non regenerati, Cum enim peccatores, ut diximus, dicantur ab habitudine mentis iniustæ.

*Ter. de iust. anim in fi
Cyp. de id. vanitate.
Aug. in Ps. 57. in principio, & in hunc locum*

An non & illi peccatores censendi sunt quibus competit illud psalmi 50. Ecce enim in iniquitatibus conceptus sum, & in peccatis concepit, siue in vtero aluit me mater mea? Sunt ergo secundum scripturas sacras etiam paruuli isti peccatores, illi peccato obnoxij de quo Apostolus: Per vnum hominem peccatum intrauit in hunc mundum. Sed nunquid & præuariantes? Imò quia peccatores, ob id & præuariantes. Præuariantes enim, reputau omnes peccatores terræ, omnes enim, inquit Augustinus, legis alicuius præuariantes sunt rei qui aliquo peccato tenentur obstricti. Cum enim nihil peccati rationem habere possit nisi quod sit vel fuerit in hominis potestate ut esset vel non esset, & ipse actus liberi arbitrij primariò & principaliter ac immediatè in potestate sit, non potest vlla habitudo mentis iniustæ peccatum esse, vel dici, nisi profecta fuerit à præuariatione quæ est actualis & libera cognitæ legis transgressio. Sed quomodo, inquires, paruuli quos laquei mortis præoccupauerūt, à lege Dei non solum diffformes sunt, sed eam actu aliquo libero quem inharens consequatur deformitas, sunt transgressi? Id tibi Apostolus explicabit si aduertis quod dicit, In quo, vno scilicet ac primo homine, omnes peccauerunt. Non solum enim dicit Apostolus, per vnum hominem peccatum in hunc mundum intrasse, quod est ex vniu hominis propagatione per habitudinem mentis iniustæ totius mundi homines peccatores factos esse; sed præter hoc addit, in illo

vno &

*Aug. 16 de
Cinit. c. 27*

vno & primo homine omnes peccasse, quod est, peccatum actu admisiſſe. Quo autem actu? Actū, inquam, illius, in quo sic omnes tanquam in radice erant, vt etiam ille eius actus omnium fuerit. Vis idipsum tibi vberius explicari, & per rationem efficacius demonstrari? Ne velis, fidei enim est: Ibi itaque siſſe & ſufficiat tibi rem tam abſcōdite notionis tibi modicè quidē, ſed certiffimè cognitam eſſe; Altitudinem verò ſapientiæ noſtrarum mentium viribus incomprehenſibilis, abſque vitio incredulitatis Deo tribue. Attamen, quandoquidem in illis, qui à reatu prauaricationis illius in qua omnes peccauerunt, per ſacramentum Chriſti liberati ſunt, quamdiu hic mortaliter viuunt, caro concupiſcit aduerſus ſpiritum, Pſalter, de prænominata prauaricatione, remanentis ex ea concupiſcentiæ, eiusque tyrannidis nos in legem peccati indefinenter captiuantis, recordatus, rugitu à propoſito nullatenus alieno exclamat ad Ieſum, & dicit:

Conſige timore tuo carnes. i. carnales cupiditates meas, Vt quod tibi crucifixio in mortem fuerunt clauī, (Græca enim vox, teſte Auguſtino, inſinuat confixionem, quæ imploratur, clauorum tranſmiſſione fieri debere) id corporeis, vt interpretatur Leo, ſenſibus, addo & membris meis, à peccati, ne quid morte dignum operetur, illecebra, ſalubri, inquit Auguſtinus, cruciatu cohibēdis, imo ipſis cupiditatibus acri illa diſciplina ſenſim mortificandis, ſit timor tuus; vt poſſim cum Apoſt. dicere. Chriſtō confixus ſum cruci, viuo ego, non iam ego, viuūt verò in me Chriſtus. A iudicijs enim tuis, quibus tu ipſe qui crucifixus es, iudicabis orbem, timui, exhorreſcens in illo die, in quo per ſignum filij hominis. i. imaginem ſanctæ crucis apparentis in cælo, & per cicatrices in iudicijs corpore rutilantes mors tua omnibus repræſentanda eſt; in illo, inquam, die non inueniri complantatus ſimilitudinis mortis tuæ, vt poſſim ſimul eſſe particeps glorioſæ tuæ reſurrectionis. Cum ergo id nunc timeam, hoc timore, ſic, per gratiam excitantem, me tempore huius vitæ meæ extimula, & cohibe, vt timor ille mortificandis mortis operibus, atque adeo ipſis cupiditatibus, efficaciſſimus mihi aculeus ſit.

120.

Leo ſer. 19
de paſſ.
Aug. 4. de
Trinit. c. 3.

Damaſc. li.
4. cap. 12.
D. Tho. cōp.
Theol. 2. 60

A I N.

Feci iudicium ex iuſtitiā. In altero, inquit Ambroſius, ſignificatur veritatis cuſtodia, in altero fructus eſt acquitatis. *Non tradas me calumniaribus meis.* i. crimina non vera mihi obijcientibus, aut per ſiniſtras interpretaſiones benefacti peruerſentibus. Idque ne per calumnias eorum à recto deducar, ſcriptum eſt enim, Calumnia conturbat Sapientem, & perdet robur cordis illius; Vel ne per eorum calumnias decor exercitiæ iuſtitiæ atque ædificatio obſcuretur.

121.

Suſcipe ſeruum tuum in bonum, vt facias mecum ſignum in bonum, de quo in

122.

quo in Psal. 85, diximus, *Non calumnientur me superbi*. Hoc enim signo mecum in bonum facto, eueniet, vt videant qui oderunt me & confundantur, quoniam tu Domine adiuuisti me & consolatus es me.

123. *Oculi mei defecerunt in salutare tuum*. i. id vnum spectantes, alia quæ solent homines spectare, illi spectare desierunt & nescierunt. *Et in eloquium iustitiæ tuæ*, vt faciendi iudicij atque iustitiæ formulam aliam non requiram nec attendam, ab ea quam tu per cloquia scripturarum tuarum eloquutus es. Quæ cum ita sint:

124. *Fac cum seruo tuo*, tibi tuisque verbis hoc modo obsequenti, *secundum misericordiam tuam*, supra scilicet quam petimus intelligimus aut emere-mur, *Et iustificationes tuas doce me*. i. Fac me in iustificationibus tuis, siue iustis operibus atque iustitiæ exercitationibus persistere atque proficere.

125. *Seruus tuus sum ego*, piam seruitutem tibi tuo munere deferens, Et quia tu tuis in nobis faues muneribus, *Da mihi intellectum: vt sciam testimonia tua*, Dicit iterum, da mihi intellectum, Nemo enim tam intelligens est, tam doctus, inquit Prosper, vt hac postulatione non egeat, Non enim horum donorum ita vlla augmenta sufficiunt, vt non semper supersit quod & intelligi desideretur & sciri.

126. *Tempus faciendi Domine*. Legendum est, Domino; Vel si seruetur nostra lectio, aliquid est subaudiendum in huc sensum, Tibi Domine est tempus faciendi. i. superest tibi tempus retribuendi, *Disipauerunt*. i. varijs ex partibus è medio tulerunt, extra memoriam, vsum, & obseruantiam esse fecerunt, vel transgressi sunt, *legem tuam*. De hoc tempore psalmo 74. dictum est in persona Domini, Cum accepero tēpus, ego iustitias iudicabo. Potest tamē & hic esse sensus, *Tempus faciendi Domine*. i. o Domine toto decursu præsentis temporis nobis tempus est tibi operandi siue tue opera faciendi, propter quod dicebat Christus, Me oportet operari opera eius qui misit me donec dies est; Quocirca & Sapiens, Quodcunque inuenire potest manus tua, instanter operare: quia nec opus nec ratio, nec sapientia nec scientia erunt apud inferos quò tu properas. Huius tamen rei quidam parum memores, *disipauerunt*. i. transgressi sunt *legem tuam*. Ego verò,

127. *Ideo*. i. tanto magis, vel quia præ oculis habui hic esse tempus faciendi, *dilexi mandata tua super aurum & topazion*. i. plus operæ ac studij impendi seruandis ac implendis mandatis tuis, quam colligendis diuinijs quæ præcipuè consistunt in auro ac pretiosis gemmis ac margaritis. Vel, saltem studio mandatorum tuorum sic incubui, vt obseruationi mandatorum tuorum nullam acquisitionem, conseruationem, vel vsum auri atque topazij præposuerim.

128. *Propterea*. i. quia hinc nobis tempus faciendi siue instanter operandi est;

EX VNA

ex vna parte qua præcipis bona, *ad omnia mandata tua*. i. ad adimplendum omnia quæ à te nobis præcepta sunt, *dirigebat*. Ex alia verò parte qua prohibes mala, *omnem viam iniquam*. i. omne peccatum, odio habui, & facere subterfugi.

P H E.

Mirabilia testimonia tua. i. lex & Prophetæ, qui iustitiæ tuæ testimoniū perhibuerunt, dicente Apost. Nunc autem sine lege iustitia manifestata est, testificata à lege & prophetis, prima facie admirationi sunt intuentibus eos; Magnam enim sapientiam præ se ferunt, quam tamen sub multis rerum vmbis & verborum inuolucris occultant & abscondunt, *Ideo*. i. quia mirabilia mihi visa sunt *scrutata est ea anima mea*: Admiratio enim quam mihi principiò ingerebant, exstimulauit me, vt fit, ad ea perscrutanda atque rimanda.

129.

Declaratio sermonum tuorum. i. noui testamenti reuelatio, *illuminat* testimonia tua mox dicta: Velamen enim quod in lectione veteris testamenti manet non reuelatum, in Christo, inquit Apostolus, euacuatur; Euacuatur inquam in Christo, inquit August. non vetus testamentum, sed velamen eius, vt per Christum intelligatur & quasi denudetur, quod sine Christo obscurum atque adopertum est: Dicit namque Apostolus, Cum Israel transferit ad Christum, auferetur velamen; Non ait, auferetur lex, aut testamentum vetus, Non enim per Domini gratiam tanquam inutilia ibi tegerentur, ablata sunt, sed tegmen potius quo tegebantur vtilia. *Et intellectum dat paruulis*. i. humilibus, de quibus Christus, Abscondisti hæc à sapientibus & prudentibus & reuelasti ea paruulis. Quod apparet in eunucho illo Candacis reginæ Æthiopum, qui cum testimonium Isaïæ de Christo non intelligeret, & humili corde docilis doceri obsecraret, euangelizato sibi per Philippum Iesu, locus scripturæ prius obscurus eidem referatus fuit & manifestatus. Hoc enim modo, inquit August. agitur cum ijs qui studiose ac piè non turbidè atque improbè scripturarum illarum sensum requirunt, demonstranturque eis sedulò & ordo rerum, & causæ factorum atque dictorum, & veteris testamenti ad nouum tanta congruentia, vt apex nullus qui non congruat relinquatur. Hæc August. Quia verò hæc reuelatio nulli vtilis esse, nec velamen ignorantia de corde cuiuspiam auferre potest, non cooperante per gratiam Spiritu S. Litera enim occidit, spiritus autem viuificat; subdit Psaltes:

August. de
viii. cred.
cap. 3.

A. B. 2.

Aug loco
citato.

Os meum aperui. i. cognitioni atque intelligentiæ mysteriorum Dei avidissimè inhiaui: ad quod D. Hilarius requirit orationem humilem, studium peruiacax, & vt in omnem, inquit, aditum sapientiæ pulses, & hac mea auuiditate quasi quadā vi illata, (huiusmodi enim vis, inquit Tertull. Deo grata est) *attraxi spiritum*, sicut scriptum est: Optaui & datus est mihi sensus,

131.

Hilar. 1 de
Trinit.Tert. Apol.
cap. 39.

Q q q

& inuo-

& inuocaui & venit in me spiritus sapientiæ, *quia mandata tua desiderabam.* i. iam antè priusquam os aperirem interno desiderio in mandata tua flagrabam; vt autem id quod dixit, *attraxi spiritum*, non potestatis fuisse credatur, sed potius feruidæ cuiusdam & piæ inuocationis quæ vim quædam meritoriam in oculis Dei habet, subiungit Psaltes,

132.

Aspice in me. i. vota & desideria quæ dixi mea, & *miserere mei.* Addit, *miserere mei*, nō tam interpretationis, vt fere arbitratur Augustinus, quàm secundum Hilarium & Ambr. distinctionis gratia, vt det intelligi se hac oratione non illum aspectum Dei prouocare, quo respexit in castra Egyptiorum, vt illa aquis maris rubri obrueret, sed illū quo aspexit Deus afflictionem Israelitarum in Ægypto vt misereretur eis. *Secūdum iudicium diligentium nomen tuum.* i. ex illo tuo iudicio quo ad miserendum & opitulandum benignè respicis in preces vota & opera eorum, qui diligunt nomen tuum, qui studio innocenti, inquit Hilarius, tuam circa se bonitatem promeruerunt: Nam & illi spiritum attraxerunt, non virtute aliqua actiua, quæ in hominis potestate nullatenus est, sed meritoria, cuius effectus à iudicio aut retributione tuæ miserationis principaliter dependebat.

133.

D. Thom. 3.
cō gē. c. 82

Gressus meos. i. vitam & conuersationem meam *dirige.* i. compone, Illo enim auxilio, quo Deus illuminat, mundat, & componit corda nostra ad bene eligendum, inquit D. Tho. dicitur nos dirigere, *secundum eloquium tuum.* i. ad normam verborum, scripturarum, & doctrinæ tuæ. *Et non dominetur mei omnis iniustitia.* i. non regnet vllum peccatum in meo mortali corpore, neque efficiat per consensum aut operationem aliquam voluntariam vlla in parte seruus peccati.

134.

Redime me à calumnijs hominum, vt custodiam mandata tua. Qui enim, inquit Ambros. opprimitur à calumnijs hominum, nōn facillè potest custodire mandata diuina, Tristitiæ necesse est plerunque cedat aut timori, & affligatur vel metu calumniæ aut dolore.

135.

Aug de bo.
per se c. vii.

Faciem tuam illumina super seruum tuum, à facie enim Domini est scientia, inquit Augustinus, & intellectus. *Et doce me iustificationes tuas.* Est in his verbis atque adeo toto Psalmo formula quædam per quam impleamus quod scriptum est, *Querite Dominum & cōfirmamini,* quærite faciem eius semper. Orare enim quoddam quærere est, semper ergo orare, & eandem orationem toties iterare, quid aliud est quam semper quærere?

136.

Exitus. i. riuos siue magnam & iugem abundantiam *aquarum*, quas vocamus lachrymas, *deduxerunt oculi mei: quia non custodierunt legem tuam.* quod non mirabitur qui recordatur eius quod supra dictum est, Lauabo per singulas noctes lectum meum lachrymis meis, stratum meum rigabo: Et Psal. 101. potum meum cum fletu miscebam. Ad quos aquarum exitus nos adhor-

adhortatur Ierem. Deduc quasi torrentem lachrymas per diem & noctem, & non des requiem tibi, neque taceat pupilla oculi tui. Sed, proh dolor, nobis quibus cor ut rupes aut petra induruit, magis conuenit, ut cum Ieremia lachrymas has exquirentes dicamus: Quis dabit capiti meo aquas & oculis meis fontem lachrymarum, & plorabo die ac nocte? Psaltes ergo qui hactenus expressit desiderium iusti ad iustitiæ incrementa, eiusque exercitationes maiores, atque perfectiores indies anhelantis; his verbis expressit affectum hominis, ex Dei amore granditer, inquit Ambros. pœnitentis, Ex Dei, inquam, amore, ait enim, *quia non custodierunt legem tuam.* i. quia tibi inobediens extiti, quod non est nisi eius qui amat Deum.

S A D E.

Iustus es Domine & rectum iudicium tuum, quo posuisti pœnitentiam, 137.
non iustis qui tibi non peccauerunt, sed peccatoribus quos in gratiam, non nisi mediante pœnitentia voluisti recipere. nec id solum, sed ne pœnitentiam suo arbitratu agerent, voluisti eis pœnitentię legem atque modum præscribere dicens: Conuertimini ad me in toto corde vestro, in ieiunio, fletu & planctu. Et qua ratione rectum iudicium tuum, quo præscribis pœnitentibus tantorum impendiorum conuersionem?

Mendaſti iuſtitiam teſtimonia tua, & veritatem tuam nimis. i. tu mandaſti mandata tua custodiri nimis, Quæ autem tam ſeuere demandantur, ſine grandi, ut ex Bern. diximus, culpa non violantur: Quam verò magna, inquit Cypr. deliquimus, tam granditer deſſeamus. Alto vulnere diligens & longa medicina non deſit, pœnitentia crimine minor non ſit. Non ſolum autem propria, ſed etiam aliena peccata pœnitenda & deſtenda eſſe, docet verſus qui ſequitur:

Tabeſcere dolore ac diſplicitia, me fecit zelus meus. i. ardens quoddam quod in me ſagrabat odium peccati, Idque ex amore Dei, Sequitur enim, *quia obliui ſunt verba tua inimici mei*, Non enim me vtebat, aut ſaltem non me principaliter vtebat, quod inimico in me animo fuerint aut inimicitias in me exereuerint, ſed quod id agendo obliui ſint legis tuæ, tuique (rem indignam) nullam habuerint obſeruantiam. 139.

Ignitum eloquium tuum. Verba enim ſalſorum prophetarum à verbis oris ſive ſpiritus tui, per Ieremiam diſcernens, dixiſti, Nōne verba mea ſunt quaſi ignis? Quod experiebantur qui diſcumbentes in Emmaus dicebant, Nōne cor noſtrum ardens erat in nobis, dum loqueretur in via & aperiret nobis ſcripturas? Nam & in nobis, inquit Amb. ardet cor noſtrum, cum legentes ſcripturarum ſeriem apprehendimus aliquid intellectu ſpirituale. Et paulò poſt. Quibus, inquit, precibus emerear ut veniat Dei Verbum, intret eccleſiam, fiat ignis conſumens, & ferreus quidam peccati rigor, ſu- 140.

Qqq ij perno

Amb expo.
tit. 13. in
Pſal. 118.

perno mollescat incendio ? meliorentur vasa aurea & argentea, vt omnis sapientium sensus, omnis sermo prudentium, flagrantium passionum calore decoctus, incipiat esse pretiosior. Bonus ignis charitatis, quo corpus omne ecclesie, in mutuam adolescit gratiam, bonus ignis dilectionis, quo vnusquisque sanctus ad reuerentiam sui authoris accenditur. Hæc Ambr. *Vehementer*, Ignis enim hic, grandia quæ audiuius operatur, & in quibusdam inter quos Ieremias tantopere succenditur, vt ardorem eius ferre nequeant. Defeci, inquit, ferre non sustinens. Vel, *vehementer*, quia omnis quidem doctor, inquit Amb. inflamat audientis affectum, sed supra omnes est sermo Dei, intima penetrans medullarum. *Et seruus tuus dilexit illud*, hoc præsertim nomine, quia *vehementer ignitum est*, Seruus enim tuus magis amat igniri quam erudiri.

141. *Adolescentulus sum ego & contemptus*, Id variè exponitur; videtur autem Psalter id dicere in persona alicuius ætate minoris & iustitiâ ac prudentiâ rudis (hoc enim Psalmo omnē statum atq; ætatem Psalter instruit) qui eò nondum profecit, vt in pretio habeatur aut haberi dignus sit, qui his verbis ingenuè, & humilitate, quæ in iuuenibus, teste Ambr. rara est, confiteatur id quod res est; Addit autem ex persona eiusdem. *Iustificaciones tuas non sum oblitus*, his verbis adolescentis huius ingenium bonū comprobans, ne ipse inhonoris sic sibi vilescat, vt etiam legis diuinæ obliuiscatur. Et non sine causa: Nisi enim illi qui habentur inhonori & abiecti, in periculo diuinæ legis negligendæ versarentur, non diceret Apostolus de eo qui ad Episcopatum eligendus est, Oportet illum & testimonium bonum habere, ab ijs qui foris sunt, vt non in opprobrium incidat, & laqueum diaboli. Solet namque diabolus opprobrium in laqueum cōuertere ijs qui opprobrio subiacent. Vel, *Iustificaciones tuas non sum oblitus*, i. tametsi in præsentī ætate rudis & inhonoris, non desperavi tamen à te iustificari, siue augmento iustitiæ donari, & in gratia confortari posse.

142. *Iustitia tua*, qua tuo munere dicimur coram te iusti, *iustitia in æternum*, quia sæculo nunquam deerit, & cum sanctis in futura vita perpetuò permanebit, sicut scriptum est, In sanctitate & iustitia coram ipso, omnibus diebus nostris. Quam & Gabriel Angelus prænunciabat Danieli cū diceret, Septuaginta hebdomades abbreviatæ sunt super populum tuum, vt adducatur iustitia sempiterna; Sic dicta, ad distinctionem iustitiarum carnis quæ erant sub lege, Quæ erant iustitiæ huius vitæ solummodo vsque ad tempus correctionis impositæ. *Et lex tua*, i. iustitiæ tuæ norma & regula, *veritas*, quia à sapientia quæ tu es deriuata, falsitati subiacere non potest.

143. *Tribulatio & angustia inuenerunt me*, i. obuenerunt mihi. *Mandata tua meditatio mea est*. Est enim mihi tribulationibus presso curæ, ne tribulatio vel an-

vel angustia separent me à charitate Dei, vel obedientia mandatorum eius. Et quia mandata quæ sunt in tribulatione seruanda minus obuia sunt, ardua magis, ac minus vñitata, hinc est, quod illa mihi eo tempore habeam cum maiore intentione accuratius inuestiganda.

Æquitas testimonia tua in æternū. i. lex à te, siue in tribulatione, siue in pace positis præscripta, immutabili æquitate prædita est, & ab omni rigore & pōdere aliena; Cū enim nobis in tribulatione præceperis patientiam, Lex illa æquissima est, nā patientia tribulationē mitigat & leuat; sed quia, illa patientiæ siue legis tuæ æquitas, ob humanæ infirmitatis atque sapiētiæ caliginem paucis cognita est, & eam ob causam ad scientiæ quædam arcana pertinet, *Intellectum* huius æquitatis per spiritum sapiētiæ & intellectus da mihi. *Et viam*, quia spiritus intellectus vitam tribuit his qui accipiunt eum.

C O P H.

Clamui in toto corde meo. i. cogitationum, inquit Ambros. sublimitate, concentuque virtutum, affectu pio, sensuq; profundo. *Exaudi me Domine.* Non audit Deus, inquit, nisi quod suis dignum ducit beneficijs. Audit autē vocem piam, plenam deuotionis & gratiæ. Quid autem est in quo petit exaudiri? *Iustificationes tuas requiram.* Orabat namque ante omnia concedi sibi studium atque diligentiam quærendi, non ignorans, id oportere esse prius felicitate inueniendi. Studio autem hoc accepto, iterum

Clamui ad te saluum me fac, concessa vel aucta mihi per donum iustitiæ mentis salute, *Et custodiam mandata tua.* Custodia enim diuinorum mandatorum per gratiam Dei cooperantem salutem mentis, siue iustitiam, pari ferè gradu consequitur.

Præueni in maturitate, legunt alij *immaturitate*, sed eōdem redit. Si enim legatur *in maturitate*, intelligendum id erit de maturitate mentis, cordis atque virtutis, quali maturitate præditus Abraham primo quoque tempore Domini mandatum de immolatione filij sui implere maturauit. Si legatur *in immaturitate*, per id intelligenda erit quædam immaturitas temporis, quam ingenti studio fere præoccupat maturitas mentis. Docet autem D. Basil. Diluculum anteuertendū esse, & ad orationem surgendum cauendumque ne dies nos in lectulo dormientes opprimat. *Et clamui, quia in verba tua*, quibus promissisti, quod qui mane euigilarent ad te, inuenirent te, *super speraui.* Accepto enim promisso tuo plus fiduciæ habui, quam si mihi de tua solius bonitate præsumendum fuisset, vt diximus.

D. Basil. reg.
sus. ca. 37.

Præuenerunt oculi mei ad te diluculo vt meditarer eloquia tua. quia non solis votis agendum est, vt intelligentiam diuinorum eloquiorum accipias, sed importunis studijs ac meditationibus, sicut scriptum est: Qui de luce euigilauerit ad illam, non laborabit, assidentem enim illam foribus suis

Qqq iij inueniet,

inueniet: Cogitare ergò de illa, sensus est consummatus, & qui vigilaue-
rit propter illam, cito securus erit.

149.

Vocem meam audi secundum misericordiam tuam Domine. Etsi enim
homo sanctus, si iustus sit, inquit Ambr. orare debet vt exaudiat eum Deus
secundum misericordiam suam, non secundum merita alicuius virtutis,
quia rara virtus multa peccata, *Et secundum iudicium tuum*, quo iudicas æ-
quitatem, *viuifica me*, vita beata, ad quam nisi per iudicium æquitatis tuæ
non peruenitur. Vel, *secundum iudicium tuum*, quod facis omnibus iniuriam
patientibus, *viuifica me*, ab illa morte de qua Apostolus; Mors operatur in
nobis, vita autem in vobis, Quæ est iugis quædam & perpetua aduersitas,
præsertim quæ sustinetur propter iustitiam, ob quam dicebat Apost. Sem-
per mortificationem Iesu in corpore nostro circumferimus. Ambros. nam-
que dicit id orandum esse in aduersitate. De qua viuificatione Psal. 30. di-
ctum est, Conuersus viuificasti me.

150.

Appropinquauerunt persequentes me iniquitati. i. iniquitatem magis ac
magis induerunt. Vel, iniquitatem suam mihi propinquiorem fecerunt, cum
videlicet id quod principio à longe ceperant cogitare, paulo post decreue-
runt, & tandem mihi inferre moliti sunt: *A lege autem tua longe facti sunt.*
i. iisdem passibus quibus iniquitatem suam mihi propinquiorem fecerunt, à
lege tua, eiusque obseruantia per morum dissimilitudinem & inobedi-
entiam longius recesserunt.

151.

Prope es tu Domine, etiam illis qui à te elongantur, In primis quia in te
viuunt, mouentur & sunt, Deinde quia etiam illis qui recedunt à te, ades
per iudicium ac prouidentiam, quam ne minima quidem in parte euadunt,
vt aut plus faciant quam tu iusto iudicio eis permittis, aut aliud quam quo
tu bene vti, quodque tu in bonum conuertere proponis. *Et omnes via tue
veritas.* Quicquid enim in huiusmodi negotio aut malos facere, aut bonos
tolerare permittis, *Veritas* est, tum, quia iudicio tuo, tum quia meritis &
utilitati eorum probè respondet atque consentit.

152.

Initio cognoui de testimonijs tuis, quia in æternum. i. vt per eorundem ob-
seruantiam æternam consequamur salutem. *fundasti ea.* Et ob id aduersita-
tibus subiectus, non dico vanum esse eum qui seruit Deo, scio enim ei esse
aliam vitam expectandam, quam promisit qui non mentitur Deus. Hoc au-
tem dicit Psalter se cognouisse *initio*, tum quia Ecclesia in priscis sanctis A-
braham, Isaac, & Iacob, profitentibus se peregrinos esse & hospites super
terram, seque futuram ciuitatem inquirere, id cognouit, atque præ oculis
habuit, Tum etiam, quia Ecclesia posterioris sæculi id à patribus suis qui à
principio in ea fuerunt, didicit & accepit.

R E S.

Vide

Vide humilitatem. i. afflictionē meam, & eripe me, quia legē tuam non sum oblitus. His enim qui in aduersitate memores sunt mandatorū Dei ad faciendū ea, superest, vt ab aduersitate tandē eripiantur & constituātur in pacato. 153.

Iudica iudicium meum quod iustitia & causa mea de me ferri requirit. 154.
Cuiusmodi orationem Psal. 25. & 42 audiuius & exposuimus. *& redime me. i. merito* exercitæ hic constāter iustitiæ, tanquam quodam accepto pretio *redime me* à seruitute corruptionis, & sæculi huius, in libertatem gloriæ filiorum Dei, *Propter eloquium tuum. i. vt iustificeris* in sermonibus tuis, quod coincidit cum illis verbis Apostoli, Dico Dominū Iesum ministrum fuisse circumcisionis propter veritatem Dei. i. vt Deus agnosceretur ac deprehenderetur verax in suis verbis atque promissis. *Viifica me* à mortificationibus paulo ante explicatis, ob quas Apostolus etiam alibi dicebat: Quotidie morior per vestram gloriam fratres.

Longe à peccatoribus salus, non quia salus fugit ab eis, sed *quia iustificationes tuas non exquisierunt.* Nam aut increduli fuerunt, vt non putauerint sibi ea exquirenda esse, aut vsque adeo à tui obseruantia alieni, vt non libuerit eis vel quærere iustitiam tuam. Arbitratur autem D. Leo, quod Christus exiens in Golgotha, misericordiaq; ipsa exeunte à tabernaculis impiorum, impleuerit quod hinc dicit Psaltes. Longe à peccatoribus salus. 155.

Misericordiæ tuæ multæ Domine. Addit hoc, vt nemo eorum qui longè sunt salutem desperet, quia qui suo, inquit Ambr. peccato pereunt, misericordia Domini liberantur. Miserebor, inquit, cui misereor. Palam apparuit non quærentibus, vocauit refugientes, congregauit ignaros, pro omnibus se obtulit passioni, Non ergo multum misericors? Hæc Ambr. Vel, *misericordiæ tuæ multæ Domine*, ita vt misericordiæ tuæ etiam iudiciū tuum temperent, itaque secundum iudicium tuum misericordiā mitigatum, *viifica me*, viuificationis ac vitæ quadam plenitudine in futuro iudicio. Qui sensus in idem redit cum eo loco psal. 25. Iudica me Domine, quoniam misericordia tua ante oculos meos est. 156.

Multi qui persequuntur me & tribulant me à testimonijs tuis non declinaui, ne multis quidem me hinc inde tentantibus, quod valde constantis & presentis animi fuisse necesse est. Insuper his tentationibus diuexatus, potuit adhuc suorum aduersariorū curam aut cōpansionem gerere de qua sequitur, 157.

Vidi prauaricantes. i. mente expendi, quantum mali in hac re contra legem tuam admitterent, *& tabescebam* mœrore, compasione, *quia eloquia tua non custodierunt.* non enim mihi illata me tabescere faciebat iniuria, sed indignatio ob legem tuam ab eis prætermisam. 158.

Vide quoniam mandata tua dilexi Domine. Idque hinc, quod ego meorum malorum, atque aduersitatum oblitus, tuæ legis transgressiones deploro. 159.

deploro. Vel, Vide Domine, quod mandata tua non ex præcepto, inquit
 Greg. faciam, quod est inchoantium, sed quia diligo id quod iubetur atque
 præcipitur, quod Greg. dicit esse perfectorum. *in misericordia tua*, extre-
 ma, quæ exhibenda est in die iudicij. *uiuifica me*. uiuificationis & vitæ ple-
 nitudine.

160. *Principium verborum tuorum veritas*. Verba enim tua à veritate quæ
 tu es, immediate processerunt, *In æternum omnia iudicia iustitiæ tuæ*. illo-
 rum enim veritas, prudentia atque iustitia, semper manet ab illis immota.

S I N.

161. *Principes persecuti sunt me gratis*. Bene hoc martyr dicit, inquit con-
 sentiente Augustino Ambr. qui neminem læsit, nullum violentus oppres-
 sit, qui nihil legibus debeat & grauiora latronum cogitur sustinere suppli-
 cia: *Qui* etiam didicit principibus tributum ac vectigal, ex fide, teste
 Tertull. præstare, & potestatibus sublimioribus, siue principibus sub-
 ditus esse. *Et à verbis tuis*, quibus dixisti, Omnis qui venit ad me, & non
 odit patrem & matrem, adhuc autem & animam suam, non est me dignus,
 & reliquis in eandem sententiam dictis, *formidauit cor meum*; Ex eo enim
 quod verbis tuis credidi & te amaui, vehemēter exhorui inueniri indignus
 te. Formidauit etiam cor meum ab illis verbis tuis, quibus dixisti, quod ne-
 gaturus esses coram angelis Dei, eum, qui te negaret, & reliquis in eandem
 sententiam à te dictis. Ex alia verò parte,

162. *Lætabor ego super eloquia tua*, quæ mihi illo tempore, nō cogitanti nec
 præmeditanti suggeres, sicut dixisti, In illa hora nolite cogitare quo modo
 aut quid loquamini, dabitur enim vobis in illa hora quid loquamini. *Sicut*
qui ex improviso inuenit spolia multa alieno labore hostibus detracta; Ita
 enim inueniunt martyres, agonis sui tempore à Deo verbum sua industria
 non præparatum. De quo præcipuè vt de opimo spolio lætatur, cum verbo
 hoc compluribus ad fidem Christi conuersis, diabolo multa spolia detra-
 hunt. Vel, *Lætabor ego super eloquia tua*, per quæ tali tempore animum af-
 flictum abundantius pascis & reficis. Propter quod etiam Cypr. dicebat
 martyribus. Panis illic exiguus, At, non in solo pane viuunt homo, sed in ser-
 mone Dei. Præcipuè vero, super eloquia illa, quibus prædicis præmia quæ
 manent eos qui ad mortem vsque superant odia principū & persecutiones.
 Verba enim Dei ex vtraque parte benè intellecta ac ruminata, mirificè cor-
 roborant milites Christi ad prælium. Ait proinde Cypr. Hæc fratres dile-
 ctissimi hæreant cordibus vestris, Hæc sit armorum vestrorum præparatio,
 Hæc diurna ac nocturna meditatio, ante oculos habere & cogitatione sem-
 per ac sensibus voluere iniquorum supplicia & præmia ac merita iustorum,
 quid negantibus Dominus comminetur ad pœnam, quid contrà confiten-
 tibus

tibus promittat ad gloriam. Sic enim miles Christi præceptis eius ac monitis eruditus, non expauescit ad pugnam, sed paratus est ad coronam.

Iniquitatem, ad quam committendam ne Principes prouocabant, odio 163.
habui & abominatus sum, quod satis euidens est in illis martyribus qui cultum idolorum ad quem inuitabantur detestati sunt, & ipsa idola conspuerunt. *Legem autem tuam dilexi*, nihil moratus quod per eam in has rerum angustias & difficultates deuenerim.

Septies in die. i. semper: Septenarius namque numerus plenitudinem, 164.
inquit August. significat, *laudem dixi tibi, super iudicia iustitiæ tuæ*. i. super eo quod magno recto & iusto iudicio decreueris atque statueris nos mortales, passionibus alijsque aduersitatibus; & per vincula carceres, exilia, direptionem & reliqua incommoda ad mortem usque, iustificari debere, conuertendo pœnas quibus eramus obnoxij in materiam; infirmitatem, in officinam virtutis. Hæc tamen ingis laudatio etiam ad omnes qui Deum diligunt extendi potest, nam in illorum persona Psal. 33. dictum est, Benedicam Dominum in omni tempore.

Pax multa. i. multa etiam in medijs aduersitatibus atque doloribus est 165.
interioris hominis, ex participatione boni sibi conuenientis, & bene contenta quies atque tranquillitas, *diligentibus legem tuam*. i. ijs qui amant mandata tua quibus aduersa nobis tolerare præcepisti: *Quam pacem in martyribus* Cypr. admiratur scribens in hæc verba: Quis nunc vobis, dilectissimi Cypr. 77
fratres, conscientia victoris vigor? quæ sublimitas animi? quæ in sensu exultantia? qui triumphus in pectore? vnumquemque vestrum stare ad promissum Dei primum, in die iudicii esse securum? ambulare in metallo captiuo quidem corpore, sed corde regnante, scire Christum esse præsentem, gaudentem tolerantia feruorum suorum, per vestigia & vias suas ad regna æterna gradientium? *Et non est illis scandalum*. Hi enim non sunt è numero illorum de quibus dicit Christus; Et tunc scandalizabuntur. i. scandalum, siue, circa fidem, aut fidei confessionem dilectionemque Dei, naufragium patientur plurimi, Deo per legis suæ dilectionem eos protegente ac conseruante. Illud tamen plerumque ad omnes qui in charitate perfecti sunt extenditur. Hi enim etiam in posita sibi scandala ordinariè non sic impingunt ut corruant. Pergit Psalter in persona martyris,

Expectatam salutare tuum. i. Christum tuum Domine, ut perfecto me 166.
atque æterna salute induat: Quod & Cypr. agnouit martyribus competere, Cypr. illud
scribit proinde, Expectatis quotidie læti professionis vestrae salutarem diem, & iam iamque de sæculo recessuri ad martyrum munera & domicilia diuina properatis, post hæc mundi tenebras visuri candidissimam lucem, & accepturi maiorem passionibus omnibus & afflictationibus claritatem.

R r r

Et man-

Et mandata tua dilexi. Quod cum de interno dilectionis affectu intelligatur, vt declarat se mandata Dei etiam opere dilexisse, subiungit:

167. *Custodiuit. i.* opere impleuit *anima mea testimonia tua.* Imo, quandoquidem sanctorum quilibet vtrumque horum verè dicere possit, & hoc loco vox martyri sit, erit potius & magis proprius horum verborum hic sensus: *Custodiuit anima mea testimonia tua. i.* mandata tua sic dilexi, vt etiam posuerim animam meam ad custodiendam siue opere implendam legem tuam nobis contestatam, per hoc quod dixisti; Dico vobis, quia omnis qui me confessus fuerit coram hominibus, hunc & filius hominis confitebitur coram angelis Dei. Dicit namque Tertull. Martyrem propriè diligere Deum ex tota anima sua, quia pro Deo animam ponit. *Et dilexit ea vehementer,* nunc quid non vehementer qui plus quam animam suam?

Tert. scorp.
cap. 6.

168. *Seruauit. i.* constanter contra quæuis aduersa custodiui *mandata tua & testimonia tua,* ad quod me corroborabat, *quia omnes viæ meæ in conspectu tuo. i.* quia præ oculis habebam, me in conspectu ac oculis tuis Domine præliari atque certare: Huius enim rei considerationem militibus Christi animum addere agnouit Cypr. scribit proinde: Si vos acies vocauerit, si certaminis vestri dies venerit, militate fortiter, dimicite cōstanter, scientes vos sub oculis præsentis Domini dimicare: Et alibi. Ad agonem sæcularem exercentur homines & parantur, & magnam gloriam cōputant honoris sui, si illis spectante populo & Imperatore presente contigerit coronari; Ecce Agon sublimis & magnus & coronæ celestis præmio gloriosus, vt spectet nos certantes Deus, & super eos quos filios facere dignatus est, oculos suos pandens, certaminis nostri spectaculo perfruitur. Hæc Cypr. Nihilominus, hic versiculus suo sensu etiam omnibus sanctis competit, qui per varias tentationes atque molestias, in obseruatione diuinorum mandatorum ob id constanter perseuerant, quia præ oculis habent se Deum Agonothetam suum, sui certaminis cognitorem habere & inspectorem.

Cyp. epist. 9
Epist. 56.

TAV.

169. *Appropinquet deprecatio mea in conspectu tuo Domine, iuxta eloquium tuum. i.* promissum tuum, *de mihi intellectum.* Vel, da mihi intellectum eloquio aut sensui verborum tuorum concipiendo conuenientem.

170. *Intret postulatio mea in conspectu tuo, secundum eloquium tuum eripe me.* Prius dicit, *Appropinquet deprecatio mea,* deinde, *Intret postulatio;* hac enim verborum diuersitate significatur, quod orationum non sit par semper atque eadem vis & efficacia: Illa enim oratio propinquat Deo quæ digna quidem est audiri, sed non digna exaudiri, quæ tamen exaudienda sit, cum ad eius insufficientiam, orationis instantia, & orâti complura bona opera atque suffragia accesserint. De cuiusmodi oratione Bernard. Orationem nostram

Bern. ser. 3
de Quadra.

nostram priuſquã egreſſa eſt ab ore noſtro, Deus ſcribi iubet in libro ſuo, eamque benignè ſuſcipiens quod nobis aut omnino non eſt vtile, aut non tam cito dari neceſſe eſt, minimè tribuit, oratio tamen inſtructuoſa nõ erit, ita ſanè, ſi ſecerimus quod monemur in Pſalmo, Delectare in Domino, & dabit tibi petitiones cordis tui. Et alibi. Cũ humani cordis duritia ad vo-
tum exaudiri non meretur, anxietas deſiderantis negari ſibi æſtimat quic-
quid differtur. Illa verò oratio quæ digna eſt (Digna, inquam, nam Ambr. dicit quãdam Græca legere, Intret dignitas mea) ſtatim exaudiri, dicitur intrare in conſpectu Dei. Quod autem orationum hæc inæqualitas ſit, & ſi-
mul vnde ea ſit, docet Sapiens cũ dicit; Qui adorat Deum in oblectatio-
ne, ſuſcipietur, & oratio illius vſque ad nubes propinquabit, Oratio humi-
liantis ſe nubes penetrabit. Quæ poſtrema ſapientis verba Ambroſius per-
ficiens, plura enumerat quæ faciant orationem intrare in conſpectu Dei: Si inquit, pro vidua roges, ſi pro pupillo, ſi roges pro miſericordi, ſi roges pro
nimium deuoto ac fideli, ſi roges in tribulatione, roges cum dolore, ſi mœ-
ſto & ipſe qui rogas compatiaris affectu, intrat oratio tua Dei gratiam, in-
trat domum eius, ſi tecum Eccleſia deprecetur, ſi populus vniuerſus im-
ploret vt Domini inclinet fauorem.

Ad frat. de
mons. Dei.

Eccl. 37.

Eructabunt labia mea hymnum. i. gratiarum actionem. Cũ docueris me, 171.
vt hæcenus frequenter oraui, iuſtificationes tuas.

Pronunciabit lingua mea eloquium tuum. Peccatori enim qui à te non di- 172.
dicit iuſtificationes tuas dixit Deus, quare tu enarras iuſtitias meas? *Quia*
omnia mandata tua æquitas. Facta enim ſunt in veritate & æquitate, vt di-
ximus.

Fiat manus tua vt ſaluet me, Iſtud dici ratione effectus quem operetur 173.
manus Dei ſupra ad verſ. 80. diximus & oſtendimus: *quoniam mandata tua*
elegi. Hoc autem ſalutis quam imploro quãdam cauſa eſt & ratio, quia ſcri-
ptum eſt; Qui cuſtodierint ſabbatha mea, & elegerint quæ volui, & tenuerint ſœdus meum, Dabo eis in domo mea, & in muris meis locum, nomen ſempiternum dabo eis. *Iſaie 56.*

*Concupiui ſalutare tuum Domine. i. cõcupiui diſſolui & eſſe cum Chriſto ſalutari tuo. Et dum ſalutare illud vultus mei differtur, lex tua medita- 174.
tio mea eſt,* quia ei inueſtigandæ atque implendæ incumbit. Vbi verò fuero ſalutare tuum conſecutus.

Viuet, vita beata, anima mea, & laudabit te, Inuenietur enim in illa ciui- 175.
tate gratiarum actio & vox laudis. *Et iudicia tua adiuuabunt me.* Iudicia in-
quam tua extrema, Quorum priore iudicatur anima, vt ſine carne ſua reci-
piat, prout in corpore ſuo geſſit. Congruentiſſimum enim eſt, inquit *Tert. de ani*
Tertullianus, animam licet non expectata carne puniri, quod non ſociata *ma, c. vlt.*

R r r ij carne

carne commisit; Sic & ob cogitatus pios & beneuolos in quibus carne non eguit, sine carne recreabitur. Quid nunc, si & in carnalibus (i. ijs quæ anima per carnem egit,) prior est quæ disponit, quæ mandat, quæ impellit? Et si quando inuita, prior tamen tractat quod per corpus actura est, Nunquam denique conscientia posterior erit facto, ita huic quoque competit ordini etiam priorem pensare mercedes, cui priori debeantur. Hæc Tertul. De hoc

Ecclesi. 11. iudicio scriptum est, Facile est coram Deo in die obitus retribuere unicuique secundum vias suas. Horum verò iudiciorum posteriore, quod erit generale, iudicabitur anima, vt recipiat propria corporis, inquit Apost. i. pœnas corporis, quod vna cum ea & per quod vt instrumentum, aut saltem vt cogitationi suæ phantasma, inquit D. Thomas, supeditans, ipsa peccauit. Hæc ergo iudicia, inquit Psalter, *adiuuabunt me*, approbando, inquit Ambr. cum misericordia, vt frequenter diximus, iudicando, & pro bonorum operum meritis incrementum gloriæ, vt ex Concil. Trident. supra ad vers. 112.

*Thomas
2^a 2^a 2^a 7.
ar. 11. ad 3*

*Aug. 2 de
pecca meri.
cap. 17.*

citauimus, adiuciendo. Ex hoc ergo loco rectè colligit August. iudicia domini subinde in bonum sumi. Hactenus ergo audiuius quænam sint diuinarum iustificationum exordia, incrementa, exercitamenta; Quod earundem robur, meritum atque præmium: quia tamen is qui hæc omnia per Dei adiutorium accepit, exercuit, intellexit, adamauit, per ea nondum in gratia, vt loquimur, confirmatus est, quin, contrà, est ex semetipso ad dilabendum à iustitia fragilis atque procliuis; ideo Psalter procliuitatem hanc sibi ob oculos ponens, in persona cuiuslibet iusti exclamat ad Deum, & dicit:

176. Erraui. i. ex insita mihi in id quod minus est procliuitate, in errorem atque adeò ruinam continuò pendulus fui, sicut ouis quæ periit, quia in errorem vergere, hoc, homini, quantum ad ea quæ ex ipso sunt, est perire, eo quod absq; auxilio Dei dirigentis & excitantis nō sit in potestate hominis, etiam iusti à ruina in quam propendet, semetipsum salubriter protegere aut reuocare, imò, ne quidē Dei auxilium contra aliquid horū implorare. Itaq; quære seruum tuum. i. à propensa ruina, protegēdo, reuocando, sistendo, per gratiam præuenientē, require seruum tuum, quia mandata tua non sum oblitus, rebus enim meis adhuc integris, oro vt Domine seruum tuum ea qua dixi ratione requiras, antequam scilicet corruendo deuenim in terrā obliuionis, in qua non est qui memor sit mandatorum tuorum ad faciendum ea, ad quam in peius semper & peius proficiendo tandem deuenitur. Et hæc quidem expositio videtur contextui maximè conuenire, Bernardus tamen interpretatur hunc versum de eo qui à vijs Domini aberrauit atque excidit à iustitia, in hæc verba: Anima cum à iustitia se auertit, à facie Domini egressa, non reuertetur vt videat bona, si non requiratur à Domino. Quasi verò aliud anima nostra sit quàm spiritus vadens si sibi fuerit derelicta.

*Ber. ser. 48.
in Cant.*

Audi

Audi profugam & deuam quid doceat, quid petat: *Erravi sicut onis; quære seruum tuum.* O homo redire vis? sed si in voluntate res est, quid opem flagitas? Palam est quia vult & non potest, sed est spiritus vadens & non rediens, tametsi is sit longius agens qui nec vult. Quamquam non omnino illam animam expositam dixerim vel relictam quæ reuerti cupit & requiri petit. Vnde enim voluntas hæc illi? Inde, ni fallor, quod à Domino visitata iam sit atque quæ sita. Sed non sufficit semel queri, tantus est animæ languor, tanta in reditu difficultas. Dicit ergo, *Quære seruum tuum;* vt qui dedit velle, det & perficere pro bona voluntate. Hæc Bernardus.

PSALMVS CXIX.

Canticum graduum.

Quindecim sequentibus Psalmis describitur, quibus gradibus sit Christianis proficiendum in iustitia. Quocirca Athanasius, Si sequentium oblitus ad præcedentia te extendas, habes in singulis profectibus quod dicas, in illa ode quæ est de quindecim gradibus. Qui à D. Hilario & Gregorio, alijsque, quindecim esse creduntur & dici cantica graduum, per allusionem ad quindecim gradus, per quos ascendebatur in templum Salomonis, Christianorum profectum itidem significantes; Quamquam hoc ab alijs non ita solidum habeatur. Quia verò quisquis ad meliora se conuertit, in suæ conuersionis primordijs contradictionem patitur, & ab ijs qui eum à proposito auertere moluntur, impugnatur; ideo in primo huius ordinis Psalmo contra linguas contradicentium opem sibi proficiens precatur & secum loquitur in hunc modum:

Ad Dominum cum tribulauer clamavi. i. in quauis tribulatione positus Domini opem imploraui, & exaudiuit me, quia ad impetrandum quod in pressuris petitur, facilius, inquit Cyprianus, est oratio. Itaque & in præsentī tribulatione idem mihi faciendum & expectandum erit, quia scriptum est: Ego clamaui. i. inuocationem multiplicaui ac iteraui, quoniam aliquando exaudisti me; vt in Psal. 16. ex D. Gregorio diximus. Et nunc itaque,

Domine libera animam meam à labijs iniquis, quæ contradictione, manifestam iniquitatem in se habente, proposito meo obloquuntur, cuiusmodi sunt labia hereticorum & aliorum qui notorie contradicunt veritati, & à lingua dolosa. i. subdola, inquit Augustinus, habente imaginem consulendi & perniciem nocendi, qualis est lingua eorum qui veritatem quidem non negant, sed blandè suggerunt eam viribus hominis ad bonum recenter conuersi, maiorem esse & grauiorem. Psalter autem volens exponere qua ratione is qui hæc orat, à lingua dolosa habeat liberari, suscitandæ attentionis gratia prius interrogat eum, & dicit:

Rrr iij

Quid

3. *Quid detur tibi.* i. quid putas tibi in primis necesse esse, *aut quid apponatur tibi.* i. quid insuper putas tibi adiciendum esse, *ad linguam dolosam,* vt videlicet ab ea, & simul à labijs iniquis illa sus abeas?

4. *Sagittæ potentis acutæ,* quasi dicat ipse suæ interrogationi respondens, Sunt tibi in primis necessaria Dei verba, viua, & penetrabiliora omni gladio ancipiti, vt veritate per debita testimonia diuino tibi munere efficaciter infixa, præ consciæ & bene stabilitæ veritatis fiducia, nō mouearis, quominus stet tibi veritatis sententia. Addidi, per idonea testimonia; Cū enim hominibus admodum familiare sit veritatis conscientiam & internum Dei verbum pro testimonio habere & allegare, non fallat eos dictum conscientiæ testimonium aut internum Dei quod prætendunt verbum, si illud præterea alijs veritatis testimonijs, puta, doctrinæ Ecclesiæ, Maiorum, & qui etiamnum viuunt probatorum hominum, conforme fuerit ac consentaneum. *Cum carbonibus desolatorijs,* siue vastatorijs, inquit Augustinus, per eos intelligens homines sanctos, quos Deus per Spiritum S. de mortuis viuos fecerit, vt horum vita atque exempla persuadeant ei qui contradictionem patitur, tum, qua ratione verba Dei intelligenda ac cōseruanda sint, vt in Psalm. 118. ad versum 105. latius diximus; tum etiam factu possibile esse quod sagittæ potētis acutæ, siue verba Dei docuerint vel cōsulerint esse faciendum, v.g. benedicendum maledicentibus; nō esse contendendum iudicio; Omnia esse propter Christum relinquenda, & id genus innumera. Qui carbonēs etiam dicuntur desolatorij siue vastatorij, quia veritati non solum id quod diximus perhibent testimonium, sed insuper ad imitationem inflammant intuentis eosque præ oculis habentis affectum. Sanctorum enim, inquit Augustinus, vita credita, in eandem viuendi formam flagrantiorē excitat charitatem: Charitas verò vastat atque adeo absūmit de corde eius in quo flagrare incipit, ignem, quem D. Hieronymus vocat, perditorem qui est cupiditas & alia quæuis animi infirmitas, quæ animum hominis ab obseruatione diuinorum verborum impedit ac remoratur: Quamquam D. Hieronymus per carbonēs hos non tam sanctos homines quàm ipsam Spiritus S. gratiam intelligere videatur. Proficiens autem iste contra linguas pestíferas his præsidijs instructus, pergit humanæ vitæ nostræ miseriam (dixit namque Christus, Plorabitis & flebitis vos) deplorare & dicit:

5. *Hæu mihi quia incolatus meus prolongatus est.* i. quia diebus peregrinationis meæ multiplicatis, hic mihi diutius viuendum est. Vel potius, quia ipsa peregrinatio vitæ meæ prolongata siue longè disita facta est à felicitate patriæ pace atque tranquillitate quam ibi esse vtcunque cognoui. Sic Augustinus hunc versum interpretatur, quem sensum priori præferendum esse arbitror, quia cū Psalmo 101. oratum sit. Ne reuoces me in dimidio dierum

Aug. 8. de
Trinit. c. 9.

Hieron e-
pist. 140.

Epist. 142.

clerum meorum; & cum viuere in carne proficientibus fructus sit operis, non arbitror vitam longiorem ipsis esse deplorandam, sed ipsam longioris vitæ miseriam, præsertim qua parte legi Dei aduersatur. *Habitaui cum habitantibus Cedar.* q. d. in eo deploro incolatum meum prolongatum siue à felicitate patriæ elongatum esse, quia habitauì cum habitantibus Cedar. i. inter tenebras & inter eos, inquit Hieronymus, qui tenebras huius mundi diligunt atque sectantur. *Multum incolatus fuit anima mea.* i. diu in talium societate mihi permanendum fuit, & multiplicatis diebus, multiplicata simul fuit, ab omnibus lugentibus Sion deploranda præsentis vitæ miseria. In qua tamen

*Hier. 2. ad
uers. lxxv.*

Cum his qui oderunt pacem, eram pacificus. Pacificus inquam, Non enim mihi sufficit ex parte mea non dare causam interruptæ aut non conseruatæ cum illis pacis, sed insuper curæ mihi fuit ut essem *pacificus*. i. ut quibus possem & oportuno foret officijs, aduersarios meos ad pacem componerem, redigerem ac prouocarem. De qua re Bernardus: Non mediocris titulus virtutis est inter prauos viuere bonum; magis autem si his qui oderunt pacem pacificum, & amicum ipsis te exhibeas inimicis, secundum Euangelium orando pro inimicis, benefaciendo his qui oderunt te. Hæc Bernardus. Illi verò, *Cum loquebar illis, impugnabant me gratis.* Non enim tranquillitas eius, inquit Ambrosius, eo proficiebat, ut eos qui pacem oderant, suam tranquillitate componeret, & eorum studia comprimeret: cum enim, inquit, loquebar illis, impugnabant me gratis, hoc est, cum causas impugnandi non haberent, impugnandi tamen studium non deponebant: quod eorum est, qui pacem non solum fugiunt, sed quod peius est, pacem oderunt. Cum his itaque dicit Psalter se pacificum fuisse, ut det intelligi, pacem, non solum cum latet, quærendam, cum fugit, ut Psal. 34 v. 14. ex Hieronymo dictum est, persequendam, verumetiam apud eos à quibus odiosè repellitur, procurandam esse.

*Serm. 4. in
Caus.*

*Amb. ser. 9
versu 5. in
Psal. 118.*

PSALMVS CXX.

Canticum graduum.

Qui contradicentium linguas superauerit, huic ad proficiendum is restat gradus ut sit docilis, ac sedulo eorum requirat operam, per quos ad proficiendum dirigi possit & adiuuari. Psalter itaque secundum huius cantici Psalmum in persona eius orditur, qui & proficere desideret, & in omnes eos per quos cursus eius promoueri possit, oculos semper vigilanter intentos habeat, in cuius persona dicit:

Leuaui oculos meos in montes. i. suspexi oculosque coniectos habui in omnes eruditione ac profectu virtutis sublimes. Sic August. Quem sensum etiam

1.

etiam indicat Bern. epistola 83. & consentit Hilarius, montium nomine etiam angelos comprehendens & scripta sanctorum. unde venit auxilium mihi. i. vt per illos captarem mihi auxilium ad progrediendum in via Domini. Per illos dico, non ab illis; quia

2. *Auxilium meum à Domino qui fecit cælum & terram.* i. Agnosco quoduis auxilium siue per homines detur siue per angelos, aut sine cuiusvis creaturæ obsequio, à Domino prouenire, qui idem est creator cæli & terræ. Vel, qui in Spiritu sancto creat tam eos qui per abundantiam spiritus calis comparandi sunt, quam qui ob donorum spiritualium mediocritatem multa adhuc ex parte carnales sunt & terreni. Illi autem qui se hucusque progressum esse dicunt, Psaltes per charitatem bene affectus, perseverantiam in hoc, ad quem peruenit gradum, precatur, eique dicit:

3. *Non det in commotionem pedem tuum.* i. non permittat te Deus excidere ab hac progressu vel (pes enim processum vel affectum significat) affectu tuo. *Neque dormiet qui custodit te.* i. ne vel in medico curam tui deponat Deus cuius est custodire te. Ne autem quis hanc orationem audiens, suspicetur Deum more hominum dormire posse, subiungit Psaltes:

4. *Ecce non dormitabit neque dormiet qui custodit Israel.* i. Deus qui custos est Israelis siue sanctorum eius, de vigilantia sua nihil vnquam remittet, quia apud eum non est vicissitudinis vel momenti obumbratio, sed neque dormitabit neque dormiet, quod est animalium quæ corpore constant & anima, Est enim Deus incorporeus. Quia tamen Deus videtur dormire cum non protegit, & dormire cum minus accuratè protegit, dictum est paulò ante, *non dormiet qui custodit te*, ad admonendum hominem ne ipse se Dei sui circa ipsum custodia, vlla in parte reddat indignum. Quisquis enim peccatum admittit, dormire sibi, inquit Ambrosius, facit Dominum. Vel, *Ecce non dormitabit, &c.* Tantopere enim Deus electorum suorum qui per Israel intelliguntur, protectioni inuigilat, vt non solum non obdormienti, sed ne dormitanti quidem similis videri aut comparari possit. Ait namque Bernardus. vigilat super nos indefessus & peruigil ille diuinæ clementiæ oculus, & nunc quidem per seipsum implet splendoribus animas nostras, nunc per angelos visitat, nunc per homines instruit, nunc per scripturas. Nos autem, aut non intendimus aut minus intendimus reuerentiæ præsentis. Quæ autem præcipua cura diuinæ protectionis?

Amb. serm.
11.

Bern. 11. in
Psal. 90.

5. *Dominus custodit te, Dominus protectio tua super manum dexteram tuam.* i. protegit bene operandi quam tibi dedit virtutem vt per eam deuenias ad numerum eorum qui à dextris erunt. Hanc, inquam, protegit Deus: Quid enim valet hæc accepta potestas sine protectione Dei? inquit August.

6. *Per diem sol non uret te, neque luna per noctem.* i. Deo dexteram tuam prote-

protegente nec in prosperis nec in aduersis, vnquam de tuo gradu moue-
beris, ait D. Hieronymus. D. tamen August. tum in hunc locum tum etiam *Hiero. in r.*
tract. i. in can. Ioannis per solem Christum intelligit, per lunam ecclesiam, *26. I. i. a. i.*
à quibus non vritur qui nec scandalizatur in Christo, doctrina aut humili-
tate eius offensus, nec in Ecclesia, ab ea ob scandala quædam quæ in ea sunt
auersus, more illorum de quibus scriptum est: Qui videbant me foras fuge-
runt à me: Vel arbitratus eam alibi inueniri posse quàm inuenienda est.

Dominus custodit te ab omni malo, non quali non permittat ne te tangat
tentet aut affligat vllum malum, cum in hac vita virtus in infirmitate perfici-
atur, sed, *custodiat animam tuam Dominus*, ne per incursum alicuius mali
vllum animæ tuæ scandalum aut detrimentum patiaris. 7.

Dominus custodiat introitum tuum, vt viam iustitiæ quærens eamque in- 8.
gredi parans non incidas in deuia, similis Israeli qui sectando viam iustitiæ,
in viam iustitiæ non peruenit. *Et exitum tuum*, vt circa exitum tuum à iu-
stitia non labaris. Vel, ex hoc mundo, inquit Gregorius, egrediens, à dia- *Greg. hom.*
bolo non rapiaris. Vel, *custodiat introitum tuum* in tentationem, quod tum *13. in Ezech.*
facere censetur, inquit D. Augustinus, cum non permittit nos tentari supra
quam possimus. *Et exitum tuum*. i. custodiat te vt eò deuenias vbi non
potest tibi accidere tentatio. *Ex hoc nunc & vsque in sæculum*. i. sine inter-
missione, quia necesse est, inquit Cælestinus, vt quo auxiliante stamus, *Cælest. epist.*
eodem non auxiliante labamur. Videtur tamen id quod dicit vsque in sæ- *ad Prosper.*
culum, indicare precari Psaltem, vt diuina protectio hæc ad sit Ecclesiæ vs-
que in finem sæculi.

P S A L M V S C X X I.

Canticum graduum.

Pæsenti Psalmo describit Psaltes quanto amore diligenda & quo
nobis desiderio expetenda sit æterna mansio, quæ futura est in cæ-
lis. Quem etiam inter primos canticum huius Psalmos reponit, quia
nemo in finem vel tendere incipit vel procurrit, nisi finis ipse amore à
principio excitatus. Dicit ergo in proficientis persona Psaltes:

Lætatus sum in his quæ dicta sunt mihi, in domum Domini ibimus. i. exhi- 1.
laratus sum, cum audiui nos per cursum huius vitæ in domum Domini æ-
ternam in cælis esse deuenturos, illiusque rei spes recreauit & animauit me.
Cuius spei virtute,

Stantes erant pedes nostri. i. perseveranter permanimus, *in atrijs tuis*. 2.
i. in Ecclesia huius temporis, quæ atrium quoddam est atque vestibulum
tuum, *ô Hierusalem*.

Hierusalem, inquam, quæ ex viuis lapidibus & in hac vita perpolitus, in 3.
S f f cælis

cælis ædificatur ut ciuitas, quia tota iisdem legibus concorditer & vnanimiter viuit, æternisq; cincta est muris & portis munita. *Cuius participatio eius in idipsum.* i. cuius omnes ciues concorditer participes sunt diuinæ incommutabilitatis, de qua scriptum est: Tu idem ipse es; inquit August.

Aug. 1. de

Trinit. c. 2.

Dixi autem, quod *Hierusalem ædificatur ut ciuitas,*

4. *Illuc enim,* ex huius mundi peregrinatione, *ascenderunt tribus,* vt videlicet & illa perpetua mansio ex varijs tribubus, vt ciuitas ex vario ciuium genere, compingeretur. *Tribus* inquam *Domini.* i. illi qui ex singulis tribubus à Domino, in quo benedicenda erant omnes tribus terræ, electi sunt. *Testimonium Israel,* id est, quibus fides sua, & iustitia testimonium perhibuit, quia sint, inquit D. Prosper, veri Israelitæ in quibus dolus non est. *Ad confitendum nomini Domini.* Qui enim habitant in domo tua Domine, in sæcula sæculorum laudabunt te. Quin & ciuitas hæc suis non caret tribunalibus,

5. *Quia illic sederunt sedes in iudicio.* i. sanctorum summi, qui Domino in illis, vt & in omnibus Sanctis, sedente, seu eos inhabitante sedes dicti sunt, *illic sederunt,* super sedes, vt promisit Dominus, duodecim. *in iudicio.* i. præditi iudicandi auctoritate & dignitate. *Sedes super domum David.* i. sedebunt ad iudicandum Sanctos inferioris ordinis; per quod datur intelligi quod Sancti isti non in hoc solum dicantur iudicaturi, quia eorum comparatione mali merito condemnandi sunt, gloria enim hæc est omnibus Sanctis Dei, eaque ratione omnes Sancti iudicabunt, sed quod isti cum Christo præ reliquis Sanctis, teste Augustino, iudicabunt. *Quæ cum ita sint, o vos sedes seu iudices.*

Aug. 20. de
Ciuil. c. 5.

6. *Rogate.* i. in extremo iudicio, cum vestra autoritate fungemini, interrogate, & interrogando in medium adferte ea, *quæ ad pacem sunt Hierusalem.* i. per quæ ad æternam pacem in Hierusalem peruenire poterunt illi, qui tum temporis ad sententiam iudicis incerti pendebunt, vt ibi manifestetur eos qui alioqui per semetipfos defecissent, per vos, quos sibi prius amicos fecerunt, recipi in æterna tabernacula. Quod fieri impossibile non est: Est enim, *abundantia diligentibus te,* quia ibi manifestabitur quod vestra abundantia suppleat inopiam eorū, qui inueniētur in vos misericordes extitisse vestrisq; laboribus ac necessitatibus fauore aut ope subuenisse. Non solum enim illa nostra sunt, ait Leo, quæ ipsi gerimus, sed & illa de quibus in aliorum actione gaudemus. Vnde & Bern. Vnum ordinem teneo opere, omnes charitate: Fidenter dico, eorum fructu non fraudabor. Denique etiam in futura beatitudine locum habebit, quod dicitur, *Abundantia diligentibus te,* Dicit enim Prosper, Vt in futura vita sit Deus omnia in omnibus, fiet etiam in dispari claritate par gaudium, vt quod habent singuli, commune sit omni-

Leo ser. 3.
de ieiun. 7.
mē. Et ser.
10. de qua.
Bern. apolo.
ad Guiliel.
Gregor. 28.
mora. c. 10.
Aug. tract.
32. in 102.
Prosper sen.
tent. 360.

omnibus, quoniam per connexionem dilectionis à gloria capitis, nulla erit aliena pars corporis.

Fiat pax. i. ad pacem & concordiam mutuam hic ó domus Dei redigamur, *in virtute tua.* i. per communionem illius virtutis, v.g. charitatis, qua ibi inter omnes domus tuæ inquilinos pacem perpetuam seruas atque concordiam. *Et.* i. per hanc pacem in virtute tua factam, erit, *abundantia in turribus tuis.* i. vt alij interpretantur, in septis, siue turritis, quibus septa es, mœnibus tuis, Tametsi enim, vt in hũc locum scribit August. illi, qui paulò ante in iudicio sedere dicti sunt, pauci sint, quia ad sanctimoniam excellentiam pauci pertingunt, non tamen illa ciuitas paucis rarefcet ciuibus; Si enim comparatione aliorum, non multi Apostoli, non multi martyres, non multi euangelicæ paupertatis cultores, qui sedeant cum Domino in iudicio vt sedes super domum Dauid; permulti tamẽ in illam ciuitatem pace, concordia, ac communi dilectione deuenient, Ferculi namque sui media Rex *Cantic. 3.* Salomon charitate constrauit, propter filias Ierusalem, vt per viam vulgatam atque constratam tenellæ Christianorum animæ magno numero ad reclinatorium aureum siue requiem futuræ vitæ præstantissimam, peruenirẽt.

Propter fratres meos & proximos meos. i. germano amore eorum qui mihi fratres sunt & proximi. i. omnium & quorumuis hominum; tametsi strictius proximi dicantur qui sunt nobis peculiari quadam sanguinis societate & cuiusuis occasionis sorte coniuncti, *loquelar pacem de re.* i. prædicabam, ac inculcabam bonum pacis tuæ, per quam in bonis replebitur omne desiderium. Vt, cum pax sui desiderium in omnibus excitet, omnesque pacem appetant, amore pacis huius plenissimæ omnes tibi conciliarem, tuique communionem dignos redderem. Nec solum propter fratrum meorum salutem id præstabam, sed præceptè,

Propter domum Domini Dei nostri. i. vt domus Domini Dei nostri, amplissima domesticorum Dei numerositate & sanctitate, ad summam ipsius gloriam floreret & abundaret, *quæ sui bona tibi.* i. quæ sui hic bona passim operari, atque proferre quæ cederent in bonum tibi ipsamque domum Domini quæ tu es, glorioso prouentu illustrem redderent & adornarent. Vt enim proximus nobis propter Deum diligendus est, ita etiam oportet nos salutem proximorũ ob Dei gloriam principaliter quærere & expetere.

PSALMVVS CX XII.

Canticum graduum.

Docet Psalmus Christianum in quauis afflictione positum, animum suum debere ad Dominum subleuare, per similitudinem exponẽs, quo id affectu faciendum sit, qua spe, qua constantia, cuiusmodi

Sff ij prece,

prece, & oratione. Quod enim Psalmus de afflictione quæ ex opprobrio aut despectione oritur, ad Dominum clamat, ex eo docet, quid Christianis in quavis afflictione positis similiter faciendum sit.

1. *Ad te leuavi animam meam.* i. mentem meam ad te erexi, *qui habitas in cælis*, bona supersubstantialia cælestibus communicans, Ex quo additamento in sinuat se animam suam ad Deum per fidem & spem rerum supernaturalium leuare, ad distinctionem eorum qui leuant animas suas ad Deum vt authorem naturæ. Quo autem affectu leuas animam tuam ad eum qui habitat in cælis?

2. *Ecce, sicut oculi seruorum in manibus Dominorum suorum,*

3. *Sicut oculi ancillæ in manibus dominæ suæ.* Dicit, *sicut oculi seruorum*, & *sicut oculi ancillæ*, quia tota Ecclesia, in vtroque sexu, affligitur, & afflicta, in vtroque sexu hoc agit, & hoc modo ad Deum loquitur. Similiter comparatur Deus Hero & Dominæ, sicut etiam, authore Hiero. Spiritus sanctus

Hiero. in c.
40. Isaiæ.

latinis masculino, Hebræis fœminino, Græcis neutro appellatur nomine, vt significetur quod in Deo nullus sit sexus. Quamquam D. Augustino Deus dominæ comparetur, quia in S. sacra Deus & præsertim Christus vocatur Sapientia. Sensus igitur est, Sicut seruitia ab heris suis cædi iussa, mœstis quidem, placidis tamen oculis eosdē spectant, mœstitiā suam miseriam, mansuetudine dominorum qui eos cædi iusserunt, iustitiam cōfidentes, hac spe vt eos etiam iratos hoc oculorum nutu ad misericordiam inflectant, *ita oculi nostri.* i. mentis in primis nostræ, *ad Dominum Deum nostrum*, tacita animi afflictione exponentes ei, vt misericordi, quam patimur aduersitatem, & interna animi æquitate, eius quem aduersitatis nostræ iustum nominimus authorem, cōfidentes iustitiam, Idque infatigabiliter, *Donec misereatur nostri.* i. donec qui iratus fuerit, misericordiæ recordetur. Vel, *Sicut oculi seruorum sunt, in manibus siue, spectant in manus dominorum suorum*, tanquam è quibus solis auxilium eis, omni alioqui auxilio destitutis, obuenire possit, *ita oculi nostri ad Dominum Deum nostrum*, tanquā adiutorem nostrum vnicum, *Donec misereatur nostri*, subueniēdo, inquit

Amb. de A.
pol. David,
cap. 15

Ambros. Vbi iterum notandum est adverbium Donec, non insinuare tempus aliquod quo negotium illud cui iungitur, finem accepturum sit, sed insinuare quod negotium cui iungitur, saltem ante tempus designatū finendum non sit. Hanc ergo atque eiusmodi affectu præditā mentem ad Deum oportet leuare, eum, qui eius misericordiam in suis necessitatibus implorat. Et quandoquidem oportet orationem de pura & pia in Deum mente procedere, ipsamque mentis pietatem aliqua saltem ex parte, (crescit namque pietas mentis, frequentatione orationis) oratione priorem esse, ideo nunc Psalter prædictæ oculorū siue mentis erectioni subiungit orationē, & dicit:

Mise-

Miserere nostri Domine, miserere nostri, quia multum repleti sumus 4.
despectione. Ambulans enim itinere recto, & timens Deum, despicitur, in- *Prouer. 14*
quit Sapiens, ab eo qui infami graditur via. Omnes enim qui pie volunt vi-
uere, necesse est, inquit Augustinus, despiciantur ab his qui volunt impiè
agere. Quia verò despici per se miserū non facit (neque enim, inquit Cypr. *cyp. epi. 55*
qui audit, sed qui facit conuicium, miser est) sed ob despectionem in animi
afflictione ac cruciatu versari, ideo miseriam suam implorat. & misericor-
diæ receptatricem planius explicantes adiungunt.

Quia, q. d. ob id tuam misericordiam circa nos imploramus, quia vel ex 5.
animi infirmitate per quam non satis obtemperamus voci tuæ dicenti no-
bis, Nolite timere opprobria hominū populus meus, Vel, quod satius est,
ex displicentia alieni peccati alienæque improbitatis, *multum repleta est a-*
nima nostra, i. multum afflicta est, siue multa afflictione repleta est anima
nostra, Est enim anima nostra, *opprobrium abundantibus & despectio su-*
perbis, Nos enim secundum tua præcepta, subinde electione & re, semper
autem animo pauperes sumus, Alij autem voto, studio, amore, iactantia di-
uites; Nos humiles, illi verò elati; Illi ergo nos ob vtrumque despiciunt,
quia sicut abominatio est, inquit Sapiens, superbo humilitas, sic execratio *Ecclesi. 13.*
diuitis pauper. Vel, *opprobrium abundantibus & despectio superbis*, subau-
diūt quidam, in futurum reservatur; Nec abs re, scriptum est enim; illusio & *Ecclesi. 27.*
improperium superborum & vindicta (talionis) sicut leo insidiabitur illi.
Illos enim qui habuerunt iustos in derisum & similitudinē improperij, Do-
minus cōtemnet, & post id erunt sine honore. Priorem tamen constructio-
nem sequuntur August. & Bernar. Itaque, *miserere nostri Domine mise-* *August. in*
rere nostri, ut miseriam in qua versamur, auferas à nobis, eam quidem quæ *hūc locum.*
ex animi nostri infirmitate oritur, nostri; eam verò quæ est ex compas- *Bern. epi. 87*
sione & alieni peccati displicentia, aduersariorum nostrorum correctione.

PSALMVS CXXIII.

Canticum graduum.

P Salmo 34. Dixit Christus, Omnia ossa mea dicent, Domine quis si-
milis tibi, eripiens inopem de manu fortiorum eius? Qua autem ver-
borum forma seu apparatu id dicāt, explicat præsens Psalmus, in quo
Christiani transactæ persecutioni superstites, prædicant Dei virtutē, & con-
fitentur se vnico eius adminiculo, passionibus & angustias suis viribus maio-
res, absque suæ salutis detrimento, inuocato Dei nomine, transgisse ac su-
perasse, imò quosdam eorū tolerata morte pro iustitia, eas per omnia eua- *Epiphani. in*
sisse: In hoc enim Psalmo audiri vocem & gratiarum actionem martyrum, *hæc. 64.*
testes sunt Epiphani. & Bernardus. *Bern. ser. 2.*
de om. san.

Sff iij Nisi

1. *Nisi quia Dominus erat in nobis, dicat nunc, peracta scilicet persecutio-
ne, Israel. i. populus Dei qui inuentus est fortis & inuictus in rælio. Nisi
quia Dominus erat in nobis. i. in medio nostrum, ipsam multitudinem no-
stram in singulis nobis protegendo ac corroborando;*

2. *Cum exurgerent homines in nos, forte. i. sanè, vel, utique viuos deglutif-
sent. i. repente, nulla parte prius labefactatos, quasi vnico impetu in socie-
tatem impietatis suæ traduxissent nos. Quamuis enim D. August. id quod
dicitur, viuos deglutissent nos, exponat vt sit sensus, sciētibus & agnoscenti-
bus nobis traduxissent nos in consensum impietatis, vt is dicat se viuum
deglutiri, qui viuens vidensque contra propriæ conscientiæ dictamen perie-
rit, attamen propriè hæc verba intelligi debent de illis quos vsque ad id
tempus integros, prima & vnica persecutionis procella repente prosternit.*

3. *Cum irasceretur furor eorū in nos: Ille, inquam furor, de quo Leo, Cum
furor gentilium potestatum in electissima qua que Christi membra seuiret,
& eos præcipuè qui erant ordinis sacerdotalis impeteret, &c Forte. i. sanè,
utique, aqua. i. tribulatio nimia, suffocato spiritu nostro alsortuisset. i. in
mortiferum errorem demersisset nos, Contra quam perniciem pro mem-
bris suis Psalmo 68. orauerat Christus, Non me demergat tempestas aquæ,
neque absorbeat me profundum. Nunc autem Dei virtute corroborata,*

4. *Torrentem. i. impetuosisimam malorum incurSIONem pertransiuit ani-
ma nostra, Forsitan. Dicit August. græcam vocem ἀπα significantius trans-
latam fuisse, si pro forsitan, interpretes posuisset, putâsse, Est enim hic ser-
mo præ admiratione obstupefactorum atq; rem nimiam quasi credere hæ-
sitantium, ac si dicerent: Verène ita est quod pertransiisset, siue, pertran-
sierit, anima nostra aquam intolerabilem, quam diceret esse illum torren-
tem de quo ostensum est Ezechieli, quod transuadari nō posset? facit enim
magnitudo, periculi, inquit August. vt cum euaseris, vix credas te euasisse.
Post quam admirationem, ad gratiarum actionem se conuertentes, in hanc
erumpunt vocem.*

5. *Benedictus Dominus qui non dedit nos in captionem dentibus eorum.*
Id autem factum est eo, qui sequitur, modo,

6. *Anima nostra sicut passer erepta est de laqueo venantium. Sicut enim
qui videt passerem inescatum, vel esca illectum velut iam cadere in musci-
pulam, strepitum facit, inquit August. & volat passer de muscipula; sic &
Martyrum ac Confessorum aliqui intendeabant collum in dulcedinē huius
vitæ atque terrenæ pacis seu incolumitatis; Dominus autem qui erat in illis
fecit strepitum gehennarum, siue incussit eis timorem gehennæ quæ parata
est illis qui amorem vitæ ac incolumitatis temporalis præponunt Christo
ac verbis eius, & erutus est passer de laqueo venantium, sicut scriptum est:*

Princi-

Principes persecuti sunt me gratis & à verbis tuis formidauit cor meum, quia metu gehennæ quam Christus negantibus se, atque à iustitia desciscen-
tibus interminatus est, multi à committenda perfidia se continuerunt. Hæc
autem gratiarum actio omnibus quos persecutionis vis aut fraus non pro-
sternit, communis est: Illis verò qui fortiter moriendo omnem in poste-
rum persecutionis incursum euadunt, propriè competit quod sequitur:

Laqueus contritus est & nos liberati sumus, Per mortem enim quam su-
stinuerunt sic euaserunt quosuis laqueos, vt eis amplius obnoxij non sint.
Suam ergo euasione tam ipsi qui vtouis modo euaserunt, quam Ecclesia
Dei ipsorum nomine Deo ascribentes, vno ore concludunt.

Adiutorium nostrum in nomine Domini qui fecit cælum & terram. Di-
cunt *in nomine Domini*, eo quod Deus eos corroborauerit per inuocatio-
nem siue frequentem interpellationem nominis sui; Christiani enim tor-
mentis aut quæstionibus subiecti, toties perceperunt se esse viribus auctos
aut instauratos, quoties, Iesu aut Christi nomen appellarint, inuocarint,
aut se Christianos esse fuerint professi, vt de beatissima Blandina testatur
Eusebius. Nec solum martyrum, sed etiam omnium Christianorum adiu-
toriū est in nomine, siue inuocato, siue appellato, suisq; sermonibus inter-
posito nomine Domini præsertim Iesu Christi: Dicit proinde Bernardus,
Iesus mel in ore, in aure melos, in corde iubilus. Sed est & medicina. Tri-
statur aliquis nostrum? veniat in cor Iesus & inde saliat in os, & ecce ad ex-
ortum, nominis lumen, nubilum omne diffugit, redit serenum. Labitur quis
in crimen, currit insuper ad laqueum mortis desperando? Nōne si inuocet
nomen vitæ, confestim respirabit ad vitam? Cui aliquando stetit ante fa-
ciem salutaris nominis, duritia cordis, ignauia torpor, rancor animi, lan-
guor acedia? Cui in periculis (quod præsentis proposito Psalmi proprium
est) palpitanti & trepidanti, inuocatum virtutis nomē non statim fiduciam
præstitit, depulit metum? Cui quæso in dubijs æstuanti & fluctuanti non
subitò ad inuocationem clari nominis emicuit certitudo? Cui in aduersis
diffidenti iamiamque deficienti, si nomen adiutorij sonuit, defuit fortitu-
do? Hæc Bernard. Ex quibus apparet quam verè dixerit Sapiens, Turris
fortissima nomen Domini, ad ipsam currit iustus, dicens, Deus in nomine
tuo saluum me fac, & exaltabitur. Porro quandoquidem vt author est
August. sancti in futura vita ad gloriam & laudem Dei, recordantur præ-
teritorum suorum periculorum, è quibus per adiutorium diuini nominis
erepti & eruti sunt, idque cum gratiarum actione ibi identidem repetunt
atque commemorant: Non immeritò arbitraturs Bernardus Psalmum hunc
(tametsi non in hac, vt arbitror, verborum forma) etiam in futura vita à san-
ctis frequentari & suo modo decantari, quemadmodum & Apocal. testatur
sanctos

7.

8.

Aug. 5. b. l. p.
Ecclesi. 6. 1.

Bern. Ser. 19
in Cant.

Prover 18.

Aug. 22. de
Ciuil. c. 22.
& 14. de
Trinit. c. 9.

Bern. Ser. 2
de omni. 32.

sanctos in cytharis suis, siue futuræ vitæ iubilo, cantasse canticum Moyfi serui Dei.

PSALMVS CX XIII.

Canticum graduum.

Describitur in hoc Psalmo quanta & quàm accurata sit protectio quam Deus præstat confidentibus in se.

1. *Qui confidunt in Domino sicut mons Sion.* i. ea fiducia qua in Domino confidit huius temporis ecclesia, *Non commouebitur in æternum, qui habitat in Hierusalem.* i. hunc suæ fiduciæ fructum in futura vita percipiet vt habitet in Ierusalem ciuitate superna vbi à beatitudine nequaquam excidere poterit. Interim verò dum eò tendit,
2. *Montes in circuitu eius.* i. circa eum omni ex parte versatur Angelorum custodia, qualis apparebat puero Helizæi in circuitu Helizæi discurrere. Est etiam in circuitu eius visibilis custodia præpositorum Ecclesiæ, de qua scriptum est: Super muros tuos Ierusalem constitui custodes. *Et Dominus in circuitu populi sui.* Custodiam enim populi sui Dominus dictis montibus non sic commisit, vt eam ipse vel in minima parte à se amouerit, sed Dominus vna cum montibus & in illis, per semetipsum dirigit ac protegit populum suum. Hoc autem diuinæ protectionis genus perdurabit, *ex hoc nunc & vsque in seculum.* i. quamdiu voluetur tempus sæculare, donec scilicet Deus ponat omnes inimicos Christi sub pedibus eius. Non ergo erit perpetuum,
3. *Quia non relinquet.* i. perpetuam esse non permittet, *Dominus virgam.* i. dominium, tyrannidem, infestationem, persecutionem, *peccatorum super sortem iustorum.* i. societatem eorum qui sorte vocati sunt, prædestinati secundum propositum eius, qui operatur omnia secundum consilium voluntatis suæ. Miserebitur enim, ait Isaias, Dominus Iacob, & eliget adhuc de Israel, & requiescere eos faciet super humum suam. i. terram viuentium, qui in hac terra cum Abraham, Isaac, & Iacob peregrinati sunt, quasi in aliena. Et erunt capientes eos qui se ceperant & subijcient exactores suos. i. in perpetuam seruitutem redigent eos quorum importunitati ipsi prius seruierant fuerantque subiecti. Pergit Isaias: Et erit in die illa cum requiem dederit tibi, ô Sion, Deus à labore tuo, quo, sub iugo tyrannorum, laborabas, & à concussione tua quam ab impijs sustinebas, & à qua Ioannes dehortabatur milites, cum diceret: Neminem concutiatis; & à seruitute dura qua ante Dominis dyscolis seruisti, sumes parabolam istam contra Regem Babylonis. i. diabolium omnibus tyrannis imperitantem, eosque sibi quasi tributarios habentem, & dices præ gaudio obortæ tibi plenæ libertatis: *Quomodo cessauit.*

cessauit exactor, quicuit tributum? Contriuit Dominus baculum siue sceptrum impiorum virgam dominantium (hæc est virga peccatorum de qua Psalmus) cadentem populos in indignatione, plaga insanabili, subiicientem in furore gentes, persequentem crudeliter? Hæc, exceptis ijs quæ nos exponendo interiecimus, Isaias. Cum ergo Dominus, virgam peccatorum super sortem iustorum relicturus non sit, meritò dixi illud protectionis genus, de quo principium Psalmi exposuimus, perpetuum non fore; Ablata siquidem à sorte iustorum virga peccatorum, tradet Christus regnum Deo & Patri, & euacuabit. i. à pristino protegendi & administrandi officio cessare faciet omnem Principatum potestatem & virtutem. i. omnem humanam & Angelicam præcellentiam. Vel, *Non relinquet*. i. non patietur diu permanere, *Dominus virgam peccatorum super sortem*, quam diximus, *iustorum*, nè diutina ac continua importunitate, violenti, aut alia quapiam irritationis perpetuitate fatigati, *extendant iusti*, etiam qui sunt sorte, vt diximus, vocati, ad agendam atque operandam, *iniquitatem manus suas*, Nisi enim abbreviati, inquit Dominus, essent dies illi, per quos in persecutione Antichristi relinquet Dominus virgam peccatorum super sortem iustorum, non fieret salua omnis caro, sed propter electos abbreviabuntur dies illi. Si propter electos; Ergo per sortem iustorum intelligendi sunt Electi, sorte secundum propositum vocati. Quis autem erit finis eorum qui virga peccatorum in transuersum urgente, Domino tamen protegente, in iustitia perseverabunt?

Benefac. i. æternæ beatitudinis beneficium præsta, *Domine bonis & rectis corde*, implendo illud Isaiæ: Dicite iusto quoniam bene, videlicet 4. erit ei; quoniam fructum adinventionum suarum recipiet. Quis verò fructus eorum qui stimulante virga peccatorum à iustitia deficiunt?

Declinantes autem in obligationes. i. qui deficiendo à iustitia per id diabolus, æternæ damnationi & iniquitati sese obligant aut illigant, *Adducet Dominus*, in iudicium *cum operantibus iniquitatem*, Cum his enim censentur atque partem accipient, nec eos ab horum numero vindicare aut immunes reddere poterit, à qua defecerunt, iustitia, Si enim auerterit se iustus 5. à iustitia sua, & fecerit iniquitatem secundum omnes abominationes quas operari solet impius, omnes iustitiæ eius quas fecerat non recordabuntur: in præuaricatione qua præuaricatus est, & in peccato suo quod peccauit, in ipsis morietur. Porro obseruandum est, quod hic non dicatur, facientes obligationes, sed, *Declinantes in obligationes*; id est, vt etiam notat Hieronymus, Deficientes, aut descendentes ad obligationes; quod tum fit, cum 6. homo suscipit iniquas obligationes, vel se obligat, astringit vel illigat iniquitati, diabolo, & reatui æternæ damnationis. Proinde locus hic non rectè

T t t allega-

allegatur contra vota ecclesiastica, quasi Dominus eos qui se Deo in bonum obligant, adducturus esset cum operantibus iniquitatē, quia qui huiusmodi vota emittunt aut obligationes istiusmodi amplectuntur, non declinant, sed semetipso erigunt atque exaltant in obligationes, faciunt enim sibi non licere, quod cum suo detrimento licuisset. Ceterum Psalter desiderans Ecclesiam immunem esse à declinatione in obligationes, more suo coronidis loco superioribus precationem subiungit, dicens: *Pax super Israel*. i. pax Dei quæ exuperat omnem sensum, custodiat corda & intelligentias electorum, qui sunt Israël Dei, ut non declinent in obligationes, siue ne ullis tentationibus, à iustitiæ integritate vellantur.

PSALMVS CXV.

Canticum graduum.

Describit Psalmus ea quæ euentura erant, Domino Electos ad gratiam, è captiuitate diaboli & sæculi eruenta, eosque in Sion, siue Ecclesiam, futurorum bonorum speculartricem, traducere & collocante.

1. *In conuertendo Dominus captiuitatem Sion*. i. cum Dominus Ecclesiam, præsertim gentium, è captiuitate diaboli, sæculi atque peccati collegit: Tam nos qui ex hac captiuitate eruti sumus, quàm illi qui nos ex eadem in Dei nomine eruerunt, *Facti sumus sicut consolati*; Tum enim impletum est in nobis illud Isaïæ: Consolabitur Dominus Sion, & consolabitur omnes ruinas eius, & ponet desertum eius quasi delicias, & solitudinem eius quasi hortum Domini. In quibus verbis vrget quidem D. Hilarius quod dicitur: *Sicut consolati*; quasi his verbis significaretur consolationem hanc magis cōsolationis similitudinem habituram quàm proprietatem aut veritatem: Sed Augustinus & Ambros. docent aduerbia similitudinis non semper, & nominatim non hoc loco, nudam similitudinem importare: Non enim per hoc quod dicitur: Gloriam quasi vnigeniti à Patre, significatur vnigenitus tantum similis Patri: Imò ne aduerbium, *sicut*, hinc umbram solummodo gaudij importare videretur, subdit Psalter ex persona eorum quos diximus.
2. *Tunc repletum est gaudio os nostrum & lingua nostra exultatione*. Gaudio inquit, & exultatione; ut indicent gaudij exultationisque non solum proprietatem sed & plenitudinē, Vnde & Isaïas verbis paulò ante citatis subiungit, Gaudium & lætitia inuenientur in ea, gratiarum actio & vox laudis. Et bene dicit vox laudis, quasi explicans id quod hoc loco dicit Psalter: *Repletum est gaudio os nostrum*; Quomodo enim os repletur gaudio, nisi quando gaudium cordis redundat in vocem laudis & gratiarum actionis?

Tunc,

Tunc, dicent inter gentes. i. spargent ac disseminabunt per Ecclesiam ex gentibus collectam huiusmodi sermones. *Magnificauit Dominus facere cum eis.* i. magnificam misericordiam ac gratiam præstitit Dominus illis, quos è captiuitate sæculi in Ecclesiam suam collegit. Quod & illi qui conuersi erunt pia & veraci diuinæ gratiæ confessione confirmabunt dicentes:

Magnificauit Dominus facere nobiscum: Facti sumus lætantes. Lætantes inquit, quasi declarantes aduerbium, quasi non eo modo hoc Psalmo vrgendum esse quo putauit D. Hilarius. Psaltes verò in hæc quæ suo tempore futura præuidit non parum exardescens, cepit vehementer optare vt eadem re ipsa & opere implerentur; Eos itaque qui adhuc in captiuitate positi erant per affectum sibi copulans, eorum nomine exclamat ad Deum, Et nos ad pari affectu exclamandum informat & dicit:

Conuertere Domine captiuitatem nostram, in qua nos sub peccati iugo uicta seruitus tenet. *Sicut torrens in austro,* Sicut enim torrens, ait Greg. Glacie concretus flante Austro liquefcit & fluere incipit, ita tu afflatu spiritus tui solue pertinaciam & rigorem cordium nostrorum, vt fluant lachrymarum compunctionis & riui, inquit Augustinus, charitatis. Quem etiā afflatū implorat quæ dicit: Veni Auster, perfla hortū meum & fluāt aromata illius. Quo spectabat etiam Sapiens cum diceret, Sicut glacies in sereno, soluētur peccata tua. Quia verò hæc captiuitas non soluitur, nisi manu & ope apostolica & virorum apostolicorum (asnam enim alligatam soluit manus, inquit Ambros. apostolica) qui in eam prima mittant fidei semina, ideo & de illis, teste Hieron. sermonem insert Psaltes & dicit:

Qui seminant, i. in captiuitatē quam diabolus asseruat, prima, ad conuersionē, fidei & pœnitentiæ semina iactant. Dico fidei & pœnitentiæ; annuntiabant enim gentibus Apostoli pœnitentiam in Deum, & fidem in Christum. *In lachrymis,* compassionis scilicet, vel potius, multo cum labore atque tristitia cordis, quæ nomine lachrymarum significantur etiam in Euang. cum dicitur: Plorabitis & flebitis vos. *In exultatione metent,* id est, gaudebunt, cum seminibus istis per irrigationes convenientes ad maturitatem perductis, tempore mæsis opimas fruges in horrea Dominica congregabunt. Quam rem Psaltes pluribus enarrans subiungit:

Euntes ad eruendam è vinculis hanc captiuitatem, ibant & flebant. i. laborabant & in tristitia & angustia cordis per frequentes lachrymas opus suum peragebant, vt apparet in Apostolo Paulo de se in hæc verba scribente; Nam & ego in angustia cordis scripsi vobis per multas lachrymas. *Mittentes semina sua.* i. in locis vbi non erat annunciatuſ Christus fidei semina & religionis prima rudimenta spargentes.

Veniētes autem. i. ad Dominum à quo missi erant, redeuntes, venient

Ttt ij cum

Der. ser. 37
in Cantica.

cum exultatione portantes manipulos suos. i. confertas fruges bonarum segetum, quas in Domini agricultura & ipsi protulerunt & etiam alios proferre fecerunt. Diuus tamen Bernardus, Hæc posteriora verba priuatis, suam solummodo salutem operantibus accommodat, in hæc verba: Semina sunt bona opera, bona studia, Semina lachrimæ sunt. *Ibant*, inquit, & *flebant mittentes semina sua*, Quid ergo semper flebunt? Absit: Venient enim cum exultatione reportantes manipulos gloriæ.

PSALMVS CX XVI.

Canticum graduum Salomonis.

DOcet Psalmus Ecclesiæ ædificandæ aut gubernandæ nullius operam aut industriam quicquam prodesse, nisi Domino cooperante: Qui merito inter Cantica graduum reponitur, gradum enim bonum sibi acquisiuisse oportet eum, qui ad structuram domus Domini, Domino architecto conuenienter subministrare poterit, ei que fidelem operam nauare. Et inscribitur *Canticum graduum Salomonis*, vt titulus quasi digito demonstret hoc Canticum illis scribi, quibus incumbit Domum Domini quæ est Ecclesia Dei viui, cura generali vel particulari extruere vel gubernare.

1. *Nisi Dominus ædificauerit Domum.* i. nisi Dominus per semetipsum suppeditauerit hominibus fidem per quam fundatur, fraternitatis amorem per quam compingitur, charitatem, per quam in ædificatione sui incrementum corporis. i. profectum sanctimonix atque virtutis facit domus, quæ hoc loco, teste Ambrosio. est Ecclesia Dei viui, *in vanum.* i. absque fructu, siue spectato operis sui prouentu, *laborauerunt.* i. operam suam quantumuis diligentem, sedulam, & elaboratam adhibuerunt, *qui verbo, exemplo, autoritate, & procuratione ædificant.* i. extruere satagunt *eam.* Erit enim eis dicendum cum Isaia. In vanum laboraui, sine vtilitate fortitudinem meam consumpsi. Et cum Petro. Præceptor, per totam noctem laborantes nihil cepimus. Dixi autem, Per semetipsum, quia prædicationem, instructionem, aliaque sanctæ ædificationis adminicula etiam Dominus ad ædificationem Ecclesiæ administrandam suppeditat, sed per alios, nemo enim eorum qui Ecclesiam ædificant, ei quippiam debita operæ de suo adhibet, Id verò per quod Ecclesia fundatur compingitur & exaltatur, Dominus eadem suppeditat per semetipsum. Fidem enim dare, amorem fraternitatis, charitatem & reliqua intrinseca incrementa, excedit, inquit Augustinus, humanam humilitatem, excedit angelicam sublimitatem, non pertinet nisi ad Agricolam Trinitatem. Cum ergo structuræ huic extremam, & sine qua nulla sui parte cõsurgit, manum admouere solius Domini sit, merito Psalmus adi-

D. Ambrosius.
in Lucam.

Aug. tract.
80. in Ios.

mus ædificationem domus Domini Domino simpliciter ascribit dicens: *Nisi Dominus ædificauerit domum*, Eandem enim ob causam dicit Apost. Corinth. Dei structura estis, Dei ædificatio estis. Laborant itaque ædificare Ecclesiam, qui eam congregant, quique in operis, inquit Ambrosius, sunt, ædificationisque processu. Qui verò Ecclesiæ iam suo loco constructæ, atque ædificatæ curam gerunt, & perfecti, inquit idem, operis receperunt custodiam, ut Ecclesia iam fundata & ædificata in doctrina Apostolorum & traditione maiorum indefinenter perseueret, dicuntur Ecclesiæ nō structores, sed custodes, Vnde & sponsa in Cantico: Structores siue ædificatores Ecclesiæ ab eius custodibus distinguens, Mille, inquit, tui pacifice, quibus verbis designat eos qui Ecclesiæ pacem attulerunt, siue eam in pace fundauerunt & extruxerunt: Et ducenti his qui custodiunt fructus eius, Vbi designat eos qui Ecclesiæ iam ædificatæ inuigilant, appellans eos Custodes quia illis dicitur: Depositem custodi. Ut ergo custodes norint etiam suam operam inanem futuram, nisi ipsis per Dei gratiam vigilantibus Dominus per semetipsum piæ sollicitudinis produxerit fructum, effectum, aut ut Apostolus appellat, incrementum, addit Psaltes:

Nisi Dominus custodierit ciuitatem. i. Ecclesiam, quæ iam ædificata fuerit ut ciuitas, frustra uigilat qui custodit eam. i. deposito eius custodiendo atque seruando inuigilat. Quamquam hoc, sicut & id quod prius dictum est: *Nisi Dominus ædificauerit domum*, eò referri possit, ut significetur quod nisi Dominus supra omne ministerium, obsequium, industriam & operam humanam per semetipsum permulta Ecclesiæ tum ædificandæ tum custodiendæ suppeditauerit, fabrica Ecclesiæ, ut oportet, consurgere aut incolumis permanere non possit. De qua re Ambros. Seruulos Christi magis custodiunt, adde & ædificant, qui non videntur, quam qui uidentur. Ne autem isti qui Domino cooperante laboris ac uigilantiæ suæ bonum successum acquirunt & prouentum, gloriam sibi ob hæc debitam in hac uita, ut sit, aucupentur, per cautionem dicit ad eos Psaltes: *Vanum est uobis* O Ecclesiæ Dei structores atque custodes, *ante lucem.* i. ante ortum futuræ diei, de qua Psal. 96. dictum est. Lux orta est iusto, ut ibidem explicuimus *surgere.* i. uosmetipsos erigere, vel gloriari, quod prohibuit Dominus, cum diceret: Nolite in sublimi extolli. Quid ergo? Nunquid non sublimitas & gloria debetur laboribus eorum? Vtique, Quando autem? *Surgite.* i. sublimitatem uestram & gloriam capefite, *postquam sederitis.* i. postquam seruitutem uestram in humilitate & labore expleueritis. Hic enim uobis de obsequio in labore & humilitate præstando, sine intermissione cogitandum est, exemplo eius qui dixit, Memores estote fratres laboris nostri ac fatigationis die ac nocte. Idque eo magis quia uos estis qui

Tet iij man-

manducatis panem doloris. i. quibus labor & dolor panis, vt ita dicam, quotidianus est. Manducare namque panem doloris, idem est cum eo quod Psal. 41. interpretati sumus, Fuerunt mihi lachrymæ meæ panes die ac nocte.

Hieron.
epist. 141.

Dicit enim Hieron. quosdam non frustra per panem doloris intelligere aut hæreticorum sacramenta, aut vitæ istius miserabilis, & ærumnosæ laborem. Addo, & præfecturæ ecclesiasticæ onus, miseriam, atque difficultatem. Dicit itaque Psaltes, *Surgite postquam sederitis, qui manducatis panem doloris*. q. d. ante oculos vestros, si non obstupuitis, quotidie cernitis, quod doleatis, quod lugeatis, quod corrigendum, quod à vobis exigendum sit, & vos hoc tempore, gloriæ aucupandæ, fruendæ, aut vobis conciliandæ intenti eritis? Quibus præ dolore vix libere deberet viuere, his omni iusto dolore semoto lubebit dies suos in bonis ducere? Quibus præ sollicitudine, vt D. Bernardi verbis vtatur, ociari non licet, gloriari libebit? Et, si gloriandum sit, non potius, quæ infirmitatis sunt gloriabuntur, vt sint cum Apostolo in labore & ærumna, in vigilijs multis, in fame & siti, in frigore & nuditate, in instantia quotidiana, sollicitudine suarum Ecclesiarum? Sed parua, & minimè ambienda hæc videtur gloria: Imò, *Quis mihi det*, inquit Bernardus, simul fieri in gloria sanctorum? Clamat namque scriptura: Mihi autem absit gloriari, nisi in cruce Domini nostri Iesu Christi. Hoc, ô Papa Eugeni, glorieris optimo genere gloriæ, quod Apostoli, quod Prophetæ, delegere sibi, reliquere tibi. Agnosce hæreditatem tuam in cruce, in laboribus plurimis. Si deterret labor, inuitet merces. Superest enim tibi corona iustitiæ, quæ reddet tibi Dominus in die illa. *Quæris quæ?*

Bern. de cō.
siderat. l. 2.

4. *Cum dederit dilectis suis somnum*. i. cum eos, quorum Deus in hac vita fidem dilexit, in mortem corporis fecerit obdormire, ad vitam aliquando euigilatuos; *Ecce hæreditas Domini*. q. d. tunc cum admiranda rerum metamorphosi apparebit, eos, qui hîc in labore, ærumna & obscuritate pro Christi Ecclesia fuerunt, pertinere ad hæreditatem Christi, & esse cum Christo cohæredes Dei. Quæ hæreditas est *filij merces, fructus ventris*. i. in mercedem deputata est filio Dei, qui est *fructus ventris*, quia ex virginali utero B. Mariæ secundum humanam naturam effloruit. Hunc sensum assignat Ambrosius græcum textum secutus, in quo *fructus* est genitiui casus. Quia tamen *fructus* Hebræis est nominatiui casus, non inconueniens prædictorum verborum hic erit sensus. *Cum dederit dilectis suis somnum, ecce hæreditas Domini*. i. cum ô dilecti Dei in Domino obdormieritis, adibitis Dei hæreditatem, quæ posita est in possessione beati regni. Quæ hæreditas est *Filij merces*; est enim à Christo Dei filio per sua merita, atque labores sibi & vobis comparata, & proinde eam adituri estis tanquam gratiam,

Ambros. li. 2.
in Lucam.

tiam, vt loquitur Concilium Tridentinum, Filijs Dei per Iesum Christum misericorditer promissam: Et est simul *fructus ventris*, i. prouentus illius laboris, quo parturistis, & peperistis, in primis, vobis spiritum salutis, deinde Christo & Ecclesie, complures filios in æternam salutem, & ob id hæreditas hæc erit etiam merces, vestris, quibus Christo per eius spiritum defudastis, laboribus debita; Eam proinde duplici titulo acquiretis, & possidebitis. Sed, hic prætereundum non est, quod locus iste obijciatur contra purgatorium: Si enim, inquiunt, cum Deus dederit dilectis, siue electis suis, omnibûsque iustis, somnum, reliqua eis sit hæreditas Domini, ergo iusti mox à morte efficiuntur beati. Respondetur, locum hunc tantum definire, quod hæreditas iustis, non nisi post mortem expectanda & adeunda sit, non autem quod illa à morte è vestigio adeatur. Nam & ante Christi aduentum verum erat dicere, *Cum dederit dilectis suis somnum ecce hæreditas Domini*, & tamen eo non obstante, illo tempore admodum diu detinebantur dilecti Dei in sinu Abraham priusquam adirent hæreditatē. Post hæc adiungit Psaltes quædam spectantia ad efficaciam & soliditatem verborum, quæ locuti sunt illi, per quos sapientia ædificauit sibi domum, construxit Ecclesiam, & dicit:

Sicut sagittæ in manu potentis ita filij excussorum, i. Apostoli qui secundum carnem filij sunt Iudæorum, qui in posteris suis excussi sunt, à templo & loco per Romanos; Quem sensum commendat Hieron. & nos tanquam clariorem cæteris præferimus; Hi ergo sunt *sicut sagittæ*. Verba enim eorū viuacissima & acutissima, sunt sicut stimuli, & sicut clauī, vt dicit Sapiens, acuti. Nec hoc solum, sed sicut *sagittæ in manu potentis*, quia loquebantur prout Spiritus sanctus dabat eloqui illis. Spiritu Sancto autem in illis loquente, eorumque sermones aspiratione sua in affectum à se præparatum atque spectatum dirigente & ordinante, necesse erat verba eorum magnam ad penetrandum vim ac energiam habere, Verbum enim, inquit per Isaiam Dominus, quod egreditur de ore meo, non reuertetur ad me vacuum, sed faciet quæcunque volui, & prosperabitur in his ad quæ misi illud. Quæ autem harum sagittarum utilitas?

Beatus vir qui impleuit desiderium suum ex ipsis, i. qui doctrinam Apostolicam pro voto suo affectu ac intelligentia comprehendit, *non confundetur cum loquetur inimicis suis in porta*, i. Non confundetur in die iudicij cum ibi calumnijs diaboli ei respondendum erit. Doctrina enim Apostolorum quam sectatus est, ab omni eum confusione facile vindicabit. Vel, quando ei inimicis veritatis *in porta*, siue quadam altercatione respondendum erit, *non confundetur*, adhærendo enim doctrinæ Apostolicæ, erit operarius inconfusibilis rectè tractans verbum veritatis.

P S A L-

Conc. Trid.
sess. 6. c. 16

5.

D. Hieron.
epist. 141.

Eccles. vii.

6.

SVperiore Psalmo descriptus est sanctimonie gradus, quem conscendere, vel in quo versari debeat Ecclesie Præpositus, hic verò proponitur iustitie gradus ad quem contendere, & in quo ambulare debet is qui fuerit in Domino coniugatus, Vt in Canticis graduum, varij hominum ordines gradationes, & gradus suis profectibus conuenientes inueniant & intueantur: Quanquam nihil vetet etiam hunc Psalmum, de præpositis Ecclesie metaphoricòs exponere; qui sic habet.

1. *Beati omnes cuiuscumque demum status aut conditionis fuerint, qui timeant Dominum* timore Domini sancto, qui permanet in sæculum sæculi, qui pari cum charitate gradu increvit ac proficit. *Qui ambulant in vijs eius.* i. secundum leges eius conuersantur, Vbi aduertere licet ad adipiscendam beatitudinem præter mētis rectitudinem etiam opera bona necessaria esse. Et hæc quidem beatitudo omni hominum generi promiscuè communis est & vulgaris: Conuertit verò Psalter sermonem ad peculiare hominum genus quod est coniugatorum, cuius beatitudinem sigillatim & particulatim describens, alloquitur illud in hunc modum.

2. *Labores manuum tuarum quia manducabis.* q. d. Beatum te prædico, quia de labore manuum tuarum victum tibi conquiris, ipsa sedulitate tua atque industria tantopere delectatus, vt non tam laboris tui prouentu ac fructu, quam ipso labore pasci ac refici videaris, procul ab infelicitate eorum, quibus ipsa sua inertia grauis est, & quos otium ac ignauia tædio tabescere facit, atque consumit. Sed quid hoc ad beatitudinem? Audi Ambros. *Oramus hic potius laborem subire, vt in regno cælorum consolationem quietis æternæ mereamur adipisci.* Magna enim illecebra delinquendi est rerum affluentia secundarum. In superbiam enim extollit, obliuionem authoris infundit, idque, quia in manibus omnia ad voluptatem suppetunt. Sed labore manuum victum sibi conquirere, contemptibile est & ignobile? Est, sed superbiæ humanæ: Opera enim, inquit D. Augustinus, fabricorum, structorum, sutorum, rusticorum, & his similia non honestas ipsa reprehendit, sed superbia eorum qui vocari honesti amant, sed esse non amant. Non igitur dedignaretur Apostolus, siue rusticorum opus aggredi, siue in opificum labore versari. *Qui enim ait, Sine offensione estote Iudæis & Græcis & Ecclesie Dei,* quos in hac causa reuereri posset, ignoro; Si Iudæos dixerint, Patriarchæ pecora pauerunt; Si Græcos, etiam Philosophos multum sibi honorabiles sutores habuerunt; Si Ecclesiam Dei, homo ille iustus, & ad testimonium coniugalis semper mansuræ virginitatis electus,

electus, cui desponsata erat virgo Maria, quæ peperit Christum, faber fuit. Quicquid ergo horum cum innocentia & sine fraude operantur homines, bonum est. Hæc D. Augustinus: qui tamen labores suos manducare afferit eos, qui in Ecclesia spirituales tantummodo labores, carnis labore, teste Ambrosio, maiores exhibent. Imò, ab ore sibi victum comparare non solum honestum, verum etiam heroicum esse, satis probat illud Pauli, Quod mihi necessarium fuit & his qui mecum sunt, ministraverunt manus illæ, Si enim res hæc aliter se haberet, non cederet in laudem D. Cypriani, quod ad laudem ei scribebant Moyses, & maximus presbyteri, Nicostriatus, & Rufinus diaconi & ceteri confessores in carcere positi; Gaudium nostrum est, quod in officio episcopatus tui, licet interim à fratribus pro temporis condicione distractus es, tamen non defuisti, quod literis confessores frequenter corroborasti, quod etiam sumptus necessarios de iustis laboribus tuis præbuiti. Hæc illi. Ut enim heroicum magis est regnum cælorum ex meritis, quam gratis accipere, ita heroicum magis est & nobile, panem suum de iustis laboribus suis sibi comparare, quam gratis feliciter quidem, sed molliter acquirere. Itaque *Beatus*, quia in beatitudinis statu constitutus es, & *bene tibi erit*, quia ad hæc, complura tibi à Domino bona accedent. Et in primis quidem

Vxor tua, Domino dirigente tibi nupta. Diuiti enim & domus dantur à parentibus, à Domino autem proprie vxor prudens, sicut vitis abundans in lateribus domus tuæ, Sicut enim vitis serpit per omnia latera domus ipsæque adheret, ita vxor, de qua hic sermo, totam domum, (incumbit enim ei regere familiam, gubernare domum) perambulat, sicut vitis fructificans suauitatem odoris siue bonæ edificationis, suauemque fructum filiorum, bonorum operum, aliorumque temporalium atque spiritualium proventuum. Sicut enim sol mundo oriens, inquit Sapiens, in altissimis Dei, ita mulieris bonæ species in ornamentum domus eius, lucerna splendens super candelabrum sanctum, & species faciei super astatem stabilem. Inter bona autem quæ timentibus Dominum accrescunt, numeratur eiusmodi vxor: Mulieris enim bonæ, inquit ibidem Sapiens, beatus est vir, numerus enim annorum illorum duplex, Mulier fortis oblectat virum suum, & annos vitæ illius in pace implebit, Pars bona mulier bona, in parte bona timentium Deum dabitur viro pro factis bonis. Hæc Sapiens. Quæ tamen à Sapiente & etiam à Psalme non sic dicta sunt, quasi mulier bona, & ut vitis in omni domo fructificans, vnica pars, ac quantum ad hanc vitam attinet, fors sit iustorum, & quasi illi qui vxoribus sua se voluntate abdicant, aut iusti non sint, aut iustorum parte se in hac vita fraudent; Absit, Hæc enim iustorum pars hoc Psalmo & à Sapiente prædicatur quidem & commendatur, ut

V u u sciamus

August. de
oper. mon.
cap. 7.
D. Ambrosio
Psalm. 37.

Ep. 26. in
epist. Cypri.

30

Ecclesi. 16

sciamus & illam ad Dei prouidentiam benedictionemque pertinere, ipsamque hominis beatitudinem in hac vita etiam in eiusmodi bonis posse consistere; Verum id sine praeiudicio partis melioris & beatitudinis potioris, Nisi enim sacra continentia, quauis vxoria felicitate potior esset atque prestantior, non diceret Sapiens, Gratia super gratiam mulier sancta & pudorata, Omnis autem ponderatio non est digna continentis animae. q. d. Pondera, atque exaggera coniugij bona ut vis, aut quantum uales, non poteris bona coniugij in eo pondere, (pondere inquam sanctuarij, cui sua quantitas Dei iudicio dispensatur atque attribuitur) exhibere, in quo exhibentur bona continētis animae. Et si enim pars bona mulier bona detur viro pro factis bonis, ad quāto meliorem partem putes pertinere nomen illud melius à filiis & filiabus, quod, iuxta vaticinium Isaie, dabitur Eunuchis, illis inquam, qui seipfos castrauerunt propter regnum caelorum?

Isaie 56.

4.

Aug. 1. de
nupt. & cō.
esp. 8.

1. p. bes. 5.

5.

Iob 21.

Eccles. 3.

Amb. de in
fi. vii. c. 4

Filij tui ex legitimo thoro à te procreati, *sicut nouella oliuarum*. i. sicut nouella germina Spiritus sancti ex aqua & Spiritu sancto regenerata, Quandoquidem, ut docet August. Matrimonium timentium Deum non eo fine determinatur, ut transitori filij nascentur in saeculo isto, sed, ut permansuri renascentur in Christo, *in circuitu mensae tuae*, ut à te educantur in disciplina & correptione Domini, ut monuit Apostolus.

Eccē, sic, ut scilicet sit illi vxor, non sola carne fecunda, sintque illi filij, non illi de quibus scriptum est, Egrediūtur ut greges paruuli eorum, & insantes eorum exultant lusibus: Hæc enim gentes inquirunt, pertinentque ad benedictionē Dei temporalem, quæ, ut splendor solis & pluuia, cōmunis est bonis & malis, sed sit ei vxor ut vitis fecunda, quæ ut mulier sapiens ædificet domum eius in timore Domini, sintque illi filij, de quibus dicit Sapiens: Filij sapientiæ Ecclesia iustorum, & natio eorū obedientia & dilectio, Iudicium patris audite filij, & sic facite ut salui sitis, Deus enim honorauit patrem in filiis, & iudiciū matris exquirens, firmavit in filios; Si enim per prædicta Psalter nihil aliud significare vellet quam mulierē fecundam & filiorum turbam, ut quid mulierem viti, filios nouellis oliuæ u compararet, cum in scripturis sacris, vitis, odorem atque dulcedinē Spiritus sancti, Oliua verò eiusdem pinguedinem soleat significare? Sic ergo, ut explicuimus, *benedicetur homo qui timet Dominum*, Nam & illos qui timent Dominū aliam in coniugio benedictionem non spectare, vel vnicus Tobias iunior, qui omnibus illis qui coniugium ineunt, in scripturis sacris velut forma proponitur, testis esse potest per hæc sua verba, Tu Domine scis quia non luxuriæ causa accipio sororem meam coniugē, sed sola posteritatis dilectione, in qua benedicatur nomen tuum in saecula saeculorum. Quod viri facilius præstare poterunt, si audierint verba Ambros. hoc modo scribentis. Cur tu vultus deco-

decorem in coniuge magis quam morum requiras? Placeat vxor honestate magis quam pulchritudine. Illa eligatur quæ Saram moribus referat. Idipsum vicissim & mulieres, si morem gesserint his verbis Augustini, Placeant vxoribus mariti, non quia diuites, quia sublimes, quia genere nobiles, quia carne amabiles, sed quia fideles, quia religiosi, quia pudici, quia viri boni. Sed quid? nunquid omnibus qui timent Dominum, hæc præstò est benedictio? Arbitror quod non, Nam & D. Hieron. fatetur Samuelem filios, inquit, pessimos, qui non ambulabant in vijs patris sui genuisse, Nec tamen ob id soluitur scriptura quæ dicit filios timentium Deum fore vt nouellas oliuarum in circuitu mensæ patris sui, quia Psalmus hic, cum dixit timentes Dominum & in vijs eius ambulantes beatos esse, vniuersaliter locutus est, *Beati*, inquit, *omnes qui timent Dominum*; Cum verò subiungit, *Ecce sic benedicetur homo*, indefinite loquitur, significans benedictionem illam timentibus Deum concedi quidem, attamen non vniuersali distributione secundum altitudinem sapientiæ & scientiæ iudiciorumque Dei incomprehensibilitatem dispensari. His ex parte Dei promissis ac pronunciatis, psaltes, vt hæcenus nò semel obseruauimus, ex persona sua suum votum adiungens, illi qui ob timorem Domini benedictionem eius in opere manuum suarum, vxore, filiisque consecutus est, consummationem precatur, & dicit:

Benedicat tibi. i. æternam benedictionem, de qua scriptum est, *Benedixit filiis tuis in te, concedat tibi Dominus ex Sion*. i. de celesti specula sua, siue throno suo desuper, *Per quam & videas bona Hierusalem*, ciuitatis supernæ, *omnibus diebus vitæ tuæ*. i. in immortalitate, & perpetua beatitudine. Quæ Psaltes benedictio etiam nostræ eruditioni seruit: Ex ea namque insinuat nobis, coniuges in hoc vocatos esse, vt, sicut monet eos Petrus, benedictionem hereditate possideant, idque non solum per id quod tempore coniugalis vitæ in vijs Domini ambulant, verumetiam per ipsa opera coniugalitatis, si ea, vt monuit Tertull. tanquam sexuum officia cum honore necessitatis sub ipsis oculis Dei moderate transegerint. Nam & Apostolus dicit, quod mulier (& similiter vir) saluabitur per filiorum generationem, quam ad coniugale opus, & sexum, vt Tertull. dixit, officium pertinere quis ignorat?

Et videas filios filiorum tuorum: Hoc ad bonum coniugij & quandam senectutis temporalem consolationem atque felicitatem pertinet, quæ, mysterio excepto, Iacob se frui declarabat cum diceret ad Ioseph, Non sum fraudatus aspectu tuo, insuper ostendit mihi Dominus semen tuum. Et de Ioseph dicit Genes. Vidit Ephraim filios vsque in tertiam generationem, Filij quoque Machir filij Manasse nati sunt in genibus Ioseph. Quod scriptura ne quidem commemoratione dignum esse censeret, nisi saltem pertineret ad bonum aliquod naturæ à Deo cõcessum. Sed quia hic canitur can-

Vuu ij ticum

Aug. 2 de
nup. & cõ-
cup. c. 13.

Hier in ca.
63. Iſaie.

6.

Tert. 2. ad
vxo cap. 3

7.

ticum gradum, & præcipue prædicantur coniugij bona sublimiora, vt coniuges discant illa sectari addit Psalter, *Pacem super Israel*. q.d. videas eos timoris Domini heredes, vt sint hæreditas sancta nepotes tui, *stetq. i.* perseveret in testamētis, quibus gratiam & gloriam promisit Dominus, semen tuum, vt videas filios filiorum tuorum pacem super Israel, siue Dei populum, in quo cōuersantur; vt populo in cuius medio sunt, per bonam conuersationem & fraternitatis amorem, aut etiam piam Reip. procuracionem, pacem adferant: Quod impletum fuisse videtur in nepotibus Tobia, de quibus sic dicit Scriptura: Omnis generatio eius in bona vita & sancta conuersatione permansit, ita vt accepti essent tam Deo quàm hominibus & cunctis, (ô magnam pacem super Israel) habitantibus in terra. Et hæc quidem præsentis Psalmi est expositio literalis, à qua tamen veteres, Hilarius, August. & Hieron. se continuerunt, eo quod bona hic ad literam enarrata, nō obueniant omnibus qui coniugium cum timore Domini suscipiunt; sed id expositioni literalis, vt paulo ante diximus, nihil obstat, non enim dicitur vniuersaliter, Ecce sic benedicetur omnis homo qui timet Dominum, sed indefinitè, Ecce sic benedicetur homo qui timet Dominū, Negare autē non possumus bona hic à nobis explicata, coniugatis coniugij in timore Domini transigentibus, non raro obuenire. Attamen pratermittere non debemus quin huius Psalmi allegoriam paucis aperiamus. Itaque, *Labores manuum tuarum manducabis*, ô ordo Episcoporum aliorumque ecclesiarum Dei præpositorum, quibus hic Psalmus allegoricè competit, cum ipse obsequio tuo quo diuinæ voluntati in officiis ecclesiasticis deseruis, pascaris atque delectaris, vna cum Christo qui dicebat, *Meus cibus est vt faciam voluntatem Patris mei, vt perficiam opus eius*, certus quod vnusquisque recipiet secundum suum laborem. Hæc ipsa tua deuotione, *beatus es & bene tibi erit*, quia Deus laborem tuum per omnia instructuosum esse non patietur. Labor enim vester, inquit, non erit inanis in Domino, & tum, non solum *labores manuum tuarum*, sed insuper prouentum laborum tuorum manducabis, epulo tam opimo, vt delectetur in crassitudine anima tua. Quæris autem qua laborum tuorum prouentum acquiras ratione? *Vxor tua*. i. sapientia, de qua mandauit tibi Sapiens, dic Sapientia soror mea es, & prudentiam voca amicam tuam, quam & ipse sapiens circumeundo quæsiuit sibi sponsam assumere amator factus formæ illius, *sicut vitis abundans in lateribus domus tuæ*, ipsa namque Sapientia, menti tuæ castissimo complexu copulata, & vnus tecum spiritus effecta, per te & in te, sicut vitis fructificat suauitatem odoris, & bono odore suo vniuersam domum Dei quæ est ecclesia Dei viui, per os tuum manûsque tuas, (per sapientiam namque tibi inhaerentem, teque inhabitantem ac dirigentem, est odor oris tui sicut o-

sicut odor malorum, manūsque tuæ distillant myrrham, & digiti tui pleni sunt myrrha probatissima) implet, recreat, corrigit atque corroborat, Non enim potest non esse permultis odor vitæ in vitam. *Filij tui* à te per hanc uxorem tuam Deo acquisiti, *sicut nouellæ oliuarum*. i. sicut innouata templa Spiritus sancti ac germina *in circuitu mensæ*. i. doctrinæ tuæ. Est enim, ut vaticinabatur Iob, omnipotens tecum, & in circuitu tuo pueri tui, expectantes te sicut pluuiam, & aperientes os suum quasi ad imbrem serotinum, ut super illos stillet eloquium doctrinæ tuæ. Imbrem inquam serotinum, Tuo enim ore quasi imbre quodam, ut appellat Iacobus, temporaneo, siue primitiuo catechi sati, tuoque lacte inescati, inhiant doctrinæ tuæ, ut perficias ea quæ desunt fidei ipsorum eaque confirmes. O autem felicem te quem circundant filij tui sicut *nouellæ oliuarum*. i. primitijs Spiritus sancti imbuti, Cum enim doctrinam spiritus proferas & virtutis, quomodo non ad doctrinam tuam nausearent, si non essent ad accipiendam spiritualem disciplinam spiritu imbuti, cum sermones Dei, ut docuit Bernar. non nisi eodem spiritu intelligendi sint, quo sunt compoſiti? *Beatus es*, qui spiritualibus spiritualia comparans, enarras verbum auri audienti, Domino tibi per spiritum suum aperiente cor, ut intendatur his quæ à te dicuntur. Est autē tibi & mensa corporis & sanguinis Christi, quæ Tua dicitur, quia ex ea corpus & sanguinē Domini in Christi nomine ministras, *In circuitu huius mensæ tuæ filij tui sicut nouellæ oliuarum*. Non enim se ingerunt huic mensæ filij tui, nisi spiritu sancto inhabitante sint sanctificati, Non solum autem, sed nisi insuper spiritu succēsi fuerint, feruidi, ut monuit Chrysos. & excitati. D. Thomæ proinde magisterio edocta canit Ecclesia, Sicut nouellæ oliuarum Ecclesiæ filij sunt in circuitu mensæ Domini. *Ecce, sic benedicetur homo qui timet Dominum*. Benedicetur inquam, benedictionibus vberum & vultus, ut multos generet & enutriet Christo. *Benedicat tibi Dominus ex Sion & videas bonam Hierusalem omnibus diebus vitæ tuæ*, qui versiculus hic eodem modo exponendus est quo illum superius exposuimus. *Et videas filios filiorum tuorum*, iustitia enim Domini in filios filiorum his qui seruant testamentum eius, ut in Psal. 102. & 111. diximus. *Pacem super Israel*, ut illi diu custodiant Ecclesiæ pacem.

ber. ad fra
de mō. dei.

Chry. hom.
60. ad pop.
Antioch.

PSALMVS CXCVIII.

Canticum graduum.

Describitur quod ab initio sui, omni ex parte inexpugnabilis fuerit Ecclesia, & simul quis sit finis eorum qui eam oppugnant, Loquiturque Psalter in persona Ecclesiæ & dicit:

Sæpe expugnaverunt. i. oppugnaverūt me à iuuentute mea. A primordio

Vuu iij

enim

Tert. Scorp.
cap. 8.
Cyp. epi 81

enim iustitia vim patitur, inquit Tertull. statim vt coli cepit Deus, inuidiam religio fortita est; Quod Cyp. ab Abel vsque ad Christum per exempla declarat, *Dicat* ad gratiarum actionem, Deo, ad gratulationem atque excitandam sibi spem, *nunc*. i. cum aetate maturuerit, *Israel*. i. Ecclesia Christi siue populus Dei.

2. *Sæpe expugnaverunt me à iuuentute mea, Et enim non potuerunt*. i. non prauauerunt *mibi*.

Greg. past.
cap. 2.
sap. 10.

3. *Supra dorsum meum fabricauerunt peccatores*. i. machinas quibus disciplinam & iustitiam opprimerent, ac paulatim conuellerent, fabricantium more paulatim ad incrementum perduxerunt, cuiusque fabricauerunt *supra dorsum meum*, quia vt exponit D. Greg. me id, velim nolim, portare cogerunt; Sicut & ipsos malorum horum fabricatores, Nec enim machinationes eorum impedire, nec ipsos potui corrigere. Id autem fecerunt *Peccatores*, quo nomine designatur malæ vitæ fideles, sicuti & Psalmo 1. peccatores distinguuntur ab impijs siue infidelibus. Hic enim refertur persecutio quam patitur Ecclesia à falsis fratribus siue malis Christianis. Quo autem hæc fecerunt euentu? *Prolongauerunt*. i. auxerunt, multiplicauerunt *iniquitates suas*. Quid tandem?

4. *Dominus iustus*, qui videlicet inultum abire non patitur, per extremum, vt in Psal. 88. v. 24. exposuimus, supplicium, *cōcidet ceruices*. i. indomabilem & incorrigibilem pertinaciam *peccatorū*, *Confundentur* æterna confusione & *conuertantur retrorsum* in infernum, vt Psal. 9. dictum est, *omnes qui oderunt Sion*. i. qui oderunt Ecclesiam eiusque integritatem.

5. *Fiant tanquam fœnum tectorum quod priusquam euellatur, exaruit*. Dicit in euangelio Dominus: Si quis in me non manserit. i. in iustitia non perseuerauit; mittetur foras. i. in die iudicij à corpore Domini, quod est Ecclesia, separabitur; & arefcet, quia omni humore Spiritus S. & spe rediuiuæ charitatis priuabitur; & in ignem mittetur, & ardet. Cui consentit & Psal. 51. Propterea Deus destruet te in finem, euellet te & emigrabit de tabernaculo tuo, & radicem tuam de terra viuientium; quia omni vita & vitæ spe Deus impios in die iudicij radicitus priuabit. Est autem quoddam aliud euulsionis genus quo quis à corpore Domini euellitur & eijcitur de Ecclesia, à qua eiectus arefcit, quia qui Ecclesiæ Christi extorris est, in eo ipsa iustitiæ radix quæ fides est sensim arefcit & perit. Sensus ergo est, Euellentur à corpore Christi siue Ecclesia, & fide in eis emortua, radicitus arefcet, priusquam aut dies iudicij venerit, aut Ecclesiastica censura eos à corpore Domini separauerit, Qui enim Ecclesiæ disciplinam & sanctimoniam oderunt & expugnare conantur, sensim eò prolabantur vt schismata & hæreses fabricent, & sua sponte Ecclesiā deferendo, ab Ecclesia præscindi aut euelli non ex-

non expectent, sed Ecclesie censuram improba festinatione praeueniant. Quale quid Nouato, Ecclesiastica disciplina & pacis hosti, euenisse scribit Cyprianus in haec verba: Nouatus qui de Ecclesia eijs & excludi habebat, *Cyp. epl. 49* iudicium sacerdotum voluntaria discessione praecessit, quasi euasisse sit poenitentiam, praeuenisse sententiam. Haec Cyprianus. Quae cum ita sint, isti qui priusquam euellantur exaruerint, erunt tandem in numero illo,

De quo non implebit manum suam qui metet. i. Angeli messorum non colligent illos aridos in Dominica horrea, nec inter manipulos tritici reponeant; Et quia ipsi in causa erunt, ob quam exiguus sit numerus electorum, per ipsos stabit quo minus angeli manus & sinus suos praecolligendorum paucitate impleant. Nec solum id eis obuenturum est in futura vita, sed etiam tempore vitae huius fiet eis quod sequitur:

Et non dixerunt qui praeteribant. i. qui pro tempore salutis Ecclesiae inuigilabant, & per hanc functionem raptim transeuntes ad Dominum suum properabant, Qui recte dicuntur Praetereuntes, ad differentiam eorum qui hereditate volebant possidere sanctuarium Dei, dicentes intra se, Hic est haereticus, occidamus eum, & nostra erit hereditas. Isti, inquam, non dixerunt sponte sua arefactis. *Benedictio Domini super vos, benediximus vobis in nomine Domini.* Quia nominatim non oratur pro ijs qui ab Ecclesia se sponte separauerunt. Iniquum enim est, ait Leo, impios sanctorum nominibus sine discretionem misceri. Unde & Cyprianus improbat nomen lapsorum offerri: *Leo epi. 43 c. 2. & epi sol. 46. Cyp. epi. 10* Vel dicuntur eis non benedixisse, quia benedictionum quae in Ecclesiam dicuntur, iure communicationis, ut Cypriani verbis utar, participes non sunt. Denique, non dixerunt, qui praeteribant benedictio Domini super vos, quia praeccepto D. Ioannis morem gerentes, schismati, haeresi, vel factioni eorum Aue, non dixerunt, siue bene peccati non sunt.

PSALMVVS CXXIX.

Canticum graduum.

Describitur processus quidam fidei, spei, orationisque in poenitente ut appropinquet peccatorum remissioni, eamque consequatur, in quo poenitens in actione ac exercitatione poenitentiae aliquanto tempore versatus, precatur Deum in hunc modum.

De profundis. q. d. Audita voce tua qua dicis, Conuertimini sicut in profundum recesseratis filij Israel, de ipso peccatorum ad quod deueneram, cordisq; in ima demersi quodam profundo, sicut Ionas de ventre ceti, iam inde hucusq; *clamaui ad te Domine, Domine.* Nominis venerandi repetitio, inquit Greg. precandi adiuget affectum. Mouetur enim desiderium, si nomen quod diligitur replicatur, *Exaudi vocem meam*, qua, ut dicit Psal. 36. *clamaui ad te.*

Fiant

2. *Fiant aures tuæ intendentes, in vocem deprecationis meæ. i. audientiam tuam diuinam vehementius intende, animumque tuum plus adijce ad exaudiendam vocem deprecationis meæ, quam iam frequentius ad te emisi.* Caterum,

3. *Si iniquitates obseruaueris Domine, Domine quis sustinebit?* Obseruare ab omnibus fere sumitur, vt idem sit quod notare, accuratius præ oculis habere, quasi sensus sit, Si iniquitatum frequentiam atque nequitiam præ oculis habere volueris, *quis sustinebit iudicium iustitiæ tuæ?* Obseruationi autem in hunc sensum acceptæ opponitur dissimulatio, ita vt secundum hunc intellectum videatur Deus hic rogari, vt peccatorum frequentiam atque nequitiam non vsque adeo exactè scrutari atque perpendere velit. Quia tamen Deus in iudicio suo peccata propriè non dissimulat, & quia obseruationi hoc loco, non dissimulatio opponitur, sed propitiatio, atque propitiationis effectus qui est indulgentia atque ordinata peccatorum remissio; Obseruare, hoc loco potius idem est quod constanter & quasi obfirmato animo retinere, & remittere nolle, peccata, sicut animum obfirmare est propositum pertinaciter tueri, atque in eo mordicus persistere. Sensus ergo est, Si iam frequentius à me pro peccatorum remissione interpellatus, in proposito retinendi mea peccata constanter, & quasi obfirmato animo permanseris, *quis sustinebit?* intelligunt quidam, peccatoribus imminens supplicium, scriptum est enim; Quis poterit habitare cum igne deuorante? quis habitabit cum ardoribus sempiternis? Vel potius, *quis sustinebit* pœnitentiam agere, Ad te diutius clamare, cum sublata veniæ spe, incentiua, teste Ambr. auferantur pœnitentiæ? Quis enim hac Domini seueritate, vt Cyr. verbis utar, attenta aut percepta, non statim percat, non ipsa desperatione deficiat? Quis non animum suum à proposito lamentationis auertat? Operari tu putas rusticum posse si dixeris; Agrum peritiam omni rusticitatis exerce, culturis diligenter insiste, sed nullam messem metes, nullam vindemiam preme, nullos oliueti tui fructus capies, nulla de arboribus poma decerpes! Hæc & plura in eandem sententiam Cyr. Hanc proinde huius vocabuli expositionem priori præfero, præsertim cum secundum eam verbum *sustinere* hic & in sequentibus Psalmi versibus vnâ & eandem habeat significationem. Si ergo *iniquitates obseruaueris Domine, Domine quis sustinebit?*

4. *Quia, verò apud te propitiatio est.* Propitiatio est negotiatio qua aliquē reddas propitium, sicut & propitiare est propitium reddere; Quia itaque propitiatio vel propitiare ordinatur ad alterum, erit loci huius hic sensus. Quandoquidem apud te, in dextera tua aduocatum habemus. Iesum Christum iustum, & ipse est propitiatio pro peccatis nostris, non nostris autem tantum,

Ambr. li. 1.
de pœnit. c. 1.
Cyr. epist.
52. in fine.

tantum, sed etiam pro totius mundi peccatis; *Et propter legem tuam* quam constituisti, promittens certa lege nobis dimittere peccata, Dixisti enim, Si conuersus ingemueris saluus eris, Si dimiseritis hominibus peccata eorum, dimittet vobis Pater vester celestis peccata vestra. Et, Omne debitum dimisi tibi, quoniam rogasti me. Denique, Quorum remiseritis peccata, remittuntur eis: propter hanc itaque quæ apud te est propitiationem, & simul propter *legem tuam*, secundum quam promissisti pœnitentibus remissionem, certus quod iniquitates non obseruares, *sustinui*. i. cum patientia longanimitè toleraui pœnitentiæ laborem & deprecandæ veniæ instantiam, donec per remissionem peccatorum tu venires ad me, vel ego in gratiam redirem ad te *Domine*. In quibus verbis obseruandum est spem veniæ, atque indulgentiæ expectationem, inniti propitiationi Christi, vt causæ inter meritorias, primariæ, primo enim illa loco recensetur, & pœnitentiæ, in legem merito accipiendæ remissionis, diuinitus institutæ. Pœnitentiam enim non nudam expectatæ indulgentiæ conditionem, sed eius meritoriam causam quodammodo esse, inter cetera testatum facit quod dicit Dominus; Omne debitum dimisi tibi quoniam rogasti me. In legitimis itaque operibus pœnitentiæ suo ordine spem veniæ reponere, nō potest vlla ratione pertinere ad præsumptionē: Præsumptio enim si bona, rationabilis, si mala, improba & importuna quædam præoccupatio est: Quid autem præoccupat, qui de eo quod sibi diuinitus prærogatum est, confidit? Hic proinde ad memoriā reuocare oportet illud Ambrosij, quod in Psal. 118. ad vers. 17. citauimus. Prærogatiua fidei est secundum Domini promissionē expectare mercedē.

Sustinui. i. in disciplina pœnitendi cum spe veniæ longanimitè perseuerauit *anima mea in verbo eius*. Verbum hic à quibusdam intelligitur idem 5. esse cum Dei promisso, atque adeo instituta, quam diximus, pœnitendi lege; attamen non abs re intelligitur illud esse hoc loco à præmisso distinctum. Verbum enim hic est simplex Dei adhortatio ad pœnitentiam, sine adiuncta veniæ promissione, imo veniæ concessione suo arbitrio reseruata. Quale verbum Dominus Exod. 34. ad populum idololatriæ labe contaminatum locutus est, cum eum ad pœnitentiam adhortaretur in hæc verba: Iam nunc depone ornatum tuum, vt sciam quid faciam tibi. Dicere namque, Iam nunc depone ornatum tuum, erat populo vnica pœnitentiæ actione expressa, pœnitentiam damandare: Pœnitentibus siquidem ornatum ponendum esse Cypr. testatur; An illa, inquit, ingemiscit & plangit, *Cyp. de lapsis, nu. 12* cui vacat cultum pretiosæ vestis induere, nec indumentum Christi quod perdidit cogitare? accipere pretiosa ornamenta & monilia elaborata, nec diuini & celestis ornatus damna defflere? Et Ambros. Videas eos mutata *Ambros. li. 2. de pœn. c. 9* veste (i. mutatorijs, ad luxum, ornatum, aut lasciuiam indutos vestibus) in-

Xxx

cedere,

cedere, quos lugere & gemere oportebat, quia vestem ablutionis & gratiæ sordidarunt, Fœminas margaritis onerare aures, curuare ceruices, quas bene Christo, non auro inclinarent, quæ seipsas flere debebant, quod margaritam quæ de cælo est, perdiderunt. Cùm itaque demandata populo pœnitentia, adderet Dominus, Vt sciam quid faciam tibi, quid id aliud erat quam indulgentiam atq; criminis admissi veniam, suo arbitrio reseruare? Nihilominus, in hoc Dei, pœnitentiam demandantis, concessionem tamen veniæ suspendentis, verbo, erat Israël sperandum, & nobis etiam sperandum foret, si tale verbum ad nos de Domini ore procederet; Piè enim præsumendum est, Dominum pro sua humanitate huiusmodi verba non absque compensandi, vel prouentus aut effectus debiti cōcedendi proposito proferre. Ad quem etiam modum, in verbo Domini, in nuptijs absque futuri miraculi promissione, dicētis, Implete hydrias aqua, erat omnibus qui id audiebant, & miraculum optabant sperandum; Quod pia mater Domini virgo Maria non ignorans, Quodcunque, inquit ministris, dixerit vobis facite, sperādum enim est præmissa ab eo non nisi in suum finem ordinari ac præcipi. *Sperauit anima mea in Domino*. En tibi aliud atque adeo summum fundamentum spei. Etiam si enim pœnitentes accipiendæ veniæ certam à Deo legem, imo, ne pœnitendi quidem verbum, præceptum, aut hortamentum, accepissent, oporteret tamen eos, de Domini bonitate præsumendo cum quadam spe accipiendæ veniæ ad eundem per pœnitentiam conuerti & recurrere. Sunt itaque fundamēta spei nostræ: Deus, de quo nobis piè præsumendum est, quoniam bonus est, Christus, per quem nobis abundantius sperandum est, quia mediator noster est, Verbum Dei, ob quod nobis sperandum est, quia Deus, vt ex Isaia subinde allegauimus, non dicit, Frustra quærite me: Lex siue promissio eius, quæ spem nostram mirificè corroborat atque consolatur, quia per eam Deus spem futuræ veniæ nobis non solum ostendit, sed eam dare promittit & addicit; & ob id, à Deo totius cōsolationis, promissiones veniæ, quàm verba ad pœnitentiam exhortatoria atque nuda pœnitendi vel bene operandi præcepta, frequētius processerunt. Sensus itaque est: *Sperauit anima mea in verbo eius*. Quia ipso per verbum suum mihi pœnitentiam præcipiente, (de alijs Dei præceptis idem iudicium sit) spem futuræ veniæ, ob causas explicatas concepi. *Sperauit anima mea in Domino*. i. ipso nihil de pœnitentia mihi præcipiente, nec de venia promittente, sperauit siue sperare debuit aut parata est anima mea in Domino, eaq; quæ ipse est, bonitate, persuasus quod præ ea pœnitentem non repellat. Sed quamdiu hæc venia à diuina bonitate atque clemētia secundum legem eius speranda est? nunquid in adolescentia tantum cum ætas lapsus excusat, aut semel à baptismo?

A cu-

Custodia matutina. i. à primo tempore quo homo sibi per ætatem attendere valet, bonumque à malo discernere; *Vsq̃ ad noctem.* i. vsque ad diem mortis suæ, *speret Israel*, scilicet, & quotiescunque lapsus fuerit, & de profundis ad Dominum clamauerit, futuram sibi remissionem *in Domino*. Sit tamen memor eius quod Ioannes, simili doctrina tradita, insert. Hæc dico vobis vt non peccetis, sed si quis peccauerit, aduocatum habemus apud Deum, Iesum Christum iustum. Non enim hæc diuinæ indulgentiæ frequentia, fenestram aperire debet peccatis, sed ijs non hac confidentia admissis, iteratæ, & vel serò, paratæ tamen, veniæ spem demonstrare. Sed quæ tam frequentis indulgentiæ causa?

Quia apud Dominum misericordia. i. quia Dominus multum est misericors, cui, vt dicit Leo, nec mēsuras possumus præscribere nec tempora præfinire: Omne enim peccatum finitum est, inquit Basilius, misericordia autem Dei infinita. *Et copiosa apud eum redemptio.* i. diues apud eum est pretium, per quod nostra peccata redimantur, estque tam copiosum, vt non semel atque iterum, sed omnia quantumuis frequenter iterata, multumque accumulata valeat redimere peccata. Sed forte Tertull. aliquis fidei & Ecclesiæ extorris, huic copiosæ Dei miserationi opponet sententiam Montani & dicet: Est quidem copiosa apud Deum redemptio, sed illa hominibus tam frequenter non est impendenda ne lapsi alia delinquant: Cui obiectioni iam obuiat Psaltes per id quod subiicit:

Et ipse redimet Israel ex omnibus iniquitatibus eius. q. d. Non solum misericors est Deus, & Christus diues ad propitiandum, sed etiam interueniente pretio sanguinis Christi, Deus ipse *redimet Israel*, siue electos iam penitentes, ex omnibus iniquitatibus suis, ita vt omnes omnino, siue frequentatæ siue magnæ, siue post frequentem remissionem iterum admissæ, iniquitates eorum à Deo re vera remittantur.

P S A L M V S C X X X.

Canticum graduum.

QVandoquidem contingit eos qui proficiunt ob profectum in superbiam erigi, Propter quod docuit Prosper, superbiam in virtutibus maxime esse cauendam, oportune canticis graduum interponitur sequens Psalmus, qui quasi ab exemplis eius, cuius hic auditur vox, docet, ascendentibus à conualle plorationis & cantantibus Canticum graduum deuotandam esse superbiam, ipsumque in magno virtutum profectu non superbire, ad magnum perfectionis gradum pertinere, sicut scriptum est, *Quanto magnus es, humilia te in omnibus, & coram Domino inuenies gratiam.*

Xxx ij

Domine.

1. *Domine non est exaltatū cor meum.* i. per hoc quod hucusque profeci, non cepi superbiere. *Neque elati sunt oculi mei.* i. humilitate contentus, non specto aliquando obtinere magna. Sunt enim quidam qui priusquam profecerunt alta non rapiunt, nec ea ante tempus ambiunt, habent tamen cordis sui oculos in sublimia intentos, sperantes illa, postquam multum profecerint, obtinere. Per quam intentionē non id obtinent ut superbi non sint. sed solum ut in superbia sua importuni nō sint. Odit autē Deus oculos sublimes, ut ait Sapiēs: Possunt interim aliqui in alto gradu esse humili corde, si in illo versentur obedientes. i. exequantur munera sibi commissa tanquam onera & obsequia, nihil attendentes quam sint illa sublimia aut gloriosa.

2. *Neque ambulavi in magnis.* Sunt enim aliqui qui etiam virtutes colunt, non in qualitate rei bonæ aut Deo gratae, sed magnæ & spectatæ. Ideo virtutes mediocres aspernati, semper maiora, per speciem perfectionis, fastu quodam & cothurno interiore crepant & iactant. De quibus D. Hieron. *Hier. 1. cōt. Pelag.* Mutatus es in Stoicum, de Zenonis nobis tonas supercilio; nōne satis nobis est patiēter perdere quod habemus, nisi violento & raptori gratias agamus? Docet Euangel. ei qui tunicam nobis tollit, pallium esse concedendum, non præcipit ut agamus gratias & lati nostra perdamus. Hæc dico, non quod aliquid sceleris in ista sententia sit, sed quod ubique hyperbolicōs mediocritas transeas & magna sceteris. Hæc Hieron. D. tamen Gregor. *Gregor. 18. mora 6. 11.* textum hunc hoc modo construit, *Neque ambulavi in magnis super me;* Cuius sensus est, Non tentavi maiora viribus, more illius de quo per improprium à Jeremia dicitur, Nec iuxta quod poterat conata est facere, sed supra quam poterat. Meo autem me pede metiens, intra facultates mihi à Domino concessas me absque arrogantia continui, exemplo Apostoli qui dicit, Nosmetipsos in nobis metientes & comparantes nosmetipsos nobis secundum mensuram qua mensus est nobis Dominus, nō superextendimus nos. *Neque in mirabilibus.* Hoc D. Gregorio illi faciunt, qui satagunt sua maiora videri quam sunt; non enim laborant illa opera præstare quæ suo, *1. Hex. 6. 9* Ambros. verbis utor, se probent testimonio nec alieno indigeant suffragio, sed satagunt ea quæ tenuiter faciunt, extollere, hominesque in eorundem admirationem varijs artibus quodammodo cogere, eisq; sufficit per exambitam, emendicatam atque etiam extortam existimationem in oculis hominum, & per suffragia eorū, in propria de se opinione creuisse. D. tamen Augustinus istud interpretatur de illis qui magis amant miracula facere, & ea quæ suspiciunt homines, quam quæ placent Deo, Exemplo Simonis Magi, qui plus amavit gratiam miraculorum, quam iustitiam, inquit, Christianorum. A qua vanitate Dominus discipulos avocat, cum illis tãquam rem magnam dicentibus, Domine in nomine tuo etiam demonia subijciuntur nobis, re-

bis, respondit: In hoc nolite gaudere, gaudete autem quia nomina vestra scripta sunt in cælis. Potest etiam intelligi de illis quos Augustinus mirabiliarios vocat, qui de mirabilibus. v.g. oraculis, apparitionibus, ementitiisque miraculis apud credulos sese vera virtute vacui, venditant. Tales enim verè ambulant in mirabilibus super se. Quid autem detrimenti adfert in humilitate se non continuisse?

Aug. trañ.
13. in loã.

3.

Si non humiliter sentiebam. Sentiebam, inquit, non opinabar, nam & Apostolus nos ad humiliter sentiendum hortatur, cùm dicit; Hoc sentite in vobis quod & in Christo Iesu. Quod qui assecutus est, eò profecit ut non sit ei necesse delirescentem, inquit Basilus, in animo, magno labore comprimere superbiam: interno enim animi ac toto sensu humilis est, factus à Christo humilis corde. *Sed exaltiavi animam meam.*

Basil. cōst.
mon. c. 10.

Sicut ablactatus est super matre sua, ita retributio in anima mea. i. Per exaltationem illam animi mei id mihi merito obueniet, quod accidit illi qui præpropere ablactatur; Sicut enim talis ad virile robur non increfcit, ita nec superbus ad ullam soliditatem interioris hominis peruenit, eò quod ab humilitate, quam D. Greg. vocat omnium virtutum matrem, desciverit. Quid autem consolationis præsto erit humilibus?

4.

Gregor. 23
mora. c. 13

Speret Israel in Domino. i. omnis qui ad electorum numerum vult pertinere, speret merito humilitatis à Domino, suo tēpore, exaltari, qui dixit; Omnis qui se humiliat exaltabitur. Atque hac spe tedium perpetuæ suæ humilitatis, quasi cuiusdam ignominie suæ fastidium, à se depellat, *ex hoc nunc & usque in seculum.* Sicut enim in disciplina humilitatis perpetua esse debet Ecclesie exercitatio, ita de spe futuræ exaltationis, ipsa toto huius sæculi decursu suam sibi captare debet consolationem.

5.

PSALMVVS CXXXI.

Canticum graduum.

A Principio, authore Hilario, exponit Psalter labores quos Christus in diebus carnis suæ exultauit, ut ecclesiam fundaret domum Domino. Qui tametsi hoc nomine mysticus sit, iure tamen inter cantica graduum reponitur, Exemplo enim laborum Christi tacite docemur, quibus laboribus nobis nitendum sit, ut nos, atque adeò Ecclesiam nobis commissam in templum Domino ædificemus. Vnde & Cyrillus hunc Psalmum istis ædificantibus pro parte accommodat. Recenset autem Psalter labores Christi Deo Patri, ut mediante hac fidei commemoratione, fructum eorundem pro Ecclesia obtineat, & dicit:

Cyrril. in e.
30. Isaia.

Memento Domine David. i. Christi ex semine David. *Et omnis mansuetudinis eius.* quam ab omni ira tudio & morositate alienus exhibuit, tum

1.

Xxx iij in per-

in perferendis absque tædio & querela laboribus, tum in excipiendis & sustinendis aduersis, ita vt in omnibus his non fuerit tristis, neque turbulentus, nec audita sit vox eius in plateis. Virtus autem mansuetudinis sustinendis laboribus necessaria est. Fit enim, ait August. vt dum homo in subleuandis aliorum necessitatibus parum proficit, surrepat eidem tædium & suffectur operandi, opusque ceptum prosequendi, hilaritas quam diligit Deus. Imò & surrepit ira, quia facile indignamur ijs quæ laboris successum remouant vel auertunt; Vnde Augustinus definit iram esse turbulentum animi motum remouendi ea quæ facilitatem impediunt actionis; Nam subinde, inquit, & pennæ indignamur cum scribentibus difficulter atramentum reddit. Memento ergò omnis mansuetudinis eius quam exercuit;

August. de
perf. iust.

August. epist.
113.

2. *Sicut iurauit Domino votum vouit Deo Iacob.* i. prout requirebat votum eius quo se Ecclesiam fundaturum Deo deuouerat atque iureiurando confirmauerat. Vt enim Dei obsequium requirit deuotionem in suscipiendo, ita & in exequendo alacritatem ac animi suauitatem. Interim obseruandum est quod quandoquidem non legamus Christum vouisse aut iurasse, votum hoc ac iuramentum designare tantum deferendi obsequij summam deuotionem; ac tam constantem, atque astrictam, quam est constans atque astrictum propositum eius qui voto se astringit illudque iuramento confirmat, Vt notauit Hilarius. Id autem quod Christus vouit, vel mente deuota facere proposuit, hoc est;

3. *Si introiero in tabernaculum domus meæ.* i. si ipse propriam domum & mansionem habuero, & non potius tanquam peregrinus & viator de ciuitate in ciuitatem, loco in locum Euangelij prædicandi gratia transiens, alieno semper vsus fuero hospitio. In cuius rei testimonium in hæc verba Hieron. 14. Christum compellat Ieremias: Expectatio Israel saluator eius, quare quasi colonus (legunt alij aduena) futurus es in terra, & quasi viator declinans ad manendum? Quare futurus es quasi vir vagus? *si ascendero in lectum strati mei.* Erat enim Dominus, ait Lucas, diebus docens in templo, noctibus vero exiens morabatur in monte Oliueti.

4. *Si dederò somnum oculis meis.* Erat enim pernoctans in oratione Dei, & palpebris meis dormitationem. Orationem enim in qua pernoctabat nequidem dormitatio modica obnubilauit, aut ad modicum tempus interrupit: Implebat enim quod dicit Apostolus, Orationi instate vigilantes in ea.

5. *Et requiem temporibus meis.* Non enim habebat filius hominis ubi caput suum, cuius pars sunt tempora, reclinaret, sed semper intentus erat operi & labori. Qua de re Ambr. Perfectus non dormitat qui diuinis animum intendit mysterijs, sed vigilat semper, & si caro dormit, cor vigilat. Non ergo dormiebat, qui templum Domino condere cogitabat verborum celestium

Ambr. ser 4
in psal 118
versu 4.

Atum ex ædificatione non lapidum. Verbum enim Dei repulforium tædio-
rum est, quo somnus animæ, sopor mentis excluditur. Ex tristitia enim &
solicitudine sæcularium somnus irrepit, qui autem voluptatem capit cogni-
tionis æternæ, nullam illic mutationem rerum pertimescit. Recte ergo Hi-
larius hæc de Christo principaliter prædicta esse intelligit, tantis enim la-
boribus natura humana per diuinum suppositum non confortata, non suf-
ficit. Quocirca etiam Dominus dicenti sibi; Sequar te quocunque ieris. i.
imitabor te in omnibus laboribus tuis, respondit, Vulpes foueas habet, &c.
Nunquid enim, inquit Ambr. fragilitas humana poterit Dominum in omni-
bus imitari? Stulta magis est eiusmodi præsumptio quam religiosa confes-
sio. Vtitur autem Psalter ad explicanda vota Christi propositionibus con-
ditionalibus imperfectis, ijs enim vis iuramenti aut propositi Christi effica-
cissimè exprimitur. Sicut & in Psal. 94. efficacissime exprimitur vis diuini
iuramenti cum dicitur; Si introibunt in requiem meam. Sed quamdiu Do-
mine in his laboribus perseuerabis? *Donec inueniam locum Domino taber-
naculum Deo Jacob.* i. donec quæsitam diu ouem perditam inuenero, & in
domum ac templum Dei aptauero; Vel, donec Ecclesiam fundauero, eam-
que sic omnibus ad salutem instruxero necessarijs, vt habeat omnia quæ ad
templum Dei extruendum, emundandum, confirmandum, perficiendumque;
perpetuò necessaria erunt. Porro facta mentione domus Domini, voluit
Psaltes domus huius, & præsertim, quatenus in gentibus erat ædificanda,
auspicia exponere, ac proinde in persona trium Magorum, in quibus per
agnitionem Christi tanquam gentium primitijs statim à nato Christo fun-
data est domus Domini, loquitur in hunc modum.

Ecce audiui eum (*Eum* enim legendum esse non *eam* idè; Christum
denotare, asserit D. Hier.) *in Ephrata.* i. Audiui Hierosolymis quod
rex Iudæorum nasciturus esset in Bethlechem, quæ est terra Ephrata, Et eò
properantes, *inuenimus eum in campis siluæ.* i. in spelunca quæ extra urbem
sita erat in campo & loco siluoso.

*Introibimus in tabernaculum eius, adorabimus in loco, ubi steterunt pe-
des eius.* Idem est quod Matthæus dicit, intrantes domum & procidentes
adorauerunt eum. Quem tamen versiculum Paula, teste Hieron. accommo-
dauit ijs qui Hierosolymis, & præsertim in monte Oliueti, in quo Christus
pedum suorum vestigia reliquit, adorant. Interim Hilarius & Augustinus,
qui communem lectionem sequuntur leguntque [*eam*], Hos versus potius
intelligunt de ijs qui Ecclesiæ iam à Christo diu fundatæ, sed ad gentes
translatæ se aggregant, qui sic dicunt, *Audiui eum.* i. domum Domini,
tabernaculum Dei Iacob, siue Ecclesiam Dei viui, *in Ephrata.* In Iudæa e-
nim, cuius pars est Ephrata, prophetæ futuram Ecclesiam multipl. citer
annun-

Ambr. ser.
79.

6.

Hier. in epi
la. Pan. 6.4

7.

annunciauerunt; sed, *inuenimus eam* fundatam in ea fide, doctrina, conuersatione, quæ à prophetis in Ephrata annunciata est, *in campis syluæ*. i. in gentilitate, quæ prius absque pietatis cultu in modum nemoris siluæ scebat: Quâ inuentâ. *Introiimus in tabernaculum eius*. i. Ingrediemur Ecclesiam, quæ est tabernaculum, siue domus Dei Iacob, posita in militia atque peregrinatione, Bene autè prius dicunt, *Audiuius eam in Ephrata*: & postea, *inuenimus eam in campis syluæ*. Gentiles enim, vt docet Augustinus, in Ecclesiæ agnitionem deducendi sunt, facta eorum quæ de Ecclesia prædicantur ac in ea videntur, collatione, cum vaticinijs prophetarum, quæ Ecclesia à Iudæis, apud quos primum audita sunt, accepit. *Adorabimus in loco ubi steterunt pedes eius*. i. in eadem congregatione quam ipse in corpore proprio præsens fundauit, cultum religioni, cuius initium, teste Cyrillo, est adoratio, Domino exhibebimus. His ergo per occasionem interpositis, Psalter ad propositum redit: Et tempus, quo transiitis laboribus Dominus in requiem suam esset ingressurus, sibi ob oculos ponens, eundem per apostrophon alloquitur, dicens:

Aug. li. 13.
cont. Fau.
per totum.

Cyrril. 2. in
Ioan. c. 92.

8. *Surge Domine in requiem tuam*. i. exurge, inquit Greg. à mortuis, & in requiem tuam, laboribus tuis in morte consummatis, per ascensionem tuam ingredere. De qua re Apost. Qui enim, Christus scilicet, ingressus est in requiem eius, etiam ipse requieuit ab operibus suis, sicut Deus à suis. Quis est autem cui dicitur, *Surge Domine*? Id explicatur per hoc quod sequitur, *Tu es arca sanctificationis tuæ*. q. d. Gestio te ad requiem tuam inuitare, qui Dominus es per diuinitatem, & in vnitatem personæ adiunctam tibi habes humanam naturam tanquam arcam sanctificationis tuæ, quæ te habitatore plenissimè & omni ex parte sanctificatur, & sanctificationis nostræ exemplar est & coniunctissimum, proprium ac singulare instrumentum. Itaque, quamuis Christus secundum humanam suam nostram propriè laborauerit, requieuerit, & in requiem suam introierit, dicitur tamen ei secundum diuinitatem, *Surge Domine in requiem tuam*, quia per diuinitatem, hæc omnia in humanitate sua erat operaturus. Imò, ipse Dominus sicut secundum humanam naturam ad inueniendum locum Domino laborauit, ita secundum eandem transactis laboribus in requiem suam introiuit. Domino autem in requiem suam è terris. secundū visibilem suam præsentiam abeunte, quis labores eius quibus tabernaculum Deo Iacob, inuenit atque fundauit, conseruabit, complebit, eaquæ quæ defunt passionibus siue tribulationibus Christi pro corpore eius quod est Ecclesia, adimplebit?

9. *Sacerdotes tui induantur iustitia*. Istud rectius videtur intelligi de sacerdotio propriè dicto. Dicitur enim, *induantur iustitia*, ergo debet intelligi de sacerdotio quod potest subsistere sine iustitia, quale est sacerdotium propriè

proprie dictū, quod, præter ea quæ annexa habet, in potestate consecrandi, offerendi ac distribuendi corpus Christi, principaliter consistit. Sacerdotium verò vulgariter dictū serè non est nisi iustorū; Huic enim sacerdotio competit illud Psaltis, Sacrificate sacrificium iustitiæ, quod sacrificium non sacrificant qui iusti non sunt. Quo circa & Petrus Apostolus regale sacerdotium non tribuit nisi illis de quibus dicit quod sint gens sancta, genus electum, populus acquisitionis, & id genus plura quæ non possunt nisi iustis competere. Dicit itaque Psalter, *Surge Domine in requiem tuam*: &, *Sacerdotes tui induantur iustitia*. q. d. Non est Domine quod tu per arcam sanctificationis tuæ in supradictis laboribus perpetuò verferis. tui enim temporis cursu expleto, *surge in requiem tuam*, tuosque. i. tibi dedicatos atque à te institutos ac consecratos sacerdotes iustitia indue (ille namque, inquit D. Augustinus, verè, id est, prout decet atque expedit, sacerdos est, qui cum sacramento etiam iustitia induitur) & per eos potestate præditos ac iustitia indutos opus tuum ceptum conserva, confirma, prosequere & perfice. Pulchrè proinde Ambr. Adimpleo, inquit Apostolus, ea quæ de sunt tribulationum Christi pro corpore eius, quod est Ecclesia, cuius factus sum minister, Videmus, quid nobis suscipiendum sit, qui ministerium sacerdotale suscepimus, ut non solum pro nobis, sed etiam pro Ecclesia Domini sustinere fortiter passiones corporis debeamus. Hæc Ambr. *Et sancti tui exultent*. i. populus sanctorum, sacerdotum opera sanctificatus, spiritali lætitia exultabit, pro quo orat Ecclesia, Da populis tuis spiritualium gratiam gaudiorum. Porro cum supra dictum sit Ecclesiam Dei in Ephrata quidem auditam, sed in campis siluæ, siue in gentibus inuentam esse, Psalter curam gerens gentis suæ, ne illa omni ex parte salutis quæ est in Christo Iesu expers sit, subiungit orationem, & dicit:

Propter David seruum tuum, verecundiæ ac modestiæ gratia de se loquitur in tertia persona: *Non auertas à gēte Iudaica in vniuersum. faciem*, i. illuminationem eiusque effectum, fidem & agnitionem Christi tui. Quid autem intelligi voluerit per id quod dixit, *Propter David seruum tuum*, explicat per id quod sequitur,

Iurauit Dominus David, sensus enim est, propter iuramentū quod præstitisti David seruo tuo. *Et non frustrabitur eū*, statuit enim id nulla de causa mutare & infallibiliter ad effectū deducere. Et quid illud est? *De fructu ventris tui*. Ventris, inquit, tui, non lumborum tuorum, ut notat Irenæus: Christus enim qui hic absque cōtrouersia promittitur, fructus est, Quomodo autē fructus, inquit Tertul. si non ex vtero germinauerit, si non in vtero radicem egerit? Fructus ergo est, imo & fructus ventris David, non lumborum eius, quia ex virgine Maria de semine David absque semine viri conce-

Yyy ptus &

August. a.
cons. lit. Pe
isl ca. 30.

Ambros. in
Psalm. 37.

10.

11.

Iren. lib 3.
cap. 23
Tert. de car.
Christi c. 21

*Amb. lib. 2
in Lucam.*

*Loco preal
legato.*

*Amb. lib. 3
in Lucam.*

*Hier. in ca.
61. I. aie.*

*Aug. 17. de
Crist. ca. 2.*

ptus & natus est, Generatio enim in foemina procedit ex ventre, in viris ex lumbis. Et quia Spiritus sanctus, inquit Ambrosius, nouit sermonem suum, nec eius vnquam obliuiscitur, ad salutationē Mariæ exclamauit Elisabeth; Benedictus fructus ventris tui, vt sciremus prophetiam hanc non solum rerum veritate, verum etiam, vt præter Ambrosium, notauit Irenæus, verborum proprietate esse completam. De hoc ergo fructu ventris tui *ponam super sedem tuam*, vt regnet in domo Iacob in æternum, & regni eius non sit finis. Cum ergo hoc Dauid seruo tuo promiseris, *non auertas à gente eius faciē Christi tui*, vt illi quorum est adoptio, & legislatio, quorum patres ex quibus Christus est secundum carnem, eius, quod in salutem totius mundi ex eis processit beneficij, sint participes. Notat autem Ambrosius. A Deo plus esse promissum Dauidi quam Abraham, plus enim, inquit, est, promissum accepisse de Christo quam de Ecclesia, quoniam Ecclesia ipsa per Christum, Dauid autem clarè & ex professo accepit promissionem de Christo, cui dictum est, *De fructu ventris tui ponam super sedem tuam*, Abraham verò de Ecclesia, Ei enim dictum est; In semine tuo benedicentur omnes gentes, licet Apostolus etiam Abraham dicat Christum esse promissum; Qui enim dicit, in semine tuo benedicentur omnes gētes, promittit benedictionem omnium gentium, & simul eum in quo benedicendæ sunt omnes gentes: est tamen promissio Dauidi facta potior, quia illa clare & ex professo promittit Christum, Promissio verò Abraham facta promittit eidem Christum, obscurius & velut ex consequenti. Cæterum prædictæ promissioni spectanti ad æternam salutem adiuncta est Dauidi cuiusdam perpetuæ felicitatis temporalis promissio, sed sub conditione: Carnalia enim, ait D. Hieronymus, sunt Iudæis promissa sub conditione, de qua promissione sequitur,

12. *Si custodierint, secundum carnem filij tui testamentum meum, & testimonia mea hæc quæ docebo eos, subaudi, Ego vicissim promitto tibi quod,*

13. *Filij eorum usque in sæculum, sedebunt super sedem tuam*, permanisset enim in posteris Dauid successio Regum, & prosperitatis temporalis perpetuitas, ait Augustinus. si ipsi permansissent in obedientia mandatorum Dei: Sed quādoquidē in testamento Domini conditionato, nō permanserunt;

14. *Elegit Dominus Sion*, id est, relicta Synagoga cum eius promissionibus conditionatis, elegit Dominus Ecclesiam, *elegit*, inquam, *eam in habitationem sibi*. i. vt secundum suum propositum sibi in ea faceret habitaculū & inhabitaret eam, Nunquid autē ad tempus? Non, dicit enim de ea Deus:

15. *Hæc requies mea in sæculum sæculi*. i. hic locus quietis meæ quamdiu durabit hoc sæculum, Quia in te Domine dabis pacem & quietem nobis in Sion sine Ecclesia; Nobis, inquam, in te, quis enim, vt per Prophetam interrogas, locus requiectionis tuæ? *Hic habitabo*, Absolutè ac sine conditione dicit

dicat habitabo, cuius causa est *quoniam elegi eam*, electione ad gratiam secundum Dei propositum, quæ suo effectu per Dei præscientiam, in id magis providentiam fructuari atque frustrari non potest. Quid autem facturus est Deus huic suæ electæ?

Vidua eius, i. quicumque in ea ut viduæ consolationibus præsentis vitæ destituta & propriæ præsumptionis viribus exuta, in Domino sperant & instant orationibus & obsecrationibus die ac nocte; *Benedicens benedicam*, i. benedictionibus replebo, *pauperes eius saturabo panibus*, esurientes implebo bonis. Possunt tamen viduarum nomine illæ viduæ intelligi quas alloquitur Apostolus, cum dicit, Mortificati estis legi per corpus Christi, ut filiis alterius qui resurrexerit à mortuis, Iudæi scilicet, mortua lege effecti Christiani, & pauperum nomine gentiles ad fidem conuersi, quos ut pauperes designat B. Maria in Cantico, dicens; Esurientes impleuit bonis, & diuites dimisit inanes, ut per duos hos populos significetur vulgus hominum, quod in Ecclesia existit: Nisi malueris viduas & pauperes hic ad litteram intelligere, ut his versibus prædicetur, quod faciet Deus, ut Ecclesia viduarum & pauperum singularem curam habeat & providentiam suscipiat. Misericordias enim pauperum & egenorum benedictiones appellari, notum est ex Apostolo dicente; Necessarium existimaui rogare fratres, ut perueniant ad vos & præparent repromissam benedictionem hanc paratam esse, ut benedictionem non tanquam avaritiam.

Sacerdotes eius in unum saluari, i. Christo & ex eo virtute saluandi, & sancti eius, i. privati sanctitate præditi exultatione exultant, sicut scriptum est, Exultate iusti in Domino.

Illuc producam cornu David, i. cornu ex quo unctus est David, & visibilem unctionem atque gratiam Spiritus sancti. *Illuc*, i. usque ad Ecclesiam producam, ut usque ad Ecclesie tempora unctio illa visibilis & invisibilis non omnino desinat in Synagoga. Huius rei ratio est, quia per unctionem visibilem & spiritalem quæ fuit in Synagoga, parui lucernæ Christo meo. Fuit enim illa unctio clara quædam figura atque notio Christi venturi & unctionis invisibilis, quæ ipse ungendus esset, quæque in Ecclesia suo tempore copiose efflunderet. Tertull. tamen hoc intelligit de Ioanne Baptista, quem præparavit Dominus ut præcurreret Christo tanquam lucerna lucis & ardens. Quis de numerum omnium horum finis?

Inimicos eius, i. Christi mei, *in duri confusione sempiterna*: Non enim erunt ex illo populo, de quo scriptum est, Non confundetur populus meus in sempiternum. *Super ipsam aurem in suo corpore quod tunc solis constabit electis, efflorescit sanctificatio mea*: Sanctificatio enim quæ sancti in hac vita in oculis Dei sancti fuerunt, sed in abscondito: Vita enim vestra, inquit

Yyy ij Aposto-

16.

17.

18.

Tert. adver.
Iudæos c. 9
& Aug. in
Iunc lectu.

19.

Apostolus, abscondita est cum Christo in Deo, nōdum enim apparuit quid erimus; Hæc ergo *sanctificatio* in futuræ vitæ exordio *efflorebit*, quia ex se quasi ex quadam radice, in gloriam, speciem, atque decorem sibi debitum erumpet: Cū enim Christus, ait Apostolus, apparuerit vita vestra, tum & vos simul cum ipso apparebitis in gloria; & Isaias; In illa die erit germen Domini in magnificentia & gloria, & fructus terræ sublimis.

PSALMVS CXXXII.

Canticum graduum.

Aug. in hūc
locum.
Basil. const.
mon. c. 19

I Ametsi præsens Psalmus à D. August. Basilio, alijsque referatur ad eos qui secundum normam Apostolicæ institutionis communem vitam agunt in monasterijs, propriè tamen canit bonum & prouentum Ecclesiasticæ unitatis atque compagis; eo quod vnguentum à capite Aaron per barbam eius in oram vestimenti descendens, vnctionem quæ in Ecclesiasticam unitatem effunditur, principaliter significauerit, sicut & descensus roris Hermon in montem Sion, principaliter significat Spiritus sancti irriguum in Ecclesiam translatum: quamquam diffiteri nolim, figuras has, etiam monasterijs, vt Ecclesijs quibusdam particularibus non inconuenienter aptari. Qui inter cantica graduum iure reponitur, magnum enim gradum conscendit atque adeo in magno virtutis profectu versatur, quicumque compagi Ecclesiasticæ omni ex parte conuenienter adhæserit: Sicut & is qui in monasterio vnanimiter viuit. Quidam tamen per abusum sacrilegum solent hoc Psalmo in symposijs, conuiuantium, vt arbitrantur, bonum decantare & celebrare, vertentes sibi canticum graduum siue ascensionum in canticum descensionum: Quod Tertull. suo tempore Catholicis tanquam Psychicis siue carnalibus non sine amarulentia impropertauit in hæc verba. Psalmum, ait, Ecce quam bonum & quam iucundum habitare fratres in vnum, tu psallere non facile probas, (videbat enim vnanimitatem in Ecclesia esse inueniri difficilem) nisi quando cum pluribus cœnas. Psaltes verò excitans nos vt admiremur præstantiam, vtilitatem, imo & necessitatem prædictæ vnanimitatis, orditur Psalmum in hæc verba.

Tert. de ci.
u. Psych.
cap. 13.

1. *Ecce quam bonum.* i. quam præclarum & quam multorū ferax bonorum, & *quam iucundum.* i. amœnum & delectabile, *habitare fratres.* i. omnes eos qui patre Deo & matre Ecclesia se gaudere profitentur, quiq; de vno, vt inquit Tertull. ignorantia vtero in lucem veritatis pariter expauerunt, in vnum, eosve per aptam & conuenientem in inuicem compagem, vnā Dei donum efficere. Id, inquam, bonum est,

Art. apolo.
cap. 39.

2. *Sicut vnguentum,* quo in die consecrationis suæ vnctus est Aaron *in capite, quod descendit in barbā, barbā Aaron.*

Quod

Quod descendit in oram vestimenti eius: Digitus enim Aaron vngentis, vnctionem à capite ceptam, in barbam, & inde per intermedia coherencia, vnico limite in oram vestimenti eius. v.g. tunicae hyacinthinae, vel, vt alij putant, superhumeralis, deduxit atque protraxit. Itaque *habitare fratres in vnum*, bonum est sicut vnguentum hoc, siue vnctio hæc, quia ad instar eius per Spiritum sanctum qui digitus Dei dicitur, spiritualis vnctio quæ in Christum caput nostrum effusa est, ob coherentiam, primum in eos qui ratione fortitudinis, vt August. videtur, vel ratione loci atque sublimitatis Christo capiti proximi sunt, barbae rationem habet; Deinde per hos in alios eis coherentes vsque ad infimos quosque & contemptibiles, si qui sint in Ecclesia, ratione continuata rum eiusdem corporis partium, deducitur ac deriuatur. Hac proinde similitudine id insinuatur quod clarius dixit Apostolus: Ecclesie corpus totum ex Christo compactum & connexum, per omnem iuncturam subministrationis secundum operationem in mensuram vniuscuiusque membri augmentum corporis facere in ædificationem sui in charitate. In quibus verbis ante omnia obseruandum est quod dicit Apost. Ecclesie corpus ex Christo compactum esse atque connexum: Ex his enim verbis colligimus Ecclesiam non nisi fidelibus, vel hominibus veram fidem habentibus constare posse; Illis enim qui fidem Christianam atque catholicam foris solummodo ostentant, præ se ferunt ac profitentur, potest quidem esse conuentio, connexio, aut potius species vel similitudo cum fidelibus eandem professionem ex animo proferentibus; quænam autem potest eis esse conuentio, connexio aut vnio cum Christo; cum Christi ne quidem fidem habeant, pacem, aut vllam internam participationem? Hoc ergo corpus ex Christo compactum atque connexum, per omnem iuncturam subministrationis ædificationem sui facit in charitate: Si sic, ergo est illi inprimis necessarium, vt singula membra, commembris suis per quæ subministratio charitatis habet prouenire, conuenienti nexu atque iunctura, quadrent, hæreant atque iungantur. Sicut enim teste August. Non parua scientiæ pars est scienti coniungi, sicut scriptum est; Sientiæ presbyterorum ex corde coniungere vt omnem narrationem Dei possis audire, ita non parua ad accipiendam celestem vnctionem siue charitatem dispositio est, per amorem fraternitatis vna cum disciplinati animi docilitate eis agglutinari, quorum administratione, exemplo, vel opere ad charitatem inflammari habeas & accendi. Si enim quispiam ab eo qui verbo charitatem inflammare parat, fuerit alienus vel ei non satis deditus aut deuotus: Si eius qui exemplariter viuit, bonis mordeatur moribus: Si officijs humanitatis eius, qui, prouocandæ beneuolentiæ gratiâ, inimico suo potum exhibet & cibum, aspernando vel auersando oblectetur, nullum ex his omnibus charitatis incre-

3-

August. 2.
cont. lit. Pe
sil. ca. 104.

Ephes. 4.

Aug. in Ps.
36. rom. 2.

Yyy iij mentum

mentum percipiet, quia conuenienti destituitur iunctura subministratiōis, siue, quia conuenienter aptatus vel affectus non est eis per quos incrementum charitatis subministratur. Itaque *habitare fratres in unum*, siue fratres fratribus conuenienti glutino coherere, & debito affectu adaptari, est bonum sicut vnguentum in capite quod descendit in barbam barbam Aaron, quod descendit in oram vestimenti eius, quia per conuenientem connexionem atque coherentiam quorumvis, ac cuiusvis ordinis, membrorum Ecclesiae, in omnia eius membra descendit, producit ac derivatur vinctio caelestis. Caterum, non solum bonum, sed etiam necessarium est *habitare fratres in unum*. Id enim est, *Sicut ros Hermon qui descendit in montem Sion*. Quæris ob quid?

4. Quoniam illic, i. in Ecclesiae unitate *mandauit*, i. destinauit siue disposuit, Dominus *benedictionem & vitam usque in seculum*, ita ut extra Ecclesie unitatem nulla salutifera Dei benedictio aut vita ioueri queat vel obtineri. Verè proinde Ecclesiastica unitas, comparatur *et in Hermon qui descendit in montem Sion*: Hermon enim fertilitatem Iudaicæ gentis significat, quam gens illa per rorem, i. irriguum Spiritus sancti in vellus Gedeonis descendentem ante Christi tempora acceperat, Mons Sion verò, more in scripturis vsitato significat Ecclesiam. Comparatur ergo Ecclesiastica unitas irriguo Spiritus sancti, quod ab Hermon siue Iudæa, descendit in montem Sion siue Ecclesiam, ut significetur solam Ecclesie unitatem Spiritus sancti imbrem posse accipere, quandoquidem imber ille qui prius in Iudæam descendit, ob schisma diuisionemque quam ipsa fecit à Christo capite, ad solam & unicam Ecclesiam ex Christo compactam & connexam translatus sit. Nunquid non ergo bonum & iucundum habitare fratres in unum, imo nunquid non in primis necessarium, cum non nisi in hac unitate obtineatur Dei benedictio, eaque nisi mediante hac unitate per singula corporis membra non producat, & benedictio omnium redundet in bonum & gaudium singulorum? sicut scriptum est; Si gaudet vnum membrum, congaudent reliqua membra.

PSALMVS CXXXIII.

Canticum graduum.

Hic Psalmus inter cantica graduum postremus est. Exhortatur proinde eos qui per gradus hætenus descriptos progressi sunt ad gratiarum actionem, & dicit:

1. *Ecce nunc*, transcens scilicet, hætenus explicatis gradibus; in gratiarum actione, *benedicite Dominum omnes serui Domini*, vos, inquam,
2. *Qui statis in domo Domini*, i. qui in Ecclesia, priora transgressi, ad aliquem

quem stabilem iustitiæ gradum peruenistis, & in eo perseveranter consistitis: Itatis insuper, ad iusticiam, quam proficiendo acquisivistis, per bona opera strenuè exercendam expediti: In qua autem domo Domini? *Inatryjs domus Dei nostræ*. i. in Ecclesia huius temporis quæ domus Domini prior mansio est. Hæc enim Psalmi pars, priori, explicationis, aut faciendæ determinationis causa, subiicitur, ne aliqui quis per prænominatam domum Domini, domum Domini æternam & æulis intelligeret, arbitratus hoc canticum catholicæ ad benedicendum Domino provocari.

In noctibus extollite manus vestras in sancta, & benedicite Domino. In noctibus, inquit, ut enim ad orandum, ita ad benedicendum Domino somnus interrompendus aut abrumpendus est, & orantium ritu manus extollendæ: unde in hymno dicitur, *Mentes manusque tollimus*, Propheta sicut noctibus nobis gerendum præcipit, Paulusque gestis censuit: Media enim nocte Paulus & Silas, inquit liber Actorum, laudabant Dominum. Benedicenti autem Domino, vicissim,

Benedicat tibi Dominus ex Sion. i. è celesti specula, è qua spectat opus tuum atque laudis sacrificium. Ille, inquam, Dominus, *Qui fecit cælum & terram*. Hoc subinde in scripturis inculcatur, ne alius benedictionum super substantialium, ut in simili observavit Irenæus, alius substantiarum, siue totius naturæ creatæ factor & author crederetur.

PSALMVS CXXXIII.

Alleluia.

Vperiore Psalmo servis Domini dictum est. *Benedicite Domino*: Presenti proinde Psalmo, sicut & proximè sequenti, exhibet Psalmus materiam siue formulam de qua id ipsum præstetur, sed diuersimodè, Cum enim benedicamus Domino, ipsum, eiusque opera apud homines laudando atque prædicando, vel, illius cum gratiarum actione benedicendo, sicut Psalmo 136. dictum est, *Confiteantur Domino misericordie eius & mirabilia eius filijs hominum*; hoc Psalmo suppeditatur nobis formula confitendi mirabilia Dei filijs hominum, sequenti verò confitendi eadem Domino eorundem autori.

Laudate nomen Domini. i. audito Dei nomine, Deum ipsum cuius nomen auditis, prædicare & commendare; in quem sensum Psal. 112. exposuimus quod ibidem dicitur, *Sit nomen Domini benedictum*. Vel potius, *Laudate Deum propter nomen eius*, quod scilicet, nomine, humanitatem & in homines benevolentiam significante, semetipsum nuncupari, talique nomine ut hominum conversionem ad se prouocaret, se ipsam insinuare dignatus sit. Eiusmodi nomina sunt, *Ego sum Deus Abraham, Deus Isaac, & Deus Iacob*,

Iacob. Et, Deus noster Deus saluos faciendi. Et, Vocabis nomen eius Iesum, & similia. *Laudate serui Dominum*, vt quæadmodum supra omne nomen sanctum suum magnificus atque laudabilis est, ita supra omne nomen sanctum suum, siue, supra quam potestis, eum laudabilem esse prædicetis, vt subinde ex Ecclesiastico diximus. Vos, inquam, ô serui Domini,

2. *Qui statis in domo Domini, in atrijs domus Dei nostri.* Vobis enim, quos superiore Psalmo exhortabar benedicere Domino, presenti Psalmo materiam aut formulam id præstandi exhibeo, Itaque,

3. *Laudate. i. inter homines prædicate Dominum, quia bonus Dominus.* Dicit, *quia bonus Dominus*, sicut enim Deus propter suam bonitatem præcipuè amâdus, ita & propter eandem principaliter laudandus est, Si enim homo Deum principaliter laudaret propter beneficia ab ipso accepta, laus eius foret mercenaria, & non, vt hominem liberum decet, ingenua, *Ps. Ille nomini eius quoniam suauis est.* Nomen enim eius, de quo hic agitur, significat, quoniam vobis bonus est: cuius significationis quædam nomina paulo antè recitauimus. Et meritò Deus habet nomē significans quod nobis bonus sit,

4. *Quoniam Iacob*, eosque qui sub eo comprehenduntur, quiq; ad eius sortem pertinent; electione gratiæ secundum propositum saluandi, *elegit sibi Dominus, Israel*, qui & Iacob, *in possessionem sibi*, vt præ reliquis eum hic in fide & charitate, postmodum in sempiterna beatitudine, sibi, siue ad gloriam suam, possideret. Porro, quandoquidem electio gratiæ ad præstandum electis selecta quædam beneficia ordinatur, pertinebat ad Psalter corundem beneficiorum quædam huc in medium adferre, cumq; Psalter ad id se accingeret, vidit in illis Deum non solum bonum, verum etiam potentem & magnum esse: subiungit proinde:

5. *Quia ego cognoui quod magnus est Dominus, & Deus noster præ omnibus Dijs*, falsis scilicet, Id enim Psalter hic ex proposito conatur ostendere Quæris in quo?

6. *Omnia quæcunque voluit Dominus fecit in caelo & in terra, in mari & in omnibus abyssis.* Magnus ergo Dominus præ omnibus Dijs, Nemo enim falsorum deorum, omnia quæ vult præstare potest & exhibere; Imò non possunt Dij falsi, vel qui pro dijs sese venditant, ea quæ exhibere permittuntur, quantumcunque allaborent, in illa integritate exhibere qua maximè vellent. Quocirca in argumentum falsæ diuinitatis eorum dicit Isaias; Annunciate quæ ventura sunt nobis & sciemus quia Dij estis vos, benè quoque & malè si potestis facite. Quod cum Dij falsi pro voluntate sua ac voto non possunt, verè Deus noster Deus magnus præ omnibus Dijs, ei enim subest cum voluerit posse, nec eius voluntati, nisi id occultiore quadam voluntate ipse permiserit, quispiam potest resistere, quia scriptum est, Vo-
luntati

luntati eius quis resistit? Est etiam Deus noster magnus præ omnibus Dijs, quia, *omnia quaecunque voluit fecit*, Voluit inquam, non enim sui gratia quasi ipse alicuius indigus aliquid eorum fecit, sed nec naturali necessitate, imo nec aliquid eorum quæ vnquam facere voluit, diuino operi suum effectum negauit. Horum autem quæ Deus in cælo & in terra fecit, quædam facit per causas naturales secundum consuetum ordinem naturæ, de quibus sequitur:

Educens nubes ab extremo terræ, fulgura in pluuiam fecit,

Qui producit ventos de thesauris suis: Alia verò fecit mirabiliter vel etiã supra consuetam vim & ordinem naturæ, de quibus sequitur, *Qui percussit primogenita Ægypti ab homine usque ad pecus.*

Et misit signa & prodigia in medio tui Ægypte, in Pharaonem & in omnes seruos eius.

Qui percussit gentes multas, & occidit Reges fortes,

Seon Regē Amorrhæorū & Og Regem Basan, & omnia regna Chanæ.

Et dedit terram eorum hereditatem, hereditatem Israel populo suo.

Quæ omnia à Deo partim mirabiliter, partim miraculosè supra virtutem creatæ naturæ exhibita sunt & perfectæ, sic tamen vt tam illa, quàm priora quæ Deus per causas naturales atque ordinarias produxit, etiam per allegoriã sint gesta, vt in illis etiam res significata magna laude digna habeatur & passim prædicetur. Cùm enim Deus de extremis terræ prædicatores suscitaret, eosque ad convertendas gentes longè distitas traducit, v. g. cum nostro sæculo è finibus Lusitanie in Indiam usque & Iaponiam Euangelij præcones transuexit, tum *educit nubes*: (nubes enim in scripturis sacris passim Euangelij præcones significant) *ab extremis terræ*. Cùm prædicationi Euangelij adiungit miracula, vt adhibitis miraculis prædicatio fiat pluuia voluntaria, hominum voluntates in bonum commutans, tum *facit fulgura in pluuiam*. Cùm de altitudine diuitiarum sapientiæ & scientiæ suæ ubi vult spirat, & quæ vult, ex improviso aspirat vel inspirat, tum *producit ventos de thesauris suis*. Cùm in correctionem vel castigationem peccatorum, amantissima quæque, & quæ siue ex hominibus, siue ex brutis in præcipuis delicijs habentur, hominibus adimit, tum *percussit primogenita Ægypti ab homine usque ad pecus*. Cùm in conspectu principum, aulicorum ac totius sæculi conuersari facit homines sine quærela & bonæ adificationis, qui reliquis, vt in Psalmum 84. diximus, signum sint in bonum, vel tales, qui, vt in Psalmum 70. exposuimus, prodigium efficiuntur multis, tum *misit signa & prodigia in medio tui Ægypte, in Pharaonem & in omnes seruos eius*, quæ eis cedant vel in bonum, vel certè sint in testimonium. Quod enim quidam per primogenita Ægypti fidem intelligant, minus arridet, tum quia

Z z z fides

fides non est genitura sæculi, tum quia Dominus non aufert alicui fidem percutiendo seu malum inferendo, (dicitur autem hic percussisse primogenita Ægypti) sed permittendo, fidem proinde ipsa Ægyptus aufert sibi. Cùm, vt dicit Iob, multiplicat gentes & vna cum regibus earum perdit eas, atque de superficie terræ gladio, fame, & peste delet, *tum percutit gentes multas & occidit reges fortes*. Cùm Reges impios studio infidelitatis, aut carnis, siue sæculi, transitum filiorum Dei è sæculo ad terram promissionis, terramque viuentium, intercludere contententes, siue conuertendo, siue puniendo, in nihilum redigit, vt non possint manus eorū implere quod ceperant, tum *percutit Seon regem Amorrhæorum & Og regem Basan*. Cum omnia regna terræ gladio oris sui percutit, vt extincta infidelitate eadem regna à fidelibus inhabitentur & possideantur, tunc *percutit omnia regna Chanaan*, & dat illa, *hæreditatem Israel* fideli populo suo. In his ergo operibus secundum suauē nomen suum nobis bonus & magnus est Dominus. Sed quid?

13. *Domine nomen tuum in æternum*. Est enim tibi etiam nomen quod tuam significat æternitatem, quod nomen Moyse reuelasti, cùm diceres, Ego sum qui sum. *Et memoriale tuum in generatione & generationem*. Nomen enim quod tuam erga homines bonitatem significat, non tam id quod es, quam id quod extra te agis, ob oculos ponit, est proinde *memoriale tuum*, quia facit nos ex operibus tuæ bonitatis, in æternæ tuæ bonitatis quandam memoriam siue rei absentis cognitionem deuenire, in id deseruiens nobis *in generatione & generationem*, Toto enim huius sæculi decursu, oportet nos in cognitionem siue memoriam tui, per nomina hæc atque huiusmodi deuenire. Dicebat proinde Dominus ad Moysen: Dices filiis Israel, Qui

Exodi 3. est mihi me ad vos: Dixitque iterum Deus ad Moysen, Hæc dices filiis Israel; Dominus Deus patrum vestrorum Deus Abraham, & Deus Isaac, & Deus Iacob mihi me ad vos. Hoc nempe, Qui est, nomen mihi est in æternum, Et hoc, videlicet, Deus Abraham, Deus Isaac, Deus Iacob, memoriale meum in generatione & generationem, quia per decursum huius sæculi, per nomina, opera Dei circa homines significantia, à generatione & generationem oportet nos in memoriam, siue absentis Dei cognitionem, deduci & deuenire. Cæterū, cùm paulò antè dictum sit, quod *Iacob elegerit sibi Dominus & Israel in possessionem sibi*, quodque *omnia quæcunque voluit fecerit in cælo & in terra*, quod denique, *percussis regibus Ægypti, Amorrhæorum, Basan & Chanaan, tradiderit regna Chanaan populo suo Israel*, Nunquid calamitatem hanc pro mera sua, siue antecedente, vt loquimur, voluntate, Dominus dictis gentibus earumque regibus intulit & inflixit? Absit,

Quia iu-

Qui indicabit Dominus populum suum. Hæc ergo mala omnibus illis inflixit iusto retributionis iudicio, ac pro eorum meritis, nam & ipsi ratione creationis populus Dei sunt, & ob id unusquisque sibi certò persuasum habere debet, Deum in opus suum nihil seuerius statuere vel exercere velle, nisi iusto interueniente, imò, ita exigente iudicio. *Et in seruis suis,* qui nò solum naturæ conditione, sed pia obedientia eius serui sunt, *deprecabitur.* Moyses in cantico dicit, *miseretur.* vtrumque autem verum est, & suo ordine impletur, *In seruis enim suis* Deus miseretur, cum misericordia sua eos præuenit & segregat à peccatoribus, impartito eis orationis spiritu & affectu; In eis *deprecatur,* cum ab eis iam à miserationibus Dei præuentis, exoratur, ne cum peccatoribus puniantur, nève ab eis opprimantur, superentur, impediuntur, scandalizenturve. Quin & in seruis suis Deus, vt dixit Machabæorum vnus, consolatur, cum à martyribus exoratus, post tempestatem tranquillum facit, sinemque persecutioni imponit. Sed quid ad Deum verum, cuius virtutem, magnitudinem ac bonitatem audiuius, dij gentium, de quibus paulo ante dictum est, *Ego cognoui quoniam magnus Dominus & Deus noster præ omnibus dijs?* Nihil. Quid ita?

Simulachra gentium argentum & aurum, opera manuum hominum.

Os habent & non loquentur, oculos habent & non videbunt,

Aures habent & non audient, neque enim est spiritus in ore ipsorum.

Cum ergò simulachra, siue dij gentium, ne spiritum quidem vitalem, siue animam sensitiuam habeant, quid illis ad Deum viuentem & videntem? eorum quæ dicta sunt opera perficientem?

Similes illis fiant, mentis stupore, vt in Psal. 113. ex Amb. diximus, *quæ faciunt ea, & omnes qui confidunt in eis.* Quæ membra qua ratione distincta sint, eodem loco explicuimus. His ergo per idolorum cultum in stuporem versis, tu o

Domus Israel benedicite Domino, domus Aaron benedicite Domino.

Domus Levi benedicite Domino, qui timetis Dominum. i. o vos omnes qui ex Israel secundum carnem, vel ex tribu sacerdotali, aut Leuitica: Denique ex omni natione quæ sub arlo est, estis fideles, *Benedicite Domino,* Memores quod cum essetis gentes, ad muta simulachra prout ducebamini euntes, nunc autem eius gratia conuersi estis à simulachris vestris seruire Deo viuo & vero, & expectare filium eius Iesum, qui eripuit nos ab ira ventura. His autem omnibus, Psalter suo nomine gratiarum actionem adiungens, dicit:

Benedictus Dominus ex Sion. i. Ex huius vitæ specula, qua eius gloriam à longe speculamur; Ille, inquam, Dominus, *qui habitat in Hierusalem,* Ibi enim domus eius est æterna & beata.

Zzz ij

PSAL-



Continet præsens Psalmus exhortationem vt confiteamur Domino omnia opera & misericordias eius.

1.
Bern. tract.
de dili. deo

Confitemini Domino quoniam bonus. Qui magis, aut certè solùm suum diligit bonum, conuincitur, inquit Bernardus, non castè diligere bonum, quod vtique propter se diligit, non propter ipsum. Et hic talis non potest obedire Prophetæ, qui ait, Confitemini Domino quoniam bonus. Confitetur quidem quia fortasse bonus est sibi, non autem quoniam bonus est in se. Quapropter nouerit in se dirigi illud eiusdem Prophetæ improprium, Confitebitur tibi cum benefeceris ei. Est qui confitetur Domino quoniam potens est; Et est qui confitetur quoniam sibi bonus est. Est item qui confitetur quoniam simpliciter bonus est. Primus, seruus est, & timet sibi; Secundus, mercenarius est, & cupit sibi; Tertius, filius est & desert patri. Hec Bernardus. Ex cuius verbis satis manifestè apparet existimasse Bernardum quod Psalter nos hic adhortetur, vt tanquam ingenui filij confiteamur Domino quoniam simpliciter bonus est. *Quoniam in æternum misericordia eius.* q. d. confitemini Domino quoniam bonus, merito enim huius confessionis deducet vos eius misericordia in æternam beatitudinem, vt exponit August. Videtur tamen propositum authoris hunc potius sensum requirere. *Confitemini Domino quoniam*, siue eo quod, aut super eo quod *in æternum* est *misericordia eius*, ita vt sicut oportet nos confiteri Domino quoniam simpliciter bonus est, ita etiam oporteat nos eidem confiteri, *quoniam in æternum*, siue, quod ab æterno & vsque in æternum, vt habet Psal. 102. misericordia cum ipso est. Adhortatur namq; nos Psalter vt confiteamur Domino, quod de sua bonitate siue misericordia omnia propter semetipsum, suamque ipsius bonitatem, nullo creaturæ merito præuentus, operatus sit Dominus, Et similiter, quod omnia ad æternam beatitudinem adipiscendam suo modo disposuerit ordinaueritque, monetque nos vt in omnibus quæ ab æterna sua misericordia in æternum siue in æternam beatitudinem acquirendam fecit Dominus, casta confessione prius ipsam Dei misericordiam prædicemus & bonitatem, quàm nostrum commodum nostramque utilitatem.

2. *Confitemini Deo deorum, quoniam in æternum misericordia eius.* Ab æterno enim, suam, qua eos Deos faceret (scriptum enim & à nobis suo loco explicatum est: Ego dixi, Dij estis & filij excelsi omnes) misericordiam eis prædestinavit, eosque eadem misericordia operante in æterna beatitudine magnificare disposuit.

Confi-

Confitemini Domino dominorum: Ut enim misericordia Domini ab æterno & vsque in æternum super eos quos participatione sanctitatis eius diximus esse Deos, ita eadem misericordia super eos qui participatione potestatis eius Domini sunt, & publica potestate siue dominio pollent. Quocirca & ob hos cōfiteri oportet Domino, Quoniam in æternum misericordia eius.

Qui facit mirabilia magna solus, quoniam in æternum misericordia eius. Ex misericordia namque eius, quæ est ab æterno & vsque in æternum, quædam mirabilia magna solus in medium produxit. Quædam, inquam, quia mirabilis Deus in sanctis suis, per hos signa & prodigia varia subinde in populo fecit, & ob id non est dicendus quæuis mirabilia magna solus fecisse: Exponit proinde Psaltes quænam illa mirabilia sint quæ Deus solus fecit, & dicit:

Qui fecit cælos in intellectu, siue in sapientia sua, Sapientia enim intellectus & prudentia, in Deo idem sunt. Quod autem hic de cælis expressè dicitur, id de Dei operibus, quæ post enumeranda sunt & recensenda, pariter intelligendum est; Nam & reliqua opera sua Deus in suo intellectu siue sapientia fecit, cui dicitur, Omnia in sapientia fecisti. *Quoniam in æternum misericordia eius.* Hoc eundem hic & in sequentibus habet sensum, & proinde superfluum est nos idem hic iteratò exponere, psallentibus autem non est superuacaneum idem per singulos versus repetendo inculcare.

Qui firmavit terram super aquas, i. firmam, stabilem, atque immobilem fecit terram, medijs tametsi aquis innatantem. *Quoniam.* Per duos itaque hos versiculos expressit Psaltes ea mirabilia magna quæ fecit Deus solus, siue opera, ut interpretatur Tertullianus, angelorum, aut cuiuscunque creature. Ad quem modum etiam per Isaiam dicit Dominus: Ego sum Dominus faciens omnia, extendens cælos solus, stabiliens terram (quod quid aliud est quàm, firmans, siue *qui firmavit terram?*) & nullus mecum. Faciens, dicit, omnia; sed non addit. solus; Nam quæ per Angelos & homines siue mirabiliter, siue consueto fiunt modo, illa facit Dominus. De cælo verò & terra dicit: Extendens cælos solus, stabiliens terram & nullus mecum; Hæc namque (mirabile) ex nihilo produxit, quod non solum non facere, sed ei operi ne quidem deseruire habet Angelus. Interim, inter ea quæ Deus solus produxit annumerari debent & quæ sequuntur:

Qui fecit luminaria magna, Quoniam. nempe:

Solem in potestatem diei, ut præsit diei, *quoniam.*

Lunam & stellæ in potestatem noctis, ut præsent nocti, eamque illuminent. *quoniam.* Quæ verò sequuntur, mirabilia quidem sunt, sed illa Deus solus operatus non est; Dicitur enim,

Zzz iij

Qui

10. *Qui percussit Aegyptum cum primogenitis eorum, quoniam.* Hoc autem per angelos factum esse Psalmus 77. testatur cum dicit: Misit in eos iram indignationis suae, indignationem & iram & tribulationem, immisiones per angelos malos.

11. *Et eduxit Israel de medio eorum, quoniam.* Hoc etiam per angelum in columna nubis & ignis praecedentem factum esse, ex Exodo innotescit.

12. *In manu potenti & brachio excelso, quoniam.* i. cooperante sibi filio suo, manu, brachio, & virtute Dei Patris. Vel, quia magnam virtutem Deus exercuit in eo quod Israelem ex Aegypto eduxit.

13. *Qui diuisit mare rubrum in diuisiones, quoniam.*

14. *Et eduxit Israel per medium eius, quoniam.*

15. *Et excussit Pharaonem & virtutem eius in mari rubro, quoniam.*

16. *Qui traduxit populum suum per desertum, & feris ac venenatis animantibus eum seruans illatum, manna & aqua de petraeducta eundem nutriendum ac reficiens. Quod diuino beneficio singulariter ascribendum esse Moyses testatur in haec verba: Dominus ductor tuus fuit in solitudine magna atque terribili, in qua erat serpens flatu adurens & scorpio ac dipsas, & nullae omnino aquae: qui eduxit riuos de petra durissima, & cibauit te manna in solitudine quod nescierunt patres tui.*

17. *Qui percussit reges magnos: quoniam.*

18. *Et occidit reges fortes, quoniam.*

19. *Seon regem Amorrhæorum, quoniam.*

20. *Et Og regem Basan, quoniam.*

21. *Et dedit terram eorum hereditatem, quoniam.*

22. *Haereditatem Israel seruo suo, quoniam.* Quae omnia ad litteram claresunt & explicationem aut annotationem, quantum nobis apparet, non requirunt nisi quod sint etiam allegoricè intelligenda in hunc modum. *Fecit caelos in intellectu, & firmavit terram super aquas,* cum fecit quosdam quidam homines spiritu intelligere mysteria; Reliquos verò, qui eo quod per intellectum nihil certi apprehendere valent, ex semetipsis sunt velut paruuli fluctuantes, qui facile circumferantur omni vento doctrinae, fecit veritati non perspectae per piam fidem firmiter atque stabiliter inhaerere. *Fecit solem in potestatem diei,* cum Christum suum constituit ad dexteram suam, ut secundum suam humanitatem sit lucerna ciuitatis Dei, quae in fulgentissima luce caelestis vitae, velut in die versatur; sicut scriptum est, Claritas Dei illuminabit ciuitatē, & lucerna eius est agnus. *Fecit lunam & stellas in potestatem noctis;* cum Ecclesiae catholicae & Doctoribus eius sapientiam dedit & auctoritatem, qua prae luceant in huius saeculi loco caliginoso, donec dies illucescat. *Percutit Aegyptum cum primogenitis eorum;* cum saeculo amantif-

amantissima eius vel in correptionem vel in castigationem aufert. *Educit Israel de medio eorum in manu potenti & brachio excelso*, cum populum Christianū in virtute Christi de medio sæculi conuertit, & sæculum mente & amore facit deserere. *Diuidit mare rubrum in diuisiones, & educit Israel per medium eius; & excutit Pharaonem & virtutem eius in mari rubro*; cum nos ex catechumenis per sacramentum Baptismi in filios Dei transfert, & à baptismo in terram promissionis facit pergere, submersa in baptismo demonum pristina potestate omnibusque peccatis. Quod enim hic dicitur diuissse mare rubrum, ad mysterium nihil aliud importat, quàm quod sicut mare fecit peruium vt transirent per illud Israëlita; ita etiam baptismum peruium fecit, vt per illud transirent catechumeni, sed diuersimodè. Mare quidem rubrum peruium fecit, illud diuidendo, baptismum verò id ipsum virtute regenerandi afficiendo. Sunt quidem aliqui qui Deum baptisma quoque diuissse dicunt, eò quod per baptismum alij transeant ad redemptionem, alij verò, suo tamen vitio, ad damnationem; sed nescio an rectè: Quia diuisio illa non potest ascribi misericordiae Domini ab æterno vsque in æternum, sed hominum iniquitati & terribili iudicio Dei; hic verò tam secundum litteram quàm secundum allegoriam prædicantur illa Dei opera, quæ eius misericordiae ascribuntur. *Traducit populum suum per desertum*; cum populum baptizatum per deserta sæculi inuia & iniqua, præueniendo, adiuuando, dirigendo & protegendo deducit & adducit in montem sanctum suum, & in æterna tabernacula sua. *Percutit reges magnos, & occidit reges fortes, Seon regem Amorrhæorum, & Og regem Basan, & dat terram eorum hæreditatem, hæreditatem Israel seruo suo* i. Christo in suis fidelibus. Quæ omnia eum sensum requirunt, quæ Psalmo superiore dedimus. Cum itaque hæc ita se habeant, Israel secundum carnem, & Israel secundum spiritum, æternam Dei misericordiam suo singuli modo experti, vno ore dicant pariter.

Quia in humilitate nostra, i. in afflictione nostra in qua erat Israel secundum carnem in Agypto. Vel, dum essemus in abiectioe, vt Isaia verbis utar, animæ nostre, in qua erant omnes Christiani priusquam eos Deus in gratiam susciperet, & per spiritum suum exaltaret, *Memor fuit nostri, quoniam*. cogitans circa nos cogitationes pacis.

Et redemit nos de inimicis nostris, quoniam. Istud quidem ad Israel secundum carnem ex Agypto liberatum referri potest, Propriè tamen pertinet ad Christianos; Hi enim cum de manu omnium qui eos oderunt, liberantur, propriè redimuntur; asseruntur siquidem in libertatem mediante pretio sanguinis Christi, cum Israel de Agypto sine pretio, imò potius accepto ab ægyptijs opimo spolio tanquam impensæ seruitutis iusto pretio, liberatus

23.

24.

liberatus sit, Propterea obseruandum est, quod cum in scripturis dicitur Deus populum suum de Ægypto redemisse, id magis ad latens mysterium quàm ad rem gestam referendum sit.

25. *Qui dat escam omni carni, quoniam.* Respiciat enim, inquit, volatilia cæli quoniam neque serunt, neque metunt, neque congregant in horrea, & pater vester cælestis pascit illa; Nónne vos magis pluris estis illis? Dat ergo escam corporalem omni carni, & similiter nouit escam spiritualem omni hominum sorti, palato, & capacitati temperare.
26. *Confitemini Deo cæli;* qui eos qui ad cælum per æternam eius misericordiam deuenerunt, diuinitatis suæ participatione ibidem replet & beatificat. *Quoniam.*
27. *Confitemini Domino dominorum,* qui in cælis regnat super eos, qui ibidem decem ciuitatibus præpositi sunt. *Quoniam in æternum misericordia eius;* & sublimis valde & nimis excellens ibidem apparet maiestas eius.

PSALMVS CXXXVI.

Psalmus Dauid propter Ieremiam.

DEclarat Psalmus, quàm verum sit quod de illis qui in captiuitatem Babylonicam erant translati, dicit Ieremias. Defecit gaudium cordis nostri, versus est in luctum chorus noster. Qui tamen scriptus est ad informationem eorum Christianorum atque Catholicorum, qui in potestatem infidelium redacti sunt, vt ex eo discant, quo affectu in illa sua captiuitate debeant versari.

1. *Super flumina Babylonis illic sedimus.* Habitabant namque filij Israel in Babylone iuxta fluuios illius terræ, & nominatim iuxta fluuium Chobar, nam & Ezechiel dicit se venisse ad transmigrationem, ad eos qui habitabant iuxta flumen Chobar, seque sedisse, vbi illi sedebant, siue sedes habebant: Attamen, sub nomine fluminum latenter deplorant se in illa terra nihil nisi quod ad bona fluxa ac transitoria pertinet, vidisse vel audiuisse. *Et fleuimus.* i. in luctu versati sumus, vel, singulis vicibus lachrymæ obortæ sunt nobis, *dum recordaremur tui Sion.* i. templi Domini, ac religionis quæ solet exerceri in Sion, & simul eorum malorum quæ templo ac religioni auita illata sunt. Hæc autem solere transmigratis frequenter ad memoriam redire testatur Ieremias, cum dicit: Recordata est Ierusalem dierum afflictionis suæ, & præuaricationis omnium desiderabilium, quæ habuerat à diebus antiquis cum caderet populus in manu hostili, & non esset auxiliator. Viderunt eam hostes, & deriserunt Sabbatha eius.
2. *In salicibus in medio eius.* i. in illa vastitate ac in medio hominum illorum infructuosorum atque steriliū, qui vt salices nullū vitæ fructum proferunt,

sciunt, suspendimus organa nostra. i. continuius nos ab omni letitia, & prohibuimus omnia letitiæ irritabula & exercitamenta. Quam tamen verbum D. Gregorius extendit ad prædicatores, qui cum instructuosas, inquit, ac reprobos mentes aspiciunt, vim suæ prædicationis non exhibent, sed potius lugentes silent. Greg 33
moral. c. 6.

Quia. Hæc dictio est quidem apud Hebræos nota coniunctionis, sed non semper coniunctionis causalis, habet enim aliquando vim aduersatiuæ, v. g. Cæcus apud Ioannem dicit, Quia ego sum, & sensus est, Imo ego sum. Ad eundem modum cum hic dicitur, *Quia illic interrogauerunt nos qui captiuos duxerunt nos, verba canticorum,* sensus est, Ipsi nihilominus multis verbis interrogauerunt nos, quibus ad letitiam canticis in populo uti soleamus in terra religionis nostræ siue in Sion. De his namque canticis arbitror eos inquisitionem instituisse, potius quam de Canticis quæ frequentabantur à cantoribus in templo.

Et qui abduxerunt nos, Hymnum cantate nobis de canticis Sion: Insuper enim & exhortati sunt nos, ut eis ad voluptatem (dicunt enim Cantate nobis) quædam de canticis Sion decantaremus. Nos autem id pluribus de causis recusantes, sic apud nosmetipsos in primis dicebamus.

Quomodo. i. qua conuenientia, imò, qua non inconuenientia, cantabimus canticum Domini: Hoc complures permouit ut arbitrentur babilonios voluisse audire Hymnos & Psalmos qui in templo decantari solent; sed absque necessitate, Tam enim religiosus fuit Israel, ut etiam Cantica quæ sibi populus ad letitiam decantabat, non nisi Domini cantica fuerint, & non nisi ad pietatem, religionem, Dei laudem pertinuerint, & gloriam. Canticum enim Deuter. composuit Moyses, & docuit filios Israel, sicut & alia alij, ut loquerentur sibi metipsis, quod & Apostolus Christianos monuit, in hymnis, psalmis & canticis spiritualibus, cantantes & psallentes in cordibus suis Domino. Dicunt ergo transmigrati, *Quomodo cantabimus canticum Domini in terra aliena?* ut ea quæ religiosè conscripta, suisque numeris religio è aptata sunt, prophanis & carnalem solummodo voluptatem captantibus auribus inferamus? præsertim cum scriptum sit, Acetum in nitro, qui cantat carmina cordi pessimo. Facile namque contingeret infidelium impietatem per cantica Domini in blasphemiam aut religionis irrisionem commoueri accèdi ac irritari. Sed est & aliud ob quod multi vno ore recusauimus canere in captiuitate nostra de canticis Sion. Vfus namque & frequentatio cantilenæ exhilarat mentem, eique adducit letitiam, letitia autem præteritorum & adhuc non abolitorum malorum obliuionem.

Si autem oblitus fuero tui Hierusalem, & malorum quæ tibi acciderunt memoriam, à corde meo remouero, imo illa deplorare cessauero, obli-

Aaaa uioni

uioni detur dextera mea, Eueniet enim, vt, Deo permittente, ego simul obliuioni tradam dexteram meam, siue bene operandi virtutem, de qua scriptū est, nesciat sinistra tua quid faciat dextera tua. Qui enim discit mala Hierusalem obliuioni tradere, eaque seposito dolore ac animi afflictione desinit plangere, is etiam facile in animum inducit bona Hierusalem, siue veræ religionis non eo quo oportet loco habere, æstimare ac colere, quo factō, mox cum inuadit dextera sua, suæ salutis operandæ quædam securā obliuio. Quam & illud malum comitatur, de quo sequitur.

7. *Adhæreat lingua mea faucibus meis, si non meminero tui.*

8. *Si non proposuero Hierusalem in principio lætitiæ meæ.* i. nisi me in perpetuo luctu ac tristitia ob religionis exterminium continuero, & nisi principium lætitiæ meæ à Hierusalem, siue eius ac religionis restauratione demum resumero, ita vt ego me ad lætitiā conuertam, priusquam Hierusalem siue Ecclesia Dei è sua captiuitate ac seruitute liberata sit, eueniet mihi vt *adhæreat lingua mea faucibus meis*; Posito enim luctu, ac lætitiā præpropere resumta, necesse erit vt ipsa etiam religio mihi minus cordi, curæque sit, quò vbi deuenero, consequens erit vt adhæreat lingua mea faucibus meis, & quando pro religione orandum, loquendumve erit, quando etiam confitendum, ego magno meo malo, sermonē, ac verbum in tempore salutis otiosus ac securus contineam. Itaque horum malorum declinandorum causa, in salicibus in medio Babylonis suspendimus organa nostra. Proinde etiam tēpore Machabæorum vastato per Antiochum templo, factus est planctus magnus in Israel & in omni loco eorum, Et ingenuerunt principes & seniores, & iuuenes & virgines infirmati sunt, & speciositas mulierum immutata est; Omnis maritus sumsit lamentum, & quæ sedebant in thoro maritali lugebant, & ablata est voluptas à Iacob, & defecit ibi tibia & cythara. Quæ autem illa sunt quæ ob sacrilegia templo & ciuitati sanctæ non sine crudelitate illata, manent sacrilegos?

1. Mach. 1.

Ibid cap 3.

9. *Memor esto.* i. ad vliscendum memor eris *Domine filiorum Edom*, siue, Idumæorum, ob ea quæ fecerunt, *indie* cum exterminaretur *Hierusalem*.

10. *Qui extremo odio exacerbati dicunt* Babylonij Ierosolymam vastantibus, *Exinanite, exinanite vsque ad fundamentum in ea*, ne vllæ in ea nobis nimis inuisæ religionis aut felicitatis reliquæ remaneant vel supersint ruinae. His ergo Dei ultio obuolutura esse prædicitur ob peccati, vt apparet, immanitatem. Nimis enim crudelitatis erat ac impietatis, hostium, quem mitigare oportuisset, furorem ad extrema inferēda instigare, & afflictis accumulare afflictionem. Hanc namque & huiusmodi crudelitatem, diuinam vindictā non euadere superiora testatur, diciturenim Ps. 68. *Quem tu percussisti percuti sunt*, & super dolorē vulnerū meorum addiderūt, appone iniqui-

iniquitatem super iniquitatem eorum, & non intrent in iustitiam tuam. Et 108. Fiant contra Dominum semper & dispereat de terra memoria eorum, pro eo quod non est recordatus facere misericordiam, & persecutus est hominem inopem, mendicum & compunctum corde mortificare. Quam Idumæorum iniquitatem augebat, quod eam, non ut Babylonij, in extraneos, sed in suos fratres exercebant; Dicit namque Abdias, Timebunt sortes tui à meridie ut intreat vir de monte Esau, Propter interfectionem & propter iniquitatem, in fratrem tuum Iacob, in die cum stares aduersus eum quando capiebant alieni exercitum eius, & extranei ingrediebantur portas eius, & super Hierusalem mittebant sortem, tu quoque eras quasi vnus ex eis. Quibus accedit, quod Idumæi Babylonios ad hæc instigauerunt ex odio à maioribus suis deserta Iudaicæ religionis: Esau enim qui & Edom, pater Idumæorum, religionem paternam tantopere execratus fuisse traditur, ut arte diabolica præputium in circumcisione ablatum sibi denuo, ut refert Epiph. adduxerit, vestigiumque factæ circumcisionis de corpore suo deleuerit, quam artem Epiph. tradit ab Esau in posteros dimanasse; Et Apostolum ab eius sacrilego vsu circumcisos dehortari cum dicit, Circumcissus vocatus est, non adducat præputium. Idumæi itaque huius execramenti hæredes, odio Iudaicæ religionis & religiosæ gentis, dixerunt Babylonijs, *Exinanite, exinanite usque ad fundamentum in ea*; Atque ob hanc omnem quam diximus immanitatem, ultio diuina super eos non tam inuocatur quam ventura prædicitur. Quid verò dicas de Babylonijs? aut quid eis ob prædicta cuenturum esse augureris?

Epiph. lib.
de mens.
& pond.

Filia Babylonis misera, beatus qui retribuet tibi retributionem tuam quam retribuisti nobis. Quibus verbis permulti in scripturis sacris literam non satis circumspectè scitantes, arbitrantur prædici talionem quam Iudæi aliquando reddituri essent Babylonijs: Sed illi expositioni non parum obstat, quod hic dicitur: *Beatus qui retribuet tibi retributionem tuam*, Noui quidem ex scripturis sacris quibusdam concessum esse vindictam de hostibus sumere, id enim testatur liber Hester de Iudæis, qui illo tempore fuerunt captiui, testatur & liber Machab. quibus dixerat Matathias, Retribuite retributionem gentibus, sed aliquos à Spiritu sancto eo nomine beatos prædicatos fuisse non memini, præsertim cum in Psal. 57. dixerimus, Iustum cum viderit vindictam latari non debere, nisi quod ipse euaserit: Quodque omnem iustum conspecta quantumuis iusta vindicta malè habere oporteat, quod par eius, ut ex Tertull. ibidem allegauimus, tam crudeliter impendatur. Oportet proinde retributionem hanc & illa quæ ei adiunguntur de tali retributione intelligere, quæ retribuente faciat beatum. Et quæ illa est? Retributio quæ redduntur bona pro malis: Ille enim verè beatus est,

11.

A a a a ij qui ad-

qui aduersario suo id reddit boni, quod ab eo mali acceperat, ipsamque sub qua ad seruitutem captiuus fuerat, captiuitatem, vinculis diuinæ legis atque charitatis constrictā atque captiuam ducit ad perpetuam libertatē: Et quos cū in seruitutem premeretur habebat super caput suū sibi, vt in Psal. 65. diximus, impositos homines, eosdem vicissim suo paterno magisterio suaque disciplinæ pia & voluntaria deuotione reddit subiectos. Hoc enim propriè est reddere talionē in eadem forma, diuerso tamē genere, rerum. Similiter,

12. *Beatus qui tenebit.* Quid? populos tuos, o Babylon, eosque sibi studio fidei ac veræ religionis adhærere faciet. Verè enim beati erunt Iudæorum illi, in quibus è captiuitate redeuntibus implebitur illud Isaïæ, Miserebitur Dominus Iacob, & eliget adhuc de Israel, & requiescere eos faciet super humum suam, Adiungetur advena ad eos, & adhærebunt domui Iacob, & tenebunt eos populi, & adducent eos in locum suum, & possidebit eos domus Israel super terram Domini in seruos & ancillas, & erūt capientes eos [retribus fidei & religionis] qui se ceperant [vinculis hostilitatis] & subiicient, [per deuotionem] exactores suos [qui exercuerant in eos tyrannidem] Vbi quasi ad oculum patet his redditam esse retributionē, quam ipsi Israelitis retribuerant prius. Hæc enim omnia de populi Israel è captiuitate ad terram suam, cum pijs populorū, diabolo per conuersionem detractorū, manubijs, redeuntis, regressu, veraciter, sed sine præiudicio intelligētia posterioris intelligenda sunt. Quod pertinet & illud Zachariæ reditū populi è captiuitate prophetantis. Apprehendent decem homines fimbriam viri Iudæi dicentes, Ibimus vobiscum, Audiuius enim quoniam Deus vobiscum est. Beatus itē, qui *allidet paruulos tuos ad petram*, qui, nimirum, populos infideles societate fidei sic sibi astrictos faciet, vt etiam paruulos suos circūcidendos offerant, exhibeantque eos ad petram, qua frequenter perficiebatur circuncisio, carne atterendos, vt vetus eorū homo simul atteratur ad Christum, qui est petra salutis. Hæc ergo vera est & multum prædicanda beatitudo populi Israëlitici, in quam infelix eorum & dura captiuitas Dei beneficio, qui tum temporis ne gentium quidem salutem procurare per omnia prætermisit, commutata fuit: Quam beatitudinem Ezechias propheta subobscure prospiciens, auditis verbis Isaïæ, Posteris eius Babylonicam captiuitatem prænunciantis, æquo animo respondit, Bonus sermo quem audiui: Existimabat enim, inquit Ambrosius, & in captiuitate meritum posse cminere virtutis. Hanc expositionem confirmat, quod Psalter de retributione Babylonijs præstanda verba facturum populum, ipsum nomine filiæ Babylonis miseræ compellat. *Filia*, inquit, *Babylonis misera*. Si enim ultionem Babyloni inferendam describere voluisset, non appellasset eam miseram, nec eam in ea qualitate considerandam proposuisset, Miseria enim non solet prouo-

Ambrosius de
Ecclesiasticis. v. 12.

prouocare, sed mitigare vindictam. Cum verò miseria miserandam faciat, & irritet misericordiam, profectò, cum appellat Psalter filiam Babylonis miseram, intelligendus est retributionis nomine insinuare quam diximus misericordiam, magna beatitudine retribuētis eidem esse reddendam. Nec sine iudicio Babylonì retribuitur misericordia, filijs verò Edom vindicta; Hi enim crudelitatis ad quam Babylonicos instigabāt, nescientes modum, in Iudæos odio desertæ à suis progenitoribus religionis, exarserunt; Illi verò mala quæ simpliciter inferebant sufficere arbitrati, quæcunque in religionem admiserunt, ignorantes admiserunt in incredulitate, & ob id misericordia fuere minus indigni. Porro, cum dicat Tertull. in scripturis sacris quædam in certis personas propriè dici, quæ illis in quos dicuntur admonitionis, constituent proprietatem, reliquis verò exemplum; existimo Psalmum iam explicatum de Iudæis in captiuitate Babylonica positus propriè intelligendum esse, sed ad exemplum Catholicorum, qui in potestatem hæreticorum deuenere captiui; Vt & hi caueant Cantica Ecclesiastica & sacramenta hæreticis pandere, ne eorum prouocent insaniam; Curent tristitiam de euerfa à suis locis religione non exuere, ne sensim eorum quæ suæ salutis sunt facti incurij, ad confessionem & propugnationem sanæ fidei, ubi & quando non licet, ebmutescant; Optent & satagant Babylonì, matri spiritualium fornicationū, illam vicem reddere, vt ipsam, in populo saltem ac paruulis eius sibi occisam, Catholicæ fidei atque, Christo viuere faciat. Quidam interim veterum Psalmum hunc tropologicè intelligunt, inter quos Ambros. cum refert ad pœnitentes: Quos dicit super flumina Babylonis sedere ac recordatione Sion flere debere, eo quod lapsos in ipso temporum presentium & rerum labentium statu positos, oportet resipiscere & ad pœnitentiam conuerti, idque ex recordatione Sion, siue memores facti vnde exciderint. Nihil enim est, inquit, quod tam summo dolori sit, quam si vnusquisque positis sub captiuitate peccati, recordetur vnde lapsus sit atque vnde deciderit, quodque ad corporea atque terrena, ab illa speciosa ac pulchra diuinæ cognitionis intentione deflexerit. Addit eodem in salicibus debere suspendere organa sua, neque in terra aliena debere cantare canticum Domini, eo quod oporteat lapsos à susceptione sacramentorum superfedere, quamdiu exercere nequeunt opera pœnitentiæ, ne in ipsa pœnitentia fiat, quod postea indigeat pœnitentia. Denique, consentiente Hilario, dicit pœnitentes & quosuis alios, paruulos suos feliciter allidere ad petram, cum infimas & lubricas cogitationes allidunt ad Christum; Cum omnes irrationabiles motus sui reuerentia & disceptatione comminuunt, vt si adulterino amore raptentur, excludant ignem copulamque meretricis, & se, studio suo, abdicent, vt Christum acquirant.

*Tert. de pra-
scri aduer.
ba. s. 8. et 9*

*Ambros. 1. de
peni. c. vii.*

Aa aa iij

PSAL-

PSALMVS CXXXVII.

Ipsi David.

1. **C**onfitebor tibi gratias agendo Domine Deus meus in toto corde meo, quoniam audisti verba oris mei. i. exaudisti orationem meam qua dicebam, Verba mea auribus percipe Domine

2. *In conspectu angelorum psallam tibi:* Angeli enim intersunt psallentibus seu laudes Dei decantantibus, inquit Bern. eorumque devotionem observant, sed psallentium irreligiositate offensi, extra eorum chorum indignabundi sese interdum recipiunt. Cuius rei consideratio in psallentibus attentionem excitare debet, eosque extimulare ad religionem magis accurate discendam. *Adorabo ad templum sanctum tuum.* Adorantes enim extendimus mentes faciesque leuamus ad cælum, quod est templum Dei aeternū, *et confitebor nomini tuo,*

3. *Super misericordia tua* De qua me supra meritum meum exaudisti, *et veritate tua* qua promissa implesti. *Quoniam magnificasti super omne nomen sanctum tuum.* i. maior inuentus es & in operibus tuis magnificentior, quam vlllo nomine ad te significandum appropriato, & proinde sancto, explicari potuit. De Deo enim cum dicitur, inquit Ambros. non potest dici, cum aestimatur nō potest aestimari, cū definitur, ipsa sua definitione crescit. Ideo recte dicit Augustinus. De Deo cum loquimur ineffabilis est, superat enim omnem verborum vim. Hieron. tamen loco eius quod nos legimus *nomen sanctum tuum* legit verbum tuum, quo nomine filium Dei intelligit, quem secundum humanam suam naturam magnificauit Deus super omne nomen, cum dedit ei nomen super omne nomen & voluit hominem illum ab omnibus Deum dici.

4. *In quacunque die inuocauero te exaudi me, multiplicabis in anima mea virtutem.* Prouectus mentis & copia virtutis significatur, ait August.

5. *Confiteantur tibi Domine omnes reges terræ, qui audierunt omnia verba oris tui.* i. gratias tibi agant quod & fidei auditum, & fidem ex auditu tuo munere acceperint. Qua sententia simul prophetatur reges omnes aliquando ad fidem conuertendos esse.

6. *Et cantent in vijs Domini.* i. dum perambulant vias Domini, quoniam magna est gloria Domini. Quæris in quo?

7. *Quoniam excelsus Dominus, et humilia respicit,* magna proinde gloria eius, qui non respicit excelsos, vt gloria eius per eos augeatur, sed humiles, vt ipsi qui à gloria tam sunt remoti, communicatione gloriæ eius glorificentur. *Et alta,* tanquam sibi, inquit August. nō accedentia, *à longe cognoscit.* Regibus ergo hoc præcipue confitendum est, ne alioqui arbitrentur se sua sub-

sua sublimitate Deo gloriam accumulare, sed se à Deo prius humiliatos, ab ipso vere glorificatos esse, ac tum in Domino verè esse gloriosos, cum illi, legibus ac institutis eius culmina sua inclinant.

Si ambulauero in medio tribulationis. i. si tribulatione circumdatus & obuallatus fuero, *vinificabis me.* i. spiritum & alacritatē mihi tribues, & super iram inimicorum meorum extendisti manum tuam. i. potentior fuisti auxiliando quam illi affligendo; Per quod auxilium, *saluum me fecit dextera tua,* quia iram eorum me saluum & incolumem euadere fecisti. Sed quid? nunquid pro iniuria tibi illata inimicis vicem reddes? nequaquam, quia

Dominus retribuet pro me. i. ipse de illis vindictam sumet pro me, estque proinde vindicta illi committenda qui dicit, mihi vindictam. Id tamen illi dictum esse intellige, qui, ut inquit Sapiens, vindicari voluerit: Hoc enim ut in futura vita à Domino fiat, velle licet, ut arbitramur nos supra alicubi ex Augustino dixisse, est tamen, ut ibidem ex Cyrill. diximus, infirmorum. Multo verò melius est, Domino, ut inimicis nostris etiam in futuro iudicio parcat, totis, cum D. Bernardo, viribus supplicare. Vel; *Dominus retribuet pro me.* i. pretium pro me soluet Deo Patri, quæ non rapuit exoluens. *Domine misericordia tua in seculum.* Adheret enim amicis Dei misericordia eius donec præliantur. Quod cum verum sit, etiam in futuro iudicio, ô Domine, *opera manuum tuarum.* i. homines qui tuis manibus creati sunt, *ne despicias.* i. ne eos, inquit Augustinus, à misericordia tua repellas. Qui tamen in commentario huius loci per opera manuum Dei intelligit bona opera quæ Deus operatus est in nobis, de quibus dicit, *Opera manuum tuarum ne despicias,* quia timet ne in die iudicii sua præualere inueniantur peccata, & mercede vacua relinquunt Dei opera.

PSALMVS CXXXVIII.

In finem Psalmus David.

Psalum hunc Hilarius & Augustinus de Christo intelligunt, quos secuta videtur Ecclesia cum in introitu diei Paschæ ex eo quædam in persona Christi decantat. Ambr. tamen aduertit eum ad Psaltem ipsum, & similiter etiam ad quemuis Christianum habitantem in adiutorio altissimi, referri posse; Ad quem si referas, ait, aduertis quod vbique manus Dei & dextera Christi assistat. Cum ergo explicatio Psalmi huc relata multo planior sit & nertiosior, nos eum maxima ex parte in hunc sensum explicabimus enarrantes verba Psaltis in persona sua, particulariumque Christianorum hoc modo loquentis.

Domine probasti me, exercendo, & *cognouisti me,* ea quæ circa me sunt in apertum proferendo mihiq̃ manifestando. Non tu quidem mei cognitionem

8.

9.

Aug. 1. ad
Marc. 6. 11

Ambr. ser.
19. in psal.
118. vers. 7

1.

tionem per experientiam accepisti, sed iam multo ante ab æterno *in cognouisti sessionem meam*, id est, infelicis animæ meæ desidiæ, & *resurrectionem meam*. i. quod ex ea resurrecturus essem. Imo quo ordine ex ea essem resurrecturus, quia,

2. *Intellexisti cogitationes meas de longe*. i. tu in æterna sapientia tua intellexisti siue excogitasti quid mihi cogitandum foret ut à longe ad te accedere inciperem & redire. Dico in æterna sapientia tua, De ea enim Baruch dicit; Hic adinuenit omnem viam disciplinæ & tradidit eam Iacob. *Semitam meam*, per quam mihi ordinate procedendum foret, & *funiculum meum*. i. mensuram donationis meæ, *inuestigasti*. i. tu prius excogitasti & tuo munere me inuestigare fecisti.
3. *Et omnes vias meas præuidisti*. i. in præscientia tua præordinasti; Præuisio enim Dei sicut & præscientia eius subinde includit unâ & præordinationem eius, sicut scriptum est, Non repulit Deus plebem suam quam præsciuit. *Quia non est sermo in lingua mea*. i. præ admiratione huius prouidentia tuæ obmutesco nihil habens dicere; Quale quid contigit Dauidi 2. Reg. 7. & 1. Paral. 17. cum in hæc verba loqueretur, Quid ultra addere poterit Dauid ut loquatur ad te, cum ita cognoueris seruum tuum? Domine secundum cor tuum fecisti omnia magnalia hæc.
4. *Ecce Domine tu cognouisti omnia nouissima & antiqua*. i. quid mali prius in me fuerit & te me deserente futurum fuerit, & quid boni de me facere posses. Quo cognito, *Tu formasti me secundum corpus & animam*, & *posuisti super me manum tuam*. i. curam mei gerere elegisti, meque prius for-

In ps. 118

Jer. 10. v. 1

5.

D. Ambros. 6

beza ca. 8.

Aug. 15 de

Trin. c. 7. et

4 de anima

& eius o-

rig. 64. 19.

matum, per spiritum tuum, inquit Ambros. reformasti.
Mirabilis facta est scientia tua ex me. i. dum ea quæ prius in me ex me, & postmodum ex te in me sunt intueor, ex effectu tuarum dispositionum video te scientia & prouidentia mirabilem esse, Dum enim, inquit Ambros. me intueor, quem tu in ipsis cogitationibus occultis & internis affectibus deprehendis, scientia tuæ agnosco mysterium D. tamen Augustinus hunc versum hoc modo interpretatur, Ex eo quod video me memetipsum non posse comprehendere nec intelligere, aduerto quam incomprehensibilis tua scientia mihi sit, Si enim, ait Sapiens, quæ circa nos sunt difficulter comprehendimus, quæ in cælis sunt nosse quis poterit? *Confortata est*. i. fortior, maior, atque altior me esse deprehensa est, & *non potero ad eam*, Viribus enim naturæ non possum eam attingere, nec ullis viribus, sic ut nihil eius me lateat, comprehendere. Pergit autem posthæc Psaltes latius explicare; quod, ut in argumento Psalmi ex D. Ambros. audiuius, ijs qui habitant in adiutorio altissimi, manus & dextera Dei Christus vbique assistat, & dicit:

Quò ibo

Quo ibo à spiritu tuo, & quo à facie tua fugiam?
 Si ascendero in cælum tu illic es, si descendero in infernum ades.
 Si sumptero pennas meas diluculo, & habitauero in extremis maris.
 Etenim illuc manus tua deducet me, & tenebit me dextera tua. Quibus
 versibus, in primis, vt veteres concorditer testantur, significatur, Deum,
 imo sanctam Trinitatem vbique esse, In Spiritu sancto enim, quem Psaltes
 designauit, cum dixit, Quo ibo à Spiritu tuo? indiuidua copula sanctæ Tri-
 nitatis, inquit Amb. expressa est, Si enim Spiritus immensus est, inquit Aug.
 ergo & Pater & Filius, à quibus habet Spiritus vt immensus sit, & cū quibus
 est vnus immensus, immensus est. Imò clariùs erit copula S. Trinitatis hic
 expressa, si nomine faciei cum Euthy. Filium Dei intelligere placuerit. Sed
 qua ratione hinc probabitur manū quoque Dei & dexteram vbiq; assistere?
 Id demōstrabit Amb. his verbis; An cum de sole dubitare nequeamus quod
 procedens toto orbe radios diffundat suos, & omnibus lumē infundat, quē
 etiam illi qui videre non possunt, sentiunt tamen aeris ipsius fotu esse prae-
 sentem: Vbi enim deest calor illius? Quo radij eius non perueniunt, cum
 discussis noctis aut nubium tenebris illuminat terram? In cælo fulget, in
 mari rutilat, feruet in terris. De sole ergo non dubitas quod vbique re-
 splendeat; de Deo dubitas quod non vbique fulgeat splendor gloriæ eius
 & imago substantiæ? Quid non penetret verbum Dei, splendor æternus,
 qui etiam occulta mentis illuminat quæ non potest sol iste penetrare? Ver-
 bum enim Dei gladius spiritualis est, vsq; ad diuisiones animæ atq; artuum
 medullarumq; perueniens: Hæc Ambro. Ex cuius verbis cum didicerimus
 dexteram Dei ex eo quod vbiq; est etiam vbique assistere, accuratius expli-
 canda nobis sunt Psaltis verba, vt ex ijs deprehendamus, quibus modis sin-
 gulis quibusque locis dextera Dei assistat, quosve in eis per suam gratiam
 proferat effectus. Dicit ergo Psaltes. Quo ibo, legunt alij, abibo, Hieron.
 vero, Vadam, à spiritu tuo, & quo à facie tua fugiam? i. in quæ bona opera
 sine tua ope me potero conuertere, Imò te mihi volente subuenire aut as-
 sistere, quis erit locus aut status meus in quo auxilium gratiæ tuæ mihi su-
 peruenturum non est? Si enim ascendero in cælum. i. si cælestia cepero
 desiderare, aut per vitæ contemplatiuæ virtutem cælestia scrutari, & illa
 quatenus in hac vita fieri potest, apprehendere, tu illic es, desiderium il-
 lud in me accendens, & me virtute qua id præstem corroborans, mihiq;ue
 exhibēs copiam tui, Si descendero in infernum. i. si me ad gehennam consi-
 derandam conuertero ades, adiuuans me, vt eam prout oportet mihi ob-
 oculos ponam, eaq; contemplatione timorem mihi vtilem incutiam. Quan-
 do enim suo. i. hominis spiritu, inquit Bernar. posset homo expauescere
 gehennam, aut cælestia desiderare aut penetrare? Sed potest hoc illius
 B b b b spiritu

Cyri. in
 Ioan. c. 40.
 Ambr. loco
 citato. & in
 Lucam.
 Aug. tract.
 36. in Ioā.
 & 2. de
 Trini. ca. 5.
 Hieron. inc.
 66. Iaiæ.

Bern. in sen-
 ten. nō pro-
 cul à princ.

spiritu cui dictum est, *Si ascendero in calum tu illic es, si descendero in infernum ades*, Spiritus quippe sapientiæ ubique præsens, nouit quid in cælo, & quid agatur in inferno. Cumque mentem humanam repleuerit, & de pœnis inferni incutit timorem, & cælestium amorem atque copiam infundit. Hæc Bernard. *Si sumpsero pennas meas diluculo, & habitauero in extremis maris*. i. si proposuero (propositum enim, nouæ vitæ quoddam diluculum est) sæculum euadere atque in solitudinem me recipere, *Et enī illuc manus tua deducet me*. i. non sola virtute propositi mei, sed tuæ directionis atque auxilij perueniam illuc quod, proponendo pergere cepi atque intendi, qui vt velle ita & pro bona voluntate, perficere operaris in nobis. *Et tenebit me*. i. me ibidem perseverare faciet *dextera tua*. Interim frequenter inuadit istiusmodi homines quædam anxietas, & formido ne in peccatum mortale incidant & in eo moriantur. Dicit proinde in eorum persona Psalter, *Et*, iam in extremis maris, vel extra sæculum positus,

10. *Dixi forsitan tenebræ conculcabunt me*. i. peccata quædam ignoratè aut callidè mihi obrepent & iustitiam ad quam me deuenisse arbitror, oppriment. mihiq̃ue eueniet quod Psal. 7. scriptum est, Persequatur inimicus animam meam & comprehendat, & conculcet in terra vitam meam. Cùm autem hoc trepidè dixi, tuo auxilio, supereminenter quam speraui, mihi superueniente, facta est, *nox illuminatio mea in delicijs meis*. i. delicata quadam gratia Spiritus sancti mihi inexpectatò infusa, nox tribulationis atque tentationis imminentiſque, vt verebar, caliginis repente in lucem commutata est mentisq̃ue serenitas mihi refusa; Dum enim per intellectum.
- D. Greg. 16*
mora. c. 10 mysticum studiosa mens, inquit Greg. reficitur, iam in ea vitæ præsentis obscuritas fulgore diei subsequentiſ illuminatur, & efficitur nox illuminatio eius in delicijs eius.

11. *Quia tenebræ non obscurabuntur à te*. i. nullæ tenebræ tam densæ sunt aut obscuræ, vt si tu eas illuminare volueris, illuminationem tuam non valeant efficaciter euadere. *Et nox sicut dies illuminabitur*. i. qui prius fuerunt tenebræ, paulò post erunt lux in Domino, effecti filij lucis atque diei. *Sicut tenebræ eius ita & lumen eius*. i. quantæ fuerunt tenebræ, tanta postmodum efficietur hominis à te illuminati, lux.

12. *Quia tu possedisti renes meos*. i. incentiua, inquit Ambr. virtutum, ipsa-
D. Amb. ex-
bor. ad vir. que bonorum operum seminaria, quæ sunt intima piorum desideria, Ad opus enim quodcunque homo intimis desiderijs ardentissimè accenditur & inflammatur. Hos autem renes possidet Deus cum eos charitas occupat atque inflamat. *Suscepisti me* dirigendum, corrigendum, adiuuandum, custodiendum *de utero matris meæ*, ita vt iure debeam tibi dicere, De utero matris meæ Deus meus es tu.

Conf-

Confitebor tibi, in gratiarum actione, *quia terribiliter magnificatus es.* *Terribiliter*, inquit. i. admirabiliter, ita ut magnificētia mihi tua stuporem quēdam incusserit; in quē sensum Psal. 88. Deus magnus & terribilis dictus est super omnes qui in circuitu eius sunt. Aut, *Terribiliter*, quia magnificentiam tuam sic circa me exercuisti, ut tamen simul ostenderis quam sit terribilis expectatio iudicij tui & ignis amulatio quæ consumptura est aduersarios, Ob hoc, inquam, *confitebor tibi*, Pauor enim terribilis iudicij tui tempore huius vitæ utilis est hominibus ad conseruandam quam in eis operatus es magnificentiam. *Mirabilia opera tua & anima mea cognoscei nēmis.* i. cognosceat ea humanæ intelligentiæ, & præsertim comprehensioni, eod quod vires eius & facultatem superent, nimia esse. Pergit autem nunc Psaltes declarare, quod, ut in principio diximus ea quæ in homine sunt, Deo nota sint etiam priusquam tentatione explorentur, & dicit:

Non est occultatum os meum a te. i. robur meum quod fecisti in occulto. Sunt enim, ait August. occulta Dei dona quæ non nisi interrogatione tentationis, etiam semetipsum unicuique denunciant. Cuiusmodi dona Dei erant in Iob & Abraham etiam priusquam tentarentur, hic à Deo, ille à diabolo. Vterque enim ignorauit robur virtutis suæ donec id per tentationem palam fieret. Ideo post tentationē dicitur Abraham, nunc cognoui. i. cognoscere te feci quod timeas Dominum. Hoc ergo os, seu robur, etiam dum in homine adhuc occultum est, nō est Deo incognitū. Quomodo enim diceretur Deus nō permittere tentari supra quod possumus, nisi vires vniuscuiusq; nostrum etiam ante tentationē, quæ virium nostrarum quædam est exploratio, haberet perspectas? *Et substantia mea in inferioribus terræ.* i. habemus nihilominus thesaurum hunc occultæ virtutis in vasis fictilibus, huius mortalitatis, ac infirmitatis. Sicut autē hoc quod diximus os in occulto, ita etiā

Imperfectum meum viderūt oculi tui. i. ita etiam infirma hominum, siue, cætera, fortes sint, siue per omnia infirmi, tibi perspecta sunt. *Et in libro tuo* qui est liber vitæ, omnes etiam imperfecti, si modo eis studium proficiendi, ut docet Bernard. non defuerit, Sedentem enim, inquit, siue, à cura proficiendi vacantem, à mortis tenebris comprehendi periculum est. Quid? ingrediētur imperfecti cū suis imperfectionibus regnū Dei? Non. Sed. *Dies formabuntur & nemo in eis*, subaudi, informis remanebit, ait Bern. quia in die futuri sæculi absorpta omni imperfectione, quisque hic proficientium, plenam & perfectam pro ratione dispositionis suæ suorumque meritorum iustitiæ formam induet. Bonæ enim spei homo, inquit Augustinus, si eum proficientem vltimus huius vitæ dies inuenerit, iudicabitur potius, adiectis illis quæ hic defuerunt, perficiendus quam puniendus. Et alibi. *Qui nolunt proficere ad percipiendum ea quæ sunt spiritus Dei, ad vetus testi-*

Bbbb ij monium

13.

14.

Aug de san
lla virg n.
cap. 44.

15.

Bern. sermo.
49 in Cat.

Aug de bo.
per se c. 21.
Idem 1. cō.
Dona l. c. 15

monium pertinent. Si autem proficiunt, etiam antequam capiant, ad nouum pertinent testimonium. Et si priusquam spirituales fiant ex hac vita rapiantur, custoditi per sacramenti sanctitatem in terra viuentium computantur. Nec enim inuenio quid verius intelligatur in eo quod scriptum est, Imperfectum meum viderunt oculi tui, & in libro tuo omnes scribentur. Hæc Augustinus. Huiusmodi ergo clementia à Deo exhibetur imperfectis; Perfectis vero quid?

16. *Mibi autem nimis honorificati sunt amici tui Deus.* i. Apostoli quos Christus dixit amicos, quia omnia quæ audiuit à Patre nota fecit eis, Non enim constituitur amicus, ait Augustinus, nisi qui ad familiaritatem admittitur cui nostra omnia refundere audeamus. Hi ergo supra quam æstimari potest, tuo munere, hic in iustitia sublimati sunt, & postmodum in gloria exaltabuntur. *Nimis confortatus est principatus eorum.* i. iidem à te principes Ecclesiæ constituti, in suo principatu summam virtutem exercuerunt.
- Aug. ser. 21 de verb. Apos.* Quantus enim est animi potentatus, ait Cypr. quanta vis, non tantum seipsum diabolo subtrahere, sed in omnem eius exercitum imperioso iure dominari, siue ex castris diaboli ad castra Christi tam multos traducere?
17. *Dinumerabo eos, & super arenam multiplicabuntur,* quia pro patribus nascentur filij, qui in eundem principatum perpetuo succedent, per quam iugem successionem *super arenam* siue supra numerum, homini, ut est numerus arenæ maris, incomprehensibilem, multiplicati esse deprehenduntur cum fuerint recensiti. Vnde autem hæc perpetui principatus indiuisa successio? Respondet Psalter in persona Christi: *Exurrexi, & adhuc sum tecum.* q. d. Causa huius perpetuitatis est, eo quod Christus à mortuis resurgens, præstiterit, & etiamnum præstet quod dixerat, Ecce ego vobiscum sum omnibus diebus usque ad consummationem sæculi. Hunc huius loci sensum vsus Ecclesiæ approbare videtur. Alij tamen, ut D. Gregor. intelligunt eum, vel de honore principatus quem exercent iusti in hac vita in carnem suam & desideria eius: Vel, quem gerent omnes electi in die iudicii cum iudicabunt sancti nationes & dominabuntur populis. Cui intellectui bene cohæret quod sequitur,
18. *Si occideris Deus peccatores.* i. si finis eorum mors, *viri sanguinum declinate à me.* i. nulla mihi vobiscum sit in peccato communio.
19. *Quia dicitis.* i. peccatum operamini, *in cogitatione.* Dicit, *in cogitatione,* cum tamen peccata etiam perpetrent opere, quia in cogitatione origo est omnis peccati & in consensu quædam peccati consummatio. Nam, ut docet Tertull. in ijs, quæ per corpus aguntur, anima prior est, quæ concipit, quæ disponit, quæ mandat, quæ impellit, quæ prior tractat quod per corpus actura est, ita ut nunquam conscientia posterior sit facto. Quam ob causam non
- Cyp. epist. 2*
- D. Greg. bo. 27. in euā.*
- Tert. de anima, ca. vlt.*

non absurdum esse iudicat, vt in Psal. 118. circa finem diximus, quod anima etiam ante corpus vindictam sustineat. *Accipient in vanitate ciuitates suas.* i. congregationes, societates, ac respublicæ eorum euanescent in diluculo futuri sæculi, cum implebitur illud Isaiæ, attrita est ciuitas vanitatis, sic dicta, eo quod nullo solido fidei vel Christianæ dilectionis vinculo sibi cohererit. Cæterum, quia non satis est communionem impiam declinare, sed oportet insuper malitiam odisse, ne securis & otiosis, vt in Psal. 35. ex Ambr. allegauimus, nostris affectibus, blanda conciliatricula voluptatis irrepat illecebra, ideo subdit Psaltes,

Nōne qui oderunt te Domine oderam, & super inimicos tuos tabescēbam? vbi vrgendum est quod dicitur, *oderunt te, & inimicos tuos*, His enim vocabulis non quiuus peccatores sine discrimine, sed qui diuinæ gratiæ & Euangelij inimici sunt, præcipuè intelligi debēt. Hæc enim vitia odio singulari & acerrimo prosequenda sunt, ita vt tristitia quadam tabescere oporteat eum qui ea impedire, remouere, vel non potuerit corrigere. In quē sensum Leo hunc versum intelligit. Cū enim Atticus quidam de Euty-chiana hæresi suspectus, se D. Leoni purgare vellet, dixit Eutychen sibi odiosum semper fuisse. Quæ purgatio nullatenus suffecit Leoni; voluit enim, vt luculentis verbis, imò & propriæ manus subscriptione, hæresim Eutychetis reprobarer atq; damnaret, quia aliud, inquit, sunt humanæ etiam inter catholicos similitudines, aliud diabolici quos fides catholica damnat errores. Et ideo, frater charissime, in nullo debes de nostra dilectione dubitare, si prophetæ exemplum sequare & dicas, Nōne qui oderunt te Domine oderam? Quo autem odio?

Perfecto odio oderam illos, vt videlicet nec propter vitia hominem oderim, nec propter hominē amauerim vitium, inquit August. *Inimici facti sunt mihi*, Quia odium hoc quod in bonum eorum ordinatur, in malam partem interpretati, inimicitiam mihi pro dilectione reposuerunt. Huius tamen inimicitia, verius dixerim iniuriæ, declinandæ appetitus neminē debet à malorum correptione vel obstaculo malitijs eorum obijciendo, imò deneganda aut subtrahenda familiari vt vocamus, consuetudine (de qua re in Psal. 100. v. 7. plura diximus) detertere. Dicit enim Greg. Dauid cum se totum ad fœdera pacis internæ constringeret, testatur quod cum malis concordiam non teneret, dicens, *Inimici facti sunt mihi*. Pensandum ergo est quando ab increpatione quiescitur quantâ culpâ pax cum pessimis tenetur, si propheta tantus hoc velut in hostiam Deo obtulit, quod contra se pro Domino prauorum inimicitias excitauit. Hinc per semetipsam veritas dicit, non veni pacem mittere in terram, sed gladium. Malorum namque cum incautè amicitijs iungimur, culpis ligamur. Vnde Iosaphat qui tot de ante-

Bbbb ij acta

acta vita preconij attollitur, de Achab regis amicitij pene periturus increpatur. A Deo enim vita nostra discrepat, cum peruersorum amicitij concordat. Caterum quandoquidem humana astutia sub pretextu vitij subinde hominem odit, & quoniam odio, iniquone an perfecto moueatur, difficulter discernit, ideo aptissime subiungit Psaltes:

22. *Proba me Deus*, per tentationem qua occulta innotescant. Vel per veram conscientiae discussionem, quæ nisi peculiari Dei dono, solidè non discutitur. *Et scito*. i. fac me scire *cor meum*, *interroga me*. i. fac me mihi metipsi, de affectibus meis num recti sint, quæstionē mouere, Quod faciebat sibi August. cum diceret; Deus in cuius conspectu factus sum mihi metipsi magna quæstio. Huiusmodi enim interrogatio discussionis quoddam initium est. Ex hoc igitur verbo discimus dubitationem ac quæstionem quæ homini de seipso, suisque affectionibus ac studiis suggeritur, Dei donum esse, & primum remedium contra obduratam coagulati cordis securitatem adferre. *Et cognosce*. i. fac me cognoscere *semitas meas*. i. qualitatem conuersationis meæ & eorum quæ in ea ago.

lib. 10.
confess.

Amb. in ps.
118 sc. 3.
vers 3.

23. *Et vide si via iniquitatis in me est*. i. fac me videre si vel in vno (via enim hic singulariter ponitur) in iniquitate ambulo vel hæreo. Vtilissime autem oratur ut homo hic denudetur sibi, quia in die iudicij non habebit quod timeat in se videri, qui se prius aspicit reuelata facie, ait Ambr. Nisi autem ipse se viderit, non audebit se ostendere, sicut Adam qui se occultare cupiebat. Hæc Ambr. *Et deduc me in via æterna*. i. vt in via quæ ad æternitatem ducit perseveranter ambulem. Ad eam enim non perueniet qui à via recta vel in vno perseveranter aberrauerit. Itaque oratio post remis his versibus contenta, frequentanda est; merito enim metuitur occultorum peccatorum in die iudicij, non fore remissionē, nisi eam votum & studium occultorum cognoscendorū, cum animi docilitate in hac vita præcesserit.

PSALMVS CXXXIX.

In finem Psalmus David.



Ratio est Christi pro se & corpore suo. i. Ecclesia in seruire tentationis, quam impij, & præsertim hæretici, inferunt, constituta. Orat autem ne per tentationem illam in peccatū incurrat, & dicit:

1. *Eripe me Domine ab homine malo, à viro iniquo eripe me*, ne ab eo in peccatum seducar.
2. *Qui cogitauerunt iniquitates in corde*. i. aduersum me, vt seniores aduersus Susannam pleni sunt iniqua cogitatione, vt mihi mala inferant, & præsertim præcipitent in peccata, *Tota die constituebant prælia*. i. sine intermissione si semel superati fuerant, noua inferebant bella.

Acue-

Acuerunt linguas suas sicut serpentes. i. sermones suos faciunt penetrare corda hominum, sic vt illa penetrando, simul, tanquam serpentes, infundant venenum. *Venerum aspidum sub labijs eorum.* i. Labia quidem eorum dulcia sunt, sed sub illis venenum admodum exitiale, quale est aspidum elanculariè instillant, Sicut scriptum est: Per dulces sermones & benedictiones seducunt corda innocentum. Vel, vt exponit August. In ore habent verbum maledictionis, sed nullum firmamentum veritatis. 3.

Custodi me Domine de manu peccatoris, & ab hominibus iniquis eripe me, ne, cum in eorum deuenero potestatem, illi mihi scandalo sint. 4.

Qui cogitauerunt supplantare gressus meos. i. conuersionem bonam, quam cepi, fraudulenter peruertere. Quod præcipuè fit cum intentio quidem nostra non peruertitur, sed salua bona, quam vel in genere seruamus, intentione, in operis executione incaute aut ignoranter, aberratur. De qua Greg. Antiquus hostis aliquando intentionem boni operis vitare non præualet, sed in ipsa actione se quasi in itinere opponit, vt cum per propositum mentis securior quisque egreditur, subiuncto latenter vitio, quasi ex insidijs perimatur. Quæ Gregorij verba illis obseruanda sunt qui negotijs suis perperam peractis, defensionem, de recta sua intentione proferunt. *Absconderunt superbi.* i. homines diuinæ legi contumaciter rebellantes *Laqueum mihi,* quia studiosè incubuerunt per dulces sermones me fallaciter in laqueum inducere. 5.

Et funes extenderunt in laqueum, conati enim sunt me quibusdam negotijs ita implicare, vt quocunque me verterem non euaderem, aut sine magna difficultate euadere nõ possem peccatum, Hoc autem eos ex instinctu diaboli (nerui enim testiculorum eius sunt perplexi) satagere, author est D. Greg. hanc quam dixi perplexitatem, per complura exempla declarans. *Iuxta iter scandalum posuerunt mihi,* quia quocunque pergit homo ibi laquei sunt, inquit Amb. laquei in corpore, laquei in lege, laquei in Philosophis, laquei in religione, Videt enim diabolus aliquem virum religiosum, in ipsa cum religione supplantat, & nimia pietate impium esse cõpellit. Hæc Ambros. D. Hieron. verò istud de hæreticis intelligit, qui sub nomine Christi & scripturarum sacrarum fallunt, vsque adeo, vt multi ab illis seducti putent se in Christo, qui est via, ambulare & pergunt ad Antichristum; Quibus verè ponuntur laquei *iuxta viam;* sunt enim huiusmodi laquei similitudine propinqui veræ viæ veritatis. His ergo tentationibus expositus dicit Christianus: 6.

Dixi Domino, Deus meus es tu, exaudi Domine vocem orationis meæ. 7.

Domine Domine virtus salutis meæ. Nihil enim eorum, quæ etiam à te mihi ad salutem donata sunt, aliquid roboris habet, nisi tu corroborando & coope- 8.

Aug. 2. cõs.
Petil. c. 23.

Greg. 1. mo
ral. ca. 38.

Greg. dist.
14 ca. Ner
ui.
Amb. lib 4
in Lucam.

Hi. r. inc 9
Oze. c. 3
Amos.

& cooperando illud confortaueris, In voluntate enim tua præstitisti decori meo virtutem, *Obumbrasti*, legunt alij *obumbra super caput meum in die belli*. i. seruiorem tentationis tu, superna prouidentia, attempera, mihi-
que tuo auxilio refrigera. Quia verò vnusquisque tentatur à concupiscen-
tia sua abstractus & illectus, ideo aptè subiungitur:

9. *Ne tradas me Domine à desiderio meo peccatori*. i. tuere me contra ipsa interna desideria mea, ne ab ipsis (hoc enim est *à desiderio meo*) deueniam in potestatem aut seruitutem hominum peccatorum, *Cogitauerunt contra me*. i. expectauerunt me vt perderet me, *Ne derelinquas me à tuo auxilio*, ne fortè exaltentur. i. iacent sese ac triumphum agant ob victoriam, vt sibi promittebant, de me consecutam. Oratio eadem est cum eo quod Psal. 68. orauit, Propter inimicos meos eripe me.

10. *Caput circuitus eorum*. i. caput eorum est circuitus, Non enim sicut animalia Ezechielis habent firmamentum fixæ & immobilis veritatis supra caput suum, vt eam sequantur, sed pro capite habent volutabrum immundæ mentis suæ, propterea etiam Psal. 12. de eis dictum est, In circuitu impij ambulant, *Labor labiorum ipsorum operiet eos*, Operire hoc loco non est idem quod occultare, sed est obruere, vt sit sensus, Magno suo labore obruent semetipsos & eos à quibus audiuntur onerosissima multitudo verborum, ita vt in eos verè dicat Sapiens, Omnis labor hominis in ore eius, sed anima eius non implebitur, Nihil enim est, inquit Greg. ad defendendum puritate tutius, nihil ad defendendum veritate facilius, nam dum falsitatem suam tueri quis conatur, duro cor labore fatigatur; Hinc namque scriptum est, Labor labiorum ipsorum operiet eos. Hæc Greg. Et quis eorum finis?

Greg. 12.
cur. par. 3
admon. 12

11. *Cadent super eos carbones*, significatur ignis conflagrationis, qui, vt in Psal. 96. diximus, inflammabit in circuitu inimicos Dei, eosque iam ardentem in infernum præcipitabit, ideo & hic sequitur; *In ignem dei cies eos*. i. præcipitabis eos post hæc insuper in infernum, *In miserijs non subsistent*, Quis enim, ait Isaias, poterit habitare cum ardoribus sempiternis? D. tamen Greg. accommodat hoc hominibus huius vitæ, dicitque eos in miserijs non subsistere, qui aduersa æquanimiter non tolerant.

D. Greg. 1.
moral. c. 16

12. *Vir linguosus*. i. qui in persuasibilibus humanæ sapientiæ verbis solummodo confidit, *non dirigetur in terra*. i. negotia eius non habebunt successum, Cor enim rectum requirit scientiam, & in operibus iustitiæ successus habebit, *Virum iniustum mala capient in interitu*. i. apprehendet eum quem nunquam euadet æternus interitus: Et ne quispiam ab impijs in hoc sæculo vexatus vindictam expetat, subdit Psaltes, quid quisque prædictis modis tentatus sibi dicere debeat, & in persona eius dicit;

Cognoui

Cogitoni quod faciet Dominus iudicium in opib. Discernet enim causam eius de gente non sancta, & post hoc, vindictam pauperum. i. sanctorum suorum, qui omnes spiritu pauperes sunt; & praesertim eorum qui in hac vita patrono, iudice ac vindice caruerunt.

Veruntamen quasi dicat, ex aduerso iusti confitebuntur confessione laudis & gratiarum actionis nomini tuo & habitabunt recti, in caelesti mansione cum vultu tuo, permanebunt enim ante oculos tuos contemplantur vultum diuinitatis tuae.

PSALMV S CXL.

Psalmus David.

Domine clamaui ad te exaudi me, intende voci meae cum clamaero ad te. *Dirigatur oratio mea sicut incensum in conspectu tuo. i. sicut thymiam ex varijs aromatibus compositum & incensum dicitur fuisse suauissimi odoris tibi Domino, ita oratio mea diuersis fidei, spei & charitatis charismatibus instructa ad conspectum tuum perueniat, Talis quidem fuit oratio Christi, cuius vox in primis huius Psalmi verbis auditur, Ea autem voce nos admonemur, ut oratio nostra tanquam thymiam efficiatur, ut possit simili modo ad Deum conscendere, Orationem enim virtutibus & virtutum operibus infarciri debere, ex Cypriano iam ante diximus. Vis autem audire quae fuerint opera Christi, quibus oratio eius potens facta fuit & impinguata? Eleuatio manuum mearum sacrificium vespertinum. August. enim & Cyprianus docent haec verba in persona Christi esse intelligenda, qui in cruce vsque ad vespem pendens, fuit sacrificium vespertinum, suamque quam pro nobis ibidem faciebat orationem tanto sacrificio Deo gratiam reddebat & acceptam.*

Pone Domine. i. fac me ponere, inquit Aug. Adiutorium enim Domini hoc loco sic expressum est, ut Deus dicatur facere quod facit ut faciamus, non ergo petitur hic gratia quae operetur in nobis sine nobis, sed quae nos adiuuet ut operemur, Custodiam ori meo & ostium circumstantiae labijs meis, De qua re in Psal. 36. & 38. diximus.

Non declines. i. non me declinare, vel non declinari permittas, cor meum in verba malitiae ad excusandas excusationes in peccatis. Huiusmodi verba merito verba malitiae dicuntur, In animam enim suam peccat, ait Bernard. qui se excusat repellens à se indulgentiae medicinam, & sic vitam sibi proprio ore intercludens. Quenam autem maior malitia, quam propriam armari in salutem & linguae tuae teipsum proprio mucrone confodere? Porro inter caetera, per quae se excusant homines frequens est necessitas coactionis, ut notat Hieron. Præstendunt enim huiusmodi homines se necessitate pec-

Cccc casse,

1.

2.

August. in

Psal. 64.

Cyp. 2. ad-

uers. lud.

cap. 20.

3.

Aug. de gra-

tia & libe-

arb. ca. 16.

4.

Bern. serm.

16. in Cant.

Epist. 147.

Tert. de co-
ro. mil. c. 11

casse, quod est, inquit Hieron. Non peccasse, Cui excusationi pulchrè satisfacit Tertull. in hæc verba; Non admittit status fidei allegationem necessitatis, nulla est necessitas delinquendi, quibus vna est necessitas non delinquendi; Nam & ad sacrificandum & directò negandum necessitate quis premitur tormentorum siue pœnarum; Nectamen illi necessitati disciplina conuiet, quia potior est necessitas timendæ negationis quam euadendæ passionis. Caterum subuertit totam substantiam sacramenti (i. doctrinæ Christianæ) huiusmodi causatio, vt etiam volūtarijs delictis fibulam laxet. Nam & voluntas poterit necessitas dici, habens scilicet vnde cogatur. Hæc Tertullianus.

5. *Cum*. q. d. vt moris est & familiare *hominibus operantibus iniquitatem*. *Et*. i. si hoc feceris *non communicabo*. i. non ero *similis electis eorum*. i. illis qui inter impios maiores habentur, hi enim arte excusandi peccata sua excellunt, maximè cum arti accedit potestas publica aut conspicua; *Quia* cōplures quo maiores efficiuntur aut doctiores, eo plus in hac perniciofa salacia proficiunt; *Quin* potius,

6. *Corripiet*, alij legunt, emendabit, sed eodẽ recidit, quia correptio ad emendationem ordinatur. Itaque *corripiet* vel corripiat siue arguat *me iustus*; Dicit iustus, non quod solis iustis liceat corripere, sed quia correptio opus est iustorum, & per se bonum est, Vel dicitur, *corripiat me iustus*, quia vt docet Aug. in quocunque fratrem suum corripiente, corripit Christus qui est simpliciter iustus, *in misericordia*. Correptio opus est à charitate siue dilectione mediante misericordia elicitum, ordinatur enim correptio ad corrigenda voluntaria mala, omne autem, præsertim huiusmodi, malum authorẽ suum facit miserum. Dicit itaque, *Corripiet me in misericordia*, quia correptio de corripientis misericordia procedere, & à delinquentẽ, vt opus misericordiæ, suscipi debet, idẽ & hic non in persona corripientis sed delinquentis dicitur, *Corripiet me iustus in misericordia*. *Et increpabit* siue increpet *me*. i. correptioni suæ obiurgationẽ coniungat: docet enim hac adiectione Psaltes correptionem etiam cum increpatione coniunctam, quauis callida peccati excusatione optabiliorem esse debere. *Oleum autem peccatoris*. i. indecens assentatio adulantis & deceptoris lenitudo blandientis, ait Aug. *non impinguet caput meum*. i. non exultaret, palpet neque delectet me. Quãdo enim dixit Christus, Vnge caput tuum oleo, mentis lætitiã significauit. Donatistæ verò intelligebant nomine olei oleum sacramentorum confirmationis & ordinis, & quia hic dicitur *oleum peccatoris*. i. vt ipsi volebant, oleum sacramentorum per malos ministratorum, ex hoc loco tanquam à specię ad genus inferebant sacramenta à malis suscipi non posse. Respondet autẽ August. oleum sacramentorum non

Aug. 2. de
ani. & eius
orig. c. vii
& 2. cont.
Parm. c. 10

Aug. 2. cõs.
lit. Pet. c. 32

non posse dici oleum peccatoris, eo quod oleum istud eius sit, qui sacramentum instituit & cuius nomen in sacramentorum administratione inuocatur. Cui Optatus Mileuit. consentiens, Si peccatum, ait, est hominis, unctio est diuinitatis. Ceterum, adulatio in duos blanditur fines, Blanditur, inquam, aut ut bene agentem sibi placere, inaniter, & supra quam oportet de bonis suis gaudere faciat: Vel, ut blandiendo ei, quæ non oportet, persuadeat, eumque acquiescere faciat malis. Quocirca pro adulantium alia & alia intentione, sequentia aliter & aliter intelligi possunt, aut etiam intelligenda sunt. Si enim adulator exaggeret bonæ, sensus eorum quæ sequuntur erit iste. Oleum peccatoris non impinguet caput meum,

OP. a. Mil.
li. 2. contra
Parm.

Quoniam, q. d. merito dico me nolle adulatione palpari, Ea enim mente sum, mihi que sic conscius, ut, *Adhuc & oratio mea in beneplacitis eorum.* i. ut, in quibus ego hominibus bene, & non omnino abs re placeo, in iisdem ego mihi multum ad perfectionem deesse sentiens, putem me commendationis ac beneplaciti eorum parua habita ratione, orationi adhuc incumbere debere, ut quod mihi deesse sentio, impetrem, ita ut magis me contristet residuum meæ inopiæ, quam non fallax commendatio possit exhilarare. Quæ sententia D. Bernardum adiuuasse videtur, ut, sicut de eo testatur historia, esset fortior ad se deprimendum, quam fuerit totus mundus ad eum extolendum. Quam verò ob rem non est securum hominum bene ac beneuolè iudicantium testimonio, ac censura acquiescere? Quia, *Absorpti sunt iuncti petra iudices eorum.* i. homines de virtute in hac vita pro humana infirmitate non fallaciter nec erroneè iudicantes, Petra, qui Christus est, siue Christo iudici iuncti aut comparati, *absorpti sunt*, Christi enim comparatione in iudicando homines nihil penè valere crediti sunt. Dixit enim Apostolus, mihi pro minimo est ut à vobis iudicer aut ab humano die, Qui autem iudicat me, Dominus est; Qua aduersatiua non obscure indicat iudicium quorumvis hominum Christi iudicio comparatum, minimum esse, & veritatem, si attingere, pro minima tantum attingere parte. Verum, cum adulator blandimento linguæ suæ nititur mala & illicita plausibilia sacre, & sicut serpens mulieri, per dulces sermones peccata persuadere, aut laudando peccatorem in desideriis animæ sur, in peccata propellere, de qua adulationis specie scriptum est. Fili mi, si te lactauerint peccatores, ne acquiescas eis. Si dixerint, Veni nobiscum; insidiamur sanguini, abscondamus tendiculas contra infontem frustra: deglutiamus eum sicut infernus viuentem, & integrum quasi descendentem in lacum: Omnem pretiosam substantiam reperiemus, implebimus domos nostras spolijs, sortem mitte nobiscum, marsupium vnum sit omnium nostrum. Fili mi, ne ambules cum eis, prohibe pedem tuum à semitis eorum: Cum ergo adulatio hæc, &

7.

Proverb. 1.

Cccc ij huius

huiusmodi persuadere conatur, tū verba nunc exposita, sensum ab eo, quem dedimus, nonnihil diuersum, Græco tamen textui melius conuenientem, requirunt, in hunc modum. *Oleum peccatoris*. i. adulatio me ad illicita, persuasibilibus humanæ sapientiæ aut blandiloquentiæ verbis, pellicientis, *non impinguet caput meum*. i. non exhilaret me, Vel, non augeat mihi cupiditatem, ne prodeat quasi ex adipe iniquitas mea; *Quoniam adhuc oratio mea in beneplacitis*, Legunt alij, *Malitijs eorum*, & sensus est: Ego enim imploro à Deo vt protegat me aduersus illa mala in quibus illi sibi placent, & quæ mihi placita reddere suauiter fabulantur. *Absorpti sunt iuncti petra iudices eorum*. i. Magistri eorum qui docent ita faciendum, vel, fallitatem sub mellis fūco delitescentem obtrudendam esse, in die iudicij cum implebitur illud Isaïæ, Dissipabo & absorbebo simul, *absorpti* vel absorbendi sunt à tartaro, eosque absorbebit profundum, cum fuerint *iuncti petra*, siue, cum coram Christo iudice apparuerint in extremo iudicio. His namque verbis nihil aliud significari videtur quam merces atque præmium quod manet eam quæ falsa perniciosè persuadere studeat, adulationem. Huiusmodi enim, vt inquit Basil. in verborum benedictione omnem execrationem vitæ inducunt, ac reos æternæ damnationi ob ea quæ approbant sese constituunt. Ex eo autem quod dicit *iudices eorum* absorbendos esse, simul insinuat doctrinam eorum esse perniciosam, & colligendum relinquit eos qui illam sectantur, perditioni æternæ pariter obnoxios esse. Non est tamen ob id horum adulatorum in hac vita desperanda correctio. Dicit namque Psalter in persona Dei.

Basil. in
Psalm. 61.

8.
Isaia 30.

Audient tam Magistri adulationum quam populus ipse qui solet, vt habet Isaïas, dicere magistris suis, Loquimini nobis placentia, Videte nobis errores, *Verba mea* prædicationis Euangelicæ, *quoniam potuerunt*. i. blandiloquentiæ fallaci præualuerunt, Vel, potiora facta sunt. *Sicut crassitudo terræ erupta est super terram*, adulatio scilicet, quia ante Euangelij, vel, vbi iacet vigor & rigor Euangelij, adulatio per vniuersam terram in plures abundauit, magnarum fuit virium & in præcipuis est habita delicijs. Sed cum isti qui se prius beatos existimabant eo quod assentatores eos beatos prædicabant, &, vt habet Ezechiel, consuebant sub cubito eorum puluillos, per Euangelij prædicationem cœperint audire meliora, & fucum fallacis adulationis deprehendere, vanum adulationis effectum exprimentes dicunt vno ore,

9.
Ezech. 13.

Dissipata sunt ossa nostra secus infernum. Ex scripturis sacris manifestum est quod vanitatem & adulationem æternæ poenæ loco maneat dissipatio. Dicit namque per Ezechielem Dominus, Destruam parietem quem linistis absque temperamento & adæquabo eum terræ, & reuelabitur fundamentum.

dammentum eius: & cadet, & consumetur in medio eius: & scietis quia ego Dominus. Et per Isaiam, Erit vobis iniquitas hæc sicut interruptio cadens, *Isaia 30.* & requisita in muro excelsso, quoniam subito, dum non speratur, veniet contritio eius. Et comminuetur, sicut conteritur lagena figuli contritione perualida: & non inuenietur de fragmentis eius testa, in qua portetur igniculus de incendio aut hauriatur parum aquæ de fouea. Dicunt itaque. *Dissipata sunt ossa nostra secus infernum.* Profitentur enim quod iam in hac vita cum nondum in infernum deuenissent, sed in statu damnationis positi *secus infernum* siue inferno propinqui essent, pœna futuri sæculi, quæ est dissipatio, eos aliquousque præuenerit. Quamuis enim per adulationem viderentur sibi aliquo modo co hæsisse, fatentur tamen quod nullus inter eos verus fuerit nexus, nullaque solida concordia, eo quod adulatores non eorum, vt ostendit Hieron. quæsierint salutem, sed suo, vt ait Apost. serui- *Hieron. epist. 9 cap. 3.* rint ventri, Et ipsi, non veritatem sectati sint, sed ventum, Dicit autem Basil. p. saltem de ossibus à concordia partium harmonia emotis dicere, *Dissipata sunt ossa nostra secus infernum.* Quia. q. d. ob id, quod hoc iam deprehendimus, *ad te Domine Domine oculi nostri:* donec miserearis nostri, & per verum amorem fraternitatis, secundum sermonem veritatis, operante spiritu tuo, accedere facias, iuxta vaticinium Ezechielis, ossa ad ossa, vnumquodque ad iuncturam suam. *In te speraui,* quia eleuationi oculorum meorum ad te, spem obtinendæ tuæ benignitatis adiunxi, *non auferas.* i. non ad æternam damnationem abripias, in hac miseria & damnationis, vt dixi, foribus constitutam, *animam meam.* *Ezech. 37.*

Custodi me à laqueo, iam dictæ adulationis, quem statuerunt mihi, firmauerunt enim sibi sermonem nequam. Et, vt dicit Ezechiel, perseverauerunt confirmare sermonem, quia sermonibus adulationis audacter & pertinaciter me decipere institerunt. *Et à scandalis operantium iniquitatem.* Inter cætera enim quæ homini scandalo sunt, & ad iniquitatem blandiendo illiciunt, est peccantium multitudo & peccandi consuetudo. Inuitat namque multitudo ad peccandum; Et peccata, vt deplorabat August. solummodo inusitata exhorrescimus, vsitata verò non solum non exhorrescimus, *Aug. in exp. epist. ad Gal.* verum etiam probamus.

Cadent in retiaculo eius. i. adulationis, aut multitudinis quæ operatur iniquitatem, *peccatores,* Qui enim placet Deo, inquit Sapiens, effugiet mulierem illam blandiloquam, quæ verba sua dulcia facit, qui autem peccator est, capietur ab ea. *Singulariter sum ego.* i. præ reliquis (loquitur enim Psalter in persona electorum) à retibus adulatorum præferuor & saluum euado, *donec transseam.* i. toto decursu huius sæculi quo per varia pericula transseam ad securitatem. Hic namque versiculus, si proprium specte-

Cccc iij mus Psal-

mus Psaltis propositum, coincidit cum illo versiculo Psalmi 4. Tu Domine singulariter in spe constituisti me. D. tamen August. hæc verba intelligit esse dicta in persona Christi qui dicit, *Singulariter sum ego donec transieram*, eo quod ante eum nemo pro confessione nominis Christi, aut quia Christianus, passus sit, post eius autem transitum siue mortem, quam plurimi, inter quos D. Stephanus, qui ob id protomartyris nomine insignitus est & admodum celebris, inuentus est primus.

PSALMVS CXLI.

1. Reg. 14.

Intellectus David cum esset in spelunca oratio.

Multas hæcenus orationes ad informationem eorum qui in varijs tribulationibus sunt atque pressuris audiimus. Sed quia inter cæteras est quædam tribulatio quæ est hominis in extremis constituti, præsertim cum ex vna parte à suæ salutis inimici cingitur, ex alia verò parte, vt sit, destituitur ope & assistentia piorum, operis præteritum fuit vt Psalteres etiam huiusmodi tribulatis precandi formulam præscriberet, & exhiberet. Cum itaque in spelunca quasi in mortis certissimè imminentis expectatione latitaret, recordatus eorum qui in extremis sunt, ad instructionem eorum (vt attestantur sancti qui Psalmum hunc in suis extremis in ore habuerunt) præsentem Psalmum composuit, in hunc modum.

1. *Voce mea ad Dominum clamaui, voce mea ad Dominum deprecatus sum.*
2. *Effundo in conspectu eius orationem meam.* i. orationem quam pleno affectu conceptam habeo, effundo seu expono in conspectu Domini orans patrem in abscondito. Quo sensu Anna, orationem intimo suo affectu conceptam Domino exponens, dicebat se effudisse cor suum coram Domino. Ad quod nos hortatur Hieremias; Effunde sicut aquam cor tuum in conspectu Domini. Quod quidem non est omnium, sed eorum qui possunt sine monitore, ex pectore orare, quod primis Christianis Spiritu sancto plenè familiare fuisse, testatur Tertull. in apolog. *Et tribulationem meam* quam infert inimicus, instans vt iam tandem aliquando rapiat vt leo animam meam magisque sæuiens quia scit quod modicum tempus habeat; quam & auget metus mortis, & incertitudo futuri euentus. Ex his, inquam, ortam tribulationem *ante ipsum pronuncio.* Id enim pronunciare releuat oppressum, quia enarrando effundit, & effundendo euacuat angorem. Nec parum iuuat tribulationem in conspectu Dei pronunciare, quia Psal. 76. dictum est, *Memor fui Dei & delectatus sum, & exercitatus sum, & defecit spiritus meus. Quid autem dicit?*
3. *In deficiendo ex me spiritum meum.* i. dum deficit vita mea temporalis, & morti appropinquat vt spiritus eat ad Dominum qui dedit illum. Cum enim in mor-

in mortem tendit homo, non spiritualis animæ substantia, sed corpus sensim deficit. Dicitur tamen eo tempore spiritus deficere, quia anima dilatibus paulatim instrumentis domicilijs & spatijs suis, ait Tertull. paulatim & ipsa migrare compulsa, deducitur in diminutionis effigiem. Itaque anima vectaculi sui, non suo nomine deficit, opere decedens, non vigore; actu languens non statu; constantiam non substantiam decoquens, cōparere cessat, non esse. Hæc Tertull. *Et tu cognouisti semitas meas.* i. cognouisti omnia quæ circa me sunt, nouisti enim animum meum, laborem, angustiam, periculum, exitum & finem.

Tertul. de
ani. c. 53.

In via hac qua ambulabam. i. ad finem tendebam, absconderunt laqueum mihi. In illo enim articulo inuisibiliter adest (hoc est enim quod dicitur absconderunt) diabolus, laqueos per se & suos intentans. Si enim, teste Basilio, diabolus imminente Christi exitu ad Christum accedere veritus non est, querens, num in eo inueniret quicquam, multo magis credendum est vnumquodque nostrum circa finem vitæ à diabolo examinari & exagitari. Est enim ipse seipens insidians calcaneo seu fini mulieris.

4.

D. Basil. in
Psalm. 7.

D. Grego in
Euang. bo.
mil. 37.

Considerabam ad dexteram & videbam. i. circumspiciebam num aliquis à dextris mihi adesset. i. mihi ad æternam salutem auxilium & opem adferret. De Domino enim cum auxiliator adest, dicitur Psalm. 15. Quoniam à dextris est mihi. *Et non erat qui cognosceres me.* i. qui huius negotij vel notitiam vel curam haberet. Quod ipsum & Sapienti evenit, qui transfigurās in se hominem in necessitate constitutum, respiciens, ait, eram in auxilium hominū & non fui. Cogitavit itaque moribundus iste si posset necessitatem in qua versatur effugere, animaduertēs autem id fieri non posse, subiungit,

5.

Perijt fuga à me. i. fuga ipsa in nihilum redacta est, ita ut ad effugiendum nihil mihi ipsei, virium aut oportunitatis supersit. *Et præter hæc non est qui requirat animam meam.* i. nemo est inter absentes qui ad me penetrare & mihi sic constituto in salutem animæ meæ subuenire quærat, meivē, & malorum in quibus versor habeat rationem. Quid ergo consilij? Recordatus, ut ibidem ait Sapiens, misericordiæ tuæ & cooperationis tuæ quæ à sæculo sunt,

6.

Clamaui ad te Domine. i. ad te per orationem me conuersti. *Dixi, Tu es spes mea.* i. à te mihi spero in hac necessitate subueniri, *Portio mea in terra viventium.* i. spero quod ibi te consequar partem hæreditatis meæ qui hic sum derelictus. In quibus verbis sigillatim indicat Psalm. illa quæ per virtutem spei à Domino expectanda sunt; Sperare enim oportet, à Deo auxilium & beatitudinem.

7.

Intende ad deprecationem meam, quia humiliatus sum. i. in necessitates addu-

8.

adductus sum, *nimis*. Hoc addit, quia in necessitate propinquus est Dominus ad exaudiendum: Et quò necessitas maior est, cò Dominus efficitur propinquior.

9. *Libera me à persequentibus me, quia confortati sunt super me.* i. Iam omnes vires suas in me intenderunt, meque excluderunt ab omni humano auxilio.

10. *Educ per dissolutionem animæ & corporis de custodia animam meam,* Custodia inquam, qua inimici eam undique obsident vt comprehendant, vt coneratur laqueus venantium & nos liberemur. Alij, nec malè, nomine custodiæ carcerem intelligunt, quam dicunt esse corpus hominis, non quidem natura, vt teste Tertull. voluit Plato, sed corruptione, secundum quam acceptionem hæc oratio conueniet omnibus morituris, etiam illis qui in supradictis necessitatibus constituti non sunt. *Ad confitendum cum sanctis alterius vitæ, nomini tuo.* Quod optare, sincerissimæ est charitatis, Desiderat enim quantum ex ipso est, bonū Domini sui. *Me expectant iusti donec retribuas mihi,* Hoc ad solatium morituri pertinet, videlicet, præ oculis habere quod iuxta doctrinam Cypr. magnus nos illic charorum numerus expectet, parentum fratrum filiorum, frequens nos charorum & copiosa turba desideret iam de sua immortalitate secura de nostra adhuc sollicita. Ad eorum enim conspectum atque complexum iam iam properare, quantum putes excitat in mente transeuntis gaudij & exultationis? Gloriosum enim & iucundum est, inquit Ambros. ad meliores pergere; in eorum transire consortium quorum facta miramur.

Cypr. tract.
de mort. cir
ca finem.
August. in
psal. 147.

Ambros. de
bon. mort.
cap. 11.

PSALMVS CXLI.

Psalmus David quando persequeretur eum Absalon filius eius.

Ist hic Psalmus postremus inter pœnitentiales, implorans peccatoribus post multa demerita atque peccata spiritum iustificationis. Cui suus aptè quadrat titulus, author enim occasione accepta à lapsu filij sui paricide, eum composuit, vt conueniat omnibus qui pro sua à lapsu iustificatione precantur. Qui sic habet.

1. *Domine exaudi orationem meam auribus percipe obsecrationem meam.* Oratio est mentis simplex eleuatio in Deum cum decentium petitione: Obsecratio verò paulò plus præstat quam oratio, Efficitur namque oratio obsecratio, cum in oratione dicitur, Exaudi me propter temetipsum, propter tuam ipsius bonitatē, & sic de cæteris. *In veritate tua,* qua implet tua promissa, *exaudi me in tua iustitia,* qua iustificas sine meritis impium.
2. *Et non intres in iudicium cum seruo tuo, quia non iustificabitur in conspectu tuo omnis viuens.* Ex hoc loco concludunt hæretici iustitiam à qua Christiani

Christiani iusti dicuntur non posse Dei iudicium sustinere: Si enim in conspectu Dei non iustificabitur omnis viuens, ergo nemo inuenietur coram oculis siue iudicio Dei verè iustus. Sic illi. Sed si scripturas alias quæ de iustitia Christianorum verba faciunt, expendimus prout oportet, videbimus vero magis consentaneum esse quod heretici suum illud de iustitia Christianorum, quam iustitia Christianorum Dei de se iudicium non possit sustinere: Ait namque Ioannes, In hoc est charitas Dei perfecta nobiscum, ut fiduciam habeamus in die iudicii, quia sicut ille est & nos sumus in hoc mundo. Si habemus fiduciam in die iudicii, ergo habemus & iustitiæ soliditatem: Fiducia enim non innititur nisi veritati & soliditati, quia confidentia quæ errori innititur aut vanitati, est præsumptio spiritus & arrogantia, non spes aut fiducia. Quin & Christus in extremo iudicio iudicabit orbem terrarum in iustitia & populos in veritate sua: Iudicabit autem in illa die quosdam iustos esse; (Ibunt enim, inquit Matthæus, iusti in vitam æternam, quomodo autem pro illo tempore dicerentur iusti, nisi à iudice essent ita iudicati?) qui ergo tunc iudicati erunt esse iusti, erunt ita iudicati iudicio Dei vero & iusto: Potuerit proinde eorum iustitia iustum ac verum Dei iudicium sustinere. Quid ergo est quod hic dicitur, *Non intres in iudicium cum seruo tuo Domine, quia non iustificabitur in conspectu tuo omnis viuens?* D. August. & plerique alij intelligunt ista verba de extremo quidem iudicio, sed dicunt hominem non iustificari in conspectu Dei, illà iustitiâ, qua æquabimur, inquit August. angelis Dei. Nec enim erit nobis illa iustitiæ plenitudo, perfectio, atque integritas quæ erit in sanctis angelis Dei: Quæ Augustini & Ambrosij sententia absque dubio vera est, sed non ausim dicere eam Psaltis intentioni atque proposito conuenire. Si enim Psalter confiteri voluit se ea, quæ Angelorum est, iustitia non iustificari in conspectu Domini, quid erat necesse orare ne Deus intraret in iudicium cum seruo suo, cum Deus in iudicio, angelicæ perfectionis iustitiâ à nobis exacturus non sit, Nec sit examen nostræ iustitiæ ac conuersationis ad angelicæ perfectionis leges reuocaturus? Alij proinde dicunt quod si Deus ingrederetur in iudicium cum seruis suis, velletque cum eis iudicio, ut dicit Iob, contendere, non iustificaretur in conspectu eius omnis viuens, propter permulta iustitiæ opera quæ ab hominibus passim prætermittuntur: aut aliàs contra legem Dei venialiter peccando committuntur. Quam eorum sententiam, ut non reprehendo, ita illud addo, non eos ob hæc negare iustitiæ veritatem sed perfectionem. Proinde quod hic dicitur, *Non intres in iudicium*, non de extremo, sed de huius vitæ iudicio intelligendum esse, cum D. Gregorio arbitror. Cum enim permulti fuerint qui arbitrati sint se ex operibus iustificari; ut eos de errore conuincat, eorumque con-

1. Iean. 4.

Aug. 4. de
Trin. ca. 3.
5 de Cinit.
Dei, ca. 19.
Amb in ps.
16 ad ver-
ba, Cum in-
dicabitur
illi.

D. Greg. in
huc locum.

D d d d

fundat

Iſaie 43.

- fundat superbiam, dicit ad eos per Iſaiam Dominus: Reduc me tecum in memoriam, & iudicemur simul, Narra ſi quid habes vt iuſtificeris, Pater tuus primus peccauit, & interpretes tui præuaricati ſunt in me, Huiusmodi ergo iudicium in quo de meritis iuſtificationem omnemque gratiam præcedentibus diſputetur, pœnitēs iſte præ bona ſui agnitione ac ingenua confeſſione declinans, dicit; *Non intres in iudicium cum ſeruo tuo*, q. d. Non eſt opus rem hanc quaſi ambiguam iudicio diſcutere, iam enim ſatis ſuperque exploratum habeo, quod de ſuis operibus vel præcedentibus meritis, non iuſtificabitur in conſpectu tuo omnis viuens, ſed per gratiam Domini noſtri Ieſu Chriſti credo & opto iuſtificari. Quin nec impertinens eſt huic expoſitioni, quod dicitur, *In conſpectu tuo*, ſiue, coram te. Poſſet namque aliquis ex operibus iuſtus dici coram hominibus, ſed non in conſpectu Dei, ſiue, vt dicit Apoſtolus, non apud Deum, Si enim, inquit, Abraham ex operibus iuſtificatus eſt, habet gloriam, ſed non apud Deum. Quapropter etiam iuſtitia quæ non eſt ex Dei gratia nuſquam ſcripturarum ſimpliciter iuſtitia dicitur, ſed cū reſtrictione. v. g. Iuſtitia legis, Iuſtitia carnis aut ſimili modo. Dicit itaque pœnitens, non intres in iudicium cum ſeruo tuo, &c. quia proſitetur neminem hominum in hac vita ex operibus gratiæ præuijs, iuſtificari poſſe. Huic expoſitioni optimè cohæret ſequentia, dicitur enim;
3. *Quia perſecutus eſt inimicus animam meam*. q. d. non eſt quod mecum contendas iudicio, & vincas cum iudicaris, ſat ſcio enim me ex præuijs meritis iuſtificari non poſſe, *Quia inimicus* diabolus, *perſecutus eſt animam meam*, inſtitit enim, vſit, exſtimulauit me in peccata vt ego peccarem in animam meam, & ipſe raperet eam: Factus namque ſum illi maledicto obnoxius de quo ſcriptum eſt, Fiant viæ illorum tenebræ & lubricum, & Angelus Domini perſequens eos. *Humiliauit in terra vitam meam*. i. vitam meam multis peccatis contaminatam reddidit & dehoneſtatam.
4. *Collocauit me in obſcuris ſicut mortuos ſæculi*. Sicut enim mortui ſæculi detruduntur in ſepulchra, ita me per longam peccandi conſuetudinem in peccatis quaſi de vita deſperatum, quodammodo ſepeliuit. Moriuntur enim homines peccando, ſepeliuntur, vt docet Auguſt. peccata frequentando. *Et anxius eſt ſuper me ſpiritus meus*. i. ſubminiſtrato mihi auxilio gratiæ præueniētis, anxius eſſe cepi de meo, in quo me eſſe animaduerti ſtatu. Intellexi enim non eſſe mihi tutum in eo permanere, nec ſat ſciui, qua ratione me inde poſſem eximere. Quia in conuerſionis primordijs parum credit, & minus ſperat peccator ex illo ſe poſſe ſtatu expediri. *In me turbatum eſt cor meum*, præ magnitudine mali in quo eram, & maioris mali cui eram obnoxius. Iſti tamen verſiculi ſecundum verborum proprietatem ſat commodè de Chriſto intelliguntur, tum ab Auguſtino, tum ab Eccleſia

clesia in officio feriæ 6. Parasce. Eius enim animam seu vitam temporalem persecutus est diabolus, & humiliavit in terra vitam eius, quia eum secundum carnem occidit. Collocavit eum in obscuris sicut mortuos sæculi, quia occidendo occasionem dedit ut more aliorum qui pro peccatis suis moriuntur sepeliatur. Anxietas est in eo spiritus eius, cum oravit ut si fieri posset, transiret ab eo hora. Sed ad pœnitentem redeamus, qui in dicta anxietate constitutus, dicit:

Memor fui dierum antiquorum, meditatus sum in omnibus operibus tuis, & in factis manuum tuarum meditabar. i. In hac anxietate positus, recordatus sum Domine te ab initio, tuo auxilio, multos à delictis eduxisse; Inter quos, illum, qui primus formatus est, quem sapientia eduxit à delicto suo, & ad eius instar plurimos. Cuius rei recordatio anxio huic valde fuit opportuna; Eum enim ab anxietate prædicta in spem accipiendæ simul diuinæ opis & indulgentiæ adduxit. Quo circa providit etiam Dominus ut Ionas priusquam Niniuitis prædicaret, à pisce deuoraretur, & re quasi desperata, iterum euomeretur. Id enim præter Dominicæ mortis & resurrectionis mysterium, etiam Niniuitis, teste Luca, fuit in signum. Ex eo namq; quod Ionas desperabilem salutem à Domino consecutus erat, colligendum, teste Irenæo, fuit Niniuitis superesse sibi spem veniæ, non obstante eo quod res eorum ad extremum essent deductæ: Quod & fecerunt. Et ut tempore noui testamenti in promptu habeant lapsi opera Domini, quorum ad bene dirigendam suam anxietatem recordentur, dignatus est Christus parabolam filij prodigi & similia pœnitentum exempla, omnibus palam proponere. Meditatione itaque diuinorum operum ab anxietate ad spem diuinæ misericordiæ accipiendæ traductus, dicit:

Expandi manus meas ad te. Quo gestu sinus quidam boni desiderij Deo aperitur & offertur. Cuius autem id rei expectatione? num veniæ? Non dum, sed prius gratiæ qua ad pœnitentiam bene peragendam adiuuetur, eaque peracta consequatur veniam. Ideo à confessione impœnitentis sui cordis incipiens, subdit, *anima mea sicut terra sine aqua tibi.* i. arida est ad compunctionem & tui dilectionem, sterilis, ad quemvis fructum boni operis. Quid ergo?

Velociter exaudi me Domine, defecit spiritus meus. i. omnia quæ sunt spiritus Dei, in me defecerunt. Vel, de me, meisque viribus ac sapientia amplius non præsumo. Familiare est enim peccatoribus ut sibi per suum habeant se non peccasse, vel per solam nescio quam fidem & imaginatam pœnitentiam ad indulgentiam se peruenire posse. Hunc ergo spiritus sui defectum merito allegat Deo, quia eiusmodi defectus facit lapsum diuinis muneribus percipiendis expeditum. Itaque subdit:

D d d d ij

Non

5.

Lucæ 11.

Iren. lib. 3.
cap. 22.

6.

7.

8. *Non auertas faciem tuam à me.* i. ne auerferis me : Auerſationem namq; animi ſolemus auerſione faciei manifeſtare. *Et. q. d. ſi ſecus feceris, ſimilis ero deſcendentibus in lacum.* i. in deteriora conuerſus, peccata peccatis addendo, ſenſim, aliorum more, deſcendam in infernum.
9. *Auditam fac mihi mane.* i. maturè, *miſericordiam tuam,* vt eam interno auditu percipiam, *quia in te ſperavi.*
10. *Notam fac mihi viam in qua ambulem.* i. intus doce me viam illam, quam pœnitentibus, vt ad pœnitentiæ profeſtum & indulgentiam deueniant, ſta-tuiſti. *Quia ad te leuaui animã meam.* i. ad te pro auxilio hoc me erexi: quod meritò allegat, Ad Deũ enim ſe hoc modo leuare, ſicut & de Deo ſperare, quoddam promereri eſt, vt de ſpe ex D. Bernardo in Pſal. 56. diximus.
11. *Eripe me de inimicis meis.* i. Tuere me à tentationibus quas inimici hanc viam carpentibus inceſſanter intentant. Sugerunt enim eis tædium & deſperationem vt frangant, præteritarũ delectationum memoriam vt à propoſito reuocent, *Domine ad te.* i. tuam protectionem *confugi.* Et quia pœnitentibus præter auerſionem à malo neceſſaria eſt in poſterum diuinorum mandatorum cuſtodia, addit, *Doce me facere voluntatem tuam,* quod intelligendum eſt de illo doctrinæ genere, quo per charitatem affectus confortatur & incenditur. De quo ex D. Auguſt. ſubinde diximus. *Quia Deus meus es tu.* q. d. propter temetipſum. Hoc ergo eſt obſecrantis. Et quandoquidem ex iniuſtitia ad charitatem ordine perueniendum eſt, ope Dei dirigentis & adiuuantis, ſcriptum eſt enim, *Ordinauit in me charitatem.* i. ordine me peruenire fecit, vt ſuo loco inter cætera expoſuimus, ad charitatem, ideo ſubiungitur,
12. *Spiritus tuus bonus.* q. d. Spiritus tuus qui tecum vnus eſt Deus. Si enim nemo bonus niſi vnus Deus, & Spiritus eſt bonus, ergo Spiritus Deus. Vel, bonus, cui bonitas ex ipſa ſua proceſſione appropriatur. *Deducet me.* Deducet, inquit me, operaturus hoc quod imploro non vt inhabitans, ſed vt nondum inhabitans, *In terram rectam.* i. in terram ſiue conſortium iuſtorum atque ſanctorum, *Propter nomen tuum Domine, viuificabis me.* i. inſuſa charitate vitam mihi præſtabis. Pœnitentes enim ante reconciliationem, tameſi quædam vitalia exerceant, cùm credunt cùm inuocant, cùm de ſemetipſis vindictam ſumunt, non debent tamen dici ſimpliciter viuere, quia ſcriptum eſt, tranſlati ſumus de morte ad vitam quoniam diligimus ſiue charitate amamus atque complectimur fratres: Ante reconciliationem autem pœnitentes non habent charitatem, (Hæc enim eſt de corde puro, conſcientia bona quæ eſſe non poteſt in irreconciliatis) ergo nec ſimpliciter vitam. Opera proinde vitalia quæ exercent pœnitentes, viuificationis ſunt, non vitæ. Propter quod etiam Dominus dicebat Martha, Ego ſum reſurrectio

surrectio quæ est motus ad vitam seu viuificatio, Christus enim motum ad iustitiam in nobis operatur. Addit, Et vita, quia per spiritum suum mediante charitate iustos inhabitans, eos de se viuere facit. Qui credit in me, quod inter cetera faciunt pœnitentes, etiamsi mortuus fuerit per peccatum, viuet. i. ad iustitiam perueniet. Non dicit, viuit, quia fides per se opus est resurrectionis nondum vitæ. Addit; Et omnis qui viuit & credit in me. i. qui accepta iustitia credit à me iustitiam sibi conseruandam esse, sicut prius crediderat eam sibi esse donandam, Non morietur in æternum, quia Dominus eum merito illius fidei conseruabit. Viuificabis ergo me in æquitate tua. Æquitas media est inter misericordiam & iustitiam. Misericordia enim meram confert gratiam; Iustitia mercedem, Æquitas autem retributionem quam vocamus de congruo. Respicit namque æquitas in meritum imperfectum, & ob id, aliquid, quantumuis parum, habet de ratione iustitiæ; plusculum, de ratione misericordiæ. Dicit proinde, Viuificabis me in æquitate tua, insinuans pœnitentes non tam gratuito à Deo accipere iustitiam, quam gratuito impij primam ab eodem accipiunt gratiam, sed accipere ab eo iustitiam vt gratiam, quæ tamen retributionis, longè quam merebatur dignioris, rationem sibi habeat annexam. Nec enim ipsa remissio peccatorum sine aliquo merito est, inquit Aug. si fides hæc impetrat. Quis autè iustitiæ finis?

D. Aug. 8.
epist. 105.

Educes de tribulatione animam meam. Dicetur namque tandem timore malorum sublato, Quoniam ex omni tribulatione eripuisti me. *Et in misericordia tua,* quam exhibebis iustis *disperdes.* i. à iustis separabis & in varias perditorum classes pro meritis suis distribues, *Omnes inimicos meos.*

13.

Et perdes, id est, æternæ perditioni addices *omnes qui tribulant animam meam.* i. qui irrisione pœnitentiæ ac humilitatis meæ & impugnatione omnis boni alijsque modis continuam tribulationem inferunt animæ meæ. *Quoniam ego seruus tuus sum,* Vnus ex illis circa quos implebitur illud *Isa. 65.* *Isaia, Ecce serui mei lætabuntur & vos confundemini: Ecce serui mei laudabunt præ exultatione cordis, & vos clamabitis præ dolore cordis, & præ contritione spiritus vlulabitis.*

14.

PSALMVS CXLIII.

Psalmus David aduersus Goliath.

Continet Psalmus gratiarum actionem & orationem quæ conueniat omnibus, quibus est colluctatio non aduersus carnem & sanguinem, sed aduersus principes & potestates, tenebrarum harum, contra spiritualia nequitie in cælestibus.

Benedictus Dominus Deus meus qui docet manus meas ad prælium, & digitos meos ad bellum. Nomine manuum bellandi vires; Digitorum verò

1.

D d d d iij bellandi

bellandi discretio intelligitur. Agit ergo Psaltes his verbis gratias quia acceperat à Deo bellandi virtutem & bellandi peritiam, nam & spiritualia bella gubernaculis tractanda sunt. Sunt enim vitia cum quibus hæc bella geruntur, alijs & alijs modis expugnanda. Quædam fugiendo, vt vitia concupiscentiæ carnalis. Quædam congrediendo vt vitium acediæ impatientiæ & similia.

2. *Misericordia mea & refugium meum.* Misericordiam prius nominat quam refugium, quia præcedit misericordia vt faciat hominem ad Deum confugere: Et quia nunquam frustra ad Deum confugitur, subiungit, *susceptor meus.* i. suscipiens confugientem ad se. *Et liberator meus.* i. liberans à malo eos quos suscepit.

3. *Protektor meus & in ipso speravi,* spes enim protectionis futuræ, nutritur per experientiam præteritæ. *Qui subdit populum meum sub me* Das enim mihi non solum hostium meorum, sed etiam populi mei inobedientiam & rebellionem feliciter debellare, eumque ad obedientiam cōuertere. Porro quia omnia hæc enumerata Dei beneficia ex diuina oriuntur gratia, quæ ratione primæ gratiæ maximè gratuita apparet, abripitur nunc Psaltes in eiusdem primæ gratiæ admirationem, dicens:

4. *Domine quid est homo quia innotuisti ei, aut filius hominis quia reputas eum.* i. Cuius meriti est primus homo cū tota sua posteritate, (sic enim hominem à filio hominis in Psal. 8. distinximus) vt innotesceres ei, aut reputares eum tua descensione esse quærendum, tui ipsius impendio esse redimendum? Idque, quia,

5. *Homo vanitati similis factus est.* i. cū à te esset creatus rectus, sua culpa in amorem terrenarum & transitoriarum rerum prolapsus, ipse quoque terrenus & inanis effectus est. *Dies eius sicut umbra prætereunt,* quia in tenui quadam bonorum magis imagine quam veritate decurrunt. Non ergo ille secundum imaginem Dei homo vanitas est, ait Ambrosius, sed qui illud amittit & in peccatum decedit, & in materialia ista dilapsus est, iste homo est vanitatis. Proinde gratiæ quidem erat hominem integrum lumine supernaturali illustrare, id enim non debebatur humanæ naturæ: Mirabilis vero gratiæ est, hoc lumine hominem iam lapsum & in transuersum actum redintegrare. Cui hoc accedit quod necesse fuerit dona gratiæ huius homini tam indigno donandæ, eiusdem infirmitati attemperare. Quam Dei humanitatem insinuare volens Psaltes eandem simul implorat & subdit:

6. *Domine inclina callos tuos,* cælestem tuam sublimitatem ad quærendam & confectandam ouem perditam dimitte, *Et descende.* i. lumē & auxilium gratiæ tuæ, infra quam requireret maiestas tua, nobis qui ab lapsu humi iacemus, nostræque infirmitati attempera & accommoda. Quod certè in Christianis

Amb de I-
saac, ca 2.
Aug. 17. de
Crisit, c. 11.

stianis egregiè impletur, Iam enim inhabitat nos Christus per fidem, cuius lumen tenellum est, & humanæ infirmitatis tenellis viribus, vt Irenæi vo- *Iren. lib. 4. cap. 75.*
cabulo vtar, coinfantiatum. De quo inclinandi modo Ambr. Si sobriè de *Amb. 5. de fide, cap. 4.*
Dei filio & quæ digna sunt opinemur, ideo missum intelligere debemus, quia ex illo incomprehensibili inenarrabiliq̃ue secreto maiestatis profundæ dedit se comprehendendum pro captu nostro Dei verbum, nō solum cum se (per incarnationem) exinaniret, sed etiam cūm habitaret in nobis, sicut scriptum est, quoniam inhabitabo in illis. Itaque verbum in eo descendere videtur si nostros penetret affectus. Hæc Ambros. Cui descendendi modo Augustinus adiungit & hunc, quo Deus ad humana verba descendit, & suæ maiestatis opera, rerum humanarum vocabulis describi dignatus est, vt possent ab hominibus carnalibus ad modum rerū carnalium percipi & apprehendi. Vt enim genuinum filium se habere hominibus declaret, dicere voluit se ex vtero generasse: Ad protegendum nos, alas sibi tribuit & sic de reliquis: His ergo modis inclinatur Deus cælos suos & descendit. Descendit quidē filius Dei per incarnationē, sed de illa descensione hic non est sermo, tametsi à quibusdam eò extendatur. Hoc demonstrant sequentia, in quibus variij modi descensionis enarrati, satis indicant textum de descensione spiritali intelligendum esse, Sic enim habent. *Tenge* contactu gratiæ tuæ, vt sint ex illis de quibus scriptum est, Iuit cum eo pars exercitus quorum Deus tetigerat corda. *Montes*. i. superbos, quo nomine hic quædam hominum vniuersitas denotatur, Omnes enim homines priusquam in Christo humiliētur, aut ab eo, in principio disciplinæ Christianæ discant fieri humiles corde, superbi sunt. *Et fumigabunt*. i. incipient modica quædam igniculi à te concepti effecta edere. Linum namque fumigans, inquit Basil. is est, qui nō pleno studio, sed segnius Dei mandata exequitur. *Basil. int. breu. 291.*

Fulgura coruscationem. i. apparere sacra miracula, de quibus Psal. 76. dictum est, Alluxerūt coruscationes tuæ orbi terræ, & dissipabis eos. i. Societatem eorum qui pertinent ad castra Goliath, multis se ab ea subducētibus, dissolues ac infirmabis. *Emitte sagittas tuas*. i. verba tua, & conturbabis eos, vt stimulis conscientiaē acceptis dicant: Cor meum conturbatum est in me. Et hæc quidem de descensione Dei ad cōuertendum impios, post quæ, implorat Psalter vt Deus inclinet cælos suos, & descēdat in auxilium, protectionemq̃ue piorum, & dicit:

Emitte manum tuam. i. operationem gratiæ tuæ, *de alto*. i. de sublimi dignationis tuæ. *tolle me & libera me de aquis multis* ne peccē in multitudine, vt dicit Sapiens, ciuitatis, insequens, quod vetat Exodus, turbam ad faciendum malum. *Israhel*, non bene regendo commissam mihi multitudinem, alligandoq̃ue multos, vt ibidem dicit Sapiens, peccata duplicia, propria, nempe,

Iren. lib. 4. cap. 75.
Amb. 5. de fide, cap. 4.

Aug. cont. Adam c. 13

Basil. int. breu. 291.

7.

8.

Eccle. 7. Exod. 23.

nempe, & aliena. Quæ expositio videtur non esse impertinens proposito, Cum enim Psalter pro exaudita hac oratione paulò post agit gratias, dicit inter cætera, Qui das salutem regibus, vt inde conijcere liceat, eum hic pro regibus precatum fuisse. *Et de manu.* i. potestate aut multitudine, *filiorum alienorum.* i. non pertinentium ad regenerationem qua efficiamur filij Dei,

Epist. 52. ait August. E quorum manu iste se eximi precatur, ne ab eis in opinionem falsæ beatitudinis sectande, atque impia peccata pertrahatur, sequitur enim;

9. *Quorum os locutum est vanitatem,* Sunt enim ex illis de quibus Psal. 11. dictum est, Vana locuti sunt vnusquisque ad proximum suum. *Et dextera eorum dextera iniquitatis,* quia in quo iudicio terrena præponunt celestibus, ait ibidem August. terrenaque, non nisi per summam iniquitatem, pro

Aug. quasi. 48. in Gen. summis bonis, ait idem alibi, a stimant. In hac ergo petitione exauditus Psalter subdit gratiarum actionem,

10. *Deus canticum nouum.* i. renouati hominis, *cantabo tibi, in psalterio decachordo.* i. vna cum obedientia mandatorum decalogo contentorum, *Psallam tibi.* Gratitude enim ea bona est, quæ non solis verbis comprehensa, obedientiam Deo benefactori magis deuotam rependit.

11. *Qui das salutem regibus.* i. Reges in tantis suæ damnationis, ob prouinciam (si ad normam diuinæ legis & voluntatis administranda est) difficillimam, periculis constitutos, ad salutem perducis. *Qui redemisti Dauid.* i. me seruum tuum, à peccato in publica mea administratione tam in Vriam, quam ob numerationem populi, in totam remp. admissio: Quo verbo iudicat reges saluos fieri mediante remissione multorum peccatorum. Quæ remissio ne eis ad peccata ea spe committenda fenestram aperiat, sed potius incutiat, vt æquum est sollicitudinem in posterum non peccandi, Psalter, de suo exemplo alios reges modeste instruens, subiungit, *De gladio maligno.* i. peccato quo confoditur anima in interitum: Qui bene malignus dicitur quia est effectus malæ voluntatis, *Erue me,* ne in illud sæpius incidam illudque incurram. Vt autem Psalter vberius enarret vanitatem terrenæ felicitatis quam loquitur, crepat, & alijs commendare conatur os filiorum alienorum, repetit versiculum prius enarratum, & dicit:

12. *Et erue me de manu filiorum alienorum quorum os locutum est vanitatem, & dextera eorum dextera iniquitatis.* Quod particulatim enarrando, addit,

17. *Quorum filij sicut nouellæ plantationes in iuuentute sua.* Non dicit, nouellæ oliuarum, quia filij eorum non sunt radicati & plantati in charitate, vt in ea à teneris (sicut de filiis eorum qui timent Dominum in Psal. 127. diximus) crescant, sed plantati sunt in saeculo, vt mores eius à teneris induant, Cuiusmodi erant adolescentes cum Roboam enutriti in delicijs, De quibus.

quibus & Iob, Paruuli eorū exultant lusibus: Nihil enim nisi ludicra sectari & toto corde exercere discunt.

Filia eorum compositæ moribus, gressu, sermone, Idque ad venustatem, *circumornatæ*. i. omni ex parte ornate *ut similitudo templi*. i. ad instar templi, Vel, quia ea quæ in templis ad religionem sunt pulchra, hæc illæ ad formæ suæ lenocinium transferunt. Vel, quia ut deæ quædam adorari volunt. Ornatum autem earum plenissime describit Isaias cap. 3. 14.

Promptuaria eorum plena. i. omni rerum copia referta, *eructantia ex hoc in illud*, ut cum appetentiam ciborum ne quidem saturitas expleuerit, varietate eduliorum ac deliciarum possint satietatis fastidium fallere, 15.

Oves eorū fætosæ abundantes in egressibus suis. i. numerosissimis gregibus ad pascua pergentes. *Boues eorum crassæ*, Saginantur namque ad voluptatem. 16.

Non est ruina maceria neque transitus, quia nihil caducum in splendidis eorum ædificijs aut parietibus. *Neque clamor in plateis eorum*. Pellunt enim procul ab auribus suis clamores miserorum, ne vel illi pacem, quam in fruitione terrenorum habent, ad modicum inturbent. His autem omnibus non solum ad voluptatem abusi sunt, sed insuper, 17.

Beatū dixerunt populum cui hæc sunt. i. prædicant in his beatitudinem hominis positam esse. Nunquid verè? Absit, quia *Beatus populus cuius Dominus Deus eius*, q. d. ille demum beatus est populus cui Deus verus se exhibet in Deum, Beatus, inquam, hic in spe, postmodum in re. 18.

PSALMVS CXLI III.

Laudatio ipsi David.

IN principio Psalmi sicut & in exordio Psalmi 91. exponit Psalter quid hoc Psalmi præstare intendat siue in animo habeat & dicit.

Exaltabo te. i. presenti Psalmi extollam te, *Deus meus rex*, ut tætsi pro dignitate cognosci nō possis, in hominū tamen cognitione exalteris, & maior euadas. Dicit autem *Deus meus rex*, quia propositum illi est regiam Dei virtutem eiusque regnum enarrare. *Et benedicam nomini tuo in sæculum, & in sæculum sæculi*. i. formulam conscribam per quam in ore suo qui per sæcula sæculorum futuri sunt, benedicant nomini tuo. Cū enim Psal. in sæculum sæculi perseveraturus non fuerit, necesse est ut verba hæc, eo quo exponimus modo, intelligentur. 1.

Per singulos dies benedicam tibi & laudabo nomen tuum in sæculum, & in sæculum sæculi. Prædicat futurum ut Psalmi ab ipso conscripti singulis diebus ab Ecclesia recitentur, ad laudem & diuini nominis benedictionem. Quod quidem dicendo, *Benedicam tibi & laudabo nomen tuum*, prædicat 2.

Eccc se factu-

se facturum, sed hætenus, quia ipse per verba sua in ore pronunciantium futurus erat, & per spiritum suum sic Deum laudantibus ad futurum. Sancti enim, inquit Athan. qui sacra verba nobis suppeditarunt, comprecantur nobiscum, Deumque vna nobiscum laudant, cum audiunt verba sua de ore nostro resonare. Hæc ergo præfatus, transit Psalter ad enarrationem diuinæ magnitudinis & dicit:

3. *Magnus Dominus*, Non mole aut enormitate corporeæ substantiæ, sed maiestate, *Et laudabilis nimis*, quia maior omni laude, Sicut scriptum est, Laudantes Dominum quantum potestis, superualebit adhuc, *Et magnitudinis eius non est finis*. i. infinitæ est magnitudinis.
4. *Generatio & generatio laudabit opera tua*, quia sicut opera tua nulli generationi deerunt, ita nec vlla generatio tuis deerit laudibus. *Et potentiam tuam pronuntiabunt*. Dicent enim: In ditione tua cuncta sunt posita & non est qui possit resistere voluntati tuæ, Dominus vniuersorum tu es.
5. *Magnificentiam gloriæ sanctitatis tuæ loquentur*. i. loquentur quam gloriose magnificata sit sanctitas tua in ijs quos de se magnifice sanctificauit, & quæ de sanctificatione nostra magnifice & abunde conscribi voluit. *Et mirabilia tua quæ exerces in conuersione, conuersatione, virtute sanctorum tuorum, narrabunt*.
6. *Et virtutem terribilium tuorum*, quam in peccatores ad terrorem, seu exterrendos eos qui non timent te, exerces, *dicent*. Quamobrem nunc recitantur in Ecclesia terribilia quæ Deus exercuit in Pharaonem & terram Ægypti, gentem Iudaicam post occisum Christum, vt discant dilecti Dei per timorē Domini terribilem diem iudicii euadere. Ad hoc enim Deus exercuit virtutem in Pharaonem, vt ostenderet potentiam suam, & annunciaretur nomen eius in vniuersa terra.
7. *Memoriam abundantie suauitatis tuæ eructabunt*. i. Tanquam qui musto quodam gustatæ tuæ dulcedinis pleni sint, sic eructabunt dulcedinem suauitatis tuæ quoties memoriam tui fieri vel celebrari contigerit. Quod non omnium esse deplorat Bern. Non omnium est, inquit, quod propheta ait memoriam abundantie suauitatis tuæ eructabunt, siquidem nec omnes hæc memoria pascit. Certe nemo quod non gustauit, sed nec quod tantum gustauit, eructat: Ructus quippe non nisi de plenitudine & satietate procedit. Propterea quorum secularis est mens, & vita sine deuotione & affectione, dies istos arida quadam consuetudine obseruant. D. vero Greg. intelligit hunc versum de illis qui vitæ contemplatiuæ incumbunt. Hi enim per infirmitatem mentis & corporis à contemplationis sublimitate & intensiōe subinde delapsi, memoriam interim eorum quæ aliquādo contemplati sunt diligenter conseruant, suamque memoriam subinde excutientes, de eadem species

D Bern. ser.
3. de Nat.
Domini.

Greg. hom.
5. in Exech.

species quasdam præteritæ contemplationis cum dulcedine spirituali educunt, eaque ratione memoriam diuinæ suauitatis, quasi de quodam memoria ventris, ut ait Augustinus, eructant. Quale quid contigit Augustino in hæc verba de se scribenti. Tum vero inuisibilia tua per ea quæ facta sunt, intellecta conspexi, sed aciem figere non valui, & percussa infirmitate redditus solitis, nõ mecum ferebam nisi amantem memoriam, & quasi olfacta desiderantem, quæ comedere nondum possem. *Et iustitia tua*, quam à te acceperunt, *exultabunt*. Adfert enim iustitia lætitiā & gaudium. Et quoniam in his omnibus perficiendis Dei misericordiam & patientiam experti sunt, illam prædicantes dicunt,

Miserator & misericors Dominus, patiens & multum misericors.

8.

Suavis Dominus & in uersis, tam impijs quàm iustis. Impios enim ad penitentiam benigne inuitat, cum dicit, Et quare moriemini domus Israel, Vivo ego, nolo mortem peccatoris. Iustos vero & conseruare & æterna vita donare benignè premitit. *Et miserationes eius super omnia opera eius*. i. omnibus suis operibus propitius est & benignus. In impijs autem nõ sua damnat opera, sed aliena, inquit Prosper. Vel, quia superexaltat misericordia iudicium, ita ut etiam extremum iudicium impiorum, misericordia & clementia mitigetur.

9.

Confiteantur tibi Domine omnia opera tua. i. omnia opera tua per nos ad laudem nominis tui & gratiarum actionem Domine referantur, Dignum enim & iustum est. Singulariter autem *sancti tui benedicant tibi*, pro singulari munere sanctificationis suæ.

10.

Gloriam regni tui dicent, Dicit proinde hoc tempore Ecclesia, O quam gloriosum est regnum in quo cum Christo gaudent omnes sancti, & *potentiam tuam*, quam exerceas in corroborandis ad iustitiam fidelibus & ad obseruantiam præceptorum eius, infirmis, quibus id antè impossibile videbatur. Hanc inquam *loquentur*. Ad quid?

11.

Ut notam faciāt filijs hominum. i. illis qui ob id quod carnaliter nati sunt filij hominum sunt, & nulla in parte spiritualiter regenerati ut possint dici filij Dei. Quid vero? *potentiam tuam*, ad iustificandum impium & corroborandum infirmum, ne desperatione acquirendæ iustitiæ quæ in arduo est, ab ea quærēda abstant. Hoc autem valde conuenienter agitur per sanctos, vel hominēs ab impietate sanctificatos, tū quia experientia diuinæ virtutis, efficax ad persuadendum est magistra, tum quia exempla a mulationē prouocant. Porro quia finis iustitiæ, teste Apostolo, est vita æterna, simul notam faciēt. *gloriam magnificentiæ regni tui*. i. quam magnificus sis in glorificandis tuis sanctis, ut à principio discant filij hominū quæ spe debeant iustitiā expetere, & in ea perseverare. Quale autē est regnum tuū quā diuturnū?

12.

Eccc ij Regnum

13. *Regnum tuum regnum omnium seculorum. i. sine fine perpetuum.* Nunquid autem est solum futuri sæculi? Non: quia *dominatio tua in omni generatione & generationem. i. quamdiu generationi succedit generatio, etiam in sanctis tuis regnas.*

14. *Fidelis Dominus in omnibus verbis suis,* Non dicit his aut illis, inquit *Basil. homi. de iudicio* Basilius, sed omnibus. Fidelis enim est in omnibus quæcunq; vel verat, vel iubet, vel promittit, vel minatur. *Et sanctus in omnibus operibus suis. i. nihil vitij committit in omni eo quod agit.* Quia,

15. *Alleuat Dominus omnes qui corruunt & erigit omnes elisos,* Quomodo ergo, inquit *Prosper ad capp. Gall. c. 11. Et, ad obiect. Vincent. cap. 7.* Prosper, in peccata propellit? Quam Dei alleuationē & erectionem, si per opem gratiæ generalis fieri intelligas, erit sententia vniuersaliter vera. Si vero per opem gratiæ efficacis, tum per notam vniuersalitatis intelligitur vniuersitas electorum cum appendice illorum, qui pro tempore efficacis Dei gratiæ consortes sunt. Habet enim populus Dei plenitudinem suam, inquit idem:

16. *Oculi omnium in te sperant Domine,* Omnis enim creatura fragilitatis suæ sibi conscia, superioris opem ad sustentationem sui, desiderio naturali implorat. In quo genere excellit homo hanc Dei opem per fidei pietatem inuocans. Nec frustra, *Et tu das escam illorum,* tam corporis quam Spiritus, *in tempore opportuno,* quod inter cætera tum adest, cum creatura præuio desiderio satis exercitata, Dei muneribus capiendis effecta est capacior, vt & esca diuinæ gratiæ adueniat dulcior. Vt enim Deus creaturam suam implendo faciat meliorem, prius eam facit desiderando, inquit *August. auidiorem.* Et ob id facit oculos omnium creaturarum, & præcipue hominis, suo quosque modo, prius de se sperare.

17. *Aperis tu manum tuam, & imples omne animal benedictione.* Bona ergo sunt opera tua in vnamquamque creaturam. Nihilominus, nomine omnis animalis homo recte intelligitur, & similiter spes quam diximus, potest intelligi esse virtus, non solum naturalis instinctus. Omne enim animal dicitur homo quia omnium animalium perfectiones in se comprehendit. Hic autem oritur quæstio: Multi homines esca spirituali destituuntur, ergo non solum benedictio, sed etiam desertio est à Deo. Nequaquam. Id enim propriè dicitur esse ab aliquo quod ab eo authore procedit. Desertio vero à Deo authore non prouenit, quia,

18. *Iustus Dominus in omnibus vijs suis,* siue iudicij sui. Si iustus, ergo retributor; Si retributor, ergo non author, quia is author est, qui negotij caput est. Caput autem retributionis bonæ est meritum, malæ demeritum. Proinde qui à gratia Dei deseruntur, non recte dicunt illud Ecclesiastici 15. Per Deum abest; quia per Deum abest quod Deo authore, non autem retributor.

tributore, siue, Dei antecedente, non autē consequente voluntate, abest; Ideo & Epiphanius dicit, Deum mortis causam vel authorem non esse, *Heret. 64.* quia eam, inquit, principaliter non infert sed secundariò, Sed nunquid Deus deferendo siue non adiuuando quamuis iustè peccatum operatur? Absit: quia *Sanctus in omnibus operibus suis*, etiam illis per quæ exercet iustitiam. Vnde ergo peccatum in illis qui deferuntur seu non adiuuantur? Ex illis ipsis. Ipsi namq; ope diuinæ gratiæ non impediti, semetipsos conuertunt ad facienda opera tenebrarum. Ait namque Hilarius; Fit abscessio Dei à nobis, quia nos ab eo in peccata discedimus. Discedente eo à nobis, *D. H. in psal. 120.* in omnes peccatorum foueas incidimus, per amplissimā mortis viam currimus, dominatui dæmonum subditi, quibus nos Dei à nobis abscessio derelinquit.

Prope est Dominus omnibus inuocantibus eum, omnibus inuocantibus eū 19. *in veritate.* i. ex vera fide, inquit Atha. Vel, ex sincera pietate seu charitate. *D. Atha. ser. de pass.*

Voluntatem timētium se faciet, quia illi nihil aliud quam quod ipse voluerit volunt. *Et deprecationem eorum exaudiet.* Memoria enim diuinorū præceptorum viam sternit orationibus ad cælum, inquit Tertull. alioqui quantum à præceptis, tantum ab auribus Dei longè, inquit, absumus. *Tert. de orat. c. 10.* *nos faciet.* i. æterna salute donabit eos.

Custodit Dominus omnes diligentes se, ita vt eos non deferat, si non ab eis deferatur. Omnibus enim diligentibus Deum commune est, vt qua parte Deum diligunt, ab ipso vicissim pro ratione ac mensura suæ dilectionis, plus minúsve diligantur, adiuuentur, dirigantur, custodiantur, conseruentur. Qua parte tamen Deum non diligunt, multi sibi permittuntur, & ex ea parte quæ Dei dilectione non raro fortior est, aut certe accedente têtatione fortius inualefcit, à Dei dilectione se auertere, Deumque deferere incipiunt. *Et omnes peccatores disperdet.* Significatur potius quid omnibus peccatoribus (peccatores illos dico qui iusti non sunt) debeatur, quam quid omnibus eueniat: nisi sub hac generali clausula intelligere malueris illam peccatorum vniuersitatem, quæ à sinistris Iudicis erit constituēda. Illos enim omnes, iudex, odio ab inuicem diuisos, in æternam damnationem re ipsa præcipitabit. Quibus sic disperditis, dicit corpus iustorum,

Laudationem Domini loquetur os meum, nam tum temporis carnis resurrectione completa, ora sua soluent iusti in laudes Dei, seu potius vno ore omnes iusti super vnius generis sibi præstita gratia laudabunt Deum. *Et benedicat omnis caro nomen sanctum eius.* Omnis, inquit, caro, quia omnia membra & viscera incorruptibilis corporis, inquit August. quæ nunc videmus per vsus necessitatis varios distributa, quoniam tunc non crit ipsa necessitas, sed plena, certa, secunda, sempiterna felicitas, proficient in lau-

Eccc iij dibus

tribus Dei, & in Dei artificis laudem rationalis pulchritudinis delectatione
in saeculum, & in saeculum saeculi. i. in perpetuum, succedent.

PSALMVS CXLV.

Alleluia Aggae & Zachariae.

Reponuntur in hoc Psalmo illa quae eos qui ex Babylonica seu saeculi captiuitate secundum prophetias Aggae & Zachariae redierunt, merito mouere debent & excitare ad laudandum Deum. Itaque Psaltes, ad exemplum vniuscuiusque nostrum semetipsum in laudes Dei excitans, animam suam affatur in hac verba.

1. *Lauda anima mea Dominum.* Dicit *anima mea*, In votis enim ei erat ex animo, omnibusque viribus laudare Deum, Nec enim deuotionem suam explere poterat si confiteretur Domino solummodo in ore suo. *Laudabo Dominum.* i. propositum mihi est, siue in votis habeo laudare Dominum *in vita mea*, vt vitam meam sine diuinis laudibus celebrandis non traducam. Imò *Psallam Deo meo quamdiu ero*, vt non prius laude Dei, quam vita mea destituar.

2. *Nolite confidere.* i. spem salutis aut beatitudinis reponere, *in principibus*, qui non solum saeculi bonis affluere, sed ea etiam praestare posse videntur. *In filiis hominum.* i. in quibusuis hominibus, subaudi, nolite confidere, *in quibus non est salus*, quia nec Principes aut potestates, nec vlli alij homines veram possunt praestare salutem aut beatitudinem. Beatitudo enim consistere non potest nisi in fruitione bonorum quae perpetua sunt. Si enim,

Aug. 11 de
Ciuil. 6. 11.

vt docet August. anima quae bonis fruitur simul nouerit se illis aliquando esse priuandam, necesse est vt metus futurae iacturae pacem praesentis beatitudinis interturbet. Si autem anima secus quam futurum est, opinata fuerit, non potest in ea opinione esse beata, quia beatitudinem non facit error, sed veritas; Itaque necesse est beatitudinem in bonorum aeternorum conscia fruitione consistere. Bona autem quae Principes aut filij hominum secundum saeculum (de ijs enim hic est sermo) praestare possunt, perpetua non sunt, nam & illi ipsi qui eadem praestent aut accipiant, non sunt perpetui, Quia

3. *Exibit spiritus.* i. anima eius, principum scilicet, & cuiusuis hominis beatitudinem in hoc saeculo, si fieri potest, praestantis, aut praesumentis, *Exibit*, inquam, per mortem à corpore deficiente expulsus. Corpus enim per corruptionem vitali habilitate amissa, animam ponere seu efflare aut emittere dicitur, vt ex Tertull. August. & Irenaeo supra citauimus. *Et*, ille cuius spiritus, vt dictum est, exierit, ille, inquam, secundum corpus, *reuertetur in terram suam*, de qua sumptum est. Non potest proinde ex hac scriptura concludi animam simul cum corpore per mortem in terram redire aut dissolui. *Quod enim hic dicitur, reuertetur in terram suam*, secundum corpus intel-

ligen-

ligendum esse attestatur Sapiens, cum dicit, Pulvis reuertetur in terram *Ecclie, 12.*
 suam & spiritus ibit ad eum qui dedit illum. *In illa die peribunt.* i. in nihilum redigenda sunt, *omnes cogitationes eorum*, Auferetur enim ab eis quicquid sibi ad beatitudinem huius seculi, quantumvis studiofissimè excogitare potuerunt. Cum ergo beatitudo quæ ab homine est, aut ab homine expectari potest tam fallax sit, caduca & transitoria, Verè

Beatus. i. in sorte eorum qui beatitudinis candidati sunt solus ille deputandus est, *cuius Deus Iacob adiutor eius.* Hoc præmittitur ut doceatur quod spes & appetitus illorum bonorum, in quibus est vera beatitudo, non nisi ex Dei dono haberi possit. *Spes eius in Domino Deo ipsius.* i. qui pro obiecto spei suæ ipsum Dominum Deum habet atque adeo ipsum creatorem, *qui fecit cælum & terram, mare & omnia quæ in eis sunt*, Non creaturam, cælo, terra ac mari conclusam, quam proponunt sibi illi qui confidunt in principibus & in filiis hominum in quibus non est salus. Verè ergo iste præ reliquis beatus est, quia spem suam in eum defigit, qui bonis huius seculi tanto præstantior est, quanto creator præstat creaturis. Non solum autem, verum etiã alia cõsideratione præ reliquis beatus est, Illi enim spem suam ponunt in principibus aut filiis hominum qui fallere, & promissa possunt non præstare, hic autem cui spes est in Domino Deo ipsius sperat in eo,

Qui custodit veritatem in seculum. i. qui agnoscitur per omnia secula promissa implese; Is enim est de quo dixit quis, Dixit ergo & non faciet? *Numer. 23.*
 Loquutus est & non implebit? Imo implebit; Nam & Israel oblati quæ secundum eius promissa acceperat muneribus, professus est, Deo id, ad conciliandam sibi hominum fidem, procurante, se ingressum esse terram pro qua iurauit patribus eius. Si ergo alicui spes est in eo qui custodit veritatem in seculum, ex eo certior efficitur quod etiam custodiet veritatem in futurum: Et speratam secundum eius promissa beatitudinem, absque vlla fraude præstabit, ita ut unicuique sperantium in Domino dicendum sit; Scio cui credidi & certus sum, quia potens est depositum meum seruare in illum diem. Et quia beatitudinis quædam portio est à malis separari & de illis triumphum agere, addit Psaltes, *facit in seculum scilicet iudicium iniuriam patientibus*, Nam & iudiciũ exercuit in Nabal de iniuria Dauidi illata, ut ex his quæ in seculo agit, meritò speres quod ad completum beatitudinis suo tempore plenè faciet Dominus iudicium inopis & vindictam pauperum, iudicans eos & discernens causam eorum de gente non sancta ab homine iniquo & dolofo eruens eos. Quam partem hic Psaltes priori addit, Ne quis beatitudinem quam principes pollicentur, sperata à Domino beatitudine arbitretur esse potiorem, etiã præponendam, eo quod principes beneficiariorum suorum iniurias possunt in hoc seculo vindicare. Adhæc,
 Deus

Deus *dat escam esurientibus*, Oculi enim Domini super metuentes eum & in eos qui sperant super misericordia eius, ut alat eos in fame, & id tanta cura ac fide, ut non viderit Psalter iustum derelictum nec semen eius quærens panem. An non ergo ex adeptione præsentium firma debet esse expectatio futurorum? ut quandoquidem anima beatitudine nihil vehementius esurit, nec desiderat ardentius, certissimè sperandum sit, quod Deus animas eorum qui esuriunt & sitiunt iustitiam, satiabit aliquando adipe frumenti ac pabulo æternæ vitæ replebit in bonis desiderium eorum? Itaque præ illis qui confidunt in principibus, & in filiis hominum in quibus nō est salus; beatus cuius est spes eius in Domino. Potius enim est quod sperat, sperat namq; acquirere Deum ipsum ac creatorem. Potior est is in quem siue cuius munere id adipisci sperat quod sperat, Fallere enim non potest, Quod non solum possunt, sed faciunt principes & filij hominum. Denique potiora sunt argumenta siue principia ob quæ in Dominum sperat, cum fides Dei & benignitas tot documentis & testificationibus explorata sit & confirmata. Ex ijs enim quæ Deus secundum præcedentes de se prophetias impleuit, testificatus est nobis se ea quæ adhuc desunt suis temporibus præstiturum, ut frequenter docet August. Hæc ergo sunt quæ eum, cuius spes est in Domino Deo ipse, in eadem spe omni ex parte confirmare debent & corroborare. Restat ut audiamus quot modis Deus Iacob efficiatur adiutor hominis, ut sit ei spes in Domino Deo ipse. Et in primis quidem, est Deus Iacob adiutor hominis, quia,

6. *Dominus soluit compeditos*. Sunt enim quidam qui per vincula desideriorum carnalium, amoribus rerū præsentium sic implicati sunt & astricti, ut spem futurorum concipere non possint, quod tamen ut tandem aliquando faciant, *Dominus soluit compeditos*. i. amoribus rerum præsentium, inquit August. implicatos, ut possint ad spem futurorum sese cōvertere. Præterea, sunt alij qui sæculari caligine aut ignorantia contenebrati, nequeunt vlla ex parte videre futura, ut in eorum amorē & spem exardescere valeant & assurgere: Nō enim, ut Leonis verbis utar, possunt ibi figere desiderium, quod nequeunt inferre conspectum, tamen & hos, ut futurorum spem concipiant adiuuat Dominus, quia *Dominus illuminat cæcos*, ut valeant, quantum desiderio futurorum concipiendo satis est, futura prospicere. Denique interueniente lapsu, multi, quibus spes fuit in Domino Deo ipsorum, consequendo fructui spei suæ inhabiles sese reddunt, & accedente insuper desperatione dicunt apud semetipsos, Perijt spes nostra & abscissi sumus. Nihilominus, Beatus cuius Deus Iacob adiutor eius, quia,

7. *Dominus erigit elisos*, primò in spem rediuiuæ iustitiæ, & per eam in spem beatitudinis, quæ penitus amissa videbatur, recuperandæ. Porro, sicut hos Do-

hos Dominus ope sua ad concipiendam spem futurorum erigit ac promouet, ita ope consimili etiam iustos in eadem spe conseruat & protegit. Quod Psaltes explicaturus prius dicit, *Dominus diligit iustos*, vt declaret adiutorium Domini circa iustos, ex Dei erga eos singulari amore, & dilectione procedere. Ex qua dilectione,

Dominus custodit aduenas, pupillum & viduam suscipiet, q. d. custodit iustorum spem eosque suscipiet ad beatitudinem; Voluit tamen Psaltes, *aduenam pupillum & viduam*, peculiariter exprimere, vt insinuet quod non sit personarum acceptor Deus, sed in omni gente & sorte hominum qui timer Deum & operatur iustitiam, acceptus sit illi eiusque habeat curam. *Et vias peccatorum disperdet*. i. omni societate & mutua eorum amicitia dissoluta, vijs impiorum ac conuersationi æternum interitum reddet, sicut scriptum est: Iter impiorum peribit. Quamdiu verò hoc diuinum adiutorium atque præsidium circa genus humanum durabit?

Regnabit Dominus, adiuuando, vt diximus, & protegendo *in sæcula*. i. quamdiu decurrent præsentia sæcula, *Deus tuus Sion*, q. d. ille inquam, Dominus qui est Deus tuus, quæ in vmbra eius quem venturum desideras sedes, ô Synagoga, *in generatione & generationem*, ita vt regnum eius nulli vnquam generationi defuturum sit.

PSALMVS CXLVI.

Alleluia.

Laudate Dominum quoniam bonus est Psalmus. i. quia bonum est confiteri Domino, Non quidem quocunque modo, Dicit enim, per Amos Dominus, Aufer à me tumultum carminum tuorum, & cantica liræ tuæ non audiam. Itaque, *Deo nostro sit*. i. exhibeatur iucunda, i. ex hilari & grato canētis animo profecta; Laus enim iucunda est cum sentitur, inquit August. non cum pronunciat: quapropter & Psal. 103. dictum est, Iucundum sit ei eloquium meum, ego verò delectabor in Domino. *Decoræque laudatio*, vt in laudibus Dei præter cætera seruetur etiam decor carminis, modulationis, loci, apparatus sacri, sit & in canentibus decora compositio totius interioris & exterioris hominis. Huius autem iubilationis causa atque materia est,

Ædificans Hierusalem Dominus dispersiones Israelis congregabit. i. ad ædificandam ex hominibus Hierusalem ciuitatem cælestem, Dominus filios Dei secundum prædestinationem qui adhuc sunt per varios errores atque desideria in sæculo dispersi, congregabit in vnum corpus: Quod Tertull. vnum esse dicit de conscientia religionis (si conscientia, ergo Tert. apol. cap. 19. null. ad Ecclesiæ corpus pertinere non putauit eos qui sine religionis con-

ffff scientia

scientia religionem Catholicam solummodo exterius profitentur ac præferunt, De qua re paulò ante ex Apostolo attigimus) Disciplinæ unitate, spei scedere. Hoc autem per Apostolos factum esse & huius loci prophetiam per eosdem esse impletam satis latè prosequitur D. Ambros.

Ambros. in
Psalm. 43.

3.

Isaia 61.

Qui, ut id præstet *sanat contritos corde*. i. eis quibus spirituales vires fidei & pietatis penitus contractæ sunt & contritæ, easdem vires instaurat & redintegrat; Vnde & Christus qui Israël primus congregare cepit, se missum esse dicit ut medeatur contritis corde. Sed quia vires istæ, ut diximus, instauratæ in principio tenellæ sunt & admodum fragiles, *Alligat contritiones eorum*, quia humanitate, curâ & industriâ spiritualis chirurgiæ fouet ac protegit nuper enatas fidei ac religionis vires, donec congruo fomento roboratæ ac confirmatæ, ad virtutum incrementa perfectionemque perueniant, Idque ad eum modum quo chirurgus brachium hominis contractum ac comminutum, sed debito iterum modo compositum, ligaturis qui busdam fouet ac protegit, ut, & donec vires amissæ in id paulatim redeant.

4.

Ambros. in
Psalm. 43.

Qui numerat multitudinem stellarum. i. qui magno quidem sed certo numero definit eos qui ut stellæ fulgebunt in perpetuas æternitates, & *omnibus eis nomina vocat*. Nomen est proprietas, inquit Ambros. vniuscuiusque rei, qua possit intelligi & ab alia distingui. Omnibus ergo illis nomina vocat, quia vnicuique eorum proprium donum distribuit, alij sic, alij autem sic. Ex qua proprietatum diuersitate, sicut stella à stella differt in claritate, sic erit in resurrectione iustorum. Sed ne ob id quod numerus stellarum in numerato est, ipsæque stellæ definitis constent proprietatibus, ipsa Domini potentia definita putetur, subdit Psaltes.

5.

Magnus Dominus noster & magna virtus eius & sapientia eius, in qua fecit omnia, *non est numerus*, multo ergò maiora & plura nouit & potest quam facit.

6.

Suscipiens mansuetos Dominus. i. quos prius mansuefecerit, ut ex Augustino in Psalm. 24. diximus. Illos, ut Cyrilli verbis utar, suscipit secundum habitudinem & familiaritatem quandam spiritualement, quæ est in voluntate, gratia, & sanctificatione, ut adherentes Domino vnus spiritus fiant cum eo. Idque, quia animi mansuetudo docibilem facit atque tractabilem, vnde dicitur Proverb. 3. Mansuetis dabit gratiam, Et Isaia 61. Christus, Ad annuntiandum mansuetis misit me. *Humilians autem peccatores*. i. feroces, peruicaces, mansuetis oppositos. *Vsq; ad terram*, quia tales à cælesti gratia reperiussi in ima corruunt & ad peccatorum deueniunt profundum.

7.

Præcinite Domino in confessione. i. Incipite cultum religionis vestræ à Dei laudibus ut ex Basil. supra diximus. Vel, Sint aliqui in vobis quasi præcentores, qui nouerint alijs diuinarum laudum formam præbere; ad quam

quam formam (alijs dico) *psallite Deo nostro in cythara*. i. iubilatione siue latitia. Id enim per cytharam significari, satis testatum euadit ex illo loco Apocal. Audiui vocem signatorum quasi cytharizantium in cytharis suis.

Qui operit calum. i. ordinem hominum caelestium, quorum, tanquam calorum, est enarrare gloriam Dei, *Nutilus*. implet enim eos verbo dicendorumque intelligentia, ordine, oportunitate, implet & os eorum conuenienti sermone. Ex quo docemur quod parare concionem, prater cetera, Dei donum sit. *Et parat terrae pluuiam*. i. Hac ratione prouidet & prae-
parat populis opportunam doctrinam, de qua dicitur, Pluuiam voluntariam segregabis Deus haereditati tuae. *Qua pluuiam fecunditatem adferente,*

Qui producit in montibus fenum & herbam seruituti hominum. i. facit potentes & sublimes in saeculo in gratiam acceptae ex hac pluuiam utilitatis, proferre vicissim temporalia subsidia illis qui ministri tam utilis verbi fuerunt, memores eius quod scriptum est, Communicet is qui catechizatur verbo, ei qui se catechizat in omnibus bonis.

Qui dat iumentis. i. illis qui in iustitia maiores sunt, *escam ipsorum*. Parat enim illis solidum cibum, aut per se, aut per eos qui sufficiunt vnique distribuere mensuram tritici, his maiorem, illis minorem. *Et pullis coruorum inuocantibus eum*. i. illis qui vt coruorum pulli (deferunt enim scemellae coruini generis exclusos pullos aliquot diebus pabuloque fraudant, qui tamen interim pascuntur à diuina prouidentia, de qua Dominus ad Iob, *Quis* Iob 38.
prae-
parat coruo escam suam, quando pulli eius clamant ad Deum, vagantes, eo quod non habeant cibos?) ope magistrorum destituti sunt, ipse occulta sua nutrice gratia & prouidentia pascit & saginat, motus commiseratione quam suscitatur eorum miseria, quae sua voce ad Deum clamat, vt Psal. 9. ex Cyrillo diximus.

Non in fortitudine equi. i. eorum qui passionibus sunt potentes, (Sic enim Psal. 32. vbi dicitur, Fallax equus, equi vox intelligitur) & negotium passionum prae-textu palliant virtutum. *Voluntatem habebit*. Non placet enim Deo quod aliquis impetu suarum passionum raptetur. *Nec in tibijs viri*. i. nec in robore eius qui suis viribus se fortem esse arbitratur ad operandum quae recta sunt, *Beneplacitum erit ei*, Sed,

Beneplacitum est Domino super timentes eum. i. super eos qui de se semper timentes, ac diffidentes de suis viribus cum timore & tremore suam salutem operantur, scientes quod Deus sit qui operatur in illis velle & perficere. Et ne hic timor si solus sit, eos faciat pusillanimes aut desperabundos, adiungi ei debet spes, vt quantum de se diffidunt tantum de Domino confidant, Vnde & sequitur, *Et in eos qui sperant super misericordia eius*. Scientes quod sit misericordia eius à progenie in progenies timentibus eum.

Ffff ij PSAL-

Describitur felicitas Ierusalem ciuitatis supernæ, quæ hic & alibi frequenter etiam Sion appellatur, quam Psaltes præ gaudij & spiritalis exultationis quadam plenitudine ad laudandum Deum excitans, alloquitur in hæc verba.

1. *Lauda Hierusalem Dominum.* i. ô ciuitas Dei, visionē pacis iam adepta. *Lauda Deum tuum Sion.* Deum, inquam, tuum, Iam enim in te impletum est quod per prophetam promiserat Dominus, Ego ero illis in Deum, Ipse enim, vt exponit August. est tibi vnde satieris, Ipse est tibi quicquid ab hominibus honestè desideratur, vita, salus, victus, copia, gloria, honor, pax, & omnia bona, Est enim tibi omnia in omnibus.
Aug. 22. de cin. 6. 30
2. *Quoniam confortauit seras portarum tuarum.* i. omnes vos in beatitudine confirmauit eiúsque confirmationis vos conscios fecit, Ita vt iam nemo amplius ex te, amissa beatitudine, exeat, aut in te, vt exponit August. ingrediatur. *Benedixit filiis tuis.* i. indigenis tuis qui ad te per regenerationem pertinent, *in te* implens illud Apostoli, Benedixit nos omni benedictione spiritali in cælestibus in Christo; Quæ benedictio finis est vocationis nostræ, Ad hoc enim vocati estis, inquit Apost. vt benedictionē hæreditate possideatis.
Aug. 15. cō. Faust. 6. 11. Bern. ser. de tripl. gen bonor.
3. *Qui posuit fines tuos pacem,* ita vt non sit hostis qui vel fines tuos inuadat aut turbet, De te enim scriptum est, Non accedet ad te malum, quia Saluator ponetur in te murus & antemurale. Pax autem inter bona illius ciuitatis meritò recensetur, Tantum enim est pacis bonum, ait Aug. vt etiam in rebus terrenis atque mortalibus nihil gratius soleat audiri, nihil desiderabilius concupisci, nihil possit melius inueniri. *Et adipe frumenti sariat te.* Frumentum est Christus; Ipse enim est granum frumenti cadens in terram. Huius frumenti adeps est eius diuinitas. Sacramentum verò, sub cuius speciebus hic manducatur, est huius frumenti velut cortex. Bene ergo dicit, *ex adipe frumenti,* ad insinuandum quod eodem frumento aliqui etiam extra illam ciuitatem positi saginentur, non tamen gustato in proprio ac præstantissimo suo sapore eius adipe, sed tanquā sub quodam cortice. De qua re pulchrè Bern. Quis non in Hierusalē vehementer cupiat pasci, & propter pacem, & propter adipem, & propter satietatē? Nihil ibi formidatur, nihil fastiditur, nihil deficit. Tuta habitatio, paradisus, dulce pabulum, verbum, opulencia multa nimis, æternitas. Habeo & ego verbū, sed in carne, & mihi apponitur veritas, sed in sacramento. Angelus ex adipe frumenti saginatur, & nudo saturatur grano, me interim oportet quodam sacramenti cortice esse con-

esse contentum, carnis fursure, litteræ palea, velamine fidei. Et quantalibet sane abundantia spiritus pinguescant ista, non pari omnino iucunditate sumitur cortex sacramenti & adeps frumenti. Hæc Bern. Hactenus ergo audiuius bona ciuitatis Hierusalem, sequuntur ea bona quæ inde hominibus in via positis emittuntur & dispensantur, inter quæ prius referuntur munera quæ inde dispensantur Ecclesiæ, quia digniora, postmodum munera inde donata Synagogæ, tametsi illa fuerint tempore priora. Sic itaque dicit:

Qui emittit eloquium suum terræ. i. facit terræ incolas verbi sui participes, non per ipsius æterni verbi manifestationem, sed per quandam eius emissionem. Non enim æternum verbum hic percipimus, nisi per creatam sapientiam nobis communicatum, quæ ad æternum verbum à quo emissum est, nonnullam habet veritatis proportionem. Veritatis dico, non magnitudinis, quia ad magnitudinem eius nulla est in creatura proportio. *Velociter currit sermo eius*, quia verbum gratiæ, de quo hic est sermo, statim persuadet id quod docet. De qua velocitate Leo; O quam velox est sermo sapientiæ, & ubi Deus magister est, quam cito discitur quod docetur. Non est adhibenda interpretatio ad audiendum, non consuetudo ad vsum, non tempus ad studium. 4. *Leo ser. 1. de Pent.*

Qui dat niuem sicut lanam. i. niuea iustitia niueisque moribus velut quoddam indumento vestit etiam huius sæculi homines. De quo vestitu Apocal. Suadeo tibi à me emere aurum ignitum, ut locuples fias, & vestimentis albis induaris, ut non appareat nuditas tua. *Nebulam sicut cinerem spargit.* Vbi nebula nomine totius iniquæ cōuersationis imaginem ac speciem intelligendam esse, aut saltem intelligi posse arbitror; Quam Deus spargit, cum illam humanæ mentis obtutui obijciendo, eandem conscientiæ humanæ obuersari facit ac oberrare, hominemque in pristinæ ac patrati suæ iniquitatis recordationem procurat deuenire. An non rectè nebulam dixerim tristem illam, amaram ac tetram atrarum rerum faciem, quæ humanæ menti, sicut nebula diei, lucem non aufert, nec contenebrat intelligentiam, sed eam caliginosarum rerum imagine passim respergit? Aperitur siquidem, inquit Bern. conscientia liber, reuoluitur misera vitæ series, tristis quædam historia replicatur, illuminatur ratio, & euoluta memoria, velut quibusdam eius oculis exhibetur. Quam nebulam spargit Deus; Diuinæ enim gratiæ est transactorum peccatorum recordatio, Nouerat id August. cum de se scriberet in hæc verba, Tu Domine, inter verba Potitiani narrantis mihi vitam D. Antonij & conuersionē duorum tribunorum, Inter verba inquā eius retorquebas me ad meipsum, auferens me à dorso meo, ubi me posueram dum nollem me attendere, & constituebas me ante faciem, ut viderem quam turpis essem, quam distortus, sordidus & maculosus. Et si conabar

Ffff iij à me

à me auertere aspectum, narrabat ille quod narrabat, & tu me rursus opponebas mihi. Est ergo sparsio hæc nebula diuini muneris, quæ tamen vitio hominis cedit ei in testimonium & non in bonum, si non Deus spargat nebulam *sicut cinerem*. i. si non peculiari ope faciat pristinae vitæ recordationem homini cedere ad pœnitentiam in cilicio & cinere agendam, hisque ob id nominibus in scripturis sacris significatam.

6. *Mittit crystallum suum*. i. eos, qui pellucidam habent rerum sacrarum cognitionem. Crystallus enim in Apocal. in bonum sumitur, *Sicut buccellas*, quia per verba eorum cum quadam soliditate, paulatim, quasi per quasdam doctrinae ac veritatis particulas, pascit fidelium animas. *Ante faciem frigoris eius quis sustinebit*. i. eo per seruiorem gratiae suae cor rigore constrictum à duritia sua non solvente, quis poterit sustinere supplicia quæ manent illa mala quæ à constricto illo corde, vt exponit Augustinus, committenda sunt? Verbis tamen istis poterit accommodari hic sensus. Quis poterit sustinere frigus illud inferni? quod dicitur esse frigus faciei eius, sicut & ignis infernalis apud Danielē dicitur esse fluuius igneus rapidusque qui egreditur à facie eius. Proinde sicut Isaias de ardoribus inferni dicit: Quis ex vobis poterit habitare cum ardoribus sempiternis; ita de frigore quod in inferno futurū est, dicere videtur hoc loco Psaltes, *Ante faciem frigoris eius quis sustinebit?* nam in inferno etiam frigus esse futurū, probatur ex illo Iob. Ad nimium calorē transeat ab aquis niuium; Si D. Thomæ credimus frigoris & ardoris in inferno vicissitudinē, ex illo loco scripturæ probanti: *Quam tamen vicissitudinem asserit ibidem*, sine supplicij diminutione alternandam, eo quod ignis & aqua niuium, qualescunque demum ibi sint, non agant in corpora damnatorum actione naturali, sed spiritali, per modum quo species colorum sunt in aëre, vel in pupillis oculorum. Veruntamen prior huius loci sensus conuenientior est textui. Sequitur enim;
7. *Emittet verbum suum & liquefaciet ea*, obdurata frigore corda. Hoc enim facit verbum gratiae efficacis. *Flabit spiritus eius & fluent aqua*. i. inspiratione spiritus sui commouebit lachrymas pœnitentiæ, de quo spiritu suprā dictum est, Conuerte Domine captiuitatem nostram sicut torrens in Austro. Hæc ergo de calis emittuntur ad Ecclesiam. Quæ verò inde prius emissæ sunt ad Synagogam, sunt hæc.
8. *Qui annunciat verbum suum Iacob, iustitias & iudicia sua Israël*. i. Emitte de calis Israël secundum carnem legem, continentem decem verba, iustitias carnis, & præcepta iudicialia. Et quidem peculiari beneficio, quia,
9. *Non fecit taliter omni nationi, & iudicia sua nō manifestauit eis*. Dicit proinde Moyse. Quæ est alia gens sic incluta, vt habeat cœremonias iustaq; iudicia, & vniuersam legē, quam ego proponā hodie ante oculos vestros?

PSAL-

PSALMVS CXLVIII.

Alleluia.

IN hoc Psalmo inuitat Psalter vniuersam, per ordinem, creaturam, ad laudandum Deum. Quod creaturæ quidem rationales exequuntur ac præstant mente & pietate: Irrationales verò Deum laudare dicuntur, quia de pulchritudine sua, & quam hominibus adferunt vtilitate, ipsæ, vt docet Basil. materiam celebrandæ diuinæ laudis suppeditant. Et ob id non oportet hic cælorum, solis & lunæ nomine, aliquas creaturas spirituales allegoricè intelligere, sed eas quæ his nominibus literaliter significantur. Nam & D. Ambrosius dicit huius Psalmi sensum debere esse naturalem. Interim, recentiores non abs re arbitrantur Psalter, sententem solam creaturam rationalem diuinas laudes explere non posse, præ deuotionis magnitudine etiam creaturas irrationales ad collaudandum Deum prouocare, vt si fieri potest, ad perficiendam laudem Dei etiam ipsæ operam suam adiungant. Dicit itaque Psalter:

Basil. homi.
3 hexa. &
complanet
alij.
Amb. præf.
in Psal. 36

Laudate Dominum de cælis. i. quæcunque in creaturis, cælestis estis ordinis, diuinas laudes prædicare in primis incipite, *Laudate eum in excelsis.* i. in sublimibus vestris sedibus laudem Dei, vt inde ad nos resonet, pangite. Principiò quidem,

1.

Laudate eum omnes angeli eius. i. Laudate eum o vos omnes beatorum spirituum ordines, qui eo quod mittimini in ministerium propter eos qui ex hominibus hereditatem capient salutis, appellamini angeli. *Laudate eum omnes virtutes eius.* i. laudate eum o vos iidem, qui quandoquidem estis potentes virtute facientes verbum eius ad audiendam vocem sermonum eius, vocamini Virtutes Dei.

2.

Laudate eum sol & luna, Laudate eum omnes stellæ & lumen.

3.

Laudate eum cæli cælorum. i. omnes cæli qui inter vos cælorum quendam ordinem atq; concentum efficiunt. Quamquam nonnulli per cælos cælorum, cælum empyrium intelligant, quod appelletur cælum cælorum, ea ratione qua Christus dicitur Dominus Dominorum, quia nimirum omnium cælorum est situ supremum. Qui conformiter per aquas quæ supra cælos sunt, intelligunt cælum crystallinum. Tamen si autem cæli sint inanimati, sine iactura tamen fidei D. August. teste D. Thoma, id indecisum reliquit. *Et aqua quæ super cælos sunt.* Has aquas D. Epiph. elementares esse asserit, probans id ex cataractis quas tempore diluuij Dominus in cælo aperiens, deduxit per eas aquas quæ simul cum aquis fontium & abyssi magnæ, vniuersam demergerent terram. Si enim, inquit, per aquas quæ supra firmamentum sunt, non aquas intellexeris, sed fortitudines quasdam angelicæ potestatis

4.

Berchi. c. 18
Tho. quodl.
12 art. 9.
Epiph. epist.
ad Ioannē
Hierosoly.

potestatis, quomodo legimus in diluuiio apertas cataraclas cæli & aquas inundasse diluuij? Vnde aperti sunt fontes abyssi, & totus mundus oper-
 tus est aquis? Quam Epiphaniij & complurium assertionem D. Thomas
 docet sustineri posse, præsertim cum videntur conformis esse scripturæ sa-
 cræ quæ dicit Deum fecisse firmamentum in medio aquarum, ac diuississe
 aquas quæ sub firmamento sunt ab ijs quæ sunt supra firmamentum, per id
 non obscure indicans aquas utroque loco positas vnius & eiusdem fuisse
 elementi, Quas quidem ex parte Deus voluit esse supra firmamentum, ut
 intra orbem cæli, & supra orbem stellis ardentibus refulgentem, redunda-
 ret aqua, quæ, inquit Ambrosius, illa feruentis axis incendia temperaret.

D. Thom.
 quodl. 4.
 art. 3.

Ambrosius
 2.
 hexaem. ca. 3.

5. Quia ipse dixit & facta sunt, ipse mandauit & creata sunt, Dixit, inquit,
 & mandauit, cæli enim, inquit Petrus, erant prius, & terra de aqua & per a-
 quam consistens Dei verbo. Verbo enim Domini cæli firmati siue solidati
 sunt, & spiritu oris eius omnis virtus eorum: Porro quod hic dicitur, *Di-
 xit, & mandauit*, id intelligendum esse de verbo ineffabiliter ad filium fa-
 cto, in Psal. 44. ex veteribus latius diximus.

6.
 Irenæus lib. 2.
 cap. 65.

D. Tho. cõp.
 Tho. c. 143

6. Statuit ea in æternum & in sæculum sæculi. Ex his verbis probat Ire-
 næus creaturam tametsi principium sui esse acceperit, perpetuitatem tamen
 suæ mansionis Dei auxilio & munere habituram esse. *Præceptum posuit, &
 non præteribit.* Quod quidem, inquit D. Thomas, nihil aliud est quam dis-
 positio diuinæ prouidentiae, mouens res naturales ad proprias actiones.
 Nunquid autem Deus à cælestibus creaturis solummodo est laudandus?
 Nequaquam. Itaque

7. *Laudate Dominum de terra.* i. laudet Deum omnis creatura terrigena,
 Insuper & ea quæ de aqua sumpta est, in cuius ordine sunt *dracones*, siue ce-
 te grandia. Laudent insuper Deum *omnes abyssi*. i. omnis profunditas siue
 aquarum copia. Ad hæc

8. *Ignis, grando, nix, glacies, spiritus procellarum, quæ faciunt verbum eius.*
 Suprà, dicendo, Quia ipse dixit & facta sunt, de creatura voluit laudari Deum
 ut creaturæ authorem, hæc verò, dicendo, *Quæ faciunt verbum eius*, prouo-
 cat laudari Deum ut creaturæ totius gubernatorem. Sicut enim fuit diuinæ
 bonitatis creaturam de nihilo ad esse producere, ita est diuinæ pietatis, o-
 pus manuum suarum indefinente directione gubernare, Quis enim, inquit
 Ambrosius, deferat & destituat quod ipse condendum putauit? Si iniuria est
 regere, nonne est maior iniuria fecisse, cum aliquid non fecisse nulla iniu-
 stitia sit: non curare quod feceris summa inclementia? Itaque *faciunt ver-
 bum eius*, quia nihil nisi diuinæ prouidentiae ac voluntatis particularem
 dispositionem in singulis quibusque suis motibus atque effectibus exequū-
 tur. Non tibi ergo videantur, inquit D. Augustinus, casibus moueri, quæ verbo
 Dei in

Ambrosius
 1.
 offic. c. 13.

D. Aug. in
 bñis locis.

Dei in omni motu suo deseruiunt. Quò vult Deus, illuc lucet ignis, illuc fertur nubes, siue pluuiam, siue niuem, siue grandinem portet. Et non sine causa compellatis spiritibus procellarum, mox subiungit Psalter, *quæ faciunt verbum eius*: Si enim illa, inquit idem, quæ maximè casibus agitari & volui videntur, nil nisi Dei verbum faciunt, quanto magis id credendum est de cursu aliarum rerum creaturarum in quibus casus minus videtur habere domini? Hæc Augustinus.

Aug. 5. de
Genes. ad
lit. ca. 21.

Montes & omnes colles, ligna fructifera & omnes cedri.

9.

Bestiæ & vniuersa pecora, serpentes & volucres pennatæ. Inter ea quæ diuinis laudibus materiam suppeditant, recensentur etiam serpentes, sub quibus & reliqua venenata comprehendere debent animalia, quia in suis locis naturisque vigent, pulchroque ordine, inquit August. disposita sunt. Multumque vniuersitati rerum pro suis portionibus, decoris, tanquam in communem rem publicam conferunt. In.ò, multum nobismetipsis, si eis congruenter & scienter utamur, attribuunt commoditatis; ita vt venena ipsa, quæ per inconuenientiam perniciofa sunt, conuenienter adhibita, in salubria medicamenta vertantur. Vnde nos monet prouidentia diuina non res insipienter vituperare, sed vtilitatem rerum diligenter inquirere, & vbi nostrum ingenium vel infirmitas deficit, ita credere occulta, sicut erant quædam quæ vix potuimus inuenire. Hæc August.

10.

D. Aug. 11.
de civ. c. 22.

Reges terræ & omnes populi, Principes & omnes iudices terræ.

11.

Iuvenes & virgines, senes cum iunioribus, laudent nomen Domini. i. omnis hominum ordo, ætas, & sexus, audito nomine Domini, venerentur & cum gratiarum actione laudent eum, quia exaltatum est nomen eius solius. Nomen enim diuinitatis est nomen super omne nomen, illique soli tribuitur quod ex ipso, per ipsum, & in ipso sint omnia. Proinde & Apost. conformiter ad mandatum Psalteris, prolato mox dicto nomine Domini, illud laudare volens, adiecit, *Ipsi honor & gloria in sæcula sæculorum, Amen.* Cum ergo omnia quæ hæcenus recensita sunt, Deum suo quæque modo laudent; Profectò

12.

Confessio eius super calum & terram. i. per calum & terram resonat confessio diuinæ virtutis, Sed auditur ab illis qui spiritualiter non obscuruerunt. Est autem & aliud ob quod Deus multò magis laudandus est, de quo sequitur: *Et exaltauit cornu populi sui.* Per exaltationem cornuum futuram gloriam, siue, extremum hominis finem significari, in Psalmum 88. & 111. ex D. Basilio diximus. Itaque, *exaltauit cornu populi sui.* i. sublimitatem siue beatitudinem ad quam tanquam ad extremum suum finem ordinauit hominem, eminentem atque supra modum sublimem effecit; Eam enim in visione Dei, non dico capacitatem, sed virtutem & facultatem

13.

Gggg humanæ

- humanæ naturæ superexcedentem, constituit. Proinde,
 14. *Hymnus*. i. laus & cum gratiarum actione coniuncta iubilatio, *omnibus sanctis eius*, quos dicta manet sublimitas & exaltatio. Et exponendo quosdam sanctorum nomine intelligi velit, adiungit, *Filijs Israel*. i. filijs promissionis, *populo appropinquant i sibi*. i. populo per fidei & iustitiæ exercitationes quasi per quædam vestigia ad Deum proficenter tendenti. Hos enim atque huiusmodi homines prædicta manet exaltatio, reliquis temporalium rerum, si qua, beatitudine solummodo gaudentibus.

PSALMVS CXLIX.

Alleluia.

QUoniam in fine superioris Psalmi filij Israel prouocati sint ad laudandum Dominum quia exaltauit cornu populi sui, idem in hoc Psalmo prouocantur ad laudandum eundem Dominum, quia eosdem in se & de se iustificando, ad dictam exaltationem dignos fecit atque idoneos, ita ut Psalmus præsens præcedentis quædam continuatio videatur & prosecutio, sicut & sequens huius; & ob id non abs re in officio Ecclesiastico tres hi Psalmi, ac si vnus essent, semper vna & continua serie recitatur.

1. *Cantate Domino canticum nouum*. i. canticum renouatæ vitæ. Vel, canticum peculiare & singulare. *Laus eius in Ecclesia*. i. societate seu congregatione, *sanctorum*; quia ut causa huius laudis, ita & laus ipsa per concordiam & concentum mutuumque amorem omnibus sanctis debet esse communis.
2. *Latetur Israel in eo qui fecit eum*. i. gaudeat Israël Dei, qui & populus acquisitionis, se peculiari Dei voluntate & munere in iustitia & sanctitate veritatis esse creatum, ita ut sanctificatio non tantum ei gaudij adferat, quantum bona illa & misericors Dei voluntas in qua sanctificati sunt, & à qua eorum sanctificatio suam originem desumpsit ac consummationem. *Et filia Sion*. i. ipse populus acquisitionis, filiarum nomine appellatus, eò quod omnes priusquam à Domino iustificarentur infirmati sint per carnem, & toto vitæ suæ tempore multis sint infirmitatibus, noxiis atque circumdati. Hæ ergo filia Sion, *exultent in Rege suo*. i. Christo, Rege Salem, siue iustitiæ, Exultent inquam, Christum sibi ad recuperandam iustitiam in regem iustitiæ datū esse, & de regis sui erga se dignatione, amore & conformitate (ipse enim infirmitates earum suscepit, ut suam eis virtutem donaret) pia sese lætitia erigant.
3. *Laudent nomen eius in choro*. i. conuentu, atque concordii & communi concentu. Quod à principio obseruantes Christiani solent (ob metum gentilium) nocturnos conuentus agere, & hymnos, ut scribebat ad Traianum Plinius

Plinius secundus, Christo canere. Quod etiamnum obseruans Ecclesia, consuevit ad officia diuina peragenda clerum suum in vnum locum cogere, & ad officia cleri etiam conuentum populo indicere. Decebat namque vt ad normam quam Dauid suo tempore ex Leuitis instituit, clerici Christi laudibus celebrandis singulariter deputarentur, sic tamen vt à laudibus cleri audiendis & deuotione sua comprobandis, populus extorris non fieret. *In tympano & psalterio psallant ei.* i. Hymnos & Psalmos ei dicant, adhibitis ad gaudij celebritatem etiam mulicis varij generis instrumentis. Quamuis enim D. August. & qui eum sequuntur, tympanum & psalterium spiritualiter intelligant, vt tympanum sit carnis mortificatio, psalterium verò exercitatio iustitiæ decalogo descriptæ, vnde & Psal. 32. Psalterium dictum est esse decem chordarum, videtur tamen Psaltis proposito magis consentaneum hæc ad litteram cum D. Gregorio in Psalmum 97. citato, intelligere,

Quia beneplacitum est Domino in populo suo. i. quia à semetipso complacuit Domino illi benefacere, eumque in benedictionibus dulcedinis suæ, in finem vsque præuenire. Omnes enim sancti secundum propositum diuini beneplaciti iustificati & salui facti sunt, & ideo laus hæc omnibus debet esse vna & communis. *Et exaltauit mansuetos in salutem.* Hoc ob duo meretur gratiarum actionem. Primò, quia Deus sanctos suos mansuetos facit, & per mansuetudinem salutis capaces. Deinde meretur laudem diuinum consilium quo placuit ei per mansuetudinem, quæ humanæ superbiæ atque ferociæ, videtur esse degeneris animi quædam inertia ac ignauia, viam ad salutem sternere. Cuiusmodi Dei cōsiliū & Christus cum exultatione laudauit, cum dixit: Confiteor tibi Pater, quia abscondisti hæc à sapientibus & prudentibus, & reuelasti ea paruulis. Cum autem sancti ad salutem exaltati fuerint, quid ibidem eis erit?

Exultabunt sancti in gloria. Exultatione, inquit Petrus, inenarrabili & glorificata. *Lætabuntur in cubilibus.* i. æternæ suæ quietis mansionibus. De quibus per parabolam Dominus, Pueri mei mecum sunt in cubili meo.

Exaltationes Dei in gutture eorum. Nam in futura vita resumptis corporibus, etiam voce sancti laudabunt Deum, eumque exaltabunt, quia prædicabunt eum omni laude esse maiorem. *Et gladij ancipites in manibus eorum.* D. Augustinus exponens vltimum cap. Itaiæ, vbi Dominus dicitur gladium vibrare & infligere, Isto, inquit, gladio fiet mors secūda. Gladij ergo ancipites in manibus sanctorum, videtur esse potestas iudicandi cum Christo qua præditi erunt sancti. Approbando enim sententiam Iudicis quæ erit vt gladius anceps, etiam ipsi quodam gladio videbuntur transuerberare animas impiorum. Ad quid autem iste gladius?

Gggg ij Ad

Aug. 20. de
Crist. c. 21

7. *Ad faciendam per illius diei internecionem, vindictam in nationibus.* i. illis, qui in gentilitate vel vita gentilium perstiterunt, & præcipue qui ex gentilibus sanctis Dei persecutionem intulerunt. *Increpationes in populis.* Ergo gladius hic metaphoricè de gladio oris intelligi debet. Ore enim fiunt increpationes. Increpabunt itaque sancti impios, quia intolerabili verborum asperitate & exprobratione arguent impietatem, Eorum præsertim, qui sanctorum admonitiones prius irriserunt.
8. *Ad alligandos reges eorum in compedibus, & nobiles eorum in manicis ferreis.* Eo enim tempore cum implebitur quod scriptum est, Ligatis manibus & pedibus eius, mittite eum in tenebras exteriores, etiam reges & nobiles substrati erunt sanctorum pedibus, & illis iubentibus ac insipientibus, vinculis ferreis seu perpetuis, omni potestate malefaciendi illis ablata, ad æternas è quibus exire non valeant, pœnas illigabuntur.
9. *Vt faciant in eis iudicium conscriptum.* i. iudicium quod ex libris scripturarum sacrarum, & vitæ vniuscuiusque conscriptis formandum erit. Libri enim aperti sunt, inquit Ioannes, & iudicati sunt mortui ex his quæ scripta erant in libris secundum opera eorum. Hoc ergo iudicium facient sancti, non pœnas inferendo, sed sententiam assessorum more proferendo seu approbando: Quæ re peracta, dictum ac factum è vestigio sequetur decreta pœna. *Gloria hæc est omnibus sanctis eius.* Non tamen pari mensura: Alij enim id facient sedendo super sedes cum quadam autoritate & supremi iudicis consortio: Alij verò vt subditi, probabunt solummodo sententiam Domini sui.

P S A L M V S C L.

Alleluia.

Est & hic quædam prosecutio Psalmi præcedentis; Cum enim in illo Psaltes gloriam sanctorum explicuerit, hic nos informat qua ratione debeamus Deum in sanctis suis glorificare, & dicit:

1. *Laudate Dominum in sanctis eius,* quia eos suo præcipue opere ad huiusmodi gloriam perduxit. *Laudate eum in firmamento virtutis eius.* i. firmissimo suo, inexpugnabili infallibilique proposito, quo eos ad salutem perducere decreuerat: Quod rectè dicitur *firmamentum virtutis eius*, quia prædestinatio, ac propositum Dei, gratiæ, per quam ad iustificationem ac perseverantiam corroboramur, fundamentum, petra ac firmamentum est.
2. *Laudate eum in virtutibus eius,* quas secundum dictum virtutis suæ firmamentum, in sanctorum, & præsertim martyrum vocatione, conuersione, certamine, cōuersatione, consummationeque, exercuit & eos exercere fecit. *Laudate eum secundum multitudinem magnitudinis eius.* i. quantum meretur

meretur multitudo magnitudinis eius. Et benè dicit, *multitudinem*: Multiformiter enim magnum se præbet Dominus in glorificatione sanctorum suorum. Magnum enim se præbet patientia, in supportando eos & expectando, Indulgentia in remittendo, Clementia eorum opera valdè imperfecta benignè suscipiendo, grataque ac rata habendo, Ope & gratia, in adiuuando, Instantia in vrgendo, & modis similibus.

Laudate eum in sono tubæ. i. Laudes has eius enarrate per Euangelicam prædicationem, quæ tubæ nomine communiter significatur. *Laudate eum in Psalterio*, id est, Psalmorum decantatione, qua celebrantur Dei laudes: *& cythara,*

Laudate eum in tympano & choro, laudate eum in chordis & organo. i. Ad celebrandas Dei laudes adhibete quicquid tam merita laudis celebritas requirit, aut conuenienter exigit. Et quod non valetis voce aut dictione exponere, aut etiam comprehendere mente, id per instrumenta iubilationis, eo quo fieri potest modo exponite. Sunt enim huiusmodi instrumenta musica ad commouendum in Dei laudes hominum sensum sensibilemque affectum congrua & oportuna. Oportet tamen eos esse memores eius quod dicit D. August. Si me magis delectat canentium concentus, quam res ipsa quæ canitur, culpabiliter me peccare profiteor.

Laudate eum in cymbalis bene sonantibus, laudate eum in cymbalis iubilationis. i. quorum sonus iubilatione siue inenarrabilem spiritus exultationem & gratulationem testetur aut commoueat; *Omnis spiritus.* i. omnis qui pro ratione mensuræ suæ vlllo dono Spiritus sancti præditus est, *laudet Dominum*, vt ex multarum personis facierum, eius quæ in sanctis est donationis, per multos gratiæ agantur pro eis.

Finis Psalterij & explicationis eius.

IN SACRÆ SCRIPTURÆ
CANTICA, QUÆ PER HORAS CANONICAS
Romana decantat Ecclesia, eiusdem Authoris EXPOSITIO.



Exposito pro nostra mediocritate Psalterio, ob cognationem, quam tum in serie, tum in usu ac fine cum psalmis sacra habent Cantica, quæ per horas nocturnas pariterque diurnas Romana frequentat Ecclesia, operæpretium est nos etiam illa pro modulo nostro exponere. Et quandoquidem hac in parte clericis diuina officia recitâtibz præcipuè seruimus, conueniens erit Cantica hæc, non eo quem in Biblijs, sed quem in Breuiario obtinent, ordine explanare. Inter ea itaque primum sibi locum vendicat Canticum trium Puerorum de camino ignis. *Qui* cum animaduertent Deum, suam, quam ipsi, dicēdo, Potest Deus noster eripere nos de camino ignis ardentis, & de manibus tuis, ô Rex, liberare, prædicauerant virtutem, in gente illa barbara & impia, suprà, quam ausi fuerant, nō dico sperare, sed securissimè prædicere, exercuisse, suamque in ea gloriam magnificasse, Et etiam, vt sentit Epiphan. se in igne ab incendio, honorificentissimo Dei beneficio esse conseruatos; tanta in primis ob diuinæ gloriæ ac virtutis manifestationem spiritus exultatione erecti sunt, tantaque ob acceptū à Deo beneficiū animi gratitudine affecti, vt, cum humiliter (pueri namque erant) agnoscerent se Deo, prout dignum erat, benedicendo non sufficere, suasque se benedictiones diuinæ magnificentiæ æquare non posse, ad benedicendum Dominum gloriæ eiūque gratificandum, vniuersæ, per ordinem, creaturæ, præ deuotionis nimio quodam ardore, in laudis & quam odornabant, benedictionis obsequium, opem implorarint ac societatem. *Ubi* enim expendissent, inquit Epiphan. semetipfos ad inenarrabilem Dei glorificationem [minus sufficere] dignantur secum assumere creaturam ad glorificationem. Hæc Epiphanius. Itaque quamuis dubitandum non sit quin creaturæ irrationales dicantur benedicere Domino, quia, vt in simili ex D. Basilio in Psal. 148. diximus, de se materiam exhibent homini ad benedicendum Domino; D. tamen Epiphaniij autoritate confirmatus, arbitror Pueros ad benedicendum Domino opem omnium creaturarum ob id potius implorasse, quod sentirent se deuotionem suam qua ad benedicendum Domino ferebantur, pro voto solos explere non posse. Inuocando itaque ad societatem benedictionum Dei opem vniuersæ creaturæ, insinuant diuinæ

uinæ gloriæ amplitudinem & magnificentiam tantam esse, vt ad celebrandum benedictiones Deo dignas, diuinæque amplitudini consentientes, votium sibi esset, videreturque operæpretium, vt cunctæ creaturæ irrationales ad benedicendum Domino verterentur in linguas. Dicunt itaque:

B*enedicite omnia opera Domini Domino.* i. quæcunque à Deo facta estis & creata, suam cum veneratione bonitatem Domino confitemini. Quid enim est Deo benedicere, nisi cum gratiarum actione eius bonitatem prædicare, & hanc prædicationem ad Deum ipsum referre? *Laudare.* i. bonitatem eandem etiam apud homines prædicare. Quæ duo Pueri nostri hic coniungunt, conformiter ad id quod Psal. 106. dictum est, Confiteantur Domino misericordiæ eius, id enim in idem redit cum eo quod hic dicitur, *Benedicite omnia opera Domini Domino:* & mirabilia eius filiis hominum, quod coincidit cum eo quod Pueri dicunt, *Laudate. Et super exaltate eum.* i. omni benedictione & laude quæ ab vniuersa simul creatura in vnum conflare posset, eum longè maiorem magisque laudabilem esse prædicare, *in sæcula.* i. indefinenter per infinita sæculorum sæcula.

Benedicite Angeli Domini Domino. Hic, inquit Athanas. martyres illi Babylonij refutant impietatem Arrianorum: Dicentes enim, Benedicant omnia opera Dominum, tum ea quæ in cælis sunt, tum ea quæ degunt in terris; in ea summa omnes creaturas vt Dei opera adnumerarunt, sed in numero eorum, Filium ipsum non constituerunt. Non enim dixerunt, Et tu Verbum (quod tamen cum vniuersam creaturam ordine quo singulæ sunt creaturæ recitent, primo loco dicere debuissent) benedic; Et, hymnum can tu Sapientia; vt ostenderent alia omnia esse ex eorum catalogo quæ & opera sunt & hymnum cantant; Verbum, contrà, non esse opus, aut ex cœtu canentium, sed potius cum Patre decantatur, adoratur, & diuinis laudibus celebratur, cum sit & Verbum illius, & Sapientia, & operum architectus. Hæc Athan. Sed ab hac Athan. ratiocinatione, effugium sibi quidam moliti sunt: Ausus enim fuit diabolus inter homines, inquit Epiph. mouere, vt sint, qui incredulitatem contra sanctos Pueros effingere ac eementiri audeant, & dicere: Non nouerāt nomen Spiritus sancti, Iudæi enim erant: Et neque filium nouerant, cum essent Iudæi. Statim autem (respondet Epiph.) verba ipsa redarguunt eorum malam opinionem habētium incredulitatem. Dicit enim, Et erat facies quarti, sicut facies filij Dei. Ecce nomen filij Dei. Ergo non est ignorantia de hoc. Hæc Epiph. Quod enim dicit Nabuchodonosor, Ecce ego video quatuor viros solutos, & species quarti similis filio Dei, id D. Irenæus interpretatur de æterno Dei Verbo. Verbum, inquit, Dei quemadmodum volebat ipse, & ad vtilitatem videntium, claritatem monstrabat Patris, & dispositiones exponebat. Quemadmodum & Dominus

1.

2.

*Alba, ser. 3
cōt. Arria.*

*Epiph. in
Aucorism.*

*Iren. lib 4.
cap. 37.*

Dominus dixit, Unigenitus Deus qui est in sinu Patris ipse enarrauit. Et ipse autem interpretatur Patris Verbum, vtpote diues & multus existens, non in vna figura, nec in vno charactere videbatur videntibus eum, sed secundum dispensationum eius causas siue efficaciam, sicut in Daniele scriptum est, Aliquando enim cum his qui erant circa Ananiam, Azariam, Mizelem videbatur, assistens eis in fornace ignis, & in camino, & liberans eos de igne, Et visio, inquit, quarti, similis filio Dei. Hæc Ireneus. Qui non obscure videtur opinatus fuisse, quod Verbum Dei ante suum in carne aduentum, in specie aliqua visibili immediatè, & absque intermedio angelicæ creaturæ obsequio, hominibus varijs apparuerit, cuius sententiæ Athanasium, Cyrill. Hilarium, Tertull. & etiam Ambrosium fuisse ex compluribus eorum locis facillè demonstrari posset. Omnibus autem mox allegatorum Patrum verbis, breuitatis causâ prætermisissis, vnus Ambrosij verba, siue præiudicio tamen alterius sententiæ, quæ opinatur omnes apparitiones veteris testamenti mediântibus angelis factas esse, in medium adferemus, quæ sic habent. Quis, inquit, filium Dei videre potuit antequam conspicabilem materiam sicut ei placuit, assumpsit, vel ipsum hominem induere dignatus est? Qui etsi Abraham visus est, sed in forma humani corporis visus est, quo scilicet postremis temporibus in homine venturus esse demonstraretur. Iacob etiam alibi in angelo, alibi æquè videtur in homine. Qui ideo se in angelo demonstrauit, vt nuntium se magni consilij indicaret. In homine verò, cum quo & colluctatus fuisse describitur, vt imaginem futuræ colluctationis, quam cum Israel habiturus erat, cum secundum hominem aduenisset, indicaret. Sed vt Dominum crederet, cum quo tanto certamine sub figura hominis luctabatur, Israël. i. homo videns Deum nomen accepit. Vidi, inquit, Deum facie ad faciem, & salua facta est anima mea, vt qui figuram hominis viderat, quam Deus Dei filius induerat. Hæc Ambros. Cuius sententiæ nō obstat quod dicitur angelus Domini descendisse in fornacem ignis, non enim necesse est per angelum Domini creaturam angelicam vbiq; scripturarum intelligere, cum Angelus Domini propriissimè etiam filius dicatur, qui, vt ex Ambrosio mox audiuius, est magni consilij angelus. Sed ad reliqua transeamus.

Ambros. de
fide contra
Arrian. c. 8.
D. Thom. 1
p. quæst. 12
a. 1. ad 1.

3. *Benedicite aquæ omnes quæ super cælos sunt Domino, benedicite omnes virtutes Domini Domino.*
4. *Benedicite sol & luna Domino, benedicite stellæ cæli Domino.*
5. *Benedicite imber & ros Domino, benedicite omnes spiritus Dei domino.*
6. *Benedicite ignis & æstus Domino, benedicite frigus & æstas Domino.*
7. *Benedicite rores & pruina Domino, benedicite gelu & frigus Domino.*
8. *Benedicite glacies & niues Domino, benedicite noctes & dies Domino.*

Benedi-

Benedicite lux & tenebræ Domino, benedicite fulgura & nubes Domino. 9.
Benedicat terra Dominum, laudet & superexaltet eum in sæcula. 10.
Benedicite montes & colles Domino, benedicite vniuersa germinantia 11.
in terra Domino.

Benedicite fontes Domino, benedicite maria & flumina Domino. 12.
Benedicite cæte & omnia quæ mouentur in aquis Domino, benedicite 13.
omnes volucres cæli Domino.

Benedicite omnes bestie & pecora Domino. 14.
 Hactenus vniuersam creaturam ante hominem formatam ad laudem Deo concinendam Pueri inuocauerunt, Quæ omnia arbitror tam clara esse, vt ad sui explicationem præter ea quæ diximus aliud non requirant. Transeunt proinde post hæc ad hominem, cuius formatio inter omnes creaturas nouissima est, & dicunt: *Benedicite filij hominum Domino,* Quo nomine significant gentilem populum ab Israel distinctum: Vel, quod magis arbitror, homines in solis naturæ viribus consideratos; His enim Deus pro humanæ naturæ viribus etiam laudandus est & glorificandus. At, multo magis & religiosius,

Benedicat Israel Dominum, Hic enim fide vnus Dei imbutus, Dei quæ & operum eius, eam, quam sola fides percipit, cognitione adeptus, ad benedicendum Domino singulariter instructus est & obligatus. In Israel verò,

Benedicite sacerdotes Domini. i. Domino ad sacrificandum hostiam laudis & gratiarum actionis præ reliquis destinati, *Domino,* quia dignum est vt in sacrificijs laudis, spiritus laudis & gratitudinis serueat in mente & pectore sacrificantis. *Benedicite serui Domini,* Vos, quos Dauid rex coram arca Dei constituit, vt ministraretis & recordaremini operum Dei, & glorificaretis & laudaretis Dominum Deum Israel, Vos, inquam, *benedicite Domino,* spiritu & mente; Decet namque imo oportet, vt qui officio, mente etiam & pietate præ reliquis & pro reliquis, laudibus Deo deferendis operam detis.

Benedicite spiritus & animæ iustorum Domino. i. o vos qui in populo Dei spirituales estis, & spiritualiter ea quæ sunt spiritus Dei gustatis & sapitis: Pariter etiam qui estis in populo Dei animales, præ infirmitate mentis & gratiæ spiritualis nondum percipientes quæ sunt spiritus Dei, sed, vt dicit August. adhuc estis paruuli in Christo, quos Apostolus Paulus nondum valentes escam capere, lacte tamen nutrit, qui ob id, teste Ambrosio, terrenis hominibus estis potiores, & spiritualibus proximi, eo quod non prius quod spirituale est, sed quod animale, deinde quod spirituale; Vos ergo pariter, *benedicite Domino,* Spiritus quidem iustorum, intelligentia, seruido, & qui intelligentiæ par sit, amore; Animæ verò iustorum fide, pietate, fidei mensuram non excedente, animi humilitate, vt spiritualium hominum asseclæ. Possunt tamen per spiritus & animas iustorum animæ

Hhhh

eorum

Aug. 2. Retra. c. 27.
 Amb. 1. de Cain & Abel, ca. 10.

eorum qui cum pietate dormitionem acceperunt intelligi, vt inter cetera etiam istæ ad benedicendum Domino inuocentur. Nam D. Ioannes dicit *Apocal. 8.* se audiuisse omnem creaturam quæ est in cælo & super terram, & sub terra; Omnes, inquit, audiui dicentes sedenti in throno & Agno, Benedictio & honor & gloria & potestas in sæcula sæculorum. *Benedicite sancti.* Non est enim speciosa laus in ore peccatoris. *Et humiles corde.* i. qui estis, non sola electione aut voluntatis imperio, sed, vt optimè interpretatur Hieron. *Hieron. in c. 3 Daniel.* toto corde inclinati, non solum desiderantes, sed sentientes in vobis quod & in Christo Iesu, qui professus est se esse mitem & humilem corde. *Dominus,* Humilium enim & mansuetorum, vt oratio, ita semper Deo placuit benedictio.

18. *Benedicite Anania, Azaria, Misael Domino, laudate & superexaltate eum in sæcula.* Ex hoc sermone manifestū euadit verum esse quod dixit

Epipha. in Ancoratu. Epipha. Vides, inquit, dilecte frater, quomodo martyres Babylonij omnia enumerauerunt ex Spiritus sancti ductu, Reueclabat enim ipsis Spiritus S. velut dignis factis vt simul essent cum angelis, & angelorum forent contubernales [comprehendentes] omnia quæ in cælis sunt & in terra & sub terra; Solent namque illi qui Spiritu sancto inspirati loquuntur, de semetipsis vt de alijs loqui, velut contestantes quod non ipsi sunt qui loquuntur, sed spiritus sanctus qui loquitur in eis. Ideo & Moyses res à se gestas describēs, non dicit, Ego dixi, sed, dixit Moyses, Non enim Moyses principaliter is est qui res suas descripsit, sed Spiritus sanctus illas, tametsi per Moysen, de Moyse tamen scripsit & dictauit, vt non vno loco obseruauit August. Ananiam itaque Azariam, Mizaelem Spiritus sanctus ad benedicendum Domino peculiariter excitat, nouit namque eos per eximiam in Deum charitatem diuinis laudibus castissimè & ardentissimè celebrandis esse quam instructissimos; Et, ob peculiaria excellentissimaque, quæ acceperant, Dei munera & beneficia, ad benedicendum Domino esse præ reliquis peculiariter obligatos. Et hæc quidem sunt quæ Ecclesia ex Cantico trium Puerorum sibi in officio laudum decantanda desumpsit. Cæterum, quandoquidem ipsa in fine singulorum psalmorum, dicendo, Gloria patri & filio & Spiritui sancto, Deum solet per singulos glorificare, noluit eadem consimilem Dei glorificationem præsentī Cantico deesse. Quia tamen Pueri in eo Dominum glorificantes vtuntur vocabulo Benedictionis, maluit Ecclesia, suam, qua Canticum concludat, glorificationem, eadem cum ipso Cantico verborum forma constare; Ipsamque Cantici conclusionem, ex ipsis Puerorum prætermisissis verbis desumere. Concludit proinde ipsum in hunc modum:

19. *Benedicamus Patrem & Filium cum Sancto spiritu, laudemus & superexalte-*

exaltatus cum in secula. Quam exhortationem re ipsa explens & exhibens, sanctæ Trinitati benedicendo subiungit,

Benedictus es Domine in firmamento cæli. i. firmissimo & immobili cælorum habitaculo, cuius portas cōfortasti ut ab eius felicitate nullus vnquā excidat, in illam nemo violentus irrumpat, illique nemo infestus obstrepat. In hoc dico cæli firmamento benedictus es, quia, nobis applaudentibus, in eo benedicunt te angeli & sancti tui. *Et laudabilis,* Magnus enim Dominus & laudabilis nimis in ciuitate Dei nostri & monte sancto eius. *Et gloriosus,* Ibi enim manifestas omnibus sanctis gloriam tuam, quam optabat Moyses videre cū diceret, ostende mihi gloriam tuā. *Et superexaltatus,* Omni enim laude & sanctorum glorificatione maior es & sublimior; In cuius rei testimonium, Isaias te vidit sedentem super folium excelsum & eleuatum, quia, ut loquitur D. Cyprianus, vidit te angelicæ comprehensionis importunitatem euadentem, ita ut ab illis nec comprehendi, nec prout maiestate tua dignum erat, potueris laudari, *in secula,* Glorificatio enim sanctorum tuorum, ibi nec finem habebit nec intermissionem.

20.

Cyp. in prolo. de card. oper. Christi.

Canticum Isaie. Cap. 12.

P Ræscribit in hoc Cantico Isaias Gentilitati suo tempore ad Christum conuertendæ, formulam agendi Deo gratias de salute quam proficitur sibi per Christum inexpectatò, gratuita Dei voluntate obuensis, idque in hunc modum: *Et dices;* Tu, inquit Cyrillus, qui in al-
 is olim versatus es tenebris, & magnus idololatra exististi, & dæmoniorum imposturis conturbatus es, *in illa die;* quando, inquit idem, animi oculis lucem intueberis, quando contempleris vocantis gloriam, quando ad eam gloriam atque eum sensum adductus eris, ut vnde veneris, & in quē statum transferis intelligas, tunc, inquam, apud te multum & sanè meritisimè glorians, acclamabis, dicens:

n. Cyrill. in hunc loc.

Confitebor tibi Domine quoniam iratus es mihi. i. quoniam cū iratus esses mihi, *conuersus est furor tuus* in mansuetudinem & beneuolentiam, me quidem hanc tuam conuersionem nullatenus prouocante, multò minus emergente, sed te eam tua spontanea miseratione instituyente: Quocirca & dicit tibi quis, Auertisti ab ira indignationis tuæ. *Qui enim dicunt, Confitebor tibi Domine quoniam iratus es mihi,* gratias Deo offerunt, non quod iræ diuinæ subijceretur, inquit ibidem Cyrillus, sed cum ei subiecti fuissent, consequerentur misericordiam. *Et consolatus es me.* Cū enim extra statum salutis, vbi ante fidem Christi fuit gentilitas, nulla vera percipi potuerit conscientie consolatio, rectè dicunt, *Consolatus es me,* quia vnà cum susceptione veræ salutis, tacito semper naturæ instinctu suspiratam, sed nūquam

r.

Hhhh ij antea

antea perceptam, imò ne gustatam quidem conscientiae consolationem, tum demum à Deo totius consolationis, ineffabili animi quiete & exultatione acceperunt. De qua consolatione author dicit inferius: Laudate cæli & exulta terra, iubilate montes laudem: quia consolatus est Dominus populum suum, & pauperum suorum miserebitur.

2. *Ecce. q. d. Videte & admiramini. Deus saluator meus.* i. Deus ipse secundum suum propositum saluos nos facere, & nos eius sui propositi conscios esse voluit. *Fiducialiter agam*, de bona hac Domini erga electos voluntate per spem mihi vendicata, confisus. *Et non timebo* quidpiam eorum quæ meæ saluti aduersantur, siue mors sit, siue profundum, siue instantia, siue futura, siue creatura alia. Dominus enim illuminatio mea & salus mea, quem timebo? Dominus protector vitæ meæ, à quo trepidabo? Si enim Deus pro nobis, quis contra nos? Deus qui iustificat, quis est qui condemnet? Huius confidentiæ propinquior ratio est,
3. *Quia*, tametsi non simus sufficientes cogitare aliquid ex nobis tanquam ex nobis, attamen *fortitudo mea & laus mea Dominus*, qui me, (quod illi laudi sit, nō mihi) faciet ad omne opus bonum instructum, omnibus inimicis fortiorem; ita ut mihi dicendum sit cum Apostolo, Omnia possum in eo qui me confortat. *Et*, quod fiduciæ meæ fundamentum cumulatiùs corroborat, *factus est mihi in salutem.* i. ad meam salutem homo factus est, mortuus est, resurrexit, & est in dextris Dei interpellans pro nobis. Hoc autem nobis Christianæ fiduciæ causam amplificare etiam Apostolus insinuat, qui postquam primariam & originalem huius fiduciæ causam exprimendo, dixisset: Deus qui iustificat, quis est qui condemnet; eidem alteram adiungens subdit, Christus Iesus qui mortuus est & resurrexit, &c.
4. *Haurietis aquas*, doctrinæ salutaris, *in gaudio*, cum enim dixissent Apostoli: Ecce conuertimur ad gentes, Audientes gentes gauisæ sunt. Discipuli quoque adueniente Paulo replebantur gaudio; *de fontibus salutoris.* i. ex ore Apostolorum, quos Saluator fontes. i. primas scaturigines doctrinæ salutaris in omnes deriuandæ, constituit. *Et dicetis in illa die, Confitemini Domino.* i. in Ecclesijs benedicite Deo Domino de fontibus Israel. *Et inuocate nomen eius.* i. apud homines cum laude prædicate ea quæ de ipso sunt atque dicuntur. Quæ expositio contextui conuenientior, Hebraicæ veritati dicitur magis esse consentanea.
5. *Notas facite in populis adinventiones eius.* i. saluandi rationem quam præuiso lapsu quasi nouam adinuenit, à lapsu instituit, per Christum promulgauit. Noua autem saluandi ratio est, & non nisi præuiso lapsu, & ob id quadam ratione quasi recenter, à Dei sapientia adinuenta est, quod de peccato Deus damnarit peccatū in carne: Quod virtutem perficiat in infirmitate

mitate, faciatque infirmitatem officinam virtutis: Quod cum prius pararam faceret homini gratiam qua saluus fieret, nunc saluo nihilominus liberi arbitrij (vt in Psal. 71. declarauimus) libero actu, det ei vt velit, Imò, vt infallibiliter, perseueranter, & insuperabiliter velit. Quam Dei adinventionem illi non agnoscere velle, aut præ caliginis quodam obscuro agnoscere non posse videntur, qui arbitrantur talem Dei gratiam cum liberi arbitrij libero actu non posse consistere. Inter has verò notificationes, *Memento te quoniam excelsum est nomen eius.* i. non obliuiscamini simul prædicare, quod sublimitas diuini nominis adinventionumque eius numerositas atque profunditas, omnem humani eloquij facultatem longè excedat atque superet.

Cantate Domino quoniam magnificè fecit. Quàm est enim magnificum, proprio Filio suo non pepercisse, sed pro nobis omnibus tradidisse illum? Quàm magnificum, ipsum suum Verbum in homine, & per eum, tot miraculorum, doctrinarum, virtutumque magnalia mundo exhibuisse? Quàm magnificum, & quàm magnificæ gratiæ, hominem lapsum ex multis delictis in iustificationem vitæ præparare, & ex nolente facere volentem? Quàm magnificum & quàm magnificæ indulgentiæ, copiosa redemptione sibi comparata, Israël ex omnibus omnino delictis, enormibus, iteratis, vsque in finem penè vitæ continuatis, redimere? Quàm denique magnificum, & quàm magnificæ virtutis, ex mortalitatis, inopiæ, ægritudinum, aliarumque infirmitatum quadam materia præiacente, tot martyriorum, liberalitatis, patientiæ, misericordiæ, aliarumque virtutum magnalia (qualia in Sanctis permulta vidimus) eudere, & per vniuersum mundum disparitari? *Cantate itaque Domino, quoniam magnificè fecit;* & dicite cū Moysè, Quis similis tui in fortibus Domine, quis similis tui? magnificus in sanctitate, terribilis atque laudabilis & faciens mirabilia? Sancti monia enim & magnificentia in sanctificatione tua. De his noui testamenti magnificis Dei beneficijs, loquitur Irenæus in hæc verba, Magnanimus fuit Deus homine *tren. l. 3. p. 22 & 31.* deficiente, Non enim fuit passus opus à se institutum à fine suo in totum excidere, artemque suam extinguere, sed hominis ruinam in melius reparans, homine deficiente victoriam ei per Verbum esse reddendam, prouidit. Cum enim perficiebatur virtus in infirmitate benignitatem Deus & magnificentissimam ostendebat virtutem. Sicut enim permisit Ionim absorberi à ceto, non vt in totum periret, sed vt euomitur plus glorificaret Deum, qui insperatam ei donasset salutem, sic ab initio fuit patiens, siue passus est Deus, absorberi hominem à ceto magno, auctore præuicationis, non vt in totum periret, sed præstans & præparans adinventionem salutis, quæ facta est à Verbo, inseparabilem homo à Deo accipiens salutem (siue, vt

Hhhh iij Augu-

Augustinus loquitur, homo à gratia Dei inseparabiliter actus) resurgat à mortuis, & clarificet Deum. Hæc Irenæus. *Annunciate hoc*, Deum scilicet magnificè fecisse, *in vniuersa terra*, Conueniens namque est magnificentiam Dei magnificentissimè dilatarì: vt non præteream Deum in hoc etiam magnificè fecisse, quod gratiam Christi sui per vniuersam terram innumeros voluerit propagari. Et quidem iucundum admodum est & magnam adferens exultationem, prædictam Dei magnificentiam auribus haurire & corde percipere; Tu verò,

- 7.] *Exulta & laudi habitatio Sion*, tibi enim maior exultadi, Deumq; glorificandi causa & ratio est qui incolis Hierusalè & fines eius. *Quia magnus in medio tui sanctus Israel*. i. quia ipse Christus Israel, siue videns Deum dictus, quia per humanam suam mentem Deum secum personaliter commorantem secundum essentiam videt: Iste inquam, *In medio tui* obambulat & conuersatur, vt eum tibi coram habere, coram videre, coram audire liceat: Et ex eorum numero existere, de quibus ipse dixit: Beati oculi qui vident quæ vos videtis. Beati, inquam, præ alijs, nam & beati qui non viderunt & crediderunt.

Canticum Ezechiae. Isaia 38.

Ezechias rex in flore ætatis suæ lethali ægritudine correptus, describit hoc Canticum quomodo stimulus imminens mortis, ægrotos, de sua temporali & etiam æterna salute desperabundos, aliquando conuertat ad penitentiam, & faciat cum Deo redire in gratiam. Quod proinde Canticum Ecclesiæ relictum est, ad informationem eorum qui in lecto ægritudinis ad extrema deductæ, exagitantur stimulus iniquæ conscientie, vt nouerint sibi hisce stimulus non ad desperationem, sed ad conuersionem vtendum esse. Ezechias itaque in se personam peccatoris in ægritudine corporali constituti transfigurans, tametsi quædam ad ipsam Ezechiae personam pertinere credantur, dicit in hunc modum:

1. *Ego dixi, in dimidio dierum meorum*. i. in flore ætatis meæ, *radum ad portas inferi*. i. moriar: mors enim tempore veteris testamenti erat porta inferi, quia omnes mortui tunc temporis descendebant ad infernum, illum saltem inferni locum, in quo fuit Christus: Et ob id, familiare fuit veteribus, cum mortem suam designare vellent, dicere, Descendam ad infernum, aut æquiualentia: nam & Iacob dixit; Descendam ad filium meum lugens ad infernum.
2. *Quæsiui residuum annorū meorum*. i. inquisiui quid mihi post annos meos siue decursum vitæ meæ restaret, aut expectandum esset, & omnibus perpensis, dixi, *non videbo Dominum Deum in terra viventium*, id est, ad beatitudinem

titudinem quæ in Dei visione originaliter, vt docet D. Thomas, consistit, nunquam perueniam.

Non aspiciam hominem ultra, quia cum feris bestiis, in quas omni humanitate amissa, tunc transibunt homines & angeli mali, erit habitatio mea: De quibus bestiis Isaias dicit: Erit ibi cubile draconum & pascua struthionum, & occurrent dæmonia onocentaurus, &c. Et postea: Ibi cubauit lamaia, ibi foueam habuit ericius. *Et habitatorem quæris*. i. præsens non videbo societatem sanctorum, vt vnus homo, in æternæ vitæ quiete, cum summa pace degentium. De qua quiete Isaias; Sedebit populus in pulchritudine pacis & requie opulenta. Sed in infernum, vt ait Iob, descendant omnia mea. Putasne ibi erit requies mihi? q.d. nequaquam.

Generatio mea ablata est, & conuoluta est à me, quasi tabernaculum pastorum. i. cogor ab hac generatione transferre habitationem meam ad eam quæ est alterius sæculi, more pastorum qui conuolutis tabernaculis suis transferunt ea de loco ad locum.

Præcisa est velut à texente vita mea. i. Series vitæ meæ quæ nunc ex lætis nunc ex tristibus admirabili varietate contextitur, præmatura hac, quæ mihi imminet, morte, abrupta est eo modo quo tela abruptitur à texente priusquam eam perfecit: quia, *Dum adhuc ordiret*, scilicet telam hanc. i. in primordiis vitæ humanæ consisteret, transacta; vita sensuali quam ducunt pueri, vitam rationalem inciperem ducere, *succidit me*. i. vitam mihi, vt apparet, abstulit. Quam querelam etiam Iob inter cæteras exponit, dicens, Dies mei velocius transierunt quàm à texente tela succiditur. *De mane usque ad vesperam finies me*. i. à primo die ætatis nostræ usque ad diem mortis, per moriendi quam in nobis habemus necessitatem, facis nos sine intermissione in finem seu mortem decurrere.

Sperabam usque ad mane. Sperat enim homo quantumcunque annosus & morbo oppressus vitam longiorem. *Quasi leo sic contriuit omnia ossa mea*, q.d. sed vis morbi huius omnes vires meas vitales sic repente absumpsit, ac si leo omnia ossa corporis mei vnico impetu confregisset, ita vt nulla superuiuendi spes mihi reliqua sit.

De mane usque ad vesperam finies me. i. Sicut à principio vitæ meæ, ita nunc magis magisque deficio & accedo ad mortem. Hactenus itaque audita est lamentatio ægri tam de vita temporali quàm de æterna desperabundi. Post quam, superueniente spiritu Domini cepit in eo locum habere quod scriptum est, *Conuersus sum in ærumna mea dum configitur spina*. Hac enim ærumna exstimulatus, & meliore stimulo Spiritus sancti adiutus, per inuocationem conuertit se ad Dominum, de qua dicit: *Sicut pullus hirundinis sic clamabo*. Non vacat mysterio quod dicit, *Sicut pullus hirundinis*. De

hirundine enim dicit Hieremias, quod custodierit tempus aduentus sui. Qui ergo dicit quod clamauerit sicut pullus hirundinis, quid innuit aliud quàm quod clamare ceperit in tempore opportuno? Sicut scriptum est, Pro hac orabit ad te omnis sanctus in tempore opportuno: Quod inter cætera est extremum tempus vitæ, tempusq; tribulationis. Dicit quoque sicut pullus hirundinis, quia clamor huiusmodi hominis sese iam primum conuertentis, principio parum prudens est, vt audiemus, & ob id garrui hirundinis per similis. Garrire enim dicuntur, qui absque prudentia verba multiplicant. Addit autem, *Meditator vt columba*. Hoc quid sit, paulo post magis oportune exponemus.

8. *Attenuati sunt oculi mei, suspicientes in excelsum.* q. d. oculos præsertim mentis aut animæ meæ vnâ cum clamore ac meditatione mea in cælum ad Deum sustuli, & ad eum meam intentionem sic direxi, vt pene vires mihi deficerent. In qua animi mei intentione, vt pullus hirundinis sic clamabam,

9. *Domine vim patior.* i. opprimor morbi pondere, angore conscientia, onere mei reatus. Iniquitates enim sicut onus graue grauata sunt super me. Denique vim patior à dæmonibus desperationem mihi nimis instantè ingredientibus. *Responde pro me.* i. Tu causam meam defendendam suscipe. Sed pullus hirundinis huius sui clamoris imprudentia, ne dicam temeritate, animaduersa, mox eam corrigit, & dicit, *Quid dicam? aut quid respondebit mihi cum ipse fecerim?* i. Qua fronte aut qua ratione clamo vt Dominus respondeat pro me, cum ego mihi omnium horum malorum author sim,

Bernar in
exposi. bñ-
ius cant.

& peccatum quod morbus hic cum reliquis malis, vt iusta pœna consequitur, voluntariè admiserim? Hic alij & etiam Bern. legunt: cum ipse fecerit. Quæ lectionis diuersitas in idem redit, prædicta enim mala homo sibi infert suo demerito, Deus iusto suo iudicio. Similiter vbi noster textus legit, Sicut pullus hirundinis clamabo, alij pro, *clamabo*, legunt *garrum*, & tamen vtraque lectio in eundem conuenit sensum, quia sine scientia imperite clamare, vt declarauimus, quid aliud est quàm garrire? Deprehensa itaque vanitate garritus huius ac importuni clamoris, eaq; abrupta, meliora æger iste amplectitur consilia, magisque ordinatè conuertit se ad meditandum sicut columba. Qui enim actus suos malos tacita cogitatione ad memoriam reuocant, suamque ipforum iniquitatem diligenter expendunt, columbæ meditati comparantur ab Isaia dicente, Rugiemus quasi vrsi omnes, Quod impletum est in vniuersitate eorum qui Christum ad crucem exposulauerunt, & quasi columbæ meditates gememus, Quod impletum est in illis qui mortuo Christo reuertebantur expendentes rei factæ indignitatem, & præ pœnitudine tundentes pectora sua. Itaque pullus hirundinis per profectum interioris hominis in meditantem columbam conuersus, dicit,

Reco-

Recogitabo tibi omnes annos meos, in amaritudine animæ meæ. Hanc enim requirit vera pœnitentia, teste exemplo D. Petri, qui egressus foras fleuit amarè. Vbi notandum est quod dicit, *Omnes annos meos*, Hoc enim eius est qui singula præteritæ vitæ peccata scrutatur & plangit. Ex quo proinde iterum inferimus quod ad remissionem peccatorum semper oportuerit illa sigillatim scrutari, eaq; Domino (id enim importat quod dicit, *Recogitabo tibi*) particulatim confiteri. Porro, quia pœnitentia nunquam frustra agitur, his actis, experiebatur rex, sicut etiam experientur quicunque ad hanc formam quantumvis in extremo vitæ periculo agunt pœnitentiam, vim quam dixit se pati nonnihil mitigari, seq; ad spiritus tranquillitatem, & à corde mortuo ad cordis viuacitatem & alacritatem spiritualem transferri. Vt etiam hic locum habeat quod Concilium Trident. dicit, consolationes conscientia in viris spiritualibus sacramentum pœnitentiæ subinde comitari vel sequi. De hac itaque conscientia suæ viuacitate & consolatione sic subiungit:

Domine si sic uiuitur. i. si hac ratione à morte animæ ad vitam spiritus reditur, *& in talibus vita spiritus mei.* i. Si vis morbi me ad pœnitentiam exstimulans, & pœnitentia tandem perfectionem suam acquirit; me spiritualiter viuere facit; *corripies.* i. Esto, contentus sum, corripias me, similesque plagas quæ me ad pœnitentiā exstimulent mihi immittas. Illæ enim mihi refugiendæ non sunt, quia *uiuificabis me.* i. per illas ad vitam iustitiæ me perduces. Quo facto, *Ecce in pace amaritudo mea amarissima.* i. amaritudo quæ ob morbum lethalem, & præsertim ob vim quam intus patiebar, mihi amarissima erat, spiritualis vitæ prouentu obdulcata est & mitigata, imo pacata. Cùm itaque Canticum istud ad hoc à Spiritu sancto dictatum sit, ut ex eius serie disceremus homines per lethalis morbi angustias spiritum veræ pœnitentiæ ac rediuiuæ iustitiæ accipere posse, meritò non satis maturata, nec satis diligenter expensa fuisse videtur illa Cypriani & coëpiscoporum eius censura, qua, ut ipse testatur, statuerunt à communione & pace prohibendos esse eos qui in infirmitate atque periculo mortis ceperint deprecari, quia, inquit, rogare illos non delicti pœnitentia, sed mortis vrgentis admonitio compellit. Nec dignus est, ait, in morte accipere solatium, qui se non cogitauit esse moriturum. Hanc, dico, censuram non satis diligenter expensam fuisse: ut enim mortis admonitio agros compellit rogare, ita subinde compellit eosdem ex animo conuerti & legitimam pœnitentiam agere. Porro, Ezechias volens fructum meditationis suæ qua recogitauit annos suos in amaritudine animæ suæ vberius enarrare, subdit:

Tu autem eruisti animam meam, æternæ prius perditioni expositam, & non periret, Projecisti post tergum tuum omnia peccata mea. i. obliuioni

I i i

tradi-

tradidisti omnia peccata mea. Idq; propter gloriam nominis tui, scriptum est enim: Propter nomen meum delebo iniquitates tuas, vt superessent aliqui qui ad gloriam nominis tui confiterentur miserationes tuas.

13. *Quia non infernus confitebitur tibi;* In inferno enim quis confitebitur tibi? *neque mors laudabit te,* quia non mortui laudabunt te Domine. *Non expectabunt qui descendunt in lacum.* i. infernum, de quo Psal. 7. dictum est, Lacum aperuit & effodit eum, *veritatem tuam,* vt de ea in perpetuum feliciter viuant. Cùm autem, Expectatio rei bonæ, actus sit spei; & hic dicatur, *Non expectabunt qui descendunt in lacum veritatem tuam,* satis aperte insinuat damnatos nihil solatij aut mutationis in posterum expectantes, desperatione plenos esse.

14. *Viuens viuens.* q. d. viuens, viuens inquam, *ipse* in gratiarum actione *confitebitur tibi,* se ex mortuis per gratiam tuam reuixisse & è faucibus inferni ereptū esse. *Sicut & ego hodie:* Dicit, Et ego hodie, ergo Ezechias Canticū hoc nō sibi soli, sed ad informandam suo exemplo Ecclesiā scripsit. *Pater filijs notam faciet veritatem tuam,* vt videlicet posteri qui filiorum nomine intelliguntur, sicut & prædecessores nomine patrum, discant re in extremum pene deducta, à Deo spiritum pœnitentiæ & misericordiam expectare, ad instar misericordiæ patribus in simili necessitate præstitæ. Hæc ergo particula similis est illi, Psalmi 50. docebo iniquos vias tuas. Et Psal. 101. Scribantur hæc in generatione altera. i. in vtilitatem alterius generationis. Cæterum, quando quidem recuperata iustitia opus est perseuerantia, post gratiarum actionem subdit author orationem, & dicit:

15. *Domine saluum me fac.* i. per donum perseuerantiæ æternam salutem mihi concede, & *Psalmos nostros cantabimus cunctis diebus vitæ nostræ in domo Domini.* i. in sæcula sæculorum laudabimus te cum beatis qui habitant in domo tua Domine.

Canticum Annæ. 1. Reg. 2.

Aug. 17. de
Cris. c. 4.

DIuus Aug. in hoc Canticū sic præfatur. Mater Samuelis Anna, quæ prius fuit sterilis & posteriore sæcunditate lætata, prophetare aliquid non videtur cum gratulationē suam Domino fundit exultans, quando eundem puerum natum & ablactatum Domino reddidit, eadem pietate qua vouerat. Cantico autem ad verbum interposito subiungit Aug. Itāne verò verba hæc vnus putabuntur mulierculæ de nato sibi filio gratulantis? tantūme mens hominis à luce veritatis auersa est, vt non sentiat supergredi modum fœminæ huius dicta quæ fudit? Agnoscendum itaque est per hanc mulierem, cuius nomen est Anna, quæ gratia eius interpretatur, ipsam religionem Christianam, ipsam ciuitatem Dei, ipsam postremò
Dei

Dei gratiam prophetico spiritu fuisse locutam. Hæc August. Dicit proinde Ecclesia religione Christiana, charitate fecunda, spiritali prole copiosa.

Exultauit cor meum in Domino. Accepta enim iustitia exultat Ecclesia in Domino; non solum quia iustitiam, suæ exultationis causam, Domino fert acceptam, verum etiam quia ipsa iustitia gratior ei est ob id, quod diuinæ voluntatis studio & munere ei donata sit, ita ut plus gaudeat de tam studiosa Dei circa se voluntate, quam de ipso munere. *Et exaltatum est cornu meum.* i. gloriosa effecta sum & in superbiam sæculorum posita, in Deo meo. i. in nomine & munere Dei mei.

Dilatatum est os meum super inimicos meos, quia letata sum in salutari tuo. Inimici Ecclesiæ sunt qui eidem detrahunt. Alij enim detrahebant olim auspicijs eius, iactantes quod nullum acciperet progressum ob humilitatem sermonis, prædicationem patientiæ, crucis, & contemptus mundi. De quibus Isaias, Venient ad te qui detrahebant tibi. Alij detrahunt perpetuitati eius, dicentes, Deus dereliquit eum, defecitque per senectam & senium. De quibus Psal. 70. confundantur detrahentes animæ meæ. Cum ergo contrā quā augurantur aut iactant inimici, Ecclesiæ status in melius progreditur, & Ecclesia contrā quā expectabant, in suo vigore perseuerat; dilatatur os eius super inimicos eius, & letatur in salutari Domini; Magnum enim prædicandæ diuinæ gratiæ campum, vberemque celebrandæ lætitiæ materiam nanciscitur, cum se videt contrarium affecutam quā inimici odio ac inuidia stimulati augurabantur, & vanitate augurum per rei euidentiā confutata, illam suis authoribus impropere, multis eis verbis insultat, & de eis triumphum agit, & augurium ipsorum atque mendacium rei contrariæ demonstratione confutat. Vel, *Dilatatum est os meum super inimicos meos,* Quia preconibus Euangelij in carceres detrusis, verbū Dei non manebat simul inclusum, sed extra eos, inquit August. dilatatur.

Non est sanctus ut est Dominus, Quoniam Dominus solus per essentiam sanctus. Sed cum Dei ac Domini nomine, teste Cyrill. Pater fere soleat intelligi, ne dicendo, *non est sanctus ut est Dominus,* videretur etiam filium eo suo dicto comprehendere, quasi filius non esset sanctus ut Pater, ad cautelam subiungit, *neque enim est alius extra te.* q. d. non est sanctus, ut est Dominus extra te Domine. Itaque filius est sanctus ut Dominus, quia filius non est extra patrem, sed in patre. In quem etiam sensum Deus pater apud Isaiam dicit: Extra me non est Deus. *Et non est fortis sicut Deus noster,* qui impleat omnes voluntates suas, domans mundum non ferro, sed ligno. Quam fortitudinem suam exercuit in primis in euacuanda sapientia huius sæculi, præsertim per voluntariam sapientum cōuersionem. Quo circa Anna ipsos sapientes per apostrophē consequenter alloquitur & dicit:

Iiii ij

Nolite

4. *Nolite multiplicare loqui sublimia gloriantes.* i. o vos sapientes sæculi gloriae aucupes, Est enim philosophus animal gloriae, inquit Tertull. *Nolite multiplicare*, seu ulterius pergere loqui sublimia, siue in sublimitate sermonis proferre argumenta, vosque extollere aduersus scientiam Dei, neque, ut Græci, sapientiam ab Apostolis requirere, sed captiuatè intellectus vestros in obsequium fidei, efficiamini credendo stulti, ut euadatis sapientes, ut in vobis appareat quod infirmum est Dei, fortius esse hominibus.
5. *Recedant vetera de ore vestro*, Arrogantia videlicet & iactantia, qua dicebatis vos esse sapientes, vobisque tanquam authoribus sapientiam vendicabatis. *Quia Deus scientiarum Dominus est.* Omnis enim scientia & à Domino est, & ab ipso secundum mensuram donationis eius cõceditur. *Et ipsi præparantur cogitationes.* i. ipse est cui vnusquisque in sua cogitatione se præparare debet, ut ei placeat, & sapientiam ab eo accipiat. Vel, *Ipsi.* i. ab ipso præparantur cogitationes. Ipse enim est qui primam homini cogitationem suggerit, per quam ad veram sapientiam tendat. Propter quod scriptum est, Cogitatio hominis confitebitur tibi. Et, non sumus sufficientes cogitare aliquid à nobis tanquam ex nobis, sed sufficientia nostra ex Deo est. Hæc ergo de conuersione sapientum sæculi, nunc de virtute quam excæcatis Iudæis Deus exercuit in conuersione gentium.
6. *Arcus fortium.* i. intentio & propositum Iudæorum, de quibus scriptum est, Filij Ephrem intendentes & mittentes arcum, quia suis viribus præsumebant implere cognitam legem, *superatus est*, quia per multimodam Iudæorum, quam auxerat lex, præuaricationem, manifestatum est & Christianis persuasum, vires hominis cognitione & timore legis adiutas, ad iustitiam nullatenus, ut prius videbatur, sufficere. *Et infirmi accincti sunt robore.* i. Qui de suis viribus non præsumebant, Domino corroborante, fortes facti sunt: Hi fuerunt gentiles.
7. *Repleti prius*, Iudæi scilicet, qui pabulo verbi Dei prius abundabant, quia credita sunt illis, ait Apost. eloquia Dei, *Pro panibus se locauerunt*, Veritate namque quæ Christus est deserta, hominibus ut magistris se in seruitutem dederunt, & Rabbiorum stultissimis fabulis ceperunt seruire. *Et famelici.* i. gentiles ab eloquijs Dei prius exclusi, *saturati sunt.* i. ad saturitatem vsque eloquia Dei acceperunt. Hic ergo idem prophetatur quod à B. Virgine in cantico suo: Esurientes impleuit bonis, & diuites dimisit inanes. Quamdiu autem illi prius repleti fuerunt & hi famelici?
8. *Donec sterilis.* i. Ecclesia, cui dicitur, Latere sterilis quæ non parit, quæ quidem ante Christum erat, sed ad instar sterilis mulieris paucos per gratiam Christo generabat, *peperit plurimos*, multi enim filij desertæ magis quam eius quæ habet virum. *Et quæ multos habebat filios*, Synagoga, *infirmata*,

muta, non dicit extincta, *est*, Superest enim Synagoga, sed absque omni vigore spiritali, marcida & contabescens, sicut scriptum est, Non penitus auferam virum ab altari meo, sed ut deficiant oculi tui & tabescat anima tua. Cum ergo hæc ceperunt impleri, tunc repleti prius, scripturarum intelligentiam perdiderunt, & gentiles vera scripturarum intelligentia saturati sunt. A quo autem hæc rerum vicissitudo aut commutatio?

Dominus mortificat & viuificat. Sed diuerso opere. Mortificare enim hoc loco dicitur ab euentu, quia legis bonæ, & à se in adiutorium datæ, euentus fuit mors. Ego enim, inquit Apostolus personam hominis sub lege constituti in se transfigurans, mortuus sum, & inuentum est mandatum quod erat ad vitam, hoc esse, siue mihi euenisse ad mortem. Viuificare autem dicitur à virtute, quia gratiæ non euentus sed effectus est vita. *Deducit ad inferos.* i. eos qui ex bonis Dei operibus mortem sibi consciscunt, iustè deferendo, quodammodo facit inferno multiplicatis lapsibus, quasi quibusdam gressibus magis magisque propinquare. *Et reducit.* i. Eisdem, quos, ut notat Augustinus, deferendo ad infernum deduxerat, siue inferno magis magisque permiserat propinquare, directione & ope gratiæ suæ inde subinde reducit.

Dominus pauperem facit. Spoliauit enim Synagogam omni gloria sua, sicut ipsa conqueritur: Spoliauit me gloria mea, & quasi euulsæ arboris abstulit spem meam. *Et ditat*, quia magna potestate & gloria & opibus spiritalibus instruxit Ecclesiam. Nihilominus, temporaliter mortificare & viuificare, pauperem facere & ditare, etiam Dei, diuinæque dispositionis est. *Humiliat* peccatores usque ad terram. *& subleuat* ex dicta abiectione ad iustitiam. Quibus autem hoc facit gradibus quouque ordine?

Suscitat de puluere egenum, & de stercore eleuat pauperem. i. Ipse ut è peccatorum fœcibus ad iustitiam surgere incipiant, primam cogitationem, primamque boni cupiditatem eis inspirando, eos de somno ac morte exsuscitat; Eosque sensim huc usque sustollit ac subrigit,

Ut sedeat cum principibus. i. digni sint & idonei qui principatum in Ecclesia cum reliquis obtineant. *Et solium gloriæ teneant.* i. regiam sedem seu regēdi potestatem cum magna sua gloria ob felicem & utilem administrationem obtineant. Gloria enim præpositi est, gloria Ecclesiæ, inquit Cypr. *Cyp. epist. 7* Vnde & Apostolus Theisal. Vos estis gloria nostra.

Domini enim sunt cardines terræ. Ordo præpositorum columnæ terræ dicuntur, sicut scriptum est, Ego confirmaui columnas eius, quia Ecclesiam per vniuersam terrā diffusam sua ope ac autoritate sustentant. Dicuntur & *cardines terræ*, quia totius Ecclesiæ status in eorum directione, consilio siue imperio, quasi in quodam cardine pendet atque versatur. Cum itaque

I i i i iij

Pharao

Genes. 41. Pharaon diceret Ioseph; Ego sum Pharaon, absq; tuo imperio nemo mouebit manum vel pedem in omni terra Ægypti, vere eum ac propriè Ægypti cardinem constituit. Cùm ergo ad directionem Rom. Pontificis tanquam summi pastoris seu rectoris directionem omnis Ecclesia se mouere debeat ac quiescere; Et clerus Romanus in id munus vna cum Pontifice, vt par sit oneri, teste Cypr. præsideat; (florentissimo, inquit, clero tecum istic præsidenti) rectè & secundum scripturas sacras, vt notat Ioannes à Turrecremata, præsides isti Romani pastoris cooperarij, terræ cardines seu Cardinales vocantur. In eorum enim directione quasi ostium in cardine omnis se Christianus orbis versat atque reuerfat: Dicit itaque Anna: *Domini sunt cardines terræ.* i. in manu ac protectione Domini sunt & ad Dominum pertinent; quia potestas eorum à Domino est instituta, & ipsi rectores diuina voluntate in id opus assumuntur, atque Domini directione adiuti reliquos dirigunt. *Et posuit super eos orbem.* i. Ecclesiam per orbem diffusam, ipsis portandam atque regendam imposuit. Placuit enim Deo charitatis & vnitatis exercendæ & fouendæ gratia, & vt Ecclesia vnius corporis rationem haberet, nō singulos homines per semetipsum, sed hominum maiorem partem per aliam regere; Sicut plurima membra corporis, per pauciora membra vnius capitis in humano corpore reguntur. Sed officium hoc lubricum est & ad ruinam proclive? Verum quidem, Sed Deus


14. *Pedes sanctorum suorum seruabit.* i. eos à lapsu proteget, *Et impij in tenebris conticeſſent*, Impletur namque in Ecclesia quod dicebat Petrus, Is qui ex aduerso est vereatur nihil habens mali dicere de nobis. Dixit autem quod Dominus pedes sanctorum suorum seruabit, *quia non in fortitudine sua roborabitur vir.* i. Etiam is qui ad iustitię virile robur peruenit, non viribus suis quantumuis à Deo acceptis, stabilis esse potest, sed eget speciali Dei gratia corroborari & defendi. Dicit proinde Hieremias. Non gloriatur fortis in fortitudine sua. Quis vero finis inimicorum Dei?

15. *Dominum formidabunt aduersarij eius.* Id manifestissimè fiet appropinquante die iudicij (& etiam appropinquante morte vniuscuiusque) cum implebitur illud Isaïæ: Formido & fouea & laqueus super te qui habitator es terræ, Et erit qui fugerit à facie formidinis incidet in foueam. Non enim vt alibi dicit, poterit auolare de angustia sua. *Et super ipsos in cælis tonabit.* i. tanquam tonitruum de cælis ipsos audire faciet iudicium seu iudicis sententiam, sicut scriptum est, De cælo auditum fecisti iudicium. Id fiet illo tempore, quo,

16. *Dominus iudicabit fines terræ.* i. omnem terram, etiam eos qui in extremis terræ angulis sunt. *Et dabit imperium Regi suo*, Christo, Is enim iudicandi potestate à patre accepta, cum imperio dicet, *Ite maledicti*, & fiet. *Et sublima-*

sublimabit cornu Christi sui. i. regiam Christi potestatem valde sublimem & gloriosam faciet omnibus sanctis in regnū perductis. De quo Isaías: Ecce exaltabitur seruus meus & sublimis erit valde. Et alibi: Exaltabitur Dominus in illa die solus.

Canticum Moyfi. Exod. 15.

 Anticum hoc allegoricum est. In omni autem allegoria primarius sensus est, historicus aut literalis: secundarius vero est mysticus, ad quem per rem primario significatam alluditur propter literæ & mysticæ conuenientiam. In parabolis vero primarius sensus mysticus est, quia non oportet parabolas secundum historiam reipsa factas fuisse, ut patet in parabola filij prodigi & 10. virginum. Hoc itaque canticum secundum primarium suum sensum gratias agit Deo quod Israelem per mare rubrum liberauerit de manu Ægyptiorum, & propter ea quæ inde consecuta sunt, sic tamen ut interim alludat ad mysterium sub illa historia latens, idque eadem gratulatione celebret. Quædam tamen huius cantici partes propter verborum amplitudinem magis conueniunt latenti mysterio, quam historię patenti. Porro latens hic mysterium geminum est. Per demersionem enim Ægyptiorum & liberationem populi Israel è faucibus eorum, significatur in primis, quod impij aliquando simul demergendi sint in profundum inferni, eaque ratione atque eo tempore omnis Dei populus in perpetuum liberandus sit ab eorum persecutione ac tyrannide; de qua demersione Apocal. 18. Sustulit angelus fortis lapidem quasi molarem magnum, & misit in mare, dicens: Hoc impetu mittetur Babylon ciuitas illa magna & ultra iam non inuenietur; Et certè probabile est hic allusionem fieri ad illam demersionem, quia ut de illa dicitur quod demerserit angelus lapidem, ita hic dicitur, Descenderunt in profundum quasi lapis. Et similiter sub gratulatione quæ hic in cortice literæ inuenitur, comprehenditur illa gratulatio, qua sancti omnes concorditer Deo gratias agent, quod demerso sæculo ipsi naufragium illud euaserunt. Quapropter dicitur Apocal. 15. Vidi mare vitreum mixtum igne, & eos qui vicerunt bestiam stantes super mare vitreum, & cantantes canticum Moyfi, serui Dei. Ad quid quæso canticum Moyfi, si canticum Moyfi non etiam contineat laudē Dei pro demerso sæculo, & gratiarū actionem pro eodē per omnia superato? Deinde est hic allegoria rei spiritualis, Per demersionem enim Ægyptiorum in mari rubro, significatur demersio & suffocatio peccatorum in baptismo, de qua Micheæ 7. Projiciet in profundum maris omnia peccata nostra. Et proinde gratulatio hoc carmine descripta, continet etiam gratiarū actionem Christianorum pro renouatione quam per baptismum consecuti sunt,

sunt, & ducatu quem Deus præstat baptizatis, vt perueniant ad veram terram promissionis. Itaque Moyfes transuadato mari rubro Israelem exhortatur in hæc verba:

1. *Cantemus Domino, gloriose enim magnificatus est, equum & ascensorem proiecit in mare.* Ad literam clarum est. Per equum autem significantur effrænes passionis, ob quas poëta, Animum rege, qui nisi paret imperat, hunc frænis hunc tu compesce catena. Ascensores equorum sunt, qui passionibus suis abrepti, eò feruntur quocunque impetus passionis voluerit, nec illis vllum frænum aut modum imponunt. Ideo Ambr. notat eos hic dici ascensores, non autē rectores equorum. Itaque cum demersa fuerit Babylon, laudabunt sancti Dominum super iustis iudicijs eius, quibus tam passionis eorum quàm ipsos impios passionum seruos, simul in æternum cruciatum præcipitauerit. Passiones inquam, Illis namque damnati non carebunt, sed ab illis non parua molestia cruciandi sunt, Sicut enim teste Augustino, concupiscentia, ita quiuis inordinatus appetitus damnatis vertetur in tormentum.

D. Amb. de
Naboth,
cap. 15.

2. *Fortitudo mea & laus mea Dominus, & factus est mihi in salutem.* i. Dominus hic pro me, & sine me fortitudinem exercuit, Sicut prædictum paulò ante fuerat Israeli, Dominus pugnabit pro vobis, & vos tacebitis. Vnde & Dominus laus Israelis est, quia gloria huius victoriæ soli Domino competeat. Et quia Dominus hæc mirabilia in oculis Israel patrabat, vt Israelem confirmaret in fide vnus Dei & diuinæ potentiæ; subdit Moyfes vt dicat Israel,

3. *Iste Deus meus.* q. d. Ex hoc facto hunc solum mihi in Deum habendum esse, fortius mihi persuasum habeo. *Et glorificabo eum,* ita vt non habeam cum eo Deum alicum. Idem est & *Deus patris mei*, cui scilicet seruiò à progenitoribus meis. *Et exaltabo eum,* super omnes deos. Sed præter hæc, Israel modum quo Dominus in superandis hostibus vsus est admirās, dicit,

4. *Dominus quasi vir pugnator,* quia contra exercitum integrum dimicauit cumque deleuit. Et ne quis putaret quod Dominus Ægyptios alio modo delere non potuisset, addit, *Omnipotens nomen eius.* i. quouis alio modo eos delere poterat. Hunc autem modum in quo ipse vir bellator appareret voluit deligere, virtutis suæ ornandæ & simul mysterij celebrandæ gratia. Ad eundem modum, cum Dominus sit omnipotens, potest hostes nostros domesticos, malignitatē dico animi & concupiscentiā vnico nutu de nobis simul delere, & per aquas baptismi simul demergere aut suffocare, Quod cum in baptismo fit, tum per baptismum miraculum efficitur, inquit Aug. Mauult tamen nobis tanquam vir bellator adesse, & nobiscum per fidem & Dei timorem bellando, virtutis ornandæ & exercendæ gratia, eosdem domesti-

2. de pecc.
mer. 6, vlt

mesticos hostes paulatim atterere. Idem iudicium esto de hostibus exter-
nis, contra quos Dominus opem ferente dimicans Hieremias, Dominus, in-
quit, mecum est tanquam bellator fortis. Et quia Cypr. dicit Christum in
martyribus preliari, poterunt & martyres dicere; Dominus nobiscum quasi
vir pugnator: & Omnipotens nomen eius, quia cum pueris in Babylonia, con-
fiteri debent quod potens sit eos in quibus agonizat, si voluerit, liberare de
manibus ac tormentis aduersariorum. Porro quomodo Dominus contra
Israelem pugnaverit explicat Exodus in hæc verba: Iam aduenerat vigilia
matutina, & ecce respiciens Dominus super castra Ægyptiorum per colum-
nam nubis & ignis interfecit exercitum eorum, & subuertit rotas curruum
ferebanturque in profundum. Dixerunt ergo, Fugiamus Israelem, Dominus
enim pugnat pro eis contra nos. Ex quibus verbis apparet Dominum vir-
tute quadam castra Ægyptiorum debilitasse eosque ad fugam compulisse
priusquam aquis obruerentur. In fuga autem ac receptu occurrentibus aquis
oppressos esse. De qua re sequitur, *Currus Pharaonis & exercitum eius
proiecit in mare.*

*Electi principes eius submersi sunt in mari rubro, Abyssi operuerunt
eos, Descenderunt in profundum quasi lapis.* Hoc allegoricè intelligendum
est. Lapis enim duritiam habet, mundus autem per Pharaonem & exercitum
eius significatus, descendet in infernum quasi lapis, quia merito obduratæ
impænitentiæ suæ.

*Dextera tua Domine magnificata est in fortitudine, dextera tua Domine
percussit inimicum,* Cooperatus enim in hac victoria Patri est Filius, *Et in
multitudine gloriæ tuæ.* i. multiplici virtute à te ad summam tuam gloriam
prius in plagis Ægypto inflictis, nunc in Ægyptiorum demersione miracu-
losè producta, *deposuisti,* id est, de statu suo per omnia conuulisti, *aduer-
sarios tuos.*

Misisti iram tuam quæ deuorauit eos sicut stipulam, nihil enim in eis fuit
virtutis quo minus iram Dei ac vindictam mollissimè exciperent. *Et in spi-
ritu furoris tui congregatae sunt aquæ.* Hunc spiritum August. intelligit
Spiritus sanctum, qui vna cum patre & filio opera, quæ vocamus ad extra,
operatur. Diciturque secundum Augustinum spiritus furoris Domini ob
effectum vindictæ. Sicut dicitur spiritus timoris, spiritus adoptionis, ob
eiusmodi effectus tamen si ipse spiritus in se vnus sit & indistinctus.

Stetit unda fluens. i. aqua maris rubri quæ prius fluitabat, stetit, cum facta
est Israeli pro muro à dextris & à sinistris. *Congregatae sunt abyssi in me-
dio mari.* i. Aquæ per vniuersum mare diffusæ in medijs maris profundo con-
gregatæ sunt, ac se in duo latera altrinsecus receperunt. Quod cum cerneret,
Dixit inimicus. i. Ægyptius, & apud semetipsum sic cogitauit, *Persequar*

K k k

inimicos

inimicos per medium siccimarum, & comprehendim, diuidim spolia, implebitur anima mea. i. ad satietatem ditabor spolijs. Nec solum, sed &

10. *Eugina gladiū meū, interficiet eos manus mea. Sic Ægyptij. Sed quid?*

11. *Flauit spiritus tuus.* Per spiritum Domini ventum intelligere satis inconueniens est. Itaque, spiritus tuus sanctus flauit. i. eo quo voluit modo ventum excitauit, & operuit eos mare. *submersi sunt quasi plumbum in aquis vehementibus.* Hic iterum est allegoria ad demersionem Babylonis in infernum. Per plumbum enim iniquitas significatur, quæ iuxta Zachariam, sedet super talentum plumbi, quia de peccatis dicitur, Sicut onus graue grauata sunt super me. Descendet ergo Babylon in profundum quasi plumbum, quia ut ait Isaias, grauabit eam iniquitas eius, Merito enim iniquitatis suæ, accedente lapidis duritia, siue impenitentia, damnabitur.

12. *Quis similis tui in fortibus Domine? Magnus in sanctitate. i. sanctificatione, Terribilis, in iudicijs & vindicta. In utroque autē, laudabilis. Et facies mirabilia. i. omnia hæc mirabili & insolito modo ad effectum perducens.*

13. *Extendisti manum tuam, in Moyse, cui dixit Deus, Extende manum tuam &c. Et deuorauit eos terra.* Terra pro aqua (nec mirum) ponitur, inquit

Aug. 9. 54. in Exod. August. tota quippe pars ista extrema vel infima mundi terræ nomine censetur, secundum id quod sæpe dicitur Deus qui fecit cælum & terram. Et in Psalmi 148. distributione, commemoratis cælestibus, laudate, inquit, Dominum de terra & ea exequitur in laude quæ etiam ad aquas pertinent. Hæc August. *Dux fuisti in misericordia tua populo quem redemisti.* Ad litteram sermo est de ducatu columnæ nubis & ignis. Per allegoriam vero, de ducatu diuinæ directionis quam Deus præstiterit populo per sanguinem Christi redempto & de Ægypto liberato, ubi peruenit ad veram terram promissionis. Quæ directio fit per gratiam dirigentem, De qua D. August.

Aug. lib. 3. hypog.

Apprehenditur gratia, ut liberum arb. per eius semper curam incipiat in Dei proficere voluntatem. Sicut enim iumentum dum in via dirigitur sefforis manu regitur, ut iter rectum siue leuiter siue cursim, secundum sedentis in se voluntatem possit incedere, quoadusque ad locum perueniat destinatum; ita & liberum arb. dum in via. i. Christo ceperit esse, gratiæ regimine regitur, ut in semitis Domini recto corde siue patientia charitatis, siue feruente spiritu secundum diuisiones gratiarum Spiritus sancti, qui diuidit singulis prout vult, possit ambulare quoadusque ad promissum regnum cælorum perueniat. Hæc August. Bene ergo in gratiarum actione dicit, *Dux fuisti in misericordia tua*, quia directio hæc gratiæ præuenientis operatrix, sicut perseverantia, non cadit sub merito condigni. Pro qua oramus ad primam, Dirigere & sanctificare, regere & gubernare dignare. Et ne ad profectum vel ad perseverantem progressum sufficere putetur sola directio, addit.

Et por-

Et portasti eum in fortitudine tua. i. fortitudinem ei ac robur dedisti. 14.
 Quo verbo insinuat gratia adiuuans seu corroborans. Portasti autem,
 usque ad habitaculum sanctum tuum. i. calum, sanctum sanctorum. Vbi
 manifesta est allegoria. Vocabulum enim habitaculi sancti diuini, augu-
 stius est, quam vt de terra promissionis adequatè intelligatur. Itaque ver-
 ficulos, *Dux fuisti in misericordia*, cum ijs quæ sequuntur, Sancti, & singuli,
 & simul collecti cum gratiarum actione dicturi sunt, vbi demerso sæculo
 cursum Deo duce consummauerint. Porro per Pharaonis exercitum signi-
 ficatur diabolus & exercitus eius tam ex hominibus quam dæmonibus qui
 infestatur filios prædestinationis usque ad baptismum; teste Cypr. Et per
 baptismum oppressus, vt ibidem docet Cypr. iterum exurgit & noua bella
 instituit, vt populum renouatum & ad terram promissionis per viam pro-
 ficientis iustificationis tendentem, in ipso itinere intercipiat ponens scan-
 dala iuxta iter, vt cū à fini, cōsecutione secludat. De quibus bellis sequitur.

Cyp. ep. 76

Ascenderunt populi & irati sunt, Præter sensum enim litteralem sig- 15.
 nificatur indignatio & ira diaboli & exercitus eius in populum sibi per
 baptismum ereptum & recto itinere ad vitam æternam progredientem. De
 qua ira scriptum est, Videns diabolus quod deceptus esset, iratus est valde,
 & abiit facere prælium cum reliquo semine mulieris. *Dolores obtinuerunt
 habitatores Philistiim*, Doluit enim eis malèque eos habuit felicitas re-
 natorum.

Tunc conturbati sunt Principes Edom robustos Moab obtinuit tremor, 16.
ohriggerunt omnes habitatores Chanaan, Ad literam est prophetia de eo
 quod futurum erat. Timore enim dissolutum est cor populorum istorum,
 vt non fuerint ausi vel se Israeli opponere, vel in cepto prælio fortiter per-
 sistere. Quod cum Moyses animaduertisset tam secundum sensum litera-
 lem quàm secundum sensum spiritalem futurum, orat id in re figurata im-
 pleri, & dicit:

Irruat super eos, Eos, inquam, qui iuxta iter renatorum scandalum po- 17.
 nere cogitant. *Formido & pavor*, vt non audeant opere complere quod
 cogitant. Idque, *in magnitudine brachij tui*, i. illius virtutis, qua potes af-
 fectus hominum in timorem solo nutu conuvertere & metu dissoluere. Quæ
 virtus tanta est, vt in nullius hominis sit potestate.

Fiant immobiles quasi lapis, vt nō valeant nec audeant implere quæ vel- 18.
 lent. *Donec pertransseat populus tuus Domine, donec pertransseat populus
 tuus iste quem possedisti*, i. perseueranter inhabitare delegisti. Idque, qua-
 tenus necessarium est perficiendæ viæ per quam tendunt. Permittuntur
 enim hostes impugnare populum Dei, sed ad eius exercitationem. Si autem
 quid tentare vellent quod cederet in populi Dei damnationem, ab eo vel

K k k k ij inuiti

inuiti occulta Dei virtute prohibentur. De qua scriptum est: Qui dissipat consilia malignorū, vt non possint manus eorum implere, quod ceperant.

19. *Introduces eos & plantabis in monte hereditatis tuæ.* Ad literam intelligitur de Palæsthina, allegoricè verò de mōte seu sublimitate cælesti, De qua psalmus, Quis requiescet in monte sancto tuo. Qui est mons diuinæ hereditatis, quia in eo efficimur hæredes Dei, cohæredes autem Christi. In quo dicit Deum eos plantaturum, vt insinuet se de eadem re loqui, De qua Psalmus: Plantati in domo Domini in atrijs domus Dei nostri florebut, De qua etiam Moyses Deut. 13. Transibo & videbo montem hunc egregium & Libanum, qui erat mons altissimis cedris confitus. *Firmissimo habitaculo tuo quod operatus es Domine.* Nemo enim inde poterit extubari, Cuius firmitatem hac similitudine describit Isaias cap. 33. Qui ambulat in iustitia, iste in excelsis habitabit; munimenta saxorum sublimitas eius, &c.

20. *Sanctuarium tuum.* i. sanctum sanctorum in quod nihil coinquinatum intrabit. *Quod firmauerunt manus tuæ.* Dicit, *manus tuæ*, Hæc est enim domus non manufacta æterna in cælis. De qua Isaias, Non auferentur clauī tabernaculi eius in sempiternum, & omnes funiculi eius non rumpentur, quia est ibi solummodo magnificus Dominus noster, qui est illius tabernaculi murus & antemurale omni re manu facta inde exclusa. Ita vt & angeli non habeant ibi citharas aut tubas manu factas. Omnis itaque hæc verborum magnificentia satis testatum reddit hæc magis allegoricè quam literaliter esse dicta. *Dominus regnabit in æternum.* i. Dominabitur in hac vita vsque dum perueniatur in æternitatem. In hanc enim significationem vocem, in æternum, subinde sumi author est Augustinus. Quem sensum cōfirmat quod loco in æternum, alij legunt, *in seculum*, teste D. Thoma. *Et ultra.* i. regnabit post decursum temporis quod procurrit in æternitatem, quia regnabit in ipsa æternitate. Volens autem Moyses rationem reddere ob quam dixerit, *regnabit in æternum.* i. vsque in æternitatem, subdit.

August. in
Psalm. 130.
1. p. quæst.
10. art. 2.
ad 1.

21. *Ingressus est enim eques Pharaon cum curribus & equitibus eius in mare, & reduxit super eos Dominus aquas maris.*

22. *Filij autem Israel ambulauerunt per siccum in medio eius.* Quæ cum ad literam præcipue intelligenda sint, exemplo declarant Dominum regnare dum tenditur ad æternitatem.

Canticum Abacuc. Cap. 3.

Oratio Abacuc pro ignorantijs.

Propheticè describitur hic, modo vel affectu optatiuo ignorantiam sæculi post Christi mortem per prædicationem Euangelij è medio esse tollendam, & designatur tempus quo illud futurum erat, cum dicitur,

dicatur, In medio annorum viuifica illud. Quod tempus Apostolus adesse demonstrans, dicit Act. 17. Tempora huius ignorantiae despiciens Deus, nunc annunciat ut omnes ubique agant pœnitentiam. Propheta ergo audiens sibi per susurrium Spiritus sancti in aurem prænunciari, quæ per Christum & Christi tempore populo prius desperato, ex insperato obuentura erant, dicit in persona sua:

Domine audiui auditionem tuam. i. audiui spiritum tuum mihi inspirantem, quæ futura sunt populo conuulso, sed ad salutem destinato, & *timui.* i. admiratione vehementi & reuerentia concussus fui, Septuaginta enim ut insinuarent timorem, hic non esse metuentis sed admirantis, præcedentibus verbis paraphrastice addunt, *consideraui opera tua & expaui.* i. præ admiratione insperatæ salutis, quæ multis offeretur, obstupui. Quem stuporem seu pauorem pulchrè enarrat Bern. in hæc verba: Nemo hominum nouit nec nosse ad plenum potest, quid boni ad gratiam, quid cōgruentiæ ad sapientiam, quid decoris ad gloriam, quid commodi ad salutem penes seipsam contineat incarnati verbi totiusque eius œconomiæ admirabilis altitudo, quam Propheta considerans (alludit ad hunc locum secundum translationem 70) expaui non penetrauit.

D. Bernar.
Epist. 190.

Domine opus tuum. Singulariter loquitur, quia singulare illud opus Dei, quo Verbum caro factum est, hoc verbo denotat. *In medio annorum,* neque enim decuit filium Dei statim à lapsu incarnari, neque debuit incarnatio eius in finem vsque mundi differri. Itaque, *in medio annorum, viuifica illud,* ut sicut ipse per suam diuinitatem vita est, ita & humanitas eius, opus tuum, in ipso vita sit & viuificare possit, ut quicumque manducauerit carnem filij hominis, & biberit eius sanguinem, habeat vitam in semetipso. Quod autem hoc opus Dei, per omnia viuificatum sit, explicat Ambro. in hæc verba: Christi caro vita est, ipsius passio vita est, ipsius mors vita est, ipsius vulnus vita est, ipsius sanguis vita est, ipsius sepultura vita est: ipsius resurrectio vita est vniuersorum: Quod factum est ergo in ipso vita est: Caro facta est in ipso, vita est: Infantia facta est in ipso, vita est: Mors facta est in ipso, vita est: Vulnus factum est in ipso, vita est: Illusio facta est in ipso, vita est: Diuisio facta est in ipso, vita est: Sepultura facta est in ipso, vita est: Resurrectio facta est in ipso, vita est. Vide quanta in ipso facta sunt quibus vitæ nostræ facta est conuersio, ut quæ perierat, redderetur. Hæc Ambros. In his ergo omnibus Deus opus illud suum viuificauit. Notat tamen Hieron. aliquem veterum interpretum pro *viuifica* transferre, reuiuifica, secundum quam translationem erit sensus, A mortuis resuscita illud.

Ambros. in
Psalm. 36.

In medio annorum notum facies, Legunt alij, omnesque penè veteres, *In medio duorum animalium notum facies.* i. innotescere facies opus tuum. Vbi

K k k k iij nomine

Aug. erat
cō. ind. c. 13

Aug. 18 de
Crist. c. 3:
Tert. c. 7:
Mar. c. 2:
D. Hieron. in
ban. locū.

nomine duorum animalium ab Augustino intelliguntur vel bos & asinus ad praeſepe Christi in eius natiuitate. Cui adſtipulatur Eccleſia, quæ in officio Circumciſionis de natiuitate Domini canit: *Conſideraui opera tua & expaui in medio duum animalium.* Vel, Moyses & Elias inter quos Christus innotuit in monte Thabor. Quem ſenſum dat Auguſt. & ex profeſſo Tertull. Vel, Duo latrones in cruce, inter quos Christus mirum in modum innotuit; Quem ſenſum dat Auguſt. utroque loco mox annotato. Hunc tamen Hieron. ſimpliciter vocat, & ex vulgi opinione exortum; Praefert proinde hunc ſenſum, In medio duorum animalium. i. inter circumciſionem & praeputium ad fidem conuerſum, notum facies opus tuum. Inter duo enim hæc tempora, Christus medius in mundo apparuit. Porro, quandoquidem Dominus inter omnia hæc animalia innotuit, de omnibus his prophetam pariter intelligendum eſſe, probabile eſt. *Cum iratus fueris* permittendo gentes ingredi vias ſuas, *miſericordie recordaberis.* i. miſericordiam uſque ad tempus quaſi obliuioni traditam exhibebis.

Iren. lib. 3.
cap. 23.
Aug. epiſt.
106.

4. *Deus ab aſtro venit, & ſanctus de monte Pharan.* de Bethlechem quæ eſt ad aſtrum Iudææ, corporaliter hunc mundum ingreditur. Quam expoſitionem refert Hieron. ſe à quodam Hebræo audiſſe hunc locum enarrantem. Quæ tamen non ſolis Hebræis tribui debet, eſt enim etiam D. Irenæi. D. tamen Auguſtinus, hunc verſum non de aduentu Domini per carnem, ſed per Euangelij prædicationem intelligit. Per quam recte venire dicitur; Venit enim per eam, ut per fidem habitet in cordibus noſtris. Quapropter per aſtrum, Hieruſalem intelligit: Et per montem Pharan, montem oliueti, ex quo aſcendit Dominus, de quo monte dicitur Dominus veniſſe, quia ab eius aſcenſione miſſo Spiritu ſancto, de Sion egreſſa eſt lex, & verbum Domini de Hieruſalem.

5. *Operuit cælos gloria eius.* In primis in natiuitate eius, cum ſtella miri fulgoris, & ut ait Leo, inuſitati ſplendoris, ad conſtandam maiestatem eius, qui inter duo animalia iacebat in præſepio, in cælo fulgens, ſplendore ſuo, cælorum ac ſtellarum claritatem maiore ſuo lumine tanquam minus lumen offuſcauit. Præterea, in eius tranſfiguratione cum nubes lucida obumbravit Apoſtolos. De qua gloria intellexit hunc locum Tertull. paulò antè allegatus. Operuit etiam cælos gloria eius in morte eius, cum ad conſtandam maiestatem patientis, obſcuratus eſt ſol & Luna non dedit lumen ſuum. Denique, in aſcenſione eius, cum inter duo animalia, duos, dico, viros in albis aſtantes, per eorum teſtimonium plus aut certius innotescens, nubes lucida & corporis eius gloria cælos operuit, & præ fulgore ſuo lumen cælorum offuſcauit. Hunc ſenſum inſinuat Auguſtinus ſupra citatus. *Et laudis eius plenus eſt terra*, quia ſcriptum eſt, inquit, *Exaltare ſuper cælos*

cælos Deus, & super omnem terram gloria tua.

Splendor eius ut lux erit: Tertullianus proposito suo inherens, intelligit hoc de eo quod in transfiguratione Domini resplenduit facies eius sicut sol. August. autem exponit hoc modo: Splendor eius ut lux erit. i. fama eius credentes illuminabit. *Cornua in manibus eius*. Per cornua quidam extrema crucis intelligunt. Contra quam expositionem memini me legisse quendam sic argumentantem: Manus Christi affixæ fuerunt extremitatibus crucis, Si ergo per cornua extrema crucis intelligantur, manus eius potius dicenda sunt fuisse in cornibus, quam cornua in manibus eius; Vnde consequitur per cornua non recte intelligi crucis extrema. Cui obiectioni Tertullianus fortè occurrere volens, per cornua non crucis extrema seu extrema, sed intelligit clauorum quibus terebratæ & cruci affixæ fuerunt manus Christi capita. Hæc enim quasi quædam cornua extabant in medijs manibus siue manuum Christi volis. Quarum expositionum, tametsi posterior priore conuenientior sit & magis limata, vtraque tamen in eandem rem seu sensum concurrunt. Et posterior, leue argumentum allegati doctoris contententis hæc verba de cruce Christi intelligenda non esse, abunde elidit.

Iti abscondita est fortitudo eius, quia cum in cruce Christus pateretur, absconditum erat quod per crucem debellaturus esset aerias potestates & regnum impiorum. Vis autem scire quæ illa sit virtus quæ fuit in cornibus manuum eius abscondita? *Ante faciem eius ibit mors*. i. mortem corporis, quam in cruce moriendo superauit, ante faciem suam tanquam victor in triumphum minabit. Quod reipsa impleuit in ascensione sua cum patriarchas & prophetas suæ resurrectionis, ut appellat Tertull. appendices, (resurrexerunt enim cum Christo ad immortalitatem, ut eius, complurium, & verisimilior est opinio) tanquam mortis manubias inuexit in cælos.

Egreditur diabolus ante pedes eius, Cuius rei exemplum habemus apud Marcū, ubi puer spiritu immundo obsessus videns Iesum, spiritu ipsum conturbante, elisus est in terram & volutabatur corā Iesu spumans, & spiritus Domino coram imperante, egressus est. Deinde egreditur diabolus ante pedes eius, quia dedit Christus Apostolis suis & alijs virtutem calcandi super serpentes & scorpiones. i. eiiciendi dæmones ait Cypr. idque in virtute crucifixi. *Sietit à dextris*, ut videbat Stephanus, virtutis Dei, omnium eorum quæ in Ecclesia geruntur vigilantissimam curam gerens, cunctisque prospiciens. *Et mensus est terram*. i. sorte diuisit Apostolis suis terram in funiculo distributionis, ut vnusquisque eorum ad gentem sibi destinata pergeret conuertendam.

Aspexit per illuminationem gratiæ suæ. Et dissoluit gentes. i. constrictam duritiem gentilium, ipse inuisibili suo aspectu emolliuit, eisque dedit

cor

cor carneum. *Et contriti sunt montes sæculi*, i. superbia & altitudo sæculi per virtutem humilitatis in multis ad nihilum redacta est.

10. *Incuruari sunt colles mundi*, i. eminentes in sæculo colla sua ad fidem, obedientiam, atque Ecclesiæ disciplinam inclinauerunt. Quod à quibusdam potentioribus non fieri suo tempore conquerebatur Cypr. cum diceret, *Ceruix eorum nec quia lapsa est flexa est*. Vnde autem? *Ab itineribus æternitatis eius*, i. per aduentum gratiæ eius quæ venit ac mittitur à sola eius æternitate seu diuinitate. Quamuis per itinera æternitatis eius à D. Bernardo non malè, sed nescio an satis appositè, intelligantur, & aduentus filij Dei in carnem, & eius conuersatio in carne,

D. Bern in
Psal 90.

11. *Pro iniquitate vidi tentoria Æthiopiarum*, i. Vidi castra dæmonum lucis & iustitiæ refugarum, & ob id Æthiopum, vna cum castris gentilium atque infidelium simul collecta, vt defendant pristinam sæculi consuetudinem ac iniquitatem, Quid enim aliud in principio agebant gētiles, quam vt contra religionem Christianā patrios mores & deos defenderent ac propugnaret? Sed quid? *Turbabuntur pelles terræ Madian*. Alluditur ad historiam Gedeonis, qui castra hostilia (quæ ibi dicuntur orientalium, hic autē Æthiopū, eo quod dæmones, & orientales sint, dicente propheta, Quomodo cecidisti Lucifer qui mane oriebaris; Et ob tenebras & iniquitatem sint etiam Æthiopes) tuba, per quam significatur prædicatio Euāgelij, & accensis luminaribus, i. miraculorum splendoribus conturbauit & dissipauit. *Turbabuntur ergo pelles*, seu castra aut tabernacula *terræ Madian*, quia illi qui inito fœdere, euangelicæ prædicationi principiò vno studio obistere parabant, multa ex parte conuersi aut victi, terga dabunt, & euangelicæ virtuti succumbent. Sed quomodo fiet istud?

Ind. 6 et 7

12. *Nunquid in fluminibus iratus es Domine, aut in fluminibus furor tuus vel in mari indignatio tua?* i. Nunquid conturbando mare & flumina, iram quandam in hoc aduentu tuo demonstrabis, terribilis apparebis, sicut apparebis veniens ad extremum iudicium, cū in terra erit pressura gentium præ confusione sonitus maris & fluctuum? His enim huius orationis verbis significatur, inquit Aug. quod in primo aduentu suo Christus non veniet, vt iudicet mundum, sed vt saluetur mundus per ipsum. Cū ergo in hoc aduentu tuo temetipsum, nec per te nec per tuos terribilem exhibiturus sis, qua ergo ratione castra Madian conturbabis?

Aug de ci-
uit Dei, su-
pra citatus

13. *Qui ascendis super equos tuos*, q. d. turbabis pelles terræ Madian, ascendendo *super equos tuos*, i. Apostolos tuos eorumque co-operatores ac successores, cosque ad prædicationem euangelij dirigendo, adiuuando, gubernando. Imò, te in illis per spiritum tuum præsentem exhibendo. De quibus equis D. Ambros. O bonorum equorum duodecimugum mirabile, quibus fræna

1a psal. 118
ser. 4. v. 3.

frana pacis, habena sunt charitatis, constricti inter se vinculis concordia, fidei iugo subiecti, quatuor rotis Euangelij mysterium totius orbis sinibus inuidentes, bonum aurigam verbum Dei portantes. *Et quadriga tuae saluationis*. i. per hos equos colliges & saluabis Ecclesiam, quae est currus Dei decem millibus multiplex, quae ducatu horum equorum, ad quatuor Euangeliorum doctrinam conuersionem suam exercens, quasi in quatuor rotis voluitur. Et bene dicitur quod saluetur quadriga, quia equi bonum aurigam portant; Huius enim aurigae flagello, inquit Ambr. fugatae sunt illecebrae saeculares, exterminatus est mundi princeps, iustorum cursus est impletus. Hoc itaque modo turbata sunt castra Madian, & salua facta est Ecclesia. Tamen si autem o Domine in hoc tuo priore aduentu terribilis non fueris, sed veneris filiae Sion mansuetus sedens super pullum asinae: In illius tamen mansuetudinis, (ne quis ea ad negligentiam sibi aut incuriam abutatur, sed potius, vt in Psal. 98. diximus, Confiteatur nomini tuo quoniam terribile & sanctum est) exhibitione non semper perseverabis, quia,

Suscitans suscitabis arcum tuum. i. diu interminata supplicia. (Qui enim tendit arcum, vibrat sagittam) certissime (id enim est quod dicit, *Suscitans suscitabis*) tandem immittes, idque eo vehementius quo diutius fuerint quasi intentata: Tum enim quasi a bene curuato arcu, inquit Sapia, sagittae funestae exterminabuntur siue emittentur. *Suscitabis item: Iuramenta tribus quae locutus es*. Non enim solummodo iurasti, quod in semine Abraham benedicerentur omnes tribus terrae, sed etiam iurasti contere impios de terra. Dicit enim Isaias; Iurauit Dominus exercituum, dicens; Si non, vt iuraui, ita erit, & quomodo mente tractaui sic eueniet, vt conteram Assyrium de terra mea. Quod in die iudicii futurum satis liquet ex capite praecedenti, ubi sic dicit: Ecce venit dies Domini crudelis & indignationis plenus, irae, furorisque, ad ponendum terram in solitudinem, & peccatores eius conterendum de ea. Hoc ergo iuramentum suum Dominus *suscitans suscitabit*, quia ad effectum sine mora aut dissimulatione acriter perducet. Quo tempore aduentante,

Fluuios scindes terrae. i. aggeres fluminum & alueos rumpes, vt (quod Sapientia circa diem iudicii futurum dicit) flumina concurrant duriter *derunt te*, iudicio appropinquantem, & *doluerunt montes*. i. contracti siue dissipati sunt. Quod propheta figurate significare voluit per dolorem, quia animal quod confringitur & dissipatur dolet. Itaque hoc verbo innuitur id quod est in Apoc. A cuius conspectu insula fugit & montes non sunt inuenti. *Gurges aquarum transijt*. Hoc quid aliud est quam quod dicit Apocal. Primum caelum & prima terra abiit, & mare iam non est. De quo interim dubitat August. num id intelligendum sit, quod mare a conflagratione mundi

omnino non erit, an verò quod sola qualitate mutandum sit. Nahum tamē, dicendo, Increpans mare & exiccās illud, videtur insinuare, quod, vt dicit August. mare maximo illo ardore exiccandum sit.

16. *Dedit abyssus*. i. aquarum immensa profunditas, *vocem suam*. i. ingentem & terribilem sonitum, Vox enim maris sonitus est. *Altitudo*. Quæ hoc loco non significat sublimitatem sed profunditatem, estque D. Augustino idem quod abyssus. *Manus suas leuauit*, seu extulit, Mare enim ingentes fluctus attollere & eicere cepit. Ita vt hoc versiculo nihil aliud significari videatur, quam quod dicit Dominus apud Lucā, de confusione sonitus maris & fluctuum.
17. *Sol & luna steterunt in habitaculo suo*, quia tum cum motu cæli motus solis & lunæ cessabit. Quo loco 70. legunt, Eleuatus est sol & luna stetit in ordine suo, quod D. August. & Greg. accommodant ad ascensionem Christi; Literalis autem sensus est de die iudicij. Cui sensui nihil incommodi adfert lectio 70 interpretum, quia in illo die eleuabitur seu erigetur sol supra nostrum hemisphærium, sed post ortum eius sistetur & cessabit motus eius. Vtraque ergo lectio de eadem re verum dicit: Nam & sol eo die eleuabitur & eleuatus, stabit seu consistet in habitaculo suo, siue in loco suo, qui ratione perpetuæ stabilitatis, erit soli quasi quoddam habitaculum. *In luce sagittarum tuarum ibunt*. Vel, vt legunt Septuaginta, In luce iacula tua, seu sagittæ tuæ, ibunt. Quod nihil aliud est quam quod dicit Sapiens, Ibunt directè emissiones fulgurum. *In splendore fulgurantis hastæ tuæ*, de qua idem, Acuet diram iram suam in lanceam.
18. *In fremitu*. i. siue, vt legit Tertul. in cōminatione, fremitus namq; animi indignantis sonitus est, cum efferuescit minitendo, vel intentando vindictam. In fremitu ergo, siue cōminatione æternæ vindictæ iamiam aduentantis, *conculcabis*, siue, concuties ac si pedibus dispergeres, *terram*. De qua re Isaias, Confractioe confringetur, commotione commouebitur, agitatione agitabitur terra. *Et in furore tuo*, quem per commotionem elementorum ostentare incipies, *obstupefacies gentes*, quia, vt ait Isaias, tum omnes manus dissoluentur, & omne cor hominis tabescet, vnusquisque ad proximum suum stupebit, quia dissolutis manibus, ac stupente corde, nemo alteri ad euadendum, auxilium aut consilium præstare valebit. Omnia itaque à loco quo dictum est, *fluuios scindes terræ*, vsque huc, tametsi ab alijs aliter intelligantur; de postrema tamen concussione elementorū circa diem iudicij, vt exposuimus, intelligenda esse, author nobis est Tertull. qui omnia hæc, paulo aliter quibusdam locis translata, cōsentire dicit cum verbis Domini apud Lucam: Erunt signa in sole & luna, ijsque quæ ibidem sequuntur. Nec mirandum nos illa ex alijs prophetarum verbis interpretatos esse,

esse, quæ enim circa illum diem futura sunt, prædicit vniuersum, inquit Tertull. concilium prophetarum. Quibus ex occasione interpositis redit vt apparet, author ad ea quæ sunt primi aduentus Christi, & dicit ad Deum Patrem.

Tert. de resurre. cap. 2. 2.

Egressus es in salutem populi tui, in salutem cum Christo tuo. Dicit, *egressus es*, quia enim nos, qui salute indigebamus ad Deum nolebamus ingredi, inquit Hieron. Deus ipse egressus est per incarnationem ad quærendum nos. Quod significabatur per sacerdotem qui legis tempore egrediebatur extra castra ad leprosos. Et quia pater per se egressus vel incarnatus non est, vigilanter hic dicitur, *Egressus es in salutem cum Christo tuo.* Pater enim in Christo secundum diuinitatem manens, in eo & cum eo per eius humanitatem fecit salutis nostræ opera. In quem sensum August. & Hieron. interpretantur sequentia. Videtur autem magis cohærens futura expositio, si Tertull. secuti, etiam hunc versum cum sequentibus de die iudicii exposuerimus, vt sit sermo ad Christum in hunc modum, *Egressus es*, à cælo ad iudicium, Inde enim venturus est iudicare viuos & mortuos. *In salutem populi tui.* i. vt æterna salute dones populum tuum, *in salutem cum Christo tuo.* Legunt Septuaginta, *cum christis tuis.* Nec dissentit ea lectio à nostra in re, Eorū enim lectio nos admonet quod nomine Christi singulariter dicti, intelligendus sit Christus cum suis membris. Egredietur ergo Christus cum christis suis seu membris suis simili cum ipso vnctione delibutis, quia ad iudicium descendet Christus de cælo cum sanctis suis.

19.

D. Hiero in hunc locū.

Percussisti caput de domo impij. i. diabolū, Vt non amplius in hoc sæculo exerceat principatum in domo siue congregatione aut societate impiorum. De qua percussione Isaias: In die illa visitabit Dominus in gladio suo duro & forti super Leviathan serpentem tortuosum, & super Leviathan serpentem vectem. i. fortem. *Denudasti fundamentum eius vsque ad collum.* Videtur significari quod dæmones & impij qui in die iudicii erunt in inferno, à profundo eius vsque ad summum in apertum prodibunt ad iudicium. Hoc enim esse videtur quod dicit *denudasti*, De qua re Isaias; Infernus subter te conturbatus est in occursum aduentus tui, suscitauit tibi gigantes. Pro eo autem quod nos legimus, *Denudasti fundamentum eius vsque ad collum.* Septuaginta legunt, *Excitasti vincula eius vsque ad collum.* Tum enim Christus dæmones rudentibus inferni detractos, in carcerem tradet cruciandos.

20.

Isaie 23.

Isaie 14.

Maledixisti. i. sempiternæ damnationi addixisti, *sceptris eius.* i. dominatui eius quem vsque ad illud tempus in populum Dei exercebat, Tunc enim implebitur illud Isaiæ quod dicturi sunt iusti, Quomodo cessauit exactor (qui est diabolus) quieuit tributum, contriuit Dominus baculum im-

21.

LIII ij piorum

piorum, virgam dominantium subijcientem in furore gentes persequentem crudeliter. *Capiti bellatorum eius*, Bellatores sunt castra impiorum filios Dei oppugnantium. Horum caput diabolus est, quia non est nobis colluctatio aduersus carnem & sanguinem sed aduersus principes & potestates, aduersus mundi rectores tenebrarum harum. Quamquam per bellatores inferioris ordinis dæmones melius intelligantur, qui sub diaboli tanquam principis sui auspicijs militant. Quod ergo dicit, *Capiti bellatorum eius*, Idem est ac si diceret, æterno supplicio addixisti principem tenebrarum & angelos eius, ablato ab eis omni imperio. *Venientibus*, paulò ante diem iudicij cum soluetur Sathanas de loco suo, vt est in Apocal. Et exhibit & seducet gentes quæ sunt super quatuor angulos terræ Gog. & Magog. & congregabit eos in prælium quorum numerus est sicut arena maris, *Vt turbo*. i. vt turbulentissima, sæuissimaq; tempestas, *ad dispergendum me*. i. vt dissipet & disperdat vniuersos, si fieri potest electos Dei, quorum personam propheta in se transfigurat.

Apocal. 20

22. *Exultatio eorum, sicut eius qui deuorat pauperem in abscondito*. In abscondito dicit, Gaudent enim dæmones & delectantur perniciæ eorum quos seducunt, sed hoc odium suum occultum seruant, in aperto enim præ se ferunt amicitiam & venditant se bona populo quærere & adferre. Similis est locutio cum illo loco Psalmi 9. Rapere pauperem dum attrahit eum. Attrahit enim homines blandiendo, sed si res bene consideretur, re ipsa nihil aliud quam rapit vt deuoret.

23. Apocal. 19

Viam fecisti in mari equis tuis. De quibus Apocal. Vidi cælum apertum, & ecce equus albus & qui sedebat super eum vocabatur fidelis & verax, & exercitus qui sunt in cælo sequebantur eum in equis albis. His ergo equis metaphoricè acceptis seu exercitui sanctorum, *fecisti viam in mari & in luto aquarum multarum*. i. multorum populorum, ait Augustinus, sed sordidorum & turbulentorum, ob quod comparatur mari & luto, nemo enim eorum poterit dicere: Eduxit me de luto fæcis. In hoc ergo mari siue luto aquarum harum viam fecit Dominus exercitui suo; Bestia enim congregabit exercitum suum, inquit Apocal. ibidem, vt pugnet cum eo qui sedet in equo albo, & cum exercitu eius, sed equi exercitus Domini peruadent exercitum impiorum, eiq; præualebunt, & sic in mari hoc siue exercitu bene instructo, & munito, viam sibi facient. Qua autem mente erunt impij cum audient exercitum Domini sibi imminente? Id author in persona eorum explicat & dicit:

24. 1. Thess. 5.

Audiui aduentum exercitus Domini, Et conturbatus est venter meus, Hoc quid aliud est quam quod dicit Apostolus de impijs circa diem iudicij, Sicut dolor in vtero habenti & non effugient, *A voce imminētis exercitus, contremuerunt labia mea*. Tremens enim factus sum ego, & timeo dum discussio

discussio venerit atque ventura ira. Quid autem nobis omnibus consilij ad præueniendā hęc mala?

Ingradiatur putredo in ossibus meis. i. Contabescat in me concupiscentia rerum secularium. Idem est cum eo quod optabat Iob, Suspendium elegit anima mea & mortem ossa mea, *Et subtrahat me scateat* putredo hęc. i. magis magisque ad interitum vsque semetipsam consumat. De qua putredine Apostolus ad Ephes. 4. Exuentes vos veterem hominem qui corrumpitur secundum desideria erroris. Ad quam putredinem adhortatur nos Cypr. Be-
stia corrupti anhelitus in vltimis animę recessibus alligetur & concupiscentia captiua seipsam corrodat atque consumat. 25.

Ve requiescam in die tribulationis meę. i. vt in illo die de quo vnusquisque timere potest quod sit dies suę tribulationis, cū vel sola recordatio eius tribulationē suscitet spiritui hominis, requiem inueniam. Væ enim parturientibus & nutrientibus in illis diebus. i. illis qui tunc desideria secularia parturiunt & nutriunt. Desideria enim illa generabunt eis summam tribulationem cum viderint omnia sua desiderabilia à se auferri & penitus interire. Quę tribulatio latissimè explicatur in Apocalypsi, vbi dicitur: Ne-
gotiatores terrę super te flebūt, quia vna hora destitutę sunt tantę diuitię, *Ve ascendam ad populum accinctum nostrum.* i. populum sanctorum. Ad quem optat ascendere, vt per sublimitatem mentis, fidei scilicet & charitatis & sanctę intentionis, sit cum illis qui tunc erunt in tecto, non descendentes tollere aliquid de domo sua. Qui populus dicitur accinctus, quia, vt dicit Apost. stat accinctus lumbos mentis suę, obediuitque voci Domini Dei sui, qui dixit, Sint lumbi vestri præcincti. i. estote ad pugnandum ambulandumque in via Domini expediti, & vos similes hominibus expectantibus Dominum suum quando reuertatur à nuptijs. Porro, assignat author & alteram rationem, ob quam optet ingredi putredinem in ossibus suis, siue concupiscentiam atque amorem mundi de ossibus suis consumi, & dicit,

Ficus enim non florebit, & non erit germen in vineis. 27.

Mentietur opus oliuę, & arua non afferent cibum. 28.

Discindetur de ouili pecus, & non erit armentum in præsepibus. Quibus verbis propheta declarat quod hęc omnia circa diem iudicij sic euentura sint. Quod & Ieremias testatur, cum dicit, Congregans congregabo vos, ait Dominus, quod quid aliud est quam quod dicit Matthęus, Congregabuntur ante eum omnes gentes? Non est vua in vitibus, non sunt ficus in ficulnea, folium defluxit. Et Ecclesiastes; Florebit amigdalus, sed non diu, quia flos eius deuorabitur, & ad id significandum addit, impugnabitur deuorans illum locusta dissipabitur capparitis. Dicit itaque propheta, *Ingradiatur putredo in ossibus meis, ficus enim non florebit,* ac si dicat, Pereat ac

LIII iij consu-

consumatur de medullis meis amor mundi ac eorum quæ in mundo sunt, præterit enim figura huius mundi. In quem sensum & Apostolus dixit, Nolite diligere mundum neque ea quæ in mundo sunt, Præterit enim figura huius mundi. Et Petrus: Cum ergo omnia dissoluenda sunt, quales vos oportet esse in sanctis conuersationibus & pietatibus expectantes & properantes in aduentum diei Domini?

30. *Ego autem.* Loquitur Propheta in persona eorum quibus fuerit putredo in ossibus: *in Domino gaudebo, Et exultabo in Deo Iesu.* i. Salvatore meo. Exultare est præ gaudio animo exilire. Quid ergo hoc versiculo aliud innuitur, quam quod illi qui amorem sæculi exuerint, percepto aduentu Iudicis, gaudio sint erigendi seu efferendi, tanquam in aduentum sui saluatoris, sicut scriptum est, His fieri incipientibus respicite & leuate capita vestra, quoniam appropinquat redemptio vestra? In quo redemptionis die (dicit Propheta in persona eorundem:)

31. *Deus Dominus fortitudo mea, et ponet pedes meos quasi ceruorum.* Confortabit enim sanctos suos in illa die Dominus, illisque dabit virtutem de qua, ut suo loco exposuimus, scriptum est, Deus Israel ipse dabit virtutem & fortitudinem plebi suæ, Virtutem, inquam, ut ignem cōflagrationis, qui ut Psalmo 96. dicitur, ante ipsum præcedet, & inflammabit in circuitu inimicos eius, & reliqua pereuntis mundi incommoda velut cerui transiliant atque transcendant, ita ut hæc eos mala attingere non possint.

Psal 67. 34. *Et super excelsa,* ad quæ subleuabor & rapiar obuiam Christo in aera, *mea.* i. merito exercitæ perseueranter iustitiæ mihi acquisita, *deducet me,* ad cælestia tabernacula; Ipse *viclor,* in nobis ouans atque triumphans, *in Psalmis canentem.* Tunc enim populus Dei & oues pascuæ eius introibunt, ut in Psal. 99. diximus, portas eius in confessione, cantantes illud Psalmi, Torrentem pertransiuit anima nostra, Benedictus Dominus qui non dedit nos in captionem dentibus eorum, Laqueus contritus est & nos liberati sumus.

Canticum Moyfi. Deuter. 32.

Conscriptit Moyfes doctrinam hanc per modum Cantici ut omnibus filiis Israel versaretur in ore, essetque ijs in admonitionem & testimonium, quod æterna damnatio maneat eos qui legē Dei præuaricantur. Describuntur enim hic per varias similitudines æternæ damnationis nouissima.

1. *Audite celi quæ loquor, audiat terra verba oris mei.* Inuocat Moyfes his verbis cælum & terram, ut suorum horum verborum testes sint. Idque more suo qui paulò ante dixerat, Testes inuoco contra vos cælum & terram.

ram. Quod ad incutiendum terrorem familiare fuit in Israel, Vnde & in lib. Machab. dicunt fideles, Testes erunt cælum & terra quod iniuste perditis nos, Per cælum & terram Dominum cæli & terræ iuxta interpretationem Christi, in testem inuocantes. Ne autem tenor cantici huius populo cedat tātum in testimonium, quin potius in correctionem atque remedium, subdit Moyses ad informationem omnium eorum qui populo Dei verba salutis facere parant, & dicit:

Concresecat in pluuiā doctrina mea. i. doctrina cantici huius sic à me concipiatur, concinnetur, & ordinetur, vt non aridæ, sed succulentæ viuacis vitalisq; doctrinæ vim obtineat & energiam. *Fluat vt ros eloquium meum.* i. Dum doctrina sic concreta à me per sermonē effunditur, cum prona dictionis vbertate de ore meo profluat, non dicaciter, sed vt ros, adferens vitam illis qui sunt mortui à corde. Solet namque rori tribui, aut saltem per rorem significari viuificatio. Nam & apud Isaiam vbi resurrectio prædicitur, dicitur: Ros lucis, ros tuus. Fluat item eloquium meum, 1. Mach. 5.

Quasi imber super herbam, & quasi stilla super graminis, vt ijs qui iam, vt herba & gramen, viuunt, & in spiritali sunt vigore, incrementum adferat & spiritalis vitæ profectum. Ex quibus Moy si verbis facilè refutatur argumentum eorum qui arbitrantur aut omnes semper ad suscipiendam correctionis vel instructionis disciplinam sat habere diuinæ gratiæ, aut homines, alioqui non esse corripiendos, arguendos, instruendosq; eo quod id frustra, imò cum eorum, vt arbitrantur, detrimento fieret; Sermo enim admonentis vel corripientis in mente dicētis in eam gratiam debet concresecere, vt, quasi ros, det & adferat gratiā mortuis, surdis & cæcis: Et quasi imber, det & adferat gratiæ augmentum iam spiritu viuentibus; Ad normam æterni Verbi Dei, quod descendit sicut stillicidia stillantia super terram, adferendo, vt in Psal. 71. explicuimus, beatæ virgini sæcunditatem, Quocirca & Apostolus dicit sermonem ad ædificationem proferendum talem esse debere, vt det, inquit, gratiam audientibus. Sed vnde homini hæc felicitas, vt ei doctrina in pluuiam cōcresecat, vel eadem concreta, ex ore eius vt ros, imber & pluuiæ defluat? *Quia nomen Domini inuocabo.* Inuocabo, inquit, nomen Domini, vt detur (est enim diuinæ gratiæ) mihi sermo in apertione oris mei, & iuxta vaticinium Isaiæ, detur pluuiæ siue cooperans & perficiens Dei gratia, semini meo vbicunque seminauero. Hæc præfatus Moyses, rem ipsam aggreditur & dicit: 2.

Date magnificentiam Deo nostro, Magnificentia virtus est ordinata ad magnificandum sua opera. Debet proinde magnificentia prius intelligi in virtute quam in opere. Itaque, *Date magnificentiā Deo nostro.* i. agnoscite Deum ad opera sua adhibere magnificentiam. Magnificentiam, inquam, quia 3.

Date magnificentiam Deo nostro, Magnificentia virtus est ordinata ad magnificandum sua opera. Debet proinde magnificentia prius intelligi in virtute quam in opere. Itaque, *Date magnificentiā Deo nostro.* i. agnoscite Deum ad opera sua adhibere magnificentiam. Magnificentiam, inquam, quia 4.

Tert. de ani
ma, ca 10
Aug. cont.
Paul. li. 21
cap. 5.

quia tantus est artifex, inquit Tertull. in minimis quantus in maximis. Ars enim Diuina, inquit August. in omnibus sibi similis est, quia in suo quaque genere perficiendo ubique perfecta est. Imò, non solum magnificentia Deo danda est, sed & *Dei perfecta sunt opera*, Singula enim etiam minima, & quæ nobis videntur abiecta, quandam sui generis habent perfectionem, & ad perfectionem totius vniuersi, vt ibidem docet August. non parum conferunt. *Et omnes viæ eius iudicia*. i. quidquid circa creaturas suas agit prudenti prius consilio atque iudicio disponit.

5.
Hiero. in c.
55. Iſaia.

Deus fidelis, in promissis, inquit Hieron. Vel potius, *Fidelis*, quia in operibus suis non est sibi in seipso dissimilis, ita vt in illis non possit semetipsum negare, vel à sua bonitate iustitia & integritate dissentire: In quem sensum etiam Psal. 32. dictum est, Rectum est verbum Domini, & omnia opera eius in fide. *Et absque ulla iniquitate iustus & rectus*. Hoc inculcat multis verbis Moyses, ne filij Israël hominum more peccata sua Deo ascribant vel ad Deum referant authorem, sicut scriptum est, Inſipientia viri violat gressus eius, Deum autem causatur in corde suo. Vnde ergo peccatum? *Peccauerunt ei*, Ei dicit, non ei nocumentum inferendo, sed eius cultum vel legem præuaricando. Vel, iniquitatem committendo in homines qui ad Deum pertinent, sicut scriptum est, Peccantes in fratrem in Christum peccatis. Vel, *Peccauerunt ei*, quia peccantes & pœnitentiam non agentes detraxerunt gloriam ei, qui in eorum reconciliatione poterat glorificari.

Aug. quaſ.
55. in deu
teron.

Hæc August. *Et non filij eius*, q. d. isti quos dico ei peccasse, non sunt filij eius, quia vsque adeo peccatum ex Deo non est, vt ne homo quidem vel angelus ex ea parte qua ex Deo seu filius Dei est peccet, Omnis enim qui natus est, siue qua parte, vt interpretatur August. natus est ex Deo, peccatum non facit, *in sordibus*. Peccando enim qui nutriebantur in croceis amplexati sunt stercora & semetipsos cōspurcauerunt, vt sus in volutabro luti.

Aug. de per
fect. in filijs.
& 2. cont.
Parme. c. 7
Athanas. 3.
cont. Arria.

Quorum ingratitude Moyses, Athanasio teste, increpans, subiungit: *Generatio praua*. i. maligna, *atque peruersa*. i. degener, Omne enim peccatum à natura degenerante seu deficiente committitur, *Hæcine*, quæ scilicet Deus tanquam ab arte sua aliena odit & auersatur, *reddis Domino popule stulte & insipiens?*

7.
Athanas. loco
mox alleg.

Nūquid nō ipse est pater tuus, qui possedit te, & fecit, & creauit te? Dicit *possedit te*, quia Deus peculiariter delegit Israël in possessionem sibi. Addit autem, *Fecit & creauit te*, vt insinuet Deum dici patrem Israelis, non per naturam, sed beneuolentiam & gratiam, Cū enim, vt notat Athanas. vera notio filij sit generari, quando dicitur pater filios istos suos fecisse & creasse, absque dubio insinuat eos non esse genuinos filios, sed adoptiuos. Et è diuerso, cū Filius Dei dicitur ex utero Dei patris genitus esse, nusquam

quam autem scripturarum factus vel creatus, testatum redditur quod ille Dei filius sit genuinus & naturalis. Vt autem Moyses deformitatem ingratitudinis, quam admittunt qui peccant Domino in sordibus, omnibus manifestius ob oculos ponat, pergit explicare quanta gratia atque prærogatiua Deus Israelem delegerit in possessionem sibi, & dicit:

Memento dierum antiquorum, frequenter ad memoriam reuocando ea quæ de Patribus tuis memoriæ prodita sunt. *Cogita generationes singulas.* i. perpende quæ Deus in te per singulas generationes contulit beneficia. Vel, si est aliquis in vobis rudis, & non tantæ industriæ vt valeat hæc per semetipsum expendere siue inuestigare,

Interroga Patrem tuum & annuntiabit tibi, maiores tuos & dicent tibi, vt alijs narrantibus discas quid Deus à principio per singulas generationes prærogauerit Israël.

Quando enim diuidebat altissimus gentes, quando separabat filios Adæ, tempore videlicet quo moliebatur turrim Babel, Quod enim ad hæc respiciatur tempora, satis probatum euadit ex eo quod dicatur tum temporis Deus descendisse vt videret quid molirentur filij Adam. Ex identitate autem vocabulorum colligendum esse de vna & eadem re fieri sermonem, in Psal. 131. ex Ambros. & Iren. diximus. Illo itaque tempore Deus

Constituit terminos populorum, iuxta numerum filiorum Israel. i. singularum linguarum populis suas distribuit regiones, & iuxta numerum regionum, singulis prouincijs singulos præposuit Angelos, vt ad vnum Principium Deum, Angeli vnique nationi præpositi, sequaces, inquit Dionys. ducerent, sicut etiam diuina prouidentia omnes homines salutis causa Angelis suis ad se deducendos distribuit. Hæc Dionys. id quod de nationibus siue prouincijs dixit, probans ex visionibus Pharaoni in Ægypto & Nabuchodonosor in Babylone factis; Has enim tribuit ministerijs angelicis. Nomine enim *filiorum Israël*, hîc Angeli intelliguntur, Ideo Dionys. Irenæus, & teste Hieron. plerique alij, loco *filiorum Israel*, legunt, iuxta numerum Angelorum Dei: Qui prout habet lectio nostra rectè *filij Israel* dicuntur, Angelus enim à Thobia iuniore interrogatus vnde esset, respondit, ex filiis Israël:

Pars autem Domini populus eius, Jacob funiculus hereditatis eius. i. eo tempore Deus Israelem qui nunc est populus eius, in suis progenitoribus sibi singulari ope seruauit, vt, (quandoquidem non decebat Deum, humanum genus, quod creauerat vt in id, teste Irenæo, beneficia sua conferret, omni ex parte deserere, sic, vt ex toto genere humano non superesset vel portio quæ suo auctori adhereret) Israel tunc temporis in suis progenitoribus Domino eligente & adiuuante hæc pars, magna sua prærogatiua Do-

M m m m mino

Dion. Areo.
de celestis
hierar. c. 9.

Dionys loco
max alleg.
Iren. li. 3. c.
12. Hieron.
in c. 28. &
43 Ezecb.

Iren. lib. 3.
cap. 12.

Cyr. de in-
carn. viij.
cap. 3.

Prosop. 2. de
voca gent.
cap. 31.

13.

mino fieret: Et factus pars Domini, non more reliquarum nationum sub Angelorum (quæ in extrinsecis adminiculis per se consistit) cura existeret & directione, sed sub Domini, Quandoquidem Irenæus hunc locum enarrans, dicit populum qui credit Deo, iam non esse sub Angelorum potestate, sed sub Domini. Angelorum, inquam, potestate sub qua tanquam principali, sunt infideles, Vnde etiam Dominus Israël ob peccatum vituli constati à se abijcere minitans: Ascende, inquit ad Moysen, de loco isto tu & populus tuus quæ eduxisti de terra Ægypti: Populus, inquit tuus, quia enim populus Domino peccauerat, iam eum homini Deus, inquit Cyrillus, destinabat, Israël verò ultra curam ac sollicitudinem Angelorum, experiebatur in se virtutem gratiæ diuinæ. Hoc itaque loco declarat Moyses, gratiam Dei cunctis retro seculis omnibus hominibus affuisse, prouidentia quidem, vt D. Prosperi verbis utar, pari, & bonitate generali, sed multimodo opere, diuersaque mensura, Quoniam siue occultè siue manifestè, Deus est saluator omnium, inquit Apostolus, hominum, maximè fidelium, In quibus verbis Apostolus, dicendo, Saluator omnium hominum, confirmavit bonitatem Dei super vniuersos homines esse generalem: Adijciendo autem, maximè fidelium, ostendit esse partem generis humani, quæ merito fidei diuinitus inspiratæ ad summam atque æternam salutem specialibus beneficijs prouehatur. Scio quidem quosdam hæc cantici verba sic accipere, vt dicant, facti separatione filiorum Adam, auxilia diuinæ prouidentię apud omnes nationes paria, vel saltem ad æternam salutem operandam sufficientia fuisse: Scripturam verò de Israele dicere, *Pars Domini populus eius*, eo quod populus Israel per diuinam prouidentiam haud dubiè adiutus, se ipsum, inquiunt, præ reliquis veri Dei cultui attribuerit atque dederit. Sed quam quæso hæc expositio ad textum habet conuenientiam? Moyses enim dicendo, *Pars autem Domini populus eius*, *Iacob funiculus hereditatis eius*, insinuatne quæso populum hunc ad laudem sui aliquid præ reliquis præstitisse; An, ad laudem Dei, correptionemque instructionem vel cautionem sui præ reliquis hominibus beneficij aliquid peculiaris à Deo accepisse? Itaque pars Domini Israel, non quia præ reliquis gentibus ad Domini gloriam de semetipso aliquid præstitit, sed quia ad suam salutem aliquid à Domino, præ reliquis gentibus accepit. Nunquid autem vllò præuiio suo merito? Non, Quia, in suis progenitoribus Thare scilicet patre Abraham, Deus, *Inuenit eum*, Israël in terra deserta, in loco horroris & vastæ solitudinis. i. in Vr Chaldeorum, loco horroris, propter horrenda illius loci peccata, & vastæ solitudinis, omni pietate ac timore Domini inde longe lateque, sicut in vastitate hostili, ablata. In qua terra eum sic inuenit, vt quamuis in domo Thare in qua natus est Abram vnus Dei cultus permanferit,

ferit, ipse tamen, inquit August. sicut postea manifestior populus in Ægypto, scriuisse dijs alijs, Iolue narrante referatur. Inuenit ergo eum in illa terra non solum commorantem sicut Loth in Sodomis, qui oculis & auribus castus erat inter incastos, sed de consuetudine aut metu illius populi idololatriæ sordibus horridum.

Aug. 16. de
Cait. 6. 12.

Circumduxit eum; Prius Abraham Isaac & Iacob; Hi enim pertransierunt de gente in gentem & de regno ad populum alterum; Postmodum vero circumduxit populum Israel per desertum 40. annis. *Et docuit*, legem caeremonias atque iudicia. *Et custodivit quasi pupillam oculi sui.* i. ea cura qua rem tenerimus & vnicè dilectam. Dominum namque Isaacem assimilare pupillæ oculi sui propter excellentissimum dilectionis affectum, author est August.

14.

Aug. 10 de
Cait. 6. 30.

Sicut aquila prouocans ad volandum pullos suos, & super eos volitans,

15.

Expandit alas suas, Sicut enim Aquila volatum suum extenuat, & molli, pullorumq; viribus cōtemperata alarum suarum agitatione eosdem ad volandum inuitat, sic Deus *alas suas*, vmbra dico legis, super Israel expandit, & præceptorū quædam rudimenta eidem proposuit, vt per hæc eundem ad spiritualia, atque perfectiora humanissimè prouocaret & promoueret. Cū tamen & ceteræ aues super pullos suos volitent, maluit Deus aquilæ, quam vlli aliorum alitum comparari, ad insinuandum sibi maximum esse erga tenellos suos filios amorem; Aquilarum enim erga pullos suos esse maximum & sollicitissimum amorem tradunt, inquit Hieron. qui de animantium natura scripserunt, In excelsis enim & inaccessis locis nidos collocant ne coluber scetus violet. Amethystum quoque lapidem inter pullos eius inueniri, quo omnia venena superentur. Recte ergo, ait, affectus Dei in suas creaturas aquilis comparatus est, qui omni custodia protegit (nam alij legunt, Sicut aquila protegit nidum suum) liberos suos, ne diabolus tenellis scetibus obrepit. Et vt ad nomen lapidis qui est Christus, omnes aduersariorum insidia frangantur. Hæc Hieron. Porro pro eo quod nos legimus, *super pullos suos volitans*, Alij legunt, *super pullos suos desiderauit*, ad significandum vehemens desiderium quo tenetur Deus, & quo in sanctis suis desiderat perficere nouellos partus suos, eoque promouere, vt intelligant quæ credunt & in spiritualis amoris seu Christianæ charitatis perfectionem proficiant. Quale desiderium Paulus exprimens dicit, Desidero videre vos vt aliquid vobis impartiar gratiæ spiritualis. Et, Quos iterum parturio donec formetur Christus in vobis. Et, Nocte & die abundantius orantes vt videamus faciem vestram, & compleamus ea quæ defunt fidei vestræ. Quid enim hoc aliud est quam super pullos suos desiderare? *Et assumpsit eum atque portauit in humeris suis*, quia per 40. annorum tempus mores

D Hiero in
c. 66 Isaia.

16.

M m m ij & hu-

& humores eorum sustinuit: Vel, quia, vt dicit Moyses Deut. 1. portauit eum Dominus Deus eius sicut solet homo portare paruulum filium suum. Quod fit, cum multa consolatione & humanitate Deus subleuat laborem infirmorum quem sibi subire videntur in perambulanda via Domini. Aut, portauit eum in humeris suis, ea baiulatione de qua dicit Dominus Exodi 19. Vos ipsi vidistis quomodo portauerim vos super pennas aquilarum. Quo verbo metaphoricè significat Dominus se sustentaſſe fidem infirmorum in Israel, autoritate eorum qui fidei habebant intelligentiam. Aquilæ enim in solem defigunt oculos. Sic autem portari verissimè & plenissimè competeſſe Israeli, Familiare namque fuit illi rudi populo saluari in fide intelligentiaque maiorum. Nihilominus, etiam ecclesia noui testamenti portatur super pennas aquilarum, Fides namque eius fundata est ab ijs, qui audierunt, viderunt, contrectauerunt ea quæ prædicabant de Verbo vitæ. Vſque adeo, vt arbitretur D. August. Ambrosium, dicendo, non omnes Apostoli Christum, [secundum diuinitatē] vidisse, opinatum fuisse Apostolorum aliquibus, & præſertim Petro, & postea Paulo excellentissimam diuinæ essentiæ reuelationem fuisse concessam, vt etiam noui testamenti Ecclesiam verè portaret Deus super pennas aquilarum.

Aug. epist.
112. c. 13

17. *Dominus solus dux eius fuit, & non erat cum eo Deus alienus.* Ex quibus verbis luculenter apparet quod cum de Deo vero [solus] prædicatur, id fiat ad excludendum, non Filium aut Spiritum sanctum, sed deos alienos. Finita autem tota Israelis peregrinatione,

18. *Constituit eum super excelsam terram.* Ad literam intelligendum est, de terra promissionis quæ suâ præstantiâ fuit excelsa. Allegoricè verò excelsa terra, illa est, de qua dicitur; Dominus dabit benignitatē & terra nostra dabit fructū suum, quæ est Ecclesia Dei viui ex terrigenis collecta. Quæ re vera dicitur excelsa terra, quia celestibus mente spiritu atq; intentione proxima est, & caro eius efficitur spiritualis. *Vt comederet fructus agrorū,* i. vt bonis Christianæ reipublicæ operibus de sæcunditate benè habituati cordis prorumpentibus, sanaretur, corroboraretur, foueretur, nutriretur.

19. *Vt sugeret mel de petra, oleumque de saxo durissimo.* Petra & saxum Christus est, inquit Ambr. Qui dicitur saxum durissimum, quia fidelibus fortitudinem, incredulis (per accidens, eo modo quo petra scandali est) præstat duritiem, ait idem alibi: Vel durissimo, quia duro ad verba, duriore ad verbera, durissimo ad horrenda crucis supplicia, ait Bern. De hac de Petre, itaque petra fugitur, *mel & oleum.* i. dulcis suauitas Euangelij, & Spiritus sanctus per chrismatis vnctionem, inquit Ambr. Quamquam & recte mel de petra fugitur, cum de sacramento corporis Christi dulcedo diuinitatis eius singulariter præſentis, pia fide & charitate hauritur.

Ambros. de
Salo. ca. 3.
de fide cō.
Arria. c. 8.
Bern. ser. 2.
de Petre.
Loco alleg.
de Salom.

Buty-

Butyrum de armento. Butyrum adeps quidam lactis est multa confusione in soliditatem concretus. Cum ergo per lac fides designetur; quid per butyrū nisi doctrinæ sacræ soliditas & pinguedo, de lacticio fideieducta, à fidei tamen principijs & fundamento nunquam diuulsa? Hoc butyrum sumitur, *de armento* quod est grex maioris pecoris, quia doctrinæ soliditas à maioribus percipitur, exemplum verò fidei ab omnibus. Ideo & Delbora dicit in cantico. Aquam petenti lac dedit, & in phiala principum obtulit butyrum. Phiala, inquit, principum, quia non nisi principum Ecclesiæ est butyrum exhibere. *Et lac de ouibus*, temporaliter enim sustentantur maiores, ubi ædificatio permittit, à subditis. De qua re Dominus ad pastores per Ezech. Accipiebatis lac & lanam ab ouibus. *Cum adipe agnorum & arietum filiorum Basan.* In Basan erant vberissima pascua, propterea pecus delicatum & pingue, appellatur nomine filiorum Basan. Per allegoriam itaque significatur Ecclesiā nutriendam esse delicatissima charitate eorum, qui ut agni innocentissimam vitam ducunt, & etiam eorum qui alijs, arietum instar, ducatum præbent.

Et bircos, Quo nomine significantur peccatores, quos manducant, qui eosdem conuertendo in corpus viuū Ecclesiæ transferunt: De quibus Dominus ad Petrū, Surge Petre, occide & manduca. *Cum medulla tritici*, Descriptio est sacramenti Eucharistiæ, Verè enim medullam tritici comedūt qui de sacra Eucharistia spiritum accipiunt, vel, in spiritu crescunt. Reliqui enim non tritici medullam, sed corticem tantum gustant & sapiunt. Vbi notari potest quod cum Eucharistia vbique serè in prophetis per triticum præfiguretur, materia eius sit panis triticeus tātum, Nam & D. Cypr. ex eo quod calix vel potus Domini in prophetis vinum esse describitur, colligit materiam calicis Christi vinum, non aquam esse debere. *Et sanguinem vuae biberet.* i. sacramentum calicis Domini, in quo solo, quia ex vuis, & sub vug speciebus sanguis Domini substantialiter est, inuenitur sanguis vuae ad literam; Ideo Cypr. sanguinem vuae de sacramento calicis Domini luculentissimè interpretatur, *Meracissimum.* Quis enim meracior potus sanguine Christi, qui sapit redemptionem & gratiæ vbertatem? His itaque per allegoriam dictis, redit Moyse ad literam & subdit:

Incrassatus est dilectus, quia abundantia rerum prædictarum carnaliter se infarciuit, & *recalcitrauit.* i. contumaciter inobediens factus est, *Incrassatus, impinguatus, dilatatus.*

Dereliquit Deum factorem suum, & recessit à Deo salutari suo. i. Separauit se à Deo authore naturæ eius, & salutis. Quæris per quid?

Prouocauerunt eum in dijs alienis & in abominationibus. i. idolis ad iracundiam concitauerunt. Idololatria enim Deo fraudem facit honores suos

M m m m iij illi

*Tert. de ido-
lola, cap. 1.*

illi denegans, inquit Tertull. vt fraudi etiam contumeliam coniungat, & ob id per idololatriam irritatur Deus ad iniuriam suam propulsandam.

25. *Immolaerunt demonijs & non Deo.* i. ijs qui non erant natura dij, vt ait Apostolus: *Dij quos ignorabant.* Ignorabant enim se in idolis damones, idolis sese callide, vt in Psal. 113. diximus, immittentes, colere. Vel, *quos ignorabant.* i. ex vera diuinitatis ignorantia sibi statuebant.

26. *Noui recentēsq; venerunt, quos non coluerunt patres eorum.* Hoc fecit eos à del. cto inexcusabiles, ita vt hac in re fuerit in eis delictū quale nec inter gentes. Cū enim gētiles patrum suorum fuerint obseruantissimi, ita vt non facile mutauerint deos quos non coluerunt patres eorū, cū tamen auiti eorum dij, nō fuerint veri dij; Israel patrum suorum auctoritatem nihil moratus, mutauerit cultum patrum suorum in cultum idoli. Dicit proinde Deus per Ieremiam; Videte si mutauit gens deos suos, & certē ij si non sunt dij, Israel verò gloriam suam mutauit in idolum. In quo Israel cō grauius peccauit, quod ei semper pradicatum fuerit adherere Deo patrum suorum. Si enim, inquit Moyses, persuadere tibi voluerit frater tuus, clam dicens, Eamus & seruiamus dijs alienis quos ignoras tu & patres tui, ne acquiescas eis.

27. *Deum qui te genuit dereliquisti, & oblitus es Domini creatoris tui.* Posterior pars interpretatur priorem; Indicat enim generationem in priore parte improprie sumi.

28. *Vidit Dominus & ad iracundiam concitatus est, quia prouocauerunt eum filij sui & filiae.* Hic dicuntur filij & filiae, ratione creationis qua creauit eos Deus ad imaginem suam teste D. Thoma, vbi hanc rationem filiationis distinguit ab ea quae est per spiritum adoptionis. Deum autem dici patrem nostrum, & nos eius filios ratione creationis, testatur etiam Hieron.

Et ait, Abscondam faciem meam ab eis. i. non illuminabo eos. *Et considerabo nouissima eorum.* i. videbo quid hinc euenturum sit.

29. *Generatio enim perversa est.* i. degener, siue, in malum conuersa est, & infideles filij, quia auitam religionem ea qua oportet fide, nō custodierunt.

30. *Ipsi me prouocauerunt in eo qui non est Deus, & irritauerunt in vanitatibus suis.*

31. *Et ego prouocabo eos in eo qui non est populus, & in gente stulta irritabo eos.* i. Conuertendo gentiles (quos ipsi vt stultos contemnunt, & ne populi quidem nomine dignantur) ad veram religionem, efficiam, siue, magis propriè loquendo, fiet, vt ipsi ea occasione non benè vtendo, inuidia & indignatione semetipsos conficiant, & ad maiorem deueniant insaniam. Aemulatio enim hoc loco nō est in formam imitationis, ait Ambr. sed in pœnam iniquitatis. Dicitque Deus, Ipsi prouocauerunt me, & ego prouocabo eos;

*Ambr. in
Psal. 36.*

eos; Voluit enim Dominus, inquit Ambrosius, ipsorum versutiam in eos retorquere, ut suo afficerentur seu torquerentur ingenio: Ut qui Dominum Deum suum à quo erant assumpti refutarent, ipse è contrario assumens sibi Ecclesiam de prophanis, in æmulationem eorum excitaret affectum, quo villiorum facta esset electio. Vbi enim aduertit Israel accitam ex nationibus plebem quæ sibi legem Domini, testamentum nouum, Deum vendicaret, tunc demum excruciarì nimio cepit affectu posteaquam se repudiatum esse cognouit. Denique, Si videat Iudæus gentilium cæremonias, non mouetur; Si videat Ecclesiæ profectum, misera torquetur inuidia. Completur ergo in Iudæa: Ego in æmulationem excitabo illos in non gente. Hec Ambrosius. Hoc ergo vnum est ex eis quæ Iudæis desertis euentura sunt, Cui accedet & aliud quod manet eos in futuro, & est huiusmodi,

Ignis succensus est in furore meo. Hic est ignis conflagrationis qui succendetur in die iudicii, & ardebit usque ad inferni nouissima, quia ignis conflagrationis immediatè præcedet, inio quasi desinet in incendia infernalìa. Quid autem efficiet hic ignis?

Deuorabitque terram cum germine suo. i. terra & ea quæ in ea sunt opera exurentur, ut inquit D. Petrus. *Et montium fundamenta comburet.* Ignis enim conflagrationis nõ aduret solum superficiem, sed intima viscera terræ.

Congregabo super eos mala. i. omne malorum genus eis simul immitam. & sagittas meas complebo in eis. i. completa supplicia immitam eis. Per sagittarum enim inuisionem iustitionem suppliciorum significari, non semel diximus.

Consumentur fame. i. absque vlla refectione, (hoc enim significatur per hoc quod dicuntur consumendi) extrema atque perpetua fame cruciabuntur. Erit enim ibi mors, luctus & fames, inquit Apocal. c. 18. & poma desiderij animæ eorum recedent ab ipsis & omnia pingua & præclara peribunt in ea. *Et deuorabunt eos aues morsu amirissimo.* Ad quos morsus inferendos inelamantur aues Apocal. 19. Clamauit angelus dicens omnibus aui- bus quæ volabant per medium cæli, venite & congregamini ad cænam magnam Dei ut manducetis carnes regum, tribunorum, &c. Quæ omnia non corporaliter sunt intelligenda, sed per metaphoram. Per aues enim significatur demones qui sunt volucres cæli volitantes per medium cælum, seu mediam ætheri regionem inhabitantes, quorum crudelitas & inuidia ac impropria mordacissima, amirissimis autem moribus comparantur.

Dentes bestiarum immitam in eos cum furore trahentium super terram atque serpentium. Vermes significantur, quorum aliqui per terram sic serpunt, ut priore corporis parte in anteriora promota, posteriore eodem attrahant. De quibus verinibus Iliias, & ex eo Dominus apud Marcum:

Vermis

Vermis eorum non moritur & ignis non exstinguitur. Quia corporeus futurus sit an pro remorsu conscientiae positus, pro ambiguo habet D. Aug. Quamuis probabile magis sit vermes hos metaphoricè esse intelligendos.

38. *Foris vastabit eos gladius*, à foris enim aeternae mortis supplicia eis inferenda sunt, & *intus pavor* prae horrore suppliciorum. Quos autem? *Iuuenem simul ac virginē lactantem cum homine sene*. i. omnis aetatis & sexus homines. Et haec quidem atque huiusmodi aeterna sunt supplicia quae manent peccatores. De temporalibus vero sic loquitur Dominus:

39. *Dixi*, per quod significat se transire ad alia *ubinam sunt*. i. derelinquendo Deum factorem suum quo deuerunt? Similis est phrasis cum illo Gen. Adam ubi es? *Cessare faciam ex hominibus memoriam eorum*. i. delebo totam gentem simul ut nulla eius super sit memoria, Sicut scriptum est, Deleam ergo eos atque consumam, te autem faciam in gentem magnam. Et alibi: Semel ascendam in medio tui & delebo te.

40. *Sed propter iram inimicorum distuli, ne forte superbirent hostes eorum.*

41. *Et dicerent manus nostra excelsa*, & non Dominus fecit haec omnia. Ad hanc ergo hostium arrogantiam praecauendam non intulit Deus omnem iram.

42. *Gens absque consilio est & sine prudentia*, Non enim in futurum prospicit, *ut inam saperent & intelligerent ac nouissima prouiderent.*

43. *Quomodo*. i. Vnde euenit hoc, ut vnus, *persequeretur* siue persequeretur. *mille ex populo Iudaico, & duo fugarent decem millia?*

44. *Nonne ideo quia Deus suos vendidit eos*, & *Dominus conclusit illos*. i. merito peccatorum tradidit eos potestati inimicorum, ita ut non esset eis vllum effugium?

45. *Non enim est Deus noster ut dii eorum*. Deus enim noster iniquitatem punit & persequitur: dii autem eorum illam promouent & augere conantur. *Et inimici nostri sunt iudices*. i. ipsi inimici nostri iudicant quod Deus noster non sit sicut dii eorum. Dicebat enim Achior, Deus eorum odit iniquitates. Et meritò dicebat Deus eorum, insinuans hoc illi Deo prae reliquis dijs proprium esse. Nec abs re Moyses ad probandam differentiam inter Deum Israel & deos alienos appellat iudicium inimicorum; Illa enim vera & sine contradictione probatio est, quae ab aduersarijs ipsis signa testificationis profert, ait Iren. Porro differentiam veri Dei à dijs gentium ab effectibus insinuans, subdit Moyses.

Iren lib. 4.
sup 14.

46. *De vinea Sodomorum vinea eorum*, & *de suburbanis Gomorrhæ*. q. d. Populus dijs seruiens, si, ut reliqui populi vineae assimilari potest, certè est veluti vinea Sodomæ & Gomorrhæ, quia plenus est abominandis peccatis luxuriæ, idque dijs ipsis probantibus, qui, ut declarat Aug. voluerunt ludis impudicis placari suasque, praedicari luxurias, ut populus quasi prae religione luxu-

luxuriaretur; Cum contrā, Dominus plantauerit sibi vineam Sorec & lapides. i. omnia scandala elegerit ex ea.

Vae eorum qua fellis & betrus amarissimus. i. doctrina dæmoniorum amara. Voluerunt enim dæmones etiam infantes sibi sacrificari.

47.

Fel draconum vinum eorum, & venenum aspidum insanabile. i. Venenata doctrina eorum insanabiles efficiens eos qui ea imbuti sunt. His per occasionem interpositis prosequitur Moyses ea quæ de æternis supplicijs suprà dixerat. Et dicit in persona Domini.

28.

Nonne hæc condita sunt apud me & signata in thesauris meis? Vbi pronomen [hæc] non refert ea quæ immediatè præcesserunt, sed supplicia ignis, bestiarum & vermium prius enumerata. Quæ enim immediatè præcesserunt non pertinent ad thesauros Domini. Deinde illa quæ demonstrantur per [hæc] supplicia sunt, sequitur enim, *Mea est ultio*, &c. Doctrina autem dæmoniorum & peccata Sodomæ propria ratione peccata sunt non supplicia. Dicit itaque Deus,

49.

50.

Mea est ultio. i. meū est vlcisci peccata. Quod Deus confidenter profiteatur suum esse, est enim iustitiæ. Ex quo bene insert Tertul. nemini licere semetipsum vlcisci, ait enim, *Quæ honorē litabimus Domino nostro si nobis arbitrium defensionis.* i. vindictæ, arrogauerimus, ius Domini honoris deligentes? Sed sortasse Deus quia clemens est non vlciscetur? Imo vlciscetur quia sequitur, *Et ego retribuam eis in tempore.* Quo verbo ultorem se nobis repromittit Deus, ait ibidem Tertull. Nunquid ergo id in Deo tam iusto ad æstimandum tam potenti ad perficiendum periclitabitur? Dicit autem *in tempore*, quia ante vindictam ultimam vult Deus exercere prius suam in sufferendo longanimitatem, & benignitatem in expectando peccatores ad pœnitentiam, vt cessare faciat blasphemiam gentilium, de qua Hieron. in Ionam refert quendam dixisse, Deus Christianorum iracundissimus est & impatientissimus. Est enim Deus partibus iudicans, vt ait Sapiens. i. tam eorum qui peccant, quàm eorum in quos peccatur, benigno suo iudicio, rationem habens, vt vtrique parti ad salutem consulat. Qua eius benignitate contempta, sic restabit iusta vindicta, vt non inueniat homo contra Deum iustas querimonias. *Vt labatur pes eorum.* Non enim erunt impij in illo tempore ex illis qui stabunt ante filium hominis, vt dicit Dominus Luc. 21. Vel, *vt labatur pes eorum*, quia in tempore extremæ retributionis pro meritis auferetur ab eis omnis Dei gratia, vnde consequetur eos magnus & perpetuus lapsus, ita vt in inferno perpetuò peccent. Dico, vnde consequetur, [Vt] enim hoc loco euentum significat, non intentum. Dicit aliquis, Vindicta illa diu differetur, & ob id minus satisfaciet æstuati de siderio vindicaturientis? Non ita, Quia,

Tertul de
pat. c. 10.

Sapien 12.

Nnnn

Iuxta

51. *Iuxta est dies perditionis*, qui quamuis sit occultus non dubitatur esse vicinus, ait Greg. *Et adesse festinant tempora*, damnationis. *Quæ ubi aduenerint*,
52. *Iudicabit Dominus populum suum*, iudicio extremo, Huc namq; hæc verba refert Apost. *Et*, quia Dominus non potest obliuisci misericordiæ suæ, nec potest voluntas eius sua benignitate priuari, subiicitur: *In seruis suis Abraham Isaac & Iacob miserebitur*, quia merito seruorum suorum fidelium quosdam ex illis de quibus dixerat: *Abcondam faciem meam ab eis*, ad pœnitentiam conuertet. Quod ut faciat,
53. *Videbit quod infirmata sit manus*. i. imminuti sunt numero & viribus. *Et clausi quoque defecerunt*. i. in carceribus ab hostibus detrusi multi, perierunt, *residuique*. i. illi qui videbantur cladi superstites, *consumpti sunt*. Hæc inquam in Iudæorum reliquijs videbit seu attendet Dominus, & ex illa eorum miseria occasionem sumet inuitandi & conuertendi eos ad pœnitentiam. Pœnitentia enim in hominibus carnalibus ferè ex afflictione temporali sumit occasionem ac principium.
54. *Et dicet*. i. eo tempore oportune admodum eos per cultum falforum deorum, vel seruitutem peccatorum tot malis afflictos, his verbis corripiet aut corripi faciet. *Vbi sunt dy eorum in quibus habebant fiduciam?*
55. *De quorum victimis comedebant adipēs, & bibebant vinum libaminum?*
56. *Surgant & opitulentur vobis, & in necessitate vos protegant*. i. Ab hac necessitate in quam deuenistis vos eripiant. Quod quia non valent,
57. *Videte quod ego sim solus & non sit alius Deus præter me.*
58. *Ego occidam*. i. internecioni temporali tradam non casus aut fortuna, *Et ego viuere faciam*. i. reflorescere faciam populum internecioni prius traditum, *Percutiam & ego sanabo*, *Et non est qui de manu mea possit eruere*, ut aut internecioni obliſtat, aut, me viuificante, cladem adferat. Hæc ergo misericordia huiusmodi ordine & occasione impendenda est Iudæorum reliquijs, vbi ob idololatriam in extremam captiuitatis suæ miseriam fuerint deducti. A loco enim quo dictum est, *Et in seruis suis miserebitur*, Moyses transitum facit, ut de huiusmodi misericordia verba faciat, Satis namque euident est, cum in hoc canticò de pœnis temporalibus & æternis vicissim ac permixtim verba facere. Qui autem extremæ vindictæ Dei fuerint ad iudicati, illis nulla in posterum erit speranda misericordia, quia sequitur:
59. *Leuabo ad cælum manum meam*. Iuramentum Dei humano more describitur, solent enim homines iurando manus ad cælum, tanquam veri Dei, ut notauit Tertull. habitaculum, attollere, & dicam, *Viuo ego in æternum*, Formula est iuramenti diuini, qua significat Deus se per semetipsum iurare. Quod, cum iurare vult, sibi facere necesse est, quia alius Deus non est per quem

quem iuret, vt in Pſal. 88. latius diximus. Quod autem iurat Deus hoc eſt:

Si acueſco vt fulgur gladium meum, in die iudicij. De quo & Abacuc, In ſplendore fulgurantis haſtæ tuæ, Et arripuerit iudicium manus mea. i. ſi res eo deducta fuerit vt in furore meo (id enim importat verbum apprehenderit) cepero iudicare, 60.

Reddam ultionem hoſtibus meis, & his qui oderunt me retribuam, irreuocabiliter, & abſque vlla in poſterum miſericordia; Id enim adducit iuramentum Domini; Quia dicitur Deus iurare pro illis rebus, quæ decreuit non mutare. 61.

Inebriabo ſagittas meas ſanguine, & gladius meus deuorabit carnes. Inebriabo inquam ſagittas meas, 62.

De cruore occiſorum & de captiuitate nudati inimicorum capitis, quia maxima erit multitudo eorum quos internecioni perpetuæ tradam. Inter quos erit & caput omnium inimicorum Dei diabolus cum angelis ſuis, cuius caput tum erit nudatum, quia nō amplius poterit ſe velare, ſuamque tegendo nequitiam, ſe tranſfigurare in angelum lucis. Et ijs qui oderunt me retribuam. Circa quod tempus,

Laudate gentes. i. qui ex gentibus eſtis fideles, populum eius. i. populum Iſraeliticum ſecundum carnem. Quia Deus ſanguinem ſeruorum ſuorum Prophetarum, vt habet Apoc. & ſanctorum ſuorum, qui ab impijs ob iuſtitiam effuſus eſt, vlcifcetur, 63.

Et vindictam retribuet in hoſtes eorum. Et circa id tempus, Et propitius erit terræ populi ſui, quia Iſraelem ad fidem & pœnitentiā adductum, requieſcere faciet ſuper humum ſuam, ſecundum Prophetas. 64.

Canticum Zachariæ. Luca 1.

Nato Ioanne Baptiſta præcurſore Domini, Zacharias pater eius repletus eſt, inquit Lucas, Spiritu ſancto, & prophetauit. Si prophetauit, ergo Canticum hoc non principaliter ob natum ſibi ex inſperato filium, aut ſolutum ſuæ linguæ vinculum ad gratiarum actionem cecinit, ſed reſpexit in futurum, conſcribēs nobis formulam ad agendum Deo gratias pro beneficijs Redemptionis per Chriſtum partæ, & effectū eius, in æternam ſalutem vſque. Ad informationem itaque noſtram atque adeo totius Eccleſiæ, Zacharias ſacerdos & Propheta, pro nobis, imo etiam ſpiritus eius in nobis, ſic dicit:

Benedictus Dominus Deus Iſrael. Ille, inquam, Deus, qui Iſraeli poſterisque Iacob hætenus in Deum fuit, & ab eodem pro Deo agnitus. Operæpretium namque fuit in noui teſtamenti principio, eiſdem teſtamenti authorem, Deum qui fecit cælum & terram, Et, Deum Abraham, Iſaac, Iacob 1.

Nnn ij & Iſrael

& Israel appellare, ad contestandum vnum & eundem Deum, celi & terræ; veteris & noui testamenti esse authorem: Ob eandem enim causam etiam D. Stephanus omnem veteris testamenti dispositionem, in sua ad Iudices oratione, teste Irenæo, deduxit. *Quia*, per incarnati Verbi præsentiam, familiaremque cum hominibus conuersationem, *visitauit*. i. coram lustrauit, docuit, corripuit, & exhibita multa humanitate plebem suam cōsolatus est. *Et* per passionem & mortē eiusdem, *fecit redemptionem plebis suæ*, Israel, Hunc enim in principio respicit Zacharias, circa finem mentionem gentium factururus. Quod hinc apparet, quia paulò post asserit promissiones patribus factas nunc impletas esse, Illæ autem principaliter de Israel factæ erant, Nam & Christus Iesus minister fuit Circumcisionis propter veritatem Dei ad confirmandas, inquit Apostolus, promissiones Patrum. Deinde quia Israel solus ille populus est quem Deus in Christo corporaliter visitauit. Fecit ergo Deus redemptionē plebis suæ, quia Deus erat in Christo mundum reconcilians sibi, redimens Israël, non corruptibilibus auri vel argenti, sed pretioso sanguine quasi agni immaculati Christi.

2. *Et erexit cornu salutis nobis in domo Dauid pueri sui*, Facta namque redemptione Deus Christum de domo & familia Dauid, qui ab obediendi & obsequendi prōptitudine Dei puer dictus est, in dexteram suam exaltādo, *erexit*, vt qui mediator, idem esset nobis ad salutem propugnator, cornibus namque è capite extantibus propugnant reliqua sua membra bestię. Quocirca peracta redemptione cum Dominus vulnerum suorū cicatricibus rubicundus cælum ingrederetur, & interrogarent Angeli, Quis est iste qui venit de Edom, tinctis vestibibus de Bosra, iste formosus in stola sua gradiēs in multitudine fortitudinis suæ? Respondit: Ego qui loquor iustitiam, & propugnator sum ad saluandum. *Per* cornu autem non solum virtutem vincendi aut superandi, sed ipsum Dominum nos protegentem significari, satis patet ex illo Psal. 17. Protector meus & cornu salutis meæ.

3. *Sicut locutus est per os sanctorum, qui à sæculo sunt prophetarum eius*. Omnes enim retrò propheta Incarnationem, passionem regnumque Christi in gloria Patris respectiue vaticinati sunt. Dicit autem *per os sanctorum*, indicans se non illas solum prophetias respicere quæ à prophetis descriptæ sunt, sed illas omnes quas propheta verbo sunt locuri. Hæc ergo secundum promissa sua Deus præstitit nobis. Sed in quem effectum? Ad dandam nobis,

4. *Salutem ex inimicis nostris, & de manu omnium qui oderunt nos*. i. vt eriperet nos de potestate tenebrarum, & per remissionem peccatorum atque iustitiam transferret in regnum dilectionis filij sui. Quod enim dicit, *Salutem ex inimicis nostris*, &c. per Emphasim dicit, geminum considerationi

tioni nostræ ingerens Dei beneficium, quorum priore è summis malis erepti, posteriore in veris bonis maxima & felicissima rerum commutatione sumus collocati. Et hic quidem est effectus Dominicæ œconomix in hoc sæculo. Sequitur nunc de effectû ad futurum sæculum pertinente: de quo propheta sic dicit, fecit redemptionem plebis suæ.

Ad faciendam misericordiam cum patribus nostris, illis scilicet qui 5. vincti erant in lacu, siue Limbo patrum, in quo non erat aqua, Hos enim in sanguine testamenti Deus in Christo inde eduxit; in ipso expolians, teste Apostolo, Principatus & Potestates. De qua misericordia hunc locum eo libentius intelligo, quod quæ huic versiculo coniunguntur, futuri, vt ostendemus, sæculi sunt; Tum etiam quia æquum est vt in hoc cantico inter cæteros, etiam iste Dominicæ redemptionis tam solennis, & à prophetis prædicatus effectus recenseatur, præsertim quia Simeon, quem paulò post audiemus, de illa re suo cantico nonnihil adiunxit. Refert namque Irenæus ^{Iren lib 3.} ^{cap. 18.} Simeonem accipientem puerum è manibus B. Mariæ, dixisse, eum esse lumen omnium, & gloriam ipsius Israel, & pacem & refrigerium eorum qui ierunt in dormitionem. *Et memorari*, siue vt memoraretur, *testamenti sui sancti*, Memorari simul,

Iusiurandum quod iurauit ad Abraham patrem nostrum, q. d. memorari 6. testamenti sui sancti iureiurando ad Abraham patrem nostrum factò, confirmati, vt illud re tandem ipsa impleteret. Nomen enim *Iusiurandum* hic construendum est cum verbo *memorari*, & quidem absque omni incommodo, eo quod verbum, memoror, apud Grammaticos indifferenter regat genitium & accusatiuum. Quod est autem hoc testamentum Abrahæ, mediante iureiurando, promissum? *Daturum se nobis.*

Vt sine timore de manu inimicorum nostrorum liberati, seruiamus illi, 7. *In sanctitate & iustitia coram ipso*, omnibus diebus nostris. Quæ verba 8. complures intelligunt de iustificatione filiorum Dei quæ sit huius vitæ, Hi enim *sine timore* serui, *De manu inimicorum suorum*, siue de potestate tenebrarum eruti obsequendo eius voluntati, seruiunt ei, *in sanctitate & iustitia coram ipso*, quia ea iustitia iusti sunt quæ coram oculis Dei iustitia est, & ipsi accepta, idque *omnibus diebus* suis, quia perseueranter, ita vt sint Christiani; qui à iustitia in Baptismo accepta, nullo vnquam vitæ suæ tempore excidunt aut prolabuntur, aut saltem, quia nullo vnquam die defunt, qui piam in sanctitate & iustitia seruitutem Deo deferant. Arbitror tamen hæc paulò sublimius intelligenda esse, tum quia hæc omnia, tamen si non sigillatim explicata, saltem comprehensa sunt in eo quod paulò ante dictum est, *Salutem ex inimicis nostris*, & *de manu omnium qui oderunt nos*, Ad salutem enim siue salutis statum prædicta concurrunt: Tum, quia verba ipsa

Nnnn iij augu-

augustiora esse videntur, quam vt per ea quæ sunt filiorum Dei in hac vita, pro dignitate interpretari possint aut intelligi, Dicitur namque hic absolute *Sine timore*, cum tamen à iustis in hac vita vnum tantum genus timoris necessariò remoueat. Dicitur etiam, *De manu inimicorum nostrorum liberati*, cum tamen hic iusti in medio inimicorum suorum, absque tamen seruitute peccati, versentur, Ita vt existimem, iustis in persecutione Antichristi constitutis non esse dicendum, De manu omnium inimicorum nostrorum liberati, seruimus illi: Dicitur hic, *omnibus diebus nostris*, cum tamen hic rari admodum sint, qui, ob frequētes in peccata mortalia lapsus atque relapsus, omnibus diebus suis Deo seruiant. Videtur itaque verbis, ordini, & prophetiæ huius dignitati magis conuenire, vt intelligamus hic prædici atque præscribi statum æternæ salutis, ad quem per iustitiam huius vitæ, filij noui testamenti transacta peregrinatione deueniunt. Nam & ratio non finit vt in serie eorum quæ ad reparationem nostram à Deo donata sunt nobis, æternæ salutis commemoratio prætermittatur, Præsertim cum eius donatio, inter noui testamenti beneficia maximum & dignissimum locum obtineat. Præterea, cum de industria Christo seruatum sit, vt ad æternam beatitudinem viam nouam atque viuētem, per velamem. i. carnem suam omnibus nobis initiaret, qua aq̃uitate catalogo eorum quæ Deus in Christo præstitit atq; exhibuit, id quod tam singulariter eidem reseruabatur, non infereretur? Itaque, Dominus Deus Israel *visitauit, Redemptionem fecit, erexit cornu salutis nobis in domo Dauid pueri sui, testamenti sui sancti*, memoratus est, & simul expleuit, *Iusiurandum quod iurauit ad Abraham patrem nostrum daturum se nobis*, vt, in æterna beatitudine, sine vlllo, proprij nominis, aut propriæ rationis *timore*, (Nec enim in futura vitæ securitate, cum iuxta Isaiam, timore malorum sublato, sedebit populus in pulchritudine pacis & tabernaculis fiduciæ, erit metus mortis, peccati, vel pœnæ peccati) *De manu inimicorum nostrorum liberati*; Verè *liberati*, In manu enim seu potestate inimicorum ibi non erit minimum mali alicui beatorum vel intentare, *Seruamus illi*, eâ deuotionis atque obedientiæ plenitudine, de quâ scriptum est, Et serui eius seruiant ei die ac nocte, *In sanctitate & iustitia*, Dabitur enim ibi sponsæ uxori agni, vt cooperiat se byssino splendenti & candido, quæ sunt iustificationes sanctorum, *coram ipso*, id est, ipso se ad oculum coram exhibente, *Omni diebus nostris*, Dierum enim, si qui sunt, æternitatis, non erit vel vna, à Dei seruitio, vel ad momentum feriata. Hoc inquam iuramentum Deus per Christum re ipsa impleuit: Patres enim veteris testamenti Christus vna secum in æternam requiem introduxit, Et ab eo tempore nobis præstitit fiduciam in introitum sanctorum. Vbi autem
Deus

Deus hæc quæ exponendo diximus testatus est, siue promisit Abraham patri nostro? Queris ubi? Genesis 15. ubi dicit, Noli timere Abraham, Ego protector tuus sum & merces tua magna nimis. Et paulò post, Suspice cælum, & numera stellas si potes, Addit, Sic erit semen tuum; Quibus verbis dicendo [sic] non tam promittit Abraham seminis multitudinem innumerabilem ([sic] enim adverbium est similitudinis potius quam æquiparantiæ) quam seminis sui nullo nobis numero comprehensi, cælestem, quam in æterna beatitudine habebit, qualitatem. Cum enim cælum & stellas suspicienti, dicit Deus, Sic erit semen tuum, quid aliud ei promisit quam quod dixit Daniel, Qui, eo disciplinæ genere, de quo scriptum est, Omnis qui audiuit à patre & didicit venit ad me, docti fuerint, fulgebunt ut splendor firmamenti, & qui ad iustitiam erudiunt plurimos quasi stellæ in perpetuas æternitates? Ut proinde quod in Genesi sequitur; Credidit Abraham Deo, non sit intelligendum de priuata aliqua promissione Abraham de multiplicatione sui seminis specialiter facta, quamquam & talis promissio fidei materia sit, sed de articulo fidei Catholicæ, Catholicæ, inquam, quia omnibus adultis credendo, quo credimus carnis resurrectionem & vitam æternam Amen. Sed nunquid id ipsum Deus Abraham iurauit? Iurauit utique, Dicit namque Deus Psal. 88. Semel iuravi in sancto meo, Thronus eius sicut sol in conspectu meo, & sicut luna perfecta in æternum. In quibus verbis cum iuramento astringitur gloria quæ manet iustos, ut suo loco exposuimus, in anima & corpore. Si ergo Deus per Dauidem dicit id se iam tum iurasse, cui quæso id iurauit nisi Abraham, cui inter cæteros sanctos dixerat in visione, Posui adiutorium in potente. Post hanc gratiarum actionem compellat propheta natum sibi puerum, in illo, per ætatem, mentis nondum, ut magis verisimile est, compote, poetarum more, ad instructionem nostram, personam rationis compotem fingens, & dicit:

Et tu puer propheta altissimi vocaberis. Decebat namque, inquit Ambrosius, ne is qui publica enumerarat, sua, quasi ingratus quæ acceperat beneficia tacuisse videretur, *Propheta*, inquit, *altissimi vocaberis*, Videtur hoc emphasin habere, ac si dicat, *Tu puer* non cum alijs prophetis promiscuè propheta Domini, sed singulariter *Propheta altissimi vocaberis*, cum dicet Christus in te completum esse illud Malachiæ vaticinium: Ecce ego mittam Angelum meum, An enim non tu singulariter Propheta altissimi, quem filius altissimi, suum Angelum singulariter voluit appellari? Nec abs re, *Præibis enim*, ut & alij propheta, & ob id vocaberis propheta, sed, *ante faciem Domini*, id est, ante Dominum in carne præsentem, quod reliquorum prophetarum nemo præstare potuit, Et ob id, tu singulariter propheta altissimi. Ad quid autem? *Purare vias eius*, id est, disponere mentes ho-

9.

Ambro. in
hunc locum.

Tert. 5 cōs.
Marc. 6. 2.

tes hominum. Deo enim, vt bene dixit Tertull. in te statuente terminum, inter vtrumque ordinem definentium exinde veterum, & incipientium nouorum, à diebus tuis regnum Dei Euangelizatur, te vt Euāgelij catechista, rudimenta prædicationis Euangelicæ in medium proferente. Prædicabis itaque pœnitentiam, ne Domini doctrina, prædicabis baptismum aquæ, ne Domini disciplina, prædicabis baptismum in Spiritu sancto & igni, ne Domini gratia rudes sibi mentes hominum inueniat & exhorreat imparatas.

Aug. epist.
120 ca. 3.

Imò, *parare vias eius*, Tuo enim irrefragabili, vt notat August. testimonio, aperies ipsi Domino mentes hominum, vt eum in saluatorem & sponsum recipiant, Testaberis enim te, filium sacerdotis, tanta quæ sanctitatis & exultationis virum, non esse dignū vt soluas corrigiam calceamenti eius. Quis autem tuæ prædicationis proprius erit effectus?

10.

Addendam scientiam salutis plebi eius. i. vt plebs Domini Iudaica, tuo magisterio & Spiritus sancti cooperatione adiuta, accipiat primam cognitionem eorum quæ tempore noui testamenti ad salutem cognitu erunt necessaria, Eamque, *in remissionem peccatorum eorum*. Non dicit, & remissionem peccatorum eorum, Ioannis enim doctrina in salutem, vel peccatorum remissionem ordinabatur, ad eamque disponebat, eam autem pro ratione officij ipsi demandati, non dabat. Per quem ergo danda erat hæc cum salute remissio peccatorum?

11.

Per viscera misericordiae Dei nostri, Per viscera misericordiae insinuat-
tur misericordia, quæ cum transmutatione corporali in miserendo commouet hominis viscera, Hæc tamen misericordia Deo non omnino abs re-
tribuitur, Cum enim viscera hominis sint pars substantialis indiuidui, an non Deo rectè tribuentur misericordiae viscera, cum misericordia Dei ipsa eius sit substantia? Itaque, remissio peccatorum datur ex misericordia, quæ Deo essentialis est, cuius misericordiae affectum, qualis Deo sit, à longe nonnihil conijcere possumus ex illo misericordiae affectu, qui ad subueniendum viscera hominis concutit. *In quibus misericordiae visceribus, visitauit nos* vir ille, qui à Zacharia, *Oriens* dicitur: *Iste, inquam, visitauit nos, ex alto*, quia à summo cælo, sinu patris ad nos, egressio eius. Si ergo remissio peccatorum datur per viscera misericordiae Dei nostri, & in illis visceribus siue in eadem substantiali misericordia, is cui ratione humanitatis oriens nomen est, ex alto visitauit nos, ergo & per illum datur, vel, ipse est à quo & per quem datur remissio peccatorum. Præterea, cum nouum testamentum gratiam præstet & remissionem peccatorum, Gratia, inquit, & veritas per Iesum Christum facta est, si puer propheta altissimi, remissionem peccatorum non dederit, sed discipulos suos ad eam per doctrinam solummodo præparaue-
rit, non erit puer hic vlla ratione author, aut institutor noui testamenti,
sed eius

sed eius praecursor aut catechista. Sed qua de causa ille qui uisitauit nos ex alto vocatur *Oriens*? Quia uenit

Illuminare. i. lumen praebere *his qui in tenebris & in umbra mortis* (quæ quid mysticè importent supra alicubi diximus) *sedent*, qui est populus gentium, qui ambulabat in tenebris. Datus est enim Christus à Deo etiam in scædus populorum, ut possideret hereditates dissipatas, & diceret his qui uincti sunt exite, & qui in tenebris, reuelamini, Nam lux in mundum uenit, ut qui non uidebant uideant. Non solum autem dicitur *Oriens*, quia tenebrosis mentibus lumen ex abrupto infundit, sed quia comparatus est, *addirigendos pedes nostros*. i. ut dirigat pedes, itinera, gressus, cogitationes dico, consilia, & opera nostra, *in uiam pacis*. Cum enim nos tametsi in uia pacis positi, ex nobismetipsis ordinariè ea cogitemus & disponamus quæ nos à uia pacis abducant, iste contra dirigit aut retorquet pedes nostros è uia digressuros, in eandem uiam pacis atque æternæ salutis, Ob quam directionem *Oriens* dicitur, quia hoc eius opere, si non, ut bene credo, singulis vicibus nobis infunditur noua lux, singulis saltem vicibus oritur, suscitatur, componitur, aut proponitur nobis noua idæa siue forma prudentia.

Canticum B. Mariæ. Luca 1.

PRæsens Cantici principio, B. Maria, ab Elisabeth magno clamore atque preconio prædicata, exponit, quid studij affectus quæ boni, ipsa, diuinis, quas in se reuerenter agnoscit, benedictionibus, reddiderit; Hoc ipso insinuans, quam studiosè, præ animi humilitate atque gratitudine, ipsa nihil passa sit, ut Bernardi uerbis utar, sibi retinere, sed in Deum authorem cuncta refuderit: Suique exemplo nos instruens, ut quælibet anima sancta, inquit D. Thomas, concepto Verbo Dei, ad magnificandum Dominum ei que exultandum secundum formam Cantici huius semetipsam componat. Cum ergo Canticum hoc in Ecclesia frequentatur, Sit, inquit Ambrosius, in singulis Mariæ anima ut magnificet Dominum: Sit in singulis Mariæ spiritus ut exultet in Deo salutari suo; Nobisque Deo gratias agentibus, depromamus uerba Aduocatæ nostræ B. Mariæ, sicut à Cypriano admoniti sumus depromere, cum oramus, uerba Aduocati nostri Christi. Subtexit deinde beata Virgo prophetiam (est enim, teste D. Basilio, prophetissa ad quam accessit Isaias) futurorum, prænuncians inter cetera, ea quæ Ecclesiæ, teste D. Irenæo, suis temporibus, prius per uocationem gentium, postmodum per conuersionem Iudæorum, tunc erant, & ex parte adhuc sunt, euentura. Elisabeth itaque exclamante, Benedicta tu inter mulieres, Beata Maria, authore D.

O o o o Bernard-

12.

Bern. serm.
de 12. Jiel.

D. Tho. opus.
de human.
Christi.

Ambrosius in
hic locum.

Cyprianus de
orati. Demi.

Basil in ca.
8. Isaiæ.
Iren. lib. 3.
cap. 11.

ubi
supra

Bernardo, respondit quasi in hunc sensum: Tu magnificas matrem Domini; At verò:

1. *Magnificat anima mea Dominum.* i. Magnificentiam Domini (de qua in Cantico Deuteronomij diximus) erga me agnoscere, extollere, admirari, prædicare instat & intima deuotione satagit anima mea: Non enim potest Dominus magnificari à nobis, nisi in nobis. Magnificatur proinde, cum magnitudo ac magnificentia eius magis magisque in nostris apparet virtutibus & operibus resplendet. De qua magnificatione Apostolus, In omni fiducia sicut semper, & nunc magnificabitur Christus in corpore meo; siue per vitam, siue per mortem. Magnificatur item Dominus, cum magnitudo atque magnificentia eius, cum amplificatione intelligentiæ, coram mentis nostræ magis magisque increfcit oculis.
2. *Et exultauit spiritus meus.* i. anima mea dono Spiritus sancti in hoc adiuta, exhilarata est & præ lætitia gestiens, exiliuit, si non præ gaudio extra semetipsam exiuit, *In Deo saluari meo.* Gaiusa namque fuit Sancta illa & casta anima, nō tam de donata sibi à Deo salute, quàm de ipso Deo, Deivæ bonitate iudicio atque consilio, de quo ipsi salus hæc processit atque prouenit. Hac verò ratione, anima sancta, non quærens quæ sua sunt, ingenuè in Domino, castissimo, eoquæ quod ex vera Dei charitate prorumpit gaudio, sese exhilarat atque lætatur. Quid autem, ô B. Virgo in Deo saluari tuo cognouisti, quod in exultationem spiritum tuum tam singulariter excitauit & exhilarauit?
3. *Qui respexit humilitatem ancillæ suæ.* q.d. Exultauit spiritus meus in hoc Dei iudicio atque beneplacito, quo beneplacitum ei fuit humilitatis virtutem, cuius infusione me præueniendo erat dignatus, attendere eiusquæ intuitu maiora donare. Exhilarabat namque me, quod cum Deus salutaris meus, præ omnibus hominibus magnus sit; & omnes homines vlla dignitate præcellentes, oculos suos semper ad magna conuertant, ipse contra reliquorum morem, humilia respiciat in cælo & in terra. Arbitror proinde exultationem B. Mariæ, de eadem causa prouenisse, de qua Domini, cum, teste Luca, exultauit spiritu & dixit: Confiteor tibi pater, Domine cæli & terræ, quia abscondisti hæc à sapientibus & prudentibus, & reuelasti ea paruulis. Ita Pater, quoniam sic fuit placitum ante te: Hic namque Dominus in profundo, suauis, & efficaci Dei iudicio gaudet atque exultat. Quid enim hoc iudicio profundius, quo non paribus paria, sed contrarijs quadam ratione, contraria redduntur? Quid hoc iudicio suauius, per quod difformia, magna inquam & modica, alta & demissa, cōuenientissimè contemperantur? Quid eo efficacius, per quod arrogantia atque altitudo sæculi, ipsis suis conatibus confunditur & consternatur? Quò enim superbia sæculi

saeculi sibi plus arrogat, eò diuinis se muneribus indigna plus reddit atque despoliat. Quò sibi videtur Deo propius accedere, eò à Deo fortius resistit, ab eoque se longius abducit. In hoc ergo Dei iudicio atque beneplacito, secundum humanam naturam Christus atque B. eius genitrix vno spiritu sese similiter oblectauerunt atque exhilarauerunt. Scio quidem non deesse Doctores qui [*humilitatem*] hic non humilitatis virtutem, sed intelligant esse vilitatem. Quam eorum expositionem, si prout oportet intelligatur; opinor nihil falsi continere. Quis enim neget B. Mariam, humilitatem de qua loquitur, non suis viribus aut meritis, sed praeueniente Dei gratia, fuisse adeptam? Vt autem Deus eorum, qui in peccatis concepti, aut, nisi ipse misericorditer prohibeat, certissime concipiendi sunt, quæ impiam, gratia, aut suæ dulcedinis, quam ex Bernardo in Psal. 20. exposuimus, benedictionibus praeueniat, quid in eo prius nisi vilitatem & indignitatem miseratus respicit & attendit? Non ergo, vt dicere cepi, illa Doctorum expositio falsidica est, sed sensum B. Virginis eiusq; propositum non sufficienter exponit; Quia probabile magis est B. Mariam cum hæc diceret principaliter prae oculis non habuisse illam Dei misericordiam qua principio eius respexit vilitatem, sed illam Dei dignationem, qua humane sapientiæ incomprehensibili iudicio, honorare, extollere, atque ditare studet atque incumbit humilitatis virtutem. Ecclesia enim, optima virgineæ mentis interpretres, in officij ecclesiastici quodam dramate, ad hæc beatæ Mariæ verba alludens, introducit ipsam nos ad congratulandum sibi in hæc verba inuitantem: Congratulamini mihi omnes qui diligitis Dominum, quia cum essem paruula placui Altissimo. Paruula, inquam, humilitatis virtute; Nam tametsi qui in oculis Dei viles sunt, dicantur paruuli, sicut scriptum est: Ecce paruulum dedi te in gentibus, contemptibilem inter homines; & *Jerem. 49.* de ijs, cum emendati fuerint, dici possit quod eos Dominus respexerit, nullatenus tamen de ijs dici potest quod placuerint aut placeant Altissimo; Id enim elogium veræ virtuti proprium est & præcipue humilitati. Ne tamen dicta Doctorum expositio, quæ, vt diximus, non potest reijci vt falsidica, reijciatur tanquam à proposito B. Virginis prorsus aliena, arbitror, sustineri posse quod ipsa in verbis B. Mariæ implicite comprehensa sit atq; contenta. Quodque B. Maria dicendo, *Respexit humilitatem Ancilla suæ*, inter cætera agnouerit Deum vilitatem eius, è qua, vel per proprii nominis redemptionem, vel, vt alij tenent, præseruationem, singulariter educta est, respexisse. Neceesse enim est eam, cuius humilitatem Deus respexit, verè humilem fuisse; Si fuit humilis, non fuit oblita, se, ipsam humilitatem de gratia Christi accepisse; Si de Christi gratia, ergo de vilitate propria; quia gratia Christi redemptis eius, non solum absque meritis, sed ex

O o o i j demo-

demeritis aut indignitate, aliquo saltem modo præiacente, principiò conceditur atque donatur. Plenus ergo horum verborum sensus est. *Exultauit spiritus meus in Deo saluatore meo*, quia Ancillæ suæ magnificis oculis, *respexit humilitatem*, illam, inquam, humilitatis virtutem, in quam opere gratiæ suæ, eiusdem ancillæ, suo modo præiacentem, prius commutauerat vilitatem. Dicit autem, *Ancillæ suæ*, in humilitate quæ erat, non necessitatis, sed electionis, aut vt loquitur D. Bernardus, voluntatis, perseverans.

Bern. serm. 42. in Can. Cùm enim per rationem virtutis non esset necesse, vt hoc se tempore Domini Ancillam nuncuparet, sed potuerit nomenclaturam Reginæ ac Domine sibi assumere; studio tamen humilitatis maluit id quod minus est usurpare, toti mundo contestans se non necessitate, sed corde, siue voluntaria electione humilitatem colere, & exercere. Quæ tamen eius humilitas fundata fuit in rei veritate; tamen si enim gratia Dei Regina, non desistit tamen, conditione, Dei esse Ancilla. In qua humilitate ac humilitatis exercitatione dico eam fortiter perseverasse; Sicut enim audito Gabriele Archangelo, cùm diceret, Ecce Ancilla Domini, declarauit se repentino promisso non esse præpropere exaltata; ita concepto Dei filio, cùm dicit, *Respexit humilitatem Ancillæ suæ*, contestatur se, quo minus eadem semper perseveret, nec tanta quidem obiecta machina fuisse expugnatam. *Ecce enim ex hoc beatam me dicent omnes generationes.* Verba hæc, teste Epiphanio, vaticiniū continent futurorum preconiorum, quæ in finem seculi vsque Beatæ Mariæ ab Ecclesia deferuntur, atque deferenda sunt. Idque,

Epipha. in bere. 30. 3. *Quia*, inquit, *fecit mihi magna qui potens est.* Dicit hoc conscientia habitantis in se Spiritu sancti, inquit Hieron. Et quidem absque arrogantia; nouit enim se id absque suo, (gratiæ præiugio) merito consecutam. Quæ autem sunt hæc magna? An quod incomprehensibilem concepit & peperit? Absque dubio, Hæc enim inter magna annumerari debent. Quia reuera magna est Maria B. Virgo inquit Epiph. coram Deo & hominibus, quia quæm celi capere non poterant suo gremio contulit, atque secundum carnem conclusit. De his tamen, ad miraculum vsq; magnificis, Dei in ea operibus hæc verba solummodo intelligi non debent. Prædicat enim B. Virgo illa Dei erga se magnalia, quæ eam non solum magnam faciant, sed beatam. Sola autem materna dignitas eam non effecit beatam, Materna enim propinquitas, inquit Augustinus, nihil Mariæ profuisset, si non scelericius corde Christum quam carne gestasset. Itaque qui potens est fecit ei magna, quia Spiritu sancto cooperante, eam, fide, proposito virginitatis deuoto, Pietate, prudentia omniue virtutis genere dignam reddidit, quæ Dei mater fieret: Duorumque, Christi dico & Ecclesiæ, in carne vna, thalamus: Deique infantiam regeret, & æconomix eius in carne primordia, ipsa mater procurat-

curatione sua prima auspicaretur, & adornaret. Proinde, tametsi Christum carne peperisse eam per se non effecerit beatam, Id tamen emeruisse, fecit eam beatissimam. Quod omnes generationes ei dem secundum præsentem prophetiam cum veneratione adgratulantes, vno ore conclamant, Regina celi Letare, quia quem meruisti portare, resurrexit sicut dixit. Quæ tamen Ecclesiæ adgratulatio non debet sic intelligi, quasi per eam daretur intelligi, quod B. Maria emeruerit, vt filius Dei incarnaretur, Nequaquam, vt enim cætera præteream, Omne hominis meritum Dominicæ incarnationis fructus est, & effectus, non ergo potest illius esse causa, Prædicat proinde eo cantico Ecclesia, quod cum filius Dei de gratuita Dei voluntate incarnandus esset, ipsa sola Spiritus sancto preparante, tam sancta & immaculata extiterit virgo, vt eam Dei filius nō solum matrem, sed se, pro ratione nature & conditionis humanæ, dignam deligeret matrem. Deligeret, inquam, tametsi enim ea, qua diximus, dignitate fuerit prædita, non tamen facta ei fuisset iniuria, si Dominus eam sibi in matrem non assumpsisset, Perfectam enim, & cui ex iustitia debetur retributio, meriti rationē non constituit sola dignitas emerentis, sed ad retribuendum sese obligans dignatio Dei paciscentis. Quæ cum dignitati B. Mariæ hac in parte non accesserit, dicitur ipsa meruisse Christum portare, ab altera, & quæ ex hominis parte ad meriti rationem concurrat, meriti parte, non à plenissima meriti ratione. *Et sanctum nomen eius.* scilicet fecit mihi magna, q. d. Ipse qui potens & secundum nomen suum sanctus, & sanctificans est, fecit mihi magnalia hæc; Vt dicdo, qui potens est, insinuet Deum hæc fecisse potestate qua valuit: Dicendo verò, *Et sanctum nomen eius*, insinuet eum eadem fecisse bonitate qua voluit. Nomen autem Dei ipsum Deum subinde significare, ex Deut. 28. in Psal. 32. & D. Basil. diximus. Vel, *Sanctum nomen eius.* scilicet, Vt intelligatur B. Virgo hoc verbo, Dei qui benefecerat ei, excellentiam prædicare voluisse. Et id quidem vocabulo admodum conueniente, Nihil enim pretiosius inuenimus, inquit Ambrosius, quo Deum prædicare possumus, quam vt eum sanctum appellemus; Quodlibet aliud, inferius Deo, inferius est Domino. Prior tamen sensus videtur magis conuenire contextui, sequitur enim:

Et misericordia eius à progenie in progenies timentibus eum. q. d. Sicut 4. nomen sanctum eius mihi fecit hæc, ita etiam misericordia eius à progenie in progenies timentibus eum. Facit enim misericordiam in milibus his qui diligunt eum, vt in Psal. 102. diximus. Ob hæc itaque magnalia, quæ fecit ei qui potens & bonus est, *Be itam*, inquit, *me dicent omnes generationes.* Huius, qua prædicanda erit, formulæ præscriptione, per veram humilitatem & ardentem diuinæ glorificationis appetentiam, optans sic prædicari, vt

O o o o iij iplis

Amb. 3. de
Spiritu sancto.
cap. 18.

ipfis quibus prædicanda erit verbis, omnis eius sublimitas & præcellentia suæ magis tribuatur, à Deo emissæ, forti, quam virtuti. Cùm enim eos prædicemus esse beatos, quibus perpetua quadam felicitate magnifica fors dexterè cadit, cùm dicit, *Beatam me dicent, quia fecit mihi magna qui potens est*, quid insinuat, nisi quod magnalium horum Deum velit prædicari auctorem, se receptatricem, Illum hæc fecisse potestate, se, sua accepisse felicitate, & accepta prius à Deo peregrisse virtute? Siue, quod in idem redit, se in Domino, atque de suis meritis, tanquam Dei muneribus glorificari debere? Nam quod ob Dei dona homines prædicentur Beati, Christus testatur cum dicit, *Beatus es Simon Bariona, quia caro & sanguis non reuelauit tibi, sed pater meus qui est in cælis*. Cùm ergo omnes generationes eam prædicare debeant beatam, ane sunt generatio praua, puerua, atque exasperans, qui eam dicunt reliquis mulieribus aut virginibus æquiparandam? Et, vt eorum blasphemiam vno verbo elidam, qua quæso ratione æquabitur mulieribus vllis, quæ benedicta inter omnes mulieres, genuit, inquit Cypr. maiestatem? Sed ad propositum: Transsit enim nunc B. Virgo, ijs quæ dicta sunt, prophetiam, vt in argumento ex Iren. diximus, de Ecclesia subtexere, & ait:

Cypr de sin
gul. cleric.
lib. 15.

6. *Fecit potentiam in brachio*. i. cooperante sibi filio suo. Quam quæso? *Dispersit* per orbem terrarum *superbos*. i. Iudæos incredulos, qui spreuerunt, & ignominia affecerunt, vt in Psal. 14. diximus, consiliū Christi inopis. *Mente cordis sui*, siue, mente cordis ipsorum, *Sui* enim non ad dispergentem, sed ad *superbos* referendum esse Græca requirunt. Sensus ergo est. *Dispersit superbos* per ipsa sua, quæ pro appetitu cordium suorum, inibant consilia. An non id apparuit in Iudæis, qui per id ipsum consilium quo locum & gentem conseruare, Christum è medio tollendo, consultabant, euerfi, sedibus suis pulsi, & per vniuersum orbem terrarum sapiente etiam Dei, de quo in Psal. 56. diximus, consilio dispersi sunt? Deus enim, in hoc suam, sine violentia, manifestans potentiam, adduxit, vt ait Iob, consiliarios hos in stultum finem & iudices in stuporem.

7. *Deposuit potentes*. i. Iudæorum vtriusque ordinis principes, qui contra Christum, vt in Iacob cum Angelo luctante præfigurabatur, fortes fuerunt, & autoritate sua valuerunt populum, ad postulandum præ Barraba, Christum, inclinare. *De sede Principatus & sacerdotij, Et exaltauit humiles*. i. Gentilem populum, prius abiectum, in regnum suum, atque adeo regale sacerdotium exaltauit, adducens Iudæos ad æmulationem in non gentem, in gente stulta irritans eos. Si tamen cum D. Greg. per [*humiles*] hoc loco intelligere malueris eos qui humiles sunt virtute, dicendus erit Deus exaltasse humiles, quia ad prædicta exaltauit gentiles, prius à se, vt Tertull.

Greg. li. 6.
in 1. Reg
cap. 2.

voce

voce utar, humiliatas. In Ecclesia enim quæ hoc tempore gentium est, canitur hoc canticum graduum, ut non nisi per humilia ad altiora deueniatur.

Esurientes gentiles, de quibus Psal. 106. dictum est, *Esurientes & siti-entes*, anima eorum in ipsis defecit, *impleuit bonis*, In loco enim pascuæ eos, ut suo loco diximus, collocauit. *Et diuites*, qui arbitrabantur se sibi ad iustitiam cum cognitione legis ac literæ sufficere, *Dimisit*, ut erant, *inanes*, Præsumptio enim, quam diximus, eos inflatos faciebat, non oppletos, eos autem Dominus in illa inanitate reliquit. Quæ Dei misericordia, atque iudicium, in his duobus populis sic locum inuenit, ut tamen in omni gente & populo, eadem superbis, potentibus, diuitibus, humilibus, esurientibusque à Deo omni tempore eueniant; Hoc tamen loco de Iudæis & gentibus expressè prophetata sunt, ut omnes diuinum propositum, iudicium atque consilium, in suo, qui in populis istis cernitur, effectu, clarius conspiciant, amplectantur & contremiscant. Ergo Verba hæc B. Virginis, de Iudæorum & gentium sortibus, enarrationis, ut ex Tertull. subinde diximus, continent proprietatem, nobis verò omnibus constituunt admonitionis exemplum. Sed nunquid in æternum proijcet Deus, aut misericordiam suam abscindet à generatione in generationem? Absit, quia *Suscepit Israel* secundum carnem, *Puerum suum*, Israel enim à gētis ipsius prima & quasi puerili ætate populus Domini fuit, q. d. In gratiam atq; ad misericordiam suscepit Israel, qui à puero ei dudum adhæserat, & in quem ipse ab eo tempore beneficus extiterat; post longa quædam obliuia, *recordatus* tandē *misericordiæ suæ*,

Sicut locutus est ad patres nostros: Abraham & semini eius. s. locutus est, Sicut enim [memoror] ut in Cant. Zach. diximus, ita & [loquor] utrūque regit casum, *in sæculis*, Quid autem aliud hic dicit prophetissa, quam quod Psalm. 97. Recordatus est misericordiæ suæ & veritatis suæ domui Israel? Recordari enim *misericordiæ sicut locutus est*, est recordari misericordiæ & veritatis suæ, quia misericordia quæ secundum promissa conceditur, Veritas est. Dominus autem, per omnia sæcula locutus est Abraham & semini eius, quod tandem circa nouissima tempora exhiberet misericordiam Israeli secundum carnem, per multa prius sæcula abiecto. Et quidem id dixit siue insinuauit Deus Abraham, cum per os eius diceret seruis eius, Ego & puer postquam adorauerimus reuertemur ad vos; His namque verbis nil aliud, si D. Cyrill. credimus significauit, quam Deum ex Iudæis ad tempus recessurum, in finemque sæculi ad eos rediturum, cum in Christum ipsi crederint. Hæc Cyrill. Locutus est idem Deus Semini Abraham per omnia penè & singula sæcula, Per Moysen quidem, In nouissimo autem tempore reuerteris ad Dominum Deum tuum, & audies vocem eius, *Quia Deus misericors*

8.

9.

D. Cyr. l. 7.
in Genes.

Deuter 4.

sericors Dominus Deus tuus, Non dimittit te neque omnino dolebit, neque obliuiscetur pacti in quo iurauit patribus tuis. Per Annam matrem Samuelis, vt audiuius in eius Cantico. Per Azariam filium Oded: Transibunt multi dies in Israel absque Deo vero, & absque sacerdote, doctore atque lege, Cumque reuersi fuerint de angustia sua ad Dominum Deum Israel atque qua fuerint eum, reperient eum. Per Isaia: Filij tui proiecti sunt, dormierunt in capite omnium viarum pleni indignatione Domini, increpatione Dei tui, Idcirco audi hoc paupercula & ebria non à vino, Hæc dicit Dominator tuus Dominus, qui pugnavit pro populo suo, Ecce tuli de manu tua calicem soporis, fundum calicis indignationis meæ, non adijciet vt bibas illum vltra. Per Ieremiam, Est spes nouissimis tuis. Similiter per Ozeæ: Quasi diluculum preparatus est egressus eius, quia Euangelica prædicatio ante omnia preparabatur Iudæis, Et veniet nobis quasi inber temporaneus & serotinus terræ, quia eadem prædicatio seorsum adferet fecur ditatem Iudæis. Denique, ne prolixior sim, per Zachariam; Effusam super domum David & super habitantes Ierusalem spiritum gratiæ & miserationis, & aspicient ad me quem confixerunt. Ex his itaque patet quod per omnia sæcula Deus locutus sit recordari tadem Israel; & satis aducitur quod nam id quod B. Virgo dicit *in sæcula* ielerendum sit.

Canticum Simeonis. Luca 2.

Simeon iustus & timoratus, tempore quo implebantur dies Purgationis Mariæ secundum legem Moyfi, veniens in spiritu in templum; Et è manibus B. Mariæ, vt in Canticum Zachariæ ex Irenæo diximus, accipiens puerum Iesum in manibus, gratias agens, benedixit Deum, & dixit:

1. *Nunc dimittis*, Videtur Simeon supra naturæ suæ corporeæ facultatem, diuinitus in vita ab aliquo tempore fuisse conseruatus, vsque dum videret Christum Domini; Quo viso, quasi alterius virtute contra propriam senilis naturæ inclinationem hætenus sustentatus, *dimittis*, inquit, nunc siue ab hac hora *seruum tuum*, vt secundum propriam mortalis corporis inclinationem decidat in mortem, quam hætenus auertisti. *Secundum verbum*, id est, responsum tuum. Non enim vltra hoc tempus se extendit sustentationis tuæ erga me promissio; Relinquis tamen, *in pace*. Dicendo, *in pace*, asseruit, inquit diuus Ambrosius, viuendi cupiditatem sibi aliam non fuisse, nisi vt Christum videret. Arbitror proinde hunc iusti viri sermonem, potius esse, cum bona animi pace, consentientis, & diuinæ, qua eum à dissolutione vltius conseruare nolebat, voluntati acquiescentis,

Amb. in pf.
118 serm.
20 v. 1.

scentis, quàm orantis: quanquam D. Ambros. eum interpretetur esse orantis.

Quia, ad magnam animi mei & lugentium Sion consolationem, *viderunt oculi mei*, corporei, *salutare tuum*, id est, Christum, mihi prius fide cognitum: Quem, quia ab æterno tuus erat, dedisti, & secundum carnem fecisti, humanæ salutis authorem & consummatorem. Celsus interim author præfationis in altercationem Iasonis & Papisei tomo 3. Cypriani, hanc senis exultationem refert, non ad id quod simpliciter viderit Christum, sed quod ex corporea cæcitate, per contactum Christi redditis sibi luminibus, geminato beneficio viderit Christum: Simeon, inquit, iustus, cum in cæcitate constitutus in manibus acciperet Christum, vidit, Et quod cæcus, à Domino sibi responsum dante audierat, & accepto lumine viderat, benedicendo palam, Deum prædicabat. Quam eius sententiam commemoratione saltem dignam arbitratus sum.

Quod præparasti. Parasti, inquit, Nondum enim Deus in Christi prædicatione, conuersatione, miraculis, passione aut morte, operatus erat salutem in medio terræ, sed per incarnationem eum ad hoc, iam carne, mente, personæ dignitate parauerat, *ante faciem*, id est, notitiam, *omnium populorum*. In primis Iudæorum. Hi enim Christum infantem in suis pastoribus, & etiam in templo, contestantibus Angelis, & omni ætate, sexu, hominumque conditione coràm viderunt. Quin & gentium; Verbum enim caro factum, sic susceptionis nostræ, inquit D. Leo, temperauit exordia, vt iam ab eius natiuitate cæli enarrarent gloriam Dei, & in omnem terram sonus veritatis exiret, quando & magos ad eum adorandum præuia stella perduxit, vt à solis ortu vsque ad occasum, veri regis generatio coruscaret, cum rerum fidem & regna Orientis per magos discerent, & Romanum imperium non lateret. Hæc Leo. His ergo modis parauit Deus salutare suum ante faciem omnium populorum: Sicut enim Deus Christum per incarnationem præparauit in redemptionem, ita & per has eius apparitiones præparauit omnes populos, vel, saltem argumentum præbuit omnibus populis, vnde postmodum Christi conciperent fidem. Parauit, inquam, eum, vt sit,

Lumen ad reuelationem gentium. i. vt per illuminationem gratiæ suæ dicat gentili populo sedenti in tenebris & umbra mortis; Reuelamini, & de tenebris densissimis ad lucem veritatis, vt cum Tertull. loquar, expauescite. *Et gloriam plebis tuæ Israel*. Magnum enim decus, magnamque gloriam attulit Christus Israeli, per id quod ex eo, in salutem totius mûdi, assumpsit carnem. Cuius gloriæ meminit Apostolus, cum dicit; Optabam ego ipse esse anathema à Christo pro fratribus meis, quorum adoptio est

P p p p filio-

Eccle. 12. filiorum, & gloria. Itaque & ego anno ætatis meæ quinquagesimo primo cum sancti senis Simeonis Cantico, dimitto lectorem in pace; Non quasi dicere ei velim, his amplius fili non requiras, Ego ipse enim non dubito in his multa circa sermonem, multa circa explicandi rationem, multa quoad rerum vbertatem desiderari posse; Quocirca verbis D. Augustini *Aug. 15. de Trinis. in ca'ce.* admonitus & instructus, conuerto me ad Dominum, qui est sapientiæ dux & sapientium emendator, & dico, Domine Deus vnus, Deus Trinitas, quæcunque in hac expositione mea dixi de tuo, agnoscas tu, agnoscant & tui; Si quæ de meo, agnoscas tu, agnoscant & tui.

AMEN.

Errata huius libri quomodo corrigenda.

Psalmo 7. versu 11. linea 11. pro iri, lege, esse. Psal. 11. v. 1. li. 4. qu. le. quæ. Ps. 12. v. 3. l. 2. ipsi, l. ipse. Ps. 17. v. 47. li. 2. quemadmodum; quem nō. Ps. 21. v. 13. l. 1. crude; crudeli. Ps. 21. v. 29. l. 9. de qua cogitabat, le. de qua non cogitabat. Ps. 30. v. 15. l. vlt. obseruanti; obseruati. Ps. 35. v. 10. l. 11. fonte; fonti. Ps. 64. v. 8. l. 11. fuit; sunt. Ps. 70. v. 7. l. 34. arenea; aranea. Ps. 78. v. 13. l. 11. qui; cui. Ps. 85. v. 12. l. 4. lūbi; lymbi. Ps. 101. v. 28. l. 11. & prateritū trāsīt; & in prat. transit. Ps. 118. v. 38. l. 1. verbo; seruo. Cant. B. Mar. v. 9. l. 17. dimittit; dimittet: ibid. dolebit; delebit.

INDEX SCRIPTURARVM

VTRIVSQUE TESTAMENTI HOC

LIBRO EXPLICATARVM.

Primus numerus Psalmum, secundus versum designat.

GENESIS.		28. Deorsum verò ad pedes eius tunice per circuitum mala punica ex Hyacintho. &c. mixtis in medio tintinnabulis & non moriatur. 20.4.
Cap. 1. Fiat lux. Psalmo 44. versu 1.		
2. Ecce Adam quasi vnus ex nobis factus est. Psal. 2. ver. 4.		
3. Adam vbi es. 2. Cant. Moyfi, v. 39.		32. Peccauit populus tuus quem eduxisti. 2. Cant. Moyfi. 12.
Collocauit Deus Cherubim, & flammeū gladium ad custodiendam viam ligni vitæ. p. 23. v. 7.		LEVITICVS.
4. Posuit Deus in Cain signum. p. 39. v. 11.		14. Hic est ritus leprosi, adducetur ad sacerdotē qui egressus de castris, &c. Cāt. Aba. 19.
Vt non interficeret eum omnis qui inuenisset eum. p. 58. v. 11.		NUMERI.
Ipse cepit inuocare nomen Domini. 13. 9.		16. Sufficiat vobis quod omnis multitudo sanctorum est. 105. 17.
8. Odoratusque est Dominus odorem suauitatis. p. 49. v. 14.		23. Clāgor victoriæ regis in Israel est. 3. in arg. DEUTERONOMIUM.
15. Et apparuit elibanus fumans. p. 20. v. 9.		4. In nouissimo autem tempore, reuerteris ad Dominum Deum tuum, & audies vocem eius. Cant. B. Mariæ. 9.
17. Sic erit semen tuum. Cant. Zach. v. 8.		7. Deus fortis & fidelis reddens odientibus se statim. &c. 7. 14.
18. Quam terribilis est locus iste. p. 88. v. 8.		28. Si timueris terribile nomen Dei. 5. 14.
19. Versa est in statuam salis. 70. 19.		32. Pars autem Domini populus eius. 49. 8.
22. Nunc cognoui quod timeas Dñm. 138. 14.		Ignis succensus est in furore meo, & ardebit vsque ad inferni nouissima. 96. 3.
27. Qui benedixerit tibi sit bened. &c. 36. 23.		33. Omnes sancti in manu illius sunt. 30. 6.
32. Ipse verò claudicabat pede. 17. 48.		IOSVE.
39. In ipsa effusione infantum vnus protulit manū, in qua obfretrix ligauit coccinū dicens, iste regredietur prior &c. 70. 18.		2. Domus enim eius (Raab) hærebat muro. p. 71. v. 16.
48. Deus qui pascit me ab adolescentia mea, Angelus qui eruit me de cunctis malis. p. 117. v. 15.		10. Ite & ponite pedes super colla regum istorum. 46. 3.
49. Quis suscitabit eum? 56. 11.		IUDICVM.
Benedictiones patris tui confortatæ sunt super te benedictionibus patrum tuorum. 19. 1.		6. Si ros in solo vellere fuerit, & in omni terra siccitas. 71. 6.
EXODVS.		7. Dedit tubas in manibus eorum, lagenasque & lampades in medio lagenarum. Cant. Abacuc. 11.
Cap. 7. Ecce constituit Deū Pharaonis. 46. 9.		11. Hæres in domo patris nostri esse non poteris, quia de adultera matre es. 68. 11.
14. Quid clamas ad me. 16. 1.		I. REGVM.
19. Vos ipsi vidistis quomodo portauerim vos super pēnas aquilarū. 2. Cant. Moyfi. 16.		16. Prouidi in filiis Isai mihi regem. 26. in arg. III. REGVM.
20. Vt sis longæuus super terram. 22. 9.		2. Non confundas faciem meam. 43. 18.
22. Applicabitur ad Deos. 81. 1.		Pppp ij 21. Vc.
23. Ecce ego mitto angelum meū ante te, &c. & est nomen meum in illo. 67. 8.		
Emittens crabrones prius qui fugabūt Heuæum, &c. 43. 3.		

INDEX

21. Venundatus est (Achab) vt faceret malum. psal. 43. vers. 18.

IIII. REGVM.

2. Fiat in me spiritus tuus duplex. 67. 19.
Rem difficilem postulasti. 16. 2.

II. PARALIPOMENON.

15. Transibunt multi dies in Israel, absque Deo vero & absque sacerdote. Cumque reuerſi fueritis, &c. Cant. B. Mariæ. 9.

TOBIAS.

2. Manifestè vana facta est, spes tua. 24. 2.

ESTER.

7. Aman obstupuit vultum Regis & Reginae ferre non sustinens. 33. 16.

IOB.

Cap. 3. Cur lactatus vberibus. 9. 24.

6. Sagittæ Domini in me sunt, quarum indignatio ebibit spiritum meum. 37. 2.

7. Si dormiero dico quando confurgam? & rursum expectabo vesperam, & replebor doloribus. 29. 6.

Suspendiū elegit anima mea. Cāt. Aba. 25.

9. Si flagellat occidat semel, & non de pœnis innocentum rideat. 4. 5.

14. Constituisti terminos eius, qui præteriri nō poterunt. 38. 7.

16. Facies mea intumuit à fletu, & palpebræ meæ caligauerunt. 87. 9.

17. Libera me Domine & pone me iuxta te, & cuiusvis manus pugnet contra me. 3. 6. & 98. 1.

19. Spoliavit me gloria mea, & quasi euulsæ arboris poluit spē meam. Cāt. Annæ. 10.

21. Erunt sicut paleæ ante faciem venti, & sicut fauilla quam turbo dispergit. 1. 5.

29. Expectabant me sicut pluuiā, & aperiebāt os suū sicut ad imbrē serotinū. 64. 9.

30. Nunc in eorum canticū versus sum. 68. 15.
Mutatus es mihi in crudelem, & in duritia manus tuæ aduersaris mihi. 17. 29.

41. Omne sublime videt. 17. 30.

PROVERBIA.

Cap. 1. Frustra iacitur rete ante oculos penitatorum. 56. 9.

Ego quoq; in interitu vestro ridebo. 51. 6.

7. Occurrit illi mulier in ornatu meretricio, præparata ad decipiendas animas. 11. 4.

8. Delectabar per singulos dies, ludens coram eo omni tempore, &c. 26. 8.

Delitiæ meæ esse cum filiis hominū. 59. 6.

9. Misit puellas vt vocaret ad arcē, & mœnia ciuitatis, si quis est paruulus, &c. 71. 16.

10. Non affliget Dominus fame animam iusti. p. 36. v. 26.

16. Spirituum ponderator est Dominus. 32. 15.

21. Appendit corda Deus. 32. 15.

ECCLESIASTES.

Cap. 3. Tempus omnis rei tunc erit. 72. 17.

4. Si vnus ceciderit, ab altero fulciatur. 61. 3.

7. Ne impiè agas multum, & noli esse stultus ne moriaris in tempore non tuo. 54. 27.

9. Omni tempore sint vestimēta tua candida, & oleum de capite tuo nō recedat. 22. 7.

Virum ex mille vnum reperi, mulierem ex omnibus non inueni. 17. 19.

10. Væ terræ cuius principes mane comedunt. 51. 9.

CANTICVM CANTICORVM.

1. Nolite me cōsiderare, quod fulca sim. 47. 12.

2. Ordinavit in me charitatem. 142. 11.

3. Egredimini filia Sion & videte regem Salomonem. 20. 3.

8. Ego murus & vbera mea sicut turris. 47. 11.
Mille tui pacifice & ducenti his qui custodiunt fructus eius. 126. 1.

SAPIENTIA.

Cap. 1. Quod continet omnia scientiam habet vocis. 93. 9.

In cogitationibus impij interrogatio erit. p. 10. v. 6.

2. Improperat nobis peccata legis. 2. 2.

Deus creauit hominē inextiminabile. 1. 6.

5. Ibunt directæ emissiones fulgurum, & à bene curuato arcu nubium exterminabuntur. 96. 4.

7. Est enim in illa spiritus intelligentiæ vnicus, multiplex. 4. 9.

12. Est Deus partibus iudicās. 2. Cāt. Moyſi. 50.

ECCLESIASTICVS.

Cap. 3. Ne iudices contra iudicem iustè enim iudicat. 82. 1.

10. Initium omnis peccati superbia. 35. 12.

11. Error & tenebræ peccatoribus concreta sunt. 37. 10.

Benedictio Dei in mercedem iusti festinat & in honore veloci processus illius fructificat. 14.

13. Noli esse humilis in tua sapientia. 35. 3.

15. Nō.

15. Nominē æterno hæreditabit eum. 51.9.
 18. Non est inuenire magnalia Dei, cum consummauerit homo tunc incipiet. 8.
 19. A facie verbi parturit fatuus. 54.2.
 Est iustus qui se nimium submittit à multa humilitate. 38.3.
 21. Verba prudentum statim ponderabuntur. 36.32. & 61.9.
 22. Quis dabit ori meo custodiam & super labia mea signaculum certum. 38.3.
 25. Beatus qui enarrat iustitiā auri audiēti. 18.2.
 26. Omnis ponderatio non est digna continentis animæ. 128.3.
 32. Hora surgendi ne te trices. 118.97.
 33. Sapientiā scribe in tēpore vacuitatis. 45.10.

ISAIAS.

- Cap. 1. Derelinquetur filia Sion, vt vmbraclū in vinea & sicut tugurium in cucumenario, & sicut ciuitas quæ vastatur. 78.1.
 2. Conflabunt gladios suos in vomeres. 45.9.
 Et eleuabitur Dñs solus in die illa. 96.10.
 Quiescite ab homine cuius spiritus in naribus eius est, quia excelsus ipse reputatus est. p. 112. v. 4.
 3. Agnitio vultus eorū respondebit eis. 43.18.
 Dominus ad iudicādum venit cum senibus populi sui. p. 67. v. 37.
 6. Vidi Dominum sedentem super folium excelsum elenatū, &c. Cant. triū puer. 20.
 Seraphim duabus alis velabant faciem eius, & duabus velabant pedes eius, & duabus volabant. p. 17. v. 12.
 8. Et accessi ad prophetissam. Cant. B. Mariz in argumento.
 Abiecit populus iste aquas Siloe quæ vadunt cum silentio. p. 9. v. 7.
 Cōgregamini populi & vincemini. 32.10.
 Ecce ego & pueri mei, &c. in signum & portentum Israel, &c. 85.16.
 Et nō poterit auolare de angustia sua 34.3.
 9. Omnis violenta prædario cum tumultu & vestimentum mistum sanguine erit in combustionem & cibus ignis. 45.9.
 12. Haurietis aquas in gaudio de fontibus saluatoris. p. 17. v. 17.
 13. Dies Domini venit crudelis & indignationis plenus. p. 6. v. 1.
 14. Requiescere eos faciam super humum suam. p. 68. v. 40.

Eterunt capientes eos qui se ceperant & subijcient exactores suos. 2.9. Item cum multis seqq. 124.3. & 136.12.

Quomodo cessauit exactor, &c. Cantie. Abacuc. ver. 21.

Si non vt mente tractauit ita eueniet vt cōteram Assyrium in terra mea & in montibus meis conculcem eum. 75. in arg. 102.19.

18. Ite angeli veloces. 102.19.

19. Dominus ascendet super nubem leuē. 88.7.

Clamabunt Agyptij ad Dominum. 9. 12.

24. Eterit sicut populus sic sacerdos. 81.7.

Dispatione dissipabitur terra. 67.1.

Formido & fouea & laqueus super te qui habitator es terræ. 10.7. & 67.1.

Grauaabit eam iniquitas sua. 37.4.

25. Domine confitebor nomini tuo, &c. quia posuisti ciuitatē in tumulum, &c. 9.6.

Super hoc laudabit te populus fortis. 28.10.

Faciet Dominus in mōte hoc conuiuium pinguium, &c. p. 67. v. 3.

26. Vrbs fortitudinis nostræ Sion saluator ponetur in ea murus & antemurale. 17.3.

Ciuitatem sublimem humiliabit. 74.10.

Anima mea desiderauit te de nocte. 62.2.

Domine possederunt nos Domini absque te. 78.12.

27. In die illa visitabit Dominus super Leuiathan, &c. serpentē veſtē. Cat. Abac. 20.

28. Pedibus conculcabitur corona superbiæ ebriorum Ephraim. p. 17. v. 45.

Ecce ego mitto in fundamentis Sion lapidem probatum angularem. 39.3.

Alienum opus eius vt operetur opus suū. p. 9. v. 12.

Cōsummationem & abbreviationem audiui à Domino Deo super omnem terram. 96.1.

29. A Domino exercituum visitabitur in tonitruo & commotione terræ & voce magna turbis, &c. 82.14.

Sicut tonniat eluens & comedit, cum autē expergescit fuerit vacua est anima eius, & sicut tonniat sitiens, &c. 38.9. 72.20. & 75.5.

Non modò confundetur Iacob, sed cum viderit filios tuos opera manuum mearum sanctificantes nomen meum, v'q; ad finem cap. 58.15.

ad finem cap. 58.15.

Pppp iij 30. Cu.

I N D E X

30. Subito dum non speratur veniet contritio eius, & comminuetur sicut conteritur lagena figuli contritione perualida, & non inuenietur de fragmētis, &c. 39. 2.
- Si reuertamini & quiescatis salui eritis & dixistis: Nequaquam, sed ad equos fugiemus. 32. 17.
- Secundum translationem* 70. Cum conuersus ingemueris saluus eris. 6. 3.
- Erit lux Lunæ sicut lux Solis, & lux solis erit septemplex. 96. 2.
- Canticum erit vobis sicut vox sanctificatæ solennitatis: & lætitia cordis, sicut qui pergit cum tibia, vt intret in domum Domini. 44. 17.
- In bellis præcipuis expugnabite eum. 34. 1.
- Præparata est ab heri Tophet à rege &c. p. 10. v. 7.
33. Diuitiæ salutis sapientia & scientia, timor Domini ipse est thesaurus eius. 30. 13.
- Nunc confurgam, nunc exaltabor, nunc subleuabor dicit Dominus. 67. 1.
- Oculi tui videbunt Hierusalem habitatio nem opulentam, tabernaculum quod nequaquam transferri poterit. 14. 1.
- Nec dicet vicinus elangui. 67. 38.
34. Et omnis militia caelorum defluet, sicut defluit folium de vinea, aut ficu. 96. 5.
- Inebriatus est in caelo gladius meus, Ecce super Idumæam descendet. 62. 9.
- Erit ibi cubile draconum, & pascua struthionum, &c. Cantic. Ezech. 3.
35. Redēti à Dño veniēt in Sio cū laude. 99. 4.
37. Venerūt filij vsque ad partum, & non erat virtus pariendi. 1. 3.
- Post te mouit caput filia Hierusalē. 43. 16.
40. Exsiccatum est scænum & cecidit flos, quia spiritus Domini sufflauit in illo. 71. 16.
- Equidem neque plantatus, neque satius, neq; radicans in terra truncus eorū. 1. 5.
- Deus sempiternus Dominus. 8. 1.
41. Suscepit te dextera iusti mei. 28. 18.
42. Tacui semper silui semper, quasi parturiens loquar, dissipabo & absorbebo simul. 49. 2.
43. Dicam Aquiloni da & Austro, noli prohibere. 47. 11.
- Omnem qui inuocat nomen meum, in gloriam meam creauit. 28. 2.
44. Neque dicet: forsitan est mendacium in dextera mea. 713. 16.
- Ecce puer meus suscipiā eū, &c. 17. in arg.
45. Israel autem saluabitur in Domino. 24. 8.
46. Qui portamini ab ytero meo, qui gestamini à vulua mea. 21. 15.
- Vsq̃ue ad senectam ego ipse, & vsque ad canos ego portabo. 54. 27.
49. Posuit me quasi sagittam electam. 17. 16.
- In vacuum laboraui & sine causa fortitudinem meam cōsumpsi, ergo iudicium meum cum Domino. 58. 4.
- Super vias pascuntur & in omnibus planis pascua eorum. 36. 3.
- Ecce leuabo ad gentes manum meam, &c. & afferēt filios tuos in vlnis. 28. in arg.
- Reges & reginæ vultu in terram demisso adorabunt te. 44. 14. & 46. 3.
50. Ecce in iniquitatibus vestris venditi estis. p. 43. v. 14.
- Ideo posui faciem meam vt petram durissimam. 68. 10.
- En vos omnes accendentes ignem accenditi flammis, &c. 28. 7.
51. Filij tui proiecti sunt, dormierunt in capite omnium viarum pleni indignatione Domini, &c. Idcirco audi pauperula & ebria non à vino, & seqq. Cant. B. Mar. 9.
52. Gratis venundati estis. 43. 14.
- Ego ipse qui loquebar ecce adsum. 86. 4.
- Ecce intelliget seruus meus exaltabitur, & eleuabitur & sublimis erit valde. 111. 4.
53. Vidimus eum & non erat aspectus. 21. 6.
- Nos putauimus eum leprosum & percussim à Deo. p. 7. v. 3.
- Propter scelus populi mei percussi eum. p. 68. v. 32.
54. Vt mulierem derelictam & mœrentem spiritu, &c. 101. 14.
- Ecce ego sternam per ordinē lapides tuos, fundabo te in Sapphiris, &c. 101. 15.
55. Ecce gentes quæ te non nouerunt ad te current. p. 58. v. 6.
59. Telas aranæ texuerunt. 70. 7.
- Rugiemus quasi vrsi omnes, & quasi columbæ meditantes gememus. Cantic. Ezechia, vers. 9.
- Vidit Dominus & malū apparuit in oculis eius, quia nō est iudiciū & seq. 102. 11.
- Pro eo

SCRIPTURARVM.

60. Videbit & affluet & mirabitur & dilatabitur cor tuum. 44. 17.
Pro eo quod fuisti derelicta & odiohabita ponate in superbiam seculorum. 86. 2.
61. Spiritus Domini super me, &c. vt ponere lugentibus, & darem eis coronam pro cinere, &c. 6. in arg. & 19. 14.
Vocabuntur in ea fortes iustitiae plantatio Domini ad glorificandum. 28. 10.
Stabant alieni & pascunt pecora tua. 2. 10.
62. Super muros tuos Hierusalem, constitui custodes, &c. 47. 11.
Iurauit Dominus in dextera sua. 88. 35.
63. Abraham nesciuit nos. 73. 10.
65. Isti fumus erunt in furore meo, ignis ardes tota die. 67. 2.
66. Terra scabellum pedum meorum. 17. 11.
Ecce ego declino super Hierusalem quasi fluium pacis, & quasi torrem in inundantem gloriam gentium. 28. 9.
Erit sabbatum ex sabbatho. 23. in arg. & 92. in argmento.

IEREMIAS.

- Cap. 1. Ollam succensam ego video, & faciem eius a facie Aquilonis. 59. 8.
2. Foderunt cisternas dissipatas quae continere non valent aquas. 10. 1.
Nunquid solitudo factus sum Israeli, aut terra ferotina. 101. 3.
3. Sanabo auersiones vestras. 89. 3.
Veremendaces erant colles & multitudo montium. 64. 3.
6. Vae nobis quia declinavit dies, quia factae sunt longiores umbrae vesperi. 58. 7.
Vt quid mihi thus de Saba affertis, & infra non praecepi vobis de verbo holocaustum. 49. 14.
11. Eradamus eum de terra viuentium, & nomen eius non memoretur amplius. 20. 4.
12. Facta est mihi hereditas mea quasi leo in silua dedit contra me vocem suam. 27. 13.
15. Vae mihi mater mea quid me genuisti, &c. Non foeneraui, &c. Si non reliquiae tuae in banum. 58. 6.
17. Maledictus homo qui ponit carnem brachium suum. 36. 18.
Erit tanquam lignum quod transplantatur super aquas, quod ad humorem mittit radices suas. 1. 3.

- Perdix fouit quae non peperit, collegit diuitias & non in iudicio in medio dierum derelinquet eas. 54. 27.
Non sis tu mihi formidini. 55. 3.
18. Descendi in domum figuli & ipse faciebat opus super rotam, &c. & dissipatum est vas, &c. p. 2. v. 9.
Dorsum & non faciem ostendam illis. 20. 12.
20. Audiui terrorem in circuitu ab omnibus viris, qui erant pacifici mei, & quicquid stodiebant latus meum. 70. 11.
23. Quid paleis ad triticum. 11. 7.
30. Applicabo eum & accedet ad me. 9. 9.
31. Est spes nouissimis tuis. Cant. B. Mar.
Reuertere virgo Israel ad ciuitates istas tuas. p. 68. v. 40.
Benedicat tibi Dominus pulchritudo iustitiae mons sanctus. 47. 10.

THRENI.

- Cap. 1. Viderunt eam hostes & deriserunt sabbatha eius. 43. 18.
Peccatum peccauit Hierusalem, propterea instabilis facta est. 34. 21.
Deposita est vehementer non habens consolatorem. 58. 12.
Vigilauit iugum iniquitatum mearum. 78. 8.
2. Magna est velut mare contritio tua. 59. 2.
3. Factus sum in derisum omni populo canticum eorum tota die. 68. 15.
4. Amplexati sicut stercore. 2 Cant. Moyfi. 5.
Cumque non possent tenuerunt laciuias suas. 73. 6.
Iurgati quippe sunt, commoti sunt. 15. 8.

BARUCH.

3. Nos peribimus in aenum? 101. 13.

EZECHIEL.

1. Vnumquodque ante faciem suam gradiebatur. 44. 2.
4. Et sume tibi sartagine ferream. 44. 15.
13. Destruam parietem quem linistis absque temperamento. 140. 8.
Vae qui consunt puluillos sub omni cubito manus. 149. 8.
Mortificant animas quae non moriuntur, & viuificant eos qui non viuunt. 61. 9.
16. Transiens per te vidi te, conculcari in sanguine tuo, &c. 9. 12.
33. Vidit eos Pharaon & consolatus est super vniuersam multitudinem suam. 29. 1.
34. Et

INDEX

34. Et suscitabo super eos pastorem vnum, qui pascate eos, &c. 77.77.
 36. Ingressi sunt ad gentes, &c. cum diceretur de eis. Populus Domini iste est, & de terra eius egressi sunt. 43.18.
 37. Ossa hæc vniuersa domus Israel est. ipsi dicunt: Ossa nostra aruerunt, periit spes nostra, & abscissi sumus, &c. 67.7.

DANIEL.

- Cap. 3. Erue nos in mirabilibus tuis. 15.8.
 Et species quarti similis filio Dei.
 Cant. 3. puerorum. 2.
 4. Germē radicū eius in terra relinquit. 51.5.
 7. Aspiebam in visione noctis, & ecce cum nubibus cæli quasi filius hominis veniebat. p.71.v.2.
 Filius hominis vsq; ad antiquum dierum peruenit, & dedit ei potestatem, &c. & omnes gentes seruiunt ei. 21.31.
 Fluvius igneus rapidusq; egrediebatur à facie eius. p.147.v.6.

OZEAS.

1. Voca nomē eius absq; misericordia. 58.6.
 3. Non fornicaberis & non eris viro. 105.45.
 4. Maledictum, mendaciū, homicidium, furtum & adulteriū inundauerunt. 17.5.
 6. Quasi diluculum præparatus est egressus eius, & veniet nobis quasi imber temporaneus & serotinus terræ. p.64.v.8.
 & Cant. B. Mariæ, v.9.

IOEL.

2. Ante faciem eius ignis vorax, & post eum exurens flamma. p.96.v.3.

AMOS.

8. Et emittam famem in terram, non famē panis, neque sitim aquæ, &c. 58.17.

IONAS.

1. Mittite me in mare, & cessabit mare à vobis. p.68.v.19.

MICHAËS.

5. Pascant terram Assur in gladijs & terram Nemroth in lanceis. 70.12.
 7. Proiciet in profundum maris omnia peccata nostra. Cant. 1. Moyfi, argum.

NAHVIM.

1. Deus mundans non faciet innocentē. 16.9.

ABACVC.

1. Facta est contradictio potentior. 17.46.
 2. Super custodiam meam stabo. 38.1.

AGGAEVS.

2. Adhuc vnū modicum & ego mouebo cælum & terram. 45.6.
 Magna erit gloria domus huius, posterioris plusquam primæ. 86.2.

ZACHARIAS.

3. Auferte vestimenta sordida ab eo. 2.7.
 5. Et ecce talentum plumbi portabatur, & ecce mulier vna sedens in medio amphoræ. p.37.v.4.
 8. Apprehendent decem homines fimbriam hominis Iudæi, dicentes, ibimus vobiscum, &c. 136.12.
 11. Reliqui deuorent vnusquisque carnē proximī sui. 13.8.
 13. Super virum cohærentem mihi. 88.21.
 14. Stabunt pedes eius super montem Oliueti. p.67.v.36.

MACHABAEORVM.

3. Testes erunt cælum & terra, quod &c. 2. Cant. Moyfi. 1.
 4. Elegit Iudas sacerdotes voluntatem habentes in lege Dei. 1.2.

MACHAB. 2.

7. Tibi resurrectio ad vitam non erit. 1.6.

MATTHÆVS.

- Cap. 3. Appropinquauit regnū cælorum. 28.3.
 18. Dimitte vsque septuagies septies. 71.6.
 19. In regeneratione cum sederit filius hominis, &c. 2.7.
 21. Soluite & adducite mihi. 125.5.
 Super quæ ceciderit lapis iste, conteret eum. 101.11.
 22. Ligatis manibus & pedibus, &c. 149.8.
 23. Super cathedram Moyfi sederunt. 1.1.
 Facitis (profelytum) filium gehennæ duplo quàm vos. 75.13.
 27. Vt quid me dereliquisti? 3.1.

MARCVS.

3. Imposuit eis nomina Boanerges. 76.17.

LVCAS.

1. Vt conuertat corda patrum in filios. 73.10.
 10. Potestatem calcandi super serpētes & scorpiones. Cant. Abacuc. 8.
 12. Sint lumbi vestri præcincti. 17.34.
 13. Oportet me hodie & cras ambulare. 2.6.
 17. Dicite serui inutiles sumus. 118.112.
 21. Vt digni habeamini fugere ista omnia quæ futura sunt, & stare ante filiū hominis. 2.13.

IOHAN.

SCRIPTURARVM.

IOHANNES.

Cap. 1. Quod factum est in ipso vita erat.

Cant. Abacuc. vers. 2.

3. Illum oportet crescere, me autem minui.

p. 34. v. 31.

Qui non credit iam iudicatus est. 1. 6.

10. Per me si quis introierit, egredietur & in-
gredietur, & pascua inueniet. 22. 1.

Nō rapiet eas quisquā de manu mea. 30. 6

11. Ego sum resurrectio & vita, &c. 118. 17. &c.

142. 12.

13. Nunc clarificatus est filius hominis, &c.

p. 96. v. 12.

15. Nunc autem oderunt me & patrem meum. 22.

19. Os non comminuetis ex eo. 33. 20.

ACTA APOSTOLORVM.

2. Saluamini à generatione ista praua. 11. 8.

8. Pœnitere si forte remittatur tibi hæc ini-
quitas cordis tui, in felle enim amari-
tudinis, &c. 50. 7.

9. Fiducialiter agēs in nomine Domini. 11. 6.

10. Surge Petre, occide & manduca. 2. Cantic.

Moyfi. 21.

17. Quotidie erant scrutantes scripturas, si hæc
ita se haberent. 28. 7.

EPISTOLA AD ROMANOS.

1. Quia non probauerunt Deum habere in-
potitia. 13. 2.

3. Omnes peccauerunt & egent gloria Dei.

p. 18. v. 1.

4. Ei autem qui operatur merces imputatur,
non secundum gratiam, sed secundum
debitum. 105. 31.

Credenti in eum qui iustificat impium re-
putatur fides eius ad iustitiam secundum
propositum gratiæ Dei. 105. 31.

5. Vix enim pro iusto quis moritur, nam pro
bono forsitan quis audeat mori. 64. 16.

7. Ut fiat supra modum peccās peccatum per
mandatum. 77. in argumento.

8. Aestimati sumus sicut oves occisionis.

p. 43. v. 23.

10. Inuentus sum à non quærentibus me. 20. 8.

11. Electio autem est consecuta. 17. 29.

Non sic offenderunt ut caderent. 58. 12.

12. Si esurierit inimicus tuus ciba illum, hoc
enim faciens carbones ignis congeries
super caput eius. 118. 98.

4. Infirmum autem in fide assumite. 4. 3.

15. Dico enim Iesum Christum ministrum
fuisse circumcisionis propter veritatem
Dei. p. 118. v. 154.

PRIOR AD CORINTHIOS.

1. Græci sapientiam quærunt. 3. 3.

Christus factus est nobis iustitia. 4. 8.

4. Mihi autem pro minimo est, ut iudicer ab
humano die. 55. 3.

Veniet Dominus & illuminabit abscondi-
ta tenebrarum, &c. 1. 6.

6. Contemptibiles qui sunt in Ecclesia, consti-
tuite ad iudicandum. 118. 115.

15. Cum euacuauit omnem principatum.

p. 124. v. 3.

POSTERIOR.

4. Abdicamus occulta dedecoris. 77. 41.

Aporiamur, sed non, &c. 80. 7.

5. Eum qui non nouerat peccatum. 15. 11.

6. Angustiamini in visceribus vestris. 17. 39.

8. Quorum (Macedonum) altissima pauper-
tas abundauit in diuitias simplicitatis
eorum. 36. 27.

10. Arma nostra potentia Deo ad destructio-
nem munitionū ad destruē. &c. 28. 5.

AD EPHESIOS.

4. Ecclesiæ corpus per totum ex Christo com-
passum & connexum per omnem iun-
cturam subministrationis secundum,
&c. p. 132. v. 3.

5. Dilatamini & vos. 17. 39.

AD PHILIPPENSES.

1. Sicut est mihi iustum hoc sentire pro om-
nibus vobis. 7. 11.

Repleti fructu iustitiæ per Iesum Chri-
stum. 1. 3.

3. Non quod iam acceperim, aut iam perfe-
ctus sim. 16. 3.

AD THESSAL. II.

1. Iustum est enim apud Deū retribuere tri-
bulationē ijs qui vos tribulant & vobis
qui tribulamini requiem nobiscū. 30. 1.

3. Denuntiamus autem vobis fratres abstine-
re vos ab omni fratre ambulante inor-
dinatē. 100. 7.

AD TIMOTH. I.

4. Deus saluator omnium maximè fidelium.
2. Cant. Moyfi. 12.

5. Quorundam hominum peccata manifesta
sunt præcedentia ad iudicium. 1. 6.

Qqqq

AD HE-

INDEX

AD HEBRAEOS.

Cap. 1. Constituit heredem vniuersorum. 2. 8.
Et cum iterum introducit primogenitum
in orbem terræ. p. 96. v. 8.

2. Eum autem qui modico quam angeli mi-
noratus est. p. 8. v. 6.

5. Et consummatus factus est omnibus, &c.
psal. 68. ver. 1.

9. AEterna redemptione inuenta. 109. 5.

CANONICA IACOBI.

1. Glorietur frater humilis in exaltatione
sua. ps. 93. v. 19.

2. Qui in verbo non offendit, hic perfectus
est vir. 16. 3.

3. Lingua magna exaltat. 54. 13.

I. PETRI.

3. His qui in carcere erant spiritibus veniens
prædicauit qui increduli, &c. 105. 30.

4. Nemo vestrum patiatur vt fur aut male-
dicus. p. 53. v. 1.

IOHANNIS I.

1. Si confiteamur peccata nostra, fidelis est &
iustus vt remittat, &c. 43. 8.

IUDAE EPISTOLA.

Odientes eam quæ carnalis est maculatam
tunicam. 35. 4.

APOCALYPSIS.

Cap. 3. Suadeo tibi à me emere aurum igni-
tum. psal. 106. ver. 17.

5. Dignus est agnus qui occisus est accipere
diuinitatem. p. 71. v. 2.

6. Vsq; quo non vindicas sanguinem no-
strum. p. 7. v. 6.
Abscondite nos ab ira sedentis super thro-
num & ira agni. 54. 23.

9. Puteus abyssi. 54. 26.

12. Proiectus est accusator fratrum. 62. 10.
Absorbuit terra flumen quod misit draco
de ore suo. p. 2. v. 1.

13. Bestia quam vidi similis erat pardo, & pe-
des eius sicut pedes vrsi, & os eius sicut
os leonis. 73. 20.

18. Sussulit angelus fortis lapidem quasi mo-
larem magnum, & misit in mare, di-
cens, &c. 1. Cant. Moyfi argum.

19. Clamauit Angelus, dicens, omnibus aui-
bus quæ volabant per medium cæli,
&c. 2. Cant. Moyfi, ver. 36.

20. Hæc est resurrectio prima. ps. 29. in argu-
mento, & psal. 49. v. 4.

Infernus & mors dederunt mortuos suos.
psalmo 1. ver. 6.

21. Dominus Deus omnipotens, templū illius
(ciuitatis) est & agnus. p. 26. v. 8.



INDEX
EORVM QVÆ IN HOC OPERE
NOTATV DIGNIORA
VIDENTVR.

DEVS Abrahamæ promissit futuræ vitæ gloriam. Cant. Zach. versu 8.
Abstinencia à rebus à Deo in vsum hominum creatis cur colenda. Psalmo 23 v. 3.
Corpus Abstinencia extenuandum, vt obstaculum non ponat spiritui. ps. 62. v. 2.
Ad altare Dei qua dispositione accedendum. Psal. 42 ver. 4.
Adeps quid significet cum in bonum, quid cum in malum sumitur. 16. 11.
Adiectiua apud Græcos & Hebræos substantiuantur in feminino genere. 26. 7.
Adinventiones Dei quæ. Cant. Isaia, v. 3.
Admirabilem Domini non est numerus, & ob id Psal. 8. eodem versu inchoatur & finitur. ibidem.
Adoratio ianua est ad reliqua seruitutis opera. Psal. 94. ver. 6.
Adoratur Christus vt Deus in homine, & vt homo in Deo, tam ab angelis in die iudicii, quam ab hominibus nunc sedens in dextris Dei. Psal. 96. v. 8. & p. 98. v. 5.
Christus quo sensu vnica adoratione adorandus sit. p. 98. v. 5.
Aduersariorum beneficia eo iudicio æstimanda quo fratrum, nobisque tam accepta esse debere. p. 34. v. 17.
Deus aduersis miscet prospera, & in aduersitate constitutis tantū adfert consolationis quantū ipsa aduersitas prius attulit doloris. 93. 19.
Adulatores non quærun saltem eorum quibus adulantur, sed suo seruiunt ventri. 140. 9.
Adulatio in duos fines blanditur. 140. 6.
Adulatio ante prædicationem euangelij vel ubi iacet euangelium inter homines obtinet principatum. 140. 8.
Adulatio exhilarans quidem, sed est perniciofa. Psal. 140. ver. 6.
De Aegypto vt redimi propriè dicantur non Israelitæ sed Christiani. 135. 24.
Deus spolia Aegyptiorum concessit Israelitis in mercedem. p. 140. v. 36.

AEmulatio triplex iustis vitanda. 36. 1. 7. & 8.
Afflictio, labor & dolor perseverant cum homine vsque ad matutinum futuræ vitæ. 29. 6.
Amicus fraudulentus quantum malum. ps. 54. ver. 12. 13. 14. & 15.
Amicitiam iniquorum etiam iustis noxiam esse & declinandam. 138. 21.
Amor rerum secularium sexta saltem qua Christus venit ætate deferendus. p. 4. v. 4.
Angeli interfunt psallentibus, eorumque obseruant deuotionem. 137. 2.
Angeli spiritus sunt, angeli dicti cum mittuntur. ps. 103. v. 5.
Angeli & homines damnati, quadam ratione transibunt in bestias. Cant. Ezechia, v. 3.
Angeli siue illi spiritus sine siue prædicatores veritatis, ad captum hominum aptant verbum Dei. 102. 20.
Angelorum Christum in sua ascensione præcedentium, & item ianitorum mutua exhortatio & responsio. p. 23. v. 7 & 8.
Qui suo ministerio faciunt homines facere voluntatem Dei, dicuntur virtutes, & appellantur Angeli. 102. 21.
Deus ante Christum synagogam, & gentiles, Angelis vt curatoribus præcipuis subiecit, Ecclesiam vero altiore gratia gubernat. Cantic. Deuteron. ver. 11.
Boni homines ad patientiam nunquam exercetur opera bonorum Angelorum. 77. 54.
Sicut fumus apes ita graueolentia peccatorum ab hominibus fugat Angelos. 33. 7.
Angelus vnus velut quidam stipatorum exercitus. p. 33. v. 7.
Vnumquemque hominem Angelum habere protectorem. 90. 11.
Angeli nusquam scripturarum dii dicuntur & quare. ps. 81. v. 7.
Angeli Christo ascendent in montem Oliueti vsque occurrunt. 18. 7.
Anima incuruatur cum ad peccatum prouocata in ipsum affectu inclinatur. 56. 8.
Animam hominis conturbari cum ad semetipsum

Qqqq ij ipsam

INDEX

ipsam conuertitur, & rursus quietari cum ad Deum. psal. 41. v. 8.
 Anima cur appelletur vnica. p. 21. v. 21.
 Antichristi persecutio abbreviabitur. 124. 3.
 Antichristi tempore circundabunt impij castra Sanctorum. p. 117. v. 10. 11. 12.
 Inter Apostolos fuit ordo. 101. 15.
 Apostolorum verba & sonus siue dicendi modus per consanguinitatem apostolicæ doctrinæ atque sermonis in omnem terram exiit, non ipsi. 18. 4.
 Apostoli fontes & fundamēta Ecclesiæ. 17. 17.
 Apostoli cæli disci sunt & firmamentum. 18. 1.
 Aquæ quæ super cælos sunt, sunt elementares. p. 148. v. 4.
 Author negotij cuiusuis quis. 144. 18.
 Auxilia Dei & beneficia populo veteri temporali ter exhibita. p. 43. v. 3. 4. 5. 6. 7. & 8.
 B.
 Per Baptismum homines ad naturæ suæ primordia reformantur. ps. 113. v. 3.
 Cum per Baptismi sacramētum concupiscentia aufertur, exhibetur miraculū. Cant. Exodi. 4.
 Beatitudo in quo principaliter consistat. 35. 10.
 Beatitudo non potest consistere nisi in fruitione bonorum quæ perpetua sunt, & perpetuò adsunt. p. 145. v. 2.
 Beatitudo coniugatorum huius vitæ tempore describitur. p. 127. per totum.
 Beatitudinis primarium obiectum diuinitas, secundarium humanitas Christi. 26. 8. & 42. 4.
 Beatitudinem coniugatorum timētium Deum non esse omnibus vniuersalem. 127. 5.
 Beatitudinē hominis supernaturalē esse. 148. 13.
 Distant vera & falsa beatitudo obiecto gustu & tempore. p. 4. v. 8. & 9.
 Insaniuisse philosophos qui in summa præsentis vitæ calamitate se adhuc Beatos esse dicebant, eamque eorum sententiam ex superbia natam esse. p. 39. v. 6.
 Iusti in æterna Beatitudine per singulas partes ad memoriā reuocant iustificationis processum, in quo hic à Deo iustificati sunt, & deo Deo gratias agunt, ps. 96. v. 13. & similiter cantant ibi Canticum, ps. 124. & canticum Moyli, Exodi 15. ps. 123. v. 8.
 Bella quæ per Euangelij prædicationem ablata sunt, sunt gentiliū persecutiones. p. 45. v. 8. 9.
 Benedicunt Dominum quidam ore, alij in intimo affectu. p. 62. v. 4. 5. & 6.

Benedicunt Deus quod impartierit Christianis in afflictione positis dignum orationis affectum. p. 65. v. 19.
 Benedictiones dulcedinis in quibus Christus in se, præcipuè, verò in suis membris præuenitur, quæ. p. 20. v. 3.
 Diuinis Beneficijs dilectio rependenda est. 17. 1.
 Beneficia & præsidia quibus iustus ad salutem perducitur. psalmo 22.
 Vt humana Christi natura in eius conceptione ad personam Verbi traheretur, erat merè Beneplaciti diuini, vt autem in ea perseueret non item. 67. 17.
 Per Beneplacitū Dei se pariter saluatos esse omnes Sancti cōcorditer gratulantur. 149. v. 3. 4.
 Bona præsentis vitæ in speciem solummodo iucunda, hominesque ijs fruuntur velut per somnium. 72. 20. & 75. 5.
 Bonorum communio tam in hac quàm in futura vita prouenit ex mutua charitate. 121. 6.

C.

Calicis nomine retributio significatur, & subinde passio. p. 15. v. 6. 74. 7. & 115. 4.
 Cantica quæ in ore populi veteris passim versabantur, erant spiritualia. 136. 5.
 Cantica spiritualia prophanis auribus non occidenda. ibidem.
 Captiuitas humani generis triplex. 17. 5 & 6.
 Eos qui assunt Rom. Pontifici rectè dici Cardinales atque orbē sustinere. Cāt. Annæ. 13.
 Charitas Christi & Pauli quibusuis suis operibus multo amplior. p. 17. v. 39.
 Christi nomen pluribus commune. p. 104. v. 14.
 Christus certo consilio per generationes 76, in sinu Dei patris permansit, 77. in carnem descendit, eiusque causa. 71. v. 5. & 6. quia dilexit iustitiam & odiuit iniquitatem, & c. 44. v. 9. In medio decursu Ecclesiæ apparuit. 47.
 Christus Deus & tamen quadam ratione Deus, Deus Christi dicitur. 88. ver. 26.
 Christus Deus sed vt homo Spiritus sancto vnctus. 44. 9. sine præiudicio merito. 88. v. 20. 21. vnctus vero eidē vnctioni percipiendæ humanā naturā dedicauit & cōsecrauit, 8. 4. Ex omnibus alijs hominibus singulariter electus. 17. 1.
 Christus cur dicatur magnificentia Dñi. 8. v. 2.
 Christus fructus ventris Dauid. 131. v. 11.
 Christus cur de ventre matris dicatur extractus vel autus. 21. v. 9. primogenitus comparatione aliorum. 88. v. 18. & 27.
 Chri-

- Christus quoe modis in medio duorum anima-
lium apparuerit. Cant. Abacuc. vers. 3.
- Christus velut vir vagus & aduena propriū do-
micilium non habuit, nec lecto vsus est, re-
quiem capiti suo non permisit. 131. v. 3. 4. &
5. medicus fuit. 108. v. 15. absq; omni iniqui-
tate vixit & rexit, & ob id singulariter absq;
culpa passus est. 58. v. 4. quod peccare non
potuerit, supposito tribuendum est. 15. v. 8.
nostras tētationes & supplicia suscepit, vt eas
vinceret argumento psal. 3. & ps. 68. vers. 19.
& ariditas eius nostras absorbit tentatio-
nes. 21. vers. 16.
- Christus in oratione pernoctans preces, in psal-
mis descriptas Deo obtulit argum. in psal. 7.
orauit ne nomē suū extingueretur arg. ps. 27.
- Christus sacerdos secundum ordinem Melchi-
sedech secundum humanam naturam non
diuinam. 109. v. 5. tam ratione incarnationis
quam sacramenti Eucharistiæ factus est ho-
minibus panis Angelorum. 77. v. 29.
- Christus in passione sua pro diuini nominis glo-
ria filiali in Deum amore principaliter solici-
tus 87. v. 10. 11. 12. & 13. Deum præ oculis
semper habuit. 15. v. 8. non desperauit 68. v. 4.
nec poenas inferni sustinuit. ibid. v. 6. quate-
nus derelictus. 21. v. 1. prouocatus neque ta-
men de cruce descendens declarauit se vt ar-
cum æreum brachia habere. psal. 17. ver. 36.
morturus cur dixerit in manus tuas, &c. &
quomodo idem repetat Ecclesia in comple-
torio. 30. vers. 6.
- Christus in quo inferior angelis. 8. v. 6.
- Christi sanguis velut aqua effusus est. 21. v. 14.
- Christus moriendo dormiuit, triduo in morte
permanendo soporatus est. 3. v. 5. Tota ab in-
eunte ætate vita eius ad pretium nostræ re-
demptionis cōcurrit 87. v. 15. 16. 17. 18. & 19.
Infirmitate sua nostras infirmitates curasse
exemplis ostenditur. 40. v. 3. qua ratione pro
nobis satisfecerit. 3. v. 1. ad Limbum descen-
dit, vt liberaret sanctos veteris testamenti.
Cant. Zacha. v. 5. Descensus eius ad Inferos,
tametsi naturæ humanæ poenalis sit, ab eo ta-
men in poenam susceptus non fuit. 87. v. 4.
- Christus curcito vitæ restitutus. 29. v. 15. resur-
rexit autem à mortuis ad immortalitatem
primus. 15. vers. 11.
- Christus in ascensione semetipsum exaltauit.
20. v. 13. & p. 109. v. 3. nunquam gaudio ca-
- ruit. In ascensione tamen gaudij plenitudi-
nem, tum in se tum in suis consecutus est.
p. 15. v. 11. gloriam corporis & sessionem ad
dexteram Dei duplici titulo obtinuit. 23. v. 8.
& 10 & p. 109. v. 1.
- Christo in requiem suam abeunte in eius labo-
res Ecclesiarum Præpositi successerūt. p. 131.
v. 8. & 9. Patriarchæ & Prophetæ simul cum
ipso calum ascenderunt & dii terræ dicti
sunt. 46. vers. 9.
- Christus in dextera Dei sedet Iudex & Pōtifex.
p. 2. v. 8. & p. 109. v. 5. dirigit Ecclesiā. 44. v. 8.
pauperes prius eligit quam diuites. p. 71. v. 2.
quando factus in caput anguli. 117. v. 21
- Christus inimicos suos in die Iudicij coram o-
culis suis interfici videbit. 88. v. 23.
- Christus plebis suæ Israëlitiæ gloria. Cantic.
Simeonis. v. 4.
- Christus adduxit sæculo misericordiam & ve-
ritatem. p. 88. v. 24.
- Christus qua ratione dicatur vouisse. p. 131. v. 2.
- Christi gloria quot modis operuerit caelos.
Cant. Abacuc. v. 5.
- Caro Christi vita. Cant. Abacuc. v. 2.
- Deus notitiam Christi per vniuersum orbē ante
prædicationem Euangelij varijs modis præ-
parauit. Cant. Simeonis. v. 3.
- Christo misericordia in nobis cōceditur. 17. 53.
- Illi qui ad conuertēdos sæculares salutis eorum
causā inter eos conuersantur Christum sibi
præ oculis statuere debēt, ne vnicuique mo-
rem gerentes libertatem & veritatem amit-
tant. p. 103. v. 19.
- Conuentus Christianorum ad laudandū Deum
laudantur. p. 149. v. 3.
- Christianos hebdomadæ ferias non debere ap-
pellare dies Lunę, Martis, &c. in exp. tit. p. 93.
- Christianorū hēreditas & fors Deus. 15. v. 5. & 6.
- Christianorū officium in tribus præcipuē con-
sistit. p. 74. v. 1. 2.
- Christiani supplicia noxiorum nec timuerunt,
nec erubuerunt, quæ fortitudo ante Christi
mortem fuit paucorum. p. 3. v. 6.
- Concordiam Christianorum cur disrumpere
studeat diabolus. p. 2. v. 3.
- Circuncisio fiebat ad petram. p. 136. v. 12.
- Est quoddam Commonitionis genus videre
quod metuis, vt possis intelligere plus super-
esse quod metuas. p. 59. v. 4.
- Oportere nos Deo suam Confiteri bonitatem,
Qqqq iij candem-

INDEX

- randemque apud homines laudare.
p. 106 v. 8. & 22. p. 134. v. 35.
- Concubitus coniugatorum qua moderatione
& consideratione peragendus. p. 127. v. 6.
- Coniuges ob quid se inuicē amare debeāt. 127. 5
- Coniugium bonum quidem esse, continentiam
vero meliorem. p. 127. v. 3.
- Compati omnibus qui in aduersitate sunt pau-
corum est. p. 118 v. 63.
- Conscientia sine peculiari Dei dono non rectē
discutitur. p. 138. v. 22. & 147. v. 5.
- Ante notitiā & participationem vnius Dei
humanæ naturæ suspirata quidem sed non
adepta consolatio. Cant. Ezaia. v. 1.
- Consuetudo bonorum sectanda, malorum verò
fugienda. p. 17. v. 28.
- Per contemplationem, futura gaudia dum Dei
visio differtur speculanda esse, & ad præsen-
tis vitæ solatium spem futuræ beatitudinis
esse nutriendam. p. 41. v. 4. 5. 6. 7.
- Contriti corde iidem qui corde cōfracti & qua
ratione alligentur. p. 146. v. 3.
- Contritio non semper pœnitentiam sed animæ
cōfractionem significat. p. 59. v. 2.
- Conuersio dupliciter sumitur. p. 22. v. 2.
- Qui ad normā verbi diuini conuersationē suam
sincerē vult instituere, multa aspera tolerare
debet. p. 16. v. 5.
- A Conuiuantibus psal. Ecce quam bonum &
iucundum, nō esse decantandū. in arg. p. 132.
- Deus Corda singulorum fingit & secundū sub-
stantiā & secundū pietatis affectū p. 23. v. 15.
- Cor hominis vana parturit nisi à Deo repleatur.
44. 2. quot modis hominē derelinquat. 39. 18.
- coagulatum Cor quod sit & cui opponatur.
p. 118. v. 70.
- Cornu salutis Christus est. 17. 3 & Cāt. Zach. 2.
- Cornua in manibus Christi, aut extrema crucis,
aut potius clauorū capita fuere. Cāt. Aba. v. 6.
- Per Cornua virtutē crucis Christi intelligi. 43. 10
- Per exaltationem Cornu æternæ gloriæ subli-
mationem intelligendam. p. 88. v. 17.
- Corripere peccantem misericordiæ est, & valde
bonum, si sic ab eo qui corripitur intelliga-
tur. p. 140. v. 6.
- Matrices coruini generis suos pullos ad tempus
deferunt qui interim à Deo pascuntur. 146. 10.
- In rebus creatis nihil casu accidere. p. 148. v. 8.
- Creaturam produxit Deus solus sine opera an-
gelorum. p. 135. v. 6.
- Vt Deus Creaturā suam implēdo faciat melio-
rē, facit eā prius desiderādo audiorē. 144. 16.
- Creaturarum non esse reuolutionem. p. 11. v. 9.
- Credere pro sperare ponitur. p. 26. v. 19.
- Criminatoribus vel exprobratoribus non sunt
præbendæ aures. p. 13. v. 4.
- Per cytharam laus futuræ vitæ designatur.
p. 42. v. 5. & p. 146. v. 7.
- D.
- D**amnati in varias classes distribuuntur &
ob id dicuntur dispergendi. p. 91. v. 9.
- Dauid quid portenderit quando mutauit vul-
tum suum coram Abimelech. arg. p. 33.
- Vnctio Dauidis inter fratres priusquam rex fie-
ret quid significet. in arg. p. 26.
- Dauidi plus promissum quam Abraham. 131. 11.
- Deficere in aliquid quid. p. 118. v. 81.
- Delicta quæ proprie sint. p. 18. v. 13.
- Dæmones præ se ferunt se amare homines quos
tamen deuorant. Cant. Abacuc. v. 22.
& p. 9. v. 31. & 32.
- Impij & dæmones eum quem viderint ad iui-
nam inclinari ferocius impellunt. p. 61. v. 3.
- Detractio ei qui sanctē vitam vult instituere
imprimis debet excludi. p. 33. v. 13.
- Deus ineffabilis. p. 137. v. 3.
- Etiā angelis incōprehensibilis. 103. v. 25. 31.
- Deus quot modis de cælis intonuit. p. 17. v. 15.
- Deus dicitur per prius firmamentum nostrum
quam refugium. p. 17. v. 1. & p. 45. v. 1.
- Deus qua ratione prouocet Iudæos ad æmula-
tionem. Cant. Deutr. v. 32.
- Deus semper paratus est ad offerendum se illi,
quem se requirentem inuenerit. p. 13. v. 3.
- Deus humanum genus reparauit, quia indeco-
rum erat opus ab ipso creatum in totum in-
tercidere. p. 88. v. 46.
- Deus sibi metipsi est miserendi causa & men-
sura. p. 24. v. 8. & 9.
- Deus hominem à diabolo ad se traducit, labo-
rem eius & dolorem miseratus. p. 9. v. 37.
- Deus Dominus ab æterno & ex tēpore & simi-
liter quodāmodo Deus. p. 8. v. 1. & p. 62. v. 1
- Deus vbique existens & per consequens assi-
stens. p. 138. v. 9.
- Deus tēpore noui testamēti dicitur Deus Israhel,
Abraham & Iacob, vt insinuetur quod idē sit
Deus veteris & noui testamēti. Cāt. Zach. v. 1.
- Deus qua ratione dicatur pœnitere. p. 105. v. 43
- Deus cur iuret & plura eo pertinētia. p. 88. v. 35.
- Deus

R E R V M.

Deus omnia fecit in filio cooperante sibi Spiritu sancto. p. 103. v. 25. & 31.
 Deus totius creaturæ & motuum eius gubernator. p. 148. v. 8.
 Deus pater opera sua demandat filio, non ut seruo sed ut regi. p. 44. v. 1.
 Deus donat Christum in se, & suis membris magnifica virtute. p. 17. v. 53.
 Deus qua ratione in suis operibus lætetur. p. 59. v. 6. & p. 103. v. 32.
 Deus cur diligat misericordiā & iudiciū. 32. 4.
 Deus creaturæ pater impropriè. Cant. Deutr. v. 7. & v. 28.
 Deum non posse esse malorum autorem colligitur. p. 32. v. 3.
 Deus qua ratione dicitur factus refugium pauperum. p. 9. v. 9.
 Deus quo affectu teneatur, & qua cura provideat infirmis qui sunt in Ecclesia. Cāt. Deut. 16.
 Deus Deus dicitur, nō rā singularitate nominis, quā eare qua nemo Deus est. Dicuntur proinde quidā Dij participatione, & inter hos, quidā à potestate, alij vero à sanctitate. 81. v. 1. 6. 7.
 Deus nec substantia nec qualitate mutatur, & eo id quavis creatura maior. 101. 28.
 Deferere Dei & derelinquere in quo differant. p. 26. v. 14. & 15.
 Deus gratia sua non spoliatur iustos siue non deserit, si non ab eis deseratur, quod tamen eorum deferere Deo non potest imputari. p. 83. v. 13. & p. 144. v. 18. & 21. p. 2. v. 12.
 Vbi Deus magister est, citò discitur quod doceatur. p. 147. v. 4.
 Aduersa Deus immittit aliquando ad puniendū peccatū, aliquando ad exercendam iustitiā, & in neutro horū admittit iniquitatē. 91. v. 15.
 Quot modis Deus spiritualiter ad homines descendat. p. 143. v. 6.
 Dei dulcedo, quæ. p. 67. v. 11.
 Ut simus homines Deus fecit nos & non ipsi nos, ut autē simus populus Dei, ipse fecit nos & nos ipsi nos. p. 99. v. 1. & 4.
 Deus sapienti consilio filium suum in salutem generis humani morti fecit. p. 8. v. 6.
 Dei dormire & exurgere quid sit. p. 43. 24.
 Dei præsentia quanto affectu & desiderio expectanda. p. 41. v. 1. 2. 3.
 Cognitio vnius Dei homini ex naturæ reliquijs residua est. 13. 2. & p. 75. v. 1. & p. 2. v. 3. sed per peccata posteriora paulatim corrumpitur. 13. 2.

Ad nostram non Dei vtilitatem seruimus, sacrificamus vel amamus Deum. p. 15. v. 1.
 Dij falsi siue verius dæmones ea quæ volūt non possunt perficere, aut saltem non integrè perficere. p. 134. v. 6.
 Deum sua promissa fideliter implere. p. 145. v. 5.
 Deū omnia audire obseruare sine auribus tamē & oculis ratione probatur. p. 93. v. 9. 10. & 11.
 Decet Deum quia æternus est, perpetuis quoq; habere tēporibus qui ei seruiant. p. 101. v. 13.
 Dextera quæ subinde honoratiōe locum significat cur tribuatur filio. p. 109. v. 1.
 Diabolus cur dicatur angelus Domini. p. 34. v. 6.
 Diabolus à die iudicij non amplius habebit principatum ad homines seducendum. Cant. Abacuc, v. 20 & 21.
 Diabolus persuadet sibi quod Deus non recuperabit sibi eos quos ipse à iustitia ad se traduxit. p. 9. v. 34.
 Diabolus quo impetu venit, eodem impetu ab Apostolis & martyribus repulsus est. p. 92. v. 6.
 Diabolus neminem superat nisi qui à Deo ad id dignus iudicetur. p. 103. v. 22.
 Diaboli in peccatores potestas. p. 34. v. 7.
 Dies virtutis Christi quis sit. p. 109. v. 4.
 Auxilio diuinæ directionis dirigitur homo sicut iumentum dirigitur à fessore. Cāt. Exo. v. 13.
 Auxilium diuinæ directionis dirigitur ad bene eligendum, diuinæ verò corroborationis ad bene operandum. p. 24. v. 5. & p. 45. v. 1.
 Disciplina à discendo dicta, & ob id pœna dicitur disciplina. p. 2. v. 12.
 Diuites hoc ipso quo diuites sunt suspiciendos non esse, nec eorum conditionē ambiendam. p. 48. v. 17. 18. 19. & 20.
 Diuitiæ amatoribus sui scandalo sunt, qui tamē sermone semetipsos palpant. p. 47. v. 13.
 Diuitiæ sui amatoribus stuporē inducunt. 48. 9.
 Diuitiæ in hac tantū vita possessoribus seruiunt, & serē alienis cedunt. p. 47. v. 10 & 11.
 In Diuitijs nec quidem affluentibus sperandum. p. 61. v. 10.
 Donec quid significet. p. 109. v. 2. & p. 122. v. 3.
 E.
 Ecclesia visibilis & in manifestatione posita. p. 18. v. 5. & quidē à principio. 67. 26.
 Ecclesia cur dicatur inhabitare diluuiū. 28. 9.
 Ecclesia per lunam significata. 10. 2.
 Ecclesia cur locus pascuæ. 22. 1.
 Ecclesia qua ratione vnum corpus. 146. 2.
 Ecclesia

I N D E X

Ecclesia ante Christū erat sterilis. Cāt. Annę v. 8.
 Ecclesia Ethnicis prodigium fuit. p. 70. v. 8.
 Ecclesia nulli vnquā generationi deerit. 11. v. 8.
 Ecclesia beatifica Christum coronat. p. 20. v. 3.
 Ecclesia principalis cur Romę cōstituta. 47. 11.
 Ecclesia intelligentia non autem fide creuit.
 p. 118. v. 100.
 Ecclesia tempore quo abūdauit iniquitas, com-
 paratur mortuo à corde. p. 30. v. 15.
 Ecclesia perpetua successione stabilis persecuta
 bit. p. 60. v. 4. 3.
 Ecclesia columba deargentata, cuius pēnæ sunt
 qui studijs operam nauant. p. 67. v. 14.
 Ecclesia persecutionibus nunquam succumbet.
 p. 45. v. 5. & 47. v. 7.
 Ecclesia vnum ac eundem Deum & Christum
 per omnia sæcula prædicat. p. 47. v. 13.
 Ecclesia traditionum paternarum tenacissima.
 in expol. tit. p. 70.
 Ecclesia accepit iustitiam sine lege, & ob id sine
 meritorum suorum præsumptione, quam iu-
 stificationis rationem ipsa didicit à iuuentu-
 te sua priusquā daretur lex, est proinde euā-
 gelium lege antiquius. p. 70. v. 17. & 18.
 Ecclesia in medio malorum constituta oratio-
 nem & prædicationem non intermittit.
 p. 54. v. 18. 19.
 Ecclesia senio non atterenda, quia in semetipsa
 per verbū Dei reiuuenescit, & si quę ei mem-
 bra deficiant eadē ex semetipsa vicissim rur-
 sus suggerit. p. 70. v. 19.
 Ecclesia ab origine sua hætenus nunquam de-
 fecit, nec vnquā defutura est aut interrup-
 penda. p. 70. v. 7. & 20.
 Ecclesia in omnibus suis gradibus pro ratione
 membri vniuscuiusq; Spiritu sancto dotata.
 p. 64. v. 10. 11. 16. 17. 18.
 Vterus de quo nata est Ecclesia quis. p. 70. v. 7.
 Ecclesia non cōstituitur nisi ex eis qui fidem &
 fraternitatis amorē veraciter habent. 146. v. 2.
 Ecclesię paupertas & opulentia quæ. 30. 13.
 Ecclesię, cum inter scandala hæreticorum &
 impiorum periclitatur. psal. 11. dicendus est.
 Ecclesię autoritate labascente patenti fideles,
 sagittis & imposturis hæreticorum. p. 10. v. 2.
 Ecclesię grauiora exprobantur scelera quam vl-
 lis alijs hominū cōgregationibus. p. 30. v. 14.
 Ecclesię prima captiuitas quę in expol. tit. p. 70.
 Ecclesię status, splendor, gaudium post perfe-
 ctionem. p. 70. v. 22. 23. 24. 25. & 26.

Ecclesię sanctitas in multis subinde, nullo au-
 tem modo in omnibus deficit. 11. 1.
 Ecclesię Dei alij ædificatores, alij custodes.
 ps. 126. v. 1. & 2.
 Ecclesię prima tempora anxia. 60. 2.
 Ecclesię columnę à Christo in perpetuum cō-
 firmabuntur. p. 74. v. 3.
 Principes Ecclesię à potestate non à sola chari-
 tate dicuntur. p. 44. v. 18.
 Quo sensu pro exaltatione fidei Catholicę aut
 Romanę Ecclesię oretur. p. 27. v. 12.
 Firmamentum Ecclesię in ijs qui summa in hac
 terra præditi sunt potestate, eaq̃ue Ecclesia-
 stica. 71. 16.
 Principes Ecclesię ab ipsa constituuntur Eccle-
 sia, seu potius Ecclesię capite. 44. 18.
 Vnica Ecclesię authoritas fidei scutum est, quo
 omnia tela hæreticorum nequissima late fa-
 ctantur. p. 10. v. 2.
 Formam verę Ecclesię nullus hominum cœ-
 tus hoc tempore habet, nisi is qui Romano
 adhæret Pontifici. 70. 12.
 Doctores quando ceperint oriri Ecclesię, &
 quando ipsa Ecclesia ceperit sapientia cre-
 scere. ps. 45. v. 10.
 Boni principes nunquā deerunt Ecclesię. 44. 19.
 Christus Ecclesiam nunquam interituram, per
 semetipsum fundauit. p. 92. v. 1 & 2.
 Christus Ecclesiam omnibus ad salutem neces-
 sarijs instruxit. ps. 131. v. 5.
 Decet Ecclesiam intuitu impendiorum per quæ
 collecta & fundata est, in sanctitate perpetuo
 permanere. p. 92. v. 7.
 Deus Ecclesiam ad tempus derelictam suscepit
 eiusque est misertus. 101. 14.
 In Ecclesia non scandala attendenda sunt, sed
 bona. ps. 47. v. 12.
 Quidam in Ecclesia absque Doctore docti eua-
 dunt. ps. 103. v. 14.
 Quid illi qui in Ecclesia superiorem locum cō-
 scendit, exercendum, quidve desiderandum
 sit. p. 26. v. 11. 12. 13 & 14.
 Amor fraternitatis in Ecclesia. 47. 11.
 Quidam ante diem iudicii vel priusquam ex cō-
 municentur ab Ecclesia se separant. 128. 5.
 Ecclesiarum rectores qua tempestate subinde
 iaciuntur, quidque eis in ea tempestate fa-
 ciendum sit. p. 106. v. 27 & 28.
 Ecclesiastici conuentus fieri debent, non tan-
 tum ad instruendum populum, sed ad ser-
 uiendum

R E R V M.

uiendum Domino cultu inter cætera lyturgico. psal. 101. ver. 23.

Electio meliorum quidem est, non quia illi qui eliguntur meliores sunt, sed ut meliores sint. psal. 46 v. 4.

Eleemosyna cum moderatione eroganda. 40. 1. Eleemosyna à Deo iustificationem obtinere, & iustos conseruare. 40. 2.

Eleemosyna hoc affectu danda, ut is qui eam dat arbitretur se pauperi ad retributionem obligatum esse. 36. 22.

Eleemosynam corporaliter ægrotis tunc temporis tubuenire cum omnis medicorum industria eis magis auget quam leuat morbum. p. 40 v. 3.

Alii semper occurrere quod in Eleemosynam det cui bene velle non deficit. p. 36 v. 27.

Energumeni curexussulentur. p. 10 v. 7.

Episcopatus non semper significat iurisdictionem in agnos Christi, sed vox illa in hac significatione postmodum cepit vsurpari. 108 v. 7.

Epulæ suauæ cum sumuntur, scetidæ cum digeruntur. p. 118 v. 65.

Eruicare memoriâ suauitatis Dei, quid & quorum sit. p. 144 v. 7.

Esca hominis est verbum Dei, quæ ab hominibus varijs modis fastiditur. p. 106 v. 18. & p. 118 v. 25.

Virtus Euangelij quæ. p. 59 v. 11.

Eucharistia adoranda. p. 98 v. 5.

Eucharistia magna est Christianorum protectio. p. 22 v. 6.

Eucharistiæ sacramentum diuinitatis qua pascamur cortex est. p. 147 v. 3.

Sacramentum Eucharistiæ adeps frumenti, & ex eo fugitur mel de petra, Oportet proinde amaritudinem quæ communicanti infederat Christi dulcedine leniri. p. 80 v. 15.

Ad mensam S. Eucharistiæ accedere non debent, nisi qui sunt Spiritus sancto sanctificati. p. 127.

Pro excommunicatis nominatim non est orandum. p. 128 v. 7.

Exstasis mentis excessus est, qui subinde ex vehementi animi in sublimiora intentione, subinde ex nimio pauore oritur. arg. p. 30.

F.

Felicitas huius sæculi partim in vanitate, partim in infamia posita putatur. p. 39 v. 6.

Malorum Felicitas instar scæni ac summi transitoria ac breuis. p. 36 v. 2. 10. 22. & 28. & p. 38 v. 9.

Iusti hic felicitatem veram patienter expectant, impij falsam ante tempus amplectuntur. 51. 9.

Fœnus pecuniæ funus est animæ. p. 14 v. 6.

Fides & religio Christi certo dierum numero non est comprehensa. p. 60 v. 6.

Fidei primum fundamentum est veritas prima, ut autem homo fidentius ad veritatem ambularet, veritas de terra orta est. p. 10 v. 1.

Principia fidei Christianæ supra modum credibilia. p. 92 v. 7.

Fidem dare & charitatem non pertinet, nisi ad agricolam trinitatem. p. 126 v. 1.

Non licet fidei veritatem corde retentam ore negare. p. 14 v. 3.

Filius Dei in columna nubis & ignis Israelcm de Aegypto exeuntem præcessit. p. 67 v. 8.

Filius Dei cur ex vtero. p. 109 v. 4.

Filius Dei cum manus Dei sit, quia Deus per eum omnia fecit, cur tam studiosè dexteræ nomine appelletur. p. 109 v. 1.

Filij familias in Spiritu sancto educandi. 127 v. 5.

Flumina cur terræ interfusa. p. 23 v. 2.

Frustrificare alijs non est cuiusuis iusti, sed eius qui excellenter profecit, ad id autem expectandum tempus. p. 1 v. 3.

G.

Gentiles patriam pacis à longe quasi vident, viam tamen eius non cognouerunt. p. 106 v. 4 & 7.

Gloriari in Domino variè sumitur, & quidem aliquando idem est, quod de vbertate diuinæ gratiæ sibi gratulari. p. 5 v. 13.

Iis qui bene laborant, gloriam non esse præproperè captandam. p. 126 v. 2.

Gratia Dei efficax. p. 65 v. 6. & 8.

Gratia Dei dirigens etiam præoperas est. 89. 19.

Gratia Dei in finem vsque præueniens. p. 35 v. 11. & psal. 58.

Gratia Dei ad iustitiæ incrementum guttatim defluit. p. 64 v. 11.

Gratia Dei manat iugiter, tantum quæ inde hauserimus gratiæ inundantis, quantum adferimus fidei capacis. p. 1 v. 3.

Gratiæ præuenientis quædam præuenit omne bonum hominis meritum, alia singula opera iustorum. p. 58 v. 10. & 88 v. 4.

Gratiam Dei non excludere correptiones & exhortationes. p. 94 v. 8.

Adiutorium gratiæ diuinæ quot modis iustis sit necessarium. p. 29 v. 7. 8. & 9.

R I T E Concor-

INDEX

- Concordia Gratiae infallibiliter operantis cum
liberi arbitrij libero actu. p. 71. v. 3.
- Initium bonae vitae, diuinæ Gratiae est. 76. 10.
- Iusto ad auxilium diuinæ Gratiae est per fidem
recurrendum. p. 1. v. 3.
- Gratiam Dei effectum subinde infallibiliter pro-
ducere. p. 32. v. 9.
- Deus infirmitati à parentibus ingenuit gratiam
ex diametro opponit. p. 26. v. 16.
- Sermo docentis, adhortantis, corripientis, non
debet Gratiam in ijs ad quos dirigitur præ-
supponere, sed vna secum adferre. Cantic.
Deuteron. ver. 3.
- Sitis animæ ad Deum ex Gratia præueniente.
p. 62. v. 2.
- Gratiarum actio Deo digna hic nobis magis est
in voto quam affectu. p. 60. v. 3.
- Bonæ mentis est pro omnibus Gratias agere.
p. 102. v. 22.
- H.
- H**Aereditas Christi, dicuntur gentes, tum
quia eas creauit, tum quia eas sibi san-
guine suo comparauit. p. 2. v. 8.
- Hæreses in defectum festinant. p. 57. v. 7.
- Tempore quo viget hæresis prouidet Deus Ec-
clesiæ de talibus pastoribus, qui omni ex par-
te sufficiant hominum salutem etiam inter
illa pericula operari. p. 11. v. 6.
- Hæretico aut schismatico Catholicum ad suas
partes pellicienti quid respondendum sit do-
cet Psalmus 10.
- Hæretici ad seducendum vtuntur opera diui-
tum. p. 9. v. 30.
- Hæretici aures obturant ne audiant veritatem,
& quid contra illos remedij. p. 57. v. 4. & 5.
- Hæretici suis se oppugnant assertionibus. 57. 6.
- Hæretici loquuntur perniciofa, mali Catholici
vana. p. 11. v. 2.
- Hæretici matrem suam deserunt. p. 57. v. 3.
- Hæretici veritatem diminuunt, non per omnia
abijciunt. p. 11. v. 1.
- Hæretici quidquid in rebus fidei perfectissimū
est & summum, moluntur destruere. 10. 5.
- Hæretici de ijsdem rebus non easdem habent
sententias, & singulos per ordinem Catholi-
cæ doctrinæ articulos adulterare conantur.
p. 11. v. 9.
- Quam perniciosi sint hæretici, multi, præser-
tim carnales Catholici, non cito percipiunt.
psal. 57. ver. 9.
- Hæreticorum omnis labor & industria in ador-
nando sermone consumitur. p. 11. v. 4.
- Hæreticorum studium est non ethnicos conuer-
tere, sed nostros euertere. p. 10. v. 3.
- Populus Hæreticis adhærens præ vecordia vac-
cis comparatur. p. 67. v. 33.
- Principum seueritas in Hæreticos qua modera-
tione adhibenda. p. 2. v. 12.
- Illis qui cum Hæreticis belligerantur vel con-
uerfantur, orandum esse ne obdormiant in
errorem. p. 12. v. 4.
- Homo vniuersitas vanitatis. p. 38. v. 8.
- Homo facta sua æstimare debet ex eo quod in
oculis Dei sunt. p. 55. v. 4. & 11.
- Homo prius Dei gloriam quam suam debet a-
mare salutem, imo suam salutem ob diuini
nominis gloriam. p. 105. v. 46.
- Vt conuertatur Homo Deus prius ad eum res-
picit, siue per se siue per suos, quam homo
ipse ad Deum. p. 32. v. 14.
- Corpus hominis animæ carcer est, non natura
sed corruptione. p. 141. v. 10.
- Homines bonæ intentionis qua ratione supplā-
tentur. p. 139. v. 5.
- Humilitas omnium virtutum mater. 130. 4.
- Humilitas solidissima quæ. p. 118. v. 75.
- Humilitas subinde virtutem, subinde abiectio-
nem significat. p. 9. v. 13.
- Humilitatis mensuram tenere in omnibus grā-
de est. p. 118. v. 107.
- In vna Humilitatis virtute omnis iustorum ordo
conuenit. p. 17. v. 30.
- Deus præ omnibus alijs humilia respicit.
p. 112. v. 5. & in Cant. B. Mariæ.
- Modus Humanæ imperfectionis vbi optimè de-
prehendatur. p. 38. v. 6.
- I.
- I**dola nec adoranda, nec facienda sunt.
psal. 113. ver. 16.
- Gentiles sub Idolis dæmonia coluisse. 95. 5.
- Quantorum malorum Idololatria causa sit.
p. 105. v. 37.
- Ieiunium vestis animæ. p. 68. v. 13.
- Ieiunio semper adiuncta fuit à cibis delicatiori-
bus abstinentia. p. 108. v. 23.
- Ieiunio Christus ita extenuatus est vt vix value-
rit pedibus consistere. p. 103. v. 23.
- Improbantur qui ieiunij tempore ciborum de-
licias exquirunt. p. 108. v. 23.
- Ignorantia affectata auget peccatum. p. 35. v. 3.
- Ignis

R E R V M.

Ignis inferni ardet, & non lucet. p. 37. v. 8.
 Ignis cōflagrationis quadam ratione præcedet,
 & quadam ratione sequetur extremum iudi-
 cium, & in eodem incendia inferni appare-
 bunt. p. 49. v. 3. & 96. v. 3.
 Ignem aut frigus inferni actiui in corpora, seu
 animas actione spiritali non naturali. 147. v. 6.
 Mentem hominis illuminare nec Angeli est, nec
 Christi secundum hominem, sed solius di-
 uinæ uirtutis. p. 17. v. 31.
 Imagines & Sanctorum reliquæ qua ratione
 adorandæ. p. 98. v. 5.
 Imagines Christianorum non debent appellari
 idola. p. 113. v. 13.
 Impij facta sua defendunt onerosissima multi-
 tudine uerborum. p. 139. v. 10.
 Deus in Impios plenitudinem iræ suæ non ef-
 fundit. p. 74. v. 8.
 Impiorum sanes perpetua & quæ. p. 36. v. 20.
 Quot & quibus armis Deus Impios in die iudi-
 cij expugnaturus sit. p. 34. v. 1. & 2.
 Impudentia quadam sancta. p. 68. v. 10.
 Christo in sua Incarnatione corpus aptari fuisse
 à Deo suo patre. p. 39. v. 9.
 Incarnationem Verbi summæ fuisse potentiam,
 & ob id Angelum non potuisse hominem
 assumere. p. 44. v. 4.
 In æternum subinde significat idem quod usq;
 in æternitatem. Cant. Exod. v. 20.
 Infernus est chibanus quem videbat Abraham.
 p. 20. v. 9.
 Infernus in quem descendit Core, Dathan, &
 Abiron fuit infernus damnatorum. 105. v. 18.
 In inferno futuram vicissitudinē ardoris & fri-
 goris. p. 147. v. 6.
 Infectio malignantium turbat inquisitionem
 diuinorum mandatorum. Sicut & conten-
 tiosorum, & aliorum qui supra quam oportet
 superioribus molesti sunt. p. 118. v. 115.
 Infirmi quæ ratione à Deo portentur. Cantic.
 Deut. vers. 16.
 Iniquitas etiā dies huius uitæ abbreviat. 34. 27.
 Iniquitatem puniri oportet, aut à suo auctore
 per poenitentiam, aut à Deo per vindictam.
 p. 58. v. 6.
 Iniquitatem aspiciendam non esse appetitu, sed
 iudicio. p. 65. v. 17.
 Interrogationes Dei tam sunt euidentis, ut la-
 bor potius sit autem obtinere quam vocem
 audire. p. 10. v. 6.

Interrogationes Domini ad impios quæ. 10. v. 6.
 Iohannes Baptista non est auctor, sed catechi-
 sta noui testamenti. Cant. Zach. v. 9. & 10.
 Iohannes Baptista, singulariter propheta altissi-
 mi. Cant. Zach. v. 9.
 Ionas qua ratione vel utilitate fuerit signum Ni-
 niuitis. p. 142. v. 5.
 Ira Dei super Christum confirmata qua ratio-
 ne. p. 87. v. 7.
 Ira Dei propriè exardescere incipit à die iudi-
 cij. p. 75. v. 7.
 Ira Dei est non intelligere delicta. p. 9. v. 25.
 Ira dum, ut fit, iusta videtur, dulciter in odium
 transit, quod ne fiat quantopere sit formi-
 dandum. p. 54. v. 4.
 Ira commotionis tempore iustum putat omne
 quod fecerit. p. 30. v. 11.
 Iucundus homo quis. p. 111. v. 5.
 Iudas explorator & proditor. p. 40. v. 7.
 Poenitentia Iudæ inhiuosa. p. 108. v. 6.
 Iudæa quando diuina sit. Benedictus qui venit
 in nomine Domini. p. 117. v. 24.
 Genes Iudæa etiam ante Christum medio reli-
 quarum gentium collocata est, ut etiam gen-
 tibus paulatim infunderetur cognitio cale-
 stium sacramentorum. p. 79. v. 10.
 Iudæi ad Christum conuertendi, ubi viderint
 Christum ab omnibus glorificari. p. 58. v. 5.
 Carnalis Deus Iudæis præmisit sub conditio-
 ne. p. 131. v. 11. 12. & 13.
 Iudæi maledicunt Christo, atque Christianis
 sub nomine Nazæorum. p. 108. v. 27.
 Iudæorum poena inuisibilis & etiam uisibilis.
 p. 68. v. 26. 28. 29. & 30.
 Iudæorum templum & ipsa metropolis Ierusa-
 lem quo Dei consilio euerla. p. 73. v. 6.
 Iudæes in fine sæculi cōuertendos ab Abraham
 ad Christum usque per singula sæcula prædi-
 ctum esse. Cant. B. Mariæ. v. 9.
 Iudæos locum quendam psal. 95. inuenisse.
 ps. eodem v. 9.
 Quam fuerit utile Christianis Iudæos interne-
 cione non deleri, sed per vniuersum orbem
 terrarum dissergi. p. 58. v. 11. & 12.
 Preuidit Spiritus sanctus multas orationū for-
 mulas pro Iudæorum conuersione, quia op-
 tandum est Christianis ut populus ille ramis
 sua arboris inferatur. in expol. tit. ps. 79.
 Exemplum euerisionis Iudæicæ posuit Deus in
 euerisione de mus suæ in Sylo. p. 77. v. 66.
 Rrr ij Iudices

INDEX

- Iudices in iudicio allegabunt ea per quæ homines peruenire poterunt ad salutē. p. 121. v. 6.
Iudicium cæcitas. p. 81. v. 5.
Quænam ad iudicium officium pertineant. p. 81. v. 3. & 4.
Deus cõsilia & acta iudiciũ attētē obseruat. 81. 1.
Iudicium dicitur conscriptum, quia proferetur ex his quæ scripta erunt in libris. p. 149. v. 9.
Iudicatur anima corpore egressa ante resumptam carnem, quia ipsa prior peccatum concipit. p. 118. v. 175.
Iudicium Dei de quo scriptum est, non iustificabitur in conspectu tuo omnis viuens, esse huius vitæ, eo quod nemo ex præuijs iustitiæ operibus aut meritis iustificetur, probatur. p. 142. v. 2. 3.
In iudicio omnes Sancti consensione concordī confortabunt mutuum iudicium de iustitia sententiæ iudicis. p. 97. v. 6.
In extremo iudicio sententiam iudicis de cælis detonandam. p. 75. v. 8. & Cant. Annæ. v. 15.
In iudicio extremo fiet quorundam discussio, omnium retributio. p. 1. v. 6.
In extremo iudicio non omnes Sancti sedebūt cum Domino ad iudicandum, sed excellentissimi. p. 121. v. 5. & 7.
In die iudicij nullum erit effugium. p. 74. v. 6.
In iudicio prædicatores euangelij cooperabuntur, vt innotescat omnibus iusta esse sententia iudicis. p. 49. v. 7. & 75. v. 4.
In extremo iudicio apparebit ira diuini vultus. p. 54. v. 23.
Ad iudiciũ Christus egredietur. Cāt. Aba. v. 19.
Ad iudicium congregādi sunt omnes homines de cælo, terra, & inferno. p. 49. v. 4.
A die Domini siue Iudicij, qui in igne reuelabitur, nemo se abscondere poterit. p. 18. v. 7.
Christi Iudicium multiplex. p. 71. v. 1.
In die iudicij magna cõfusio erit illi, qui deprehenditur ea commississe, quæ in alijs arguebat. p. 49. v. 23.
In iudicio extremo Deus pater iudicabit principali & originali authoritate, non tamen manifestatione suæ præsentiae. p. 9. v. 4.
Iudicium hominũ de hominibus iudicio Christi compositum euanesceat. p. 140. v. 7.
In extremo iudicio qua ratione erit misericordia. p. 102. v. 4.
In extremo iudicio Deus arguet peccatores & increpabit. p. 49. v. 22.
In die iudicij Deus arguet peccatores & in penam & in supplicia mittet. p. 6. v. 6.
Dies iudicij dies caliginis, qui tamen illuminabitur à splendore iudicis & Sanctorum eius. p. 96. v. 2.
In die iudicij omnia terræ germina repēte consumenda. Cant. Abacuc. v. 27. 28. & 29.
Christus ad iudicium manifestē venturus est. p. 49. v. 2.
In die iudicij quid, & quibus timendum. p. 48. v. 5. & 6.
Quanta requies in die iudicij erit illis, qui in hac vita concupiscentiam superauerint. Cant. Abacuc. v. 25. & 26.
Arbitratur homines Christũ in die Iudicij, non aliter iudicaturũ de ipsis, quā ipsi de semet ipsis, sed magno errore. p. 49. v. 22. & 89. v. 13.
Terribilia extremo iudicio præuia explicantur. Cant. Abacuc. v. 14. 15. 16. 17. & 18.
Vtiliter oratur, vt homo hic denudetur sibi ante diem Iudicij. p. 38. v. 23.
Exercitus qui comitabitur Christum venientem ad Iudicium. Cant. Abacuc. v. 21.
Homines secundum id quod in eis præualeat à Deo iudicantur. p. 18. v. 14.
Iustus quare in hac vita dicatur beatus. p. 1. v. 1.
Iusto illa bona sunt admiranda quæ iustos faciunt. p. 14. v. 5.
Iusti cogitationum suarũ arcana castigant. 4. v. 5.
Iusti ab infestationibus impiorum aliquando liberandi. p. 124. v. 3.
Expedire iustis vt diu viuant. p. 101. v. 25.
Iustos pane spiritali nunquam à Deo destitui. p. 36. v. 26.
Iustos egere conseruatione. p. 15. v. 1.
Ad impetrandam operosius peccatorum remissionem etiam iustos oportere obseruare peculiare dies expiationum. p. 31. v. 7.
Opinio iustorum qui cum impijs bona huius vitæ possidere vident, arbitrantur se frustra iustitiæ operā dedisse. psal. 72. latē refellitur.
In quibus iusti sese exercere debeant. 118. v. 1. 2.
In futuro sæculo nemo iustorum imperfectus remanebit. p. 138. v. 15.
Iustitiæ radix fides, fructus opera. p. 1. v. 3.
Iustitia nostra, coram Deo iustitia est. 17. v. 27.
Iustitiam Christianorum iudicium Dei in futuro posse sustinere. p. 142. v. 2.
Iustitiæ Sanctorum fundamentum vnum supra nos quod est dilectio Dei secundum propositum

R E R V M.

fructum alterum iuxta nos quod est Iesus Christus. p. 8. v. 4.

Iustitiæ duo gradus, declinare à malo & facere bonum, vñ ille prior, hic posterior. p. 1. v. 1. p. 33. v. 14.

Ad Iustitiã accipiendam ordinatè procedendum est. p. 118. v. 27.

Alienis bonis congaudere signum est inhærentis Iustitiæ. p. 14. v. 5.

Proferunt quidam Iustitiæ fructum, sed non suum. p. 1. v. 3.

Gentiles ex distamine legis naturæ Iustitiã moralem agnoscere, eamque præuaricari. p. 57 in expof. tit. & v. 1 & 2.

Iuuentus delictis obnoxia, & rarò transigitur sine flagitijs, facinoribus vel nefariæ impietatis errore. p. 24. v. 7.

L.

DE Labore manuum viuere honestum est, & multa mala repellit. p. 127. v. 2.

Christus laborauit manibus. p. 77. v. 76.

Quæ in rectè factis præclara sunt non sine labore peraguntur. p. 26. v. 20.

Quocunque pergit homo laquei sunt, etiam in philosophis. p. 139. v. 6.

Vox laudis & gratiarum actionis in ipso introitu regni cælestis præcordia & ora beatorum occupabit. p. 99. v. 4.

Ad laudandum Deum dispares iustorum & piorum ordines in vnum conuenire bonum est. p. 150 v. 5. & Cant. trium puer. v. 17.

Creaturæ irrationales duobus modis dicuntur laudare Deum. In arg. 148. & Cant. triu puer.

Cæremoniæ veteris legis suo tempore aufferendæ. p. 15. v. 4.

Iudæi tanquam paruuli fuerunt sub lege pædagogio, Christiani autem tanquam adulti non sunt sub pædago, quia sicut in vno homine, ita etiam in vniuerso hominum genere gradus ætatũ obseruare oportebat. arg p. 77.

Quanta instantia in lege Domini meditandum. p. 118. v. 97.

In Lege Domini quæ meditanda. p. 1. v. 2.

Liberum arbitrium nihil habere præuij meriti ad accipiendã Dei gratiam ostenditur. p. 13.

Lingua Christum ad supplicium depostulans, & similiter homini peccatum persuadens, gladius acutus. 56. 6.

Canum lingua medica, & ad eam quid spiritua-liter pertineat. 67. 25.

Donũ Linguarũ Apostolis duo præstitit. 18. 3.

Illi qui se ab iniquitate obseruat, Linguam ante omnia custodiendam esse. 38. v. 1. & 2.

Vir Linguosus non prosperabitur. p. 139. v. 12.

Loquendi tacendique cauta discretio quàm sit difficilis. 38. 3.

Lumen in quo videtur Pater, Filius est, qui tamen non videtur nisi ab oculo lumine gloriæ persuso. 35. 10.

Lumen diuini vultus quod super nos signatum est, propriè est lumen diuinæ gratiæ. 47.

M.

M Agi Christum in Bethlehem adorauerunt. p. 131. v. 6. & 7.

Magnificencia Dei & magnanimitas quæ. Cant. Isaïæ v. 6.

Magnificatur Deus in nobis quot modis. Cant. B. Mariæ. v. 1.

Deum opera sua in eo magnificare quod virtutem perficiat in infirmitate. in expof. tit. p. 91.

Mandatorum Dei æquitas. p. 110. v. 7.

Quibus mandata Dei impossibilia videntur aut ardua non hæreant in semetipsis, sed ad iubentem recurrant. 54. 25.

Mala præsentis sæculi infirmis effugienda sunt. p. 54. v. 7.

Non omne quod Malum nõ est bonum est, sed id demum quod insuper prodest. 13. 2.

Mandatum quo sensu à Deo accipiat Spiritus sanctus. p. 7. v. 7. & p. 67. v. 31.

Manuetudo ad accipiendam eruditionem idonea. 24. 10.

Manuetudo perferendis laboribus necessaria. p. 131. v. 1.

Quid Ministros Ecclesiæ infirmorum curam gerentes ad manuetudinem debeat prouocare. 113. 25.

Maria virgo non solum Christipara, sed etiam Deipara appellanda est. p. 104. v. 14.

B. Maria prophetissa fuit tã suã quã quæ erãt Ecclesiæ Dei prophetã. Cant. B. Mar. v. 2. 5. & 6.

B. Maria electione vel voluntate humilis fuit. Cant. B. Mariæ, v. 3.

B. Mariæ exultatio vnde. Cant. B. Mariæ, v. 3.

B. Mariæ qua ratione canatur, quia quem meruisti portare. Cant. B. Mariæ, v. 3.

B. Maria ex vilitate cui aut succumbebat, aut saltem obnoxia erat, ad virtutem humilitatis à Deo euecta, merito humilitatis magnæfecta est. Cant. B. Mariæ, v. 3.

R r r i j B. Ma-

INDEX

B. Maria ex humilitate voluit se potius beatam
quàm magnam prædicari. Cant. B. Mariæ, v. 4.
B. Maria magna dicitur, non tam quod Verbum
caro factum genuit, quàm quod se dignam
exhibuerit quæ in matrem Dei deligeretur.
Cant. B. Mariæ, v. 3.
B. Maria regina astant à dextris Dei. p. 44. v. 17.
Martyres noluisse è carceribus, aut imminente
morte eripi, quia salus vitæ temporalis va-
na. p. 59. v. 12.
Martyres vota sua Deo verissimè & plenissimè
soluere. p. 65. v. 12. & 115. v. 5.
Animantur Martyres dum in conspectu sui im-
peratoris se decetare considerant. 118. v. 168.
In Martyrum gratiam soluit Deus peccatores à
suis vinculis. p. 101. v. 21.
Sanguis Martyrū semen est Christianorū. 2. 10.
In Martyrum animis summa pax. p. 118. v. 165.
Martyribus ampla corona reddenda est. 64. 16.
Martyrum rex Christus. 59. 8.
Martyribus verbum Dei copiosius suppeditatur
atque meditandum est. p. 118. v. 162.
Martyrū quanti pretij apud Dominum. 115. 3.
Martyrium Domino pro grandibus eius bene-
ficijs retribuitur. 115. 3.
In quantis malis martyres dono perseverantiæ
muniti steterint inuicti. p. 56. v. 9. 10. 11.
Martyrium calix inebrians. p. 22. v. 7.
Martyrium ante tempora Christi vix fuit visita-
tum. p. 64. v. 16.
Dominus Martyres ad amorem sæculi inclina-
tos immisso terrore sæculi laqueos euadere
fecit. p. 123. v. 6.
Ad Meditandum necessaria est cordis mundi-
ties. p. 18. v. 13.
Absque Mendacio Sancti omnes se pro pecca-
tis suis pati confessi sunt, tametsi quidam eo-
rum causa solius iustitiæ exercendæ pate-
rentur. p. 91. v. 13.
Fideles apud Deum semper Mendicos esse de-
bere. p. 39. v. 24.
Mendicationem religiosorum ab psalte non im-
probari. p. 36. v. 26.
Propositum piæ Mentis si Deus aliam merce-
dem non instituit, pro mercede haberet
facti boni conscientiam. p. 118. v. 110.
Iustificati bonis operibus verè merentur vitam
æternam, perseverantia autem vita æternæ
consecutionem. p. 118. v. 112.
Prophetæ pro excessibus passionis Christi Deū

precati sunt, idq; ad meritōrū cōsulū. 19. 1.
Mirabilarij qui sint. p. 130. v. 2.
Misericordia Domini magna opponitur pecca-
torum magnitudini, multa eorundem mul-
titudini. p. 50. v. 1. & 2.
Misericordia & veritas, quomodo indefinenter
suscipiant hominem. p. 39. v. 16.
Misericordia Domini præueniens & subse-
quens. p. 22. v. 8. & 9.
Misericordia Domini ab æterno vsque in æter-
num. p. 102. v. 16.
Misericordia Domini gentilitati pia sita ab eo
nunquam est auferenda. p. 116. v. 2.
In Deo & iustis prior est Misericordia quam di-
sciplina. p. 100. v. 1.
Nihil tam indignum Dei Misericordia quam su-
perbis miser. p. 29. v. 9.
Clamat ad Deum Misericordem miseria homi-
nis. p. 9. v. 12. p. 11. v. 5. & p. 122. v. 3.
Monasteria in desertis locis a edificanda, & Spi-
ritus sancto impinguanda. p. 64. v. 17.
Mors à mansuetō Deo quadam ratione iroga-
tur. p. 89. v. 12.
Mortem Sanctorū pretiosam facit vita vel cau-
sa, pretiosissimam autē vita & causa. 115. 5.
Mortem atque passionem vel solo seruitutis no-
mine homo debet Deo. p. 115. v. 7.
Cur animalia irrationalia Mortalia sint & cur
homo. p. 103. v. 30.
Homini animam agenti sue morituro, & om-
ni auxilio destituto quid agendum sit.
p. 141. v. 5. 6. 7. & 8.
Quid Moribundo adferre debeat consolatio-
nem. p. 114. v. 7. 8. & 9.
Morituro solatio est, atque adeo iucundū cum,
sicut oportet, se considerat ad meliores per-
gere. p. 141. v. 10.
Homini Morituro inuisibiliter adest diabolus
laqueos intrens. p. 141. v. 4.
Moscouitæ quo loco habeant Romanam Eccle-
siam. p. 30. v. 16.
Pereuntis Mundi incommoda Sancti proceden-
tes Christo obuiam in aëre transibent.
Cant. Abacuc. v. 31. 32. & 34.
Instrumenta Musica laudibus Dei conuenienter
adhiberi. p. 149. v. 3. & p. 150. v. 4.
N.
P Er Nauem Petri in quam conscendit Chri-
stus, Ecclesia non vniuersalis sed particu-
laris Romana intelligi debet. p. 106. v. 23.
Non

Non excusat à peccato necessitas peccandi cum sit vna necessitas non peccandi. p. 140. v. 4.

Ante tempus Necessitatis præuijs orationibus aures Dei nobis aperire debemus, vt cum in necessitate inueniamus ad exaudiendum paratum. p. 63. in princ.

Necessitates quibus obnoxij sunt Christiani. p. 24. v. 23.

Nomen est proprietas vniuscuiusque rei, qua possit intelligi & ab alia distingui. p. 136. v. 4.

Nomen Domini prædicandum, quod sit terribile & sanctum & quare. p. 98. v. 3.

Nomē Domini qua ratione laudandū. 114. v. 1.

Nomen Dei nullum pretiosius inueniri, quam quod Sanctus appellatur. Cant. B. Mariæ. v. 3.

Nomen Dei aliud eius significat æternitatē, aliud bonitatis eius & similitum nobis ingerit memoriam. p. 134. v. 13.

Nomen Domini corroborat, consolatur, auxiliū adfert inuocantibus illud. p. 123. v. 8.

Christū de nonis eorumq; præstigijs per inuocationē sui nominis vel signo crucis fugasse, & ad nihilū redeigisse, Hæc tamen certis de causis effectū deditū subinde nō fortiri. 95. 4.

O.

Quantum nos ab Obediētia, præceptorum Dei, tantum oratio nostra distat ab auri- bus Dei. p. 144. v. 19.

Oculi filij quæ sint. argumento p. 9.

Oculi cur custodiendi, & inter hos quinam sint præcipui. p. 118. v. 37.

Odiū perfectum quod sit. p. 138. v. 21.

Odiū quo malitia prosequenda est. p. 35. v. 4.

Odiū Dei oritur ex hominū à Deo diffornitate, & inde redundat in Christū & Christianos. p. 2. v. 2.

Odit Deus quæ auersatur, & quæ punit. p. 5. v. 6.

Deus dicitur aliquid odisse, vel quia illud punit vel quia id auersatur. p. 35. v. 4. & 105. v. 38.

Deus benefaciendo, conuertit quorundā corda in Sanctorum odiū. p. 104. v. 24.

Non quæuis sed perfidie crimina acri odio prosequenda sunt. p. 138. v. 20.

Oleū sacramēti cōfirmationis & ordinis. 22. v. 7.

Crux & passio Christi, nomine opprobrij significatur. p. 88. v. 49.

Consiliū Dei non posse dissolui tametsi opus Dei subinde dissoluatur. p. 32. v. 11.

Orationis vox triplex est, iustitiæ, desiderij, oris. p. 16. v. 1. & 2.

Oratio eorū qui in infidelium seruitutē redacti in Dei nihilominus timore perseuerāt. 43. v. 19.

Oratio intelligitur per præparationem cordis. p. 9. v. 41.

Oratio fructum adferet si non aduersanti saltem oranti. p. 34. v. 16.

Oratio pulchra ne inualecat iniquitas. 9. v. 20.

Oratio subinde auditur, subinde exauditur. 5. 2.

Oratio similis esse debet incensō. p. 140. v. 2.

Oratio conquesuosa & cum modesto murmure coniuncta Deo non semper ingrata. 43. 24.

Oratio Deo gratissima est qua ei dicimus, Posside nos. p. 78. v. 12.

Ad orationem nocte surgendum. p. 118. v. 62.

Orationū alia appropinquat, alia intrat in conspectum Domini. p. 118. v. 169. & 170.

In Oratione oportet à laudibus Dei incipere. p. 17. v. 4.

Orationem in conspectu Dei profundere quid sit. p. 141. v. 2.

Cor hominis ante orationem à Deo præueniri. p. 38. v. 4.

Orantes Dei notionem animis suis vtiliter ingenerant. p. 118. v. 58.

Orantes quare in terram procident, manus extollant, alijsque modis corpus suum componant. p. 94. v. 6.

Orantes ab omni vitæ solatio se continere debent, nec ab oratione cessare donec fuerint exauditi. p. 76. v. 3.

Orantium vox quæ. p. 3. v. 3.

Orantium instantia seu importunitas. 76. v. 2.

Indignitas orantis causa est subinde, ob quam non impetretur quod rogatum sit. p. 54. v. 1.

Quam sit vtile singulos orare pro omnibus idq; ab arrogantia alienum esse. arg. p. 66.

Deus quam mitis & suavis etiam illis, qui cum multa tum animi tum mentis infirmitate orant. p. 85. v. 4.

Exauditum esse fiduciam vltius orandi suggerit. p. 16. v. 7. & 39. v. 16.

P.

Per ossa Dñi predestinatos intelligi. 33. v. 20.

Per palpebras Domini rapide quædam illustrationes intelliguntur. p. 10. v. 5.

Dominus per se pascit populum cum opera boni pastoris destituitur. p. 106. v. 41.

Pascere in scripturis idē quod regere. p. 22. v. 1.

Passio Christi. p. 68. bona ex parte describitur.

Passiones effrænes ad salutē inutiles esse. 32. 18.

Patient-

INDEX

- Patientia Ecclesiae aduersus hostes suos arma suppeditat, eosque per patientiam vincit. p.70. v.5. & 6. vbi simul quaedam dicuntur de malo impatientiae.
- Legem Patientiae sibi praescripsit Deus secundum quam à lapsu administrat orbem. p.93. v.12.
- Sine Patientia charitas non durat. 72.27.
- Circa subuentionem pauperum quanam intelligenda sint. p.40. v.1.
- Pax Dei dicitur qua Deus in semetipso pacatus est. p.26. v.8.
- Pax non solum dum offertur amplectenda, sed etiam dum fugit insequenda est. 33.14.
- Pax quanto studio inter proximos procuranda sit, & qua ratione. ibidem.
- Pax vitae futurae. p.75. v.3.
- Vt quis cum litigiosis pacificus sit quid requiratur. p.119. v.6.
- Peccato originali tanquam laqueo mortis praecipuantur paruuli. 17.6.
- Extrema ratio peccati originalis est incomprehensibilis, & ob id proprie ad fidem spectans. p.118. v.119.
- Qui in peccato originali concipiuntur, non solum iniquitatis, sed etiam praeparationis rei sunt. ibidem.
- Peccatum originale inter cetera, non tamen sacramentaliter confitendum est. 50.6.
- Quidam in vtero à peccato originis sanctificati. ibidem.
- Quia sub Peccato nascimur ad afflictionem ab inimicis praueimur. p.17. v.21.
- Peccatum omne quadam ratione est impietas: Est tamen quaedam impietas speciale peccatum. p.1. v.1 & 6.
- Peccata nostratanta fuerunt, vt decuerit Christum tantas poenas pro illis exsoluere. 68.7.
- Peccatorum ignoatorum obtineri potest venia. p.18. v.13.
- Peccatorum nostrorum maiorem partem ne intelligimus quidem. ibidem.
- Peccata renatorum saepius dimitti possunt, sed non sine vindicta, aut à Deo, aut à semetipsis illata; per quam efficitur vt peccatum admissum eis non nocuerit. 33. v.32. & 33.
- Peccata quotidiana quotidie emaculanda, cuius rei negligentia peccatum posset mortale adferre. p.25. v.5. & 6.
- Peccata applicatione sanguinis Christi remittuntur. p.31. v.1.
- Peccata comparantur plumbo & lapidi. Canticum Exodi. ver. 5. & 11.
- Peccatis proximi quantoperè condolendum sit. p.118. v.53.
- Deus vt Peccata nostra corrigendo superaret contra nostram duritiam arque rebellionem semetipsum quasi armauit. p.102. v.11.
- Qui peccant venialiter non declinant à mandatis Domini. 118.21.
- Animam peccato infirmatam ac sauciatam esse, & qua ratione id fieri potuerit cum peccatum nihil sit. 40.5.
- Reconditio pristinorum peccatorum quid ei adferre debeat cuius subit memoriam. 6.7.
- In Peccato dum absconditur affectus hominis magis magisque irretitur. p.9. v.16.
- Peccatorum cicatrices quae & quomodo corrumpantur. p.37. v.5.
- Confusio de Peccato quid boni adferat poenitenti. p.6. v.10.
- Homines Peccata mendaciter ponderant, & verba sua non ponderant. p.61. v.9.
- Deum etiam in sanctis Peccata deprehendere quae homines aduerrere non possunt 98. v.9.
- Grauius Peccant qui ea non praestant ad quae sine praeepti necessitate semetipsos obligauerunt. p.75. v.15.
- Qua ratione dolor de Peccatis dicatur contritio. p.50. v.18.
- Agnitio Peccati absque spe veniae turbat peccatorem. p.37. v.10. & 45. v.6.
- Confessio Peccatorum coram Deo etiam in particulari ad eorundem remissionem omni tempore in usu fuit, ex quo deducitur Christum cum sacramentum confessionis instituit, non instituisse nouam poenitendi rationem, sed magno Christianorum compedio, inuisibile tribunal sub iisdem penè poenitentiae legibus in tribunal visibile immutasse. p.31. v.6. & 105. v.6. & seq.
- Impropria patienter toleranda illis qui remissionem peccatorum implorant. p.38. v.12. & 13.
- Non solum confitenda, sed etiam accusanda unicuique sibi esse peccata. p.31. v.6.
- Peccata abscondi dicuntur, quia in die iudicii nullam verè poenitentibus adferent confusionem. p.31. v.1.
- Deus neminem in peccata propellit, quin potius omnes erigit. p.144. v.15.
- Deus permittit iustos subinde in Peccata incidere

dere ob superbiam vel ad curandam superbiam. p. 29. v. 9.
 Remissio Peccatorum ante Dei promissionem incerta, non tamen fuit desperanda. 50. 7.
 Confessionem peccatorum non esse breuibus verbis perstringendam. pl. 50. 3.
 Peccatores parturiendo iniustitiam concipiunt dolorem, & lacum qui est infernus ipsi sibi aperiunt. pl. 7. v. 15. & 16.
 Deus Peccatores patienter, & tamen quod illis profit, minaciter expectat. p. 7. v. 12.
 Cum Peccatoribus in eorum correptionem ne quidem conuersendum esse. 100. v. 7.
 Quid homini qui ad Peccatum impellitur aut sollicitatur, cogitandum sit. 61. v. 4.
 Cur confiteamur Deo peccata nostra. 31. 5.
 Quam diuturna misericordia & patientia sustineat Deus Peccatores explicatur p. 105.
 Familiare est hominibus excusare Peccata, & qui id agunt, indulgentiæ medicinam repellunt. plal. 140. v. 4 & 5.
 Pœnitentia veniæ causa. p. 6. v. 4.
 Pœnitentia non diu differenda. 6. 10.
 Pœnitentia non sola conscientia præferenda, sed assu aliquo administranda. p. 6. v. 6.
 Pœnitentiam accipiendæ veniæ causam quandam meritoriam esse. 142. 12.
 Pœnitentiâ accipiendæ veniæ causam esse, tametsi non primariam & spem veniæ in ea suo ordine collocari posse. p. 129. v. 4.
 Tristitia Pœnitentiæ non debet esse perpetua, & quid illi faciendum sit qui post absolutio nem motibus inquietæ conscientie exagitat. pl. 79. v. 6.
 Censura qua veteres quidam decreuerunt Pœnitentiam non esse dandam illis qui in agitudine demum conuertuntur, improbat. Canticum Ezechie, ver. 11.
 Pœnitendum est pro octaua ob quam non pœnituit Achab, & ob id pœnitentia eius non fuit vera. arg p. 6.
 Pœnitentem à recidino prohibere debet quod nolit diuinæ misericordiæ iterum esse omeri. pl. 6. v. 8.
 Pœnitenti non solum veniam, sed etiam spiritalium virium reparationem postulandam esse. p. 37. v. 10.
 Pœnitentis animum ad flagella paratum esse debere. p. 37. v. 18.
 Pœnitentes proficere debent vt Pœnitentiam

quam principio agunt ordinato amore sui, postmodum perfectius agant ex genuino amore Dei. p. 6. v. 5.
 Pœnitentes tametsi ante remissionem peccatorum quædam vitalia exerceant, ante eam tamen vitam non habere nec vivere. 142. v. 12.
 Pœnitentibus dolorem summo opere excitat, si considerauerint vnde lapsi sint. p. 136. v. 12.
 Præ pœnitentibus beati sunt stantes siue innocentes. p. 105. v. 3.
 Pœnitentibus ornatus exterior deponendus est. p. 129. v. 5.
 Amici carnales pœnitentibus infest. 37. 11. 12. 13.
 Dilatio veniæ ad quid utilis Pœnitentibus. 6. 3.
 Multi cum sentiunt Pœnam, corrigunt culpam. p. 31. v. 4.
 Perfectionis nomine subinde perpetuitas, subinde summus iustitiæ gradus significatur. 16. 6.
 Persecutio gentilium crudelis, hæreticorum blanda Anti-Christi ex utroque mixta. p. 9. v. 31.
 Persecutio in bonum & in malum sumitur. 17. 40.
 Persecutionum complures prouetus, decuntque Deum eorum prospectu persecutiones tolerare. p. 2. v. 10.
 Persecutiones fors iustorum à principio, in argument. p. 2. & p. 128. v. 1.
 Persecutiones à nullis magis concitatur, quam à vulgo. p. 2. v. 2. & p. 45. v. 2.
 Persecutionibus castigat Deus Ecclesiâ. 117. 18.
 Qui tempore persecutionis diffugiunt, more castrensi quasi in tabernaculis degunt. 59. v. 6.
 Deus persecutiones in religionem Christianam permittit in Christianorum correctionem. 59. v. 1.
 Tyranni in Persecutione augent palmam dum aggerant pœnam. p. 59. v. 13.
 Persecutio Anti-Christi superueniet orbi vt turbo. Cant. Abacuc. v. 21.
 Erit tempus quo parum abesse videbitur, quin persecutio absumperit Ecclesiâ. 118. v. 87.
 Christiano in Persecutione constituto, quid faciendum sit. p. 34. v. 15. 16. 17.
 Perseuerantia speciale Dei donum. 58. v. 9. & 10.
 Donum Perseuerantiæ tale esse, vt per id fideles non solum perseuerare possint, verum etiâ non nisi perseuerantes sint, in o contra quauis aduersa perseueranter stent. p. 65. v. 8.
 Vt perseueremus sit manus Domini super Christum. p. 79. v. 19.
 Iustum est eos qui acceperunt gratiam sperare à Deo perseuerantiam. p. 7. v. 11.
 S f f f Chri-

- Christus est Petra Ecclesiae, quia immobilis veritas in quam est credendum, Petrus Ecclesiae petra, quia immobilis fidei ac eruditionis forma secundum quam de Christo & eius doctrina est sentiendum. p. 118. v. 105.
- In Petra exaltari est in Ecclesia superiorem locum conscendere. p. 26. v. 10.
- Plagae & intercessionis veteris testamenti valuerunt illi populo ad correptionem in salutem aeternam. p. 105. v. 30.
- Placere velle hominibus quam perniciosum est. p. 52.
- Pollutio nocturna qua ratione detestanda, quodque effectus eius etiam a non consentiente ingemiscendus sit. p. 37. v. 7.
- Potentes in saeculo manducant & adorant corpus Christi, sed inde non saturantur. 21. v. 32.
- Deus non solum potens est, sed etiam in quibusdam de facto omnia peccata dimittit. 129. 7. & 8.
- Homines qui pro potestate agunt, & non pro veritate, tamen in saeculo splendidi, non sunt timendi. p. 55. v. 3.
- Principes seruiunt Domino non solum in sua religione, sed etiam potestate. p. 2. v. 11.
- Vtilis Potentatus siue potestas eorum qui regunt Ecclesiam quae. p. 138. v. 16.
- Preces canonicae certis horis mysterij causa assignata. p. 118. v. 62.
- Preces matutinae Deo gratiores, & quare preces canonicae per certas horas dispositae sint. 5. 4.
- Præcingi significat ad obsequium expeditum esse. p. 17. v. 34.
- Doctrina de praedestinatione Dei secundum propositum confortat fideles, eamque doctrinam in Ecclesia fore perpetuam. p. 88 à princ. v. 1. & 2.
- Prædicatores Euangelij recte equis comparari. Cant. Abacuc. v. 13.
- Prædicatores veritatis, ut salutem adferant mundo præparantur à Deo. p. 64. v. 7.
- Prædicatores verbi Dei sicut & auditores, alij comparantur diei, alij nocti. 18. 2.
- Mali cum prædicant ob quid arguendi. 49. 17.
- Prædicatio Euangelij pluvia voluntaria, quia voluntarios facit. 67. 10.
- Prædicationis Evangelicae primus qui & matutinus egressus fuit ad gentes: secundus, qui & vespertinus erit ad Iudaeos, uterque ob multitudinem conuertendorum delectabilis. p. 64. v. 8. & p. 86. v. 40.
- Ex prædicatione Evangelica concipitur Dei gloria, sicut & ex conuersione Sanctorum, sed tempore huius vitae. 17. 14.
- Verba errorum ante Prædicationem Euangelij in mundo præualuerunt: sicut & prævalent tempore haereticorum. 64. 3.
- Adornanti S. Prædicationem curandum vel optandum est, ut doctrina eius conerescat in pluuiam. Cant. Deuter. v. 2.
- Christus per Euangelicam prædicationem non venit terribilis. Cant. Abacuc. v. 12.
- Euangelicae Prædicationis vis & efficacia. 67. 25.
- Regna & gentes fracta superbiae ceruice Prædicationi Euangelij tandem cedere ceperunt. Psal. 45. v. 6.
- Præmium nec iustitiae sine operibus, nec operibus sine iustitia debetur. p. 17. v. 23.
- Præmium à Deo homini datur, quia ad bene operandum, ipse aliquid de suo confert. pl. 17. v. 23. 24. 25. 26. & 27.
- Bonitatis augustissima est & inaudita, quod Deus sua munera insuper Præmio afficiat. psal. 17. v. 23.
- Præpositi Ecclesiarum Ecclesijs suis in signum sunt, eisque orandum ut signum quod præbent populis, cedat in bonum. 85. 15.
- Qualem se quisque Deo præparat, talem se ei Deus vicissim exhibet. p. 17. v. 28.
- Adducere Præputium quid sit. 136. 10.
- A cura proficiendi vacantem à mortis tenebris comprehendi periculum est. 138. 15.
- Proijci à facie Domini quid sit. 50. 12.
- Non est metuendum pauciores saluandos esse, si saluentur homines secundum Dei Propositum absolutum, quam si secundum conditionatum. p. 11. v. 9.
- Fiducia salutis oritur ex auxilio Dei secundum propositum. Cant. Isaia. v. 2.
- Proteccio Dei non desidiosè expectanda, sed precibus ambienda. p. 56. v. 3.
- Psalmus 29. est canticum iustorum in resurrectione. ibidem.
- Psalmus 28. cur legatur in die Epiphaniae, ibidem.
- Psalmus 94. solent Christiani in exordio conuentuum suorum recitare. in arg. p. eiusdem.
- Psalmus 89. David sensum & deuotionem Moysis descripsit. ibidem.
- Purgatorium non expugnari per illum locum Psalmi: Cum dederit dilectis suis somnum. 126. 4.
- Puillanimitas hominis qui usque ad tempus suae aegritudinis seculariter vixit. Cantic. Ezechia. v. 1. 2. 3. 4. 5 & 6.

Quærit

Quarit Deus etiam iustos. p. 118. v. 176.
Quod potest semper querere Dominum, ut
 semper maiore cum incremento inuenias
 eum. p. 104. v. 4.

Qua ratione Christus in passione sua quarelam
 deprompserit. p. 21. in arg.

Quæ sit illa in hostes collata retributio, siue talio
 quæ faciat retribuente beatū. p. 136. v. 11. 12.

Quidam confitentur Domino quoniam potens
 est, alij quia sibi bonus est, alij quoniam sim-
 pliciter bonus est. p. 135. v. 1.

Quidam varijs artibus homines ad admiratio-
 nem sui rapiunt. p. 130. v. 2.

[Quis?] paucitatem significat. p. 14. v. 1.

R.

Christus passione sua non se, sed genus hu-
 manum sibi Reconciliauit. p. 97. v. 2.

Rectoribus opus esse bonitate disciplina & scien-
 tia. p. 118. v. 66.

Christo Redimente & interueniente potest ho-
 mo redimere semetipsum sine eo non potest.
 p. 48. v. 8.

Reges cur demum sero ad religionem sint con-
 uersi. p. 2. v. 10. p. 47. v. 4

Regum status periculosus, in eo tamen eos sal-
 uat Dominus. p. 143. v. 11.

In regnum celorum nemo ingreditur nec egre-
 ditur. p. 147. v. 2. & Cant. Exodi. v. 20.

In regum conuersione tam ex conuertentium
 quam eorum, qui conuertebantur parte do-
 lores, ut parturientis. p. 47. v. 6.

Religionis excidium luctu perpetuo deploran-
 dum, ne alioqui incipiat homo salutem suam
 parui pendere, & de ipsa religione minus aut
 aliter quam oportet verba facere, & quando
 non oportet, tacere. p. 136. v. 6. 7. & 8.

Religionem Christianam in tota sua obseruatia
 ac disciplina nihil omnino admittere quod
 cum honestate morum aut pudicitia pugnet.
 p. 95. v. 6.

Ex cisa Religione lætitiā non esse resumendam
 nisi à religionis restitutione. p. 136. v. 8.

Circa veram religionem suscipiendam, mouent
 homines cōplures & vanas difficultates. p. 13. 10.

Reminiscentia Dei quæ. p. 21. v. 29.

Remissio peccatorum non est nuda peccatorum
 condonatio, sed pretij applicatio, siue san-
 guinis Christi aspersio, nec datur homini sine
 iustitiæ aut nouæ vitæ infusione. p. 192. v. 12.

Resurrectio cur appelletur regeneratio. p. 2. v. 7.

Resurgent impij duplici de causa. p. 1. v. 6.

Christus per immortalitatem corporis in cæ-
 lis existens, testis est nostræ Resurrectionis.
 p. 88. v. 36.

Risus iustorum in interitu impiorum quis. p. 51. 6.

Retributionem à Deo petere prærogatiua fidei
 est, non præsumptio. p. 118. v. 17.

In retributione nō omnes fore æquales. p. 74. v. 8.

S.

Sacerdotium Christi secundum ordinē Mel-
 chisedech in duobus consistit. p. 109. v. 3.

Christus in cœna sacerdotio secundum ordinem
 Melchisedech functus est. p. 109. v. 5.

Sacramenta operantur gratiam quam signifi-
 cant, & etiam gratiam quam non significant.
 p. 22. v. 7.

Sacramenta Ecclesiæ vnicorni cōparantur quia
 sine eis hoc tempore nulli contingit salus.
 p. 77. v. 75.

Sacrificium missæ prout nunc in usu est secun-
 dum omnes suas partes à Psalte descriptum
 esse ostenditur. p. 49. v. 15. & 16. & 24.

Sacrificiū missæ in locum sacrificiorū veterum
 vnicū succedisse. p. 49. v. 15. 16. & p. 68. v. 36.

Sacrificia veteris legis per Christum auferenda
 fuisse & quare. p. 39. v. 9. & p. 49. v. 8. & seq.

Sagittæ verba Domini sunt. p. 44. v. 7.

Salomon errare permissus est, ne in eo credere-
 tur impleta prophetia de Christo. p. 88. v. 37.

Quoddam esse genus Salutis hominibus & be-
 stijs commune & quoddam hominibus pe-
 culiare. p. 35. v. 7.

Samuelem tametsi extra ordinem sacerdotem
 fuisse. p. 98. v. 6.

Sancti despiciuntur ab eis qui volunt imp. è age-
 re, hoc tamen per se miserum non facit, sed
 ob id in animi cruciatu versari. p. 122. v. 4.

Deus custodiæ Sanctorum suorum tantopere
 inuigilat, ut ne dormitanti quidem similis
 videri possit. p. 120. v. 4.

Sanctorum vita credita in eandem viuendi for-
 mam flagrantiorē excitat charitatem. p. 119. 4.

Deus Sanctorum suorum dicitur virtus ob gra-
 tiam operantem. p. 45. v. 1.

Rectè orari ut Sanctorum meritis precibusque
 iuuemur. p. 59. v. 5.

Adversa absque omni suo demerito tolerare non
 quorumnis Sanctorum est, sed excellentissi-
 morum & Abraham similitum. p. 91. v. 15.

S i i j San-

INDEX

Sanguis vultus calicem Domini significat. Canticum Deuteronom. ver. 21.
 Deus requirit Sanguinem cum ouem perditam querit ad redituam iustitiam, vel cum de peccatis vindictam sumit, prius tamē requirere ad studia Domini pertinet. p. 9 v. 12.
 Scriptura Sacra quibusdā locis docet quid credendū sit, alijs locis qua ratione id quod credendū proponit apprehendendū sit. 118. 105.
 Scriptura S. conscripta partim per viros principes, partim plebeos. p. 86. v. 5.
 Scriptura Sacra ad plures sensus extendi potest. arg. in ps. 1.
 Scriptura S. pro religione pugnantibus est velut militaris tuba. p. 59. v. 6.
 Scripturam sacram à Spiritu sancto formatam atque dictatam esse. p. 44. v. 2.
 Verba Scriptur. in pectus congerēda sunt. 118. 11
 Differentia inter verba Scripturarum & hæreticorum. p. 11. v. 7.
 Ars contendarum Scripturarū quæ. p. 13. v. 7.
 Cor Dei in Scripturis S. apparet. p. 54. v. 23.
 Præfens sæculum esse desertum. p. 62. v. 3.
 Homines sæculo deditos esse somniantibus similes. p. 38. v. 9.
 Corpora mortuorū Sepeliri, magis pertinet ad solatia viuorū, quā subsidia mortuorū. 78. 2.
 Sermones Domini quidam non custodiuntur, nisi per charitatem. p. 118. v. 17.
 Sicut, non semper nudam similitudinem importat. p. 125. v. 1.
 Nimium Silentium improbari. p. 38. v. 3.
 Simeon vsq; dum acciperet puerum, à quibusdā cæcus fuisse putatur, & accipiendo puerum illuminatus. Cant. Simeonis. v. 2.
 Simeon puerum Iesum in vlnas suas ex manibus B. Mariæ accepit. Cant. Zach. v. 5.
 Simeonē supra facultatem suæ naturæ in vita aliquantisper conseruatū fuisse. Cāt. Sim. v. 1.
 Spes non confundit. p. 24. v. 1. 2. 16. & 21.
 Spes & fiducia in quo differant. 117. v. 8. & 9.
 Spes magna causā est impetrandæ à Deo misericordiæ. p. 56. 1.
 Spem nutrit & excitat memoria acceptorum à Deo beneficiorum. p. 56. v. 3.
 Deus ijs qui pusillo sunt anīmo vt eos in Spem erigat frequenter occurrit. p. 24. v. 1.
 Quatuor sunt spei, de venia fundamēta. 129. 3.
 Sublata spe veniæ auferuntur incentiua poenitentia. p. 129. v. 3.

Melius esse sperare in Domino quā in homine probatur. p. 145. v. 5.
 Sperandum in Domino eo quod non audiat aliquis eorum qui in Domino sperant, à Domino derelictus. p. 9. v. 10.
 De Dei quo ad poenitentiam adhortatur verbo venia Speranda, etiam si Deus donandæ veniæ nullam promissionem ediderit, imo veniam suo iudicio reseruauerit. 129. 5.
 In solitudine robur animi sensim comparandum. p. 54. v. 8.
 Spiritus principalis quis. 50. 13.
 Spiritus qui in die Pentecostes datus est, est spiritus duplex, alienæ salutis operandæ sufficiens. p. 67. v. 19.
 Spiritus sanctus cur ore Domini & lingua designetur. p. 32. v. 5.
 Illos per quos Spiritus sanctus loquitur de semetipsis in tertia persona loqui solere. Canticum trium puer. ver. 18.
 Quam pacatus debeat esse animus hominis & à quorū perturbationibus sequestratus vt Spiritus sanctus velocius operationē percipiat. 75. 2.
 Superbiam esse deuitandam docet psalm 130.
 Propter Superbiam multi deseruntur, electi vero contra ipsam superbiam erudiuntur. 58. 13.
 Contra Superbiam auxilium ante omnia postulandum esse. p. 35. v. 12.
 Oportet Superiorem conuersationem suam ante omnia domesticis probatam facere. 100. 3.
 Ad locum superiorem capeffendum seposito proprio studio Dei prouidentiam expectandam esse. p. 36. v. 6.
 Deus quo sensu susceptor noster dicatur Cassiano, quo sensu Prospero. p. 17. v. 3.
 Suspiciosum esse probrosum est. p. 118. v. 39.
 Nomine Syō gentiū Ecclesia intelligitur. 13. 11.
 T.
 Tabernaculum mansionem æternam subinde significat. p. 14. v. 1.
 Tempore tædij spiritualis quid vnicuique faciendum sit. p. 118. v. 28.
 Tēpestas abscondita in corde hominis quæ. 80. 7.
 Tempore tranquillitatis bonorū operū thesaurus nobis cōparandus est in diē necessitatis. 19. 3.
 Totum tempus huius vitæ vnicuique adulto tempus est veniæ. p. 129. v. 6.
 Optima gubernatio gerere omnia in tēpore. 1. 3.
 Nullæ tenebræ tam densæ quæ non à Domino illuminentur. p. 138. v. 11.
 Tenta.

Tentatio duplex. p. 25. v. 2.
 Infirmitas est in Tétatione quæ eis fit ad pro-
 bationem vel exercitationem cōtristari. 54. 2.
 Sūt occulta Dei dona in hominibus quæ nō nisi
 interrogatione tentationis palā fiunt. 138. 14.
 Testamentum nouum etiam sua habet quasi iu-
 dicialia præcepta, quæ Psaltes suo tempore
 custodiuit. p. 18. v. 10. & 12.
 Est quoddam Dei Testamentum electis singu-
 lariter destinatum. p. 88. v. 4.
 Distinctio inter præcepta veteris & noui testa-
 menti. p. 18. v. 8. 9 & 10.
 Timor gehennæ sine spiritu Domini non con-
 cipitur. p. 138. v. 9.
 Exaltantur super inimicos qui eos patienter to-
 lerant, præstantius verò qui eos tolerando
 conuertunt. p. 26. v. 10.
 Traditio fidei & religionis nostræ ad Christum
 tanquam principium referenda est, eaque ra-
 tione hæreticis expeditè præscribitur. 10. 1.
 Transitus à fide Catholica ad hæresim non nisi
 insipienter & leuiter fieri potest. p. 10. v. 1.
 Tribulatio est oportuna percipiendæ misericor-
 diæ Dei. p. 9. v. 9.
 Tribulatione probantur homines. 16. v. 4.
 Christus ob miseriam cui obnoxium erat ge-
 nus humanum in Tribulatione versatus est.
 p. 17. v. 7 & 8. & p. 19. v. 1.
 Tribunal impiorum est coram quo in benefa-
 cta inquiruntur. p. 118. v. 23.
 Opera Trinitatis esse indiuisa. 32. v. 5.
 Homines tam religiosos quàm sæculares in hac
 vita turbantur. p. 38. v. 15.
 Tuus sum ego non est omnium dicere. 118. 94.
 V.

Vallis lachrymarum est hoc sæculum, ex
 quo gradatim ascendendum est. 83. 6.
 Vanitatem esse in creaturis ob vanitatem vten-
 tium. ps. 38. v. 8.
 Verbum Dei vt sponsus copulauit sibi huma-
 nam naturam, & Christus vt sponsus copu-
 lauit sibi Ecclesiam. p. 18. v. 5.
 Verbum ante suam incarnationem in specie vi-
 sibili permultis immediatè apparuisse. Can-
 ticum trium puer. v. 2.
 Verbum pueris in camino ignis incognitum
 non fuisse. ibidem.
 Ex eo quod inter creaturas Verbum Dei non
 inuitatur ad laudandum Dominum, colligi-
 tur Verbum non esse creaturam. ibidem.

Verbum Dei hominibus cōinfantiū esse. 143. 4.
 Verbum processit de Patris plenitudine: Item
 de patris corde, atq; Dei Patris quadam exu-
 berantia, & ob id est vnum. p. 44. v. 1.
 Deus vnico verbo apud semetipsum loquitur,
 quæ nos distinctis sententijs apprehendi-
 mus. p. 61. v. 11.
 In Verbo nobis omnia disponenda sunt. 89. 19.
 Verba quo iudicio disponenda sunt. p. 36. v. 32.
 Velamen veteris testamenti qua ratione per
 Christum sit ablatum. p. 118. v. 130.
 Venena in suis locis naturisq; pulchra sunt, &
 ad vniuersitatis decorē atq; hominum vltimū
 multū adserūt momēti atq; vtilitatis. 148. 10.
 De Dei bonitate venia speranda aut potius præ-
 sumenda est, & ambienda, etiam priusquam
 Deus vllū futurę veniæ indicium dederit. 129. 5.
 Non solum inuentio, sed & inuestigatio verita-
 tis Dei donum est. p. 28. v. 8.
 Per vestem Christi desuper contextam charitas
 significatur. p. 21. v. 19.
 Vestimentorū Christi asperitas & rigor. 68. 14.
 Vindicta vltima iustè exposcitur, sed à Christia-
 nis infirmis. p. 102. v. 5. & 137. v. 9.
 Per studium iniquè vindicandi quis tam appro-
 pinquat damnationi, quam per importunita-
 tem lædendi. p. 93. v. 17.
 In peccatis vindicandis Deus non solum iusti-
 tiam exercet, sed etiam æquitatem. p. 10. v. 8.
 De Vindictis impiorum, iustis qua ratione gau-
 dendum & qua ratione dolendum p. 57. v. 10.
 Neminem debere semetipsum vindicare.
 Cant. Deut. v. 30.
 Quod Deus ab ijs qui tempore noui testamenti
 in peccata relabuntur, grauissimam in futuro
 vindictam exacturus sit, ex seueritate quam
 in veteri testamento exercuit, nobis reliquit
 colligendum. p. 98. v. 4.
 In virtutibus quidam magna festantur. 130. v. 2.
 Christus à virtutis intēione animum suū nun-
 quam relaxauit, necesse est verò sanctos ad
 virtutis perpetuitatem lassifl-re. p. 17. v. 35.
 Viscera misericordiæ qua ratione competant
 Cant. Zach. v. 11.
 Visitationes Ecclesiarū iam fundata: ū p. 64. v. 9.
 Vita æterna obuenit iustis & tanquam gratia,
 & tanquam merces. p. 126. v. 4.
 In futura vita non solum toto corde laudabitur
 Deus, sed omnia membra & viscera corporis
 proficient in laudibus Dei. p. 83. v. 5.
 S s s iij Amor

INDEX

Amor futuræ Vitæ in Deū tēdere debet & societate angelorum atq; sanctorū. p. 83. v. 1. & 2.
 Studio Vitæ contemplatiuæ quasi quadam animi celsitudine mala in quibus versaris calcanda esse. p. 54. v. 6.
 Cibus Vitæ æternæ frumenti adeps est. 147. 3.
 Vita hominis quæ ratione dicatur deficere. p. 141. v. 3.
 Christus mox vt ascendit fecit fideles communiter seu in forma Vitæ communis simul habitare. p. 67. v. 6.
 Deus Vlciscitur peccata sanctorum propitius, & quibus modis. p. 98. v. 9.
 Deus peccata Vlciscitur nō quia sœuus, sed quia ultionum Dominus. p. 93. v. 1.
 Vltimus dies si hominem benè ambulātem inuenierit perficiendus potius erit quam puniendus. p. 25. v. 12.
 Vmbra mortis quæ sit. p. 106. v. 10.
 Vnctio Ecclesiæ per eius serpit vnitatem. 132. 3.
 Vnctio regum & sacerdotum in synagoga permansit tanquam quædam lucerna præcedens Christum. p. 131. v. 18.
 Virgines ad altare vt sacræ victimæ immolari solent & consecrari. p. 44. v. 17.
 Virgines solent à Christianis omni honore & charitatis operatione cumulari. p. 44. v. 17.
 Virgines à principio Ecclesiæ in ea fuerunt, Hymnis & Canticis spiritualib⁹ vacantes. 67. 27.
 Virgines professionem virginittis voluntariè suscipere debent. p. 44. v. 17.
 Beata Maria Virginitatem prima vouit. 44. 17.

D. Mariæ exemplo prouocata crebrescunt studia virginittis. p. 44. v. 17.
 Christus ex Virgine virgo natus vtrique sexui hominū gratiam virginittis contulit. 44. 10.
 Inuitantur Virgines vt studio virginittis & religionis sæculum & quidquid in eo haberunt deserant. p. 44. v. 17.
 Voluntas Dei non vnica sed primaria nostræ salutis causa. p. 17. v. 22.
 Animam hominis oportere diuinæ voluntati esse subiectam, imprimis quia à Deo nihil mali potest procedere, deinde quia Deus eius creator & saluator est, & Deus ad ferendum aduersa etiam patiētiā suppeditat. 61. 1. 2. & 5.
 Scutum quo coronantur Sancti est bona Dei Voluntas. p. 5. v. 15.
 Mala culpæ tametsi non fiant sine volūate Dei, non tamē exquirūt in volūates Dei. 110. 2.
 Voluptas Dñi ea dicitur quæ Deus est sibi. 26. 8.
 Vouere non est per psalterium prohibitum aut improbatum. p. 124. v. 5.
 Vouere licitum & laudabile, & quibus, reddere autem vota necessarium. p. 75. v. 11.
 Cum quanta discretionē vouendum sit. 118. 108.
 Nemo rectè vouet nisi idipsum prius à Deo acceperit. p. 118. v. 108.
 Solum confitendi votum in necessitate semper, extra eam verò subinde remissionem peccatorum obtinere. p. 31. v. 6.
 Vt, particula, non semper intentum, sed subinde euentum significat. p. 50. v. 5.
 Quantū boni familiæ adferat vxor timēs Deum. p. 127. v. 3.

PSALMORVM INDEX.

AD Dñm cū tribularer, Psal. cxix. pag. 685.
 Ad te Domine clamabo, xxvij. 148.
 Ad te Domine leuauī, xxiiij. 137.
 Ad te leuauī oculos, cxxij. 691.
 Afferte Domino, xxviiij. 151.
 Attendite popule, lxxvij. 412.
 Audite hæc omnes gentes, xlviiij. 255.
BEati immaculati, cxviiij. 633.
 Beati omnes qui timent, cxxvij. 704.
 Beati quorum remissæ sunt, xxxi. 164.
 Beatus qui intelligit super, xl. 213.
 Beatus vir qui non abiit, l. 1.
 Beatus vir qui timet Dominum, cxi. 612.
 Benedicam Dominum, xxxiiij. 175.
 Benedic anima mea & omnia, cij. 541.

Benedic anima mea Domino, ciiij. 551.
 Benedictus Dominus Deus, cxliij. 765.
 Benedixisti Domine terram, lxxxiiij. 448.
 Bonum est confiteri Domino, xci. 485.
Cæli enarrant gloriam, xviiij. 109.
 Cantate Domino cant. no. cxlix. 786.
 Cantate Domino cant. no. cant. xc v. 505.
 Cantate Domino cant. no. quia, xcviij. 515.
 Confitebimur tibi, lxxiiij. 399.
 Confitebor tibi Domine in toto, ix. 48.
 Confitebor tibi Domine, cx. 610.
 Confitebor tibi Domine in toto, cxxvij. 742.
 Cōfitemini domino & inuocate, ciiij. 560.
 Confitemini Domino quoniam, cv. 567.
 Cōfitemini Domino quoniā bo, cyi. 579.
 Confite-

PSALMORVM.

Confitemini Domino quoniam,	cxvij.	627.	Eripe me de inimicis meis,	lvij.	297.
Confitemini Domino quoniā bo.	cxix.	732.	Eripe me Domine ab homine,	cxix.	750.
Conserua me Domine,	xv.	78.	Eruſtauit cor meum verbum,	xlviij.	232.
Credidi propter quod,	cxv.	623.	Exaltabo te Deus meus,	cxliij.	769.
Cum inuocarem exaudiuit.	liij.	18.	Exaltabo te Domine, quoniam.	xxix.	155.
D E profundis clamaui,	cxix.	711.	Exaudiat te Dominus in die,	xix.	117.
Deus auribus nostris,	xlviij.	224.	Exaudi Deus deprecationem.	lx.	311.
Deus deorum Dominus,	xlvi.	260.	Exaudi Deus orationē meā, & ne,	liij.	280.
Deus Deus meus ad te.	lxij.	317.	Exaudi Deus orationē meā, cum,	lxviij.	321.
Deus Deus meus, respice in me,	xxi.	123.	Exaudi Domine iustitiam,	xvi.	85.
Deus in adiutorium meum,	lxix.	364.	Expectans expectaui Dominum,	cxix.	207.
Deus in nomine tuo saluum,	liij.	278.	Exultate Deo adiutori,	lxxx.	434.
Deus iudicium tuum regi,	lxxi.	374.	Exultate iusti in Domino,	cxix.	169.
Deus laudem meam ne,	cvij.	593.	Exurgat Deus & dissipentur,	lxviij.	338.
Deſtis miſereatur noſtri,	lxvi.	337.	F undamenta eius in mōtibz,	lxxxvi.	454.
Deus poſter refugium,	xl.	244.	I nclina Domine aurem tuam,	lxxxv.	450.
Deus quis ſimilis erit tibi,	lxxxiij.	440.	In conuertendo Dominus,	cxix.	698.
Deus repulſiſti nos & deſtruxiſti,	lix.	305.	In Domino confido,	x.	59.
Deus ſtetit in ſynagoga,	lxxxi.	437.	In exitu Iſrael de Aegypto.	cxliij.	616.
Deus venerunt gentes,	lxxviij.	423.	In te Domine ſperaui, non conf.	xxx.	159.
Deus vltionum Dominus,	xciiij.	494.	In te Domine ſperaui,	lxx.	364.
Dilexi quoniam exaudiet,	cxliij.	612.	Iubilare Deo omnis terra, pſalm.	lxv.	329.
Diligam te Domine fortitudo,	xvij.	91.	Iubilare Deo omnis terra, ſeruite.	xcix.	526.
Dixi cuſtodiam vias meas,	xxviiij.	201.	Iudica Domine nocentes me,	xxxiiij.	179.
Dixit Dominus Domino meo,	cix.	599.	Iudica me Deus & diſcerne,	xlviij.	222.
Dixit iniuſtus vt delinquat,	lxxxv.	184.	Iudica me Domine quoniam,	xxv.	141.
Dixit inſipiens in corde ſuo. 1.	liij.	71.	L etatus ſum in his,	cxxi.	689.
Dixit inſipiens in corde ſuo. 2.	liij.	277.	Lauda anima mea Dominū,	cxlv.	774.
Domine clamaui ad te,	cxl.	753.	Lauda Hieruſalem Dominum,	cxlvij.	780.
Domine Deus meus in te,	vij.	35.	Laudate Dominum de celis,	cxlvij.	783.
Domine Deus ſalutis meæ,	lxxxviij.	456.	Laudate Dominum in ſanctis,	cl.	788.
Domine Dominus noſter,	viiij.	42.	Laudate Dominum omnes,	cxvi.	626.
Dñe exaudi orationē meā, & cla.	ci.	532.	Laudate Dominum quoniam,	cxlvi.	777.
Dñe exaudi orationē meā, aurib.	cxliij.	760.	Laudate nomen Domini,	cxliij.	727.
Domine in virtute tua,	xx.	119.	Laudate pueri Dominum,	cxij.	614.
Domine ne in furore tuo,	vi.	29.	Leuaui oculos meos in montes,	cxv.	687.
Domine ne in furore tuo,	xxxviij.	197.	M agnus Dominus & laud.	xlviij.	250.
Domine non eſt exaltatum,	cxix.	715.	Memento Domine Dauid,	cxliij.	717.
Domine probaſti me & cog.	lxxxviij.	743.	Miſerere mei Deus, miſerere,	lvi.	290.
Domine quid multiplicati ſunt,	iiij.	14.	Miſerere mei Deus quoniam,	lv.	287.
Domine quis habitabit in tab.	xlviij.	75.	Miſerere mei Deus ſecundum	L.	266.
Domine refugium factus,	lxxxix.	475.	Miſericordiam & iudicium cant.	C.	529.
Domini eſt terra & plenitudo,	xxiiij.	134.	Miſericordias Domini in ætern.	lxxxviij.	459.
Dominus illuminatio mea,	xxvi.	143.	N iſi Dominus ædificauerit,	cxliij.	700.
Dominus regit me, & nihil,	xxiiij.	131.	Niſi quia Dominus erat in,	cxliij.	693.
Dominus regnauit decorem,	xcvi.	491.	Noli æmulari in malignantibus,	xxxvi.	189.
Dominus regnauit exultet,	cxvi.	510.	Nónne Deo ſubieſta erit anima,	lxi.	313.
Dominus regnauit irafcantur,	xcviij.	518.	O Notus in Iudæa Deus,	lxxv.	402.
E cce nunc benedicite Dñm,	lxxxviij.	726.	O Mnes gentes plaudite manib.	xlvi.	248.
Ecce quam bonum,	lxxxviij.	724.	P aratum cor meum Deus,	cvij.	592.

Quam

PSALM. ET CANT. INDEX.

Q uam bonus Israel,	lxxij.	387.	Saluum me fac Domine,	xi.	65.
Quam dilecta tabernacula,	lxxviiij.	443.	Si vere utique iustitiam,	lvij.	292.
Quare tremuerunt gentes,	ij.	6.	Super flumina Babylonis,	cxxxvi.	736.
Quemadmodū desiderat ceruus,	xli.	219.	T e decet hymnus Deus,	lxiiiij.	323.
Qui confidunt in Domino,	cxxiiij.	696.	V enite exultemus Domino,	xciiij.	501.
Quid gloriaris in malitia,	li.	274.	V erba mea auribus percipe,	v.	24.
Qui habitat in adiutorio altiss.	xc.	431.	Voce mea ad Dominum, 1.	lxxvi.	408.
Qui regis Israel intende.	lxxix.	428.	Voce mea ad Dominum, 2.	cxli.	758.
S aepe expugnaverunt me,	cxxviiij.	709.	Vsq̃ue quo Domine obliuisceris,	xij.	70.
Saluum me fac Deus,	lviiij.	354.	Vt quid Domine repulisti,	lxxiiij.	393.

CANTICORVM INDEX.

A udite cali quā loquor,	pag. 822.	Domine audiui auditionem tuam,	812.
Benedicite omnia opera Domini,	791.	Ego dixi, in dimidio dierum,	793.
Benedictus Dominus Deus Israel,	835.	Exultauit cor meum in Domino,	802.
Cantemus Domino gloriose enim,	807.	Magnificat anima mea Dominum,	841.
Confitebor tibi Domine,	795.	Nunc dimittis seruum tuum Domine,	843.

Laus Deo. 15. Iulij. Anno Domini 1597.

005247 076

